



5-19



FD
138

21 - 6



THE UNIVERSITY OF TORONTO LIBRARY

IACOBI
RÆVARDI
BRVGENSIS
IVRISCONSULTI

egregij & Antecessoris
Duacani Opera

QVÆ REPERIRI POTVERVNT
omnia in Tomos II. digesta,

NUNC PRIMUM IN GALLIIS EXCVSA.

Cum Indice Rerum, Verborum & Authorum
locupletissimo.

D. D. Manuel de Fouar, y Pauera

IN VIRTUTE,



ET FORTUNA.

LVDVNI.

Sumptibus LVDOVICI PROST
Hæredis Rouille.

M. DC. XXIII.

Res. 1063
R52531


REV. A. R. D. 1800



AMPLISS. AC NOBILISSIMO D.D.

PETRO DE SEVE,
D. DE MONTELLIER,
Regis Confiliario, Præfidi integerrimo,
urbisque Lugdunensis mercatorum Præ-
posito vigilantissimo,

LVDOVICVS PROST *Hæres Rouille*
S. P. D.

 ORAM Prætoræ præstantissimo dictu-
rus semel fœcundus facundie Parens;
Prætor, inquit, qui apud te audent
dicere, sublimitatem ingenij tui
ignorant; qui non audent, humani-
tatem. Quo principio mihi videtur om-
nes vii posse (Præses æquissime, eruditissime) quibus ad
te dictio, scriptiove aliqua suscipitur: nam & eminenti doctri-
na tua nulla par inueniri potest oratio, & humanitas tua ne
infimorum quidem obseruantia & studij significationem res-
puit; ita ut magna ingenij tui dotes, & aurea tua virtutes,
quæ te ad sublimiores fori Lugdunensis dignitates, & emi-
nentiores eiusdem Urbis honores extulerunt, certent cum pari
humanitate: ego tamen humanitatis, & benignitatis tue
admiratione ductus sum sæpius, quàm fastigij ac splendo-
ris; perinde ut in ipsius præstantis æternæque nature boni-
tatem animo & cogitatione feruntur citius homines, quàm
in opes ac potestatem; priusq; olim Optimi à Romanis quàm
Maximi nomine affectus est Iupiter. Ita multi ad te scribunt,
aut dicunt quotidie, qui tametsi in sublimitatis tue splendo-

rem quasi in orbem solis intueri non audeant, clementia ta-
men tua & facilitate propè singulari alliciuntur, quorum ve
in numero quoque adhæreſcerem, factum est, ut cum de Pa-
trono mecum agerem, cuius potissimum nomini exquisitum
hoc IACOBI RÆVARDI percelebris Iurisconsulti
Opus esset nūcupandum, ac patrocínio committendum (Vir
amplissime) vnus præ omnibus visus sis, cuius nomen
tāquam potentissimum numen & securum præsidium im-
plorandum foret; essetque prænotandum utpote cuius semel
authoritate & commendatione comprobatum omnibus fo-
ret acceptissimum: quis enim melius de Operis præstantia
iudicare poterit quàm is, qui cum omnibus liberalibus di-
sciplinis, maxime iurisprudentia adoleuit, vitam posuit,
ac maximi iurisconsulti optimique iudicis nomen obtinuit?
Cuius quidem rei vnum aut alterum testem non proferam,
sed vniuersam Curiam Parisensem & totum forum Lugdu-
nense, in quo tantum æquitatis, doctrinæ & ingenij tui spe-
cimen dedisti, ut celebriores Consiliarij & aduocati in admi-
rationem simul & amorem virtutum tuarum traducti post
adeptam Præsidis dignitatem exultantes miris te extulerint
præconiis. In hoc autem antiquissime familie tue laudem
retulisti, amplificasti, ex qua fuerunt viri præstātes armis, do-
ctrina, amplissimis dignitatibus perfuncti; ex qua Regi à se-
cretis & in Parlamento Parisiensi Consiliarij; ex qua Lug-
duni multi Quæstores regij, multi Consules, multi nobilissimi
Ciues floruerunt & florent adhuc hodie, viuunt & æternum
viuent in bonorum ciuium Lugdunensium animis propter
varios in publica commoda susceptos labores, de quorum
virtutibus aliquid aliud adderem, nisi vererer inna-
tam eorum modestiam offendere. Hæc cum ita sint, quis
non iudicet me percommode agere, si te huius libri Patro-
num interpellem, qui in tui contemplationem tot simul ha-
biturus sit patronos & protectores: sed an velles annuere,
necne, non semel anceps apud me cogitavi. Tandem quemad-
modum

modum solet contingere iis liberis, qui extra nuptias nati
patrem ciere non audent, ne pudorem eius onerent; si ta-
men ea fini indole, iis moribus, ut non indigni suorum con-
ditione videantur, postmodum patrem inveniunt, qui ado-
ptionis iure aliquo eos in numerum liberorum aggregat, nec
naturales modo sed & legitimi aut certè ciuiles appellantur.

Quod, inquam, iis liberis accidit, idem prorsus de hoc libello
fore non temere autumo, qui in primis pubertatis sua annis
ita volitare coepit per manus hominum, & famam nescio
quam auctori suo & patrino futuro querere, ut iam uerato
excusus fuerit, & nunc denno venustus, suis omnibus nume-
ris absolutus & ad umbilicum perductus, in lucem sub tui
nominis splendore & auspiciis prodire gestiat, adoptionemque
speret: tandem ex communis fama calculis me eo pellexit ac
flexit ut eum tibi sisterem, adoptionemque tuam pro eo postu-
larem, quasi qui muniri tuo nomine prorsus indignum se non
indiceret, nisi eum fallat *φίλευσις*: si autem mea industria,
licet infinitis propemodum tuis meritis longè impar, quam
ad ornatum & decorem ipsius non segniter adhibui, tibi
grata fuerit, ut ab animo obseruantia & studiū humillimi
& addictissimi tui clientis in te profecta, animos
addes ad maiora tuo angusto
nomini offerenda.

Vale.

INDEX SCRIPTORVM

IACOBI RÆVARDI BRVGEN-

SIS IC. EGREGII ET ANTE-

cessoris Duacæni.

T O M V S I.

† Ad leges XII. Tabularum liber singularis, anno 1563.

* Ad titulum De diuersis Regulis Iuris antiqui Commentarius, anno 1568.

† Variorum, siue de iuris ambiguitatibus libri V. anno 1564.

T O M V S II.

* Tribonianus, siue De veris vsuacapionum differentiis aduersus Tribonianum, liber vnus, & ad legem Scribonianam, liber singularis, anno 1561.

† De præiudiciis libri II. anno 1565.

† Protribunalium liber singularis, anno 1565.

* De auctoritate prudentum liber singularis, anno 1566.

Hoc notata à Christophoro Plantino sunt
Antuerpiæ edita, reliqua † ab Huberto
Golizio Brugis.*

C A P I

*CAPITA HVIVS LIBRI
singularis.*

I. CAP.	D E legibus populi Romani.	fol. I
II.	De priuilegiis sublatiſ.	3
III.	De patria poteſtate.	4
IV.	De priſco patronatus iure.	5
V.	De in ius vocando.	12
VI.	De priſco iure vindictiarum.	20
VII.	De litis addictione.	26
VIII.	De nexis.	27
IX.	De vindictibus.	38
X.	De teſtibus.	40
XI.	De eiſ cui teſtimonium deſuit obuagulatione.	41
XII.	De tutelis.	43
XIII.	De curatoribus furioſi vel prodigi.	45
XIV.	De ſeruitutibus itineris, actus & viæ.	47
XV.	De ſumptibus funerum, & iure ſepulchrorum.	49
XVI.	De mancipationibus.	58
XVII.	De uſucapionibus.	69
XVIII.	De teſtamentis.	71
XIX.	De ſucceſſionibus ab inteſtato.	72
XX.	De connubio patrum.	76
XXI.	De diuortiis.	77
XXII.	De tigno iuncto.	84
XXIII.	De frugum excantationibus.	89
XXIV.	De damno dato.	90
XXV.	De iniuriis, & famoſis libellis.	91
XXVI.	De furtis.	94
XXVII.	De publicis iudiciis & capitalibus.	97
XXVIII.	Miſcellanea quædam.	100

INDEX

INDEX LEGVM QVÆ NOVO sensu in hoc libello declarantur.

<i>L.26.D. De legibus.</i>	<i>folio 2</i>
<i>L.4. de his qui sunt sui.</i>	4
<i>L.2. §. 2. si quis cant.</i>	13
<i>L. pen. Qui satisf. cog.</i>	19
<i>L.2. de leg. tut.</i>	44
<i>L.1. de seruit. rust. præd.</i>	47. 48
<i>L.2. §. 13. de orig. iur.</i>	26
<i>L.2. §. his legibus latis de orig. iur.</i>	68
<i>L.3. de usurpationibus.</i>	70
<i>L.6. Ad exhibendum.</i>	84
<i>L.98. in fin. de solut.</i>	<i>ibid. &</i> 86
<i>L.18. §. tignum de rei vind.</i>	<i>ibid.</i>
<i>L.7. §. cum in suo de acquir. rer. dom.</i>	85
<i>L.1. de tigno iuncto.</i>	<i>ibid.</i>
<i>L.2. de tigno iuncto.</i>	86
<i>L.5. de iniuriis.</i>	93
<i>L.3. Ad L. lul. pecul.</i>	110
<i>L.48. de verb. signific.</i>	15. 17. 18
<i>L.53. de verb. sign.</i>	45
<i>L.125. de verb. sign.</i>	61
<i>L.233. de verb. sign.</i>	14
<i>L.234. de verborum sign.</i>	98
<i>Ex Codice.</i>	
<i>L. vlt. C. de patr. potest.</i>	6
<i>L. vnic. de Athletis.</i>	57
<i>L. vnic. de nud. iure Quirit.</i>	63
<i>L.3. de suis & legit.</i>	74
<i>Ex Institut.</i>	
<i>§. Vendita. de rerum diuis.</i>	62
<i>§. Cum filius de hered. quæ ab intestato def.</i>	74



IACOBI RÆVARDI
IVRISCONSULTI AD
leges duodecim Tabularum
liber singularis.

CAPVT I.

De legibus populi Romani.

POPVLVS Romanus vt legem ferre, sic legem antiquare, & abrogare potuit. Antiquabat legem, quæ non perferebatur. Quo sensu antiquatam fuisse Tribuniciam rogationem de Veios commigrando, scripsit lib. quinto Liuius. Postquam enim Tribuni plebem assiduis concionibus agitassent, vt relictis Romanæ ciuitatis ruinis, in urbem paratam Veios transmigrarent, tandem antiquata, inquit Liuius, huiusmodi lege, vrbs edificari coepta est. Quæ autem semel perlata iterum tollebatur, lex illa abrogari dicebatur. Lex, inquit Vlpianus, aut rogatur, id est, fertur: aut abrogatur, id est, prior lex tollitur. Et huius quidem abrogationis ea fuit auctoritas, vt nouis legibus antiquæ abrogatæ cederent, quemadmodum Varro testatus est lib. 8. de lingua Latina. *An non, inquit, sæpe veteres leges abrogatæ nouis cedunt?* Cicero quoque ad Atticum libr. 3. auctor est, nunquam esse obseruatas sanctiones earum legum, quæ abrogarentur. *Nam si id esset, inquit, nulla fere abrogari posset: neque enim vlla lex est, quæ non se sepiat difficultate abrogationis.* Cæterum vnde ius illud ortum sit,

A sit,

fit, vt veteres leges abrogatæ nouis cedant, & nunquam obseruentur sanctiones earum legum, quæ abrogarentur, exposuit Liuius. Legis enim cuiusdam Decemuiralis libro septimo meminit, cuius hæc fuisse verba videntur. IVSSVS POPVLI, ET SVFRAGIA SVNTO. QVODCVNQVE POSTREMVM IVSSIT, ID IVS RATVMQVE ESTO. Ad quam legem visus est auctor ad Herennium libro secundo respexisse, quum eam defensionem tenuem esse contenderet, qua ostenditur id factum esse, quod ea lex sanciat, cui legi abrogatum, vel derogatum sit: id quod posteriori lege sancitum sit, esse neglectum. Nimirum quia illud demum ius, & ratum erat, vt aiunt Decemuires, quod postremum populus iusserat. Proinde si noua lege vetus esset abrogata sanctio, legi nouæ lex vetus omnino cedebat. Nec quidem in legum abrogationibus dūtaxat locum lex ista Decemuiralis habuit, verumetiam si cui legi derogatum, subrogatum, aut obrogatum esset. *Derogatur legi*, auctore in fragmentis Vlpiano, *cū prima legis pars tollitur*: vel vt Festus definit, *cū quid ex lege vetere quo minus fiat, sancitur noua lege*: Derogare ergo detrahere est. Subrogatur, cū aliquid primæ legi adiicitur: Obrogatur denique, quum mutatur aliquid ex prima lege. Ergo quodcunque populus abrogando, derogando, subrogando, & obrogando postremum iusserat, id ius ratumque erat. Quod autem Paulus contendit, *non esse nouum vt priores leges ad posteriores trahantur*, cap. 26. de legib. hoc ad legum abrogationes non pertinet, verū tunc locum habebat, si cui legi veteri aliqua sanctione noua derogatum, subrogatum, aut obrogatum esset: tunc enim lex vetus ex noua lege sic dependebat, vt hæc sine illa, & è contra, in usu esse, aut in iudiciis versari nulla ratione posset: id quod auctore ad Herennium demonstrauimus.

CAPVT II.

De priuilegiis sublatiis.

ALIO sensu Decemuii, alio item Iurisconsulti priuilegia sunt interpretati. Illi quidē omnes illas leges priuilegiōrū nomine complexi sunt, quæ in priuatos homines ferebantur: cū ē contrario legis ea vis semper esset, vt ad omnes pertineret. Iureconsulti verò ius illud singulare priuilegium appellarunt, quod manifesta & euidentis æquitatis ratio, contra vulgaris, iuris communis regulas, aliquando cogit indulgeri Decemuii nulla admittunt priuilegia: Iureconsulti ea requiri non dissimulant. Nec enim comitiis centuriatis aliqua irrogari priuilegia passi sunt Decemuii. Expresse enim pro domo sua testatus est apud Pontifices Cicero, vetare leges sacratas, vetare 12. tabulas, leges priuatis hominib. irrogari, id esse enim priuilegium, neminem vnquam tulisse: nihil esse crudelius, nihil perniciosius, nihil quod minus Romana ciuitas ferre possit. Idem Cicero huius legis verba libro 3. de legibus hunc in modum refert: PRIVILEGIA NE IRROGANTO. Et quia in iisdem tabulis huiusmodi caput sequitur: *De capite ciuis nisi per maximum comitiatum ne ferunto*. Inde quidam statim ratiocinati sunt, priuilegia per comitiatum maximum irrogari potuisse: quo nihil potest absurdius dici, præsertim cū eodem in loco Cicero leges hæc duas præclarissimas de duodecim tabulis trāslatas scribat, earumque alteram priuilegia tollere, alteram de capite ciuis rogari nisi maximo comitiatu, vetare. Nec quem moueat, quod in eodem de legibus lib. 3. dixerit expresse Cicero, ferri de singulis nisi cēturiatis comitiis, Decemuiros noluisse. Illud enim non ad priuilegia, sed ad

rogationem de capite Romani ciuis omnino pertinet. Vetant, inquit, priuilegia irrogari, hoc est, in priuatos homines leges ferri: vetant, inquit, de capite ciuis nisi per maximum comitiatum ferri, hoc est, de singulis. Igitur priuilegium omne secundum Decemuiros iniustum est, & improbum, & idcirco nec irrogandum: secundum Iureconsultos verò probum, iniustum, ac sæpe necessarium: qualia sunt, creditorum priuilegia, priuilegium fisci, & id genus alia.

C A P V T III.

De patria potestate.

STIPVLATIO quatenus conuentio est, iuris non ciuilis tantum, sed etiam gentium est: quatenus contractus iuris ciuilis est, non gentium. Testamentum quatenus suprema voluntas definitur, iuris gentium est, quàm ciuilis: quatenus verò iusta voluntas, iuris ciuilis est, non gentium. Sic quoq; patria potestas, iuris ciuilis, & gentium est, & est quoq; iuris ciuilis tantum. Est quidem iuris ciuilis, & gentium ratione potestatis, quia omnibus hoc gentibus innatum est, & ab iis obseruatur, vt filius in sui patris sit potestate, c. 2. de iust. & iur. Est verò iuris ciuilis tantum, quia ex iustis nuptiis, quas soli ciues Romani contrahunt, ea sic constat, vt iure ciuili plurima patri concessa sint, quæ gentium iure eidem non conceduntur. Ideoq; ius potestatis, quod soli ciues Romani liberos habent, ius dicitur proprium ciuium Romanorum, c. 3. de his qui sunt sui. §. 2. instit. de patr. potest. Neque enim peregrinus ciuem Romanum, nec ciuis Romanus peregrinum in potestate habere potest. Et idcirco si patri, vel filio aqua & igni interdictum esset, patria huiusmodi potestas tollebatur: siquidem is cui aqua & igni interdictum erat, peregrinus fiebat, auctore in fragmētis Vlpiano,

piano, tit. 10. Eoque respexisse omnino visus est libro decimo epistolarum Plinius ab Imperatore Traiano Chrysippo cuidam eiusque vxori ciuitatem postulans. *Rogo ergo, inquit, ut propinquis eius des ciuitatem Chrysippo Mithridatis, vxorique Chrysippi Stratonice Epigoni. Item liberis eiusdem Chrysippi, Epigono & Mithridati, ita ut sint in patris potestate, utque iis in liberos seruetur ius patronorum.* Illud autem ius potestatis, quod cum reliquis gentibus ciues Romani habent commune, ad ius non solum ciuile, sed etiam gentium referri debet. Idque inter ceteros apertè testatus est idem Plinius, de hereditatù vigesima differens in Panegyrico. *Tu quidem, inquit, Caesar illam exceptionem remouisti, si modò filius in patris potestate fuisset: intuitus opinor vim legemque nature, qua semper in ditione parentum esse liberos iussit.* Et hoc illud est, quod hunc in modù Cicero scribit. lib. 3. offic. *Maiores aliud ius gentium, aliud ciuile esse voluerunt: quod enim ciuile, non idè continuo gentiū: quod autè gentiū, id ciuile debet esse.* Ius autè potestatis, quod proprium ciuiū Romanorum dicitur, inde ab ipso Romanæ ciuitatis exordio trahit originem. Temporibus siquidem Romuli, omnis etiam necis in filium patri iure ciuili auctoritas indulgebatur: maiorque concessa patri filium potestas fuit, quam domino in seruum. Seruus enim venditus, deinde libertatem adeptus, sui iuris fiebat. Filius verò à patre venditus, si liber fieret, rursus in patris potestatem redigebatur, & post tertiam demum venditionem eximebatur è potestate, ut auctor est Dionysius lib. secundo. Proinde si quid commisisset filius, quod castigationem, aut etiam seueriorem aliquam requireret animaduersionem, castigandi, & in filium animaduertendi, omnem patri permisit Romulus potestatem: adeò ut occidere, vendere, in exilium mittere, aliisque suppliciis filium pro arbitrato affice-

re pater sine fraude potuerit. Nec quidem videri potest Romulus tyrannidem, aut carnificinam aliquam parentū iure iniustam tollerasse, ut imperitis quibusdam persuasum esse intelligo, verū scelera filiorū iustis parentum decretis vindicari voluisse. Hæc cum ita sint, videamus quo sensu accipi debeat, quod c. ult. C. de pat. potest. hunc in modum Constātinus scribit: *Libertati à maioribus tantum impensum est, ut patrib. quibus ius vita in liberos, necisque potestas olim erat permessa, libertatem eripere non liceret.* Nonne qui filium vendit, libertatem eripit? Si pater, qui filium vendit, eriperet libertatem filio, utique filius manumissus non ingenuus, sed ut reliqui serui libertinus efficeretur. *Libertatem autem pro ingenuitate accipi, non est nouum.* cap. 40. de lib. causa. c. 2 1. de stat. hom. Permiserunt itaque maiores à patribus filios vendi, & in seruitutem redigi, salua tamen libertatis, hoc est, (ut interpretari videtur Iulius Paul. lib. 5. sent. tit. 1. in princ.) ingenuitatis prærogatiua, sic ut manumissi inter ingenuos censeantur, non autem inter libertinos. Sed an postliminium habeant? Postliminium habere filium à patre venditum, negat apertè Cicero de Orat. libro 1. *Memoria enim proditum esse, ait, quem pater suus, aut populus vendidisset, aut pater patratus dedidisset, ei nullum esse postliminium.* Cæterum an ius istud potestatis scripta lege proditum sit, an verò sine lege dubitat Dionysius. Nobis aliquando placebat expressa quadam Romuli constitutione illud fuisse introductum: sed in contrarium me vocat Vlpiani sententia; qui ius istud potestatis moribus receptum fuisse arbitratus est cap. 8. de stat. homin. Scribit etiam Pomponius, in initio Romanæ ciuitatis populum sine certa lege, sine iure certo primum agere instituisse, cap. 2. in princ. de orig. iur. Proinde huiusmodi iure incerto ius patriæ potestatis

potestatis fuisse receptum, quam per certam aliquam legem Regiam est verisimilius. An autem ius istud potestatis ante exactos Reges in usu Romæ defuerit esse, videamus. Numa Pompilius omne ius vendendi filios, connubio parentum consensu iunctos, parentibus, si Dionysio credimus, expressa lege ademit. Nec quidem ius vendendi huiusmodi filios duntaxat, sed etiam omne ius necis, & seuerioris in filios animaduersionis Numam ademisse parentibus omnino mihi persuaderem, nisi expressè scripsisset Liuius, cum de prouocatione Horatij, qui propriam sororem interemerat, ad populum certabatur, motos tunc fuisse homines in eo iudicio, maximè P. Horatio patre proclamante, se filiam iure causam iudicare, seque ni ita esset, patrio iure in filium animaduersurum fuisse. Unde statim conieci, ius in filios animaduertendi necdum Tullij Hostilij, qui tunc regnabat, tēporib. ademptum, parentibus fuisse. Porro non multò post Hostilium Seruius Tullius Tarquinij successor, legem tulit, qua filium parentes verberantem Diuis parentum sacrum esse voluit. Et quia huiusmodi facinus iure potestatis patriæ à parētibus vindicari Seruius non permisit, si non parentibus omne in filios animaduertendi ius eo tempore ademptum fuisse videatur, saltem patriæ potestatis iure saluo, tantæ impietatis auctores filios sic Rex voluit puniri, vt à quouis impunè possent occidi. Verba legis hæc sunt: SI PVER PARENTEM VERBERARIT, AST OLLE PLORASSIT PARENTES, PVER DIVIS PARENTVM SACER ESTO. auctore Festo lib. 14. Quæ lex etiam Virgilio nota fuit: ait enim libro sexto, apud inferos puniri quibus

Pulsatúsve parens, aut frans innexa clienti.

Scribit idem Festus (vt hanc legem obiter explicamus) plorassit parentes, idem esse quod clamarit. Sed

quia qui proquiritant, qui iubilant etiam clamant, videamus quid inter proquiritare, iubilare, & parentes plorare intersit. Varro scribit libro quinto, de lingua Latina qui fidem Quiritium clamans implorat eum dici proquiritare: & ut quiritare urbanorum, sic iubilare rusticorum esse. Simili modo qui parens parentum implorabat auxilium, parentes plorare dicebatur. Solebat autem is cui vis aliqua fiebat, si quidem ruri ageret, iubilare: sin verò in Romana ciuitate, & ciuis esset, proquiritare. Vnde illud Terentij in Adelph.

*Obsecro populares ferte misero atque innocenti auxilium,
Subuenite inopi.*

In quem locum Donatus, & hoc est, inquit, quod veteres quiritare dicebant, Quirites conclamare.

Quo spectat etiam Plauti illud in Curcul.

— Ergo ambula in ius, hem tibi.

C N. O cines, cines. M I. Quid clamas?

Si deniq; parens esset qui à filio vim pateretur, parens parentes plorabat, hoc est, conclamabat, & Diuis parentum sacer erat filius, hoc est, eius facinus conclamatis parentibus Diuis parentum sic deuouebatur, ut filius à quouis sine fraude posset occidi, & qui eum occidisset, parricidij non damnaretur. Quia quidem lege Regia vsi nō sunt Romani perpetuo. Scribit enim Vlpianus, Si filius matrem, aut patrem, quos venerari oportet, contumeliis affecisset, aut impias manus eis intulisset, præfectum urbis delictum ad publicam pietatem pertinens, pro modo eius vindicasse. cap. i. de obseq. parent. & patron. præst. Potestatis itaque patriæ ius, quo impunè filios vendere & occidere parentibus omnino erat liberum, ante exactos Reges, nisi me vehementer coniectura fallit, in vsu esse desiit. Quamuis interim inficiari non possim, Decemuiros in quartam suarum legum tabulam

tabulam eum quoque morem retulisse, quo *non nisi post tertiam venditionem patris potestate filios liberari erat receptum*, idque Dionysium scripsisse libro secundo. Verum eam fuisse Decemviorum intentionem, ut veterem & incertam illam vendendi filios consuetudinem quæ Romuli temporibus in usu erat, noua lege confirmare voluerint, mihi nequaquam persua-
deo. Dicam itaque quod sentio liberè. Romuli temporibus post tertiam demum venditionem filius potestate patria liberabatur, & sui iuris fiebat. Voluerunt quoque Decemuires, post tertiam demum venditionem filios sui iuris fieri. Sed diuersa ratione. Romulus per venditiones tres veras tres venditiones intellexit. Decemuires verò ne ius antiquum penitus immutatū cum magistratu videretur, aliqua non legum dūtaxat, sed & morum veterum superesse vestigia voluerunt. Ideoque tres illas venditiones, sine quibus è patris potestate filius more maiorū non eximebatur, in suas tabulas retulerunt. Itaque filius ter mancipatus, ter manumissus, & more maiorū, & lege Decemuirali sui iuris olim fiebat. More maiorum quidem, si ter verè mancipatus, ter verè manumissus fuisset: lege verò Decemuirali fiebat sui iuris filius familias emancipatione, hoc est, tribus imaginariis mancipationibus & manumissionibus. *Liberi*, inquit Vlpianus in fragmentis, tit. 10. *parentum potestate liberantur emancipatione, id est, si postea quam emancipati fuerint, manumissi sint.* Per emancipationem autem, imaginariam apud Vlpianum intelligi, non aliquam veram venditionem, Caius in suis institutionibus demonstrat lib. 1. tit. 6. *Emācipatio*, inquit Caius, *hoc est, manus traditio, quedam similitudo venditionis est.* Et ad huiusmodi emancipationem legem hanc Decemviralem pertinuisse, expressè restatus est idem Vlpianus eod. tit. 10. Cum enim di-

xisset, filios patria potestate emancipatione liberari, subiecit: *Sed filius quidem ter mancipatus, ter manumissus, sui iuris fit. Id enim lex 12. tab. iubet his verbis: SI PATER FILIVM TER VENVDAVIT, FILIVS A PATRE LIBER ESTO.* Nec verò dubitabit, quin hæc interpretatio nostra verissima sit, qui satis emancipationum solemnia apud Caium diligenter excusserit.

CAPVT IV.

De prisco patronatus iure.

SCRIBIT lib. II. Dionysius Romulum patriciis plebeios commendasse, optione cuique è vulgo data quem vellet patronū eligendi, more ab Atheniensibus repetito: & eam pauperū tutelam patronatum appellatam fuisse: iusque patronatus officiis tū inde apud Romanos durātibz huiusmodi constituisse: nimirū vt patroni clientibus de iure respōderent, cuius illi rudes erant, & ignari: absentium æquē atque præsentiū curā gererent: adessent in iudiciis, omnemque accusatoris impetum sustinerent. Iuxta Plauti illud in Menec.

Iuris ubi dicitur dies, simul

Patronis dicitur: quippe qui pro illis

Loquantur, malè quæ fecerint: aut ad

Populum, aut in iure, aut apud iudicem res est.

Sic me hodie nimis sollicitum cliens

Quidam habuit: neque quod volui agere quicquam

Licetum est: ita me attinuit, ita me detinuit.

Apud Ædiles pro eius factis plurimis,

Pessimisque dixi causam.

Cientes autem patronis, qui tenuioris erant fortunæ, quam vt filias honestè commodèque possent elocare, in elocandis filiabus opitulabantur, eosque eorumque filios ab hostibus interceptos, sumptu proprio

prio redimebāt. Et fuit certè ius istud patronatus tantæ apud veteres auctoritatis, vt contenderit expresse M. Cato, *patrem primum, deinde patronum proximum nomen habuisse* auctore Gellio l. 5. c. 13. Proinde non est dubium, quin seuerè in patronos fraudulètos Romani animaduèrerint. Sanè Dionysius auctor est, clientè aduersus patronum, aut patronum aduersus clientem dicere testimonium non potuisse; nec alterum ab altero accusari, aut inter inimicos numerari: qui quid horum fecisset, teneri eum Romuli lege de proditoribus, eumque vt Diti sacrū, interficere cuilibet liberū fuisse. Atq; huius quidē prisci iuris Decemuii etiā nostri aliquā in suis tabulis memoriā superesse voluerūt. Ideoq; ius istud patronatus à Romulo vti introductū fuit, ita in suas quoq; tabulas transtulerūt, his verbis:

PATRONVS SI CLIENTI FRAVDEM FAXIT SACER ESTO: quemadmodū Seruius Honoratus; & post eū Iulius Sabinus exponentes illud Virgilij, *Et fraus innexa clienti*, adnotarunt. Refert idē Sabinus, per fraudē in hac lege prauaricationes Urbanū intellexisse, quod mihi ad omnem fraudē, dolūque malum potius referendum videtur. Voluerunt itaque Decemuii, patronum qui clientē fraudassèt, sacrum esse. Morem Romanis fuisse ait Dionysius, vt quos vellēt impunè occidi, eorum corpora deuouerēt Deo cuipiā, præcipuèque Diis inferis. Eumq; morē obseruasse Romulum in fraudibus patronorum, clientumque vindicandis, idē expresse addidit Dionysius. Quo sensu hominē sacrum accepisse in hac lege Decemuiros dubium non est: quamuis *hominem sacrum Festus cum definierit, quem populus indicauit ob maleficium, neque fas est eum immolari, sed qui occidit, parricidij non damnatur. Quæ quidem Festi definitio alio referri debet.* Et certè Liuius lib. 3. L. Valerio & M. Horatio

Consue

Consulibus, sancitam, ait, nouam fuisse legem, ne quis ullum magistratum sine prouocatione crearet: qui creasset, eum ius fasque esse occidi, nec eam eadem capitalis noxe haberi. Ad quam legem Festi definitio non incommodè trahi posse videtur.

CAPVT V.

De in ius vocando.

QVI ius suum volebant persequi, in ius aduersarium vocabant; quem sequi nolentem attestationis medio ducebant, & reluctantem omnino trahabant, sique opus esset, rapiebant. Plaut. in Pen.

Sed quid ego dubito fugere hinc in malam crucem,

Priusquam obtorto collo ad Pratorem trahor?

Erat enim lege sancitum Decemuirali, in ius vocati ut irent. Auctor ad Herennium, lege ius est, inquit, ut in ius eas cum voceris. Cicero l. 3. de legibus: A pueris, Quinte, didicimus, SI IN IUS VOCET, ATQUE EAT, & huiusmodi alias leges nominare. Si autem in ius vocatus vitio, morbove, id est, neque febriculoso, neque graui nimium, sed vitio quodam imbecillitatis, atque inualentiae ire in ius non poterat, ei iumentum, hoc est, vectabulum (ut Cæcilius apud Gellium lib. 20. interpretatur:) quod iunctis pecoribus trahabatur, dari voluerunt Decemuiri. Eique haud aliter in ius sequi, quam strata, qua nimis agri portari solebāt, arceram, recusanti, arceram sterni expressa lege prohibuerunt, quam legem hunc in modum apud Gellium esse restituendam existimaui: SI MORBUS ÆVITASVE VITIVM ESIT, QUI IN IUS VOCASSIT, IVMENTVM DATO: SI VOLET ARGERAM, NE STERNITO. In libris enim impressis mendosè legitur: Si nolet, arceram ne sternito. pro, Si volet arceram, ne sternito. Item esset, pro esit. Decemuiri itaque

itaque postulanti arceram reo sterni vetuerunt: non quod eam sternere si actor voluisset prohiberetur, verum quod eam reo sine arcera in ius sequi recusanti, inuitus actor sternere non cogeretur. Ea siquidē est (prout illam Sextus Cæcilius interpretatur) Decemuirorum sententia, vt in ius vocato pauperrimo homini, vel inopi, qui aut pedib. fortē ager esset, aut quo alio casu ingredi nequiret, plaustū daretur: ne causatio agri corporis perpetuam daret fidem detrectantibus, iurisque actiones declinantibus, vacationem. Nec quidem si *morbus fonticus*, quem vehementiorem vimque grauius nocendi continentem interpretatur idem Cæcilius, reum inuasisset, arceram sterni permiserunt Decemuires, sed *iudicij diem diffisum esse voluerunt*, cap. 11. §. 1. Si quis cautio. Decemuires eum diem diffindi dicebant, qui differebatur. Nec dubium est, quin hanc legem de diffindēdo die à Numa Rege desumpserint. Nam certa quædam vitia enumerasse visus est Numa, quibus si iudex, vel altervter ex litigatoribus impeditus esset, dies iudicij diffinderetur. Eiusque legis particulam, quæ apud Festum lib. 16. mendosissima exstat, omnino mihi persuasit Iacobus Cuiacius acutissimus interpres, sic esse restituendam: *SI QUID HORVM FVIT VITIVM IVDICI, ARBITROVE, REOVE, DIES DIFFISVS ESTO.* In exemplarib. impressis pro *Diffisus*, legitur *Diffensus*, erroris non admodū obscura origine, siquidem veteres ita scribere solebant, *disseisus*, pro *diffisus*: quod cum non perciperent imperiti librarij, *disseisus* loco, *diffensus* posuerunt. Dies autem ita diffindi solet ex lege duodecim tabularum, vt si morbo fontico actor, vel reus impeditus esset, morbū in iure allegari per amicum curaret: tunc Prætor excusatione cognita, quia Decemuires ob morbum fonticum volebant diem iudicij

dicij diffisum esse, in diffindendo die hac formula utebatur: HIC DIES DIFFISVS ESTO. vt auctor est Acron in Horatium. Ergo vocatus in ius, ni morbo esset opus iumento, ni ve morbo fontico dies iudicij diffisus esset, statim in ius sequi actorem cogeatur: eique non sequenti præsentibus antestatis actor iudicium denunciabat. Antestatos autem inde appellatos putauit Porphyrio, quod ante superstitēs, siue testes deberent aduocari, & in testimonium adhiberi, quam actor reum manu posset præhendere. Et id quidem expressa Decemuirali lege fuisse cautum, idem addidit: quam ego sic restituo: SI VIS VOCATIONI FVAT, TESTAMINI: IGITVR EM CAPITO ANTESTARI. Veteres autem *fuat* dixisse pro *fiat*, expressè testatur Nonius Marcellus, & in Virgilium Iulius Sabinus. *em* quoque pro *eum* antiquos posuisse, auctor est Festus. Itaque si actor aduersarium vocaret in ius, & is vi resisteret, (vt ita vis fieret vocationi) voluerūt Decemuires actorem testari, hoc est, testes aliquot aduocare. *Igitur em capito*, id est, tunc cum capito, siue eum manu præhendit: *antestari*, hoc est, attestando, siue Græcorum more, τὸ μαρτυρῆσαι. Sic enim antestari Græcè dici ex ædis Beati Germani Parisiensis Lexico primus observuit Barnabas Brissionius. Vt ita ne ex lege quidem 12. tabularum reus manu præhendi sine antestatione potuerit. Nec verò satis erat Decemuiris manibus antestationis medio reos præhendi, verum si caluerentur, si pedem struerent, hoc est, si frustrarentur, vix pedem pedi præferrent, fugerent, ociosè irent, remorarentur (vt Festus in verbo *Struit*, & Caius c. 233. de verb. sign. interpretantur,) manus in reos iniici, hoc est (vt mihi quidē videtur) manibus reos trahi, & rapi in ius permiserunt Decemuires his verbis: SI CALVITVR, PEDEM VE STRVIT, MANVM ENDO IACITO. vt auctor est

idem

idē Festus. Antestationes autē sic fieri solebāt: Auriculā actor vnus ex superstitionibus attingens, sic eū interrogabat, *Licet antestari?* Si ille responderet, *Licet*, manus in aduersariū iniiciebantur, perque manus iniectionē ducebatur, trahebatur, sique opus esset, ad Prætorem oborto loco rapiebatur. Horatius lib. i. serm. sat. 9.

— *Casu venit obuius illi*

Aduersarius: & quo tu turpissime? magna

Exclamat voce, & licet antestari? ego verò

Oppono auriculam: rapit in ius, clamor utrimque,

Vndique concursus.

Vnde satis perspicuum est; medio antestationis, in aduersarios manus sic olim actores inieciſſe, vt eos reluctantes, pedēue struentes, vi ad Prætorē raperent. Hic illius facienda mentio antiqui lapilli est, quē cū tuus Marce generosissime, germanus frater Guidō Laurinus mihi nuper exhibuiſſet, statim ea quæ de antestatione coniecturis aliquot verisimilibus confirmaram, esse verissima deprehendi. Erat enim insculpta lapillo manus atterēs auriculā, cū hac inscriptione MNHMONETE, quod idē est cūm memor esto. Eoque referendum esse illud Virgilij in Bucol. *Cynthia aurem vellit,* & admonuit vir clarissimus, eruditionisque tibi, & afinitatis nomine charissimus, Iacobus Sufius nuper dū hæc legeret, rectē animaduertit. Et sic quidē aliud nihil in effectu significare videtur antestari, quā testibus vtī, vel, vt Plautus ait, testes facere, quādo actor in reum manus iniicere volebat. Plaut. in Curcul.

Ne facias testes, neque equidem tibi debeo quicquam.

Quin & Caius cū de illis ageret, qui neque se quuntur, neque ducuntur, in reum manus iniici soler e reum manibus teneri scribens, indicare visus est: *Solutum inquit, non intelligimus eum, qui licet vinculis liberatus sit, manibus tamen tenetur.* cap. 48. de verborum significat.

Quod

Quod si antestatus non esset actor, & manum iniecisset, *iniuriarum*, ut existimat Acron, reus constitui poterat. Hinc illud Plauti in *Curcul.*

Hocce pacto indemnatum, atque intestatum me arripi?
Nec immerito. qui enim non reluctantem trahit, aut rapit, vim inferre videtur. Proinde ne sine iusta causa sic in aduersarios sæuirent actores, lege constitutum reor Decemuirali, ut qui sine antestatione in reum manus iniecisset, *iniuriarum* posset conueniri. Nec verò huius antestationis solemnitas in tantum ab aliorum testimoniorum iure discedebat, quin ut à testimoniis reliquis, sic ab antestatione serui repellentur. Plautus in *Curcul.*

——— *Seruon' antestari? p. H. Vide.*

c. *Hem, ut scias me liberum esse.*

Porro ut quis in ius raperetur, non semper opus antestatione fuit: nam si reus improbus esset, & intestabilis, ut sunt lenones fures, & id genus alij, sine antestatione ad Prætorem rapiebatur: id quod doctissimus Præceptor meus Hopperus in eruditissimo suo de iuris arte libro tertio adnotauit. Vtilius siquidē erat, plagiarios, & fures priuata manu ciuiumque concursu ad Prætorem sine antestatione rapi, quam sub prætextu securitatis tranquillitatisque publicæ, tergiuerfatione rapinis, plagijs aut furtis indulgere. Quod cū ita sit, mirum nemini profectò videri debet, in improbos: huiusmodi homines manus etiam sine antestatione iniici consueuisse. Sic Lyconidem adolescentem aulae quadrilibris furem suspicans Euclio, in ius rapere visus est voluisse apud Plautum in *Aulularia*.

Nij i referes. L. Quid tibi ego referam? E. quod surripuisti meum.

Ian i equidem ad Prætorem hercle te rapiam, & tibi scribam dicam.

Nam

Nam quod nullam hîc superstitem optauerit præsenti-
tiam Euclio, quod nullum viatoris implorauerit auxi-
lium, hinc potest probabiliter argui, communi iure in
eum quem furem esse non dubitabat adolescentem
manus iniicere Euclionem potuisse. Similiter in Per-
sa, cum in Dorpalum lenonem manus iniiceret Satu-
rio parasitus, interrogatus à lenone an te testaretur,
respondit:

——— *Tuane ego causa carnifex*

Cuiquam mortali libero aures atteram,

Qui hic commercaris ciues homines liberos?

Rursus in Rudente, cum Labrax leno à Pleusidippo
in ius vocaretur, sic eum interrogabat Pleusidippus:

Rapier hinc obtorto collo manus, an trahi?

Virumuis opta dum licet.

Cùmque se neutrum velle leno respondiisset, subiecit
statim Pleusidippus:

Abi sane ad littus curriculo Trachalio,

Iube illos in urbem ire obuiam ad portum mihi,

Quos mecum duxi, qui hunc ad carnificem trahant.

Ego hunc scelestum in ius rapiam exulem.

Age ambula in ius. I. quid ego deliqui?

Et paulò post:

Obsecro subueni mi Charmides,

Rapior obtorto collo. CH. quis me nominat?

L. Viden' me ut rapior? CH. video & inspecto libens.

L. Non subuenire mihi audes? CH. quis homo te rapit?

L. Adolescens Pleusidippus.

Ceterùm si honestior esset persona, quam ut eam
rapi conueniret, (erant enim qui in ius vocari, duci
aut rapi ne medio quidem antestationis poterant, ut
ex epigraphe cap. 48. de verb. sign. colligimus) diem
ei dicebat, eamque promissa pœna, quam multam
Plautus appellat, datisue, ni prœdia possideret, vadi-

bus, vel pignore, dimittebat. Plautus in Capt.

His diem dicam, irrogabo multam.

Nam quod lege cautum fuisse diximus, in ius vocati ut irent, Prætor illud edicto sic est interpretatus: *In ius vocati ut eant, aut satis, vel cautum dent.* Quod enim certos Prætor sessionum haberet dies, quibus postulationibus, quibus etiam cognitionibus eum vacasse, lib. 1. Variorum demonstrabimus: manus in aduersarium iniiciendi oportunitate actores fraudari diutius Prætori iniquum videbatur. Proinde concessit agere volentibus *aduersarios suos vadari*, hoc est, sic in ius vocare, ut ni pœnam stipulantibus actoribus promitterent, aut satis vel cautum aliquo modo darent prædiave possiderent, manus iniectionem paterentur, & medio antestationis vel ad Prætozem, si is postulationib. operam daret, ducerentur: vel si aliis negociis occupatus esset Prætor, in carcere proxima postulationum die in iure sistendi causa adseruarentur. Plautus in Persæ.

——— *Vadatur hic me. p. utinam vades*

Desint, in carcere ut sis.

Quod etiam de his qui neque sequuntur, neque ducuntur, Caius adnotasse visus est, cap. 48. de verb. sig. *Ac ne eum, inquit, intelligimus solutum, qui in publico sine vinculis seruatur.* Per publicum enim carcerem siue custodiam intelligi, illud Plauti in Amph. liquido demonstrat.

——— *Ita*

Peregrè adueniens, hospitio publicitus accipiar.

Vades autem dicti sunt, qui pro altero vadimonium promittebant: dictosque putat Acron, quod qui eos *derat, vadendi haberet potestatem.* Et quamvis putauerit Festus, vades sponsores significare datos in re capitali, nihilominus tam in ciuilibus, quàm in capitalibus causis vades dari, vadimoniumque promitti solere,

ex sola quam Cicero pro P. Quintio scripsit oratione, satis probari potest. Promittitur autem vadimonium, cum aliquis formula præscripta certo tempore se spondet præsentibus antestatis in ius venturum. Nec aliter exigi vades potuisse existimo, quam si de reo sibi non satis confideret actor, cum non ignorans rebus incæptis non satis idoneum. Tunc enim consuetudinē fuisse scribit Varro, ut reus pro se alterū constitueret. Quasi è contrario, si reus incæptis rebus satis esset idoneus, vades peti non debuerint. Hinc factum deindè suspicor, ut apud Macrum possessores rerum immobilium satisfacere non debuerint, cap. penult. Qui satisfd. cog. Et cum Vlpianus *duplicem esse in iudicio sistendi cautionem scriberet, unam nudam, satisfdato alteram: si domum reuocandi beneficio gauderet reus, nuda cautione promitti vadimonium addidit.* Ut sic non solum possessores rerum immobilium, aliique rebus incæptis, satis idonei, à satisfdatione liberarentur, verum etiam qui domum reuocandi ius habebant. Si itaque reus non satis locuples actori videretur, nec domum reuocandi, aut aliud aliquod habere priuilegium, sic cum actor vadari solet, ut si nulla idonea interueniret satisfdatio, manus ab iniectione non abstineret. Ideoque vades, vel pignus dare vadatus debebat. Vades reum sistere certò die promittebant. De pignore autem addidi, quod *ut reis, sic etiam pignoribus idoneè cauere* Vlpianus responderit, cap. 1. §. 7. de colat. *Quomodo satisfdato, aut pignoribus datis idoneè cauere, & si fides sine satisfdatione habita fuerit promittendi, idoneè cautum videri,* respondit idem Vlpianus, capit. 4. §. 6. de fideicomm. libertat. Hanc enim veram esse cautionum, quæ iudicio sistendi caussa in usu erant, distinctionem, satis indicat titulus octauus libri secundi Pandectarum. Et hæc quidem omnia sic olim

locum habebant, si Romanum ciuem ciuis Romanus in ius vocasset. Caterum si cum hoste manus esset conferenda, nec trahi, nec rapi peregrinum in ius passi sunt Decemviri, sed diem duntaxat condici. *Hostis*, inquit Cicero libro primo officior. *apud maiores nostros is dicebatur, quem nunc peregrinum dicimus:* indicant duodecim tabulæ, AVT. STATVS DIES CVM HOSTE. Et hæc hæctenus de in ius vocando.

CAPVT VI.

De prisco iure vindiciarum.

INITIO ciuitatis Romanæ hæc fuisse priuatorum iudiciorum ratio videtur, vt qui rem suam veller persequi, manum cum aduersario confereret. Nam de qua re disceptabatur, siue ager, siue quid aliud esset, solet eam actor cum aduersario manu præhendere, & in ea re omnibus verbis vindicare: quæ vindicatio, vindicia dicebatur, eaque vindicia correptione manus in re, atque in loco præsentis, auctore Prætore ex 12. tabulis, fiebat, in quibus ita scriptum est: *SI QV EX IVRE MANVM CONSERVNT.* auctore Gellio, lib. 20. cap. 9. Cum enim angustiorib. quàm quibus Italia circumscribitur, Romanum imperium finibus concludebatur, tunc qui iurisdictioni præerant vnà cum litigatorib. ex iure in fundum controuersum dicendarum vindiciarum causâ, proficiscebantur: ibique manuum facta consertione, quem suum esse fundum actor contendebat, eundem contra vindicabat reus: eamque vim quæ per huiusmodi manus correptionem fiebat, ciuilem, & festucariam verbo dictam, non manu factam fuisse, idem Gellius expressè testatus est. Caterum postea quàm prætores, propa-

gatis Italiæ, orbisque Romani finibus, datis iurisdictionibus

ctionibus, negotiisque occupati, ex iure proficisci dicendarum vindiciarum causa, in res longinquas gra-
 uabantur, institutum est contra 12. tabulas, tacito
 populi consensu, ut litigantes non ex iure apud Præ-
 torem manus confererent, hoc est, non vnà cum
 Pratore manus conferendæ gratia ex iure, siue loco
 illo in quo ius redditur, in locum controuersum pro-
 ficiscerentur: sed ex iure manu consertum vocarent,
 id est, alter alterum ex iure ad conferendam manum
 in rem de qua ageretur, vocaret: & simul in agrum
 (si de eo fortè controuersia esset) profecti, terræ ali-
 quid ex eo, uti vnā glebam, in urbem in ius ad
 Prætores deferrent, atque in ea gleba tanquam in
 toto agro vindicarent. Quomodo autem huiusmo-
 di manus consertio fieri soleat, litteræ antiquiores
 non declarant. Nec quidem perpetuò in fundum pro-
 fecti sunt litigantes, indeque glebam in ius detule-
 runt. Fuit enim tandem à Iureconsultis noua, & so-
 lennis quædam manus conferendæ ratio excogitata,
 quæ certis concepta verbis, & suam actori, & reo
 item suum, nec non suum quoque Prætori carmen
 præscribebat. Itaque quemadmodum Prætores ne-
 gotiis variis occupati, tandem dicendarum vindicia-
 rum causa proficisci grauabantur, sic litigantes etiam
 manus conferendæ gratia tandem in agros proficisci,
 indeque glebas in ius deferre omninò desierunt. Ne
 tamen nouis aliquibus institutis omnis præsci iudi-
 ciorum ordinis solennitas aboleretur, visum fuit Pon-
 tificibus, qui iuri ciuili, & legis actionibus præe-
 rant, aliquam perfectionem imaginariam, in veræ
 profectionis locum surrogare, qua litigantes certam
 inire viam, eamque redire docerent. Quo tempore
 hæc iudiciorum ratio in ysu fuisse videtur, quantum
 ex Cicerone pro Murena colligimus, ut actor cum in

ius vocasset aduersarium, hac in iure formula uteretur: FVNDVS QVI EST IN AGRO QVI SABINVS VOCATVR, EGO EVM EX IVRE MEVM ESSE AIO: INDE EGO TE EX IVRE MANV CONSERTVM VOCO. Citatus deinde reus vsus est hac formula: VNDE TV ME EX IVRE MANV CONSERTVM VOCASTI, INDE EGO TE REVOCO. Tum Prætor: VTRISQVE SVPERSTITIBVS PRÆSENTIBVS, ISTAM VIAM DICO: INITE VIAM. Præstò aderat sapiens qui viam inire doceret: REDITE VIAM. eodem duce redibant. Hæc iam tum etiam in vsu esse desierunt, cùm Prætor additis exceptionibus & replicationibus ius in litis verba componebat. Tunc enim cuilibet ita vt sibi videretur, edere actionem liberum, siue per libellum, siue per solam denunciationem: satisque erat hac vti formula in fundi vindicatione: *Fundum Tusculanum ex iure Quiritium meum esse aio.* Et quamuis hæc ita tam variè fuerint in iudiciis olim vsurpata, vnà tamen eademque perpetuò obseruabatur litis vindiciarum ratio, qua res tamdiu vindicabatur, donec alterutrius ex litigatoribus *sacramentum iustum esset pronunciatum.* Veteres siquidem & vindiciis, & sacramentis olim contendisse, vnico Ciceronis testimonio confirmari potest pro Milone. *Eum,* inquit, *deniquè cui iam nulla lex erat, nullum civile ius, nulli possessionum termini, qui non calumnia litium, non iniustis vindiciis, ac sacramentis alienos fundos, sed castris, exercitu, signis inferendis petebat.* Nec id etiam ignorasse visus est Arnobius, aduersus gentes lib. 4. dum ita scribit: *Quis quesitor, quis arbiter ceruicibus tantis erit, qui inter personas huiusmodi aut vindicias iustas dare, aut sacramenta conetur pronunciare non iusta?* Vindiciis quidem res petebatur, quoties incertum erat,

vter litigantium lite proprietatis pendente, rei contro-
 uersæ futurus esset possessor: sacramentis verò de
 ipsa re principaliter, hoc est, de rei proprietate con-
 tendebatur. Et idcirco fieri potuit, vt solo sacramen-
 to, nulla vindiciarum mota quæstione, de contro-
 uersis rebus disceptaretur. Idque diligenter adnota-
 se, ac acutè animaduertisse Asconius mihi visus est, li-
 tem vindiciarum hunc in modum definiens: *Lis vin-*
diciarum est, cum litigatur de ea re apud Prætorem, cuius
incertum est quis debeat esse possessor: & ideo, inquit, is qui
rem tenet, satisfdat pro præde litis vindiciarum aduersario
suo, quo illi satisfaciatur, nihil se deterius in possessione factu-
rum, de qua iurgium est: rursus cautione præstita, sponsione
pronocatur ab aduersario, certæ pecuniæ, aut estimationis,
quam amittat ni sua sit hereditas, de qua contenditur. Cæ-
terùm si nulla possessionis fieret controuersia, solis sa-
cramentis, nulla vindiciarum quæstione mota sic
 contendebatur, vt is interim penes quem rei contro-
 uersæ possessio esset, idoneè satisfdaret, auctore Paulo,
 libro 1. sentent. tit. 11. *Quoties hereditas petitur, inquit,*
Paulus, satisfdario iure desideratur, & si satisfdatio non de-
tur, in petitorẽ hereditas transfertur: si petitor satisfdare
noluerit, penes possessorem possessio remanet: in pari enim
caussa, potior est possessor. Proinde errare mihi plurimum
 videntur, qui petitionem hæreditatis litem appel-
 lant vindiciarum. Hæreditates enim sacramentis pe-
 tuntur, id est, legis actionibus: possessiones hæ-
 reditatum, si fortè de iis esset contentio, lite prin-
 cipali pendente, vindiciis, non sacramentis alter-
 utri ex litigatoribus addici solent. Eoque mihi om-
 nino visus est respexisse Cicero, cum ita scriberet;
 in Verrina 3. *Si quis testamento se heredem esse arbitra-*
retur, quod tum non extaret, lege ageret in heredita-
tem, aut pro præde litis vindiciarum, cum satis accepisset,

sponsionem faceret, & ita de hereditate certaret. Sensus enim est, eum qui se heredem esse arbitratur, hereditatem petere duabus rationibus posse, nimirum sacramento sine vindiciis, aut vindiciis & sacramento simul. Sacramento quidem, si nulla possessionis mota controuersia, lege in hereditatem agat: quo casu locum habere solet illa, quam modò adnotauimus Pauli sententia: Vindiciis verò, & sacramento simul, in hereditatis petitione locus erat, si non hereditas duntaxat peteretur, sed insuper is qui lege in hereditatem agebat, se pendente legis actione hereditatis possessorem esse oportere contenderet. Idque expresse significant huiusmodi quæ in eadem Ciceronis Verrina subsequuntur verba: *Iam quid id ad Præto-rem, vter possessor sit? Nonne id quari oportet, vtrum pos- sessorem esse oporteat?* Ergo vindiciarum liti, si Asconio, & Ciceroni credimus, tunc demum apud veteres locus erat, cum incertum esset, vter litigantium rei controuersæ lite principali pendente, futurus esset possessor. Eoque sensu apud Liuium aliosque auctores probatos, vindicias esse accipiendas, ab eruditis quibusdam viris copiosè satis est demonstratum. Sanè quod Festus scribit, *Vindicias res illas esse de quibus controuersia est*, illud omnino ad antiquam manus consertionem pertinet. Cum enim manus conferebantur, tunc si quæ vindiciarum fieret controuersia, res controuersas in iure præsentibus alterutri ex litigatoribus vindicanti Prætor tamdiu addicebat, quamdiu alter alterum iusto sacramento, & sponsione non superasset. Idque mirum in modum probat vindiciarum, quam Cincius apud eundem Festum dedit, definitio: *Vindicie*, inquit, *olim dicebantur glebæ* (sic legendum est, non *ille*, ut passim legitur) *quæ ex fundo sumptæ, in ius allatæ erant.* Proindè cui glebas ex fundo in ius allatas

allatas, aut alias res mobiles, pendente proprietatis controuersia, causa cognita, is qui iurisdictioni praeerat, addicebat, eidem vindictae addici dicebantur, quantum ex Festo, & Cincio colligimus. Seruius autem Sulpitius vocabulo etiam singulariter formato, *vindictam* esse ait, *cum aliqua de re controuersia est*, ab eo quod vindicatur. Illudque huiusmodi Decemuirali lege confirmat: *SI VINDICIAM FALSAM TVLIT, REI SIVE LITIS ARBITROS TRES DATO: EORVM ARBITRIIS FRUCTVS DVPLIONE DAMNV M DECIDITOR.* Sic primus locum hunc, qui mutilus erat, & omnino deprauatus, apud Festum restitui in verbo *Vindictae*, Ecquis obsecro dubitauerit, quin haec emendatio verissima sit, praesertim si non ignoret, in legibus sic scribi solitum: *Rem siue litem*, idque Seruium Honoratum in Virgilium adnotasse. Quid autem hac in lege sibi voluerint Decemuii, non admodum esse obscurum puto. Voluerunt enim iudicem, qui dolo malo in fraudem legis, vindictam iniustam tulerat, tres arbitros constituere, quorum arbitriis fructus duplione damnum decidi posset. Eoque omnino pertinere, & inde primum ortum vix dubito, quod in Pandectis de iudicibus passim legimus, *qui litem suam fecerunt*. Nec quidem huiusmodi fructus duplione multati perpetuo fuerunt iudices, qui vindictam sententiamve iniustam tulissent dolo malo, *nonnunquam enim veram iustamque litis aestimationem prestabant*. cap. 15. de iudic. *nonnunquam in quantum de ea re equum religioni iudicantis visum fuerat, poenam sustinebant*. cap. ult. de var. & extraord. cog. Porro vindictas nisi superstitibus praesentibus, eos inter quos erat controuersia, sumere non potuisse, Festus adnotatum reliquit: *vindictasque secundum libertatem semper ex vetere iure*, quod in duodecim ta-

bulas translatum est, *dicendas esse*, testatur Pomponius, cap. 11. §. 13. de orig. iur. Nec quidem antiquissima ista dicendarum vindiciarum ratio in rebus mobilibus Romæ in usu fuit perpetuò. Fuisse enim tēpora, quibus tam diu res mobiles, de quibus controuersia mouebantur, aut in æde, aut apud sequestrem ponebantur, donec alterutrius ex litigatoribus sacramentum iustum esset pronunciatum, ex innumeris prudentum responsis constat. Sanè homines quoque apud sequestres deponi potuisse, testatur Vlpian. cap. 7. de pos. Quin & iudicibus olim homines sequestro datos fuisse, Plautus refert in Mercat.

De isthac sum index captus. D. index: iam scio.

Nunc tu in consilium istam aduocasti tibi.

L. I. *Imo sequestro mihi data est.*

Res autem mobilis quæ apud sequestrem non ponebatur, solet in æde, siue in fano custodiri. Et certè antiquissima fuit, diligentissimèque olim obseruata rerum pecuniarumque in fanis deponendarum ratio, de qua sic Cicero scribit lib. 5. epist. fam. *Nam de Lucio, inquit, est ita actum, ut auctore Cn. Pompeio ista petunia in fano poneretur.*

C A P V T VII.

De litis addictione.

QUAM Gellius lib. 16. cap. 2. allegat legem Decemviralem, eam utpote vitiosissimam sic esse restituendam probabilibus aliquot coniecturis demonstrabo: ANTE MERIDIEM CAUSSAM GNOSCITO, QUVM PERORANT AMBO PRÆSENTES. POST MERIDIEM LITEM ADDICITO, SI AMBO PRÆSENTES. SOLE OCCASO, DIEI SUPREMA TEMPE-

STAS ESTO: Et constat quidem hæc verba, *caus-*
sam conscito, non ad litigatores, sed ad ipsum iudicem
 esse referenda, propter hæc verba. *quum perorant am-*
bo presentes. Ergo quòd causæ coniectio, vt satis ex
 Alconio & Marcello constat, non ad iudicem, sed ad
 litigatores referatur, certissimum est loco *conscito*, re-
 poni non posse *conicito*. Ea enim legis videtur esse sen-
 tētia, vt iudex ante meridiem, quum actor & reus per-
 orassent, id est, causam dixissent, de causâ cognosce-
 ret. Veteres autem dixisse causam *conscito*, pro co-
 gnoscito, non memini me legisse. Illud quidē dubium
 non est, pro cognitu auctore Festo gnotu, dixisse ve-
 teres. Si gnotu ergo & gnosco: nam vnde gnotu, nisi
 à gnosco? Certè veteres gnosco dixisse, non Festus
 solum, sed etiam lib. 2. testatus est Priscianus. Quid
 igitur obstat, quo minus pro *causam conscito* lega-
 mus *causam gnosco*, aut certè *causam cnosco*. Si non
 ob aliud, certè quod Latini plerunque G litteram ita
 formarint, vt Græci suum gamma, quod faciliè in C
 Latinum potuit transformari. Imò Festus lib. 13. con-
 tendit, C pro G frequenter antiquos posuisse. Idque
 etiam ex antiquissimis quibusdam numis deprehen-
 di, in quibus pro Gulo, Gurges, Galba, Glicia, Gel-
 lius, Ogulnius Gallus, expressè legitur Culo, Curges,
 Calba, Clicia, Cellius, Oculnius Callus. Sic pro pa-
 go, aliquando est in duodecim paco: & quem Caium
 vulgares, eum Florentinæ Pandectæ Gaium appella-
 tum continent, Et ita quidem ex gnosco, interdum
 ab antiquis cnosco, indeque vnius literulæ transpo-
 sitione, ex cnosco factum ab imperitis videri po-
 test conscito. Quod autem subiicitur de litis addictio-
 ne, his verbis: *Post meridiem presenti litem addicito*.
 profectò nisi me vehementer coniectura fallit, id
 etiam vitiosum est. Videamus quid sit litem addi-
 cere:

cere : an secundum præsentem litem dare ? Sic magis plerisque visum est. Itane verò ? Quanam igitur obsecro huiuscè legis est æquitas si secundum præsentem forte petitorum iniustum , iudex debuerit iudicare ? Constat certè eos , qui cum frustrationis causâ latitarent , tribus edictis euocati præsentiam sui facere contemnebant, litem idcirco non perdidisse : verum, si post edictum peremptorium , quum dies eius superuenisset, citati non respondissent, actâ fuisse causam : non utique secundum præsentem, *sed interdum absentem, si bonam causam haberet, vicisse.* cap. 73. de iud. Eum igitur qui ante meridiem peroravit , post meridiem propter absentiam olim lite fuisse multatum audebimus existimare ? Qua auctoritate ? An quæso Decemvirali ? Tam stupidos fuisse Decemviros , & imprudentes, quis est qui sibi persuadet ? Ego itaque didici litem addicere, aliud nihil esse in hac lege, quàm litigandi potestatem facere. Quam potestatem quia iudex non solet facere, nisi actore cum reo præsentem, nisi audita & cognita causâ, hac ratione impulsus secundam Decemviralem huius legis partem sic ausus sum restituere : *Post meridiem litem addicito, si ambo præsentem.* Tertiam legis partem sic etiam emendo : *Sole occaso, diei suprema tempestas esto.* Scribit enim expressè Gellius, non Sol occasus, sed Sole occaso Decemviros in legibus posuisse. Et sic apud Varronem lib. 6. de lingua Latina , legendum puto , *Sole occaso , diei suprema tempestas esto.* non, *Solis occasu.* ut passim legitur. Quo modo etiam apud Censorinum in libro de die natali, & Macrobius Saturn. lib. 1. cap. 3. hæc eadem legis pars est restituenda. Sanè Solem occasum , pro Solis occasu, auctores priscos quadam vetustate non insuavi dixisse , non Gellius solum , sed etiam Plautus in Menach. testatur, his verbis :

Namque

*Namque si absque te essem hodie, nunquam ad Solem
occasum viderem.*

Supremam autem tempestatem idem Varro lib. 4. de
ling. Lat. sic interpretatur: *Suprema*, inquit, *summum*
diei, id à *supremo*: hoc tempus duodecim tabula dicunt occa-
sum esse Solis. Sed postea lex Pretoria id quoque tem-
pus iubet esse supremum, quo Pretor in comitio *supre-*
mam pronunciauit populo. Et libros augurum pro tem-
pore tempestatem dicere, idem Varro est auctor lib. 6.
de ling. Lat. Festus etiam pro tempore tempestatem
antiquos posuisse, adnotatum reliquit. Totius igitur
legis sensus est: Iudicem ante meridiem causam vtrin-
que cognoscere oportere: post meridiem, litem postu-
lanti addicere, aut denegare, hoc est, si ita videretur,
litigandi potestatem facere, sin minus, eam denegare:
tempusque pomeridianum ad occasum vsque Solis
extendi. Illud certè constat, & aliquando à nobis tra-
ctatum est, de præiudiciis libro primo, eum qui ius
suum persequi volebat, Pretorem olim adiisse, caus-
samque præsentè aduersario in iure dixisse: & tandem
audita cognitaque causa, vel dedisse Pretorem, vel
eam quæ petebatur, actionē denegasse. Cæterum an-
tequam Pretor esset, antequam Cn. Flavius actiones
promulgasset, eas à Pontificibus peti consueuisse, ne-
minem puto tam imperitum, quid id ignoret. Siqui-
dem is, qui ex Pontificibus vt præesset anno priuatis
erat constitutus, iisdem fere anni spatio in reddendo
iure partibus fungebatur, quibus postea Prætores
functi sunt. Porro ante huiusmodi Pontificiam iuris
reddendi potestatem, quum Decemviri ius dicebant,
tunc etiam in usu actionum fuisse impetrationem, &
hac eadem, quam tunc interpretor, lege prima intro-
ductam vtique mihi persuadeo. Vt ita quidem actio-
num impetratio lege duodecim tabularum possit in-
troducta

troducta videri, primumque apud Decemuiros in usu fuisse, & deinde à Decemuiris ad Pontifices, & à Pontificibus tandem ad Prætores transiisse.

CAPUT VIII.

De nexis.

GELLIVS libro vigesimo c. i. auctor est, sic in duodecim scriptum fuisse: *Aris confessi, rebusque iure indicatis triginta dies iusti sunt. Post deinde manus iniectio esto, in ius ducito, ni indicatum facit: aut qui pseudo eo in iure vim dicit, secum ducito. Vincito, aut neruo, aut compedibus quindecim pondo, ne minore, aut si volet maiore vincito. Si volet, suo viuito: ni suo viuit, qui eum vincitum habebit, libras farris in dies dato. Si volet plus, dato.* Hic legis sententiam interrumpens Gellius, quid deinde fieri de nexis voluerint Decemuires, excepta postrema legis parte, verbis propriis declarat: reliqua legis verba, magno studiosorum incommodo, antiquitatis fraude maxima suppressens. *Erat, inquit, ius interea paciscendi, ac nisi pacti forent, habebantur in vinculis dies, LX. Inter eos dies, trinis nundinis continuis ad Prætores in comitium producebantur, quantaque pecunia indicati essent, predicabatur. Tertijs autem nundinis capite poenas dabant, aut trans Tyberim peregrè venum ibant. Et paulò post: Si plures forent, quibus reus esset indicatus, setari si vellent, atque partiri corpus addicti sibi hominis, permiserunt. Et quidem verba ipsa legis dicam, ne existimes inuidiam me istam fortè formidare: Tertijs nundinis partes secanto: si plus minùsve secuerunt, sine fraude esto.* Hactenus Sextus Cæcilius apud Gellium.

Quia autem legem hanc mendosissimam esse, vel me tacente nemo est qui non animaduertat, idcirco non eius duntaxat partem illam quæ verbis Decemui-
uorum

uirorum hic apud Gellium mendosè legitur, sed vni-
 uersam argumentis aliquot, & coniecturis verissimi-
 bus sic esse restituendam demonstrabo : *ÆRIS*
CONFESSI, ÆRISQUE DEBITI IUDICA-
TIS, TRIGINTA DIES IVSTI SVNTO. POST
DEIN, MANVS INIECTIO ESTO; IN IVS
DVCITO. NI IUDICATVM FAXIT, NEMVT
QVIPS ENDO EO IN IVRE VINDEX ESIT,
SECVM DVCITO. VINCITO AVT NERVO,
AVT COMPEDIBVS QVINDECIM PONDO,
NE MINORE, AVT SI VOLET MAIORE
VINCITO. SI VOLET SVO VIVITO. NI SVO
VIVIT, QVI EM VINCTVM HABEBIT, LI-
BRAM FARRIS ENDODIE DATO, SI VO-
LET PLVS, DATO. NI CVM EO PACIT
SEXAGINTA DIES IN VINCVLIS RETI-
NETO. TRINIS NVNDINIS CONTINVIS
IN COMITIVM PROCITATO, ÆRISQUE
ÆSTIMIAM IUDICATI PRÆDICATO.
TERTIIS NVNDINIS CAPITE POENAS
LVITO, AVT TRANS TYBERIM PERE-
GRE VENVM ITO. AST SI PLVSES ESUNT
REI, TERTIIS NVNDINIS PARTEIS
SECANTO; SI PLVS MINVSVE SECVE-
SVNT, NESI FRAVDE ESTO. Nunc videa-
 mus quæ fuerint huius restitutionis rationes præci-
 pua, quib. impulsæ lectione veterè sic immutauimus.
Pro Rebusque indicatis, reposuimus, Ærisque debiti in-
dicatis. Certè quia in hac lege non de confessi tan-
 tum, sed etiam de aris debiti iudicatis tractatur. Con-
 fessi igitur aris, inquit Gellius, ac debiti iudicatis 30.
 dies sunt dati. Et quòd apud eundem Gellium sic nul-
 lo sensu legitur, *ni indicatum facit, aut qui psendo eo in*
iure vim dicit, illud sic emēdauius: *ni indicatum faxit,*
notum

nemut quips endo eo in iure vindex esit. Festus auctor est, veteres pro fecerit faxit, & pro egerit axit dixi: eosque pro nisi etiam, vnico verbo nemut, vfos esse. Iac. Cuiacius, in antiquo exemplari, & valdè fideli, pro quispiam, testatur legi quips. Cuiacij emendationem mirum in modum confirmat vulgaris lectio. Dubium enim non est, quin apud Gellium hæc verba, *qui pseudo eo*, ex his verbis, *quips endo eo*, librariorum imperitia deprauata sint. Qui legis verba non percipientes, dictionem *quips*, diuiserunt, & eius postremas litteras duas *ps*, sequenti dictioni *endo*, adiecerunt: & ita pro *quips endo*, *qui pseudo*, reposuerunt. Pro *vim dicit*, in eodem exemplari, *vindicat* legi, refert idem Cuiacius. An veteres *vindicat* ea forma qua lauit, sonit, dixerint, subsisto. Quod autem sonit & lauit veteres dixerunt, hoc inde est quod iidem etiam lauere, & sonere dicerent, vt testatur Nonius Marcellus. Vindicere pro vindicare eosdem dixisse, non obseruaui. Illud profectò certissimum est, *vindicem ab eo appellatum esse*, si Festo credimus, *quod vindicat, quominus is qui pressus est, ab aliquo teneatur.* Quid igitur obstat, quominus pro *vim dicit*, legamus, *vindex esit*? Maximè quòd hanc emendationem antiqua per vindicem asserendi ratio videatur confirmare, quam eleganter descripsit Liuius lib. 6. *Centurionem, inquit, nobilem militaribus factis, indicatum pecunia quum duci vidisset M. Manlius, medio foro cum caterua sua accurrit, & manum iniecit, vociferatusque de superbia patrum, & crudelitate foeneratorum, miseriis plebis, virtutibusque eius viri fortunaque: tum verò, Ego, inquit, nequicquam hac dextra capitolium, arcemque seruauero, si ciuem commilitonemque meum à Gallis victoribus captum, in seruitutem, ac vincula duci videam. Inde rem creditori palam populo soluit, libraque & are liberatum emittit, Deos atque homines obtestantem, vt M. Manlio*

liberatori

liberatori suo parenti plebis Romanae, gratias referant. Indeque vindicem libertatis appellatum M. Manlium testatur paulò post idem Liuius. Aiunt Decemuires, secum ducito. Quo in neruum, in vincula, in carcerem priuatum. Liuius libr. 6. An placeret (sunt verba C. Licinij Stolonis, in legis de ære alieno rogatione) fœnore circumuentam plebem ni potius quam sortem, creditum soluat, corpus in neruum ac supplicia dare? & gregatim quotidie de foro addictos duci? & repleti vinctis nobiles domos? & ubicunque patricius habuerit, ibi carcerem priuatim esse? Quod autem pro libras farris, reposuimus libram farris, certa legis sententia hanc nobis emendationem suadere videbatur: ea siquidem legis est sententia, vt si illa, quam lex constituit, farris quantitate, nexus non sit contentus, velit plus dari. Quis ergo tam erit imperitus, vt non intelligat, certam farris quantitatem legem expressisse? Si itaque legeris, libras farris, quâ quæso fieri potest, vt plus petatur? Ideoque certam visum sunt Decemuires farris quantitatem expressisse, nimium libram vnâ, quâ si contentus non esset nexus, voluerunt plus dari. Voluerunt igitur Decemuires, nexos, ni suo viuerent, à creditoribus ali. Eoque respectu visus est Terentianus ille Phormio, his versibus:

Aliis aliud est periculum, vnde aliquid abradi potest.

Mihi sciunt nil esse, dices; ducent damnatum domum.

Alere nolunt hominem edacem.

Huc quoque pertinet illud Plauti in Menach.

Nam ego ad Menachmum nunc eo, quoi iamdiu.

Sum indicatus: vltro eo vt me vinciat.

Nam illic homo, homines non alit, verum educat,

Recreatque: nullus melius medicinam facit.

Sunt qui pro in dies, endo dies legunt. Ego contendo endodie, ea forma, & ratione legendum esse, qua apud Festum endoprocinctu, vnica dictione legimus. En-

doprocinctu, in procinctu: endoplorato, implorato: sic endodie, quotidie. Et hæc quidem ad illam legis partem, quæ apud Gellium ipsis Decemviro-
 rum verbis mendosè legitur, sufficiant. Eam verò, quam propriis verbis idem Gellius declarat, verbis prout potuimus Decemviralibus, hoc est, antiquis, & quæ Decemviro-
 rum temporibus Romæ in usu fuisse existimamus, summo studio restituere conati sumus. Itaque hæc Gellij verba: *Erat autem interea ius paciscendi, ac nisi pacti forent, habebantur in vinculis dies sexaginta*: sic restituimus: *Ni cum eo pacit, sexaginta dies in vinculis retinetur*. Sic locuti sunt etiam alio loco Decemviri, *Si membrum rupit, ni cum eo pacit talio esto*. Item hæc Gellij verba: *Inter eos dies trinis nundinis continuis ad Pretorem in comitium producebantur, quantæque pecunie iudicati essent, predicabatur*: sic in legis formam redegimus: *Trinis nundinis continuis in comitium procitato, ærisque æstimationi iudicati predicato*. Procitare veteres dixisse pro vocitare, & producere, scribit Festus: qui eosdem pro æstimatione, æstimationem dixisse etiam adnotatum reliquit. Deniquè quod idem Gellius nexos tertiis nundinis capitis pœnas dedisse, aut trans Tyberim peregrè venum iisse scribit, hoc etiam in legem ita trāstulimus: *Tertiis nundinis capite pœnas luito, aut trans Tyberim peregrè venum ito*. Cæterum postrema huius legis pars, quæ etiam vitiosa passim circumfertur, sic est à nobis restituta: *Ast si plures essent rei, tertiis nundinis partes secanto: si plus minusve secuesunt, nesi fraude esto*. Veteres pro plures & plurima, plures dixisse, & plusima, est à nobis alio loco demonstratum. Dicebant etiam se vel nesi, pro sine: & reorum nomine, actorem & reum promiscuè accipiebant, ut tradit Festus. Illud autem hîc quæri potest, cur Decemviri noluerint addictos neruo, aut vinculis quin-

decim

decim pondo minoribus vinciri: Respódeo, id ita non sine certa, & aperta ratione Decemuviros prohibuisse. Scribit lib. quinto Festus, fuisse quædam sacrificia, in quibus ita clamitabat lictor: *Hostis vinctus, mulier, virgo exesto*, scilicet interesse prohibebantur. Ex quo loco vinctos, siue nexos, sacris olim interesse solitos colligo. Et idcirco compedes quindecim pondo maiores, quia essent grauiiores, quàm vt iis cum sacris interfunt, sese vincti possent subducere, aut fugere expressè videntur requirere Decemuiri: ne si minores essent, aut nexis custos perpetuò adesset in sacris, aut sine custode aliquod fugæ periculum subirent creditores. Et eo forrè spectat illa legis Decemuiralis particula, quæ apud Festum libro duodecimo Antonij Augustini diligentia sic emendata legitur: *AST EI CVSTOS NEC ESIT*. quum antea: *Atte custodes nec sint*. peruersissimo sensu legeretur. Compedes quoque quindecim pondo grauiiores, ideo permiserunt, ne si forte robustiores essent debitores, quàm vt compedibus quindecim pondo securè possent à fuga retineri, aliqua securitas creditoribus adimeretur. Voluerunt ergo Decemuiri addictos compedib. indui quindecim pondo maioribus, non autem minorib. Non quod creditores si vellent, prohiberentur eos minoribus induere, sed quod inuiti minoribus induere non cogerentur. Cæterum ante 12. tabulas, non solum in vincula, in neruum, aut alio, quo creditoribus erat lubitum, addicti ducebantur, iuxta Plauti illud in Bacch. *Ducito nos quocunque lubet, tanquam vobis addictos quidem*: sed etiam verberibus cædi, fame enecari, alijsque grauissimis, & inhumanis cruciatibus affici solebant. Refert enim Liuius, anno ab vrbe condita 259. Appio Claudio, & P. Seruilio coss. ciuitatē secū ipsam discordem, intestino inter patres plebēque flagrasse odio, maxime

ximè propter nexos ob æs alienum. *Magno*, inquit *Li-*
uius, natu quidam, cum omnium maiorum suorum insi-
 gnib. se in forum proiecit. Obsita erat squallore vestis, fœ-
 dior corporis habitus, pallore ac macie perempti. Ad hoc
 promissa barba, & capilli efferauerant speciem oris. Nosci-
 tabatur tamen in tanta deformitate & ordines duxisse aie-
 bat, aliæque militia decora vulgo miserantes eum iactabant
 ipse testes honestarum aliquot locis pugnarum, cicatrices ad-
 uerso pectore ostentabat. Sciscitantibus unde ille habitus, vn-
 de deformitas, cum circumfusa turba esset, propè in concio-
 nis modum: Sabino bello, ait, se militantem, quia propter
 populationes agri, non fructu modo caruerit, sed villa in-
 censa fuerit, direpta omnia, pecora abacta, tributum iniquo
 suo tempore imperatum, as alienum fecisse, id cumulatam
 usuris primo se agro paterno, auitoque se exuisse, deinde
 fortunis aliis, postremò velut tabem peruenisse ad corpus:
 ductum se ab creditore, non in seruitium, sed in ergastu-
 lum, & carnificinam esse. Inde ostentare tergum fœdum
 recentibus vestigiis verberum. Ad hæc visa auditaque cla-
 mor ingens oritur: non iam foro se tumultus continet, sed
 passim totam urbem peruenit. Nexu vincti, solutique se
 undique in publicum proripiunt, implorant *Quiritium* fi-
 dem: nullo loco deest voluntarius seditionis comes. Et idcir-
 co idem *Liuius Seruilius* edixisse refert, ne quis ciuem
 Romanum vinctum, aut clausum teneret, quominus ei no-
 minis edendi apud Consules potestas fieret, ne quis militis
 donec in castris esset, bona possideret, liberos nepotesve eius
 moraretur. Vnde satis apparet, ante duodecim tabu-
 las hanc legem Decemviralem in vsu Romæ non
 fuisse. Tunc enim nexu vincti, verberibus cædi, per-
 petuisque vinculis indui, & in priuatum carcerem,
 velut carnificinam coniici tamdiu à creditoribus so-
 lebant, donec illi vel creditorum miseratione, vel
 boni vindicis indulgentia, & liberalitate nexu sol-
 uerentur.

uerentur. Decemviri verò hanc nimiam crudelitatem alio verù nescio an mitiore addictos territandi; excruciantique medio pensarunt. Quum enim illi antea in neruo, ac vinculis sic detinebantur, ut nihil liberarentur, totam in vinculis ætatem consumerent, satius esse existimauerunt Decemviri, certò tempore eos vinciri, deinde peregrè venum mitti. Consultius siquidem esse iudicarunt, eos sexaginta duntaxat dies in vinculis esse, deinde venum peregrè mitti, quàm domi perpetuis vinculis contineri, ac seditiosis hominibus perpetua crudelitate, immanique creditorum sæuitia, populi illacrymatione, odio patrum, plebisque inconstantia, bellis intestinis, ac seditionibus fenestram aperire. Fuit autem hæc Decemviralis lex non desuetudine, sed expressa Consulari lege abrogata anno ab vrbe condita 630. L. Papirio Mugellano, qui etiam Cursor dicitur, C. Pœtelio, 2. c o s s. & tunc quidem sectionem, pœnamque capitis in bonorum proscriptionem conuersam fuisse, rectè ex Tertulliano Contiùs obseruauit. Sanè si bona iudicato non sufficerent, adhuc vincula, & additio in usu fuisse videntur, auctore Gellio: sed ita, ut nec venum ampliùs peregrè debitores mitterentur, nec sectioni capitivæ pœnæ subiecti forent, sed ad hoc tantum in vinculis essent, ut operas in seruitute pro iudicato præstarent creditoribus, donec illis satis abundè factum esset. Idque confirmat illud Senecæ libro 7. cap. 10. de benefic. *O miserum*, inquit Seneca, *si quem delectat sui patrimonij liber magnus, & vasta spatia terrarum colenda per vinctos, & immensi greges pecorum per prouincias, ac regna pascendi.* Et quamuis Sulla Dictatore nexi omnes qui bonam copiam iurassent, fuerint dissoluti, auctore Varrone libro 6. de ling. Lat. ideirco tamen post Sullæ tempora addici, necti-

que debitores non desierunt. Concessisse quidem illud Sullam C. Popilio roganti Varro scribit, fortè non ut eo iure ciues Romani perpetuò vterentur. Dico Varr. sic intelligi posse, siquidem in re tam perplexa definire nihil certi ausus sum.

CAPUT IX.

De vindicibus.

CAPITE *censi* dicebantur, quia nullo, aut perquam paruo ære censebantur: *proletarij* à munere, officioque prolis edendæ appellati sunt, quod cum re familiari parua minus possent Remp. iuuare, sobolis tamen gignendæ copia ciuitatem frequentarent: *assidui* autem & pro locuplete ponitur, & pro facile munus faciente: dictus *ab assibus*, id est, ære dando, quum id tempora Reipub. postularent: aut à muneris pro familiari copia faciendi assiduitate, auctore Gellio noct. Attic. lib. 16. cap. 10. Eoque sensu proletarium & capite censum accepisse visus est etiam Arnobius, aduersus gentes libro secundo. *Desinite*, inquit, *hominem, proletarium cum sit, classibus, & capite censeatur, adscribere ordinibus primis: cum sit inops, pauper lare, & tugurij pauperis, nec patricia claritatis unquam meritis nuncupari.* Sed quorsum hæc? Nimirum ut intelligamus, quid illud sit quod duodecim tabulis idem Gellius ita scriptum fuisse ait: ASSIDVO VINDEX ASSIDVVS ESTO, PROLETARIO CIVI QVIVIS VOLET VINDEX ESTO. Diximus superiore capite, *vindicem* auctore Festo, *veteres cum appellasse qui vindicabat, quomirius is qui presus erat, ab aliquo teneretur.* hoc est, qui pressum, nexum, siue addictum liberabat. Ea forma, & ratione, qua vindicem æris alieni, libertatisque, pro redemptore in epistolis ad Atticum, aliisque

aliisque in locis accepisse videtur Cicero. Eoq; sensu accepisse etiam visus est, vindicē libertatis, Liuius lib. 6. *id verò, inquit, ita accendit animos, ut per omne fas ac nefas secuturi vindicem libertatis viderentur.* Sic Brutum idem Liuius vindicem appellat libertatis, lib. 2. *Brutus, inquit, prior concedente collega fasces habuit, quod non acrior vindex libertatis fuerat, quam deinde custos fuit.* Imò pro assertore antiquos vindicem interdum posuisse, in libro de testimonio animæ liquidò demonstrat Tertullianus: *Cur, inquit, alibi seruit, alibi vindicem conuenit?* Proinde errare mihi plurimum videntur, tam hi qui per vindicem in hac lege procuratorem, quàm illi qui fideiussorem intelligunt. Aliò enim respexisse videntur Decemuiri. Eò nimirum, ut noluerint à proletariis ciuibus, ciues assiduos creditoribus addictos vindicari. Certè ne proletarij cùm sint tenuioris fortunæ, quàm ut asses possint dare, quibus assiduos è vinculis eximerent ipsi pro assiduis & se, suosque liberos, familiamque totam in discrimen adducant: neve corpus liberum imminèque, assidui hominis liberandi gratia, seruituti capitique pœnæ, aut sectioni subiiceretur: quod quàm iniquum sit, nemo est qui non intelligat. Et ita quidem in effectu aliud nihil visi sunt voluisse Decemuiri, quàm assiduos non seruitiis cuiusquam, aut deductionibus, sed assibus vindicandos. Nam cùm assiduo lex assiduum esse vindicem iubet, locupletem iubet locupleti, inquit Cicero in Topicis. *Locuples enim assiduus, ut ait Ælius, appellatus est ab ere dando.* Esse quidem perquam iniquum, alterum pro altero pignori, etiam Theodoricus Italiae Gothorumque Rex, apud Cassiodorum libro quarto variat. intellexit: tam inquam, Romani, quàm Decemuiri. Idèò autem proletario quemuis vindicem esse permisierunt Decemuiri,

quia eorum debita non solent esse grandiora, quàm quæ are exiguo lui potuerint. Et ita mihi videtur.

CAPVT. X.

De testibus.

NON solum in testamentis, quæ per æs & libram fiebant, sed etiam in aliis omnibus mancipationibus, is qui testis libripensve fuerat, si fidem perhibiti testimonij non approbaret, improbus erat, & intestabilis, idque expressa quadam lege Decemuirali esse definitum, Gellius auctor est, lib. 15. c. 13. quam hunc in modum puto restituendam esse: *QVI SE SEIERIT TESTARIER, LIBRIPENSVE FVERIT, NI TESTIMONIUM FARIATUR IMPROBUS INTESTABILISQUE ESTO.* In omnibus antiquissimis exemplarib. impressis & manuscriptis, non *in testimonium feriat*, sed *in testimonium fariatur*, expressè legitur. Vndè statim coniecturam duxi, ita legendum esse, *ni testimonium fariatur*: & verbum fariari priscum esse, eoque pro fari veteres esse, vsos. Huiusmodi siquidem antiquis fuisse morem testatur Diomedes, ut in dictionibus quibusdam sermonem ex abundanti adderent, nihilque adiecta syllaba dictionibus conferret. Quo modo aggredi, pro aggredi: item moriri, pro mori, veteres dixisse sapius animaduerti. Plautus in Trucul.

—— *Nullam rem oportet dolosè aggredi.*

Idem in Rudent.

—— *Certum est moriri, quam hunc pati.*

Leonem in me grassari.

Et ita fariari etiam antiquos dixisse, pro fari, non dubito. Igitur, *Qui se seierit testarier*, hoc est; qui se vocari in testem passus est, libripensve fuit: *ni testimonium fariatur*,

fariatur, hoc est, si de perhibito testimonio rogatus, illud fari, eiusque approbare fidem non voluerit, improbus intestabilisque esto. Sic nimirum ut non tantum, sicut Theophilus videtur interpretari, ex alieno testamento quicquam capere, aut iure testamenta condere, aut in testamento testis esse prohiberetur: verum etiam ut ab omnibus nexus & mancipationum solemnibus sic arceretur, ut nunquam vel eius recipi, vel ei testimonium dici posset cap. 26. de testament. Eoque sensu intestabilem Plaut. etiam videtur accepisse in milite glorioso:

Quid si id non faxis? P. ut vinam semper intestabilis.
Nunc de illo videndum, qui falsum perhibuit testimonium. Et sanè hūc è Tarpeia rupe præcipitare Decemviri voluerunt, idque apertè testatus est Sextus Cæcilius apud Gellium lib. 20. cap. 1. Qua de re ab aliis accuratè satis plurima sunt in hanc legem adnotata.

CAPUT XI.

De eius cui testimonium defuit obvagulatione.

PORTVM, inquit Festus, in duodecim, pro domo positum, omnes ferè consentiunt: CUI TESTIMONIUM DEFVERIT, IS TERTIIS DIEBUS OB PORTVM OBVAGVLATVM ITO. Idem alio loco vagulationem in hac Decemviri lege, quæstionem interpretatur cum conuitio. Et ob, præpositione, antiquos vsos esse pro ad, testis est Ennius, cum ait lib. quartodecimo.

Omnes occisi, obcensique in nocte serena.
Id est, accensi. Hac cum ira sint, nunc quid sibi Decemviri voluerint videamus. Cui testimonium deest, hoc est, qui suam intentionem nullo potest testimonio confirmare, is die tertio ad ades adversarij obvagulaturn.

gulatum ibat, hoc est, aduersario iustum testibus adhibitis conuitium faciebat. Veluti si quid esse in tuis ædibus contenderem, quod quum verè ad me pertineret, tamen apud te esse nullo testimonio poteram demonstrare, illudque mihi restituere vno & altero die rogatus omnino recusares, mihi permisisse videtur Decemui, quandoquidem deficiente testimonio inutiliter iure, aut lege ageretur, tertio die ad ædes venire, ibique ante tuas ædes rem meam repetere cum conuitio: siue, vt vtar Plauti verbis, *te pipulo ante ædes tuas differre*. Et hanc quidem interpretationem nostram, ita apertè visus est Plautus confirmare, vt verisimiliorem non posse, attentius paululum loco Plautino quem subiiciam perpenso, legis huius declarationem excogitari, nemo non continuò fateatur. Plautus in Aulularia cuiusdam Congrionis meminit, qui cum à Megadoro ad nuptialem cœnam coquendam (erat enim coquus) conductus esset, & idcirco vasa in ædes Euclionis, intrulisset, ædibus vè eiectus vasa sibi ab Euclione petiit restitui; cumque ea reddere Euclio negaret, quia Congrioni defuit testimonium, quod docere posset, sua vasa esse in Euclionis ædibus, certè repetere ea iudicio nequiuit. Quid igitur fecit? Quid? Pipulo antè ædes Euclionem, ni vasa redderet, differre voluit, hoc est, vt Decemui loquuntur, *ob portum Euclionis obuagulatum ire*. Plauti verba sunt hæc:

Ita me bene amet Lauerna, tu iam nisi reddi

Mihi vasa iubes, pipulo hic differam te ante ædes.

Pipulum idem esse quod conuitium Varro scribit lib. 6. de lingua Latina. In Aulularia, inquit, pipulo te differam ante ædes, id est, conuitio, declinatum à pipatu pullorum. Quia igitur *obuagulatio* etiam nihil est aliud quàm conuitium, quis dubitabit, quin eadem planè

planè sint, ob portum obuagulare, & pipulo aliquem ante ædes differre? Quod igitur Euclionem ante ædes differre pipulo volebat Congrio, id omni legis huius Decëuiralis auctoritate facere voluisse visus est. Cæterum effectus obuagationis is olim fuisse videtur, vt tertio die, iusto præsentibus superstitibus conuitio solemniter ob portum facto, licuerit conuitiatori eius qui conuitium passus erat ædes cum iisdem testibus ingredi: & liberam res suas quærendi in suis ædibus potestatem facere is cui conuitium factum erat suo conuitiatori cogebatur. Indeque Festum *obuagationem* definiuisse, quæstionem, hoc est, inquisitionem cum conuitio est verisimile. Ea nimirum ratione, qua furtorum quæstiones cum lance & licio illæ furtorum inquisitiones veteribus dicuntur, quæ cum lance & licio fieri solebant.

CAPVT XII.

De tutelis.

LEGE duodecim tabularum, inquit Caius, *permis-*
sum est parentibus liberis suis, siue fœminini, siue ma-
sculini sexus, si modò in potestate sint, tutores testamento
dare. cap. i. de testament. tutor. Legisque hæc fuisse
verba: PATERFAMILIAS VTI LEGASSIT
SUPER PECVNIA TVTELAVE SVÆ REI,
ITA IVS ESTO. in fragmentis testatus est Vl-
pian. tit. ii. & auctor ad Herennium lib. i. Quam le-
gem deinde interpretans Pomponius, his verbis. *Vti*
legassit super pecunia tutelave sue rei, ita ius esto, (sic enim
restituendus est hic Pomponij locus, qui in Pande-
ctis etiam Florentinis mutilus hunc in modum legi-
tur: *Vti legassit sue rei, &c.*) latissimam putat pote-
statem tributam videri, & hæredis instituendi, & le-
gara & libertates dandi, tutelas quoque constituendi:
sed

sed id interpretatione coangustatum esse, vel legum,
 vel auctoritate iura constituentium. c. 120. de verb. sig.
 Cæterum quibus testamento tutor datus non erat,
 his agnati legitimi tutores fuerunt. *Legitima tutela*,
 inquit Vlpianus, *lege 12. tabularum agnatis delata sunt,*
& consanguineis. cap. 1. de legit. tut. Decemviri consan-
 guineorum nomen non agnoscunt: liberos enim ap-
 pellant suos hæredes, consanguineos verò omnesque
 qui ex latere familiam attingunt per sexum virilem;
 communi nomine agnatos vocant, vt alio loco de-
 monstrauius. *Legitimi tutores sunt*, inquit Vlpianus,
qui ex lege aliqua descendunt: per eminentiam autem, qui
ex lege 12. tabularum introducuntur. Introducuntur qui-
 dem vel propalam, hoc est, specialiter, siue nomina-
 tim, quales sunt agnati, vel per consequentiam, quales
 sunt patroni. Non enim expressa lege aliqua Decem-
 uirali impuberis liberti patrono defertur tutela, sed
 quia patronis hæreditates libertorum lege duode-
 cim tabularum ab intestato conceduntur, & quia na-
 tura æquum est, ad eum onus tutelæ pertinere, ad
 quem commodum spectat successionis, ideò per con-
 sequentiam manumissor impuberis manumissi tutor
 efficitur: non tam verbis quàm legis sententia, ideò
 que etiam *legitimus* appellatur. capit. 2. de legit. tutor.
 Non enim id tantum quod nominatim lege cautum
 erat legitimum dicebatur, verumetiam quòd perinde
 accipiebatur per interpretationem, atque si legis ver-
 bis expressè introductum fuisset. Ea fortassis ratione,
 qua multorum matrimoniorum experientiam legitima cu-
 iusdam intemperantia signum appellat Valerius lib. 2. c. 1.
 Non enim verbis expressis alicuius legis huiusmodi
 matronis iimperata fuit intemperantia, sed legis illius
 quæ contra cœlibatum aliquando lata fuit, vera sen-
 tentia, intemperantiam huiusmodi suadere omnino
 videbatur,

AD LEG. XII. TAB. CAP. XIII. 45
videbatur, eaque etiam idcirco legitima videtur à Valerio appellata fuisse. Et hæc hæctenus de tutelis, quibus illud etiam addendum videtur: nimirum suspecti tutoris crimen, ex lege 12. tabularum descendere, tutoremque propter admissam administrationem, in duplum eadem lege teneri. cap. 1. de suspect. tutor. cap. 55. de administrat. & peric. tut. quòd qua ratione accipiendum sit, alij docuerunt.

CAPVT XIII.

De curatoribus furiosi, vel prodigi.

VOLVERUNT Decemuiri, furiosos in tutela agnatorum esse, gentiliumque. Cicero legem his fuisse conceptam verbis testatur, lib. 2. de inuentione: *SI FURIOSVS ESSE INCIPIT, AGNATORVM GENTILIVMQVE IN EO, PECVNIAQVE EIVS, POTESTAS ESTO.* Paulus admonuit; hæc verba *agnatorum gentiliumque*, pro separatis accipienda esse, cap. 53. de verb. sign. Quod quidem verissimum est: Decemuirorum enim huiusmodi videtur esse sententia, vt voluerint agnatis deficientibus; ad eos gentiles qui agnati non sunt onus huiusmodi tutelæ deuolui. *Gentilis*, inquit Festus, *dicitur, & ex eodem genere ortus, & is qui simili nomine appellatur: vt ait Cincius, gentiles mihi sunt, qui meo nomine appellantur.* Ergo gentiles, non eos tantum veteres appellasse videntur, qui ex eodem genere essent orti: sed illos etiam, qui licet non generis eiusdem, eiusdem tamen nominis erant: eoque sensu gentiles etiam serui appellabantur, vt Marcipor, id est, Marci puer, auctore Plinio: sic etiam ab aliis adnotatum est, Ciceronem Regem Tullium gentilem suum appellasse, cum interim ab eo genus Cicero nequaquam traheret. Sed de
istis

istis gentilibus Decemviri hîc non loquuntur. Illi si-
quidem de huiusmodi gentilibus sentiunt, quales de-
finiuit, Sceuolam secutus, in topicis Cicero hunc in
modum : *Gentiles sunt qui inter se eiusdem nominis sunt,*
qui ab ingenuis oriundi sunt, quorum maiorum nemo ser-
uitutem seruiuit, qui capite non sunt diminuti. Elegans de-
finitio: in qua maiores appellari patrem & auum, do-
cuit rectissimè Connanus. Idem Connanus gentem
familiarum multitudinem denotare, acutè (vt est le-
pidus & totus acutus) adnotatum reliquit. Gentilis
igitur appellari non potest is, cuius maiores, hoc est,
auus & pater, seruitutem seruiuerunt. Certè quia *in*
seruis gentilitia natura non suberat in usu, in nostris nomi-
nibus, qui sumus in Latio, & liberi, necessaria, inquit
Varro, libro octauo de lingua Latina. Quia igitur qui
ex seruis maioribus est ortus, nullum ex aliqua fami-
lia genus trahit, idcirco fieri non potuit, vt is aut ef-
se, aut appellari gentilis aliqua ratione posset. Ve-
rùm eius nepotes, abnepotes, trinepotes, & ita dein-
ceps, eorumque filij: rursus patruus, eiusque filij, ne-
potes, eorumque filij, & nepotes, vsque in infinitum,
rectè gentiles inter se & erant & appellabantur: quâ-
uis ille, à quo hi omnes genus primò duxerunt, serui-
tutem aliquandò seruiuisset. Desinuntque gentiles
appellari, si capite fuerint diminuti. Vt enim agnatio-
nis, ita gentilitatis iura capitis diminutione extin-
guuntur. Et hanc esse puto sententiam verissimam,
illius gentilium definitionis, quam ex Cicerone hîc
adnotauimus. Nunc illud addendum est, agnatos à
gentilibus in hoc differre, vt agnati omnes gentiles
sint, sed non contra omnes gentiles agnati. Gentem
enim quamlibet habuisse olim stirpes varias, hoc est,
domos, siue familias, Variorum lib. 5. à nobis est ad-
notatum. Quod igitur gentis vnus erant familiae,
totidem

totidem diuersa eiusdem gentis fuisse videntur agnationes. *Agnatos enim Iureconfulti appellant auctore Vlpiano, cognatos virilis sexus ab eodem ortos. capit. 2.* de suis & legit. Veluti patruus eiusque filij & nepotes, mihi sunt agnati, quia ab eodem orti sunt, à quo meus pater. Verum patruus magnus, eiusque liberi, mihi non agnari, sed gentiles duntaxat sunt. Quæ cum ita sint, iam facile intelligimus, in hac lege Decemuiros aliud nihil voluisse, quàm ad agnatos tutelam furiosorum omnino pertinere, & si nullus existeret agnarus, ad gentilem post agnatos proximum. Nec quidem furiosus duntaxat, verum etiam prodigus ad agnatos, gentilesque deduci solet. Lege enim 12. tabularum prodigo interdictam bonorum suorum administrationem fuisse, antiqua iuris cuiusdam moribus introducti prerogatiua, restatus est Vlpianus capit. 1. de curat. furios. Quo iure Caium quendam Licinium cognomine Hoplomachum à Prætore postulasse refert libro octauo, Valerius, ut patri suo bonis, tanquam ea dissipanti interdicere-
tur. Solent enim, inquit Vlpianus, Prætores si tantum hominem inuenerint, qui neque tempus, neque finem expensarum habet, sed bona sua dissipando, & dilacerando profudit, curatorem ei dare exemplo furiosorum. capit. 1.

CAPUT XIV.

De seruitutibus itineris, actus, & viæ.

ACTVS, ut Varro & Festus scribunt, in latitudine pedes habebat quatuor, fortassis quod ea quadrupes ageretur. Viæ latitudo, auctore Caio, ex lege 12. tabularum in porrectum octo pedes continebat: in anfractum, id est, ubi flexum erat, sedecim. capit. 8. de seruit. præd.

præd. rustic. Idque sic etiam Varro tradidit de lingua Latina lib 6. *Anfractum*, inquit est, *ab origine flexum duplici dictum ab ambitu & frangendo: ab eo leges iubent viam in directo pedum octo esse, in anfracto sexdecim*, hoc est, in flexu. Iter autem duorum habebat vel trium pedum latitudinem. Et proinde *qui iter habet, actum non habet: sed contra, qui actum habet, is iter habet.* cap. 1. de seruit. præd. rustic. Cæterum *via, actum, iter, & se continet*: hoc est, qui viam habet, ius habet itineris, quod videlicet ex duorum, aut trium pedum latitudine constat: ius habet etiam actus, hoc est, non trium solum, sed etiam ius quatuor pedum: qui simul septem pedes conficiunt. Iam si addideris octauum pedem, non iter, non actum duntaxat, sed etiam se via continet, hoc est, ius octo pedum. Errant profectò qui sic putant Vlpianum scripsisse: *Nam & iter, & actum in se via continet.* d. capit. 1. Rectè enim pro *in se*, legimus *& se*, in Pandect. Floren. Nec quidem dubium est, quin ad vulgarem actus & itineris, legitimamque viæ latitudinem eo in loco respexerit Vlpianus. Ad quam semper esse respiciendum docet Iabolenus, cùm alia aut latior, aut angustior octo pedibus, non est inter contrahentes viæ seruitus expressa. cap. 13. §. 2. d. titulus. Voluerunt itaque Decemuiri, legitimam viæ latitudinem octo pedum spatio comprehendi. Idem si via esset immunita, cui viæ seruitus debebatur, ei qua vellet agere iumentum permiserunt: quemadmodum præ Cecinna M. Cicero testatus est. Adderem nonnulla de parietum ambitu, quem esse sestertium pedem Decemuiri voluerunt, nisi ea de re Brissonius in suis elegantissimis antiquitatum commentariis luculenter scripsisset. Sanè Varro scribit de ling. Lat. lib. 4. *duodecim tabularum interpretes ambitum parietis circumitum interpretatos esse.*

CAPVT XV.

De sumptibus funerum, & iure sepulchrorum.

CICERO libro 2. de legibus refert, in duodecim tabulis scriptum fuisse: HOMINEM MOR-
TVVM IN VRBE NE SEPELITO, NEVE
VRITO. eiusque causam fuisse ignis periculum: vel
vt Paulus lib. 1. sent. scribit, *ne funestentur sacra civi-*
tatis. Porro Decemuirali isto iure Romani vsi non
sunt perpetuò. Ipse enim Cicero auctor est, nonnul-
los in hoc solutos legibus consecutos esse, vt in vrbe
& vri, & sepeliri possent. Idem Cicero libro 14. ad
Atticum scribit, Caium Cæsarem in foro combustum
laudatumque miserabiliter fuisse. *Meministine, inquit,*
te clamare causam perisse, si funere elatus esset? At ille etiam
in foro combustus, laudatusque miserabiliter, seruique &
egentes in tecta nostra cum facibus immissi. Nec quidem
mortuum hominem in vrbe duntaxat sepeliri, aut vri
prohibuerunt Decemuii, verum etiam nec ascia fieri
nec poliri rogam permiserunt. Scribit enim in eodem
libro 2. de legibus Cicero, minutos fuisse sumptus la-
mentationesque funebres Solonis & duodecim tabu-
larum legibus: & hoc plus lege Decemuirali contine-
ri, ne rogam ascia fieret, neue poliretur. Sic enim apud
Ciceronem legitur: iam cætera in duodecim: *Minuen-*
di sunt sumptus lamentationesque funeris: trāsata de Solo-
nis ferè legibus: hoc plus, inquit, Ne facito rogam ascia, ne-
poliro. Hæc Cicero. Sensus est, quæ de minuendis sum-
ptibus lamentationibusque funerum Decemuii scri-
pserant, ea ferè omnia de Solonis legibus trāsata
sunt: sed hoc plus lex 12. tabul. inquit: hoc est, lex 12.
tab. illud plus continet legibus à Solone latis, *Ne fa-*
cito rogam ascia, ne poliro. Sunt enim hæc verba, *hoc plus,*
D non

non Decemviroꝝ, sed Ciceroꝝ quibus lex illa Decemviralis denotatur, quæ à Solone repetita non est. Quod qui non animadverterunt fuisse hanc legem his verbis conceptam existimarunt: *Hoc plus ne facito, rogum ascia ne polito*, Sic igitur legendum est: NE FACITO ROGVM ASCIA, NE POLITICO. Vt ita affabrè construi rogum, aut dolatis aliquibus lignis expoliri, videantur Decemviri prohibuisse: sed potius ex incompositis impolitisque lignis, sine arte simul congestis, pyram fieri voluisse. *Ascia* enim instrumenti genus erat non solum poliendis lignis, sed etiam construendis, connectendisque aptum: quo in calcis maceratione veteres etiam usos esse, testatur Vitruvius de architect. libro 7. cap. 2. Igitur Decemviri *ascia* sine, aut aliqua fabrica, fieri vel expoliri rogum noluerunt. Cæterum sumptu tribus riciniis, & vinculis purpureis & decem tibicinibus extenuato, sustulerunt etiam lamentationem Decemviri, vt eodem loco scribit Cicero. *Ricinium* esse, refert Festus, *omne vestimentum quoddam dratum: eosque qui duodecim interpretati sunt, ricinium appellasse virilem togam, qua mulieres utebantur, prætextam clauo purpureo*. Quia igitur vnumquodque ricinium clauum habebat purpureum, utique obscurum non est, quid hic per tria purpuræ vincula intellexerit M. Cicero. Ait enim sumptum funebrem tribus riciniis, & vinculis purpuræ extenuatum fuisse haud dubiæ per tria ricinia, & vincula purpuræ, tres viriles togas, tribus clavis purpureis prætextas intelligens. sic ni fallor, vt in funere tres duntaxat feminas tribus riciniis indutas esse Decemviri voluerint non autem vt vna femina tria ricinia indueret. Et cum nautas ad tibias canere in funeribus more quoddam inueterato etiam receptum esset, eum morem non sustulerunt: sed quia infinito quodam tibicinum

numero funera grauabantur, Decemuires plures in funere tibicines esse quàm decem prohibuerunt. Qui quidem tibicines idcirco adhibebantur, ut in funebres eorum tibias (quas flammis audire nefas erat) nenia mortui hominis laudandi causa canerentur, auctore Festo. Fuisse etiam praeficas idcirco olim conductas, ut ante domum mortui laudes eius canerent, Varro testatus est, citans illud Næuij. Hac quidem herclè opinor praefica est, nam mortuos conlaudat. Eoque spectat Plauti illud in Truculento:

Sine virtute argutum ciuem, mihi habeam pro praefica:
Quæ alios conlaudare absentes, sese verò non potest.

Cicero scribit, legem quoque Decemuires his verbis lamentationem fustulisse: *MVLIERES GENAS NE RADVNT, NEVE LESVM FVNERIS ERGO HABENTO.* Plinius libro II. cap. 37. *Infrà oculos*, inquit, *male homini tantum, quas prisci genas vocabant, duodecim tabularum interdicto radi à foeminis eas vetante.* Pudoris hæc sedes, ibi maximè ostenditur rubor. Radere veteribus idem erat quòd vnguibus cruentare, digitisve conterere: indeque fidicines, à radendis siue conterendis fidibus veteres appellasse rasores, testatur Festus. Voluerunt igitur in effectu Decemuires, lacrymis cadere permittendum, non imperandum.

Quid autem per lessum Decemuires intellexerint, veteres interpretes Sextus Ælius, Lucius Ælius, non satis se intelligere dixerunt, inquit Cicero, sed suspicari vestimenti aliquod genus funebris esse. Lælius lessum interpretatur, quasi lugubrem ciuationem, ut vox ipsa significat. Illudque eo magis verum Ciceroni videtur, quòd lex Solonis idipsum veter, eoque sensu Plautus lessum videtur accepisse, cum sic in Trucul. scriberet.

— *Stultus es,*

*Qui facta infecta facere verbis postules : Thetis quoque
etiam*

Lamentando lessum fecit filio.

Quasi dicat Plautus, *lamentis gemituque & fœmineo ulu-
latu*, ut utar Poëtæ verbis, filium defleuit Thetis, &
tamen suis illa lacrymis quod factum erat infectum
reddere non potuit. Et sic quidem hunc Plauti locum
accipiendum esse, euidenter in libro de anima docet
Tertullianus : *Planè, inquit, stygias paludes Poëta tra-
didit mortem diluentes. Sed & Thetis filium planxit.* His
addenda est alia quoque lex, quam in eodem libro se-
cundo de legibus ex duodecim tabulis Cicero his ver-
bis refert : HOMINI MORTVO NE OSSA LE-
GITO, QVO POST FVNVS FACIAS, & ait ex-
cipi bellicam peregrinamque mortem. Quid autem
in hac lege sibi voluerint Decemviri, Cicero non ex-
posuit. Et certè, ut quid mihi videatur paucis expo-
nam, multum interesse puto, inter ossa legere homi-
ni mortuo, & inter hominis mortui ossa legere : nam
ossa hominis quæ dispersa sunt, & non coherenti-
cùm simul colliguntur, tunc hominis ossa legi dicun-
tur. Seneca libro secundo, de Ira : *Dignus fuit cùm per-
mitteret à conuiuio ad ossa filij legenda discedere.* Apuleius
libro tertio florid. *Recta de auditorio ad exequias eun-
dum, legenda eius esse ossa, mox carmina.* Cæterum homi-
ni mortuo leguntur ossa, cùm eius cadaueri aliqua
ossa adimuntur. Eoque sensu *uinis ossa legere* dixit idem
Seneca in libro de Consolat. *Adiice, inquit, incendia,
ruinas, naufragia, lacerationes Medicorum ossa uinis legen-
tium, & totas in viscera manus dimittentium.* Legere si-
quidem pro adimere, & auferre veteres dixisse, non
esse obscurum, si consideremus eum dicendum esse
sacrilegum, qui adimit, qui aufert res Deo ritè con-
secratas. Horatius serm. libro primo, satyr. 3.

Nunc

Nunc vincet ratio hoc, tantundem ut peccet idémque

Qui teneros caules alieni fregerit horti.

Et qui nocturnus Divûm sacra legerit.

Membrum abscindi mortuo dicebatur, inquit Festus, quum digitus eius decidebatur, ad quod servatum iusta fierent reliquo corpore combusto. Et idcirco Decemuiros cum ventant homini mortuo ossa legi, per ossa membrum aliquod ex ossibus duobus, aut tribus constans, ut est digitus, existimavi intellexisse: illudque homini mortuo adimi vetuisse, ni is aut peregri, aut in bello mortuus esset. Quum enim alicui digitus legitur, certè eidem adimuntur, siue leguntur ossa, quo post funus fiat, hoc est, ut Festus interpretatur, membrum adimitur ad quod servatum iusta fiant reliquo corpore combusto. Credo quia molestum esset ad eum locum amicos exequiarum caussa euocare, ubi quis bello occubuisset, vel ubi ciuis Romanus inter peregrinos mortem obiisset. Ideoque homini huiusmodi mortuo permiserunt Decemuiros ossa legi, quo post funus fiat, hoc est membrum aliquod adimi, ad quod servatum iusta Romæ fierent, reliquo corpore apud peregrinos combusto. Hæc præterea sunt in duodecim de vinctura: SERVILIS VNCTURA TOLLITOR, OMNISQUE CIRCUMPTATIO. Audio legem hanc sic exponi, pollinctores ne sint Decemuiros prohibuerint. Profectò hi non rectè mihi intellexisse visi sunt, quales olim dicerentur haberenturque pollinctores. Pollinctores dicebantur, non qui cadauera vngebant duntaxat, sed etiam libirinariorum, quibus cadauera eluenda, commundanda, exornandaque locabantur serui, cap. 5. §. 1. de inst. act. Eoque sensu pollinctores Plautus accepisse visus est in Pœnulo:

Carthaginenses fratres patruales duo

Fuere, summo genere, & summis divitiis,

Eorum alter vivit, alter est emortuus.

Propterea apud vos dico confidentius,

Quia mihi pollinctor dixit qui eum pollinxerat.

Proinde si hanc legem intelligo, quasi per illam vingi servorum corpora Decemviri prohibuerint. Solitas etenim aliqui in funus mortui servi impensas fieri testatur Ulpianus capit. 13. §. 19. de action. empt. Sustulerunt etiam omnem circumpotationem servilem. Nam liberi homines quo minus coronati parentantes, quum suprà tumulum dapes posuissent circumpotare potuerint, nulla lege mihi prohibitum fuisse videtur. His adde sumptuosam resperfusionem longasque coronas & acerras etiam Decemviros sustulisse. Sumptuosam resperfusionem, murratam potionem Festus appellare visus est. Murrata, inquit, portione antiquos indicio est, quod etiam nunc. Ediles per supplicationes Diis addunt ad pulvinaria, & quod duodecim tabulis cauetur, ne mortuo indatur, ut ait Varro in antiquitatum libro primo. Scribit etiam Plinius libro decimoquarto cap. 12. Numam legem huiusmodi tulisse: VINO ROGVM NE RESPERGITO. Sed quia illud Numam sanxisse propter reipublice inopiam non dubitavit Plinius, existimo vino dumtaxat murrato roguum respergi vetuisse Decemviros eosque hanc Numæ legem in suas tabulas non retulisse. Murrinam Festus esse contendit genus potioris, quod Græcè nectar dicitur: hanc mulieres vocabant murriolam, quidam murratum vinum, quidam id dici putant ex vuarum genere murrinæ nomine. Plinius verò eodem libro cap. 13. non inter vina modo, sed etiam inter dulcia vina, odore miro, preciosisque aromatibus condita murrinam refert: & ait Scenobolam quoque, & Lelium & Ateium Capitonem (legem fortè Decemviralem de murrata portione interpretantes

tantes) in eadem sententia fuisse : quoniam in Plauti Pseud. sit.

Quod si opus est ut dulce promat

Indidem, ecquid habet? rogas?

Murrinam, passum, defrutum, mellinam.

Permiserunt igitur Decemviri, excepto murrato, ro-
gum omni vino respergi, quem Numa Pompilius rei
inopia expressè prohibuerat aliquo vino respergi. Do-
cet Apuleius in apologia prima, quales olim funeri
odores parari soleant : *Nec tamen*, inquit, *idcirco om-*
nia ad nequiores suspicionem trahuntur, etsi thus, & ca-
siam, & myrrham, ceterosque id genus odores funeri tan-
tum emptos arbitreris, qui & medicamento parentur, &
sacrificio. Denique huiusmodi odoribus sentire omni-
no visus est Festus, qui acerram interpretatur aram, quæ
ante mortuum poni solebat, in qua odores incendebantur.
Caterùm de longis coronis interpretes hîc nihil ad-
notant, putò quia non satis, quales illæ fuerint, in-
tellexerunt. Quidam ut audio, per coronas longas
lemniscos intelligit, sed errat : tam enim rotundæ
esse lemniscatæ possunt, quàm coronæ longæ. Obser-
uauimus longis coronis busta, sepulchra, sellas cu-
rules, theatra, & currus triumphales exornari con-
sueuisse : rotundis homines vsos esse. Obseruabunt id
mecum viri omnes literati, ex illo præclaro, quem
GOLTZIUS tuus Marce Laurine propediem est edi-
turus, C. Iulio Cæsare, siue historiæ Imperatorum
Cæsarumque Romanorum, ex antiquis numismati-
bus restitutæ, libro primo. De longis coronis illud ac-
cipiendum putò, quod hunc in modum scripsit in
Octauio M. Minucius Felix : *Sic reformidatis Deos quos*
negatis, non floribus caput nectitis, non corpus odoribus
honestatis, reseruatis unguenta funeribus, coronas etiam
sepulchris denegatis pallidi, trépidi, misericordia digni,

sed nostrorum Deorum. Nunc exponemus, vndè laudis ornamenta ad mortuos pertinere Cicero manifestum fecerit. Iam illa, inquit, significatio est, laudis ornamenta ad mortuos pertinere, quod coronam virtute partam, & ei qui peperisset, & eius parenti sine fraude esset lex impositam iubet. Idque etiam adnotans iisdem fere verbis Plinius libro vigesimo primo cap. 3. fuisse & aliam quoque legem testatus est, qua is arguebatur, cuiusque pecunia, qui non virtute, sed pactione coronam acquisiuerat. Quam legem, ut potè vitiosissimam, & locum Plinij, qui etiam mendosus est restituo: Semper tamen auctoritas vel ludicro quasitarum fuit. Namque ad certamina in circum per ludos & ipsi descendebant, & seruos suos quoque mittebant. Inde illa duodecim tabularum lex: QVI CORONAM PACIT IPSE PECVNIAQVE EIVS VIRTVTIS ERGO ARGVITOR. Quam serui, equivè meruissent, pecunia partam lege dici nemo dubitavit. Quis ergo honor? Ut ipsi mortuo, parentibusque eius, dum intus positus esset, forisve ferretur, sine fraude esset imposita. Hæc Plinius Vnde intelligi perspicuè potest, duas de Circensibus coronis in duodecim tabulis leges fuisse: vnam, qua pecunia eas acquiri prohibuerunt Decemviri: alteram, qua coronæ virtute, non pecunia acquisitæ, commoditates honoresque describuntur. Et proinde in hac lege rectè pro Qui coronam parit, mihi reposuisse videor, Qui coronam pacit: præsertim quod hanc emendationem mirum in modum verba subsequencia confirmant. Quibus nimirum significatur, si coronam, quam serui equivè meruissent, præcones Ædilium iussu, domino ut victori imponent, eam legem dici pecunia partam neminem dubitasse. Et ita legem de corona, quæ non virtute, sed pecunia est acquisita, loqui, testatur expressè Plinius. Aut igitur pro parit legendum

legendum est *pacit*, aut certè *pecunia parit*: ut sit sen-
sus, qui non virtute, sed pecunia coronam acquisiuit,
quia virtuti fraudem fecit, virtutis ergo, & ipsum, &
eius pecuniam arguendam esse. Id quod *Imp. Alexan-*
der etiam obseruasse visus est, cum tribui ciuilium munerum
athletis iis vacationem non permisit, qui amulis corruptis, ac
redemptis coronati dicebantur. cap. vnico. C. de athletic.
Eoque omnino spectare videntur hi versus Plauti,
quos pronunciare in Amphytruon. prologo Mercu-
rius fingitur:

Hoc quoque etiam mihi in mandatis dedit,

Vt conquisitores fierent histrionibus:

Qui sibi mandassent delegati ut plauderent,

Quive, quo placeret alter, fecisset, minus:

Eius ornamenta, & corium vti coniderent.

Et hæc quidem mihi sufficere videntur ad emenda-
tionem, interpretationemque legis illius Decemvira-
lis, qua, qui pactione coronam acquisiuit, arguitur.
Altera porro lex, qua homini mortuo eiusque paren-
tibus imponi coronæ honoris gratia permittuntur,
non multum difficultatis continet, si consideremus
moris apud antiquos fuisse, ut cadauera per dies se-
prem domi seruarentur, octauo die darentur rogo, &
nono sepelirentur, auctore in Virgil. Seruio. Quod
quum ita sit, quis est qui non intelligat quid sibi Plin.
voluerit, coronam sine fraude homini mortuo, cum intus po-
situs esset, & quum foris ferretur, eiusque parentibus fuisse
impositam scribens? Erat & alia lex in duodecim, qua,
quod erat olim factiratum, ut vni plura funera fie-
rent, lectique plures sternerentur, id quoque ne fieret
fancitum est: & fuisse in ea lege, NEVE AURVM
ADDITO, testis est M. Cicero. Meminit etiam idem
Cicero legis cuiusdam Decemviralis, qua cum dentibus
auro vinctis sine fraude mortuos vni & sepeliri fuit libe-
rum

rum. Quæ quidem lex sic mihi restituenda videtur
 QVOI AVRO DENTES VINCTI ESUNT,
 AST IM CVM OLLO SEPELIRIER, NESI
 FRAVDE ESTO. *Due sunt præterea in duodecim, leges,*
inquit Cicero, de sepulchris, quarum altera prinatorum
ædificiis, altera ipsis sepulchris cauet. Nam quod *rogum,*
bustumve novum vetat propius sexaginta pedes adijci ædes
alienas invito domino incendium veretur acerbum: quod
autem forum, id est, vestibulum sepulchri, bustumve us-
capi vetat, tuetur ius sepulchrorum. Hæc Cicero lib.
 secundo de legibus.

CAPVT XVI.

De mancipationibus.

MANCIPIVM pro dominio in iure civili po-
 situm omnes consentiunt. Indequæ res omnes
aut mancipi esse, aut nec mancipi dicuntur. Mancipi res sunt,
auctore Boëtio, quæ à nostro ad alterius dominium per ne-
xcus quadam solemnitate transire possunt: nec mancipi verò
res ille dicuntur, partim quidem quæ sui iuris & libera
sunt, partim verò quæ dominio semper non sunt subiectæ: &
si res illas addideris quæ mancipio dari, aut accipi
mancipio nequeunt, perfectæ erit rerum nec mancipi
definitio. Res mancipi solæ mancipari possunt: res nec
 mancipi, aut nuda traditione, aut si tradi non pos-
 sint, cessione acquiruntur. Inter res mancipi prædia in
 Italico solo tam urbana quàm rustica, eorumque iu-
 ra, item serui & quadrupedes, quæ collo dorsove do-
 mantur, velut boues, muli, equi, asini, ab Vlpiano in
 fragmentis referuntur: reliquæ autem res nec man-
 cipi sunt. Et quamvis elephanti & cameli dorso col-
 lève domari possint, eos tamen idcirco idem Vlpia-
 nus inter res mancipi negavit numerari, quòd essent
bestiarum

bestiarum numero. Opinor quia veteres mancipi res appellabant, res alterius dominio semper subiectas. Nam serui, equi, asini, nulli vnquã fuere qui proprium dominum non haberent: & proinde etiam si fugissent, si surrepti essent, aut abacti, semper alicuius erant in dominio. Verum cameli & elephanti, quia sui iuris sunt, idcirco statim occupantis iure *Quiritium* fiunt, sine aliqua aut mancipationis, aut in iure cessionis, vel usucapionis auctoritate: sique alienati fuerint, nuda traditione eorum dominia acquiruntur. Sed quia eousque duntaxat occupantis esse intelliguntur, donec eius custodia coërentur, hinc factum etiam deinde videtur, ut cameli & elephãti, licet collo dorsove domati essent, inter res tamen mancipi non referrentur. Non enim satis erat, mancipium quid fuisse, ut posset rerum mancipi numero comprehendi, verum etiam mancipium esse perpetuò debebat. Sanè seruus quàm diu seruus est, mancipium est: elephas verò mancipium diutius esse non potest, quàm custoditur. Nam semel ubi custodiam euasit, & in pristinam libertatem sese recepit, mancipium esse desinit. §. *feræ.* Inst. de rer. diuis. Prædia in Italico solo mancipi esse tradidit Ulpianus. Nec quidem in solo prouinciali prædia omnia nec mancipi fuerunt. Ciues enim Romanos in prouinciis tam prædia possedisse, & emancipasse, quam in Italico solo, scripsit Nepoti suo Plinius lib. 6. epist. de candidatis disserens, quos prædia in solo Italico comparare princeps cogebat, *Eosdem,* inquit Plinius, *patrimonij tertiam partem conferre iussit, in ea quæ solo continerentur: deforme arbitratus, ut erat, honorem petituros, urbem, Italiamque, non pro patria, sed pro hospitio, aut stabulo quasi peregrinantes habere. Concursum ergo candidati, certatim quicquid venale audiunt, emittunt, ut sint quoque plura venalia, efficiunt.*

Proinde

Proinde si poenitet te Italicorum prædiorum, hoc vendendi tempus, tam hercule quàm in prouinciis comparandi, dum idem candidati illic vendunt, ut hic emant. Hæc Plinius. Modestinus etiam scribit, eum qui officij causa in prouincia agit, vel militat, prædia comparare in eadem prouincia, non potuisse, præterquam si paterna eius à fisco distraherentur. cap. 62. de contrah. emp. Ex quibus locis verissimum apparet, non in Italico duntaxat solo, sed & in prouinciis quoque iure Mancipij ciues Romanos prædia possedisse. Nec id quidem coniecturis tantum verisimilibus, sed expressis etiam M. Tullij verbis confirmari potest, qui de quibusdam Apolonidenibus Pergamenisque prædiis hunc in modum pro L. Flacco disserit. Illud quero, sintne ista prædia censui censendo habeant ius ciuile, sint necne Mancipi? Et certè ea fuisse videtur, quantum ex Siculo Flacco possum colligere, agrorum prouincialium differentia, ut vel diuisi & assignati, vel quæstoriij, vel occupatoriij, aut vectigales, id est, stipendiariij, vel denique tributarij dicerentur. Ut enim Romani omnium gentium potiti sunt, quos agros ex hoste captos in victorem populum partiti non sunt, eos limitibus actis, aut per quæstores populo Romano vendiderunt, aut ciuitatibus, certo vectigali imposito, quod stipendiarium dicitur, rediderunt. Quod quum ita sit, non est igitur dubium, quin ager ille, quem à Romano ciue ciuis Romanus emebat in prouinciis, rerum Mancipi numero sic contineretur, ut eius dominium, non traditione nuda, sed per Mancipationem, aut in iure cessionem duntaxat transferretur. Caterum agri vectigales, & stipendiariij, item tributarij, idè iuris nec Mancipi sunt, quia vectigales populi Romani, tributarij principis sunt proprietate, vti verò & fructu prouincialium, auctore Theophilo: & idcirco à possessoribus dari Mancipio nequeunt. Et eo quidem

dem visus est omnino Iabolenus respexisse, possessionem ab agro iuris proprietate sic distinguens, *ut quicquid apprehendimus, cuius proprietas ad nos non pertinet, nec pertinere potest, id appellari possessio debeat.* capit. 125. de verbor. significat. Quo sensu possessiones etiam Festus agros definivit latè patentes, qui non mancipio sed usu tenebantur, quos ut quisque occupauerat, colebat. Est autem mancipatio, auctore Vlpiano, propria species alienationis rerum Mancipi, eaque fit certis verbis, libripende & quinque testibus præsentibus, hunc videlicet in modum: Is qui rem mancipio accipit, as tenens ita dicit: *Hunc ego hominem ex iure Quiritium meum esse aio, isque mihi emptus est hoc aere, aeneaque libra.* deinde aere percutit libram. Fuisse enim in veteribus Mancipiis scriptum, *Raudusculo libram ferito*, Varro testatur lib. 4. & 5. de ling. Lat. Illudque in Mancipando etiam dici solitum, Festus observauit. *Quum autem libra raudusculo esset percussa, tunc is qui rem mancipio capiebat, as ei dabat, à quo rem accipiebat mancipio*, auctore Boëtio: qui etiam Mancipationem hanc lege 12. tabularum, sic esse introductam contendit, ut Mancipi res aliquas eadem lege abalienari potuisse, nisi per hanc solemnitatem expressè negauerit. Proinde si à Romano ciue cuius Romanus seruus emissus, isque traditus esset, neque tamen Mancipatus, nec in iure cessus, aut anno possessus, seruus quidem in bonis emptoris esse, ex iure Quiritium verò eundem remanere venditoris: testatur Vlpianus in fragmentis titulo primo. Sic nimirum ut usu & fructu seruus emptoris esset, mancipio verò & nexu venditoris. Quò respexisse visus est etiam M. Cicero, quum ita lib. 7. epist. famil. scriberet: *Cuius quando proprium te esse scribis mancipio & nexu, meum autem usu & fructu, contentus isto sum.* Huc quoque spectat illud Arnobij aduersus gentes l. 2. *Tu*

& illis est vita, non mancipio tradita. quamvis aliter quidam inferant. *Esse enim duplex dominium Theophilus ait, unum naturale, alterum legitimum: & is qui naturale duntaxat dominium habebat, rem in bonis habere, qui verò legitimum, iure Quiritium dominus esse dicebatur.* Et eo quidem spectare Decemviri videntur, quum venditas res, & traditas aliter emptori non acquiri, in duodecim tabulis scripserunt, quàm si is venditori pretium soluisset, aut ei satis alio modo fecisset. §. venditæ. Instit. de rer. diuis. Quia enim ex his quæ de mancipatione hîc adnotata sunt, liquidò constat, statim ubi res empta mancupio data esset, emptorem eius legitimum dominium iure Quiritium adeptum fuisse, etiamsi pretium non verè, sed dicis duntaxat gratia interuenisset, idè si non Iustinianum, saltem legem quàm allegat Decemviralem, cuiusque interpretes sic esse intelligendos puto, ut contenderint rem venditam aliter emptoris facere venditorem non cogendum, quàm si ab emptore venditori satis esset abundè factum. cap. 19. de contrah. empt. cap. 5. §. 8. de tribut. act. Tunc enim erat satis emptori à venditore rem tradi, sed etiam emptoris eam facere, hoc est, rem emptori mancupio dare, aut ea in iure cedere venditor lege 12. tab. cogebatur. Quia enim, ut est expostum, qui rem vendiderat, & tradiderat, neque mancupio dederat, nec ea in iure emptori cesserat, eius iure Quiritium dominus manebat, eadem interim in bonis emptoris usu & fructu existente: idcirco emptor rem emptam poscere solebat *mancipio*: hoc est, rem non solum tradi, verumetiam suam legitimè fieri postulare: siquidem nuda traditione ante Iustiniani constitutionem rerum mancipi dominia non transferbantur. Hûc spectat Plauti illud in Mostel. *Inleades mancupio poscier.* Quamvis interim mancipi

ita etiam potuerit alienari, ut eam mancipio dare, aut in iure cedere venditor non cogetur: nimirum cum sic inter contrahentes actum esset. Plaut. in Perf.

Præus dico hanc mancipio nemo tibi dabit: iam scis?
D. Scio.

Et tunc quidem plerunque solet, aut dupla, aut simpla promitti, si Varroni credimus, libr. 2. de re rust. Solet, inquit Varro, si mancipio non datur, dupla promitti, aut, si ita pacti, simpla. Hinc fortè simplaria venditio, de qua suo loco latius. Illud etiam tunc observabatur, ut eiusdem rei venditor & emptor in solidum essent domini: sed hic quidem bonitarius, ille verò quiritarius. Eoque spectare videntur, titulus, & Imp. Iust. constitutio, *De nudo iure Quiritium tollendo*. Qui quidem Iustinianus, cum etiam rerum mancipi, & nec mancipi differentiam aboleuisset, mancipationem visus est omnem ita sustulisse, ut amplius rem emptoris facere, hoc est, rem mancipio dare venditor non cogetur, sed tam nuda traditione legitima rerum mancipi dominia, quam rerum nec mancipi acquirerentur. Qua sola ratione factum deinde videtur, ut nulla huiusce Quiritium iuris, veterisque rerum mancipi & nec mancipi differentie, in nostris Pandectis supersint vestigia. Et ubique nexu tradere, aut mancipio dare legebatur, ibi dare, tradere, aut præstare visus est Tribonianus reposuisse: ne videlicet animi inuenum, qui ad primam legum veniunt audientiam, iuris Quiritium mancipique verbis perterriti, inuiles, si Diis placet legis antiquæ, hoc est, Decemviralis dispositiones accipiant, auctore Iustiniano capit. vnic. de nudo iur. Quirit. toll. Et ita quidem mancipatione dominia rerum acquirebantur. Cæterum in iure cessio, communis erat alienatio, inquit Ulpianus,

& rerum, *mancipi* & *nec mancipi*, quæ fiebat per tres per-
 sonas, in iure cedentis, vindicantis, addicentis. In iure cede-
 bat dominus, vindicabat is cui cedebatur, addicebat Pretor.
 Nec sanè cessione duntaxat, sed etiam nuda traditione res
nec mancipi acquirebantur, auctore eodem Vlpiano: tra-
 ditione quidem res mobiles, cuius generis sunt apri, vrsi,
 leones, cerui, & alia id genus animalia, quæ bestiarum
 numero sunt: cessione verò res immobiles, quales sunt
 possessiones prædiorum, vectigalium, aut tributario-
 rum: Quia enim huiusmodi prædia in bonis dunta-
 xat sunt possessorum, proprietate verò populi Ro-
 mani, aut Principis: & quia nihil aliud *mancipium*
 est, quàm proprietas, siue dominium legitimum, cer-
 tè nulla mancipatione possessoribus potuerunt alie-
 nari. Sed quandoquidem vsu & fructu eadem prædia
 possessorum essent, vsu & fructum non mancipa-
 tione, sed cessione rectè alienabant: sic nimirum ut il-
 lo eodem iure, quo in huiusmodi prædiis utebantur,
 alteri rectè apud prouinciæ Præsidentem in prouinciæ
 possessoribus cederent: proprietate interim manente
 penes populum aut Principem semper salua. Quod
 autem Varro scribit lib. 2. de re rustica, cessionem legiti-
 mum dominium in emptionibus perficere, si quis ei in iure
 cessit, cui cedere potuit, & id ubi oportuit, sanè eleganter il-
 lud explicat Boëtius in Top. Cicer. Fiebat, inquit, ces-
 sio tali modo: Apud magistratum populi Romani, vel apud
 Pretorem, vel apud Præsidentem prouinciæ, is cui in iure res
 aliqua cedebatur, rem tenens ita vindicabat, Hunc ego ho-
 minem ex iure *Quiritium* meum esse aio: Deinde postquam
 hic vindicasset, Pretor eum interrogabat qui cedebat, an
 contra vindicaret: quo negante, aut tacente, tunc ei qui vin-
 dicauerat, eam rem addicebat, idque legis actio dicebatur.
 Vnde illud imprimis obseruatione non indignum vi-
 detur, legis videlicet actionem veteres tam ad *imagi-*
nariam

nariam, quàm ad veram rei vindicationem retulisse. Nam qui lege in rem aliquam agebat, is hac vti eadem formula solet. Et idcirco magistratum apud quem legis actio est, cuius Modestinus & Ulpianus meminerunt, cap. 4. de adopt. cap. 3. de offic. Procons. cap. 1. de offic. Iurid. eum rectè interpretabimur, apud quem non solum legitimis actionibus liberum cuius erat experiri, filium emancipare, aut adoptare, sed vindicanti etiam suo iure cedere. Nunc videndum est, quid à nexu mancipatio differat. *Nexum*, inquit Festus, est quodcumque per as & libram geritur, idque nec dicitur: quo in genere sunt testamenti factio, nexi datio, nexi liberatio. Manilius autem, teste Varrone libro sexto de lingua Latina, *nexum* esse etiam scribit, omne quod per libram & as geritur, sed ita ut in eo sint res Mancipi. Denique Mutius Scenola, ut ait idem Varro, *nexus* appellatione existimavit contineri, quæ per as & libram sunt ut obligentur, præterquam quæ Mancipio dantur. Igitur ex Sceulæ sententia differre à Mancipatione in hoc videtur nexus, quod res Mancipi nexu obligentur, non autem Mancipio detur: hoc est, Mancipatione non alienentur. Et hoc quidem tunc verum esse non dubito, quum ut species nexus accipitur. Testis est enim *Ælius Gallus*, omne quod per as & libram geritur, genere quodam *nexum* appellari. Et idcirco si illud in suas species distribueris exemplo adoptionis, rectè dices *nexum*, hoc est, omne quod per as & libram geritur, in quendam *nexum* specialem, & in Mancipationem discedere. Itaque genere quodam omnis Mancipatio nexus est. Quo sensu rem illam quæ Mancipio datur, nexu tradi, dixit in Topicis Cicero. Abalienatio, inquit, est eius rei quæ Mancipi est, aut traditio alteri nexu, aut in iure cessio, inter quos ea iure civili fieri possunt. Rursus, specialiter, Mancipatio nexus non est, au-

store Scevola: cū enim nexum, ut speciem sumimus, tunc omne quod per æs & libram geritur, præterquam quod mancipio datur, nexus appellatione continetur. Testamenta per æs & libram nexu fiunt, non mancipatione. Pignora dicuntur necti, non mancipari. capite 22. §. 1. de iure fisci. Quod igitur per æs & libram alienatur, mancipari, & quod eodem modo obligatur, necti propriè & specialiter dicitur, cap. fi. C. Si aliena res pig. Cæterum effectus mancipationis is fuisse videtur, ut ubi res mancipi mancupio data esset, iure Quiritium eius qui eam mancupio acceperat, ita efficeretur, ut ille vero domino rem suam vindicanti, non restituere, sed laudare duntaxat auctorem suum cogeretur. Idque pro Murena expressè testatus est Cicero. Quò spectat Plauti illud in Mercat.

Non ego illam mancupio accepi, sed ille illam accepit.
D. sine.

C H. *Non potes tu lege vendere illam.*

Loquitur adolescens Charinus de puella, quam cū matri se emisisset Demiphoñi patri adolescens persuassisset, eam pater alienare simulavit se velle: id ne fieret, fingit adolescens non se, sed amicum quendam eam mancupio accepisse, proindeque nec sibi nec patri integrum esse eam alienare. Quibus addenda sunt quæ in Curcul. sic idem Plautus scribit.

*Memento promisisse te, si quisquam hanc liberali
Causa manu adfereret, mihi omne argentum redditū iri:
Triginta minas. C A. meminero, de isthoc quietus esto.
Et nunc idem dico. L Y. & commeminisse hac ego volam te.
C A. Memini & mancupio tibi dabo. C V R. Egon' ut ab
leone quicquam.*

*Mancipio accipiam: quibus suum nihil est, nisi una
lingua:*

Qui abiurant si quid creditum est? alienos mancipatis.
Alienos

*Alienos manumittitis, alienisque imperatis:
Nec vobis auctor ullus est, nec vosmet estis ulli.*

Et hæc quidem sic olim obseruabantur, si res quæ erat mancipata eius esset conditionis, vt dari mancipio posset, & ab eo daretur, à quo dari mancipio poterat. Nam si id datum mancipio esset, quod dari non poterat, aut is rem aliquam mancipio dedisset, qui mancipio dare iure ciuili non potuit, nulla erat ipso iure huiusmodi mancipatio. Testis est enim lib. 2. de re rust. M. Varro, *tunc demum mancipationem in emptionibus dominium perficere legitimum, cum quis vt debuit rem mancipio ab eo accepit, à quo iure ciuili accipere potuit, cumque, vt ait in Topic. Cicero, res ea mancipio datur, quæ dari mancipio potest. Finge, inquit Cicero, mancipio aliquem dedisse id, quod mancipio dari non potest, num idcirco id eius factum est, qui accepit? aut num is qui mancipio dedit, ob eam rem se ulla re obligauit? Quem locum Boëtius sic interpretari videtur, vt contendat Ciceronem de rebus nec mancipi mancipatis loqui, & ideo huiusmodi mancipationem esse inualidam, quia omne quod non iure contractum est, nihil retinet firmitatis. Nunc his ita de mancipationibus, de nexu, deque rebus mancipi, & nec mancipi obiter expositis, videndum est quid sibi voluerint Decemuiui cum ita scriberent:*

*QVI NEXVM FACIET MANCIPIVM QVE
VTI LINGVA NVNCVPASSIT, ITA IVS ESTO;
VTI NOMINASSIT LOCVTVSVE ESIT,
ITA IVS ESTO. Sic legem hanc apud Festum lib. 12. de verb. sign. restituo. Etenim nuncupassio, nominassio, esio, & alia id genus verba, veteribus admodum familiaria sunt, quemadmodum ex Plauto, Festo & Varrone quiuis potest animaduertere. Testatur Cicero de Orat. lib. 1. in duodecim tabulis expressè scriptum fuisse, uti lingua nuncupassit. Et quia idem Cicero lib. 3.*

Offic. duodecim tabulis cauere etiam scribit, *ut ea præstentur quæ lingua nuncupata sunt*, idcirco non dubitauit, quin ex duodecim tabulis lex ista desumpta fuerit. Quæ quidem lege nihil aliud visi sunt Decemuires voluisse, quàm ea duntaxat quæ in nexu aut mancipatione expressa sunt, præstari: ea verò quæ lingua nuncupata non sunt, non præstari. Videntur etiam hæc verba, *nexum mancipiumque*, licet coniuncta sint, pro distinctis tamen Decemuires posuisse: sicut illa, *agnatorum gentiliumque*, siquidem ut est declaratum, nexus & mancipatio, non nihil inter se differunt. Decemuires ea præstari quæ lingua essent in mancipando nuncupata duntaxat voluerunt: Iurisconsulti etiam reticentiæ pœnam introduxerunt, ut auctor est eodem in loco Cicero. *Nam cum*, inquit, *ex duodecim tabulis sciret ea præstari, quæ essent lingua nuncupata, quæ qui iniunctus esset dupli pœnam subiret, à Iurisconsultis etiam reticentiæ pœna est constituta: quicquid enim inest prædio venditori id statuerunt, si venditor sciret, nisi nominatim dictum esset præstari oportere.* Nec id absurdum adeò, si verum est, quod Pomponius scribit; perlati nimirum legibus Decemuiralibus, quia naturaliter eueniebat, ut earum interpretatione desideraret prudentum auctoritatem, necessariam fuisse fori disputationem, quæ ius quoddam à prudentibus componebatur, quod communi nomine appellatur *ius civile*. capit. 2. §. His legibus latis, de origin. iur. Et in hoc quidem iure componendo hanc mihi prudentes rationem secuti videntur, ut partim leges interpretarentur, partim quæ legibus deesse videbantur, ea supplerent. Interpretabantur, si quid obseruari non legum verba, sed earum sententia omnino suaderet: ut contingit in legitima patronorum tutela. Suppleuisse etiam ea Iurisconsultos, quæ duodecim tabulis deesse videbantur, obscurum non est, si consideremus

remus, ius quod ab iis compositum fuit, appellari ius non scriptum consueuisse, hoc est, ius duodecim tab. non comprehensum. *Omne enim ius aut scriptum* hoc est inclusum duodecim tabulis, *aut non scriptum*, hoc est, iisdem tabulis prudentum auctoritate adiectum tunc appellabatur, cum legibus perlatis Decemuiralibus esse necessaria fori disputatio cœpisset. Quo tempore iuris non scripti fuisse videntur, vsucapio seruitutum, vsucapio libertatis, vsucapio hæreditatis, tutela fœminarum, tutela fiduciaria, prohibitæ inter virum & vxorem donationes, prohibitæ mulierum intercessiones, reticentiæ pœnæ, & id genus alia, de quibus in libro singulari *De auctoritate prudentum*, fauente Deo, disseremus. Et ita quidem scripto iure, quæ lingua fuerant nuncupata in mancipâdo, ea duntaxat præstabantur: iure vero non scripto, etiam reticentiæ pœnæ sunt constitutæ. Hæc hæctenus de mancipationibus. De conuentionibus autem legitimis nihil hîc tractabitur, certè quia de iis Variorum lib. 4. accuratè disseruimus, legem illam Decemviralem interpretantes, cuius auctor ad Herennium lib. 2. meminit. Nunc de vsucapionibus videamus.

CAP. XVII.

De vsucapionibus.

QUI possidet, vel à domino possidet, vel à non domino. Qui à domino possidet, iure gentium & ciuili dominus esse potest: potest etiam iure gentium dominus esse & non ciuili, rursus iure ciuili, & non iure gentium. Qui rem mancipi mancipio accipit, is tam ciuili quàm gentium iure dominus est: qui rem in bonis habet, iure gentium, non ciuili, qui dominus rei quiritarius est, iure ciuili non gentium rem possidet.

possidet. Qui autem à non domino possidet, nec iure gentium dominus est, nec iure ciuili: sed vsum rei, siue possessionem illius nudam habet ad certum tempus sine dominio: quo tempore finito, nudæ possessioni dominium adiicitur. Et ita qui nec gentium, nec ciuili iure dominus erat, tempore legisque beneficio tam rei possessæ dominus efficitur, quàm si mancipio, aut cessione eam acquisiuisset. Quod cum ita sit, nunc intelligimus quid sibi voluerit pro Cecinna Cicero, cum ita scriberet: *Lex vsum, auctoritatem fundi iubet esse biennium.* Et in Top. *Quoniam vsus auctoritas fundi biennium est, sit etiam adium.* Sensus enim est: Lex voluit vsum esse fundi auctoritatem: quamdiu? biennium: hoc est, fundi auctoritatem non diutius biennio ex nudo vsu & sola possessione constare: siquidem finito biennio, eadem lex possessioni voluit adiici dominium. Certum autem est, qui quid mihi vendit, eum auctorem meum dici, cap. 14. in fin. de Public. in rem act. cap. 4. §. 1. cap. 6. §. 4. cap. 52. §. 3. de act. empt. & ob id, ius quod idem venditor in me transfert, auctoritatis nomine etiam contineri, cap. fin. de pignor. act. Et quia plus iuris in emptorem transferre, quàm ipse habet, venditor non potest, idcirco fieri etiam potuit, vt interdum auctoritas fundi, ex nudo soloque vsu constaret: quod tunc accidere solet cum à non domino res emitur. Igitur ne quarundam rerum diu & ferè semper incerta dominia essent, voluerunt Decemviri certo quodam tempore vsum esse earum auctoritatem: hoc est, earum auctoritatē ex nuda possessione certo quodam tempore constare, eoque finito auctoritati ex nudo vsu constanti dominium adiici. Proinde rectè mihi Modestinus visus est *vsucapionem*, non *ademptionem* cum Vlpiano, sed *adiunctionem domini* definiuisse, c. 3. de vsurpat. Est enim vsucapio modus legitimus, quo

quo per continuationem possessionis, possessioni nulla dominium adiicitur: adiectoque dominio, quia auctoritas vsuaria beneficio legis habetur rata, idcirco non amplius auctoritas duntaxat, sed rata auctoritas vsus appellatur. Quamobrem errare mihi plurimum visi sunt, tam qui apud Ciceronem, pro biennium biennij, quàm qui biennis legunt, loco biennij. Voluerunt igitur Decemviri vsum esse auctoritatem, fundi quidem biennium, rerum verò mobilium, annum, aduersus hostem & rerum furtiuarum aeternam. De lege Atinia hinc nihil dicam. De quinque pedum vsu-
capione, scribemus alio loco.

CAP. V. T. XVIII.

De testamentis.

DECENVIRALIS lex testamentaria nullam habet obscuram sententiam: siquidem eius hæc verba sunt: PATERFAMILIAS VTI LEGASSIT SUPER PECUNIA, TUTELAVE REI SVÆ ITA IVS ESTO: auctore Cicerone de inuent. lib. 2. Cornificio Rhetoric. lib. 1. & Vlpiano in fragmentis tit. 11. Permiserunt enim Decemviri *patrifamilias*, hoc est Romano cui in potestate non est, liberam testandi facultatem. *Legare* autem Decemviris idem esse, quod Iureconsultis *testari*, alio loco diximus. Porro latissimam hanc testandi potestatem interpretatione coangustatam esse vel legum, vel auctoritate iura consultantium, auctor est Pomponius, cap. 120. de verb. sign. Hinc originem habent leges tot testamentariae, Falcidia, Furia, Voconia, Velleia, Cornelia, Caninia, Sentia, Papiæ, Glicia. Hinc regula Catoniana; hinc Aquiliana formula. Addere varia testamentorum genera, sed quæ ab aliis rectè tractata sunt, hic repetere non est

est necesse. Vt interim non omittamus, actionem familiaræ erciscundæ ex duodecim tabulis descendere, cap. 1. famil. ercisc. *Et nomina ipso iure in portiones hereditarias ex eadem 12. tabul. lege esse diuisa*, Gordianus Imperator scripsit, capit. sexto, C. famil. erciscund. quod quidem rescriptum qua ratione accipiehndum sit, commodiore loco demonstrabimus.

CAPVT XIX.

De successionibus ab intestato.

EVNDEM secuti in successionibus Decemuiui & Prætores ordinem sunt. Quemadmodum enim illi ante de iudiciis testantium, deinde verò de successionibus ab intestato tractarunt: sic & hi postea quàm de bonorum possessione eius qui testatus est, edixissent, transitum ad intestatos fecerunt, cap. 1. Si tab. test. Et sunt quidem intestati gradus partim legitimi, partim honorarij, sic nimirum, vt primùm vocentur sui hæredes, secundò legitimi, tertio cognati, quartò, vir & vxor, c. 1. Quis ord. in bon. possess. Sui hæredes vocantur lege 12. tab. sola: legitimi verò etiam aliis legibus, & Senatusconsultis, cognati denique, sicut etiam vir & vxor, sine legis cuiusquam subsidio, ad possessionem bonorum iure honorario admittuntur. Hinc titulos huiusmodi, *vndè liberi, vndè legitimi, vndè cognati, vndè vir & vxor*, ita interpretari soleo, quasi per eos proponatur, si nullæ existent testamenti tabulæ, vndè liberi, vndè legitimi, vndè cognati, vndè vir & vxor ad bonorum possessionem admittantur. Nunc de successionibus quæ ex lege duodecim tabularum ab intestato competunt, hîc tractabimus, de aliis suo loco disputaturi. Et quidè mortuo patrefamilias intestato suos hæredes ad successionem vocant Decemuiui, iisque non exstantibus

exstantibus agnatos, his verbis: SI INTESTATUS
 MORITUR, CUI SVVS HÆRES NEC EX-
 TABIT AGNATUS PROXIMVS FAMILIAM
 HABETO, auctore in fragmentis Vlpiano, tit. 26.
 Decemviri intestatum appellant, aut qui nullum, aut
 qui non iure testamentum condidit: I C. verò etiam
 eum cuius ex testamento hæreditas adita non est.
 cap. 64. de verb. sig. Et hoc inde potissimum, quòd hæ-
 redes, quos suos dicebant, eosdem Decemviri neces-
 sarios esse voluerint: siquidem illi siue vellent, siue
 nollent, tam ab intestato, quàm ex testamento hære-
 des lege 12. tab. fiebant. §. necessarij. Instit. de hæred.
 qual. & diff. Passi quoque non sunt Decemviri, fœmi-
 nini sexus necessitudinem ad intestati successionem
 admitti: adeò vt ne quidem inter matrem & filium
 filiàmve vltro citroque hæreditatis capiendæ ius da-
 rent. §. 1. Inst. de s c. Tertull. Sed hæ iuris angustia
 postea emendatæ sunt. Porro Iulianus legem 12. tab.
 etiam eum vocare ad hæreditatem auctor est, qui
 moriente eo de cuius bonis quæritur, in rerum natu-
 ra fuit. cap. 6. de suis & legit. Quod sanè verissimum
 mihi videtur, si non ob aliud, certè quia lex suos ad
 intestati hæreditatem primo gradu vocans, quinam
 sui dicerentur non exposuit. Et idcirco suos deinde
 sic interpretati videntur Iureconsulti, vt eorum no-
 mine tam posthumos legè intellexisse, quàm filios fa-
 milias cõtenderint. Nam posthumos prudentes iuris,
 alios quidem suos appellasse, alios verò alienos, ma-
 nifestius est, quàm vt probationibus opus habeat. Nec
 quidem satis erat, quem suum dici, ad hoc vt posset ad
 intestati hæreditatem admitti, verùm necessum etiam
 fuit, vt eo nullus gradu esset proximior. Quemadmo-
 dum enim suis deficientibus ad agnatos proximiores,
 ita iis exstantibus ad suos proximiores hæreditas per-
 tinet.

tinet. c. 1. §. 5. & 6. de suis & legit. Igitur mortuo filio,
 proximum gradum obtinet nepos, nepote mortuo,
 pronepos, & ita deinceps. Cæterum si proponamus,
 ex defuncto, qui duos filios habuerat, superesse filium,
 & ex altero filios nepotes item duos pluresve, videamus
 an pariter nepotes cum patruo ad auitam hære-
 ditatem admitti debeant. Et debere quidem Caius
 Vlpianus, Iustinianusque testatur, negatque patrum,
 qui gradu proximior est, vltiores, quales hi nepotes
 sunt excludere. Et idcirco conueniens esse aiunt, non
 in capita, sed in stirpes hæreditatem sic diuidi, vt filius
 partem dimidiam hæreditatis habeat, & ex altero filio
 duo pluresve nepotes alteram dimidiam. §. cum filius.
 Inst. de hæred. quæ ab intest. def. lib. poster. inst. Caij
 tit. 9. & apud Vlp. in frag. tit. 26. Idque etiam leg. 12.
 tab. euidenter caueri, Impp. Diocletianus & Maximia-
 nus auctores sunt cap. 3. C. de suis & legit. Atque hu-
 ius quidem iuris non est obscura aut admodum ab-
 surda ratio, si consideremus patrefamilias mortuo in
 stirpes siue diuersas familias eius domum discedere.
 Adeò quidem, vt quòd filij fuerant familias, totidem
 confestim patrefamilias efficiantur, qui singuli sin-
 gulas & separatas familias, siue stirpes constituunt. Si
 igitur patrefamilias mortuo tres superfuerint filij, in
 stirpes tres familia paterna diuideretur: & quia non plu-
 ra quàm tria capita sunt, idcirco non in stirpes solum,
 sed in capita eriscit familia dicitur. Verùm si duo su-
 persint duntaxat filij familias, & ex tertio nepotes duo
 pluresve, hic non in capita, sed in stirpes idè fieri di-
 uisio debet, quia plura sunt capita quàm stirpes: & in
 plura capita quàm sunt stirpes familiam huiusmodi
 discedere, ne natura quidem æquum est. Et quamuis
 filij nepotibus in paterna successione proximiores esse
 natura videantur, ramen consideratione quadam stir-
 piura

pium ciuili proximiores non sunt, & idèd nepotibus non præferuntur. Si nõ ob aliud, certè quod mortuus nõ esse tertius ille filius familias præsumatur, cuius supersunt filij: qui omnes eandè, stirpis consideratione, quàm pater sustinuerat, simul induisse personã in auita successione finguntur. Et hæc quidem hæctenus de primo legitimorũ hæredum ordine. De altero, eorum nẽpẽ qui agnati dicuntur, illud dicendum restat, videlicet agnatorũ appellatione cõsanguineos quoque in hac lege contineri. Admonuimus enim aliquando, ab agnatis cõsanguineos separasse Iureconsultos, quos Decẽuiri agnatorũ nomine complexi sunt. Quinã autem agnati sui dicerẽtur, & quis filius dicatur agnatus patri, in eo capite exposuimus, quod de veris agnationũ cognationumque differẽtiis l. 5. Variorum inseruimus. Itaq; si nemo suus esset hæres, lege Decemuirali *ad agnatũ proximum* hæreditas intestati deuolvebatur, auctore Iustiniano, & in frag. Vlpian. tit. 26. hoc est, ad cõsanguineum, is enim agnatis reliquis gradu proximior est: sique cõsanguineus non exstaret, ad agnatũ post cõsanguineos proximum. Et tunc quidem si plures essent agnati proximiores, non in stirpes, sed in capita hæreditas diuidi solet. Veluti, si sit fratris filius, & alterius fratris duo plurẽsve liberti, quotquot sunt ab vtraque parte personæ tot sunt portiones, vt singuli singulas capiant. d. tit. 26. Idèd in capita hæreditas hic diuiditur, quia quot sunt capita, tot sunt agnati diuersi: & quot sunt agnati proximi, tot fieri in huiusmodi hæreditatibus portiones solẽt. Idèd non in stirpes, quia fratris filij in patris successione patris sui personam non induunt, quod in auita successione nepotes faciunt, cùm hæreditas in stirpes scinditur. Tunc enim quot filij familias, hoc est, quot diuersæ stirpes sint quæritur, quemadmodum

in agnatorum hæreditatibus, quot agnati proximi, id est, quod capita. De libertis autem ecquid in duodecim fuerit, Vlpian. exposuit tit. 27. *Ita demum*, inquit, *lex duodecim tabularum ad hæreditatem liberti vocat patronum, si intestatus mortuus esset liberius, hærede suo nullo relicto.* Idque etiam alio loco idem Vlpianus testatus est c. 3. de suis & legit. Denique ad liberos patronorum hæreditas defuncti liberti ita pertinebat, ut in capita, non in stirpes ea diuideretur, auctore eodem Vlpian. d. titul. 27.

CAPVT XX.

De connubio patrum.

IN duodecim tabulis scriptum fuisse, *ne patriciis cum plebeis connubium esset*, non Dionysius solum lib. 1. sed Liuius etiam testatus est libro 4. Auctor est idem Liuius, anno ab vrbe condita 309. M. Genurio, & P. Curiatio, vel (ut alij malunt) C. Curtio c o s s. de connubio patrum & plebis C. Canuleium Tribunum plebis rogationem promulgasse, quâ contaminari sanguinem suum patres, confundique iura gentium rebantur. Et refert quidem in eadem oratione Canuleius *ne cōnubium patribus cum plebe esset, hoc ipsum Decemuiros tulisse, pessimo exemplo publico, cum summa iniuria plebis, nullamque esse maiorem, aut insigniorem contumeliam posse, quàm partem ciuitatis velut contaminatam, indignam connubio haberi, idque nihil esse aliud quàm exilium intra eadem mœnia, quàm relegationem patrum.* Sanè idem Liuius idè Decemuiros huiusmodi connubium non permisisse ait, *ne incerta prole auspicia, quæ nemo plebeius habere poterat, turbarentur.* Et quia plebes ad id maximè indignatione exarsit, quod auspicari: tantumquam inuisa Diis immortalibus, negaretur posse, certe non ante finis contentionum fuit, quàm victi tantum

AD LEG. XII. TAB. CAP. XXI. 77
dem patres, ut de connubio ferretur concessissent. Et
tunc quidem lex ista Decemviralis repudiata subla-
tâque fuit rogatione Tribunitia.

CAPVT XXI.

De diuortijs.

CV M res Romana, regnante Romulo, ad eum esset
valida, ut ea cuilibet ciuitatum finitimarum par
esse videretur, sed penuria mulierum hominis dunta-
taxat ætatem duratura: tunc ex consilio patrum Romu-
lus legatos circa vicinas gentes misit, qui societatem
connubiumque nouo populo peterent. Et cum nuf-
quam benignè legatio audita esset, ad vim spectare
res cœpit: cui tempus locumque aptum ut daret Ro-
mulus, ægritudinem animi dissimulans, ludos ex in-
dustria parat Neptuno equestri solemnes: Consualia
vocat. Indici deinde finitimis spectaculum iubet. Vbi
spectaculi tempus venit, tum ex composito orta vis:
signoque dato iuuentus Romana ad rapiendas iure
matrimonij virgines discurrit. Idque testatus est non
Liuius solum, sed etiam Tertullianus in lib. aduersus
Valentinianos. *Tunc, inquit, illi Sabinas raptas iure ma-
rimonij plaudent.* Et quia feliciter raptus Sabinarum
Romulo successerat, ideò ab eodem Rege fuisse arbi-
tror institutum, ut non vero, sed simulato quodam ra-
ptu omnis legitimi connubij ritus perageretur. Quo
quidem tempore ea fuisse videtur matrimonij con-
trahendi ratio, ut usu quisque virginem ex gremio ma-
tris, aut ex proxima necessitudine vi simulata raptam,
non aliter suam faceret, quam Romana pubes Sabi-
nas olim virgines suas usu fecerunt. Idque omnino
mihi visus est voluisse Festus, cum ita scriberet: *Rapi-
simulatur virgo ex gremio matris, aut si ea non est ex proxi-*

ma necessitudine, cum ad virum trahitur, quod videlicet eā res feliciter Romulo cessit. Rapiundæ autem vi simulata virginis, quinam olim ritus fuerit, eleganter Apuleius exposuit lib. 4. de asino aureo, his verbis: *Tunc me gremio suo mater infelix tolerans, mundo nuptiali decenter ornabat, mellitisque sanis crebriter ingestis, iam spe futura liberorum votis anxius, propagabat, cum inruptionis subita gladiatorum impetus ad belli faciem sauiens, nudis & incertis mucronibus coruscans, non cedi, nō rapine manus asferunt, sed denso conglobatōque cuneo cubiculum nostrum inuadunt protinus, nec ullo de familiaribus nostris repugnante: ac ne tantillum quidem resistente, me miseram, exanimem, seuo pauore trepidam, de medio matris gremio rapuere.* Et id quidem illud esse omnino videtur, quod hunc in modum in libro de spectaculis Tertullianus scribit: *De hinc Equiria Marti Romulus dixit: quanquam & Consualia Romulo defendunt, quod ea Conso dicauerit Deo, ut volunt, consilij, eius scilicet, quo tunc Sabinarum virginum rapinam militibus suis in matrimonia excogitauit. Probum planè consilium, & nunc quoque apud ipsos Romanos iustum, & licitum, ne dixerim penes Deum.* Hæc ille. Ecquid autem hæc verba: *Et nunc quoque apud ipsos Romanos iustum, & licitum,* aliud significat quæso, quàm in locum veri raptus apud Romanos simulatum quendam raptum in nuptiis surrogatum fuisse? Proinde usu olim vxorem in hunc modum acquiri solitam, eamque antiquissimam fuisse connubij legitimi rationem, dubium non est. Fuit etiam alia contrahendi matrimonij ratio, quæ ut in Top. scribit Boetius, *confarreatio* dicebatur, & *solis Pontificibus* conueniebat, hoc est, ut ego interpretor, per solos Pontifices peragebatur. Qualis autem confarreatio huiusmodi fuerit, euidenter in fragmentis exposuit Vlpian. tit. 9. *Farre, inquit, conuenitur in manum certis verbis, & testi-* bus

bus decem presentibus, & solemnī sacrificio factō, in quo panis quoque farreus adhibetur. Et quia Deos fruge colere, molāque salsa supplicare, & far torrere, Numa primus apud Romanos instituit, auctore Plinio libr. 8. cap. 2. idē certissimum est hanc confarreationem à Romulo institutam non esse. Quid igitur si Numam eius esse auctorem dicamus? Subsisto, nec quicquam definitio, quamvis Dionysius libr. 2. referat, Romanos priscos sacras nuptias confarreationem appellasse. Illud inter certissimum est, ante coemptionem in usu confarreationem fuisse. Idque obscurē satis Cicero demonstrat, in ea quam pro Murena scripsit oratione, Iurisconsultos stomachosius, quā virum constantem deceat exagitans. Ait enim *sacra interire maiores noluisse: Iureconsultorum ingenio senes ad coemptiones faciendas, interimendorum sacrorum causa repertos esse.* Quo in loco dubium non est quin per sacra confarreationem Cicero intellexerit, quam introducta coemptione in desuetudinem sensim abiisse, cum Tacito cōtendit. Nam quod eo in loco de coemptione illa senserit, qua in manum solet conveniri, argumento sunt hæc eiusdem Ciceronis verba subsequētia: *Ut quia in alicuius libris exempli causa id nomen inveniunt, putarunt omnes mulieres quæ coemptionem facerent, Gaias vocari.* Nam si, quod Festus Pomp. l. 7. scribit, *Tanaquil uxor Tarquinij Prisci, ut Romam venit Gaia Cecilia fuerit appellata, tantæque probitatis habita, ut id nomen boni omnis causa frequentarent nūbentes*, videlicet ut Plutarch. ait, hunc in modum: *Ubi tu Caius ego Caia*: certē quod Cic. de Gaia dixit, id à Gaia Cecilia originem trahere, & per consequens ad coemptionem illam, qua in manum convenitur, pertinere, dubium non est. Cum igitur sacra dixisset Cicero maiores interire noluisse, haud dubiē per sacra, confarreationis vinculum,

quo nihil in omnibus sacris quicquam, auctore Plinio, fuit religiosius, intellexit. Non enim puto quenquam tam stolido hebetique ingenio esse, ut existimet Ciceronem contendisse, Iuriconsultorum ingenio omnia sacra esse interempta. Quòd autem idem Cicero, senes repestos esse ad coemptiones faciendas ait, illud eo referri debere, ut in coemptionibus non iis solum quibus in manum conuenitur, sed omnibus etiam quibus venale quid proscribitur, senes adhibiti fuisse videantur, apertè demonstrat M. Curius, Ciceroni hunc in modum scribens: *Ergo fructus est tuus, mancipium illius: quod quidem si inter senes coemptionales venale proscripserit, egerit non multum.* Exstat hæc epistola apud Ciceronem lib. 7. epistol. famil. Proinde rectissime in Ciceronis Top. adnotasse mihi videtur Boëtius, tribus modis uxorem haberi, usu, farre, coemptione. Idque etiam aduersus gentes libr. 4. testatus est Arnobius: *Vxores, inquit, Di habent atque in coniugali fœdera conditionibus veniunt ante quasitis: usu farre, coemptione, genialis lectuli sacramenta conducunt: habent speratas, habent pactas, habent interpositis stipulationibus sponsas.* Et quia raptus ille simulatus, de quo ex Apuleio, Tertulliano, & Festo, differuimus, nec confarreationi, neque coemptioni conuenit, idcirco illum rectissime ad eam vxorum speciem retulisse mihi videor, quæ usu habebantur. Ut igitur usu vxor solemnitatibus certis capiebatur, sic confarreatio, & coemptio suas etiam solemnitates habuerunt. Coemptio inperagebatur, inquit Boëtius, ut in coemendo se inuicem interrogarent: *Viri ita: An sibi mulier materfamilias esse vellet. Illa respondebat, Velle. Item mulier interrogabat: An vir sibi paterfamilias esse vellet, ille respondebat, Velle. Eratque mulier materfamilias viro, loco filie.* Et fuit sane tanta coemptionis istiusmodi apud veteres auctoritas

tas, vt per coemptionem facto matrimonio, vir & vxor sibi inuicem succederent. Idque in illud Virgilij, *Externusque in regnū queritur heres*, Seruium Honoratum adnotasse Concius obseruauit. Vlpiani etiam testimonio idipsum confirmatur, qui in frag. tit. 22. ita scribit: *Sui autem heredes sunt, liberi quos in potestate habemus, tam naturales quā adoptiui: item vxor qua in manu est, & nurus, qua in manu est filij, quem in potestate habemus*. Sed id quidem verum erat, diligenterq; obseruabatur, si omnium tutorū consensu, mulier coemptione in mariti manum conuenerat. Nam si vel tutoris vnus in coemptione deesset auctoritas, ius successione huiusmodi cessabat. Idque euidentissimè pro L. Flacco docuit M. Cicero. Quum enim eo nomine L. Flaccus esset accusatus, quod eius sorore Valeria intestato mortua, sic eam rem Flaccus egerat, quasi ad ipsum hereditas pertineret, quum contra certum esset eam iure coemptionis ad Andronem Sestilium Valeriae maritū, omnino deuolutam esse: alia quidē ratione nulla Flaccum excusauit Cicero, quā quod esset sine Flacci, qui tutor erat, cōsensu peracta coemptio. Verba Ciceronis hæc sunt: *At enim Androni Sestilio grauis iniuria facta est, & non ferenda, quod quum esset vxor Valeria intestata mortua, sic egit eam rem Flaccus, quasi ad ipsum hereditas pertineret. In quo quid reprehendas scire cupio: quod falsum intenderit, qui doces? Ingenua, inquit, fuit. O peritum iuris hominem! Quid? ab ingenuis mulieribus hereditates lege non veniunt? In manum, inquit, conuenerat. Nunc audio: sed quero, vtrum vsu, an coemptione? vsu non potuit: nihil enim potest de tutela legitima sine omnium tutorum auctoritate diminui. Coemptione? omnibus ergo auctoribus: in quibus certè Flaccum fuisse non dices. Hæc Cicero. Diximus quibus olim modis con- trahi, nunc videndum quibus dissolui connubium soleat.*

leat. Et quidem vsu vxor, vsurpatione vxor esse defini-
 nit: confarreatio, vt diffarreatione, sic coemptio re-
 mancipatione dissoluebatur. Quæ vsu vxor erat, antequam
 esset vsucapta, si trinoctium à viro vsurpandi
 causa abfuisset, lege duodecim tabularum vsurpata
 dicebatur. Vsurpatio vsucapionis interruptionem si-
 gnificat, non vi quidem & proprietate verbi, sed per
 consequentiam. Si enim id quod possideo, necdum ta-
 men vsucepi ab aliquo solenniter vsurpetur, siue ap-
 prehendatur, is si eius rei dominus est, possessionem
 meam sua vsurpatione interrumpit. Quia igitur mu-
 lieres in potestate aut mariti, aut parentum, vel tuto-
 rum erant perpetua, idcirco vsu vxor nondum vsuca-
 pta, ante annū à marito discedens, *vsurpabatur*, hoc est,
 à parentibus, aut si illi non essent, à tutoribus solenni
 quadam ratione apprehendebatur, & mariti potestate
 liberabatur, si ab eo trinoctium abfuisset. Et hoc inde
 potissimum, quod in veri locum, simulatus ille raptus,
 quo vsu vxores habebantur, successerat. Quemadmo-
 dum igitur Sabinæ virgines, quæ domum raptoribus
 insciis fugiebant, *vsurpabantur*, hoc est, ab iis appre-
 hendebantur, quorum antea in potestate fuerant: sic
 vsu vxor statim quum à viro trinoctium abfuisset,
 vsurpandi gratia, vsurpata dicebatur. Ita enim esse ac-
 cipiendum non dubito, quod ex Q. Muriæ de vxore,
 quæ per trinoctium à viro abfuerat, lege 12. tab. vsur-
 pata Gellius lib. 3. cap. 2. & Macrob. lib. 1. c. 3. tradide-
 runt. Idque non intellexisse visus est, quisquis ille fue-
 rit, qui Gellium suis propriis, & satis interdum frivolo-
 rum, singulorum capitum argumentis illustrare cona-
 tus est. Porro confarreatione matrimonium contra-
 ctum diffarreatione dissolui solitum Festus observa-
 vit, qui diffarreationem genus fuisse ait sacrificij, quo inter
 virum & mulierē fiebat dissolutio, idcirco sic appellatam,
 quia

quia fiebat farreo libo adhibito. Et ita quæ farreo libo, hoc est confarreatione facta erat in manus conuentio, eadem farreo libo, id est, diffarreatione dirimebatur. Et quia nihil tam naturale est, quàm vnumquodque eo modo dissolui quo ligatum est, ideo etiam non vsus vsurpatione tantum, non confarreatio diffarreatione duntaxat, sed & coemptio dissolui remanicipatione sollet. Testis est enim idem Festus, *remancipatam Gallum Alium eam definuisse, quæ mancipata sit ab eo, cui in manum conuenerat.* In coemptione autem quandam quæ si in manus traditionem interuenire solitam, testatur expresse Symmachus, hunc in modum de Fulvio quodam scribens lib. 2. epist. *Sororem Pompeiam olim viro maturam, te auspice in manus optat accipere, nec genere minor, & re fortassis vberior.* Huc spectat quoque Terentij illud in Andria:

Hanc mihi in manum dat, mors continuo ipsam occupat. Igitur quæ coemptione in contrahendo matrimonio mulier mariti in manum tradebatur, eadem illa in dissoluendo remancipabatur, hoc est, manu ab eo reddebatur, in cuius manum conuenerat. His ita expositis, videamus ecquid de diuortiis amplius in duodecim fuerit. Cuiacius se primùm ait obseruasse, diuortia fieri ex duodecim tab. auctoresque laudat Caium capen. Ad L. Iul. de adult. & Ciceronem in 2. Philippic. *Mimam illam, inquit Cicero, suam res suæ sibi habere iussit ex 12. tab. clauis ademit, exegit.* Sanè consuetudinem fuisse scribit Festus, mulieribus donare clauis ob significandam partus facilitatem. Igitur mulieri quæ data fuerat in contrahendo clauis, eam adimi in dissoluendo matrimonio, Decemuiui voluisse visi sunt.

CAPV.T XXII.

De tigno iuncto.

LEGEM de tigno iuncto Decemviralem, his conceptam verbis fuisse, vir ille eruditissimus observauit, qui primus Festum temporis iniuria deprauatissimum, integritati summa diligentia conatus est restituere: TIGNVM IUNCTVM ÆDIBVS, VINÆAIQVE, ET CAPVLO NE SOLVITO. De qua lege sic scribit Vlpianus: *Lex duodecim tab. neque soluere permittit tignum furtiuum ædibus iunctum, neque vindicare.* Quod prouidenter lex efficit, ne vel ædificia sub hoc prætextu diruantur, vel vinearum cultura turbetur: *sed in eum qui est conuictus iunxisse, in duplum dat actionem.* cap. 1. de tigno iuncto. Lex igitur 12. tab. non permittit ad hoc soluere furtiuum tignum ædibus iunctum, vt possit solutum vindicari. Sic enim hæc Vlpiani verba esse accipienda Paulus me docuit, qui de tigno ædibus iuncto, ad exhibendum idè agi non posse contendit, quia lex duodecim tabularum illud solui vetat, cap. 6. Ad exhib. Et siquidem qui vindicare non potest, vique nec ad exhibendum agere permittitur, hoc est, vt Vlpianus sentire videtur, ad soluendum tignum ædibus iunctum experiri: non est enim alius huiusmodi ad exhibendum actionis effectus. Rursus idem Paulus tignum ædibus iunctum posse vindicari, idque Decemviri etiam non ignorasse alio loco testatus est, cap. 98. in fi. de solut. Et hoc nunc etiam verum esse idem Paulus ait, cum aduersus eum est actio, qui sciens alienum ædibus suis tignum iunxit. cap. 18. §. tignum, de rei vind. Igitur ad exhibendum agitur de tigno iuncto interdum inutiliter: agi quoq; interdum potest vtiliter. Inutiliter quidem quum aduersus eum experimur, qui ignorans alienum iunxit.

iunxit. Ideò enim inutilis est hæc actio, quia id quod iunctum est, aliter vindicari non potest, quàm si solum fuerit. Qui igitur ad exhibendum aduersus eum experitur, qui ignorans iunxit, utique hoc videtur intendere, ut quod iunctum est, dissoluatur, & dissolutum exhibeatur. Lex autem vetat dissolui: igitur inutilis est hoc casu ad exhibendum actio. d. cap. 6. & cap. 7. §. cum in suo. de acq. rer. domin. Aliud autem est, si aduersus eum sit actio, qui sciens alienum iunxit. Tunc enim rectè ad exhibendum agitur, d. §. tignum. Non ita quidem, ut quod iunctum est dissoluatur: id enim fieri non potest, quia id fieri lex vetuit: verùm ita, ut eum qui iunxit sic conueniamus, quasi dolo malo fecerit, quò minus possideat, auctore Vlpiano cap. 1. de tig. iuncto. Igitur quæ ipso iure ad exhibendum actio propter Deceumiralem hanc legem inutilis est, eadem illa utilis ex scientia, eiusque qui iunxit mala fide, efficitur replicationis auxilio. Itaque si tignum meum petam exhiberi, quod ædibus tuis iunxisti, & tu dixeris illud te non possidere, nimirum propter mutatum habitum, iam si bona fide iunxeris, euanescit ipso iure proposita ad exhibendum actio: sin verò scientiam tuam culpam, teque non possidere quidem, sed dolo malo fecisse, quò minus possideres contendam, utilis efficitur huiusmodi replicationis auxilio, quæ antea ipso iure nulla erat, ad exhibendum actio: qua quanti inter sit mea tignū iunctum non fuisse fortasse conseq. c. 3. §. sciendū est autem. & §. ibidem. vers. de quibusdam. Ad exhib. c. 18. in princ. de dol. mal. Et ita cōciliandos esse illos prudentes iuris non dubito, qui de tigno iuncto nonnullas scripsisse antiſonias existimantur. Ceterum vindicari tignum aliter non potuit, quàm si solum esset. Quæ enim iuncta sunt ædibus, separata duntaxat dominum vindicare posse Vlpianus

testatur, c. 7. de except. rei iud. Idque Decemuiros non ignorasse etiam Paulus admonuit, quamvis interim illa solui, iidem Decemuiri prohiberent c. 98. in fin. de solut. Eoque mihi etiam visus est Vlpianus respexisse, quum ita scriberet: *Sed si proponamus tigni furtivi nomine adibus iuncti actum, deliberari poterit an extrinsecus sit rei vindicatio: & esse non dubito*, cap. 2. de tigno iuncto. Sensus enim est, si tigni iuncti nomine sit actum, legis de tigno iuncto actione, an & eadem quoque actione possit tignum quod iunctum non est peti, an verò separatim debeat vindicari? Et extrinsecus quidem vindicationem esse definit Vlpianus. Ea autem extrinsecus vindicantur, quæ adibus non inhærent. Idque Ciceronis auctoritate confirmatur, qui sic de Orat. scribit: *Extrinsecus autem assumuntur, cum ea quæ sunt foris, neque inherent, in rei natura colliguntur*. Huic adde illud eiusdem de Finib. *Et nunc quidem quod vitem tuetur, est id extrinsecus*, id est, non in ipsa vite. Ex quibus locis perspicuum satis est, quæ tigna adibus non inhærent, siue soluta, siue nondum iuncta fuerint, ea rectè dici extrinsecus vindicari, d. cap. 2. Tignum igitur aliud quàm quod solutum, aut necdum iunctum est, vindicari nullum potest. Legis autem actio de tigno iuncto, in duplum competit. Videamus quid appellatione tigni in hac lege contineatur. Quidam vitæ eruditus, tigni appellatione in hac lege, ea duntaxat tigna contineri sustinet, quibus ædes ruinosa fulciuntur. Id si verum est stupiditatis igitur legis huius interpretes Caius, Paulus, & Vlpianus insimulentur, qui non tigni solum, sed etiam huius tigni, cuius in hac lege mentio fit, appellatione omnem materiam significari tradiderunt, ex quæ ædificia sunt, ædificia constant, non autem fulciuntur, d. cap. 62. d. cap. 7. & cap. 7. §. appellatione, de acquirend. rer. domin. Quid

Quid: anne tigni vocabulo in hac lege tegulam, lapidem, testam, immò calcem & arenam, ceteraque si qua ædificiis sunt vtilia, contineri scripsit Vlpianus c. i. de tig. iuncto. Profectò puerilis est error, & non ferendus, si quis hæc omnia duntaxat fulciendis ædibus ruinosis dixerit accommodari. Quòd si me rogites, cur Decemuii contrarium ius in ædibus & in nauibus statuerint, negabo quicquam de nauibus Decemuiros iuris constituisse, sed de tigno duntaxat ædibus, vineis, & capulis iuncto. Quod ius si Decemuii non scripsissent, fortè dubium non esset, quin quod in nauibus æquum prudentibus visum est, idem in ædibus quoque, in vineis, & capulis obseruaretur. Cur autem passi non sint Decemuii tignum ædibus, vineis, & capulis iunctum dissolui, hæc ab Vlpiano prodita est ratio, ne videlicet sub hoc prætextu ædificia diruantur, vel vinearum cultura turbetur, dict. cap. i. Et quia capulum illud esse scribit Festus, quo mortui efferuntur, profectò mirum non est, capulum ex alieno tigno factum dissolui non magis potuisse, quàm tignum ædibus, aut vineæ iunctum: fortassis ne funus impediat, quod excusatione in ius vocato iustam & idoneam tribuit: neue iusta hominis mortui turbentur. Animaduerti mortuorum cadauera, aut vnco trahi, aut efferri capulo consueuisse. Et eorum quidem quibus iusta fieri poterat cadauera, solenni pompa capulo ad rogam efferbantur: aliorum verò quibus lege iusta fieri erat prohibitum, quod improbi ac nefarii iudicarentur, vnco trahebantur: quiq; trahebant, *Hamotrahones* dicebantur, auctore Festo. Quo spectat illud Seneca, epist. lib. 14. epist. 93. *Non conteret, inquit, me nec vnco nec proiecti ad contumeliam cadaueris laceratio, fœda visuris.* Eoque etià respexisse visus est idem Seneca, de Ira lib. 3. vbi sic de Ira eiusq; apparatu loquitur:

*Ostendenda est rabies eius effrenata & attonita, apparatusque illi reddendus est suus, eculeus, & fidicula, & ergastula, & cruces, & circumdati defossis corporibus ignes, & candanera quoque trahens uncus, varia vinculorum genera, lacerationes membrorum, inscriptiones frontis, & bestiarum immanium caaverna. Nec aliò quidem referendum videtur, quod nulla homini fulminibus occiso fieri iusta potuisse testatus est libr. 13. Pompeius Festus: Homo, inquit, si fulmine occisus est, ei iusta nulla fieri oportet. & ait, Hominem fulminibus occisum suprà genua tolli vetuisse his verbis Numam Pompilium: SI HOMINEM FVLMINIBVS OCCISIT, NE SV-
PRA GENVA TOLLITO. Credebantur enim huiusmodi homines ira quadam vindictaque diuina è medio tolli, & idcirco nulla parentatione digni. Igitur homo fulmine occisus suprà genua tolli, idcirco non potuisse videtur, quia ei iusta fieri nulla poterant. Opinor quod hi duntaxat supra genua tollerentur, quibus iusta fieri poterant: reliqui verò supra genua non tollerentur. Et hoc indè potissimum, quòd qui capulo efferebantur, non capulo humeris, vt apud nos moris est, imposito efferri soleant, sed in eam, ni fallor, altitudinem à terra capulo leuabantur, vt supra genua duntaxat tollerentur. Quia igitur occiso fulminibus homini iusta fieri nulla poterant, certissimum est, ideò etiam noluisse eum suprà genua tolli Pompilium; siquidem qui suprà genua tollebantur capulo efferebantur. Et quia hi solùm capulo efferri poterant, quibus fieri iusta permissum erat, rectè hinc ratiocinabimur, capulo propterea homines fulminibus occisos non elatos, nec per consequens supra genua sublatos, sed vnco velut sceleratos homines & impios tractos fuisse. Quid autem, si per capulum non id solùm quo mortui efferuntur, sed etiam ipsum sepulchrum*

AD LEG. XII. TAB. CAP. XXIII. 89
pulchrum intellexerimus? Nihil esse quod reprehendi
possit, existimo. Antiquos enim sarcophagum etiam
capulum, appellasse, præter Nonium Marcellum te-
statur Apuleius lib. 10. de asino aureo: *Ecce, inquit, pa-
ter suus, ipse manibus cooperculo capuli remoto commodum
discusso mortifero sopore, surgentem postliminio mortis de-
prehendit filium.* Eoque sensu capulum accepisse visus
est etiam Tertull. in libro de carnis resurrect. *Deus ve-
rò, inquit, anima sua umbram, spiritus sui auram, oris sui
operam, vilissimo alicui commiserit capulo?* Aut igitur per
capulum, id quo mortui efferuntur, cum Festo intelli-
ges, aut certè cum Non. Marcello ipsum sepulchrum
ex alieno tigno factum.

CAPUT XXIII.

De frugum excantationibus.

IN hoc Decemuiros reprehendit Seneca, libr. 4. na-
turalium questionum, capite 7. quod illi cantibus
attrahi imbres, & repelli crediderint. *At Cleone, inquit,
iudicia reddebant, in illos, quibus delegata erat cura prou-
denda tempestatis, quod negligentia eorum vineæ vapulaf-
sent, aut segetes procidissent. Et apud nos in duodecim tabul.
cauetur, ne quis alienos fructus excantassit. Rudis adhuc
antiquitas credebatur & attrahi imbres cantibus, & repelli:
quorum nihil posse fieri tam palam est, ut huius rei causa
nullius Philosophi schola intranda sit. Hactenus Seneca.
Esse autem in duodecim Tab. legem, qua fruges ve-
tantur excantari, non Seneca dūtaxat, sed & Plin. quo-
que l. 28. c. 7. his verbis expressè testatus est: *quin etiam
& legum ipsarum in duodecim Tab. verba sunt, QVI
FRUGES EXCANTASSIT. & alibi, QVI MA-
LVM CARMEN INCAŇTASSIT.* Atque huius
quidem legis in 1. apologia meminit etiam Apul. &
F 5 qua*

qua ratione fruges soleant excantari eleganter hunc in modum docet : *Magia ista res est delegata legibus iam inde antiquis x i i. Tabul. propter incredundas frugum illecebras interdicta.* Igitur & occulta, non minus quàm terra, & horribilis, plerunque noctibus vigilata, & tenebris obstrusa, & arbitris solitaria, & carminibus murmurata, cui non modò feruorum, verum etiam liberorum pauci adhibentur. Prohibuerunt igitur Decemviri fruges excantari, eumque qui fruges excantasset, Cereri sacrum esse, eosdem Decemviros voluisse, auctor est in Virg. Seruius.

CAPVT XXIV.

De damno dato.

VIDETVR in duodecim Tabulis scriptum fuisse, SI RVPITIAS, SARCITO. *Rupitias* enim in duodecim damnum dederis, & *sarcito* damnum soluto, significare, ex Seruio Sulpitio adnotauit Festus. Igitur Decemviri damnum non iniuria, sed negligentia datum *sarciri*, hoc est, solui, siue præstari duntaxat, sine castigatione aliqua voluerunt, capit. 9. de incend. ruin. naufrag. Cæterùm qui ædes acruumve frumenti iuxta domum positum sciens prudens combussit, is vinctus, verberatus, igni necari lege Decemviri iubetur, d. cap. 9. quem postea si humiliore loco esset, bestiis obiectum; sin verò in aliquo gradu, capite punitum, aut in insulam deportatum fuisse, Vlpianus testatur cap. vltim. d. tit. *Incendium autem nullum sine culpa fieri posse*, hoc est, sine negligentia, Alphenus notat, cap. i i. de per. & com. rei vend. Et ob id ex incendio culpa facto, si quidem ea laior esset, de damno iniuria dato, ex lege Aquilia; sin leuior, ex duodecim tabulis agi solet, cap. i. Ad l. Aquil.

His

His adde, si quadrupes pauperiem fecerit, etiam ex lege duodecim tabularum actionem sic descendere, ut eadem lege aut dari id quod nocuit, id est, animal quod noxiam commisit, aut æstimationem noxiæ offerri necessum fuerit, capite 1. Si quadr. paup. feciss. dic. Fuisse denique in duodecim tabulis de seruorum noxiis aliquid cautum, indicat Iustinianus in §. Sunt autem. Instit. de noxal. act. Scribit etiam Vlpianus, si seruus sciente domino furtum fecit, vel aliam noxam commisit, serui nomine ex duodecim tabulis actionem esse noxalem, nec dominum suo nomine teneri. capit. 2. de noxal. act.

CAPUT XXV.

De iniuriis, & famosis libellis.

GELLIVS auctor est, libr. 20. cap. 1. in duodecim de iniuria puniendi sic scriptum fuisse: **SI INIURIAM ALTERI FAXIT, VIGINTIQUINQUE ÆRIS POENÆ SVNTO.** Quam legem Sextus Cecilius, & Sextus Pompeius Festus sic interpretati sunt, ut per vigintiquinque æris poenas, intellexerint vigintiquinque asses. Scribit idem Gellius, Lucium quendam Neratium hominem egregie improbum, & immani vecordia, pro delectamento habuisse, os hominis liberi manus sue palma verberare, & quemcunque depalmauerat, ei statim numerari secundum duodecim tabulas quinque & viginti asses iussisse. Propterea, inquit, Praetores poenam hanc obsolescere, & relinqui censuerunt, iniuriisque æstimandis recuperatores se daturos edixerunt. Cæterum de membrò rupto sic Decemuiros scripsisse, apud eundem Gellium legimus: Si membrum rupit meum, è pacto talio est. Sed caput istud mendosum esse, quis est qui non videat? Illud iam pridem

Iacobus

Iacobus Cuiacius obseruauit sic esse restituendum:
SI MEMBRVM RVPIT, NI CVM EO PACIT, TALIO ESTO. Elegās restitutio. Quis enim non videat, ex his duabus dictionibus *ni cum*, conflatum fuisse illud *meum*, quod in vulgari editione passim exstat? Talionis, inquit Festus nouissimè restitutus, mentionem fieri in duodecim ait Verrius, hoc modo: *Si membrum rupit, ni cum eo pacit, talio esto.* neque id quid significet indicat, puto quia notum est: perimit enim lex parem vindictam. Hùc spectat illud Senecæ de Ira lib. 2. cap. 32. *Inhumani verbum est, & quidem pro iusto receptum, ultio & talio, non multum differt nisi ordine.* Porro propter os fractum, non talionis, sed nummarias pœnas fuisse in duodecim constitutas, Gellius & Iustinianus consentiunt. Nunc antequam ad legem de famosis libellis Decemuiralem veniam, exponendum est, ecquid de arboribus furtim cæsis statuerint Decemuiri. Plinius libro 17. cap. 1. cautum fuisse duodecim tabulis ait, *ut qui iniuria cecidisset alienas arbores, lueret in singulas pœnas æris viginti quinque.* Sic enim legendum est apud Plinium, non ut passim legitur, *Lucret in singulas æris viginti quinque.* Sed quæ admodum in aliis iniuriis, ita & hic à Prætoribus alia pœna statuta fuit, ad quam pœnalis in duplum actio arborum furtim cæsarum est introducta, cap. 8. *Arbor. furt. cæsar.* His addendum est, quod de frugibus aratro quæsitis, hunc in modum idem Plinius scribit, libr. 18. cap. 3. *Frugem, inquit, aratro quæsitam, nocte paruisse & secuisse, puberi duodecim tabulis capitale erat, suspensumque Cereri necari iubebant, grauius quàm in homicidio conuictum: impuberem Prætoris arbitrata verberari noxiàmve duplionemve decerni. Quo in loco pro noxiàmve duplionemve decerni, legendum mihi videtur, noxiàmve duplione decerni. Nam cum sola noxia decernitur,*

nitur, nihil de pœna statuitur, cùm duplio noxia præstari iubetur, & simul pœna decernitur, Balduinus notus antiquitatum illustrator vigilantissimus, de famosis libellis tam scripsit accuratè, ut non magnoperè hîc esse mihi laborandum putem. Ait Ciceronem libr. 4. de Repub. sic scripsisse: *Nostre contra duodecim tabule cùm per paucas res capite sanxissent, in his hanc quoque sancendam putauerunt: si quis occentauisset, actitauisset, siue carmen condidisset, quod infamiam faceret, flagitiumque alteri precaretur.* Ex quo loco dubium non est, quin libelli famosi pœna capitalis fuerit, hoc est, supremi supplicij. Nam quod quidam ait, capitis pœnam non mortem tantum, verum etiam statum & dignitatem respicere, id certè ad rem non pertinet. Decemuirorum siquidem temporibus nulla erat relegatio, nulla proscriptio, nulla deportatio, & idcirco qui capitis damnabatur, ad mortem condonari debebat. Igitur hanc infamiam summo supplicio vindicasse videntur Decemuires. Nec moueor auctoritate Vlpiani, quem audio cap. 5. de iniuriis tradidisse, eos qui famosum carmen, libellòsve famosos scribunt, ex lege intestabiles esse. Illud enim non ad Decemviralem legem, sed ad quoddam SC. spectat, cuius idem Vlpianus alio loco meminit: *Si quis*, inquit, *ob carmen famosum damnetur, SC. expressum est, ut intestabilis sit.* cap. 18. de test Et eò quidem referendum videtur, quod hunc in modum Arnobius scribit aduersus gentes libr. 4. *Carmen malum conscribere, quo fama alterius coinquinetur & vita, Decemviralibus scitis euadere noluitis impunè: ac ne vestras aures conuitio aliquis petulantiore pulsaret, de atrocibus formulas constituistis iniuriis.* Verba legis 12. tab. de famosis libellis, sic esse restituenda obseruaui: **SI QVIS OCCENTASSIT, ACTITASSIT, SIUE CARMEN CONDIDISSIT, QVOD INFAMIAM**

FAMIAM FACERET, FLAGITIVMVE ALTERI PRECARETVR, CAPITE POENAS LVITO. *Occentassint antiqui dicebant, inquit Festus, quod nunc conuicium fecerint, dicimus: quod id clarè & quodam canore sit, ut procul exaudiri possit: quod turpe habetur, quia non sine causa fieri putatur.* Et hæc mihi sufficere videntur, ad interpretationem legum Decemviralium quæ de iniuriis latae sunt.

CAPVT XXVL

De furtis.

DECENVIRI tres furtorum species constituit, *manifestum, nec manifestum, conceptum:* addere Prætores quartam, eamque *oblatum* nominant. Decemviri furem qui manifesto furto prehensus esset, occidi tunc permiserunt: si quum faceret furtum, nox esset, aut interdiu se telo cum prehenderetur, defenderet. Et cæteris autem manifestis furibus, liberos verberari, addicique iusserunt ei, cui factum furtum esset, si modò id luci fecissent, neque se telo defendissent: servos item furri manifesti prehenso, verberibus affici, & è saxo præcipitari: sed pueros impubes Prætoris arbitratu verberari voluerunt, noxamque ab his factam sarciri. Aliis deinde furtis omnibus quæ nec manifesta appellantur, pœnam imposuerunt dupli. Hæc differit eleganter Gellius noctium Articarum libr. i. cap. 18. Et Macrobius lib. i. Saturn. hanc legis Decemviralis referens particulam, *SINOX FVRTVM FAXIT, ETIM ALIQVIPS OCCISIT, IVRE CÆSVS ESTO*, notandum esse ait, Decemviros nox pro noctu, & in pro eum posuisse. *Furtum autem conceptum, ac si manifestum foret, Decemviros etiam vindicasse, idem Gellius auctor est. Et quoque*

quoque furta, inquit, quæ per lancem liciumque concepta essent perinde ac si manifesta forent, vindicauerunt. Quo quidem in loco nihil esse aliud furtum per lancem & licium conceptum suspicor, quàm illud furtum, quod conceptum simpliciter à prudentibus iuris est appellatum. Lance, inquit Festus, & licio, apud antiquos dicebatur, quia qui furtum ibat quærere in domo aliena, licio cinctus intrabat, lancemque ante oculos tenebat, propter matrum familiae aut virginum praesentiam. Vnde manifestum satis est, lancem liciumque nihil aut adiecisse, aut substantiæ concepti furti detraxisse, sed nudam duntaxat furti inuestigandi rationem denotasse. Moris enim Decemuirorum temporibus fuisse videtur, ut si quis in alicuius aedibus furtum vellet quærere, illud faceret nudus, licio cinctus, & lancem ante oculos tenens, iuratusque Deos legum custodes, sese reperiendi spe furtum quærere. Et tunc quidem alter ille apud quem furtum quærebatur, domum suam ei qui furtum quærebat aperire, & in obsignatis, & non obsignatis locis liberam furti inquirendi potestatem facere cogebatur. Quem morem primum à Græcis usurpatum, deinde in Romanam Rempub. olim inuentum fuisse, si quis fortè satis sibi non persuaferit, inueniet Platonis de legibus librum duodecimum: in quo id ita perspicuè traditur, ut omnè auctor diuinus cum Festo Gellio, aliisque Latinis auctoribus collatus, dubitationis mihi scrupulum penitus exemerit. Igitur si conceptum furtum aliud nullum dici possit, quàm furtum quaesitum & inuentum, auctore Paulo, Sententiarum libro secundo tit. 31. & Iustiniano, in §. conceptum. Iustinian. de obligat. quæ ex del. nas. consequi rectè videtur, aliud quoque nullum dici posse furtum per lancem & licium conceptum, quàm furtum per lancem & licium quaesitum & inuentum. Et quia nulla tem-

poribus Decemviorum furta quæri sine lance & licio in domo aliena poterant, idè quoque nulla fuisset iisdem temporibus videntur concepta furta, quæ non per lancem & licium concepta dicerentur. At posteaquam furtorum quæstiones, hoc est, inquisitiones cum lance & licio evanuiscent, ut est apud Gellium libro 16. cap. 10. tunc furta, quæ per lancem & licium concepta dicebantur, appellari concepta simpliciter cœperunt. Et ita quidem amplius nihil in effectu furti nomine per lancem & licium concepti Decemviri sunt complexi, quàm Prætores & Iurisperiti per furtum conceptum intellexerunt. Idque mirum in modum confirmat idem Gellius. Cùm enim à lege Decemviali discessum esse, & ex manifesto furto actionem in quadruplum competere demonstrasset, hæc verba subiicit. *Furti concepti; item oblati, tripli pœna est.* Quibus haud dubiè aliud nihil voluisse visus est, quam sicut manifesti furti in quadruplum, sic furti concepti pœnam Decemviralem in triplum conuersam à Prætoribus fuisse. An autem in duodecim, de eo cuius ope, consilio, furtum factum esset, quicquam fuerit definitum, nihil certi existimo affirmari posse. Nam quòd Festus, docens nec, pro non, veteres dixisse, in duodecim scriptum esse ait, si *aderit furto quòd nec manifestum erit*: illud mendosum esse indicant veteres libri, quibus in Festo restituendo Anton. Augustinus usus est. In iis enim pro *aderit*, fuisse videtur scriptum *adorat*. Et quia *adorare* pro *agere*, interdum antiquos posuisse Festus testatur libro 1. idcirco sic hanc legis apud eundem Festum particulam esse restituendam existimaui: **SI ADORAT FURTUM QUOD NEC MANIFESTUM ESIT, DVPLTONEM LVITO**: & sic intelligendam, ut qui furtum nec manifestum fecisset, duplo mulctaretur. Usus in eadem

AD LEG. XII. TAB. CAP. XXVI. 97
dem significatione verbo adorare videtur in Octauio
Minutius Felix: *At enim, inquit, nos exequias adoramus,*
eadem tranquillitate qua viuimus: hoc est, exequias faci-
mus, celebramus, eadem qui viuimus tranquillitate.
Et hæc de furtis, de quibus pacisci Decemuiros etiam
permisisse, passim traditum est.

CAPVT XXVII.

De publicis iudiciis & capitalibus.

ESSE in duodecim Tabulis de capite Romani ci-
uis ita scriptum, DE CAPIT E CIVIS NISI
PER MAXIMUM COMITIATUM NE FERUN-
TO, Cic. lib. 3. de leg. auctor est. Qua quidem lege ante
Decemuirosum tempora vixdum in prouocatione vsi
videntur Romani. Tunc enim horridi criminis legem
in vsu fuisse huiusmodi Liuius testatur lib. I. DVVM-
VIRI PERDVELLIONEM IUDICENT. SI A
DVVMVIRIS PROVOCARIT PROVOCATIONE
CERTATO. SI VINCENT, CAPVT
OBNVBITO, INFELICI RESTE SVSPENDI-
TO, VERBERATO, VEL INTRA POMERIVM,
VEL EXTRA POMERIVM. Secundum quam legem,
ait idem Liuius, Tullum Hostilium Duumuiros, qui Ho-
ratio perduellionem indicarent, fecisse: & alterum ex Duum-
uiris in condemnando hac formula vsu esse: Publi Horati
tibi perduellionem iudico: Licetor colliga manus. Cumque
Horatius prouocasset, de prouocatione statim certatum ad po-
pulum fuisse. Quid autem sit perduellionem alicui iu-
dicare, quid item perduellionis reum fieri, quia id
ignorari video, paucis hinc exponam. Et animaduerti
quidem à viro quodam, vt mea opinio fert, nostro-
rum iurisperitorum longè ingeniosissimo, atque
exercitatissimo, Liuium esse reprehensum in hoc,
G quod

quod ille nefarium illud Publij Horatij, qui propriam
 sororem interemerat, scelus perduellionem appella-
 uerit. Sed quia aliud est, perduellionem alicui iudica-
 re, aliud perduellionis accusare: sic Liuium esse de-
 fendendum puto, vt dixerit expresse Duumuiros non
 perduellionis Horatium reum fecisse, aut condemnaf-
 se, sed Publio Horatio perduellionem iudicasse. Sanè
 ad legem 12. tab. libro secundo scribit Caius, quos ho-
 stes nos dicimus, eos veteres perduelles appellasse, per eam ad-
 iectionem indicantes cum quibus bellum esset, cap. 234. de
 verb. sign. Idque etiam Varro de lingua Latina lib. 4.
 & Festus libro 8. de verborum significatione testan-
 sunt. *Multa verba*, inquit Varro, *aliud nunc ostendunt,*
aliud ante significabant: vt hostis. Nam tum eo verbo dice-
 bant peregrinum, qui suis legibus vteretur: nunc dicunt eum,
 quem tunc dicebant perduellem. Et Festus: *Hostis*, inquit,
 apud antiquos peregrinus dicebatur, & qui nunc hostis, per-
 duellis. Ex quibus quidem Varronis & Festi locis, re-
 ctè colligi potest, non vt olim, sic nunc hostes Roma-
 ni populi perduelles appellari. Siquidem, vt Vlpianus
 ait, *is duntaxat perduellis nunc dicendus est, qui hostili*
animo aduersus Reipub. vel Principem suum est animatus
 cap. fin. ad L. Iul. maiest. Igitur qui eo nomine ac-
 cusatur, is rectè perduellionis reus fieri nunc intelli-
 gitur: quemadmodum olim qui hostis iudicabatur,
 illi perduellio iudicari dicebatur. Proinde sic Liuium
 esse intelligendum puto, vt contenderit, eis qui hor-
 rendum aliquod crimen commiserant, perduellionem
 eo tempore solere iudicari: quo moris fuisse apud Ro-
 manos videtur, vt ciui Romano, de cuius capite in-
 dicium erat, ante perduellio iudicaretur, hoc est, ciuium
 exemptus numero, patriæ hostis pronūciaretur, quam
 capitale sumi de ciue Romano supplicium posset. Et
 hæc quidem interpretatio eò verisimilior videtur,
 quod

quòd filium suum Horatium, populi favore absolutum, Publius Horatius pater, quibusdam sacrificiis piacularibus peractis, transmissio per viam tigillo, capite adopeno, velut sub iugum miserit, auctore eodem Livio. Quia igitur præter hostes nulli sub iugum mitti consueverant, hinc rectè ratiocinabimur, ideo missum velut sub iugum à suo patre Horatium fuisse, qui Horatio Duumviri perduellionem iudicauerant, hoc est, quia interperduelles Romani populi Horatium referendum esse, deinde ut perduellem interimendum pronunciauerant. Et hæc ad legem illam horrendi criminis sufficiunt. Quæ lex Regum temporibus Romæ in usu fuisse, Regibusque exactis, unà cum reliquis legibus Regiis exoleuisse lege Tribunitia videtur. Quo quidem tempore, suum semper esse de capite Romani civis iudicium, populus Romanus visus est primum voluisse. Et idcirco in huius Regiæ de horrendo crimine legis locum, aliam Decemviri legem surrogaverunt, qua de capite civis nisi per maximum comitatum ne ferretur, continebatur. Eaque lege usus est Romanus populus semper constantissimè. Adeò quidem, ut contenderit actione quinta in C. Verrem expressè Cicero facinus esse ab aliquo Pretore vel Præside vinciri civem Romanum, scelus verberari, propè parricidium necari: quid dicam, inquit, in crucem tollere? Scribit etiam Pomponius, ne Consules per omnia Regiam potestatem sibi vindicarent, lege lata factum esse, ut ab eis provocatio esset, neque possent in caput civis Romani iniussu populi animadvertere. Certè quia de libertatis civitatisque iure, non Prætoris, Consulis, aut Præsidis alicuius, sed populi solius iudicium erat. Proficiscar, inquit Cicero in Verrina quarta, eo quo me iam pridem vocat populus Romanus: de iure enim libertatis & civitatis suum putat esse iudicium, & rectè putat. Nunc videndum est, de eo qui hostem con-

citauerit, quive ciuem hosti tradiderit, quem capite puniendum Martianus scribit, idque *legem duodecim tabularum inbere*, cap. 3. ad L. Iul. inaiest. Et eo quoque, qui ob rem dicendam pecuniam accepisse conuictus erat, & capite puniendo lege quadam Decemuirali expressè cauerit testatur Gellius libro 20. cap. 1. Quod autem Martianus scribit, lege Iulia repetundarum eum teneri, qui cum aliquam potestatem haberet, pecuniam ob indicandum, vel non indicandum acceperit, cap. 3. ad L. Iul. repetund. ex eo probari potest, lege Iulia repetundarum, legem hanc Decemviralem abrogatam fuisse: etiam iis temporibus quibus M. Cicero Verrem accusauit. Ciceronis enim hæc verba sunt, in Actione prima: *Cognoscet ex me populus Rom. quid sit, quod P. Septimio Senatore damnato, Q. Hortensio Pratore, de pecuniis repetundis lis estimata sit in eo nomine, quod ille ob rem indicandam pecuniam accepisset. Igitur qui lege Decemuirali capite plecti debebant Iudices corrupti, in eos lege Iulia repetundarum non capite, sed exsilio, vel etiam interdum durius, extra ordinem animaduersum fuit, cap. 7. §. hodie. Ad L. Iul. repetund. Et hæc hæctenus, quibus si addideris, passos non esse Decemuiros, de inaudito & indemnato supplicium sumi, idque primùm ex Saluiano Massiliensi Episcopo Cuiacium obseruasse existimabo de legibus publicorum capitaliumque iudiciorum Decemuiralibus, hæc satis abundè disputatum esse.*

CAPVT XXVIII.

Miscellanea quedam.

IN hoc capite quædam Decemuiralium legum fragmenta visum est adnotare, quæ licet nullam interpretationem accuratam postulent, omitti tamen non potuerunt. Festus auctor est, *Sanates dictos esse, qui sine*

præ infraque Romam habitauerunt: idque nomen his fuisse, quia cum defecissent à Romanis, breui post redierunt in amicitiam, quasi sanata mente. Itaque, inquit, in duodecim cautum est, ut idem iuris esset Sanatibus, quod fortibus, id est, bonis, & qui nunquam defecerunt à populo Romano. De vnciario fœnore, cum ab aliis plurima sint adnotata, satis erit hoc loco admonuisse Decemuiros, ne quis vnciario fœnore amplius exerceret, prohibuisse: idque Cornelium Tacitum lib. 5. annalium scripsisse. De collegiis autem, & corporibus copiosos commentarios ediderunt viri aliquot eruditi, qui præclaris Romanorum antiquitatibus illustrandis sedulam operam nauant: quæ res efficit, ut eorum commentariis contenti, industriam nostram in aliud tempus, & locum commodiorem referuamus. Huc accedit, quod in urbe cætus nocturnos agitari Decemuires etiam prohibuerint: idque ex Portio Latrone quidam eruditi duodecim tabularum interpretes diligenter obseruarunt. Plinius libro 16. cap. 13. scribit, cautum fuisse, lege 12. tab. ut glandem in alienum fundum proci-dentem liceret colligere. Interdixit etiam Prætor de glande legenda. Vlpianus refert, legem duodecim tab. etiam voluisse, ut quindecim pedes altius rami circuncidantur: & hoc ideò effectum esse ait, ne umbra arboris vicino prædio noceret, cap. 1. de arb. cæd. Esse quoque de pastu pecoris ex 12. tabulis actionem, non obscure significat idem Vlpianus, cap. 14. §. ult. de præscrip. verb. De statu liberis autem quid in 12. fuerit, explicat his verbis Vlpianus in fragmentis tit. 2. Sub hac conditione liberè esse iussus, si decem milia heredi dederit, & si ab herede alienatus sit, emptori dando pecuniam ad libertatem perueniet, idque lex, 12. tab. iubet. Denique de decimo mense, deque partu monstroso videndum est, si quid 12. tab. caueatur. Et exstat quidem apud Ciceronem libro 3.

de leg. locus, qui de monstroso partu Decemuiros quicquam scripsisse tam obscure significat, ut quidnam illud fuerit diuinare nequeamus. Quamuis interim hominem in decem, non in vndecim mensibus gigni, dubium non sit: idque etiam in 12. tab. Decemuiros scripsisse, Gellius auctor est, lib. 3. cap. 16. A qua lege decimum mensem natiuitatem legitimam visus est appellasse Tertullianus in libro de anima: *Legitima, inquit, natiuitas, ferme decimi mensis ingressus est. Qui numeros ratiocinantur, decuriam numerum, ut exinde reliquorum parentum colunt, denique perfectorem natiuitatis humane.* Et hæc quidem ad illa duodecim tabularum fragmenta, quæ expressam aliquam legis sententiam continent, mihi sufficere videntur. De reliquis verò, nihil est quod hîc differatur. Siquidem in hoc libello conscribendo nostra fuit intentio, leges aliquot deprauatas restituere, restituras aliasque ab interpretibus non rectè, ut nobis videbatur intellectas breui quadam & perspicua interpretatione illustrare: non autem, quæ ab aliis accuratè & eruditè tradita sunt, iterum hîc inculcare, non singula duodecim tab. verba, quæ sine aliqua legis sententia, passim apud auctores obuia sunt, explicare. Nam id potius ab iis est faciendum, qui commentarios verborum iuris conscribunt.

IACOBI RÆVARDI IURISCONSULTI AD

TIT. PANDECTARVM, DE
diuersis regulis iuris antiqui,

COMMENTARIVS.

PAVLVS LIB. XVI. AD PLAVTIVM.

Regula est, quæ rem quæ est, breuiter enarrat. Non ex regula ius sumatur, sed ex iure quod est regula fiat. Per regulam igitur brevis rerum narratio traditur, & ut ait Sabinus, quasi causæ coniectio est, quæ simul cum in aliquo vitata est, perdit officium suum.

DE MONSTRAVIMVS de auctoritate prudentum libro singulari, olim obseruari solitum, vt quoties grauis aliqua & perplexa iuris incideret quæstio, fori quædam institueretur disputatio, iurisconsultis simul congregatis: eaque fori disputatione ius quoddam communi prudentum definitione componi consueuisse, quod ius communi nomine appellabatur *ius ciuile, ius receptum, recepta sententia, & regula iuris*. Hæc si vera sunt, nunc facile intelligimus quid sibi Paulus voluerit hac obscura regulæ definitione; *Regula est, quæ rem quæ est, breuiter enarrat*. Sententia enim est, regulam iuris eam esse, quæ rem fori disputatione definitam & consensu iurisconsultorum receptam breuiter enarrat. Probauimus Variorum libro tertio, non scholasticis solum auctoribus, sed ipsis

etiam iurisconsultis substantiuorum Ellipses admodum familiares fuisse. Eadem ratione verborum, participiorum, & præpositionum Ellipses esse in vſu ſolent. Nam cùm ſic ſcriberet in Andria Terentius; *Ego me continuo ad Chremem*, admonuit Donatus id *emendat* xōs positum eſſe, & verbum, ducō, ſubaudiendum. Simili modo quod Paulus ait, Regulam eſſe quæ rem quæ eſt breuiter enarrat ad participiorum Ellipses referendum videtur, quaſi ſubaudiatur participium, *definita*, hoc eſt, *conſenſu recepta*. Eadem figura dixit etiam Paulus, *ex iure quod eſt*, ſubauditur enim *definitum*. Hæc cùm non conſiderarent interpretes, in eum errorem prolapſi ſunt, vt exiſtimauerint regulam iuris breuem quandam ſententiam eſſe ex vario multiplicique iure, ſiue ex pluribus legum capitibus notatis, & inter ſe comparatis emergentem; idque ſibi Paulum voluiſſe his verbis; *non ex regula ius ſumatur, ſed ex iure quod eſt, regula fiat*. Quaſi verò definiat Paulus ius ipſa regula antiquius eſſe, & per hoc regulam ius aliquod nouum non conſtituere, cùm interim vtrumque veritati ſit conſentaneum. Nec enim ius eſt antiquius regula, nec etiam abſurdum eſt ius aliquod nouum regulam iuris ciuilis conſtituere, eo nihil obſtante quod ſcripſerit Paulus, *ex regula ius non ſumi*: Nam ſic accepimus Iulianum ſcripſiſſe; *Regula eſt iuris ciuilis, qua conſtitutum eſt hereditatem adimi non poſſe propter quam liber & heres eſſe iuſſus ſit*, cap. 13. §. 1. de lib. & poſthum. Ex quo loco euidentiffimè conſtat ius non eſſe antiquius regula. Ait enim expreſſè Iulianus regula iuris ciuilis nouum aliquod ius conſtitui, quod antea in vſu non erat. Id quod idem Iulianus etiam alio loco his verbis demonſtrauit; *In his quæ contra rationem iuris conſtituta ſunt, non poſſumus ſequi regulam iuris*, cap. 15. de legib. Ecce, coniungit expreſſè Iulianus cum noui iuris conſtitutione

stitutione regulam iuris ciuilis. Quid de regula Catoniana dicemus? Quis est quæso mortalium qui auct sit negare Catonianam regulam ius constituere? Celsus enim ita scribit; *Catoniana regula sic definit, capit. i. de reg. Caton.* Quid est definire? nonne ex incerto dubioque iure certum aliquod ius, & consensu probatum constituere? Et idcirco explodenda videtur communis illa veterum recentiorumque iuris interpretum definitio, qua tradiderunt ius esse antiquius regula, regulam ius non constituere, & denique breuem quandam sententiam iuris ciuilis regulam esse ex vario multiplicique iure conceptam. Quod autem Paulus ait ex regula ius non sumi, hoc eam habet sententiam, vt regulæ tanta non fuerit auctoritas, quanta legis, plebisciti, decreti Principis, aut alterius scripti iuris speciei. Leges enim & iuris scripti species reliquæ, etiam si iniquissimæ sint, tamdiu tamen firmam obtinent iuris auctoritatem quamdiu aut in desuetudinem non abierunt, aut abrogatione è medio sublata non sunt; & sic ius sumi ex legibus solet. Aliud dicendum est de regula iuris ciuilis. Illa enim tamdiu firmam iuris obtinet auctoritatem, quamdiu vitium in ea nullum deprehenditur, quo vitio deprehenso statim iuris auctoritate censeretur regula definit. Idque interdum fieri solitum testis est pro Muræna his verbis Cic! *Deinde vestra responsa atque decreta & euertuntur sæpè dicendo, & sine defensione oratoris firma esse non possunt.* Per decreta enim receptas sententias Iurisconsultorū, hoc est, iuris ciuilis regulas intelligit hoc in loco Cic. Nec aliud est quod sic Iulianus scribit; *In his qua contra rationem iuris constituta sunt, non possumus sequi regulam iuris, d. cap. 15 de legibus.* Et sic quidem ius ex regula non sumitur. Si enim ex regula ius sumeretur, vtique omnino consequens esset etiam in iis quæ

contra iuris rationem recepta sunt , sequendam esse iuris regulam. Ius igitur ex regula non sumitur, sed ex iure quod est fieri debet regula, inquit Paulus, hoc est, non idè aliquid debet videri iustum , atque ita per consequens iuris auctoritatem obtinere, *quia illud Iurisconsultorum consensu receptum est, & sic in regula nomen transit* ; sed ex iure quod iustè receptum est & consensu probatum, fieri debet regula quædam iuris civilis. Quasi in effectum dicat Paulus , huiusmodi ratiocinationi locum non esse, Regula est , ergo id quod ea regula continetur iustum est. Sed contra , iusta consensu Iurisconsultorum recepta est quædam sententia , Ergo ex ea fieri regula debet. Hæc interpretatio alio quodam Pauli responso vehementer probatur. Sic enim scribit Paulus *Quod contra rationem iuris receptum est, non est producendum ad consequentias*, cap. 14 de legibus cap. 14 1. hoc tit. haud dubiè per *ius receptum* regulam intelligens iuris civilis , & per *consequentias* huiusmodi ratiocinationes. Idque cum non intelligeret Tribonianus , scriptas aliquot leges & responsa prudentum plurima in hoc titulo pro regulis nobis obtrusit, quæ nec auctoritatem nec nomen regulæ vquam habuerunt. Ait Paulus *regulam esse quasi causæ coniectionem. Rem siue litem, quæ quasi per indicem exponitur, causæ coniectionem , quasi causæ in breve coactionem definit* Asconius. Et huiusmodi quidem causæ coniectioni simillima est regula iuris civilis. Quemadmodum enim ea *coniici causæ* dicitur, quæ cognitæ utrimque propositisq; & actoris & rei argumentis in breve cogitur ; ita quoque regula in breuem quandam succinctamque formulam , disputatione fori consensu quodam disputantium finita, ex iis coniici argumentis solet, quæ hinc inde fuerant agitata, addito interdum eius, cuius inter cæteras obtinuerat sententia; expressio

II. VLP. IAN. LIB. I. AD SABIN.

Fœmina ab omnibus officiis ciuilibus vel publicis remota sunt: & idè nec iudices esse possunt, nec magistratum gerere, nec postulare, nec pro alio interuenire, nec procuratores existere.

M V N V S interdum aliud nihil est quàm officium. Idque ex eo constat, quod iudicare ab Vlpiano in hac l. & à Paulo ad publicum munus referatur, cap. 78. de iudic. Eoque pertinet illud Festi, *Munus significat officium, cum dicitur quis munere fungi.* Interdum ab officio separatur munus, quod tunc accidere solet cum munus aliquod patrimonio indicitur, non sine sumptu & periculo. Huic consentaneum est illud Apuleij de asino, libro 4. *nec nos denique latuit Chryseros quidam nummularius copiosa pecunie dominus, qui metu officiorum ac munerum publicorum magnis artibus magnam dissimulabat opulentiam.* Et hac ratione omnis publica functio aut fuisse videtur munus publ. aut officium publ. aut denique publ. ministerium *Munus publicum*, auctore Callistrato, illud erat quod in administranda re aliqua publica cum sumptu sine titulo dignitatis subibatur, cap. 14. de muner. & honor. Quæ definitio eam videtur habere sententiam, vt hi qui rem aliquam publicam, hoc est, rem ad ciuitatem pertinentem sumptibus suis factam tectamque sustinent, & conseruant, non priuatum sed publicum munus subire videantur; quales sunt qui rei vehicularis & nauicularis, extruendique vel reficiendi in ciuitate operis curam gerunt, c. 1. in princ. & cap. 4. de muner. & honor. Et hoc inde potissimum quod olim inter Iurisconsultos
magna

magna fuisse videatur controuersia an à ciuilibus muneribus publica diuersa sint. Quod ipsum Iustinianus his verbis testatus est; *Et tutelam & curam placuit publicum munus esse*, §. 1. Instit. De excus. tut. Hoc enim verbum, *Placuit*, denotat fori disputationem. In hac disputatione à reliquis dissensisse visus est Callistratus, & existimasse, licet tutela ciuile munus sit, nō tamen publicum munus esse, sed priuatum. Ait enim Callistratus, *eum qui adilitate fungitur, tutorem dari idcirco rectè posse, quod adilitas inter eos magistratus numeretur, qui priuatis muneribus excusati sunt*, cap. 17. §. 3. de excus. Ex quo loco euidentissimum est, in ea persuasione Callistratum fuisse, vt existimauerit tutelam non publicum, sed priuatum munus esse; & per consequens inter publicum & ciuile munus aliquam statuendam esse differentiam. *Excusatio enim manifestum tutoris iure dati argumentum est*, cap. 13. §. pen. de excus. Eaque res efficit, vt mihi persuadeam, hæc Callistrati verba vitiosa esse; *Eos qui in corporibus sunt, veluti fratribus, immunitatem habere dicimus; etiam circa tueltorum exterorum hominum administrationem habebunt excusationem, nisi si facultates eorum adaucta fuerim, vt ad cetera quoque munera publica compellantur*, dict. cap. 17. §. 2. Non enim dubito quin sic Callistratus scripserit. Vt ad munera quoque publica compellantur: & verbum *cetera*, Triboniani esse, satis haud dubiè persuasum placuisse, hoc est receptum fuisse tutelam munus publicum esse. Alioqui sibi ipsi Callistratus in vno eodemque responso contrarius est. Tutelam esse munus ciuile neminem arbitror inficiari. Cū igitur receptum sit aduersus Callistratum inter ciuile munus & publicum nullam esse statuendam differentiam, vtique ex eo etiam necessariò videtur consequi, tutelam quæ ciuile munus est, publicum quoque munus esse.

esse, vt hi qui ad publica munera vocantur, vocentur etiam ad tutelam, & qui muneribus iis excusantur, hi quoque tutela debeant excusari. Et quamuis hæc ita scripserit Callistratus, nihilominus tamen satis constat plerosque iuriconsultos nullam inter ciuile & publicum munus differentiam fecisse. *Naucularios enim ciuili munere fungi* testis est Hermogenianus, c. 1. in pr. de muner. & honor. *Illud idem ciuile munus* appellat publicum munus Serbidius Scauola, c. 5. d. tit. Et huiusmodi publicorum siue ciuilium munerum alia erant ordinaria, alia extraordinaria. *Ordinarium ciuile munus est, quod lege vel more ciuitatis secundum ætates & dignitates inter se municipes ordine,* hoc est, per vices gerunt, c. 1. C. de muner. patrim. Cuius generis est munus hospitii in domum recipiendi, c. 3. §. 11. de muneribus. Idque testatur M. Cicero, sic in Verrina tertia scribens; *Quod vbi Philodamo nunciatum est, tametsi non erat ignarus quantum sibi ac liberis suis iam tum mali constituere* tur, tamen ad istum venit, ostendit munus suum, id non esse, se cum sue partes essent hospitum recipiendorum, tum ipsos tantum Praetores & consules non legatorum assecras recipere. Hæc Cicero, id per partes intelligēs quod vices appellant Iurisperiti. Sic enim ad illum locum pariter interpretatus est Asconius Pedianus. *Munus pu-* nati hominis ex quo non ordine, hoc est, per vices, sed extra ordinem commodum ad singulos vniuersosque ciues remque eorum magistratus imperio peruenit, cap. 239. §. 3. de verb. sign. Huius generis esse arbitror publicæ viæ munitiones. Vicinos enim suis sumptibus aut operis eam tunc reficere imperio magistratus extraordinariè contineuissē, cum illis exemptus esset comitatus: ex eo facile patet quod veterani viæ sternendæ immunitatem non habuerint, c. 4. de vetera. Nec est quod quis obiciat

obiciat publicæ viæ munitiones inter personalia munera ab Hermogeniano referri, cap. 1. de mun. Illud enim non de eo qui viam sternit, sed de eo accipendum est qui electus est ut compellat eos qui propter viam publicam possident sternere viam. Huiusmodi enim munus personale esse testis est Arcadius Carisus, cap. fin. §. 2. de mun. & honor. eosque qui tali munere funguntur, *magistros pagi* appellat Sculus Flaccus lib. de conditionibus agrorum. Cæterum *officium publicum* quin differat ab officio civili non dubitatur, eo non obstante quod inter munus civile & publicum vix ullam admittat IC. differentiam. Quis enim credat interuenire esse officium publicum? Et ideo dicendum est omne quidem officium publicum civile esse, sed non contra omne officium civile publicum. *Magistratum gerere, iudicem esse, munera publica sunt*, hoc est, officia publica & civilia simul, cap. 78. de iud. cap. fin. §. 1. de muner. cap. §. in fin. cum seq. de cap. minut. Interuenire, postulare, publica officia non sunt, sed civilia. Et ita functio publica aut ex munere publico, aut ex officio publico olim videri potest constituisse. Tertiam publicæ functionis speciem diximus esse *ministerium publicum*, eiusque ministerij inuenio diuersa fuisse genera duo: Vnum honorificum & cum potestate; alterum seruile ac mercenarium. De priore obseruatum est Marcianum sensisse, c. 1. de L. Iul. repet. Per ministerium enim in eo c. 1. intelligit magistratum illū Marcian. qui sub tit. ministerij in prouinciis cum potestate & imperio mittebatur. Et hæc quidem interpretationem vehementer probat Valer. Max. sic de M. Catone scribens in Cyprum confiscandæ pecuniæ regię causa misso; *Vnde cum pecuniæ deportandæ ministerium sustineret tam auersum animum ab omni vere quam à lucro habuit.* Alio sensu per ministerium publicum

publicum serui intelliguntur populi Romani aut ci-
 uiratum publici. Sic ministerium publicum accepit in
 ea declamatione Quintil. cui tit. est ; *Pregnans adulte-*
ra, his verbis ; fortiter tamen dicerem omnes leges quaecun-
que de suppliciis scriptae sunt , ad eos pertinere qui damnati
sunt , qui in iudicio conuicti , qui per ministeria publica &
carnificum manus occiduntur. Et sic quidem satis esse
 perspicuum puto , qua ratione omnis olim publica
 functio ex munere publico, ex officio pub. & denique
 ex publ. ministerio cōstituerit. Ab omnibus officiis pu-
 blicis & ciuilibus fœminæ remotæ sunt , non vtique
 ab omnibus muneribus publicis. Quatenus enim per-
 sonalia sunt munera publica , ab iis fœminæ remotæ
 sunt ; quatenus patrimonialia. nō omnino sunt remo-
 tæ. Idque illud est quod sic Vlpian. scribit ; *Corporalia*
munera fœminis ipse sexus denegat, cap. 3. §. 3. de muni-
bus. Idem sexus fœminas ad publicum aliquod mini-
 sterium non patitur admitti ; & sic à muneribus per-
 sonalibus omnibusque ciuilibus ac publicis officiis, &
 denique ab omni ministerio publico sexu remoueri
 fœminæ solent. Nam , vt ait Ambrosius de Paradiso
 capite vndecimo, *sicut vir publicis officiis ; ita mulier do-*
mesticis ministeriis habilior aestimatur. Et hæc quidem
 adeo vera sunt , vt scripserit expressè Callistratus ab
 omni opera virili fœminas remoueri consuenisse , & idcirco
 ad officium argentarij admittendas non esse , cap. penul-
 tim. de edendo. Est etiam Neratius auctor , *fœminas*
tutores dari non posse , quia munus illud masculinum est,
cap. vltim. de tutel. Quod autem iudices esse non po-
 tuerint fœminæ , hoc inde euenire testatur Paulus,
quia receptum est, vt ciuilibus officiis mulieres non fungan-
tur, cap. 12. §. 2. de iudic. Nec mirum cur id receptum
 sit , cum iudices olim Romæ aut Equites essent , aut
 Senatores , Equitem aut Senatorem fœminam nulla
 vnquam

112 IAC. RÆVARD. TOM. I. COMM.
 vnquam vidit ætas, eam si exceperis quæ Helagabali
 imperium est sortita. Testis est enim Lampridius He-
 lagabalum ubi primum senatus diem habuit, matrem suam
 in senatum rogari iussisse, solumque hunc Imperatorem fuisse
 se, sub quo mulier quasi clarissima loco viri senatum ingressa
 est, cautumque postea, ne vnquam mulier senatum ingrede-
 retur, utque inferis eius caput deuoueretur, per quem id ef-
 fectum. Postulare quoque prohibentur fœminæ.
 Qui postulabant, in ordine stabant adeuntium Præ-
 torem, indeque scurras & improbos homines qui al-
 fiduè in litibus morabantur, ordinarios appellatos fuisse,
 testis est Festus. Quibus hominibus matronam
 Romanam admisceri prorsus indecorum est, cui ma-
 trona haberi honorem illam Romani voluerunt, ut eam in
 ius vocanti corpus eius attingere non permiserunt, ne huius-
 modi actoris manus aliena tactu stola violaretur; quemad-
 modum auctor est Valerius lib. 2. Est etiam infirmitas
 fœminarum impedimento quod minùs fœminis inter-
 cedere permissum sit, cap. 2. §. 1. Ad S. C. Velleian.
 Intercessio & generis est, & speciei nomen. Nam ge-
 nere quodam qui fideiubent, quod fieri stipulatione
 solet, & qui re, verbis, aut quocunque alio contractu
 pro alio interueniunt, intercedere dicuntur, d. cap. 2.
 §. 2. Ad speciem tunc intercessio referri solet, cum si-
 ne stipulatione aut quo alio de intercessione contra-
 ctu facto interuenitur; quod fieri hac solemni formula
 solet, PERICULO MEO CREDE, cap. 12. §. 9.
 Mandati. Prohibentur etiam fœminæ procuratores
 esse. Imperiti non considerantes apud veteres procu-
 ratoris, tutoris, & aliorum id genus nominum appel-
 lationes communis fuisse generis, loco Procuratoris
 substituere non verebantur Procuratrices Auctor, in-
 quit Festus, communis generis est apud antiquos. Quod
 autem Vlpianus ait, procuratores esse fœminas pro-
 hibetis

DE DIVERSIS REGVLIS IVRIS 113
hiberi; hoc vt ad patronos, aduocatos, & cognitores
etiam referatur, vna eademque ratio suadet. Hæc enim
prorsus virilia sunt.

AD §. ITEM IMPVBES.

Item impubes omnibus officiis civilibus debet abstinere.

CVR impubes omnibus civilibus officiis debuerit
abstinere, hæc proferri ratio potest, quod civilia offi-
cia virilia sint, quæ virilia officia ante sumptam viri-
lem togam iuuentus Romana non subibat. Quod †
ipsum clarissimè testatur Cicero sic ad Attic. libro se-
primo scribens; *Habebamus autem in manibus Anto-*
niy concionem, habitam decimo Calendas Ianuary, in qua
erat accusatio Pompeij vsque à toga pura. Hæc Cicero, in-
dicans omnino Pompeium ab eo tempore quo pri-
mum civilibus officiis fungi cœperat, repetita narra-
tione, accusatum in concione quadam ab Antonio
fuisse: Et idcirco ad postulandum non ante viden-
tur admissi fuisse Romani iuuenes, quàm exuta præ-
texta bullaque posita induissent virilem togam; tam-
diu enim consilio alterius sic regerantur, vt in forum
non prodirent. Idque testatus est euidentissimè Epi-
stolarum libro primo Seneca. Sic enim scribit: *Tenes*
vsque memoria quantum senseris gaudij, cum prætexta po-
sita sumpisti virilem togam, & in forum deductus es. Nec
aliò spectat illud eiusdem Senecæ de breuitate vitæ;
Ausus est enim & pupillus adhuc & prætextatus iudicibus
reos commendare. Moris erat, vt impuberes ingenui ad an-
nos vsque pubertatis toga vterentur prætexta, & bulla au-
rea, quæ prætextatorum puerorum insigne erat, eis à pecto-
re dependeret, qua significabatur eam ætatem alterius re-
gendam esse consilio, auctore Festo de verborum signifi-
catione libro secundo. Id quod Cicero etiam euiden-
ter docet, sic in Verrem actione tertia scribens: *Ne-*
que te tam commonebat, quod ille cum toga prætexta, quàm
H
quod

quod sine bulla venerat. Vestitus enim neminem commonebat is quem illi mos & ius ingenuitatis dabat; quod ornamentum pueritiæ pater dederat, hoc ab isto prædone ereptum esse, grauitè & acerbè homines ferebant. Hæc Cicero eum morem describens, quo simul cum prætexta etiam bulla suspendi in collo infantibus solet; ingenuis quidem aurea, libertinis verò scortea, vt scribit ad illum Ciceronis locum Asconius Pedianus. Per togam prætextam eam togam intelligebant veteres cui purpura prætexebatur, ad togæ virilis differentiam. Virilis enim toga appellabatur toga pura. Sic enim scribit ad Atticum Cicero libro nono; *Volo Ciceroni meo togam puram dare.* Dicebaturque toga pura, quod ei nulla purpura esset prætexta. Nec aliud etiam per bullam scorteam, qua libertini pueri utebantur apud veteres intelligebatur, quàm torum quod in collo pro bulla decorabant pueri libertini, auctore Macrobio, Saturnaliorum libro primo, cap. 6. Puellas quoque vsas esse toga prætexta, testis est in eadem Verrina Cicero. Ait enim: *Eripies igitur pupilla togam prætextam, detrahes ornamenta non solum fortuna, sed etiam ingenuitatis.* Cùm autem huiusmodi prætexta pueri puellæque induebantur, tunc etiam obseruari solet, vt sacrificium aliquod perageretur, quo infirmitas pueritiæ sacra fieret ac venerabilis; illudque sacrificium appellabatur *sacram prætextatum*. Quo sensu accipiendum est quod in illa declamatione cui titulus est *Nonitiis prætextatus*, sic scribit Quintilianus; *Ego vobis allego etiam ipsum illud sacram prætextatum quo sacerdotes velantur, quæ magistratus, quo infirmitatem pueritiæ sacram facimus et venerabilem.* Eratque tanta prætextatorum iuuenum apud Romanos cura, & tam diligens educatio, vt nullo quidem obscæno verbo possent vri, indeque prætextatus sermo dicebatur, vt auctor est Festus, qui

nihil obscenitatis habebat. Quòd si obsceno aliquo verbo vti essent prætextati, ab Ædilibus aut Censoribus more cæterorum ciuium mulctari non solebant, sed tergoe murenæ, quod tenuissimum erat, verberabantur; & ob id *mulctam prætextatis non esse institutam*, contendit Verrius apud Plinium Natur. Hist. libro nono, cap. 33. Cæterum postea quàm pubertatis annos iam egressi essent pupilli, prætextam exuere, bullamque deponere, & induere virilem togam solebant: anno nimirum ætatis decimo quarto, quinto, vel sexto. Sic enim de Commodò Antonino scribit Ælius Lampridius; *Decimoquarto ætatis anno in collegium sacerdotum ascitus est; cooptatus inter tres solos principes iuventutis, cùm togam sumpsit, adhuc in prætexa puerili congiarium dedit.* Est etiam Suetonius auctor, Augustum anno ætatis decimo sexto virilem togam sumpsisse. Sic enim scribit; *Duodecimum annum agens auiam Iuliam defunctam pro concione laudauit: quadriennio post virili toga sumpta, militaribus donis triumpho Cæsaris Africano donatus est.* Hinc intelligimus quid sibi voluerit Vlpianus, cùm scriberet *prætextatum*, eumque qui proximè prætextati ætatem accedit, apud matremfamilias deponendum esse; & proximè prætextati ætatem accedere eum qui puberem ætatem nunc ingressus est, cap. 3. in fin. de lib. exhib. Sensus enim est, eum qui adhuc prætexa indutus bullam ex collo dependentem gerit, apud aliquam matremfamilias, hoc est, notæ auctoritatis fœminam tunc interdum deponendum esse, cùm de eo exhibendo agitur, & prætextatorum ætati pubertatem proximam esse, sic nimirum vt post finitam pubertatem anni, biennij, aut ad summū triennij spatio, ætas etiam finiatur prætextatorū. Quod igitur impuberes omnibus officiis ciuilibus debuerint abstinere, hoc inde est quòd illi cùm essent prætextati, ante ad virile officium

116 IAC. REYARD. TOM. I. COMM.
non forent idonei, quàm exuta prætecta, depostaque
hulla rogam sumpsissent virilem. Nec est quod quis
obiiciat, ad Tribunatum numerorum pupillos olim
admissos fuisse, & sic per consequens officium eos
gessisse virile, idque Iustinianum sibi voluisse, cap. ult.
C. de test. milit. Eum enim locum vitiosum & aliter
accipiendum esse quàm putat vulgus interpretum, est
à nobis demonstratum Variorum libro quarto, capite
octauo. Nostramque emendationem duobus manu-
scriptis exemplaribus confirmari, auctor est iuuenis
doctissimus Ludouicus Carion.

III. VLP. LIB. III. AD SABIN.

Eius est non nolle, qui potest velle.

VELLE aliquando significat verbis expressis vo-
luntatem suam declarare; idque tunc maximè acci-
dere solet, cùm ei opponitur non nolle. Est enim non
nolle, pati & nihil cōtradicere. Eoque sensu non nolle
† visus est accepisse Cicero, sic ad Atticum scribens lib.
13. *Proximis tuis literis primum te id non nolle cognovi,*
hoc est, pati & non contradicere. Iurisconsulti non
nolle & velle, sic etiam interpretati sunt, vt velle eos
dicant, qui voluntatem suam declarant, siue quid ve-
tent, siue quid fieri iubeant: non nolle, qui quid
scientes dissimulant, hoc est, non declarant se vel nol-
le, vel quod fit fieri velle, idque ex Vlpiano euiden-
tissimè constat. Cùm enim mercedem peculiarem, etiam
si nihil esset in peculio, dominum tributoria obliga-
re, si modò sciente domino seruus negotiaretur, con-
tenderat Vlpianus, hæc verba subiecit; *Scientiam hic*
accipimus quæ habet et voluntatem; sed vt ego puto non
voluntatem, sed patientiam. Non enim velle debet dominus,
sed non nolle, cap. 1. §. 1. & 2. de tribut. act. Quo in loco
eum

eum qui sciens non protestatur, aut non contradicit, non nolle, eumque qui quid fieri vetat vel iuber velle interpretatur Vlpianus. *Eius igitur est non nolle, qui potest velle*; hoc est is, dicendus est dissimulare vel pati, qui potest voluntatem suam declarare. Ideoq; si mercedem serui peculiarem apud Vlpianum dominus ignorasset, quia voluisse propter ignorantiam intelligi non poterat, iustam profectò defensionem habuisset, & tributoria conueniri nequaquam potuisset. Nec sanè alia ratione dominus cum patitur colonum in fundo esse, ex integro locare intelligitur, quam quod voluntatem suam potuerit declarare, cap. 14. Locati. Simili modo colonus reconduxisse videtur vtriusque partis taciturnitate, cap. 13. §. 10. & 11. d. tit. Græci interpretes cum non satis intelligerent quid significaret non nolle, negationem reiecerunt, & sic legendam hanc iuris regulam posteris reliquerunt; *Eius est nolle, qui potest velle*. Florentina pandectarum editio, quam ego Græcorum auctoritati longè præferendam censeo, expressè scriptum continet, *Eius est non nolle*. Et quamuis inficiari nequeam ex Græcorum interpretatione regulam hanc cum illo eiusdem Vlpiani responso, quod capite quarto, de acquir. hæredit. extat, non malè coniungi posse, præsertim cum vtriusque legis epigraphæ aliqua ex parte huiusmodi suadeat coniunctionem; nihilominus tamen retinendam censeo hanc Florentinam lectionem, & nihil in ea mutandum esse, quæ & idoneum sensum præ se fert, & similibus verborum, alio etiam in loco eundem Vlpianum auctorem habet. Nec sanè tanti apud me aut interpretationes Græcorum, aut legum coniunctiones sunt, vt sine alia euidenti & manifesta quadam ratione Florentinam pandectarum editionem existimem vel vna syllaba priuandam esse. Nam si tantum inter-

118 IAC. RÆVARD. TOM. I. COMM.
pretibus Græcis tribuendum est, vt eorum auctorita-
tem receptis lectionibus præferamus, cur igitur in hu-
ius tituli cap. i. pro *causa coniunctio*, non reponimus *cau-
sa coniunctio*? Nam sic Græcos legisse, vel vnus esse testis
locupletissimus potest Constantinus Hermenopolus.

IV. VLPIANVS. LIB. VI.

AD SABINVM.

*Velle non creditur qui obsequitur imperio patris vel
domini.*

SENSVS huius regulæ est, iis de rebus in quibus
parentum filiifamilias, & dominorum imperio serui
auscultare debent, nec filiosfamilias nec seruos intel-
ligi velle, hoc est, vllam habere liberi arbitrij disposi-
tionem; quæ dispositio seruis filiisque familias de iis
rebus concessa est, quæ ex parentum & dominorum
imperio non dependent. Hæc regula ex Vlpiani ad
Sabinum libro sexto desumpta est. In eo libro de ac-
quirenda hæreditate disseruit idem Vlpianus, & in
differendo, tractasse etiam visus est, an filiusfamilias
hæres institutus citra iussum patris suo arbitrio pro
hærede rectè gerat. In qua tractatione hac utebatur
Vlpianus distinctione, vt scriberet, aut de eo filiofa-
miliis agi qui miles esset, aut de eo qui paganus. Si
de pagano, certum esse hunc pro hærede gerere suo
arbitrio non posse. Velle enim non creditur, eò quòd
obsequi imperio patris debeat. Si quæstio esset de filio-
famil. milite, hunc in iis quæ castrensia sunt, velle in-
telligi, & per consequens imperio patris non obsequi,
ac proinde à commilitone hæredem institutum citra
iussum patris suo arbitrio rectè pro hærede gerere. Et
hæc vera est sententia huius regulæ, quæ cum capite
quinto, de castr. pecul. coniuncta hanc interpretatio-
nem

nem omnino requirit; eamque coniunctionem ipsa
 vtriusque legis inscriptio euidenter suadet, quæ talis
 est; *Ulpianus ad Sabinum libro sexto. Certum est filiumfam-*
ilias in publicis causis loco patrisfamilias haberi, cap. 9.
 de his qui sunt sui vel alien. iur. Et ob id in iis causis
 sic creditur velle, vt obsequi imperio patris non coga-
 tur, idque eleganter à Quintiliano in eâ declamatio-
 ne cui titulus est, *Auctor pacis abdicandus*, his verbis
 traditum est; *Dico igitur certa esse quæ imperant patres*
nauigationem, militiam, quædam excipi, Senatoris Magi-
stratus, iudicis sententiam. Cæterum dominorum impe-
 rio seruos obsequi debuisse, ad eum verum est, vt conten-
 derit expressè Cyprianus inde nomen seruos habuisse:
 sic enim in libro De singularitate clericorum scribit;
Alioqui nec nos serui adscriberemur, nec ipse dominus habe-
retur, si secundum voluntatem nostram permetteremur im-
pendere seruitutem. Et quamuis hæc ita sint, interdum
 tamen fieri quædam per seruos suos patiebantur do-
 mini, sine aliquo imperio speciali; idque tunc accide-
 re solet cum seruus alicui negotiationi præpositus
 est. Tunc enim suo arbitrio domini negotium tamdiu
 gerit seruus, donec illud gerere à domino prohibea-
 tur. Eaque prohibitio libello proposito hac fieri so-
 lemni formula plerumq; solet, CVM IANVARIO
 SERVO MEO GERI NEGOTIVM VETO, vt
 est apud Paulum, cap. 47. in princ. de pecul.

V. PAVLVS LIB. II. AD SABIN.

In negotiis contrahendis alia causa habita est furioso-
rum, alia eorum qui fari possunt, quamuis actum rei non
intelligerent. Nam furiosus nullum negotium contrahere
potest; pupillus omnia tutore auctore agere potest.

CERTVM est ad Sabinum libro secundo, ex quo
 H 4 hæc

hæc regula desumpta est, de adeunda hæreditate, inter alia tractasse Paulum, & simul definiuisse pupillum, si fari possit, adire hæreditatem & cernere auctoritate tutoris non prohiberi; eo nihil obstare quod neque scire, neque decernere talis ætas possit, quæ scientia cretionis formula comprehendendi solet verbis ad hunc modum conceptis, TITIVS HÆRES ESTO, CERNITOQUE IN DIEBUS CENTVM PROXIMIS QVIRVS SCIENS POTERIS. *QVE* NISI ITA CREVERIT, EXHÆRES ESTO, *VE* auctor est Ulpianus in fragm. tit. 22. Quamvis igitur scire pupillaris ætas non credatur, nihilominus tamen rectè & adire hæreditatem & cernere auctoritate tutoris pupillus poterit, si modò eius ætatis sit, ut fari possit, hoc est, hæc solemnia verba pronunciare; CVM ME MEIVS HÆREDEM INSTITVERIT, EAM HÆREDITATEM ADEO, CERNO *QVE*. Hoc enim fauorabiliter pupillis præstari testatur ad Sabinum libro secundo Iulius Paulus, cap. 9. de acq. hered. Et hoc indè potissimum, quod in negotiis contrahendis, hoc est in omnibus legis actionibus, siue solemnibus & legitimis actibus pupillus qui fari potest, omnia tutore auctore agere possit, quamvis actum, rei non intelligat, cap. 70. de verb. obligat. Et ita eodem illo ad Sabinum libro secundo scribit Paulus id quod hæc nostra regula expressè continet, cuius hæc est sententia. Pupillus in mancipationibus, cessionibus, aliisque legitimis negotiis contrahendis, tutore auctore si fari potest, omnia agere potest, adeò quidem ut rectè hac solenni formula rem acciperet mancipio; HUNC HOMINEM EX IVRE QVIRITIVM MEVM ESSE AIO, ISQVE MIHI EMPTVS EST HOC ÆRE ÆNEAQUE LIBRA. Eadem ratione scripsit etiam Paulus, procuratorem à pupillo rectè constitui.

constitui, si eius ætatis pupillus sit ut fari possit, c. 24. de ad-
min. & peric. tut. Sensus enim est; Si verba quibus pro-
 curatores constitui solent, solemnia pronunciare
 apud acta possit pupillus, quamvis actum rei non in-
 telligat, nihilominus tamen non à tutore, sed ab ipso
 pupillo debere constitui procuratorem. Hæc si vera
 sunt, consequi ergo aliqua ratione videtur, sic Paulum
 ad Sabinum lib. 2. ratiocinatum esse; In mancipation-
 nibus, cessionibus, aliisque legitimis negotiis contra-
 hendis tutore auctore, omnia pupillus, si infans non
 sit, facere potest; ergo & adire quoque hæreditatem
 potest; id quod in furioso locum non habet certè,
 quod furiosus fari hoc est, mancipationis, cessionis,
 aditionis, hæreditatis, cessionisque, & aliarum legis
 actionum verba solemnia proferre nequeat. Et hæc est
 vera sententia huius regulæ, præsertim cum cap. 9. de
 acquiren. hæred. coniuncta; eamque coniunctionem,
 & regulæ huius sensus verus, & antiquitatis ratio di-
 ligenter expensa omnino requirunt. Est enim ab eo-
 dem Paulo alio loco traditum *ad ea quæ solemnitates*
iuris desiderant explicanda opus esse tutore auctore, c. 19.
 de auct. tut. Igitur non tutor pupilli nomine, sed pu-
 pillus nomine proprio, si fari potest, rem accipiet
 mancipio, hæreditatem adibit, omniaque legis actio-
 num solemnia adimplebit, tutore auctoritatem suam
 iisdem legitimis actibus accommodante. Est enim re-
 ceptum alieno nomine lege agere neminem posse. Id-
 que etiam sibi voluit Vlpianus cum scriberet *tutoris*
auctoritatem interponi perfecto negotio, cap. 25. §. 3. de ac-
quirend. hæred. Sensus enim est, post solemnia legis
 actionum verba ab ipso pupillo pronunciata, tutores
 auctoritatem suam iisdem negotiis legitimis accom-
 modare consuevisse.

VI. VLPIANVS LIB. VII.

AD SABINVM.

Non vult hæres esse, qui ad alium transferre voluit hereditatem.

CUM scriberet Vlpianus questionis fuisse, an is pro herede gerere videatur qui pretium omittendæ hereditatis causa a substituto aut legitimo herede capit, & obtinuisse hunc pro herede non gerere (cap. 24. de acquirend. heredit. cap. 2. Si quis omiff. caus. testam. cap. 8. de mort. caus. donat.) hanc visus est rationem idem Vlpianus subiecisse; *Non enim vult hæres esse qui ad alium transferre voluit hereditatem*; eaque transferendæ hereditatis voluntas ex accepto hereditatis omittendæ causâ pretio, prorsus dignoscitur. Si igitur is qui hereditatem ad alium transfert, per hoc hæres esse non vult, certè omnino consequens est, nec eum pro herede gerere quicquam posse. Nam qua ratione fieri potest ut is qui hæres non est, pro herede gerat? Nec aliud arbitror huic regulæ exemplum commodius accommodari posse, præsertim cum liquidò ex allegatorum capitum inscriptionibus constet, libro ad Sabinum septimo, ex quo hæc etiam iuris regula desumpta est, huiusmodi questionem accuratissimè Vlpianum tractasse. Quia igitur is qui ad alium transfert hereditatem, hæres esse non vult, utique nec pro herede potest gerere, hoc est, rebus hereditariis tanquam dominus utitur. Heredem enim pro domino antiquos posuisse, auctor est Festus. Vlpianus scribit titulo vigesimo secundo, eum pro herede gerere, qui rebus hereditariis tanquam dominus utitur, veluti inquit, qui auctorem rerum hereditariarum facit, aut seruis hereditariis cibaria mandat. Quo in loco quid sit cibaria mandare, non facilè dixeris, nisi

nisi obseruaueris serui actoris, siue dispensatoris officium fuisse reliquis seruis vsitata quædam per canonem certum stipendia, certosque frumenti modios in singulos menses præstare; eumque morem ex Saluiano, Terentio, Donato & Plauto euidentissimè demonstrauimus Variorum lib. quinto. Cuius & Irenæus quoque visus est meminisse, aduersus hæreses lib. 4. cap. 44. Ait enim; *Quis igitur erit fidelis actor bonus & sapiens, quem præponet Dominus super familiam suam, ad danda eis cibaria in tempore?* Et sic quidem si hæres institutus mandauerit dispensatori familiæ testatoris seruis dare cibaria, per hoc pro hærede intelligitur gerere; & per consequens is, qui hæres institutus hæres esse non voluit, ad substitutum transferebat hæreditatem, nullam videtur cibariorum mandandorum auctoritatem habuisse. Non enim pro hærede gerere potuit.

VII. POMPONIVS LIB. III.

AD SABINVM.

Ius nostrum non patitur eundem in paganis & testato & intestato decessisse. Earumque rerum naturaliter inter se pugna est, testatus & intestatus.

NECESSVM erat vt vniuersum eius qui testabatur patrimonium testamento ad hæredes transcriberetur, si modò testatus decessisset, suæque voluntatem postremam, vim omnem & nomen habere testamenti testator vellet. Idque illud est quod sic Ambrosius de Noë & arca scribit; *Et homines quidem cum moriuntur, patrimonium suum testamento transcribere solent, nec cedit hæreditas donec viuit testator.* Igitur sine hæredis institutione nullum aut esse aut appellari testamentum potuit adeò quidem vt scripserit expressè de Abraham

Abraham lib. 2. idem Ambrosius *testamenta hominum* prius heredem ferre, postea legatum exprimere, melioribus hereditatem, inferioribus legata. Imperator Theodosius antè obitum omnes suas in filios transtulerat facultates, regnum, potestatem, nomen Augusti, & ideo cum moriens testamentum condiderat, dicebatur communi iure testatus non fuisse, eò quòd nullo hærede instituto legata & fideicommissa relinqueret. Idque testatus est etiam Ambrosius sic de obitu Theodosij scribens; *Gloriosus quoque in eo Theodosius, qui non communi iure testatus est. De filis enim nihil habebat novi quod conderet, quibus totum dederat, nisi ut eos presenti commendaret parenti; de subditis sibi & commissis testari debuit, ut legata dimitteret & fideicommissa signaret. Quid dignius quàm ut testamentum Imperatoris lex sit?* Hæc Ambrosius, manifestò docens omne testamentum communi iure hæredis requirere institutionem. Erat etiam moris, ut in vniuersum ius defuncti succederet hæres, quamuis magna hereditatis pars legatis exhausta esset. In eam enim partem heredem etiam successisse, ex titulo Pandectarum, *Quod legatorum*, euidentissimè constat. Prætor siquidem interdiceret ad hunc modum solet; **QVOD LEGATORVM NOMINE, NON EX VOLVNTATE HÆREDIS OCCVPASTI, ID RESTITVAS HÆREDI.** Quo spectat illud Tertulliani de præscriptionibus aduersus hæreticos; *Ego sum heres Apostolorum, sicut cauerunt testamento suo, sicut fideicommisserunt, sicut adiurauerunt, ita teneo.* Et tunc quidem hereditatis sic fieri delibatio solet, ut hæres ab hereditate reliqua separaretur, quæ legatariis præstanda erant. Eoque sensu legatum delibatio hereditatis dicitur, quia testatur ex eo quod vniuersum hæredis foret, alicui quid collatum velit, cap. 116. in princ. de legat. 1. Sic delibatam hereditatem

tem visus est etiam Ambrosius accepisse ad hunc modum in oratione quadam funebri scribens; *Inter fratres autem qualis fuerit, licet omne hominum genus benivolentia complecteretur, indiuisum patrimonium docet, nec distributa, nec delibata, sed reseruata hereditas.* Hæc Ambrosius, per hereditatem non delibatam, eam haud dubiè quæ legatis non est deminuta, hereditatem intelligens. Et hæc quidè cum ita sint, nunc intelligimus cur testatus & intestatus decedere paganus non potuerit, nimirum quod appellari testamentum nullum posset, quin illud heredem heredève contineret institutos, quodque nulli potuerint olim hæredes appellari, qui non succederent in vniuersum ius defuncti; qua successione cessante, & heredum appellatio nulla erat, & nomen quoque testamenti cessabat. *Est enim hereditas successio in vniuersum ius quod defunctus habuit, cap. 24. de verb. signific.* Idque in libro de Cain & Abel satis etiam indicat Ambrosius cum ita scribit; *Testamentum est quo defertur bonorum hereditas.* Et est quidem adeò hoc verum, vt in iis etiam testamentis quæ per æs & libram fiebant, non quidem familiæ pars, sed vniuersa familia emptori mancipio dari debuerit. Quamuis hæc ita se habeant, interdum tamen ex postfacto accidere solet, vt pro parte testamentum pronunciaretur validum, pro parte inualidum; & tunc pro ea parte qua declarabatur inualidum rescindi testamentum solet; non quidem iure ciuili, sed benigna interpretatione: non ipso iure, sed expressa iudicium sententia; & sic qui prius testatus decesserat, postea interpretatione declaratus est partim testatus, partim intestatus decessisse, cap. 15. in fin. & cap. 24. de in offic. testament. Ad huiusmodi species hæc regula trahi non debet. In ea enim de eo testatore solum agitur qui ab initio de quadam bonorum parte testa-

tus est, de reliqua testari nolens. Idque ex eo patet euidentiſſimè, quod dicat hîc Pomponius, *ut quis testatus decedat & simul intestatus, naturam repugnare*. Nam si hæres testator scripserit, testatus si decesserit sine hæredibus institutis, intestatus decessisse dicitur, nec patitur natura *testatum & intestatum* quem decedere, hoc est, hæredes instituere, & sine institutis hæredibus mori. Si enim vel vnum instituerit hæredem testator, ad eum ipsa institutione omne suum tranſtulit patrimonium; eamque translationem nomen hæredis omnino requirit, etiam si ex semisse tantum institutus esset. Auctor est enim Iustinianus, *si vnum tantum ex semisse hæredem scripserit testator, totum assem in semisse futurum; neque enim eundem ex parte testatum, ex parte intestatum decedere posse*, §. Non autem. Instit. de hæred. Instit. per assem intelligit Iustinianus vniuersum testatoris patrimonium. Idque illud est quod sic in ea declamatione cui titulus est *Duo testamenta*, scribit Quintilianus. *Si confitemini esse testamentum, non potest videri intestatus decessisse*. Et hæc quidem hac nostra iuris ciuilis regula sic definita sunt in testamentis paganorum. Militibus enim quomodo vellent & quo modo poterant, concessum fuit testamenta condere, capit. 1. de testament. mil. Videturque Triphonini temporibus rescriptum fuisse, *ut miles ab initio pro parte testatus & pro parte intestatus mori potuerit*, cap. penultim. §. 1. de castr. pecul. Addiditque Triphoninus, *ab initio*, quia etiam ex postfacto pro parte testatus & pro parte intestatus decedere paganus potuit, ut est demonstratum.

VIII. POMPONIVS LIB. IV.

AD SABINVM.

Iura sanguinis nullo iure civili dirimi possunt.

PROXIMUM locum à testamentis non iuris solum politici, sed sanguinis etiam ratione habere propinquos in ea declamatione, cui titulus est *Duo testamenta*, demonstrat his verbis Quintilianus; Proximum locum à testamentis habent propinqui, & ita si intestatus quis ac sine liberis decesserit; non quoniam utique iustum sit ad hos pervenire bona defunctorum, sed quoniam relicta & velut in medio posita, nulli propius videntur contingere; nihil est quod nos onerare tentent nomine isto propinquitatis, iactatione sanguinis, & natura homines binis iam tabulis exheredati. Hæc Quintilianus, satis indicans propinquos ei qui intestatus ac sine liberis decessit, iure sanguinis & naturæ succedere; eamque successionem tunc cessare, cum huiusmodi propinqui iustè sunt exheredati. Hinc quesitum fuit an propinquus legitimis capite deminutis detur iure legitimi bonorum possessio. Et respondet libro quarto ad Sabinum Pomponius, iure legitimi possessionem iis bonorum non dari, cap. 5. unde cognati. Ius enim fuitatis & agnationis, quo iure legitimi vocantur, capitis deminutione prorsus extinguitur, cap. 8. de capitis minut. Et quia iura sanguinis nullo iure civili dirimi possunt, ut auctor est eodem illo ad Sabinum libro quarto Pomponius, idcirco qui ut legitimi, propter capitis deminutionem, bonorum obtinere possessionem non poterant, hi gradu cognatorum nudo sanguinis iure ad huiusmodi possessionem rursus vocantur, d. c. 5. Et hæc quidem certissima sunt, nec video qua ratione aptius aut commodius vllum huic regulæ accommodari exemplum possit præsentiri

præsertim cùm evidentissimum sit ex inscriptione dicti capitis quinti, huiusmodi quæstionem libro ad Sabinum quarto, ex quo hæc regula desumpta est, Pomponium tractasse. Idque illud etiam est quod sic Iustinianus scribit; *Agnationis quidem ius omnibus modis capitis deminutione plerumque perimitur. Nam agnatio iuris nomen est, cognationis verò ius non omnibus modis commutatur, quia civilis ratio civilia quidem iura corrumpere potest, naturalia verò non utique.* §. fin. Instit. de legit. agnat. tutel. Ideò dixit Iustinianus non omni capitis deminutione ius cognationis mutari, quia illud mutari non minima capitis deminutione solet, sed maxima & media tantum. §. Quod autem. Inst. de cap. demin. Et quia ut media, sic maxima capitis deminutio iuris civilis est, §. Serui autem Instit. de iure person. cap. 5. §. 1. de statu homil. certè hinc etiam consequi videtur, iura sanguinis iure civili dirimi posse; quod tamen posse fieri negat hac regula expressè Pomponius. Proinde diligenter considerandum est, non leges aut alias scripti iuris species per ius civile in hac regula Pomponium intelligi velle, sed eam duntaxat speciem iuris non scripti, quæ ex legis actionibus constabat, veluti adoptionem, emancipationem, & sic deinceps. Ita enim ius civile interdum prudentes accepisse ex eo constat, quod scripserit idem Pomponius *librum, quæ legis continebantur actiones, surreptum à Cn. Flaudio & populo traditum, appellatum fuisse ius civile Flavianum,* c. 2. §. 3. de origin. iur. Liuius etiam & Valerius auctores sunt, Cn. Flavius ius civile euulgasse; per ius civile præter fastos & legis actiones nihil intelligentes. Certum enim est præter fastos legisque actiones nihil quicquam euulgasse Flavius. *Iura igitur sanguinis nullo iure civili dirimi possunt, hoc est, nulla adoptione, nulla emancipatione, nullave alia legis actione.* Ad

Ad eam enim actionum legis speciem quæ adoptio dicitur, hanc regulam trahendam esse ex inscriptione c. 5. Vnde cognati, cum hoc capite coniuncti omnino constat. Et adoptione quidem iura sanguinis dirimi non consueuisse, ex eo etiam patet euidentissimè quod scripserit libro septimo Valerius Maximus, cum Terentius quidam ex octo filiis quos in adolescentiam perduxerat, ab uno in adoptionem dato exheredatum se ad C. Calphurnium Pisonem Praetorem urbanum querelam detulisset, bonorum adolescentis possessionem Calphurnium patri dedisse; heredesque lege agere, hoc est, hereditatem adire passum non esse; motum patria potestate, dono vitæ, & beneficio educationis. Quid enim hoc loco per patriam potestatem & vitæ donum aliud intellexit Valerius, quam ius naturæ, ius sanguinis adoptione filij non extinctum? Et quamuis nonnulli hîc apud Pomponium per *ius sanguinis* ipsam intelligere naturæ necessitatem videantur; qua natura ita comparatum est, vt is qui pater aut filius est, nullo modo etiam coniectus in seruitutem esse pater filiusve desinat; nihilominus tamen mihi probabilius videtur per *ius sanguinis* ius illud intelligi cognationis, quo Praetor iis propinquis qui legitimi non sunt, bonorum deferret possessionem. Huiusmodi enim iura sanguinis iure ciuili dirimuntur, & rursus non dirimuntur iure ciuili; dirimuntur quidem iure ciuili, cum ius ciuile ad maximam mediamque trahimus capitis diminutionem; non dirimuntur iure ciuili, hoc est alia qua legis actione. Et in hac sententia etiam Bulgarus est, & qui ad eum notas scripsit Placentinus.

IX. VLPPIANVS LIB. XV.

AD SABINVM.

Semper in obscuris quod minimum est, sequimur.

HANC regulam cum cap. 14. de legat. 1. coniungendam esse, rectè est obseruatum. Ex illo enim capite desumi exemplum potest huius regulæ interpretatio-
 ni prorsus conueniens. In eo capite auctor est Vlpianus, si post plura legata uni sæpius adscripta, tandem ante impletum testamentum subiecerit testator se huic legatario præstari semel velle, unum duntaxat legatum deberi; & Papiniano videri cetera legata ipso iure adempta esse. Sed cum hæc legata valdè essent inæqualia, sic ut alia aliis essent longè ampliora; quesitum fuit quodnam ex iis legatum legatario præstandum foret, & quæ legata videri adempta possent. Respondet libro ad Sabinum 15. Vlpianus, existimasse eundem Papinianum exiguius legatum præstandum esse hæc, ni fallor, verba Papiniani responso subiiciens: *Semper enim in obscuris quod minimum est, sequimur.* Et hæc vera est huius regulæ sententia. Per obscurum intelligit Vlpian. quod Papinianus ait non apparere, hoc est, quod propter legatarum rerum diuersitatem absconditum est & latens. Auctor est enim Paulus, diuersitatem rerum legatum obscurum facere, cap. 40. de iure fisci. Hæc regula etiam in nummis legatis locum habet. Ait enim idem Vlpianus, nummis indistinctè legatis receptum esse, ut exiguiore legati videantur; si neque ex consuetudine patrisfamilie, neque ex regionis vnde sunt, neque ex contextu testamenti possit apparere, cap. 75. de legat. 3. hoc est, si non appareat quo genere nummorum uti solitus fuerit testator, aut cuius generis nummos illius regionis homines in usu habeant, capite 4. de trit. vin. vel oleo legat. Per nummos exiguiore

DE DIVERSIS REGVLIS IVRIS. 131
teruntios, semisses, aut asses more Quiritium intelli-
git Vlpianus: Et interdum regionis more nummos
coriaceos. Sic enim scripsit de beneficiis libro quinto
Seneca; *Es alienum habere dicitur & qui aureos debet,*
& qui corium forma publica percussum, quale apud La-
cedamonios fuit, quod usum numerata pecunia prestat.
Et hæc quidem sic in omnibus obscuris rebus seruari
solent, exceptis iis de quibus aut expresso aliquo prin-
cipali rescripto, aut alia quadam evidenti ratione ali-
ter est definitum. Semper enim in obscuris quod mi-
nimum est, sequimur. Quo fit vt in obscuris rerum
diuersitate legatis, penes heredem electio sit, sique
id quod minimum est in eligendo heres sequutus fue-
rit, non est quod eo nomine reprehendi possit, quam-
uis id quod minimum est, non cogatur eligere, eaque
vera est sententia capite 37. de legat. 1. & cap. 4. de
trit. vin. vel ol. legat.

X. PAVL. LIB. III. AD SABIN.

*Secundum naturam est commoda cuiusque rei cum sequi
quem sequuntur incommoda.*

P A V L V S libro ad Sabinum tertio de tutelis inci-
denter differens, sic inter alia scripsit; *Tutores non ab hæ-*
rede, sed à testatore protinus proficiuntur, simul atque ali-
quis heres extitisset. Nam & ipse heres tutor dari potest,
cap. 7. de testam. tutel. Sensus est, non ab hærede
instituto; sed à testatore sic testamento tutorem da-
tum proficisci, vt statim sine aliqua intermissione,
mortuo testatore ad tutelæ functionem ipso iure ad-
mitti debeat. *Simulatque aliquis heres extitisset, inquit*
Paulus, hoc est, simulatque aperto publicatōque te-
stamento heres institutus aut substitutus declarasset
velle se heredem esse. Eoque sensu extare heres dicitur

apud Vlpianum in fragmentis, titulo vigesimo tertio. Si enim nemo extiterit hæres, irritum fit testamentum etiam iure factum, auctore eodem Vlpiano: & per hoc nec testamento tutores dari esse tutores iure possunt, cap. 10. §. 2. de testam. tutel. Cur autem ipse hæres dari testamento possit tutor, rationem expressit eodem illo ad Sabinum libro tertio ipse Paulus, secundum naturam esse aienis, commoda cuiusque rei eum sequi, quem sequuntur incommoda: ac per hoc inferens, quemadmodum tutor rectè institui potest hæres: quia qui sentit incommodum, iniquum non est, ut etiam aliquod commodum sentiat: sic quoque heredem tutorem rectè testamento dari. Commodum enim hereditatis etiam incertum tutela quodam onere perisari, & æquitas & ratio non dissuadent. Sic enim de tutelis scripsit institutionum libro primo Caius: Qui proximior fuerit de agnatis, ad ipsum legitima tutela pertinet: quia is qui proximus fuerit ad tutelam, ipse proximus est ad hereditatem. Illud nunc videndum est, quæ ratione ipse hæres testamento dari possit tutor, cum aliis nullis quàm liberis impuberibus dari tutores testamento soleant: adeò quidem, ut scripserit expressè Caius lege duodecim Tabularum, parentibus esse permissum liberis suis, siue masculini siue fœminini sexus, non aliter testamento tutores dare, quàm si essent in potestate, cap. 1. de testam. tut. Hæc si vera sunt, quoniam igitur modo fieri potest, ut hæres testamento dari tutor possit; cum certum sit liberos impuberes esse necessariiò hæredes debere: qui liberi non tutores dari, sed contra tutores testamento accipere solent: & si prætercantur, rumpunt testamentum, eosque exheredari toga prætexta bullaque non patiuntur. Et idcirco quod Paulus libro tertio ad Sabinum scribit, ipsum heredem tutorem dari testamento posse, hoc non quidem ad institutum, sed ad heredem referendum est.

est substitutum. Hæredem enim substitutum hæredis instituti tutorem dari testamento potuisse, auctor est Cicero, sic libro decimo tertio Epistolarum familiarium scribens; *Tuo Pinno familiarissimè me vsum esse scire te arbitror, quod quidem ille testamento declarauit, qui me tum tutorem, tum etiam secundum hæredem instituerit.* Et Suetonius in Galba; *Tutorem, inquit, quod pupillum cui substitutus hæres erat, veneno necasset, cruce affecit.* Et idcirco quod Paulus ait, *tutores non ab hærede, sed à testatore protinus proficisci simulatque aliquis hæres extitit, hoc tam de substituto, quàm de legitimo hærede instituto accipiendum est: quasi dixerit Paulus, tutorem testamento datum statim ad functionem tutelæ hæredis instituti admittendum esse, simulatque aut ipse hæres institutus se velle hæredem esse declarauerit: aut eo apud acta, vt fieri solet, absento, substitutus id idem fecerit.* Nam si absento pupillo substitutus quoque hæreditatem repudiaret, vtique testamentum licèt iure factum redderetur irritum, & per consequens nec ipsa quoque datio tutoris testamentaria sortiretur effectum. Cur autem ab hærede non proficiscantur tutores, hanc subiungit Paulus rationem, *quia fieri potest, vt ipse hæres detur tutor: hoc est, non quidem vt institutus hæres, sed vt substitutus detur tutor, quemadmodum ex Cicero & Suetonio est demonstratum.* Post cuius hæredis substitui mortem, etiam alius eodem contextu testamenti dari tutor permittitur, inquit Paulus: videlicet hoc modo, **FILIUS MEVS HÆRES ESTO, SI FILIVS HÆRES NON ERIT, SIVE HÆRES ERIT, ET ANTE MORIATVR QVAM IN SVAM TVTELAM VENERIT, L. TITIVS HÆRES ESTO: EVNDEM TITIVM FILIO MEO TVTOREM DO, ET SI ANTE MORIATVR**

134 IAC. RÆVARD. TOM. I. COMM.
 TVR TITIVS QVAM IN TVTELAM SVAM
 FILIVS MEVS VENERIT, TVM C. SEM-
 PRONIVS TVTOR ESTO. Eaque vera senten-
 tia est, capite septimo de testamenti tutela, quam
 nullus esse videtur assecutus. Hæc regula iuris ci-
 uilis non in hæredibus solum substitutis testamento
 tutoribus datis, sed in aliis etiam multis antiqui iuris
 tractationibus esse vsui solet. Est enim Iustinianus au-
 ctor eo ipso quod hæreditates libertorum libertarumque, si
 intestati decessissent, iusserat lex ad patronos pertinere, cre-
 didisse veteres legem voluisse etiam tutelas ad eos pertinere,
 quia plerumque ubi successionis est emolumentum, ibi & tu-
 tela onus esse debet, §. vnico de legit. patron. tutel. Est
 etiam Vlpianus auctor, sicuti lucrum omne ad emptorem
 hæreditatis respicit, ita & damnum quoque debere ad eum
 respicere, cap. 2. §. 8. de hæred. vel act. vendita. Apud
 eundem Vlpianum Aristo refert Cassium respondisse so-
 cietatem talem coiri non posse, ut alter lucrum tantum, al-
 ter damnum sentiret, & hanc societatem leoninam solitam
 appellari, capite 29. §. 1. Pro socio, nimirum hoc sen-
 su ut alter socius ei quam simillimus sit, qui leonem,
 hoc est, prædonem ac deuoratozem socium nactus
 est. Ea profectò ratione qua sic Inst. libro quarto cap.
 20. scribit Lactantius; facta est mihi hæreditas mea si-
 cut leo; id est, præda & deuoratio factus sum hære-
 dibus meis. Iniri igitur nulla potest leonina societas
 certè propter eandem hac regulam qua traditum est
 secundum naturam esse commoda cuiusque rei eum
 sequi quem sequuntur incommoda. Siquidem con-
 tra naturam est, ut vnus ex duobus sociis omne lu-
 crum percipiat, & ad alterum damnum omne re-
 dundet.

XI. POMPONIVS LIB. V.

AD SABINVM.

Id quod nostrum est, sine facto nostro ad alium transferri non potest.

RES ita alienari solent, vt earum dominia aut transcriberentur, aut transferrentur, aut addicerentur, aut denique adicerentur. Transcribebantur, testamento; quemadmodum in libro de Noë & arca expressè his verbis docet Ambrosius; *Et homines quidem cum moriuntur, patrimonium suum testamento transcribere solent.* Transferebantur dominia, aut traditione nuda, aut mancipatione, aut in iure cessione. Addicebantur, aut adiudicatione viua Prætoris vel iudicis voce, aut præconis officio sub corona, sub hasta, de mensa, de lapide, de catasta, vt alio loco propediem demonstrabitur. Et denique per vſucapionem adiicienda possessioni rerum dominia etiam solent; nimirum ea ratione quam in nostro libello Ad leges 12. Tab. iam dudum demonstrauius. Transcriptio & adiectio dominiij nullum requirebant domini solemne factum, sed iure tacito peragebantur: translatio verò dominiij, sine facto nequit explicari. Res enim à domino tradi, à domino per æs & libram mancipio dari, à domino in iure cedi solemniter ad hoc solebat, vt eius dominium emptori iure Quiritium acquireretur. Mancipatio species erat alienationis, auctore ad Ciceronis Topica Boëtio, *adhibitis quinque testibus civibus Romanis puberibus, & libripende*, ad eum modum peragi solita quem libro singulari Ad leges duodecim Tab. latissimè descripsimus; simul explicantes in iure cessionis antiquum morem, veramque rei mancipi & nec mancipi differētiam. Res mancipi, solæ dari mancipio

136 IAC. RÆVARD. TOM. I. COMM.
poterant; traditione quoque nuda acquirebantur res
nec mancipi mobiles, quales sunt fera bestia, & de-
nique *in iure cessio communis erat alienatio rerum man-
cipi & nec mancipi*, inquit Vlpianus in fragmentis, tit.
19. Iuris huiusmodi solemnitates Pomponij tempore
in usu fuerunt, siquidem eas primus sustulit Iustinia-
nus. Et idcirco facile intelligimus quid sibi his ver-
bis voluerit Pomponius: *Id quod nostrum est, sine fa-
cto nostro ad alium transferri non potest*. Nimirum nul-
lius rei dominium sine mancipatione, aut in iure
cessione, aut etiam nuda traditione pro cuiusque rei
qualitate iure Quiritium à vero domino transferri
potuisse; adeò quidem ut si res aliqua mancipi vendita
esset, & tradita, neque tamen mancipio data, nec in iure
cessa, nec usucapta; in bonis quidem illa emptoris esset usu
& fructu, verum mancipio siue nexu remaneret venditoris,
teste eodem Vlpiano, in fragm. tit. 1. Id igitur quod
nostrum est, *sine facto nostro*, hoc est, sine mancipa-
tione, in iure cessione, & sine traditione nostra ad
alium transferri iure Quiritium non potest. Et hæc
est huius regulæ vera sententia, quæ regula ex Pom-
ponij lib. ad Sabinum quinto desumpta est, illi for-
tassis loco eiusdem libri applicata, quo tradidit Pom-
ponius rei commodata & possessionem & proprietatem re-
tineri, cap. 8. Commodati. Nam cum id scriberet
Pomponius, hanc videri potest rationem subiecisse,
Id enim quod nostrum est, sine facto nostro ad alium
transferri non potest; & sic contendisse commodato
dominium non transferri, præsertim cum ad do-
minij translationem opus fuerit olim quodam man-
cipationis aut in iure cessionis sollemni facto; quod
factum commodato explicari nec solet, nec potest.

XII. PAVLVS LIB. III.
AD SABINVM.

In testamentis plenius voluntates testantium interpretantur.

DE vsufructu, vsu, & habitatione accuratissime differuerunt Vlpianus libr. 17. ad Sabinum, & Paulus ad eundem Sabinum libr. 3. Inter alia ab iis tractatum fuit, is cui ædium legatus est vsus quales recipere personas possit; & aiunt quidem Tuberone, La-beone, & Celso auctoribus definitum fuisse, vt hospites, liberti, inquilini, & clientes recipi possent, cap. 2. & 3. de vsu & habit. Cur autem inquilini & liberti potuerint recipi, non tam mirum est, quàm quod hospites aut clientes reciperentur. Nec id etiam mirum videbitur ei, qui non ignorat quantam patronatus & hospitij iuris rationem habuerint Romani. Moris enim erat, vt humiliores ciues totos sese in potentiorum fidem & clientelam dederent; eaque ratione potentiores quidem patroni, humiliores verò clientes dicebantur. Quo spectat illud Sidonij Apollinaris Epistolarum libr. 7. *Quem iure seculari patronum, iure Ecclesiastico filium excolo, vt cliens, vt pater, diligo.* Morem hunc expressit euidenter Dionysius Halicarnassæus libr. 2. & Aulus Gellius libr. 5. cap. 13. Eaque dedicatione cum patronis suis hospitium domumque communem habebant clientes, cap. 3. §. 3. de penu legat. Id quod his versibus Terentius etiam manifestum facit in Eunuchò.

— Tum autem Phadræ
Meo fratri gaudeo amorem esse omnem in tranquillo:
una est domus:
Thais patri se commendauit in clientelam & fidem,
I 5 Nobis

Nobis dedit se.

Quandoquidem igitur domū habuerint cum suis patronis communem clientes, quid mirum cui ædium usus legatus est, eum clientes suos recipere potuisse? Sed cur hospites recipere potuit? Certū est eum etiam ciues Romanos habuisse morem, ut quod potentiores erant & nobiliores, eō sibi magis potentissimos quosque & nobilissimos tam peregrinos quam prouinciales, non quidem patronatus, sed hospitij iure deuincerent, dextris iunctis, præstito inter præsentēs aut per internuntios sacramento, datisque muneribus mutuis, quemadmodum in Virgilium Seruius, & Donatus in Terentium testantur. Hæc si vera sunt, non est igitur absurdum eum cui ædium legatus est usus, hospites etiam recipere potuisse. Domum enim hospites cum hospitibus vi & potestate præstiti sacramenti habebant communem. Illud etiam quaesitum fuit si mulieri ædium relictus sit usus, an cum marito habitare possit. Et responderet eodem illo ad Sabinum libro decimoseptimo Ulpianus, posse eam cum marito habitare, & primum Q. Mutium id admisisse, ne mulieri matrimonio carendum foret cum uti vult domo; idque addo verum esse, ut etiam si vidue legatus sit ædium usus, contractis post usum constitutum nuptiis, mulier cum marito nouo potuerit habitare, cap. 4. De usu & habit. Additque Paulus socerum quoque cum nuru, cui ædium legatus est usus habitare posse, utique cum vir una sit, cap. 5. d. tit. Viri enim ratione inter nurum & socerum affinitas constat, quæ affinitas huiusmodi habitationis interpretationem requirit. Si igitur sic testator mulieri ædium legauerit usum, TULLIÆ MEARVM AEDIVM VSVM RELINQVO, benigna interpretatione etiam maritum Tullia, inquit Ulpianus, recipere poterit; & præter maritum posse à nuru etiam recipere socerum.

DE DIVERSIS REGVLIS IVRIS. 139
socerum, ad Sabinum libro tertio auctor est Paulus, d.
cap. 5. hanc, ni fallor, subijciens rationem; *In testamen-*
tis enim plenius voluntates testantium interpretantur; de
iis nimirum voluntatibus sentiens quæ non plenè aut
absolutè satis expressæ sunt. Id quod huiusmodi spe-
ciebus quibus de ædium vsu legato differitur optimè
conuenit. Qui enim ædium legat vsu, ea non vide-
tur eius esse intentio, vt velit eū cui legatus est ædium
vsus, solum in iis habitare, sed potiùs eos etiam recipi
videtur voluisse testator, quos recipere deberet, si
ædium proprietas illius esset, cui ædium legatus est
vsus. Atque ita plenius quàm expressum est testamen-
to, huiusmodi legatum interpretari prudentes solent,
ad libertos, inquilinos, clientes, hospites, maritum, so-
cerumque illud trahentes. Et hîc verus est huius regu-
læ sensus. Nam cùm hæc regula ex Pauli ad Sabinum
lib. 3. desumpta sit, & cùm huiusmodi quæstiones eo-
dem libro Paulum tractasse omnino constet, quis ob-
secro dubitabit quin optimè ad testatorum de vsu
ædium legato voluntates plenius, quàm vt illæ con-
textu testamenti expressæ sunt, interpretandas referri
hæc regula possit, & per consequens optimè coniun-
gi cum cap. 5. de vsu & habitatione.

XIII. VLP IANVS LIB. XIX.
AD SABINVM.

*Non videtur cepisse qui per exceptionem à petitione
remouetur.*

Huius capitis inscriptio manifestum facit, regu-
lam hanc ad tractatum legatorum omnino referen-
dam esse. Libro enim decimo nono ad Sabinum de
legatis differuit Vlpianus. Et inter alia in eodem libro
ab Vlpiano tractatū fuit, *si creditori meo tutus aduersus*

enim exceptione id quod ei debeo legauero, an utile legatum sit. Et respondet Vlpianus *utile legatum esse, quia remissa creditori exceptio videtur, cap. 28. de legat. 1.* hanc ni fallor subiiciens rationem; *Non enim videtur cepisse qui per exceptionem à petitione remouetur.* Quasi dixerit Vlpianus. Si centum acceperim mutua, & postea cum meo creditore pactus fuerim de iis centum non reddendis, hoc pacto mutui contractus sic non extinguitur, ut possit impedire quo minus centum à me iure perantur cap. 4. de constitut. pecun. cap. 51. de pact. sed exceptionem habeo pacti conuenti; qua exceptione à petitione sua remouebitur creditor. Et quia ipso iure contractus mutui exceptione pacti non poterat extinguì, inde etiam euenit ut is qui mutuuum dedit & pactus est illud non petere, ipsa pactione à debitore suo *cepisse*, hoc est, recepisse non videatur id quod mutuo datum fuit; siquidem illud petere creditor potest, quamuis à petitione sua, exceptione pacti conuenti remoueat; quod utique non faceret idem creditor, si ipso iure extinctus esset contractus mutui utputa acceptilatione. Tunc enim id quod mutuo dederat, omnino videretur à debitore suo creditor recepisse, & per consequens mutui contractus ipso iure extinctus esse, quemadmodum euidentissime demonstrauimus Variorum lib. 2. cap. 5. & 6. Cùm igitur apud Vlpian. quæsitum esset an utile legatum sit, si creditori meo id quod ei debeo, legauero, tutus aduersus eum exceptione, considerans Vlpian. quidnam appellatione debiti posset contineri, hac videtur distinctione usus esse, ut contenderit aliud esse si debitorum exceptione, aliud si ipso iure tolleretur. Nam si ipso iure debitum extinctum esset, utique omne quod sibi debetur, creditor à debitore cepisse videtur. Qui autem exceptione à petitione debiti potest remoueri,

is tamdiu videri potest id quod sibi debetur non cepisse, quamdiu nulla petitioni eius obiicitur exceptio. Et idcirco debitum ipso iure extinctum legari à debitore creditori inutiliter solet; eum contra, debitum non quidem extinctum, verum ope exceptionis etiamnum extinguendum legetur vtiliter. Quamdiu enim exceptioni locus est, tam diu non videtur id quod sibi debetur creditor cepisse; ac proinde creditori vtiliter potuisse huiusmodi debitum à debitore legari. Nam hoc legato non debitum aliquod nouum constituitur, non vetus resuscitatur, sed remittitur duntaxat exceptio; eaque exceptione remissa, esse petitioni locus vtiliter solet, quæ petitio antea propter exceptionem nullius fuerat auctoritatis. Et rectè quidem verbum *cepisse*, in Florentinis Pandectis sine diphthongo descriptum extat, quod verbum à quibusdam interpretibus expressum diphthongo miram peperit confusionem, & rei per se alioqui dilucidæ incredibilem obscuritatem.

XIV. POMPONIVS LIB. V.

AD SABINVM.

In omnibus obligationibus in quibus dies non ponitur, presenti die debetur.

STIPVLATIO simul atque effectum sic incipit fortiri, vt quod ea comprehensum est, incipiat deberi, protinus *committi* dicitur. Est enim Nonius Marcellus auctor, inter alia pro initiare *committendi* verbum nonnunquam à Romanis vsurpatum fuisse, hunc proferens Virgilij versum;

Et tuba commissos medio canit aggere ludos.

Omnis obligatio aut purè, aut sub conditione, aut in diem, aut ad certum diem, aut denique in diem & sub

142 IAC. RÆVARD. TOM. I. COMM.
sub conditione simul concipi solet, cap. 44. in princ.
de obligat. & act. cap. 8. de verb. oblig. Obligatio purè
concepta statim committitur. In omnibus enim obli-
gationibus in quibus dies non ponitur, *presenti die de-*
betur, hoc est, in obligatione purè concepta statim ce-
dit & venit dies, cap. 213. de verb. signifi. Nam, ut ait
lib. 3. declamationum Seneca, *quoties tempus non adiji-*
tur, presens intelligitur. Obligatio sub conditione con-
tracta, antè conditionis euentum non committitur,
§. sub condit. Instit. de verb. oblig. quemadmodum
nec in ea obligatione quæ in diem concepta est antè
statutum diem, dies cedit, d. c. 44. in princ. & d. c. 213.
Cæterum si in diem & sub conditione simul aliqua
fuerit stipulatio concepta, & antè contrigerit evane-
scere conditionem quàm venerit statutus dies, inter
Proculianos & Sabinianos agitatum fuit, *an ad con-*
ditionem, an verò ad diem constitutum committatur stipu-
latio; hoc est, an statim à tempore evanescentis con-
ditionis incipiat effectum sortiri stipulatio sub con-
ditione & in diem simul concepta, an verò ad hoc ut
sortiatur effectum necessum fuerit diem expectari. Et
Sabinus quidem Proculo visus est adsentiri stipula-
tionem eiusmodi ad hoc effectum à tempore evane-
scents conditionis sortiri, ut incipiat deberi id quod
ea stipulatione comprehensum est; verum ad hoc ut
possit peti, effectum utrique ante statutum diem non
sortiri, d. cap. 213. Idque illud est quod sibi his verbis
voluit Paulus; In illa stipulatione, **SI KALENDIS**
STICHVM NON DEDERIS, DECEM DARE
SPONDES? mortuo homine quæritur an statim antè
Kalendas agi possit. Sabinus; Proculus, expectandum
diem actori putant, quod est verius. Tota enim obli-
gatio sub conditione & in diem collata est; & licet ad
conditionem committi videatur, dies tamen superest,
cap. 8.

cap.8. de verb.oblig. Hæc Paulus his verbis, *Et licet ad conditionem committi videatur*, antiquam phrasim huius nostri seculi hominibus eruditis prorsus ignotam, exprimens eleganter. Sic enim veteres locuti sunt, *Ea obligatio ad conditionem committitur, ea stipulatio ad diem committitur*, nihil aliud significare volētes, quàm obligationem aliquam ab ea conditione quæ aut adimpleta est, aut qua deficit obligatio, initium sumere iusti debiti. Idque ex Varr. docuit euidentissimè Nonius Marcell. Cùm enim ex Virgilio demonstrasset Nonius *committere* pro initiare Romanos posuisse, hunc quoque Varronis locum subiecit; *Discumbimus mussati, dominus matura oua ad cœnam committit*. Quo in loco ad cœnam committere eo prorsus sensu visus est Varro posuisse, quo dixit Paulus ad conditionem committi obligationem. Per *dominum* intelligit Varro exhibitorem conuiuij, & per *oua matura* oua cocta. Sic enim hunc Varronis locum interpretatus est idem Nonius in dictione, *dominus*, & in dictione *maturum*. Cuius loci ea esse videtur vera sententia, vt is qui aliquod exhibet conuiuium, ad initium cœnæ oua suis conuiuis cocta proponat. Simili modo ea rectè dici potest ad conditionem committi obligatio apud Paulum, quæ ad euanescentis conditionis initium relata plenum iusti debiti sortitur effectum; siquidem tunc *committi* dicitur obligatio, cùm id quod ea continetur incipit deberi. Quemadmodum igitur ad cœnam committitur id quod ad cœnæ mittitur siue proponitur initiũ, auctore Nonio; sic etiam obligatio quæ ad initium aut impletæ aut extinctæ conditionis refertur, rectè ad conditionem committi dicitur. Et hæc quidē cùm ita se habeant, non est igitur cur hæc Pauli verba, *Et licet ad conditionem committi videatur*, vitiosa esse, virum quendam eruditissimum sequuti,

144 IAC. RÆVARD. TOM. I. COMM.
sequuti, nobis persuadeamus, & sic emendanda, *Et licet ante diem conditio committi videatur.* Quis enim mortalium vnquam legit conditionem committi, de ea potissimum conditione sentiens quæ iam prorsus evanuit, & qua defecit obligatio? Dices; committitur pœna: verum est, sed ita committitur, vt ea incipiat deberi. Nemo enim vnquam dixit evanescentem pœnam committi.

XV. PAVLVS LIB. IV.
AD SABINVM.

Is qui actionem habet ad rem recuperandam, ipsam rem habere videtur.

POSSESSIO recuperari duobus modis solet, nimirum aut interdicti, aut actionis medio. Non enim nouum est vt de quibus rebus interdicta prodita sunt, de iis quoque actiones interdum decernantur. Interdictum quod vi aut clam competit si quis alienas arbores exciderit; illudque interdictum cum actione legis Aquiliæ, & xii. Tabularum concurrere auctor est Caius, cap. 25. §. 4. Locati. Testatur etiam Vlpianus restituendæ possessionis ordinem aut interdicto expediti, aut per actionem, cap. 1. §. 3. vti possid. Proinde si me vi ex fundo meo deturbasses, recuperandæ possessionis nomine duplex mihi remedium competebat. Aut enim poteram interdicto, aut recuperatorio iudicio tecum experiri. Interdicto quidem, decreto Prætoris postulans in pristinam meam possessionem restitui; iudicio verò iniuste deiectum me à fundi possessione in iure conquerens, eoque nomine recuperatorem postulans, qui de tota possessionis causa cognoscat & aduersarium pœnis ciuilibus mulctet. Interdum decernebatur hoc modo; VNDE TV ILLVM

ILLVM VI DEIECISTI, RESTITVAS; & protinus is qui deiectus erat, restitui ex hoc interdicto debebat; in qua restitutione adhiberi vsurpationis solemnia solent ad hunc modum. Qui vi deiectus erat interdicto recuperatorio à Pratore impetrato cōuocabat amicos suos, & cum iis in fundum recuperandæ possessionis gratia deductus, prasente aduersario furculum defringebat, solemnibus verbis cedere aduersarium, vacuamque relinquere possessionem iubens; defractoque furculo rursus ex fundo per eodẽ amicos domum deducebatur. Morem hunc euidentissimis aliquot argumentis alio loco demonstrauimus: de quo more visus est etiam sentire Aggenus Urbicus cū ita scriberet; *De loco si possessio petenti firma est, etiam interdicere licet dum cetera ex interdicto diligenter agantur. Magna enim alea est litem ad interdictum deducere, cuius est executio perplexissima.* Nec sanè aliud quidquam continebat interdictum, quàm simplicem quandam decreti formulam, quā fieri quid aut non fieri sic à Pratore iubebatur, vt ei parere necessum statim foret, sine aliqua causæ indagatione; ac proinde nullam sententiæ pronunciationem, nullamque rei iudicatæ vim aut effectum sortiri aliquod interdictum solet, cap. 35. de action. emp. & venditi. Aliud est si neglecto interdicto maluerit iudicio recuperatorio is qui deiectus est in possessionem restitui. Tunc enim non recuperari duntaxat possessio solet, sed tanti etiam aduersarius condemnabatur, quanti ea res esset, hoc est, in duplum, cap. 21. in fine, de hæred. vel actio. vend. habita etiam eius quod interest, ratione. Idque illud est quod edicti quadam perpetui antiqua clausula sic apud Valerium Probum notis expressum inuenio; **Q**UANTIEA RES ERIT, TANTAE PECVNIAE IUDICIUM RECUPERATORIVM

146 IAC. RÆVARD. TOM. I. COMM.
RIVM DABO, TESTIBVSQVE PVBLICE
DVNTAXAT DECEM DENVNCIANDI PO-
TESTATEM FACIAM. Per testes eos intelligit
Prætor ciues Romanos, qui per vim deiectionem fieri
viderant. Et hæc quidem cum ita se habeant, nunc fa-
cile intelligimus quid sibi hac regula voluerit Pau-
lus. Per actionem enim, si non iudicium recuperato-
rium, ipsum saltem intelligit recuperatorium interdi-
ctum, ad rem solo cohærentem, vnde quis vi deiectus
est, recuperandam omnino pertinens, c. 1. §. 2. de vi &
vi armata. Siquidem nouum non est actionis verbo
interdictum quoque contineri, c. 37. de obligat. actio-
nib. Differuit libro quarto ad Sabinum Paulus de re-
statore qui res suas alicui legauit, cap. 72. de lega. 3. &
in differendo cum quæsitum esset quidnam suarum
rerum appellatione contineretur, videtur Paulus re-
spondisse eas etiam res immobiles nomine suarum
rerum comprehendendi, quarum possessio recuperari in-
terdicto potest; hanc subiiciens rationem: *Is enim qui
actionem habet ad rem recuperandam, ipsam rem habere
videtur.* Eaque est huius regulæ vera interpretatio
quam præ se fert ipsa inscriptio, quâ libro Pauli qua-
to ad Sabinum hæc eadem regula tribuitur.

XVI. VLP IANVS LIB. XXI. AD SABINVM.

Imaginaria venditio non est pretio accedente.

OMNIS venditio ex re quæ venditur & ex pretio
constat. Pretium id appellari Varro auctor est, quod
æstimationis emptionisque causa constituitur à solis pretio
dictum ac definitum, siquidem hi duntaxat id facere recte
possunt. Sine pretio nuda venditio est & imaginaria
quod tunc accidere solet, cum res aliqua momentaneè
lorique

lorisque maximi, addicitur nummo. Huiusmodi enim venditio idcirco vera non est, quia pretium non accedit; siquidem nummus & pretium in iis venditionibus diuersa sunt, quibus ex vno aut altero nummo honestum aliquod rei quæ venditur pretium non constat. Idque sibi visus est Vlpianus voluisse, *conductionem quæ est in vno nummo ab ea conductione quæ ex pretio constat*, omnino distinguens, cap. 10. in fin. de acquir. poss. Sed quia in locum pretij tunc surrogatur nummus, cum nummo quid addicitur, hinc factum etiam est, vt imaginem venditionis res addicta nummo præ se ferat, indeq; nudæ & imaginariæ venditionis nomen acceperit. Imaginarium enim id omne vocabant veteres, quod non iure & more consue- to, sed sub aliquo iuris morisque certi prætextu fie- bat. Quo sensu eos qui à priuatis per vim obtineban- tur fasces, imaginarios fasces Liuius appellat, sic de Horatio Valerioque libro tertio scribens: *Neque enim sibi priuatos aut in curia, aut in concione posse ob stare, neque se imaginariis fascibus eorum cessuros esse*. Paulus aucto- r est nudam & imaginariam venditionem haberi pro non facta, & ideo nec alienationem eius rei intelligi, capite 55. de contr. empt. Et Modestinus, *contractus*, inquit, *imaginarij etiam in emptionibus, iuris vinculum non ob- zinent, cum fides facti simulatur, non intercedente veri- tate*, capite 54. de obligat. & actio. Et quamuis ita Paulus ac Modestinus scripserint, nihilominus tamen huiusmodi contractibus iure & licitè Romanos vsos esse satis constat. Est enim expressè Pomponius au- ctor, *maritum fundi vsum fructum dotalem vendere vno nummo uxori potuisse*, cap. 66. de iure dot. Et idcirco fa- cilè mihi persuadeo has difficultates optimè componi posse, si dicamus omnem omnino imaginariam huius- modi venditionem sic iuris vinculum nō obtinere vt

vendita res nummôque addicta non tamen tradita,
 empti iudicio peti ab emptore potuerit; verum si res
 omnino addicta fuerit & tradita, tunc imaginaria
 hanc venditionem instar inducere donationis eiusque
 vim omnem, auctoritatem & nomen obtinere, cap.
 46. Locati. Erat enim moris, ut omnis ferè donatio
 venditione quadam imaginaria perageretur, quemad-
 modum non obscure demonstrat Iustinianus cap. ult.
 C. de donat. Eiusque moris antiquissimæ inscriptio-
 nes duæ meminerunt, quarum vna in musæo Carpen-
 si, altera in ædibus Benzoniorum Romæ etiamnum
 extare dicitur. Prior inscriptio sic habet; V T N E
 QVIS EX HOC AGRO ÆDIFICIOVE QVI-
 BUS DONATIONIS CAUSA EMANCIPA-
 TVM ERIT, DE NOMINE ALIENASSE VE-
 LIT. Altera sic; QVOD SI QVIS ID MONV-
 MENTVM PARTEMVE EIVS VENDERE
 VOLET, VEL DONATIONIS CAUSA CVI
 MANCIPARE VOLVERIT, ALIOVE QVO
 NOMINE EIVS MONVMENTI PARTEM
 ALIENARE TEMPTAVERIT, DARE DAM-
 NAS ESTO ÆRARIO POPVLI ROMANI
 H-S XV. M. N. Eoque pertinet illud Suetonij de C.
 Cæsare; *Bello civili super alias donationes amplissima præ-
 dia ex auctione hasta nummo addixit. Et id quidem adeo
 verum est, ut hi qui gratuitam operam præstare vo-
 lebant, sestertio nummo conducentibus eam adicer-
 rent, quemadmodum ex Valerio doceri facile potest,*
qui ad hunc modum libro quinto scribit; Marco Cor-
nuto Pratore funus Hircij & Pansa iussu Senatus locante,
qui tunc libitinam exercebant, tum rerum suarum usum, tum
ministerium suum gratuito polliciti sunt, quia hi pro repub-
licam occiderant; perseverantique postulatione extor-
erunt ut exequiarum apparatus sestertio nummo ipsis præ-
beni-

centibus addiceretur. Eoque sensu nummum sestertium accepit etiam Epistolarum libro decimoquinto Seneca. Ait enim; *Adeoque falleris, ut quæ maxima apud nos habentur, diuitiæ, gratia, potentia, sestertio nummo æstimanda sint.* Huius etiam loci est hæc phrasis antiqua, assis non facere, cuius meminit idem Seneca Epistolarum libro vigesimo secundo his verbis; *Istos tristes & superciliosos aliena vitæ censors, siue hostes publicos, pedagogos assis ne feceris.* Et quamuis scripserit expressè Paulus, *si quis conduxerit nummo vno, conductionem nullam esse,* d. cap. 46. nihilominus tamen euenire interdum solet, ut locatio addicta nummo. & iustæ & legitimæ locationis vim haberet; idque tunc accidere solet cum ex vno nummo iustum locationis pretium constat: *Qualis apud Plautum operarum locatio est, quas nummo conductori addixerat coquus:* Sic enim scribit in *Aulularia* Plautus; *Nummo sum conductus, plus iam medico mercede opus est.* Et hæc quidem de iis contractibus imaginariis hætenus qui instar donationis inducebant; de quibus solis hæc regula intelligi debet. Est & alia quædam imaginarij contractus species multum ab illis de quibus hic agimus diuersa; & ea quidem ad seruos pertinet qui suis nummis emuntur. Moris enim erat ut serui peculio sese interdum redimerent ex seruitute, eaque redemptio ad hunc modum fiebat. Seruus hominem liberum subornabat, cuius opera redimi à suo domino posset, & manumitti, seruo, ipso aut pretium ex peculio prorogante, aut se delegante, aut in se recipiente debitum; quemadmodum per fidem contractus inter emptorem & seruum ab initio tractatum fuerat. Huic contractui ante satis non erat ab emptore quàm si emptus seruus manumissus esset, & nummi peculiæres emptionis nomine exoluti; eaque emptio tam imaginaria dicebatur, quàm ea quæ

150 IAC. RÆVARD. TOM. I. COMM.
fiebat nummo sestertio, cap. 4. §. 1. de manumiss. Non
enim vera potuit huiusmodi emptio dici, cum emptor
nullum haberet serui acquirendi propositum, nullo-
que erogaret numos proprios; sed potius aliud agens
& aliud se simulans agere, negotium illius gèreret,
qui in rem propriam ob omni mancipatione iure ciui-
li procul arceri debebat. Et hæc quidem imaginaria
emptionis species etiam antiquissima est. Sic enim in
Aulularia seruum Strophilum Plautus loquentē facit;

Ast ego partem impartiri malim unde redimar.

EMPTIONIS huiusmodi meminit etiam Sene-
ca, sic Epistolarum libro vndecimo scribens; *Quid au-
tem melius potes velle, quàm excipere te huic seruituti, que
omnes premit, quam mancipia quoque conditionis extreme
& in his sordibus nata omni modo exuere conantur, pecu-
lium suum quod comparauerant ventre fraudato pro capite
numerant.* Nec aliò videri potest in Bucolicis Virgi-
lius respexisse, cum ita scriberet.

——— *Cum me Galatea reliquit*

Nec spes libertatis erat, nec cura peculi.

SENSVS enim est: quia spes nulla fuit adipiscen-
dæ libertatis, idcirco nullam peculij curam habui, quo
peculio me aliquando ex seruitute redimere possem.
Et hæc quidem si vera sunt, nunc facilè intelligimus
quid sibi voluerit Vlpianus, cum scriberet, *eum qui
nummis suis emitur, epistola Diuorum fratrum in eam con-
ditionem redigi, ut libertatem adipiscatur, d. cap. 4. in
principio.* Id enim sic accipere non conuenit, quasi
Diui fratres primi videantur constituisse eum qui
nummis suis emptus est; posse ad libertatem perueni-
re; sed ita potius, ut seruus nummis suis emptus cum
emptore, in cuius fidem confugit, consistere possit, &
queri quod ab eo non manumittatur; Romæ quidem
apud Præfectum vrbi, in prouinciis verò apud Præfi-
des.

DE DIVERSIS REGVLIS IVRIS: 151
des. Ita enim expresse epistolam Diuorum fratrum
interpretatus est Marcius, cap. 5. de manumiss. cap.
67. de iudic. Eaque interpretatio idcirco etiam veri-
similior est, quod satis constet ante hanc Diuorum
fratrum epistolam querelæ huiusmodi locum non
fuisse. Si enim fuisset locus non sic scripsisset libro de-
cimo quarto Cornelius Tacitus; *Haud multò post præ-
fectum urbis Pedanium Secundum seruus ipsius interfecit,
seu negata libertate cui pretium pepigerat, siue amore exo-
leti insensus, & dominum æmulum non tolerans.* Et sanè
cùm scriberet Vlpianus *receptum esse ut serui nummos
peculiares dandò perueniant ad libertatem*, cap. 3. circa
princ. de statu lib. videtur utique primam huiusmo-
di contractus imaginarij originem prudentum inter-
pretationi acceptam tulisse; & sic per consequens
moribus receptoque iuri potius eam adscripsisse,
quàm alicui Diuorum fratrum constitutioni, quod
est verissimum.

XVII. VLPIANVS LIB. XXIII.
AD SABINVM.

*Cùm tempus in testamento adiicitur, credendum est pro
herede adiectum, nisi alia mens fuerit testatoris: sicuti in sti-
pulationibus promissoris gratia tempus adiicitur.*

LIBRO ad Sabinum vigesimo tertio, ex quo hæc
regula desumpta est, plurima scripsit de eo tempore
Vlpianus quod in testamento adiicitur, cap. 49 de le-
gat. 1. cap. 1. de legat. 3. cap. 10. de condit. & demonstr.
c. 10 & 12. Quando dies legat. ced. Et inter cætera vi-
detur definuisse legatum in certum diem alicui reli-
ctum mortuo ante diem legatario deficere sua condi-
tione, & per hoc sic euanescere, ut ex eo nihil ad hæ-
redē legatarij cello die transferri potuerit, d. c. 49. §. 1.

152. IAC. REYARD. TOM. I. COMM.
& d.c. 10. de condit. & demonstrat. Idque sic ad Sa-
binum libro vigesimo tertio tradidit Vlpianus; hanc
eodem libro proferens rationem; *Cum enim tempus in
testamento adiecitur, credendum est pro hærede adiectum,
hoc est, cum aliqua in certum tempus relinquuntur
legata testamento, sic tempus illud pro hærede, à quo
legauit testator, adiectum videri, vt mortuo ante tem-
pus cessum legatario deficiat nondum impleta con-
ditione legatum, & per consequens, nihil ab hærede
testamento legatarij hæredibus debeat præstari. Hinc
quæsitum fuit si sic impuberi filiofamilias legatum
sit; CVM IS IN TVTELAM SVAM PERVE-
NERIT, quod tempus in huiusmodi legato spectari
debeat, an pubertatis, an verò solutionis patriæ po-
testatis. Et respondet eodem illo ad Sabinum libro 23.
Vlpianus tempus pubertatis duntaxat spectandum ef-
se, nisi mens talis fuisse videatur testatoris, ac si dixis-
set expressè, IN SVAM TVTELAM ET IN SVAM
POTESTATEM; tunc enim liberatus patria pote-
state legatarius etiam impubes, proutinus petere lega-
tum poterat; sique antequam in tutelam potestatem-
que suam peruenisset mortuus esset, tempus in huius-
modi testamento adiectum proficiebat etiam hæredi
testamentario. Et quia in perpetua tutela erat mu-
lieres, dubitatum hinc etiam fuit, an & quando in
suam tutelam peruenisse filiafamilias dici posset. A
pupillari multum differt muliebris tutela, & idcirco
simul atque viripotens esse cœperat filiafamilias & per
hoc tutela pupillari liberari, tunc ea quodammodo in
suam peruenire tutelam dicebatur. Idque ad Sabinum
lib. 4. sibi videtur Paulus voluisse, cap. 51. de legat. 3.
Nec id adeò mirum, siquidem à pupillari multum dif-
fert tutela muliebris. Nam *mulierum tutores non gessisse
negotia, sed auctoritatem duntaxat interposuisse, auctor est* in*

DE DIVERSIS REGVLIS IVRIS. 153
in fragmentis Vlpianus titulo 11. Testatur etiam pro
Murana Cicero, *genus quoddam fuisse tuorum quod po-
testate mulierum continebatur*; satis per hoc indicans
quodammodo in suam tutelam mulieres viripoten-
tes peruenire. Ridet enim Iurisconsultos Cicero, qui
cùm auctores fuerint muliebris tutelæ, illud efficere
non potuerunt, vt mulieres in tutorum essent pote-
state; siquidem in mulierum potestate tutores potius
videntur fuisse, quàm fuerint in tutorum potestate
mulieres. *Si quid in annos singulos legatum fuerit, vnum
legatum non esse, sed plura*, eodem ad Sabinum libro vi-
gesimo tertio auctor est Vlpianus, cap. 10. de condit.
& demonstrat. Differt à legato annua, bima, trima die
relictò, legatum annuum. Si quid enim in annos sin-
gulos fuerit legatum, singulis annis eius, cui ita lega-
tum est, inspicì conditio solet; tempusque in huiusmo-
di testamento adiectum tamdiu hæredi prodesse te-
stamentario poterat, quamdiu non cessisset postre-
mus annus, c. 3 §. fin. de mort. caus. don. Aliud est in
legato annua, bima, trima die relictò. Si enim ita testa-
tor dixerit; CVM AD DECIMVM QVARTVM
ANNVM PERVENERIT, ANNUA, BIMA,
TRIMA DIE TITIO DARI XXX. AVREOS
VOLO, huiusmodi specie tempus annua, bima,
trima die præstationis, ex die compleri decimiquarti
anni statim cedit, c. 49. §. 1. de leg. 1. Et quia legatum
annua, bima, trima die relictum, vnum legatum est in
tres diuersas pensiones annuas distributum (cap. 3. §.
10. & 11. de statulib. cap. 3. de annuis legat.) idcirco
etiam semel duntaxat legatarij in huiusmodi legato
spectari conditio solet, nimirum tempore cessi diei.
Tunc enim si vixerit legatarius, nihilominus tamen rectè
diem mori eum contigerit, nihilominus tamen rectè
ad suum hæredem legatum transmittit; sin contra antè
K 5 cessionem

154 IAC. REYARD. TOM. I. COMM.
cessionem dici decesserit legatarius, tempus in hoc te-
stamento adiectum heredi proderit testamentario.
Deque huiusmodi vulgari clausula, annua, bima, tri-
ma die, arbitror etiam Vlpianum sensisse, cum ita scri-
beret; *iisdem autem diebus*, hoc est, *iisdem pensionibus*
heredi prestabitur legatum, quibus legatario ipsi prestaba-
tur, cap. 5. quando dies legat. Simili modo si ita stipu-
latus fuero, *Cum ad tricesimum annum perueniero*, pro-
mittis mihi centum dare? in huiusmodi stipulatione sic
gratia promissoris adiici tempus intelligitur, ut mor-
tuo antè diem cessum reo stipulandi protinus libere-
tur promittendi reus. Idque etiam locum habere vi-
detur in stipulationibus mortis causa. In iis enim pro
reo promittendi tempus adiicitur. Et sanè ut mortis
causa donare, sic etiam stipulari mortis causa veteres
solent; & quemadmodum mortis causa donatio per-
fici non intelligitur antequam donantis mors infe-
quatur, cap. 32. de mort. causa donat. ita quoque stipu-
latio causa mortis antè promissoris obitum committi
non solet. Idque mihi visus est apud Festum Anti-
stius Labeo voluisse. Sic enim scribit Festus libro
vndecimo; *Mortis causa stipulatio existimatur fieri; ut*
ait Antistius Labeo, quæ ita fit ut morte promissoris con-
firmetur. Eoque sensu mortis causa promissionem videtur
Tryphoninus accepisse, c. 76. de iure dot. Hinc etiam
intelligimus quid sibi Paulus voluerit his verbis; *Sed*
qui mortis causa in annos singulos pecuniam stipulatus est;
non est similis ei cui in annos singulos legatum est. Nam li-
cet multa essent legata, stipulatio tamen una est & conditio
eius cui expromissum est, semel intruenda est, cap. 35. §. fin.
de mort. caus. donat. Si expromissum tibi mortis causa
fuerit in annos singulos certam pecuniæ summam
prestari, non es ei similis cui in annos singulos lega-
tum est, inquit Paulus. Eius enim cui quid in annos
legatur

legatur singulos, annis singulis inspicienda conditio est, quia quorannis nouum esse relictum legatum censetur; at qui stipulatur mortis causa in annos singulos quid præstari, stipulationem duntaxat vnam interponit, quæ cum antè promissoris mortem committi non potuerit, sic tandem perficitur morte promissoris; vt indiuiduam quandam sub pensionibus stipulationis iure diuisis, & separatis, in sese complecti videatur obligationem. *Eius enim cui quid mortis causa in annos singulos est expromissum, semel tantum*, inquit Paulus; *conditio est inspicienda*; hoc est, an is qui mortis causa in annos singulos stipulatus est viuatur, an verò exemptus sit rebus humanis, non vt in annuo legato annis singulis, sed vt in legato annua, biua, triua die relicto, semel considerari duntaxat solet, nimirum tempore mortis promissoris, sique vixerit eo tempore stipulator, tunc primum vti ex Labeone probatum est, mortis causa committitur stipulatio; sin verò mori eum contigerit antè promissorem, tunc etiam viuentis ipsius promissoris gratia tempus stipulationis instrumento censebitur adiectum esse. Deficit enim morte stipulatoris sua conditione mortis causa stipulatio, quo fit vt promissor omnino liberetur. Hæc regula iis solùm stipulationibus est accommodanda; quæ tempori testamentis adiecto simillimæ sunt; alioqui enim si tempus duntaxat respexeris solutionis, dubium non est quin semper in omnibus stipulationibus pro reo sit, non pro stipulatore temporis adiecto, c. 41. §. 1. de verb. obligat. Et idcirco facile adsentior Accursio hæc verba, *pro hærede*, sic in hac regula interpretanti, ad vtilitatem hæredis. Huiusmodi enim interpretationem satis eorum responsorum postulant inscriptiones, quæ admonuimus cum hac regula esse coniungenda.

XVIII. POMPONIVS LIB. VI.

AD SABINVM.

Quæ legata mortuis nobis ad heredem nostrum transferunt, eorum commodum per nos his quorum in potestate sumus, eodem casu acquirimus. Aliter atque quod stipulati sumus. Nam & sub conditione stipulantes omnimodo eis acquirimus, etiamsi liberatis nobis potestate domini, conditio existat.

SIC à stipulationibus differunt legata conditionalia, vt stipulatio conditionalis acquiratur patri, etiamsi conditio existat post emancipationem filij, legatum non item c. 78. de verb. oblig. Dies legati puri & post diem relictæ protinus cedit à morte testatoris; legati conditionalis dies non prius cedit quàm fuerit adimpleta conditio; cap. 5. in principio. Quando dies legat. ced. Si post diem legati cedentem legatarius decesserit, ad heredem suum transfert legatum, & à legatariis qui die legati cedente sui iuris non sunt, iis debetur legatum in quorum sunt potestate, d. cap. 5. Hinc *quesitum fuit seruo filionefamilias antè conditionem impletam manumisso aut emancipato, cui acquiratur legatum; patrine an filio; patronone, an liberto.* Pomponius respondet ea legata domino & patri duntaxat deberi, quæ ad heredem legatarij possunt transferri, ac legatum conditionale mortuo ante conditionem impletam legatario eius heredibus non debetur; ergo nec seruo filionefamilias cui legatum simile relictum est, antè conditionis euentum manumisso, ad patrem vel patronum transferri legatum potest, d. cap. 5. in fin. & cap. 14. §. fin. Quando dies legat. ced. Aliud est in conditionali stipulatione, d. cap. 78. cap. 144. hoc tit. Et ratio quidem diuersitatis est, quod legatum ante diei cessionem nihil in sese contineat iuris, cum

cum contra nulla appellari stipulatio possit, quæ non aliquid sub se complectatur vinculum iuris. Et idcirco antè cessum legati diem, legatum transferri non potuit; eo nihil obstante, quod stipulatio transferri potuerit antè diem stipulationis cessum. Transferri enim non ea quæ sunt facti, sed ea quæ iuris sunt duntaxat solere, nemini non cognitum est. Legatum antè cessum diem nihil continet iuris; ergo nec antè diem cessum ad patronum aut patrem transferri potuit. *Nulla sine iuris nexu subsistit stipulatio; siquidem*, vt *Ulpianus* ait, *in stipulationibus ius versatur*, cap. 27. §. 2. de pact. Eaque res efficit vt filiusfamilias & seruus sub conditione stipulati protinus obligationem ad patrem ac dominum transmittat; etiam si mortui, etiam si antè conditionis euentum manumissi fuerint. Nec est quod quis de eo filiofamilias obiiciat, qui quid soluere alterius mandato promissit & emancipatus soluit, cap. 12. §. 3. Mandati. Nam filiusfamilias pro alio soluendi suscipiendi negotium, licet mandati iudicio sit obligatus, antè tamen sibi mandatorem non habet obligatum, quàm si mandato satisfecerit. Et idcirco si soluerit existens in patria potestate, ipsa solutione patri acquirit contrariam mandati actionem; sin verò emancipatus soluerit, sibi acquirit, non patri obligationem eandem. Nihil enim antè emancipationem fuisse in hac specie videtur quod ad patrem, huiusmodi contractus ratione, transferretur. Siquidem contraria mandati obligatio post emancipationem primum contracta fuit; quo tempore patri nihil acquiri per filium moris erat. Similis est ratio filijfamilias, qui cum pro alio fideiusserat, paterfamilias factus soluit, cap. 16. in fine, de heredib. Instit. ipsa enim solutione contrahitur primum, constituiturque contrarium mandati iudicium, quod fideiussori comperere solet.

158 IAC. RAVARD. TOM. I. COMM.
solet. Et quia huiusmodi solutio post emancipatio-
nem facta, obligationis contraria causa est & origo
prima, idcirco etiam mirum non est cur ea obligatio
filio potius quam patri acquireretur. Idemque dicen-
dum est de accessoria quavis obligatione, quæ etiam
ad hanc regulam non pertinet. Accessorium enim na-
turam sequi conuenit sui principalis, & idcirco cui
principalis reus non est obligatus, utique nec ei obli-
gatus fideiussor est; & hoc est quod Paulus ait, *fideius-
sorem patri non obligari, quia nec reus ei tenetur*, cap. 132.
§. fin. de verbor. obligat. cap. 47. de fideiussoribus &
mandatoribus.

XIX. VLPIANVS LIB. XXIV.

AD SABINVM.

*Qui cum alio contrahit, vel est, vel debet esse non igna-
rus conditionis eius. Hæredi autem hoc imputari non potest,
cum non sponte cum legatariis contrahit.*

*Qui contrahit debet esse non ignarus conditionis eius
cum quo contrahit; hoc est, utrum is qui quid vendit,
qui stipulatus est seruus an liber filiusfamilias an pa-
terfamilias sit emptor aut promissor ignorare non
debet. Quare si filiusfamil. vel seruus decem aureos
sibi dari stipulatus fuerit, promissor decem illos filio-
familias vel seruo exoluens non liberatur; huiusmodi
enim stipulatio statim ab ipso contractus initio ac-
quisita patri & domino fuit, cap. 78. de verbor. oblig.
Qua sola de causa patri & domino integra est actio
pecunia deperdita, quæ filiofamilias aut seruo stipu-
latori exoluta fuit. Et id quidem tunc semper obser-
uari solet, cum tempus & locus plenius deliberandi
consilium patiuntur, cap. 1. circa princip. de exercit.
actio. Simili modo, si filiofamilias legatum sit ab hæ-
rede, hæres soluere patri debet non filio; nisi nominatim*

tim filio solui inſerit teſtator; tunc enim heredi non imputa-
 tur cur filio potius ſoluerit quàm patri, & ita Vlpianus
 ſcribit ad Sabinum libro 24. cap. 14. §. 2. quando dies
 legat. ced. hanc ſubijciens quaſtionem; Si heres igno-
 rans legatarium filium familias eſſe, ei ſoluerit, an libereitur.
 Et ait quidem Vlpianus heredi hoc non imputari, quia
 non ſponte cum legatarius contrahit. Heres legatorum
 nomine quaſi ex contractu obligatus eſſe intelligitur,
 §. heres. Inſtit. de obligat. quæ ex quaſi contr. naſc.
 Eoque ſenſu cum legatariis contrahere dicitur. Et
 quia ſcripſit expreſſè Vlpianus, heredem ſponte cum
 legatariis non contrahere; hoc eſt, ſua voluntate lega-
 tariis ex quaſi contractu obligatum non eſſe, idcir-
 co; videtur etiam ſatis perſpicuum, tum demum de
 conditione eius cum quo contrahitur, cum qui con-
 trahit debere certum eſſe, cum non coactus, ſed ſua
 ſponte, hoc eſt, vt Varro interpretatur propria ſua vo-
 luntate contrahit. Habet enim is qui ſponte contrahit &
 tempus & locum plenius deliberandi, d. capit. 1. de exer-
 cit. action. quod tempus nec heredi teſtamentario, nec
 ei etiam interdum conceditur cui incumbit nauigandi ne-
 ceſſitas, d. cap. 1. in princip. Et hæc quidem vera eſt
 huius regulæ ſententia, quæ regula ex Vlpiani libro
 ad Sabinum 24. etiam deſumpta eſt, & ei haud du-
 biè reſponſo applicata, quo de legato expreſſa teſta-
 toris voluntate filioſfamilias exoluèdo diſſeritur, cam-
 que regulæ huius applicationem probat vehementer
 Iacob. Cuiacius, quam & ego non improbandam, ſed
 omnibus modis eſſe amplectendam cenſeo; etiam ad-
 iiciens verba illa quibus non ſponte cum legatarios
 heres cōtrahere dicitur *in mentem* in hac regula poſi-
 ta eſſe, & ſubaudiendam obligationem. Quaſi dixerit
 Vlp. heredem ſponte non contrahere cum legatario
 obligationem, ea prorsus ratione, quia ſcripſit Paulus,

160 IAC. RÆVARD. TOM. I. COMM.
pupillum cum defensore tutoris sponte non contrahere, c. 22.
de tutor. & rat. distrah. Hoc enim loco contrahere,
ἐλεητικός positum est, pro, contrahere litem. Nec id
quoque Papinianus visus est neglexisse, cum de fide-
iussoria rem pupilli saluam fore obligationem disse-
rens scriberet, *pupillum non contraxisse, sed in tutorem in-*
cidisse, cap. fin. rem pup. sal. fore. Haud dubiè contra-
hendi verbo ἐλεητικός huiusmodi exaudiens obliga-
tionem fideiussoriam. Et hic est tertius locus, quo ad-
monuimus hoc Grammaticorum schema quod ἐλε-
ῖς dicitur, admodum fuisse Iurisconsultis familiare.

AD §. NON SOLET.

Non solet exceptio doli nocere his, quibus voluntas testa-
toris non refragatur.

EST & hic §. ex libro Vlpiani ad Sabinum 24. de
sumptus. In eo libro de adimendis transferendisque
legatis disputans Vlpianus, inter alia definiuit legata
& fideicommissa aut expressa aut tacita testatoris vo-
luntate adimi posse; & ad voluntatem testatoris ta-
citam inimicitias referri capitales, c. 3. fin. de adimen-
vel transferendis legat. Tractatum enim fuit, si inimi-
citiae capitales inter testatorem & eum cui quid fidei-
commissum relictum est, postea intercesserint, an id ad-
emptum videri possit quod testamento relictum est.
Et quia placuit tam tacita, quam expressa voluntate
fideicommissa & legata adimi, idcirco respondet Vl-
pianus, *fideicommissum ademptum videri inimiciis in-*
terpositis; hæc verba subiiciens: *secundum hæc & in lega-*
to tractamus doli exceptione opposita, d. §. fin. Quorum
verborum hæc est sententia: Si cum testatore inimici-
tias post conditum testamentum ex professio gesserit
legatarius, nec contigerit antè mortem testatoris ali-
quam

quam fieri reconciliationem, tacita testatoris voluntate per huiusmodi inimicitiarum professionem legatum ademptum esse. Et idcirco si legatarius legata petere ex testamento non vereatur, repelletur doli mali exceptione. Nam cum ignorare nequeat legatarius sibi denunciatas fuisse à testatore inimicitias; utique & illud scire debuit denunciatione simultatis legata sibi adempta esse, & idcirco petitione legatorum implicari se dolo malo, eiusque exceptione rectè ab hærede testamentario repelli posse. Aliud est si ante testatoris mortem iterum in amicitiam redierit legatarius, & pœnituerit testatorem prioris offensæ; tunc enim legatum relictum redintegrabitur, c. 4. tit. Quamobrem si legata petenti legatario doli exceptionem indicat à testatore inimicitias; & legatarius replicaverit, denunciatas quidem inimicitias fuisse, verum se postea in amicitiam rediisse, doli exceptio ab hærede proposita non nocebit legatario; quia voluntas testatoris quæ ante ob inimicitias indictas refragabatur, post factam reconciliationem amplius non refragatur; eaque non refragante nec legatario quoque nocere potest exceptio doli mali. Non enim, solet exceptio doli nocere his quibus voluntas testatoris non refragatur. Et hic verus est huius paragraphi intellectus. Si quæsieris quamnam dicantur inimicitia capitalia, illud habeto, moris fuisse apud Romanos, ut si quæ graues inter eos inciderent simultates, amicitias solemniter renunciarent, & inimicitias præsentibus testibus profiterentur. Quæ inimicitia sic denunciata capitalia dicebantur, eò quòd sanguinem spirarent ex professo, iuxta Arnobij illud aduersus Gentes libro secundo; *Assumerent ex corporibus causas quibus fera fierent, & immanes simultates atque ini-*

162 IAC. RÆVARD. TOM. I. COMM.
*micitias gererent. Morem hunc evidentissimis aliquot
argumentis demonstraui Variorum libro quinto, ca-
pite 15. Quibus illud etiam adiungi potest quod ita
Declamat. libro decimo Seneca scribit; Ne vina qui-
dem uxore per omnia conueniebat; mortua verò, inimicum
professus est.*

XX. POMPONIVS LIB. VII.

AD SABINVM.

*Quoties dubia interpretatio libertatis est, secundum li-
bertatem respondendum erit.*

SI seruo per fideicommissum libertas relicta sit,
seruum hæres cogitur manumittere, cap. 11. de ma-
numis. testam. Sique recusaret cum hæres manumit-
tere, auctoritatem habebat seruus ille hæredem ad
Prætorem perducenti, eoque perductus, prætoris im-
perio seruum cogeatur hæres manumittere. cap. 43.
de act. empti. Et id quidem fieri cognitione prætoris
solet, si nulla incideret libertatis fideicommissæ du-
bia interpretatio. Nam si quæ huiusmodi exoriretur
interpretationis difficultas, tunc non prætoris cog-
nitione, sed adhibito consilio de libertate per fideicom-
missum relicta, cognoscebatur. Ad dubiam libertatis
interpretationem illud referri potest, quod sic ad Sa-
bin. libro. 7. scripsit Pomponius; SI STICHVS ET
PAMPHILVS DECEM DEDERINT, LIBERI
SVNTO, *potest alter quinque dando liber esse, quamvis al-
ter non dederit, d. c. 11.* Videtur enim inter Sabinianos
& Proculianos tractatum fuisse, cum sic testamentum
scriptum esset, SI STICHVS ET PAMPHILVS
DECEM DEDERINT, LIBERI SVNTO; an
vno quinque offerendo, & nihil dante altero, is qui
obtulit quinque, libertatem consequi possit; an verò
necessum

DE DIVERSIS REGVLIS IVRIS. 163
necessum fuerit ambos simul decem offerre, & sic al-
terum sine altero liberum fieri non potuisse. Si verbo-
rum spectaueris energiam, certè ea mens & voluntas
testatoris omnino videtur fuisse; sin verò ad fauorem
libertatis eadem verba reruleris, nihil minus quàm ta-
le quid voluisse pronunciabitur testator. Fauorem
hunc videtur Sabinus secutus esse, & definiuisse alte-
rum quinque offerentem, etiam si alter nihil dede-
rit libertatem consequi debere, hanc subiiciens ratio-
nem; Quoties enim dubia interpretatio libertatis est,
secundum libertatem respondendum est; quemadmo-
dum hac regula continetur, ex eodem illo ad Sabin.
libro 7. desumpta, in quo quæstionem hanc tractauit
Pomponius. L. sanè in huiusmodi quæstionibus ad
fauorem libertatis respicere Sabinum consueuisse, in-
dicat his verbis Vlpianus ad Sabinum lib. 4. *Si decem
heredi dare iussus fuerit, hæres etiam per partes accipere fa-
uore libertatis cogendus est, c. 4. §. 6. de statulib.* Cur autem
secundum libertatem potius quàm secundum serui-
tutem in dubio pronuncietur, hæc potest proferri ra-
tio, quòd libertas naturalis sit, eoque nomine seruitu-
tutis iugo longè melior & fauorabilior; quodque *sem-
per quicquid dubium est, humanitas inclinet in melius*; Sic
enim Senecam scripsisse accepimus Epistolarum li-
bro 11. *Reus sententiis paribus absoluitur, & semper quic-
quid dubium est, humanitas inclinat in melius.*

XXI. VLPIANVS LIB. XXVII.

AD SABINVM.

*Non debet cui quod plus est licet, quod minus est non
licere.*

VARIAS lib. ad Sabinum 27. recenset conditio-
num species Vlpianus, quibus testamento liber esse
L 2 seruus

seruus iuberi solet ; & inter conditiones illas, agit de eo seruo qui hæredi seruire quinquennio iussus est. Cum enim *quesitum* esset, si seruus hæredi seruire quinquennio iussus fuerit, & eum heres aliquamdiu seruire sibi non patiatur, an postea pati possit intra quinquennij tempus; respondit Vlpianus id fieri posse, c. 3. §. 12. de statulib. Nam si heres quinquennio integro exigere potuerit seruitutem, utique & minus quinquennio videtur etiam exigere potuisse. Non enim debet cui plus licet, quod minus est non licere. Eaque res efficit, ut seruus hæredi quinquennio iussus seruire, etiam si integro quinquennio non seruierit, ad libertatem nihilominus perueniat finito quinquennio ; atque ita quidem ad Sabinum libro vigesimo septimo scripsit Vlpianus. d. §. 12. Et cum hæc regula ex eodem illo Vlpiani libro desumpta sit; quis quæso dubitabit, quin ea ad tractatum de statuliberis omnino referri, & cum d. §. 12. verissimè cōiungi debeat; quamuis interim inficiari non velim, & ad alias quoque species plurimas eam non incommodi referri posse.

XXII. VLPIANVS LIB. XXVIII.

AD SABINVM.

In personam seruilem nulla cadit obligatio.

LIBRO ad Sabinum vigesimo octauo de obligatione iurisiurandi scripsit in hunc modum Vlpianus; *Ut iurisiurandi obligatio contrahatur, libertum esse oportet qui iuret, & libertatis causa iurare.* Proinde si quis liberto suo hac conditione legauerit, ut iuret libertus se decem operarum nomine præstiturum filio suo, dubitatum fuit an obligetur iurando. Celsus obligari eum ait, & Celso acquiescit Vlpianus hæc verba subiiciens; *Iurare autem debet post manumissionem, ut obligetur; in personam enim seruilem nulla cadit obligatio.* Et hanc quidem

DE DIVERSIS REGVLIS IVRIS. 165
dem regulam sic intelligi oportere, euidentissimè demon-
strat obligationis iurisiurandi species illa cuius
nunc fecimus mentionem ab Vlpiano proposita, c. 7.
in princ. de oper. libert. Cùm enim caput illud ex Vlpiani libro ad Sabinum vigesimo octauo repetitum sit, ex quo libro hanc quoque regulam desumptam esse testis est eius epigraphæ; quis dubitabit quin ad obligationem iurisiurandi hanc regulam retulerit Vlpianus? Alioqui enim licet non ciuilitè, naturaliter saltem ex contractibus obligari & obligare seruos dubium non est, c. 14. de oblig. & action. c. 41. de pecul.

AD §. GENERALITER.

Generaliter probandum est ubicunque in bona fidei iudiciis confertur in arbitrium domini vel procuratoris eius conditio, pro boni viri arbitrio hoc habendum esse.

ARBITRORVM duo fuisse genera Proculus ait; unum huiusmodi, ut siue æquum siue iniquum esse, ei parere necessum foret; quod tunc observabatur, cùm ex compromisso ad arbitrium iuum esset; alterum eiusmodi, ut ad boni viri arbitrium redigi deberet, cap. 76, pro socio. Diciturque vir bonus, vir ad definiendam rem aliquam perplexam & dubiam incertamque, aut naturæ beneficium, aut artificij commendatione, aut etiam negotiationis longo usu experimentoque peritus & idoneus. Qui patrum consulta, leges & iura nouit, is dirimendis quæstionibus iuris perplexis vir bonus est. Quo sensu scripsit Paulus *virum bonum non arbitraturum, ut qui iustam excusationem adfert, cogatur defendere*, cap. 45. de procur. Qui examinandarum & discutiendarum accepti expenque rationum peritus est, is etiam vir bonus rationibus audiendis dici potest. Deque huiusmodi viro bono sensit haud dubiè Iulianus offi-

cio pratoris contineri scribens, ut virum bonum eligat, cuius arbitrio rationes computentur, cap. 47. §. 2. de fideicommiss. libertat. Rursus cum scriberet Papinianus usus domus relicto viri boni arbitrato cautionem interponi oportere, capite penultim. ususfruct. quemadmodum cau-
quid aliud quæso per virum bonum intelligi voluit, quam peritum aliquem architectum? Idque eo videri potest verisimilius, quod olim in ædibus emendis architecti soleant adhiberi. Sic enim de Orthone scribit Suetonius; Deinde liberto adesse architectos nuntians te quasi venalem domum inspecturus abscessit. Nec sanè generaliter vereor definire, sic viri boni appellationem accommodari consueuisse rei præsentis quæ arbitrium boni viri desiderat argumento, ut in rebus domesticis utilis paterfamilias, in politicis exercitatus pragmaticus, in militaribus miles probatus, in picturis pictor bonus, in architectura architectus peritus, & sic deinceps, nomina idcirco obtinuerint virorum bonorum, quod boni essent, hoc est, utiles & idonei ad ea definienda, quorum singuli peritia censebantur, cap. 20. §. 1. de oper. libert. cap. 137. §. 2. de verb. oblig. cap. 12. & 17. iudicat solui, cap. 21. §. 4. de oper. nou. nunciat. cap. 15. §. 19. de dam. infecto.
Ea nisi fallor ratione qua sic apud Nonium Lucilius scribit; Caluus Palantino quidam vir nobilis bonus bello. Additurque illud Virgilij; Et bona bello, Cornus. Et hæc quidem verissima esse docet euidentissimè M. Cato de re rustica cap. 148. Sic enim de vino in doleis scribit; Quod neque aceat, neque muceat, id dabitur; in tri-
duo trox me boni viri arbitrato degustato. Nec aliam admittit apud Valerium Probum interpretationem hæc formula vetus; QVOD RECTE FACTVM ESSE VIDEBITVR VIRI BONI ARBITRATV.
 Aliud igitur Iurisconsultis vir bonus est, aliud Philo-
 sophis

Iosophis ac Poëtis. Iurisconsultis quidem, vir eius rei
 cuius arbitrium suscipit admodum peritus, cuiusmo-
 di bonorum virorum nulla non Romæ frequentia
 fuit; siquidem eorum esse frequentissimum vsum (vti
 demonstratum est) Iurisconsulti voluerunt: Philo-
 sophis verò & Poëtis vir extra omnem labis & mali-
 tia suspicionem positus, qui prodest quibus potest,
 nocet nemini, vir bonus dicitur; *qualem vix repperis*
Nullum millibus è cunctis, vt ait Ausonius. Et Cicero; †
Sive vir bonus est (inquit) is qui prodest quibus potest,
nocet nemini, certè istum virum bonum non facile reperie-
 mus. Nunc videndum est quidnam hac regula volue-
 rit Vlpianus. Tractatum fuit quid sibi vellent hæc
 verba conditionalia, *si rationes arbitrio domini compu-*
tasset; vtrum si ipse dominus computasset suo arbi-
 trio, an verò si arbitrio viri boni. Et ait quidem libro
 ad Sabinum vigesimo octauo Vlpianus *magis in boni*
viri arbitrium id collatum videri, quàm domini, capite
 7. de contrahen. empt. hanc eodem loco subiiciens
 rationem; *Generaliter enim probandum est ubicunque in*
bonæ fidei iudiciis confertur in arbitrium domini vel procu-
ratoris eius conditio, pro boni viri arbitrio hoc habendum es-
se; hoc est, de arbitrio viri boni hoc esse accipiendum.
 Nam si verba illa ad arbitrium domini retuleris, ven-
 ditio nulla est, neque enim debet in arbitrium rei con-
 ferri an sit obstrictus, d.c. 7. Et hæc est vera sententia
 huius regulæ, in qua per arbitrium boni viri, eius viri
 intelligitur arbitrium, qui rationibus discutiendis
 exercitatus est & ad eam rem Prætoris officio designa-
 tus, c. 47. §. 2. de fideic. libertat. Idque benigna quadam
 interpretatione sic receptum est in iudiciis bonæ fi-
 dei. Quia enim strictam verborum cōceptionis sequi,
 in iis iudiciis quæ stricti iuris sunt, interpretationem
 iudices solent; idcirco expressam bonæ fidei iudiciorū

168 IAC. RÆVARD. TOM. I. COMM.
mentionem fecit Vlpianus ; satis per hoc indicans in
strictis iudiciis regulam hanc locum non habere ;
quod sanè verissimum est. Hæc enim conditio, si ra-
tiones domini computasset arbitrio , stipulationi addita,
strictè accipienda foret , & strictè accepta inutilem
redderet stipulationem , d. capite septimo.

XXIII. VLPIANVS LIB. XXIX.

AD SÆBINVM.

*Contractus quidam dolum malum duntaxat recipiunt,
quidam dolum & culpam. Dolum tantum depositum &
precarium: Dolum & culpam, mandatum, commodatum,
venditum, pignori acceptum, locatum: Item dotis datio,
tutela negotia gesta: In his quidem & diligentia, sed & so-
cietas & rerum communio, & dolum & culpam recipi. Sed
hæc ita: nisi si quid nominatim conuenit vel plus vel mi-
nus in singulis contractibus. Nam hoc seruabitur quod in-
itio conuenit: legem enim contractui dedit excepto eo quod
Celsus putat non valere, si conuenerit ne dolum præstetur:
hoc enim bonæ fidei iudicio contrarium esse, & ita vimur.
Animalium verò casus, mortesque quæ sine culpa accidunt,
fuga seruorum qui custodiri non solent, rapine, tumultus,
incendia, aquarum magnitudines, impetus prædonum &
nullo præstantur.*

GALLVS ille Aquilius qui primus de dolo malo
formulas protulit, dolum malum definiuit, cum esset
aliud actum, aliud simulatum; eaque definitio M. Ci-
cero in tantum placuit, vt scriberet Offic. lib. 3. hoc
quidem ab Aquilio collega suo sanè luculenter di-
ctum esse, & ab homine petito definiendi; adeò qui-
dem vt adiicere non sit veritus idem Cicero, omnes
aliud agentes, aliud simulantes, perfidos, improbos
& malitiosos esse. Eodem tempore habuit & alium
collegam

collegam Gallus Aquilius in hac sua doli mali definitione paululum Cicerone perspicaciorem. Is erat Seruius Sulpitius, admirabili quadam & incredibili ac pœnè diuina in legibus interpretandis, æquitate explicanda, scientia præditus, ipso Cicerone teste Philipp. 9. Is Seruius Sulpitius animaduertens definitionem, quam primus de dolo malo excogitauerat. Gallus Aquilius, latens quoddam subesse vitium, quod nec ab Aquilio ipso, nec etiam à Cicerone deprehensum facile rem definitam subuertere poterat; vir prudens & amici & collegæ honori plurimum consulens, non in eam acerbius quid meditatus est, sed eam adiecta quadam necessaria clausula aduersus quorundam derisorum peruiaciam muniuit. Considerans enim Seruius longo rerum vsu exercitatissimus, posse & sine simulatione id agi vt quis circumueniatur, posse & sine dolo malo aliud agi, aliud simulari, ac per hoc definitionem Galli omnino subuerti posse; dolum malum machinationem esse quãdam scripsit, alterius decipiendi causa, cùm aliud simulatur, aliud agitur. Fortassis ni facere conuitium collegæ suo timuisset Seruius, tantùm scripsisset dolum malum machinationem esse alterius decipiendi causa. Ea enim vera est & absoluta doli mali definitio; quam tamen honore & singulari quadam erga amicum beneuolentia, iis verbis temperauit, quibus in dolo definiendo Gallus Aquilius vsus erat; interim non ignorans ea verba esse superuacua, nec aliqua ratione ad ipsam definitionis substantiam pertinere. Quod cùm tantum deprehendisset Antistius Labeo, pro ea qua præditus erat, plurimarum rerum innouandarum auiditate (teste Pomponio) id facere non dubitauit quod amico parcens Seruius attentare non fuerat ausus; nimis mirum definitioni doli mali à Seruio tradita ea verba

detrahens, quibus integra Galli definitio antea cōcep-
 ta fuerat; & sic in effectu non Seruij, sed solam Galli
 definitionem reprehendens & abolendam censens,
 eaque vera sententia est capitis primi. §. 1. de dolo ma-
 lo. Hæc cum non animaduertissent recentiores qui-
 dam interpretes, persuadere conati sunt hæc verba;
Machinationem alterius decipiendi causa; quæ Seruio tri-
 buit Vlpianus, d. §. 1. supposititia esse & ex margine
 sumpta videri; interim non considerantes iis, quæ au-
 ferenda esse censent, deletis verba reliqua nō ipsi Ser-
 uio, sed Gallo Aquilio potiùs tribui debuisse. Siqui-
 dem eorum verborum tam manifestus est auctor Gal-
 lus Aquilius vt putidæ & intollerabilis negligentie
 insimulandus veniat Vlpianus, si id ascribere Seruio
 non dubitauerit, quod omnes norunt acceptum ioli
 Gallo ferendum esse. Et hæc de dolo malo. De culpa
 sic etiam verè sentiendum est, vt dicamus recepta qua-
 dam & communi consensu probata sententia, culpam
 omnem exemplo adoptionis in culpam specialem &
 in latam siue latiore culpam Iurisconsultos olim
 partitos fuisse; per culpam specialem non leuem ali-
 quam, sed magnam duntaxat negligentiam, per latam
 culpam malitiam intelligentes. Hanc culpæ differen-
 tiam vt verissimam sic antiquissimam esse demonstrat
 euidentissimè in Alcibiade Æmilius ille Probus, qui li-
 brum quendam excellentium Imperatorū Tito Pom-
 ponio Attico dedicauit. Sic enim de Alcibiade scri-
 bit; *Ex quo fiebat vt omnia minus prosperè gesta culpa tri-
 buerent, cum aut eum negligerent aut malitiosè fecisse lo-
 querentur.* Quibus verbis communem Iurisconsulto-
 rum sui temporis de culpa sententiam non ignorans
 Æmilius Probus, ita in species duas partitus est cul-
 pam vt vna quidem specie magnam negligentiam, al-
 tera verò negligentiam dissolutam siue malitiam ap-
 pellandam

DE DIVERSIS REGVLIS IVRIS. 171
pellendam esse culpam tradiderit. Idque etiam voluisse Paulus videtur cum ita scriberet; *Magna negligentia culpa est, magna culpa dolus est*; cap. 226. de verbor. sign. Hæc enim verba si diligenter expesa fuerint, omnino præ se ferunt parvam negligentiam culpam non esse, & duas duntaxat culparum fuisse species; vnam quæ culpa simpliciter, & alteram, quæ non culpa solum, sed ad culpam specialis differentiâ magna lata, siue latior culpa dicebatur; eratque simillima dolo propter malitiam. Sanè appellatione culpæ non parvam, sed magnam duntaxat negligentiam intelligi, satis manifestè idem Paul. & Caius docent, c. 16. & c. 36. de rei vindic. Quis enim est qui non dicat hæc omnia, per insidiosa loca seruum mittere seruo cum bestiis depugnandi potestatem facere, fugitiuum non custodire, namque aduerso tempore nauigatum mittere, aut eam hominibus minus idoneis committere; non parvæ alicui sed magnæ negligentia adscribenda esse? Quæ cum Caius & Paul. adscripserint culpæ, certè inficiari nemopotest, rectè eundem Paulum scripsisse *magnam negligentiam culpam esse*, d. c. 226. eamque culpam appellat negligentiam latam Vlpianus, c. 7. §. 2. de administrat. & pericul. tutor. Cum enim eo in loco nihil fordidè, nihil gratiosè fecisse, sed non bonam conditionem elegisse dicantur tutores, & ob id solam latam negligentiam præstare; quis est qui non dicat per latam culpam intelligi, hoc est, negligentiam magnam, non malitiam, nõ fraudem. Et quamvis *propè fraudem accidere* dicatur *lata negligentia*, cap. 7. in princ. de suspect. tut. ea tamen negligentia fraus dici non potest; si enim fraus esset, utique lata culpa, non negligentia diceretur. Continet enim lata culpa fraudis & malitiæ indicia manifesta, & à fraude separatur perpetuò culpa levis,

leuis, c. 63. de rei vindic. Idque adeò verum est, vt per fraudem apud Valerium Probum lata culpa videatur intelligi, in hac edicti clausula; **DOLI MALI FRAVDISVE CAUSA IUDICIUM DABO.** Simili modo culpa leuis negligentia dicitur manifesta, cap. 2. C. arbitr. tutel. In eo enim capite doli appellatione comprehenditur lata culpa & negligentia manifestæ culpa leuis. Idque ex eo patet euidentissime quod huiusmodi *manifestam negligentiam non quidem latam culpam aut esse aut appellari, sed culpæ duntaxat lata comparari posse* scripserit Imperator Antoninus, c. 1. C. de hæred. tutor. Si negligentiam magna & manifesta, lata culpa non sit, ea igitur ad culpam leuem referenda est. Siquidem omnis culpa aut lata aut leuis est; eo nihil obstante quod huiusmodi culpa leuis iuxta aliquam iudicis interpretationem possit interdum latæ culpæ comparari, d. cap. 1. Nam inter leues culpas satis constat alias esse aliis leuiiores; inter latas item, alias latiores aliis, & quò sunt latiores, eò propinquiore dolo sunt, quò leuiiores, eò longius recedunt à lata culpa. Idque adeò verum est, vt à culpa leuem omnem negligentiam separauerint perpetuò Iurisconsulti; eam interdum diligentia, interdum custodia, nunquam autem culpæ vocabulo exprimentes, cap. 13. in fine, de pignerat. act. cap. 1. §. 23. cap. 51. §. 23. Depositi, cap. 3. de peric. & commod. rei vendit. Nec id arbitror scriptum inficiari posse, qui non ignoret Vlpianum scripsisse non solum eam culpam quæ dolo proxima sit, verum eam quoque quæ leuis est appellatione culpa sic contineri, vt interim & exigui diligentia quoque debuerit, cap. 47. §. 3. de legat. 1. Docet enim hoc responso Vlpianus duas tantum culparum fuisse species; vnā quidem latam, alteram verò leuem, & culpæ nomine negligentiam omnem non comprehendi. Si enim comprehenderetur

certè nō scripsisset hoc loco Vlpianus, *diligentiam quoque exigendam*, sed potiùs culpam leuissimam (eam enim ad diligentiam referunt interpretes) prater latam leuemque culpam præstandam esse. Nec est quod obiicias eundem Vlpianum leuissimæ culpæ alio loco meminisse, cap. 44. ad leg. Aquiliam, & sic videri præter latam leuemque culpam fuisse tertiam aliquam culpæ speciem; quæ leuissima diceretur. Non ignoro id iis facile persuaderi qui non obseruarunt eum qui leuissimam culpam leuem appellat, idcirco reprehendi non posse, quod certo certius sit leui culpa nullam esse speciem culpæ leuiorem. Et quamuis inter leues culpas aliæ potuerint aliis esse leuiorès; atque ita per consequens inter negligentias magnas, aliis etiam aliæ maiores; nihilominus tamen leuiorès & leuissimas culpas leues esse nemo potest inficias ire. Id si verum est, ad eam igitur speciem quam culpam leuem appellarunt Iurisconsulti, referri debet leuissima culpa; omnis enim leuissima culpa leuis est, sed non è contrario omnis culpa leuis leuissima est. Quo sensu accipiendum est quod sic Vlpianus scribit; *Culpam omnem accipimus non vtrique latam*, cap. 3. §. 1. de ædilit. edict. hoc est, omnem culpam leuem. Sunt etiam inter latas culpas aliæ aliis latiores; & quò sunt latiores, eò proximiores dolo sunt; omnis enim lata culpa dolo non est. Nam ex culpis latis quædam comparari dolo malo dicuntur, cap. 1. §. 1. si mensor. fal. mod. dix. quædam dolo malo proximæ sunt, cap. pen. de incen. ruin. naufr. cap. 29. Mandati. quædam à dolo sunt remotissimæ; cap. 7. ad l. Corn. de sicar. & quædam denique, doli mali nomine continentur, c. 32. depositi. Atque ita quidem aliquando appellatione doli continetur lata culpa, aliquando non continetur, c. 2. §. 4. de hæredit. vel actio. vend. Contineri docet his verbis Vlp.

Si sine dolo omni reddat, hoc est, ut nec culpa quidem suspicio sit, cap. 11. de pos. Et rursus non contineri idem Vlpianus auctor est, eum scribens mandatarium dolo non emere, qui pecunia accepta alij cessu ut emeret; & lata culpa id ipsum ab eo mandatario negligi, qui gratia ductus passus est alium emere, cap. 8. §. 8. mandati. Hinc intelligimus quid sibi voluerit Celsus, cum scriberet inter Neruam & Proculum tractatum fuisse, an latior culpa dolus sit, c. 32. de positi. Quandoquidem enim interdum doli appellatone latam culpam contineri, interdum non contineri liquidò satis constabat; illud duntaxat inter Proculum & Neruam videtur agitatum fuisse, an his verbis: *Quod dolo malo eius factum esse dicitur*, quæ in eo edicto continentur quod de deposito proposuit Prætor, etiam lata culpa comprehendatur. Et cum Nerua latiore culpam dolum esse diceret, id Proculo displicuit, inter dolum & latam culpam in causa depositi (de ea enim sola contenditur) nonnullam esse differentiam statuendam existimanti. Nerua sententiam Celsus veriore esse putat, eò quòd *salua fide non minor depositis quàm propriis rebus diligentia præstari debeat*; eam diligentiam qui non præstat, fidem frangit, eaque fracta dolo malo obnoxius est. Et ita in deposito à lata culpa non separatur dolo, immò nec levis culpa separatur à dolo, eaque vera sententia est dicti capitis trigesimi secundi. Et idcirco quod Vlpianus ait *contractus quosdam dolum malum duntaxat recipere, quosdam dolum & culpam*, hoc non sic accipiendum est quasi in nonnullis contractibus solus puniatur dolo, sed ita potius, ut in nonnullis contractibus à dolo non seiungatur, non separetur lata aut levis culpa; in nonnullis, non separetur quidem dolo à lata culpa, sed à dolo & lata culpa separetur culpa levis, & separatim vindicetur. In deposito à dolo non separatur

separatur culpa, quia si eam diligentiam non præstiterit depositarius in custodiendis rebus depositis quam seruat in propriis rebus, siue id leui siue lata culpa contigerit, fraude non caret, eoque nomine impletur sese dolo malo, d. cap. 32. Idque illud est quod Cyprianus lib. *de singularitate clericorum*, ad hunc modum scribit; *Oportet eam damno perstringi vel dispendio sarcinarum, apud quem sub intuta custodia fratres sarcinæ perierunt: quia quidquid in domo nostra sub minus idonea tutela perditum fuerit, aut latrones effregerint, nostrum est; & à nobis exigitur quicquid per inertiā nostrā malè commissum est.* Cur autem precarium recipiat etiam duntaxat dolum, ea reddi ratio potest, quod precarium beneficium sit; quod quidem beneficij nomen tantum est, ut si non maiorem, saltem omnino æqualem cum deposito requirere diligentiam videatur. Tertullianus aduersus Hermogenem; *His tribus modis res aliena sumuntur, iure, beneficio, impetu*, id est, dominio, precario, vi, dominio non suppetente. In contractibus qui dolum & culpam recipere dicuntur doli appellatione continentur etiam lata culpa, & appellatione culpæ; culpa levis, c. 5. & cap. 33. de rei vind. cap. 52. §. 1. & 2. pro soc. cap. 10. commod. Cur autem mandati, commodati, locati, venditi, & alij qui hac regula exprimuntur contractus similes non æquè recipiant dolum duntaxat atque depositum aut precarium, ea potest reddi ratio, quod ex natura sui aliquem doli & culpæ separationem requirere videatur, cap. 10. commodati. Quam separationem ex sui natura non patitur, ut dictum est, aut depositum aut precariū. Qui enim mandatum suscipit, potest in exequendo mandaro valde interdum negligens esse, & tamen fraude carere, c. 27. §. 7. manda. Ac proinde alia ratione vindicanda venit mandatarij negligentia magna, hoc est, culpa.

176 IAC. RÆVARD. TOM. I. COMM.
culpa levis, alia item dolus eiusdem & lata culpa.
Addit Vlpianus in mandati, commodati, locationis, ven-
ditionis aliisque qui sequuntur contractibus præter dolum
& culpam præstari etiam negligentiam, ex quo euincitur
verissimum esse, quod diximus, omnem negligentiam
culpam non esse. Si enim esset culpa, eam haud dubiè
à culpa leui in hac regula non separasset Vlpianus, id
quod Paulus etiam fecit, cap. 3. de peric. & commod.
rei vend.

XXIV. PAVLVS LIB. V.
AD SABINVM.

*Quatenus cuiusque intersit in facto, non in iure
consistit.*

AUTOR est Seneca de beneficiis libro quinto,
multa legem non habere nec actionem; eaque omnia ex fa-
cto constare solent. Nam quæ nullo iure definita
sunt, ea ex solo Prætoris arbitrio prorsus depende-
bant, sin aliquo iuris ciuilis subsidio; siquidem Prætor
vina legis vox dicebatur, cap. 8. de Iustit. & iure. Ni-
mirum tam ad ea quæ legibus obscurè tradita fue-
rant declaranda, quàm ad ea quæ deesse legibus vide-
bantur, supplenda. Idque illud est quod scripsit idem
Seneca ad plurima ex iis quæ legem non habent nec actio-
nem, vite humane consuetudinem lege omni valentiorum
aditum dare. Proinde quæ nullis legibus erant defini-
ta, ex Prætoris iurisdictione substantiam capere, & quæ
ex iure ciuili constabant, legitimam habere causam di-
cebantur. Si quæramus an quis sit libertus an seruus,
solam tractamus facti quæstionem: quærimus enim
in effectu, an seruus manumissus sit. Et quandoqui-
dem hæc quæstio ex Prætoris iurisdictione substantiam
capere dicatur, §. Præiudiciales, Instit. de actio. vtrique

& illud videtur etiam dici, ex eadem iurisdictione facti quæstiones sine aliquo iuris subsidio dependere; easque quæstiones viua iudicis (quem Prætor decrebat) voce solere definiri. Sic etiam *factum in pactis*, & *in stipulationibus ius versatur*, cap. 27. §. 2. de pactis. Sic denique eius quod interest æstimatio non iure, sed in facto consistere dicitur. Dabat enim Prætor interdum expressa taxatione addita, interdum taxatione religioni & arbitrio dati iudicis relicta. Addita quidem taxatione dabat iudicem, *si res taxanda intrinsece quodam certò esset definita*; tunc enim sic iudicem arbitrumve dabat Prætor, ut præscriberet quoad ei ius esset statuendi, quemadmodum docet eleganter Festus de verborum significatione libro decimo octauo; hæc etiam verba subiiciens; *Taxatio dicitur quæ sit certa summa*. Ex quibus patet evidentissimè incertæ summæ nec dici posse taxationem, nec iudicem arbitrumve addita taxatione dari consuevisse, id quod in eius quod interest æstimatione fieri consuevit; ea enim æstimatio incerta est, cap. 5. de hæred. vel act. vend. cap. 8. §. 5. cap. 26. §. 7. & cap. 17. §. 2. mandat. cap. 1. de action. empti. Eoque nomine ex facto constabat & iudicis officio relinquebatur, c. 19. de act. empt. qui iudex non præscripta quadam taxatione, sed addita eiusmodi clausula solebat dari; *QVANTI EA RES ERIT, TANTI CONDEMNATIO FIAT*, cap. 71. & 63. de rei vendic. cap. 3. & 13. rem rat. hab. cap. 179. de verb. sign. Eoque etiam referri possunt hæc edicti verba apud Valerium Probum; *QVANTI EA RES ERIT, TANTÆ PECUNIÆ IUDICIUM RECVPERATORIVM DABO*. Et erat quidem eius quod interest æstimatio olim adeò incerta, ut interdum datus iudex officium implorare cogeretur boni viri, hoc est, cuius ad eius rei quæ taxanda erat æstimationem,

178 IAC. RÆVARD. TOM. I. COMM.
tionem, admodum idonei. Idque sibi visus est Labeo
voluisse per *bonum virum* peritum intelligens archite-
ctum, c. § 8. § 1. locati. Nec alia ratione ad officium bo-
ni alicuius viri eius quod interest æstimationem Pa-
pinianus etiam reiecisse videtur, c. 6. in fine de seruis
export. Et hæc quidem vsque ad Iustiniani tempora
sic videntur in usu fuisse; siquidem hanc veterem eius
quod interest æstimandi rationem omnium primus
nonnihil visus est immutasse Iustinianus. Statuit enim
in omnibus iis casibus qui certam habent quantitatem vel
naturam, hoc quod interest dupli quantitatem minimè exce-
dere; in aliis casibus qui incerti sunt, per subtilitatem requi-
rere indices, ut hoc quod reuera inducitur damnum, redda-
tur, cap. vnic. C. de senten. quæ pro eo quod interest.
Certum casum id appellat Iustinianus, quod Iuriscon-
sulti veteres certum dicunt, de certi condictione dis-
ferentes. Certum autem duobus modis videtur in eo
edicto accipi posse cui titulus est, *SI CERTVM PE-*
TETVR. Vno enim modo certum petitur, cum id
omne quod petitur deberi certum est; altero cum cer-
tum etiam est quid debeat & quantum. Et id qui-
dem deberi certum est, quod expensi latione, mensa rati-
onibus, chirographi exhibitione, testium signatorumque inter-
cessione deberi probat aduersarius, ut est apud Gellium
libro decimo quarto capite secundo. Quibus etiam ad-
di potest obligatio quæ nominibus fieri dicebatur, de
qua Variorum libro tertio, capite primo accuratè dis-
seruimus. Est & illud certum cuius species vel quanti-
tas qualis quantaque sit ostenditur, cap. 6. si cer. per.
Stipulationes, emptiones, aliique contractus certa plerumque
instrumenti formula comprehendendi solent, capite 92. de reg.
iur. cap. 72. de euct. cap. 1. §. 1. de eden. cap. 5. sub fi. de
auct. & cons. tut. Ex qua formula si lex conuentionis
non seruaretur, ita ius solet dici, ut eius tenorem
tanquam

tanquam certum & definitum argumentum iudex sequeretur. Qui enim suum agnoscit chirographum, utique & illud quod chirographo continetur inficiari nequit; ac proinde actor ex chirographo rei ius dici postulans certum petit, eoque nomine & certi quoque condictione uti potest, etiam si causa contractus legitima sit, ut puta ex empto, locato, stipulatu, & sic deinceps. Si igitur fundum à te emerim Tusculanum, & tu intra spacium anni promiseris soluere, atque id chirographo quodam expresseris, anno finito, duplex mihi tecum experiundi patet via; aut enim ex empto, aut certi condictione tecum agere possum. Ex empto quidem contractus ratione, certi verò condictione non contractus, sed solius chirographi habito respectu. Idque illud est quod Vlpianus ait, *certi condictionem competere ex omni causa, ex omni obligatione ex qua certum petitur, c. 9. Si cer. pet.* Hoc est, ex qua id petitur, quod aut expensi latione, aut mensæ rationibus, aut chirographi exhibitione, aut testium signatorumque intercessione, aut etiam stipulationis instrumēto probatur deberi. Eoque arbitror Quintilianum respexisse, cum sic Institutionum libro quarto, capite secundo scriberet; *Satis est dixisse certam creditam pecuniam peto ex stipulatione; legatum peto ex testamento.* Moris etiam erat ut omnis pecunia certis nominibus aut incertis mutua daretur. Certis quidem nominibus, per chirographum; incertis verò per syngrapham. Auctor est enim Asconius Pedianus hanc inter chirographum & syngrapham veteres differentiam constituisse, ut in chirographis ea tantum qua gesta essent scriberentur: in syngraphis verò etiam contra fidem veritatis pactio veniret, & non numerata quoque pecunia, aut non integrè numerata, pro temporaria hominum voluntate scribi solerent, more institutoque Græcorum. Hæc Asconius euidenter

180 IAC. RÆVARD. TOM. I. COMM.
demonstrans ex certis nominibus chirographum & ex
incertis syngrapham olim constituisse. Vnde etiam sa-
tis intelligi potest de syngrapha Vlpianum sensisse,
cùm scriberet *Macedonem quendam incertis nominibus*
pecuniam credidisse, capite 1. de Senatusconf. Macedon.
Quemadmodum & de chirographo tunc etiam visus
est Horatius sensisse, cùm sic ad Augustum scriberet;

— Et solemne reclusa

Mane domo vigilare, clienti promere iura,

Cautos nominibus certis expendere nummos.

De eo enim agit Horatius, qui accepto chirographo
pecuniam dare mutuam solet. Et quia *moribus insti-*
tisque Græcorum syngraphas Asconius acceptas refert,
hinc etiam mihi videor quodammodo intelligere,
quid apud Aufonium sit *Græca fide mutuari*, sic Pauli-
no suo scribit;

Mercatur rem quoquo foro venalium,

Mutuetur ad Græcam fidem.

Ad syngraphas enim (nisi vehementer fallor) hoc in
loco *Græcam fidem* refert Aufonius. Et hæc quidem
cùm ita se habeant, nunc satis intelligimus *per casus*
natura vel quantitate certos, eas intellexisse Iustinianum
contractuum conventionumque species, quæ & cer-
tum debitum, & non dubiam debiti quantitatem
qualitatemque certis nominibus instrumento quo-
dam expressam continerent. Nec aliud per *incertos*
casus videri eundem Iustinianum intelligi voluisse,
quàm eas conventiones quarum nomine quid &
quantum deberetur, prorsus incertum erat.

XXV. POMPONIVS LIB. XI.

AD SABINVM.

Plus cautionis in re est quàm in persona.

Ei cautum videri dicimus, cui si non re is aut pignu-
ribus

ribus, saltem de re aliqua persequenda, restituenda, aut præstanda instrumento quodam securitas est repromissa, c. 21. de rei vendic. Quo sensu plus cautionis in re esse, quam in persona scripsit hac regula Pomponius. Non enim ea est Pomponij sententia, vt velit dicere iis relictis & tutius cautum esse qui pignoribus, quam qui sponsoribus acceptis securi sunt, vt putant interpretes; sed ea potius, vt hi quibus de re ipsa præstanda cauetur, plus in ea re cautionis habere dicantur, quam illi habent in persona quibus de pretio rei exolucendo personaliter cautum est. Veluti si rei commodatæ nomine actum sit, & commodati, ideo commodatarium damnari per iudicem contigerit, quod res commodata non appareat, aliter commodatarius ei qui commodauit, rei commodatæ, quæ deperdita est, nomine satis facturus non est, quam si commodator cautionem præstitit, nō quidem de rei pretio, se de ipsa re commodata aliquando reperta ipsi commodatario præstanda. *plus enim cautionis in ipsa re est, quam in persona*, hoc est, quam in exolutione pretij, quæ exolutio personalis est. Et ita quidem Pomponius scribit libro ad Sabinum vndecimo, quemadmodum indicat epigraphæ capitis decimi tertij, commodati præsertim cum inscriptione huius regulæ coniuncta.

XXVI. VLPIANVS LIB. XXX.

AD SABINVM.

Qui potest inuitis alienare, multo magis & ignorantibus & absentibus potest.

DE societate scripsit Vlpianus ad Sabinum libro trigésimo eiusque contractus ratione quædam in eodem libro de exciscunda familia & communi diuidundo in medium attulit, c. 43, famil. excisc. cap. 3. cap. 21.

commun. diuid. In tractatu familiae erciscundae obtinuit heredem absente cohærede partem suam posse alienare, cap. 44. §. 2. fam. ercisc. cap. 28. de hæredit. vel act. vend. Eiusque definitionis cum ab Vlpiano ratio peteretur, videtur ille respondisse, heredem posse vel inuito cohærede partem suam alienare, ergo multò magis ignorante & absente eodem cohærede. Qui enim potest inuitis alienare multò magis & ignorantibus & absentibus potest. Ex quo illud etiam effici videtur, ut quibus inuitis non licet alienare, vti que nec ignorantibus iis, aut absentibus liceat. Quae sola de causa scripsit etiam eodem illo ad Sabinum libro trigesimo Vlpianus, *pupillum possessionem quatenus quidem facti est, sine tutoris auctoritate amittere posse, quatenus verò iuris non utique*, capite 29. de acquir. possess. Non enim potest aliquid iuris in alium pupillum transferre inuitis tutoribus, ergo multò minus iis aut ignorantibus aut absentibus potest, & huic quidem regulæ locum extra alienationis causam non semper fuisse expressè demonstrat eodem libro Vlpianus. *Inuitis enim cohæredibus vel vnum heredem familie erciscunda arbitrum petere posse ait, non tamen ignorantibus iis aut absentibus, sed presentibus*, d. cap. 43. famil. ercisc. Ideo petere absentibus aut ignorantibus cohæredibus arbitrum hæres non potest, quia *consensu litigantium* † *solent arbitri iudicesque dari*, ut auctor est Cicero pro Cluentio Auito. Moris enim erat, ut is qui nominatim iudicē aut arbitrum petebat, interrogaret aduersarium suum præsentem, an huiusmodi iudice arbitroue contentus esset, & non potius alium posceret, quemadmodum ex Festo demonstrauius Protribunialium libro singulari cap. 11. Et sic quidem quamuis consequi rectè videatur, ut quibus inuitis licet alienare, liceat etiam ignorantibus & absentibus iis, non tamen

DE DIVERSIS REGVLIS IVRIS. 183
men consequi aliqua ratione potest, quibus inuitis ar-
biter peti potest iis absentibus aut ignorantibus peti
etiam arbitrum posse. Eiusque argumenti ratione vi-
detur quoque ad Sabinum libro 30. Vlpianus inter-
pretari voluisse, quinam absentes dicerentur. Ait enim
Qui extra continentia urbis est, eum abesse; ceterum vs-
que ad continentia, non abesse videri, c. 173. de verb. signi.

XXVII. POMPONIVS LIB. XI. AD SABINVM.

Nec ex Pretorio, nec ex solemnī iure priuatorum con-
ventionē quicquam immutandum est; quamvis obligatio-
num causa pactione possint immutari & ipso iure, & per
pacti conuenti exceptionem. Quia actionum modus vel
lege vel per Praetorem introductus, priuatorum pactio-
nibus non infirmatur, nisi tunc cū inchoatur actio inter
eos conuenit.

CONVENTIO generis nomen est, non speciei, cap. i.
§. i. de pact. Pactum siue pactio interdum idem est
quod conuentio, interdum à conuentione tanquam
species à suo genere seiungitur ac separatur. Decem-
uiri, Oratores & Grammatici inter conuentionem &
pactum nullam statuunt differentiam, Iurisconsulti &
Praetores, hi de pactis edicentes, illi edictum inter-
pretantes sic ab aliis conuentionibus distinguunt pa-
ctum, vt omnes conuentiones ex nudo facto constan-
tes, ad earum conuentionum differentiam, quæ iure
ciuili certis modis certoque numero sunt introductæ,
appellauerint *pacta conuenta*, cap. 27. §. 2. de pactis in-
terim non ignorantes alio sensu accipiendum esse pa-
cti pactionisq; vocabulum cū de legitimis agitur cō-
uentionibus. Et sic quidem satis intelligimus qua ra-
tione conuentionem legitimam pactum esse, actionemque

ex eo pacto nasci, & rursus in pactis nudum versari factum,
ac proinde ex iis actionem non dari scripserit vnus idem-
que Paulus, cap. 6. & 7. circa princ. c. 17. §. 2. de pact.
 Alio enim sensu tunc pactum accipit Paulus, cum ait
 ex eo dari actionem; alio item cum actionem ex eo
 negat competere. Nam cum scribit ex pacto actionem
 dari Paulus, ad legem aliquam omnem suam inten-
 tionem dirigit; in qua lege pacti vocabulo pro omni
 conuentione legitima suo more posuerant legumla-
 tores; eamque legem interpretans Paulus, pacti etiam
 vocabulo pro ea conuentione vsus est, quæ lege con-
 firmatur: non quidem ex Prætoris, sed ex legumla-
 toris intentione. Aliud erat si de Prætorij edicti age-
 retur interpretatione. Prætores enim in suis edictis
 per pactum, non legitimam aliquam conuentionem,
 sed eam duntaxat intelligebant in qua factum nudum
 versabatur. Et idcirco Paulus alique iurisconsulti edi-
 ctum perpetuum de pactis interpretantes, alia pror-
 sus ratione de pactis sentiebant, quam tunc sentirent
 cum lex aliqua de pactis differens opus habebat eo-
 rum interpretatione. In edicti enim interpretatione,
 sicut Prætores, sic & ipsi quoque interpretes, de pa-
 ctis sentiebant; & in earum legum quibus de pactis
 etiam tractabatur explicatione, simili modo inten-
 tionem suam legumlatoris voluntati accommoda-
 bant Iurisconsulti de pactis differentes. Ex quibus pa-
 tet euidentissimè in hac regula pactionis conuentionio-
 nisque vocabulo Pomponium promiscuè vsu esse
 pro omni conuentione, tam ea quæ legitima erat,
 quam quæ ex facto nudo constabat. Nec mirum; cum
 enim istud Pomponij responsum aut ad Prætoris edi-
 ctum, aut ad certam legem aliquam directo non perti-
 neat; certè nihil causæ est cur aut de legitima sola aut
 de ea etiam sola conuentione quæ ex facto nudo con-
 stabat,

stabat, hoc in loco pactionis vocabulum acciperetur.
Conuentione igitur siue pactione priuatorum nihil quicquam ex Prætorio aut solemnī iure immutari potest, Per
ius solemnē intelligit Pomponius ius vſitatum & com-
muni quodam ciuium consensu receptum; id enim
quod certum, vſitatum & familiare est, dici solemnē
consuevit. Quo sensu scripsit Suetonius, Augustum,
quoties magistratum conſiliis interesset, supplicasse more so-
lemnī; Tiberium solemnibus cœnis pridiana sæpè obsonia ap-
posuisse, haud dubiè per solemnem supplicandi morem, vſi-
tatum prehensandi rationem, & per cœnas solemnēs
certain consuetasque festorum dierum epulationes in-
telligens. Quibus etiā consentaneum est quod ad
hunc modum aduersus Marcionem lib. 3. scribit Ter-
tullianus; Sed quomodo irreperet in Iudeorum fidem, nisi
per solemnē apud eos & familiare nomen? Et sic quidem
fatis esse arbitror perspicuum id omne solemnē dici,
quod certum, vſitatum & familiare est, eoque sensu
solemnē ius hoc loco accipiendum esse. Quod autem
Pomponius nec ex Prætorio, nec ex solemnī iure pri-
uatorum conuentione quicquam ait immutari posse,
id ipsum his verbis expressit Papinianus; Ius publicum
priuatorum pactis mutari non potest, cap. 38. de pactis.
 Dubium enim non est, quin per *ius publicum*, præto-
 rium & solemnē ius, hoc est, ius omne ciuile intelle-
 xerit hoc loco Papinianus. Iure publico proditæ sunt
 iniuriarum & furti pœnæ: & idcirco qui paciscitur ne
 iniuriarum, si quas facturus est, aut furti quod aliquā-
 do est commissurus, conueniatur, is certè huiusmodi
 pactione iuri Prætorio & solemnī fraudem facit; si-
 quidem timeri plurimum expedit furti & iniuriarum
 pœnas, c. 27. §. 4. de pactis. Et hac quidem ratione ni-
 hil olim ex iure publico potuit immutari, quamuis
 interim obligationum causæ mutari potuerint pa-
 ctione

etione. Idque sic accipiendum est; ut quamvis antè illatam iniuriam furtumve factum pacisci de iniuriis aut furto non licuerit, *post-tamen admissa hac rectè pactioni locus esset, d. §. 4. Etiam lege duodecim tabularum auctore Gellio lib. 20. cap. 1.* Ante illatam iniuriam antè commissum furtum nullæ iniuriarum aut furti obligationum subsistunt causæ. Siquidem huiusmodi causæ ex furtis & iniuriis admissis protinus fortuitur originem, non antè. Et idcirco qui antè illatam iniuriam pactus est, ius publicum lædit, eoque nomine nullius esse momenti censetur pactum; qui verò paciscitur post iniuriam illatam, is publico iure salvo & illæso causam immutat obligationis iniuriarum, quæ causa ad actionem impetrandam satis iusta & efficax erat. Non enim actionem aliter dabat Prætor quàm cognita prius & examinata obligationis cuiusque causâ, quemadmodum ex his edicti perpetui vulgaribus clausulis satis constat; **CAVSSA COGNITA ACTIONEM DABO; CAVSSA COGNITA ACTIONEM DENEGABO.** Atque id quidem illud est quod in hac regula sibi voluit his verbis Pomponius; *Quia actionum modus vel lege per Prætorem introductus, priuatorum pactionibus non infirmatur, nisi tunc cum inchoatur actio inter eos convenit.* Per modum enim actionum eas intelligit Pomponius actionum formulas, quæ ad futuram aliquam controuersiam iure expediendam proditæ sunt, & per actionem inchoatam iustas obligationum causas. Huiusmodi causas auctor est idem Pomponius pactionibus immutari, aut ipso iure, aut per pacti conueni exceptionem. Demonstrauimus Variorum libro secundo, capite 6. id ipso iure tolli quod per se absque exceptionis, aut quo alio aduentitio auxilio tollitur. Est etiam Vlpianus auctor, *pactionibus quedam talia esse, ut actionem ex sui natura omnem tollant.*

tollant; quædam ut tollere nequeant actionem, cap. 27. §. 2. de pact. Pactum iniuriarum, quia legitimum est, actionem tolli, d. §. 2. & sic ipso iure, hoc est, eodem illo ipso iure ex quo suam sortitur originem, obligationis iniuriarum causa mutatur. Si centum tibi mutua dederim, & pactus sim ea non petere, huiusmodi pactum legitimum non est, sed ex facto nudo constat, cæque de causa, nec ipso quidem iure mutui contractum tollere potest, sed per exceptionem pacti conuenti cap. 3. & 30. de pecun. constit. Et hæc quidem latius à me nunc exponerentur, nisi de iis Variorum lib. 2. latissimè differuissem.

XXVIII. VLP IANVS LIB. XXXVI.

AD SABINVM.

Dius Pius rescripsit, eos qui ex liberalitate sua conueniuntur, in id quod facere possunt condemnandos.

VLP IANVS ait esse nonnullos, qui in id quod facere possunt conueniuntur; hoc est, non deducto ære alieno, cap. 16. de re iudic. Quæ verba eam videntur habere sententiam, ut personæ quædam in id quod facere possunt ante conueniri potuerint & condemnari, quam deducteretur æs alienum, quam conuocarentur, etiam eiusdem conditionis creditores, cap. 19. d. tit. id quod editis creditorum nominibus fieri consuevit, quemadmodum docet Seneca de beneficiis libro secundo. Inter eas personas quæ in id quod facere possunt conueniuntur, numerari solent omnium bonorum focius, parens, patronus, patrona, liberique eorum & parentes, item maritus doris ratione, d. cap. 16. & 17. de re iudic. Paulus auctor est eos qui ex causa donationis conueniuntur, etiã in id quod facere possunt condemnari, sed ratione paululum ab iis diuersa qui sic ex
contra

188 IAC. RAVARD. TOM. I. COMM.
contractibus conueniuntur, c. 19. §. 1. de re iudic. Illi
enim contractus, & cum eo beneficij cuiusdam per-
sonalis simul concurrentis ratione non deducto ære
alieno sic conueniebantur, vt occupantis & præue-
nientis creditoris melior esse causa iudicaretur, d. c. 19.
& cap. 13. solut. matrim. hi verò antè ex causa dona-
tionis non poterant conueniri quàm editis credito-
rum nominibus deductum esset æs alienum; còque
deducto, sic in id quod facere poterant qui ex libera-
litate sua conueniebatur, solebant condemnari, vt non
totum quod supererat extorqueretur, sed potius ali-
qua ipsorum haberetur ratio, ne egerent, d. cap. 19. in
fine, cap. 173. hoc tit. De iis qui ex contractibus in id
quod facere possunt, condemnantur, dissertuit ad edi-
ctum Vlpianus lib. 63. & 65. De iis qui ex liberalita-
te in id etiam conueniuntur, quod facere possunt, scri-
psit ad Sabinum lib. 36. idem Vlpianus. Et quia in eo
libro de dotis repetitione, donationibus inter virum
& uxorem, rebùsque dotalibus ab Vlpiano tractatum
est ex professio, utique obscurum non est quid idem
Vlpianus hac regula voluerit, quæ ex eius libro ad Sa-
binum trigesimo sexto est repetita. Non enim du-
bium est, quin de marito in quantum facere potest
condemnando, dissertuerit eo libro Vlpianus; siqui-
dem id ex epigraphe capituli duodecimi solut. matrim.
omnino constat. Et quia Modestinus auctor est, ma-
ritum non dotis tantum nomine, sed ex aliis quoque
contractibus ab uxore iudicio conueniri, & in quan-
tum facere potest condemnari solere, cap. 20. de re
iudic. certè dubium non videtur, quin id ipsum tradi-
derit etiam Vlpianus ad Sabinum libro 36. Ait enim
Modestinus huiusmodi contractuum ratione, mari-
tum in quantum facere potest, condemnandum esse
ex D. Pij constitutione, cuius constitutionis meminit
expresse

DE DIVERSIS REGVLIS IVRIS. 189
expressè in hac regula Vlpianus, ex lib. eius ad Sabi-
num 36. in hunc locum translata. Nec id mirum; ple-
rùmque enim ex mera liberalitate huiusmodi inter vi-
rum & vxorem contractus constabant. Cuius generis
fuisse videtur contractus annui præbendi, in quo con-
tractu donationem verti scripsit eodem ad Sabinum
lib. 36. Vlpian. c. 33. de donat. inter vir. & vx. adiiciens
insuper annui etiam nomine maritum in id quod fa-
cere potest condemnandum. Diuum enim Pium re-
scripsisse eos qui ex liberalitate sua conueniuntur, in
id quod facere possunt condemnandos esse; eaque ve-
ra est huius regulæ sententia. Stipulatio siue contra-
ctus annui ad eum morem referri debet, quo vxor à
marito certam pecuniæ summam ex mariti bonis
præstari singulis annis stipulabatur. c. 15. & 28. §. 5. de
don. inter vir. & vxor. c. 1. de annuis legatis. Quo sensu
annua præbita visus est etiam Suetonius accepisse,
cùm scriberet *Tiberium vxorem Iuliam relegatam pecu-
nio concesso à patre, annuisque præbitis fraudasse.*

XXIX. PAVLVS LIB. VIII.

AD SABINVM.

*Quod initio vitiosum est, non potest tractu temporis con-
ualescere.*

Ad Sabinum lib. 8. differuit Paulus de tutelis, &
de eo tractauit qui quid à pupillo sine tutoris aucto-
ritate aut falso tutore auctore comparauit, cap. 27. de
contrah. emption. Quærebatur enim, si pupillus suæ
ætatis factus comprobauerit huiusmodi emptionem,
an valeret contractus. Sabinus inspicere voluisse, vt si quis bona fide
tutorem hac ratione videtur voluisse, vt si quis bona fide
rem à pupillo emerit, nullo, aut falso tutore auctore,
valeret contractus à pupillo suæ ætatis factus compro-
batus;

batus ; sin mala fide, vtrique non valeret, d. cap. 27. & cap. 5. §. 2. de auctor & const. tut. Qui sine tutoris auctoritate à pupillo sciens emit, non videtur bona fide emere, ac per consequens nec ab initio huiusmodi contractus iure substituisse ; qua sola de causa nec per consequentem pupilli ratihabitionem potest confirmari. Id enim quod ipso iure aut exceptionis medio ab initio nullum est, nuda pupilli, licet suæ ætatis facti, voluntas firmum reddere non potest ; non magis hercle quàm ex mala fide facerè fidem bonam. Et ita Paulus scribit ad Sabinum lib. 8. quemadmodum ex dicto cap. 27. cum hac regula coniuncto omnino probatur. Atque ita quidem ex Sabini sententia, vt quid dicatur bona vel mala fide comparatum, inspicere necessum est initium contractus. Cùmque dubitarent veteres, vtrum emptionis, an verò traditionis initium, per initium contractus accipi deberet, obtinuit eiusdem Sabini & Cassij sententia existimantium traditionis initium spectandum esse, cap. 10, in princip. de usurpat. Eoque sensu accipienda sunt hæc Pauli verba ; *Quod initio vitiosum est, non potest tractu temporis conualescere.* Nihil enim aliud sibi voluit hac regula Paulus, quàm contractum *initio vitiosum*, hoc est, contractum, si non ipso iure, saltem exceptionis auxilio traditionis tempore prorsus inualidum, non posse tractu temporis alicuius priuati hominis facto, aut approbatione, sine aliquo legitimi, vel Prætorij iuris subsidio conualescere.

XXX. VLPPIANVS LIB. XXXVI.

AD SABINVM.

Nuptias non concubitus, sed consensus facit.

MATRIMONIUM aliud est iustum, aliud iniustum. Iustum quidem, quod iure & licitè ; iniustum

verò,

verò, quod iniuste in fraudem legum Romanarum
 contrahebatur. Iustum matrimonium alio nomine
connubium vocabatur. *Est enim* (vt Vlpianus definit)
connubium vxoris iure ducenda facultas. Eamque facul-
 tatem extraneis hominibus vnà cum ciuitate inter-
 dum concedebat populus Romanus. Qua sola ratio-
 ne auctor est Liuius libro vigesimo sexto *Campanis*
cives Romanos affinitatibus plerisque, & propinquis cognat-
ionibus ex connubio vetusto coniunctos fuisse. Idque illud
 etiam est quod ad hunc modum in fragmentis titulo
 quinto Vlpianus scribit, *Connubium habent cives Roma-*
ni cum ciuibus Romanis, cum Latinis autem & peregrinis
ita si concessum sit. Obseruari etiam Romæ solet, vt ci-
 uis Romanus, si cum ingenua muliere consuetudi-
 nem habere veller, aut eam solemniter domum du-
 ceret vsu, farre, vel coemptione; aut sine aliqua solem-
 nitate, eam vxoris animo & pleno honore in ades re-
 ciperet, testatione quadam manifestum faciente, hanc
 ingenuam mulierem non concubinam, sed iustæ vxoris
 loco haberi sola animi destinatione, cap. vltim. in fine.
 de diuort. cap. 4. in fine. de fide instrum. Et hoc qui-
 dem illud est quod Martianus & Paulus aiunt, *mulie-*
rem honesta vita & ingenuam in concubinatum haberi sine
testatione hoc manifestum faciente concessum non esse, con-
cubinam ex sola animi destinatione estimari oportere, c. 3.
 & cap. 4. de concub. Ex his enim locis patet euiden-
 tissimè, ingenuam mulierem haberi in concubina-
 tum posse, cum tamen ea in concubinatu non possit
 retineri; nec id mirum. Aliud enim est, habere in
 concubinatu mulierem; aliud item in concubinatu.
 In concubinatu Martiano ea dicitur haberi mulier,
 quæ ad concumbendum loco iustæ vxoris ducitur; in
 concubinatu verò cum qua quotidiana consuetudo
 cuiquam est sine vxoris titulo, sine matrimonio, c. 46.

192 IAC. RÆVARD. TOM. I. COMM.
de oper. lib. Vxor quam in concubinatum quis do-
mum duxit, sine aliqua in manus conuentione, hono-
re pleno, maritali honore & affectione diligi; vxoris-
que animo haberi dicitur, cap. 16. §. 1. De his quib. vt
indig. cap. 31. in princip. de donation. cap. 13. §. 2. ad
L. Iul. de adulter. Eoque sensu accipienda sunt hæc
Pauli verba, *TITIAE AMICAE MEAE CVM
QVA SINE MENDACIO VIXI, AVRI PON-
DO QVINQUE DARI VOLO*, cap. 35. de auro
arg. legat. Dixit enim Paulus *sine mendacio*, pro eo quod
est, testatione maritalem animum manifestum facien-
te. Et ad hanc quidem sine in manus conuentione
vxoris speciem Suetonius etiam respexisse videtur, sic
de Caligula scribens; *Mox Lucio Cassio Longino consi-
lari collocatam abduxit, & in modum iuste vxoris propi-
tam habuit*. Et sanè, matrimonium quoddam ex sola
animi destinatione olim constituisse, adeò verum est,
vt scripserit expressè Vlpianus de portatione mari-
monium non dissolui, hanc subiiciens rationem;
*Nam cum libera mulier remaneat, nihil prohibet & virum
mariti animum, & mulierem vxoris animum retinere, c. s.*
de bon. damnat. Et sic quidem verissimum apparet;
vxores olim aut conuentione in manus domum so-
lemniter duci; aut sine conuentione, vxorem nomine
sola animi destinatione censerì consueuisse. Concu-
binam solent *amicam* veteres appellare, cap. 144. de
verbor. signif. Vocabant amicam quoque mulierem
sine conuentione in manus, vxoris loco habitam,
d. cap. 35. Vxorem quæ in manu viri mancipioque
erat, non amicam, sed *dominam* nuncupabant, cap. 41.
in princ. de legat. 3. cap. 19. §. 1. de annu. legat. Nec mi-
rum eam *dominam* vocari. vxores enim quæ in manu
conuenerant, sic in manu mariti erat mancipioque, vt inter
suos heredes primo gradu mariti eas numerarent, auctore
14

DE DIVERSIS REGVLIS IVRIS. 193^A
in fragmentis Vlpiano, tit. vigesimo secundo, & Au-
lo Gellio libro decimo octauo, cap. 6. Vxor quæ solo
mariti honore & affectione sine aliqua in manus con-
uentione diligebatur, nec in manu erat mariti, nec
eam inter suos hæredes numerabat maritus; sed dun-
taxat testamento mariti decimam accipere poterat. Hi
sunt mariti illi & vxores quibus inter se matrimonij
nomine capere decimam permissum est, de quibus
tractat in fragmentis Vlpianus titulo decimo quinto.
Nec de aliis vxoribus maritisque iustis accipi potest
titulus Pandect. VNDE VIR ET VXOR. Auctor
est enim Iustinianus, fuisse olim bonorum quandam
possessionem, quæ VNDE VIR ET VXOR appel-
labatur, & nono loco inter veteres bonorum posses-
siones collocabatur, §. Aliam verò. Instit. de bonor.
posseß. Quandoquidem igitur euidentissimum sit
vxorem, quæ in manu mariti erat, apud maritum sui
hæredis loco fuisse, eoque nomine vt suum hæredem
primo gradu, qui *suorum* dicitur, marito successisse;
quis quæso tam insipidus est, vt non intelligat titulum
VNDE VIR ET VXOR ad huiusmodi vxores nul-
lo modo referendum esse; sed de iis solùm vxoribus
accipi debere, quæ sine in manus conuentione iusta-
rum vxorum loco habebantur? Hæc si vera sunt, con-
sequens etiam videtur olim Vlpiani aliorumque simi-
lium Iurisconsultorum temporibus nuptias clandesti-
nas omnino prohibitas non fuisse. Nec est quod mo-
uearis Apuleij auctoritate, qui sic de Asino libro sex-
to scribit; *Impares nuptia, & praterea in villa sine testi-*
bz & patre non consentiente facta, legitima non possunt
videri. Ex hoc enim Apuleij loco non rectè probatur,
nuptias in villa contractas velut clandestinas inuali-
das fuisse. Idem enim Apuleius euidentissimè docuit
potuisse in villa nuptias contrahi; nam sic in Apolo-

gia secunda scripsit; *Lex quidem Iulia de maritandis ordinibus nunqua scilicet ad hunc modum interdicit, Vxor REM IN VILLA NE DUCITO; immò si verum veris, vxor ad prolem multò auspiciatius in villa quàm in opido ducitur.* Et hæc quidem cum ita se habeat, nunc demum intelligimus quid sibi voluerit hac regula Vlpianus, nimirum aliud nihil quàm non tabulas nuptiales, non concubitum nuptias facere, sed *consensum*, hoc est, solam animi destinationem, maritalem affectionem solam, cap. 25. de condic. & demonstr. cap. 5. de bon. damnato. cap. 31. de donat. Sic enim scripsit expressè idem Vlpianus ad Sabinum libro 33. *Non coitus matrimonium facit, sed maritalis affectio*, cap. 32. §. 9. de donat. inter vir. & vxor. Et Quintilianus Instit. orat. lib. 5. cap. 11. *Ex contrario, inquit, nihil obstat, quominus iustum matrimonium sit mente coeuntium, etiamsi tabule signata non fuerint. Nihil enim proderit signasse tabulas si mentem matrimonij non fuisse constabit.*

XXXI. VLPIANVS LIB. XLII.

AD SABINVM.

Verum est neque pacta, neque stipulationes factum posse tollere. Quod enim impossibile est neque pacto neque stipulatione potest comprehendi, ut utilem actionem, aut factum efficere possit.

HÆC regula referenda est ad edictum ædilicium, quo edicto prodita fuit stipulationis quædam species, qua facilè & expeditè venditorum fallaciis occurrebatur, deceptisque succurrebatur emptoribus. Non enim contenti fuerunt Ædiles in mancipiorum venditionibus titulum proscribi singulorum servorum, ita ut intelligi rectè posset quid morbi vitique cuique esset, quæ admodum tradidit libro quarto, capite secundo.

Aulus Gellius ; sed etiam venditorem voluerunt interposita quadam solemnī stipulatione, emptori cauere, sanum, furtis noxisque solutum, & non esse fugitiuum venale mancipium, cap. 2. de rer. permutat. cap. 11. §. 4. de act. empti, c. 32 in prin. de euiction. de hac stipulatione scripsit ad Sabinum libro quadragesimo tertio Vlpianus, & ait ; *Si quis ita stipulanti spondeat, SANVM ESSE, FVREM NON ESSE, VISPELLIONEM NON ESSE, inutilem stipulationem quibusdam videri; quia si quis in hac causa est, ut fur sit, ut sanus non sit, ut sit vispellio, impossibile est quod promittitur.* Et ita quosdam sentire Vlpianus auctor est, à quibus tamen dissentiens addidit ; *Licet verum sit, neque pacta neque stipulationem factum posse tollere (quod enim impossibile est, neque pacto, neque stipulatione potest comprehendere, ut vilem actionem aut factum efficere possit) interim tamen vetius dici hanc stipulationem vilem esse. Non enim eam factum tollere, quod est impossibile, sed hoc duntaxat continere, quod interest horum quid esse, vel horum quid non esse. Atque ita quidem scripsit expressè ad Sabinum libro 43. Vlpianus, quemadmodum ex hac regula cum capite 31. de euict. coniuncta euidentissimum est.*

XXXII. VLPIANVS LIB. XLIII.

AD SABINVM.

Quod attinet ad ius ciuile, serui pro nullis habentur. Non tamen & iure naturali ; quia quod ad ius naturale attinet, omnes homines aequales sunt.

SCRIPSIT Vlpianus, nec seruum quicquam debere posse, nec seruo posse deberi ; sed cum eo verbo abutimur, inquit, factum magis demonstramus, quam ad ius ciuile referimus obligationem. *Quod enim attinet ad ius ciuile serui pro nullis habentur, non tamen & iure naturali ; quia*

quod ad ius naturale attinet, omnes homines aequales sunt, quemadmodum, cap. 41. de pecul. ex Vlpiani lib. 43. traditum est, nulla huius regulæ mentione facta, quam tamen cum eo capite iungendam esse, etiam imperitissimus quisque fateri cogitur. Ex eo enim capite cum hac regula coniuncto patet euidentissimè naturali iure obligari seruos ipso facto, quod factum ex quadam animi libertate constat: cui libertati quia deest sola iuris ciuilis approbatio, idcirco etiam fit vt serui qui iure ciuili pro nullis habentur, ex facto suo nec obligent, nec obligentur ciuilitè, sed naturaliter tantum. Qua dere scripsit eleganter Seneca de beneficiis libro tertio hanc inter seruorum corpus & animi differentiam constituens: *Corpus itaque est quod domino fortuna tradidit. Hoc emit, hoc vendit. Interior illa pars mancipio dari non potest. Ab hac quicquid venit, liberum est. Non enim aut nos omnia inebere possumus, aut in omnia parere coguntur. Contra rempublicam imperata non facient, nulli sceleri manus commodabunt.* Hæc Seneca, liquidò demonstrans quò sensu illud accipi debeat quod ad hunc modum Venuleius Saturninus scribit; *Si seruus reus postulabitur, eadem obseruanda sunt, quæ si liber esset, ex S. C. Cotta & Messala Consularibus capite 12. §. 3. de accusatione. Nullam enim inter seruum & liberum hominem ratione delicti seruari conditionis differentiam videtur Senatus voluisse. Certè quod animus sit qui delinquit corporis ministerio, quo animo aequalem cum liberis hominibus obtinent serui libertatem, ac proinde equaliter veniunt puniendi, hoc est, iisdem legibus, eodem more ac ritu accusationis, non iisdem poenarum generibus, non apud eosdem magistratus siquidem inter seruorum & hominum liberorum supplicia, magnam obseruare solent Romani differentiam.*

XXXIII. POMPONIVS LIB. XXII.

AD SABINVM.

In eo quod vel is qui petit, vel is à quo petitur lucri facturus est, durior causa est petitoris.

HÆC regula referenda est ad conditionis indebiti tractatum; quem latè persecutus est libro ad Sabinum 22. Pomponius. In eo tractatu de hærede agatur qui cum debuerat quartam retinere, totam hereditatem restituit, nec cauit sibi stipulatione proposita, ut id quod amplius solutum esset fideicommissi nomine, quam per legem Falcidiam capere licuisset, redderetur; c. penult. §. §. de iuribus & facti ignor. Hunc heredem respondit Aristo illis similem esse qui retentiones quas solas habent, omittunt; & posse eum rerum hereditariarum possessionem vel repetere, vel nancisci, capite 21. ad S. C. Trebell. Eamque hereditatem restituere fideicommissarius protinus cogebatur. In eo enim quod is qui fideicommissum petit, vel is à quo petitur fideicommissum, lucri facturus est, durior est causa petitoris, hoc est, in eo quod is cui hereditas fideicommissa est restituta quarta ab hærede scripto non deducta, lucri facturus erat ex huiusmodi errore deductionis; & in eo quod hæres scriptus lucri facturus etiam erat per deprehensum errorem, consulum aut prætoris fideicommissarii beneficio in pristinam rerum hereditariarum petitori traditam possessionem restitutus; ut iniquior, sic durior est causa petitoris. Huiusmodi enim petitor agens & integrum fideicommissum petens ab hærede doli mali exceptione poterat excludi. Siquidem beneficio Falcidiæ tam est notum & omnibus manifestum, ut qui eo neglecto sciens quartam non deductam totum fideicommissum ausit petere, obnoxius esse dolo malo censeatur, eiusque exceptione

198 IAC. RÆVARD. TOM. I. COMM.
repelli possit. Et hæc quidem vera est sententia huius
regulæ ex Pomponij libro ad Sabinum 22. in hunc
locum translata, & cum d. c. 21. ad eum modum quem
nunc demonstraui, coniungendæ. Potest & illud etiam
huic regulæ coaptari, quod sic idem Pomponius scri-
bit; *Faciendi verbo, reddendi etiam causa continetur*, cap.
175. de verb. sign. Id enim ex eod. lib. ad Sabinum
22. desumptum est, & ad scripti hæredis causam vi-
detur pertinere. Nam alia ratione in hac regula lu-
crum facere fideicommissi petitor dicitur, alia item is
à quo petitur fideicommissum; petitor enim lucrum
facere intelligitur fideicommissio sibi quarta ab hære-
de non deducta tradito; hæres verò scriptus etiam lu-
crum intelligitur facere eadem hæreditate propter er-
rorem deprehensum recuperata, sibi que à petitore
magistratus imperio reddita: qua sola ratione facien-
di verbo in hac regula etiam reddendi causa contine-
tur. Vlpianus auctor est in fragmentis titulo 25. *fidei-*
commissa, non ut legata per formulam peti solere, sed co-
gnitionem de fideicommissis Romæ quidem consulum aut præ-
toris fuisse, qui fideicommissarius dicebatur; in provinciis
verò præsidum provinciarum. Idque sic accipere con-
uenit, ut de summis certis Prætor fideicommissarius,
& Consules etiam de certis summis iisque maioribus
fideicommissio relictis cognoscerent. Nam sic inueni-
mus Quintilianum scripsisse Instit. orator. libro ter-
tio, capite 8. *Non debes apud Prætorem petere fideicom-*
missum, sed apud Consules; maior enim prætoris cognitio-
ne summa est. Et idcirco quod Pomponius de hærede
scribit, *qui possessionem fideicommissi repetero vel nunci-*
sci potest, d. capite 21. id rectè videmus ad Consu-
lum vel fideicommissarij Prætoris cognitionem reu-
lisse. Siquidem de huiusmodi causis Prætorem fidei-
commissarium cognouisse, Paulus etiam & Papinia-
nus

DE DIVERSIS REGVLIS IVRIS. 199
nus satis demonstrant, capite 78. §. 6. de legat. 3.
capite 41. de bon. libert.

XXXIV. VLP IANVS LIB. XLV.

AD SABINVM.

Semper in stipulationibus & in cæteris contractibus id sequimur quod actum est: aut si non pateat quid actum est, erit consequens ut id sequamur quod in regione in qua actum est frequentatur. Quid ergo si neque regionis mos appareat quia varius fuit? ad id quod minimum est, redigenda summa est.

V I D E T U R Vlpianus libro ad Sabinum quadragésimo quinto, de fideiussoribus ex professo, & quædam obiter de mandato, deque negotiis gestis tractasse; quemadmodum intelligi facillè potest ex inscriptione capitis 4. de negot. gest. & capite 4. de fideiussor. Si meo iussu negotia mea gesseris suscipiens mandatum, sic obligaris ut etiamsi non gesseris, mandati possis conveniri, cap. 6. §. 1. mandati. Eaque mandati actio in hoc ab actione negotiorum gestorum discerni solet, quod actio mandati competeret ei qui iussu alicuius negotia administravit; negotiorum verò gestorum ei, qui non iussus eadem administravit bona fide, cap. 58. in princ. d. tit. Proinde si tibi mandauero ut Titio solvas centum nummos sestertios, si mandato velis satisfacere, exsolues Titio nummos illos sestertios centum. semper enim in stipulationibus & cæteris contractibus id sequi convenit quod actum est, c. 2. §. 1. de hæred. vel act. vend. c. 4. de fid. instrum. c. 27. §. 2. de pact. Quibus etiam consentaneum est quod sic Quintilianus in ea declamatione scribit cui titulus est, *Ager communis; Stare verò ei quod sit actum, & conventio- ni pactorum oportet.* Si cum deberem nummos centum,

iusserim centum nummos solui, nec constiterit quales nummi deberentur, nummorum varietas debitum huiusmodi obscurum facit. Et quia non paret siue non apparet (sic enim Iurisconsultos esse locutos præter Festum testatur expressè Petronius Arbitr) quid actum sit respondet Vlpianus, *consequens esse, ut id sequamur quod in regione in qua actum est frequentatur*, hoc est, consuetudo regionis illius in qua actum est diligenter erit examinanda, & inquirendum sedulò an quid usu receptum fuerit in ea regione quo huic obscuritati posset occurrì, c. 50. §. 3. de legat. 1. Quid si regionis mos non appareat quia varius fuit? *Ad id quod minimum est*, inquit Vlpianus, *redigenda summa est*, hoc est, nummi exiguiores debebuntur, c. 75. de legat. 3. *Semper enim in obscuris id quod minimum est sequimur*, cap. 9. hoc tit. & ita ad Sabinum libro quadragesimo quinto scripsit Vlpianus, videturque eodem libro quæsitum fuisse, si alia ratione huiusmodi creditori satis fecerit mandatarius, quam nummorum exolutione, an liberetur mandato; & Vlpianus respondisse eum liberari, hanc subiiciens rationem; *Solutionis enim verbo satisfactionem quoque omnem accipiendam placet*, cap. 176. de verb. signific. Illud nunc videndum est de quibus regionibus senserit in hac regula Vlpianus. Diuiditur enim Roma in regiones quatuordecim, & totam Italiam descripsit in undecim regiones. D. Augustus auctore Plinio naturalis historiæ libro tertio, cap. 5. Erant & aliæ regiones quæ suburbicariæ dicebantur, cap. 9. C. Theodos. de Annon. & tribut. Erant & prouinciæ quoque singulæ in regiones certas distributæ, easque regiones libro de conditionibus agrorum definiuit ad hunc modum Siculus Flaccus; *Regiones autem diuisimus intra quarum fines singularum coloniarum aut municipiorum magistratibus ius dicendi, coercendique est libera potestas*.

DE DIVERSIS REGVLIS IVRIS. 201
potestas. Huiusmodi regionum fines interdum latissimi fuerunt, adeò quidem vt scripserit expressè idem Plinius lib.4. cap.5. *in Achaia regionem Messeniam duodeviginti montium fuisse.* Nec ad alias quàm ad has regiones arbitror Vlpianum respexisse, in hac regula de regionis more differentem.

XXXV. VLP IANVS LIB. XLVIII.

AD S A B I N V M.

Nihil tam naturale est, quàm eo genere quidque dissolvere quo colligatum est. Ideò verborum obligatio verbis tollitur; nudi consensus obligatio contrario consensu dissolvitur.

NON solum per æs & liberam alienari res mancipi olim solent, sed etiam obligari. Quo sensu scripsit Festus *Alium Gallum nexum definiuisse quodcunque per æs & libram geritur; eiusque generis esse testamenti factionem, nexi dationem, nexi liberationem; addiditque Festus nexum æs apud antiquos dici pecuniam quæ per nexum obligabatur.* Ea nimirum ratione, qua eos qui se suaque omnia creditoribus obligabant, nexum inire dixit lib.6. Liuius his verbis; *Nam & si unciario fœnore facto leuata usura erat, sorte ipsa obruebantur inopes, nexumque inibant.* Solent etiam sine stipulatione, sine aliquo nexu res obligari; obligabantur etiam nudo consensu ex contractibus iuris gentium. Et quia nihil est tam naturale, quàm vnumquodque eo modo dissolui quo colligatum est: hinc factum videri potest, vt id quod per æs & libram nexu erat obligatum, contrariò nexu per æs & libram stipulatio sine nexu, contraria sine nexu stipulatione, & denique nudi consensus obligatio, contrario consensu tolleretur, cap.27. §.2. & c. §8. in princ. de pact. Est & aliud quoddam ciuile

202 IAC. RAVARD. TOM. I. COMM.
remedium à Gallo Aquilio Ciceronis collega excogitatum, quo plures etiam mutuae obligationes, ex scripturis & instrumentis diuersis constantes, vno comprehendi obligationis instrumento solent. & sic comprehensae vna formula, vnoque stipulationis contextu dissoluebantur, quemadmodum eleganter demonstrat Florentinus, cap. 18. de acceptilat. Et quia dubium non est quin Modestini tempore usu fuerit nexus & mancipatio (siquidem primus mancipationum nexusque solemnities sustulit Imperator Iustinianus) idcirco nunc facile intelligimus quid sibi voluerit idem Modestinus, acceptilationem hoc modo definiens;
Acceptilatio est liberatio per mutuam interrogationem, quae utriusque contingit ab eodem nexu absolutio, cap. 1. de acceptil. Hac enim definitione nexi liberationem & stipulationis dissolutionem, atque ipsam quoque Aquilianam formulam simul complectitur Modestinus. Cum enim ait *acceptilationem esse liberationem*, certe & illud quoque dicere videtur verborum obligationem, cui acceptilatio directo contraria est, ipso iure per acceptilationem eo modo tolli, quo per stipulationem ipso iure stipulatio tollitur, d. §. 2. & cum addit per mutuam interrogationem utriusque contingere absolutioem, Aquilianam stipulationem etiam acceptilationis verbo contineri, euidenter indicat; & denique his verbis, *ab eodem nexu*, quis est quæso moralium qui non dicat ad nexi liberationem per æs & libram acceptilationem quoque à Modestino referri? Idque eo verisimilius est, quod res *nexas*, hoc est, per æs & libram obligatas non verbis nudis, non sola debitorum pecuniae numeratione, aut acceptilatione nuda, sed etiam per æs & libram dissolui consueuisse præter Ælium Gallum euidenter testatus sit Lilius lib. 7. sic de Marco Manlio scribens; *Inde rem creditori palam populo*

populo soluit, libræque & ære liberatum emittit. Nec alio sensu in acceptilationis definitione *nexum* videtur Modestinus accepisse, d. cap. 1. Atque ita quidem accipiendum est quod Vlpianus ait hac regula, eo genere *quidque dissolui quo colligatum est*. De acceptilatione scripsit ad Sabinum libro quadragesimo octauo Vlpianus. Et cum dixisset in eo libro acceptum ferri non posse, nisi quod verbis colligatum est, quia verbis tolli non potest quod non verbis contractum est, cap. 8. §. 2. de acceptil. hanc videtur regulam subiecisse; *Nihil enim tam naturale est, &c. id quod ex inscriptione eiusdem regulæ licet suspicari.*

XXXVI. POMPONIVS LIB. XXVII. AD SABINVM.

Culpa est immiscere se rei ad se non pertinenti.

EMPTOR hæreditatis ad hunc modum stipulari solet, *QVANTA PECVNIA AD TE PERVENIT, DOLOVE MALO TVO FACTVM EST, ERITVE QVO MINVS PERVENIAT, TANTAM PRÆSTARI*, c. 50. de verb. oblig. Et quia dubitabatur ad venditorem hæreditatis quando videretur pecunia peruenisse, hanc stipulationis fortissimè interpretatus Vlpianus respondit, *si rerum venditarum ante hæreditatem venditam pretia fuerint venditor hæreditatis consecutus, palam esse pecuniam*, hoc est pretia rerum ad eum peruenisse, cap. 2. §. 3. de hæred. vel act. vend. Hinc etiam quæsitum fuit, si venditor hæreditatis exactam pecuniam perdidisset, an eo nomine emptori teneretur. Hæc quæstionem libr. ad Sabinum 27. tractans Pomponius sic putavit dirimendam esse, *ut si quidem dolo aut culpa venditoris pecuniam esse deperditam constaret, emptori venditor teneretur*, cap. 3. d. titul.

Et

Et cùm dubitaretur quid per venditoris culpā in hac quæstione deberet exaudiri, addidit eodem lib. Pomponius, *venditorem hereditatis ad quem aliqua post venditam hereditatem, & cessam pecunia peruenit, quia scire debuit non sibi amplius sed emptori debitam hereditati pecuniam exoluendam esse, pecunia deperdita culpam non effugere, eoque nomine damnandum esse*; hac subiiciens rationem; *Culpa enim est immiscere se rei ad se non pertinenti*. Atque ita quidem ad Sabinum lib. vigesimo septimo scripsit Pomponius, quemadmodum ex hac regula cum dicto cap. 3. coniuncta, euidenter apparet.

XXXII. VLPIANVS LIB. LI.

AD SABINVM.

Nemo qui condemnare potest, absolvere non potest.

VLPIANVS ad Sabinum libro quinquagesimo primo de iurisdictione differens ait, *eum qui iudicare iubet, magistratum esse oportere, cap. 13. de iurisdic. adijcens insuper eum iubere iudicare qui liberam non condemnandi, non etiam absoluendi tantum, sed condemnandi & absoluendi simul dato iudici facit potestatem, neminem enim qui condemnare potest, absolvere non posse*. Eoque pertinet illud Tertulliani aduersus Marcionem libro quarto; *An eius sit absolvere, cuius non sit etiam damnare?* Et paulò post, *Qui enim iudicat, & absoluit*. Hinc etiam intelligimus quo sensu scripserit Iustinianus vulgò dicta omnia iudicia absolutoria esse, §. fin. Inst. de perpet. & tempor. actionibus. Si enim libera tam absoluendi quam condemnandi dato iudici soleat potestas fieri, quid mirum est omnia iudicia esse absolutoria, hoc est, iudicem eum etiam qui tempore accepti iudicij condemnandus videbatur, absolvere potuisse; præsertim aduersa parte condemnationem nullam virgente. Quod tunc

DE DIVERSIS REGVLIS IVRIS. 205
tunc accidere solet, cùm antè rem iudicatam reus
actori satisfacit, d. §. fin. Et hoc inde ni fallor, *quod*
actor litem detulit, eam perferre cogi non soleat, c. 1. de con-
dict. caus. data. quodque ex officio suo, etiamsi lis non
perferatur, nihilominus tamen iudex soleat pronun-
tiare, cap. 34. in fine de iureiurand. Desertur lis ipsa con-
testatione, perferitur pronuntiatione sententia, cap. 6. de dot.
collat. cap. 57. de vsufr. Soletque lis non perferri aut com-
positione, aut donatione negotij, auctore in Caligula Sue-
tonio. Et sic quidem absolutoria esse omnia iudicia
solent, actore ob satisfactionem, aut etiam delatio-
nem iusiurandi ab incœpta lite desistente, & iudice
ex officio pronuntiante, suaque pronuntiatione debi-
torem absolvente, hoc est, debito liberante, d. c. 34 in
fine, & cap. penult. de confess.

XXXVIII. POMPONIVS LIB. XXIX.
AD SABINVM.

Sicuti pœna ex delicto defuncti hæres teneri non debeat,
ita nec lucrum facere, si quid ex ea re ad eum peruenisset.

PLACVIT non in furti tantum, verùm in cæteris
quoque actionibus, quæ ex delicto oriuntur, *noxam*
caput sequi, cap. 1. in fine de priuat. delic. cap. 20. de pœ-
nis. Eaque ratio est cur pœna ex delicto defuncti hæ-
res non teneatur, quamvis scripserit expressè Pom-
ponius libro ad Sabinum vigesimo nono, ex causa de-
positi, commodati, mandati, tutele, aut negotiorum gestorum
ob dolum defuncti heredem in solidum teneri, cap. 12. de
oblig. & action. Id enim sic potiùs accipiendum est, vt
hæres lucrum facere non potuerit, si quid ex delicto
defuncti ad eum peruenisset, quàm vt actione pœnali
aut famosa ex defuncti delicto posset conueniri: Nam
sicut pœna ex delicto defuncti hæres non tenetur, sic nec lu-
crum

206 IAC. RÆVARD. TOM. I. COMM.
crum quoque ex eodem delicto facere potuit, quemadmo-
dum eodem illo ab Sabinum libro vigesimo nono au-
ctor fuit hac regula Pomponius. Et idcirco hæres nul-
lis pœnalibus, nullisque famosis actionibus ex delicto
defuncti, sed ciuilibus minimèque famosis ita solet
conueniri, vt ex causa depositi, mandati, tutelæ, & si-
milibus, ad exhibendum actioni aduersus hæredem
possidentem locus esset, & re exhibita vindicatione
idem hæres teneretur; sed & condictio aduersus eum
competeret, c. i. de priu. delict. Eoque sensu scripsit
Paulus *ex contractibus venientes actiones, in hæredes dari,*
licet delictum quoque versetur, cap. 49. de oblat. & action.
Certum est furri doli mali, pro socio, tutelæ, depositi
iudicia famosa esse, cap. i. de his qui notant. infam. cā-
que de causa nec iis iudiciis potuit ex delicto defun-
cti hæres conueniri, sed potius ad exhibendum, vin-
dicatione, aut etiam conductione. Est enim Vlpianus
auctor *cessare ignominiam in conductionibus, quamvis ex*
famosis causis pendeant, capitulo trigesimo sexto dicto
titulo.

XXXIX. POMPONIVS LIB. XXXII.
AD SABINVM.

*In omnibus causis pro facto accipitur id, in quo per alium
more sit, quo minus fiat.*

MORIS erat vt fundi venditor emptorem in va-
cuam possessionem solemni quodam ritu, quem à ve-
teribus vsurpationem appellari demonstrauius suo
loco induceret, aut eum induci per amicum curaret.
Cuius mortis meminisse videtur Pomponius libr. 32.
ad Sabinum, *de fundi venditore differens qui mandauerat amico vt emptorem in vacuam possessionem induceret,*
c. 33. de acquir. possess. Et cum *quisitum esset; si amicus*
venditori

venditoris mortuo eo antequam id sciret, aut non prohibentibus heredibus id fecisset, an rectè possessio tradita diceretur; scripsit Pompon. *eam rectè traditam videri, d. c. 33.* hanc subiiciens rationem; *In omnibus enim causis pro facto accipitur id, in quo per alium mora sit quo minus fiat; hoc est, in omnibus causis pro eo quod rectè factum est, accipitur id, quod ab eo cui data est faciendi auctoritas factum est, si in eo ipso per alium ius prohibendi nactum, mora sit, quo minus fiat quod fieri necessum est.* Nimirum vt hic apud Pomponium, hæredibus id ipsum quod amicus facere iussus erat, nec facientibus, nec amicum defuncti facere prohibentibus, & sic in mora existentibus, quo minus fieret quod debuit fieri. Atque ita quidem ad Sabinum l. 32. scripsit Pomponius, eaque verà est huius regulæ sententia.

XL. POMPONIVS LIB. XXXIV.

AD SABINVM.

Furiosi, vel eius cui bonis interdictum est, nulla voluntas est.

SCRIPSERAT ad Q. Mutium Pomponius l. 14. *si patiente vicino opus faciam ex quo ei aqua pluvia noceat, Labeonem dixisse non teneri me actione aquæ pluvie arcende, cap. 19. de aqua, & aquæ plu. arcen.* Idem Pomponius ad Sabinum lib. 34. *hoc ita verum esse ait, si non per errorem aut imperitiam deceptus fuerit vicinus. Nullam enim voluntatem errantis esse, cap. 20. d. tit.* Addiditque eodem libro Pomponius, *eorum qui per errorem vel imperitiam decipiuntur numero, furiosos cum iis quibus bonis interdictum est contineri, hanc rationem adiiciens; Furiosi enim vel eius cui bonis interdictum est, nulla voluntas est.* Eaque etiam ratio est cur sic l. 5. de providentia Dei scripserit Saluianus; *Voluntas crimen non habet, ubi furore peccatur.*

XLI. VLP IANVS LIB. XXVI.

AD EDICTVM.

Non debet auctori licere quod reo non permittitur.

LIBRO ad edictum 26. scripsit Vlpianus de iureiurando, de certi, ob turpem causam, indebiti, aliisque conditionibus. Et differens quidem de iureiurando ait Prætores sic edixisse; *EVM A QVO IVS IURANDVM PETETVR, SOLVERE AVT IURARE COGAM.* Et idcirco alterum, inquit Vlpianus, eligat reus, aut soluat, aut iuret; & si non iuret, solvere cogendus erit à Prætores, cap. 34. §. 5. de iureiurand. Ea quoque reo dari facultas dicitur, ut si malit referat iusiurandum, hoc Non enim debet auctori licere quod reo non permittitur; hoc est, auctori non debet licere aliquod reo deferre iusiurandum, quod iusiurandum reo non permittitur auctori referre, quemadmodum ad edictum libro vigesimo sexto scripsit Vlpianus, d. §. 5. Et idcirco iurare debet reus aut referre auctori iuramentum. *Manifesta enim turpitudinis & confessionis est, nolle nec iurare, nec iusiurandum referre*, cap. 38. d. tit. Moris erat ut auctor reo deferens iusiurandum, interdum exprimeret quoniam modo illud concipi vellet, interdum eius conceptionem arbitrio iurantis relinqueret. Et si de qualitate iurandi inter partes non satis conveniret, tunc eius concepcio in arbitrio iudicantis erat, d. c. 34. §. 4. Solet etiam eo modo iurari quo delatum erat iusiurandum. Proinde si reo auctor detulisset, ut per se iuraret, & ille per alicuius caput, aut per salutem suam iurasset, non erat iuratum habendum iusiurandum, cap. 3. in fine & cap. 33. de iureiur. Eiusque rationem libro 5. Variorum reddidimus. Et plerumque sic ab auctoribus deferri solet iusiurandum, ut aut per

Iouem, aut per ipsius rei salutem specialiter iurari vel-
lent. Per Iouem quidem solemnī formula, quam his
verbis cōceptam fuisse, Festus auctor est; *SI SCIENS
FALLO, TVM ME DIESPITER, SALVA VR-
BE ARCEQVE, BONIS EIICIAT VT EGO
HUNC LAPIDEM.* Per salutem suam, hoc modo;
ITA MIHI DEOS VELIM PROPITIOS. Erat
& alia quādam formula solemnīs qua per Iouem &
simul etiam per salutem suam iurabatur, verbis ad hūc
modum conceptis, *SI SCIENS FALLO, TVM
ME IVPITER OPT. MAXIM. DOMVM, FA-
MILIAM, REMQVE MEAM PESSIMO LE-
THO AFFICIAS.* Eamque iurisiurandi antiquam
formulam recenset Liuius libro vigesimo secundo.

AD §. IN RE OBSCVRA.

*In re obscura melius est fauere repetitioni, quàm ad-
uentitio lucro,*

PLVTARCHVS auctor est *M. Lucillum aduersus
fœneratorum auaritiā & voracitatē ea forma urbibus
Achaia bello atritis succurisse, vt supra duplum nihil solui
permiserit, debitoresque absoluerit, qui tantundem usura no-
mine soluissent, quantum fors ipsa esset. Quod quidem Lu-
culli institutum adeò Romanis placuit, vt tandem &
illi quoque definierint supra duplum vsuras, & vsura-
rum vsuras nec in stipulationem deduci, nec exigi li-
cere, solutasque repeti posse, quemadmodum ad edi-
ctum libro 26. expressè testatus est Vlpianus, capite
26. §. 1. de condict. indeb. Eoque videtur etiam Taci-
tus respexisse Annalium libro quinto. Ait enim Tibe-
rius Casarem disposito per menses millies sestertio mutuandi
copiam sine vsuris per triennium fecisse, si debitor populo in
duplum prœdiis cauisset: satis demonstrans vsurarum legi-
timum*

timum modum etiam imperante Tiberio duplum
 non excessisse; Soletque ad duplum excrescere sortis
 modus, non quidem triennio, sed singulis duobus
 lustris. Sic enim libro quarto Epistolarum scripsit Si-
 donius Apollinaris; *Vt chirographo facto docetur, cautissima*
centesima est fœneratori, quæ per bilustre perducta tempus
modum sortis ad duplum adduxit. Addiditque eodem
 loco Sidonius *ad duplum adducta sorte reformari debi-*
tum consuevisse. Quo sensu legitimum vsurarum modum
 idem Vlpianus & Paulus accepisse videntur, capite 11.
 §. 2. de pignor. act. capite 44. de vsur. Et hæc quidem
 adeò vera sunt, vt scripserit etiam Vlpianus, *si ante sortem*
fuerit soluta, vsuras vsurarum quasi indebitam sortem re-
peti solere, sique una cum sorte ipsa, soluta essent vsurarum
usura, dici posse, & tunc etiam conditionem locum habere,
 d. capite 26. in princ. In re enim obscura melius esse
 fauere repetitioni quam aduentitio lucro; hoc est, vtilius
 esse vsurarum vsuras tanquam indebitas condici,
 quam aduentitio illi lucro fauere, quod ex vsurarum
 vsuris non repetitis contra ius & æquum obueniret
 fœneratoribus. Et ita ad edictum scripsit Vlpianus
 libro 26. dixitque *aduentitium lucrum eo sensu, quo*
pecuniam aduentitiam pro pecunia fœnebre, & ea quæ
 † *ex vectigalibus cogitur, accepisse videtur* Cicero, *licet*
 pro Rabirio Posthumo scribens; *Atque eo magis si ad-*
uentitia pecunia petitur ab eo, cui sua non redditur. Sen-
 sus enim est; si vsuræ perceptæ C. Rabirio extorquen-
 tur, cui fors ab Alexandrino rege nunquam fuit per-
 soluta. Pecuniam quæ cogitur ex vectigalibus, etiam
 † dici aduentitiam, euidenter docuit idem Cicero, *licet*
 ad Atticum scribens Epist. libro primo. *Vnam ratio-*
nem non reiecibam, ut ager hac aduentitia pecunia emen-
deretur, quæ ex nouis vectigalibus per quinquennium re-
peretur.

XLII. CAIVS LIB. IX. AD
EDICTVM PROVINCIALE.

Qui in alterius locum succedunt, iustam habent causam ignorantie an id quod peteretur, deberetur. Fideiussores quoque non minus quàm heredes iustam ignorantiam possunt allegare.

CAIVS ad edictum prouinciale libro 9. de naturali interitu rei depositæ differens ait, siue cum ipso apud quem res deposita est actum fuerit, siue cum herede, eius & sua natura res ante rem iudicatam inciderit, veluti si homo mortuus fuerit, Sabinum & Cassium respondisse, absolui debere eum cum quo actum est; æquum enim esse naturalem interitum ad actorem pertinere, cap. 14. §. 1. depositi. Eodem loco videtur idem Caius addidisse ex causa depositi alio modo cum ipso depositario agi, alio item cum eius heredibus; cum depositario quidem actione depositi directæ, frequenter in duplum; cum eius verò heredibus, aut ad id quod depositum est exhibendum, & sic in simplum; aut condictione, cap. 1. de priuat. depositi, capite 67. in princ. de furt. cap. 1. §. 1. depositi. De depositariis damnatus depositi infamis efficitur, cap. 1. de his qui not. infam. hæres verò etiam ex causa depositi damnatus nullam sustinet infamiæ notam. Differentiæ rationem hanc refert eodem libro 9. Caius, quod depositarius nullam allegare possit ignorantie causam iustam, cum contra eius hæres id facere possit. *Qui enim aliterius locum succedunt, iustam habent causam ignorantiam, an id quod petitur debeatur, quemadmodum hac regula auctor est Caius ex eius ad edictum prouinciale libro nono reperita.* Idque etiam illud est quod ait Prætor; eos infamia notari qui depositi suo nomine damnantur, d. c. 1. de his qui not. infamia. His enim verbis

suo nomine, hæredes excluduntur, qui non suo sed defuncti nomine ex causa depositi condemnationem sustinent. Nec mirum depositi suo nomine damnatum infamia notari. Sic enim in ea Declamatione cui titulus est *Hæredes de deposito*, scribit Quintilianus; Et inficiandi quidem depositam pecuniam manifesta ratio est cupiditatis lucri. Ex quo loco intelligi facile potest, inficiatorem depositi à fure aut prædone aliisque infamibus personis non longè habitum dissimilem fuisse. Est enim propè furtum, ut Celsus ait; depositi inficiatio cap. 67. in princ. de furt. Hinc & illud tractari video cur non æquè infamia notetur damnatus commodati aut mutui. Et dici quidem potest, id in mutuo morum non videri. Eum enim habebant Romani morem, ut pecunia aut sub pignoribus, aut accepto chirographo, semper mutua daretur; quemadmodum eleganter tradidit Sidonius Apollinaris, sic libro quarto Epist. scribens; Pecuniam pater tuus Turpio vir Tribunitius mutuam pridem, si recordaris, à maximo Palatino postulavit, impetrauitque, nihil quidem fiducia pignorisque vel argenti sequestrans, vel obligans prædiorum; sed ut chirographo facto docetur, cauta centesima est feneratori. Quibus consentaneum est illud Tertulliani de idololatria; Pecuniam de Ethnicis mutuantes, sub pignoribus fiduciati iurati cauent. Eoque videtur etiam Gaius respexisse, de eo differens qui sub pignoribus solebat mutuas pecunias accipere, cap. 12. de pignor. act. Hæc si vera sunt, consequens ergo est, in mutui causa nullum proferri relictum fuisse inficiationi locum, quæ quidem inficiatio sola in depositi iudicio ad infamiam commogandam sufficiens erat. Cur autem damnatus commodati etiam non fiat infamis, ea proferri ratio potest, quod is à quo petitur aliquid commodato, instrumendo sibi, pignore, aut testibus, possit de securitate prospicere.

DE DIVERSIS REGVLIS IVRIS. 213
prospicere, sique id non fecerit ex commodati inficiatione sua culpa, hoc est, magna negligentia damnum sentit. Aliud est in deposito; siquidem depositi causæ tam sunt interdum subitanæ & necessariæ, ut aut ad scribendum aliquod chirographum, aut ad testium euocationem nulla superesse temporis commoditas videatur, capite 1. §. 1. depos. Et tunc quidem non hominibus sed Diis testibus sic deponi solet, ut qui depositum huiusmodi inficiaretur, is omni exitio, omnique infamia dignus iure optimo censeretur. Quamquam modo laudavi declamatione, Cum quidem aliquis dicit; Deposui apud te, scis ipse; quid aliud videtur aduocare quam Deos testes.

AD §. HÆC ITA.

Hæc ita de hærede dicta sunt, si cum eo agatur: non etiam si agat. Nam planè qui agit certus esse debet, cum sit in potestate eius, quando velit experiri: & ante debet rem diligenter explorare, & tunc ad agendum procedere.

AVCTOR ad Herennium lib. 1. scribit eum causa cadere qui non quemadmodum oportet egerit. Admonemus etiam suo loco Quintilianum in quadam declamatione scriptum reliquisse, eum qui egerit aliter quam oportuerit agere, tunc excidisse formula, cum ostenditur ius aliud quo agendum sit. Est & Iulius Paulus auctor sentent. lib. 1. tit. de plus peten. causa veteres cecidisse aut loco, aut summa, aut tempore, aut qualitate; quod ipsum à Iustiniانو quoque traditum est, §. Si quis agens. Instit. de act. Eoque etiam illud accedit, quod Quintilianus Instit. orator. lib. 3. c. §. ad hunc modum scribit; Neque ignoro multa transferri, cum in omnibus ferè causis quibus cecidisse quis formula dicitur, hæ sunt questiones,

stiones, in hoc, an cum hoc, an hac lege, an apud hunc, an hoc tempore liceat agere, & si que sunt talia. Quibus si addideris pœnam temerè litigantium, omnino perspicuum erit quid hoc loco sibi voluerit Caius. Temerè autem litigare dicebatur actor qui nullum litigij ritulum, siue iustam causam proferre poterat. Et erant quidem olim causæ iustæ expensæ latio, mensæ ratio, chirographi exhibitio, tabularum obligatio, testium intercessio, ex quibus si nullam repentinam pecuniam deberi probaretur, dimitti reum oportebat, auctoremque de calumnia in decimam litis partem condemnari, auctore Gellio libro 14. cap. 2. & Iustiniano, §. Hæc autem. Instit. de pœn. tem. litig. Hæc si vera sunt, non est igitur mirum hæredem agere volentem certum esse debuisse an id quod petiturus esset, deberetur; & ante diligenter eum explorare etiam consuevisse rem totam, & sic ad agendum procedere, ne si temerè litigaret, damnaretur in decimam partem litis, si plus peteret, aut alio iure quàm quo utendum foret, usus esset, excidens formula integram causam perderet. Quæ quidem pericula actor euitare commodissimè potuit. Erat enim in eius potestate quando veller experiri, eique nihil temporis deerat ad deliberandum.

XLIII. VLPPIANVS LIB. XXVIII.

AD EDICTVM.

Nemo ex his qui negant se debere, prohibetur etiam alia defensione uti, nisi lex impendit.

CERTVM est libro ad edictum vigesimo octavo ex quo hæc regula desumpta est de actione institoria. Vlpianum accuratissimè differentem de minore viginti quinque annis in medium quædam attulisse. At enim; Si minor viginti quinque annis puerum puellamve taberna sue proposuerit, & institoria conueniatur, auxilio

etatis eum usurum, non sine causa cognitione, cap. II. in princ. de instit. actione. Nec ei necesse est uti alia defensione, quia Lex Latoria, quo minus id fieri necessum sit, impedire videtur. Nemo enim ex his qui negant se debere, alia uti defensione prohibetur, nisi lex aliqua impediatur. Nam si legis beneficio satis esse minor viginti quinque annis soleat tutus, certè & eadem lex etiam videtur non quidem prohibere, sed impedire quò minus aliis uti defensionibus minori necessum sit, ad quas defensiones iis confugere prohibitum non est quorum ætati aut errori nulla lex patrocinetur, cap. 5. & cap. 8. de except. Sanè Latoria lege fuisse olim minori contrahere prohibitum, ex Suetonio constat. Ait enim Priscianus, Suetonium libro quarto Prætorum passuè stipulandi verbum sic protulisse; Latoria quæ vetat minorem viginti quinque annis stipulari. Eoque sensu scripsit etiam libro tertio de Offic. Cicero, lege Latoria vindicatam fuisse iuvenum circumscriptionem.

AD §. QVOTIES.

Quoties concurrunt plures actiones eiusdem rei nomine, una quis experiri debet.

Ad edictum libro vigesimo octavo, cui & hæc quoque regula tribuitur, de institoria actione Prætoris edictum interpretans Vlpianus, ait; si libitinarius servum habuerit pollinctorem, isque mortuum spolianerit, dandam in eum quasi institoriam actionem, quamvis & furti & iniuriarum actio competere, cap. 5. §. 1. de instit. act. Si que actum fuerit quasi institoria, non poterit aut furti agi, aut iniuriarum. Nam quoties concurrunt plures actiones unius eiusdemque rei nomine, una quis experiri debet, capite 25. §. 4. locati. Intelliguntur enim reliquæ omnes ita consumptæ, ut amplius iis, aut per exceptionem, aut

216 IAC. RÆVARD. TOM. I. COMM.
ipso iure locus non sit, c. 14. de rei vind. c. 13. in prin. de
inst. actione, c. 34. §. 1. de oblig. & act. Et id quidem hac
ratione fieri solet, vt actiones omnes simul eiusdem
rei nomine concurrentes apud Prætorem ab actore
vno contextu proponerentur propositaque actori po-
stulanti decernerentur; & simul atque ad datum iudi-
cium lis esset translata, vnam eligeret actor, eaque ele-
cta, ceteræ officio iudicis omitterentur, d. §. c. 3. in fin.
Nautæ, caupones. Rectè addidit Vlpianus *eiusdem rei*
nomine, hac enim ratione fit, vt actio pro socio con-
currentes cum actione communi diuidendo, non con-
sumatur per communi diuidendo actionem; siquidem
iudicium pro socio & nominum habet rationem, &
adiudicationem non admittit, cap. 43. Pro socio. Hinc
etiam est quòd furti actione cum actione bonæ fidei
concurrente altera alteram non consumat, c. 45. d. tit.
Nam actio bonæ fidei ad rei restitutionem respicit,
furti autem iudicium ad pœnam, cap. 50. d. tit. Quod
ipsum etiam semper verum est, quoties plura delicta
simul concurrunt, c. 2. de priuat. delict. c. 130. hoc tit.

XLIV. VLPIANVS LIB. XXIX.

AD EDICTVM.

*Totiens in heredem damus de eo quod ad eum pertu-
nit, quotiens ex delicto defuncti conuenitur, non quotiens
ex suo.*

EDICTVM Prætoris de tributoria actione inter-
pretatus est ad edictum lib. vigesimo nono Vlpianus.
Ad eam actionem hoc ordine procedi solet. Si seruus
peculiari merce negotiaretur, sciente & non contra-
dicente domino, eoque nomine pluribus creditoribus
esset obligatus, creditores Prætorem adibant, &
Prætor serui dominum cogebat id omne quod in mer-
cibus

cibus erat, quodque eo nomine fuerat receptum, in medium proferre, vt inter ipsum dominum si quid ei deberetur, & creditores ceteros distributio rata fieret, auctore Theophilo & Caio, c. pen. de tribut. act. Si dominus tribuendi molestiam peculio vel mercibus cedere paratus suscipere non vellet, Pedius refert eum audiri solere, & plerumque arbitrum in hanc rem à Prætorè dari consueuisse, cuius interuentu merces peculiare inter creditores tribuebantur, c. 7. in princ. de tribut. act. Ceterum si ipse dominus mercium auctore Prætorè suscepisset distributionem, easque distribuens aliquas suppressisset, nec omnes protulisset in medium, aut si in distribuendo pretio mercis, edicto Prætoris non satisfecisset, maiorem partem debiti sui deducens quam tribuerat creditoribus, aduersus dominum creditoribus dabatur actio tributoria, per quam cogeatur dominus quicquid mercium dolo occultauerat, aut sibi tribuerat mala fide in medium adferre, & distribuere, auctore Iustiniàno eiusque interprete Theophilo, §. Introduxit, Instit. quod cum eo qui in aliena potest. & Iuliano, cap. ult. de tribut. act. Idque verissimum esse ex eo patet etiam euidentissimè, quod scripserit Sabinus, *tributoria actione pupillum ex dolo tutoris conueniendum, si tutor per iniquam distributionem pupilli rationibus fauit*, cap. 3. quando ex fac. tutor. Hinc tractatum fuit, si negotiatori seruo antequam facta esset aliqua inter creditores distributio, an hæres tributoria debeat teneri. Et teneri quidem eum negat Labeo, quia neque ad hæredem quicquam peruenit, cuius nomine ex dolo defuncti posset conueniri, neque hæres quicquam fecit quo teneri posset ex suo dolo, si modo (vt ait Pomponius) *caueri sibi à seruo de intributione diligenter curaret hæres, aut id omne à*

serui peculio deduceret quod creditoribus erat tribuendum
 sique id non fecisset, tenebatur hæres tributoria, non
 quidem ex defuncti, sed ex suo dolo. Auctor enim do-
 li est hæres qui id egit sciens prudens ne debita iustā-
 que fieret intributio, eaque de causa tributoria ex suo
 dolo conueniendus, etiam si ex eare ad eum nihil per-
 uenerit. Toties enim dari in hæredem solet actio de
 eo quod ad eum peruenit, quoties ex dolo defuncti
 conuenitur, non quoties ex suo, cap. 9. de tribut. act. Et
 ita libro vigesimo nono ad edictum scripsit Vlpianus
 his verbis, *in hæredem damus*, eadem prorsus ratione
 vsus qua cum hæredibus contrahere admonuimus
 eundem Vlpianum scripsisse, cap. 19. hoc titulo.

XLV. GAIUS LIB. X. AD
 EDICTVM PROVINCIALE.

*Neque pignus, neque depositum, neque precarium, neque
 emptio, neque locatio rei sua consistere potest.*

PAVLVS auctor est non posse pignus perseverare do-
 mino constituto creditore, cap. penul. in fine de excepti rei
 iudicata. Et idcirco si rem alienam mihi bona fide pi-
 gnori dederis, deinde me dominus hæredem institue-
 rit, definit pignus esse, c. 29. de pigner. act. Est & Try-
 phoninus auctor rei propria depositionem nō valere, c. 30.
 in fine, depos. Vlpianus etiam scribit non posse consistere
 precarium rei suæ, si modò exceperis rem datam pignori.
 Tunc enim pœnes pignoratitium creditorem rei pignorate
 possessio est, nec prohibetur eandem possessionem debitori cre-
 ditor precario concedere, capitulo sexto in fine, de pre-
 cario. Eoque sensu scripsit Florentinus posse & preca-
 rio & pro conducto re sua debitorem vii, capite trigesimo
 quinto in fine de pign. act. Emptionem quoque suæ
 rei non valere, præter Vlpianum Pomponius ac Dio-
 cletianus

Ulpianus auctores sunt, cap. 16. de contrah. emptio. cap. 4. C. de contrah. empt. Et denique inefficacem etiam esse rei propriae locationem, ab eodem Diocletiano rescriptum est, cap. 20. C. de loc. & cond. Cur autem neque pignus neque precarium neque emptio & sic deinceps, rei suae consistere possit, elegans est à Seneca ratio prodita. Sic enim de beneficiis libro quinto scribit; Nunquid non demens videbitur qui aliquid vendisse sibi se dicet? quia venditio alienatio est, & rei suae, iurisque sui in alium translatio. Atqui quemadmodum vendere, sic dare aliquid à se dimittere est, & id quod habueris habendum alteri tradere. Quod si est beneficium, nemo sibi dedit. Duo contraria in vno coeunt, ut idem sit dare & accipere. Et paulò post; Frater sum alterius. Nemo enim est suus frater. Par sum sed alicui. Quis enim est par sibi? Quod comparatur sine altero non intelligitur, quod iungitur sine altero non est; sic & quod datur sine altero non est, & beneficium sine altero non est. Idem Seneca sic de beneficiis libro septimo scribit; Dicunt, nemo rem suam emit, omnia autem sapientis sunt, ergo sapiens nihil emit, sic vetant & mutuum sumere, quia nemo usuram pro pecunia sua pendit.

AD §. PRIVATORVM.

Priuatorum conuentio iuri publico non derogat.

PRÆTORIS edictum de deposito interpretans Ulpianus libro ad edictum trigesimo ait, si conuenerit non esse prestandum dolum malum, conuentionem hanc contra bonam fidem, contraque bonos mores esse, & per consequens iuri publico videri derogare, atque ideo nec sequendam esse, cap. 2. C. Hermog. de pactis & transact. c. 3. C. Greg. de pactis & transact. Priuatorum enim conuentio iuri publico derogare non potest, cap. 1. §. 5. de pos.

Certum

Certum est vt leges sic etiam mores inter alias iuris publici species numerari, cap. 31. & 32. de legibus cap. 2. de vulg. & pupil. substit. Id quod à Quintiliano etiam traditum est, lib. 5. cap. 10. Pro certis enim haberi scribens Quintilianus quæ legibus cauta sunt, quæ persuasione eius ciuitatis aut gentis in qua res agitur, in mores recepta sunt, hæc verba subiecit; *Pleraque in iure non legibus sed moribus constant. Et idcirco quod contra mores bonos attentatur, id ipsum ad publicis derogationem tendere videtur. Mores enim iuris publici species sunt, multoque magis boni mores. Vt igitur iuri publico, sic & bonis moribus conuentio priuatorum non derogat; hoc est, iuri ciuili, cap. 27. §. 3. cap. 28. in principio, & cap. 38. de pactis, cap. 23. & cap. 27. hoc titulo. Eoque sensu ius publicum accepit Lactantius lib. 6. cap. 23. cum ait; Non enim, sicut iuris publici ratio est, sola mulier adultera est.*

X L V I. G A I V S L I B. X. A D

E D I C T V M P R O V I N C I A L E.

Quod à quoquo pœna nomine exactum est, id eidem restituere nemo cogitur.

PAPINIANVS ait, si debitor pignus surripuit quod actione furti soluit, nullo modo recipit, c. 79. de furt. Hanc Papiniani sententiam laudat Vlpianus, & sic interpretatur, vt quod ipse debitor furti actione prestatit creditori, debito imputari non debeat, cap. 22. circa princip. de pign. act. c. 19. §. fin. de furt. Qua de re videtur etiam Caius ad edictum prouinciale lib. 10. scripsisse, id ipsum ad locatorem rei locatæ furem referens, quod Papinianus & Vlpianus de eo debitore scripserunt qui pignus abstulerat furto. Ait enim Caius, cum qui rem conduxit, non cogi restituere id, quod rei nomine actione furti consecutus

DE DIVERSIS REGVLIS IVRIS. 221
consecutus est, cap. 6. locati, videlicet ab ipso locatore, cap. 15. §. 1. cap. 59. & cap. 61. §. 5. de furt. Huiusmodi enim interpretationem omnino requirit ratio illa; quam eodem loco subiecit his verbis Gaius; Quod enim à quoquam pœna nomine exactum est, id eidem restituere nemo cogitur. Idque eo etiam videri potest verisimilius, quod ad pœnam referri soleat iudicium furti, cap. 50. Pro soc. Huc spectat illud Senecæ de benefic. lib. 7. Nec conductum meum. quanquam sis dominus, intrabis; nec seruum tuum, mercenarium meum, abduces. Quasi dicat Seneca, si seruum quem certa mercede à te conduxisti, inuito & nescio me abduxeris, dubium non esse, quin furtum committas, cap. 28. Rer. amot. Nec mirum si verum est quod ad hunc modum pro Cecinna Cicero scribit, Si seruus tuus nullus fuerit, & omnes alie-† ni ac mercenarii; tamen & ipsi tue familia & genere & nomine continebuntur; quod ipsum Vlpianus quoque videtur adnotasse, capitulo quinto §. sexto. Quod vi aut clam.

XLVII. VLP IANVS LIB. XXX.
AD E D I C T V M.

Consilij non fraudulentæ nulla obligatio est. Caterum si dolus & calliditas intercessit, de dolo actio competit. Socij mei socius, meus socius non est.

H V I V S capitis inscriptio mendosa est. Nam pro libro trigesimo legendum est, libro trigesimo primo. Siquidem ex eo libro partem huius capitis posteriorem desumptam esse, *ἐκ τῆς αὐτῆς* cap. 20. pro soc. euidenter demonstrat. Videtur apud Romanos certum quoddam hominū genus fuisse, qui nominis faciendi causa in consilium à priuatis ciuibus aduocabantur, cap. 42. mand. Idque Senecam arbitror sibi voluisse, cum sic libro

222 IAC. RÆVARD. TOM. I. COMM.
 libro primo de benefic. scriberet; *Nomina facturi diligenter in patrimonium & vasa debitoris inquirimus. Huiusmodi homines appellari solent proxenetæ; & emptionibus, venditionibus, commerciis, contractibus quod licitis vtilis se præbebant, c. 2. & cap. 3. de proxenet. De quibus scripsit ad hunc modum idem Seneca Epistol. libro vigesimo primo; *Æs alienum facias oportet; sed malo per intercessores mutueris, nolo proxenetæ nomen tuum iactent. Vlpianus auctor est, proxetas monstrare magis nomen quam mandare, quamvis laudent; hoc est, ut Seneca loquitur, quamvis æs alienum facere vult, iactent nomen. Et idcirco nec mandati nec ex locato conducto eos; etiamsi aliquid philanthropij nomine acceperint, conveniri posse, nisi dolo circumvenerint creditorem; nam tunc de dolo tenentur, capitulo secundo de proxen. nisi etiam ijs mandatum esset, ut excuterent vires futuri debitoris, d. cap. 42. Et ita ad edictum libro vigesimo primo scripsit Vlpianus, hanc rationem eodem loco subiiciens; *Consilij enim non fraudulentis nulla obligatio est. Caterum si dolus vel calliditas intercesserit, de dolo actio competit, cap. 7. §. 5. de dolo.***

XLVIII. PAVLVS LIB. XXXV.
 AD EDICTVM.

Quidquid in calore iracundie vel fit vel dicitur, non prius ratum est quam si perseverantia apparuit iudicium animi fuisse. Ideoque brevi reuersa vox nec diuertisse videtur.

LIBRO ad edictum 35. scripsit Paulus de diuortijs; & cum dixisset diuortium non esse nisi quod animo perpetuam constituendi dissensionem fit, hæc verba subiicit; *Itaque quicquid in calore iracundie vel fit, vel dicitur,*

non prius ratum est, quàm si perseverantia apparuit indicium animi fuisse; ideoque brevi reuersa vxor, nec diuertisse videtur, c. 3. de diuort. Quo in loco ausim dicere hæc verba, per calorem misso repudio, quæ rectè in hac regula non exprimuntur, Triboniani esse non Pauli. Potuit enim vxor & iurgij causa discessisse, & rursus brevi domum redijisse, etiam nullo per calorem repudio misso. Certum est moris olim fuisse, vt quoties grauius ali- quod inter virum & vxorem iurgium inciderat, à viro discederet ad amicos vxor. Hunc enim morem præter Plautum in Menechmis & Amphitruone, tradidit expressè Papinian. c. 31. de iure dot. c. 27. de pact. dotal. & Paulus, c. 57. de donat. inter vir. & vxor. Eoque etiam spectare videtur quod Seneca de remediis fortuitorum differens, ad hunc modum scribit; *Nonimus veterum matrimoniorum repudia, & fœdiores diuortio male coherentium rixas; quam multa quos in adolescentia amauerunt, in cõmuni relinquere senectute? quoties anile diuortium risimus?* Nec aliò referendum videtur quod Gellius lib. 17. c. 6. ait, *Catonem in suasionem legis Voconie sic scripsisse, Principio mulier nobis magnam dotem attulit, tum magnam pecuniam recepit, quam in viri potestate non committit; eam pecuniam mutuam dat viro, postea ubi irata facta est seruum receptitum sectari, atque flagitare virum iubet.* Sensus enim est, vxorem iratam & ob iurgium à marito discedentem peculium suum quod viro mutuum dederat, per peculiarem seruum à viro repetere, & antecessentem dominam seruum illum cum peculio sectari. Atque ita sectari verbum apud Catonem esse accipiendum omnino videtur. Vt enim sine sectatore appellari nullus antecessor. potest, sic nec si alio antecessore sectator est, qua de re scripsimus alio loco latius. Obseruari etiam solet, vt vxor & maritus ob iurgium quod inter eos sine diuortio intercesserat,

cum amicis in sacellum deæ Viriplacæ, quod erat Romæ in palatio, venirent, ibique inuicem loquuti quæ voluerant, contentione ob quam discessio facta erat, animorum deposita, concordēs reuenterentur, quemadmodum auctor est Valerius libro 2. adiiciens Deam nomen hoc à viris placandis affectam esse, quotidiana ac domestica pacis custodem, atque ob id præcipuis exquisitisque sacrificiis colendam. Et huiusmodi quidem vxoris discessio appellari à Iurisconsultis *frigusculum*, aut fortè rectius (vt emendauit ex veteribus libris Haloander) *frigusculum* solet, certè quod vxoris discessu frigeat maritalis affectio, frigeat rei familiaris cura, frigeant denique mariti & vxoris officia donec tandem beneficio Deæ Viriplacæ (vt erat olim opinio) concordēs domum reuenterentur. Eoque referendum est quod de *frigusculo* Vlpianus, quoque de *reconciliatione* Marcellus, scripsit, c. 32. §. 8. de donat. int. virum & vxor. c. 33. de rit. nupt. Nec alio sensu scripsit hac regula Paulus *brevi reuerfam uxorem diuertisse non videri*. Dicebaturque *frigusculum* ea ratione, qua non leue interrogantis *frigus* dixit Quintilianus de eo qui probè testium interrogationibus nequit fungi, differens lib. 5. cap. 7.

XLIX. VLP IANVS LIB. XXXV.

AD SABINVM.

Alterius circumuentio alij non præbet actionem.

CERTVM est lib. ad edictum 35. de tutelis tractasse Vlpianum, ex quo libro desumpta est hæc regula; quam ad tractatum tutelarum referendam esse hinc perspicuum est, quod eo lib. scripserit Vlpianus, rei pupillaris à tutoribus distracta, quam lex distrahi non prohibet, venditionem valere, etiamsi grandi damno circumscripti tutores pupillum affecerint; sed distractionem illam

DE DIVERSIS REGVLIS IVRIS. 225
reiper in integrum restitutionem reuocandam esse, capite
49. *de minoribus. Eoque spectare videtur quod satyra*
15. *Iuuenalis de humana natura differens, ita scribit;*
Plorare ergo iubet causam lugentis amici,
Squaloremque rei, pupillum ad iura vocantem
Circumscriptorem. —

Nec erat cur aduersus tutores pupillo daretur aliquod
iudicium. Bona enim fide negotium pupillare geren-
tes fuerant circumscripti, id quod diligentissimo cui-
uis patrifamilias interdum contingere solet; qua sola
de causa æquum fuisse non videtur, vt ea circumscri-
ptio aliquam pupillo aduersus tutores suos præberet
actionem. *Alterius enim circumuentio alij non præbet*
actionem. Atque ita ex eo quod tutores negotium pu-
pillare bona fide gerentes fuerant circumscripti, nulla
pupillo solet aduersus tutores actio tribui; sed potius
aduersus circumscriptorem.

L. PAVLVS LIB. XXXIX. *NOTA*
AD EDICTVM.

Culpa caret qui scit, sed prohibere non potest.

SVMPTA est hæc regula ex Pauli lib. ad edictum
39. ex quo lib. desumptum etiam est. cap. 9. de nox.
act. In eo capite de familia communi agitur, quæ altero
dominorum sciente furtum fecit. Et quia cum qui sciuit fie-
ri furtum, & cum prohibere potuisset non prohibuit, nomi-
ne totius familiae teneri, nec à socio quidquam consequi de-
bere scribit Paulus, certè dubium non videtur quin
hanc addiderit eodem loco rationem; *Culpa enim ca-*
ret qui scit, sed prohibere non potest; & sic in effectu con-
tenderit ideo dominum, quo sciente commissum est
furtum, familiae totius nomine teneri, quia culpa non
caret, & ideo culpa eum non carere, quia sciens fur-
tum

226 IAC. RÆVARD. TOM. I. COMM.
tum fieri non prohibuit, cùm facilitè poterat prohibere. Siquidem is demum culpa caret, qui scit quidem, sed prohibere non potest.

L I. G A I V S L I B. X V. A D
E D I C T V M P R O V I N C I A L E.

Non videtur quisquam id capere, quod ei necesse est, alteri restituere.

MARCELLVS ait, eum qui legatum perceperit non rectè de inofficioso testamento dicturum, nisi id totum alij ad-
ministravit; c. 10. de inoffic. test. Certum etiam est ex edi-
cto Pretoris si testamento facto sic moriatur libertus, ut aut
nihil, aut minus quàm partem dimidiam bonorum patrono
relinquat, contra tabulas testamenti partis dimidia bonorum
possessionem patrono dari, auctore in fragmentis Vlpia-
no tit. 29. & Iustiniano §. 1. de success. libert. Eoque
sensu testamentum patrono deberi in ea declamatio-
ne scripsit Quintilianus, cui titulus est *Ania testis*. Et id
Huic (inquit) debeo munus, operas, testamentum. Et id
quidem observari solet, si modò patronus secundum
voluntatem mortui liberti hæreditatem non adiisset,
legatumve non percepisset. Nam si tale quid fecisset
patronus, ad contra tabulas bonorum possessionem
admitti non poterat, cap. 6. in fin. de bon. libert. Absur-
dum enim videbatur licere eidem partim comprobare indi-
cium defuncti, partim evertere, idque ad edictum pro-
vinciale libro 15. testatur expressè Caius capite 7. d.
tit. omnino demonstrans patronum secundum liber-
ti voluntatem hæreditatem adeuntem aut percipien-
tem legatum renunciare iuri suo, nisi id totum alij ad-
ministraverit, d. c. 10. in fine. Nam tunc percepisse le-
gatum non videtur. Non enim videtur quisquam id
capere siue percipere quod ei necessum est alij resti-
tuere,

DE DIVERSIS REGVLIS IVRIS. 227
tuere, cap. 71. de verb. sign. Atque ita quidem eodem
illo ad edictū prouinciale libro decimoquinto Caium
scripsisse, testis est huius regulæ vera sententia.

LII. VLPIANVS LIB. XLIV.

AD EDICTVM.

*Non defendere videtur non tantum qui latitat, sed &
is qui præsens negat se defendere, aut non vult suscipere
actionem.*

DE eo quod in fraudem patroni à liberto factum
est, & de actione Fabiana tractauit ad edictum libro
44. Vlpianus, cap. 1. Si quid in fraud. patr. Diciturque
actio Fabiana per quam quæ in fraudem patroni sunt alie-
nata patrono liberisve eius renocantur, cap. 39. §. 3. de vsur.
cap. 16. §. 1. de iur. patron. Hinc cum dubitaretur, quæ-
dem lib. Vlpianus inter alia quæ in fraudem alienantur
id quoque numerari, quod volens in lite vinci liberius, apud
Prætores confessus est, & cuius nomine condemnatus est
data opera, capite 1. §. 5. si quid in fraud. patr. Addidit-
namque se non defendere videri
aut non vult suscipere actionem, quemadmodum demon-
strat hæc Vlpiani regula ex eodem lib. 44. desumpta.
Huius etiam loci est eremodiciū, si litem data opẽ-
patroni sententiam fuerit passus, c. 7. §. fin. de minor.
cap. 13. in princ. Iudicatum solui. Soletque huiusmo-
di libertus eremodiciū contrahere aut tanquam actor,
aut tanquam reus, siquidem in eremodiciū tam reus
quàm actor olim incidebat, non vt Goueanus existi-
mat, actor solus, cap. 1. §. fin. autem reus. C. de iudiciis.

228 IAC. RÆVARD. TOM. I. COMM.
Id quod libellus quidam antiquissimus quem habeo;
his verbis liquidò demonstrat: *Est autem eremodicium*
ab alterutra parte desertum indicium.

LIII. PAVLVS LIB. XLII.

AD EDICTVM.

Cuius per errorem dati repetitio est, eius consulto dati donatio est.

PERTINET & hæc quoque regula ad actionem Fabianam. Donare in fraudem patroni nihil potest libertus, nec interest vtrum is cui donatur acceperit ipse, an verò alij iusserit dari id quod sibi donabatur. Repetitur enim reuocaturque donatio actione Fabiana, cap. 5. Si quid in fraud. patr. Et idcirco plurimum errat tam qui donat, quàm is cui donatur, si firmam esse persuaferint sibi, nec reuocari posse donationem à liberto in fraudem patroni factam; quæ quidem donatio omnino valeret, si non per errorem, sed consultò nec in fraudē patroni, nec inuito patrono eam fieri contigisset. *Cuius enim per errorem dati repetitio est, eius consulto dati donatio est.* Et ita Paulus scribit de actione Fabiana differens ad edictum libro 42. ex quo libro constat cum d. cap. 5. hanc regulam sumptam esse. Ideque per errorem non facti quidem, sed iuris in hac regula errorem intelliges.

LIV. VLPIANVS LIB. XLVI.

AD EDICTVM.

Nemo plus iuris ad alium transferre potest quàm ipse haberet.

FEMINÆ consideratione quadam generis gentisque civili propriam nullam ducebant familiam, sed in mariti familiam

miliam transgrediebantur, quemadmodum ex Antistio Labeone aliisque auctoribus demonstratum à nobis est Variorum libro 5. Diximus enim Labeonem sic scripsisse; Soror appellata est, quod quasi seorsum nascitur separaturque ab ea domo in qua nata est, & in aliam familiam transgreditur; eamque esse causam addidimus, cur feminae nec suos heredes, nec agnatos habere soleant. Hinc intelligimus quid sibi ad edictum libro 46. ex quo hæc regula sumpta est, voluerit Vlpianus cum scriberet mulierem familie sue & caput & finem esse, cap. 195. in fin. de verb. sign. Si enim femina nullam ducere familiam propriam potuerint, hoc est, si familie suæ duces & principes esse non soleant, certè omnino necessarium etiam est, mulierem eius familie in qua nata est, & caput esse, hoc est, principium, & finem. Siquidem liberi ex ea legitimè procreati patris sui, non matris familiam sequuntur, familieque paternæ nomen ferunt, non maternæ. Et cur id ita soleat observari ea potest adferri ratio, quod ad fœminam transire non consueverit ius agnationis, ex quo iure omnis constat familie propagatio; quodque præter nudum ius sanguinis siue cognationis, nihil ex sua familia ad liberos transferat mater; siquidem ius agnationis transferre nequit, cum illud non habeat; Nemo enim plus iuris ad alium transferre potest, quàm ipse habet. Et ita lib. 46. scripsit Vlpianus. Quibus addi poterit, nullam fœminam aut habere suos heredes, aut desinere habere propter capitis diminutionem, idque Caium scripsisse, cap. 13. de suis & legit. Suos heredes non habet fœmina, tum quod familiam nullam ducat propriam, tum etiam quod mulieres esse in perpetua tutela soleant, & idcirco nec liberos habeant in potestate, nec per consequens suos heredes. Si enim dicuntur, qui sunt in potestate. Si non habeat suos heredes fœmina, ergo nec desinit

habere propter capitis diminutionem. Fieri enim non potest ut aliquo modo id habere desinamus, quod nunquam habuimus. Idque eò referri debet, quòd *femina si in manum viri conuenissent, recederent à tutoris potestate, essentque capite diminute*, auctore in Topicis Cicerone, & eius interprete Boëtio; quòdque *per in minus conuentionem in manu essent mariti mancipiaque*, quemadmodum refert Gellius libro 18. cap. 6. Hinc quaesitum fuisse videtur, an mulier in manu existens mariti, habere desinat suos hæredes, & Caius respondisse eam suos hæredes non habere, nec per consequens desinere habere *propter capitis diminutionem*, hoc est, propter diminutionem, hoc est, propter conuentionem in manus, d. c. 13. Non enim potest quis desinere id habere, quod nunquam habuit, c. 208. hoc cit.

LV. GAIUS LIB. II. DE TESTAMENTIS ADEDICTVM VRBICVM.

Nullus videtur dolo facere qui suo iure utitur.

DE iis qui omiſſa testamenti causa ab intestato vel alio modo possident hæreditatem, quædam annotasse videtur Caius lib. 2. de testamentis ad edictum Prætoris vrbani, quemadmodum intelligi facillè potest in epigraphæ, cap. 14. & cap. 16. Si quis omiſſ. caus. testament. Qui omiſſa dolo malo testamenti causa ab intestato hæreditatem eiusve portiunculam vel minorem possidebant, iure prætorio perinde haberi solent, atque si ex testamento hæreditatem adiissent, c. 13. & cap. 18. d. tit. Hinc dubitatum fuit de filio hærede instituto, si legitima portione contentus esse, eamque ab intestato voluerit obtinere, an in edictum Prætoris incidat, quasi dolo malo causam omiserit testamenti. Et videtur quidem Caius eodem libro 2. scripsisse

DE DIVERSIS REGVLIS IVRIS. 231
scripsisse eum non incidere, siquidem suo iure utitur,
ac per hoc nec dolo quidquam facere videtur, c. 8. §. 6.
& §. 9. de inoffic. test. Nullus enim videtur dolo facere
qui suo iure utitur. Ea profectò ratione qua scripsit
idem Caius patrono qui ex asse heres institutus est ab inte-
stato hereditatē possidenti commodum patris debita saluum
esse, c. 19. Si quis omitt. caus. test. utitur enim suo iure.

LVI. GAIUS LIB. III. DE LEGATIS
AD EDICTVM VRBICVM.

Semper in dubiis benigniora preferenda sunt.

CAIVS lib. 3. de legatis ad edictum prætoris urba-
ni de usufructu differens, municipibus legato quasitum
fuisse ait, quousque in eo municipales tuendi essent. Nam si quis
eos perpetuò tueatur, nulla utilitas erit proprietatis, semper
abscedente usufructu. Et idcirco refert idem Caius centum
annos (is enim finis vitæ longissimus est) potius tuendos esse in
huiusmodi usufructu municipales, quam eum perpetuò reli-
ctum censerit; idq; in hac dubia questione tanquam benignius
receptum esse. Semper enim in dubiis benigniora preferenda
sunt, c. 8. de usufruct. leg. Festus auctor est, suprà Aquilo-
nis flatum habitantes idcirco Hyperboreos dictos esse, quod
humana vitæ modum excedant vivendo ultra centesimum
annum. Et sanè longævi hominis vitæ centum annos
tribui adeò verum est, ut scripserit etiam Arnobius ad-
versus Gentes libro 2. ultra centenos & videnos annos ho-
minis vitam produci non posse. Vultis, inquit, Latinus,
Faunus & Picus annis vixerint videnis atque centenis?
Ultra enim negatur posse hominis vitam produci, æstimatio
iusta & liquida est. Quibus etiam consentaneum est
quod Seruius Honoratus scribit, natura, fortuna, fato
humanam vitam contineri; nec ultra centum & viginti
annos solstitialis natura concessum esse.

LVII. GAIUS LIB. XVIII. AD

EDICTVM PROVINCIALE.

Bona fides non patitur, ut bis idem exigatur.

IN iis testamentis quibus instituuntur & substituantur hæredes, duæ intelliguntur diuersæ hereditates contineri, c. 2. §. 2. de hæredit. vel act. vend. Eaque sola ratione pupillares tabulæ in prudentum responsis tabulæ secundæ, hæredesque substituti secundi hæredes appellantur, c. 2. §. 2. de statulib. c. 1. Si cui plus, c. 2. §. 1. Testam. quemadmodum aperiantur. *Secundus heres dicitur*, inquit Boëtius, *qui heredi instituto substituitur*. Hinc intelligimus, quid sibi voluerit Caius, cum scriberet *in duplicibus testamentis eam solam substantiam spectari, quam pater cum moreretur habuerat*, capite 79. Ad legem Falcidiam. Sensus enim est, in iis testamentis quibus filius à patre hæres instituitur, eique instituto, alij rursus substituuntur hæredes, eam tantum ratione Falcidiæ substantiam spectari, quam pater cum moreretur habebat. Et ita libro ad edictum prouinciale decimo octauo scripsit Caius, hanc eodem loco subiiciens rationem; *Bona enim fides non patitur ut bis idem exigatur*. Quod utique fieret, si tam ex secunda quàm ex prima hereditate Falcidia detraberetur. Licet enim alia atque alia in duplicibus testamentis hereditas sit, vna tamen eademque substantia est, ex qua hæc duplex hereditas constat; indeque vulgò dici *in patris & filij tabulis vnā Falcidiam seruari*. testis est Papinianus, cap. 11. §. 5. Ad legem Falcid.

LVIII. VLPIANVS LIB. II.

DISPUTATIONVM.

Ex pœnalibus causis non selet in patrem de peculio actio dari.

VLPIANVS.

VLPIANVS lib.2. Disputationum de eo tractauit filiosfamilias qui se patremfamilias mentitus est, vt cum eo contraheretur: eumque in dolo esse ait; cap.6. quod cum eo. Et cum quaesitum esset qua ratione doli nomine posset hac specie filiosfamilias conueniri, scripsit eodem loco Vlpianus, eum in solidum conueniendum esse, nec in patrem qui, vt ait Sat. 16. Iuuenalis, omne peculij non tamen canstrensis regimen tenere solet, de peculio dandam actionem, ex pœnalibus enim causis non solere actionem de peculio in patrem dari, inter quas causas hanc mendacij franco. Id quod & D. Ambrosius etiam liquidò demonstrat, sic offic. lib. 3. capite decimo scribens; Nonne honestatis formulae sunt. DOLVM MALVM ABESSE eumque cuius dolus fuerit deprehensus dupli pœna obnoxium fore; Eodem disputationum lib. 2. de filiosfamilias tutore à Pratore dato differens etiam Vlpianus, patrem ait in solidum teneri, si tutelam agnouerit, & duntaxat de peculio si non agnouerit cap.7. de tutel. addiditque id ita accipiendum esse, vt filiosfamilias tutoris negligenter circa tutelam versati, non autem pupillum dolo malo fraudatis nomine potuerit de peculio pater conueniri; certè quod ex causis pœnalibus non soleat in patrem de peculio actio dari. Quarum appellatione iudicium tutelae contineri, ex eo constat, quod scripserit Tryphoninus tutelae iudicium ex duodecim tabulis in duplum competere, cap. 55. de administr. & peric. tut. Et idcirco filiosfam. tutelae iudicio ob dolum condemnatus, iudicium facere debebat, c. 35. de nox. act. sique per inopiam facere non posset, nec fideiussores daret, nec ei succurreret pater; in carcerem deduci solet, quemadmodum ex iis facile intelligi potest quæ lib.4. Variorum, cap. 18. scripsimus.

LIX. VLP IANVS LIB. III.

DISPUTATIONVM.

Heredem eiusdem potestatis iurisque esse, cuius fuit defunctus, constat.

VLP IANVS libro 3. Disputationum auctor est, si maritus expenderit ideo ex dote, ut à latronibus redimeret necessarias mulieri personas, vel ut mulier vinculis vindicaret de necessariis aliquem, reputari id ei quod expensum est, c. 21. Solut. matrim. Cur autem id reputetur, ratio obfcura non est; siquidem Lactantius libro sexto Diuinarum institutionum cap. 12. ad hunc modum scribit. *Qui bonum facit consanguineo vel proximo vel amico, aut nullam, aut certè non magnam laudem meretur, quia facere debet, sitque impius ac detestabilis, nisi fecerit id quod ab eo & natura ipsa & necessitudo exigit; & si facit, non tam gloria assequenda, quàm reprehensionis vitanda gratia facit.* Hæc Lactantius. Quibus etiam addi poterit quod sic De beneficiis lib. tertio Seneca scribit; *Sunt enim qui ita distinguunt quedam beneficia esse, quedam officia, quedam ministeria; beneficium esse, quod alienus datus alienus est, qui potuit sine reprehensione cessare; officium esse, filij, uxoris, & earum personarum quas necessitudo suscipiunt, & ferre opem iubet; ministerium esse serui.* Hæc cum ita sint, non est nunc obscurum quamnam in iure nostro personæ appellentur necessariae, d. cap. 21. cap. 1. In ius voca. ut eant. c. 2. §. vltim. quan. appell. sit. In quibus personis definiendis interpretes vehementer solliciti sunt, ignorantes sic ex Ælio Gallo Festum scripsisse; *Necessarii sunt, ut Gallus Ælius ait, qui aut cognati aut affines sunt, in quos necessaria officia conferuntur præter ceteros.* Et hanc quidem Ælij Galli definitionem vehementer confirmat libro 2. his verbis Valerius

Communium

Coniuium etiam solemne maiores instituerunt, idque characteristia appellabatur, cui præter cognatos & affines nemo interponebatur, ut si qua inter necessarias personas querela esset orta, apud sacra mensa & inter hilaritatem animorum, fautoribus concordia adhibitis tolleretur. Sanè quod in redemptionem necessariarum mulieri personarum ex eius dote expensum est, id marito reputari adeò vetero deberi rationem haberi eius quod ex dote in ipsum socerum expensum est; nec interesse virum pater cum filia, an verò post patris mortem filia sola de dote ageret. Si enim agente patre ratio huiusmodi reputationis haberi soleat, ergo & eo mortuo habebitur agente filia. Hæc eadem enim eiusdem potestatis iurisque esse, cuius fuit defunctus, constat; quemadmodum auctor est Disputationum lib. 3. Vlpianus, dicto cap. 21. Solut. matrim. cum hac regula coniuncto.

LX. VLP IANVS LIB. X.

DISPUTATIONVM.

Semper qui non prohibet pro se interuenire, mandare creditur. Sed & si quis ratum habuerit quod gestum est, obstringitur mandati actione.

NON solùm qui fideiubet intercedere siue interuenire dicitur, sed & qui pro alio res suas obligat, etiam interuenit cap. 7. §. 2. de minorib. multoque magis qui pro alio soluit. Quod ab ijs plerùmque fieri sollet, qui donationis causa interueniebant, c. 6. §. 2. Mandati. Si debitor pro suo creditore interueniens soluerit, uti aduersus creditorem compensatione poterit, si modò creditum tale sit quod admittit cõpensationem; sin aliter sui crediti habebit creditor petitionem, & creditum consequutus debitori negotiorum gestorum

236 IAC. RAVARD. TOM. I. COMM.
ex causa interuentionis agenti tenebitur satisfacere
cap. 2. de negot. gest. nec ad rem pertinebit si dixerit
creditor pro se sine mandato suo interuentum esse,
cap. 5. d. tit. Semper enim qui non prohibet pro se in-
teruenire, mandare creditur. Atque ita quidem Di-
sputationum libro decimo scripsit Vlpianus, quem-
admodum ex hac regula constat coniuncta cum c. 30.
de condict. indeb.

LXI. VLPIANVS LIB. III.

OPINIONVM.

*Domum suam rescire unicuique licet, dum non officii
inuito alteri, in quo ius non habet.*

SARTA tecta uti sint opera publica, publice locari so-
lent, inquit Sosipater lib. 2. Est etiam Festus auctor;
opera publica quæ locantur ut integra præstentur, sarta il-
la vocari; esse enim sarcire, integrum facere. Quo sensu
scripsit Macer in acceptum ferri non posse opus publicum
faciendum, frumentum publicandum, sarta tecta tuenda an-
tequam perfecta, probata, præstita lege erunt, cap. 7. §. 1. de
lege Iulian. repetund. Cura propria sartorum tectorum
exigendorum dari Romæ Censoribus consuevit; verum ea
tueri ac procurare, cum cæteris cum publicis, tum priuatis
operibus ædilium cura annua erat, Prætoresque nisi Senatus
decreuisset, ea de re minus laborabant, quemadmodum re-
fert Alconius Pedianus; facta interim nonnunquam re-
arbitro viro bono & intelligenti dubias sartorum
tectorum controuersias dirimendi ab iisdem magistratibus
potestate, cap. 7. §. 1. de usufr. cap. 18. de usu &
habitu. Et ita sartorum tectorum Romæ haberi à Cen-
soribus Ædilibusque cura solet, non Pediano solum,
sed Varrone etiam & Festo auctoribus; in prouinciis
verò hæc eadem cura Præsidum & Proconsulum
propria

propria fuisse videtur, cap. 7. de offi. Procons. At enim
 Opinionum lib. 3. Vlpianus, à Præsìde provinciae inspe-
 ctis ædificiis dominos eorum causa cognita reficere ea com-
 pellendos esse, cap. 7. de offic. Præsìd. dixitque Vlpianus,
 causa cognita quia domum suam reficere, eo inaudito
 qui contra refectionem dicere vult, etiam iubente
 Præsìde cuiquam non licet, id quod hac regula ex eo-
 dem Opinionum lib. 3. sumpta, expressè testatur Vl-
 pianus. Solet & illud observari, ut provinciae Præsìdes
 non compelleret solum dominos reficere ædificia, sed
 etiam aduersus detractantes competenti remedio de-
 formitati auxilium ferret, d. cap. 7. de offic. Præsìd.
 Quale fuerit competens illud remedium, ab iis igno-
 ratur, qui ad pignoris apprehensionem denuntiatio-
 nemque poenae arbitrantur remedium competens re-
 ferendum esse. Auctor est Iulius Capitolinus, curatores
 D. Marcum multis ciuitatibus, quo latius senatorias ten-
 deret dignitates, à Senatu dedisse; eosque curatores appella-
 tos fuisse Reipubl. curatores; & ad eorum officium spectasse, ut
 diruta domus extruerentur à dominis, testis est Iulius
 Paulus, cap. 46. de dam. infect. Ideoque si quas vide-
 rent ædes in ciuitatibus ruinosas, solent illi adire
 Præsìdem, & postulare ut deformitati auxilium ferret;
 tum Præsìdes euocari iubebat ædificij dominum, eique
 refectionem imperabat, & tandem aduersus detractan-
 tem decernebat Reipubl. curatori competens reme-
 dium. Eoque remedio impetrato ædificium ruinosum
 publico sumptu reficiebat curator Reipubl. & si do-
 minus post opus refectionem intra quatuor menses for-
 tem cum vsuris non persolueret, eius dominio priua-
 batur, & iure ædificium Reipubl. distrahebat, d. c. 46.
 Et hoc quidem illud competens remedium est quo
 deformitati auxilium ferebatur à D. Marco introdu-
 ctum, d. cap. 7. de offic. Præsìd. c. 52. §. 8. Pro soc. eadem
 fortassis

238 IAC. RÆVARD. TOM. I. COMM.
fortassis oratione qua ciuitatibus idem Imperator cu-
ratores dedit.

LXII. IULIANVS LIB. VI.
DIGESTOTRVM.

*Hæreditas nihil aliud est quàm successio in vniuersum
ius quod defunctus habuerit.*

D V B I V M non est, quin voluerint Iurisconsulti
aliud interdum hæreditatem esse, aliud item id quod
in hæreditate continetur. Sic enim scripsit de benefi-
cijs lib. 6. Seneca; *Iurisconsultorum iste acuta ineptia sunt,*
qui hæreditatem negant vscapi posse, sed ea quæ in hæredi-
tate sunt; tanquam quicquam aliud sit hæreditas, quàm ea
quæ in hæreditate sunt. Et id quidem adèò verum est,
vt scripserit etiam Iulianus libro sexto, Digesto-
rum, *si is qui pro hærede possidebat, vi fuerit deiectus, peti-*
ab eo hæreditatem posse quasi à iuris possessore; et quæ qui
deiecit, petitione hæreditatis etiam teneri, quia res hæredita-
rias pro possessore possidet, vt est apud Vlpianum cap. 16.
§. 2. de petit. hæred. Ex quo perspicuum satis est quid
codem libro voluerit Iulianus *hæreditatem, definiens*
successionem in vniuersum ius quod defunctus habuit. Vi-
detur enim scripsisse eo loco Iulianus hæredem etiam
vi deiectum conueniri potuisse, quasi iuris possessio-
rem; eaque ratione hæredem debitoris, id quod de-
functus pignori dederat, hæreditatem petendo conse-
qui etiam potuisse, eo nihil obstante quod rei pigno-
rata possessio penes creditorem esset. Hæreditatem
enim nihil aliud esse, quàm in vniuersum ius defuncti,
successionem, d. §. 2. & cap. 44. §. 1. de petit. hæred. At-
que ita quidem hæreditatem definiuit etiam Celsus,
capitulo vigesimo secundo de verbor. signific. Quo
sensu scripsit libro quinto cap. decimo *Quintilianus;*
aliam

DE DIVERSIS REGVLIS IVRIS. 239
*aliā esse conditionem heredis, aliā victoris, quia ad il-
lam ius, ad hunc res transeat.*

LXIII. IVLIANVS LIB. VII.

DECIMO DIGESTORVM.

*Qui sine dolo malo ad iudiciū prouocat, non videtur
moram facere.*

SCRIPSIT Digestorum libro decimo septimo
Iulianus de iure dotium, de donationibus inter virum
& uxorem, de mortis causa donationibus, eiusque de-
cimū octauus liber Digestorum ferè nihil aliud tra-
ctatum continet, quàm de diuortiis & de dotis repe-
titione. Ideoque caput decimū quartum tituli de
mortis causa donationibus, verisimile est lib. potius
decimo septimo, quàm decimo octauo Digesto-
rum Iuliani adscribendam esse, & cum hac regula
coniungendum. Illo enim capite de donationibus
agitur causa mortis, deque eo disseritur, cui mortis causa
fundus donatus est, in quem impensa necessaria vilesque fa-
cte sunt à possessore. Et ait quidem Iulianus donatarium
fundum dotalem vindicantem doli mali exceptione submo-
uendum, nisi pretium restituat impensarum; nec moram fa-
cere videri percussorem, si protinus vindicanti domino fun-
dum sine iudice non restituat. *Qui enim sine dolo malo ad
iudiciū prouocat, non videtur moram facere, siue is reus
fuerit, siue actor, cap. 14. de iud. Siquidem reus in exce-
ptione actor est, cap. 1. de except.*

LXIV. IVLIANVS LIB. XXIX.

DIGESTORVM.

*Ea quæ raro accidunt, non temerè in agendis negotiis
computantur.*

AVCTOR est lib. Digestorum 29. Iulianus, filium
sub ea conditione heredem institutum, quàm ultimo viti
restitutoris /

240 IAC. RÆVARD. TOM. I. COMM.
 testatoris tempore certum est existere non posse, si illa penden-
 te testator decesserit, non ex testamento, sed intestato patri
 heredem esse, c. 5. de hered. Inst. hanc eodem loco sub-
 iiciens rationem; Ea enim quæ rarò accidunt, non tem-
 rè in agendis negotiis computantur, multòque minus com-
 putari ea solent, quæ quodammodo certum est accidere non
 posse, aut saltem rarissimè. Quasi in effectu dixerit Iu-
 lianus iustam esse & mirè fauorabilem causam olim
 debuisse, ob quam in agendis aliquibus negotiis eo-
 rum quæ rarissimè accidunt rationem haberi neces-
 sum erat. Nam ad ea potius debet (vt Celsus ait) aptari
 ius, quæ frequenter & faciliè, quàm ad ea quæ perrarò eue-
 niunt, cap. 5. de legibus. Et sic quidem cum scripseret
 lib. ff. 29. Iulianus, apud eum notauit Marcellus, si ra-
 men nouissimo tempore posset aliquo modo impleri conditio, ei
 parendum esse, & valere testamentum, d. cap. 5. de hered.
 Instit. Dixitque in hac regula non temerè Iulianus, ea
 prorsus ratione, qua non temerè interdiu Augustum bi-
 bisse testis est Suetonius; Maxime, inquit, delectatus
 est Rhetico, neque temerè interdiu bibit. Quibus addi
 potest illud eiusdem Suetonij de Claudio; Quasdam
 insidias temerè illatas adeò expauit, vt deponere imperium
 tentauerit.

LXV. IULIANVS LIB. LIV. DIGESTORVM.

Ea est natura cauillationis, quam Græci ΣΩΠΙΤΗΝ
 appellant, vt ab euidenter veris per breuissimas mutationes
 disputatio ad ea quæ euidenter falsa sunt perducatur.

SI is qui hominem stipulatus est, Stichum accepto tulerit,
 acceptilationem aliquid egisse, sustulisseque totam obli-
 gationem, auctor est Iulianus lib. ff. 54. quemadmodum
 refert Vlpianus, cap. 13. de acceptil. dixitque Iulianus
 huiusmodi

huiusmodi acceptilationem aliquid egisse, satis indicans eam multorum cauillationibus expositam esse. Certum enim est id quod verbis ligatum est, verbis contrariis dissolui per acceptilationem, capite 35. hoc tit. cumque qui hominem stipulatur de genere sentire, non de specie, cap. 27. §. 5. vers. Sed si generaliter: De pactis. Id si ita est, genus igitur acceptilationis formula comprehendi etiam debet, non species; & per consequens, qui hominem stipulatus est, generaliter hominem acceptum feret, non specialiter Stichum aut Pamphilum. Huiusmodi ratiocinationi negat Iulianus hic locum esse, *quia stipulatori inuito solui a promissore Stichus potest*: satis per hoc indicans argumentum illud nulli obnoxium cauillationi ea specie censeri, quia inuito stipulatori Stichum promissor soluere non potest, cap. 2. §. 1. de reb. cred. Si promissor sic potuit soluere, ergo & acceptilatione etiam potuit liberari. Quod enim inuito stipulatori promissor soluere potest, id acceptum latum liberationem parit, d. §. 4. Viderur eodem loco Iulianus addidisse eos qui aliter sentiunt, cauillari magis quàm arguere probabiliter; eamque esse naturam cauillationis, vt ab euidenter veris per breuissimas mutationes disputatio ad ea quæ euidenter falsa sunt perducatur. Qua de re scripsit eleganter Seneca de benefic. libro 7. ad hunc modum; *Is, inquit, cuius prostitute sunt, leno est; Omnia autem sapientis sunt; Inter omnia autem prostitute sunt; ergo & prostitute sapientis sunt: Leno autem est cuius prostitute sunt. Ergo sapiens est leno. Sic illum vetant emere. Dicunt enim; Nemo rem suam emit; Omnia autem sapientis sunt; Ergo sapiens nihil emit. Sic vetant & mutuum sumere, quia nemo usuram pro pecunia sua pendit. Innumerabilia sunt per quæ cauillantur, cum palcherrimè quid à nobis dicatur intelligant. Haftenus Seneca.*

LXVI. IULIANVS LIB. LX.

DIGESTORVM.

Marcellus: Desinit debitor esse is, qui nactus est exceptionem iustam, nec ab equitate naturali abhorrentem.

CERTVM est deberi quædam iure ciuili quæ Prætorio iure non debentur, cap. 3. & cap. 30. de pecun. const. cap. 1. §. 2. quod falso tūt. auct. eumque qui spondit, etiam si nulla stipulationi subesset obligationis causa iusta, si nihilominus obligari consueuille iure ciuili, vt vocari in ius, & aduersus eum ciuilis actio decerni potuerit, ex Varrone aliisque auctoribus demonstratum à nobis est Variorum libro 2. Et dabatur quidem huiusmodi actio ciuilis non purè, sed addita exceptione, certè quod Prætorio iure is qui sine causa sponponderat, obligatus non esset, cap. 2. §. 4. de doli mal. & met. except. Hinc intelligimus quid sibi voluerit Iulianus sic lib. 60. ff. scribens; *Si ei quem creditorem putabas, iussu tuo pecuniam quam me tibi debere existimabam, promiserò, petentem doli mali exceptione subuebo*, cap. 2. §. 1. de donat. Sensus enim est; Si iussu tuo pecuniam ei quem creditorem tuum putabas promiserò cum eam me tibi debere existimarem, ex sponsu iure ciuili sum obligatus, & idcirco agenti stipulatori denegari non poterit ex sponsu actio; sed quia huic stipulationi iusta obligationis causa deest, ac per hoc iure prætorio eam esse inuolidam constat; idcirco non purè quidem, sed addita doli mali exceptione dabatur à Præторе ex sponsu actio, d. §. 3. Eaque exceptione posita & probata obligationis nexu ciuili liberabatur promissor, capite 17. §. 1. Solut. matr. Atque ita quidem scripsisse videtur Iulianus lib. ff. 60. hanc eodem loco ex Neratio subiiciens rationem; *Desinit*

DE DIVERSIS REGVLIS IVRIS. 243
Definit enim pratorio iure debitor esse is, qui nactus
est exceptionem iustam, nec ab æquitate naturali ab-
horrentem, etiamsi iure civili obligatus sit, dicto
capite 17. §. 1.

LXVII. IVLIANVS LIB. LXXXVII.
DIGESTORVM.

*Quoties idem sermo duas sententias exprimit, ea potissi-
mum excipitur, quæ rei gerenda aptior est.*

Eos qui non agebant quemadmodum agere
oportebat, causa olim cecidisse variis Rhetorum mo-
nimentis expressum est. Testatur etiam Quintilianus
lib. 7. cap. 4. si ab actore vno in verbo sit erratum, tota
causa eum cecidisse videri. Idque non ignorans Iulianus
cùm de eo ageretur qui in actionis formula vsus erat ora-
tione ambigua, respondit commodissimum esse id accipi quo
res qua de agitur magis valeat quam petat, cap. 12. de reb.
dub. Dubitabatur enim an actor oratione vsus ambi-
gua non æquè caderet causa atque si in aliquo verbo
errasset; & sic per consequens an non res de qua age-
batur, hoc est, lis ab actore instituta, perire potius de-
beret quàm valere. Sed aliud est errare verbo, aliud
item ambigua vti oratione. Qui enim verbo errat, is
errat formula, idque intollerabile esse, ex Quintiliano
admonuimus suo loco; qui verò ambigua utebatur
oratione, formula non errabat, nec per consequens cau-
sa cadebat, sed conceptam ambiguè formulam inter-
pretationi iudicis relinquebat; qui quidem iudex eam
eligere ex illa ambigua formula sententiã solet quæ rei
gerenda aptior erat; vt auctor est hac regula idem Iu-
lianus. Simili modo cùm in testamento ambiguè aut
etiam perperam quid scriptum est, benignè illud inter-
pretari conuenit, & secundùm id quod credibile est à
testatore

244 IAC. RÆVARD. TOM. I. COMM.
testatore fuisse cogitatum, cap. 24. de reb. dub. *Semper enim quicquid dubium est, humanitas inclinat in melius*, inquit Seneca Epist. lib. 11. Est etiam Vlpianus auctor, quoties in stipulationibus ambigua oratio est, commodissimum esse id accipi, quo res, qua de agitur, in tuto sit, cap. 80. de verb. oblig. cap. 33. de contrah. empt.

LXVIII. PAVLVS LIB. SINGVLARI DE DOTIS REPETITIONE

In omnibus causis id obseruatur, ut ubi persona conditio locum faciat beneficio, ibi deficiente ea, beneficium quoque deficiat: Vbi verò genus actionis id desiderat, ibi ad quemuis persecutio eius deuenerit, non deficiat ratio auxilij.

SUMPTA est hæc regula ex Pauli de repetitione dotis libro singulari, & idcirco dubium non videtur quin ea ad dotis priuilegium tota referri debeat. Et sanè priuilegium dotis quo mulieres vtuntur in actione de dote, ad heredes non transire, auctores sunt Seuerus & Antoninus Imperatores, cap. vnic. C. de priuil. dot. Certè quia personæ conditio locum facit huic beneficio, quæ persona deficiente deficit & beneficium. Idque de eo beneficio, accipiendum est quo præferri creditoribus cæteris in dotis repetitione solet, cap. vltim. §. ad hæc. C. qui potior. in pign. habeantur. Id enim fieri consueuisse, testatur in declamationibus Quintilianus, qui de dotali quadam nurus & socrus controuersia differens, sic scribit; *Dos est si à viro aut ab herede eius repetatur, tu amisso viro cum dotem non peristi, fecisti creditum ex dote.* Hæc Quintilianus, indicans his verbis, non crediti, sed dotis rationem tunc primam habendam esse, cum in crediti naturam ipsa dos non denegauerit; quod fieri interdum videtur potuisse negligentia mulieris dotem à marito eiusve herede

rede idoneo tempore non repetentis; alioqui dotis haberi semper prima ratio solet. In quod ex eiusdem dotalis controuersia summa omnino constat, quæ talis est; PRIMA RATIO DOTIS HABEATUR. Vtebatur etiam aduersus vxorem dotem soluto matrimonio repetentem beneficio quodam maritus. In id enim quod facere poterat, condemnari duntaxat solet, non in solidum; eratque beneficium illud personale; & idcirco nec præstabatur hæredi, sed cum persona extinguebatur, c. 12. & 13. Solut. matrim. de quo beneficio quædam verisimile est eodem de dotis repetitione lib. singulari Paulum tractasse, quamuis ille ad Sabinum lib. 7. ea de re plenissimè scripserit. Siquidem beneficium eiusmodi ad dotis repetitionem omnino pertinet, nec ad hæredem transit; quia locum ei conditio personæ facit, non vt actioni funerariæ genus actionis, capite penultimo de religios. Eoque referri etiam poterit huius tituli cap. 196.

LXIX. PAVLVS LIB. SINGVLARI DE ADSIGNATIONE LIBERTORVM.

Inuito beneficium non datur.

SOLENT patroni libertos assignare epistola, testamento, chirographo, aut verbis quibuscunque testificantes cuius vel quorum ex liberis libertum libertosve suos esse vellent, cap. 107. de verb. sign. cap. 1. & cap. 7. de assign. libert. Eaque assignatione omne ius libertorum assignandorum ad eum cui id pater tribuerat ex S C. transferebatur, cap. 48. in fin. De ritu nupt. A liberto munus, operas & testamentum patrono deberi, ex Quintiliano demonstrauius suo loco. Eoque sensu scripsit Cornelius Fronto, munus esse quod amicus vel cliens, vel libertus officij causa mittunt. Est etiam Vlpianus auctor operas, donum, munus præstare libertos,

246 IAC. RÆVARD. TOM. I. COMM.
cap. 7. in princ. & cap. 47. de oper. libert. Quibus si
addideris legitimam ab intestatō successionem, intel-
liges quæ beneficia fuerint olim adsignationis. Hæc
enim muneris operarum, testamenti, successionisque
iura illius fuerunt propria cui à parente libertus adsi-
gnatus erat cap. 1. in fine, de legit. tut. cap. 5. de ad-
sig. liber. Quamvis interim operarum petitio inter-
dum maneret etiamsi ius patroni non esset, *ut euemi,*
inquit Paulus, *in fratribus eius cui libertus adsignatus est,*
capite ultimo de oper. libert. Hæc si vera sunt, conse-
quens igitur est, eum cui libertus adsignatur honora-
ri, ipsamque adsignationem singulare quoddam be-
neficiū fuisse. Et idcirco filius adsignatum sibi liber-
tum inuitus suscipere cogi non solet. Inuito enim be-
neficiū non datur, quemadmodum libro singulari
de adsignatione libertorum scripsit Paulus. Cui con-
sentaneum est Vlpiani illud; *Non potest liberalitas no-*
lenti acquiri, capite 19. §. 2. de donat.

LXX. VLP IANVS LIB. I.

DE OFFICIO PROCONSULIS.

*Nemo potest gladij potestatem sibi datam, vel cuius alie-
rius coercitionis ad alium transferre.*

SCRIPSIT Domitius Vlpianus de officio Pro-
consulis libros decem, eosque ita scripsisse mihi per-
suadeo, ut prius septem duntaxat libros ederet, & po-
stea tres reliquos adiiceret. Sic enim scripsit Lactan-
tius Diuinarum institutionum libro quinto, capite 11.
*Quin etiam sceleratissimi homicide contra pios iura impia
condiderunt. Nam & constitutiones sacrilegæ & disputatio-
nes iurisperitorum leguntur iniuste. Domitius de officio
Proconsulis libris septem rescripta Principum nefaria col-
legit, ut doceret quibus poenis affici oporteret eos qui se cul-*
tores

tores Dei confiterentur. Hæc Lactantius, omnino demonstrans Vlpianum de officio Proconsulis libros septem separatim edidisse, aut certè (quod mihi verissimilius videtur) libro eiusdem operis septimo rescripta Principum aduersus Christianos collegisse. Atque ita emendandus videtur hic Lactantij locus, & in eo pro *libris septem*, reponendum *libro septimo*, quasi notis iis usus fuerit Lactantius, quibus & septem libri, & simul liber septimus significabatur. Hæc coniectura eò mihi probatur magis, quòd certò sciam de officio Proconsulis libro septimo Vlpianum docuisse, qua ratione curare congruat Præsidi, *ut pacata atque quæta prouincia sit quam regit?* quod ait *non difficile Præsidem obtinèrum, si soliciè agat, ut malis hominibus prouincia careat, eosque conquirit.* cap. 13. de off. Præs. Cum enim hæc ita scriberet Vlpianus, videtur eodem libro ea quoque necessaria Principum rescripta comprehendisse, quibus Christiani conquiri iuebantur. Scripsit igitur Vlpianus non septem, sed decem libros de officio Proconsulis. Et primo quidem libro ea ferè tractauit quæ Proconsuli prouinciam ingresso imprimis essent facienda, quorum numero continebatur custodiarum recognitio; ad quam recognitionem referenda est hæc regula iuris, quemadmodum patet euidentissimè ex cap. 6. de off. Procons. Certum est prouincias singulas Præsides aut Proconsules singulos habuisse; adeò quidem, ut si amplior esset aliqua prouincia & latius patens quàm ut ab vno Præside commodè regi posset, ea soleat Imperatoris arbitrio in duas aut tres prouincias diuidi, & singulis ita diuisis dabantur Præsides aut Proconsules singuli, capite 3. de off. affes. Id quod ex Innocentio probari potest, qui sic ad Alexandrum Episcopum Antiochenum scribit, *Sciscitaris utrum diuisis Imperiali iudicio prouinciis, ut due metropoles fiant;*

sic duo metropolitani Episcopi debeant nominari. Et hæc sunt prouinciæ illæ quæ eiusdem nominis dicuntur, cap. 9. de postul. qualis erat Rhetia prima, Rhetia secunda, Germania prima, Germania secunda; quibus addi etiam poterunt Siria tres: totidem Pannonia, & Armenia duæ quarum meminit aduersus Parmenianum libro secundo Optatus Afer. Eaque diuidendarum prouinciarum antiqua ratio ad Alexij vsque tempora videtur fuisse obseruata. Hunc enim Imperatorem edicto prohibuisse, ne amplius in duas una prouincia diuideretur, testis est Theodorus Balsamon, canonem explicans trigessimum octauum Synodi quæ fuit in Trullo. Cur autem ita diuidi prouinciæ soleant, euidenter docet in epistolis Diuus Hieronymus his verbis; Imperator vnus, index vnus prouincia, Roma vt condita est, duos fratres simul habere non potuit, & parricidio dedicatur. Solent etiam singulæ prouinciæ in varia municipia diuidi; quæ municipia proprium habebant magistratum curiamque municipalem. Et quia omnium vnus prouinciæ municipiorum negotiis commodè non potuit vno tempore & simul vno in loco Proconsul iure dicundo præesse, ea ratione factum est, vt ei adesset legatus à crebris de vno in aliud municipium legationibus hoc nomen sortitus. Huic legato ingressus prouinciam mandabat Proconsul iurisdictionem, eumque mandata iurisdictione per municipia singula dimittebat, prouincialium desideria & querelas audierum, ac de iis non Principem sed Proconsulem suum consulturum, c. 6. §. 2. de off. Procons. Habebant enim singula municipia carceres, siue custodias proprias, in quas præter obæatos coniciebantur facinorosi. Idque videtur sibi Vlpianus voluisse de Duumuiro aliisque differens, qui potestatem habebant de carcere vel custodia dimittendi, cap. 5 2. §. 6. de furt. Qui ex ciuili debito,

bito, aliisque leuibus causis, quæ magis erant iurisdictionis, quàm imperij carceribus inclusi tenebantur, eos duntaxat de carcere dimitti habebant Diuuiui potestatem. Est enim Paulus auctor, *ea quæ magis imperij sunt quàm iurisdictionis, facere magistratum municipalem non potuisse*, cap. 26. Ad municip. Ex quo patet euidentissimè, facinorosos homines dimitti à Duuuiuis non potuisse. Et idcirco simul atque ingressus provinciam erat Proconsul, statim per singulas suæ provinciae ciuitates legatum mittebat, qui de custodiis singulis cognosceret & prauauditas custodias ad se remitteret. Eoque sensu *custodiarum cognitione mandare legatis* Proconsules dicebantur, cap. 6. in principio, de offic. Procons. eratque genus illud mandati extraordinarium, inquit Vlpianus, hanc rationem subiiciens; *Nec enim potest quis gladij potestatem sibi datam, vel cuius alterius coercitionis ad alium transferre*, d. capitulo 7. in principio. Et dicitur quidem extraordinarium huiusmodi mandatum, quia nullo accusationis solemni ritu in publicis ordinariisque iudicijs obseruato de custodijs cognoscere pro tribunali legatus potuit, sed auditis duntaxat examinatisque testium allegationibus, eos qui dimittendi viderentur ad Proconsulem remittere, eosque qui digni essent iusto supplicio & animaduersione publica, in arctiorem conijcere custodiam, ut tandem adueniente Proconsule solemniter è vinculis causam dicerent, promeritasque pœnas luerent; quas pœnas exigere ne volente quidem Proconsule potuit legatus. Siquidem in legatum suum gladij potestatem Proconsul transferre non potuit. *Quæ enim specialiter lege vel S. C. vel constitutione Principum tribuuntur, mandata iurisdictione non transferuntur*, c. 1. princ. de offic. eius cui mand. est iurisdic. Et id quidem sic accipiendum est, ut Præsides & Prætores quædam

habuerint olim magistratus iure propria, quædam ite-
re imperij specialia. Iure imperij habebant specialiter
lictors, viatores, fasces, secures, hastas & gladios, au-
tore Gellio libro decimo tertio, cap. 12. & 14. Est
etiam Festus auctor, *insigne imperij & armorum hastam
fuisse.* Et idcirco obseruari in prouincijs solet, vt Pro-
consules de ciuilibus prouincialium causis cogno-
scentes pro tribunali hastam, & in facinorosos homi-
nes animaduertentes non hastam sed gladium erige-
rent. Id quod ex Cypriano primum animaduerti, qui
sic Epistolarum lib. secundo scribit; *Senuit inimicem di-
scordantium rabies; & inter togas pace rupta forum litibus
ingit insanum, hasta illic & gladius & carnifex præsto est.*
Atque ita quidem satis esse perspicuum puto, cur ius
gladij, hoc est, ius tribunal ascendendi, & in eo gla-
dium erigendi, nõ potuerit transferri: nam si eam po-
testatem non magistratus, sed imperij iure Proconsul
habere soleat, certè omnino consequens est, non ma-
gis eam potuisse transferri, quàm ipsum transferri im-
perium potuit. Vt igitur imperium nulla ratione, sic
multo minus in suum legatum potuit gladij ius
transferre Proconsul. *Cum imperio enim dicebatur esse,
inquit Festus, apud antiquos, cui nominatim à populo da-
batur imperium.* Aliud erat in ijs quæ Proconsuli iure
magistratus esse quodammodo propria videbantur.
Ea enim mandari poterant, vt suo loco demonstrabi-
tur latius.

LXXI. VLP IANVS LIB. II. DE
OFFICIO PROCONSULIS.

*Omnia quæcunque causa cognitionem desiderant, per li-
bellum expediri non possunt.*

HÆC regula desumpta est ex capite nono, de offi-
cio Proconsulis, & idcirco adscribenda videretur Vlp.
de

DE DIVERSIS REGVLIS IVRIS. 251
de offic. Proconsulib. primo, aut certè caput illud no-
num secundo eiusdem operis libr. Moris erat, vt quid
à Principe desideraturi Principem etiam praesentem
adirent scripto. Eiusque moris meminisse videtur
Suetonius sic de Iulio Caesare scribens; *Libellumque*
insidiarum indicem ab obuiò quondam porrectum libellis cæ-
teris quos sinistra manu tenebat quasi mox lecturus commi-
scuit Et de Caligula; *Libellum*, inquit, *de salute sua obla-*
tum non recepit. Obseruari etiam solet vt lectis libellis
rescriberent Principes, cap. 32. §. 13. de recept. arb. Id
quod ex eodem Suetonio constat, qui sic de Augusto
scribit; *Patrem Caesarem vulgo reprehensum commemoraba-*
bat, quod inter spectandum epistolis libellisque legendis ac
rescribendis vacaret. Eoque sensu *ad libellum rescribere*
dixit Iunius Mauritanus cap. 23. de vsuf. leg. & Macer
libellum Principi dare, ac sacrum rescriptum expectare,
capit. 4. de appell. recip. Solet etiam libellorum magi-
ster Principibus adesse, isque ex iurisperitorum nu-
mero sumebatur, & *Promagister* dicebatur, qui Prin-
cipis rescripto diem & Consulem subiiciebat; quem-
admodum ex antiquissima libelli cuiusdam formula
constat, qua corporum fictili sarcophago ad tempus
commendandorum principalis auctoritas postulatur.
Hæc enim formulæ illius solemnia verba, *Sepulchrum*
fieri placet, verba rescripti sunt. Quibus statim adiun-
gitur hæc clausula subscriptionis; *Inuentius Celsus Pro-*
magister subscripsi 3. Non. Nou. Antio Pollione & Opi-
miano Consf. Erat & illud quoque solemne ac Principi-
bus familiare, vt libellum subscriptum signarent anu-
rant. Quò pertinet quòd ait Suetonius *in diplomatibus*
libellisque & epistolis signandis Augustum initio Sphin-
ge usum esse. Et hæc quidem libellorum supplicium
antiqua ratio apud Prætores etiam & prouinciarum
Præsides

Præsides olim in usu fuit, cap. 25. de in ius voc. Vnde perspicuum est, quid sibi hac regula voluerit Vlpianus; nimirum aliud nihil, quam per libellum id peti non posse, quod opus habet cognitione aut decreto. Siquidem illud in postulationum cognitionumque dies reijci olim consuevisse, argumentis aliquot euentissimis demonstrauius Protribunalium libro singulari. Quibus addi poterit illud Suetonij de Claudio, *Cognitionibus magistratuum ut unus è consiliariis frequenter interfuit.* Per decretum autem consilij definitionem intelligi, adeò verum est, ut expressè in quadam Cypriani martyris passione scriptum inueniam, *Galerium Maximum Proconsulem collocatum cum consilio sententiam vix agrè dixisse, & tandem decretum ex tabella ad hunc modum recitasse,* THASCIVM CYPRIARVM GLADIO ANIMADVERTI PLACET. Ex quo loco pro consilij definitione specialiter decreti nomine veteres usos esse, euidentius apparet, quam ut diutius negari possit.

LXXII. IAVOLENVS LIB. III.

EX POSTERIORIBVS LABEONIS.

Fructus rei est, vel pignori dare licere.

IAVOLENVS de fructibus post sententiam vnam cum re principali restituendis differens libro tertio ex posterioribus Labeonis *fructus rei esse ait, vel pignori dare licere*, cap. penultim. & cap. vltim. de vluris. Quod sic videtur accipiendum, ut aliquis fructus intelligatur ex ea re prouenire, quam pro suo arbitrio alicui licet opponere pignori; & eius idcirco inter fructus alios rationem habendam esse; cap. 67. in fine, de rei vindicat.

LXXIII. QVINTVS MCVIVS SCÆ-
VOLA LIB. SINGVLARI OPΩN.

Quò tutela redit, eò hereditas peruenit, nisi cum fœminæ heredes intercedunt.

LEGITIMÆ tutelæ agnatis lege duodecim tabularum deferri solent, c. i. de leg. tut. Eadem lege cautum etiam erat, vt eius qui intestatus sine suo heredemoritur, familiam haberet agnatus proximus. Et quia nullam admiserat lex sexus differentiam, eius videntur prudentes rationem primi habuisse: id quod hæc Scævolæ verba præ se ferunt, *Nisi cum fœminæ heredes intercedunt*. Fœminæ igitur heredes poterant esse, non tutores; cap. i. §. i. & cap. penult. de leg. tut. *Tutelam enim officium esse virile* ex interpretatione iuris peritorum rescripsit Imperator Alexander, cap. i. quando mulier. Idque primum ita fuisse definitum Scævolæ temporibus ex eo suspicari licet, quod scripserit l. 39. ad hunc modum Liuius, *Publ. Ebutius cuius pater publicæ equo stipendia fecerat pupillus relictus, mortuis deinde tutoribus sub tutela Duronia matris & vitrici T. Sempronij Rutily educatus fuerat*. Hæc Liuius, indicans eo tempore fœminis ademptam omnino non fuisse administrationem tutelæ; quæ administratio Mucij temporibus matri aliisque fœminis denegabatur, etiam si ea vitrico relinqueretur, cap. 32. de adopt. Et quamuis administrare tutelam fœminæ tunc prohiberentur, penes matrem tamen esse pupilli educatio poterat, si vitricum pupillo mater non induxerat, cap. i. C. vbi pupil. educ. Eoque pertinet illud Apuleij de Asino aureo lib. 10. *Huic infantula quod leges necessariam patris successionem deferrent, sustinebat ægerrimè, inhiansque toto filia patrimonio imminebat.*

AD §. NEMO POTEST.

Nemo potest tutorem dare cuiquam, nisi ei quem in suis heredibus cum moritur habuit, habiturusve esset, si vixisset.

TUTORES testamento dati lege duodecim tabularum confirmantur, auctore in fragmentis Vlpiano tit. 11. & Pomponio. cap. 120. de verb. sign. Cum enim dubitatum esset, quidnam sibi vellent Decemviri his verbis, TUTELAVE SVÆ REI, videntur Iurisperiti definiuisse tutores ijs qui tempore mortis in testatoris erant potestate, liberisque posthumis datos verbis illis confirmari; & sic lege 12. tab. permitti videri parentibus liberis suis etiam posthumis testamento tutores dare, cap. 1. de test. tut. Eoque spectat illud Suetonij de Iulio Cæsare; Caium Octavianum etiam in familiam nomenque adoptavit, plurisque percussorum in tutoribus si quis sibi nasceretur, nominavit.

AD §. VI. FACTVM.

Vi factum id videtur esse, qua de re quis, cum prohibetur, fecit; clam, quod quisque cum controuersiam haberet, habiturumve se putaret, fecit.

Si quis in nostro ædificare vel in nostrum immittere vel proijcere vellet, prohiberi aut per prætorem, aut per manum, id est, lapilli ictum, aut noui operis nuntiatione solet; cap. 5. §. 10. de noui oper. nuntiat. Per prætorem quidem, iure ordinario, medio interdicti; nuntiatione verò noui operis, speciali quodam ac priuato denuntiationis testationisque iure; & per manum denique, ipso facto; c. 1. §. 2. d. tit. Liberum enim fuit domino in cuius fundo ædificabatur, ex eo quod ædificatum

ædificatum erat propria manu lapillum vnum aut alterum præcipitare, censēbaturque iactu vel minimi lapilli ædificationem prohibuisse, cap. 1. §. 2. & cap. 20. quod vi aut clam. Et huiusmodi quidem per manum prohibitio ea ratione *lapilli ictus* appellabatur, qua per ictum intellexit præcipationem Vlpianus, de eo scribens qui de ponte præcipitatus ipso ictu perijt, cap. 7. §. 5. ad leg. Aquil. Nec alio sensu in edicto de his qui deiecerunt vel effuderunt scripsit ad hunc modum prætor, *S I E O I C T V H O M O L I B E R P E R I S S E D I C E T V R*; c. 1. de his qui effud. vel deiecit. Et ita per manum ictus lapilli intelligitur; hoc lapilli præcipitatio, d. s. 1. c. Est & alia per manum prohibendi ratio qua per manus oppositionem solebat fieri, d. c. 20. Dēque ea suspicor sensisse Pomponium, c. 50. de acquir. rer. dom. Nec aliō spectat *utis præcisio*, cuius apud Vlpianum mentio fit, c. 3. §. 3. uti possid. Quod igitur Quintus Mucius ait, vi factum id videri quod quis prohibitus facere perseverat, hoc de eo accipiendum est, qui aut interdicto, aut noui operis nuntiatione, aut denique per manum quid facere prohibitus facere perseverat, c. 1. §. 1. quod vi aut clam.

AD §. QVÆ IN TESTAMENTO.

Quæ in testamento ita scripta sunt ut intelligi non possint, perinde sunt ac si scripta non essent.

QVÆ in testamento scripta sunt, inquit Alfenus Varus Q. Mucij auditor, neque intelliguntur quid significent, ea perinde sunt ac si scripta non essent, cap. 2. de his qua pro non scriptis habent. Et ita videtur prudētum interpretatione Mucij temporibus receptum fuisse, hac potissimum ratione, quod satis cōstaret testamentum omnino vitiosum pro non scripto habendū esse, cap. 1.

256 IAC. RÆVARD. TOM. I. COMM.
cap. 1. & cap. 3. d. tit. Id quod in ea Declamatione, cui
titulus est, *duo testamenta*, docuit Quintilianus. Si eum,
inquit, *videri vultis intestatum qui vitiosum scripsit testa-*
mentum, hoc confiteamini necesse est, *vitiosum testamentum*
esse pro non scripto.

AD §. NE PACISCENDO.

Nec paciscendo, nec legem dicendo, nec stipulando quis-
quam alteri cauere potest.

INVENTÆ enim sunt obligationes ad hoc ut
vnusquisque sibi acquirat quod sua interest, cap. 3. §. 8.
§. 12. de verb. oblig. cap. 11. de oblig. & act. Excipiun-
tur seruus & familias, d. §. 12. & cap. 17. in fin. de
pactis. Seruus quidem, quia nihil proprium habet; fi-
lius verò familias, quia iure ciuili pater & filius vna
domus, & vnus dominus nominantur. Sic enim Diui-
narum Institut. lib. 4. cap. 29. scripsit Lactantius, *Cum*
quis habet filium quem vnicè diligit, qui tamen sit in do-
mo & manu patris, licet ei nomen domini potestatemque
concedat, ciuili tamen iure & domus vna, & vnus domi-
nus nominatur. Hæc Lactantius, docens euidenter cur
patri potuerit filius stipulari, & simul vndè suus hæres
iure ciuili filius familias dicatur, cap. 1. §. 2. de suis &
leg. cap. 11. de lib. & post.

LXXIV. PAPINIANVS LIB. I.
QVÆSTIONVM.

Non debet alteri per alterum iniqua conditio inferri.

SCRIPSIT lib. 1. Quæstionum de iurisdictione,
& imperio Papinianus, cuiusque argumenti occasione,
de arbitris differens sumptis compromisso, ait *arbi-*
trum ita sumptum, ut diem proferre possit, hoc quidem facere
posse;

posse; referre autem contradicentibus litigatoribus non posse, cap. 33. de receptis. Solent indices ita nonnunquam dari, ut intra diem certum inberentur pronuntiare, auctore VI-
piano cap. 32. de iudic. & Aulo Gellio, libro 12. cap. 13. Ait enim Gellius se à consulibus Roma iudicem extra ordinem datum pronuntiare intra calendas iussu fuisse. Eumque morem arbitri etiam videntur obseruasse, interdum tamen non sine diem proferendi expressa clausula; eaq; clausula alia dabatur arbitro facultas nulla, quam diem prorogandi, c. 25. de receptis. Et idcirco referendi diem arbitri nullam habebat contradicentibus litigatoribus auctoritatem, d. c. 33. Proferre & proferre diem, eadem sunt, proferre & referre diem, contraria. Dies enim certi & constituti, qui in longius aliquod tempus prorogantur, prodi & proferri veteribus dicebantur, auctore in Terentium Donato. Aliud est referre diem. Obseruatum enim est ab homine doctissimo scripsisse Fedrum referri diem prodictam, id est, anteferri religiosum esse. Dies igitur qui prolatur, proferri; & qui anteuertitur, referri dicebatur. Vnde perspicuum est quid sibi voluerit de proferendo & referendo die Papinianus, d. c. 33. Sensus enim est arbitrium compromisso ita sumptum ut diem possit prorogare, litigatoribus etiam inuitis id facere posse; non tamen posse referri diem, id est, anteuerti iisdem contradicentibus; nec interesse anro alter duntaxat contradicat. Non enim debet alteri per alterum iniqua conditio inferri. Atque ita quidem Quæstionum libro primo scripsit Papinianus.

LXXV. PAPINIANVS LIB. III.

QVÆSTIONVM.

Nemo potest mutare consilium suum in alterius iniuriam.

260 IAC. RÆVARD. TOM. I. COMM.
Huiusmodi actus ex natura sui nec diem admittunt,
nec conditionem. Quamobrem si diem vel conditio-
nem receperint, in totum vitiantur. Et certum quidem
est mancipationem, in iure cessionem, hæreditatisque
aditionem diem non recipere aut conditionem. Hu-
iusmodi enim legis actionibus nihil agitur quàm ut
legitimum ex Quiritium iure dominium transfera-
tur, quemadmodum in fragmentis Vlpianus tit. 19. &
in Topicis Cicero, eiusque interpretes Boëtius cui-
denter demonstrant. Res quæ datur mancipio, aut
in iure ceditur, protinus ex iure Quiritium eius efficitur
qui eam mancipio accipit, aut cui cessa est. Quam-
obrem si mancipationi diem adieceris aut conditio-
nem, vitias actum. Id enim moliris quod per rerum
naturam fieri non potest. Nam transferre dominium
vis, & illud non pateris transferri. Transferre qui-
dem vis, rem dans mancipio, & rursus quò minus
transferatur videris impedire diem adiciens aut con-
ditionem. Nam sine dominij translatione nulla aut ef-
se aut appellari mancipatio potest, quæ translatio per
temporis & conditionis adiectionem omnino impe-
ditur: eaque impedita, desinit esse mancipatio, desi-
nit esse in iure cessio, hæreditatisque aditio vitatur,
nec optio serui legitima censetur; cap. 41. in fi. de ac-
quir. hæred. Testis est enim M. Varro de re rust. lib. 2.
*legitimum perfici dominium, si quis hæreditatem iussit
adiit, si mancipio acceperit ab eo à quo iure civili potuit, aut
si in iure cessit cui cedere potuit, & id ubi oportuit. Manu-
missio quoq; vindicta fieri in diem vel sub conditio-
ne non potuit. Moris enim erat auctore Festo, ut do-
minus servum manumittere volens, caput eius aut aliud
membrum tenens, hæc verba solemniter pronuntiaret; HUNC
HOMINEM LIBERVM ESSE VOLO, & emit-
tebat eum è manu. Eaque emissio omnem excludebat*

DE DIVERSIS REGVLIS IVRIS. 261
dici conditionisque adiectionem, quam nec ipsa qui-
dem vindictæ natura patiebatur. Siquidem *momen-
to temporis*, vt Persius ait, *iusta conferri libertas vindi-
cta solet*. Vt igitur sine translatione dominiij nulla fie-
ri mancipatio, in iure cessio, aut hæreditatis aditio
potuit; sic quoque sine iusta libertate nulla imponi
vindicta solet, cap. 2. C. si aduers. lib. Acceptilatio
actus etiam legitimus est, mancipationi contrarius,
nexi continens liberationem; ideoque eiusdem esse
conditionis censetur, cuius est mancipatio. Et quam-
uis acceptilationis actus conditionem non admittat,
nihilominus tamen id quod sub conditione promif-
sum fuit, rectè potuit acceptum ferri. Actus enim le-
gitimus acceptilationis huiusmodi conditione tacita
non vitatur. Nam siue defecerit, siue euentum con-
ditio tacita sortita fuerit, semper ipso actu liberatio
contingit; quæ liberatio impediri videretur aliqua
conditione expressè addita. Dationem tutoris legis
etiam actionem esse hac regula docet Papinianus. Eâ-
que fieri idcirco in diem non solet, quod certus dies
tempusque certum iure publico functioni tutelæ esset
definitum; quodque magistratus nullam haberent suo
arbitratu ampliandi aut coarctandi temporis lege de-
finiti auctoritatem. Quominus autem dari tutor sub
conditione potuerit; sola legitimi actus impediēbat
natura. Nam si conditionem illi actui adieceris, dici
non poteris tutorem dare; nec per consequens lege
apud te quicquam censebitur agi; cū præsertim id
exigat legis actio, vt tutor detur, hoc est; vt admini-
stratio tutelæ in præsentem tutorem, aut necessariis
de causis absentem, amicis postulantibus, decreto so-
lemni à Prætorē vel Præsīde ad tempus vsque pūber-
tatis transferatur, cap. vltimo vbi pupil. educ. Atque
ita quidem actus legitimi, id est; legis actiones verbis
R 3 formulisque

262 IAC. RÆVARD. TOM. I. COMM.
formulisque solemnibus comprehensæ, diem aut conditionem non admittebant.

LXXVIII. PAPINIANVS LIB. XXXI.

QVÆSTIONVM.

Generaliter cùm de fraude disputatur, non quid habeat actor, sed quid per aduersarium habere non potuerit, considerandum est.

SI quis ædes suis ædibus seruientes emerit, traditasque sibi acceperit, confusam esse sublatamque seruitutem, rectè à Paulo traditum est; c. 30. de seruit. vrb. præd. Id enim ni ita esset consequi videretur neminem ipsum sibi seruitutem posse non debere, quod est absurdum, cap. 10. com. præd. Et idcirco si dominium rei seruientis ad eum cui seruitus debebatur aliquo modo perueniret, consequenter seruitutem extinguí dicebatur, d. cap. 10. Idque adeò verum est, vt ipsa etiam hæreditatis aditione seruitutes confunderentur, cap. 18. de seruit. Hinc quæsitum fuit, si testator qui me hæredem scripsit, domum aliquam meis ædibus seruientem legauerit Titio, an aditione mea confusa esse huiusmodi seruitus censeatur. Et ait quidem lib. 3. 1. Quæstionum Papinianus, *seruitutem aditione hæreditatis ipso iure confundi, eamque exceptionis medio iterum imponi.* Prædictum enim legatum ab hærede vindicanti legatario opposita doli exceptione tradere hæres non aliter cogebatur, quàm si pateretur legatarius seruitutem aditione confusam rursus imponi, d. c. 18. Censebaturque dolo & fraude non carere legatarius actor impedire volens data opera quominus id hæres seruitutis iure obtineret, quod eum habere ratio suadebat æquiratis. Generaliter enim cùm de fraude disputatur, non quid ipso iure habeat actor, sed quid medio exceptionis per

DE DIVERSIS REGVLIS IVRIS. 263
per aduersarium suum habere æquitatis intuitu non
potuerit, considerari solet, quemadmodum scripsit
libro 31. *Quæstionum Papinianus.*

LXXIX. PAPINIANVS LIB. XXXII.
QVÆSTIONVM.

*Fraudis interpretatio semper in iure civili non ex eueni-
duntaxat, sed ex consilio quoque desideratur.*

DOCET Suetonius solitos à censoribus notari
orbos & cœlibes. De censura enim diui Claudij dis-
ferens ait; Plures notare conatus innoxios ferè reperit, qui-
buscunque cœlibatam aut orbitatem, aut egestatem obiceret,
maritos, patres, opulentos se probantibus. Eoque pertinet
illud Ambrosij in tertium caput Lucæ; Erat enim de-
forme liberos non habere, quod etiam legum civilium fuit au-
toritate multatum, videnturque ita multari cœlibes
consecuisse, vt vxorium populo penderent. Festus
enim auctor est vxorium pependisse eum dici, qui quod
vxorem non habuerit as populo dedit. Eoque videri po-
terit Dio respexisse, cum ait cœlibes à maritis multa-
tisse diuum Augustum. Hinc intelligimus quo sensu
tradiderit Papinianus quod in fraudem legis ad impedi-
das nuptias scriptum est, nullam vim habere, cap. 79.
in fine de condic. & demonst. Dubium enim non
est, quin ille de lege Iulia & Papia senserit. De qua
lege tunc etiam idem Papinianus sensisse videtur, cum
de eo disliceret, qui in fraudem legis mulieri vsum-
fructum legauerat, SI EA NON NUPSERIT. Et
ait quidem libro trigesimo secundo *Quæstionum*;
tantum beneficio legis ex legato concessum esse mulieri,
quantum haberet si conditioni paruisset, capite 74. d. ti-
tul. Adiciens insuper id ita observari propter fraudem,
quam legi Iulie & Papie satis constat à testatore fa-

Etiam esse, quamvis sortita non esset euentum conditio. Fraudis enim interpretationem non ex euentu duntaxat, sed ex consilio quoque desiderari. Et idcirco non tunc solum legi fraudem fecisse videbatur testator, cum cœperat parere mulier conditioni, sed tunc etiam cum aperiebatur testamentum, solius consilij non euentus habita consideratione: cuiusmodi considerationem fraudis interpretationi omnino conuenire, testis est hac regula Papinianus, sumpta ex eius libro Quæstionum 32.

LXXX. PAPINIANVS LIB. XXXII.
QVÆSTIONVM.

In toto iure generi per speciem derogatur, & illud potissimum habetur quod ad speciem directum est.

FVERVNT olim variæ missionum militarium species. Erat enim iusta missio, erat causaria, erat etiam ignominiosa, c. 2. §. 2. de his qui not. inf. c. 13. §. 2. de re milit. Dicebaturq; honesta missio, auctore Macro, *que tempore militia impleto dabatur: siue, vt eam Vlp. definit, qua emeritis stipendiis vel. ante ab Imperatore indulgebatur, d. cap. 2. & d. c. 13.* Moris erat vt milites sacramento rogati in rempublicam iurarent, haberentque plenam militiam. Nam, vt Seruius Honoratus ait, *viginti quinque, aut, vt alij volunt, viginti annis tenebantur vinculo militiae.* Et idcirco dubium non videtur quin impletum militiae tempus emeritaque stipendia ad hunc morem Macer & Vlpianus retulerint. De quo tempore videtur etiam Modestinus sensisse cum ita scriberet; *Qui militia tempus in desertione impleuit, emerito priuatur, cap. 3. §. 3. de re milit.* Nec aliò spectat quod de militibus premia & missionem poscentibus scripsit in Augusto Suetonius. Solebant enim legitimo militiae

militiæ tempore finito milites adsumere nomen vetera-
 norum, & missionem vnà cum emeritis præmijs
 postulare. Id quod sic de Tiberio scribens docet Sue-
 tonius; *Missiones veteranorum rarissimas fecit, ex senio*
mortem, ex morte compendium captans. Quibus & illud
 adiungi poterit quod adhunc modum idem Sueto-
 nius de Augusto refert; *Quicquid autem ubique militum*
esset, ad certam stipendiorum præmiorumque formulam ad-
strinxit, definitus pro gradu cuiusque & temporibus militiæ,
& commodis missionum, ne aut etate aut inopia post missio-
nem sollicitari ad res novas possent. Eoque sensu emerita
 emeritorumque præmia accipere dicebantur veterani, cap. 3.
 §. 5. & cap. 5. §. 2. de re milit. Cæterum *causaria missio*
 tunc dicebatur, inquit Macer, *cum quis vitio animi vel cor-*
poris minus idoneus militiæ renuntiatur: vel, vt eam defi-
nit Vlpianus, causaria missio est, quæ propter valetudinem
laboribus militiæ soluit, cap. 4. de testam. milit. Eaque
 missio ita solet impetrari, vt is qui se morbo vellet ex-
 cusare, militiam eiuraret. Id enim fieri solere docet
 libro sexto Liuius, his verbis; *Exacta iam etatis Camil-*
lus erat, comitisque iurare parato in verba excusande va-
letudini solita, consensus populi restitit. Quibus consen-
 taneum est illud Festi; *Eiuratio significat id quod deside-*
ratur non posse præstari. Plautus; *Eiurauit malitiam.* Et
 Cicero ad Atticum libro duodecimo; *Quod si erit du-*
rus, inquit, veniam, & ipse perpetuum morbum iurabo.
 Nec arbitror hunc Ciceronis locum mendosum esse.
 Vtrumque enim dixisse veteres reperio; iurare & ei-
 rare morbum: vt apud Varronem *iurare bonam copiam,*
 quod doctis vitiosum videtur. Est & tertia missionum
 species, cum quis propter delictum sacramento sol-
 uitur, eaque dicitur ignominiosa, d. cap. 13. §. 2. Solet
 illud etiam obseruari, vt ijs qui iusta vel causaria mis-
 sione soluti essent sacramento, annus concederetur

266 IAC. RÆVARD. TOM. I. COMM.
missionis, cap. 17. §. 4. de testam. milit. cap. 7. de iniusto
rupt. irrit. test. Testamenta enim eorum qui ignomi-
niæ causa missi erant, statim desinebant militari iure
valere; tribuebatúrque anni spacium eorum testamen-
tis qui honestam vel causariam missionem merue-
rant, cap. 21. & cap. 26. de testam. milit. Eúmque an-
num, *militiæ annum* appellat Vlpianus, cap. 15. §. 4. d.
tit. Hinc satis perspicuum est quid sibi libro *Quæstio-*
num trigesimo tertio voluerit Papinianus. Ait enim
mulierem quæ stupro cognita in contubernio militis fuit, esse
sacramento miles solutus intra annum mortem obierit, non
admitti ad testamentum iure militiæ factum, cap. 14. de
his quæ vt indig. Sensus autem est mulierem quam
miles in contubernio habuit, hæredem iure militari
institui posse; sique intra missionis annum mortuus
fuerit miles, validum esse testamentum eius iure mi-
litiæ; idque generaliter sic olim in omnibus militum
testamenti obseruatum fuisse. Et cum de ea militis
ageretur contubernali quæ fuerat cognita stupro, non
obstante hac priuilegij militaris obseruatione gene-
rali, respondit Papinianus eam iure militiæ ad testa-
mentum non admitti, & id quod relictum est ad fiscum
pertinere, d. cap. 14. hanc eodem loco subiiciens ratio-
nem; *In toto enim iure generi per speciem derogatur, & il-*
lud potissimum habetur quod ad speciem directum est. Ge-
nus est iure militari fœminas contubernales hæredes
instituire; species contubernalem stupro cognitam
instituire hæredem. Genus iustum est & licitum; spe-
cies improba, ac prorsus iniusta. Et quia nouum non
est in toto iure generi per speciem derogari (c. 41. de
pœnis, c. 41. §. 3. & cap. 99. §. fin. de legat. 3.) idcirco non
generis sed speciei solius sic voluit hoc loco haberi ra-
tionem Papinianus, vt illa so inuiolatáque genere,
hæc improba species priuilegio militari exueretur,
eóque

DE DIVERSIS REGVLIS IVRIS. 267
eoque modo generi per speciem derogaretur. Atque
ita quidem scripsit Quæstionum lib. 33. Papinianus.

LXXXI. PAPINIANVS LIB. III.

RESPONSORVM.

*Quæ dubitationis tollenda causa contractibus inserun-
tur ius commune non lædunt.*

DE ijs libro tertio responsorum inter alia scripsit
Papinianus, qui de iure, quo conueniri fideiussores
solent, dubitantes, ea inseri contractibus fecerunt,
quæ cum iure communi certa essent, omnibusque no-
ta, temerè contractus instrumento exprimebantur. Vi-
deturque quæsitum fuisse an ius commune superfluis
huiusmodi clausulis non læderetur, & respondisse Pa-
pinianus ea quæ dubitationis tollendæ causa contra-
ctibus inseruntur, non lædere ius commune, cap. 56.
mandati, videlicet eo modo quo ex Pomponio Paulus
refert, in pignoribus dandis adyeci solere, ut quo minus pi-
gnus venisset, reliquum debitor redderet, idque superuacuum
esse, quia ipso iure ita se res habet, etiam non adiecto eo, c. 9.
de dist. pig. Diciturque ea ratione superuacuum, qua
tradidit Seneca superuacuum esse in natura ius impelli, de
benefic. lib. 4. cap. 17.

LXXXII. PAPINIANVS LIB. IX.

RESPONSORVM.

Donari videtur quod nullo iure cogente conceditur.

NON debere prætorem pati donum, munus, operas im-
poni ei qui ex fideicommissi causa manumittitur, auctor est
Valens, cap. 47. de oper. libert. Et idcirco si testator ita
scripserit; CERDONEM SERVVM MEVM MA-
NUMITTI VOLO, ITA VT OPERAS MAN-
MISSVS

268 IAC. RÆVARD. TOM. I. COMM.
MISSVS PROMITTAT, manumissus operas pro-
mittere non cogitur. Nam iuri publico derogare non
potuit qui fideicommissariam libertatem dedit; quod
utique facit testator ille qui operas ex fideicommissi
causa manumissis imponit, quemadmodum libro no-
no Responsorum testis est Papinianus, cap. 42. d. tit.
Quid ergo si ex causa fideicommissi manumissus ope-
ras promiserit, an obligabitur? Certè in eum actionem
dari negat Papinianus, d. cap. 42. Inuitus enim ^{publico}
iure, id est; iure ciuili nequit obligari, cap. 95. de legat. i.
Aliud est si cum sciret huiusmodi libertus id se recu-
sare posse, obligari se nullo iure cogente passus fuerit.
Siquidem hac specie non est inhibenda operarum pe-
titio, quia donasse videtur. *Id enim donari videtur quod*
nullo iure cogente conceditur, quemadmodum fideicom-
missorum libro sexto Valens, & lib. 9. Responsorum
Papinianus definiuerunt, d. cap. 42. & 47. cum cap. 29.
de donat. cuius capitis 29. inscriptio vitiosa est.

LXXXIII. PAPINIANVS LIB. II. DEFINITIONVM.

Non videntur rem amittere quibus propria non fuit.

QVOTIES aut diffusa negotia sunt, aut dignitas,
etas, vel valetudo tutoris postulat actor decreto pra-
toris, aut procurator constitui solet. Actor quidem si
pupillus infans vel absens esset; procurator verò si
praesens fari posset, cap. 24. de ad. & per. tut. §. fin. Instit.
de curat. Et quia periculo tutoris actor decernebatur,
dubitatum fuit sententia secundum actorem pronun-
tiata, actio iudicari ad quem transferretur, an ad pu-
pillum, an verò ad tutorem. Papinianus lib. 2. Defini-
tionum auctor est, ad pupillum eam transferri, non ad
tutorem; quia si tutor ipse obtinuisset, utique sic
transfer

DE DIVERSIS REGVLIS IVRIS. 269
transferretur: siquidem res controuersa non tutoris
sed pupilli propria fuit, c. 6. quand. ex fact. tut. Quo fit
vt nec eam videatur amittere tutor huiusmodi trans-
latione. *Non enim videntur rem amittere quibus propria
non fuit.* Simili ratione manumissus à filio voluntate
patris non filij, sed patris libertus efficitur, cap. 22. de
manumiss. Seruus enim patris erat, non filij ac proin-
de nec manumissione quicquam amittit filius. *Siqui-
dem non videntur rem amittere quibus propria non fuit.* Ait
enim Papinianus quamuis precarium hæredem igno-
rantem non teneat, nec interdicto rectè conueniatur;
tamen id vsucapere eum non posse quod defunctus
non potuit, cap. 11. de diuers. temp. præscript. Et quia
precarium non defuncto propria non est, ac per con-
sequens nec hæredi esse res propria potest, certè non
videbitur rem amittere hæres, si ab eo precarium au-
ferri contigerit. *Non enim videntur rem amittere quibus
propria non fuit;* auctore Papiniano Definitionum l. 2.
ex quo libro hæres diuersæ species vnà cum hac regu-
la desumptæ sunt.

LXXXIV. PAVLVS LIB. III.

QVÆSTIONVM.

*Cùm ampliùs solutum est quàm debebatur, cuius pars
non inuenitur quæ repeti possit, totum esse indebitum intelli-
gitur, manente pristina obligatione.*

SOLUTIONE extinguitur obligatio. In eius enim
locum rei solutæ dominium surrogatur, cap. 4. de pu-
blic. in rem act. Et idcirco quamdiu dominium rei so-
lutæ translatum non est, vtique nec obligatio videri
extincta potest. Proinde si cùm centum deberes, du-
centos nummos solueris, quia centum qui in obliga-
tione sunt, sine incommodo ab alijs qui non debentur,

tur, centum nummis possunt separari, certè solutio-
 ni centum inseruiant, extinguéntque obligationem,
 & reliqui centum, vt indebiti, condicentur, cap. 26.
 §. 5. de condict. indeb. Aliud est si centum debens, qua-
 si ducenta deberem, fundum soluerim ducentorum.
 Hac enim specie competere repetitionem fundi ro-
 tius, pristina manente obligatione, auctor est Mar-
 cellus, d. cap. 26. §. 4. Ideò non extinguitur obliga-
 tio quia huiusmodi solutione dominium rei soluta
 non transfertur in creditorem; siquidem totum esse
 indebitum censetur. Non enim fieri potest ex falsa
 debiti quantitate cõfusio partis alicuius rei cum pe-
 cunia, d. §. 4. Et idcirco incerta fundi portio loco pe-
 cuniæ rectè in solutum dari à debitore sine sponte sua
 non solebat. *Nemo enim ad communionem compellitur inuitus*, d. §. 4. Nescio an etiam hac specie admit-
 tenda sit differentia interesse putantium, idipsum
 quod solutum est, an tantundem repetatur. Vt si qui-
 dem tantundem fuerit repetitum, extincta videri
 obligatio possit; sin idem, vtique non videatur extin-
 cta. In ea autem sententia omnino videtur Marcianus
 fuisse, cap. 25. de præscript. verb. quam tamen in fisci
 causa non admisit Iulius Paulus lib. 3. *Quæstionum*,
 ex quo hæc regula desumpta est; c. 21. de iure fisci.

AC §. IS NATURA DEBET.

Is natura debet, quem iure gentium dare oportet, cuius fidem sequuti sumus.

POST Tuberonem inter prudentes iuris maxi-
 mæ auctoritatis fuerunt, inquit Pomponius, Areius
 Capito, & Antistius Labeo. Capito in iis quæ ei tra-
 dita erant perseverabat; Labeo, ingenij qualitate &
 fiducia doctrinæ plurima innouabat. Atque ita hi
 duo

duo primum velut diuersas sectas fecerunt. Capitonis sectæ principes fuerunt Massurius Sabinus, Cassius Longinus, Cælius Sabinus, Priscus Iabolenus, Aburnius Valens, Tuscianus, Saluius Iulianus; Labeonis, Nerua pater, Proculus, Nerua filius, Longinus, Pegasus, Celsus pater, Celsus filius, Nerarius Priscus. Capitonis sectatores à Caio Cassio Cassiani, & à Sabino appellati sunt Sabiniani, Labeonis verò, Proculeiani vel Proculeij à Proculo, & à Pegaso Pegasiani. Eoque sensu Cassianæ scholæ meminit Plinius Epistol. lib. 7. sic Geminio suo scribens; *Lator etiam quod domus aliquando C. Cassij huius, qui Cassianæ scholæ princeps & parens fuit, seruiret domino non minori.* Et hi quidem diuersæ sectæ auctores non ita præceptoribus addicti erant, quin ab eorum traditionibus nonnunquam recederent. Id enim Iabolenus videmus accidisse, qui cum Sabinianus esset, Labeonis tamen diuersæ sectæ principis sententiam probat, cap. 2. §. 14. de hered. vel act. vendita. Accidit id ipsum etiam Iuliano. Is enim Sabinianus erat, & nihilominus à Sabini sententia interdum recessit, cap. 11. de in diem addict. Sic Celsus Proculeianæ scholæ defensor acerrimus, nonne Labeonis interdum; & Sabini sententias laudat? capite 13. d. titul. Eaque de causa Proculeij & Sabiniani dicti videntur, qui non quidem in omnibus, sed in plerisque iuris controuersi articulis; Sabinianæ aut Proculeianæ scholæ definitionibus acquiescebant. Inter illos articulos numerari solet, obligatio naturalis. Proculeiani enim eam ad ius illud naturæ videntur retulisse, quod omni humano generi est innatum; Sabiniani, ad nudum ius gentium. Eaque ratio est cur scripserint Neratius & Rufinus, *pupillum nec natura debere,* cap. 41. de condict. indeb. cap. 59. de oblig. & act. quem

tamen

272 IAC. RÆVARD. TOM. I. COMM.
tamen sine tutoris auctoritate obligari naturaliter,
Ulpianus, Paulus, Scæuola, & Papinianus testantur,
cap. 1. de nouat. c. 127. de verb. oblig. cap. 21. in princ.
ad leg. Falcid. cap. 25. quando dies legat. Erat enim
Neratius Proculeianus, & ob id scholæ suæ traditio-
nēs secutus negauit propter ætatis imbecillitatem na-
tura æquum esse pupillum obligari; quem contra Ul-
pianus, Scæuola, & Papinianus contendunt obligari
naturaliter iure gentium posse, Sabinianos secuti. Iure
gentium enim obligationes sunt introductæ nulla
personarum, nulla ætatis, sed rei solius quæ obligatur
habita ratione. Proinde si quid in bonis habuerit ser-
uus aut pupillus, Sabinianis quidem obligari posse di-
centur naturaliter, solam obligationis, quæ iuris gen-
tium est, originem intuentibus; Proculeianis verò non
omnino videbuntur obligati naturaliter non tam ius
gentium nudum, quàm æquitatem naturalem expen-
dentibus. Idque illud esse omnino videtur quod Ul-
pianus sibi voluit, cum scriberet *si filius familias vel ser-
uus pro aliquo fideiusserint, tractatum fuisse, an sit de pecu-
lio actio; & Celsum definuisse, causam fideiubendi spectan-
dam esse*, cap. 3. §. 3. de peculio. Quia enim Proculeia-
num constat Celsum fuisse, certè verisimile videtur
hanc quæstionem inter Sabinianos & Proculeianos
tractatam fuisse; & cum Sabiniani contenderent nu-
dum ius gentium inspiciendum esse, obtinuisse Cel-
sum, hoc est, Proculeianos non factum, siue ius gen-
tium nudum (ita enim *factum* accipit Ulpianus, c. 41.
de peculio.) *sed causam siue naturam esse inspiciendam;* &
per causam, naturalem iusti debiti causam eundem
Celsum intellexisse. Eamque causam naturam appel-
lari, ex eo patet, quod *natura operis deberi* scripserit Ul-
pianus, cap. 26. §. 12. de condict. indeb. Per naturam
enim causam obligationis operarum naturalem eo
modo

DE DIVERSIS REGVLIS IVRIS. 273
modo intellexit Vlpianus, quo ex Neratio pupillum
ostendimus natura non obligari, quo item Vlpianus
ut ad remunerandum naturaliter aliquem obligari, cap.
41. de condict. indeb. cap. 25. §. 8. de petit. hæredit. Hu-
ius loci & illud est quod ait Vlpianus, *Nervæ filio &*
sibi videri ex compromisso serui non dandam esse de peculio
actionem; cap. 3. §. 6. de pecul. Inter Sabinianos enim &
Proculeianos hac de re fuit agitatum; & Sabinianis
videtur placuisse de peculio actionem dari; Procule-
ianis, non dari: illis quidem nudum ius gentium, siue
factum nudum; his verò æquitatis vinculum siue obli-
gationis causam urgentibus. Si nudum respexeris gen-
tium ius, certè cum Sabinianis rectè dices, dandam de
peculio actionem. Peculium enim hac specie substan-
tia est quæ concurrit cum consensu; iisque duobus si-
mul concurrentibus locus esse obligationi iuris gen-
tium solet; & sic per consequens naturali obligatio-
nis obligatio, quàm obligatio iuris gentium, cap. 1.
Locati, cap. ult. de act. empt. Si causam respexeris obli-
gationis huiusmodi naturalis, certè nihil minus quàm
de peculio dandam esse actionem cum Proculeianis
hac specie concefferis. Obligationis enim causa com-
promissi causa est; quæ causa tam gentium quàm ci-
vili iure in servum non cadit. Et quia sine causa nul-
lam omnino obligationem voluerunt subsistere Pro-
culei; mirum non est, eodem contra Sabinianos de-
finiuisse, ex compromisso serui non dandam esse pe-
culio actionem, idque Nervæ qui Proculeianus erat,
placuisse, d. §. 6. Quod ipsum in novationibus inter-
ventu serui factis, etiam Iuliano visum fuit. Licet
enim ille Sabinianus esset, in hoc tamen Proculeianis
omnino subscripsit, causam obligationis iustam non
factum nudum expendentibus, cap. 30. §. 1. de pactis.

274 IAC. REYARD. TOM. I. COMM.
Eadem quoque ratione videntur Proculeiani, quibus-
dam ex Sabinianis dissentientibus definiuisse, ex iure-
iurando quod seruus obtulit actori in dominum de
peculio actionem non dari, cap. 22. de iureiurand. Ex
huiusmodi enim iurisiurandi delatione, si nudum re-
spexeris factum, nascitur actio de peculio; si causam
obligationis iustam, euanescit eadem actio. Causam
huiusmodi omnes ferè Proculeiani semper exami-
nant, ad quam non respicit schola Sabiniana. Et
quamuis hæc ita diuersa sint, in eo tamen videntur
cum Sabinianis Proculeij conuenire, quod seruus, qui
nullum peculium habet, non possit fideiubendo natu-
raliter obligari, cap. 19. & cap. 20. de fideiussoribus.
Non enim rerum natura patitur, vt re & persona de-
ficientibus aliqua subsistere possit obligatio. Persona
seruilis omni exempta est personali obligationi; ea
enim sui iuris non est. Iam si nec peculium habuerit
seruus, quinam quæso poterit fieri, vt huiusmodi ser-
uus naturaliter obligetur? Hæc si vera sunt, mirum igitur
non est Iabolenum & Iulianum, qui Sabiniani
erant, cum Celso diuersæ scholæ sectatore in hac spe-
cie omnino consentire, d. cap. 19. d. cap. 20. & cap. 3. &
3. de pecul. Cæterum composito Iuliani industria, &
auctoritate Hadriani Imperatoris proposito perpetuo
edicto, diuersæ scholæ sectatores esse tandem desce-
runt: adeò quidem vt Papinianus, Paulus, Vlpianus,
Caius & alij qui deinceps subsequerantur prudentes
iuris, nullius omnino sectæ ex professio nomen da-
rent, sed interdum Sabinianorum, interdum etiam
Proculeianorum traditionibus acquiescerent; non-
nunquam ab vtraque schola recederent; nonnunquam
vtriusque sententias, licet diuersas, speciebus tamen
diuersis accommodarent, eaque ratione sola factum
est vt Papinianus & Tryphoninus, ferè semper ad na-
turalem

DE DIVERSIS REGVLIS IVRIS. 275
turalem obligationis causam, Proculianos secuti,
obligationem retulerint naturalem, cap. 25. §. 3. de so-
lut. cap. 64. de condict. indebiti. Quo sensu scripsit
etiam Pomponius *nudam rationem non facere aliquem*
debitorem; cap. 49. in fin. de pecul. Per nudam enim ra-
tionem, ius gentium nudum, sine vlla naturali causa,
sine vinculo æquitatis, intelligit Pomponius. Paulus
contra & Marcianus, magis Sabinianorum sententiæ
videntur acquiescisse, c. 13. de condict. indeb. cap. 11. de
acq. rer. dom. cap. 25. de præscrip. verb. cap. ult. de actio-
nib. empti. Vlpianus deniq; modò ad naturalem æqui-
tatis causam, modò ad ius gentium nudum, prout aut
ad Sabinum aut ad Proculum scriberet, naturalem re-
tulit obligationem. Et id quidem ex eo patet eviden-
tissimè, quod ille sic ad Sabinū lib. 30. scripserit, *Etiam*
quod natura debetur venit in compensationem, cap. 6. de
compensat. Dubium enim non est quin per naturam
hoc in loco ex Sabini sententia ius gentium intelle-
xerit Vlpianus. Rursus cū scriberet idem Vlpianus
eos quibus natura debetur non esse loco creditorum, cap. 10.
de verb. signif. nonne ex Proculianorum definitio-
ne per naturam causam aliquam intellexit naturalem
à gentium & ciuili iure seiunctam ac separatam? Nam
si naturam cum Sabinianis hoc loco retuleris ad ius
gentium, certè omnino erunt creditorum loco quibus
natura debetur: siquidem id quod ita debetur, venit in
compensationem, dict. cap. 6. quod utique non fieret
existente credito nullo. Est enim compensatio debiti
& crediti inter se contributio, cap. 1. de compensat. Et
sanè interdum tam Sabinianos, quàm Proculianos in
definienda naturali obligatione secutum esse Vlpia-
num, adeò verum est, vt scripserit ille naturales obli-
gationes non eo solo æstimari, si actio aliqua earum
nomine competit; videlicet, vt Sabiniani putant,

276 IAC. RÆVARD. TOM. I. COMM.
iure gentium; verum etiam eo, si soluta pecunia repeti non possit; hoc est, si, ut contendunt Proculeriani, aliqua naturalis existat causa, quæ licet à iure gentium remota sit, impediatur tamen soluti repetitionem. c. 10. de oblig. & act. Et hæc cum ita se habeant, nunc quid de hac regula sentiendum sit, videmus. Paulus lib. 3. Questionum de vero debitore scripsit qui post litem contestatam manente adhuc iudicio soluebat; & ait hunc debitorem id quod ita solutum est repetere non posse, quia nec absolutus nec condemnatus repetere posset; siquidem vetus debitor est, si non civili, saltem gentium iure obligatus, & idcirco licet absolutus esset, natura tamen debitor permanebat, cap. 48. & 49. de cond. indeb. Is enim natura debet quem iure gentium dare oportet, cuius fidem securi sumus; ut auctor est hac regula idem Paulus ex eius libro 3. Questionum desumpta. Atque ita naturalem obligationem ad ius gentium retulit Paulus Sabinianos eo modo secutus, quo scripsit Vlpianus debitum, vel natura sufficere ut constitui possit, cap. 1. §. 5. de constit. pec. Sic naturam videtur etiam accepisse Pomponius, cap. fin. de act. empti. Porro quemadmodum in obligatione naturali definienda, sic etiam in naturali possessione alienanda videntur à Proculerianis Sabiniani dissensisse, capite 12. de acq. rer. do. Eaque de re lactus hic differere, instituti nostri ratio non patitur: differemus autem suo loco, Deo fauente, latissime.

LXXXV. PAVLVS LIB. VI.

QVÆSTIONVM.

In ambiguis pro dotibus respondere melius est.

CONSTANTE matrimonio dos in bonis mariti erat, & matrimonio per diuortium soluto, cum sua causa

causa recuperabatur, cap. 21. §. 4. ad municip. capite
 81. pro socio. Eaque recuperatio aut directa, aut vtili
 actione fiebat. Directa quidem per ipsam mulierem
 quæ sui iuris est, aut si patrem habeat, per patrem ad-
 iuncta persona filix, vt est apud Vlpianum tit. sexto;
 vtili verò, per mulierem interdum, & interdum per
 patrem specie quadam singulari & fauorabili: directa,
 ordinario iure; vtili extra ordinem, cap. 46. & cap.
 59. solut. matrim. Si enim proponas auum maternum
 nepti quæ est in patris potestate dotem dedisse, & in-
 strumento dotali stipulatum esse, diuortio sine culpa
 mulieris facto, dotem omnem nepti vel sibi restitui;
 mortuo auo & diuortio facto cui dices actionem
 competere, neptine an eius patri, an verò heredi au-
 terni? Nepti non videtur potuisse competere, alte-
 ri enim stipulari non potuit auus. Ergo nec suæ ne-
 ptis potuit, multoque minus eius patri. Quod cum ita
 est, heredi stipulatoris actio competere videtur. Cer-
 tè si ius respexeris commune & ordinarium, nihil dici
 verius poterit, quàm heredi auito directam compete-
 re dotis in hac specie repetitionem. Sed fauore nu-
 ptiarum & maximè propter affectionem personarum
 ad hoc decurri extra ordinem voluit libro sexto Que-
 stionum Paulus, vt permittatur nepti, ne còmodo do-
 tis defraudetur, ex hac auita stipulatione vtilis actio;
 ac si sibi aut illi dari stipulatus fuisset auus maternus:
 hanc subiiciens rationem; In ambiguis enim pro do-
 tibus respondere melius est, d. cap. 45. cap. 70. de iure
 dot. nimirum quod reipublicæ intersit mulieres dotes
 procreandam, replendamque liberis ciuitatem maxi-
 mè necessarium est, cap. 1. soluto matrim. cap. 2. de iure
 dot. Hac cum non intelligeret Duarenus, non rectè
 existimauit ideo vtilem actionem nepti hac specie da-
 ri,

278 IAC. RÆVARD. TOM. I. COMM.
ri, quod eius patri directā competeret. Directam
enim auito hæredi, non patri competere, euidenter
demonstrat Iulius Paulus, d. cap. 45.

AD §. NON EST NOVVM.

*Non est nouum ut quæ semel utiliter constituta sunt, du-
rent; licet ille casus extiterit, à quo initium capere non po-
tuerunt.*

TRIA onera tutelæ præstant à quarta vacatio-
nem, §. item tria Instit. de excusat. tut. cap. 3. cap. 5. &
cap. 31. de excusat. modo ex tribus nulla sit adfectata,
modò nulla defunctoriè suscepta sit, d. §. item tria, &
cap. vnico. C. qui nu. tut. Affectare tutelam quid sit,
vulgo notum est: quid autem sit defunctoriè suscipe-
re, audio ignorari; eaque ignorantia quibusdam videri
locum emendandum. Sed frustra. Is enim suscipit tu-
telam defunctoriè qui data opera se alicuius tutorem
simulat, cùm tutor non sit, eamque dicis causâ ad hoc
administrat, vt hac simulatione à noua tutela excuse-
tur. Diciturque defunctoriè suscipere tutelam ea ra-
tione; qua matrē coërceri scripsit Vlpianus *quæ filiis tu-
tores petiit defunctoriè data opera*, c. 2. §. 16. de S C Tert.
Tres igitur tutelæ non adfectatæ non defunctoriè sus-
ceptæ à quarta præstant vacationem. Et idcirco tutor
trium tutelarum onere grauatur, cui quarta offereba-
tur, rectè solet excusari; camque excusationem si ne-
glexeret, ac transferri ad se tutelam quartam solemni
decreto pateretur, postea volens excusari non audie-
batur. Non enim nouum est, vt quæ de tutelis semel
utiliter decreta sunt; durent, licet ille casus extiterit,
à quo initium capere huiusmodi decreta non potue-
runt. Nam si ante decretum se excusasset huiusmodi
tutor, certè casus ille extitisset, à quo initium capere
non

DE DIVERSIS REGVLIS IVRIS. 279
non potuiffet quarta tutela. Et ita libro sexto Quaestionum, ex quo hæc regula sumpta est, scripsit Paulus, capite 31. circa princip. de excusat. Eaque vera est sententia huius regulæ.

AD §. QVOTIES ÆQVITATEM.

Quoties æquitatem desiderij, naturalis ratio aut dubitatio iuris moratur, iustis decretis res temperanda est.

EST & hic §. ex Pauli libro sexto Quaestionum; illi haud dubiè responso applicandus, quo tradidit idem Paulus rectè facturum prætorem, si etiam vnâ tutelam sufficere crediderit, si tam diffusa & negotiosa sit, ut pro pluribus cedat; cap. 31. §. 2. de excusat. Quamobrem si tutor huiusmodi tutela grauatus, à secunda vel excusari, quia naturalis ratio, & dubitatio iuris huiusmodi desiderij moratur æquitatem, censet Paulus rem omnem iustis decretis temperandam esse. Ad dubitationem iuris referendæ sunt tres tutelæ non adfectionem; quæ solæ videntur præstare iure communi vacationem. Cum hac iuris dubitatione, concurrat ratio naturalis, qua æquum omnino videtur vnâ aut alteram tutelam negotiosam loco trium aliarum tutelæ censeretur. Atque ita ratio naturalis cum dubitatione iuris concurrens, desiderij tutoris excusari postulât quid agendum esset, respondit Paulus, eam rem iustis decretis temperandam esse, hoc est, rem illam prætoris tutelæ eiusque consilij arbitrio esse relinquendam. Qui quidem prætor non pupillorum duntaxat numerum, sed difficultatem etiam considerandarum rationum plurium loco non habebuntur; neque rursus plurium loco habebuntur pupilli, qui cum fratres non sint,

idem tamen patrimonium habent, & ita quoque consortes sunt, si ratio administrationis pariter reddenda sit, cap. 31. in fine Festus auctor est, *sortem patrimonium significare, indeque consortis dici*; satis indicans eos consortes appellari, qui pro indiviso commune aliquod patrimonium habent, nec referre, fratres sint, propinqui, an extranei. Inter hos enim omnes esse potuit consortioni locus. Ac de fratribus quidem illud argumento est quod ait Suetonius, *Vespasianum à primo imperij die fratrem suum consortem successoremque testari perseverasse*. Sidonius Apollinaris Epist. lib. 4. *Notum est cur dicere incipias, habeo consortes, necdum celebrata diuisio est, auarius constat me esse tractatum, quanquam coheredes frater & soror sub annis adhuc tutelaribus agant*. Testis est etiam Tertullianus coheredes omnes esse consortes posse. Sic enim de resurrect. carnis scribit, *Caro dum ministra & famula anima deputatur, consors & coheres inuenitur*. Eoque pertinet hæc inscriptionis antiquæ clausula; *Q. DOMITIVS ADIVTOR HÆRES CONSORTI SVO BENE MER. FECIT ET SIBI POSTERISQUE SVIS*. Scripsit quoque in Tiberio Suetonius *Titum Tatium Romuli fuisse consortem*. Nec aliud est quod in Declamatione quadam cui titulus est. *Multati socius*, ait ita Quintilianus; *Consortes enim potest facere casus*. Nam his verbis demonstrat Quintilianus euidenter eos qui casu in patrimonium aliquod incidunt pro indiviso commune, siue fratres, siue propinqui, siue etiam extranei sint, rectè consortes dici. Consortioni disortiones contrariæ sunt. Siquidem *disortiones*, auctore Festo, *diuisiones dicuntur patrimoniorum inter consortes*. Solentque ita fieri disortiones, ut imprimis coërceretur commune patrimonium, ac deinde cieretur. Idem enim his verbis, *RECTVM CITVMQUE*, legum Rom. tabulis

DE DIVERSIS REGVLIS IVRIS. 281
bulis contineri, & in iis erctum à coërcendo, citum à ciendo dictum esse, testatur idem Festus. Eoque accedere videtur illud Seruij in 8. Aeneidos; Vt est in iure ERCTO NON CITO, id est, patrimonio vel hereditate coërcita, non diuisa. Ita enim arbitror eum locum ex Festo sup- plendum esse. Siquidem antè coërceri subductis exa- minatisque singulorum consortium rationibus, hære- ditatem oportebat, quam ea cieretur, hoc est, in certas iustasque portiones diuideretur. Hæc de consortibus, quibus Pauli responsum, cui hanc regulam applican- dam esse diximus, mirum in modum illustratur, d. cap. 3 i. in fin.

LXXXVI. PAVLVS LIB. VII.

QVÆSTIONVM.

Non solet deterior conditio fieri eorum qui litem contesta- ri sunt, quàm si non, sed plerumque melior.

LITIS contestatione domini litis constituuntur actor & reus, & cap. 1. C. de sentent. & interloc. omn. iud. cap. 76. de procurat. Eaque ratione *non solet deterior conditio fieri eorum qui litem contestati sunt, quàm si non essent, sed plerumque melior, adeò quidem vt fructus, quorum antè litis contestationem nulla solet haberi ratio, post acce- ptum iudicium ex aequitate præstandos esse putauerint Sa- binus & Cassius, cap. 28. §. 4. de vsuris. Si enim reus & actor litis domini sunt, vtique & eorum quoque fructuum videntur quodammodo domini esse, qui ex re litigiosa post contestationem litis prouenerunt. Simili modo in rem suam procuratorem datum, post litis contestationem, si vice mutua conueniatur, aequitate com- pensationis vti posse auctor est Papinianus. cap. 18. de compensat. Ait enim Macer procuratorem litè contesta- ta dominum litis effici, capit. 1. §. fin. de appellat. c. 1. §. 8.*

S S

quando

quando appell. Nec alia ratione pretij vel rei electio
 seruatur ei, qui prior de legato litem contestatus est,
 quàm quod prior eo ex omnibus legatarijs nemo litis
 dominus factus sit, capitulo trigesimo tertio in fin.
 de leg. 1. Atque ita quidem eorum qui litem conte-
 stati sunt, plerumque melior esse conditio solet. Re-
 ctè addidit Paulus *plerumque*. Interdum enim accide-
 re potuit, vt litem contestantis conditio redderetur
 deterior, vel culpa ipsius contestantis vel etiam negli-
 gentia, culpa quidem, si causa pendente supplicauerit,
 c. 2. C. vt lite pendente: negligentia verò, si noxali iu-
 dicio prouocatus litem potius serui communis no-
 mine contestari maluerit, quàm antè iudicium acce-
 ptum parte sua cedendo securitatem consequi, cap. 8.
 de noxalib. act. Et quamuis litis contestatione actor
 & reus constituentur domini litis, neque tamen actor
 rei litigiosæ dominus dici potest, neque etià reus. Si
 quidem dominium illud in suspenso est, & aliter in
 bonis esse alicuius non intelligitur, quàm iudicis pro-
 nuntiatione lite secundùm actorem vel secundùm
 reum data, ca. 3. in fin. de public. in rem act. Et idcirco
 in sacrum dedicari non potuit, res de qua controuer-
 sia est, c. fin. de litig. *Nam in manumissione sacrorum cau-
 sa dici consuevit*, inquit Festus, P V R I, P R O B I,
 P R O F A N I, S V I A V R I. Nec potuit etiam res li-
 tigiosa venundari, cap. 1. de litig. Ne videlicet eo mo-
 do duriores aduersarij conditionem facere liceat,
 capite 2. d. titul. Qui rem litigiosam in sacrum de-
 dicat, dupli pœnam pati dicitur, cap. vltim. d. tit. Quod
 ipsum de eo etiam dicendum suspicor, qui rem ven-
 dit litigiosam. Ita tamen vt re litigiosa in sacrum de-
 dicata, duplum non fisco præstetur, sed aduersario, d.
 cap. vlt. & contra litigiosa re venundata, non aduer-
 sario sed fisco acquiri duplum solet. Idque illud esse
 omnino

DE DIVERSIS REGVLIS IVRIS. 283
minino videtur quod ait Callistratus, *nuntiationem ad
fiscum fieri solere, si rumor esset rem litigiosam venundari,*
cap. I. de iure fisci.

LXXXVII. PAVLVS LIB. XIII.

QVÆSTIONVM.

*Nemo enim in persequendo deteriore causam, sed me-
liorem facit: Denique post litem contestatam heredi quoque
prospiceretur, & hæres tenetur ex omnibus causis.*

VLP IANVS auctor est semel lite contestata iniuria-
rum actionem etiam ad successores pertinere, *que aliqui nec
heredi, nec in heredem dari consuevit, cap. 13. in princ. de
iniurijs, cap. III. hoc tit. diuersitatis ratio non alia est,
quàm quòd defunctus litem contestans iniuriarum,
efficeretur dominus litis. Et quia hæres in ius defun-
cti succedit vniuersum, certè consequens etiam est
cuius litis dominum censeret hæredem, cuius defunctus
dominus fuit. Eaque ratione hæres, vt ait Festus, apud
antiquos pro domino ponebatur. Quod autem Paulus ait,
post litem contestatam heredi prospici, & heredem teneri
ex omnibus causis, ei prorsus consentaneum est illud
Maciani; Honoraria quoque actiones que intra certum
tempus à pratore promittuntur, cum bonis actoris defun-
cto eo, augmentum rei decessionemve (si tales erunt vt in hæ-
redem quòque transcant) prestabunt, cap. 32. in princ. ad
l. Falc. Sensus enim est, actiones honorarias litis con-
testatione vel alio modo in heredem transcentes, rei
hæreditariæ, & per consequens quartæ leg. Falcid.
augmentum aut decessionem cum bonis reliquis præ-
stare: augmentum quidem, si lis fuerit secundum hæ-
redem data; decessionem verò, siue diminutionem,
si contra heredem fuerit iudicatum: còque sensu
teneri hæres, hæredique prospici hac regula dicitur.*
Et

Et quidem adeò vera sunt ac perspicua, vt satis mirà-
nequeam Goueano, P. Fabro, aliisque eruditis homi-
nibus, hunc Mæciani locum vitiosum videri. Sed re-
fellit eos dictio REI, quam illi ad reum ex præceden-
tibus referunt, cùm ea ad rem hæreditariã verè perti-
neat. De rei enim alicuius augmento vel diminutione
sensit omnino Mæcianus, qua diminui vel augeri hæ-
reditas, & per consequens quarta Falc. posset, lite aut
secundùm, aut aduersus hæredem data.

LXXXVIII. SCÆVOLA LIB. V.
QVÆSTIONVM.

Nulla intelligitur mora ibi fieri, ubi nulla petitio est.

SABINIANOS videtur Scævola securus esse
Quæstionum lib. 5. Ait enim, si pupillus sine tutoris au-
thoritate Stichum promiserit, & fideiussorem dederit, propter
moram pupilli fideiussorem non obligari, si post moram à pu-
pillo factam seruus decedat: esse autem fideiussorem obliga-
tum ad hoc, ut viuo homine possit ex stipulatu conueniri; vel
etiam ex sua mora, si posteaquam conuentus est, decesserit
seruus, cap. 127. de verb. obligat. Hæc Scævola, satis
manifestum faciens se Sabinianos sequi, naturaliter
sine tutoris auctoritate pupillum obligari, contenden-
tes. Id enim ni ita esset, certè inutilis foret hac specie
fideiussio, & ipso iure nulla; ac proinde nec conueniri
potuisse huiusmodi fideiussor, quemadmodum Caius
& Marcellus apud Vlpianum expressè definiunt,
Proculeianorum sententiæ aduersus Sabinianos in
hac specie acquiescentes, cap. 6. de verb. oblig. cap. 25.
& cap. 70. §. 1. de fideiuss. Ait Scævola si seruus post mo-
ram à pupillo factam decedat, obligatione liberari fideiussor-
em: nullam enim intelligi moram ibi fieri, ubi nulla petitio
est, d. cap. 127. Aliud nihil in effectum volens quàm mul-
tum

tum interesse; vtrum mora facta sit ab ipso pupillo, an verò à fideiussore. Nam si pupillus in mora fuerit, illius moræ respectu non potuit fideiussor conueniri. Siquidem pupillus naturaliter duntaxat est obligatus; eaque naturalis obligatio nullam parit iure ciuili petitionem, & per hoc nulla intelligitur mora per pupillum facta. Nulla enim mora ibi intelligitur facta, vbi nulla petitio est. Quod certè non diceretur, si pupillus ciuilitè esset obligatus. Tunc enim mora per pupillum facta fideiussori quoque noceret, cap. 88. de verb. obligat. Aliud est si fideiussor ipse conuentus in mora fuerit. Obligatus enim ciuilitè est ex stipulatu, ac per hoc petitioni etiam locus fit vtiliter ex mora fideiussoris, cap. 32. in princ. de vsuris. *Cuiuslibet enim ciuilitè obligato sua mora nocet iure ciuili; siue ea ciuilis obligatio conditionalis & accessoria sit; siue etiam pura & principalis*, cap. 115. de verb. oblig. c. 5. C. de contrah. stipulat.

LXXXIX. PAVLVS LIB. X.

QVÆSTIONVM.

Quandiu possit valere testamentum, tamdiu legitimus non admittitur.

VALERE testamentum dicitur, quamdiu ex eo adiri hæreditas potest; nec ab intestato defertur hæreditas, hoc est, *legitimus admittitur*, quamdiu valere possit testamentum, cap. 39. de acq. hæred. Est & illud certum de inofficioso testamento, aliisque hæreditariis causis centumuiros cognouisse, cap. 13. & 17. de inoff. testam. cap. si. C. de petit. hæred. Hinc tractatum apud Paulum fuit libro 10. Quæstionum, *si heres à Titio institutus tanquam possessor aut petitor eiusdem hereditatis damnauerim heredem meum, ne aduersus legitimum*

Titij heredem iudicium exerceat centumvirale, quidnam de effectu legati eodem testamento relictī sentiendum sit. Et ait quidem Paulus, ita demum vtile videri legatum si legitimus heres Titij malam causam habuerit: tamdiu enim valere testamentum; & quamdiu possit valere testamentum, tamdiu legitimum non admitti, & per consequens vilia legata esse. In bona enim hæredis legitimi causa nihil videtur esse in legato. Atque ita quidem lib. 10. Quaestionum scripsit Paulus, cap. 30. de lib. legat.

XC. PAVLVS LIB. XV.

QVÆSTIONVM.

In omnibus quidem, maximè tamen in iure æquitas spectanda est.

IN omnibus, inquit Paulus, maximè tamen in iure æquitas spectanda est: videlicet quæ in causis paribus paria iura desiderat. Eam enim præcipuam esse æquitatis facultatem demonstrat in Topicis Cicero. Ait enim; Valeat æquitas quæ paribus in causis paria iura desiderat. Et pro Cecinna; Omnibus, inquit, in causis idem valebit in quibus perspicitur unà atque eadem causa æquitatis. Et hoc inde, ni fallor, quod nomen æquitatis interdum generis loco poni soleat, interdum non generis sed speciei. Generis quidem loco ponitur cum ea in merum ius gentium, præcepta ciuilia & præcepta prætoris distribuitur, c. 31. depositi. Atque ita prætoris edictum quo stricti iuris emendatur asperitas nonnullis aliter sentientibus rectè appellari videtur æquitas scripta, iustitiæ respectu, quæ scripta non est, c. 8. C. de iudiciis. Ait etiam Vlpianus edicti de pactis æquitatem naturalem esse, cap. 1. de pactis. Edictum autem illud scriptum erat. Cur igitur negabimus aliquam inueniri æquitatem scriptam? Cæterum speciei loco sumitur

sumitur æquitas cum in paribus causis exiguntur paria iura. Et huiusmodi quidem æqui bonique species, æquitas, æquitas iudicis, ac nonnunquam par appellatur, c. 8. §. 6. mandati. cap. 2. §. 3. de hered. vel act. vend. c. 2 §. de legib. c. 3 2. de peculio. c. 5 2. in fin. de pactis. c. 2. §. 5. de aqua & aquæ plu. arc. Auctor est enim libr. 2. de Inuentione Cicero, *quædam generaturis certa consuetudine facta esse, velut pactum, par, indicatum, illudque par dici quod inter omnes æquabile est. Quod ipsum à Lactantio quoque traditum est lib. 5. cap. 15. his verbis; Deus enim qui homines generat & inspirat, omnes æquos, id est, pares esse voluit. Et paulò pòst; Vbi enim non sunt vniuersi pares, æquitas non est, & excludit inequalitas ipsa iustitiam. Eoque sensu à iure in hac regula separatur æquitas, non aliter quàm species à suo genere. Et ad hanc quidem æquitatis interpretationem videtur etiam in eo edicto monitorio prætor respexisse, cui titulus est; QVOD QVISQVE IVRIS IN ALTERVM STATVERIT, VT IPSE EODEM IVRE VTATUR. Liuius lib. 27. Si quid iniungere inferiori velis, id prius in te ac tuos, si ipse iure statueris, facilius omnes obediens habeas. Nec aliò spectat quod ita Lampridius de Alexandro scribit; Clamabátque sapiens quod à quibusdam siue Iudeis siue Christianis audierat, & tenebat, idque per præconem, cum aliquem emendaret, dici inebat: QVOD TIBI NON VIS, ALTERI NE FECERIS. Cuius sententiæ meminit etiam in sua diuinarum institutionum epitome Lactantius.*

XCI. PAVLVS LIB. XVII.

QVÆSTIONVM.

Quoties duplici iure defertur alicui successio, repudiato nouo iure, quod ante defertur, supererit vetus.

HÆREDITAS ad nos pertinet aut vetere iure aut nouo: vetere, è lege 12. tab. vel ex testamento quod iure factum est; nouo iure fiunt hæredes omnes qui ex S C. aut ex constitutionibus ad hæreditatem vocantur, c. 1. & c. 3. de petit. hæred. cap. 1. §. 7. ad S C. Terul. c. 11. de suis & legit. Est & illud certum edictum prætoris Orphitiano S C. antiquius esse. Siquidem S C. illud Antonino & Commodo tribuit Vlpian. tit. 26. Hinc intelligimus quod libro *Quæstionum* 17. voluerit Paulus, cum scriberet *in metallum damnata mulieri ac deinde à principe restituta*, etiam cognationis iure restituta videri, cap. vlt. de sentent. pass. Id enim ad filij successionem pertinet, quem eadē mulier prius quam in metallum daretur; conceperat, & postea edidit, ac recuperato cognationis iure hæredem reliquit, d. cap. vlt. Addiditque eodem loco Paulus *huiusmodi filio duplici iure maternam deferri successionem, nouo ac veteri: nouo quidem, Orphitiano S C. veteri verò, prætoris beneficio*

VNDE COGNATI. Et cum dubitaretur repudiato nouo iure, an veteri locus esset, respondit Paulus nouum ius antè deferri, eoque repudiato vetus superesse: per nouum ius haud dubiè Senatusconsultum intelligens Orphitianum. Siquidem eo S C. liberi matris intestatæ, quæ in mariti manu non erat, præferuntur consanguineis & agnatis in reaterna successionem cum antea ipsis liberis in eadem successionem agnati præferrentur & consanguinei, auctore in fragmentis Vlpiano tit. 26. Diciturque ante deferri nouum ius, eò quod Orphitiano Senatusconsulto primo gradu ad successionem maternam liberi admittantur, cum illi veteri iure à gradu primo excluderentur, & beneficio prætoris gradu duntaxat cognatorum admitterentur, cap. 2. vnde cognati. Atque ita quidē filius matris intestatæ, hæres proximus est Senatusconsulti Orphitiani iure nouo; quod ius si repudiauerit.

DE DIVERSIS REGVLIS IVRIS. 289
diauerit filius, matris suæ consanguineis & agnatis
locum facit; iisque non extantibus, aut eandem suc-
cessionem repudiantibus, rursus defertur filio mater-
na successio gradu cognatorum, d. cap. 2. Eoque sen-
su *nono quod ante defertur, iure repudiato superesse in hac
regula vetus dicitur.*

XCII. SCÆVOLA LIB. V.

RESPONSORVM.

*Si librarius in transcribendis stipulationis verbis erras-
set, nihil nocere quo minus & reus & fideiussor tenerentur.*

STIPVLATIONES alique contractus certa qua-
dam instrumenti formula solent comprehendī, cap.
71. de euct. cap. 5. in fin. de auct. & conf. tut. cap. 1.
§. 1. de edend. Quam formulam qui concipiebant, aut
notarij erant, aut librarij: notarij quidem, si notis; li-
brarij si literis vterentur, cap. 1. §. 2. de varijs & extra-
ord. cog. Augustinus de doctrina Christiana libro 2.

*Ex eo genere sunt notæ, quas qui didicerunt, propriè iam no-
tarij appellantur.* Illudque formularum concipienda-
rum officium ciuile, iis videtur solis exercere liberum
fuisse, qui turbæ forensi adscripti erant. cap. 9. §. 1. de
pœnis. Quemadmodum ex hac inscriptionis Nolanæ
clausula licet suspicari, T. TECIENIVS FELIX

AVGVSTALIS, SCRIBA LIBRARIVS ÆDI-
LIS CVRVLIS, VIATOR ÆDILIS PLEBIS,
ACCENSVS CONSVL. Est & alia quædam in-
scriptio vetus, id ipsum confirmans, quæ in Via Iulia
extare dicitur, his verbis concepta; HERCVLI ET
SILVANO SANCTO SACRVM, L. IVNIVS
LYCO SCRIBA LIBRARIVS ÆDILIVM
CVRVLIVM D. D. Moris etiam erat, vt concepta
formula transcriberetur, adiectis loco, die, & con-
sule,

290 IAC. RÆVARD. TOM. I. COMM.
 fule, c. 9. §. 1. de pœnis, c. 1. de edend. Huc spectat quod
 Ambros. in Luc. libro 2. de tempore ortus Saluatoris
 differens, sic ait; *Nam si consules adscribuntur tabulis*
emptionis, quanto magis redemptioni omnium debuit tempus
adscribi? Habes ergo omnia quæ in contractibus esse consu-
uerunt, vocabulum summam illic potestatem gerentis, diem,
locum, causam, testes quoque adhiberi solent. Concepta
 formula, authenticum dicebatur; transcripta, index vel
 exemplum: index quidem, si res gesta breuiter enarra-
 retur; exemplum verò, si plenè & absolutè transcriptum
 esset instrumentum; c. 2. de fide instrum. c. ult. testam.
 quemad. aper. *Illud etiam solet obseruari, ut authenticum*
tabellionis manu signatum, in archio, quod Roma in auro
libertatis erat, deponeretur, cap. 9. §. 1. de pœnis, videlicet
ut si quando eius intercidisset exemplum, esset unde perit pos-
set, auctore Paulo sentent. lib. 4. tit. 6. Et idcirco mirum
 non est, reum & fideiussorem teneri, etiamsi in tran-
 scribendis stipulationis verbis errasset librarius. Ex au-
 thentico enim, quod in grammatophylatio custodie-
 batur, veritas depromi poterat. Atque ita quidem non
 de authentico, sed de contractus alicuius exemplo ac-
 cipiendus videtur hic Scæuolæ locus; eamque inter-
 pretationem omnino postulat transcribendi verbum.
 † Sic enim pro Cluentio scripsit Cicero; *Ne lituris con-*
gui posset, testamentum in alias tabulas transcriptum signis
adulterinis obsignauit. Huc etiam spectat illud Senecæ
 controuers. libro 2. *Ego, inquit, dictavi. Duplum da-*
bo si manus non præcideritis; librario una syllaba excidit
non & scripsit, si præcideritis. Hæc ille.

CXIII. MÆCIANVS LIB. I.

FIDEICOMMISSORVM.

Filius familias neque retinere, neque recuperare, neque
adipisci possessionem rei peculiaris videtur.

ISIDORVS

ISIDORVS ait *peculium esse quod pater vel dominus filium vel seruum pro suo iure tractare patitur: hoc est, quod filius vel seruus patris dominique permissu à rationibus dominicis paternisque habet separatim, c. 5. in fin. de peculio. Hæc peculij definitio etiam Seneca nota fuit. Ait enim de benefic. libro 7. cap. 4. Nunquid dubium est quin seruus cum peculio domini sit? Dat tamen domino suo munus. Non enim ideo nihil habet seruus, quia non est habiturus si dominus illum habere noluerit: nec ideo non est munus, cum volens dedit, quia potuit eripi, etiam si noluisse. Et paulò post; Omnia patris sunt quæ in libero manu sunt. Quis tamen nescit donare aliquid & filium patri: Hæc Seneca, liquidò demonstrans id quod esse in peculio dicitur, in dominio non esse filij familias, nec ab eo ciuilitè possideri. Quod enim acquiritur filio, id protinus sic esse patri acquisitum censetur, ut ne momento quidem id quod ex causa peculiari quaesitum est, intelligatur filius possidere, cap. 44. §. 4. de usurpat. cap. 4. de acquir. poss. cap. 13. de iure patrum. Eoque sensu auctor est hac regula Mæcianus, *filium familias nec retinere, nec recuperare, nec etiam adipisci possessionem rei peculiaris, atque ideo patrem teneri de peculio ex contractu filij, non autem ipsum filium*, cap. 5. & cap. 44. de peculio. Si modò peculium illud castrense non fuerit, cap. 52. §. 6. pro socio, cap. 2. de contrah. empt. cap. 17. §. 1. ad municipalem. Auctor est enim idem Mæcianus, *castrense peculium à patris bonis separari, nec cogendum esse patrem propter as alienum peculij castrensis nomine factum de peculio actionem pati*, cap. 18. §. 2. de castr. pec. Idque illud est quod his versibus exprimit eleganter Iuuenalis sat. ult.*

*Solus præterea testandi militibus ius
Vino patre datur; nam quæ sunt parca labore
Militiæ, placuit non esse in corpore census*

Omne tenet cuius regimen pater.

Si filiusfamilias nullam rei peculiaris retineat aut etiam adipiscatur possessionem, certè nec ullam patre mortuo intelligitur recuperare. Siquidem id demum recuperamus, quod semel amisimus. Proinde si frater à fratre cùm in eiusdem patris essent potestate, pecuniam mutuatus post mortem patris soluerit, quæsitum fuit an repetitioni locus sit, cap. 38. de condict. indeb. Et quia nullam frater ille qui pecuniam fratri mutuam dedit, intelligitur peculij possessionem mortis patris recuperare, sed potius ita peculium reliquis admisceri bonis paternis, ut tam illius quàm aliarum rerum hæreditariarum frater censeatur fieri cum fratre consors (cap. 65. de rei vindic.) idcirco respondit Africanus pro ea parte repetitioni locum esse, quia hæres patri exiturus est frater ille qui sumptam viuo patre mutuam à fratre pecuniam soluit post patris mortem: pro ea verò parte qua frater cui solutum est hæres exitit, ita repetiturum fratrem qui soluit, si non minus ex reliquo peculio suo ad fratrem cui solutum est peruenisset, d. cap. 38. Atque ita recuperari nulla rei peculiaris possessio intelligitur.

XCIV. VLP IANVS LIB. II.

FIDEI COMMISSORVM.

Non solent quæ abundant vitare scripturas.

QUEMADMODVM ex iis quæ superuacua sunt, nulla solet obligatio nasci, cap. 2. in princ. mandati. ita nec in testamentis quæ abundant, vitiant scripturas, cap. 17. & cap. 34. de manumiss. testam. cap. 34. de hæred. instit. Eoque videri potest beatus Augustinus respexisse, de ciuitate Dei lib. 4. cap. 27. cùm ita scriberet; *De superuacuis non magna causa est. Solet enim à* *viuis*

DE DIVERSIS REGVLIS IVRIS. 293
viris peritis dici, Superflua non nocent. Hæc Augustinus,
regulam proferens iuriconsultis familiarem. Et idcir-
co pro *viris peritis*, suspicor *iuris peritis*, eo in loco re-
ponendum esse. Similis error apud eundem Augusti-
num reperitur in epist. quadam ad Macedonium his
verbis; *Nec ideo sanè frustra instituta sunt potestas regis, vis*
gladij cognitoris, vngula carnificis, arma militis. Dubium
enim non est quin pro *vis gladij cognitoris*, omnino
ius gladij cognitoris, hoc in loco legendum sit.

XCIV. VLPPIANVS LIB. VI.
FIDEICOMMISSORVM.

Nemo dubitat soluendo videri eum qui defenditur.

FIDEICOMMISSORVM libro 6. scripsit de
petitione fideicommissi Vlpianus, & de hærede tra-
ctauit, qui satisfacere cogitur, ne mittatur aduersarius in
possessionem fideicommissi seruandi causa, cap. 6. vt
legat. seu fideicom. cap. § 2. in fin. de iudic. Huiusmo-
di decretis tunc esse locum addidit Vlpianus, *cum nul-*
la incidit de fideicommisso controuersia. Nam si agente eo
cui quid fideicommisso relictum est, idoneum constituerit hæ-
res defensorem, in possessionem cessabit missio. Siquidem ido-
neus esse defensor nullus intelligitur, qui solitam non
præstat satisfactionem IUDICATVM SOLVI, cap.
40. §. 2. de procurat. Eaque satisfactione hæres cum de-
fenditur, esse intelligitur soluendo, & per consequens
integra fideicommissi æquè seruatur causa, atque, si in
possessionem missus esset aduersarius. *Nemo enim du-*
buit, soluendo videri eum qui defenditur. Nam alienæ
litis idoneus defensor sine satisfactione nemo intelli-
gitur, cap. 46. §. 2. de tit. Et hoc nimirum illud est quod
ait idem Vlpianus, legatorum nomine in possessio-
nem missum, si litem eo nomine contestatus est, de-
cedere

294 IAC. RÆVARD. TOM. I. COMM.
cedere cogi possessione, simul atque ei pro lite fuerit
cautum, capite §. §. 20. ut in poss. legat. Nec inter est
hæres ipse conveniatur, an eius procurator, quemad-
modum pro P. Quintio docuit Cicero.

XCVI. MÆCIANVS LIB. XII.

FIDEICOMMISSORVM.

*In ambiguis orationibus maximè sententia spectanda est
eius qui eas protulisset.*

HÆC conditio, FILIÆ MEÆ CVM NVPSERIT TANTVM DARI VOLO, ambiguum continet orationem. Nam si iniuste semel nuptam, iterum nubere contingat legitimè, an legato locus sit, dubitatur. Et quia in ambiguis orationibus maximè sententia spectanda est eius qui eas protulit; idcirco respondit Vlpianus, si apparere possit de primo nuptialium sensisse testatorem, conditionem defectam esse; sin minus, benignè dicendum non impletam conditionem defectam, cap. 10. de cond & demonst. Simili modo si ita scriptum fuerit; TITIVS SI STATVAS IN MVNICIPIO POSVERIT, HÆRES ESTO, nihil ambiguitatis continet hæc oratio. Certè quod cuius non liceret statuas suo arbitrio in municipiis ponere. Et idcirco si eas non poneret hæres, eò quòd locus non daretur, dubitabatur, an valeret institutio. Et tandem in eo videntur cum Sabinianis Proculeiani convenisse, ut dicerent hæredem eum fore, cap. 14. de cond. & demonst. sententiam nimirum testatoris in ambiguis orationibus spectandam secuti, quæ talis fuisse videtur, ut vellet hæredem ponere statuas, si modò posset impetrare locum. Huiusmodi enim conditiones etiam si non exprimantur, subintelligi tacite solent; quemadmodum demonstranter

DE DIVERSIS REGVLIS IVRIS. 299
ganter Seneca de benefic. libro quarto. Sanè, in mu-
nicipiis locum ponendis statuis à Duumviris & de-
curionibus impetrari debuisse, non Pomponius so-
lùm, sed Paulus etiam expressè testatus est, d. cap. 14.
& cap. 2. de loco publico fru. Extatque hac de re apud
Fabricium & P. Appium elegans decreti formula, cu-
ius hæc est præcipua clausula ; PLACERE HVIC
ORDINI AVCTORITATEM IN EAM REM
ANTE HANC DIEM FACTAM, CONFIR-
MARI ; PERMITTIQUE ANNIO ADIE-
CTO LIBERTO EIVS STATVAM PONERE
ANNIO MODESTO, LOCO ADSIGNATO
A II VIRIS NOSRIS, QVO TESTATIO RESIT
ERGA EVM AFFECTVS REIPUBLICÆ NO-
STRÆ. Est & alia quædam inscriptio vetus huic con-
sentanea, quæ Tarraconæ in Hispania etiamnum ex-
tare dicitur, his verbis concepta ; M. FABIO M. F.
GAL. PAVLLINO, EQVO PVBLICO DONA-
TO AB IMPERATORE CÆS. HADRIANO
AVG. ILLERDENSES CIVI OPTIMO OB PLV-
RIMAS LIBERALITATES IN REM PVBLI-
CAM SVAM LOCO A PROVINCIA IMPE-
TRATO POSVERVNT. Atque ita quidem in ora-
tionibus testamentorum ambiguis eius spectari senten-
tia solet, qui eas protulit ; hoc est, benignè interpretari
solet testamentum ambigüè scriptum, & secundùm
id quod est credibile esse cogitatum à testatore, cap.
24. de reb. dubiis. Nam, vt ait Plinius Epist. libro 4.
*religiosissimè custodienda est defunctorum voluntas, quam
bonis heredibus intellexisse, pro iure est.*

XCVII. HERMOGENIANVS LIB. III.
IVRIS EPITOMARVM.

*Ea sola deportationis sententia aufert, quæ ad fiscum per-
tinent.*

HERMOGENIANVS iuris Epitomarum libro tertio de iis tractauit, quæ amitti deportationis sententia solent. Et ait quidem *sine patronus, sine liber restituitur deportatus amissum recipi ius patronatus*. Ea enim sola deportationis sententiam auferre quæ ad fiscum perueniunt; quorum appellatione non potest ius patronatus comprehendi, cap. 21. de iure patronat. cap. 3. §. 3. de bon. liber. Ius igitur patronatus licet amittatur deportatione, sententia tamen deportationis non auferitur. Amittitur enim deportatione quatenus vinculum est iuris ciuilibus Romanis proprium, quatenus verò *obsequium* dicitur *verecundia* (vt est apud Papinianum cap. 41. de oper. libert.) per sententiam deportationis, exemplo patriæ potestatis, non auferitur. Eoque videri potest Plinius Epistol. lib. 10. respexisse, cum liberis cuiusdam Chrysippi ciuitatem à Triano ita petit, vt sint in patris potestate, vtque iis in libertos seruetur ius patronorum. Dubium enim non est, quin de eo patronatus iure senserit Plinius, quod solis Romanis ciuibus proprium erat iure Quiritium; non autem de eo, quod gentium iure ad nudum referebatur obsequium verecundiæ. Eiusque obsequij ratione scripsit etiam Vlpianus *magis esse vt non extinguat seruitus ius patronatus*, cap. 1. de sentent. pass. Referri etiam hæc regula potest ad ius consanguinitatis. Certum est eorum bona qui capitali iudicio condemnantur, publicari. Nam malè meritis publicè, vt exemplo aliis ad deterrenda maleficia sit, etiam egestate laborare debet, capite 31. depositi. Eandemque cum parentibus calamitatem subire liberi intelligebantur, si non exilio aut morte, saltem bonis publicatis; quemadmodum auctor est libro Epistol. ad Brutum Ciceroni. Ait enim; *Nec verò me fugit quàm sit acerbum parentum scelera filiorum poenis lvi. Sed hos præclare legibus comparatum*

comparatum est, vt charitas liberorum amiciores parentes Republica redderet. Hanc legum acerbiteriam nimiam nonnihil videtur Iulius Cæsar mitigasse. Testatur enim Suetonius, *parricidas, bonis omnibus; reliquos dimidia parte Cæsarem multasse.* Eoque tandem res deuentum interdum omnia bona relinquerentur damnatorum liberis, interdum certæ portiones, ac nonnunquam etiam portiones incertæ id quod libro quodam singulari De portionibus quæ liberis damnatorum conceduntur, euidenter demonstrat Iulius Paulus, c. 7. de bon. damnat. Huiusmodi portiones separari ab ea bonorum parte solent, quæ ad fiscum pertinebat. Et quamuis hæredes patri deportato non extarent liberi, quæ tamen ius retinent inter se consanguinitatis, rectè suas singuli consanguinitatis iure portiones ferrent, non quidem vt hæredes, vt non vt liberi, sed *grada legitimorum*, hoc est, vt consanguinei & agnati eiusdem familiæ: quod vtique non fieret, si patris deportati sententia, huiusmodi consanguinitas censeretur extincta. Cum igitur ea extincta non sit, & transire ad fiscum nequeat, certè nec liberis auferri per sententiam deportationis videtur. *Ea enim sola deportationis sententia liberis auferuntur, quæ ad fiscum perueniunt, non alia; quemadmodum Epitomarum iuris lib. 3. ex quo hæc regula sumpta est, scripsit Hermogenianus, cap. 6. vnde legitimi.*

XCVIII. HERMOGENIANVS LIB. IV. IVRIS EPITOMARVM.

Quoties vtriusque causa lucri ratio vertitur, is preferendus est cuius in lucrum causa tempore precedit.

Hæc regula ad vulgares quasdam legatorum & fideicommissorum seruandorum causa possessiones

cautionesque omnino pertinet. De huiusmodi enim cautionibus & possessionibus libro iuris Epitomarum 4. Hermogenianum deseruisse testis est epigrapha cap. 11. ut in poss. leg. Si ex causa fideicommissi apud aliquem esset hæreditas, nec legatorum satisficeret, in possessionem aduersus eum legatarius mitti solet, c. 3. ut legat. vel fideicom. Non quidem ut expellendi hæredem ius haberet, sed potius ut simul cum hærede possideret, & tandem tædio perpetuæ custodiæ extorqueret hæredi cautionem. cap. 5. in princ. ut in poss. legat. Et quia plures legatarii simul in possessionem poterant mitti, dubitatum fuit ex duobus legatariis quibus sub conditione legatum erat, in possessionem simul missis, vter præferendus sit, hoc est, vter prior possit legatum persequi. Respondit Epitomarum iuris lib. 4. Hermogenianus, eum esse præferendum, *ius cuius lucrum iusta legati petendi causa tempore præcedit* hoc est, cuius conditio, sub qua legatum relictum est, prior impleta est; d. cap. 11. Idque dicendum esse addidit, generaliter quoties aliqua vertitur lucri ratio causa vtriusque simul in possessionem missi, hoc est, quoties de lucro duorum quæritur, qui simul in possessionem legatorum seruandorum causa missi sunt. Solet enim vulgo dici, *Qui prior est tempore, prior est iure.*

XCIX. VENVLEIVS LIB. XII.

STIPVLATIONVM.

Non potest improbus videri, qui ignorat quantum solvere debeat.

Qui fidem violabat, non ignorans quantum deberet solvere, is appellari improbus solet, cap. 51. de rei iudic. cap. 31. de rei vendic. certè quod in libris moretur

moretur assidue dolo malo. Festus enim auctor est ordinarium hominem dici solitum *scurram & improbum*, qui assidue in litibus moraretur. Sique improbitatis huiusmodi nomine aut à censore notatus, aut expressa lege iudicisque pronuntiatione damnatus esset, non improbus solum, sed etiam intestabilis erat, ut est apud Gellium lib. 15. c. 13. & lib. 7. cap. 18. Eoque sensu bellum enarrans Iugurthinum sic de Metello scripsit Salustius; *Improbis intestabilisque videtur Metellus, postquam de rebus Vacca actis competit*. Et tunc quidem nec eius recipi, nec ei dici testimonium poterat, cap. 26. de testamentis, c. 21. de testibus. Porro, quem Iurisperiti improbum vocant ac intestabilem, eum intestabilem & facrum appellat Horatius serm. lib. 2. Satyr. 3. his verbis, *Intestabilis & sacer esto*: non ignorans hominem malum & improbum veteribus sacrum dici; quemadmodum à Festo traditum est de verb. sign. lib. 16.

C. GAIUS LIB. I. REGVLARVM.

Omnia quæ iure contrahuntur, contrario iure pereunt.

OBLIGATIONI solutio contraria est. Eoque spectare videtur illud Terentij in Adelphis; *Ego ad forum ibo ut hunc absoluam: Id est*, inquit Donatus, *ad forum ibo ut hunc reddito illi pretio dimittam*: nam veluti ligati sunt quibus debetur aliquid, & qui aliquid debent, & idcirco qui debitam pecuniam reddunt, solvi dicuntur; etiam si non pecunia numerata, sed verbis aut nudo consensu fieri contigerit liberationem. Quod enim verbis contractum est, verbis tolli potest testis est Ulpianus, cap. 35. hoc tit. cap. 8. §. 2. de acceptilatis. Siquidem omnia quæ iure contrahuntur, contrario iure pereunt. Idque illud est quod Seneca de benefic. libr. 6. cap. 5. ita scribit; *Pecuniam dicimur reddidisse,*

300 IAC. RÆVARD. TOM. I. COMM.
reddidisse, quamvis numeravimus pro argenteis aureos,
quamvis non interuenerint nummi, sed delegatione, & per
bis perfecta solutio sit.

CI. PAVLVS LIB. SINGVLARI
DE COGNITIONIBVS.

*Vbi lex duorum mensium facit mentionem, & qui se
xagesimo & primo die venerit audiendus est: ita enim Im-
perator Antoninus, cum diuo patre suo rescripsit.*

EXTANT Pauli responsi quædam sub hac epigra-
phe: PAVLVS Impertalium sententiarum in cognitio-
nibus prolatarum, siue Decretorum ex libris sex libro pri-
mo; cap. ult. de iure patron. c. 41. famil. erciscund. cap.
ult. de hæredib. inst. Et quia singularem quendam De
cognitionibus, & alium De iure singulari librum sin-
gularem scripsit idem Paulus; certè dubium non vi-
detur, quin hæc tria, Decretum, Cognitio, & Ius sin-
gulare, diuersa sint. Nec mirum. Quædam enim iuris
esse dicuntur ordinarij, quædam iuris singularis, &
quædam denique cognitionis, Ordinarij iuris ea sunt
quæ à magistratibus vel à principe decernuntur se-
cundùm tenorem & ordinem iuris. Ad singulare ius
ea referuntur quæ contra ius ordinarium æquitate
non dissuadente, fauorabiliter recepta sunt, c. 33. §. 1.
de acq. poss. cap. 44. §. 3. de vsurp. c. 23. §. 3. de fideicom.
libert. Et denique cognitionis ea dicuntur esse, quæ
supra ordinarij iuris dispositionem indulgentur prin-
cipali rescripto, cap. 2. C. de in ius voc. cap. 1. de con-
stit. princip. Cuius generis est ciuiliū publicorū
que munerum vacatio, legitimi temporis prorogatio,
induciæ egenis creditoribus concessæ, & sic deinceps;
de quibus Paulum libro singulari De eo cognitioni-
bus tractasse, partim ex hac regula manifestum est,
partim

partim ex epigraphæ capitis vlt. de excusat. & cap. 5. de vetera. Nec aliò spectat quod Symmachus Epist. lib. 1. sic ad Imperatorem Theodosium scribit; *Sed multis promocationibus; variisque tracta iudiciis intra metas insti temporis nequiuit exequi propositas actiones. Vt res monebat amissum beneficium remedio integravit supplicationis.* Sed idem mulierem casus, etiam rescripti humanitate fraudauit. Hæc Symmachus, id haud dubiè appellans supplicationem, quod ad cognitionem Paulus refert, non quidem causæ, litis, siue controuersiæ, sed solius supplicis libelli. Ita enim à decretis quæ causæ requirunt cognitionem cerni principalia cognitionis rescripta solent. Eaque etiam ratione cum libellorum magistro sacrarum cognitionum magister iungitur in quadam inscriptione quæ ad ædem D. Luciae Romæ etiamnum extare dicitur, his verbis; **DIS MAGNIS MATRI DEVM ET ATTIDI SEXTILIVS AGESILAVS ADESIVS V. C. CAVSARVM NON IGNOBILIS AFRICANI TRIBVNALIS ORATOR, ET IN CONSISTORIO PRINCIPVM, ITEM MAGISTER LIBELLORVM ET COGNITIONVM SACRARVM, MAGISTER EPISTOLAR. MAGISTER MEMORIE.** Eoque etiam referri poterit illud Arnobij in Psal. 123. *Pium est, vt indicem videas, vt causam defendas, vt libellum porrigas, preces effundas.* Hanc iuris ordinarij & cognitionis differentiam vehementer confirmat Suetonius ad hunc modum de Claudio scribens; *Alium interpellatum ab aduersariis de propria lite, negantemque cognitionis rem, sed ordinarij iuris esse, agere causam confestim apud se coëgit.* Sensus enim est, rem illam per libellum sola cognitione rescriptoque principali expediri non posse, sed in ea definienda ordinem iuris sequendum esse, qui ordo auditis vtriusque

302 IAC. RÆVARD. TOM. I. COMM.
partibus causæ requirit sedulam examinationem. Ea-
que ratione ab in ius vocatione libelli oblationem
sejungit Paulus, cap. 25. de in ius vocand. Nec alio sen-
su dicitur *excusari non posse tutor per libellum*, cap. 25. de
excusat. Est enim excusatio tutoris non res cognitio-
nis, sed ordinarij iuris. Certum est mensibus duobus
integros tribui dies sexaginta, cap. 30. ad leg. lul. de
adult. Et idcirco quòd lex intra duos menses iubet fie-
ri, ordinario iure intra dies sexaginta videtur facien-
dum, nisi tempus illud principali rescripto fuerit am-
pliatum. Vnde perspicuum omnino est, quidnam hac
regula voluerit Paulus, ex eius lib. singulari De co-
gnitionibus sumpta. Nimirum aliud nihil quàm tu-
torem agentem in prouincijs & excusare se volen-
tem, *intra menses duos*, hoc est, dies sexaginta (trigin-
ta diebus intra quos fieri à magistratibus certior de-
bebat, simul comprehensis, capite vltimo de tut. &
curat. dat.) id eum facere oportere. Et cùm de eo qua-
reretur qui die sexagesimo primo venerat, an audien-
dus esset, respondit Paulus; iure quidem ordinario
eum audiendum non esse, sed cognitionis iure vtique
audiendum. Imperatorem enim Antoninum cùm D. pæ-
tre suo quadam cognitione generaliter rescripsisse, *vbi lex*
duorum mensium facit mentionem, qui sexagesimo primo die
venerit, audiendum esse: illudque rescriptum legis vigorem
habere, cap. 1. de constit. princip. Atque ita quidem
non ordinario, non singulari, sed solo cognitionis
iure duorum mensium appellatione dies compre-
henditur sexagesimus primus. Quòd cùm Græci in-
terpretes non intelligerent, frustra regulam hanc su-
spicati sunt vitiosam esse.

CII. VLP IANVS LIB. I.

AD EDICTVM.

Qui vetante pratore fecit, hic aduersus edictum fecisse propriè dicitur.

PRINCIPES, pratores, præfides, aliique maiores magistratus & duces belli cum quid palam iuebant aut vetabant fieri, id facere solent edicto, quemadmodum in Nerone testatur Suetonius. Ait enim, *municipus gladiatorum edidisse Neronem tanta sanctia, ut necesse fuerit Augusto, clam frustra monitum, edicto coercere.* Dominatus etiam auctor est edictum pratoris dici & Imperatoris; hunc explicans in Eunuchio Terentij loquitur. *Miles nunc adeo edico tibi, ne vim facias ullam in illam.* Cui consentaneum quoque est illud Suetonij de Augusto; *Nec post bella civilia aut in concione, aut per edictum ullos militum commilitones appellabat, sed militibus, se dominum vocari prohibuisse; eumque iocis quibusdam inuidiosis aut petulantibus laceffitum, contradixisse edicto: equestrem ordinem à Caligula inuitatum fuisse per edictum: viatores ne per Italia oppida nisi aut pedibus, aut sella, aut lectica transirent, edicto monuisse Di-
rianas cohortes uno edicto exauctorasse. Sic & prætor si quid fieri iuberet aut vetaret, uti solet edicto; cap. 5. §. 4. cap. 16. & cap. 18. de noui operis nuntiat. Et idcirco qui vetante prætore fecit; mirum non est eum aduersus edictum fecisse propriè dici, d. cap. 16. Idque adeo verum est, ut mandata præfidis ad prouinciales de eius aduentu missa, eadem prorsus ratione nomen etiam haberent edicti; cap. 4. §. 2. de offi. præfid. Eoque pertinet illud Liuij l. 38. *Inde præmisso edicto, ut triduo post**

304 IAC. RÆVARD. TOM. I. COMM.
post frequens senatus ad eadem Bellona adesset, omni multitudine obuiam effusa, ad urbem accedere.

AD §. EIVS EST.

Eius est actionem denegare, qui possit & dare.

ALITER liberum non erat ad agendum actum procedere, quam si actionem impetrasset, ca. 6. in prin. de inoffic. testam. cap. 3. in princ. quod quisque iuris cap. 3. de sep. violato. Nam si actione denegata adversario molestus esse non desineret actor, exceptio non impetrata actionis eo modo solet excludi, quo per rei iudicata exceptionem repellebantur illi, qui de re iudicis pronuntiatione semel definita novam rursus litem movere non verebantur. Atque hoc sensu de benefic. lib. 2. cap. 8. sic scripsit Seneca; *Ad iudicem missus sum, ut impetrarem, causam dixi.* Per iudicem enim prætorem vel præsidem intelligit Seneca, non iudicem datum, d. c. 6. in princ. Nec aliud spectat quod act. 5. in C. Verr. ait Cicero C. Gallium senatorem à L. Metello, *ut ex edicto suo iudicium daret in Apronium.* QVOD PER VIM AUT METVM ABSTULISSET, *postulantem, non impetrasse.* Et quia impetrante Diocletiano ordinaria iudicium datio desistit in usu esse, cap. 2. C. de ped. iudicib. certè & ipsa quoque actionum impetratio per consequens inutilis esse & minus necessaria cœpit. Quæ res in causa fuit, ut vulgarem non impetrata actionis exceptionem sustulerint tandem Theodosius & Valentianus Imperatores cap. 2. C. de for. & impet. act. sublat. Moris etiam erat ut non à magistratibus alijs, quàm qui ius haberent dandorum iudicium actiones possent impetrari: quod quidem ius magistratus municipales non habebant. Et idcirco si ab ijs actio damni infecti nomine comperens

DE DIVERSIS REGVLIS IVRIS. 305
petens peteretur,actorem ita reiicere non poterant,vt
dicerent actionem se denegare. Eius enim est actio-
nem denegare qui possit & dare. Idque illud est quod
scripsit ad edictum libro primo Vlpian. *iudicium dam-
ni infecti nomine competens certam habere conditionem SI
POSTVLATVM FVERIT; & postulare propriè dici
pro tribunali petere, non alibi*, capite 4. §. 6. de damno
infecto.

CIII. PAVLVS LIB. I.
AD EDICTVM.

Nemo de domo sua extrahi debet.

PLERIQUE putauerunt nullum de domo sua in
ius vocari licere, quia domus tutissimum cuique re-
fugium est ac receptaculum, cap. 18. de in ius voc. cap.
28. de fideicom. libert. cap. 5. §. 2. de iniur. Si modo nec
aditum ad se prastaret, nec è publico conspiceretur,
cap. 19. de in ius vocand. Aliter enim solemnè denun-
tiatione vocari in ius poterat, non tamen de domo sua
inuitus extrahi, cap. 4. §. 3. de dam. infecto, capitulo vi-
gesimo primo de in ius voc. Nemo enim de domo sua
extrahi debet. Qua de re scripsimus Protrib. lib. sing.
cap. 3. *Quintilianus lib. 7. cap. 9. Ex domo in ius edu-
cere non licet; extra tabernacula eduxit.*

CIIII. VLPIANVS LIB. II.
AD EDICTVM.

*Si in duabus actionibus alibi summa maior, alibi infam-
ia est, praponenda est causa existimationis. Vbi autem
equiparant famosa iudicia, etsi summam imparem habeant,
pro paribus accipienda sunt.*

DVAS actiones de vnà eademque re simul con-
currere

306 IAC. RÆVARD. TOM. I. COMM.
currere nouum non est; ex quibus alteram contingit
interdum famosam esse, alteram non, c. 14. §. de priu.
verb. Sic cum actione iniuriarum concurrit actio legis
Aquilæ, c. 5. §. 1. ad leg. Aquil. Sic etiam qui hominem
furripuit & occidit, quia furripuit furti, quia occidit,
lege Aquilia tenetur, c. 2. in princ. de priuat. delictis. Sic
denique cum actione bonæ fidei concurrere dicitur
actio furti, cap. 45. pro socio. Et quia per alteram altera
non tollitur, dubitatum fuit, vtra præponi debuerit, an
famosa, an verò ea quæ cum famosa non sit, maiorem
tamen summam continet, arque ita videtur præferen-
da, c. vlt. C. de ord. cog. c. 54. de iudic. Præsertim cum sic
scripserit in Lucam lib. 2. beatus Ambros. *Non est tamen
irrationabile ut minor cedat causa maiori.* Respondit Vl-
pianus, præponendam esse causam existimationis ve-
lut maiorem. Quia enim famoso iudicio damnatum
famosum esse dubium non est, certè & illud quoque
videtur esse rationi cōsentaneum, vt in huiusmodi spe-
ciebus primo loco dispiciatur de aduersarij existima-
tione, tanquam de causa maiore, cap. 5. de pœnis, cap.
5. de variis & extraord. cog. Quod vtrique fieri non
poterat, si duo famosa iudicia simul concurrerent. Ea
enim etiamsi imparem summam contineant, pro pa-
ribus tamen accipienda sunt; quo fit, vt in arbitrio
actoris sit vtro velit experiri. Videlicet eo modo quo
in aliis non famosis simul concurrentibus iudicijs, el-
se huiusmodi electio penes actorem solet, cap. 14. de
rei vind. cap. 10. §. 5. mandati.

CV. PAVLVS LIB. I.

AD EDICTVM.

Vbicunque cause cognitio est, ibi prætor desideratur.

IVRISDICTIONEM etiam in Italicis munic-
piis exercuisse prætorem urbanum, testis est Vlpianus,
cap. 4.

cap. 4. §. 3. de dam. inf. Est etiam Gellius auctor lib. 10. cap. 3. maiores populi Romani magistratus non ea solum quæ iurisdictionis erant, in municipiis Italicis facere potuisse, sed etiam quæ erant imperij. Quod ipsum ad Edictum libro primo videtur Paulus quoque tradidisse, & simul definiuisse, quid vrbs, quid item Romæ appellatione contineatur, cap. 2. de verbor. signific. Eodem enim lib. 1. scripsit Paulus, magistratibus municipalibus non per-mitti in integrum restituere, aut in possessionem mittere rei vel dotis seruanda, vel etiam seruandorum legatorum cau-sa, cap. 26. ad municipal. Et idcirco à præside in pro-uinciis aut si vicinum vrbi Romæ esset municipium, à prætore cognita causa in possessionem mitti solet non à magistratu municipal. d. cap. 4. §. 7. tum quod ea quæ magis imperij sunt quàm iurisdictionis municip-alis magistratus facere non possit, d. cap. 26. & cap. 4. de iurisdic. tum etiam quod in possessionem missio solemnem requirat causæ pro tribunali cognitionem siue decretum, cap. 4. §. 2. de damno infect. quo fit vt & prætoris requirat præsentiam. Vbicunque enim so-lemnis causa cognitio est, ibi prætor desideratur. Et sic qui-dem ad edictum lib. 1. scripsit Paulus. Idque adeò ve-rum est, vt hac sola ratione nec dare nec denegare potuerit municipalis magistratus actionem, d. cap. 4. §. 6. Non enim aliter dari actiones solent, quàm causa solemniter cognita.

CVI. PAVLVS LIB. II.
AD EDICTVM.

Libertas inestimabilis res est.

MODESTINVS auctor est, liberum hominem non posse in stipulationem deduci, quia æstimatio eius præ-stari non potest, cap. 103. de verb. oblig. Ea enim sola

308 IAC. RÆVARD. TOM. I. COMM.
constitunt in obligatione, quæ pecunia lui præstari
que possunt, cap. 2. §. penult. de statulib. Atque ira fit,
vt nulla de corpore libero contrahatur obligatio. Nam
libertas cum sit inæstimabilis, pecunia lui aut repa-
rari nequit, d. §. penult. Et hoc est, quod ait titulo 2. Vl-
pianus, *pretij computationem pro libertate fieri non possit*
quodque Caius scribit *liberum corpus æstimationem non*
recipere, capite 3. si quad. pauper. fec. dicat.

CVII. GAIUS LIB. I. AD
EDICTVM PROVINCIALE.

Cum seruo nulla actio est,

Si seruus pactus fuerit ne ipse peteret, inutile pa-
ctum est, cap. 28. de pact. Cum seruo enim actio non
est. Nam vt ait in Phormione Terentius.

Seruum hominem causam orare leges non sinunt;

Neque testimonij dictio est.

Quo sensu scripsit Vlpianus *seruum personam non esse*
que in ius vocari possit, c. 3. ne quis eum qui in ius voc.
est. Et quia lis nulla nobis esse potest cum iis quos in
potestate habemus, præterquam ex castrensi peculio,
cap. 4. de iudic. hinc etiam videtur hæc regula sic acci-
pi posse, quasi contenderit Caius cum seruo nostro
nullam nobis actionem esse. Hæc enim duo exempla
ex eodem Caij ad Edictum prouinciale lib. 1. desum-
pta sunt, & huic regulæ omnino conueniunt.

CVIII. PAVLVS LIB. IV.

AD EDICTVM.

*Ferè in omnibus pœnalibus iudiciis & citari & impru-
dentia succurritur.*

Si reus in ius vocatus sequi actorem noller, libe-
rum actori medio attestationis erat reum manu con-
serta

setta in ius ducere, & si calueretur reus pedemve strueret, etiam ei collum torquere, eumque adstricta ceruice in ius rapere. Id enim lege duodecim tabularum expresse contineri ex Gellio, Festo & Porphyrione admonuimus aliquando, his verbis; SI IN IUS VOCET, ATQVE EAT. SI MORBUS ÆVITASVE VITIVM ESIT, IVMENTVM DATO; SI VOLET ARCERAM, NE STERNITO. SI VIS VOCATIONI, TESTAMINI; IGITVR EM CAPITO ANTESTARI. SI CALVITVR PEDEMVE STRVIT, MANVM ENDO IACITO. Varro auctor est de lingua Latina libro sexto, *in multis verbis in quibus antiqui dicebant S, eos postea dixisse R, vt in carmine Saliorum Casauli, dolosi, eso.* Et idcirco apud Gellium pro VITIVM ESSET, rectè mihi videor reposuisse VITIVM ESIT; non, vt alij volunt, VITIVM ESCIT. Atque ita quidem si vis fieret vocationi, locus erat antestationi, & manu conferta in ius ducebatur aduersarius. Eoque visus est Hieronymus Epistolarum libro decimo sexto respexisse, cum ait; *Conferta manu in ius vocas, & satyricum scriptorem in prosa arguis.* Et quia Liuius libro tertio scribit *Virginij filiam in ius fuisse vocatam auctoribus qui aderant*; videtur sanè eo in loco antestationis mentio fieri, quam non ita dudum suis legum tabulis decemviri promulgauerant. Nec satis erat antestationis medio reos prehendi. Nam si caluerentur, rapiti in ius poterant obrorto collo. Idque illud est quod apud Nonium sic ait Lucilius;

Si non it, capito inquit eum, & si caluitur, ergo fer dominum.

Malè vulgò legitur, *Ergo fur dominum.* Vt enim hunc locum enendamus, sensus & antiqui iuris ratio possulant, præsertim cum eidem loco illud quodammo-

310 IAC. RÆVARD. TOM. I. COMM.
do consentaneum sit, quod sic Iuuenal. Sat. 10. scribit,

*Sed videant serui ne quis neget, & pavidum in
Cervice adstricta dominum trahat.*

Nec aliò spectat quod ita Hieronymus ait Epistol.
libro 2. *Oborto collo me in ius trahis, ut aut probem quod
nolo, aut multorum inuidiam subeam.* Dixit Hieronymus
oborto collo, pro eo quod apud Iuuenalem est *cervice ad-*
stricta. Nam cui adstringebatur ceruix, ei collum tor-
queri dicebatur; quemadmodum auctor est Livi-
us libro quarto, his verbis; *Hoc decreto consul armatus cum
paucis appellantis tribunum, collum torfisset, metu car-*
ri sacramento dixere. Sed quorsum hæc? Nimirum ut
intelligamus quidnam voluerit sibi hac regula Pau-
lus. Et certum quidem est libro quarto ad Edictum
ex quo hæc regula sumpta est de pœnalibus iudiciis
prætoriiis differuisse Paulum, eiusque generis esse illud
iudicium pœnale quod aduersus eos datur, qui paren-
tem aut patronum sine venia in ius vocant, cap. 9. &
cap. 11. de in ius voc. Modestinus & Ulpianus au-
ctores sunt quinquaginta aureorum in eos iudicium
dari, aut si inopia dinoscerentur laborare, à præfe-
cto urbis eos castigari tanquam inofficiosos; cap. pe-
nultim. & cap. vltim. de in ius voc. Et quamvis non
adiecerit prætor se causa cognita huiusmodi pœnale
iudicium daturum, nihilominus tamen benigna in-
terpretatione esse poterat veniæ locus. Nam si pœni-
teret libertum, & actionem remitteret quàm vel teme-
rario quodam ætatis impetu, vel etiam imprudentia
aduersus patronum sine venia in ius vocatum insti-
tuere decreuerat, aut si patronus vocatus non veniret,
aut non inuitus vocatus esset, Paulus ait ad Edictum
libro quarto moderandam prætoris iurisdictionem.
Ferè enim in omnibus pœnalibus iudiciis ætati & im-
prudentiæ succurri, cap. 11. d. tit. Et rectè quidem ad-
didit

DE DIVERSIS REGVLIS IVRIS. 311
didit particulam ferè. Nam si libertus patronum, aut
filius patrem in ius vocasset inuitum, quod fieri ma-
nu conferta, aut adstricta ceruice solebat, in ea causa
erant, vt nullam eorum ætas, aut imprudentia veniam
mereretur, sed potius à præfecto vrbi grauitè essent
puniendi, d. c. ult. & cap. 1. de obseq. par. & par. præst.
Nam vt ait eleganter Vlpianus, *liberto & filio semper
honestæ & sanctæ personæ patris ac patroni videri debet, c. 9.
d. tit.* Eaque ratio est cur scripserit Imperator Gordia-
nus nec rusticitati hac in re veniam præberi, cap. 2. C. de
in ius voc. eo nihil obstante, quod aliis edicti parti-
bus succurri soleat rusticitati, cap. 7. de iurisd. cap. 2.
si quis in ius vocat. Quod autem Paulus ait, ætati in
omnibus pœnalibus iudiciis ferè succurri, id etiam ad
publica & criminalia iudicia referendum videtur. Sic
videlicet vt impuberibus & infantibus succurratur,
puberibus verò non succurratur, cap. 10. d. quæstio-
nibus, capite 1. C. si aduers. delictum, cap. 37. de mi-
norib. cap. 38 ad leg. Iul. de adulter. cap. 22. de in ius
vocand. Prudentius *ὁ δὲ σέφαιρος* hymno decimo.

Stupuit tyrannus sub pudore fluctuans,

Nec vim decebat innocenti ætacula

Inferre lege, nec loquenti talia

Furor sinebat efferratus parcere.

Esse autem in publicis iudiciis aliquam imprudentiæ
veniam, satis ea lege demonstrat Numa, quā ita de par-
ricidis concepit; *SI QVIS HOMINEM LIBERVM
DOLO SCIENS MORTI DVIT, PARICIDA
ESTO*: per paricidam non vtique eum qui paren-
tem, sed eum qui hominem qualemcunque occidisset
intelligens, auctore Festo libro 14. Vim vt opinor,
legemque naturæ qua omnes homines pares huc
æquales sunt, intuitus, cap. 32. hoc tit. Hanc Nu-
mæ legem videtur Sylla in ea lege secutus esse, quam

312 IAC. RÆVARD. TOM. I. COMM.
de ficariis edidit, scientiam requirens & dolum ma-
lum, cap. 7. ad leg. Cor. de ficar. videlicet eo sensu
quo Declamat. libro quinto sic scripsit Seneca, *Ex re
to noluisse debet, qui imprudentia defenditur.*

CIX. PAVLVS LIB. V.
AD EDICTVM.

Nullum crimen patitur is qui non prohibet cum prohibere non potest.

TESTATUR Suetonius à Tyberio Cesare interdictum fuisse ne capite damnatos propinqui lugerent. Illudque interdictum ita videtur Vlpianus accepisse, quasi de hostibus & perduellionis damnatis, deque suspensio-
sis, & iis qui mala conscientia sibi intulerant manus, senferit duntaxat Tiberius, cap. 11. §. 1. de his qui no-
rant, infam. Per suspensiosos eos intelligit Vlpianus, qui furcillis suspensi laqueo vitam finierant. Nam, vt Festus ait, *furcilles sine furcilla sunt quibus homines suspensi
debant.* Et quamvis huiusmodi homines non lugeren-
tur, nihilominus tamen eos elugeri propter sangui-
nis turbationem moris erat. Adeò quidem vt si eorum
viduæ intra luctus legitimum tempus nuberent, nota-
rentur infamia: nec non & illi quoque infames es-
sent, qui eas duxerant, si modò ignorantia non ex-
cusarentur, d. capite 11. §. 1. Et quia filij familias sine
patris consensu nec ritè nec iure matrimonium con-
trahunt, hinc certè euenit, vt excusetur filius qui pa-
tris iussu & auctoritate intra tempus legitimum quo
mariti solent elugeri, viduam duxit: ipse autem pa-
ter qui passus est ducere, notetur capite 11. in fin. cum
cap. seq. de his qui not. infam. Aliud est si infam. patre
huiusmodi nuptias contraxerit filius. Tunc enim crimen
notari, & excusari debuit pater. *Nullum enim crimen
patitur*

patitur is, qui non prohibet, cum propter ignorantiam prohibere non potest, quemadmodum auctor est ad Edictum lib. 5. Iulius Paulus. Vndè à contrario sensu rectè concludi videtur, patrem non esse excusandum, si cum sciret & posset prohibere, noluit tamen prohibere. Nam, ut ait in Troade Seneca,

Qui non vetat peccare cum possit, iubet.

Eademque ratio est cur hi qui salutare auxilium denegabant morituris, plecterentur. Id quod ab Apuleio traditum est, De asino libr. 6. *An ignoras, inquit, eos etiam qui morituris auxilium salutare denegarint, quod contra bonos mores id ipsum fecerint, solere puniri? Huc etiam spectat vetus proquiritandi ratio. Moris enim erat, ut populi indigentes auxilio, Quirites conclamarent, indèque quirirare & quiritari dicebantur, què admodum Varro, Arnobius, Donatus, & Nonius testati sunt. Id quod in vi maiore à Romanis obseruatum perpetuò fuit. Seneca Epistol. lib. 2. *Nemo statim Quiritium fidem implorat. Quintilianus in Declam. cui titulus est, Diaes à parasito sacrilego reus cedis. Deinde, inquit, quemadmodum rapio? de publico? non clamat, non Quiritium fidem inuocat. Nec aliud est quod de eo Ulpianus scribit, qui turbam concitauit dum misericordiam prouocat, cap. 4. §. 4. vi bon. rapt. Ait enim lib. 3. Liuius, Ad clamorem nutricis fidem Quiritium implorantis, sit concursus. Dèque huiusmodi concursu visus est etiam Ulpianus sensisse, de seruo tractans qui clamat ut ad auxilium domini sui conueniretur, vel qui turbam conuocauit, c. 1. §. 19. & c. 19. de S. C. Sillan. Nec etiam arbitror clamorem illum quem in occisio alio fure nocturno Decemviri requirunt, Gaium retulisse, cap. 4. ad leg. Aquil. Quod autem Paulus ait, nullum crimen eum pati, qui non prohibet cum prohibere non potest, id eam videtur interpretationem**

314 IAC. RÆVARD. TOM. I. COMM.
 tationem recipere, vt huiusmodi persona nequeat ac-
 cufari. Effe enim crimen accusationem, & accusato-
 rem alio nomine criminatorem dici notius est, quàm
 vt probari neceffum fit. Eâque interpretatio huic re-
 gulæ mirè conuenit. Moris enim erat, vt eius qui vel
 famoso iudicio, vel alia ratione infamis erat, nomen
 ad cenfores deferretur; hac videlicet intentione, vt
 eius nomini nota in cenfualibus tabulis apponeretur.
 Idque illud est quod sic de diui Claudij cenfura diffe-
 rens, Suetonius fcribit; *Et cum orantibus familiaribus*
dempfiffet cuidam appositam notam, Litura inquit, extabit.
 Eodem loco ait Suetonius, *eam à cenfore notari, qui si-*
bimet vim ferro intuliffe arguebatur. Cur igitur non
 etiam à cenfore notaretur, qui personæ huiusmodi in-
 famis viduam intra luctus legitimum tempus vxorem
 duxerat, cum eum æquè famofum effe, Vlpianus teffe-
 tur? cap. 11. de his qui not. infam. Nec id mirum, præ-
 fertim cum adiecerit ibidem Suetonius, *cenfores inquit*
fitorum opera vfos effe.

CX. PAVLVS LIB. VI. AD EDICTVM.

In eo quod plus est, femper inest & minus.

SI feruus actoris, domino fciente, & cum poffet
 non prohibente, dolo fecerit quominus in iudicio fi-
 ftam, aduersus dominum mihi dabitur exceptio, quia
 fi id ignorante domino factum effer, competeret no-
 xale iudicium, vt auctor est Paulus ad Edictum lib. 6.
 c. 2. de eo per quem fact. est, hanc fubijciens rationem;
In eo enim quod plus est, femper inest & minus. Nam ita fit,
 vt qui actionem habet, quia plus habet, habeat &
 quod minus est, videlicet exceptionem. Plus autem
 effe actionem habere quàm exceptionem, ad eò verum
 est,

DE DIVERSIS REGVLIS IVRIS. 315
est, vt scripserit Vlpianus; cui *damus actionem, eidem &*
exceptionem multo magis competere, c. 1 § 6. hoc tit. c. vnic.
§. 4. de superf.

AD §. NEMO ALIENÆ.

Nemo alienæ rei expromissor idoneus videtur, nisi si cum
satisfactione.

AVT fideiussoribus, aut reis siue expromissoribus,
aut etiam pignoribus caueri solet, c. 9. §. 3. & c. 10. de
pignor. act. c. 7. §. 3. de dolo. c. 5. §. 2. de iure dot. c. 1. §. 7.
de collat. c. 37. in fin. de oper. libert. Et differt quidem
fideiussor à reo. Fideiussor enim vnà cum debitore
obligatur, reus verò siue expromissor, debitore per ac-
ceptilationem liberato, solus manet obligatus. Est
enim Vlpian. auctor, si conuenerit vt expromissor detur,
solere debitori accepto ferri, c. 4 de condict. causa dat. c. 8.
§. 6. ad S C. Velleian. Eoque sensu videri potest Ælius
Gallus apud Festum scripssisse non solum qui suo nomine
quid promissit, reum promittendo dici, sed etiam qui pro alte-
ro quid promissit. Et cum alienæ rei nemo videatur ex-
promissor idoneus esse, nisi satisfactione, cumque is
qui idoneus non est, habeatur pro non dato (c. 6. qui
satisf. cog.) certè non ita protinus debitor liberaba-
tur acceptilatione, quin aduersus eum condictioni
locus esset, c. 4. de cond. caus. dat. Vt igitur debitor ex-
promissorem dans liberetur acceptilatione, omnino
necessum est idoneum dari, c. 8. §. 6. ad S C. Velleian.
cùmque qui satisfecit idoneum videri expromissio-
nem, definit hac regula Iulius Paulus.

AD §. PUPILLVS.

Pupillus pati posse non intelligitur.

AD Edictum lib. 6. ait Paulus, si tutor pupillo nolit
auctor

316 IAC. RÆVARD. TOM. I. COMM.
*auctor fieri, non debere eum à pretore cogi; quia tutela in
cio iacturam hanc consequitur pupillus, nullam enim for
cordia vel fraude tutoris iacturam pati posse pupillum
intelligitur, cap. 17. de auct. tut. cap. 5. de dolo malo. Et
hoc est quod eodem libro scripsit Paulus, pupillum pati
posse non intelligi.*

AD §. VBI VERBA.

*Vbi verba coniuncta non sunt, sufficit alterutrum
factum.*

EODEM ad Edictum lib. 6. de noxalibus actioni-
bus differens, scripsit Paulus, *si absens sit servus pro quo
noxalis actio alicui competit, dominum in cuius est potestate,
vel iudicio eum sisti promittere, vel iudicium accipere com-
pellendum, non autem simul utrumque facere. Vbi enim
verba edicti coniuncta non sunt, sufficere alterutrum esse fa-
ctum, cap. 2. §. 1. si ex noxali causa, c. 78. §. 1. de condic-
& demonst. cap. 22. §. 4. de noxalib. act. Ius electionis
ad hanc regulam non pertinet; quod ius in eius arbi-
trio plerumque solet esse, cuius contemplatione di-
siunctivè quid scriptum est, c. 23. & c. 43. §. 2. de leg. 2.
cap. 1. §. 1. de effractoribus.*

AD §. MULIERIBVS.

*Mulieribus tunc succurrendum est, cum defendantur, non
ut facilius calumniemur.*

DECEPTIS enim mulieribus non decipientibus in
subveniunt, cap. 2. §. 1. ad S C. Velleian. Siquidem infir-
mitas earum, non autem calliditas meretur auxilium,
d. §. 1. cap. 2. C. ad S C. Velleian. Esse autem ad calum-
nias mulieres natura admodum proclives, docet ele-
ganter Satyr. 6. Iuuenalis. Ait enim.

Nulla

Nulla fere causa est, in qua non foemina litem

Mouerit, accusat Manilia, si rea non est.

Componunt ipsæ per se formantque libellos

Principium atque locos Celso dictare parate.

Et ideo succurrendum ijs est cum opus habent defensione, non autem cum volunt calumniari.

CXI. CAIVS LIB. II. AD
EDICTVM PROVINCIALE.

Pupillum qui proximus pubertati sit, capacem esse & furandi & iniuriæ faciendæ.

PROXIMVS pubertati dicitur qui annum decimum tertium ingressus est. Id quod Ecloga 8. videtur hoc versu Virgilius voluisse;

Alter ab undecimo tum me iam ceperat annus.

Ad hunc enim locum scripsit Seruius; *Id est, tertius decimus. Alter enim de duobus dicitur; ut unus sit ab undecimo, duodecimus, alter, tertius decimus. Nam pubertati vicinum se fuisse significare vult, quod de duodecimo anno procedere non potest. Hæc Seruius, eum haud dubiè appellans vicinum pubertati, quem pubertati proximum aut prope pubertatem esse Iurisconsulti dicunt, cap. 13. §. 1. de dolo malo, cap. 4. §. 23. de doli mali & met. excep. Huiusmodi impuberes fictione quadam pro puberibus, in furtis, iniurijs, fraudibusque cunctis haberi solent, d. §. 2. c. 23. de furtis, c. 13. §. 1. de dol. mal. Certè quia, ut Caius hac regula testatur, *pupillus pubertati proximus, & furandi & iniuriæ faciendæ capax est.* Id quod à Cypriano etiam in quadam de cardinalibus Christi operibus præfatione, traditum est, his verbis; *Omnino rarum est & difficile fieri bonum; facile & proum est, esse malum: & hac sine magistro, sine exemplo doctrina, statim à pubescentibus annis imbuimur & docemur.* Vnde apparet*

318 IAC. RAVARD. TOM. I. COMM.
ret *admodum impuberem* Vlpiano dici, qui necdum
egressus est duodecimum ætatis annum, c. 3. §. 1. de se-
pulchro violato. Sunt enim anni pubescentes, in for-
minis quidem vndecimus & duodecimus, in masculis
verò decimus tertius & decimus quartus; quemad-
modum probari ex Seruio potest.

AD §. IN HÆREDEM.

*In heredem non solent actiones transire quæ pœnales sunt
ex maleficio, veluti furti, damni, iniuriæ, ubi bonorum rapto-
rum, iniuriarum.*

PLACUIT enim in actionibus quæ ex delictis
oriuntur, siue ciuiles sint, siue honorariæ, vt noxa ca-
put sequeretur, cap. 1. de priuat. delict. Et idcirco ciuili
constitutione definitum est, pœnalibus actionibus
hæredes non teneri, nec cæteros quidem suecessores,
d. c. 1. & c. 16. §. 2. quod met. causa. nisi fortè ex damno
locupletior hæres factus sit, c. 23. §. 6. ad leg. Aquil. nisi
etiam lis antè defuncti obitum fuerit contestata. Est
enim Paulus auctor, post litem contestatam heredem tene-
ri ex omnibus causis, c. 87. hoc tit. c. 13. in princ. de iniur.
Eiusque diuersitatis ratio à nobis reddita est in expli-
catione, d. cap. 87.

CXII. PAVLVS LIB. VIII. AD EDICTVM.

*Nihil interest ipso iure quis actionem non habeat, an per
exceptionem infirmetur.*

DE huius regulæ vera sententia scripsimus satis
Varior. libr. 2. cap. 5. iisque adiungi poterunt quæ ad
huius tituli cap. 66. annotauimus.

CXIII.

In toto & pars continetur.

DE collegijs & corporibus differuit Caius ad
Edictum prouinciale lib. 3. c. 1. quod cuiusque vniuersi.
nom. cap. 16. de verbor. signific Et solent quidem vni-
uersitates siue collegia ad exemplum reipublicæ res
communes, arcam communem. & actorem siue Syn-
dicum habere, d. cap. 1. Eoque sensu arca Pontificum
quædam inscriptiones antiquæ meminerunt, his ver-
bis; *SI QVIS AVTEM HOC VENDERE VO-*
LVERIT, ARKÆ PONTIFICVM HS .X. MIL-
LIA NVMMVM INFERAT. Est enim in Smetij
libro elegans inscriptio arcae collegij Centonatio-
rum his verbis mentionem faciens; *HOC AM-*
PLIVS ARKÆ RETRO POSITÆ COLLE-
GISS. DONVM DEDIT DENARIORVM
QVINQVE MILLIVM. Actor quem ad agen-
dum dat vniuersitas, non habetur quasi à pluribus
datus Nam pro vniuersitate interuenit, non pro sin-
gulis, cap. 2. d. tit. *Quia enim vniuersitates portiones sin-*
gulas adtrahere debet, non contra singulis portionibus ap-
plicari, atque ita in toto pars, non in parte totum con-
tineri, quemadmodum docet eleganter Arnobius ad-
uersus gentes lib. 2. certè mirum non est pro toto cor-
pore non pro partibus singulis Syndicum dici inter-
uenire. Quo sensu scripsit hac regula Caius, in toto
& partem contineri. Hoc enim idem est, ac si diceret,
vniuersitatem singulas ad se trahere portiones non
autem portionibus singulis applicari. Quod etiam
Vlpianus sensisse videtur, c. 7. in princ. de except. rei
iudic.

CXIV. PAVLVS LIB. IX.

AD EDICTVM.

In obscuris inspici solere quod verisimilius est, aut quod plerumque fieri solet.

DVBITABATUR olim an servus sine libertate haeres institutus rectè videretur institutus esse. Dubitandi ratio fuit quòd ea persona institueretur allegata qua non erat testamenti factio. In contrarium allegabatur tacita voluntas testatoris & libertatis fauor. Tantàque inter veteres exorta est contentio, ut vix vlla spes esset eam decidi posse; cap. penult. in princ. C. de necessar. serm. haered. Instit. Paulus eorum videtur traditionibus acquieuisse qui valere institutionem contendebant. Ait enim *in obscuris inspici solere quod verisimilius est*. Nam, ut auctor est Iustinianus, *non est verisimile cum qui servum instituit heredem, si pratermiserit libertatis dationem, servum remanere voluisse, s. idemque iuris*. Instit. quibus ex caus. ma. non licet. Et quia fieri plerumque solet, ut servus tutor testamento datus sine libertate, ipsa tutelæ datione præsumeretur libertatem acquisivisse; d. cap. penult. hinc etiam fit ut putem multo magis servilem sine libertate institutionem Paulum probasse. In obscuris enim inspici vult quod fieri plerumque solet. Nec etiam ignotum est multa contra iuris rigorem pro libertate esse constituta; 24. §. 9. de fideicom. liber. Huc spectat illud Plinij Epistol. lib. 4. *Scribis mihi Sabinam quæ nos reliquit heredem servum suum nusquam liberum esse inuisse: eam tamen sic adscripsisse legatum Modestum* QVEM LIBERVVM ESSE IVSSI. *Queris quid sentiam? consuli cum prudentibus: convenit inter omnes nec libertatem deberi, quia nō sit data, nec legatum, quia servo suo dederit.* Sed

DE DIVERSIS REGVLIS IVRIS. 321
*Sed mihi manifestus error videtur, ideoque puto nobis quasi
scripserit Sabina faciendum, quod ipsa scripserit se creditur.
Hac Plinius, satis cum Paulo & Iustiniano definiens
in obscuris quod verisimilius est inspicendum esse.*

CXV. PAVLVS LIB. X.

AD EDICTVM.

*Si quis obligatione liberatus sit, potest videri cepisse. Non
potest videri accepisse qui stipulatus potest exceptione sub-
moneri.*

POLNA legis Cornelia teneri eos Macer ait qui ob ac-
cusandum vel non accusandum pecuniam acceperunt; cap.
2. de concuss. Eoque pertinet illud Tertulliani de fu-
ga in persecut. Quid enim dicit ille concussor? Da mihi pe-
cuniam. Certè ne eum tradat. Et paulò post; Miles me vel
delator, vel inimicus concutit, nihil Casari exigens, immò
contra faciens cum Christianum legibus humanis reum,
mercede dimittit. Est etiam Vlpianus auctor, illicita mi-
nistria sub pretextu adiuvantium militares viros, ad concu-
tiendos homines procedentia, coercere debere, cap. 6. §. 3. de
offic. praesid. Tertull. eodem libro: Neque enim statim
& à populo eris tutus, si officia militaria redemeris. Solent
etiam iudices frequenter corrumpi. Sic enim ad Ma-
cedonium epistola 54. scripsit Augustinus; Cum au-
tem iudicia & testimonia, quae nec iusta nec vera vendenda
sunt, iniqua & falsa venduntur, multò sceleratius utique pe-
cunia sumitur, quia sceleratè etiam; quavis à volentibus
datur. Eaque de causa, legi repetundarum Antonini
constitutione additum esse scripsit Vlpianus, ob pecu-
niam iudici vel aduersario datam, litem perire; cap. 1. de
10. ad Edictum Paulus, iudicem vel aduersarium pecu-
niam cepisse videri scripsit, qui obligatione, qua reo erat ob-
strictus,

322 IAC. RÆVARD. TOM. I. COMM.
strictus, liberatus est; cap. 2. dict. tit. quod fieri aut re-
stitutione, aut etiam scissione chirographi solet. Ali-
enim de Nabuthe, capite 13. beatus Ambrosius; Cae-
tionem quoque si quam habui debitoris, scissam sine debi-
recuperatione reddidi. Et libro primo Offic. cap. 32. Et
etiam, inquit, illa benevolentia liberalitas, ut si quod habui
debitoris chirographum, scindens restituas, nihil à debito-
consecutus debiti. Augustinus Bonifacio; Extorta debi-
toribus chirographa reddebantur. Aliud est si quid iud-
ci aut aduersario stipulanti promiserit reus. Quia enim
exceptione tam legis Iuliae repetundarum, quam con-
stitutionis Antonini stipulatores huiusmodi postui-
remoueri, certè nihil quicquam stipulatione videtur
tur accepisse. Et hoc est, quod ait hac regula Paulus
non videri eum accepisse, qui stipulatus potest exceptione
submoueri. Deoque huiusmodi stipulatione sentit haud
dubiè Tertullianus de fuga, disserens in persecutione
cùm ait; Apud inferos emancipatio nostra est, & stipula-
tio nostra in cœlis.

CXVI. VLP IANVS LIB. XI. AD EDICTVM.

Nihil consensui tam contrarium est, qui bona fidei iudi-
cia sustinet; quam vis atque metus; quem comprobare con-
tra bonos mores est.

CVM scriberet prætor, QVOD METVS CAV-
 SA GESTVM ERIT, RATVM NON HABEBO
 hæc verba interpretans libro ad Edictum vndecimo
 Vlpianus, sic potest videri scripsisse; Nihil enim tam
 consensui contrarium est, quàm vis ac metus, quem
 comprobare contra bonos mores est. Olim ita edice-
 batur, &c. cap. 1. de eo quod met. causa. Eoque per-
 tinet quod Seneca Controuers. lib. 5. ita scribit; *Neque enim*

enim lex adhibenti vim irascitur, sed passo succurrit, & iniquum illi videtur id ratum esse, quod aliquis, non quia voluit, pactus est, sed quia coactus est. In hoc edicto vis est, inquit Paulus, maior rei impetus qui repelli non potest; siue, ut Vlpianus definit; vim accipimus atrocem, & eam que aduersus bonos mores fit; cap. 2. & 3. d. tit. Cuiusmodi illa vis est, quam sic describit ibid. Seneca; Nul-
la, inquit, vis est, arma lex, & vincula, & ultimum pe-
riculum complectitur. Eoque sensu vim maiorem acce-
pit etiam Seneca de benef. libro secundo capite 18. Ait enim; Cum eligendum dico cui debeas, vim maiorem ac metum excipio; quibus adhibitis electio perit. Idem Vlpianus ex Labeonis sententia metum definit non quemlibet timorem, sed maioris malitatis, capite 5. d. titulo. Hoc est, qui salutis periculum, vel corporis crucia-
tum continet, capite 13. C. de transact. cap. 3. ex quib. caus. ma. Ira enim metum & vim maiorem definiuit etiam Lactantius, de ira Dei, capite 15. Homo, inquit, quia multis casibus periculisque subiectus est, metuit, ne qua vis maior existat, qua illum verberet, spoliet, laceret, affligat, interimat. Atque ita quidem à metu separari in hoc edicto vis solet, quam prætores nonnulli metus appellatione non dubitarunt comprehen-
dere. Ait enim Vlpianus olim ita edici consueuisse, QVOD VI METVSVE CAUSA; postea verò sic; QVOD METVS CAUSA; & detractum fuisse vis mentionem, quia quodcumque vi atroci fit, id metu quoque fieri videtur; capite 1. Videlicet ea ratione quam tradidit breui quadam in Epicratem cum gladio reum Declamatio-
ne Quintilianus, his verbis; Quid est vis? hac fit alias patientia, alias metu; quorum alterum ad corpus, alterum ad animum pertinet.

AD §. NON CAPITVR.

Non capitur qui ius publicum sequitur.

PAVLVS ait in emendo & vendendo naturaliter concessum esse quod plures sit minoris emere, quod minoris sit plures vendere, & ita inuicem se circumscribere, c. 22. §. 3. locati. Quod ipsum libro ad Edictum vndecimo tradidit etiam Vlp. c. 16. de minorib. adiciens insuper minorem ita circumscriptum non esse restituendum; Non enim minorem capi qui ius publicum sequitur. Quo pertinet illud Senecæ, Controuers. lib. 5. Non possum domum habere nisi hic emero, nulla alia venalis est, hanc occasionem videt venditor, & premit; non tamen hanc emptionem rescindet alioquin in infinitum calumnia excedet.

AD §. NON VIDENTVR.

Non videntur qui errant consentire.

NIHIL enim consensui tam contrarium est quam error, qui imperitiam detegit, c. 15. de iurisd. c. 7. in fin. de rescindend. vendit. cap. 2. de iudic. Et idcirco qui in captionem per iustum errorem inciderant, restitui in integrum solent, cap. 2. de in integr. restitut. §. si quis agens Institut. de actionib. Id quod sibi hac regula voluit Vlpianus ex eius de restitutionibus in integrum commentario sumpta. Nec alia ratione dixit idem Vlpianus errore veritatem originis non amitti: & Papi- nianus errorem defensionem iuris non excludere, capite 6. & capite 17. §. 3. ad municipal.

CXVII. PAVLVS LIB. XL.

AD EDICTVM.

Prætor bonorum possessorem hæredis loco in omni causa habet.

DE alienatione mutandi iudicij causa differens ad Edictum libro vndecimo Paulus, dari ait ex eo edicto actionem heredi & in heredem, vel similem; prætorem enim bonorum possessorem heredis loco habere in omni causa, c. 5. de alienat. mut. iud. causa facta. Eoque sensu scripsit etiam Vlpianus in omnibus vicē heredum bonorum posses- sores haberi, non autem heredibus aequales esse; cap. 3. §. 2. & §. 5. de bon. poss. heredis appellatione omnes significa- ri successores etsi verbis non sint expressi; cap. 170. de verb. signif. Et sic quidem tam generis quam speciei loco accipi solet heredis nomen, speciei quidem, re- spectu ipsius successionis; cap. 14. de testib. cap. 62. hoc tit. generis verò, sola possessionis ratione; cap. 1. de poss. heredit. petit. Quemadmodum enim civili iure heredes, sic iure prætorio bonorum possesores, ap- pellabantur possesores hereditatis; cap. 3. §. 1. de bon. poss. Hieronymus ad Oceanum; *Hic heres uxoris, & he- reditatis alij possesores.* Cicero act. 3. in Verrem; *Itaque ei + Verres possessionem hereditatis negat se daturum. Nec alio sensu scripsit Paulus hereditatis appellatione bonorum quo- que possessionem contineri, quàm quod bonorum posses- sores genere quodam heredes sint;* cap. 138. de verbor. signif. cap. 128. hoc tit. cap. 11. de petit. heredit.

CXVIII. VLPIANVS LIB. XII.

AD EDICTVM.

Qui in seruitute est, vsucapere non potest: nam cùm pos- sideatur, possidere non videtur.

SINE possessione vsucapio non contingit, cap. 25. de vsurpat. Eaque de causa ad Edictum libro duode- cimo scripsit ad hunc modum Vlpianus; *Is qui apud hostes est, nihil per vsum sibi acquirere potest. Qui enim in seruitute est vsucapere non potest, Nec coeptam possessionem*

326 IAC. RÆVARD. TOM. I. COMM.
*poterit adimplere dum est apud hostes. Nam cum posside-
tur, possidere non videtur: cap. 23. §. 1. ex quibus cau-
ma. cap. 54 §. 2. de acquir. rer. dom. Ea videlicet ratio-
ne, qua tradidit idem Vlpianus in sua potestate non vide-
ri habere, qui non est. sue potestatis; cap. 21. ad legem Iul.
de adult. Nam ut ait libro quarto Controuersiarum
Seneca, quomodo ciuis iura habeat, qui liberi hominis non
habet? Et quamuis re vera iure gentium serui sint, qui
sunt in hostium potestate, rectius tamen eos esse in
seruitute dixit Vlpianus, quàm si seruos appellasset.
Differens enim de addicto manumisso Declamatione
quadam Quintilianus, sic ait; Plurimum autem refert,
an seruire merito dicamus, & eos qui in piratas inciderint,
& eos qui ab hoste sint capti. Id quod ingenuis natura de-
dit, nulla fortuna iniuria eripi ipsis potest.*

CXIX. VLPIANVS. LIB. XIII.
AD EDICTVM.

Non alienat qui duntaxat omittit possessionem.

Qui petitorio iudicio utitur, ne frustra expe-
raretur, requirere solet solemnī interrogatione an is
cum quo instituit actionem, possessor sit vel desit
possidere; cap. 36. in princip. de rei vindicat. cap. 20.
§. 1. de interrogat. Et tunc quidem si se responderet
aduersarius desuisse possidere, sedulò inquirebat actor
an id ita non solum dolo malo, sed etiam iudicij mu-
tandi causa factum esset. Nam potest aliquis dolo ma-
lo desinere possidere, nec tamen iudici mutandi cau-
sa quicquam alienasse videri. *Non enim alienat qui dun-
taxat omittit possessionem; capitulo quarto §. 1. de alien.
mut. iud. causa. cap. 28. de verb. signif.*

CXX. PAVLVS LIB. XII.

AD EDICTVM.

Nemo plus commodi hæredi suo relinquit, quàm ipse habuit.

IN vniuersum ius quod defunctus habuit, succedit hæres; cap. 24. de verb. signif. Et idcirco in vsucapionibus possessio defuncti quasi iuncta descendit ad hæredem; cap. 30. ex quib. caus. maiores non tamen plus iuris aut commodi secum transfert. Nemo enim plus commodi hæredi suo relinquit, quàm ipse habuit, cap. 53 hoc tit. Cicero pro Cecinna; *Dubium est quin si Cesenniatum possidebat, cum erat colonus in fundo, post eius mortem hæres eodem iure possederit.*

CXXI. PAVLVS LIB. XIII.

AD EDICTVM.

Qui non facit quod facere debet, videtur facere ADVERSVS EA, quia non facit: & qui facit quod facere non debet, non videtur facere id quod facere iussus est.

SOLET olim actionibus, cautionibus, & edictorum clausulis nonnullis, à primis formularum, quibus illæ concipiebantur, verbis nomen imponi. Sic enim appellari videtur actio QVOD METVS CAVSA; sic etiam actio SI CERTVM PETETVR; c. 1. de condict. triticar. actio. QVOD IVSSV, actio interdictum QVORVM BONORVM, cap. 1. quor. bon. interdictum QVOD LEGATORVM, cap. 1. quod legat. Sic cautio REM RATAM HABERI. cautio IVDICATVM SOLVI, c. 46. de procurat. & illa vulgaris clausula AMPLIVS NON PETI; c. 15.

328 IAC. RÆVARD. TOM. I. COMM.
 rem ratam hab. Eoque videri potest in hac regulâ
 Paulus respexisse his verbis, ADVERSVS EA. In-
 ter alias enim edictorum vulgares & solemnes clau-
 sulas, hæc quoque reperitur, QVI ADVERSVS
 EA FECERIT; cap. 5. §. 6. de his qui deiec. vel effud.
 cap. 1. de adilic. edicto. Cuius meminit etiam Festus
 possessionem definiens, cum ait; ADVERSVS EA
 VIM FIERI VETO. Hanc clausulam edicto quod
 DE RECEPTIS proposuit, adiecisse videtur præ-
 tor, certam iis qui arbitrum recipiunt; regulam præ-
 scribens; cap. 3. §. ait prætor. & cap. 32. de receptis.
 Et cum ad illud edictum scriberet libro ad Edictum
 decimo tertio Iulius Paulus, eius clausulam hanc
 QVI ADVERSVS EA FECERIT, ita interpre-
 tatus est, ut contenderit videri arbitrum ADVER-
 SVS EA facere; hoc est, in pœnam vulgaris illius
 clausulæ QVI ADVERSVS EA FECERIT, inci-
 dere, si non facit quod facere debet; & si aliquid ex-
 tra compromissum attentauerit (quod facere non de-
 bet, d. cap. 32. §. fin.) non videri eum facere id quod
 facere prætoris edicto iussus est. Eamque veram esse
 arbitror huius regulæ sententiam, præsertim cum sa-
 tis constet libro ad Edictum tertiodecimo, disseruisse
 Paulum de receptis; cap. 32. de receptis.

CXXII. GAIUS LIB. V. AD EDICTVM PROVINCIALE.

Libertas omnibus rebus favorabilior est.

CERTVM enim est servos dominio alieno con-
 tra naturam subiici, cap. 5. §. 1. de statu hom. Nam iu-
 re naturali omnes homines liberi sunt & æquales; c. 4.
 de iustit. & iure, cap. 32. hoc tit. Quintilianus lib. 3.
 cap. 10. Liberos natura omnes & iisdem constare elementis, &

DE DIVERSIS REGVLIS IVRIS. 329
Et fortassis antiquis etiam nobilibus ortos dici potest. Seneca declamabat lib. 7. Neminem natura fecit liberum, neminem servum; imposuit fortuna nomina hac singulis. Eaque res in causa est quod libertas tam fauorabilis sit, ut in rebus obscuris secundum eam ferè semper pronuntietur; c. 16. & 17. de manumiss. testam. c. 4. §. 6. de statuliber. cap. 20. hoc tit.

CXXIII. VLPPIANVS LIB. XIV.

AD E D I C T V M.

Nemo alieno nomine lege agere potest.

Qui ius suum persequantur, aut lege aut iure agere dicebantur; lege quidem, si legitima esset actio; iure verò, si honoraria, cap. 2. §. 2. de orig. iur. capit. 3. de offic. prætor. Eoque sensu lib. 17. cap. 10. legis actiones centumviralium causarum & lib. 20. cap. 1. iuris actiones accepit Gellius. Sic etiam auctor est Suetonius, Vespasianum de eadem re pluribus legibus agi vetuisse; D. Augustum legibus aggredi, reosque cadis absentes deferre statuisse. Sic & Liuius eos qui adserunt in libertatem, lege agere dixit lib. 4. Terentius Phor. Lege agito ergo. Plautus Aulul. Lege agito mecum, molestus ne sis. Dicitur etiam legis actio ex Decemviralibus, aliisque legibus descendens legitimus actus; ut sunt emancipatio, in iure cessio, adoptio, manumissio, cretio, usurpatio, & sic deinceps, de quibus latè disseruimus de auctoritate prudentum libro singulari. Atque ita legis actionem accepit Gellius lib. 20 c. 9. Ait enim ex iure manum confertum verba esse, quæ cum lege agitur, dici apud prætoris consulti cum apud magistratus legis actionem dicunt; cap. 3. de offic. proconsul. cap. 1. de offic. iurisdiction. cap. 4. de adopt. Est & tertia legis actionis significatio;

330 IAC. RÆVARD. TOM. I. COMM.
 iis magistratibus propria qui in homines facinorosos
 lege animaduertunt. Sic enim Declamat. lib. 10. scribit
 Seneca; *Etiā quibus animaduertere in damnatos necesse*
est, non dicunt OCCIDE, non MORERE, sed AGE
LEGE, crudelitatem imperij verbo mitiore subducunt.
 Valerius lib. 4. cap. 8. *Ac iussu lictore lege agere, runc de-*
munum aperuit. Hanc triplicem legis actionis interpreta-
 tionem, illa verba requirunt quæ de Cn. Flauio sic
 protulit Liuius lib. 9. *Fastosque circa forum in albo pro-*
posuit, ut quando lege agi posset, sciretur. Sensus enim est
 ex Fastorum albo cognosci quibus diebus vel liceat,
 vel non liceat cum aduersario legibus experiri, actus
 legitimos exercere, & in facinorosos animaduertere.
 Quæ omnia fieri nomine alieno non potuerunt; licet
 mandato speciali absentis nomine auctor rectè fieret
 procurator, videlicet solemni quadam ratione apud
 acta suscipiens procurationem, quemadmodum ex eo
 licet suspicari, quod scripserit Paulus *decreto pratoris*
actorem constitui, si nondum fari pupillus potest, ut procur-
ratorem facere possit; cap. 24. de administr. & peric. tut.
 Et quamuis procurator alterius negotia gerat; nihilo
 magis tamen alieno nomine lege agere censetur. Non
 enim ille cuius nomine agitur, sed procurator ipse
 dominus litis constituitur, eamque suo nomine quo-
 dammodo exequitur; cap. 11. de doli & met. except.
 cap. 4. §. ultim. de appellat. Actus quoque legitimus
 non potuisse alieno nomine exerceri, certius est quam
 ut ea res prolixiorē requirat disputationem, cap. 3.
 de acceptilat. cap. 90. de acquir. hered. cap. penult.
 C. de vind. & apud consil. ma. cap. penult. C. qui ma.
 non poss.

AD §. TEMPORARIA.

Temporaria permutatio ius provincie non innovat.

MORIS erat, eos qui in prouincijs domicilium habentes, Romæ vel in Italia studiorum aut alia iusta de causa morari volebant, habitationem impetrarent rescripto principis, nec ante discederent, quàm ad ipsum etiam impetrassent. Eúmque morem tradidit Cassiodorus Variarum lib. 1. & 4. Sic enim de liberis Valeriani cuiusdam scribit studiorum causa Romam deductis; *Quos illustris magnificentia tua in supradicta urbe faciat commorari, nec illis liceat ante discedere, nisi hoc secunda discernamus iterum iussione.* Erat & illud moris, ut habitationem non concederet princeps, sine annua certaque pensione. Eoque sensu scripsit Suetobina milia nummum, in Italia non ultra quingenos sesterios remisisse. Neque est verisimile, sine iusta causa huiusmodi habitationem principes cuiquam indulxisse, & inter causas iustas, studiorum causam numerari ex eo perspicuum est, quod causam studiorum appellatione probabilem absentie causam Vlpianus cap. 28. ex quibus caus. maiores. Est etiam Modestinus auctor, *prouinciales studiorum aut rei sue gerende gratia Romæ morari;* cap. 36. ad municipal. euidenter demonstrans, constare omnino debuisse, quam ob causam relicto domicilio Romam commigrasset prouincialis; & negotiatorem quidem rei sue gerendæ gratia, hominem à principibus impetrasse; cap. 18. in final. de iudicijs. Eaque sola ratione nõ minus lege Cornelia tuti erant qui habitationem impetrauerant, quàm si domicilium Romæ haberent; cap. 5. §. 2. de iniurijs. Hac habita

332 IAC. RÆVARD. TOM. I. COMM.
 habitationis impetratio, alio modo commearus dicitur, nec perpetua, sed temporaria erat, utpote temporariam sub se continens loci mutationem. *Est enim commearus, auctore in Terent. Donato, ex aliqua commoratione temporalis abscessus.* Et quia mutatio loci temporaria ius prouinciæ non innouat, certè finito habitationis impetrato tempore, prouinciales qui commeatum impetrauerant, domum reuocati, muneribus aliisque honorum municipalium functionibus tam erant obnoxij, quàm si nunquam egressi prouinciam fuissent. Idque illud est quod ait Vlpianus, *enim qui ultra commeatum abest, vel ultra formam commeari datam ad munera vocari posse*; cap. 2. in fin. ad municipal. Obseruari etiam solet, ut sic domo separarentur in prouincijs dignoscerenturque municipes, quemadmodum in vrbe constat ciues Romanos tribu distinctos fuisse. Id enim in Vitellio docuit non obscure Suetonius, cum ait; *Ceterum P. Vitellius domo Nuceria. Ex libro Suetij inscriptionem habeo quæ hunc etiam morem liquido demonstrat, his verbis*; D. M. C. IVLII FILETIONIS DOMO AFRICA MEDICI QVI VIXIT ANN. XXXV. C. IVLIVS FILETVS ET IVLIA EVTHENIA FILIO KA-RISSIMO F. C. Sunt & aliæ inscriptiones quibus idem loquendi genus exprimitur, domibus ita distinctis; DOMO ARRETIO: DOMO ATE-STÆ: DOMO ROMA: DOMO BOLDINIA: DOMO VIENNA: DOMO VERONA: DOMO CELEÆ: DOMO CARTHAGINE: DOMO ANTIOCHIA SYRIA. Nec alio sensu ius reuocandi domum videtur Vlpianus accepisse, de ijs differens qui domum reuocant, si non ibi contraxerunt vbi conueniuntur, c. 2. §. 3. & §. 4. de iudicijs. Huiusmodi priuilegio à municipibus singulis renuntiare ad

DE DIVERSIS REGVLIS IVRIS. 333
ad tempus poterat; c. 7. qui satisfd. cog. Nec per renun-
tiationem ius provinciae intelligitur innouari. Mutā-
tio enim iuris temporaria, non innouat ius illud pro-
vinciae quod ei qui permutat cum reliquis municipi-
bus commune est. Et ita quidem Vlpianus sensisse vi-
detur libro ad Edictum 14. ex quo hac regula sum-
pta est; d. cap. 7. eo planè sensu permutationis vocabu-
lo vsus, quo *permutationem rerum* pro Sectio, & in Pa-
radoxis tempestatum temporumque permutationes
accepit Cicero Et in Catilinam; *Si Catilina*, inquit, †
sententiam permulauerit.

CXXIV. PAVLVS LIB. XVI.

AD EDICTVM.

*Vbi non voce sed praesentia opus est, mutus si intellectum
habet, potest videri respondere; idem in surdo: hic quidem &
respondere potest.*

IN negotijs quibusdam vox requiritur necessariò
& praesentia; in quibusdam praesentia quidem neces-
saria est, non vox. Stipulationes vocem requirunt,
& praesentiam. Neque enim absens neque mutus pos-
sunt stipulari; c. 1. §. 1. de verbor. obligat. *Hereditates
acquiri solent voce & praesentia; acquirebantur etiam, sine
voce sola praesentia. Voce & praesentia acquirebantur, solenni
cretionis formula; praesentia vero sola, pro haerede geritione,
quemadmodum auctor est Vlpian. tit. 22. Mutus hæ-
reditatem cernere non potest. Vocem enim non ha-
bet. Potest tamen pro haerede gerere sola praesentia si-
ne voce; c. 5. de acq. hæredit. Vbi enim non voce, sed
praesentia opus est; mutus si intellectum habet, potest
videri respondere. Solemniter videlicet an hæres sit
interrogatus; c. 3. de interrog. Eoque pertinet quod ita
Quintilianus lib. 11. c. 2. scribit; *Quippe non manus so-
lum,**

334 IAC. RAVARD. TOM. I. COMM.
lum, sed nutus etiam declarat nostram voluntatem, & is
mutis pro sermone sunt. Surdus etiam, non tamen mutus
(qualis est natura surdus) videri potest respondere,
d.c.5. quia intelligere potest & consentire; cap.48. de
obligat. & act.

AD §. FURIOSVS.

*Furiosus absentis loco est; & ita Pomponius lib.1. Epist.
scribit.*

LICET enim præsens sit, nullum tamen habet in-
tellectum. Nam (vt ait lib.7. cap.12. Lactantius) in fu-
riosis mens extinguatur anima, manet, & ideò non exanimet,
sed dementes vocantur. Eaque de causa, si nulla spes esset
pristinæ sanitatis recuperandæ, furiosus absentis lo-
co haberi solet.

CXXV. GAIVS LIB. V. AD EDICTVM PROVINCIALE.

Fauorabiliores rei potius quàm actores habentur.

PAVLVS auctor est, inter pares numero iudices si
dissona sententia proferantur, in liberalibus causis pro liber-
tate, in aliis etiam publicis pro reo statutum obtinere, cap.38.
de re iudic. Pro libertate quidem, quod ea rebus omni-
bus fauorabilior sit; cap.122. hoc titul. pro reo verò,
quia rei fauorabiliores habentur quàm actores. Id
quod Epist. libr.11. testatur etiam Seneca, Reus, inquit,
sententiis paribus absoluitur, & semper quicquid dubium
est humanitas inclinatur in melius. Aliud est si duo iudi-
ces dati diuersas dederint sententias. Non enim statim
pro reo videbitur iudicatum, sed vtraque sententia
tamdiu erit in pendentia, donec iudex comperes vnam
confirmauerit, cap.28. de re iudic. Eamque solet con-
firmare quæ mitior est. Sic enim scripsit idem Seneca
Contro

DE DIVERSIS REGVLIS IVRIS. 335
Controuers. lib. 2. *Alter iudex damnat, alter absoluit, inter
disparēs sententias mitior vincat.*

CXXVI. VLP IANVS LIB. XV.

AD EDICTVM.

*Nemo prado est qui pretium numerauit. Locupletior non
est factus qui libertum acquisierit. Cum de lucro duorum
queratur, melior est causa possidentis.*

DISSERENS ad Edictum lib. 5. Vlpianus de pe-
titione hæreditatis, eum ait hæreditatis petitione teneri,
qui pro herede vel pro possessore possidet: pro possessore autem
possidere prædonem, qui cum sciret ad se non pertinere hære-
ditatem, inuasit bona, nullam habens possidendi causam; c. 11.
c. 9. c. 2 §. 2. de perit. hæredit. c. 34. §. 9. de solut. Et cum
de eo dubitaretur, qui sciens alienam emerat hæredi-
tatem, ac plerisque videretur quasi pro possessore pos-
sidere, displicuit hæc sententia Vlpiano. *Nemo enim
prado est, inquit, qui pretium numerauit; cap. 14. §. 6. de
pet. hæred. In qua tamen sententia Iulianus, Papinia-
nus, Gaius & Paulus videntur fuisse. Volunt enim il-
li, omnes omnino malæ fidei possessores prædones di-
ci & pro possessore possidere, etiamsi pretium nume-
rauerint, cap. 33. §. 1. vsurpat. cap. 55. de condict. indeb.
cap. 28. de hæred. pet. cap. 5. de acq. poss. c. 13. de no-
xalib. actionib. Est & illud certum, eos qui bona fide
hæreditatem possident, in id duntaxat Senatus consul-
to teneri, in quo locupletiores facti sunt, cap. 25. §. 8. de
pet. hæred. Proinde si seruum iusta ex causa manu-
miserint, non videntur eo nomine conueniri posse.
Locupletior enim non est factus qui libertum acqui-
siuit. Meliorem etiam causam esse possidentis hæreditatem
bona fide, cum de lucro duorum qui simul petunt hæredita-
tem, queritur, nemo est qui ex Neratio non indicet, cap. 57.
de pet. hæred.*

CXXVII. PAVLVS LIB. XX.

AD EDICTVM.

Cum prator in heredem dat actionem quatenus ad eum peruenit, sufficit si vel momento ad eum peruenit ex dolo defuncti.

QVI hereditatem restituere rogatus est, omnes transferre actiones solet, quæ iure civili heredi & in heredem competunt; c. 40. ad S C. Trebel. Hereditatis enim restitutio non solutio est, sed successio; c. 38. d. tit. Et quia certum est post litem contestatam heredem teneri ex omnibus causis etiam poenalis, quasitum fuisse videtur an hæres restituere hereditatem iussus; ex dolo defuncti possit conueniri, & Paulus ad Edictum libro vigesimo respondisse post hereditatem restitutam eum non posse conueniri, quæ exceptione hereditatis restituta adiuvatur: eumque rectè conueniri antequam restituatur hereditas; tunc enim exceptione aliqua adiuvandum non esse; c. 27. §. 6. ad S C. Trebel. Nec audiendum heredem, quod dicat exiguo tempore apud eum hereditatem fuisse paratamque se restituere. Cum enim prator in heredem dat actionem quatenus ad eum peruenit, sufficit si vel momento ad eum peruenit ex dolo defuncti. Per momentum spatium temporis perexiguum intelligit Paulus, ea certè ratione qua sic Liuius lib. 21. scripsit *Non cunctandum tali occasione ratus Annibal totis viribus aggressus urbem, momento cepit.* Diuersa quoque dici et iulque tempora momenta dici, testis est lib. 3. aduersus Marcionem Tertullianus, his verbis; *Constat et iohannis quoque testibus in Iudæa per dies quadraginta manentis momentis ciuitatem de cælo pependisse.* Hæc ille, omnino demonstrans in momenta sic dies diuisos esse, et

DE DIVERSIS REGVLIS IVRIS. 537
certa vniuscuiusque diei matutina, meridiana, vespertina, momenta fuerint. Atque ita momentum videri possunt iurisperiti acceperunt, cap. 6. de vsurpat. cap. 3. §. 3. de minoribus, cap. 23. de acquir. rer. dom.

CXXVIII. PAVLVS LIB. XIX.

AD EDICTVM.

In pari causa possessor potior haberi debet. Hi qui in vniuersum ius succedunt, heredis loco habentur.

AIT Paulus ad Edictum libro nonodecimo in iudicium de seruo corrupto earum etiam rerum estimationem venire, quas seruus secum abstulit; nec interesse ad eum perlatum sint, qui corripit, an ad aliam iustius enim esse eum teneri, qui princeps fuerit delicti, quam eum queri, ad quem res delata sunt. Nam in pari causa possessorem huiusmodi potio-rem haberi debere; cap. 10. de seruo cor. Certè propter bonam fidem qua res furtiua saepenumero possidentur; cap. 9. §. 2. de public. in rem act. Eodem libro scripsit Paulus, heredibus eius cuius seruus corruptus est, actionem competere serui corrupti; heredumque loco eos haberi, qui in vniuersum ius succedunt; cap. 8. de ser. cor. cap. 170. de verb. sig.

CXXIX. PAVLVS LIB. XXI.

AD EDICTVM.

Nihil dolo creditor facit qui suum recipit. Cum principalis causa non consistit, nec ea quidem quae sequuntur locum habent.

LEGE duodecim tabularum, inquit Vlpianus, prodigat interdicitur bonorum suorum administratio, & curator datur, exemplo furiosi; cap. 1. de curat. furiosi. Formula interdictionis hæc erat; QVANDO TV BONA
Y PATER

338 IAC. RÆVARD. TOM. I. COMM.
PATERNÀ HABITAQVE NEQVITIA TV
DISPERDIS, LIBEROSQVE TVOS ADEGE
STATÈM PERDVCIŒ, OB EAM REM TIBI
ÆRE COMMERCIOQVE INTERDICO; au-
ctore Iulio Paulo Sentent. lib. 3. tit. 16. Hæc formulâ
etiam Senecæ nota fuit, de benef. libro 4. cap. 16. Au-
ctore enim; Puto nequam hominem existimas, cui pœna non cu-
ratorum opus sit. Idem Seneca sic etiam controuers. li-
bro 4. scribit; Serui quoque nomine tecum quæri possunt
quem, qui frugi fuerat, nequam fecisti. Nec aliò spectat il-
lud August. lib. 3. de doct. Christ. Neque enim illo mo-
do quisquam sobrius crediderit domini pedes ita vnguentis
precioso à muliere perfusos, ut luxuriosorum & nequam ho-
minum solent quorum talia conuiuia detestamur. Et cùm
antea apud Paulum nullo sensu legeretur HABITA
QVÆ, id postea in HABITAQVE, id est, AVI-
TÀQVE, rectè mutatum fuit. Ita enim veteres locuti
sunt, testis etiam Hieronymus est sic ad Demetrium
virginem scribens; Et cùm incensis direptis omnibus
in vrbe captiuitas sit, nunc habitas venundare dicitur posses-
siones. Fuit autem huiusmodi interdictionis bonorum
auctoritas tanta, ut si ab eo emas quem venit prætor ali-
nare, idque tu scias; vsucapere non possis; quemadmodum
libro ad Edictum vigesimo primo scribit Paulus, cap.
12. de vsurpat. Addiditque eodem loco diuersas ratio-
nes duas, quarum vna est, quòd alienationis verbo quo-
dammodo vsucapio contineatur, cap. 28. de verb. sig. ali-
ra, quòd alienatio principalis causa sit, & vsucapio inter
ea numeretur, quæ sequuntur alienationem. Si igitur non
valeat alienatio rei, certè nec rei alienatæ valebit vsu-
capio. Cùm enim principalis causa non consistit, nec ea
quæ sequuntur locum habent. Et hæc quidem certissima
sunt, si modò ab eo cui bonis interdictum est, credi-
tæ pecuniæ restitutionem fieri non contigerit. Nam

DE DIVERSIS REGVLIS IVRIS. 339
tunc suum recipit creditor, etiamsi non ignoret ei,
qui nummos restituit mutuo dados, bonis interdi-
ctum esse, cap. 13. §. 1. cap. 14. & cap. 44. de condict. in-
deb. Nihil enim dolo creditor facit, qui suum recipit,
cap. 9. §. 1. de condict. caus. dat. Atque ita quidem li-
bro ad Edictum vigesimo primo scripsit Paulus; eo
nihil obstante quod Vlpianus tradiderit interdum per-
sonam locum facere repetitioni, ut puta si is cui bonis inter-
dictum est, soluerit, cap. 29. de condict. indeb. Id enim
de eo intelligendum est, qui post interdictionem bo-
norum emit & soluit: quod certè facere non potuit,
cùm ei commercio interdictum sit.

CXXX. VLPIANVS LIB. XVIII.
AD EDICTVM.

*Nunquam actiones præsertim pœnales de eadem re con-
currentes alia aliam consumit.*

AD EDICTVM libro octauo decimo scripsit Vl-
pianus, si seruus seruum alienum subripuerit & occiderit,
furti & damni iniuriæ competere actionem, capite vigesi-
mo septimo ad leg. Aquil. Idem Vlpianus auctor est,
si quis ancillam alienam subripuerit & flagitauerit, serui
corrupti agi posse, & furti; cap. 2. §. 3. de priuat. delict.
Qui enim flagitat ancillam, ipsa flagitatione eam cor-
rumpit. Nam, ut Festus definit, flagitare nihil aliud est,
quàm stuprare. Inter ceteros flagitatos, inquit Festus, dice-
bamus antiqui, mares, qui stuprum passi aliquando essent.
Nonius etiam & Isidorus testes sunt, flagitium veteres
vitiū quod virgini inferatur appellasse. Eoque sensu ac-
cipiendum est illud P. Africani apud Gellium libro se-
ptimo cap. 11. Sed tu plus tertia parte pecuniæ paterna
perdidisti atque absumpsisti in flagitiis. Quemadmodum
igitur ancillæ flagellatione serui corrupti, sic eiusdem

340 IAC. RÆVARD. TOM. I. COMM.
subreptione locus furti iudicio esse solet. Ait enim
Tertullianus libro quarto aduersus Marcionem. *Nam
sua furatur aut suffodit, sed ille potius qui in aliena descen-
dit, & hominem à domino eius alienat.* Nec aliò spectat
Terentij illud in Eunucho,

——— *Tun' me prohibeas
Meam ne tangam? C. prohibeo inquam. G. audin' est
hic furti se alligat.*

Actio serui corrupti non consumit furti actionem
quemadmodum nec iniuriarum actio actionem legis
Aquilie. Ait enim libro ad Edictum octauo-decimo
Ulpianus, *actionibus legis Aquilie & iniuriarum concu-
rentibus duas fieri estimationes, aliam damni, aliam consti-
melie. Nam generaliter post longas controuersias definitum
esse, nunquam actiones præsertim pœnales de eadem re con-
currentes aliam consumere aliam, cap. 5. §. 1. ad leg. Aquil.
cap. 60. de oblig. & act. cap. 34. d. tit. cap. de iniur.
Eiusque definitionis hæc ab eodem Ulpiano prodita
est ratio, quod nunquam plura delicta concurrentia faciam,
ut ullius impunitas detur: neque enim delictum, ob aliud
delictum minuire pœnam: eaque de causa eum qui homi-
nem subripuit & occidit, quia subripuit furti, quia occidit,
Aquilie teneri; neque alteram earum actionum alteram
consumere; capitulo secundo de priuat. delict. cap. 14.
§. 1. de præscript. verbis, cap. 2. de tut. & rationib.
distr. cap. 1. vi bo. rapt. Quod ipsum à Quintiliano
in ea Declamatione traditum est, qua de ignominio-
si pulsatore disserit. *Dne enim sunt iniurie, inquit, in
hoc tus facto, & ideo due pœna.* Huiusmodi pœnalis
iudiciis concurrentibus sic locus esse in foro solet, ut
omnibus experiri necessum non foret, sed liceret acto-
ri quam voluerat actionem exercere, & quod amplius
in aliis erat, hoc etiam officio iudicis exequi. Ita enim
receptum fuisse, de actionibus concurrentibus libro
singulari*

DE DIVERSIS REGVLIS IVRIS. 341
singulari docuit Paul.d.cap.34. Et hoc nimirum illud
est, quod sic etiam Modest. Regularum lib.3. scribit,
*Plura delicta in vna re plures admittunt actiones, sed non
posse omnibus vti probatum est, c.53.de oblig. & act. Nec
aliò spectat quod ait Paulus, si ex eodem facto dua com-
petant actiones iudicis partes esse, vt quo plus sit in reliqua
actione, id actor ferat; si tantundem aut minus, id consequa-
tur. c.41. de oblig. & act.* Sensus enim est, duabus ex vno
facto concurrentibus pœnalibus actionibus, vnâ eli-
gere actorem debere, & si plus in reliqua actione est,
quàm in electa, id eum officio iudicis ferre; sin minus
aut tantundem, id eundem actorem actionis instituta
cie officium iudicis. Quod igitur Vlpianus hac regula
scribit, pœnales actiones de eadem re concurrentes
aliâ per aliâ non consumi, id omnino ad iudicis
officium videtur referendum esse. Eo enim officio ces-
sante, dubium non est, quin per exceptionem aut ipso
iure altera consumat alteram; c.34. §.1. de oblig. & act.
cap.13. in prin. de insti. act. cap.43. hoc tit. Sique famo-
sa fuerit altera, & altera non famosa, præponendam
esse famosam docuimus ad huius tit. cap. 104.

CXXXI. PAVLVS LIB. XXII.

AD E D I C T V M.

*Qui dolo deserit possidere, pro possidente damnatur, quia
pro possessione dolo est.*

ADVERSVS possessorem dari solet rei vindica-
tio; cap.7. de rei vind. Sed & is qui ante litem conte-
stam dolo desijt rem possidere, tenetur in rem actio-
ne; cap.27. §.2. d. tit. Dolus enim pro possessione est. In
hereditatis quidem petitione & rei vindicatione, se-
natufconsulti, in pœnalibus verò iudiciis & interdictis

342 IAC. RÆVARD. TOM. I. COMM.
iusta edicti prætoris interpretatione, cap. 13. §. 2. de
hæred. petit. d. cap. 27. §. 2. cap. 12. & cap. 21. §. 2. de no-
xalib. actionib. cap. 1. de tab. exhibend. Et idcirco qui
dolo desit possidere, pro possidente damnatur, non quidem
directa, sed utili actione. Nam, ut ait Paulus, hæc actio
in locum directæ actionis succedit, capite 26. §. 2. & 4. de
noxalib. act.

CXXXII. GAIUS LIB. VII. AD
EDICTVM PROVINCIALE.

Imperitia culpa adnumeratur.

AUCTOR est ad Edictum prouinciale lib. 7. Caius,
medicum qui imperitè secuit seruum, aut medicamento per-
peram usus est culpa reum esse: imperitiam enim culpa ad-
numerari, cap. 8. ad leg. Aquil. cap. 9. §. 5. locati. Ex hoc
loco ab hominibus eruditissimis probatum est, medi-
cos olim chirurgos fuisse. Verius existimo dici posse
omnes chirurgos medicos appellari, quàm medicos
omnes chirurgos fuisse. Sic enim in fabulis scribit Hy-
ginus Augusti libertus; Chiron Centaurus Saturni filius
artem medicinam chirurgicam ex herbis primus instituit;
Apollo arte oculariam medicinam primus inuenit. Est etiam
inscriptio quædam vetus id liquidò demonstrans, his
verbis; CHRESTÆ CONSERVÆ ET CONIV-
GI CELADVS ANTINOVS DRVSI MEDY-
CVS CHIRVRG. BENEMERENTI FECIT.
Huic consentaneum est illud Hieronymi ad Onasium;
Medici quos vocant chirurgicos, crudeles putantur; & mi-
seri sunt. Atque ita medicum accepit etiam Ambro-
sius, enarrans Psal. 37. his verbis; Non sit medicus qui sin-
gulis vulneribus medicamenta conueniant, cuius vlceris pu-
tredo ferro sit amputanda, ne in totius corporis serpat exitium.
Eodem loco addidit Caius mulionem quoque imperitiam

peritiam impetu mularum retinere non potui, culpa nomine teneri si illa hominem alienum obtrinerint; idemque iuris esse in persona eius, qui impetum equi, quo vehebatur propter imperitiam retinere non potui; d. cap. 8. Est etiam Paulus auctor, eum culpa reum esse, cuius imperitia ignis in stipulam vel spinam comburenda eius causa immissus, alienam segetem vel vineam laesit; cap. 30. §. 3. ad legem Aquil. Eoque pertinet quod ita Georg. lib. 1. Virgilius ait;

Sepe etiam steriles incendere profuit agros,
Atque leuicem stipulam crepitantibus vrere flammis.
Plinius libro decimo octauo cap. 30. Sunt qui accendunt in aruo & stipulas, magno Virgilij praconio.

CXXXIII. GAIVS LIB. VIII. AD EDICTVM PROVINCIALE.

Melior conditio nostra per seruos fieri potest, deterior fieri non potest.

Ex conuentionibus serui melior fieri potest conditio domini, non deterior; cap. 19. de fideiuss. cap. 62. de verborum obligat. cap. 32. de acquir. rer. domin. ex delictis deterior, non melior, cap. 21. in princ. & cap. 22. de noxal. act. cap. 1. §. 8. de vi & vi armata. Etiam si seruus mercenarius fuerit; cap. 5. §. 6. quod vi aut clam. Deteriorem dico conditionem non causam. Peiorem enim domini causam serui facere, nisi forte scierit dominus, omnino non possunt; auctore Paulo sent. lib. 5. tit. 12. in fine.

CXXXIV. VLPIANVS LIB. I.

AD EDICTVM.

Non fraudantur creditores cum quid non acquiritur a debitoribus, sed cum quid de bonis deminuitur.

EDICTVM de iis que in fraudem creditorum facta sunt,

344 IAC. RÆVARD. TOM. I. COMM.
sunt, ad deminuentes patrimonium suum pertinere ait Vlpianus, non autem ad eos qui id agunt ne locupletentur, c. 6. in princ. quæ in fraud. cred. Eoque Bulgarus, Placentinus, & Accursius hanc regulam rectè arbitrantur referendam esse. Ad edictum enim libro 21. cui hæc regula tribuitur, de eo disseruit Vlpianus, cui sub conditione legatum relictum est, cap. 42. de oblig. & act. Indèque intelligi facilè potest, si huiusmodi legatarium soluendo non esse contigerit, inuitum amplecti legatum non cogi; nec si repudiauierit, fraudari creditores. Suum enim patrimonium non deminuit, d. cap. 6. Nam, ut ait eodem libro Vlpianus, non fraudantur creditores cum quid non acquiritur à debitore, sed cum quid de bonis deminuitur.

AD §. NEMO EX SVO.

Nemo ex suo delicto meliorem suam conditionem facere potest.

EXTAT Imperatoris Antonini constitutio, quæ prohibet iudici in publicis, priuatis, vel fiscalibus causis pecuniam dare, cap. 1. §. 2. de calumniat. Id autem fieri interdum solere, testis est libro 2. Epist. Cyprianus. Ait enim: *Quis inter hæc verò subueniat? patronus? sed prauaricatur, & decipit, iudex: sed sententiam vendit. Qui sedet crimina vindicaturus, admittit; & ut reus innocens pereat, fit nocens iudex.* Et paulò post; *Nullus de legibus metus est, de quesitore, de iudice paucior nullus; quod potest redimi non timetur.* Est etiam Ambrosius sermone 7. auctor, usque adeò hoc inoleuisse malum, ut quasi ex consuetudine vendantur leges, corrumpantur iura, sententia ipsa venalis sit. Ideoque si constaret corruptum esse iudicem, litem perire voluit Antoninus, d. §. 2. Ita nimirum ut ea pars, quæ iudicem corrumpit, lite cadenti hoc

DE DIVERSIS REGVLIS IVRIS. 345
hoc est, interprete Festo, eius rei de qua agitur causam
amittat, & iudex eam, quæ inter partes extincta est, li-
tem suam faciat, in eam summam condemnâdus, quæ
religioni iudicantis æqua videbitur, c. 5. §. 4. de oblig.
& act. c. ult. de extraord. cognit. Deque huiusmodi iu-
dice differens ad Edictum. lib. 21. Vlpianus, *tunc iudi-
cem litem suam facere ait, cum dolo malo in fraudem legis
sententiam dixit, vel gratia, vel inimicitia, vel etiam sordi-
bus. Nec interesse filiusne familias iudex sit, an verò pater-
familias: Neminem enim ex suo delicto meliorem suam con-
ditionem facere posse*, cap. 5. de iudicijs.

CXXXV. VLPIANVS LIB. XXIII.
AD EDICTVM.

*Ea quæ dari impossibilia sunt, vel quæ in rerum natura
non sunt, pro non adiectis habentur.*

OBTINUIT impossibiles conditiones testamen-
to adscriptas pro nullis habendas esse, cap. 3. de con-
dict. & demonst. Et idcirco sub impossibili conditio-
ne factam institutionem non vitari, cap. 1. de condict.
Instit. Quia enim impossibiles in faciendo conditio-
nes in non faciendo fieri possibiles possunt, cap. 7. de
verb. obligat. certè institutionem sub impossibili con-
ditione scriptam sic voluerunt prudentes valere, ut ei
potius mendum subesse interpretarentur, quàm testa-
torem data opera, quod fieri non potest, fieri voluisse,
d. c. 1. Veluti si sic concepta fuerit testamenti formu-
la, PVBIVS SEMPRONIVS, SI COELVM
DIGITO TETIGERIT, HÆRES ESTO; hanc
conditionem ita interpretatur, quasi scriptum fuerit,
SI COELVM DIGITO NON TETIGERIT.
Cur autem huiusmodi interpretatio in contractibus
recepta non fuerit, à Męciano elegans est ratio prodi-

346 IAC. RÆVARD. TOM. I. COMM.
ta, c. 3. i. de oblig. & act. Eadem dicenda sunt, si qua
rerum natura non sunt, dari voluerit testator; veluti
Strichum qui mortuus est, aut Hypocentaurum qui
esse non potest; §. 1. Instit. de inutilib. stipulat. cap. 30.
§. de iureiurand. Eoque pertinet illud Senecæ Epistol.
lib. 8. *In rerum natura quadam non sunt: & hac autem que
non sunt, rerum natura complectitur, que animo succu-
runt, tanquam Centauri, Gigantes, & quicquid aliud falsa
cogitatione formatum habere aliquam imaginem capiti,
quamvis non habeat substantiam.*

CXXXVI. PAVLVS LIB. XVIII.
AD EDICTVM.

*Bona fides tantundem possidenti præstat, quantum veri-
tas, quoties lex impedimento non est.*

AQUA pluvia nocet vel opere facto vel natura;
cap. 1. §. 2. de aqua & aqua plu. arcend. Nam, ut ait in
† Topicis Cicero, genus est aqua pluvia nocens; eius gene-
ris forma due, loci vitio & manu nocens, quarum altera in-
betur ab arbitrio coerceri, altera non. Quod ipsum ab
Ulpiano quoque traditum est cap. 1. §. 12. d. tit. Est
etiam Paulus auctor ad Edictum lib. 18. cum cum quo
aqua pluvia arcenda agitur, cogi indicium accipere, ut opus
tollat, quoniam suo nomine conuenitur; emptorem verò bonæ
fidei, non quidem opus tollere, sed solam præstare patientiam
cogendum esse aduersario diruere, cap. 7. & cap. 12. d. tit.
Et id quidem verum erat, si modò longo tempore
opus factum emptor non possedisset bona fide. Quo-
ties enim lex agro dicta impedimento non est, bona
fides tantum longo tempore possidenti iuris in opere
facto præstat, quantum ipsa veritas, hoc est, quantum
verè, iustè, ac legitimè seruitus constituta, aut eius li-
bertas acquisita posset præstare, cap. 1. §. 17. & cap. ult. de

DE DIVERSIS REGVLIS IVRIS. 347
de aqua & aqu. plu. arcend. cap. 10. si seruitus vindic. Et
hoc nimirum illud est quod sibi hac regula Paulus
voluit, ex eius libro ad Edictum 18. desumpta per le-
gem, eam legem intelligens, quæ ab auctoribus diui-
sionis agro dicta est, d. 9. 17. Ait enim libro de condi-
tionibus agrorum Sculus Flaccus, auctores diuisionis
adsignationisque leges quasdam colonis describere solere, ut
qui agri delubris sepulchrisve publicis, via, iuineris, actus,
ambus, ductusque aquarum priuatis & publicis utilitati-
bus seruiant, in eadem conditione essent, qua antea fuerant.
Deque huiusmodi legibus obseruauit rectissimè Bris-
sonius Vlpian. etiam sensisse, c. 8. ad legem Iul. pecul.

CXXXVII. VLPIANVS LIB. XXV.
AD EDICTVM.

Qui auctore iudice comparauit, bonæ fidei possessor est.

IMPENSA funeris semper deducitur ex hæredi-
tate, & omne creditum præcedit, cap. penult. de relig.
& sumpt. fu. Funerisque haberi ratio tanta solet, ut mili-
tem familiare funus excusaret, auctore Gellio; ut etiam
in funus inortui serui necessariæ impensæ fierent, c. 13.
§. 19 de act. empt. cap. 31. §. 1. de relig. Et idcirco disle-
rens lib. ad Edictum 25. de sumptibus funerum Vl-
pianus si nihil occurrat vnde funeretur defunctus, ait ad
res quoque legatas manum mitti oportere interueniente præ-
tore, nec si postea hereditas fuerit adita, rem emptori anse-
rendam esse; quia bonæ fidei possessor est & dominium in-
stum habet, qui auctore iudice comparauit, cap. 14. §. 1. de
religios. Iuste enim possidet, qui auctore prætore possidet,
cap. 11. de acquir. poss.

Omnis hereditas quamvis postea adeatur, tamen cum tempore mortis continuatur.

PRÆTEREA *pulla*, inquit Festus, nulli alij licebat *uti* quam ei qui *funus* faciebat. Funus autem eum facere oportebat cui funeris sui curam testator mandauerat, aut scriptos hæredes, aut si nullus scriptus esset legitimos vel cognatos, suo quosque ordine quos succedunt, cap. 12. §. 2. de relig. Qui *funus* facit, iusta non facit faciendo funus. Funus enim facere, iusta facere, & exequi funus diuersa sunt, cap. 2. in fin. & cap. 3. de in ius vocand. Nam qui funus indictum pompa funebri præcedente ducit, facit funus; qui sacrificio, quod *humanum* Festus appellat, ritè peracto, glebam obicit, iusta facit; & qui denique cadauer prosequuntur, eos exequi funus, exequiâsque frequentare, dixerunt veteres. Moris enim erat, ut mortui aut populari sandapila exportarentur, aut pompa funebri ducerentur. Nam tempore vespertino eos efferrî solebat, ait Festus, qui funebri pompa duci propter inopiam nequibant. Eoque pertinet quod ait Suetonius *Domitiani* cadauer populari sandapila per *vespilliones* exportatum fuisse. Nec aliò videtur Vlpianus respexisse, cum scriberet sumptus funeris à magistratu decernendos esse pro facultatibus, vel dignitate defuncti; sumptum funeris causa cum demum videri factum, sine quo funus duci non possit, cap. 12. §. 3. & cap. 14 §. 3. & §. de religiosis. Qui funus faciebat, funus ducebat, d. cap. 14 §. 2. Qui autem funus sequebantur, exequi funus, exequiâsque frequentare dicebantur. Sic enim de Flammine Diali scripsit lib. 10. cap. 15. Gellius; *Mortuum*

nunquam attingit, funus tamen exequi non est religio. Sic etiam Suetonius de Tiberio; Quorundam illustrium exequias usque ad rogam frequentauit. Et Donatus, Funus, inquit, est pompa exequiarum. Denique, qui in sepulchrum obicit glebam eum iusta facere Varro & Festus aiunt, porca presentanea familie purgandæ causa Cereri immolata. Hinc intelligimus quam sit huius regulæ sententia vera. Differens enim ad Edictum libro vigesimo septimo Paulus de sumptibus funerum, impensam funeris semper deduci scripsit ex hereditate, etiam legatis & pretiis manumissorum non deductis, cap. 25. & cap. penult. Addiditque necessum non esse ut hereditas adita sit. Omnem enim hereditatem, licet postea adeatur, cum mortis tempore continuari; atque ita fieri, ut quæ mortis tempore ad executionem deductionemque funeris necessaria sunt, recte ex hereditate etiam non adita deducantur. Nam, ut ait libro nono Epist. Ambrosius, ubi testamentum, ibi hereditas. Quod ipsum satis liquido demonstrat etiam Ulpianus, cap. 1. §. 4. de iniuriis. Sanè cum tempore mortis continuari hereditatem adeò verum est, ut scripserit expressè Caius, eum qui postea heres extitit, ex mortis tempore successisse defuncto hac ratione videri, quod eius familia ex tempore mortis funesta facta intelligatur, licet post aliquod tempus heres extiterit, cap. 28. de stipul. feruor. Nec ante desinebat esse funesta, quam iustà defuncto fecisset heres. Tandiu enim, auctore de lingua Latina li. quarto Varro, familia funesta manebat & humilior dicebatur. Ait etiam Nonius Varro de vita pop. Rom. lib. 3. sic scripsisse; Quod huius & Cereri, aliter familia pura non est. Hanc porcam Gellius, Festus, & Varro pracidaneam vocant, dissentiente Victorino, qui eam appellari pracidariam vult, non pracidaneam, de orthographia differens. Fuisse quoque

350 IAC. RÆVARD. TOM. I. COMM.
que porcam aliam qua in re & in presente mortuo immolabatur, testis est idem Victorinus, eamque presentaneam appellat. De qua porca dubium non est quin Festerius cū sic scriberet; Pres. porca dicitur, &c. Ita enim ex eodem Victorini de orthographia libro restitutus est hic Festi locus; Presentanea porca dicitur, ut ait Veranius, qua familiae purganda causa Cereris immolatur. Nec dubito quin ea restitutio verissima sit, & ad huius regulæ veram sententiam accommodatissima.

AD §. NVNQVAM.

Nunquam crescit ex postfacto præteriti delicti æstimatio.

NON de sumptibus funerum duntaxat, sed etiam de sepulchro violato scripsit libro ad Edictum vigesimo septimo Iulius Paulus, cap. 27. de iniurijs, cap. 4. de sepulch. violato. Et quia sepulchri violati actio alia pecuniaria est, alia capitalis, cap. 9. cap. 11. d. cit. dubitatum certè fuisse videtur, an is qui actione pecuniaria ob modicam sepulchri violationem conuentus est, postea corrumpente integro monumento, possit capitali iudicio conveniri, quasi ruinæ causam dederit; & Paulus respondisse, id nullo modo fieri posse, nunquam enim ex postfacto crescere præteriti delicti æstimationem. Videlicet ea ratione, qua scripsit idem Paulus, si vulneratus fuerit servus non mortiferè, negligentia autem perierit, de vulnerato actionem esse, non de occiso. cap. 30. in fi. ad leg. Aquil.

CXXXIX. GAIVS LIB. AD EDICTVM PRÆTORIS VRBANI.

Omnes actiones, quæ morte aut tempore pereunt, semel inclusæ iudicio saluæ permanent.

LITIS

DE DIVERSIS REGVLIS IVRIS. 351
LITIS enim cōtestatione pœnales actiones trans-
mittuntur, & temporales perpetuantur, c. vlt. in fin. de
fideiuss. tut. Per actiones temporales honorariæ intel-
liguntur actiones. Illæ enim post annum aliter dari
non solent, quàm si rei persecutionem haberent, cap.
22. in fin. de lib. causa. cap. 35. de oblig. & act. aut sine
rei persecutione, inclusa semel iudicio forent, cap. 5.
de publicanis. Est etiam Vlpianus auctor, omnes pœna-
les actiones post litem inchoatam ad heredes transire, c. 26.
de obl. & act. Eaque de re sapius iam dictum est.

AD §. NON VIDETVR.

§. NON VIDETVR.
Non videtur perfectè cuiusque id esse, quod ex casu au-
ferri potest.

HANC regulam arbitror desumptam esse ex Caij
ad Edictum prætoris vrbanî commentario de libera-
li causa. Docet enim in eo commentario Caius, in-
terdum patrono licere pro libertate liberti litigare,
interdum non licere. Licere quidem, si patrono igno-
rante libertus venire se passus est; non licere, si id ipsû
sciente patrono factum fuerit, cap. 4. de lib. caus. Au-
tor est Quintilianus libro septimo cap. 8. *in patroni*
manu libertum esse: eaque ratione patronis munus, ope-
ras, & testamentum deberi alio loco demonstratum
est. Quod ipsum sensisse videtur Vlpianus, cum scri-
beret *interesse nostra, libertos libertasque habere*, cap. 5. d.
tit. Atque ita quidem patronorum esse liberti solent,
quia in eorum manu sunt; non tamen perfectè, quia
ex casu eis auferri & eripi possunt. Non enim perfectè
videtur cuiusque id esse, quod ex casu auferri potest. Casus
est, si non ignorante patrono libertus venditari se
passus fuerit. Tunc enim in manu esse patroni desinit,
& seruus efficitur.

CXL. VLPPIANVS LIB. LVI.
AD EDICTVM.

Absentia eius qui reipublica causa abest, neque ei neque alij damnosa esse debet.

SENATORIBVS equitibusque Romanis Italianam excedere aliter non erat liberum, quam si facultatem excedendi impetrassent. Proinde qui proficisci volebant, olim quidem senatum, postea verò principem adibant, & exposita peregrinationis causa iustitiam commeatum impetrabant, cap. 2. in fi. & capit. 22. §. penult. ad municipal. cap. 15. C. de dignit. Idque illud est quod ait Suetonius, *commeatus à senatu peti solitos, sui beneficij Claudium fecisse. Plinius Traiano, Deinde ut hoc facere quàm maturissimè possim, indulge commeatum.* Est etiam in eodem Claudio Suetonius auctor, maiorum temporibus Rabirio Postumo equiti Romano sine commeatu Ptolemaeum Alexandriam crediti seruandi causa secuto, crimen maiestatis apud indices motum fuisse. Et Cicero Epist. fam. lib. 9. *Cum in his angustiis versarer, inquit, placitum est ut postularem legationem liberam mihi reliquisque nostris, ut aliqua causa proficiscendi honesta quaereretur.* Senecam quoque saepius à Nerone commeatum petiisse, bonisque cedere voluisse Suetonius testis est. Inter alias quibus decernebatur commeatus causas iustas reipublice causa longè iustissima fuit. Cum enim lib. 43. scriberet Liuius, edicto senatores ex tota Italia Romanos esse reuocatos, eos dumtaxat exceptos fuisse addidit, qui reipublica causa abessent. Certè quod soli illi reipublica causa intelligantur abesse, qui non sui commodi causa, sed coacti absunt; capit. 36. ex quib. caus. maio. Et idcirco mirum non est, absentiam eius qui reipublica causa abest, ei damnosam esse non debere, nec etiam alij,

DE DIVERSIS REGVLIS IVRIS. 353
alijs, cap. 6. de sepulch. si modò verè scripserit Africa-
nus, *publicum officium non debere vel damno vel compendio*
cuquam esse, cap. 29. ex quibus caus. maior. Quod au-
tem Modestinus ait, *abesse reipublicæ causa intelligi &*
eum qui ab vrbe profectus est, licèt nondum prouinciam ex-
cesserit, & eum qui excesserit, donec in urbem reueriturur,
cap. 32. d. tit. id audio quibusdam vitiosum videri, pro
excesserit, legendum *accefferit*, existimantibus. Sed fru-
stra. Sensus enim est, nullam sine comœatu iniungi
solere reipublicæ causa legationem, & tamdiu ali-
quem abesse reipublicæ causa, ac per consequens ha-
bere comœatum intelligi, donec ab vrbe profectus,
rursus in urbem rediit. Nam, vt ait Festus, *dari comœa-*
tus dicitur cùm tempus datur, quo quis ire debeat, & redi-
re. Atque ita duo tempora sub se continet comœa-
tus, vnum eundi, donec absens reipublicæ causa lega-
tione functus excesserit prouinciam, alterum redeun-
di, donec prouinciam excedens, in urbem fuerit reuer-
sus; deque huiusmodi temporibus sentire videtur
Modestinus, d. cap. 32. Vt enim non sine comœatu ab
vrbe proficisci, sic nec ad urbem redeuntes poterant
præsides prouinciam excedere sine comœatu; quem-
admodum expresse docet Suetonius, cùm ait, *diuini*
Claudii ad quoddam spectaculum comœare in urbem
non solum præsilibus prouinciarum permisisse, verum etiam
exulibus quibusdam.

CXLI. PAVLVS LIB. LIV.

AD EDICTVM.

Quod contra rationem iuris receptum est, non est produ-
cendum ad consequentia.

DE hac regula scripsimus ad huius tituli caput
primum.

AD §. VNI DVO.

Vni duo pro solido heredes esse non possunt.

NON enim dominium esse apud duos pro solido potest, cap. 19. §. 2. de castrensi pec. nec plures eandem rem possunt in solidum possidere. *Contra naturam quippe est, ut cum ego aliquid teneam, tu quoque id rem videaris*, quemadmodum docet eleganter, & laconice Paulus, libro ad Edictum quinquagesimo quarto, *et quo hac regula sumpta est*, cap. 2. §. 4. de acq. poss.

CXLII. PAVLVS LIB. LVI.

AD EDICTVM.

Qui tacet, non utique fatetur, sed tamen verum est cum non negare.

ARBITER dari solet aut æstimandæ liti aut iudicandæ, cap. 25. §. 2. & cap. 26. ad leg. Aquil. Eoque pertinent hæ veteres notæ, A. L. E. quas ita interpretatus est Valerius Probus, ARBITRIVM LITIS ESTIMANDÆ, vel, ARBITRIVM LITIS IUDICANDÆ. In actione quæ aduersus confite-tem datur, iudex non rei iudicandæ, sed æstimandæ datur. Nam nullæ partes sunt iudicandi in confite-tes, d. cap. 25. cap. 6. §. 1. de confess. Siquidem, ut Paulus ait libro ad Edictum quinquagesimo sexto, *confessus pro iudicato est*, cap. 1. d. tit. Eodem libro tractatum à Paulo fuit, an is qui tacet habeatur pro confesso. Et certum quidem est, tacentem haberi interdum pro confesso, quod tunc fieri maximè solet, cum in iure ab aduersario interrogatur, ne prætor videatur contemni, cap. 10. §. 3. de interrog. Eoque referri poterit illud Donari in Terentium; *Taciturnitas confessionis genus est, contra aduersarij*

DE DIVERSIS REGVLIS IVRIS. 355
*uersarij interrogationem. Aliud erat si aduersarius non
teneretur respondere. Tunc enim qui tacet neque fa-
teri intelligitur, neque etiam negare, cap. 9. de except.
Id quod Valerius satis indicat, de M. Claudij Marcelli
filio sic lib 6 scribens; Constat inuenem productum in Ro-
stra deflexo in terram vultu perseueranter tacuisse, verecun-
dique silentio plurimum in ultionem suam valuisse. Cate-
diuersitate, variè à prudentibus responsum est, nec vl-
lam habet ea res difficultatem.*

CXLIII. VLPIANVS LIB. LXII.
AD EDICTVM.

*Quod ipsis qui contraxerunt obstat, & successoribus eo-
rum obstat.*

NON enim debet quis melioris esse conditionis,
quàm auctor eius, à quo ius in eum transijt. Et ideo
arquissimum visum est ei, qui ex persona auctoris vti-
tur accessione. pati dolum auctoris, capite 4. §. 24. de
doli except. Qua de re differens libro ad Edictum
sexagesimo secundo Vlpianus dolum auctoris eum etiam
esse ait, si debitor in fraudem alicuius creditoris, id persequi
aut soluere noluerit, quod persequi & soluere potuit; eumque
dolum successoribus quoque obstat. Quod enim ipsis qui con-
traxerunt obstat, id eorum etiam successoribus obstat, capit.
44. mandati. cap. 3. quæ in fraud. credit.

CXLIV. PAVLVS LIB. LXII.
AD EDICTVM.

*Non omne quod licet, honestum est. In stipulationibus id
tempus spectatur, quo contrahimus.*

AD Oceanum sic scribit Hieronymus; *Alie sunt
leges Casaris, alie Christi; aliud Papinianus, aliud Paulus
noster*

356 IAC. RÆVARD. TOM. I. COMM.
 noster precipit. Apud illos viri impudicitia ^{frana laxantibus}
 & solo stupro atque adulterio damnato, passim per lupanaria
 & ancillulas, libido permittitur, quasi culpam dignitas facit
 non voluntas. Hæc Hieronymus, demonstrans euidenter
 non omne quod licet honestum esse. Licere enim
 fornicari, cum nihil fornicatione sit inhonestius. Quam
 de re differit etiam de prouidentia Dei libro quarto
 Saluianus. De tempore quod in stipulationibus sp-
 citari solet, scripsimus ad huius tituli caput dec-
 mum octauum.

CXLV. VLP IANVS LIB. LXVI.
 AD E D I C T V M.

Nemo videtur fraudare eos qui sciunt & consentiunt.
 : N O N videtur celatus qui scit, neque certiorari de-
 bet, qui non ignorat, cap. 1. in fin. de act. empt. Et idcirco
 qui consentientibus creditoribus aliquid à fraude
 tore vel emit vel stipulatus est, non videtur in fraude
 creditorum fecisse. Nemo enim videtur fraudare eos
 qui sciunt & consentiunt, cap. 6. §. 5. quæ in fraud. cre-
 dit. Quod ipsum etiam locum habet in ediliis actio-
 nibus, cap. 48. §. 2. & 3. de edilic. edict. cap. 4. §. 5. de ex-
 cept. dol. mali. Nec alia ratio est cur scripserit Pon-
 ponius, *simplariarum venditionum causa ne sit redhibita*
in usu esse, d. cap. 48. §. fin. Res enim poculenta & elen-
 lente nulla ferè continent latentia vitia; easque res sim-
 plarias appellari ex libello Fulgentij de prisco sermo-
 ne suspicari licet. In eo enim sic scriptum est; *Simplares*
dicuntur conuiuia; nam & amicus sponsi; qui cum eo per
conuiuia ambulat, simplator dicitur. Hæc Fulgentius tam
 simplaria, quàm simplatores à simplonibus posse deri-
 uari, non obscure demonstrans.

CXLVI. PAVLVS LIB. LXII.

AD EDICTVM.

Quod quis dum seruus est egit, proficere libero facto non potest.

IN stipulationibus id tempus spectamus quo contrahimus, cap. 78. de verb. obligat. Et idcirco si tempore seruitutis sub conditione stipulatus fuerit seruus, & ante conditionis euentum contigerit manumitti, non seruo, sed domino commodum stipulationis acquisitum censebitur. Nam quod quis egit dum seruus est, ita protinus acquiritur domino, vt seruo libero proficere illud nullo modo possit. Et hæc Edictum vera est regulæ huius sententia, ex Pauli ad tractatum à Paulo fuisse ex inscriptione d. c. 78. omnino constat. Eaque res latius ad huius tituli, cap. 18. à nobis exposita est.

CXLVII. GAIVS LIB. XXIV. AD
EDICTVM PROVINCIALE.

Semper specialia generalibus insunt.

CAIVS ad Edictum prouinciale lib. 24. de bonis differens auctoritate iudicis possidendis, ideo, ait ANACRAPHN singulorum instrumentorum fieri posse, quod liceat creditoribus vniuersorum bonorum descriptionem facere. Semper enim specialia generalibus inesse, cap. 15. de bon. auct. iudic. possid. cap. 6. de aliment. legat.

CXLVIII. PAVLVS LIB. XVI.

BREVIS EDICTI.

Cuius effectus omnibus prodest, eius & partes ad omnes pertinent.

SOLET debitor qui soluendo non erat, aut bonis cedere, aut foro. Bonis autem cedebatur, non in ius tantum, sed etiam extra ius per nuntium & per epistolam; cap. ult. de cess. bon. Erat enim moris ut rei qui soluendo non essent, legis Iuliae de bonis cedendis beneficium implorarent, eoque impetrato omnibus cedebat bonis, res alienum in iure professi, creditoribus cedebat, bonorum, siue (ut est apud Varronem) *bonorum etiam* *piam* eiurantes, cap. 4. C. qui bon. cedere poss. Eoque patet continet illud Senecae de benefic. lib. 6. Si quis patriae meae pecuniam credat, non dicam me illius debitorem, nec ex hoc res alienum profitebor aut candidatus, aut reus. Et tunc quidem observari etiam solet, ut creditores solo venditionis bonorum remedio. indemnitati suae consulere. Siquidem bona diuidere non poterant propria auctoritate, nec etiam iure dominij detinere, d. cap. 4. Extra ius bonis ad eum modum cedebatur quem sic Apolog 2. descripsit Apuleius; *Pater eius pluribus creditoribus defœneratus maluit retinere pecuniam quam pudorem. Nam cum undique versum tabulis flagitaretur, & quasi insanus ab hominibus obuiis teneretur; Flax, inquit, negat se posse dissolvere annulos aureos, & omnia dignitatis insignia abiecit cum creditoribus depaciscitur.* Hæc Apuleius, satis indicans in omni bonorum cessione *ne verbum*, hoc est, nudam voluntatis professionem sufficere. Quod ipsum Philippus etiam & Theodosius Imperatores, iurisconsultum Marcianum secuti, tradiderunt, cap. 1. & cap. ult. C. d. rit. cap. ult. D. de cess. bon. Frustra igitur hanc clausulam, *scrupulositate priorum legum explosa*, responso Theodosij adiecit Tribonianus aliquid novi iuris introduxisse cum Theodosio Philippum falso persuasus. Nec dubium est quin clausula illa Triboniani sit. Eam enim abesse à Theodosiano codice norunt omnes. Ceterum foro cedere debitores

DE DIVERSIS REGVLIS IVRIS. 359
debitores dicuntur qui solum vertunt, qui iudicio
prouocati latitant, qui ne per procuratorem quidem
ad ius fori respondent. Et huiusmodi quidem debi-
torum bona, si tercio edicto, aut vno pro tribus dato,
ad sui defensionem non excitarentur, non possideban-
tur solum, sed etiam vendi à creditoribus poterant,
cap. 1. §. si nemo. quod cuiuscunque vniuers. no. cap. 7.
quib. ex caus. in poss. eat. *Possidebantur quidem dies tri-*
ginta, vendebantur verò post trigesimum diem, quemadmo-
dum pro P. Quintio docet Cicero. Si modò cum cre-
ditoribus intra dies illos triginta debitores eiusve
successores de certa portione non essent pacti. Solet
enim maiore creditorum parte consentiente à prato-
re decretum nonnunquam interponi, vt certam credi-
tores singuli portionem ferrent, cap. 5. §. 1. mand. cap.
7. §. fin. & cap. 8. de pactis. Seneca de benefic. lib. 4. cap.
39. Appellare debitorem ad diem possum, & si foro ces-
serit portionem feram. In bonorum venditionibus illud
esse in usu solet, vt aut sector admitteretur, aut magi-
ster constitueretur. Sector admittebatur, si creditores
parati essent partem ex bonis, licet ab extraneo con-
sequi, c. 60. de pactis. cap. 6. de bon. auct. iud. possid.
Tunc enim ita diuidendi bona solent, vt de certis
portionibus cum creditoribus singulis decideret em-
ptor, datis auctore Theophilo fideiussoribus idoneis.
Sectores autem huiusmodi emptores appellari, testis
evidentissimus est Asconius Pedianus. Deque huius-
modi emptionibus arbitror accipiendum esse Iustinia-
ni titulum, DE SVCCESIONIBVS SVBLA-
TIS QVÆ FIYNT PER BONORVM VENDI-
TIONES. Nam si Theophilo credimus, bona debitoris
addicebantur emptori decreto pratoris eaque additione, sic
debitori succedebat emptor iure pratorio, vt actiones omnes
debitori, & aduersus debitorem competentes, ad emptorem

360 IAC. RÆVARD. TOM. I. COMM.
transferrentur. Aliud erat si ex bonis rei non dubitarent
singuli creditores solidum consequi. Tunc enim ex
creditoribus vni, quem maior pars elegerat, ne con-
rumperentur rationes negotium dari solet, addita re-
rum omnium venditarum diligenti cura capite fin-
curat. bon. dand. cap. 15. de bon. auct. iud. possid. cap. 16.
de curat. fur. Eumque magistrum appellari testatur
† Cicero ad Atticum lib. 1. Ait enim; *Vna agebantur
rei creditores, in quibus erat Lucullus, & P. Scipio, &
quem putabant magistrum fore, si bona venirent.* L. Pomponius
Hæc cum ita se habeant, nunc intelligimus quid boni
regula voluerit Paulus. Certum enim est, eius qui boni
vel foro cessit, creditores non esse omnes vnius eiusdem-
que conditionis. Nam alij re & effectu creditores sunt
alij effectu solo, non re. Re & effectu creditores sunt
qui aliqua exceptione perpetua nequeunt submoveri,
effectu autem solo, quibus nondum competit actio:
cuiusmodi sunt conditionales creditores, capite 54.
& capite 55. de verborum significatione. Atque ita
effectum accipi in prudentum responsis novum non
est, capite 5. §. 1. quod cum eo. cap. 1. §. 12. ut legat.
no. capite 14. in fine commun. diuid. Deque huiusmo-
di effectu sensit hac regula Paulus ex eius Brevis au-
cti libro 16. desumpta. In eo enim libro de rebus au-
ctoritate iudicis possidendis, & magistris faciendis
Paulum disseruisse, constat ex epigraphe cap. 26. de
rebus auct. iudic. poss. & cap. 55. de verb. signific.
Et idcirco ea videri potest huius regulæ esse sententia,
quasi contenderit Paulus creditores conditionales cum
aliis creditoribus concurrentis effectum omnibus
alijs prodesse posse. Nam si evanuerit conditio, partes
huius creditoris aliorum augent portiones. Et ita cu-
ius effectus omnibus prodest creditoribus, eius quo-
que partes siue portiones, ad omnes creditores per-
tinent.

DE DIVERSIS REGVLIS IVRIS. 361
sint, eorūque portionibus aut accrescunt, aut
etiam detrahuntur: accrescunt quidem, euanescent
conditione; detrahuntur verò, si euentum sortita
conditio fuerit.

CXLIX. PAVLVS LIB. LXVII.
AD EDICTVM.

*Ex qua persona quis lucrum capit, eius factum prestare
debet.*

QVOD filius peculiari nomine apprehenderit, id
statim pater eius possidet, cap. 4. de acquirend. poss.
Quod seruus acquirit, id etiam acquiri domino nemo
dubitatur. Et cum natura æquum sit eum qui commo-
dum sentit, incommodi etiam participem fieri, quid
mirum & filij patrem, & dominum serui factum præ-
stare? cap. 1. quod cum eo cap. 27. in princip. de pecul.
cap. 1. §. 8. de vi & vi armata. Nec refert proprius ne
seruus an mercenarius sit de cuius facto præstando
agitur. Ait enim Vlpianus, si tuum seruum mercenarium
habueris, quicquid ab eo factum fuerit meo nomine, ob id non
tecum, sed tecum interdicto quod vi aut clam agendum
esse, cap. 5. §. 6. quod vi aut clam, cap. 1. §. 10. de vi & vi
armata. Nam, ut ait pro Cecinna Cicero, si tuus seruus
nullus fuerit, & omnes alieni ac mercenarii; tamen & ipsi
tue familie & genere & nomine continebuntur. Seneca de
benefic. libro 7. Nec conductum meum quanquam sis do-
minus intrabis, nec seruum tuum mercenarium meum ab-
duces. Idque ad eum morem omnino pertinet cuius
lorum more dominorum nobiscum agitur, qui mancipia ob-
sequiis suis non necessaria, mercedibus promerendis lo-
cant. Eiusque moris meminere sapissimè Iuriscon-
sulti, cap. 18. §. 3. cap. 19. §. fin. & cap. 20. de instrum.

362 IAC. RÆVARD. TOM. I. COMM.
& instruct. legat. cap. 73. §. 1. de legat. 3. cap. 11. §. 1. de
pœnis. Solent etiam operarum scrviliū huiusmo-
di locationes, aliarum locationum exemplo, in quin-
quennium plerūque fieri cap. 49. de act. emptio-
cap. 18 §. 3. de stipulat. scrvior. Annisq̃ singulis an-
nuæ exoluebantur dominis mercedes, cap. 19. in fin.
de instrum. & instruct. legat. cap. 25. §. 2. & cap. 26. de
vsufruct.

CL. VLP IANVS LIB. LXVIII.
AD EDICTVM.

*Parem esse conditionem oportet eius, qui quid possidet
vel habeat, atque eius cuius dolo factum sit quominus possi-
deret, ut haberet.*

HÆC regula desumpta est ex c. 2. §. 26. ne quid in
loco publ. eiusque ratio redditur huius tit. c. 13. 1. Nec
aliò spectat quod Caius ait, eum videri facere quominus
facere possit, qui erogat bona sua in fraudem futura actionis,
idque ex interdictis colligi, in quibus ita est; QVOD
DOLO FECISTI VT DESINERES POSSI-
DERE; c. 68. pro socio. Quid autem hac regula sit
possidere vel habere, explicat Vlpianus, d. c. 2. §. 23. A
quo videtur dissentire Cornelius Fronto.

CLII. PAVLVS LIB. LXIV.
AD EDICTVM.

*Nemo damnum facit, nisi qui id fecit, quod facere ius
non habet.*

IN interdicto NE QVID IN LOCO PV-
BLICO, his quoque verbis solet vti prator; QVA
EX RE QVID ILLI DAMNI DETVR, c. 2. in
princ. ne quid in loco publ. Eaque verba interpre-
rans

DE DIVERSIS REGVLIS IVRIS. 363
Paulus ad Edictum lib. 64. *neminem damnum facere scripsit, nisi eum qui id fecit quod facere ius non habet.* Et ideo damnum eum pati, auctor est Vlpianus, qui *commodum amittit quod ex publico conseqnebatur, eoque nomine eum qui damnum fecit interdicto teneri, nisi tacendi ius principali auctoritate consecutus esset, cap. 2. §. 7. & 10. ne quid in loco publico.*

CLII. VLPIANVS LIB. LXIX.
AD EDICTVM.

Hoc iure vtimur, ut quicquid omnino per vim fiat, aut in vis publica, aut in vis priuata crimen incidat. Deicit & qui mandat. In maleficio rati habitio mandato comparatur. In contractibus quibus doli præstatio vel bona fides inest, heres in solidum tenetur.

LEX Iulia publicorum coniuncta fuit cum lege Iulia maiestatis, & in publicas duntaxat personas ferebatur, auctore Paulo sentent. lib. 5. tit. 26. indeque publicorum dicebatur, cap. 32. de pœnis, cap. 1. in princ. de vi & vi armata, & sine aliqua prouocatione delinquentes aquæ & ignis interdictione coëcebat, quemadmodum refert Philipp. 1. his verbis Cicero? *Quid? quod† obrogatur legibus Cæsaris, quæ iubenti ei qui de vi, itemque ei qui maiestatis damnatus sit aqua & igni interdici? quibus cum prouocatio datur, nonne acta Cæsaris rescinduntur?* Priuatorum autem hominum armatorum furem, inermiumque seditiones, cœtus & concursus, alia lege repressit Cæsar, quæ lex Iulia priuatorum dicebatur, d. tit. 26. & d. cap. 32. Et quia legis Plotiæ de vile suspicor his duabus Iulij rogationibus, eâ legem sublata fuisse. Eoque etiam spectat illa publicæ vis & priuata definitio, quam tradidit Etym. lib. 5. tit. 26.
Isidorus.

Isidorus. Et hæc quidem sic in vſu fuerunt antè legem
 regiam. Cùm enim lege regia deſiſſet eſſe ad popu-
 lum prouocatio, deſiſſent etiam à populo magiſtra-
 tus creari & coërceri, lex illa Iulia publicorum cum
 lege Iulia ambitus in vrbe tandem ceſſabat; cap. vñc
 de lege Iul. ambit. Solent veteres legem aliquam cel-
 ſantem aut ad deſuetudinem inclinantem ſic inter-
 dum retractare, vt quæ poſt eam latam nouis legibus
 alijs aut conſtitutionibus fuerant deſinita, ei in retra-
 ctando per ſaturas adiſcerentur, eiſdem legis nomi-
 ne retento. Eſt enim Feſtus auctor *legem multis alia*
legibus confertam, ſaturam dici, & in ſanctione legum ad-
ſcribi. NEVE PER SATVRAM ABROGATO
 AVT DEROGATO. Ait etiam Suetonius, *leges*
quaſdam Auguſtum retractaſſe, quaſdam ex integro ſcri-
xiſſe, capiti legis Papie Popæ à Tiberio Caſare quaſi ſex-
genarij generare non poſſent, addito, D. Claudium obrogariſſe.
 Et idcirco mirum non eſt vim armatam ad legem Iu-
 liam de vi publica prudentes retuliſſe, quam Iub
 priuatorum lege Caſar expreſſè voluit comprehendere.
 cap. 3. 4. 5. & 10. ad leg. Iul. de vi publ. Non enim di-
 bium eſt, quin publicorum & priuatorum leges Iulie,
 ſic fuerint aliquando retractatæ, vt vix nomen inre-
 grum retinuerint. Nam quæ leges Iulie publicorum
 priuatorumque genere quodam ab initio dicebantur,
 poſteà ſpecie quadam circumscribi, & appellari leges
 de vi publica & priuata cœperunt. Iſque legibus re-
 nebantur qui vim fecerant. Nam, vt ait hæc regula
 Paulus, *hoc iure utimur, vt quicquid omnino per vim ſit,*
aut in vis publica aut in vis priuata crimen incidat. Dicitur
turque vis publica, quod exemplo publicorum iudiciorum,
huiusmodi violentie executio cuius ex populo concedere-
tur; priuata verò, quod executio eius leſo cuique propria eſ-
ſet & peculiaris, §. 1. Inſtitut. de public. iudic. Per execu-
 cutionem

tionem persecutionem intelliges. Sic *publicam actionem* interpretatur *eam actionem* Vlpianus, *quæ omnibus patet*, cap. 1. §. 4. de susp. tut. Sic *libertas* dicitur *publica res*, c. 53. in princ. de fideicom. libert. *Publicam enim tutelam meretur libertas*, cap. 2. ne de statu defunct. Et idcirco tam hi plurimum errant qui vim omnem publicam, esse armatam contendunt; quam illi, qui vim armatam idcirco publicam dicunt appellari, quod arma essent publica, & publicè in armamentarijs custodirentur. Quasi verò stuprum inferre vis publica non sit, c. 29. in fin. ad leg. Iul. de adulter. c. 3. ad leg. Iul. de vi public. Quasi fustes & lapides & armorum appellatione Iurisconsulti de vi publica differentes, non comprehenderint; cap. 3. §. 2. de vi & vi armat. cap. pen. ad l. Iul. de vi publ. Qui vi deiectus est, interdicto sollet unde deiectus est restitui. Atque ita non criminaliter solum, sed etiam civiliter conueniebatur qui vim fecerat; criminaliter quidem, legibus Iulijs; civiliter verò, interdicto, c. 1. in princ. de vi & vi armat. c. 32. de pœnis. Moris enim erat, vt si quis vi deiectus esset, ita interdiceret prætor, **VNDE TV ILLVM VI DEIECISTI, RESTITVAS**; d. cap. 1. in princ. Et quia dupliciter homines deiciuntur, aut sine coactis armis sue hominibus, aut per huiusmodi rationem & viam, idcirco contendit pro Cecinna Cicero, ad duas res dissimiles duo deuincta esse interdicta; vnum de vi quotidiana, aliterum de vi armata. De quibus dubium non est quin senserit etiam Paulus cum scriberet possessionis recipiende causa sub rubrica **VNDE VI**, interdicta proponi, c. 2. in fine, de interdict. Deque huiusmodi interdictis Vlpian. cap. 1. & cap. 3. de vi & vi armat. Addiditque, Cum procurator armatus venit, ipsum dominum armis deiecisse videri, siue mandauit, siue ratum habuit. Deicere enim

366 IAC. REYARD. TOM. I. COMM.
eum qui mandat; rectiusque secundum Sabinum & Cassium
dici in maleficio rari habitationem mandato comparari, d. c. 1.
§. 7. & d. c. 3. §. 6. Nec non in heredes in factum actionem
competere in id quod ad eos pervenit; aliter atque in bonæ
fidei contractibus fieri solet. Nam ex ijs tenentur ha-
redes in solidum d. cap. 1. in fin.

CLIII. PAVLVS LIB. LXV.

AD EDICTVM.

Fere quibuscunque modis obligamur, hisdem in contrarium actis liberamur, cum quibus modis acquirimus, hisdem in contrarium actis amittimus. Ut igitur nulla possessio acquiri nisi animo & corpore potest: ita nulla amittitur nisi in qua utrumque in contrarium actum.

POSSESSIONIBVS rerum immobilium transferendis actus duo solennes adhibebantur, vnus erat acquisitionis, alter amissionis. Ciuilis fundo possessio acquirerebatur solemnī quadam in fundum inductione, c. 3. de vsuf. c. 32 §. 4. de administrat. tutor. c. 41. de acquir. poss. Et quia inductioni eductio contraria est, certè quemadmodum ciuilis possessio acquiri dicitur inductione, sic ea consuevit amitti eductione. Eductio enim ex fundo venditor, & sic fundi eius possessionem corporalem amittebat, simul exuta omni retinendæ possessionis affectione; eoque momento in fundum emptor ducebatur, & eandem, quam venditor exuerat, animi induens affectionem, non corpore solum, sed etiam animo apprehendere possessionem intelligebatur; adhibitis, nisi vehementer fallor, vsurpationis solemnibus antiquis, de quibus disserimus latè suo loco. Atque ita quibus modis acquiritur, iisdem in contrarium actis amitti possessionem auctor est hac regula Paulus, cap. 8. & cap. 46. de acquir. poss. Eò nihil

DE DIVERSIS REGVLIS IVRIS. 367
nihil obstante, quod ab eodem Paulo traditum sit, *pos-*
sessionem animo solo amitti posse, quamvis acquiri nequeat
solo animo, cap. 3. §. 5. d. tit. Id enim perpetuò verum est
actibus illis duobus simul non concurrentibus, qui-
bus amitti & acquiri eodem momento corpore &
animo possessionem moris fuisse demonstratum est.
Omissione amitti possessionem nemo dubitat. Nam
qui fundum vsucapit; eum sine possessione non ac-
quirat, cap. 2 §. de vsurp. Et quia duo vnā rem in soli-
sequens videtur emptore bonæ fidei possidente, non
censeri dominum verum possidere, sed potiùs omis-
sione possessionem amisisse; eoque sensu amitti solo
animo possessionem ad Edictum lib. 54. Paulum scri-
psisse, d. §. 5. Tum quod eo libro de vsucapionibus
tractauerit Paulus, tum etiam *quòd certum sit possessio-*
nem recedere, ut quisque constituit nolle se possidere, cap. 17.
de acquirend. poss.

CLIV. VLPIANVS LIB. LXX.
AD EDICTVM.

Cum par delictum est duorum, semper oneratur peti-
tor, & melior habetur possessoris causa, sicut fit cum de dolo
excipitur petitoris. Non enim datur talis replicatio petitori,
AUT SI REI QVOQVE IN EA RE DOLO
ACTVM SIT. Illi debet permitti pœnam petere, qui in
ipsam non incidit.

INTERDICTO Saluiano vtitur dominus fundi
de rebus coloni, quas pro mercedibus fundi pignori
futuras pepigerat, §. interdictum quoque. Instit. de in-
terd. Addiditque Theophilus aduersus quemuis res
coloni possidentem huic interdicto locum esse.
Quod ipsum etiam videtur Iulianus voluisse. Nam
aduertus

368 IAC. RÆVARD. TOM. I. COM M.
aduersus extraneum eidem interdicto locum facit, c. 1.
de Sal. interd. Et rectè quidem. Est enim apiscenda
possessionis, quemadmodum & interdictum QVO
RVM BONORVM, quod certum est aduersus
quemlibet possessorem etiam directo competere, c. 1.
§. 3. de interdict. capit. 1. & 2. quor. bonor. Nec obest
rescriptum Gordiani, c. 1. C. de precario. Illud enim de
ijs accipiendum est qui res coloni emptionis titulo
possident. Cùm enim res illæ desierint esse coloni, cer-
tè nec vtili quidem interdicto Saluiano auferri ex-
rum possessio emptoribus potuit. Siquidem huiusmo-
di interdicto ad possessionem rerum quæ coloni pro-
priae sunt apiscendam duntaxat locus erat. Eaque ra-
tio est cur scripserit Iulianus, eius quod apud empto-
rem ex ancilla pignori obligata & à colono vendita
natum est, apprehendendi gratia, vtile interdictum
reddi oportere, cap. 1. de Saluia. interdict. Ex eo enim
perspicuum est ad apiscendam ancillæ venditæ posses-
sionem, ne vtili quidem interdicto locum fuisse. Et
hæc quidem adeò vera sunt, vt etiamsi colonus res in
fundum duorum pignoris nomine intulisset, & sin-
gulis in solidum obligasset, singuli aduersus extra-
neum res coloni detinentem, Saluiano interdicto, &
aduersus earundem rerum emptorem, non quidem
interdicto, sed actione Seruiana experirentur; sique
inter ipsos fundi communis dominos quæstio moue-
retur, possidentis conditio melior esset, cap. 1. de Sal-
uia. interd. cap. 10. de pignoribus, cap. 36. de noxalib.
act. Hoc est eius qui Saluiano interdicto rerum co-
loni ab extraneo detentarum, adeptus erat in solidum
possessionem, etiam si alter accusaret ex pari delicto
alterius fidem, cap. 36. de dolo. Cùm enim par delictum
est duorum, semper oneratur petitor, & melior habetur pos-
sessoris causa; quemadmodum hac regula Paulus au-
tor

DE DIVERSIS REGVLIS IVRIS. 369
tor est, ex eius libro ad Edictum septuagesimo repe-
rita. In eo enim libro non de interdictis solum, sed
specialiter etiam de Saluiano interdicto, & simul de
possessoris in eodem interdicto causa meliore Paulum
differuisse, ex cap. 2. de Saluia. interd. eiusque epigra-
phe omnino constat. Ex quo capite etiam probari vi-
detur, id quod de causa possessoris meliore diximus,
non solum in interdicto locum habuisse, sed etiam in
Seruiana. Ait enim Vlpianus *quamuis possessor vicisset*
interdicto, nihilominus ad Seruiarum iudicium descendi
consueuisse; hoc est, utilem fuisse hanc inter duos eius-
dem fundi dominos exceptionem, SI NON CON-
VENIT VT EADEM RES MIHI QVOQVE
PIGNORI ESSET, d. cap. 2. & cap. 10 de pignorib.
Eaque exceptio nullo modo proderat petitori si res
coloni pignori datae erant singulis insolidum. Causa
enim possessoris haberi in huiusmodi specie melior
solet. Aliud est si pro partibus res fuerint pignori obli-
gatae, tunc enim possessoris conditio melior non est,
c. 1. de Saluia. interd. & d. cap. 10. Quod autem de pari
delicto dictum est, id tunc etiam locum obtinet cum
de paris delicti poena tractatur. Siquidem ait eodem
loco Vlpianus, *ei permitti poenam petere, qui in ipsam non*
incidit. Proinde si ambo in poenam inciderint ex pari
delicto, quin cesset petitio poenae, nulla dubitatio est,
c. 36. 16. & 18. de dolo. Videlicet eo modo quo scri-
psit hac regula Vlpianus, *aduersus doli exceptionem non*
dari replicationem doli. Nam, ut ait Labeo, *iniquum esset*
communem malitiam petitori quidem premio, ei vero cum
quo agitur poenae esse, c. 4. §. 12. & 13. de doli except. Per
poenam, id omne damnum intelligi potest, quod extra
rei persecutionem est, cap. 12. §. 1. si quis omis. caus. te-
sta. cap. 2. in fin. de tut. & rat. distrah. Atque ita poenam
accepit etiam Labeo, d. §. 13.

CLV. PAVLVS LIB. LXV.

AD EDICTVM.

Factum cuique suum, non aduersario nocere debet. Non videtur vim facere qui suo iure utitur, & ordinaria actione experitur. In pœnalibus causis benignius interpretandum est.

LIBRO ad Edictum sexagesimo quinto, cui haec tres regulæ adscribuntur, certum est de interdictis **VNDE VI, & VTI POSSIDETIS** Paulum scripsisse. Et de eo quidem differens qui deiectus est vi ab usufructu, eum ait Paulus in eandem causam restitutum esse; siq; finiretur tempore usufructus, postquam deiectus à domino est usufructuarius, restitutionem nihilominus fieri oportere, & usufructum iterum constituere dominum cogendum. *Factum enim cuique suum non aduersario nocere debet, c. 9. de vi & vi armata.* Eodem libro ait Paulus, *qualemcunque possessorem, hoc ipso quod possessor est, plus iuris habere, quam ille habeat, qui non possidet, c. 2. vti possidet.* Eoque iure si voluerit vti possessor, & ordinaria experiri actione, etiam aduersus verum dominum, audiendum esse, nec eum vim facere videri. Non enim videtur vim facere qui suo iure utitur, & ordinaria actione experitur. Actionis verbo continentur interdicta, c. 37. de obl. & act. Et idcirco per actionem ordinariam arbitror Paulum hac regula interdictum **VTI POSSIDETIS** intellexisse. Præsertim cum ita scripserit de limitibus agrorum Urbicus; *De possessione fit controuersia, quoties de iuribus superdi statu per interdictum; hoc est, iure ordinario litigatur.* Non est etiam dubium quin duo fuerint interdicta. **VNDE VI**, vnum de vi quotidiana, alterum de vi armata. Id enim pro Cecinna testatur expressè Cicero. Et non ciuilitè solum sed criminaliter etiam, eum qui

DE DIVERSIS REGVLIS IVRIS. 371
qui vim fecerat, potuisse conueniri, demonstratum
a nobis est ad huius tituli caput 152. Eoque non du-
bium est quin respexerit eodem ad Edictum libro 65.
Paulus de vtraque vi differens, cum ita scriberet; *In*
penalibus causis benignius interpretandum est. Eamque
regula huius veram sententiam vehemente confir-
mat Vlpianus, capite 32. de pœnis.

CLVI. VLPPIANVS LIB. LXX.

AD EDICTVM.

Inuitus nemo rem cogitur defendere. Cui damus actio-
nem, eidem & exceptionem competere multo magis quis di-
xerit. Cum quis in alij locum successerit, non est æquum ei
nocere hoc, quod aduersus eum nocuit in cuius locum succes-
sit. Plerumque emptoris eadem causa esse debet circa peten-
dum ac defendendum, quæ fuit auctoris. Quod cuique pro
eo præstatur, inuito non tribuitur.

AD Edictum lib. 70. scripsit Vlpianus, *si debitori meo*
velim actionem edere, & fateatur se debere, paratumque di-
cat soluere, audiendum esse. Neminem enim inuitum defen-
dere cogi, cap. 21. de iudic. c. 31. de re iudic. Dari etiam
cum competenti cautela dies solet ei qui debitum fa-
teretur, non tamen inuito d. cap. 21. Quod enim cui-
que pro eo præstatur, inuito non tribuitur, cap. 19. §. 2.
de donat. Eodem libro interdictum de superficiebus
interpretans Vlpianus ait, si is in cuius solo superficies
est, aduersus superficiarium velit vindicare, exceptione uten-
dum in factum data. Nam cui damus actionem, eidem &
exceptionem ex eadem causa multo magis competere, capi-
te 1. §. 3. de superfic. capite 28. §. fin. quib. ex caus.
maiores. Videtur etiam eodem libro Vlpianus de hæ-
rede qui deliberat, quædam tractasse. Ait enim, si res
sunt in hereditate, quæ ex tractu temporis deteriores fiunt,

372 IAC. RÆVARD. TOM. I. COMM.
eum qui deliberat, adito pretore sine praiudicio iustis pretiis
vendere posse; & simul curare ut res alienum, quod sub pignore
vel sub pretiosis pignoribus debetur, exaluetur; de iure de
lib. non enim equum esse, ut quod respectu pœna vel pignori
rum pretiosorum nocuit aduersus defunctum, etiam heredi
eius inuito noceat. Scio hanc regulam ab Vlpiano rela-
tam aliò fuisse eod. lib. non tamen ut hîc legitur affir-
mativè, sed negativè, c. 3. §. 2. de itinere actûque pri. Et
cùm eod. loco sic scriptum esset; *A me videtur ei qui
clam aut precario possidere, qui ab auctore meo vitiose possidet
dei.* hæc quoq; verba subiecit Vlpianus; *Plerumq; enim
emptoris eadem causa debet esse circa petendum ac deservien-
dum quæ fuit auctoris,* d. cap. 3. §. 2.

CLVII. VLPIANVS LIB. LXXI.

AD EDICTVM.

*Ad ea quæ non habent atrocitatem facinoris vel sceleris
ignoscitur servis, si vel dominis, vel his qui vice dominorum
sunt, veluti tutoribus & curatoribus obtemperauerint.*

PERTINERE hanc regulam ad interdictum
QVOD VI AUT CLAM, satis constat ex cap. 1.
§. 6. quod vi aut clam. Illius enim capitis & huius
regulæ eadem inscriptio est. In eo capite de eo tracta-
tur quod à pupilli vel furiosi servis vi aut clam factum
est, tutoris curatorisve iussu, his verbis; *An ignoscitur
seruo qui obtemperavit tutori vel curatori? Nam ad quæ
dam quæ non habent atrocitatem facinoris vel sceleris,
ris, ignoscitur servis si vel dominis vel his qui vice
dominorum sunt, veluti tutoribus & curatoribus ob-
temperauerint, quod & in hoc casu admittendum est,
d. §. 6. Auctor est Cornelius Fronto rixam sine armis ef-
fusa & habere defensionem.* Proinde quod hac regula tra-
ditum est, id omnino de rixa intelligi videtur, ex liti-
bus & contentione nata, aut certè de vi iuris retinen-
di

DE DIVERSIS REGVLIS IVRIS 373
in causa sine facinore facta. In his enim ignoscitur
seruis, non autem si domini iussu hominem occide-
rent; aut furtum vel piraticam facerent, c. 20. de obli-
gat. & act. Nam ut apud Paulum Pedius ait, *seruus in*

facinoribus domini dicto non debet audiendus esse, cap. 21.
§. 1. rer. amor. Eoque pertinet quod Declamatione
quadam de nuptiis inter inimicorum filios differens
Quintilianus, ita scribit; *Serui me hercule quadam libe-*
rant ex bona mente faciunt, & aliquando indicium fidei pu-
tant empti mancipia non paruisse. Soletque mitius puniri
seruus, si domini iussu, quam si ignorante domino fa-
cinus commisisset, c. 2. C. de sepulchro violat. Eo nihil
obstante, quod audiam dici pœnam relegationis in-
d. c. 2. Id enim vique quaque verum non est. Nam VI-
pianus seruo *competere libertatem non posse* ait, *si relegatus*
moratus sit in urbe; cap. 2. qui & à quib. ma. Et sane alia
seruorum, alia item liberorum hominum relegatio
fuit. Serui enim in agros, homines verò liberi in pro-
uincias solent relegari. Idque Apologia David cap. 14.
testatur euidenter Ambrosius. Ait enim; *Plerique autem*
diuitum amandare consuerunt mancipia sua; & per agellu-
los relegare, & hac pœna grauior estimatur. Quod autem
Vlpianus scribit, *dominorum vice tutores esse & curatores,*
ei prorsus consentaneum est illud eiusdem Ambrosij
ad Clementianum Epist. libro 9. *Sunt etiam heredes*
paruli, qui nihil differunt à seruulo, quoniam sub curatoribus
sunt & actoribus.

AD §. SEMPER. ET §. IN CONTRACTIBVS.
Semper qui dolo facit quo minus haberet, pro eo habendus
est ac si haberet. In contractibus successores ex dolo eorum
quibus successerunt non tantum in id quod peruenit, verum
etiam in solidum tenentur; hoc est unusquisque pro ea parte
qua heres est.

*eum qui deliberat, adito pretore sine praeiudicio iustis pretiis vendere posse; & simul curare ut res alienum, quod sub pœna vel sub pretiosis pignoribus debetur, exoluatur; de iure de lib. non enim æquum esse, ut quod respectu pœna vel pignorum pretiosorum nocuit aduersus defunctum, etiam heredi eius iniurio noceat. Scio hanc regulam ab Vlpiano attam aliò fuisse eod. lib. non tamen ut hîc legitur affirmatiuè, sed negatiuè, c. 3. §. 2. de itinere actûque pri. Et cum eod. loco sic scriptum esset; *A me videtur etiam clam aut precario possidere; qui ab auctore meo vitiosè possidet.* hæc quoq; verba subiecit Vlpianus; Plerumq; emptoris eadem causa debet esse circa petendum ac defendendum quæ fuit auctoris, d. cap. 3. §. 2.*

CLVII. VLPIANVS LIB. LXXI.

AD EDICTVM.

Ad ea que non habent atrocitatem facinoris vel sceleris ignoscitur seruis, si vel dominis, vel his qui vice dominorum sunt, veluti tutoribus & curatoribus obtemperauerint.

PERTINERE hanc regulam ad interdictum QVOD VI AUT CLAM, satis constat ex cap. 1. §. 6. quod vi aut clam. Illius enim capituli & huius regulæ eadem inscriptio est. In eo capite de eo tractatur quod à pupilli vel furiosi seruis vi aut clam factum est, tutoris curatorisve iussu, his verbis; *An ignoscitur seruo qui obtemperauit tutori vel curatori?* Nam ad quædam quæ non habent atrocitatem facinoris vel sceleris, ignoscitur seruis si vel dominis vel his qui vice dominorum sunt, veluti tutoribus & curatoribus obtemperauerint, quod & in hoc casu admittendum est, d. §. 6. Auctor est Cornelius Fronto *rixam sine armis esse & habere defensionem.* Proinde quod hac regula traditum est, id omnino de rixa intelligi videtur, ex litibus & contentione nata, aut certè de vi iuris retinendi

DE DIVERSIS REGVLIS IVRIS 373
in causa sine facinore facta. In his enim ignoscitur
seruis, non autem si domini iussu hominem occide-
rent; aut furtum vel piraticam facerent, c. 20. de obli-
gat. & act. Nam vt apud Paulum Pedius ait, *seruus in*
facinoribus domini dicto non debet audiendus esse, cap. 21.
§. 1. rer. amor. Eoque pertinet quod Declamatione
Quintilianus, ita scribit; *Serui me hercule quadam libe-*
rant empta mente faciunt, & aliquando indicium fidei pu-
seruus, si domini iussu, quàm si ignorante domino fa-
cinus commisisset, c. 2. C. de sepulchro violat. Eo nihil
obstante, quod audiam dici pœnam relegationis in-
d. c. 2. Id enim vsquequaque verum non est. Nam Vi-
pianus seruo competere libertatem non posse ait, *si relegatus*
moratus sit in vrbe, cap. 2. qui & à quib. ma. Et sanè alia
seruorum, alia item liberorum hominum relegatio
fuit, Serui enim in agros, homines verò liberi in pro-
uincias solent relegari. Idque Apologia Dauid cap. 14.
testatur euidenter Ambrosius. Ait enim; *Plerique autem*
diuitum amandare consuerunt mancipia sua, & per agellu-
los relegare, & hac pœna grauior estimatur. Quod autem
Vlpianus scribit, *dominorum vice tutores esse & curatores,*
ei prorsus consentaneum est illud eiusdem Ambrosij
ad Clementianum Epist. libro 9. *Sunt etiam heredes*
paruuli, qui nihil differunt à seruulo, quoniam sub curatoribus
sunt & actoribus.

AD §. SEMPER. ET §. IN CONTRACTIBVS.
Semper qui dolo facit quo minus haberet, pro eo habendus
est ac si haberet. In contractibus successores ex dolo eorum
quibus successerunt non tantum in id quod peruenit, verum
etiam in solidum tenentur, hoc est unusquisque pro ea parte
qua heres est.

Ex epigraphe cap. 20. de noui oper. nuntiat. satis apparet lib. ad Edictum 71. de noui operis nuntiam Vlpianum scripsisse, eoque hanc priorem regulam non incommodè referri posse. Ait enim illo capite Vlpianus, *interdictum huiusmodi aduersus heredem eius qui fecit opus nouum, in hoc competere duntaxat, quod ad eum pertinet, vel si quid dolo malo ipsius factum esset quominus ueniret; semper enim qui dolo fecit quominus haberet, pro eo habendum esse ac si haberet, d. c. 20.* Eodem libro interdictum etiam de precario interpretatus est Vlpianus. Eoque interdicto heredem eius qui rogauit teneri, scripsit, *sive haberet, siue dolo fecisset, quominus haberet.* Semper enim qui dolo facit quominus haberet. Ex dolo autem defuncti heredem huiusmodi hactenus teneri, quatenus ad eum pertinet, aliter atque in bona fidei contractibus fieri solet, cap. 8. in fin. de precario. In iis enim non tantum in id quod pertinet, sed etiam in solidum tenetur hæres, cap. 12. & cap. 49. de obligat. & act. Cerrè quia tamdiu precarium est quamdiu is qui concessit patitur, cap. 1. de precario: quod de contractibus bonæ fidei dici non potest, in quibus libera permittitur potestas iudici ex bono & æquo æstimandi quantum actori restitui debeat, §. in bonæ fidei. Instit. de act. id quod in precario fieri non solet. Eaque ratione à precario dignoscitur commodatum potest.

CLVIII. GAIUS LIB. XXVI. AD
EDICTVM PROVINCIALE.

Creditor qui permittit rem venire, pignus demittit.

PLACET, inquit Paulus, in urbanis habitationibus locandis inuecta & illata pignori esse locatori, etiamsi nihil nominatim conuenierit, cap. 4. de pactis. Sed cur in prædiis rusticis obseruatur contrarium? cap. 4. & cap 7. in

in quib. caus. pig. §. interdum. Instit. de interd. Nullam
 Paulus, nullam item Neratius aliam profert ratio-
 nem, quàm quod ita placuerit, quodque eo iure vte-
 rentur Romani. Sed profectò, alia vrbano- rum, alia item
 rusticorum prædiorum locatio fuit. Eius enim mobilia
 qui conduxerat habitationem, annuæ pensioni tacita
 conuentione sic erat obligata, vt ne ignorare quidem
 eam consuetudinem conductori liceret, ac proinde
 nulla necessario scriptura opus erat, nullisque tabulis,
 cap. 13. in fin. locati. Contrario iure in prædiis rusticis
 vtebantur Romani. In iis enim locandis signaculo
 opus fuit & tabularum conscriptione, cap. 9. §. 3. c. 25.
 §. 3. & cap. 29. locati. Et inter alias quidem conuen-
 tionis leges expressè solet comprehendi vt inuecta &
 illata in rusticum prædium pignori essent locatori,
 cap. 4. in quib. caus. pign. Eumque morem in rustico-
 rum fructuum venditionibus, veluti oleæ pendentis,
 pabuli hyberni, & sic deinceps, veteres etiam obserua-
 bant. Inter alias enim leges oleæ pendentis venditæ, il-
 lam quoque solere comprehendi ait de re rustica Mar-
 cus Cato; DONICVM SOLVTVM ERIT AVT

SATISBATVM, QVÆ IN FVNDVM ILLATA
 ERVNT PIGNERI SVNTO. Et illam de pabulo
 hyberno; DONICVM PECVNIA SATISFECE-
 RIT, AVT DELEGARIT, PECVS ET FAMI-
 LIA, QVÆ ILLIC ERIT, PIGNERI SVNTO.
 Item de venditis ouium fructibus; CONDVCTOR
 DVOS MENSES PASTOREM PRÆBEAT DO-
 NEC DOMINO SATISFECERIT AVT SOL-
 VERIT, PIGNORI ESTO. Nec aliò videri potest
 Imp. Alexander respexisse, cùm scriberet certi iuris esse
 ea quæ voluntate dominorum, coloni in fundum condu-
 ctum induxerint, pignoris iure dominis prædiorum teneri,
 capite §. C. de locato & conduct. Sensus enim est,

376 IAC. RÆVARD. TOM. I. COMM.
 res quæ in fundum voluntate dominorum locationis
 instrumento comprehensa illatæ sunt, pignoris iure
 teneri. Diciturque instrumenti scriptura voluntas do-
 minorum ea ratione, qua scriptura testamenti volun-
 tas appellatur defunctorum, cap. 4. §. 10. de doli mali
 & met. except. Eoque referenda omnino est hæc iu-
 ris regula. Extat enim prætoris interdictum DE MI-
 GRANDO, de quo videtur Caius libro ad Edictum
 prouinciale 26. scripsisse, cap. 2. de migrando. Ex eo-
 dem libro sumpta est hæc iuris regula. Quid igitur
 obstat quo minus eam ad interdictum de migrando
 referamus? Quemadmodum enim homo qui non est
 ex rebus pignori obligatis, quo minus abduci possit,
 vis fieri vetatur interdicto DE MIGRANDO, cap. 1.
 de migrand. ita quoque res, quæ pignoris obligatio-
 ni est exempta, quo minus rectè auferatur, nihil quic-
 quam esse in causa videtur. Quod tunc accidere so-
 let, cum creditor rem pignori obligatam permittit
 venire. Intelligitur enim pignus dimittere, cap. 4. §. 1.
 quib. mod. pign. sol.

CLIX. PAVLVS LIB. LXX.

AD EDICTVM.

*Non ut ex pluribus causis deberi nobis idem potest, ut
 ex pluribus causis idem possit nostrum esse.*

Hoc est, non amplius quàm semel res nostra esse
 potest, sæpius autem deberi potest, quemadmodum
 eodem libro interpretatus est hanc regulam Paulus,
 cap. 14. §. 2. de except. rei iudic. Eoque pertinet quod
 idem Paulus ait, sicut dominium non potest nisi ex una
 causa contingere, ita & possidere nos ex una duntaxat cau-
 sa posse, cap. 3. §. 3. de acquirend. possess.

Aliud est vendere, aliud vendenti consentire.

CELSVS ait, si quis rem meam vendidit minoris quam ei mandavi, non videri alienatam; & si petam, eam non nociuram mihi vendita rei exceptionem, quemadmodum libro ad Edictum septuagesimo sexto scripsit Vlpianus, c. 1. §. 2. de except. rei vendita. Eaque exceptio obstarat si ipse vendidissem. *Aliud enim vendere esse, aliud vendenti consentire*, auctor est eodem loco Vlpianus, adiiciens insuper alienatum non propriè dici, quod adhuc in dominio venditoris manet, venditum tamen rectè dici, c. 67. de verbor. signific. Per venditorem eum intelligit Vlpianus, qui cum rei vendendæ dominus sit, eam mandauit distrahi certo pretio. Proinde si is qui iussu alterius vendidit, minoris vendidit, res dicetur vendita non autem alienata. Vendita quidem, respectu ipsius contractus; non alienata verò, propter inutilem vendita rei exceptionem. Et hoc est, quod ait hac regula Vlpianus, *aliud esse vendere, aliud vendenti consentire.*

AD §. REFERTVR.

Refertur ad vniuersos quod publicè fit per maiorem partem.

VLPIANVS municipali lege cauere ait, ut ordo non aliter habeatur quam duabus partibus adhibitis, cap. 3. de decret. ab ord. fac. Easque partes duas arbitror esse, bu-
len & Ecclesiam; quarum auctoritatem in decretis municipalibus publicis necessariam fuisse docet Plinius, de quodam medico Epist. lib. 10. sic Traiano scri-
bens;

bens; *Petebat apud me à Iulio Pisone denariorum circiter
 quadraginta millia donata illi publicè antè viginti annos
 & bule & Ecclesia consentiente.* Nec aliud est quod sibi
 hac regula voluit Vlpianus. Referri enim ad vniuer-
 sos municipales ait, quod publicè fit per maiorem bu-
 les & Ecclesiæ partem. Refertur sanè eo modo, quo
 Seneca de benefic. lib. 6. c. 19. ita scripsit; *Si quis patris
 mea pecuniam credat, non dicam me illius debitorem, nec ex
 hoc as alienum profitebor aut candidatus aut resus, ad exor-
 uendum tamen hoc portionem meam dabo.* Nec alia ratio-
 ne tradidit Scauola, quod maior pars curiæ priuatum
 publicè decernendo effecit, pro eo haberi ac si omnes egerint
 decuriones, c. 19. ad municipal. Meminit etiam legimus
 decurionum numeri Marcianus, quo non coactio ne-
 gat decreta valere, cap. 2. de decret. ab ordine fac. Illud
 autem quod publica fit auctoritate, dici publicè fieri
 ex supradicto Plinij loco neminem arbitror non in-
 † telligere. Cicero act. 4. in C. Verrem; *Postremò homines
 ex tota prouincia nobilissimi primique publicè priuatiq;
 venerunt. In quem locum Asconius, publicè, inquit, lega-
 ti venerunt; priuati, qui iniurias suas persequerentur.*

AD §. ABSVRDVM EST.

*Absurdum est plus iuris habere eum, cui legatus sit suus
 dus, quàm heredem, aut ipsum testatorem si viueret.*

Si quis ex causa legati vindicet, de dolo exceptio-
 nem pati debet, ex causa eius in cuius locum succet-
 sit, cap. 4. §. 26. de doli except. Absurdum enim est plus
 iuris legatarium habere, quàm heredem aut testato-
 rem si viueret. Et idcirco vt hæres, qui in vniuersum
 ius succedit, submouetur exceptione, ita & legatar-
 rius debet submoueri, quasi vnius rei successor, cap. 6.
 de except.

AD EDICTVM.

In iure civili receptum est, quoties per eum cuius interest conditionem non impleri, fiat quominus impleatur, perinde haberi ac si impleta conditio fuisset, quod ad libertatem & legata & ad heredum institutiones perducitur, quibus exemplis stipulationes quoque committuntur, cum per promissionem factum esset, quominus stipulator conditioni pareret.

LIBRO ad Edictum septuagesimo septimo ait Vlpianus, inter omnes convenire, heredem sub conditione institutum pendente conditione possidentem hereditatem substitutio cauere debere de hereditate, cap. 12. qui satisd. cog. Sique per substitutum steterit quominus impleatur conditio, perinde eam haberi ac si impleta fuisset. Ita enim receptum esse iure civili testatur eodem loco Vlpianus, tam circa libertas & legata, quam circa heredum institutiones. Quod ipsum tradidit etiam Iulianus, cap. 24. de cond. & demonst. Sic de libertate condicionali sentit idem Vlpianus, cap. 3. de statulib. Sic de legato Papinianus, c. 78. de condict. & demonst.

CLXII. PAVLVS. LIB. LXX.

AD EDICTVM.

Quae propter necessitatem recepta sunt, non debent in argumentum trahi.

PROPTER necessitatem est receptum, ut is qui in vinculis, vel in custodia militari, vel etiam in seruitute hostium est, ac per hoc in iudicium non stetit, exceptione debeat adiuvari, c. 4. §. 1. si quis caut. Idque adeo verum esse arbitratus est Attilicinus, ut concederet conventionem, ne ulla exceptio in promissione deserta

380 IAC. REYARD. TOM. I. COMM.
deserta iudicio sistendi causa facta obijciatur, non valet;
d.cap.4. certè ne conuentio talis trahatur aliquo mo-
do in argumentum. Nam *qua propter necessitatem rec-*
pta sunt, non debent in argumentum trahi. Per desertam
promissionem, desertum accipitur vadimonium; quod
ab Alciato mirum est intellectum non fuisse, qui ex
deserta disertam promissionem studuit facere. Sed
frustra. Id ipsum enim quod hîc de promissione deser-
ta traditur, ad desertum vadimonium refert expressè
Seneca de benef.lib.4. cap.penult. Ait enim; *Vadimo-*
nium promittimus, tamen deseritur; non in omnes datur
iudicio; deserentem vis maior excusat:

CLXIII. VLPIANVS LIB. LV.

AD EDICTVM.

Cui ius est donandi, eidem & vendendi & concedendi
ius est.

DONARI non potest, nisi quod eius sit cui do-
natur, c.9. de donat. Sic etiam quod venditur, impro-
ris fieri necessum est, c.53. de contrah.empt. Ait enim
de benefic.lib.5. Seneca, *quemadmodam vendere, sic dare*
à se dimittere esse, & id quod tenueris habendum alteri tra-
dere. Sed qui donat, suum deminuit patrimonium,
quod is non facit qui vendit. Ideoque ius donandi
vendendi iure maius est. Quod autè conceditur, id pro-
tinus ei non acquiritur, cui conceditur, c.35. d.tit.c.1.
de prec. Plus igitur donare est quàm vendere, plus item
vendere quàm concedere. Et quia *quod minus est ei li-*
cere debet, cui quod plus est licet, cap.21. hoc tit. certè mi-
rum non est cui ius est donandi, eidem & vendendi
& concedendi ius esse: non autem, cui ius est venden-
di & concedendi, eidem esse ius donandi. Qui enim
liberam habet peculij administrationem, *emere &*
vendere

DE DIVERSIS REGVLIS IVRIS. 381
vendere potest, non donare, c. 28. in fin. de pactis, c. 3.
§. 1. de don. inter vir. & vxor. Sic tutor rem pupilli
potest alienare, non autem donare, c. 56. §. 3. de furt.
c. 7. §. 1. & cap. 22. de administr. tut.

CLXIV. PAVLVS LIB. LI.
AD EDICTVM.

*Pœnalia iudicia semel accepta, in hæredes transmitti
possunt.*

PAVLVS ait libro ad Edictum quinquagesimo
primo, ordinata liberali causa liberi loco haberi eum qui de
statu suo litigat, ita ut ei aduersus eum qui se dominum esse
contendit, actiones nullæ denegentur: easque si tales sint ut
tempore aut morte pereant, litem contestando in tutum re-
digi posse; non solum ut ei qui de sua libertate litigat, sed
etiam ut eius hæredibus consulatur. Pœnalia enim iudicia
semel accepta ad hæredes transmitti, cap. 24. in princ. de
lib. causa cap. 26. de obligat. & act. Déque ea re disse-
ruimus ad huius tit. cap. 87.

CLXV. VLPPIANVS LIB. LIII.
AD EDICTVM.

*Cum quis possit alienare, poterit & consentire aliena-
tioni. Cui autem donare non conceditur, probandum erit, nec
si donationis causa consenserit, ratam eius voluntatem
habendam.*

PERTINET hæc regula ad Edictum de aquæ
pluviæ arcendæ actione. Certum enim est de huius-
modi actione lib. ad Edictum quinquagesimo tertio
Vlpianum latissimè differentem inter alia scripsisse, in
concedendo aquæ ducendæ iure, non eorum duntaxat in quo-
rum loco aqua oritur, sed eorum etiam ad quos eius aqua
vsus

382 IAC. REYARD. TOM. I. COMM.
*usus pertinet, voluntatem exquirendam esse, capite octavo
de aqua & aqua pluuiæ arcend. action. Si modò tales
essent personæ, ut possent ius illud aquæ quod habent
alienare. Per hoc enim multo magis posse alienationi
consentire intelliguntur. Quod utique non facerent,
nullam haberent donandi potestatem. Neque enim
si donationis causa consentirent, rata eorum habere-
tur voluntas, c. 28. in fin. de pactis. Quod etiam à Pe-
tro-Fabro ut nouissimo, ita regularum iuris interpre-
te diligentissimo obseruatum est.*

CLXVI. PAVLVS LIB. XLVIII
AD EDICTVM.

Qui rem alienam defendit, nunquam locuples habetur.

IS ENIM qui suscipit alienæ rei defensionem,
etsi locupletissimus est, etsi consularis sit, non videtur
viri boni arbitrato defendere, nisi satisfacere fuerit pro-
curator, c. 51. c. 52. & c. 53. de procur. Defendere enim vi-
ri boni arbitrato aliud nihil est quàm satisfacere, cap. 7.
§. 3. iudicat. solui. Rectè meminit Paulus consularis
d. c. 52. Non enim dubium est quin consularis locu-
ples sit, tum quod certæ fuerint equestres, senatoriæ, & con-
sulares facultates: tum etiam quod candidati magistratus
inituri soleant eas alienum profiteri, ut est apud Senecam
de benefic. lib. 7. cap. 19.

CLXVII. PAVLVS LIB. XLIX.
AD EDICTVM.

*Non videntur data, quæ eo tempore quo dantur accipien-
tis non sunt.*

TALIS constitui seruitus potest, ut aquam querere &
inuentam ducere liceat. Idque Labeonem scripsisse testis est
Paulus

DE DIVERSIS REGVLIS IVRIS. 383
Paulus libro ad Edictum 49. cap. 10. de seruit. præd.
rustic. Addiditque idem Labeo eo modo huiusmodi ser-
uitutem cedi posse, quo seruitus adificio nondum facto im-
ponitur, d. cap. 10. Si que aquam inueniri non contigerit,
certè nec poterit duci, & per hoc inutilis erit aquæ
cessio, si quidem tempore cessionis nihil factum est ac-
cipientis. Non enim videntur data, quæ eo tempore quo
dantur, accipientis non sunt. Nam id dari auctore Sene-
ca dicitur, quod habendum alteri traditur, etiam si (vt Pau-
lus ait) seruitutes sint prædiorum, cap. 19. de seruit. præd.
rustic. Quomodo autem aqua soleat quæri docet ele-
ganter Vitruuius de architect. lib. 8. cap. 1.

AD. §. QVI IVSSV IVDICIS.
*Qui iussu iudicis aliquid facit, non videtur dolo malo
facere, quia parere necesse habet.*

QVI dolo malo sepulchrum violat, sepulchri vio-
lati actione tenetur, cap. 3. in princ. de sep. viol. Proin-
de si quis sepulchrum ædificauerit ex quo aqua no-
ceat, aquæ pluuiæ arcendæ tenebitur; & si iussu iudi-
cis opus restituerit, non tenebitur sepulchri violati,
quia dolo caret, cap. 4. in princip. de aqua & aq. plu.
arc. act. Nam, (vt ait Paulus de aqua pluuiæ disticens
libro ad Edictum quadragesimo nono) qui iussu iudi-
cis aliquid facit, non videtur dolo malo facere, quia parere
necesse habet. Magistratibus enim concessum fuit iurisdi-
ctionem suam defendere pœnali iudicio. c. 1. si quis ius dict.
ad eò quidem vt scripserit etiam Asconius, eum qui po-
testate suam in administratione non defendit, imminuti ma-
gistratus, velut maiestatis læsæ reum esse.

CLXVIII. PAVLVS LIB. I.

AD. PLAVTIVM.

Rapienda occasio est quæ præbet benignius responsum.

CVM

CUM esset de procuratore damnato controuersus alijs eum indistinctè debere conueniri contententibus, alijs distinctionem requirentibus, inter alia responsum fuit aliter eum non debere conueniri quàm si aut in rem suam datus esset, aut obtulisset se, cum sciret cautum non esse. *Illudque responsum responsis aliquo multo benignius esse, omnibusque eo nomine placuisse.* Plautius ait. c. 61. de procurat. c. 7. de rei vend. Satis per hoc indicans ex eo tempore protinus in iuris regulam responsum illud transiuisse, & ex eo etiam eleganter concludi rapiendam esse occasionem, *qua præbet benignius responsum; quemadmodum ad Plautium libr. 1. Paulus testatur.*

AD §. QVOD FACTVM EST.

Quod factum est cum in obscuro sit, ex affectione cuiusque capit interpretationem.

REGULA est iuris civilis tutorem in rem suam aut tutorem fieri non posse. cap. 1. de auctorit. tut. De qua regula differens ad Plautium libro primo Paulus, cum tutor debet pupillo, cum ait delegari ipso tutore auctore non possit, tum quia futurum sit, ut auctoritate sua tutor libertur; tum etiam ne in propria causa indulgeat tutor affectioni, capitulo 18. d. tit. *Quod enim factum est, cum in obscuro sit, inquit eodem loco Paulus, ex affectione cuiusque capit interpretationem; hoc est, quod factum est obscura quædã exoritur controuersia, an is qui fecit aliqua in faciendo usus fuerit affectione, sedulo inquiri solet. Huiusmodi controuersia & affectionis interpretationi inter pupillum & tutorem pupilli debitorem locus esse nullo modo potuit: & idè in rem suam non potuit tutor auctor fieri. Certè ne eius affectio, ad quam naturâ procliuues sumus in discrimen adducatur, c. 33. ad leg. Aquil.*

*Is damnum dat qui iubet dare, eius verò nulla culpa est,
cui parere necesse est.*

IABOLENVS ait, si liber homo iussu alterius dam-
num iniuria dedit, actionem legis Aquiliae cum eo esse qui
iussit si modo ius imperandi habuit, cap. 37. in prin. ad leg.
Aquil. Eum enim damnum dare qui iubet dare, & eius
nullam culpam esse cui parere necessum sit, auctor est Pau-
lus ad Plautium libro secundo, de damno iniuria dato
differens. Nam certum est quãdam de lege Aquilia
eo libro Paulum tractasse, cap. 33. d. tit. Ait etiam VI-
pianus, seruum nihil delinquere domino iubenti obtempe-
rantem, capite secundo, §. 1. de noxalib. act. Sed hoc in
damno locum habet iniuria dato, non autem in faci-
nore, cap. 20. de obligat. & act.

AD §. QVOD PENDET.

Quod pendet non est pro eo quasi sit.

EODEM ad Plautium libro secundo scripsit de eo
Paulus qui pro seruo fideiussit, & eum ait in solidum teneri
etiamsi nihil in peculio est; sique eam fideiussionem in rem
domini fieri contigerit, dominum serui nomine dumtaxat de
peculio teneri, quod tunc erit, cum res iudicatur, cap. 35. de
fideiussorib. Atque ita pendere obligatio peculij intel-
ligitur, usque ad rei iudicatæ tempus, etiamsi tempore
fideiussionis nihil esset in peculio. Nam, ut ait eodem
loco Paulus, quod pendet, non est pro eo quasi sit, sed pro eo
potius quasi aliquando esse possit, cap. 213. de verbor. si-
gnific. cap. 16. §. 2. de fideiuss.

CLXX. PAVLVS LIB. III.

AD PLAUTIVM.

Factum à iudice quod ad officium eius non pertinet, ratum non est.

EST receptum, vt si quis subiiciat se iurisdictioni alterius possit ei & aduersus eum ius dici, cap. 14. de iurisd. cap. 28. ad municipal. Est & illud certum, supra iurisdictionem suam, aut extra suum territorium ius dicere neminem posse, cap. fin. de iurisd. cap. 1. §. 1. de offic. præfect. urb. Et ita qui non cogitur inuitus in aliquo loco iudicium pati, potest pati submissione. Etsi quidem submisserit se, non agere solum, sed etiam excipere cogitur actiones & ad eundem iudicem mittetur, quemadmodum auctor est Paulus ad Plautium libro tertio cap. 22. de iudic. Si verò agere inuitum apud se coegerit alterius loci iudex, ei impunè non parebitur, d. cap. fin. Nam vt ait eodem libro Paulus, *factum à iudice quod ad officium eius non pertinet, ratum non est.* Ad officium autem iudicis pertinet si priuatus est limites supra iurisdictionem suam & extra suum territorium ius non dicere, d. cap. fin. cap. 1. & 1. C. si à non compet. iudic. cap. 1. C. qui pro sua iurisd.

CLXXI. PAVLVS LIB. IV.

AD PLAUTIVM.

Nemo ideo obligatur, quia recepturus est ab alio quod presterit.

AD Plautium libro 4. ait Paulus, si dominus vel pater pecuniam mutuam accepturus iusserit seruo filiove nuntiare nullam questionem esse quin ipsi condici possit; im-

DE DIVERSIS REGVLIS IVRIS. 387
*mo hoc casu de iussu actionem competere. Neminem enim
ideo obligari. quia recepturus est ab alio quod prestitit, quam
ab eo cui prestitum est, cap. 5. quod iussu. Id quod hac
specie contingit. Seruo enim vel filio patris dominive
iussu pecunia numeratur, quam creditor à patre vel
domino recepturus est, non à seruo, non à filio. Si
quidem ipsa numeratione inter huiusmodi personas
& creditorem nulla constituitur obligatio, quamvis
iis rectè solvatur, cap. 141. §. 3. de verb. oblig. cap. 11.
& 13. de stipulat. seruor. quamvis etiam ab iis chiro-
graphum vel pignus accipiat, atque ita ipsis obli-
gari creditor quodammodo videatur, cap. 1. §. 1. vers.
creditor. de oblig. & act. §. fin. Instit. quib. mod. re
contrah. oblig. cap. 5. quod iussu.*

CLXXII. PAVLVS LIB. V.
AD PLAVTIVM.

*In contrahenda venditione ambiguum factum contra
venditorem interpretandum est: ambigua autem intentio
ita accipienda est, ut res salua aëtori sit.*

Hac regula Paulus ait contrahi venditionem.
Emptionem etiam contrahi argumento est titulus
Pandeëtarum, De contrahenda emptione. Vt igitur
venditio, sic etiam emptio contrahi dicitur; vendi-
tio quidem à venditore; emptio verò ab empr. leg. pro-
positis. Venditionis leges huiusmodi sunt; Si QVOD
SACRI VEL RELIGIOSI, VEL PVBLICI
EST EIVS VENIT NIHIL, c. 22. & 72. de cōtrah.
empr. QVO IVRE QVAQVE CONDITIONE
EA PRÆDIA LVCII TITII HODIE SVNT,
ITA VENEVNT, ITAQVE HABEBVNTVR;
c. fin. d. tit. Si AD DIEM PECVNIA SOLVTA
NON SIT, VT FVNDVS INEMPTVS SIT, c. 2.

388 IAC. REYARD. TOM. I. COMM.
de leg. commiss. FLVMINA STILLICIDIA VT
NVNC SVNT VT ITA SINT, cap. 33. de con-
trah. empt. c. 17. §. 1. de seruit. præd. urbanor. *Varro auctor, de ling. Lat. lib. 4. lege prædiorum urbano-
rum ita scribi solere; STILLICIDIA FLVMINA*
QVE VT ITA FLVANT CADANT QVE. *Quæ-
locum si vitiosum esse suspiceris (vt re vera est) tibi
persuadeas restitui posse; STILLICIDIA FLV-
MINA QVE VTI NVNC FLVNT CADVNT*
ITA FLVANT CADANT QVE. *Emptionis le-
ges tales sunt; QVANTI TV EVM EMISTI*
QVANTVM PRETII IN ARCA HABEO. EST
MIHI EMPTVS CENTVM, ET QVANTO PLV-
RIS EVM VENDIDERO. cap. 7. de contrah. empt.
QVÆ EX MEIS ÆDIBVS IN TVAS ÆDES
PROIECTA SVNT, VT MIHI ITA HABERE
LICEAT, cap. 80. d. tit. Illud etiam certum est
huiusmodi leges si ambigæ essent, iis nocuisse in quo-
rum potestate fuit eas apertius conscribere, cap. 33. de
pactis Ex quo cõsequi omnino videtur in contrahen-
da venditione contra venditorem, & emptione con-
trahenda contra emptorem ambiguum pactum inter-
pretandum esse. Et id quidem de venditore tam dis-
tinctè non hac regula solum, sed aliis etiam prudentia
responsis est definitum, vt nullam eas res admitat am-
plius dubitationem, d. c. 39. c. 21. & cap. 33. de contrah.
empt. De emptore verò omnino dubitaretur, si Paulus
non scripsisset *in emptione contrahenda legem emptionis
contra emptorem secundum venditorem interpretandam esse*
cap. 34. d. tit. Et rectè quidem, nec vllam admittit ex-
sponsum illud emendationem, si modò verum est, vt
venditionem, ita quoque emptionem contrahi, &
(quod toties inculcant iurisconsulti) *obscuritatem pacti
non nocere qui potuerunt re integra apertius loqui, d. c. 39.*

DE DIVERSIS REGVLIS IVRIS. 389
d. cap. 21. & 99. de verb. oblig. Quod etiam Accursius
ignorasse non videtur. Ambigua autem intentio ita
accipienda est, ut res salva actori sit. Semper enim in
dubiis id agendum est, ut quàm tutissimo loco res sit
bona fide contracta; nisi cùm apertè contra leges, scri-
ptum est, cap. 21. de reb. dubiis.

CLXXIII. PAVLVS LIB. VI.

AD PLAVTIVM.

*In condemnatione personarum quæ in id quod facere
possunt damnantur, non totum quod habent extorquendum
est, sed & ipsarum ratio habenda est, ne egeant.*

DE iis qui in id quod facere possunt damnantur,
latissimè disseruimus ad huius tituli cap. 28.

AD §. CVM VERBVM.

*Cùm verbum RESTITVAS lege inuenitur, etsi non
specialiter de fructibus additum est, tamen etiam fructus
sunt restituendi.*

AD Plautium lib. 6. scripsit Paulus, in Fabiana actio-
ne & Pauliana fructus restitui, Nam verbum RESTI-
TIVAS quod in hac re prætor dixit, plenam habere significa-
tionem, ut fructus quoque restituantur. Cùm enim ver-
bum RESTITVAS in lege inuenitur, etsi non spe-
cialiter de fructibus additum est, tamen etiam fructus
sunt restituendi, cap. 38. §. 3. de vsuris, cap. 35. de
verb. significat. Per legem lex intelligi potest Fabia-
na, quam prætor obseruans, ea quæ in fraudem patroni
alienata sunt, restitui iubet, auctore eodem Paulo, sen-
tent. lib. 3. tit. 3. cap. 1. §. penultimo si quid in fraud.
patron. Et ita quæ iubente prætore fit restitutio, eadem
fieri lege hac regula dicitur; quemadmodum bonis in-

320 IAC. RÆVARD. TOM. I. COMM.
*terdicti lege aut moribus solet, ipso prætore verba solenniter
nuntiante; vt est apud Paulum sentent. libro 3. tit. 4.
Vlpianum, cap. 5. de acquir. hæred.*

AD §. VNICUIQUE.

Vnicuique sua mora nocet, quod in duobus reis promittendi obseruatur.

EODEM libro de mora scripsit Paulus. At enim
*moram rei nocere quoque fideiussori: sed si fideiussor seruam
obtulit & reus moram fecit, mortuo Stichio fideiussori ser-
currendum; vnicuique enim nocere suam moram, cap. 8.
de verborum oblig. Quod & in duobus reis promittendi
tendi obseruatur. Testatur enim Marcianus si duo in
promittendi sint, alterius moram alteri non nocere, cap. 3.
§. fin. de vsuris. Et ita Paulus quoque ad Plautium scri-
psit; cui omnino contrarium est quod ex eodem
Plautio sic refert Pomponius; Ex duobus reis eiusdem
Stichi promittendi factis, alterius factum alteri quoque
nocet capite penultimo de duobus reis. Non est quod
cum Accursio suspiceris de duobus reis sociis sentire
Pomponium. Verisimilius enim est scripsisse Pom-
ponium, eo sensu factum vnius rei alteri nocere quod
ab eodem traditum est altero ex duobus reis capite de
minuto alterum non liberari, cap. fin. d. tit. Et ita fa-
ctum vnius rei alteri nocet, sicut diximus suum cuius-
que factum nocere, cap. 155. hoc tit. Delictum hæc
dubiè per factum intelligentes.*

AD §. DOLO FACIT.

Dolo facit qui petit quod redditurus.

Id ipsum à Paulo quoque traditur, cap. 8. de ex-
cept. doli mal. Et quia verus regulæ huius sensus est,
eum

DE DIVERSIS REGVLIS IVRIS. 391
eum dolo facere qui id petere audet, quod eidem à
quo petit se redditurum esse non ignorat, certè de iis
curiosius inquirendum non est, quæ Accursius obiicit,
Ad res enim litigiosas hæc regula trahi nullo modo
potest, cap. fin. de rei vindicat. cap. 3. §. 11. ad exhibend.
cap. 25. C. locati.

CLXXIV. PAVLVS LIB. VIII.

AD PLAVTIVM.

*Qui possit facere ut possit conditioni parere, iam posse
videtur.*

AD Plautium libro 8. ait Paulus dubitatum fuisse, si
seruus sub conditione fuerit heres institutus, an bonorum
accipere possessionem possit: & ait posse, idque Scauolam
probasse, cap. 10. de bon. possess. secund. tabu. si modò
conditioni parere possit huiusmodi seruus. *Qui enim facere
potest, ut possit conditioni sub qua institutus est, parere, idem
quique iam posse videtur bonorum accipere possessionem,*
quemadmodum eodem loco à Paulo traditum est. Et
hoc etiam verum est si prætor de serui conditione cer-
tus sit, tunc enim bonorum possessionem rectè admit-
tere seruus potest, cap. 7. de bon. possess.

AD §. QVOD QVIS.

Quod quis si velit habere non potest, repudiare non potest.

EODEM ad Plautium libro 3. scripsit Paulus, tuto-
rem bonorum possessionem pupillo competentem repudiare
non posse, quia tutori petere quidem permissum est,
non autem repudiare, cap. 8. de bon. poss. cap. 49. de ac-
quir. hered. Cur autem repudiare permissum non sit,
quam obsecro in medium adferri alia ratio posset,
quàm hæc iuris regula, præsertim cùm de eodem

392 IAC. RÆVARD. TOM. I. COMM.
Pauli ad Plautium lib.8. desumptam constet: Turci
igitur quia si velit bonorum habere possessionem non
potest, certè nec eam poterit repudiare. Is enim potest
repudiare qui & acquirere potest, cap.4. & cap. 18. da
acquir. hæred. cap.45. §. 1. de legat. 2.

CLXXV. PAVLVS LIB. XI.

AD PLAVTIUM.

*In his quæ officium per liberas fieri personas leges deside-
rant seruus interuenire non potest. Non debeo melioris condi-
tionis esse quàm auctor meus, à quo ius in me transit.*

INTER huiusmodi officia magistratus, equestres
& senatoriæ dignitates, iudicia, arbitria, militiæ, postu-
latio, & testimonij dictio, numerantur; à quibus ser-
uos esse repellendos passim traditur, cap.6. de testibus,
cap. 12. de iudiciis, c.3. de offic. prætor. cap. 7. de rece-
ptis. Atque ita officium accipi ex eo constat, quod
præsides & procōsules eorumque comites officij cau-
sa in prouinciis agere vel militare dicantur, cap.46. &
72. de contrahend. empt. cap.46. de iure fisci. Eoque
sensu senatoria & equestria officia refert Suetonius biennij
spatio determinare Sergium Galbam voluisse, diuini Titium
recepta ad se propè omnium officiorum cura, patris nomine
epistolas dictasse & edicta conscripsisse, orationesque in senatu
recitasse questoris vice: Vespasianum Augustum perlectis epi-
stolis officiorumque omnium breuiariis, amicos admississe.
Hæc ita Suetonius, euidenter demonstrans quàm lata
ciuiliū officiorum sit appellatio, quibus receptum
est vt serui non fungantur, d. §. penult. Ciuili quoque
officio funguntur qui absunt reipublicæ causa, etiam
si milites sint, cap. 62. de contrahend. empt. cap. 1.
de re milit. cap. 7. ex quibus caus. maior. Et idcirco
nec reipublicæ causa abesse, nec milites esse serui
possunt,

DE DIVERSIS REGVLIS IVRIS. 393
possunt, cap. 7. si quis cautionibus cap. ult. hoc tit. c. 11.
de re milit. cap. 6. C. qui milit. poss. cap. 2. C. de tyroni-
bus. Proinde si reipublicæ ad bellum necessarius vi-
deretur vsus seruorum, aliter illi in numeros non re-
ferebantur, quàm si manumissi essent. Id enim indicat
Suetonius, cùm ait *D. Augustum seruos viris mulieri-*
bûsque pecuniosioribus indictos, ac sine mora manumissos sub
priore vexillo habuisse, neque aut commistos cùm ingenuis,
aut eodem modo armatos. Nec mirum seruos ab omni
militia fuisse prohibitos, cùm scripserit Valerius lib. 2.
populum Romanum operam dedisse, ne Imperatoribus ca-
pite censos sacramento rogare esset necesse, quorum nimia ino-
pia suspecta erat, ideòque publica arma iis non committe-
bantur. Quod autem Paulus ait, *non debere me conditio-*
nis esse melioris, quàm fuerit auctor meus, id nullam con-
tinet obscuritatem, & est iam sapiùs ea de re à nobis
tractatum.

CLXXVI. PAVLVS LIB. XIII.
AD PLAVTIVM.

*Non est singulis concedendum quod per magistratum
publicè possit fieri, ne occasio sit maioris tumultus.*

LIBRO ad Plautium tertio decimo scripsit Pau-
lus si maris proprium ius ad aliquem pertineat, V T I
P O S S I D E T I S interdictum ei competere, si prohi-
beatur ius suum exercere, cap. 14. de iniur. Nec aduer-
sarium iuuabit, quod dicat mare & littora maris com-
munia esse naturali iure, capit. 2. & 3. de rer. diuis. ac
proinde naturaliter ei, qui quod commune est effice-
re proprium studet, resisti posse, cap. 13. §. si. de iniur.
Quia enim vsurparum est tametsi nullo iure, vt quis
prohiberi possit antè ædes meas vel prætorium pisca-
ri, d. §. fin. certè ad officium magistratus, ne occasio sit
maioris

394 IAC. RÆVARD. TOM. I. COMM.
maioris tumultus faciendi, hanc omnem controuer-
tiam referri voluerunt prudentes, & interdicto locum
esse; quoniam ad priuatam causam iam pertinet hæc
res; non vt olim ad publicam, d.c. 14. Quamobrem si
quis antè prætorium suum proprio priuatoque iure
piscari sine magistratus auctoritate impediatur, iniu-
riarum agere potest, d.c. 13. in fine. Non enim id facere
singulis concedendum est, quod per magistratus fieri
publicè potest. Eoque pertinet quod lib. 5. Hexame-
ron c. 10. sic Ambrosius scribit, *Spatia maris sibi vindi-
cant iure mancipij, pisciumque iura sicut vernaculorum con-
ditione sibi seruitij subiecta, commemorant. Iste, inquit, sinus
maris meus est, ille alterius. Diuidunt elementa sibi poten-
tes. Et de Nabuthe, c. 3. Inducis mare intra prædial tua, ne
desint beluæ; producis fines terra, ne possis habere finitimum.*
Meminit etiam maritimarum huiusmodi piscinarum
Varro de re rustica l. 3. c. 17. & Columella, l. 8. c. 16.

AD §. INFINITA.

Infinita æstimatio est libertatis & necessitudinis.
PER necessitudinem ius intelligitur cognationis
& affinitatis cap. vlt. de iustit. & iure. Est etiam, vt ait
Fronto, *necessitudo vel sanguinis, vel meritorum, cum præ-
ceptoribus, cum amicis.* Nec mirum infinitam esse neces-
situdinis æstimationem, cum scripserit Festus, *in ne-
cessarios, qui aut cognati aut affines sunt, necessaria officia*
conferri præter ceteros. Eoque pertinere cap. 21. solut.
matrim. admonuimus suo loco.

CLXXVII. PAVLVS LIB. XIV.

AD PLAVTIVM.

*Qui in ius dominiūve alterius succedit, iure eius vti
debet. Nemo videtur dolo exequi qui ignorat causam car
non debeat petere.*

AD PLAUTIUM lib. 14. refert Paulus, cum hereditatem aliquis vedit, esse debere hereditatem ut sit emptio, c. 7. de hered. vel act. vendita. Hæredemque res hereditarias eodem iure tradere debere emptori, quo à defuncto eas accepit. Qui enim in ius dominiumve alterius succedit, iure eius in alienando uti debet, c. 14. d. tit. Nam defuncti personam ita repræsentat, ut, non bonorum duntaxat, sed sacrorum quoque dicatur hæres, auctore Festo; indèque etiam est quod successionē dicamus hæredis, non accessionem, quemadmodum docet Ambrosius enarrans Psalm. 37. Et quamvis omnes hereditarias actiones præstare soleat hæres emptori, illud tamen observabatur, ut hæres emptori non præstaret quòd non debitum exegerat, cap. 2. §. 6. d. tit. Id enim sine dolo malo potuit ab hærede factum videri. Nam, ut eodem ad Plautium l. 14. scripsit Paulus, nemo videtur dolo exequi, hoc est, iudicio persequi rem aliquam, qui causam ignorat cur eam non debeat petere. Quod ipsum ab Vlpiano quoque traditum est, c. 2. §. 5. de doli ma. & met. except.

CLXXVIII. PAVLVS LIB. XV.

AD PLAVTIUM.

Cum principalis causa non consistat, plerumque nec ea quidem quæ sequuntur locum habent.

Si fons exaruerit ex quo ductum aqua habeo, isque post constitutum tempus, quo amitti non utendo servitus soler, ad suas venas redierit, dubitatum fuit an aqueductus amissus sit. Et ait quidem ad Plautium lib. 15. Paulus, aqua ducenda ius amissum esse, quia principalis causa, nimirum ipsius fontis scaturigo esse desijt. Cum enim principalis causa non consistit, plerumque nec ea quæ sequuntur locum habere. Nihilominus tamen Cesarem rescripsisse ius non negligentia aut culpa amissum, restituendum esse, fonte

396 IAC. RÆVARD. TOM. I. COMM.
fonte ad venas suas redeunte, c. 35. de seruit. rustic. pred.
 Eoque pertinet illud Cypriani aduersus Demetria-
 num; *Et fons qui exundantibus prius venis largiter pro-*
fluebat, senectute deficiens, vix modico sudore distillat. Nec
 alia ratio est cur scripserit eodem libro Paulus, *loco sa-*
cro, sancto, vel religioso interveniente, seruitutem constitui
non posse. Huiusmodi enim locis vti fas non est, c. 17.
 §. 3. de aqua & aq. plu. arc. act. Quo fit, vt nec ijs serui-
 tus possit imponi. *Cum enim principalis causa non consti-*
tit, plerumque nec ea quæ sequuntur locum habent. Causa
 principalis est vsus siue possessio loci; accessorium lo-
 ci eiusdem habitus, siue qualitas, cap. 86. de verb. sign.
 Cur autem plerumque dixerit Paulus, ab alijs obser-
 uatum est.

CLXXIX. PAVLVS LIB. XVI.

AD PLAVTIVM.

In obscura voluntate manumittentis fauendum est li-
bertati.

Id enim humanitas est; & in ambiguis rebus hu-
 manio rem sententiam sequi oportet, c. 10. in fi. de re-
 bus dub. c. 10. in fi. de manumiss. testam.

CLXXX. PAVLVS LIB. XVII.

AD PLAVTIVM.

Quod iussu alterius soluitur, pro eo est quasi ipsi solutum
esset.

Si donaturus mulieri iussu eius sponso numeravi,
 & nuptiæ secutæ non sunt, mulier condicet. Ipsi enim
 mulieri solutum à me videtur, ac deinde à muliere
 sponso traditum. Nam *quod iussu alterius soluitur, pro eo*
est quasi ipsi solutum esset, quemadmodum ad Plautium
 scripsit Paulus libro 17. cap. 9. in princ. de condict.
 cautâ

DE DIVERSIS REGVLIS IVRIS. 397
causa dat, cap. 64. de solut. Non est enim corpore &
actu necesse apprehendere possessionem, sed oculis
quoque & affectu, cap. 1. §. 13. de acq. poss. Atque ita
qui mandat solui, ipse etiam videtur soluere, capitulo
quinquagesimo sexto de solut.

CLXXXI. PAVLVS LIB. I.

AD VITELLIVM.

Si nemo subijt hereditatem, omnis vis testamenti soluitur.

Si nemo, inquit Pomponius, hereditatem adierit, nihil valet ex his quæ testamento scripta sunt. cap. 9. de test. Non enim potest vllum testamentum valere, quod heredem non habet, capite tertio de his quæ in testam. delent Proinde si nemo ex pluribus heredibus subijt hereditatem, vis omnis testamenti soluitur, cap. 17. si quis ommissa caus. testam. c. 14. C. de fideic. Siquidem vis testamenti cum hereditatis aditione adeo est coniuncta, vt qui hereditatem adit, adire quoque testamentum dicatur. Explicans enim Psalm. 18. sic scripsit sermone decimo quarto beatus Ambrosius; *Nonnum tantum testamentum singuli adeunt, & omnes possident.* Idem Ambrosius Epist. libro nono. *Vbi, inquit, testamentum, ibi hereditas.* Et hæc quidem locum habent in hereditatibus directis. In fideicommissarijs enim hereditatibus prouisum est, vt si scriptus hæres nolle adire hereditatem, iussu pratoris adeat eam & restituat, d. c. 17. & c. 38. §. 1. de vulg. & pup. substit. Sed quia inuitus adit, destitui videtur iure ciuili testamentum, & ideo secundas tabulas non oportere resuscitari aditione huiusmodi coacta, respondebat Quintus Cuiusmodi Scauola. Aliud tamen ius in vsu fuisse Paulus auctor est, quia pupillares tabulæ pars sunt prioris testamenti, eoque fit vt prioris testamenti viribus non solutis,

398 IAC. RÆVARD. TOM. I. COMM.
solutis, nec posterioris quoque solvantur vires, d. §. 1.
Et hoc inde, ni fallor, quod in ijs testamenti tabulis
quibus instituuntur & substituuntur hæredes, duæ
intelligantur hæreditates diuersæ contineri, cap. 2. §. 2.
de hæred. vel. act. ven. vna quidem in prima, altera ve-
rò in ima cera. Eoque videri potest Suetonius respe-
xisse, de C. Cæsare ita scribens; *Novissimo testamento tres*
instituit hæredes sororum nepotes, Caium Octavianum ex do-
drante, & L. Pinarium & Q. Pedium ex quadrante; reli-
quos in ima cera. Sensus enim est tres solos sororum ne-
potes sibi C. Cæsarem hæredes instituisse, & reliquos
his tribus substituisse. Nam hac potissimum ratione
in ima cera secunda hæreditas scribebatur, quod
quamdiu priori testamento locus esset, ad posterius
non soleat veniri. Et idcirco sic tabulæ testamenti in-
terdum aperiebantur, vt ex septem signis ea tantum
rumperentur quæ priori hæreditati imposita erant,
salvis supra imam ceram reliquis signis; id quod de
pupillari substitutione tradidit expressè Caius Instit.
lib. 2. tit. 4. Vt igitur suas secundæ tabulæ vires reci-
neant, nihil interest an ultro adeat, an verò per præto-
rem fideicommissarium coactus restituat hæres insti-
tutus hæreditatem. Prioris enim testamenti pars sunt
tabulæ secundæ, d. §. 1.

CLXXXII. PAVLVS LIB. III.

AD VITELLIVM.

Quod nullius esse potest, id vt alicuius fieret, nulla obli-
gatio valet efficere.

LIBER homo in stipulatum deduci non potest,
quia nec dari oportere intendi, nec æstimatio eius
præstari potest, c. 103. de verb. obligat. Ideò dari oport-
tere hominem liberum non intenditur, quia nullius
esse potest, cap. 70. de contrah. empt. ideò nec eius
præstari

DE DIVERSIS REGVLIS IVRIS. 399
prestari potest aestimatio, quia libertas res est inæsti-
mabilis, cap. 106. hoc tit. Nec obest quod homo liber
possit effici seruus, capit. 5. §. 1. de statu ho. *Quæ enim
ab initio inutilis fuit stipulatio, non conualescet ex post facto.*
§. nec in pendent. Instit. de inutilib. stipulat. Idem iu-
ris est si rem sacram vel publicam dari quis stipula-
tur. Quamuis enim res sacra prophana fieri, & vsibus
publicis relicta, in priuatos vsus reuerti possit, nihilo-
minus propter eandem rationem inutilis est stipula-
tio, capit. 83. §. 3. de verb. oblig. *In stipulationibus enim
id tempus spectatur, quo contrahimus, cap. 78. d. tit. Et id-
circo quod nullius esse tempore contractus potest, id ut aliquo
tempore fiat alicuius, nulla efficere valet obligatio.* Nam quæ
dominio nostro exempta sunt, in obligationem dedu-
ci nullo modo possunt, cap. 34. §. 1. de contrah. empt.
Quomodo autem res sacra fiat profana, suo loco de-
monstrabitur.

CLXXXIII. MARCELLVS LIB. III.
DIGESTORVM.

*Et si nihil facile mutandum est ex solemnibus, tamen ubi
aquis euidentis poscit, subueniendum est.*

CITATIONES fieri in iure solent voce præco-
nis, cap. 7. de in integ. restitut. *Qui in ius vocabantur,
siue denuntiatione, siue per edictum, etiam citari di-
cebantur, cap. 1. §. 2. de iure fisci.* Suetonius in Tibe-
rio; *Citati ad causam dicendam partim se domi vulne-
rauerunt. Et in Caligula; Alios cum clam intererant, ci-
tare nihilominus ut viuos persequebantur.* Liuius lib. 3. *Cita-
ri iubent in curiam patres. In iure tam actores quam reos ci-
tari voce præconis consueuisse, ex Asconio & Apuleio
ostendimus suo loco Irenæus lib. 1. aduersus hæreses,
cap. 9. Ecce, index in proximo, & præco me iubet meo
defensionem*

400 IAC. RÆVARD. TOM. I. COMM.
defensioni adesse. Auctor est lib. 3. Digestor. Marcellus, si citatus non respondet, morem esse ut pronuntiatur, d. cap. 7. Quibus verbis ad eum morem respexit Marcellus, quo reum, cuius nomen citabatur, non respondentem præco declarabat abesse. Tunc enim summum cognoscens prætor, aut iusta, aut iniusta de causâ citatum abesse, auditis eorum qui ad excusationem admitti desiderabant, allegationibus, pronuntiabat, quemadmodum demonstratum à nobis est Protribunali libro singulari. Atque ita, si prætor reum citatum non iusta ex causa pronuntiaret abesse, eaque ratione etiam absentem posse condemnari, & confestim sedentem ad eum protribunali prætorem adiret reus, scripsit Marcellus eum restitui posse; quia non sua culpa, sed parum exaudita voce præconis defuisse existimari potest, d. cap. 7. Nec eius haberi rationem voluit D. Antoninus, quòd mos receptus diceretur immutari. Esi enim nihil facile ex solemnibus est immutandum, tamen ubi evidens equitas poscit, solemnibus receptisque moribus salvis subueniendum est, d. cap. 7.

CLXXXIV. CELSVS LIB. VII.
DIGESTORVM.

Vani timoris iusta excusatio non est.

VOLVERUNT Decemviri tempus indicati facienti esse mensis unius, auctore Gellio lib. 20. cap. 1. Deque eo tempore videtur Vlpianus sensisse, cum diem statueret repleti ex lege quod sententiæ deest, si minorem diem statuerit iudex tempore indicati legitimo, cap. 4. §. 3. de re iudic. Sic etiam Papinianus tempus quod condemnatis præstatur, legitimum appellat, cap. 3. in princ. de de vsuris. Nec aliter tempus illud liberum erat debitoribus, quàm si satisfdatum foret, præsertim in grauioribus causis, cap. 16. §. 1. de acceptilat. Ait enim Valerius

DE DIVERSIS REGVLIS IVRIS. 401
Valerius libro quarto. *Scipionem Asiaticum à consule in
vincula publica duci iussum fuisse, quod indicata pecunie
satisfacere non posset.* Porro legitimum tempus quod iu-
dicatis dabatur, à maioribus qui pro tribunali co-
gnoscebant, iudicibus, non tam præcisè debebat ob-
seruari, quin illud pro causæ qualitate & quantitate
vel personarum obsequio vel contumacia nonnun-
quam arctare, nonnunquam ampliare potuerint, ca-
pite 2. de re iudicata. Si quæ iis qui fatentur se debe-
re, vel qui ex re iudicata necesse habent reddere, tem-
pus ad soluendum fuerit prorogatum, eorum qui in-
tra prorogatum diem non soluebant, pignora capie-
bantur, & post duos menses vendebantur, cap. 31.
de re iudic. Et ea quidem *distractio pignorum fieri per
officium solet.* cap. 74. de euictionibus, hoc est, per ap-
paritores prætoris extra ordinem sententias exequen-
tes, cap. 50. de euictionibus. Apparitores autem via-
tores dicuntur non lictores, *quamuis tam lictores præ-
tor haberet, quam viatores,* vt est apud Gellium libro
decimo tertio, cap. 12. AliCTORIBUS enim apparitores
separat Suetonius in Domitiano, his verbis; *Cùm ha-
suis militaribus præcederent eum inter lictores apparitores.*
Sanè viatores consueuissent sententias exequi, non
lictores, ex eo patet euidentissimè *quod viatores inter-
pretetur litium executores* Iustinianus §. tripli Institu-
tione de actionibus. Videlicet ea ratione qua tradidit
Vlpianus *missum in possessionem, si non admittatur, per
viatorem introducendum esse;* cap. 5. §. 21. vt in poss. le-
gar. prætoris haud dubiè viatorem intelligens, cap. 5.
§. 9. de rebus eor. Et hæc quidem cùm ita se habeant,
nunc intelligimus quidnam hac regula Celsus volue-
rit. Si creditor cui reus indicatus est, tam fuerit meiculo-
sus, vt vulgati sententiarum executione non contentus,
condemnari debitoris nomine decem à Titio stipulatus dein-

402 IAC. REYARD. TOM. I. COMM.
ceps à Seio iudicata pecunia satisfdari stipuleur, de estimat
tione eius quod stipulatoris interest satisfdari, cum satisfdari
non esset, dubitatum fuit. Et ait quidem libro 6. ff. Celsus
interdum nihil estimandum esse. Nimirum si debitor & n
qui decem promissit, tam fuerint locupletes, ut censu essent in
ordinem equitum vel decurionem lecti. Nam per hoc vnum
omnino videtur creditoris metus, de tam exquisita securita
te solliciti, eaque vanitas excusanda non est, nec illius timo
ris vlla in estimatione eius quod interfuit satisfdari, ratio est
habenda. Vani enim timoris ut nullam iustam excusatio
nem, ita nullam quoque, ait Celsus, estimationem esse
cap. 13. de re iudicata. Aliud erat si tam de Titij pec
nam promittentis, quam de ipsius rei condemnati fa
cultatibus diffiderent homines. Tunc enim eius quod
creditoris interfuit à Seio satisfdari cum non esset sa
tisdatum sorte non soluta ratio haberi solet, d. cap. 13.
nam desit esse vanus timor.

CLXXXV. CELSVS LIB. VIII.

DIGESTORVM.

Impossibile nulla obligatio est.

IMPOSSIBILE est quod meum est amplius
meum fieri cap. 14. §. 2. de except. Et ideo rei suæ em
ptio consistere non potest, cap. 19. de viurpat. cap. 45.
hoc tit. Quamuis vnus ex venditoribus meliorem ad
ferre possit conditionem, Nam, ut ait libro 8. ff. Cel
sus, emere cum tota re etiam nostram partem possumus
cap. 13. de in diem addict.

CLXXXVI. CELSVS LIB. XII.

DIGESTORVM.

*Nihil peti potest ante id tempus quo per rerum naturam
persolui possit: & cum soluendi tempus obligationi additur,
nisi eo præterito peti non potest.*

PAVLVS

PAVLVS auctor est interdum puram stipulationem ex re ipsa dilatione capere, veluti si quis id quod in utero est, aut fructus futuros, aut domum futuram stipulatus sit; tunc enim incipit actio cum ea per rerum naturam praestari possunt, cap. 73. de verborum obligat. Nam ut ait Celsus, *nihil peti potest ante id tempus quo per rerum naturam persolui possit*. Atque ita Celsum hanc regulam accipi voluisse, euidenter demonstrat Pomponius, cap. 14. d. tit. Hac enim Pomponij verba, Celso placet, sic videntur supplenda esse; Celso placet libro duodecimo Digestorum, ex quo hac regula sumpta est. Simili modo quod debetur in diem ante peti non potest quam dies venerit, cap. 7. de re iudic. capite 118. de verborum oblig.

CLXXXVII. CELSVS LIB. XVI.

DIGESTORVM.

Si quis pregnantem uxorem reliquit, non videtur sine liberis decessisse.

INFANS aut in rerum natura est, aut in rebus humanis. In rerum natura quidem, conceptus; in rebus verò humanis, si non editus, saltem viuens in utero matris, cap. 1. §. 6. in fin. cap. 6. in fin. & cap. 7. de suis & legit. Quod in rebus humanis est, in rerum quoque natura est; non autem quod in rerum natura est, id omne in rebus humanis est, c. 1. de hæred. vel act. vend. Mortui in rebus humanis non sunt. Ita enim scripsit Ep. lib. 10. Seneca, *Quāuis fructus operis peracti nullus ad defunctum exemptumque rebus humanis pertineat, ipsa tamen contemplatio futuri operis iuuat*. Desinunt etiam mortui esse in rerum natura, c. 59. §. 6. de hæred. instit. Quid igitur mirum eos qui mortui nascuntur, appellari nunquam liberos potuisse? c. 129. de verb. sig. Quod igitur

404 IAC. RÆVARD. TOM. I. COMM.
Celsus ait eum qui pregnantem reliquit uxorem non videri sine liberis decessisse, id ad eos liberos referendum est, qui si non in rebus humanis, saltem in rerum natura sunt, cap. 18. quand. diēs leg. d. cap. 7.

CLXXXVIII. CELSVS LIB. XVII.
DIGESTORVM.

Vbi pugnancia inter se in testamento iuberentur, neutrum raturum est. Qua rerum natura prohibentur, nulla lege confirmata sunt.

IULIANVS ait duas orationes pugnancia continentibus simul falsas esse, & idcirco inutilem esse institutionem orationes pugnantibus continentem, cap. 13. §. 3. de reb. dub. Quod ipsum tradidit hac regula Celsus, huiusmodi subiiciens rationem; *Quæ enim rerum natura prohibentur, nulla lege confirmata sunt. Nam ut ea quæ inter se pugnant, simul subsistant, non patitur rerum natura, cap. 7. hoc titulo quo fit ut nec confirmari possint vlla lege quemadmodum docet eleganter in Enchiridio beatus Augustinus.*

CLXXXIX. CELSVS LIB. XIII.
DIGESTORVM.

Pupillus nec velle nec nolle in ea ætate, nisi apposita tutoris auctoritate creditur: nam quod animi iudicio fit, in tutoris auctoritas necessaria est.

PUPILLVS iure civili sine tutoris auctoritate non obligatur, quia nullum dominium transferre potest, ut potè qui nec velle nec nolle creditur in ea ætate nisi apposita fuerit tutoris auctoritas, cap. 5. §. 1. & cap. 9 §. 1. de auct. tut. cap. 8. de acquir. hered. Hæreditatem etiam adire non potest sine tutoris auctoritate, d. cap.

DE DIVERSIS REGVLIS IVRIS. 405
d. cap. 9. §. 2. tum quod hæreditatem adeuntes obligen-
turi alieno; tum etiam quòd in adeunda hæredita-
te opus sit *animi iudicio* hoc est scientia & certo decre-
to, quibus destituitur ætas pupillaris, cap 8. & cap 9.
de acquir. hæred. Et idcirco in eo quod *animi iudicio* sit
necessaria est tutoris auctoritas. Eoque pertinet illud Am-
brosij ad Clementianum, Epistolar. lib. 9. *Parvuli hære-*
des nomen nudum hæreditatis non auctoritatem usurpant,
inubendi ius & vrendi non habent, qui plenitudinem sue æta-
ris expectant, ut à curatoribus liberentur.

CXC. CELSVS LIB. XXIV.
DIGESTORVM.

Quod euincitur in bonis non est.

DE curatore bonis dando libro 24. ff. scripsit Cel-
sus, cap. 3. de curat. bon. dandor. id bonorum quibus cu-
rator *datus* est, appellatione non contineri asserens, quod
euincitur: siquidem curator nec ad retinendum, exceptio-
nem; nec etiam ad recipiendum id quod euincitur, actio-
nem habet, cap. § 3. de acquir. rer. dom.

CXCI. CELSVS LIB. XXXIII.
DIGESTORVM.

Neratius consultus an quod beneficium dare se quasi vi-
uenti Cæsar rescripserat, iam defuncto dedisse existimaretur
respondit non videri sibi principem, quod ei quem vivere exi-
stimabat, concessisset, defuncto concessisse, quem tamen mo-
dum esse beneficii sui vellet, ipsius æstimationem esse.

PRINCIPIS beneficia varia sunt. Suetonius au-
ctor est commeatus à senatu peti solitos, sui beneficii Clau-
dium fecisse. Solet etiam principis beneficio aut rebus
concedi immunitas aut personis, & quæ personis
concessa

406 IAC. RAVARD. TOM. I. COMM.
concessa erat, semper extinguebatur cum personis
quæ rebus, non vtique, cap. 3. §. 1. de censibus. Magi-
stratus quoque & dignitates omnes etiam militares
ante quidem à senatu & populo, postea verò à prin-
cipe conferebantur, & beneficia dicebantur, cap. 87.
in fin. de re iudic. cap. vnic. de lege Iulia ambit. cap. 1.
de iurisd. Ait enim Suetonius *Tiberium Casarem in sus-
picionem venisse per quosdam beneficij sui centuriones à
† commeatu castra repetentes*. Et Cicero Epist. fam. libro
quinto. *De centurionibus tamen, inquit, & de tribunorum
militum contubernialibus, res est in integro; genus enim
horum beneficiorum definitum lege non erat*. Et rur-
sus libro septimo. *Huic ego neque tribunatum, neque ullius
beneficij certum nomen peto*. Nec aliò referendum est
quod Modestinus ait abesse reipublicæ causa intelligi
*tribunos militum & comites legatorum qui ad ararium aut
in commentarium principis delati sunt*, cap. 32. ex qui-
bus caus. maior cap. 41. §. 1. de excusat. Erat enim
moris, ut eorum qui huiusmodi beneficia fuerant à senatu
populoque Romano vel à principe consecuti, ad ararium
aut in principis commentarium hac potissimum inten-
tione deferretur nomen, ut iis ex arario populi, aut princi-
pis fisco annua darentur; auctore Frontino de aquæ du-
† ctibus libro 2. Eoque spectasse videtur Cicero sic
pro Archia Poëta scribens; *Testamentum saepe fecit nostris
legibus, & adiit hereditates civium Romanorum, & in be-
neficiis ad ararium delatus est à L. Lucullo pratore & con-
sule*. Qui principis beneficio adepti erant civitatem, aut
ius Quiritium (illud enim à principe solere peti testis
est Epistolar. lib. 10. Plinius) in principis etiam com-
mentarium referebantur, id quod à nobis suo loco de-
monstratum est. Sunt & alia principis beneficia, quæ
ex aliorum commentariis qualia sint, facile cognosci
possunt; quibus addo ea omnia quæ iuris esse cogni-
tionum

DE DIVERSIS REGVLIS IVRIS. 407
tionum aliquando diximus. *Huiusmodi principis beneficia, de quibus nunc latè tractatum est, quasi viuenti à Cesare concessa, defuncto concessa non videri: Neratius auctor est hac regula, ita tamen vt ipsius principis aestimatio sit, quem velit sui beneficij modum esse; hoc est, an etiam illud velit ad filios liberosve defuncti, optimè de re publica meriti, transmitti.*

CXCII. MARCELLVS LIB. XXIX.
DIGESTORVM.

Ea quæ in partes diuidi non possunt, solida à singulis hæredibus debentur.

DE seruitute legata differens libro 29. Digestorum Marcellus, ait, si quis fundum Manio & ad eum viam per alium fundum, & eundem fundum sine via Titio legasset, sine via legatum fundo cessurum; quia neque acquiri per partem seruitus potest. Ea enim quæ in partes diuidi non possunt, solida à singulis hæredibus debentur legatariis singulis, quibus vnus idemque fundus relictus est in solidum singulis, cap. 3. de seruit. leg. Nam si seruitus debetur fundo, certè ea vti poterunt singuli domini; siquidem ea sic diuidi nequit, vt pro parte debeat, pro parte non debeat, cap. 17. de seruitut. Videlicet ea ratione qua Dionysio scripsit Architas philosophus, indiuidua esse qua diuisionem non admittunt, & simplicia sunt: *monadem, punctum & sonum indiuidua dici, vt est apud Diogenem Laërtium De vitis philosophorum libro tertio. Vno eodemque sono, vno eodemque puncto fruuntur plures in solidum singuli non pro parte; agri salubritate & amœnitate fruuntur plures nō pro parte, sed in solidum singuli. Quidni ergo sic etiam vteretur vna eademq; seruitute loci vnus plures domini? Præferim cum liquido constet seruitutes huiusmodi*

408 IAC. REYARD. TOM. I. COMM.
nihil aliud esse quàm habitus & qualitates prædiorum, cap. 12. quemad. seruit. amit. qui habitus & qualitates diuidi nō magis possunt, quàm sonus aut punctum, quàm salubritas, quàm amœnitas. Nam, ut ait eleganter Celsus, *quid aliud sunt iura prædiorum, quàm prædia qualiter se habentia, ut bonitas, salubritas, amplitudo?* cap. 86. de verb. signif. d. cap. 12. Cū igitur seruitutes indiuiduæ sint, consequens utrique videtur, eas singulis hæredibus solidas deberi; quæ certè pro partibus aliarum rerum diuiduarum exemplo deberentur, si partes diuidi possent, cap. 25. §. 9. fa. ercisc. Et solet quidem rerum hæreditariarum diuisio fieri partim officio iudicis, partim ipso iure: officio iudicis, per adiudicationem. Auctor est enim tit. 19. Vlpianus, *adiudicatione dominium acquiri per formulam familie erciscunde, per formulam communi diuidundo, & per formulam finium regundorum.* Atque ita rem adiudicatam à re ex causa iudicati tradita distinxit & separauit Vlpianus, cap. 3. in fine, & c. 7. in princ. de public. in rem act. Carterum as alienum defuncti, in portiones hæreditarias sine ipso quo iudicis facto ex lege duodecim tabularum ipso iure diuidi solet. Eoque sensu scripsit Imperator Gordianus *ea quæ in nominibus sunt non recipere diuisionem.* Per diuisionem enim intelligit iudicis officium, rationem hanc subiiciens; *Cum ipso iure in portiones hæreditarias ex lege duodecim tabularum diuisa sint,* capite 6. C. fa. ercisc. Quod ipsum eleganter etiam à Quintiliano quadam Declamatione traditum est sub hoc titulo, *Ager communis & noua tabula*, his verbis; *Finge esse aliquem ex creditoribus petitozem, nunquid petere à te totam summam potest? minimè, ut opinor. Duos enim partem noster filios reliquit, & necesse est, sicut bona, ita onera esse communia. Partem ergo tu debuisti, partem ego. Et paulò post; Num dubium est quin dicturus fuerit creditor.* Tu

Tu debes mihi, patri tuo credidi, cuius ex parte dimidia haberes, assem non possum à te petere, sed semissem petere possum. Et hoc etiam illud est quod ait Vlpianus in iudicium familiae erciscundae nomina non venire, c. 2. §. fin. fam. ercisc.

AD §. IN RE DVBIA.

In re dubia benigniorem interpretationem sequi non minus iustus est, quam tutius.

REGVLA hæc desumpta est ex c. 3. de his quæ in testam. delent. nec opus habet interprete.

CXCIIL. CELSVS LIB. XXXVIII.
DIGESTORVM.

Omnia fere iura hæredum perinde habentur ac si continuo sub tempus mortis hæredes extitissent.

HÆREDITAS in multis partibus iuris pro domino habetur, ideoque hæreditati vt domino per hæreditarium seruum acquiritur, c. 61. de acqu. rer. do. Et quia hæreditas cum testatoris morte continuatur, etiam si eam adiri postea contingat, certè quod acquisitionis dies adeunti, & cernenti, acquisitum censebitur. Nam, vt Celsus hac regula definit, *omnia ferè iura hæredum perinde habentur, ac si continuo sub tempus mortis hæredes extitissent.* Quod ipsum Cassius etiam defendit aduersus Proculi sententiam, c. 28. §. fin. de stipulat. ser. Et quamuis pro domino habeatur hæreditas, quidam tamen domini veram non repræsentat; si ueritatem id tribui potius iuris fictioni debet, quam rei constitui non potest, hæreditati per seruum non acquiratur,

410 IAC. RÆVARB. TOM. I. COM M.
tur, nec per consequens hæredi postea eam adueni-
d.c.61.&c.26.de stipulat. ser. Idque Celsum non igno-
rasse, & articulum fere, huic regulæ eadem de causa ab
eodem Cello adiectum esse vulgò traditur.

CXCIV. MODESTINVS LIB. VI.
DIFFERENTIARVM.

*Qui per successionem quamvis longissimam defuncti hæ-
redes constituerunt, non minus hæredes intelliguntur, quam
qui principaliter hæredes existunt.*

Si hæres Titij falsum dixerit & usque ad finem
litis oppugnauerit testamentum, ac succubuerit, qua-
si indignus repelli solet, cap. 13. §. 5. de iure fisci, cuius-
que portio applicatur fisco, cap. 24. de lege Cor. de
falsis: salua interim cohæredi sua portione. Eumque co-
hæredem si mori contigerit, & ei rursus hæres extiterit illi
qui ut indignus ab hereditate Titij fuerat expulsus, non
non prohibendus esset hæres existere, dubitabatur. Et scri-
psit quidem Differentiarum libro sexto Modestinus,
non esse prohibendum, quia non principaliter in Titij heredi-
tatem succedit, cap. 7. de his quæ ut indignis. Eò nihil
obstante quod hæredis Titij existens hæres, Titio
etiam succedere quodammodo videatur, quemadmo-
dum hac regula traditum est ex eodem Modestini
Differentiarum lib. 6. desumpta. Aliud enim est hære-
dem principaliter esse, aliud non principaliter. Nam
hæres qui falsum dicens testamentum succubuit, qua-
tenus quidem hæres est principaliter, ut indignus re-
pelli solet; quatenus verò principaliter hæres non est,
utique non solet repelli, d. §. 5. & d. cap. 7.

CXCV. MODESTINVS LIB. VII.
DIFFERENTIARVM.

Expressa nocent, non expressa non nocent.

SENTEN

DE DIVERSIS REGVLIS IVRIS. 411
SENTENTIAM huius regula & originem ver-
tamtradidit Modestinus c. 52. de condict. & demonst.
Eamque optimè Bulgarus videtur affecutus esse, quem
etiam alij secuti sunt.

CXCVI. MODESTINVS LIB. VIII.
REGVLARVM.

*Privilegia quædam cause sunt, quædam persona, & ideo
quædam ad heredem transmittuntur quæ causa sunt; quæ
persona sunt ad heredem non transeunt.*

De hac regula scripsimus ad huius tituli c. 48. qui-
bus addi poterit cap. 29. De re iudic.

CXCVII. MODESTINVS LIBRO
SINGVLARI DE RITV NVPTIARVM.

*Semper in coniunctionibus non solum quid liceat conside-
randum est, sed & quid honestum sit.*

CONIUNCTIONES alia iustæ sunt & licitæ,
alia licitæ non iustæ. Iustæ & licitæ sunt quæ legiti-
mæ sunt, & iuri civili congruæ, vt sunt nuptiæ; licitæ
non iustæ, quæ permittuntur tacito civili iure, vt est
concubinatus, c. 23. & c. 31. de ritu nupt. c. 1. de concu-
bi. Rursus ex coniunctionibus licitis, alia licitæ sunt
& honestæ simul; alia licitæ quidem; non tamen ho-
nestæ. Quæ enim in concubinato est, ab inuito patro-
re, c. 1. de concub. Sed quia id honestum non est, hoc
faciens liberta matrisfamilias perdit honestum, c. 41.
de ritu nuptia. Et ita in coniunctionibus non solum
quid liceat spectari solet, sed etiam quid honestum sit;
cap. 41. & 42. d. tit. Non enim omne quod licet hone-
stum est.

CXCVIII. IAVOLENVS LIB. XIII.

EX CASSIO.

Neque in interdicto, neque in ceteris causis pupillo nocere oportet dolum tutoris, siue soluendo est, siue non est.

DE tabulis exhibendis scripsisse Iavolenum libro tertiodecimo ex Cassio testis est epigraphe c. ult. de tabul. exhib. Et quia Paul. ait, *si tabula apud pupillum dolo tutoris esse desierint, in ipsum tutorem interdictum competere*, c. penult. d. tit. certè non possum non adsentiri Petro Fabro existimanti id ipsum etiam tractatum fuisse à Iavoleno, ex Cassio libro 13. Hac videlicet ratione quod *neque in interdicto de tabulis exhibendis, neque etiam in ceteris causis pupillo nocere oporteat dolum tutoris, siue soluendo est, siue non est.* Ait enim Paulus, *equum esse ipsum tutorem ex delicto suo teneri, non pupillum*, d. cap. penult. Nec transfertur in pupillum post pubertatem hoc quod dolo tutorum factum est, c. 13. §. de act. empti. Ea enim duntaxat habentur rata ex rescriptis Traiani & Hadriani, quæ bona fide à tutore gesta sunt, nec interest tutor soluendo fuerit nec ne, c. 12. §. 1. de administ. & peric. tutor.

CXCIX. IAVOLENVS LIB. VI.

EPISTOLARYM.

Non potest dolo carere, qui imperio magistratus non potest.

E O QVE nomine coërcendus est, cap. fin. de iurisd. cap. 1. si quis ius dic. c. 26. §. 4. in fin. ex quib. caus. maio. Ait enim de legibus Cicero, *ut magistratibus leges, ita populo præesse magistratus.*

C C.

CC. IAVOLENVS LIB. VII.
EPISTOLARVM.

Quoties nihil sine captione inuestigari potest, eligendum est quod minimum habeat iniquitatis.

SI testator ita scripserit, QVISQVIS MIHI ALIVS FILII FILIVSVE HÆRES SIT, ait Labeo non videri filiam contineri, Proculus contra. Labeo videtur verborum figuram sequi; Proculus mentem testantis. Et idcirco respondit Epistolarum libro septimo Iavolenus, se non dubitare, quin Labeonis sententia vera non sit, c. 116. de verb. sign. Est enim Labeo lata sit verborum figuram Nam, ut ait pro Cecinna Cicerone, quod Senatusconsultum, quod magistratus edictum, quod fœdus aut pactio, quod ut ad priuatas res redeam, testamentum, quæ iudicia, aut stipulationes, aut pacti conuenienti formula non infirmari & conuelli potest, si ad verbum deflectere velimus, consilium autem eorum qui scripserunt, & rationem & auctoritatem relinquamus? Verborum igitur figura sine captione nequit inuestigari; iurata autem & benigna mentis voluntatisque interpretatio non est non Labeonis, sed Proculi definitionem secutum esse Iavolenum. Ait enim eodem libro 7. quotiens nihil sine captione inuestigari potest, eligendam esse quod minimum habeat iniquitatis. nihil aliud volens in effectum, quàm non esse in verborum errore versandum, sed potiùs supremam testatoris voluntatem iustè ac benignè interpretandam esse: hoc enim minimum habere iniquitatis, cum alterum illud sine captione nequeat fieri, cap. 24. de reb. dub. Et hæc quidem adeò vera sunt ut dubium non videatur, quin Labeo-

414 IAC. RÆVARD. TOM. I. COMM.
nis explosa, & Proculi sententia recepta fuerit, tum
quod Pomponius & Vlpianus tradiderint filiorum ap-
pellatione in formula testamenti etiam filias contineri, c. 16.
de testam. tut. c. 45. de leg. 2. tum etiam quod de benef.
lib. 5. c. 19. sic scripserit Seneca; Sed ut dialogorum alter-
catione seposita, tanquam Iurisconsultus respondeam, men-
spectanda est dantis.

CCI. IAVOLENVS LIB. X. EPISTOLARVM.

*Omnia quæ ex testamento proficiscuntur, ita statim
euentus capiunt, si initium quoque sine vitio ceperint.*

Ex testamento proficiscuntur legata & fideicom-
missa, proficiscuntur etiam seruorum manumissiones.
Et ob id si testamentum inualidum est, nihil valebit
quod ex eo proficiscitur, c. 1. §. 1. de leg. 3. Nihil enia
relinquere legato vel fideicommissio potest is qui tes-
tamenti faciendi ius non habet, d. cap. 1. §. 2. Nam, ut
ait hac regula Iabolenus, quæ ex testamento proficiscun-
tur, ita statim euentus capiunt, si initium ceperint sine vitio;
hoc est, si ipsum testamentum, ex quo initium sumunt
legata, vitiosum non sit; cap. 29. qui testament. fac.
poss.

CCII. IAVOLENVS LIB. XI. EPISTOLARVM.

*Omnis definitio in iure civili periculosa est, parum est
enim ut non subverti possit.*

PER definitionem intelligit Iabolenus regulam
iuris civilis, cap. 10. de auro arg. leg. cap. 4. §. 1. de ha-
red. Instit. Dicitur enim regula Catoniana definire, c. 1.
de reg. Cat. Et huiusmodi quidem definitiones non-
nunquam

DE DIVERSIS REGVLIS IVRIS. 415
nunquam subuerti posse, à nobis est demonstratum
ad huius tituli cap. i. Quod ipsum Prosper Aquitani-
cus non videtur ignorasse. Sic enim Epistola quadam
de libero arbitrio scribit; *Ad defensionem alicuius defi-
nitionis, ea promenda sunt, quæ alteri intellectui, à quo vide-
tur definitio dissonare, non cedant, & eam regulam cui sunt
aptatæ, non deserant.*

CCIII. POMPONIVS LIB. VIII.
AD QVINTVM MVCIVM.

*Quod quis ex culpa sua damnum sentit, non intelligitur
damnum sentire,*

TESTAMENTO heres institutus ab eo cuius etiam
intestati legitima hereditas ad me pertineret, eodem mo-
mento ex testamento & legitimam repudiare possum here-
ditatem. Si autem legitimam velim ad me pertinere, videbor
ante repudiare testamentum, & sic legitimam acquisisse. Ita
enim ad Q. Mucium scripsit Pompon. c. 77. de acq.
vel omit. hered. Et quia ad huiusmodi hereditatem
duplex patet via, certè nihil deesse videtur quo hæres
sibi prospiciat, ne in damnum incidat. Proinde si ex
testamento hereditas adita fuerit. eamque contigerit
damnosam esse, non intelligitur is qui adiit; damnum
sentire. Nam, ut ait eodem libro Pomponius, *quod quis
ex sua culpa damnum sentit, non intelligitur damnum senti-
re.* Potuit enim & vtrunque & alterutram, repudiare,
& quantitas. Inst. ad leg. Falc. potuit etiam tempus de-
liberandi impetrare, atque i. a instruere se, expedire
nec ne agnoscere hereditatem c. 5. de iure deliber.

CCIV. POMPONIVS LIB. XXVIII.
AD QVINTVM MVCIVM.

Minus est actionem habere quàm rem.

PETIMVS

416 IAC. REYARD. TOM. I. COMM.
PETIMVS vel esse aliquid nostrum, vel dari nobis aliquid oportere, cum in rem agimus, cap. 6. de rei vindic. Atque ita fit ut minus sit actionem habere quam ipsam rem. Nam qui in rem agit, fieri potest ut licet actionem impetrauerit, rem tamen nunquam consequatur. Ait enim Caius, cum nullam videri actionem habere, cui propter inopiam aduersarij inanis actio est, cap. 6. de dolo. Testis est etiam Scauola sumptus in petendo & euentus executionis posse incertos esse, cap. 51. de peculio.

CCV. POMPONIVS LIB. XXXIX.
AD QUINTVM MUCIVM.

Plerumque fit ut etiam ea quae nobis abire possint, praeterinde in eo statu sint atque si non essent eius conditionis ut abire possent; & ideo quod fisco obligamus, & vindicare interdum, & alienare, & servitutem praedio imponere possumus.

CVM enim fit alienatio cum sua causa dominium ad alium transferimus, quae esset futura, si ea res apud nos mansisset, idque toto civili iure ita se habere, testatur eodem ad Quintum Mucium lib. 39. Sextus Pomponius, c. 67. de contrah. empt. Et ideo fit ut rem fisco obligatam possimus à non domino vindicare, possimus alienare, & etiam praedio non prohibeamur imponere servitutem. Huiusmodi enim vindicatio, alienatio, & impositio servitutis fieri cum sua causa intelliguntur, c. 20. de solut. c. 12. C. de distract pignor. c. 20. de acq. rer. do.

CCVI. POMPONIVS LIB. IX.
EX VARIIS LECTIONIBVS.

Iure natura equum est neminem cum alterius derimento & iniuria fieri locupletiolem.

QVOD

Quod pupillus sine tutoris auctoritate mutuum accepit, & locupletior factus est, si pubes factus soluerit, non repetet. Nam, ut ait Pomponius, *naturâ equum est, neminem cum alterius detrimento fieri locupletiores*, cap. 13. & 14. de cond. indeb. cap. 6. de negot. gest.

CCVII. VLP IANVS LIB. I. AD
LEGEM IVLIAM ET PAPIAM.

Res indicata pro veritate accipitur.

Ad legem Iuliam & Papiam libro primo ait Vlpianus, *ingenuum accipi etiam eum de quo sententia lata est, quamuis fuerit libertinus, quia res indicata pro veritate accipitur*, cap. 25. de statu hom. Idque eo pertinet quod senatores lege Iulia prohiberentur libertinas uxores ducere, cap. 44. de ritu nupt. Eaque de re descripsisse videtur mulierem de qua sententia lata est, & ob id nubere senatori posse, rem enim iudicatam pro veritate haberi. Si modò in ea re per collusionem nihil factum fuerit, cap. 4. de collus. deteg. Nam, ut ait eleganter Donatus, *quod in iure semel iudicatum est, rescindi, & iterum agi non potest, indeque prouerbium, Actum agere, cuius apud Terentium frequens est mentio, natum putat, pro eo quod est nihil agere. Eaque etiam ratio est cur de re indicata pacisci nemo possit. Ita enim Alexandrum Imperatorem rescripsisse, ex iis incertis titulis constat, qui Gregoriano codici à Cuiaciò tribuuntur.*

CCVIII. PAVLVS LIB. III. AD
LEGEM IVLIAM ET PAPIAM.

Non potest videri desisse habere, qui nunquam habuit.

SVETONIVS auctor est legem Iuliam *& Papiam aliquanto seuerius quàm ceteras Augustum emendasse. Ea lege inter alia præcipuè cauebatur ne cœlibes & orbi ex testamentis ciuium Romanorum quicquam caperent; quemadmodum docet euidenter Tacitus Annalium libro tertio his verbis; Et lege Papiæ Poppææ præmiis inducti; si à privilegiis parentum cessaretur, velut patrens omnium populus vacantia teneret. Sensus enim est, diuum Augustum multis præmiis ad legitimam liberos procreationem inuitasse ciues Romanos, ac pertinaciùs parentum priuilegia reiicientes, ita puniuisse, vt ex aliorum testamentis nihil quicquam caperent, sed eorum loco succederet populus. Vt autem suspicer nullam Iuliæ legis rogatione inter cœlibes & orbos factam fuisse differentiam, facit hîc Taciti locus quo ararium traditur vacantia bona occupasse, si à privilegiis parentum cessaretur. Hoc enim nihil est aliud, quàm si cœlibes & orbi contemnerent iura parentum, hi quidem sterilitatis causâ nuntium vxori non remittentes, illi verò in cœlibatu viuere gestientes. Idque eo mihi persuadeo constantiùs, quod sciam Hermogenianum scripsisse propter sterilitatem commodè reineri matrimonium non posse, cap. 60. de donat. int. vir. & vxor. Auctor est eodem libro Tacitus impetrante Tiberio relictum fuisse de moderanda Papiæ Poppææ, quam senior Augustus post Iulias rogationes incitandis cœlibum penis, & augendo arario sanxerat; relationique causam dedisse gliscerem periclitantium multitudinem, cum omnis domus delictorum interpretationibus subuerteretur, multorumque exisset status, ni Tiberius statuendo remedio quinque consularium, quinque è prætoris, totidem è senatu sorte duxisset, apud quos exoluti plerique legis nexus, modicum in presens leuamentum erant. Ac tunc quidem primum arbitror Papiam legem ita fuisse retractatam, vt cum antea*

antea nulla esset, certa deinceps observaretur cœlibis, orbi, & patris solitarij differentia, sic quidem vt cœlibes ab omni testamentaria successione commo-
 do secluderentur; orbi verò semissem obtinerent re-
 lictorum, & pater solitarius certam portionem. Id
 quod ex Vlpiani titulo decimo tertio planè cogno-
 sceretur, si integer esset, quamuis interim ea quæ de
 cœlibe & orbo diximus, auctore suo nōn destituan-
 tur. Is enim consentanea ex Sozomeno libro primo
 historiae tripartitæ annotata quædam reperiuntur.
 Nec quidem vel diuortio, vel morte matrimonio so-
 luto, protinus nouum contrahi voluit Augustus ma-
 trimonium. Testatur enim titulo decimo quarto VI-
 pianus, feminis legem Iuliam à morte viri vacationem
 anni tribuisse (credo propter luctus legitimum tem-
 pus) à diuortio sex mensium; legem autem Papiam à mor-
 te viri biennij; à repudio anni & sex mensium. Non est
 quod hîc hæreas, & pro Biennij, suspiceris Triennij
 ex Suetonio reponendum esse. Ait enim Dio, palam
 dixisse Augustum, se nunquam festinare cœlibes coëgisse,
 ac is primum quidem triennium, postea verò biennium se
 dedisse. Hæc cum ita sint, nunc satis apparet quid si-
 bi voluerint Iurisconsulti de iis differentes qui soli-
 dum ex aliorum testamentis consequi lege Papia pro-
 hibentur. c. 72. & c. 88. §. fin. de hæred. instituend. c. 6.
 de vulgar. & pupil. cap. 16. §. 13. ad S. C. Trebel. c. 67. in
 fin. d. tit. De orbis enim sentiunt & patribus solitariis
 quos certum est solidum consequi non potuisse. iisque
 auferri solere quod capere non poterant, & in arariū
 redigi. d. c. 67. in fin. & c. 12. §. fi. de iure fisci. Cœlibes
 autem nihil potuisse capere, aded verum est vt scripse-
 rit Vlp. tit. 17. quod cœlibi testamento relictum est, caducum
 fieri, si legi intra dies centum cœlebs non paruerit. D'equè eo
 arbitror sensisse Clementem cap. octagesimo secundo

420 IAC. RÆVARD. TOM. I. COMM.
de acq.hæred. Vnde & illud perspicuum est quod hæ-
regula traditur. Cùm enim ea ex Pauli ad legem Iu-
liam & Papiam libro tertio desumpta sit, cerrè ad co-
libes, orbos, & patres solitarios non incommode vi-
detur referri posse: præsertim cùm scripserit Vlpianus
*eos qui solidum capere non possunt ex asse hæredes institui-
& rogatos restituere solidum, adire hæreditatem & restitu-
re cogendos esse, cap. 16. §. 13. ad S C. Trebel. Quænam*
enim alia huius responsi esse ratio potest, quàm quod
orbis aut solitarius pater nihil contra legem Papiam
faciat, integram huiusmodi hæreditatem adeundo.
Ipsa enim aditione nihil acquirit sibi, quo fit vt nec
restitutione quicquam desinat habere. Siquidem vi-
deri non potest restituendo desisse habere hæredita-
tem, qui eam non habuit adeundo. Et hoc est, quod
ait hac regula Paulus, *non videri eum desisse habere, qui*
nunquam habuit.

CCIX. VLPIANVS LIB. IV. AD
LEGEM IULIAM ET PAPIAM.

Servitutem mortalitati ferè comparamus.

CERTVM est ex lege Papia legatum intercidere,
si ante aditam hæreditatem mortuus sit legatarius.
Quid autem si servus factus sit? Idem erit iuris, c. 59. de
condic. & demonst. Nam *servitutem mortalitati ferè com-
paramus, d. c. 59. cap. 23. quand. dies legat. cap. 32. §. 4. de*
don. inter vir. & vxor. Et ita regulam hanc interpreta-
tus est Gifanius noster, meo quidè iudicio rectissime.

CCX. LICINIVS RVFINVS LIB. II.
REGVLARVM.

Quæ ab initio inutilis fuit institutio, ex postfacto conue-
lescere non potest.

SCRIPSIT

SCRIPTIT Licinius Rufinus libro secundo Regularum de formula testamenti. Eamque formulam honorario & civili iure inter alia necessario requirere ait testes idoneos hæredisque institutionem non vitiosam: testes autem idoneos non esse, quibus imperari à testatore potest, ut testes fiant, cap. 6. de testib. §. in testib. Inst. de testam. Certi etiam iuris est non posse vllum testamentum valere, quod hæredem non habet, cap. 3. de his quæ in testamen. del. Hæredemque nullum intelligitur habere, si tum eo scriptus est hæres, testamenti factio temporibus tribus diuersis non fuerit, videlicet testamenti facti tempore, ut possit valere institutio; & tempore mortis testatoris, ut habeat effectum; & denique cum aditur hæreditas, cap. 49. §. 1. de hæredib. instit. Et hoc ita, si testator miles non fuerit, cap. 13. §. 1. de testam. milit. Eoque non dubium est quin hac regula respexit Rufinus. Per initium enim tempus intelligit nunc est institutio, ex postfacto nec morte testatoris, nec etiam aditione hæreditatis potest conualescere: quemadmodum nec ea valet institutio, quæ ab initio utilis existens tempore mortis testatoris, aut intra diem cretionis efficitur inutilis. Nec est quod obiicias, *Lati-* num & cœlibem, cum quibus testamenti factio non est, si mortis testatoris tempore, aut intra diem cretionis, hic quidem paruerit legi Papia, ille verò civis Romanus fiat, hæredes esse posse, ideoque ab Vlpiano traditum esse tit. 22. Non enim vitiosa est huiusmodi institutio, tum quod ei insit tacita conditio, quemadmodum demonstrat Vlpianus, tit. 17. de caducis differens; tum etiam quod regula *Catoniana*, nec ad institutiones conditionales, nec ad leges novas pertineat, cap. 4. & cap. 5. de reg. Caton. Nam per novas leges non dubium est quin leges Iunia Norbana de Latinis, & de orbo ac cœlibe Iulia & Papia in-

422 IAC. REYARD. TOM. I. COMM. &c.
telligantur. Ad huiusmodi enim leges Catonianam
definitionem non pertinere, adeò verum est, vt seruum
cœlibis aut orbi hæres institutus ad hæreditatem ad-
mitteretur, si dominus legi Papiæ non pareret, &
seruum manumitti vel alienari contingeret, antequam
adiretur domini iussu hæreditas, cap. 82. de acquir. hæ-
red. Illud autem non faciliè dixeris, quia fieri possit, vt
verum sit quod Papinianus ait, *Catonianam regulam*
ad hæreditatem non pertinere, cap. 3. de reg. Caron. Est
enim certissimum, eas ad puras institutiones omnino
referri, cap. 8. de lib. & posthum. Qui putat locum cor-
ruptum esse, probabili sanè vtitur coniectura. Liber-
tatis enim & hæreditatis nomina sic interdum con-
fusa librariorum negligentia inueniri, vt alterum fre-
quenter alterius occupauerit locum, ex Quintilian.
Declamatione, cui tit. est. *Rusticus parasitus*, animad-
ueriti. Sic enim habent quidam codices; *Puder dicitur*
quo pretio hæreditatem manciperis: quidam sic; *Puder*
dicere quo pretio libertatem manciperis. Et idcirco in-
terpretis doctissimi Iac. Cuiacij coniecturam, pro *hæ-*
ditates, existimantis apud Papinianum, *libertates* esse
reponendum, omnino probarem, si ad legitimas hæ-
reditates non videretur Papinianus respexisse, d. cap. 3.
Arnobius in Psalms. 5. *Hæreditas de morte parentis na-*
scitur filiis.

CCXI. PAVLVS LIB. LXIX.
AD EDICTVM.

Seruus rei publicæ causa abesse non potest.

SVMPTA est hæc regula ex cap. 7. si quis caus.
quod ab aliis etiam animaduersum est. Hic verò sit
finis, quem Deus optimus maximusque dedit, cui
soli laus, honor, & gloria in omni æuo.

CAP I

CAPITVM QVÆ HIS QVINQVE VARIORVM libris continentur Elenchus.

CAPITA LIBRI I.

- Q**UENAM à iurisconsultis tradita sit iuris partitio. Caput I.
- Quo sensu scripserit Vlpianus, iuris nomen à iustitia descendere. II.
- Explicatur cap. 8. de appellat. & cap. 42. de iniuriis. III.
- Quenam dicantur inanes, & de muliebribus ornamentis quaedam non passim obuia. IV.
- Quo sensu scripserit Vlpianus, vectigalia prædia longo tempore capi posse, cum eadem prædia non posse vsucapi scripserit expresse Paulus. V.
- Emendatur & explicatur Vlpiani locus, de his qui propter loci religionem inde se mouere non possunt. VI.
- Verus intellectus cap. 20. D. Com. diuid. VII.
- Quo sensu scripserit Vlpianus, calceatum debere præfectum vigilum coerrare. VIII.
- De atrocibus iniuriis quaedam non vulgaria. IX.
- De tutela foeminarum, deque lege Claudia tutelari noua disputatio. X.
- Demonstratur Triboniani de compensationibus manifestus error. XI.
- Quo sensu accipiendum sit quod scripsit Vlpianus, statores suos habere in prouinciis proconsules non posse. XII.
- Explicatur L. qui Romæ, §. Flanius, de verborum obligat. XIII.
- Emendatur L. si arbiter, D. de probat. XIV.
- Quot

Quot fuerint pecuniarum fide publica deponendarum apud Romanos rationes. XV.

Emendatur cap. 3. in princ. D. de minorib. XVI.

Notatur Triboniani de minorum curatoribus manifestus error. XVII.

De liberali causa, & de partu agnoscendo, quedam à mine animaduersa ad §. præiudiciales, Instit. de actionibus. XVIII.

Rectè Vlpianum scripsisse, electrum auri appellatione contineri. XIX.

De legitimo luctus tempore, & luctus quomodo dominus soleat, obiter explicatum. XX.

CAPITA LIBRI II.

De pactis, & explicatur L. pacta conuenta, D. de contr. empt. I.

Explicatur L. qui viam, D. de noui operis nuntiat. II.

De poena periurij. IV.

Quid per arculam intellexerint Iurisperiti. V.

Quomodo qui spondet, ipso iure ex sponsu sit obligatus. D. de VI.

Verus intellectus §. pactus ne peteret, L. si unus, pactis. VII.

Auersio quid à sectione differat. VIII.

Quid sit testes de domo producere. IX.

Marcelli locus apud Vlpianum de curatoribus pupilli, prodigi, vel furiosi, explicatur nouo sensu. X.

Indicatur de tutoribus foeminarum Triboniani error. XI.

Conciliatio vera, cap. 39. de statulib. cum cap. 14. de questionibus. XII.

Quid sit Xpñsis. XIII.

Exceptiones pro pactioibus interdum à veteribus usurari. XIV.

Explicatur cap. 31. D. de poenis. Emendatur

- Emendatur & explicatur Vlpiani locus, de eo qui equo publico in causa publica transuehitur. XV.
- Quae dicantur diuisiones, & quid sit apud Paulum ad diuisionem singulorum ciuium legare. XVI.
- Quo sensu Vestales virgines capi scripserit Vlpianus: & locus A. Gellij restitutus ex manuscripto codice. XVII.
- De triumphis capitalibus. XVIII.
- Conciliatio cap. 81. de furtis, cum cap. 4. §. 4. ad L. Iul. peculat. XIX.
- De his qui officij causa in prouinciis agunt vel militant. XX.

CAPITA LIBRI III.

- Quae nominibus obligatio fieri dicatur, & de signatoribus quadam non vulgaria. I.
- Explicatur cap. 8. D. de public. & vectig. II.
- De gemmarum prapositionibus quadam à nemine animaduersa. III.
- Verus intellectus cap. 1. de legat. I. IV.
- Emendatur & explicatur Callistrati locus de magna capitis diminutione. V.
- Explicatur cap. 39. D. de iniuriis. VI.
- Elegans pandectarum Florentinarum lectio defenditur in cap. 9. D. de dolo malo. VII.
- Potuerint haeres quod furtum antea factum esset, recte furti agere. VIII.
- Emendatur cap. 7. C. de solut. IX.
- De nominibus Antoninarum, & veris eorum differentiis. X.
- De iis qui questus causa in certamen descendunt, & propter premium in scenam prodeunt. XI.
- De custodia reorum. XII.
- Defenditur lectio Florentina de fusionibus fisco prestandis.

dis.

*De plus petentibus.**Ad Ellipses substantiuorum animaduersio singularis.**De vigesima rerum venditarum locus pandectarum expli-*

catur.

*Que dicatur arctior annona.**Que fuerit de Pyrrhi captiuis Appij Claudij sententia.*

XVIII.

*Emendatur Callistrati locus cap. 27. de pœnis.**An soli pretores Roma, & in prouinciis præsides soli de libertate iudicauerint.*

CAPITA LIBRI IV.

*Emendatur & explicatur conuentionum ab Vlpiano tradita diuisio cap. 5. de pactis.**Cur à pratoribus decreta Latinè debuerint interponi, emendatumque Arcadij & Honorij rescriptum.**Sub pellibus quid sit apud Celsum & Labeonem.**Quid ab erario fiscus differat.**Emendatur Vlpiani locus.**Verus intellectus L. Transigere, C. de transact.**Quid sit apud Vlpianum, circa stationes se occultare.*

VII.

*De tribunatu numerorum: emendaturque c. ult. C. de testamento milit.**Que fuerit vindicta manumittendi ratio.**Qui puberes, & quid habitus corporis sit: insignisque Tribonian error demonstratur.**De vera sententia c. 1. C. de custod. reor.**Que dicatur materfamilias.**Quale fuerit iudicium de moribus quod esse sublatum Iustinianus voluit.**Notatur Iustiniani constitutio de tempore dirimendis ciuilibus*

libus controuersis præfinito.	XIV.
Ad L. 15. D. de iureiurando.	XV.
De iustis uxoribus, & iniustis.	XVI.
De comitibus matrumfamilias & matronarum.	XVII.
Verus intellectus L. ob æs alienum, C. de obligat. & actionibus.	XVIII.
Indicatur Triboniani facinus quoddam, & explicatur Vlpiani locus perdifficilis.	XIX.
Verus intellectus. L. cum vir. C. ad L. Iuliam de adulteriis.	XX.

CAPITA LIBRI V.

De veris agnationum cognationumque differentiis.	I.
Quid sit gratiam iurisiurandi facere in L. Labeo etiam, D. de iureiur.	II.
Quæ dicatur feralis pestis in rescripto quodam Imperatoris Constantini.	III.
Ad L. inuiti, D. de testib.	IV.
Quid sit per salutem suam, quid item per Iouem iurare atque inibi de vero sensu cap. 33. de iureiur.	V.
Quæ dicantur ambitiosa decreta, & expenditur explicaturque Vlpiani locus perdifficilis.	VI.
De superindictionibus.	VII.
Indices olim in leges iurare solitos: & quid sit apud Horatium Puteal Libonis.	VIII.
Iteratarum dictionum observatio singularis.	IX.
De pœnis iniuste prouocantium, & quæ dicatur præiudicialis multa.	X.
Quæ sint vela regia.	XI.
De iure publico.	XII.
Responsum quoddam Martiani integrum non videri, & illud quomodo restitui possit obiter demonstratum.	XIII.

De ludis Circensibus explicantur leges quadam obscuriores.

XIV.

Quæ sint inimicitie capitales.

Explicatur Tit. 17. lib. 2. Codicis Iustiniani Caesaris.

Quo sensu scripserit Celsus, pecuniam sine peculio fragilem esse.

Emendatur & explicatur cap. ult. D. de restit. in integrum.

Quid sit apud Ulpianum, extra ordinem ferias indicere.

XIX.

De ordinariis, vicariis, & mediastinis servis.



IACOBI RÆVARDI IVRISCONSULTI

VARIORVM, SIVE DE Iuris ambiguitatibus

LIBER PRIMVS.

CAPVT I.

Quenam à Iurisconsultis tradita sit iuris partitio.



VVM de aequo & iniquo differitur, æquitatis loci bipartito cernuntur, inquit Cicero, † natura & instituto. Naturam Iurisconsulti sic acceperunt, vt eius interpretationem esse duplicem contenderint: vnā quidem humano generi cum belluis ipsis communem, alteram verò solis hominibus propriam. duplici enim homines natura indutos esse, scribit eleganter Connanus: vna, qua Deo assimilatur: altera, secundum quam dicitur masculus & foemina. Humanitas enim inter extrema duo quasi media sita est, scilicet inter diuinam incorporeamque, & inter sensitiuam brutorumque naturam, ac vtriusque hominem esse participem, in Genesin scribit Procopius. Et quia vtrāque iuris quadam functione est prædita, hinc etiam factum est vt duplex sit iuris naturalis interpretatio: sic nimirum vt ius aliquod natura hominibus cum belluis communis obseruari præcipiat, & ratio quoque quadam iuris functione humani generis societatem foueat.

foueat. Vlpianus sanè naturale ius illud, cuius peritiam omnia animalia censentur, ius esse ait quod natura omnia animantia docuit. c. 1. de Iust. & iur. Ius autem quod à iubendo nomen accepisse dubium non est, in iis solùm versabatur, in quibus esset de æquitate disceptatio. Aliud igitur iussus & imperium, aliud item ius erat. Quicquid iubebat natura, iussus, imperium, imperus, & instinctus, non ius dicebatur, nomen enim iuris ad ea quæ ex æquo & bono constabant, duntaxat referebatur. Nam quæ præter instinctum naturæ simplicem, vim quandam æqui bonique amplectebantur, iuris nomine velut æquo bonoque proprio, complexi sunt veteres. Ius igitur naturale est illud, quod ius natura docuit omnia animantia: cuius generis sunt, liberos educare, vim vi repellere, & id genus alia. Quæ quod iustitiæ æquitatisque effigiem, seu quandam ideam præ se ferant, iuris idcirco nomine comprehenduntur. Quin & altera iuris naturalis interpretatio, ius quod solos homines naturalis ratio docuerat, iuris etiam naturalis nomen obtinebat: verùm hac discriminis ratione, quod istud indirectè seu per consequens, alterum verò directè naturale vocaretur. Ius ergo naturale duplex erat: vnum quod natura docuerat, alterum quod ratio. Quod natura docuerat, idè naturale dicebatur, quia illud natura docuerat, quæ cunctis hominibus cum belluis communis erat, & sic directè: quod ratio, idè naturale vocabatur, quia ratio quæ solis tributa est hominibus, esset naturalis, & sic indirectè. Non enim idè naturale dicebatur, quod ratio illud docuerat, sed quia ratio naturalis erat, & sic per consequens, & indirectè. Si enim ratio non fuisset naturalis, utique nec ius illud quod ratio docebat, iuris naturalis nomine censeretur potuisset. Hæc si considerasset Laurentius Valla, tam iniquè Vlpiano conuictum

conitium non fecisset, existimans cum in brutis nulla sit ratio, nullum in iisdem ius inesse. Quo quid potest absurdius dici? Si enim vim vi repulero, nonne iure facio: si id bellua fecerit, an quaeso quod in brutis nulla sit ratio, ideò minus iure factum causabere? Vim vi repello, quod illud mihi suggerat, quam præditus sum, ratio: bellua vim vi repellit, quod illam id natura, quam cum hominibus habet communem, sic facere docuerit. Ut enim esset ius, non ex vrentium qualitate, sed ex facto æstimabatur. Proinde quæ ab hominibus vel à brutis fierent, si quam iusti & æqui effigiem referrent, iuris appellatione olim contineri, neminem posse inficari arbitror. Diuiditur autem ius naturale, in ius quod natura docuit, & in ius quod ratio docuit. Rursus, ius illud quod ratio docuit, partim erat constitutum, partim non constitutum. Quod enim naturalis ratio constituit, siquidem inter omnes homines, apud omnes peræquè cunctas gentes vrantur: sin verò inter alicuius ciuitatis populum, ius ciuile dicitur. A iure autem naturæ solis hominibus proprio, ius gentium recedere facile est intelligere, quia ius gentium ius est naturale constitutum & vsu receptum: ius verò naturæ, hominum & in vsu aliquem recipiatur, mutat nomen suum: & siquidem à gentibus, iuris gentium; sin verò à ciuibus, iuris ciuilis nomen adsumit. Hinc seruitus constitutio dicitur iuris gentium: libertas, non naturalis constitutio, sed facultas, cap. 3. de statu. hom. Hinc etiam factum deinde suspicor, ut vim vi repellere, à Florentino iuri gentium adscribatur, cap. 3. de iust. & iur. quòd, si originem spectes, re vera iuris vtiusque naturæ est. cap. 1. §. 16. de vi & vi armata. Est

ergo iuris gentium, & iuris vtriúsque natura simul
 Iuris gentium quidem, quod gentes ex naturali & in-
 nato iure obseruent, vt qui vim vi repulit, non pu-
 niatur: quo spectant hæc Florentini verba: *Nam hoc
 iure enenit, vt quod quisque ob tutelam corporis sui fecerit,
 iure fecisse existimetur.* cap. 3. de iust. & iur. Natura verò
 quod id facere, vt omnibus animantibus natura sic
 hominibus ratio præcipiat naturalis. Vt ita quidem
 eorum opinioni minimè subscribendum sit, qui Ti-
 bonianum (excusantes Florentinum) erroris hic infi-
 mulant. Est etiam eorum sedulo fugiendus error, qui
 à naturali isto iure, gentium ius non distinguunt:
 quod veteres fecisse non est obscurum, si præter defi-
 nitionem iuris ciuilis ab Vlpiano traditam cap. 6. de
 iustit. & iure, consideremus illud ius gentium dunta-
 taxat appellandum esse, quod naturalis ratio inter
 omnes homines constituit, cap. 9. dict. tit. quod na-
 turali ratione inter omnes homines peræque custo-
 ditur, cap. 1. de acquir. rer. domin. Qua in sententia
 etiam Ciceronem fuisse, hinc conijcio, quod ille ius
 hominibus proprium ita partitus sit, vt aliud homi-
 num, aliud gentium, aliud denique ciuium commune
 esse contenderit, in lib. 1. de Orat. Nimirum per ius
 hominum commune, iustam rationem hominum
 institutam inter omnes homines æquitatem intelligens.
 Et ita quidem ius aliud constitutum est, aliud non
 constitutum. Constitutum in ius gentium & ciuile
 diuiditur. De gentium iure, quod ciuili antiquius est,
 satis multa: de iure ciuili alio loco tractabimus. Expo-
 sui paucis, non quid Philosophi, sed quid Iurisconsulti
 de iure eiúsque partibus senserint.

CAPVT II.

Quo sensu scripserit Vlpianus, iuris nomen à iustitia descendere.

AIT Vlpianus: *Iuri operam daturum prius nosse oportet unde nomen iuris descendat, est autem à iustitia appellatum, c. i. de iustit. & iur.* Quum ius iustitia prius sit & antiquius, quomodo illud à iustitia possit descendere, nonnullis visa est quæstio perdifficilis. Existimarem per hoc quod à iustitia ius descendere contingerit Vlpianus, eum non negasse, ius esse prius iustitia: sed nomen illius iuris, quod iustitia prius est & antiquius, à iustitia existimasse descendere. Ius enim in imaginatione positum est, nec certo nomine alio quam iuris aut æquitatis designari potest: iustitia est quædam virtus, qua in reddendo iure constituendoque fungimur. Hæc iustitia dat nomen iuri, non ut ius dumtaxat appelletur, quod per eam exercetur: verum ita, ut ius per iustitiam speciei insuper adsciscat expressam designationem. Nam quum ius ad actionem & exercitium trahimus, tunc iustitia siue virtus illa qua id fit, imponit nomen iuri: & siquidem inter ciues illud fiat, non ius solum, sed ius ciuile: sin inter gentes, ius gentium vocabitur. Quum enim ius nihil aliud sit quam iustus, iustitia verò virtus, qua qui sic iubet, præditus est; sequitur ut qui iustitia fungitur, nomen imponat iuri. Hinc eam Aristoteles Ethicorum lib. 5. *videri ait affectionem animi iustitiam, qua apti sumus ad res iustas gerendas, quaque res iustas facimus & cupimus facere.*

CAPVT III.

Explicatur cap. 8. De appellat. & cap. 42. De iniur.

QUOD Vlpianus scribit, *cum in unum complures voces conferuntur, conuitium appellari, quasi conuo-*
E e cium;

cium, c. 15. §. 2. de iniur. id perpetuò verū non est. Nam
 is qui aliquem reprehendit, etiamsi in vnum voces
 complures non conferantur, rectè nihilominus conui-
 tium facere dicitur. Quo sensu *conuitium facere* C. l. i. in
 iudici questionis, pro Cluentio Auito: & pro Quinctio,
 sustinere quotidianum alicuius conuitium, scripsisse videtur
 est Cicero Nec est etiam omne conuicium iniustum
 aut inhonestum. Nam posse alicui conuicium iuste
 honestèque fieri, ostendit Plinius, cū sic lib. 6. Epist.
 scribit. Proinde etiam atque etiam rogo, ut mihi semper ea-
 dem simplicitate, quoties cessare videor (nunquam enim ces-
 †sabo) conuicium facias. Ostendit id ipsum Cicero sic
 Cornificio scribens Epist. Famil. libro 12. Meo infissi-
 mo honestissimoque conuicio, te tuam dignitatem summam tuam
 virtute tenuisse, prouinciaque honoribus amplissimis affe-
 ctum, vehementer gaudeo. Hinc quod Vlpianus & Pau-
 lus scribunt iudici ab appellatoribus conuicium fieri non
 oportere, alioquin eos qui conuiciantur, infamia notari ple-
 tique diuos fratres voluisse, (cap. 42. de iniur. & cap. 8. de
 appellat.) illud de iis esse accipiendum rectè videtur
 qui sententias iudicum reprehendunt, eorumque pro-
 nuntiationi contradicunt. Huiusmodi enim homines
 plecti solere docet euidenter Apuleius in prima Apol.
 vbi de Sicinio Æmiliano loquitur; quem cū cum prima Apol.
 auunculi sui testamentum quod verum sciebat, pro
 falso infamasse, subiecit: *Tanta quidem perrinacia, ut*
quum Lollius Urbicus v. c. verum videri, & ratum esse
debere, de consilio consularium virorum pronuntiasset, con-
tra clarissimam vocem iurauerit recordissimus iste tamen.
illud testamentum fictum esse, adeò ut agrè Lollius Urbicus
ab eius perniciè temperarit. Et id quidem adeò ve-
rum erat, ut contenderit expressè Plinius, ne interro-
gare quidem fas esse, de quo pronuntiatum est. Scribit enim
 Voconio libro primo Epist. interrogatum se à Regulo,
 ecquidnam

equidnam de Metti Modesti, qui Domitiano relegatus erat, pietate sentiret, his verbis respondisse: *Quæris, inquam, quid sentiam? At ego ne interrogare quidem fas puto, de quo pronuntiatum est. Conticuit, inquit Plinius, me laus & gratulatio secuta est, quod nec famam meam aliquo responso, vitiosius in honesto tamen læseram, nec me laqueis tam infidiosa interrogationis inuolueram. Et paulò post: Ecce tibi Regulus. Quæro, inquit, Secunde quid de Modesto sentias: Vides quod periculum? si respondissem bene? quod flagitium, si male? Huc accedit quod Sidonius Apollinaris sic epist. libro primo scribit: *Namque hîc quoq; cumulus accedit laudibus imperatoris, quod amare palam licet & capite damnatos. Et hæc quidem quum ita sint, non esse tunc admodum obscurum puto, quid sibi voluerit Paulus Sentent. libro quinto, tit. 35 quum ita scribit: Eum qui appellat, cum conuicio ipsius iudicis appellare non oportet: idè quod ita factum est, arbitrio principis vindicatur. Illud enim de eo esse accipiendum dubium non est, qui sic formulam appellationis concipit, ut in ea iudicis sententiam cludat, hunc in modum: Quia malè iudicatum est, appello. Id enim fieri boni mores non patiuntur.**

C A P V T IV.

Quenam dicantur inaures, & de muliebribus ornamentis quedam non passim obuia.

ORNAMENTA, inquit Vlpianus, muliebria sunt, quibus mulier ornatur, veluti inaures, armille, viriole, annuli præter signatorios, & omnia quæ ad aliam rem nullam parantur, nisi corporis ornandi causa: quo ex numero etiam hæc sunt, aurum, gemma, lapilli, quæ aliam nullam in se utilitatem habent, cap. 26. De aur. arg. eleg. Testatur Isidorus, ab aurium foraminibus, ex quibus

pretiosi lapilli dependebant, in aures nuncupatas esse. Idque verissimum docet apertè diuus Hieronymus, sic enim in epistola quadam Demetriadi scribit: *Vi taceam de aurium pretiis, candore margaritarum, rubri maris profunda testantium, smaragdorum virore, cerauniorum flammis hyacinthorum pelago, ad quæ ardent & insanium stridit matronarum.* Accedit & illud eiusdem ad Latam: *Cave ne aures eius perfores, ne cerussa & purpurisso confectis Christo ora depingas, nec collum auro & margaritis premas, nec caput gemmis oneres.* Idem Hieronymus eleganter de Romanis matronis, in vita B. Marcellæ viduæ Romanæ differens, sic ad virginem Principium scribit: *Ille solent purpurisso & cerussa ora depingere, sericis minoribus vestibus, splendere gemmis, aurum portare ceruicibus, & auribus perforatis rubri maris pretiosissima grana suspendere, fragrare musco mure, maritos ita plangere, ut tandem dominatu eorum se caruisse latentur.* Eoque etiam spectat, quod in libro de habitu virginum Cyprianus scribit: *Non inferantur auribus vulnera, nec brachia includat aut colla de armillis & monilibus pretiosa cæue, sint à compedibus aureis pedes liberi, crines nullo colore fasciati, oculi conspiciendo Deo digni.* Quam autem ætate consueuerint aures virginum perforari, optimè in eodem de habitu virginum libr. tradidit his verbis Cyprianus: *An vulnera inferri auribus Deus voluit, quibus innocens adhuc infantia & mali secularis ignara crucietur, ut postea de aurium cicatricibus & caueis pretiosa grana dependeant, & etsi non suo pondere, mercedem quantitate? Et hæc quidem de inauribus sufficerent, nisi de iis meminissem hæreticum quendam nomine Iulianum, eleganter etiam ad Demetriadem virginem scripsisse, in libro de institutione morum virginis: Seculi, inquit Iulianus, virgines, quæ se nuptiis preparant, & indulgentiam Apostoli magis quam consilium sequi malunt.*

magis amplectuntur incontinentiæ remedium; quam premium continentia; ut sponsis placeant, eosque in amoris sui magis incitent, mira solitudine se formare student, & naturalem corporis pulchritudinem, ornandi arte commendant. Hæc est illis per dies singulos cura præcipua, de ardentibus fucis colorare faciem, implicare auro crinem, & dedere ex auribus patrimonia, brachia ornare monilibus, & latera, inclusas auro gemmas à collo in pectus demittere. Hæc Iul. cuius libro de institutione morum virginis, operum diui Hieronymi tom. 4. præponitur. De inauibus visus est etiam sentire Seneca in libro de beata vita, dum ita scribit: *Quare vxor tua locupletis domus censum auribus gerit? Et libro secundo ad Serenu. Quid refert, inquit, quantum habeat, quot lecticarios, quam oneratas aures, quam laxam sellam?*

C A P V T V.

Quo sensu scripserit Vlpianus, vectigalia prædia longo tempore capi posse, cum eadem prædia non posse vsucapi scripserit expressè Paulus.

CIVES Romanos prouincialesque in prouinciis prædia possedisse & emancipasse, ex Plinio Mostino, & Cicerone in libro singulari ad leges 12. tab. est à nobis demonstratum. Id ipsum confirmat Hygenus Augusti libertus libro 2. de limit. constit. *Hi agri, inquit, qui redditi sunt, non obligantur vectigalibus, quoniam scilicet prioribus dominis redditi sunt.* Accedit huc etiam elegans eiusdem Hygeni, fundorum exceptorum & concessorum differentia. *Excepti, inquit, sunt fundi bene meritorum, ut in totum priuati iuris essent, ne Colonia ullam munificentiam deberent, essent in solo populi Romani: concessi sunt fundi, è quibus est indultum, cum*

*possidere unicuique plus quàm edictum continebat non lice-
 ret. Nec aliò referendum videtur, quod de prædiis
 prouincialibus hunc in modum Sidonius Apollinarius
 scribit epist. libro 5. Hi sunt qui inuicem tunicatis
 stipendia paludatis, viatica veredariis, mercatoribus
 dinas, munuscula legatis, portoria quadruplatoribus,
 prouincialibus. Et quia in solo prouinciali prædia que-
 dam mancipi, quædam nec mancipi fuisse constan-
 dendum est, hæc ab inuicem qua ratione discernen-
 tur prædia illa, quorum legitimum dominium ad ci-
 uem Romanum, aut ad prouincialem aliquem perti-
 nebat, prædia dicebantur mancipi à mancipio, hoc est
 dominio legitimo. Ea verò prædia quorum proprietas
 ad populum Romanum, aut ad principem spectabat,
 prouincialibus nuda duntaxat eorum possessione reli-
 cta, nec mancipi esse dicebantur, qualia sunt prædia
 vectigalia, stipendiaria, & tributaria. Vectigalia enim
 reipublicæ populi Romani, tributaria verò & stipen-
 diaria principis erant proprietate, vsu verò & fructu
 possessorum. Et idcirco sic alienari non poterant, ut
 Romano populo aut principi eorum adimeretur pro-
 prietas Cessione tamen, auctore in fragmentis Vlpiano,
 rectè alienabatur: verum ita, ut illo eodem vtendi fructu
 di iure, siue, ut Accursianorum verbo vtar, vtili (quod
 tamen rectiùs bonitarium appellatur) dominio, quo
 in huiusmodi prædiis utebantur, alteri rectè apud pro-
 uinciæ præsidem possessores cederent, proprietate in-
 terim populo & principi semper salua, cap. 71. in fine
 de legat. 1. Eaque ratione videntur, etiam huiusmodi
 prædia olim longa possessione acquiri consueuisse, quæ
 tamen vsucapi posse negauit expressè Paulus cap. 12.
 de pub. in rem act. Igitur prædia vectigalia vsu non
 capiuntur, capiuntur tamen longa possessione, cap. 15.
 §. 13. de damno infect. Vsu quidem non capiuntur ea
 ratione,*

atione, quares sacra & sancta non possunt vsucapi,
 cap. 9. de vsucap. habita scilicet solius iuris, nulla facti
 consideratione. *Vetant*, inquit Seneca, *iurisperiti quic-*
quam publicum vsucapi. Et idcirco populo Romano
 praediorum istiusmodi nullo vsu, nullo tempore, adi-
 mi proprietates potuit. Sed quia vsu & fructu possessio-
 rum erant; idcirco non proprietates quidem, verum vsus
 eorum & fructus, recte longa possessione capi pote-
 rant. Nec sane absurdum est, cum legimus praedia nec
 mancipi longa possessione capi, ut eo modo acquiri
 longa possessione huiusmodi praedia intelligamus, quo
 per vsu, proprietate salva, possunt acquiri. Proinde
 sic vsucapi, siue longa possessione (quae in legitimae
 vsucapionis locum diu ante tempora Iustiniani suc-
 cessit) acquiri praedia vestigalia interpretabimur, ut
 vsus eorum & fructus (solent enim in annos centenos
 plerumque aut in perpetuum locari) ab improbo pos-
 sessore alteri in iure cessus, longo tempore sic bona fi-
 de possidenti acquiratur, ut verus eorum possessor, iu-
 sta bonae fidei possessoris praescriptione, prorsus ab
 aliis excludatur. Eoque sensu ad possessorem bonae fi-
 dei, praediis vestigialis dominium transire dicebatur,
 quo libera eodem praedio utendi fruendi potestas ac-
 quisita eidem bonae fidei possessori longo tempore exi-
 stimabatur, d. §. 13. Et ita quae vsucapi non poterant,
 recte per longam possessionem acquirebantur praedia
 vestigalia, quod à nemine animaduersum est.

CAP. VI.

*Emendatur, & explicatur Vlpiani locus, de his qui propter
 loci religionem inde semouere non possunt.*

EXPONENDUM est, quid sibi voluerit Vlpianus,
 quum eos scriberet in iis vocari non posse, qui propter
 loci

loci religionem inde se mouere non possunt, cap. 2. de in ius
 voc. Existimo locum hunc corruptum esse, & sic resti-
 tuendum, ut pro *semouere*, legamus *semoueri*, atque ita
 intelligendum, quasi dixerit Vlpianus, eos qui ad aras
 deorum, aut alium locum aliquem, cuius religio impe-
 dit, quominus quis inde inuitus semoueat, confu-
 giunt, vocari in ius trahi, aut rapi inde non posse. Nec
 quidem dubium est, quin hi qui ad fana, ad aras Deo-
 rum confugiebant, in iis sic essent tuti, ut inde voca-
 ri aut trahi ad prætorem inuiti non possent. Idque à
 Cicerone, Plauto, & aliis præclaris auctoribus passim
 † traditum est. Cicero in orat. pro domo sua: *Hic ars
 sunt, hinc foci, hinc dii penates, hinc sacra religionis ceremonie
 continentur, hoc perfugium est ita sanctum omnibus, ut in-
 de abripi neminem fas sit.* Plautus in Rudente:

Ferte suppetias, qui Veneri Venerique anstite

More antiquo in custodiam suam commiserunt capui.

Et paulò post,

— Mulieres

Dua innocentes intus hic sunt tui indigentes auxilij.

Quibus aduersum ius legesque insignita iniuria hic

Facta est, sitque in Veneris fano.

Alius Lampridius in vita Elagabali, sic de Elagabalo
 scribit: *Hic fertur occiso Macrini factione patre, ut dice-
 batur, Antonino, in templum Dei Elagabali confugisse, velut
 in asylum, ne interficeretur à Macrino, qui saeuissime cum si-
 lio luxurioso & crudeli exercuit imperium.* Sidonius Apol-
 linaris epist. lib. 1. *Implet quotidie syluas fugientibus, vil-
 las hostibus, altaria clericis, carceres reis.* Et hæc quidem
 moris antiqui religionisque prærogatiua tam seruis
 quàm liberis hominibus competeat. Idque in eadem
 comœdia testatur etiam Plautus his verbis:

Mihi non liceat meas ancillas Veneris de ara abducere?

DÆ. *Est lex apud nos.*

Eoque

Eoque spectat quod idem Plaut. sic in Mostel. scribit.

Immo primum volo.

Questioni accipere seruos. T R. faciundum adepol censeo.

Ego interim hanc aram occupabo. T H. Quid ita?

T R. Nullam rem sapis.

Ne enim illi huc confugere possint, questioni quos dabit. Igitur qui ad huiusmodi locum confugit, cuius impedit religio quominus quis inde semoueat inuitus, is inde vocari, trahi, aut rapi in ius non potest.

CAPVT VII.

Verus intellectus cap. 20. D. Comm. diuid.

DI VORVM Seueri & Antonini rescriptum est, ne quis absens puniatur: neque enim in audita causa quendam damnari æquitatis ratio patitur c. 1. de req. reis. De hoc rescripto Tertullian. qui sub istis imperatoribus vixit, sentire omnino visus est in Apologetico, dum ita scribit *Respondendi, altercandi facultas patet, quando nec liceat indefensos & inauditos omnino damnari.* Ad quod rescriptum etiam referendum videtur quod sic Apulcius scribit, de asino l. 10. *Nec ad instar barbarice feritatis, vel tyrannica impotentie, damnaretur aliquis inauditus, & in pace placida tam durum saculo proderetur exemplum.* Ideoque si reus absens gradus adnotari solet, ut copiam sui præstet. d. c. 1. Si que ad edictum magistratus non responderet, nec ab aliquo defenderetur, eius bona post annum in fiscum cogebantur. c. fin. d. tit. Sed quorsum hæc? Nimirum ut intelligamus quid sibi voluerit Pomponius, quum ita scriberet: *Si is cum quo fundum communem habes ad edictum non respondit, & ob id motu iudicis villa diruta est, aut arbuta succisa sunt, præstabitur tibi detrimentum*

iudicio communi diuidendo, c. 20. comm. diuid. Florentiæ pro Ad edictum, rectius Ad delictum quam, ut Duarenus emendauit, Ad delectum legitur. Ad delictum, & ad edictum non respondere, in effectu eadem sunt. Nam si reus latitans ad edictum magistratus non respondet, certè nec ad delictum responderet quod illi impingitur. Eorum autem qui ad delectum non respondebant, villas dirutas, aut arbuta succissa nusquam traditum est. Sanè nefarii sceleris criminis, que horrendi reis maximam tunc pœnam conficiunt, expresse testatur apud Pontifices pro domo sua Ciceronari iubetur. Sp. Mely. inquit Cicerò, regnum appertis domus est complanata. Ecquid aliud æquum accidisse Melio populus Romanus indicauit? Spurius Cassij domus ob eandem causam euersa, atque in eodem loco ædis posita Telluris. In Vaccii pratis domus fuit M. Vaccii, que publicata, & euersa, ut illius facinus memoria, & nomine loci notaretur. Et paulò post: M. Flaccus quia cum Caio Graccho contra salutem reipublice fecerat, & senatus sententia interfectus, & eius domus euersa & publicata est, in qua porticum post aliquanto Q. Catulus de manubiis Cimbricis fecit. Et hæc quidem omnia etiam Valerij confirmantur auctoritate, qui de Spurio Cassio ad hunc modum scribit lib. 6. cap. 3. Senatus enim populisque Romanis, non contentus capitali eum supplicio afficere, interemptum domum superiecit, ut penarum quoque strage puniretur. In eodem loco sic de Spurio Melio scribit idem Valerius: Quantum ergo odij aduersus hostes libertatis infestum animis antiqui haberem, parietum ac testorum in quibus versati fuerant, ruinis testabantur. Idèoque & M. Flacci, & L. Saturnini seditiosissimorum ciuium corporibus trucidatis, penates ab imis fundamentis eruti sunt. Quod igitur Pomponius de villa diruta & succissis

iuccis arbutis ait, illud ad sceleris atrocioris, præ-
 fertim perduellionis, reos latitantes, nec ad edictum
 magistratus respondentes, pertinere omnino videtur.
 Quod autem de motu iudicis idem Pomponius scri-
 bit, profectò id mihi valdè suspectum est, & pro *motu*
iudicis legendum *magistratus imperio*, omni ausim as-
 feuratione contendere; errorèque ex his notis M.
 I. exortum videri, quibus tam magistratus imperium
 quàm motus iudicis designari potuit. Ædes enim
 damnatorum non motu iudicis, sed magistratus im-
 perio dirui solitas testatur non obscurè Plinius, quum
 sic in libello de viris illustribus de Lucio Quinctio
 Cincinnato scribit: *Iterum post viginti annos Dictator*
dictus, Spurius Melium regnum affectantem, à Servilio
Hala magistro equitum occidi iussit domum eius solo aqua-
uit: unde locus ille Equimelum dictus. Porro si cui
 hæc non probabitur interpretatio nostra, videat ille
 an verius ad finium regundorum controuersiam re-
 spexerit in hoc responso Pomponius, quàm ad cri-
 etiam horrendi reos: præsertim cum sic Paulus
 succidenda arbore, vel edificio in fine posito depo-
 nendo, partève eius, condemnabitur, cap. 4. §. 3. fin. re-
 gund. Vt sic contendisse videri Pomponius possit, eum
 qui in finibus vicini fundi tanquam in proprijs edi-
 ficiis aut arborem posuerat, edictis tribus euoca-
 tum, nec respondentem, quasi contumacem condem-
 nari, & iudicis qui de finibus cognoscit, motu; edi-
 ficiis in fine positum, eiùsve partem, dirui aut ar-
 borem succidi cõsueuisse. Et proinde, si fundus reo la-
 titanti communis esset cum alio, solebat actione com-
 muni diuidendo omne detrimentũ illud, quod is cum
 quo cõmunis est fundus, passus erat, præstari. Et quã-
 vis hæc ira se habeant, hæc tamen interpretatione
 poste

posteriore idcirco mihi prior illa visa est multo probabilior, quod in Florentinis pandectis pro *Ad edictum*, expressè *Ad delictum* legi videam. Sed cum veritas & ratione & legum constet auctoritate, profectò lectori quam velit amplectendi liberam potestatem facio.

CAPUT VIII.

Quo sensu scripserit Ulpianus, calceatum debere præfectum vigilum coërrare.

CIVES Romanos calceis usos esse, ex Tertulliano liquet, qui togæ tormentum proprium calceos fuisse contendit in libro de pallio his verbis: *Calceos nihil dico, proprium togæ tormentum, immundissimam pedum tutelam.* Idem auctor est, calceos quosdam mulleolos, quosdam puros fuisse. *Impuro*, inquit, *crurorum aut mulleolum inducit calceum.* Et quia *lunulus* illos qui nobilitate apud Romanos præstare videbantur, in calceis tulisse refert in problematibus Plutarchus, idcirco dubium non videtur quin per mulleolos, lunulatos calceos; & per puros, eos qui ex puro corio sine lunulis facti erant, qui *perones* appellantur, intellexerit Tertullianus: vel hinc potissimum, quod *mulleis* reges Albanorum primos, deinde patricios usos esse scripserit Pompeius Festus. Eoque sensu *calceos patritios* esse accipiendos puto in hac inscriptione: *ÆDEM HONORI ET VIRTUTI FECIT, VESTE TRIMPHALI, CALCEIS PATRICIIS.* Nec sanelle iisdem usi sunt Romani magistratus calceis. Ex ijs enim quidam mulleis, quidam peronibus induebantur: curules magistratus mulleos lunulatos, cæteri perones gestabant. Idque Marcum Catonem testis est idem Festus, originum libro 7. sic scripsisse: *Qui magistratum*

fraum curulem cepisset, calceos mulleos allucinatos, ceteri perones. Quo quidem in loco pro *allucinatos*, aut *alutatos*, aut *lunulatos* esse legendum, rectè vir quidam eruditus admonuit. Per *perones* autem non rusticos cum Seruio, sed potius cum Tertulliano puros calceos intelligemus: quibus per niues, imbres, & glaciem veteres etiam vsos esse Iuuenalis his versibus auctor est Satyr. 14.

*Nil veritum fecisse vult, quem non pudet alto
Per glaciem perone tegi.*

Eodem sensu perones accepisse videtur Sidonius Apollinaris epistolar. lib. 4. *Quorum pedes, inquit, primi perone setoso talos ad usque vinciabantur, genua, crura, suraeque sine tegmine.* Et hæc quidem verissima sunt. Proinde quod ait Vlpianus, *calceatum debere præfectum vigilum coërrare*, cap. 3. §. 3. de offic. præfect. vigil. illud ad perones, non autem ad mulleolos trahendum videtur, tum quod magistratus iste curulis non sit, (qui cum mulleis solet, ut ex Catone probatum est:) tum etiam quod intempesta nocte per niues, per glaciem & imbres præfectus vigilum coërraret, siquidem mulleoli ex *alutis*, hoc est mollioribus pellibus facti, lunulati- que præfecto vigilum coërranti nulla ratione conue- niunt. Quamvis interim dubium non sit, quin in- ter magistratum & civium priuatorum perones fuerit nonnihil discriminis. Fortassis lapillis quibus- dam, gemmisque preciosis magistratum perones exornabantur. Idque eo mihi facilius persuaderi po- test, quod sic in libro de habitu virginis scripserit Tertullianus: *Latent in singulis smaragdi, & cylindros vagine sua solus gladius sub sinu nouit, & in peronibus uniones emergere de luto cupiunt.*

CAPVT IX.

De atrocibus iniuriis quedam non vulgaria.

ATROCEM iniuriam aut persona, aut tempore, aut re ipsa fieri apud Vlpianum ait Labeo. Persona iniuriam atrociorē fieri, quum magistratui, quum parenti patronove, & ut Iulius Paulus scribit, quoties senatori, vel equiti Romano, decurioni, vel alias spectatæ auctoritatis viro, iniuria fit: tempore, si in ludis, & in conspectu Prætoris: re atrocem iniuriam haberi idem Labeo ait, ut puta si vulnus illatum, aut os alicui percussum sit, cap. 7. in fin. de iniur. De atroci iniuria quæ persona fit, sic scribit eleganter Saluianus lib. 6. de prouidentia Dei: *Si illustrem aut præpotentem nequaquam exhonoriari à quoquam licet, & si quisquam exhonoraueit, decretis legalibus reus existit, & iniuriarum actor iure damnatur: quanto itaque maius crimen est, iniuriosum quempiam Deo esse? Semper enim per dignitatem iniuriarum perferentis, crescit culpa facientis: quia necesse est, quanto maior est persona quæ contumeliatur, tanto maior sit noxia eius qui facit. Et id quidem adeo verum fuisse sequenti libro testatur idem Saluianus, ut iniuriæ etiam leuiorē, illustriori tamen personæ aut sublimiori factæ, pro atrocioribus haberentur. Deum ergo, inquit, ô homo, incuriosum & negligentem vocas, si quemlibet ingenuorum hominum hac contumelia laderes, iniuriarum insolentium reus esses: certe si illustriorem quempiam aut sublimiorem, etiam censuram iuris publici sustineres. Pupillis enim vel maxime prodigiis hæc obiciuntur opprobria, perditorum hoc adulescentium speciale conuicium est, ut abusers scilicet & incuriosi ac negligentes rerum suarum esse dicantur. Cæterum tempore atrox efficitur iniuria, si in ludis & in conspectu prætoris*

prætoris eam fieri contingat. Ad ludos spectat illud
 Anobis lib. 4. aduersus gentes. Magistratum in ordi-
 nem redigere, aut senatorem conuicio prosequi, suis esse de-
 cretis periculosissimum poenis. Carmen malum conscribere,
 quo fama alterius coinquinetur & vita, Decemviralibus
 sciti euadere noluitis impune: ac ne vestras aures con-
 uicio aliquis petulantiore pulsaret, de atrocibus formu-
 las constituistis iniuriis. Huc etiam referri debet, quod
 apud Cassiodorum Variarum libro 1. sic populo ko-
 mano rex Theodoricus dicitur scripsisse: *Atque ideo
 edictali programme definimus, ut si atroces iniurias in
 quæpiam senatorum vox iniusta presumpserit, nouerit se
 a præfecto urbis legibus audiendum, ut pro facti qualita-
 te discussa excipiat promulgatam iure sententiam. Quod
 autem ad iniuriam attinet, quæ in conspectu præ-
 toris fit, id nuper cuidam eruditissimo interpreti vi-
 sum est apud Vlpianum mendosum esse, existimanti,*
 IN CONSPECTU POPULI ROMANI legen-
 dum. Assentirer optimo viro, si sic scripsisset Vlpia-
 nus: *Tempore, si ludis in conspectu prætoris. Sed quia
 sic scripsit: si ludis & in conspectu prætoris, non dubi-
 to quin hæc verba, licet coniuncta videantur, pro
 separatis tamen accipienda sint: sicut illa in duode-
 cim tabulis, agnatorum, gentiliūque: Item, nexum
 mancipiumque. Et idcirco dubium mihi non videtur,
 quin tam de ijs iniurijs, quæ in iure, in conspectu
 prætoris, pro tribunali sedentis, quàm de ijs quæ in
 ludis fiunt, Vlpianus hinc sentiat. Siquidem tanti es-
 se conspectus prætoris potest, præsertim pro tribunali
 sedentis, ut ei rectè solitudo esse aduersa possit. Festus
 enim auctor est, tertio modo conueniunt intelligi, quum
 a magistratibus iudicij causa populus congregatur. Idque
 etiam ex Apuleio constat, qui sic scribit in apologia
 3. Testor te Claudi Maxime, vosque qui in consilio estis,*
 vosque

vosque etiam qui tribunal mecum assistitis. Eoque omnino spectare videntur hæc Vlpiani verba: Nam in prætoris conspectu, an in solitudine iniuria facta sit, multum interesse ait: quia atrocior est, quæ in conspectu fiat. Quo in loco haud dubiè illa fieri in prætoris conspectu iniuria dicitur, quam dicunt practici in facie iudicis fieri. Et hæc quidem interpretatio nostra eò videri probabilior potest, quod eam quoque iniuriam definiunt Vlpianus atrocem, quæ in theatro quis vel in foro cadit: capit. nono in princip. de iniurijs. Haud dubiè per theatrum, ludos; & per forum, prætoris conspectum ex Labeonis sententia intelligens, cap. 9. §. 1. de pœnis.

CAPUT X.

De tutela fœminarum, deque lege Claudii tutelari nona disputatio.

DE tutela fœminarum non tanta est obscuritas, quantum esse plerique existimant. Mulieres contendit Cicero teneri perpetua tutela, quas tamen Iurisconsulti anno duodecimo tutela liberari tradiderunt. Et utrumque verissimum est. Erat enim tutela pupillaris, quæ anno duodecimo finiri solet: erat etiam muliebris tutela, quæ fœminæ per in manus conventionem & Vestæ sacerdotium duntaxat liberabantur. Proinde quum dixisset pro Murena Cicero, mulieres omnes propter infirmitatem consilij, in tutorum potestate esse, ad Iurisconsultos conuersus: *Hi, inquit, inuenerunt genera tutorum, quæ potestate mulierum continerentur. Itaque moris olim fuit, ut virgines ad annum usque duodecimum sub tutoribus vel testamento datis vel legitimis agerent, & finitis annis pupillaribus, quia infirmitate consilij rebus proprijs superesse non poterant, &*

amore maiorem nihil agere sine auctoritate, (quem-
 admodum refert Portius Cato legem Oppiam sua-
 dens, apud Liviū libr. 21.) si tutores onere tutelæ
 defungi vellent, poterant in iure alteri tutela cedere:
 & is cui tutela cedebatur, cessicus tutor; tutelaque
 cessia, cessitia tutela dicebatur. Quò spectat quod in
 frag. Vlpiani tit. de tutelis sic legimus: *Permissum erat*
in iure, cedere tutela, feminarum tantum, non etiam mascu-
lorum. Certè quia masculi, ætate pupillari finita, omni-
 modo liberabantur tutela, feminae verò non item. Nec
 quidem ante legem Claudiam vlla tutelarum in hu-
 iusmodi cessionibus haberi solet ratio: sed ita tutela
 passim cedebatur, ut is qui pupillæ tutor, licet legiti-
 mus, tanquam proximus agnatus, fuerat, onere tute-
 læ, finita ætate pupillaris statim si vellet liberaretur,
 alique ex agnatis post eum proximis in iure tutela
 cederet. Quod quum satis iniquum esse diuus Clau-
 dius animaduertisset, legem edidit, qua legitimas fe-
 minarum tutelas sustineri voluit. De qua lege sic scri-
 psit in d. titu. de tutelis idem Vlpianus. *Feminarum*
autem legitimas tutelas lex Claudia sustinet. Sunt qui non
 recte pro *sustinet* legendum esse *sustulit* contendunt.
 Sensus enim illius loci est, quia lex Claudia legitimas
 feminarum tutelas sustinet, ideo quantum ad agnatos
 pertinet, hodie cessitia tutela (quæ in solis feminarum
 tutelis olim habebat locum) non procedit: sic nimi-
 rum, ut legimus pupillæ tutor, finita ætate pupillari,
 alteri ex agnatis tutela cedere amplius possit. Igitur
 diuus Claudius legitimas feminarum tutelas non su-
 stulit, sed *sustinuit*, hoc est distulit, ultra pubertatis
 tempus prorogavit, seu potius continuavit. Eam enim
 esse verbi *sustinere* significationem, nemo est qui non
 iudicet ex cap. 42. de noxalib. act. Eodémque sensu ac-
 cepisse verbum *sustinere* visus est etiam Cicero ad Att.

ticum lib. 12. *Sustinenda tamen, inquit, si tibi videtur, si
 latio est nominis Cereiani, dum & de Metone, & de Fabia
 sciamus.* Nec quidem ignoro, quid de lege Claudia per
 legem Constantini sublata rescripserit imperator Leo
 capitulo tertio. C. de leg. tut. Sed quia legis Claudiæ
 diuersa fuisse capita videntur, Constantini & Leonis
 constitutiones ad aliam Claudiæ legis clausulā quam
 ad hanc esse referendas, coniectura probabili demon-
 strabo. Nusquam legitimas feminarum tutelas omni-
 no sustulisse diuum Claudium, vel Leo vel Constā-
 tinus auctores sunt. Sanè lege 12. tabularum agnati
 pupillorum pupillarumque tutores erant legitimis
 ita quidem, ut eadem lege certus esse agnatorum ordi-
 ne descriptus videretur. Sic nimirum, ut agnatus proxi-
 mus, vel proximi, reliquis in administratione tutelæ
 præferrentur. capit. 3. §. 1. de leg. tut. Ad quem ordi-
 nem visus est Iustinianus respexisse, quos ad heredi-
 tatem lex vocat. eosdem tutores esse contendens: quia
 plerumque ubi successionis est emolumentum, ibi &
 tutelæ onus esse debet. §. vnico Institutionum de
 legitim. patrim. tutor. Igitur si agnatus proximus
 familiam solet habere, consequi rectè videretur, ad
 eundem etiam tutelæ onus pertinuisse, non autem
 ad omnes agnatos. Ideoque ex vera legis interpre-
 tatione hic ordo seruari solet, ut consanguineus pa-
 truo præferretur, non contra patruus *consanguineus*, id
 est fratri. Cæterum diuus Claudius hunc lege con-
 stitutum ordinem noua lege sustulit, & consilii-
 bus eam dedit auctoritatem, ut pupillis *extra ordinem*, hoc
 est, non seruato ordine agnatorum legitimo, ex agna-
 tis eligere tutores possent, ad functionem huiusmodi
 maximè idoneos. Sic tamen ut proximiores, siquidem
 satis essent idonei, seruato antiqui iuris ordine tutores
 essent; sin verò inter agnatos magis inuenirentur pro-
 ximioribus

ximioribus idonei, illi tutelam administrarent. Et idcirco ex inquisitione tutores dare consules dicebantur. Sed ex his, Inst. de Artil. tuto. cap. 1. de confir. tutore. Eaque consulum inquisitio tam ad eos tutores qui extra ordinem, quàm ad eos qui testamēto dabantur, omnino pertinet, non autem ad cautionem rem pupilli saluam fore, vt quidam nugantur. Est enim cautio pratoria, cap. 1. de prator. stipulationibus. Nimirū à pratore tutelari primum excogita. Hæc quum ita sint, iam facilè intelligimus, quid sibi velit hæc Claudia legis ad Suetonium brevis clausula, qua sanxisse D. Claudius dicitur, vt pupillis tutores dari extra ordinem possent. Verba Suetonij hæc sunt in *vita Claudij*: *Sanxit vt pupillis extra ordinem tutores à consularibus darentur*: hoc est, sanxit vt pupillis non obseruatione dare tutores extra ordinem, scripsisse Suetonium non sit dubium, qua Vlpianus dixit, *extra ordinem non sit dubium, qua Vlpianus dixit, extra ordinem ferias indicare*, cap. 26. §. 5. Ex quibus causis maior hoc est, non obseruato aliquo statarum solemniumque feriarum ordine. Nec quidem nos moueat, quod scripserit Vlpianus, *legitimos tutores neminem dare, sed eos legem duodecim tabularum tutores facere*, cap. 5. de legit. tut. Illud enim tunc locum obtinebat, cum extra ordinem nullus necessario eligendus esset tutor. Tunc autem legitimus tutor non dabatur, sed ipso decemvirali iure tutor efficiebatur. Quem si propinqui probarent ad tutelæ functionem esse omnino inidoneum, consulis eam tribuebat D. Claudius potestatem, vt extra ordinem in locum illius alium ex agnatis idoneum surrogarent. Et sic quidem ex inquisitione tutores dare consules dicebantur. Quod autem quidam dicunt, *extra ordinem* idem esse omnino quod *de plano*, id sanè plus est quàm nugatorium. Nam

quum dico, extra ordinem ferias indicere, quid sub-
 intelligo? nonne, feriarum? Quid item quum dico,
 extra ordinem tutores dare? nonne idem est ac si di-
 cerem, extra ordinem tutorum, tutores dare? Quis
 est, quaeso, tutorum ordo, qui legitimus non est? Agna-
 ti siquidem vt ad successionem, sic ad tutelam lege
 duodecim tabularum ordine vocantur: quo ordine
 non seruato, si tutor detur, dari tutor extra ordinem
 rectè dicitur, cap. 12. §. 2. in fine, de relig. & sumpt. ri-
 ner. Idque adeo verum est, vt eadem propemodum
 ratione, in quodam imperatorum Valentiniani, Theo-
 dosij, & Arcadij rescripto *de alio ordine dari in mo-*
ribus defensores iubeantur, l. 3. in fin. C. TH. de tut. &
 curat. creand. hoc est, de ordine cognatorum, eò quod
 nulli superessent legitimi. Cæterum non tam prætor
 stantinus pro antiqui iuris auctoritate, quam prætor
 tutelaris, diu ante Constantinum Claudiam hanc le-
 gem visus est primus sustulisse. Is siquidem agnato-
 rum ordinem legitimum semper esse in tutelis obser-
 uandum sic statuit, vt proximus agnatus etiam ad tu-
 telam inidoneus, legitimus tutor esset. penes idoneum
 administratione relicta, cap. 13. de curat. fur. Et tunc
 quidem primum in usu fuisse prætoriam, rem pupilli
 saluam fore, cautio videtur. Constantinus autem ius
 antiquum, quo certus agnatorum ordo seruari solet,
 contra legem Claudiam in fœminarum tutelis recipi,
 expresso quodam rescripto voluisse visus est, cap. 1.
 c. TH. dict. tit. Igitur ante orationem diui Claudij
 consanguineus, patrius, & reliqui agnati, quoad suc-
 cessionem, eodẽ ordine ad tutelam vocabantur. Diuus
 deinde Claudius, ordinem in successionib. duntaxat
 non autem in tutelis semper obseruari voluit. Prætor
 denique tutelaris contra Claudiam legem secundum
 ius antiquum edixit. Quod quidem prætoris edictum
 Constantinus

Constantinus, & Leo Impp. expressis rescriptis confirmasse, ad tutelam fœminarum legitimas traxisse visum, d. cap. 2. & cap. 3. C. de legit. tut. Duo itaque fuisse videntur legis Claudiæ capita: vnum quidem, quo ordinem legitimorum tutorum non semper esse obseruandum, visus est diuus Claudius constituisse: alium verò, quo legitimas fœminarum tutelam sustinuit, & ultra pubertatis tempus prorogauit.

CAPVT XI.

Demonstratur Triboniani de compensationibus manifestus error.

AIT Vlpianus: *Quoties ex maleficio oritur actio, ut de ea pecuniariè agitur, compensatio locum habet, cap. 10. §. 2. de compensat. Quomodo autem huiusmodi solcat compensatio fieri, optimè docet his verbis Seneca, ubi plus ex alia causa abstulit, quàm credito petit. Non tantum inter creditorem & debitorem index sedet, qui dicat, occidisti, argentum quod non emeris possides: estimatione facta, debitor discede, qui creditor veneras. Loquitur Seneca de pecunia credita, hoc est non deposita, sed mutua, c. 11. de reb. cred. Et sic quidè satis tam ex Seneca, quàm ex Vlpiano perspicuum est, in iis etiam quæ ex maleficiis oriuntur actionibus, locum fuisse compensationi. Proinde si rem apud me deposueris, & mihi locum furtum feceris: quari solet an compensatio locum habeat. Et quidem ante Iustiniani tempora locum videri in hac specie compensationi aliquem fuisse, ex eo probari potest, quod scripserit expressè Tribonianus, ne in actione depositi compensatio locum ha-*

beat, Justiniani primum sanctione dispositum esse, §. in bonæ fidei. Inst. de act. cap. si. C. de compensat. Id si verum est, consequi ergo rectè videtur, ante tempora Justiniani reprobata omnino non fuisse in causis depositi compensationem. Quod tamen falsum esse intelligi ex Paulo euidenter potest. Sic enim scribit Paulus Sentent. lib. 2. tit. 12. *In causa depositi compensationi locus non est, sed res ipsa reddenda est.* Si dixeris, id iis qui in libris Sent. Pauli plurima transformantur acceptum ferendum esse: audi quid Seneca scripsit in eodem libro 6. *Separantur actiones, (inquit Seneca) & de eo quod agimus, de eodem nobiscum agitur. Confunditur formula, si qui apud me pecuniam deposuerit, idem mihi postea furtum fecerit, & ego cum illo furti agam, & ille mecum depositi. Quæ proposuisti, mi Liberalis, exempla, ceteris legibus continentur, quas necesse est sequi. Lex legi non miscetur, utraque sua via habet actionem propriam, tam mehercule quàm depositum, quàm furtum.* Hæc Seneca. Ex quo loco satis esse manifestum puto, in depositi causa, etiam Senecæ (qui sub Nerone floruit) temporibus locum non fuisse compensationi. Ut enim lex legi non miscetur, sic nec furtum misceri deposito testatur expressè Seneca. Si deposito furtum non miscetur, ergo nec admitti huiusmodi formularum confusio debet, nec per consequens furto pensari depositum potest: sed sua via actionem habet propriam, sine aliqua formularum confusione, tam depositum quàm furtum. Et hoc nimirum illud est, quod sibi volunt hæc Pauli verba: *Sed res ipsa reddenda est.* Idque mihi sic videtur.

CAPVT XII.

*Quo sensu accipiendum sit quod scripsit Vlpianus,
 statores suos habere in prouinciis
 proconsulem non posse.*

LAMPRI DI V S auctor est, Alexandrum impera-
 rent prohibuisse. Apparitores, inquit, nullos esse passus est
 tribunis aut ducibus milites antea re voluit: iussitque ut ante
 tribunum quatuor milites ambularent, ante ducem sex, ante
 legatum decem, hique ad domos suas reciperentur. Et quia
 statores apparitores sunt, profecto dubium non vide-
 tur, quin ad hanc Alexandri constitutionem respexerit
 Vlpianus, quum ita scriberet: Nemo proconsulum sta-
 tores suos habere potest, sed vice eorum milites ministerio in
 prouinciis funguntur cap. 4. in princ. de offic. procons.
 Ut sic quidem non solum ducibus, legatis, & tri-
 bunis statores suos esse, hoc est domesticos apparitores,
 prohibuerit Imperator Alexander, sed etiam prouin-
 ciarum praesidibus & proconsulibus eosdem denega-
 uerit. Quasi dixerit Vlpianus, si quo proconsuli exeun-
 di sit, nullos habebit domesticos apparitores. sed mi-
 lites ante eum ambulabunt. Et quia hi milites procon-
 sulum domestici non erant, ideo in praetorium pro-
 hac quidem omnium primus sic visus est consti-
 tuisse Alexander Imp. Olim enim sub C. Caesare Au-
 gusto, & qui ad Alexandrum usque Augustum subse-
 quuntur, imperatoribus statores suos, hoc est domesti-
 cos apparitores, videntur in prouinciis proconsules
 habuisse. Eoque pertinet quod Cicero, quum procon-
 sul esset & Imperator, sic C. Caesio quaestori scripsit,
 epist. Famil. libro 2. *Quae quum essent incerta existimari*

tamen esse faciundum, ut ad testatores meos & litteris mitterem.

CAPVT XIII.

Explicatur L. Qui Roma §. Flavius, De verb. obligat.

FLAVIUS Claudio Stichum ea lege donauit, ut manumitteretur; adiecta poenali stipulatione, si non manumitteretur, & vindicta liberaretur: quesitum est, an de libertate Stichi Claudius conueniri à Flauio possit. Et posse quidem Scauola contendit, cap. 122. §. Flavius, de verb. obligat. Qui huic responso diuorum Marci & Commodi obiiciunt rescriptum, hi non animadueterunt fuisse Hadriani quandam constitutionem rescripto diui Marci abrogatam: quæ Hadriani constitutio Scauolæ temporibus in usu erat. De seruis enim ea conditione venditis aut donatis (nihil enim interest, cap. 7. §. 7. de donat. inter vir. & vxor. cap. 20. de manumiss. cap. 16. §. 1. de manumiss. vind.) ut manumittantur rescripta duo in pandectis inueniuntur: vnum quidem diui Hadriani, alterum verò diui Marci Hadrianus voluit huiusmodi seruos aliter liberos non fieri, quàm si manumitterentur: & idcirco donatarios emptoresque ut manumittant cogendos esse. Contra, diuus Marcus non necessariam esse manumissionem, sed ipso iure seruos huiusmodi conditione alienatos, fieri liberos, in semestribus constituit, quemadmodum Scauola & Claudius scribunt, c. fin. de seru. export. Qui quidem Scauola eo tempore vixit, quo simul imperabant M. Antoninus Philosophus, & L. Ælius Verus. Antoninum enim Philosophum usum esse Scauola iurisperito testatur Capitolinus: quo tempore in usu erat Hadriani constitutio. Nam ea quæ diuo Marco adscribitur, tunc demum lata est, cum Antoninus & Commodus simul

simul imperabant, cap. 3. qui sine manumiss. ad liber.
per. Quo tempore floruisse Scæuolam nunquam in-
uenies. Proinde temporibus Scæuolæ, quia ex D. Ha-
driani constitutione serui huiusmodi conditione
alienati, sine manumissione ad libertatem non perue-
niebant: idcirco rectissimè visus est scripsisse idem
Scæuola, serui nomine hac conditione donati vt ma-
numittatur, donatarium conueniri posse. d. §. Flavius.
Nam quod in eodem illo Scæuola responso, in quo
de rescripto Hadrianis disseritur, enim constitutionis
D. Marci facta sit mentio, (d. cap. fin.) illud ad Scæuo-
lam referri non debere satis indicat verbum CLA-
VDIVS. Quo verbo significari videtur, ea quæ de
Marci constitutione responso Scæuolæ adiecta sunt,
non ipsi Scæuolæ, sed Claudio Tryphonino adscri-
benda esse, & sic intelligenda, quasi ius illud quo pri-
mum post tempora Scæuolæ populus Romanus ex
Antonini & Commodi rescripto vti cœpit, responso
Scæuolæ Claudio adiecerit. Claudium enim quen-
dam ad Scæuolam notas scripsisse, indicat hæc epigra-
phe c. 3 i. ff. de legat. lib. 3. *Apud Scæuolam lib. 18. ff. Clau-
dium notat.* Esse autem Claudium hunc Claudium
Tryphonium, ex c. § 8. de administr. tut. constat.

CAPVT XIV.

Emendatur L. Si arbiter, ff. De probat.

RESPONSVM istud Labeonis, quod depraua-
tissimum est, in pristinam integritatem restitue-
re visum est operæ precium. Et constat quidem sic in-
Florent. pandectis non rectè legi: Et hoc ita quod Græci
dicere solent. ΕΝ ΠΛΑΤΕΙ enim potest hoc memoria
non teneri, intra annum puta factum. Ego locum hunc
sic esse puto restituendum: Et hoc ita quod Græci dicere
solent

solent EN ΠΛΑΤΕΙ. *Non enim potest hoc memoria non teneri, intra annum, puta, factum: cum interim nemo sit eorum qui meminerit, quibus consulibus id fieri videret. Ut sit sensus: Quum quæritur an operis facti memoria extat, non hoc quæritur, an aliquis meminerit quo die aut quo consule illud factum sit: sed satis est ut meminerit intra annum vnum aut alterum, tres decem aut viginti annos, & ita deinceps, opus factum esse. c. 2. §. 8. de aqua & aq. plu. arcend. Et hoc EN ΠΛΑΤΕΙ fieri idcirco dicitur, quia operis facti memoria ad liquidum oratione non perducitur, quemadmodum fit quum dies & consul exprimuntur, d. §. 8. Si enim πατή accipiendum esse, eleganter docet noster Iacob. Curtius, ad Curtium fratrem εἰρησῶν lib. 1. c. 18. Est & alius in eodem responso. mendosus locus: cui medebimur, postquam admonuerimus in Florentinis pandectis postremam huius responsi partem præcedentibus eiusdem responsi clausulis non rectè sine interpositione adhærere, hunc in modum: *Cum interim nemo sit eorum qui meminerit quibus consulibus id fieri viderit, sed cum omnium hæc est opinio, &c.* Sic enim locus hîc emendandus est, ut ab his verbis, *sed cum omnium*, noua initiumumat huius responsi clausula, hoc modo: *Sed quum omnium hæc est opinio, nec audisse, nec vidisse. quum id opus fieret, neque ex iis audisse, qui vidissent aut audissent, & hoc infinite: similiter sursum versum accidet, quasi memoria operis facti non extaret.* Ecce quàm sit elegans & perspicua posterioris huius responsi partis sententia, leui correctione huiusmodi adhibita, ut *Quasi. pro Quum*, legamus. Sanè in notarum interpretatione frequenter esse allucinatum Tribonianum, sæpius demonstratum est: idque eodem hîc factum esse omnino videtur, siquidem hæc particula, *Quasi, quum, & quod*, solent ferè notis iisdem designari.*

CAPVT XV.

*Quot fuerint pecuniarum fide publica deponendarum
apud Romanos rationes.*

APUD nummularios, mensarios, siue argentarios (quos Comici interdum appellant *trapezitas*, interdum *danistas*) duobus modis deponi pecuniæ solent: nimirum aut custodiæ aut fœnoris gratia. c. 7. §. 2. depositi. cap. 50. de administ. & per tut. De prior modo sic scribit Plautus in Capt.

*Ibo intro, atque intus subducam ratiunculam,
Quantillum argenti mixi apud trapezitam fiet.*

De posteriore apud eundem Plautum in Mostel. legimus, ubi danistam sic loquentem introducit.

*Scelestio rem ergo annum locando argento fœnori
Nunquam ullum vidi, quàm hic mihi annus obtigit.*

*A mane ad noctem totum vsque in foro ago diem,
Locare argenti nemini nummum queo.*

Qui autem custodiæ causâ pecunias apud mensam deponebant, hi fidem publicam sequebantur; & ijs qui idipsum fœnoris gratia faciebant, aliisq; creditoribus cunctis præferebantur. cap. 24. §. 2. de reb. auctorit. iud. possid. Eosq; qui non fœnoris sed custodiæ causâ apud trapezitas pecuniam deponebant, publicè illam deposuisse ex Papiniano colligi potest, cap. 56. §. 1. Mand. cap. 24. §. 2. de reb. auct. iud. poss. Quo fœnor. Tabernas etiam argentarias publicas fuisse, expressè restatus est Vlpianus c. 32. de contrah. empt. d. §. 2. Et certè duplex olim fuisse, custodiæ causâ, rerum fide publica deponendarum ratio videtur. Aut enim in loco publico apud mensam nummulariorum,

aut

aut in loco sacro apud sacerdotem ædis alicuius, vel fani pecuniæ deponebantur. De pecunijs quæ in æde custodiebantur, scribit eleganter hunc in modum Plautus in Bacchidibus:

Nos ibi apud Theotimum omne aurum deposuimus

Qui illic sacerdos est in Dianæ Ephesiæ.

Et paulò pòst:

Quin ipsa in æde Dianæ conditum est, ibi

Demum publicitus seruant.

Eoque sensu, rem pecuniâque signatam in æde deponere visus est etiam Vlpianus scripsisse, cap. 1. §. 24. cum seq. depos. Per ædem enim, ædem sacram apud Vlpianum intelligi, docet his verbis Iulius Paulus: Sed constat, ut antè litem contestatam præses iubeat in æde sacra pecuniam deponi, cap. 73. de procurat. cap. 5. ad leg. Iul. peculat. Porro hæc omnia, in æde, in fano, apud ædium, & apud pontificem deponere, eadem sunt. De pecunijs quæ in fano ponebantur, sic scribit lib. 5. epistol. famil. † Cicero: Nam de Luceio est ita actum, ut auctore Cn. Pompeio ista pecunia in fano poneretur. Et paulò pòst: Illud me non aduertisse molestè ferrem, ut adscriberem te in fano pecuniam iussu meo deposuisse. Idem Cicero lib. 15. ad Atticum sic scribit: Quum ex reliquis, quæ Nonis April. fecit, abundarem, cogor mutuari: quodque ex istis fructuosioribus receptum est, id ego ad illud fanum sepositum putabam. Eos quoque qui apud pontificem pecuniam deponerent, eam in æde siue in fano deposuisse, non est obscurum, si consideremus sacerdotes etiam pontifices veteribus appellatos fuisse, quo sensu collegium sacerdotum, collegium pontificum appellatum est à Pomponio. Eoque sensu accipiendum est quod ita Varro scribit lib. 5. de ling. Latina: Ea pecunia quæ in iudicium venit in litibus à sacro sacramentum. Qui petebat & qui inficiabatur, de aliis rebus utræque quingentas asses apud pontificem

pontificem deponebant. Sic locus hîc legendus est, non
autem *Quingentos aris*, non *apud pontem*, vt malè pas-
sim legitur, eiusque hæc est sententia: Litigatores de
alijs rebus quingentos asses, de alijs certum item ac le-
gitimum numerum assium, apud ædis alicuius sacræ
sive fani sacerdotem deponebant. Sic enim hoc in lo-
co pontificem esse accipiendum, satis etiam demon-
strant hæc eiusdem Varronis verba subsequētia: *Qui*
iudicio vicerat, suum sacramentum à sacro auferbat, victo
ad ararium redibat. Aedituus Theophilo sacerdos dici-
tur, qui sacras ædes tuetur. Festus autem non sacer-
dotem, sed eum esse aedituum ait, qui sacræ ædis tu-
tor est, hoc est illius curam gerit. Et est vtrumque ve-
rissimum, sed diuerso respectu. Aedituus enim sacer-
dos, ædis custodiæ præerat, ne fortè fur aliquis aut
nocturnus in eam irreperet latro. Ille verò aedituus
qui curam gerebat ædis sacræ, nec sacerdos erat nec
habitabat in æde: sed vt omnia facta essent in ea, & te-
sta, sedulam operam periculo suo dabat, de quo nul-
lus est hîc differendi locus. De ijs autem qui sacra-
rum ædium custodiæ præerant, scribit eleganter Ar-
nobius aduersus gentes lib. 6. *Et tamen, ô isti, inquit, si*
aperium vobis & liquidum est, in signorum visceribus deos
vinere, atque habitare cœlites: cur eos sub validissimis cla-
uibz, ingentibusque claustris sub repagulis, pessulis, aliisque
huiusmodi rebus custoditis, conseruatis, atque habetis in-
clusos: ac ne fortè fur aliquis aut nocturnus irrepat latro,
aedituus mille protegitis, atque excubitoribus mille? De his
sentire visus est etiam in Octauio M. Minucius Felix,
quum ita scriberet: *Frequentius denique in aedituorum*
cellulis quàm in ipsis lupanaribus flagrans libido defun-
gitur. Addatur illud Tertulliani, de cultu fœmina-
rum: *Eius templi aedituus & antiistes pudicitia est.* Et de
anima: *Quid si ab aedituo redempta clam inspectione co-*
gnori?

gnouit : Hinc intelligere mihi nunc videor , quid sibi
voluerit Vlpianus , quum ita scriberet : *Proinde & si
custodiam tabularum ædituus vel tabularius suscepit , di-
cendum est teneri eum interdicto*, cap. 3. §. 3. de tab. exhi-
ben. Non enim dubito , quin de ijs tabulis Vlpianus
hîc sentiat , quæ vel priuatim apud tabularium , vel pu-
blicè in æde , in fano , apud eius antistitem , siue ponti-
ficem , custodiæ causâ deponebantur . Eoque sensu
ædituum visus est etiam accepisse Paulus in cap. 9. §. 1.
Ad l. Iul. pecul. & Papinianus in cap. 77. §. 26. de leg. 2.
Et sic quidem in æde , in fano , apud Pontificem &
apud ædituum deponere , eadem esse omnino viden-
tur . His ita expositis , videamus nunc de mensa ratio-
nibus , & quidnam sit , pecuniam de domo numerare .
Gellius lib. 14. c. 2. auctor est , *expensi latione , mensa ratio-
nibus , chirographi exhibitione , tabularum obsignatione , te-
stium intercessione probari olim solere pecuniâ deberi* : haud
dubiè per mensa rationes , nummulariorum rationes in-
telligens , quas mensa scripturam & negotium mensa ap-
pellat Vlpianus cap. 27. de furt. cap. 77. §. 16. de leg. 2.
c. 28. §. 8. de lib. leg. Quia enim apud mensam veteres
magnam pecuniæ partem deponebant custodiæ cau-
sa : idcirco eueniebat sæpenumero , vt à debitoribus in-
terdum quidem de domo , interdum de mensa credi-
toribus satisfaceret . Sique in foro ab argentarijs pecu-
niæ fieret numeratio , in tabul. addebatur , ex mensa
scriptura : sin verò domi , syngraphæ adscribebatur , ex
cista , vel , ex arca : auctore in Terentium Donato . Eoque
referendum est , quod sic apud Scæuolam legimus ,
*Decem quæ Lucius Titius ex arca tua acceperat : & apud
Marcellum , Si domi pecuniam fideiussor non habebit*.
cap. 26. de constit. pec. cap. 38. in fin. Mandati . Hinc
etiam intelligimus , quo sensu de mensa emere hunc
in modum scripserit Apuleius in apologia 1. *Marcus
autem*

quem Cato, nihil oppertus ut alij de se predicarent, ipse in oratione scriptum reliquit, quum in Hispaniam consul proficisceretur, tres seruos solos ex vrbe duxisse, quoniam ad villam publicam venerat, parum visum qui videretur, iussisse duos pueros in foro de mensa emi, eos quinque in Hispaniam duxisse. Eoque spectat illud Ciceronis pro Flacco: Si prator dedit, à quaestore numerauit: quaestor, à mensa publica: mensa publica, aut ex vectigali, aut ex tributo. Nec aliò referendum est quod sic Tacitum Anacsamam præcepit, donec tulit opem Caesar, disposito per mensas millies sestertio, factaque mutuandi copia sine usuris per triennium, si debitor populo in duplum prædijs cauisset. Ad numerationem quæ fieri de domo dicebatur, visus est Plautus respexisse dum ita scriberet in Curculione:

Pessime metui, ne mihi hodie apud prætorem solueret.

Verum amici compulerunt, reddit argentum domo.

Nec alio sensu, quindecim mutua numerata de domo, in illa cautione accipienda sunt, quam Paulus ait in auditorio Emiliij Papiniani lectam fuisse, cap. 40. in princ. Si cert. petat. Seneca sic etiam scribit Epist. lib. 3. Scis, inquit, cuius arca utar: expecta me pusillum; & de domo fiet numeratio.

CAPVT XVI.

Emendatur Cap. III. in princip. De minoribus.

Lex Attilia iubebat mulieribus, pupillisve non habentibus tutores, dari tutores à pratore, & maiore parte tribunorum plebis, quos tutores Attilianos appellamus. Sed quia lex Attilia Romæ tantum locum habebat, lege Iulia & Titia prospectum est, ut in prouincijs quoque

quoque similiter à præsidibus earum, darentur tuto-
 res, vt auctor in fragmentis Vlpianus tit. 11. Huc spe-
 ctat illud Apuleij de asino aureo lib. 1. *At verò danti*
tue iam defletus & conclamatus es, liberis tuis tutores in-
ridici prouincialis decreto dati. Cæterum D. Claudius
 teste Suetonio, sic à prætore & maiore parte tribunos
 ad consules ius dandorum tutorum transtulit, vt à consuli-
 bus extra ordinem dari tutores pateretur. Tutoris à con-
 sulibus dati meminit Plin. epist. lib. 9 sic Quadratus
 suo scribens: *Dicunt contra Anidius Quietus, Cornutus*
Tertullus: Cornutus datum se à consulibus tutorem Hel-
dij filie, petentibus matre eius & vitrico, nunc quoque im-
sustinere deferere officij sui partes. Tandem denique im-
 perante M. Antonino Philosopho, à consulibus non
 ad vrbani prætorem, sed ad prætorem quendam tu-
 telarem, omnis creandorum tutorum potestas transla-
 ta fuit. *Is siquidem, si Iulio Capitolino credimus, præ-*
torem tutelarem primus fecit, vt nimirum diligentius de
tutoribus tractaretur. Hæc quum ita sint, non satis
 intelligo qua ratione *ad tempora Seueri imperatoris tu-*
telaria consulum decreta traxerit Vlpianus, cap. 3. in pr.
 D. de minoribus. Nulla enim consulibus imperant-
 Seueri, sed omnis prætori tutelari pupillorum prop-
 riæque cura incumberebat: eoque iure annos prop-
 triginta vsus tū erat populus Romanus. Quamobrem
 si locus mendo non careat, sic videlicet, vt pro Con-
 sulum legi proconsulum debeat, ingenuè fateor nihil esse
 mihi quo tam manifestum Vlpiani excusare errorem
 possim. Et hæc quidem emendatio eò videri probabi-
 lior potest, quòd similis error in quadam D. Hiero-
 nymi ad Nepotianum epistola etiam deprehendatur.
Turpe est, inquit Hieronymus, ante fores sacerdotis
Christi crucifixi, pauperis, & qui cibo quoque vesceretur
alieno, lictores consulum & milites excubare, indicemque
promissæ

provincia melius est apud te prandere, quàm in palatio.
 Pro in loco quum expressè de procor. sulibus tractet
 diuus Hieronymus, quis dubitabit. quin pro *Consulium*
legi Proconsulium omnino debeat? Atque ita quidem
 mihi videtur.

CAPVT XVII.

*Notatur Triboniani de minorum curato-
 ribus manifestus error.*

VETERI iure sic tutela liberabantur pubertate
 masculi, vt iis inuitis nulli curatores, nisi red-
 ditis caussis, darentur. Proinde qui curatorem mino-
 ri 25. annis, à præside vel à consulibus postulabat,
 causam cur cum dari desideraret, exprimere debebat:
 eaque cognita, si iusta videretur, dabat magistratus cu-
 ratorem: sin iniusta, denegabat. Causas autem iustas
 Latoria lege fuisse expressas verisimile est. Siquidem
 ea lege cautum fuisse, & abundè prouisum adolescen-
 tiorum circumscriptioni, docet M. Cicero lib. 3. offic.
 Inter eas causas continebantur, necessaria rerum alie-
 natio, lites, & iurgia necessaria, lasciuiæ etiam, hoc est
 prodigalitas, & dementia, hoc est manifestus furor.
 Hoc ius antiquum sic aboleri voluit diuus Marcus,
 vt non amplius redditis caussis darentur curatores, sed
 tutor non prius tutelam deponeret, quàm curator ef-
 fet à magistratu constitutus. Et id quidem expressè
 testatus est Callistratus: *Officium, inquit, tutorum cura-*
toribus constitutis finem accipit: ideoque omnia negotia, quæ
ad fidem curatorum pertinent: idque diuus
Marcus cum filio suo Commodo rescripsit capite 33. §.
1. de administrat, & peric. tut. Auctor est etiam VL-
pianus, sacris (hoc est diui Marci & Commodi) con-
suetudionibus, eum qui tutelam administrauit, iuberi pupillum

suum puberem factum admonere ut sibi curatores perat,
 cap. 5. §. 3. dicto titulo : Et hoc nimirum illud est, quod
 de M. Antonino Philosopho ad hunc modum scribit
 Iulius Capitolinus : *De curatoribus verò quum ante non*
nisi ex lege Latoria, vel propter lasciviam, vel propter demen-
tiam darentur, ita statuit ut omnes adulti curatores accipe-
rent, non redditis causis. De hac constitutione sentire
 omnino visus est idem Ulpianus, cum ita de minori-
 bus vigintiquinque annis scriberet: *Et ideo hodie in hac*
usque aetatem adolescentes curatorum auxilio reguntur, nec
ante rei sue administratio eis committi debet, quamvis be-
ne rem suam gerentibus. capite primo de minoribus. In
 hoc enim loco hodie additum est ab Ulpiano, respectu
 veteris iuris diui Marci & Commodi rescriptis abro-
 gati. Non sic igitur, hodie, hoc est post diui Marci rescrip-
 tum, ut olim, lege nimirum Latoria, curatores acci-
 piunt adolescentes. Olim quidem, redditis probatisque
 causis : hodie verò, causis non redditis : olim, actus
 magis legitimi quàm ætatis, hodie ætatis magis spe-
 alicuius actus ratione, cap. 3. §. 1. de tutel. Eoque spe-
 ciat quod ita Caius Instit. libro primo scribit: *Sub cu-*
ratore sunt minores ætate, maiores enervores, insani. Et hæc
 quidem quum ita sint, nunc opinor intelligimus, quod
 Tribonianus ait, *inuitos adolescentes curatorem non acce-*
pisse, præterquam in litem. (§. Item inuiti, Instit. de curat.)
 id ex veteri iure, hoc est ex lege Latoria, omnino peti-
 tum videri, & ad ius novum nequaquam perti-
 nere. Notanda igitur est Triboniani negligentia, qui
 ius vetus & abrogatum, pro nouo mira fraude, ne-
 dicam inscitia, nobis obtrusit. Si dixeris hoc iure Iu-
 stiniani fortassis tempore usus fuisse Romanos, re-
 spondebo id satis non esse liquidum, præsertim quum
 Iustinianus, quicquid pandectis conclusum est, id
 omne sibi velit tribui, & ad sui temporis usum ac-
 commodari.

VARIOR. LIB. I. 467
commodari: in quibus pandectis hæc quoque diui
Marci constitutio passim occurrit.

CAPVT XVIII.

*De liberali caussa, & de partu agnoscendo quadam à nemine
animaduersa, ad §. Preiudiciales, Instit. de actionib.*

Sic legitimam causam liberalis habebat actio, ut
se non tam Romanæ ciuitatis, quàm communi
gentium iure possit introducta videri. Cuilibet enim
suum licuit liberali caussa manu asserere popularem,
ut cui Romano Romanum ciuem etiam Athenis, &
cui Atheniensi ciuem Atheniensem etiam Romæ.
Quò spectant hi Plauti versus in Pænulo:

Meis consanguineis nolo te iniuste loqui:

Carthagini ego sum gnatus olim, ut scis sciens.

P. Æ. O mi popularis salue. A. G. Et tu adepol quisquis es.

Et si quid opus est, quæso dic atque impera

Popularitatis caussa.

Non enim libertatis iudicium prætor inuenit, sed lex,
quæ partim communem, partim propriam status con-
ditionisve distinctionem in Romanam rempub. in-
uexit. Nam qui hominem liberum liberali caussa ma-
nu assererat, quod ex lege Quiritium vel iure Roma-
no ageret, legitimam actionem impetrabat: siqui-
dem ut liberos homines alienare prohibitum erat,
sic alienatos ciuili iudicio manu asserere permissum.
Paut. in Curculione:

Qui scias mercari furtiuas atque ingenuas virgines

Ambula in ius.

Terentius in Adelphis.

Quid si ego illam tibi nolo vendere,

Coges me? Æ s c. minimè. S. namquè id metui. Æ s c.

neque vendundam censeo

Quæ libera est, nam ego illam liberali affero causa manu.
 Ex quibus versibus satis intelligi potest, actionem liberalem civilem esse. Quum enim dixisset *Æschinus* liberam mulierem vendi non posse, subiicit, *nam ego illam liberali affero causa manu.* Quasi diceret, quia liberam mulierem quæ vendi non potest, alienare vis, ego illam *liberali causa*, hoc est directa legis, qua liberos homines alienare prohibitum est, actione affero manu. Ceterum si quærebatur, an quis libertus esset an servus, ideo ex prætoris iurisdictione substantiam capiebat hæc quæstio, quod ea ex nudo facto constaret. Quum enim quærimus an quis libertus sit, an servus, in effectum quærimus an quis sit manumissus: & ita de facto. Simili modo quoties de hoc contenditur, an quis sit filius, non de iure, verum de facto omnis est contentio. Et idcirco hæc quæstiones duæ ex prætoris iurisdictione substantiam capiebant, hoc est viua iudicis quem prætor decernebat, voce, sine aliquo iuris auxilio expediiebantur. Nam quæ ex nudo constabant facto, nuda solent prætoris iurisdictione definiri. Errant igitur, qui existimant actionem de partu agnoscendo ex S.C. nasci. Id enim nullis rationibus probari potest, tum quod huius actionis causa ex nudo meroque facto non ex certa aliqua iuris aut S.C. definitione constaret: tum etiam quod nec S.C. Plancianum, nec illud senatusconsultum quod temporibus diui Hadriani factum est, quicquam aut adderet actionis substantiæ aut detraheret, sed dies constituere denuntiationi certos. Ergo quum ante huiusmodi senatus constitutionem, nullo certo ordine aut tempore denuntiationi constituto, passim etiam sine denuntiatione maritos pro arbitratu agnoscendi alendique partus gratia feminae suos prouocarent, voluit senatus intra dies triginta post diuortium connumerandos feminas suis maritis

maritis denuntiare, si se pragnantes existiment, ut possent mariti custodes mittere. Nam quod Plancianum senatusconsultum de liberis agnoscendis nihil ad actionis substantiam pertineat, ex Vlpiano nemo est qui non iudicet. *Ordinem enim senatusconsultis de liberis agnoscendis exponi* Vlpianus auctor est c. 1. §. ex hoc rescripto, de vent. inspic. Ut sic ante senatusconsultum, quibus ordo erat constitutus sine ordine de agnoscendo partu veteres contendisse videri possint. Si leges ad leges trahi solebant, cap. 26. de legib. si praetoris edicta ad iuris constitutiones trahenda nonnunquam sunt, cap. 1. Ex quib. causis maior. si denique de his quis primo constituta sunt, certius quid statui poterat, cap. 1. de legib. cur non circa praetoriam de partu agnoscendo actionem, certius quid senatus potuisset ordinare? Est igitur de partu agnoscendo iudicium honorarium, non ciuile.

C A P V T X I X.

Rectè Vlpianum scripsisse: electrum auri appellatione contineri.

VLPIANVS auctor est, *electrum auri appellatione non contineri*, cap. 4. de legat. 1. Id quo sensu accipiendum sit, optimè aduersus Hermogenem docet Tertullianus. Nam & *testam*, inquit, licet ex argilla confectam, iam non argillam vocabo, sed *testam*: & *electrum* licet ex auro & argento foederatum, nec argentum tamen nec aurum appellabo, sed *electrum*, à cuius habitu quid diuertit, pariter & à vocatu eius recedit appellatione, sicut & conditionis proprietate. Huic addendum est illud eiusdem Tertulliani aduersus Praxeam. Si enim sermo ex transfiguratione & demutatione substantia caro factus est, una iam erat substantia Iesus ex duabus, ex carne & spiritu mixtura quaedam, ut *electrum* ex auro & argento, & incipit nec au-

*rum esse, id est spiritus, nec argentum, id est caro, dum alterum altero mutatur, & tertium quid efficitur. Electrum igitur quia ab auri & argenti recessit habitu, ideo nec auri potest nec argenti nomine comprehendi. Et hoc nimirum illud est, quod dixit Vlpianus, rerum vocabula immutabilia esse, d. cap. 4. Quod enim ex auro & argento fœderatum est, proprium habet vocabulum, & electrum appellatur, non aurum, non argentum. Eoque sensu electreos nummos appellasse videri potest Latipridius in Alexandro: *Alexandri habitu*, inquit, *nummos plurimos figuravit: & quidem electreos aliquantos, sed plurimos tamen aureos.* Est & aliud genus electri, de quo scribit ad hunc modum D. Ambrosius Hexameron lib. 2. cap. 15. *Quid autem tibi referam, quod electrum lacryma virgulti sit, & in tanta materia soliditatem lacryma duret? Nec leuibus id asseritur testimoniis, quando folia & minutissima surculorum portiones, aut exigua quedam animalium genera in electro sæpe reperiuntur, que videntur, cum adhuc gutta esset mollior, recepisse, solidata tenuisse.* Hæc Ambrosius. Et de hoc quidem electri genere accuratissimè disputaturus est doctissimus medicus Gulielmus Pantinus in iis commentariis quos in C. Plinii naturalem historiam meditat.*

CAPVT XX.

De legitimo luctus tempore: & luctus quomodo diminui soleat, obiter explicatum.

RECTE est à Cuiacio animaduersum, ad Theodosij vsq; tempora fœminis apud Romanos decem menses luctui peragēdo fuisse præfinitos. Quamuis enim certissimum sit, luctus legitimus tempus anni spatio circumscriptum fuisse, idque variis auctorum locis confirmetur: nihilominus tamen annum luctus

luctus de mensibus duntaxat decem accipiendum esse, potest eleganter defendi. Romulus in anno constituit menses quinque bis esse suo. Et idcirco indicare volens luctus legitimum tempus anni spatio comprehendendi, sic scripsit Fast. libro primo Ovidius:

Per totidem menses à funere coniugis vxor

Sustinet in vidua tristia signa domo.

Ceterum Numa Pompilius decem mensibus non contentus, anno duos adiiciens, luctus legitimum tempus non prorogauit: Testis est enim Plutarchus, longissimum tempus luctus esse decem mensium, etiam Numam voluisse. Idcirco quum apud Liuium legimus lib. 2. & apud Plinium, aut (si mauis) Cornelium Nepotem in libro de viris illustribus, matronas Brutum vt parentem annum luxisse, sic annum interpretabimur, vt illo annus Romuli, hoc est decem duntaxat menses comprehendantur. Et hanc quidem interpretationem venissimam esse ex Seneca potest euidenter intelligi. Is enim quum libro octauo epist. scripssisset, *Annum foeminae ad lugendum constituere maiores*: hanc eandem sententiam repetens in libro de consolatione sic scripsit: *Maiores decem mensium spatium lugentibus viros dederunt.* Haud dubie per annum in epistolis decem menses; & in libro de consolatione, per decem menses; Et ita quidem satis esse perspicuum arbitror, luctus olim legitimum tempus decem mensium fuisse, eoque annos quingentos, & quod excurrit, videlicet ad Cannensem vsque cladem, vsus esse Romanus populus constantissime videtur. Qua de re sic scribit Festus de verb. signif. libro 7. *Græca sacra festa Cereris ex Græcia translata, quæ ob inuentionem Proserpine matronæ colebant: quæ sacra quum non essent matronæ quæ facerent, propter Cannensem cladem, & frequentiam lugentium,*

institutum est ne amplius 30. dieb. lugeretur. Id ipsum con-
firmat lib. 1. Valer. Max. Quanto, inquit, nostra civitatis
senatus venerabilior in deos, qui post Cannensem cladem de-
crevit, ne matrone ultra 30. diem luctus suos extenderent,
vti ab his sacra Cereris peragi possent? Et ita, quamvis
decem mēsis lugeri moris esset, nihilominus tamen
ob Cannensem cladem lugentiumque multitudinem,
ne amplius, triginta diebus lugeretur, est institutum.
Quod quidem institutum perpetuum non fuisse, & sic
esse accipiendum, vt diutius triginta diebus habitu
tristiore lugubribusque non vterentur matronæ, an-
nū interim à secundis nuptiis, propter sanguinis tur-
bationem, perpetuò abstinentes, indicat his verbis
idem Valerius: itaque matres ac filia, coniugesque, & sore-
res nuper interfectorum, abstersis lacrymis, depositisque dolo-
ris insignibus, candidam induere vestem, & aris thura dare
coactæ sunt. Ait etiam Liuius lib. 22. post Cannensem cla-
dem 30. diebus 30. luctum finitum: non autem tempus le-
gitimum luctus, in 30. dies mutatum fuisse. Nec quidem
dubito quin aliud sit in prudentum responsis rescri-
ptisque principum lugere aliud elugere. Lugetur enim
maritus lugubribus, vt vtat Labeonis verbo: elugetur
anni spacio, hoc est decem mensibus etiam sine lugu-
bribus, propter sanguinis turbationem. cap. 8. & 11. de
his qui not. infam. cap. 2. C. de secund. nupt. Elugendi
ratio ad nuptias solas pertinet, ob sanguinis, inquam,
turbationem. Ideoque si intra legitimum tempus mu-
lier partum ediderit, quamvis maritum luxerit, elugere
tamen non compellitur, hoc est, habitu quidem lugu-
bri tamdiu vti cogitur, quamdiu partus editus non
est, non autem decem mensibus à nuptiis abstinere.
si quidem edito partu nubere potest. d. cap. 11. Lugen-
tur parentes, sed non elugentur: non enim liberorum
& parentum luctus, impedimento nuptiis sunt, d.
cap.

cap. i. i. Mariti verò lugentur, & elugentur: lugentur interdum, & non elugentur: elugentur etiam nonnunquam, & non lugentur. Lugentur quidem, & elugentur, quum luctus non minuitur; lugentur & non elugentur, quum partus intra luctus legitimum tempus editus est: tunc enim minui luctus solet: elugentur denique & non lugentur, mariti perduellionis, damnati, hostes, suspensiosi, quique manus sibi intulerunt mala conscientia. d. c. i. i. Elugendi verbo non autem lugendi vitur prætor in edicto perpetuo, de his qui notantur infamia, in Florentinis pandectis, de muliere tractans, quæ intra id tempus, quo virum elugere moris est, antequam virum elugeret, in matrimonium collocatur, capit. i. de his qui notant. infam. Lugendi verbo non elugendi vitur Iulius Paulus Sentent. lib. 2. tit. 2 i. *Qui luget, inquit, abstinere debet à conuiuiis, ornamentis, & alba veste.* Immò aliud esse elugere, aliud lugere, docet euidentissimè imperator Gordianus, quum ait, *luctus diminutionem ad habitum duntaxat tristiores, ceteraque id genus insignia, non autem ad tempus illud quo maritos elugeri moris est, pertinere.* cap. i. 5. C. Ex quibus causis. infam. irrog. Igitur quum luctus diminuitur, *lugendi*, hoc est à conuiuijs, ornamentis, & alba veste abstinendi, non autem *elugendi*, hoc est viduitatis legitimo tempori derogatur. Differentiam horum verborum, præter Iurisconsultos & imperatores, obseruant nulli. Et idcirco rectius interpretibus alijs, non qui iuri operam damus, intelligimus quid sibi voluerit Apuleius, de asino lib. 8. quum ita scriberet: *Boni ergo & optimi consules, si luctu legitimo miserrima fœmina necessarium concesseris tempus, quoad residuis mensibus spacium reliquum compleatur anni.* Sensus enim est, quia per anni spacium elugeri maritum leges iubent, ideo à nuptiarum mearum

sollicitatione quiesces donec mensibus residuis reli-
 quum anni spacium compleatur. Ante tempora
 Theodosij Apuleium vixisse negat doctissimus Iulif-
 consultus. Cedo, quamobrem? Opinor quia de lu-
 ctus anno loquitur Apuleius. Meminit idem Apuleius
 Lolliani Auiti in Apologia 1. *Quum*, inquit, *Lolli-*
no Auito presente publicè differerem. Et in apologia 2.
Petit postea suppliciter, uti se Lolliano Auito clarissimo vi-
ro purgem. Auctor est etiam Vlpianus, Lolliano Aui-
 to diuos fratres rescripsisse: *Spurios*, inquit, *posse in*
ordinem allegi, nulla dubitatio est: sed si habeant compe-
titorem legitimè quæsitum, preferri eum oportere, diuis
Fratres Lolliano Auito Bithynia præditi rescripserunt.
 cap. 3. §. 1. de decurionibus. Hunc Lollianum etiam
 sub Heluio Pertinace floruisse, testis est Capitoli-
 nus. Quum enim dixisset, *Pertinacem post Sulpitium*
Apollinarem Grammaticem professum esse, subiecit: *Sed*
quum in ea minus quæstus proficeret, per Lollianum Aui-
tum consularem virum patris patronum, ducendi ordinis
dignitatem petijt. Igitur Lollianum Auitum sub diuis
 fratribus præsidem fuisse Bithyniæ, & Pertinacis
 etiam temporibus vixisse manifestum est. Et idcirco
 rectè consequi omnino videtur, iisdem ferè tempo-
 ribus etiam Apuleium vixisse. Si tunc vixerit Apule-
 ius, quid igitur obstat, quo minus luctus illud le-
 gitimum tempus cuius Apuleius meminit, ad annum
 etiam Romuli, hoc est, ad decem menses, referamus:
 Eoque respexisse Theodosium omnino est verisimi-
 le, quum ita scriberet: *Si qua ex fœminis perditio ma-*
rito, intra anni spacium alteri festinauerit nubere, (par-
uum enim tempus post decem menses seruandum adiciamus,
tametsi id ipsum exiguum putemus) probos inuista notis,
 honestioris nobiliorisque persona decore & iure priuatur.
 cap. 2. C. de secund. nupt. Et sic quidem tempus legi-
 timum

tinum luctus, à Romulo decem mensibus comprehensum, & Numæ legibus confirmatum, vsque ad Imperatoris Theodosij tempora obseruatum fuisse videri potest. Et quum antea perpetuo pratoris edito fœminæ antè annum nubentes, infamia duntaxat notarentur: antiquo iuri videtur etiam Theodosius adiecisse, vt omnia quæ de priorum maritorum bonis, vel iure sponsalium, vel iudicijs defunctorum, huiusmodi mulieres consecutæ fuerant, amitterent. dict. cap. 2. Et hæc de luctus legitimo tempore. Nunc videndum est, luctus quomodo diminui soleat. Minuebatur populo luctus, inquit Festus, ædis dedicatione, quum à censoribus lustrum condebatur, quum votum publice susceptum soluebatur. Ædis dedicatione idèò minui populo luctum arbitror consueuisse, quod Romani diem dedicationis epulo celebrarent. Et quia eos qui lugebant, à conuiuijs abstinuisse, testari Iulium Paulum liquidò demonstratum est, idcirco minipulo videri non debet, ædis dedicatione luctum populo minutum fuisse. Quod autem de voto Festus de Ælio Vero in Hadriani vita scribit: *Quare ab Hadriano votorum causa lugeri est vetitus.* Et paulò post, in vita Ælij Veri: *Iussusque ab Hadriano, quia vota interueniebant, non lugeri.* Cæterùm priuatis, auctore eodem Festo, minuitur luctus, quum liberi nati sunt, quum bonos in familiam venit, quum parens, aut liberi, aut vir, aut frater ab hoste captus domum redit, quum desponsatio est, quum propiore quis cognatione quàm is qui luget. De casto Cereris mihi non liquet, nisi fortè per castum Cereris, nimiam castitatem illam intellexerimus, qua viduas Africanæ Cereri olim adfuisse scribit ad vxorem lib. 1. hunc in modum Tert.

Cæterùm

Caterum viduas Africana Cereri adfistere scimus, durissima quidem obliuione matrimonij adlectas. Nam manentibus in eternum viris, non modò thoro decedunt, sed & aliis eis viique ridentibus, loco suo insinuant, adempto omni contactu, usque ad oscula filiorum. Et sic quidem castum Cereris ea forma veteres dixisse videri possunt, qua castum pro re casta, sacrum pro re sacra, diuinum pro re diuina, & sic deinceps sumitur. Idque mirum in modum eiusdem Festi, Liuij, & Valerij confirmatur testimonij, qui Cereris festa lugentes matronas colere non potuisse expresse testati sunt. Igitur si matrona in Casto Cereris est, & ei lugendum esse contingat, ne omnino per luctum stet, quo minus statò sollemnique die Cereri sacra fiant, luctus ordinis amplissimi decreto minuitur. Hæc quum ita sint, satis opinor nunc intelligimus, quonam referendum sit, quod de luctu minuendo sic scripsit imperator Gordianus: Decreto amplissimi ordinis, luctu. foeminarum diminuo, tristior habitus, ceteraque id genus insignia remittuntur. capite 15. C. ex quibus causis. infam. irrogat. Porro, quo in libro singulari ad leges 12. tab. fore promissum, vt in hoc 1. Varior. lib. explicarentur dies festonum, id nunc consilio propter amplitudinem argumenti mutato non præstabitur. Scripsimus enim Protribunalium librum singularem, in quo huiusmodi argumentum multo commodiùs, & expeditiùs tractatum est.

Finis libri primi Varior.

IACOBI

IACOBI RÆVARDI
IVRISCONSULTI
VARIORVM, SIVE DE
Iuris ambiguitatibus
LIBER SECVNDVS.

CAPVT I.

*De pactis, & explicatur L. pacta conuenta.
ff. De contrah. empt.*

CONVENTIO Iurisconsultis generis nomen est, non speciei: pactum Legumlatoribus, Grammaticis, & Oratoribus generis nomen est, non speciei, pratoribus vero & Iurisconsultis, speciei non generis. Contractus Grammaticis & Oratoribus pactum: pactum, ijs factus contractus est: pratori vero & Iurisconsultis, in facto pactum, in iure versari contractus dicitur. Auctione accepisse visus est: *Ex pacto, inquit, ius venit, si quid inter se pepigerunt, si quid inter aliquos convenit.* Rursum, pactum illud quod inter aliquos convenit, sic eodem loco diuidit, vt aliud legitimum esse, aliud sine lege obseruari contendat: per pactum haud dubie conventionem intelligens. Quo modo ipsi quoque decemuii per pactum legitimam conventionem visi sunt intellexisse, dum ita scriberent: SI MEMBRVM RVPIT, NI CVM EO PACIT TALIO ESTO. Quasi dicant, ni aliquo modo, is qui alterius membrum

brum rupit, cum eo cuius membrum rupit, pactus fuerit, conuenerit, aut fuerit stipulatus. Non enim tam præcisè pactum requirunt decemviri, ut aliam conventionem legitimam nullam admittant, quemadmodum prætores & Iurisconsulti faciunt, quum de pactis differunt. Et hoc modo legitima conventio etiam à Paulo pactum appellatur, c. 6. de pact. Non quod in ea persuasione sit Paulus, ut existimet, pactum illud decemvirale, aliquid cum pacto prætorio habere commune: non magis hercle quàm contractus, quàm stipulatio. Verùm quia in suis legibus pacti vocabulo sic utuntur nomothetæ, ut illud pro conventionem omni legitima videantur accipere, idcirco contendit idem Paulus, ex pacto interdum actionem dari, veluti quum illud lege vel Senatusconsulto cõfirmatur. Tunc enim amplius *nudum pactum*, hoc est nudus consensus, nudum placitum dici non potest, non magis profectò quàm stipulatio, quàm contractus. Quid enim aliud est stipulatio, quàm conventio legitima? quid item aliud contractus? quid denique pactum lege confirmatũ? Sed an nudum maneat? Et magis est, ut nudum esse desinat. Quod ego non probo. Verius siquidem esse didici, omnino pactum nõ esse, sed aliam conventionem legitimam. Iurisconsulti prætoresque pactum ad nudum factum referunt: conventiones, nõ autem pactum. in legitimas, & in eas quæ sine lege observantur, diuidunt. c. 5. & 6. de pact. Cicero pactum legitimum dixit: Iurisconsulti conventionem legitimam, non pactum. Igitur qui de pactis disputat, non Cicero, Cornificium, nomothetas, Oratores, aut Grammaticos, sed prætores solos & Iurisconsultos de vocis notatione consulat. Sũt enim quædam vocabula, quibus quum generalia verè sint, pro specialibus tamen Iurisconsulti & prætores utũtur. Legare siquidem decemviris

centiris idem est, quod Iurisconsultis testari. Legandi enim verbo generis loco vñ sunt perpetuò decemviri, quod contra pro certa quadam supremæ voluntatis specie, prudentes iuris pratorēque semper vsurpant. Emptionem quoque alio sensu decemuiros, alio item prætore & Iurisconsultos accepisse dubium non est Illi quidem, per emptionem genere quodā omnem omnino alienationem intellexerunt, c. 29. de statuli. Hi verò, pro certa quadam nominati contractus specie, emptionis vocabulo vñ sunt. Itaque conuentiones omnes quæ lege aliqua confirmantur, pacta non sunt: sed sunt vel contractus, vel aliæ conuentiones legitimæ. Rursus, conuentiones omnes quæ ex nudo facto constant, contractus eadem consideratione non sunt, sed sunt pacta. Et hoc illud est, quod dixit Vlpianus, *in pactis factū, & in stipulationibus ius versari*, c. 27. §. pactus, de pact. Caterum, quamuis ex nudo pacto nulla detur actio, si tamen ei subsit causa satis ad agendum valida, vtrique non ex pacto, sed ex causa quæ pacto subest, dabitur actio. Nudum autem pactum cui causa subest, illud rectè appellabitur, quod alicui obligationi principali ex cōtinenti adiicitur. Nam si pactum ex cōtinenti additum est venditioni, pacto subest venditio, non contra venditioni pactum: hoc est, licet vires & substantia ex venditionis contractu assumat pactum, sic tamen pacto subiecta est venditio, vt ea sui iuris non sit, sed ex nudo pacto interpretationem & moderamen necessarium accipiat. Si venditio subest pacto, ergo & causa venditionis, quæ causa civilis est: si venditionis causa, ergo pactum quod venditioni statim in ipso contractus ingressu adiicitur, rectissime pactum cui causa subest appellabitur, vt sic per causam, illius cui pactum ex cōtinenti adiicitur, obligationis substantiam intelligamus. *Qui fundum vendit,*

dit, inquit Hermogenianus, ut eum certa mercede con-
ductum ipse habeat, vel si vendat, non alij sed sibi distra-
bat, vel simile aliquid paciscatur: ad complendum id quod
pepigerunt, ex vendito agere poterit. cap. 75. de contrab.
empt. Ecce causa quæ huic pacto subest, venditionis
causa est. Quia igitur hac specie pacto nudo causa
subest, id quod pacto convenit, actione ex vendito
continetur. Et hoc illud est quod dixit Vlpianus, quum
nulla subest causa, propter conventionem non posse constitui
obligationem. Causam intellige, ad actionem imperan-
dam efficacem. Non enim dabat actionem prætor, ni-
si causa cognita. Proinde si pacto nulla subesset cau-
sa, cuius ergo actionem merito prætor concederet,
quia pacta ex natura sui ad actionem prætor nulla sunt,
non mirum est aut absurdum, prætorem inualida sunt,
pacto actionem tribuisse. Igitur nuda pactio actio-
nem non parit. Illud autem otiosum non est, quod
pactum aliud, adijci ex continenti, aliud ex intervallo, Vl-
pianus adnotatum reliquerit, c. 7. circa princ. de pact.
Illudque quod ex continenti adijcitur, hoc est in ipso in-
gressu, aut (ut clarius dicam) quod simul cum ipso
contractu expressum, una conventionem, una scriptura,
(quæ emptionis dicitur instrumentum, cap. septuag-
simo secundo de evict.) concluditur, format actionem,
hoc est, ipsius principalis obligationis formula con-
prehenditur: non quidem ut duabus actionibus aut
formulis opus sit; verum una actio, unaque formula,
& pacti & contractus placitum continebit. Veluti, si
pacto fundi venditioni ex continenti additum sit, ut
fructus eius anni quo fundus venit, una cum fundo
cedantur: nec fructus sine fundo, nec fundus sine fru-
ctibus peti rectè poterunt: sed pactum cum contractu
venditionis sic confunditur, ut una actione, unaque
formula, non ex pacto, sed ex empto, & fundum em-
ptor

pro & fructus consequatur, d. cap. 75. Et ita quidem,
 pacta, quæ contractibus ex continenti adiiciuntur,
 inesse contractibus, & actiones formare dicuntur.
 Quæ autem ex interuallo adiiciuntur, utique inesse
 negantur & ad actionem proficere, verum exceptio-
 nes pariunt. Aliud autem est, si pactum ex interuallo
 additum detrahat aliquid conventioni legitimæ, tunc
 enim id quod detractum est, contractu continetur,
 cap. 7. de pact. cap. 72. de contrah. emptio. Eiusque di-
 uersitatis hanc reddi posse rationem existimaui, quod
 pacta omnino facti, contractus verò non facti solum,
 sed etiam iuris esse intelligantur, dicto §. pactus. Et id-
 circo, contractibus detrahi ex interuallo bene potest
 pacto, si modò id quod detrahitur, non iuris, sed facti
 sit, cuiusmodi ea sunt, quæ *adminicula contractus* di-
 cuntur, dict. cap. 72. Verum quia contractus, ut gen-
 eraliter iuris, sic etiam iuris ciuilis sunt: nihil adici iis
 ex interuallo *per pactum*, id est per nudum factum, po-
 test. Certè quòd in iis quæ ex iure constant, nihil ope-
 retur nudum factum, sine ciuilis aut prætorij iuris
 subsidio, cap. 3. §. 1. c. 30. de constituta pecunia. *Sed hoc*
locum habet, inquit Papinianus, *in his quæ adminicula*
sunt contractus: veluti, ne cautio duplæ præstetur, d. cap. 72.
 Fortè conuenerat ut fundi venditor cautionem duplæ
 cum satisfactione præstaret: postea perfecta omnino
 venditione pactus est venditor, ne eam quæ lege ven-
 ditionis continetur, duplæ cautionem præstaret, pa-
 ctum hoc, quia detrahit venditioni, quamuis ex inter-
 uallo additum sit tamen inesse venditioni rectè cen-
 setur. Verum sic cum ea conditione tibi venditus esset
 fundus, ne cautio duplæ præstetur, post emptio-
 nem perfectam pactus cum venditore fueris, ut cum
 fideiussore cautio duplæ præstetur, creditur hoc non
 inesse. *Sed quo casu*, inquit Papinianus, *agente emptore*

non valet pactum, idem vires habebit, iure exceptionis agente venditore, d. cap. 72. Quod sic esse intelligendum
puto, si emptor ex intervallo pactus, ut cum fideiusore cautio duplæ præsteretur, ex empto egerit ad fundi
traditionem, utique ut cautionem cum satisfactione
venditor fundum tradens præstet, non rectè desiderabit, quia pactum ex intervallo additum empti iudicio
non potest contineri. Verùm si venditor ex vendito ad
pretium egerit, pactum illud quod agente emptore non val-
bat, vires habebit, inquit Papinianus, iure exceptionis
agente venditore: hoc est, utilis erit exceptio, si non ven-
ditor pactus sit cautionem duplæ cum satisfactione præstare.
Siquidem ex continenti huiusmodi pactum vendicio-
ni fuisset additum, iure actionis non autem exceptio-
nis eam rectè fuisset emptor persequutus. Tunc enim
emptam rem petens, unà & cautionem præstari rectè
postulasset. Et ita quidem, ex Papiniani sententia,
venditori ad pretium rei venditæ agenti, non ante sa-
tisfacere emptor, qui ex intervallo de cautione præ-
standa pactus est, iure tenetur, quam duplæ cautionem
venditori idoneè præstitisset. Et hæc hæctenus sub-
miniculus contractus. Cæterùm de contractus substan-
tia, non tanta est obscuritas, ut ea prolixam dispu-
tationem requirat. Quamvis itaque pactum, quod ex
nudo facto consistit, eam non habeat potestatem, ut
ex intervallo aliquid contractui possit adiicere: ipsa
tamen contractus substantia, quatenus ex nudo facto
constat, rebus integris pacto mutari potest. Hac ni fal-
lor, coniectura, quod contractus qui pacto renouatur,
non tollatur pacto, vel penitus extinguatur (ea enim
paciscentium non est intentio, qui pretium augent,
vel minuunt) sed contractus maneat contractus, causæ
interim facti mutata. Contractus enim per pactum
tolli non potest, nisi quatenus in naturam conventio-
nis

nō legitimā pactum transferit, d. §. pactus. Potest tamen pacto renouari, quia eiusmodi renouatio nō cōtinet ipsum ciuile ius, cum quo pactum nihil habet commune, sed nudum factum. Fundum Tusculanum à te quinquaginta aureis emi, postea rebus integris conuenit inter nos de sexaginta præstandis, ecce, emptio omnino non rescinditur, ius contractus siue auctoritas fundi non imminuitur, sed pretium, quod facti est, mutatur. Ius quidem emptiones contractusq; reliquos confirmauit: sed quo modo? An sic, vt domino certam rei suæ præscripserit æstimationem? Nequaquam: verum satis esse putauit, sic eos confirmare, vt qui aliter ueniret, modò pretium verè non dicis gratia inberet. Et quia ius non distinguit pretium, sed satis ei est interuenire pretium: pretij idcirco distinctionem ex nudo facto constare, & per consequens, eam contractus substantiam, quæ ex pretio constat, quis est quæso tam imperitus vt id non intelligat? Proinde siue augeatur, siue minuatur pretium, nihil ad ius, modò pretium interueniat: sed ad factum pertinet. Ideoque per nudum pactum, hoc est per factum nudum, augeri vel minui rectè rebus integris obligationis pretium potest. Siquidem factum facto, & ius mutari iure, non est absurdum.

C A P V T I I.

Explicatur L. Qui viam, D. De noui oper. nuntiat.

OB S E R V I T U T E M nouū opus nuntiarī posse, traditum est, c. i. §. ius, de remiss. capitulo quinto in pr. de noui oper. nuntiat. Contra, cum qui viam habet, si opus nouum fundi domino in viæ ædificandū nuntiauerit, nihil agere, sed seruitutem vindicare non prohiberi, auctor est Iulianus cap. 13. de noui ope.

nuntiat. Et hæc quidem diuersa magis, quàm pugnatia sunt. Diuersitatis autem hanc puto reddi rationem posse, vt dicamus, in ijs seruitutibus in quibus ædificatio ipso seruitutis iure prohibetur, esse locum nuntiationi: in iis verò quæ ad ædificationem prohibendam opus habent iudicis officio, locum nuntiationem non habere. Si mihi seruitutem debeas alius non tollendi, prospectui luminibusque meis non officendi, in hoc mihi obligatus es, vt non ædifices, vt alius parietem tuum non extollas. Proinde si ædificaueris, liberum erit mihi meo iure opus nouum tibi nuntiare, etiam sine prætoris aditione: quia ad illud mihi seruitutis iure es obligatus, vt non ædifices. Aliud autem est, si per fundum tuum habeam viæ itineris, aut actus seruitutem. Tunc enim idcirco tibi in viâ ædificanti non possum opus nuntiare nouum, quia illo ipso quod mihi debetur, seruitutis iure, tibi ius ædificandi non adimitur: & propterea sine auxilio iudicis nequeo, quominus ædifices, impedire. Vindicanda igitur erit viæ, itineris, aut actus seruitus: qua vindicatione non prohibebitur statim opus nouum, sed iter per fundum præstari desiderabitur. Tum si illud fortè deberi negauerit aduersarius, suam probabit actor intentionem: eaque posita & probata, ædificatio ad iter præstandum, pronuntiatione iudicis inhibebitur. capite 9. Si seruit. vind. Et hanc verissimam esse sententiam puto, d.l. Qui viam.

CAPVT III.

De pœna periurij.

QVI præstitum iusiurandum contemnit, peierare dicitur, cap. 2. C. de reb. cred. Qui falsum iurat, etiam peierat, capite ultim. de crim. stellionat. cap. 1. §.

cap. 13. in fi. de iureiu. Qui autem peierabat, is Deum, principem, censores, pontifices vitores habere & extra ordinem puniri interdum solet. Religio contempta iurifurandi, si in consulto & calore quodam peieratum esset, siue per Deum siue per principem, solum Deum vitorem habebat, non principem dict. cap. 2. Ceterum qui cōsulto per Deos arasve Deorum peierabant, pontificibus: qui per genium principis, pontifices scribit lib. 2. Dionysius de omnibus causis ad sacra pertinentibus tam inter priuatos homines, quam inter magistratus sacrificos iudicasse. Et idcirco etiam de periurio, quatenus illud ad sacra pertinebat, quale est quod per Iouem, per Deum fidium, aut per aras Deorum solemniter modo preestabatur, cognouisse olim & iudicasse omnino videntur: quemadmodum expresse Plautus de quodam iuramento conceptis verbis per aram Veneris preestito, in hunc modum scribit in Rudente:

Gripe, quod tu istum talentum possides? G. R. Iuravi st mihi Dare. L. A. Libet iurare: tui meo pontifex periurio es? Qui autem consulto per genium principis peierabat, is ex constitutionibus principum fustibus interdum castigari solet, d. cap. 13. grauiusque multo iis qui per Iouem peierauerant puniebatur, quemadmodum auctor est in Octauio M. Minucius Felix. Sic eorum, inquit, numen inuocant, ad imagines supplicant, genium hoc est demonem eius implorant, & est eis tutius per Iouis genium peierare, quam regis. Auctor est etiam Annalium libro primo Tacitus, olim crimini datum fuisse, violatum per principem periurio nomen. Rubrio, inquit, crimini dabatur violatum principis. Et hæc de iis, qui per principis genium peierabant. In reliquos autem homines periuros censoria nota animaduertebatur: Siquidem, vt scribit in Officiis Cicero, censores nul-

la de re diligentius quàm de iureiurando indicabant. Huic etiam vilus est respexisse idem Cicero, quum in suis legibus periurij pœnam diuinam exitium, humanam dedecus statueret. Per dedecus enim quin notam censoriam intellexerit, nequaquam dubium est. Eiusque rei extat apud A. Gellium elegans exemplum, libro sexto cap. 18. Cùm enim decem captiuos Annibalem Romanis iureiurando ab eis accepto mississe, permutationeque Romanis non placuisse, scriberet Gellius: ex his captiuis octo ad Annibalem reuersos, & reliquos reuerti recusantes à censoribus notatos quasi periuros fuisse, his verbis adiecit: Hæc eorum fraudulenta calliditas, tam esse turpis æstimata est, ut contempti vulgo discerpique sint censoresque eos postea omnium notarum & damnis, & ignominis affecerunt, quoniam quod se facturos distulerant non fecissent. Porro extra ordinem puniebatur, si in stellionatus crimen periurium incideret. Tunc enim non tanquam periurus, sed velut stellionatui obnoxius qui peierauerat, sic puniebatur, ut ad tempus exularet, cap. vltim. Stellionat.

CAPVT IV.

Quid per arculam intellexerint Iurisconsulti.

DI V O S fratres edicto admonuisse Martianus ait, ne sepultura traditum, hoc est, terra conditum corpus inquietetur: viderique terra conditum, etsi in arcula conditum hoc animo sit, ut non alibi transferatur, cap. 39. de relig. & sumpt. fun. Quo in loco per Arculam inllexit Accursius casam in qua ultra montes magni homines imponuntur sub terra. Ridiculum. Addidit enim Martianus, arculam in commodiorem locum transferi posse. Vnde etiam in Epitaphio An. Crestina sic legitur: *NE QVIS NOS INQUIETET. EX AR-CA*

CA NOSTRA, NEQVE AB ANTE ALIAM
 PONAT, AVT COMMVET. Certè Martiani
 temporibus eam sepeliendi rationem in vsu fuisse su-
 spicor, cuius Cassiodorus Variar. libro tertio memi-
 nit. Tunc enim non terra solùm condi solebat, sed
 etiam in arca lapidea supra terram posita corpus per-
 petuæ sepulturæ tradendum, plerunquē recondeba-
 tur. De quibus arcis sic apud Cassiodorum Danieli
 cuiusdam scribit rex Thedoricus: *Et ideo artis tue peritia*
delectati, quam in excanandis & ornandis marmoribus
exercens, presenti auctoritate concedimus, ut te rationabi-
liter ordinante, dispensentur arca, quæ in Ranennati vrbe
ad recondenda funera distrahantur: quarum beneficio ca-
danera in supernis humata sunt lugentium non parua con-
solatio: quoniam anime tantum de mundi conuersatione di-
scedunt, corpora verò dulces quondam superstites non re-
linquunt. Hæc Cassiodorus. Eoque sensu accepisse ar-
 cam lapideam visus est etiam Caius, cùm ita scribe-
 ret: *Aduersus eos qui in alterius arcam lapideam, in qua*
adhuc mortuus non erat conditus, mortuum intulit vtilem
actionem in factum proconsul dat, cap. 7. de relig. & sumpt.
 Et Seneca Epistol. libro decimo tertio. *In ipsa,*
inquit, Scipionis Africani villa iacens hæc tibi scribo, ado-
ratis manibus eius, & arca quam sepulchrum esse tanti viri
suspicio. Deque huiusmodi arcis illud Frontini etiam
 accipiendum videtur, de diuersis mensuris agrorum
 li. 1. *In campis verò statuerunt terminos quadratos cursorios,*
& interiectis locis arcas, & monumenta, vel alia testimonia.
 Et hæc de arcis. Plinius etiam scribit Nat. hist. libro
 septimo, cap. 54. *sepultum intelligi, quoquo modo condi-*
tum, humatum verò, humo contextum.

CAPVT V.

Quomodo qui spondet, ipso iure ex sponsu sit obligatus.

QVÆDAM deberi iure ciuili, quæ prætorio iure non debentur, certissimum est, cap. 4. cap. 30. de constitut. pec. Si tibi centum mutua dederim, & pactus sim ea non petere: iure ciuili obligatus es, iure prætorio non es obligatus. Es quidem iure ciuili obligatus, quia pactum eam non habet auctoritatem, ut quæ ciuilia sunt tollere possit, d. c. 4. & c. § 1. de pactis. Proinde si mutua centum à te peterem, quamuis tecum pactus essem ea non petere, nihilominus tamen mihi à prætore dabatur actio: non quidem purè, verùm exceptione addita huiusmodi: *Si non pactus sit ne peteret.* Quo sensu nihil interesse dixit Paulus ipso iure quis actionem non habeat, an per exceptionem infirmetur, cap. 113. de regul. iur. Ius ciuile stipulationes introduxit; ius ciuile ex stipulatu actiones etiam dedit. Ideoque stipulationes omnes (paucis exceptis quæ ciuili etiam iure esse dicuntur inualidæ) ipso iure sic ex interrogatione & responsione subsistere intelligebantur, ut ad obligationem, etiam iocandi animo essent interpositæ, ipso iure prodesse. Eoque pertinet quod ita Plautus in Pseudolo scribit:

Auferetur id premium à me quod promisi per iocum?

Ius inquam ciuile stipulationes instituit. Quo modo? Nimirum ut altero interrogante Dabis? & altero respondente, Dabo, firma esset, & ipso iure valida conuentio. Idque illud esse omnino videtur, quod sic pro† Cecinna Cicero scribit: *Si quis quod spondit, quæ in re verbo se uno obligauit, id non facit, maturo iudicio sine ulla religione iudicis condemnatur.* Sed cum variæ inciderent stipulationum species, quæ quod dubiè essent & incertæ

certa, certam à prudentibus requirebant interpreta-
tionem: & quia sine certa interpretatione incerta lex
& infinita seruari commodè non poterat: sic iuri præ-
torio actiones ex sponsu legitimæ accommodari de-
inde cœperunt, vt quæ vtilēs essent, & ipso iure vali-
dæ, sapius à prætorē redderentur inutiles, ipsoque iu-
re ex sponsu obligatus iure prætorio interdum omni
obligatione solutus esset. Idque ex Varrone de ling.
Lat. lib. 5. satis probari potest. *Qui sponderat*, inquit
Varro, *despondisse dicebatur, quod de sponte eius, id est, vo-*
luntate exierat. Non enim si nolēbat dabat quod sponsu erat
obligatus. Nam in comœdiis vides dici, Sponden tuam gna-
tam filio uxorem meor quod tum & prætorium ius ad legem,
& censorium indicium ad æquum æstimabatur. Quasi di-
cat Varro: qui dixit Spondeo, etiam si noluerit, hoc est,
obligandi animum nullum habuerit, tamen ex spon-
su per legem obligatur, hoc est ipso iure: sed prætorio
iure ad legem æstimato, hoc est velut viua voce legi
mutæ accommodato, qui per legem obligatus est, is
prætorio iure semper obligatus non est. Proinde non
spondet ille statim, inquit Varro, qui dixit, Spondeo, si io-
candi causa dixit, nec agi cum eo sponsu potest. Itaque quis-
quis dicit in Tragœdia, Meministi te despondere gnatam
tuam? quod nolens, hoc est sine sponte sua dixit, cum eo agi
ex sponsu non potest, inquit Varro. Quia, vt mihi qui-
dem sit verisimile, in huiusmodi actionibus non le-
gem solum, qua qui spondet, etiam si animum spon-
dendi nullum haberet, est obligatus: sed prætorium
ius ad legem æstimatum, quo nullæ sine iusta & pro-
babili causa solent actiones dari, inspicimus. Et sic
quidem accipienda sunt hæc Varronis verba, Si nolo-
bat, quæ verba pessimè ad ipsam quæ despondetur fi-
liam visus est interpretes quidam retulisse. Lex ad for-
mulam tantum & nudam verborum pronuntiatio-

nem respicit : prator non verba, non aliquam formulam duntaxat, sed mentem etiam & intentionem inspicit contrahentium. Et idcirco vel dare solet prator ex sponso actiones, vel denegare. Denegabat, si iniusta, si improba, si ipso iure pratori stipulatio videretur inualida. c. 26. & 27. de verbor. obligat. Hoc est (ut var. Papiniani verbis) *si ab initio non valuit*. c. 123. de verbor. obligat. Dabat vel purè, si non civili solum, sed etiam iure pratorio stipulatio esset confirmata: vel addita exceptione, cum ea quæ ipso tantum iure utilis erat, & sic ab initio valuit, *pratorio iure*, hoc est per acceptionem postea inutilis reddebatur. c. 25. d. tit. c. 1. §. 3. de dol. mal. & met. except. cap. 17. §. 1. Solut. matrim. Quo sensu accipiendum est quod Paulus scripsit, *ex stipulatione per iocum vel demonstrandi causa interposita, nullam nasci obligationem*, cap. 3. in fin. de oblig. & act. Paulum enim ita interpretari conuenit, ut nulla efficax & satis ad agendum valida ex huiusmodi stipulatione obligatio nascatur : non quidem ipso iure, sed exceptionis auxilio : non legis, sed pratoris solius beneficio. Hæc qui non considerauerunt, in eo Caium, Pomponium & Iustinianum notare non verentur, quod illi verbis obligationem ex interrogatione & responsione contrahi expressè tradiderint. c. 1. §. 2. de oblig. & act. c. 1. de verb. obligat. §. 1. Instit. eod. tit.

CAPUT VI.

Vernus intellectus §. pactus ne peteret, L. Si unus, ff. De pactis.

PACTVM de non petendo civilem obligationem non elidit, id est, sic non extinguit, ut possit impedire quo minus id quod civili debetur obligatione, actione civili rectè petatur. Verum si quum pactus esset credi-

ut ne peteret, postea convenisset ut peteret, pactum de non petendo tollitur sine eliditur (perinde enim est) per pactum de petendo, non quidem ipso iure, inquit Paulus, sed per replicationem, cap. 27. §. pactus, de pactis. Certum est non esse in ea persuasione Paulum, ut contendat pactum per pactum replicatione semper sic tolli, ut ipso iure nunquam possit elidi, id enim falsissimum est. Nam pactum per pactum tam potest ipso iure tolli, quam per stipulationem ipso iure stipulatio tollitur. Nec id obscurum adeo est, si consideremus id demum ipso iure tolli, quod per se sine aliquo aduentitio auxilio tollitur: quemadmodum ostendimus in libro singulari Ad legem Scriboniam. Vel, ut planius dicam, quod eodem illo ipso iure tollitur, quo ligatum est, id ipso iure tolli dicitur. Itaque cum stipulatio per stipulationem ipso iure tolli dicitur: per ipsum ius, civile ius accipitur, quia ex eo iure stipulatio constat. Cum autem naturalis obligatio ipso iure per pactum tollitur, tunc per ipsum ius non civile ius, sed ius naturæ intelligimus. Et idcirco pactum tolli per pactum potest ipso iure, per se, sine prætoris auxilio, si hoc actum est. Rursus pactum pacto tolli non potest ipso iure, si etiam hoc actum est. Tollitur quidem pactum pacto ipso iure, si prius pactum tale sit, ut nec ad civilem aliquam obligationem pertineat, nec ei subsit causa ad actionem impetrandam satis efficax, sed naturalem nudam sub se contineat obligationem. Tunc enim per pactum tollitur pactum, non quidem alienius aut exceptionis aut replicationis medio; (id enim fieri non potest: nec ut possit fieri, obligationis natura paritur) sed ipso iure, hoc est eodem illo ipso iure, ex quo suam sortitur substantiam. cap. 55. §. naturalis, de solut. Verum si pactum alicui legitime conventioni adiectum alio pacto tollendum sit, tolli

tolli quidem prius pactum per posterius non potest ipso iure, quia hoc actum non est: sed illud potius videtur actum, ut per replicationem elisa pacti prioris exceptione, ipsum quoque prius pactum non ipso iure, sed replicationis auxilio nullum sit. Veluti, si quum mutua centum tibi dedisset Sulpitius, tecum pactus de ijs non petendis, iterum de iisdem petendis pactum scatur, quamvis pactum pacto tolli ipso iure possit, hoc tamen casu tolli ipso iure, hoc est per se, siue, ut clarius dicam, tolli iure pacti pacto pactum non potest, certè quod prius pactum, quia facti est tollere contractum mutui non potuerit. Ergo si centum quæ mutua dedit, perierit. Sulpitius creditor, & debitor contendat pactum esse creditorem ne peteret, quia pacto mutui obligatio elisa non est, civilis creditor ex causa mutui dabitur actio; reo verò defensionis loco, quia pacta iusta prætor servat, pacti conventi exceptio non denegabitur: quæ posita & probata, civilis extinguetur obligatio. Quod siponentem reum pacti de non petendo exceptionem, pacti de petendo excluderit actor replicatione, quia firma manet, & ipso iure semper valida, mutui civilis obligatio: de eo quæri solet, cur pactum istud de non petendo, tollatur per pactum de petendo, non tam ipso iure quam per replicationem. Respondeo, quia sic actum videtur, nimirum videtur actum, ut salva quæ pacto tolli non potest principali obligatione, nisi pacti de non petendo exceptione agentem repellat actorem, statim reus condemnatur; & nisi pacti de non petendo quam reus obtinuit exceptio replicatione pacti de petendo, per actorem rursus excludatur, absolvens omnino reus videatur. Igitur contractus mutui in causa est, quominus ipso iure hoc casu pactum tollatur per pactum. Et hoc quidem significare videntur hæc verba.

Si hoc actum est. Non enim negat Paulus, pactum per pactum ipso iure tolli posse, sed contendit tolli non posse si hoc actum est. Nam si pacto pactum ipso iure apud Paulum elideretur, consequens esset, ex posteriore pacto civilem nasci obligationem, & priore pacto mutui civilem obligationem elidi. Sed neutrum fieri potuit. Non est igitur mirum hoc actum esse non videri, ut pactum ipso iure per pactum elidi apud Paulum potuerit. Sanè Iurisconsulti quid actum sit sedulo inspiciunt in omni conuentione, cap. 2. §. 1. de hered. vel act. vend. l. 4. de fide instrum. Aliud autem est in stipulatione. Quia enim stipulatio civilis est, non refert an ad contractum siue ad civilem aliquam obligationem ea adiiciatur, an verò per se stet. Semper enim ex stipulatu actio competit. Ideoque ipso iure semper potest per stipulationem stipulatio tolli. Exempli paragrahum longè difficillimum nouo & singulari quodam intellectu.

C A P V T V I I.

Auersio quid à sectione differat.

OBTINUIT auersione in pandectis id dici venire, quod pretio infemel insimulque nuncupato non in res singulas constituto venit, Antonio Augustino, Brissonio, & alijs eruditissimis viris auctoribus, cap. 35. §. in his, cum §. seq. de cont. empt. cap. 4. §. 1. de peric. & com. rei vend. cap. 62. in fine, de contrah. emptio. Goueano non assentior, existimanti id quod negligenter fit, neque consideratè factis, dici auersione fieri. Quis enim credat auersione opus locare, vinum auersione vendere, locare insulam auersione, idem esse quod negligenter locare, vendere? Auersioni contraria est sectio. Solet enim

cum auctio fit, res omnis auersione aut sectione vendi. Auersione quidem vna pertica, sectione verò distinctè gradatimque. Nam eò respexisse omnino vius est Plinius lib. 8. Epist. hunc in modum Caluissio suo scribens: *Ex ipsis etiam, quos non vna, ut dicitur, pertica, sed distinctè gradatimque tractavi, quanto quis melior & probior, tanto mihi obligatior abit.* Loquitur Plinius de suis vindemijs, quas ait certatim negotiatoribus ementibus se vendidisse; & ex ijs nonnullos vna pertica, nonnullos distinctè gradatimque tractasse: Hoc est, ut mihi videtur, vindemias partim quidem auersione, partim verò sectione se vendidisse. Sectors damnati atque proscripti bona emebant auersione, quæ rursus sectione distrahebant. Auctor est enim Asconius, *sectores dictos esse qui spem lucri sui secuti bona condemnatorum semel auctionabantur, ac postea singulas quasque res pecunia populo venditabant.* Nec quidem hi duntaxat, sed omnes etiam qui sectione res aliquas vendebant, sectores dicebantur. Nam in quadam Latini Pacati Drepani panegyrico, qui olim Imperatori Theodosio fuit dictus, *vendi eo sensu sub sectore infantes dicuntur, quo scripsit Eutropius instrumenta regij cultus sectione distrahi.* Verba Pacati sunt hæc: *Vidimus redactas in numerum dignitates, & ex ipsos trabeis consulares, & senes fortunarum superstites, & infantium sub ipso sectore ludentium splendendam securitatem.* Et paulò post: *Ut possemus effugere carnificem, optabamus subire sectorem.* Eoque pertinet quod sic libro octavo Eutropius de M. Antonino Philosopho scribit: *Cum largitiones nullas haberet, facta in foro D. Traiani sectione, instrumenta regij cultus distraxit.* Bona quæ ad ararium deferrebantur, edictis publicari solent, hoc est publicè venalia proscribi aut proclamari: & tandem publicata interdum auersione, interdum sectione

ne hasta posita distrahebantur. Eoque arbitror Ciceronem respexisse in Philippica secunda. Cum enim hasta posita pro arde Iouis Statoris bona Cn. Pompeij Magni subiecta esse praconis voci demonstrasset acerbissime Cicero, hæc verba subiecit: *Expectantibus omnibus quisnam esset tam impius, tam demens, tam diis hominibusque hostis, qui ad illud scelus sectionis auderet accedere; inuentus est nemo, præter Antonium: præsertim cum tot essent circum hastam illam, qui tam alia omnia auderent.* Huic etiam consentaneum est quod sic Tacitus Annalium lib. 13. scribit: *Eius accusationis auctor exitit Patus quidam, exercendis apud eracrum sectionibus famosus, & tum vanitatis manifestus.* Hinc etiam intelligimus quid illud sit quod idem Tacitus, sic l. 17 scribit: *Pridie Id. Mart. commendata patribus republicæ, reliquias Neronianarum sectionum, nondum in finem tanta apud Romanos huiusmodi sectionis auacquiras, ut per eam legitimum dominium statim acquireretur.* Testatur enim M. Varro de re rustica lib. 2. dominium sex ferè res perficere, nimirum hereditatis aditionem, mancipationem, in iure cessionem, usufructum, præda sub corona distractionem, & denique sectionem.

CAPVT VIII.

Quid sit Testes de domo producere.

PAVLVS ait: *Testes eos quos accusator de domo produxerit, interrogari non placuit, cap. 24. de testibus.* Quem locum interpretans Duarenus, *Domesticus, inquit, testis non is tantum dicitur, qui in eadem domo habitat, sed & qui eiusdem familia, gentis, agnationis est.* Non rectè. Eorum enim qui de familia producebantur

tur testimonia non vsquequaque olim fuisse neglecta, docer actione tertia in C. Verrem Cicero, vbi Verrem Malleoli tutorem sic alloquitur: *Cur sodalis (erat hic Malleoli pater) uxorem, sodalis socrum, domum denique totam sodalis mortui contra te testimonium dicere; cur pu- dentiissimas lectissimasque foeminas in tantum virorum con- uentum insolitas inuitasque prodire cogis?* Huic etiam adiungi potest quod sic de Iulio Cæsare Suetonius scribit: *In P. Clodium Pompeia uxoris sue adulterum, et- que eadem de causa pollutarum ceremoniarum reum, it- stis citatus negavit se quicquam comperisse, quamvis & mater Aurelia & soror Iulia apud eosdem iudices omne ex fide retulissent.* Ideoque verisimilius est eos duntaxat testes de domo productos Paulo dici, qui in accusa- toris sunt potestate. Sic testimonium domesticum Græci interpretantur. Et idcirco non possum non probare interpretis eximij Theodori Balsamonis 132. interpretans, quo testes quos de domo producit accusator, non esse audiendos etiam traditum est, domesticos testes accusatoris ait appellari omnes qui cum eo habitant, & qui- bus ipse potest imperare. Ea nimirum ratione, qua fur- ta quæ serui faciunt dominis, liberti patronis, & mercenarij ijs apud quos degunt, domestica dicun- tur. cap. 11. §. 1. de pœnis. Ad domesticum testimo- nium spectare videtur quod sic Apuleius scribit in Apologia prima: *Capio enim produci eos pueros, quos sic libertatis audio confirmatos ad mentiendum.* Huiusmodi enim pueros de domo productos rectè dici ex VI- piano probari euidenter potest. cap. 1. §. 1. & cap. 10. §. 2. de quæst.

CAPVT IX.

Marcelli locus apud Vlpianum de curatoribus pupilli, prodigi, vel furiosi, explicatur nouo sensu.

PROMITTENDO obligari posse furiosum, & fideiussorem pro eo interuenire negauit Vlpianus, cap. 6. de verb. oblig. *Quia*, inquit Caius, *non solum ipsa stipulatio nulla intercessit, verum ne negotium quidem vllum gestum intelligitur.* cap. 70. §. 1. de fideiuss. Sed videamus ne non sibi ipsi contrarius sit Vlpianus, qui cum Marcello huiusmodi fideiussores obligari expressè visus est annotasse. *Marcellus scribit*, inquit Vlpianus, *si quis pro pupillo sine tutoris auctoritate obligato, prodigo vel furioso fideiusserit, magis esse vt ei non subueniatur: quoniam his mandati actio non competit*, cap. 25. de fideiussoribus. Corruptum esse hoc Marcelli responsum videtur, & pro Non subueniatur, legendum *Ideo subueniatur*, erroremque ex notis creatum suspicio est. Sic enim scribebant veteres *Ion*, pro *Ideo*, quod facilè in particulam *Non* transmutari potuit. Sensus igitur est: pupilli, prodigi, & furiosi fideiussoribus ideo subueniri, quoniam mandati actio pupillo, prodigo, vel furioso non competit aduersus fideiussores; hoc est, quia principalis obligatio non subsistit, ac ne negotium quidem vllum gestum intelligitur d. §. 1. Quasi in effectum dixerit Marcellus, accessorium naturam sequi sui conuenit principalis. Principalis obligatio directa mandati actio est. *Quia igitur mandati actio illis non competit: hoc est, quia obligatio principalis ipso iure inualida est; ideo subuenitur fideiussoribus*, hoc est, ideo nec accessoria conualescit. Subuenitur inquam fideiussoribus, aduersus pupilli, prodigi, vel furiosi creditores. Sanè non particulam pro *ideo*, interdum librariis obrepisse obserua-

tum est ex capit. quadragesimo quarto §. si quis sponte, de furtis. In eo enim §. vulgares quidem libri, Et ideo, Florentini verò *Et non*, scriptum expressè continent. Et hæc quidem emendatio, quæ viris aliquot eruditis mihiq̃ amicissimis mirum in modum placet, mihi sic non probatur quin putem curiosam quadam inspectione eleganter lectionem antiquam defendi posse. Quandoquidem enim Caius nullam esse stipulationem, ac ne negotium quidem vllum tunc gestum intelligi contendat quum pro furioso intervenit fideiussor, d. §. 1. utique hoc videtur intendere, ipso iure totum negotium nullius prorsus momenti esse: Si nullius momenti sit, ergo nec vlla ex eo nasci potest obligatio. Si nulla nascatur obligatio, ergo & actio & exceptio nulla. Et quia tunc demum subventioni locus est, quum id quod ipso iure vile & validum est, iure prætorio inutile & invalidum aut exceptionis, aut in integrum restitutionis beneficio reddatur: profectò mirum non est fideiussoribus huiusmodi non subueniri. Ipso enim iure obligati non sunt. Eaque res efficit ut nulla prorsus subventionis opus habeant: siquidem is, qui obligatus ipso iure non est, nullo prorsus exceptionis, nullo in integrum restitutionis opus habet beneficio, cap. 113. de reg. iuris. Et hoc nimirum illud est quod dixit Marcellus, *huiusmodi fideiussoribus non subueniri, quoniam mandati actio peripillo, prodigo, vel furioso non competat.* Sensus enim est, ideo fideiussoribus exceptionis medio non subueniri, quoniam ipso iure nulla prorsus ex huiusmodi negotio nata sit obligatio. Igitur fideiussoribus non subuenitur, quia nulla opus habent subventionem, ut potest ipso iure non obligati.

CAPVT X.

Indicatur de tutoribus fœminarum Triboniani error.

VIDETVR Tribonianus in ea fuisse persuasio-
ne, vt existimauerit finita pupillari atate, tam
puellas quàm masculos liberari omnimodo tutela cõ-
fueuisse, & ad annum vsque vigesimum quintum cu-
ratores accepisse. §. i. Inst. de curat. Quæ persuasio tal-
is est. Erant enim *mulieres in perpetua tutela*, quemad-
modũ pro Mur. testatur est Cic. Et in eius top. Boëtius,
Mulieres, inquit, *antiquo iure tutela perpetua coninebat:*
recedebant verò à tutoris potestate, quæ in manum viri con-
uenerant. Igitur atate pupillari finita, liberari tutela
solent masculi, & curatores accipere: Fœminæ verò
tandiu si non legitima, saltem cessitiæ tutelæ suberant,
donec aut sese capite diminuissent, aut virgines essent
Vestales captae. Hoc iure etiam Pauli & Vlpiani tem-
poribus vsum fuisse populum Romanum, satis ex Vl-
piani fragmentis constat. In iis enim titulo decimo,
sexus tam puberibus quàm impuberibus, propter
tutis fragilitatem forensium rerum ignorantiam, tu-
tores solere dari expresse traditum est, additurque ta-
lis inter pupillarem & muliebre tutelam differentia:
Pupillorum pupillarumque tutores & negotia gerunt,
& auctoritatem interponunt: mulierum autem tutores
auctoritatem duntaxat interponunt. Idque mirum
in modum Apulei (quem sub diuis fratribus vixisse
probauimus superiore libro) auctoritate confirma-
tur. Sic enim in Apologia secunda scribit: *Adest*
etiam tutor auctor mulieris, vir grauissimus & sanctissi-
mus, omni cum honore mihi nominandus Cassius Longi-
mus. Quare Maxime cuius emptionis auctor fuerit, quan-
tulo pretio mulier locuples agellum suum praestinarit. Testi-

monium Cassii Longini tutoris & Cornini Celeris estne ita
ut dixi? uspiam in hac emptione nomen meum scriptum est?
Et hæc quidem cum ita sint, nunc opinor intelligimus
quidnam sentiendum sit de hoc Pauli responso, quod
in Pandectis quibusdam manuscriptis rectius quam in
Florentinis ad hunc modum expressum est: Tutor pu-
pillam vel curator adultam, uxorem ducere non potest,
cap. 36. de ritu nuptiarum. Nimirum verbum hoc Cu-
rator, non esse Pauli verbum, sed Triboniani suppositum,
falso haud dubiè persuasi, non fuisse in perpe-
tua tutela puellas viripotentes, sed curatores accepis-
se. Est igitur sic legendum: Tutor pupillam vel adultam,
uxorem ducere non potest, Hoc est, pupillam aut virgi-
nem viro maturam quam habet in potestate legiti-
mus; cessicus, aut prætorius tutor, non potest uxorem
ducere. Id enim senatusconsulto non de adulta
solum, sed nominatim quoque de pupilla fuisse cau-
tum, cum ex eodem Paulo, cap. 59. de rit. nupt. tum
etiam ex testamento quodam Sempronij Tucidani
perueto isto euidenter constat, in quo sic legitur:
CAIVS TVCIDANVS QVOD PVPILLAM
CVIVS IVSSV MEO CVRAM GESSIT, CON-
TRA DECRETVM AMPLISSIMI ORDINIS
VXOREM DVXIT, EXHÆRES ESTO. Et hæc
quidem emendatio nostra duorum locorum collatio-
ne euidentissimè confirmatur. Sic enim scripsisse Te-
rentium Clementem accepimus: Sive generalis curator,
sive dotis danda constitutus sit, & amplius doti promissum
est quam facultates mulieris valent, ipso iure promissio non
valet, cap. 61. de iure dot. In fragmentis ad hunc mo-
dum scribit titulo 10. Vlpianus: Ex lege Iulia de mari-
randis ordinibus tutor datur à prætore urbis collatio-
nive, quam ex hac ipsa lege nubere oportet, ad dotem danda,
dicendam, promittendamve, si legitimum tutorem pu-
pillæ

illa non habea. Ecce Terentius Clemens curatorem, Vlpianus non curatorem, sed tutorem ait mulieri dotis danda causa constitui. Quis hic non dixerit Terentium hunc omnino contrarium esse Vlpiano, si Triboniani culpam non agnouerimus? Dubium enim miralis tutor, *sive dotis danda, dicenda, promittendaue causa constitutus sit.* Quid Cicero: An non ita etiam pro L. Flacco discessit? *Doti Valeria pecuniam omnem suam dixerat, Nihil istorum explicari potest, nisi ostenderis illam in tutela Flacci non fuisse. Si fuit, quacunque sine hoc auctore est dicta dos, nulla est.* Et idcirco generaliter posse defini-ri puro, ubicunque in pandectis tribui mulieribus curatores videmus, iis in locis omnibus, pro Curatores, esse *Tutores*, ex prudentium intentione & vera sententia reponendum. cap. 37. De ritu nupt. cap. 60. & 61. de iure dot. cap. 7. de tut. & curat. dat. ab his cap. 7. Ad l. Iul. de adult. Fortassis antiquum ius ad sui temporis rationem accommodans Tribonianus, hæc responsa sic deformauit. Id si verum est, cur igitur tres illas feminarum tutelas voluntaria quadam obliuione non deleuit, de quibus in eo senatusconsulto tractari docet Paulus, quo tutores pupillas vel adultas vxores ducere prohibentur: cap. 60. de ritu nupt. Nam si tres huiusmodi tutelas admiserit Tribonianus, non pupillas solum, sed adultas etiam sub tutela fuisse vt fateatur necessum est. Est enim feminarum tutela tripartita. Alia siquidem pupillaris est, alia cessitia, alia denique prætoria: quemadmodum ex frag. Vlp. quiuis potest intelligere. Nec est quod quis obiiciat, tutoris officium post pupillæ pubertatem finiri, idque etiam Paulum scripsisse in d. cap. 60 §. 3. Id enim sic non accipere conuenit, vt pubertate finita desinant mulieres in tutela esse. Finitur enim pupillaris tutela pubertate: incipitque

tutela muliebris, aut cessione, aut certè legitimi tutoris continuatione ex lege Claudia. Illud etiam inmonendi sumus, senatusconsultum de prohibitis inter tutores & pupillas adultasque nuptiis, orationem diui Antonini & Commodi subsecutum esse. Idque ex eo libro singulari manifestum est, quem Paulus ad orationem Antonini & Commodi scripsit. In eo enim libro plenissimè senatusconsultum istud anonymum interpretatus est idem Paulus, id quod ex epigraphe dicto cap. 60. omnino colligitur. Denique si quæsieris tutor ille qualis fuerit, quem Paulus *honorarium* appellat, *honorisque causa datum* scribit, in cap. 61. de ritu nupt. illud habeto, sic interdum datos fuisse plures tutores, ut eorum vnus administraret & reliqui potius honoris, hoc est honestatis gratia dati viderentur, quàm administrationis, cap. 3. §. in fine iud. solui. Ita enim honorarium tutorem expressè interpretatus est Vlpianus, in cap. 3. §. 1. de administ. & peric. tut. cap. 14. §. 1. de solut. Et hac de tutoribus fœminarum.

CAPUT XI.

Conciliatio vera cap. 39. De statulib. cum cap. 14. De quæst.

QVÆSITVM est, an easdem pœnas pariantur in publicis iudiciis statuliberi, quas ceteri serui. Et pati quidem pœnas easdem statuliberos, asserit Pomponius, c. 29. in princ. de statulib. negat Modestinus cap. 14. de quæst. Quid dicemus? Aliud nihil, quàm pugnam hanc sic componi posse, ut definiamus Pomponium ius illud tractare, quod eo tempore in vû fuit quo Quintus Mutius floruit: Idque ex hac eisdem, cap. 29. epigraphe satis intelligi, Pomponius libro

libro octavo decimo ad *Quintum Mutium*. Eoque iure
 ut tandem visus est populus Romanus, donec tandem
 diuus Pius Saluio Martino rescripsisset statuliberum
 quasi liberum puniendum esse, cap. 9. in fin. de pœ-
 nis. Quid enim aliud præ se ferunt hæc Vlpiani ver-
 ba, *Statuliberum quasi liberum eum iam puniendum*;
 quam statuliberum ante hanc diui Pij constitutio-
 nem quasi seruum punitum fuisse? Quid autem, si sic
 legamus; *Statuliberum quasi liberum esse iam puniendum*;
 ut pro *Eum*. reponamus, esse? Et hæc quidem videri po-
 test probabilis emendatio, quod *Eum*. & *Esse*, iisdem
 notis veteres expresserint. Auctor est enim Valerius
 Probus sic veteres has notas I. C. E. V. interpretatos
 esse, *Iusta causa esse*. vel *iusta causa eius videbitur*. Sic
 igitur legendum est in dict. cap. 9. *Statuliberum quasi*
liberum esse iam puniendum, diuus Pius Saluio Martino
 rescripsit. Et ita quidem ante rescriptum istud diui Pij
 statuliberi, non quasi liberi, sed ut serui videntur pu-
 niri consueuissent. Eoque ad *Quintum Mutium* libro
 octavo decimo arbitror Pomponium respexisse. Post
 verò editam hanc diui Pij constitutionem, statulibe-
 ri, non ut serui, sed ut homines liberi plecti cœpe-
 runt; ad quam constitutionem trahendum est supe-
 rius Modestini responsum. Idem Vlpianus statulibe-
 ros non ut homines liberos, sed ut seruos esse coër-
 cendos alio loco tradidit. *Quid tamen*, inquit, *si sub*
condicione accepit libertatem? Ecce nondum liber erit;
 sed ut seruus potest coërceri, cap. 1. §. in fine. Si is qui
 test. lib. esse iuss. erit, hoc est, puniri, cap. 6. in fine
 cum capite sequenti. & cap. 28. circa principium de
 pœnis. Et ideo ni hæc quam primus excogitaui
 conciliandi ratio hoc in loco recepta fuerit, profe-
 ctò quid dici absurdius potest, quam vnum eundem-
 que Vlpianum contraria scripsisse? Eaque res efficit;

vt mihi prorsus persuasum habeam, Vlpianum ante ad edictum scripsisse, quàm edita esset supradicta diui Pij constitutio, & ex libro ad edictum trigesimo octauo posteriorem hanc Vlpiani sententiam repetitam esse, vt indicat inscriptio d. cap. i. ad hæc per diuum Pium, non Antoninum Pium, sed Antoninum Caracallam, sub quo floruit Vlpianus, esse intelligendum, idque ex particula *Iam*, omnino probari: præsertim cum liquidò constet, Antonino Pio imperante nondum in aliquo Iuris prudentum numero. Vlpianum floruisse. Antoninum autem Caracallam, Antoninum Augustum pium nostrum interdum appellasse Vlpianum alio loco demonstratum est. Proinde quis est qui non animaduertat hæc Vlpiani verba *Diuus Pius iam constituit*, nihil aliud esse quàm illa eiusdem, *Diuus Pius noster constituit*? Et ita mihi videtur.

CAPVT XII.

Quid sit ἑρπῆσις.

AIT Vlpianus: sed si *ἑρπῆσις* sit relictæ, an *usus* sit videndum est. Et Papinianus libro septimo responsorum ait, *usum* esse, non etiam *fructum* relictum. cap. 10. §. 1. de usu & habit. Duplex erat olim dominium, Bonitarium & Quiritarium. Qui rem in bonis habebat, *ἑρπῆσις*: qui rei alicuius nudo Quiritium iure dominus erat *ἑρπῆσις* habere dicebatur. Idque ex septimo libro Epistolarum Familiarium Ciceronis est euidentissimum. In eo enim libro quædam extat Marci Curtij ad Ciceronem epistola in cuius principio sic legitur: *Suum enim ἑρπῆσις ἢ tuus κτῆσις ὁ Attici nostri. Ergo fructus est tuus, mancipium illius.* In epistola sequenti sic respondet
† Cicero: *Cuius quando proprium te esse scribis mancipio & nexu, meum autem usu & fructu, contentus esto.*

*sum. Id enim cuiusque proprium est, quo quis fruitur at-
que utitur. Vñsus igitur & fructus χρῆσις dicitur, manci-
pium verò & nexus κτήσις. Et hinc quidem opinor in-
telligimus, quæ fuerit apud Papinianum dubitandi
ratio. Quia enim vñsus & fructus χρῆσις appellacione
comprehenditur, quæsitum idcirco fuisse videtur
apud Papinianum si pecorum χρῆσις relictæ sit, puta
gregis ouilis ad stercorandum agrum, ctesis eiusdem
gregis alteri nominatim excepta, vtrum agni, lana, &
lac, & quæ in fructu sunt, ad eum qui χρῆσιν, an verò
ad eum qui κτήσιν habet pertineat. Respondit Papinia-
nus, vñsum esse, non etiam fructum relictum. Et ita
χρῆσις appellacione interdum vñsus & fructus, inter-
dum vñsus sine fructu comprehenditur. Tunc quidem
sub chresis vñsus & fructus continentur, quum ctesis
non excipitur: quod in alienatione rei mancipi con-
tingit. Hoc enim casu quominus ctesin præstari, hoc
est rem emptam mancipio dari postulet is qui chre-
sin habet, nihil quidquam vetat. Quum autem ctesis
excipitur, ea tunc qui chresin reliquit fuisse vide-
tur intentio, vt vñsum rei relictæ nudum sine fructu
penes eum manere voluerit, qui κτήσιν habet, & eius-
dem rei fructum fieri alterius habentis κτήσιν. Cùm
igitur sic scriberet Vlpianus. Sed si χρῆσις sit relictæ:
hæc videntur subaudiri verba debuisse, Ctesis nomina-
tim excepta. Interpretatio Suidæ quam secutus est Al-
ciatus, huic loco non conuenit, nullam enim conti-
net dubitandi rationem. Nam dubitasse veteres de
duplici quadam vocis huius significatione, ex verbo
Videndum satis constat.*

CAPVT XIII.

*Exceptiones pro pactionibus interdum à
veteribus vsurpari.*

EXCEPTIONES non solùm appellari solent defensiones quibus actorum excluduntur intentiones, sed interdum pactiones etiam exceptiones significant. Quo sensu excipiendi verbo vsus est Horatius Sermorum lib. 2. Sat. 3.

— *Mentem nisi litigiosus
Exciperet dominus.*

De eo enim loquitur Horatius, qui cum emptore pactus fuerat, mentem mancipij sanam non praestare. Sic excipere seruum sine peculio, visus est eo planè sensu Vlpianus accepisse, quo diceremus, pacisci cum emptore de quodam hæreditario seruo sine peculio vniuersa hæreditate vendita retinendo. cap. 2. §. 10. de hæredit. vel act. vend. Idem Vlpianus de eo disputans, qui hæreditate vendita pactus cum emptore fuerat, de retinendis quibusdam ædibus quarum nomine damni infecti promissum erat, sic scripsit: *Si venditor hereditatis ædes sibi exceperit, quarum nomine damni infecti promissum erat.* dicto cap. 2. §. 11. Denique cum sic in diuinatione scriberet Asconius; *Menius cum domum suam venderet Catoni & Flacco censoribus, ut ibi basilica edificaretur, exceperat ius sibi vnius columnæ: quid aliud quæso sibi voluit, quàm Menium ædes alienantem pactum esse cum censoribus sibi vnius columnæ ius illæsum perpetuò & saluum fore.* Idque Festi illud liquido confirmat *Restibilis ager sit, qui biennio continuo seritur farreo spico, id est, aristato; quod ne fiat, solent qui prædia locant excipere.* Quid enim in hoc loco excipere aliud est quàm pacisci? Et hæc quidem si vera

vera sunt, nunc opinor intelligimus; & rectè & ventio exceptiones illas quibus imminuitur legitima con-
Adèò autem bonæ fidei iudiciis exceptiones postea factæ in-
sunt. cap. 7. §. adèò de pactis. Eoque sensu exceptio-
nis vocabulo vsus est etiam Modestinus in cap. 39. de
Act. empti. & præter Modestinum Pomponius in
cap. 32. de usufruct. Proinde videndum est, an rectè vir
quidam acutissimus pro *Exceptiones* reponendum
esse *Depectiones* apud Vlpianum arbitratus sit in d. §.
adèò.

C A P V T XIV.

Explicatur Cap. XXXI. D. De pœnis.

GELLIVS auctor est lib. 5. cap. 14. *Androdum*
consularis cuiusdam viri servum rei capitalis dam-
naturum cum ad bestias datus esset, & à leone atrocissimo
servatus incolumis, cunctis petentibus dimissum fuisse, & pœ-
na solutum, leonemque ei suffragiis populi donatum. Hinc
colligo, ad bestias damnatos, etiam si vnam aut alte-
ram belluam superassent, necdum tamen pœna solu-
tos fuisse. Et idcirco si Androdus pœna solutus dimis-
susque favore populi non fuisset, leone illo atrocissi-
mo educto, alia confestim bellua in conseptum caueæ
immissa fuisset. Huc spectat illud Modestini. *Ad be-*
fias damnatos favore populi præses dimittere non debet: sed
si eius roboris vel artificij sint, ut dignè populo Romano ex-
hiberi possint, principem consulere debet. cap. 31. de pœ-
nis. Sensus enim est, Si is qui ad bestias damnatus est
belluam aliquam superauerit, non debet favore popu-
li illum præses dimittere, hoc est (vt Gellius interpre-
tatur) pœna solvere: sed si constiterit eximijs virib. aut
artificio quodam singulari belluam vnam aut alteram
esse

esse superatam, & ob id dignum hunc victorem qui in ludo exhibeatur populo Romano, principem Mædestinus ait à præside consulendum esse.

CAPVT XV.

Emendatur & explicatur Vlpiani locus, de eo qui equo publico in causa publica transuehitur.

TESTATUR Liuius lib. 9. à Q. Fabio Maximo institutum, ut equites Idibus Quintilibus transueherentur. Quod quæ ratione accipi debeat, non intellexerunt viri eruditi qui Liuium & qui iura interpretati sunt: Existimantque ad illam equitum censionem Liuium respexisse, quam hunc in modum in Pompeio Plutarchus, & Festus de verb. sig. lib. 3. & 8. descriperunt: Ad censores curuli insidentes in foro, dignitate ornatique insignes singuli equites equum suum manu adducebant, & de stipendijs legitimis interrogati rationem ijs reddebant: tum si quæ multa equiti irroganda videretur, censionem faciebant, diligenterque de curatione equorum inquirebant: & si quem male curatum inuenirent, non censionem solum, sed impolitias etiam faciebant, hoc est equiti æs abnegabant qui equum malè curauerat. Quæ de re sic etiam apud Gellium scriptum inueni lib. 4. c. 12. *Item si quis equus Romanus equum habere gracilentum aut parum nitidum visus erat, impolitias notabatur: id verbum significat quasi in dicas incuria.* Et hæc quidem omnia ex antiquo quo-

ratoris Claudij numismate quodam euidenter etiam possunt intelligi, in cuius nummi una parte circa caput Claudij hæc litera sunt: T. I. CLAVDIVS CÆSAR. AVG. P. M. TR. P. IMP. PP. In altera parte effigies censoris curuli:



culi infidentis, ad quem manu equitis equus ducitur, cum hac inscriptione CENSOR. Nummum hunc Hubertus Goltzius antiquitatum restaurator eximius mihi nuper manu sua delineatum exhibuit: eiusque idcirco partem alteram hic effingendam curavi, ut eximia quoddam in illustranda Romanorum antiquitate nostri Goltzii virtutis specimen his lucubrationibus meis testatum posteris & consignatum relinquam. Caterum in transuectione equitum nihil huiusmodi fieri adsolet. Quamobrem trabeatos equites Id. Iulij Q. Fabius non censeri, sed transuehi instituit, ut ex Liuiio & Valerio probatur. Sic nimirum, ut equites Romani Idib. Quint. ab æde Honoris, equis infidentes & olea coronari in Capitolium transirent. Ita enim Liuium & Valerium expressè interpretatus est Plinius aut, si mauis, Cornelius Nepos in lib. de viris illustribus: vbi de Q. Fabio (quem non Rutilianum, sed Rullianum appellandum esse docent antiqui nummi fastique consulares) ad hunc modum legitur. *Hic primus instituit ut equites Romani Idib. Quint. ab æde Honoris equis infidentes in Capitolium transirent.* Ex quo loco satis esse perspicuum puto, non censionem equitum instituisse Fabium, sed equitum transuectionem quandam, quæ singulis Idibus Quintilibus, ordinis torius equestris recognoscendi probandique gratia fieri videtur consueuisse. Nec id mirum, præsertim si addide is de hac eadem transuectione Plinium sensisse, cum sic lib. 15. cap. 4. scriberet: *Olea honorem Romanam aieestas magnum præbuit, turmas equitum Idibus Iulij ex ea coronando.* Et ad hanc quidem equitum transuectionem omnino etiam visus est Vlpianus reuocari posse, c. 2. de in ius voc. Et idcirco non *In cassis publicæ*, sed *In Capitolium* existimo Vlpianum scripsisse.

& in notarum interpretatione lapsum esse Tribonianum. Quum enim notis sic scriptum esset apud Vlpianum; *Qui eq. p. in cap. transuehitur*, ita legisse visus est Tribonianus, *Qui eq. p. in cap. p. transuehitur*, & inde scripsisse. *Qui equo publico in causa publica transuehitur*, cum scribere debuisset, *Qui equo publico in Capitolium transuehitur*. Vt enim his notis *C A. P.* causa publica, sic illis *C A P.* Capitolium significabatur, quemadmodum partim ex Valerio Probo, partim ex nummis & antiquis inscriptionibus frequenter obseruavi. Et hæc quidem emendationem verissimam esse ex eo constat, quod primus instituerit D. Augustus, ne is qui equo publico in Capitolium transuehitur possit in ius vocari. Augustus, inquit Suetonius, equitum turmas frequenter recognovit post longam intercapedinem reducto more transuectionis: sed neque detrahi quenquam in transuehendo ab accusatore passus est, quod fieri solebat. Igitur ante Augusti tempora detrahi eques in transuehendo ab accusatore, hoc est ab actore in ius ex equo trahi & rapi poterat qui transuehebatur. Accusatores in eum cuius nomen apud quæsitores deferebant, nullam hinc de accusatore iniiciendæ potestatem. Proinde quæ hinc de accusatore dicuntur, ea ad quemlibet actorem pertinere
† dubium non est. Cicero in Partit. *Sed accusatorem pro omni actore & petitore appello*. Et idcirco locus hinc pandectarum ex Vlpiani sententia ad equitum transuectionem omnino referendus videtur; quem locum notarum tandem deceptus interpretatione, ad eos transisse visus est Tribonianus, qui reipublicæ causa equum publicum accipi etiam posse non ignorans, quemadmodum in quadam ad Iulianum epistola li-
quido demonstrat D. Hieronymus. *Iam, inquit, demisso synthemate equus publicus sternebatur, & nobilem iuuenem punicea*

*punica indutum tunica baliheus ambiebat: & tamen ille
opposito notario cogeat loqui, quæ velociter edita velox con-
sequeretur manus. Eoque sensu equum publicum visus
est etiam accepisse. Cassiodorus Variarum l. 5. Iustum
est, inquit, ut cogatur illa vendere, unde publicum equum
male noscitur onerasse. Bone Deus, quàm is fallitur qui
Vlpiani temporibus equites equo publico vsos non
esse constanter asserit? Inspiciat porrò quid tit. 7. in
clauo, deque honoribus similibus annotatum reli-
querit.*

CAPVT XVI.

*Quæ dicantur diuisiones, & quid sit apud Paulum ad
diuisionem singulorum ciuium legare.*

PAVLVS ait, quod ad diuisionem singulorum ciuium
legatum est, illud ad honorem ciuitatis pertinere, c. 122.
de leg. primo. Quæ verba hanc habere sententiam vi-
dentur, ut nummorum qui viritim populo diuidendi
relinquuntur, legatum, ad honorem pertineat ciuita-
tis. Et hoc inde potissimum, quod honori veteres du-
xerint, sibi morientium testamentis aliquid relinqui:
c. 11. §. 17. de leg. 3. c. 15. in princ. de lege Corn. de falsis.
quemadmodum ex hac inscriptione constat: P O M P O -
NIVS ATIMETVS FECIT SIBI ET SVIS
ET HELVIÆ NEREIDI CONIVGI BENEME-
RENTI ET LIBERTIS LIBERTABVS QVE
EORVM QV. OS TESTAMENTO HONORA-
VIT, POSTERIS QVE EORVM. Eoque arbi-
tror Tacitum respexisse, cum sic annalium lib. 3. scri-
beret: Testamentum eius multo apud vulgum rumore
fuit, quia in magnis opibus cum ferme cunctos proceres cum
honore nominauisset, Casarem omisit. Sic honore legati tuto-
ri persequi, visus est etiam Vlpianus scripsisse capitulo
trigesimo

trigesimo sexto de excusat. Hunc autem honorem ciuitati tunc haberi, quum aliqui ciuibus singulis nummi legantur, mirum non est, si consideraremus populum ipsum ciuitatem sic esse, vt quod populo sit, id ipsam ciuitati; & quod ciuitati, id etiam fieri populo non obscure intelligatur. Idque ex Nonio Marcello euidenter potest probari, qui hanc inter urbem & ciuitatem differentiam constituit: *Vrbs est edificia, ciuitas incolæ.* Et idcirco *legatum vel fideicommissum ciuibus ciuitatis datum, ciuitati relictum* videri testatur Papinianus capite secundo de reb. dub. Et quod Paulus ad diuisionem singulorum, ciuium legare, hoc alio modo ciuitatibus in distributionem relinquere dixit Martianus cap. 117. de legat. 1. Quæri potest, hæc diuisio quomodo apud Romanos fieri consueuerit? Respondeo, singulas tribus legitimos suos diuifores habuisse, idque Alconium in hunc Ciceronis locum scripsisse, Act. 2. in C. Verrem: *Unum illud ex hominibus certis, ex quibus omnia comperi, reperiebam, fiscos complures cum pecunia Siciliensi à quodam senatore ad equitem Romanum esse translato: ex his, quasi decem fiscos ad senatorem illum relictos esse comitiorum meorum nomine, diuifores omnium tribuum noctu ad istum vocatos.* Eoque sensu Epist. 7. etiam visus est accepisse idem Cicero quum sic Epist. libro primo ad Atticum scriberet: *Consul autem ille deterioris histriionis similis suscepisse negotium dicitur, & domi diuifores habere: sed senatusconsulta duo iam facta sunt odiosa, quod in consulem facta putantur, & Domitio postulante: vnum, vt apud magistratus inquiri liceret: alterum, cuiusmodi diuifores haberent contra rem publ. His addatur illud Suetonij in Augusto. C. Octauius pater à principio ætatis & re & existimatione magnus fuit: vt mirer equidem hunc quoque à nonnullis argentarium, atque etiam inter diuifores operasque campestris proditum.*

proditum. Hæc Suetonius, haud dubiè per operas campestres, eos intelligens qui calatis in campum Martium comitiis aliquo ministerio publico fungentur. *Diuisores* pecuniam populo viritim diuebant, singuli in sua tribu, & alio nomine *magistri curiarum* appellantur, vt idem Ascon. auctor est. De quibus sic loquitur in Aulularia Plautinus Eucchio:

Nam noster nostra qui est *magister curia,*
Diuidere argenti dixit nummos in viros.

Id se ego relinquo, ac non peto, omnes illico
Me suspicientur credo habere aurum domi.

Nam non est verisimile hominem pauperem
Pauxillum parui facere quin nummum petat.

Et paulò post:

— Neque quisquam *curialium*
Venit, neque magister quem diuidere argentum
Oportuit.

De huiusmodi ciuium diuisionibus sentire visus est Cornel. Tacitus Annalium libro primo cùm ita scriberet: *Caterum Tiberius nomine germanici tricenos plebi sestertios viritim dedit, seque collegam consulatui eius destinauit.* Eoque etiam hæc antiquarum inscriptionum monumenta sunt referenda: STATVAM MERCVRII OB HONOREM QVINQ POSVIT, CVRIVS DEDICATIONE DEDIT POPVLO VIRITIM DENARIOS SING. L. D. D. D. Item: HONORE CONTENTVS IMPENDIVM REMISIT, ET DEDICATIONE STATVÆ NVSINGVLIS DENARIOS BINOS: L. D. D. D. Et iterum: QVI OB PROMISS. VENAT. PHERIS DIVISIT QVINA MIL. NVM. Et sic satis opinor esse perspicuum, quomodo ciuium fieri diuisio apud Romanos soleat: quid item per diuisiones

114 IAC. RÆVARD. TOM. I.
siones intelligi voluerit Marcellus in cap. 23. de an-
nuis legatis.

CAPVT XVII.

*Quo sensu virgines Vestales capi scripserit Vlpianus,
& locus A. Gellij restitutus ex
manuscripto codice.*

FLAMINES Diales inaugurari, & Vestales virgi-
nes capi solere, auctor est in fragmentis Vlpian.
tit. 10. In potestate, inquit, parentum esse desinunt, qui Fla-
mines diales inaugurantur, & quæ virgines Vestæ capiun-
tur. Idque de virginibus Vestæ testatur etiam in epi-
stola quadam diuus Ambrosius, sic Valentiniano Au-
gusto scribens: Vix septem Vestales capiuntur puellæ; En-
totus numerus quem infule vittati capitis, purpurat arum
vestium murices, pompa lectica ministrorum circumfusi co-
mitatu, privilegia maxima, lucra ingentia, præscripta de-
nique pudicitiae tempora coëgerunt. Idem Ambrosius sic
etiam libro tertio de virginibus scribit: At certe ipsis
gentilibus inter aras, & focos venerabilis solet esse virginitas,
& in quibus nulla meritorum est pietas, nulla mentis in-
gritas; in iis tamen carnis virginitas prædicatur. A prophæ-
tis igitur ceremoniis virgines nepro prohibebit, ab Ecclesia
Dei virginitas arcebitur? Illic coguntur quod non docentur,
hic interdicitur quod non licet non doceri? illic premiis re-
uocantur à nuptiis, hic ad nuptias coartabuntur iniuriis. Il-
lic violentia fit ut capiantur, hic fiet violentia ne proficiantur?
Hæc diuus Ambrosius. Quibus etiam modum de Ti-
berio scribit: Post quæ retulit Caesar capiendam virgi-
nem in locum Occia, quæ septem & quinquaginta per an-
nos summa sanctimonia Vestalibus sacris præfederat. Idem
libro, 15. Defunctaque, inquit, virgo Vestalis Labia

*in cuius locum Cornelia ex familia Cossorum capta est. De
nitiu autem Vestalis virginis capiunda sic scribit Gel-
lius libro 1. cap. 12. De morte riuuque capiunda virginis
littera quidem antiquiores non extant, nisi qua capta prima
est, à Numa rege esse captam. Sed Papiam legem inuenimus,
qua cauetur vt pontificis maximi arbitratu virgines è populo
viginti legantur, sortitioque in concione ex eo numero fiat,
Hac Gellius. Ex codice autem manuscripto, quem
apud Louanientes in Bibliotheca Bussidiana reperi,
hanc Papiæ legis sententiam mutilam esse & imper-
fectam in omnibus impressis exemplaribus animad-
uerit, addendaque hæc verba: Et cuius virginis ducta
erit vt eam pontifex maximus capiat, eaque Vesta fiat. Est
igitur ad hunc modum integritati pristina restituen-
da quam Gellius allegat, legis Papiæ sententia: Sed
Papiam legem inuenimus, qua cauetur vt pontificis maximi
arbitratu viginti è populo virgines legantur, sortitioque in
concione ex eo numero fiat, & cuius virginis ducta erit,
vt eam pontifex maximus capiat, eaque Vesta fiat. Et
hæc hæctenus.*

CAPVT XVIII.

De Triumuiris capitalibus.

TRIUMVIROS capitales constitutos esse scribit
Pomponius, qui carceris custodiam haberent, vt quum
animaduerti oporteret interuentu eorum fieret, cap. 2. §. 16.
de orig. iur. Hæc verba non sic accipere conuenit, qua-
si vnquam custodes carceris triumviri fuerint, sed ita
potius vt curam habuerint custodiæ carceris. Idque sa-
tis indicat Liuius, cum sic libro 42. scribit: Et trium-
viri carceris latomiarum intentiorem custodiam habere
iussi. Ex eodem autem Liuiio aliisque probatis aucto-
ribus liquidò constat, carnificem carceris custodem
fuisse,

fuisse, non triumuiros capitales. Sic enim scribit libro 6. Liuius: *Eum pati vinctum in carcere, in tenebris obnoxiam carnificis arbitrio ducere animam?* Et Seneca Epist. lib. 2 *Liberiora sunt alimenta carceris, sepositos ad capitale supplicium non tam anguste qui occisurus est pascit.* Et id quidem adeò verum est, vt in carcerem & ad carnificem trahere, vno eodemque sensu frequenter puerint veteres. Plautus in Rudente:

Iube illos in urbem ire obuiam ad portum mihi

Quos mecum duxi qui hunc ad carnificem trahant.
Proinde verisimilius est triumuiros carceris custodes non fuisse, sed curam custodiæ carceris habuisse. Idque ex Valerio Maximo satis potest intelligi, qui de singulari & eximio quodam filia erga matrem amore differens libro quinto, cap. 4. triumuiros expressè à carceris custode distinxit. Sic enim scribit: *Sanguinis ingenui mulierem prator apud tribunal suum capitali crimine damnatam, triumuiro in carcere necadam tradidit: quam receptam is qui custodiæ præerat, misericordia motus, non protinus strangulauit: aditum quoque ad eam filia, sed diligenter excussa, ne quid cibi inferret, dedit existimans futurum vt inedia consumeretur. Cum autem iam dies plures intercederent, secum ipse querens quidnam esset quod tam diu sustentaretur, curiosius observata filia animaduertit illam exerto ubere famem matris lactis sui subsidio lenientem. Que tam admirabilis spectaculi nouitas ab ipso ad triumphum, à triumuiro ad prætorem, prætore ad consulum iudicium perlata remissionem poenæ impetrauit. Hec Valerius. Eoque sensu accipiendum etiam est quod idem Valerius libro octauo, cap. 4. hunc in modum scribit: *Foris seruus Alexander cum in hanc venisset suspicionem C. Fl. equitis Romani occisi, septies tortus pernegauit ei se culpa affinem esse: sed perinde atque confessus, & à iudicibus damnatus, & à L. Calpurnio triumuiro in crucem actus est.**

Id enim sic accipiendum est, quasi dixerit Valerius, non ab ipso triumuiro, sed interuentu L. Calpurnij triumuiroi capitalis à carnifice in crucem Alexandrum hunc actum fuisse. Huius etiam loci est, quod in coniur. Catil. sic scribit Salustius; *Triumuiros, quæ supplicium postulabat, parere iubet.* Auctor est Festus, *legē quādam tribunitia exigere etiam sacramenta triumuiros capitales consueuisse. Sacramentum autem veteres appellabant: & quidem duplici ratione, interrogatione nimirum, & conentione.* Qui in huiusmodi pœnas ex legibus senatusve consultis aut constitutionibus inciderant, quæ hui pecunia debebant, hi à triumuiris pœnam terentium sacramento olim contendere solebat, quum de re aliqua incideret controuersia. Tunc enim alter alterum sacramento interdum quingentenario prouocabat hac formula. **QVANDO NEGAS TE SACRAMENTO QVINQVAGENARIO PROVOOCO;** auctore Valerio Probo. Idque etiam Varro testatur est lib. 4. de ling. Lat. Sed quia locus Varronis mendosus est, eum non ut vulgo legitur, sed ita uti à me est restitutus, hinc subiiciam. *Ea pecunia, inquit Varro, quæ in iudicium venit in litibus, sacramentum, à sacro: qui petebat & qui inficiabatur, de aliis rebus vteretur, quæ quinquagenos asses apud Pontificem deponebat, de aliis rebus, item certum alium & legitimum numerum assium, qui iudicio vicerat suum sacramentum à sacro aufererat, viti ad erarium redibat.* Hactenus Varro. Idque adeo verum est, ut sacramentum in aliis rebus assium quingentarium fuisse, in aliis quingentorum, inter eos qui iudicio inter se contendebant, etiam Festus admonuerit. Et hæc quum ita sint, non esse nunc admodum obsecrum puto, quid sibi voluerit huius tribunitia legis

auctor, quam apud Festum de verb. sign. lib. 7. facile mihi persuasit Lucas Fruterius ingenio singulari præditus adolescens, ad hunc modum restituendam esse:

QVICVNQVE POSTHAC PRÆTOR FACTVS
ERIT QVI INTER CIVEIS IVS DICET,
TRES VIROS CAPITALES POPVLVM RO-
GATO: IIQVE TRES VIRI CAPITALES
QVICVNQVE A POPVLO FACTI ERVNT
SACRAMENTA EXIGVNTO IVDICANTO-
QVE, EODEMQUE IVRE SVNTO, VT E I EX
LEGIBVS PLEBEIQVE SCITIS, EXIGERE
IVDICARE, ESSEQVE OPORTET. Elegans
lex tribunitia, eleganterque restituta, per quam trium-
uiros capitales populum rogare prætor iubetur: illique
à populo facti, sacramenta exigebant, & iudicabant,
sic nimirum, vt si quid pœnæ nomine ab aliquo de-
pendendum foret, id si non dependeretur, exigent
triumui. Tunc si is à quo sacramentū exigebatur, ne-
garet pœnæ nomine se conueniri posse: iidem triumui-
ri non exigebant solum, sed etiam sacramentum, siue
de sacramento iudicabant. Fuisse autē huius legis au-
ctorem L. Papirium tribunū plebis Festus contendit.
Sanè quendam L. Papirium tribunum fuisse militum
testantur Fasti consulares, nullum autem L. Papirium
† tribunum plebis. Cicero pro domo sua *Q. Papirium*
legem tribunitiam rogasse ait, quæ vetaret iniussu plebis,
adem, terram, agros consecrare. Fortassis hunc eundem
huius nostræ de triumuiris capitalibus legis tribuni-
tiæ auctorem fuisse non malè dixeris. Nec quidem
sacramenta duntaxat exigebant, iudicabantque triumui-
ri capitales: sed de seruis etiam, de furibus, aliisque vilibus &
abiectionis hominibus cognoscebant, & in eos apud
columnam Meniam animaduertabant, vt auctor est Al-
conius. Quò spectat illud Plauti in Aulularia. *Quid*

Quid stolide clamas?

Eu. Quia ad tresuiros iam ego deferam tuum nomen.

C. Quamobrem?

Eu. Quia cultrum habes. C. Coquum decet. Eu. Quid cominatus es

Mibi? C. Istud malè factum arbitror quia non laus fodi.

Solent qui cum telo hominis occidendi causa ambulant, lege Cornelia teneri, cap. i. ad l. Cornel. de sic. Et tunc quidem, si viles accusandi forent, & improbæ conditionis homines, quales esse lenones, fures, coqui, serui, meretrices, & id genus alij existimantur: non apud quaestorem, sed apud triumuiros capitales eorum nomina deferrebantur. Idque ex hoc Plauti loco satis, ni fallor, intelligi potest, praesertim si addideris, sic eundem Plautum in *Asinaria* scripsisse:

Ibo ego ad tresuiros, vostraque ibi nomina Faxoerunt capitis.

In hoc enim loco, quia de iis controuersis quæ in genuo adolescenti cum scorto fuerant differitur, ideo non apud praetorem, sed apud tresuiros capitales lena meretricumque nomina se delaturum adolescens minatur.

C A P V T XIX.

Consiliatio cap. 81. De furtis cum cap. 4. §. 4.
Ad legem Iuliam peculatus.

AIT Papinianus: Ob pecuniam ciuitati subtractam, actione furti, non crimine peculatus tenetur, dicto cap. 81. Contra: Si de re ciuitatis aliquid surripiatur, constitutionibus, inquit Martianus, principum diuorum Traiani & Hadriani canetur peculatus crimen committi, d. §. 4. Pugnam hanc sic compones, vt dicas aliud esse

subtrahere ciuitati pecuniam, aliud de re ciuitatis aliquid furripere. Subtrahit curator reipublicæ, qui quum reipublicæ nomine centum & quadraginta recepisset, centum duntaxat in tabulis accepta fert: surripit, qui rem quæ in vſu populi eſt, & iure domini ab eo poſſidetur, aufert clam ex publico, & in vſu priuato conuertit. Curator qui pecuniam ciuitati ſubtrahit, ſiquidem id ignorans fecerit, calculi error retractabitur cap. penult. de adminiſtr. rer. ad ciuit. pert. ſin. verò per fraudem *furti actione*, non crimine peculatus tenebitur, hoc eſt in duplum. cap. ſin. §. 1. ad tit. Adminiſtrationis enim fraudulentæ, non criminis alicuius arguitur. Aliud eſt ſi præſides aut præconſules alicuius Romanorum magiſtratus aliquid ærario ſubtraxerint. Illi ſiquidem non furti ſed peculatus ſolent inſimulari, eiufq; pœna coërceri cap. 10. Ad leg. Iul. peculat. Nô enim dubito, quin *per tabulas publicas*, eas tabulas quæ à præſidibus in ærarium populi Romani deferrebantur, Martiane intellexerit in d. cap. 10. argum. cap. 8. & cap. 9. §. 2. & 3. d. tit. Certè quia de quaëſtoribus & præfectis ærarij ſic etiam ſcripſit Tacitus lib. 13. *Dein princeps curam tabularum publicarum à quaëſtoribus ad præfectos tranſtulit.*

CAPVT XX.

De his qui officij cauſa in prouinciis agunt, & militanti.

MODESTINVS ſcribit: *Qui officij cauſa in prouincia agit vel militat, prædia comparare in eadem prouincia non poteſt, præterquam ſi paterna eius à ſiſco diſtrahantur* cap. 62. de contrahend. empt. Addit Martiane, eum qui quid ex officio quod adminiſtrat emit, vel per ſe vel per aliam perſonam, non tantum rem amittere, ſed & in quadruplum conueniri, ſecundum conſtitutionem

in *diui Severi & Antonini imperatorum*, cap. 46. d.
 tit. Cur autem hæc tam discretè cauta & sancita fue-
 rint, elegans est à M. Cicerone in Verrina 6. prodita
 ratio. *Que fuit caussa*, inquit Cicero, *cur tam diligenter*
non in prouinciis ab emptione remouerent? Hæc indices,
 quod putabant ereptionem esse, non emptionem, quum ven-
 ditori suo arbitrato vendere non liceret. In prouinciis intel-
 ligebant, si is quis esset cum imperio & potestate, quod apud
 quemque esset emere vellet, idque ei liceret, fore uti quod quis-
 que vellet, siue esset venale, siue non esset, quanti vellet au-
 ferret. Hæc Cicero. Similis quoque ratio fuisse vide-
 tur, cur is qui in aliqua prouincia officium administrat in-
 de oriundam vel ibi domicilium habentem uxorem ducere
 non possit. c. 38. de ritu nupt. Ne videlicet eripere magis
 quam consensu parentum amicorumque liberrimo
 uxorem ducere videatur. Sponsalia tamen sic contrahi
 possunt, ut si post depositum officium mulier nuptias contra-
 here noluerit, liceat ei hoc facere, arris tantummodo redditus
 quas acceperat. d. c. 38. & ita Paulus scribit: cuius sen-
 tentiæ omnino contrarium videtur rescriptum Gra-
 tiani, Valentiniani, & Theodosij Imperatorum quod
 extat sub tit. C. Si rector prouinciæ. In eo enim rescri-
 pto expressè traditum est, ne arras quidem inuitam spon-
 sam quas acceperat, cognoscendam reddere. Hanc pugnam
 ut componant interpretes, referre nec opus, nec otium,
 nec operæpretium est. Tantum illud dicam, ne ipsum
 quidem Cyrillum Græcum interpretem audiendum
 esse, qui Pauli responso eos tantum contineri existi-
 mat qui officium administrant, Imperatorum verò re-
 scriptum de ipso præside accipiendum esse. Quid?
 quum responderet Modestinus eum qui officij caussa
 in prouincia agit vel militat, prædia comparare in ea-
 dem prouincia non potuisse, an quæso officij nomine
 prædides, proconsules, reliquosque similes magistra-
 tus

tus non est complexus? Id si negaueris, obijciam Martiani responsum. Is enim Imperatorum Seueri & Antonini, de ijs qui officij causa in prouincijs militant, constitutione, ipsos etiam Caesaris procuratores contineri expresse tradidit cap. 46. de contrah. empr. Responso Martiani Hermogenianum subijcio, qui officij causa in prouincijs militantes, praesidem seu procuratorem, vel alium quemlibet interpretatus est, cap. 46. de iure fisci. Proinde quod Paulus de officij causa in prouincijs militante scribit cap. 38. de ritu nupt. id omnino tam ad praesides, proconsules, similesque magistratus, quam ad reliquos officiales pertinere dubium non est. Quid ergo dicemus? Id certe quod res est: nimirum constitutionem Graciani, Valentiniani, & Theodosij, hac in parte iuri veteri derogare. Et ita mihi videtur.

Finis libri secundi Variorum.

IACOBI

IACOBI RÆVARDI
IVRISCONSULTI
VARIORVM, SIVE DE
Iuris ambiguitatibus
LIBER TERTIVS.

CAPVT I.

*Quæ nominibus obligatio fieri dicatur, & de signatoribus
quadam non vulgaris.*



QUAM, inquit Iustinianus, scriptura fiebat obligatio, quæ nominibus fieri dicebatur, quæ nomina hodie non sunt in usu. §. 1. Inst. de lit. oblig. cap. 1. de annuis legat. Qualis hæc fuerit quæ nominib. fiebat obligatio, rectè (ut opinor) nulli interpretantur. Eam eleganter, quanquam non absolutè omnino, ex veterum Iurisconsultorum commentarijs Theophilus mihi descripsisse visus est. Ait enim sic apud veteres nominibus fieri solitam obligationem, ut is qui rem aliquam emptionis, locationis, stipulationis, aut similis causa sibi habebat obligata, maioris securitatis causa tabulas proferret, quibus debitorem ad perscribendam debiti, seu nominis quantitatem & causam veterem hac intentione virgebat, ut omissa veteris obligationis causa commodior succederet ex literarum subsignatione ciuilis debiti persecutio. Soror esse prætermittum) præsentibus Romæ quidem equitibus

equitibus aliquot aut alijs ornatis viris, in provincijs
 verò ipsis duumviris aut decurionibus tractari, qui
 literas huiusmodi signabant. Scribit enim expressè Se-
 neca de benef. lib. 2. *cum nomina sunt, interponi pararijs,*
signatores aduocari, & chirographum dari. Quidam, in-
 quit, nolunt nomina secum fieri, nec interponi pararios, nec
signatores aduocari, nec chirographum dari. Idem Seneca
 per tabulas plurium nomina adhibitis vtrinque testi-
 bus, interpositis pararijs, subsignatione, interrogatio-
 ne, fieri solere expressius multo testatus est de benefi-
 cijs lib. 3. cap. 15. *Vinam,* inquit, *persuadere possemus et*
pecunias creditas tantum à volentibus acciperent: utinam
nulla stipulatio emptorem venditori obligaret, nec pacta con-
uenta impressis signis custodirentur, fides potius illa serua-
ret, & æquum colens animus. Sed necessaria opimis prece-
 lerunt, & cogere fidem quam spectare malunt. Adhibentur
 ab utraque parte testes, ille per tabulas plurium nomina in-
 terpositis pararijs facit, ille non est interrogatione contentus,
 nisi rem manu sua tenuit. O turpem humani generis frau-
 dis ac nequitie publicæ confessionem: annulis nostris plus
 quam oculis creditur. In quid isti viri ornati adhibiti sunt?
 in quid imprimunt signa? Nempè ne ille neget accepisse si
 quod accepit. Hæc Seneca. Dubium non est quin de il-
 la obligatione hîc senserit Seneca, quæ olim fieri no-
 minibus dicebatur: & nomina tunc fieri interpreta-
 tur, quum interpositis pararijs, plurium sunt nomi-
 na. Sic, ni fallor, ut non solum plurium, qui adhibiti
 sunt, ornatorum virorum annuli chirographo im-
 mantur: verum etiam ut testium signatorumque no-
 mina in ipsis chirographi tabulis exprimantur. Et sic
 quidem ea forma fieri apud veteres plurium nomina
 dicebantur, qua iidem verba fieri dixertunt. Quem-
 admodum enim verba fieri ab eo dicuntur qui loqui-
 tur, qui verba profert: sic plurium quoque tunc fieri
 dice-

dicbantur nomina, quum plurium qui adhibebantur testium nominibus chirographum signabatur. Plurium igitur nomina per tabulas fieri non solebant, nisi nominibus obligatio contraheretur: nullamque nominibus vnquam obligationem fuisse contractam est verisimile, in qua per tabulas plurium nomina non essent. Et ita quidem multum inter se differunt, *nomina facere*, & *nomina plurium facere*. Qui æs alienum non vnus sed vnum facere dicitur. cap. 41. §. fi. de fideic. libert. Si tutor, inquit Papinianus, *mandet suscipi vel probari nomen quod fecit, teneri eum mandati*, c. 12. §. 11. Mandati. Hoc est, si tutor mandet debitum quod contraxit suscipi vel probari. Et tunc quidem à nominibus, quæ pro debitis idcirco accipiuntur, quod in tabulis accepti & expensi scribi soleant debitorum nomina, nomen descendit appellatio. Qui nomina plurium per tabulas faciebant, vtrumque testes adhibebant, & pararios, hoc est librarios interponebant. *Testes autem erant viri ornati*, inquit Seneca; nimirum Romæ equites alique clari nominis & integræ famæ viri; in prouincijs, duumviri, decuriones, alique non ignobiles. His præsentibus sic creditor debitorem suum interrogabat: *Centum illos aureos quos mihi ex causa mutui debes, tu mihi ex promissione, & conuentione litterarum tuarum dabis?* Tunc debitor respondedat, *Ex conuentione dabo mearum litterarum*. Nec quidem huiusmodi interrogatione contentus erat creditor, inquit Seneca, nisi rem quoque manu teneret. Et idcirco tabulas quibus illa interrogationis & responsionis solennia verba continerentur, certis verbis & certis quibusdam formulis transcribebant pararij, adiectis loco, die, & consule. c. 9. §. 1. de pœn. c. 1. de edend. Huc spectat Plauti illud in Aulularia.

*Nostra etas non multum fidei gerit,
Tabule notantur, adsunt testes duodecim,
Tempus locumque scribit Actuarius:
Tamen inuenitur rhetor qui factum neget.*

Huic etiam consentaneum est illud Scauola: Si libe-
rius in transcribendis stipulationis verbis errasset, nihil no-
cere quo minus & reus & fideiussor teneatur: cap. 93. de
reg. iur. Nec quidem dubito quin per pararium hic in-
tellexerit eum Seneca, quem Plautus actuarius, Sca-
uola librarium, & Ulpianus tabellionem appellant. Tan-
dem viri ornat, qui erant adhibiti, tabulis transcriptis
non signa solum imponebant, sed nomen etiam quil-
que suum subscribebat. cap. 39. de verb. sig. cap. 22. §. 4.
Qui test. fac. po. cap. 4. in fin. de auct. tut. Quomodo
autem signari huiusmodi tabula debuerint, elegan-
ter docet Iulius Paulus Sent. lib. 5. tit. 25. his verbis:
*Amplissimus ordo decreuit, eas tabulas que publicis vel pri-
uati contractus scripturam continent, adhibitis testibus ita
signari, ut in summa marginis ad mediam partem perfora-
ta triplici lino constringantur, atque imposita supra linum
cetera signa imprimantur, ut exteriores scripturae fidei in-
teriori seruent: aliter tabula prolata nihil momenti tempo-
ribus in Nerone docet Suetonius. Aduersus falsarios
inquit, tunc primum repertum, ne tabula nisi pertusa et
ter lino per foramina traiecto obsignarentur. Porro qui ta-
bulas signabant, signatores dicebantur. cap. 22. de re-
stitibus c. vltim. de le. com. cap. 32. §. 1. de furtis. Tabel-
lae verò subsignatae, an syngraphae, an verò chirogra-
phi nomen habuerint, videamus. Seneca visus est eas
appellasse chirographa. Inter syngraphas autem
chirographa hanc constituit Pedianus differentiam,
quod in chirographis tantum quae gesta sunt scribi so-
leant; in syngraphis verò etiam contra fidem verum
passio*

*pauca veniat, & non numerata quoque pecunia, aut non
negrè numerata, pro temporaria hominum voluntate
sibi soleant more institutóque Græcorum: & cete-
re tabulæ ab vna parte seruari solent, syngraphæ si-
gnatæ vtriúsque manu, vtrique parti seruandæ tra-
duntur. Eas igitur de quibus nos tractamus tabulas
syngrapha rectiùs quàm syngraphas appellabimus:
liquidem in obligationibus quæ fieri nominibus di-
cebantur, ea duntaxat quæ gesta erant, continebantur;
quemadmodum ex Seneca & Theophilo probatum
est. Proinde verba illa, quæ sic apud eundem Senecam
leguntur, *Ille non est interrogatione contentus, nisi rem ma-
nu sua tenuit*: sic rectè interpretabimur, vt creditori sa-
tis non fuerit, eo quem suprà descripsi modo debito-
rem interrogasse, nisi rem, hoc est obsignatas tabulas
ab ipso creditore seruari solebant. Vnde satis esse
absurdum videtur, quod Theophilus de scribendo
ad eum comminiscitur, quem creditor litterarum
obligatum habere cupiebat. Is enim
Doleo equidem Theophilum in hac præclara anti-
quitate ex eruditissimis veterum Iurisperitorum
aut diligentiam adhibuisse. Sunt quidem præclara,
sunt egregia quæ ab eo proferuntur, sed mutila, sed
imperfecta, & quæ à fide sincera nonnihil aberrant.
Ceterùm equites Romanos huiusmodi tabulas signas-
se, quanquam id ex Seneca, qui tantùm viros ornatos
requirit, non euincatur: hinc tamen potest intelligi,
quod equites ius haberēt annulorum & quod prætor
equites aliquot certo numero, qui in albo scribeban-
tur, selectos habuerit olim, ex quorum numero in pri-
uatis causis liberam faciebat litigatoribus iudicem*

iudicisve eligendi potestatem, quemadmodum ex eodem Seneca cognoscimus de benef. lib. 3. c. 7. & Aul. Gellio lib. 14. cap. 2. Et sic mirum non est, quos priuatis controuersijs dirimendis prætor præfecerat, eodem signandis etiam obligationibus priuatis operam dedisse. Et hæc quidem Romæ sic erant in vfu. In prouincijs verò duumuiros, decuriones, aliisque viros ornatos testes vel signatores olim solitos adhiberi, non inficiabitur qui satis quid sibi voluerit Venuleius intelligit, cum ita scriberet: *Curent magistratus cuiusque loci, testari volentibus, & se ipsos & alios testes vel signatores præbere, quo facilius negotia explicentur, & probatio rerum salua sit.* cap. 22. de testibus. Dubium non est quin de ea obligatione senserit hic Venuleius quæ nominibus fieri dicebatur, certè quod in ea contrahentes soleant testari, hoc est testes adhibere, quo facilius negotia (hoc est contractus, cap. 3. de bon. auct. iud. poss. cap. 35. & cap. 52. de cont. empt. cap. 5. s. 1. de oblig. & act.) explicentur, & probatio rerum salua sit. Illud præterea otiosum non est, quod dixerit Venuleius, *Testes vel signatores*: quasi aliqua in prouincijs ferri nomina per tabulas potuerint præsentibus solis testibus, sola subscriptione, sine aliqua signatione, quod est verissimum. Temporibus enim Caij Plinij, nimirum sub Vespasiano, nullos omnino maior pars gentium hominumque, etiam qui degebant sub imperio Romano, annulos habebat: *non signabat tunc Oriens aut Egyptus, literis contenta solis*, vt scribit idem Plinius Nat. hist. lib. 33. cap. 1. Quia igitur etiam Alexandri temporibus, quibus noster floruit Venuleius, passim signandi ratio non ita vigebat: idcirco magistratus cuiusque loci præbere se, & alios testari volentibus testes vel signatores debuisse contendit Venuleius: *Testes* quidem ijs in locis in quibus signatores erant incogniti;

VARIOR. LIB. III. §29
incogniti; signatores verò, vbi in vsu signandi vigebar
tio. Et hanc esse puto vt nouam sic veram huius re-
sponsi perdifficilis sententiam.

C A P V T II.

Explicatur cap. 8. De public. & vectig.

SI vnus ex pluribus heredibus, inquit Papinianus,
rem munem causa vectigalis surripiat, portiones cate-
ris non auferuntur, d. cap. 8. Hæc est Florentina lectio.
Passim pro munem in editionibus pandectarum vul-
garibus communem legitur: eamque lectionem pro-
bant interpretes: ego Florentinam puto veriore esse.
Dubium non est quin res immunes, liberas & ab om-
ni onere obligationeque vacuas appellauerint veteres.
Idque ex Saluiano satis potest intelligi, qui sic de pro-
videntia Dei libro quarto scribit: *Ecce enim remedia*
pridem nonnullis urbibus data quid aliud egerunt quam vt
cunctos diuites immunes redderent, miserorum tributa cu-
mularent; vt illis demerentur vectigalia, istis vt adderen-
tur noua? Immunitibus rebus res munes contrariæ sunt.
Nam quum sic in Mercatore Plautus scriberet: *Dico*
eius pro meritis gratum me ac munem fore: nonne idem
est ac si dixisset, pro eius meritis illi me obligatum
agnosco? Et sic etiam illud esse accipiendum puto, quod
ita Lucil. apud Non. scribit: *Munifici munesque amicis*
nostris videamur viri. Quamuis sic locum hunc inter-
pretatus sit Non. vt per viros munes, consentientes vi-
ros ad ea quæ amici velint, intellexerit. Quamobrem
quod de re causa vectigalis muni scribit Papinianus,
hoc rectissime sic interpretabimur: *Si vnus ex pluri-*
bus heredibus rem causa vectigalis munem, hoc est rem
vectigalis causa fisco obligatam, surripiat: ideo portio-
nes; ceteris non auferri, quod dolus & fraus, & furtum

vnus ex cohæredibus redundare in aliorum cohæredum perniciem ac detrimentum non sit æquum. Verum surripientis portio non dubium est quin fisco applicetur. Atque ita quidem mihi videtur.

CAP V I I I.

De geminatis præpositionibus quadam à nemine animaduersa.

QVI non animaduenterunt tam iuriconsultos, quam alios auctores interdum præpositiones geminasse, hi pro *In circum*, existimarunt *In circum*, reponendum esse apud Macrum, c. 37. de reli. & sumpt. fun. Ego didici ea forma & eadem planè ratione *In circum* scripsisse Macrum, qua aliis in locis *In super*, *In ante*, *ex ante*, *ad ex*, *ab ultra*, *ab ante*, *in coram*, *in palam*, *ab usque*, *ex usque*, *in usque*, scriptum inuenimus. Et idcirco sic Macrum interpretari soleo, quasi ille *In circum* pro *circum* quaque posuerit. Eadem etiam forma dixit Papinianus, *se propter publicam utilitatem, ne infestula cadauera iacerent, strictam rationem in super habere*, cap. 43. d. tit. defuncti vindictam in super habere, cap. 27. de his quæ ut indig. Hoc est eius quod superabundat loco reputare. Et quia id quod abundat, negligere plerunque solemus, idcirco rectissime Cuiacius in super habere positum pro negligere arbitratus est. Eoque sensu accipiendum est illud Gellij libro primo, Tarquinius ore iam serio atque attentiore animo fit, eam constantiam confidentiamque non in super habendam intelligit. Simili modo, in super fundum legare, eo scriptis se videtur Scæuola, quo fundum præceptione hereditato legare dicimus, cap. 20. de institut. & instrument. legat. Siquidem id quod præcipuum hereditatum legatum est, idcirco insuper legatum possit dici, quod illud

illud ultra portionem hæreditariam instituto hæredi
super & saluam sit. Proinde non rectè mihi visus est
ut quidam ingeniosissimus hic apud Scauolam In-
structum, pro *In super*, reposuisse. Et has quidem gemi-
natas præpositiones *In super*, & dictiones huiusmodi,
In super habere, separatas fuisse non coniunctas, ex Q.
Scauola probari potest, quem Gellius libro quarto
Noct. Att. cap. 2. ait sic scripsisse: *Hæc ego cum Philo-
sophia me dedissem, non in super tamen habui discere.* Et
Plautus in Mercatore idipsum etiam liquidò demon-
strat, his verbis.

*Neque quisquam hominem conspiciat, donec in na-
ui super.*

Quo in loco *In naui super*, dixisse Plautum puto pro
In superiore naui parte. Nam qui in parte naui supe-
riore est, is & super & in naui est. Quibus etiam addi
potest quod ita Symmachus Epist. lib. 2. scribit: *Hæc me
atque alia huiusmodi perpulerunt, scribendi munus in super
non habere.* Similis est illa præpositionum geminarum
ratio, qua in pandectis Vlpianus, & ad Atticum lib. 2.
usus est Cicero. Sic enim apud Vlpianum legimus:
Veniam in ante actum dedit, c. 1. in princip. de fugiti-
uis. Et Cicero, Comitia, inquit, Bibulus cum Archilo-
chio edicto in ante diem 15. kal. Non. distulit. Et libro
tertio. De Quinto fratre numiy nobis tristes nec varij ve-
nerunt, ex ante diem Non. Iunij usque ad prid. kal. Sept.
Idem Cicero Epistol. famil. libro octauo sic etiam scri-
bit: Cum magistratum inissent ad ex kal. Mart. His adde
Apuleij illud de Asino libro 10. Grandi præmio vilis ac-
quiritur aliqua, sententia præsidis bestiis addicta, que me-
cum in coram publicam populi caueam frequentaret. Sic *In*
palam, visus est etiam aduersus Constatium Augustum
Hilarius scripsisse: *Pugnaremus, inquit, in palam & cum
fiducia, contra negantes, contra torquentes, contra iugulantes.*

Dixerunt etiam veteres *Ab ante*, & *Ab ultra*. In quodam enim epitaphio quod Romæ in ædibus Matiorum extare dicitur, sic legimus: ET ALIA TABER. AB ULTRA VIC. TRI. AR. Et in epitaphio An. Crestinæ: NE QVIS NOS INQUIET ET EX ARCA NOSTRA, NEQUE AB ANTE ALIAM PONAT, AVT COMMVTET. Hac qui non considerauerunt, intellexisse non videntur quo sensu sic in Eunucho scripserit Terentius: *Ex Ethiopia est usque hæc*. Nec aliò referendum est, quod in hunc modum ad Scapulam Tertul. scribit: *Sed iidem ipsi, qui per genios eorum in pridie usque iurauerant*. Addatur & illud Taciti Annalium libro 15. *Volucres & feras diuersis è terris, & animalia maris Oceano ab usque petiuerat*. Huic etiam consentaneum est quod sic pro L. Flacco Cicero scribit: *Qui hac ipsam legationem quam habet, non accepit à suis ciuibus, sed ab usque Tmolo petiuit*. Vulgo legitur, *Sed usque Tymolo petiuit*. HENRICVS autem Stephanus in veteri libro *Ab usque* scriptum obseruauit. Nec dubito quin ea sit germana lectio, præsertim quæ præpositionum antiqua & visitata quadam geminatione mirum in modum confirmatur.

CAPVT IV.

Verus intellectus cap. 1. De legat. 1.

PER omnia, inquit Vlpianus, *exaquata sunt legata fideicommissis* dict. cap. 1. Id qua ratione accipi debeat, viri docti non intelligunt. Et est sanè axioma falsissimum, nisi si ad locum ex quo desumptum est, illud referatur. Quia igitur ex libro Vlpiani ad edictum sexagesimo septimo illud axioma in tractatum legatorum transtulit Tribonianus, & quia in libris ad Sabinum plenissimè de legatis scripsit Vlpianus; videndum

dam est quid idem Vlpianus in libro sexagesimo se-
 pimo ad edictum tractauerit. Certè quantum ex in-
 dice quem Labitti beneficio nacti sumus, dicere po-
 tui, magnam illius libri partem in interdictis *Quot le-
 gatorum, & Quorum bonorum* interpretandis Vlpianum
 consumpsisse deprehendi. Quum igitur sic prætoris
 interdictum conceptum esset: *Quod legatorum nomine
 non ex voluntate heredis occupasti, id restituas heredi:*
 quumque is qui occupauerat, non legatorum sed fi-
 deicommissorum nomine se occupasse contenderet,
 & idcirco interdictum *Quod legatorum* locum non ha-
 bere, respondisse videtur Vlpianus, *Per omnia ex æqua-*
ta esse legata fideicommissis: hoc est interdicto *Quod le-*
gatorum sic legatorum appellatione fideicommissa cõ-
 tineri, vt quæ de legatis prætor interdixit, eadem quo-
 que de fideicommissis esse interdicta censeantur, ea
 nisi fallor ratione, qua *hereditatis appellatione bonorum*
 quoque possessionem contineri scripsit Paulus, cap. 137.
 de verborum sign. Illud siquidem sic non accipere
 conuenit, vt verbo hereditatis bonorum possessio
 contineatur; verum ita, vt quæ in lege Papia quam
 tunc quum hæc scriberet Paulus interpretabatur, de
 hereditate dicebantur, locum etiam aliquem in bo-
 norum possessione obtinerent.

C A P V T V.

*Emendatur & explicatur Callistrati locus, de
 magna capitis diminutione.*

C O N S V M I T U R existimatio, inquit Callistra-
 tus, quoties magna capitis diminutio interuenit, id
 est, cum libertas admittitur, veluti cum aqua & igni in-
 terdictiur, quod in persona deportatorum euenit; vel cum
 plebeius in opus metalli vel in metallum datur, cap. 5. de

extraord. cognit. Quid sibi velit Callistratus libertatem deportatis adimens, non satis intelligunt viri docti. Si dixeris cum Callistrato, deportatis non civitatem solum, sed libertatem etiam adimi, quid Paulus, quid Iustiniano respondebis, qui eam sic medix capitum diminutionis esse contendunt, ut per illam salutem libertate, sola amitti civitas possit? §. 1. Instit. d. cap. dim. cap. 5. in princ. cap. ultim. de cap. minut. Proinde sic docti quidam viri Callistratum interpretati sunt, quasi ille de libertate quæ iuris est Quiritium duntaxat senserit: ut sic contēdisse videri possit Callistratus, adimi quidem libertatem deportatis, verum eam tantum quæ iuris est Quiritium; eam verò quæ iuris gentium est, non adimi. Quod in tantum ab intentione iurisperiti videtur recedere, ut ne de huiusmodi libertatis distinctione, vel somniarit quidem Callistratus. Nam si dixeris sic libertatem accepisse Callistratum, necessum erit ut mihi concedas (quod nunquam concessurus es) aliam quoque libertatem nullam adimi servis pœnæ. Vnam enim libertatem ita interpretatus est Callistratus, ut illam eandem quam servis pœnæ adimit, deportatis quoque adimere videatur. Dicam paucis quidnam de hoc Callistrati responso sentiam. Certè illud mendosum suspicor, & sic esse restituendum, ut pro *Veluti cum*, legamus *Vel utique cum*, hunc in modum: *Consumitur existimatio quoties magna capitum diminutio interuenit, id est, cum libertas adimitur, vel utique cum aqua & igni interdicitur, quod in persona deportatorum euenit: vel cum plebeius in opus metalli, vel in metallum datur. Ut sit sensus magnæ capitum diminutionis tres esse species, vnam qua libertas cum ciuitate omnino adimitur, quod accidit his qui se partuntur, aut ad actum gerendum, aut ad pretium participandum venundari: alteram quâ aqua & igni interdicitur,*

reducitur, hoc est salva libertate ciuitas amittitur: & etiam denique, qua libertas quidem amittitur cum ciuitate, sed ad tempus; quod his accidit, qui serui pœnæ efficiuntur, cap. 22. cum cap. seq. de pœnis. Sic enim capitis diminutiones partiti sunt veteres, vt alij tres earum species, maximam, mediam, & minimam; alij duas tantum constituerent. magnam & medium, c. fin. de c. minut. c. 1. §. si filius, de suis & legit. Et qui duas tantum constituunt, sub magna mediam & maximam complectuntur, hîc apud Callistratum: sub minore verò solam minimam. Et ita quidem rectè pro *veluti cum* mihi videor *vel vtrique* cum reposuisse. Nam cum veterum more sic scriptum esset *vtrig.* pro *vtrique* deleta tandem postrema litera q, pro *vel vtrique*, librarij legisse videntur *veluti*. Sanè Accursius pro *veluti* testatur legi *vel* in nonnullis antiquis exemplaribus.

C A P V T V I.

Explicatur cap. 39. ff. De iniuriis.

A I T Venuleius: *Vestem sordidam rei nomine in publico habere, capillumve submittere nulli licet, nisi ita conuictus sit affinitate, vt inuitus in reum testimonium dicere cogi non possit, d. cap. 39.* Videtur ad eum morem reapersisse Venuleius, quo non reos duntaxat, sed etiam adfines, cognatos, liberos eorum & familiares omnes vestem mutare, capillumque submittere consueuissè, præter Liuium testatus est Plinius Epist. libro septimo. Postquam enim exposuisset Plinius, suum libertum cum minore fratre in eodem lecto quiescentem, sibi visum esse quendam in toro residentem cernere, admoventemque capiti suo cultros, atque etiam ex ipso vertice amputantem capillos hæc verba

subiecit : *Nihil notabile secutum, nisi quod non fui reus futurus, si Domitianus sub quo hæc acciderunt, vixisset.* Nam in scrinio eius datus à Caro de me libellus submittere est. Ex quo coniectari potest, quia reus moris est subminere capillum, recisos meorum capillos depulsi quod imminet periculi signum fuisse. Hæc Plinius. Liuius libro sexto sic de Manlio scribit: Coniecto in carcerem Manlio, satis constat magnam partem plebis vestem mutasse, multos mortis capillum ac barbam promississe, obuersatamque vestibulo carceris moestam turbam. Et paulò post. Approbantibus civis diem Manlio dicunt. Quod ubi factum est, primo comota plebs est, utique postquam sordidatum reum viderunt, nec cum eo non modo patrum quengquam, sed ne cognatos quidem aut affines, postremò ne fratres quidem A. & T. Manlios, quod ad eum diem nunquam usu venisset, ut in tanto discrimine non & proximi vestem mutarent. Appio Claudio in vincula ducto C. Claudium inimicum Claudiamque omnem gentem sordidatam fuisse. Eoque non dubium est quin respexerit Prudentius contra Symmachum libro primo his versibus.

*Ipsè senatorum meminit clarissimus ordo,
Qui tunc concreto processit crine, catenis
Squalens carcereis.*

Eoque sensu accipiendum est, quod de veste squalida deque barba dimittenda submittendis capillis Vlpianus scribit, cap. 15. §. 21. de iniur. Huius etiam moris visus est A. Gellius meminisse, sic de P. Scipione lib. 3. cap. 4. scribens: *Eumque cum esset reus neque non candida veste uti, neque fuisse cultu solito reorum.* Porro quam Venuleius vestem sordidam, eam Valerius scribit appellat obsoletam. Sic enim de P. Rutilio scribit libro sexto, cap. 4. *Huic voci consentanea illa opera, quod magis ordinum dissensione quam ulla culpa sua reus factus, nec obsoletam vestem induit, nec insignia senatoris deposuit.*

missit, nec supplices ad genua iudicum manus tentendit.
Et ex his quidem locis omnibus satis nunc arbitror
intelligi, quidnam sibi voluerit Venuleius nimirum
cuius non esse permittendum rei nomine sordidam
sive obsoletam vestem in publico habere, capillumve
submittere, nisi cognatis tantum & affinibus, iisque
proximioribus: cum id antea libertis & cuius ex po-
pulo sine fraude liceret: quemadmodum ex Plinio &
Liuio satis est iam probatum.

CAPVT VII.

*Elegans pandectarum Florentinarum lectio
defenditur, in cap. 9. De dolo malo.*

NON intelligunt interpretes quid sibi voluerit
Ulpianus cum ita scriberet: *Et si seruum pignora-
tum noxa dederis per iudicem, & it absolutus, de dolo tene-
ris si apparuerit, eum pignori datum. d. cap. 9. §. 3.* Haloan-
det pro *& it absolutus*, reposuisse visus est *Et per iudi-
cem sis absolutus*. Taurellus autem sic legit, *Et it Abso-
lutus*, quod idem est ac si dicas, *Et ita absolutus*, coale-
scente videlicet in vnum extrema antecedentis & pri-
ma sequentis dictionis littera, quod in Florentinis
pandectis frequenter accidit. Aliquibus emendationi-
bus lectionem puto Florentinam multo sinceriores
esse, qua non *Ita absolutus*, non *sic absolutus*, sed *it abso-
lutus* expresse continetur, & ad seruum ipsum vocem
absolutus referendam esse. Non enim dubito quin ea-
dem ratione serui olim absoluti, ire iussi fuerint, qua
condemnati iussu praetoris vel iudicis ducebantur. Sed
si seruum ex causa noxali patiatu duci, inquit Paulus,
defendere videtur. c. 36. de procurat. Itaque seruus qui
condemnatur, duci; qui absoluitur, ire iubetur. Et id
quidem duabus fieri rationibus solet, aut per iudicem,

aut iussu prætoris. Per iudicem, accepro, constituto, contestatoque iudicio. cap. 8. in princ. de leg. 3. cap. 28. in fin. de libr. leg. c. 16. Iud. solui. Iussu prætoris, iussu litis contestationem. Per iudicem, causa cognita: iussu prætoris, etiam incognita causa. *Si servus præsen: est, inquit Paulus, dominus abest, nec quisquam servum defendit, ducendus erit iussu prætoris, sed causa cognita domino postea dabitur defensio.* cap. 2. §. fin. Si ex nox. causa. Quod autem per iudicem fit, illud constituto duntaxat iudicio, causâque cognita fieri consuevisse, docet
† pro Roscio Comædo eleganter Cicero, *Pecunia, inquit, tibi debebatur certa, quæ nunc petitur per iudicem, in qua legitima partis sponsio facta est.* Eoque sensu accipiendum est illud Plinij Epist. lib. 7. *Si tamen alteram litem per iudicem, alteram, ut ais, ipse finieris, incipis primum istic otio frui.* Hoc est, si alteram litem per iudicem, alteram sine ullo iudice finieris. Hæc enim duo *Per iudicem, & sine iudice* prorsus contraria sunt. capitulo octavo §. 1. cap. 13. & cap. 22. §. 1. Rem ratam hab. cap. penult. Ad l. Iul. de vi priuata. Et dicitur quod Ulpianus de pignorato seruo noxa per iudicem dato scribit, hoc sic esse intelligendum videtur: Si servum pignorat, qui te sciente nec impediendo damnum dederat, noxali iudicio provocatus mihi noxa dare potius quam litis æstimationem pati malueris; & is servus idcirco *iussus ire*, hoc est absolvetus fuerit, quod esse tibi pignori datus diceretur: simul atque tibi servum pignori datum esse apparuit, factus actioni de dolo obnoxius es, nimirum quod alienum servum velut proprium noxa dans, propriæ litis æstimationem effugere volueris dolo malo: eaque de dolo actione noxalem litis æstimationem à te consequar. cap. 1. de noxalibus actionibus Quo sensu hæc eadem de dolo actio etiam noxalis appellatur, d. §. 3. Nec

Nec est quod quis objiciat eum qui seruum pignori accepit, actione noxali non teneri. cap. 22. §. 1. de noxali. act. Illud enim de eo est accipiendum, qui ignorans damnum fieri, noxali iudicio prouocatus, aliquid seruum aut noxæ dedere, aut eius nomine aliquam litis æstimationem pati non cogitur. Cæterum si eo sciente & non impediante, damnum à pignoratō seruo datum sit; quominus in solidum qui seruum accepit pignori rectè conueniatur, profectò nihil esse in causa videtur. cap. 2. in princ. de nox. act.

C A P V T V I I I.

Potueritne hæres quod furtum antea factum esset, rectè furti agere.

HÆREDEM, inquit Vlpianus, furti agere posse, hæcque constat. Executio enim quorundam delictorum diu antè Vlpiani tempora istud constiterit, hoc est vsu receptum fuerit, incertum est. Quanquam Ciceronis tempore inter alias controuersi dubiique iuris causas, & hanc quoque relatum fuisse dubium non sit. Sic enim ad Trebatium scribit Cicero Epistol. fam. 7. *Illu seras heri inter scyphos quod dixeram controuersiam esse, posse ne hæres quod furtum antea factum esset, rectè furti agere. Itaque etsi domum benè potus seroque redieram, tamen id caput ubi hac controuersia est notavi, & descriptum tibi misi, ut scires, id quod tu neminem sensisse dicebas, S. Ælium, M. Manilium, M. Brutum sensisse. Ego tamen Scauola & Teste assentior.* Hæc Cicero. Velim profectò quid Ælius, Manilius, & Brutus contra Scauolam Testamque senserint Cicero exposuisset. Suspicio eos existimasse hæredem furti rectè agere, illudque Scauolam & Testam negasse. Certè propter hæc

hæc Ciceronis verba, *Quod tu neminem sensisse niebas.* Videtur enim Trebatius, an quod furtum antea factum esset, rectè potuerit hæres furti agere, interrogatus respondisse, id neminem sensisse: & ita cum Scævola negasse heredem rectè furti agere. Quæ tamen sententia Vlpiani tempore non erat in usu.

CAPUT IX.

Emendatur cap. 17. C. de solut.

HABEANT veteres suas accepti & expensi tabulas, in quarum vna parte notari expensa solent, & in altera continebatur acceptorum ratio. De quibus tabulis scribit ad hunc modum Seneca de beneficiis lib. 4. *Apud me istæ expensarum acceptorumque rationes disjunguntur. Ego quid cui debeam scio; aliis post longam diem repono, aliis in antecessum, aut prout occasio, & rei privatae meae facultas tulit.* Si rationes expensi cum accepti rationibus quadrarent & pares essent, tunc parari & paria fieri dicebant veteres. cap. 40. de statulib. c. 5. §. 10. de iur. im. c. 4. §. 1. de manumiss. Seneca Epist. lib. 17. *Quotidie cum vita paria faciamus.* Eoque artor respexisse Terentium, quum sic in Phormione Dauum loquentem faceret.

Lectum est, conueniet numerus quantum debui. Sensus enim est: Legi meas accepti tabulas, & cum ipsarum numerorum hæc numerus æqualem paræmque faciet expensi rationem tuam. Hinc etiam intelligimus, si pariare nihil aliud sit quàm paria facere, hoc est paræm cum tabulis expensi, sui creditoris accepti rationem reddere; consequi rectè videri, tunc etiam dici posse obligationem pariatam, cum satis abundè creditori factum est. cap. 67. §. 5. de condict. indeb. Idque etiam ex Seneca probatur, qui sic lib. 11. epist. scribit: *An is qui*

qui profuit nobis si postea nocuit paria fecerit, & nos debito
soluerit. Igitur solutione pariatur obligatio. Et hoc ni-
 mirum illud est, quod Diocletianus & Maximianus
 Imperatores hunc in modum Cassio scribunt: *Mani-*
festi iuris est, tam alio pro debitore solvente, quam rebus pro
numerata pecunia consentiente creditore datis, tolli paria-
tam obligationem. cap. 17. C. de solut. Quo in loco malè
 passim paratam legitur, pro pariatam. Et hæc quidem
 cum non considerarent audaculi quidam, *Comparatam*
 pro paratam visi sunt reponere voluisse. Tertullianus
 verborum iuris admodum studiosus, pariandi verbo
 etiam interdum vsus est. Sic enim lib. 4. aduersus
 Marcionem scribit: *Si nec in alium spectant, quam cui*
per omnia pariauerint. Et lib. 5. *Non rapinam, inquit, exi-*
stimauit parari deo. Sic nempè vertit illud D. Pauli ad
 Philippenſes cap. 2. *ἐχ ἀρπαγμὸν ἠγούτο τὸ εἶναι θεῷ*
 quod alij reddunt, *Æqualem esse deo.*

CAPVT X.

*De nominibus Antoninorum, & veris
 eorum differentiis.*

ANTONINVS à senatu Pius est cognominatus,
 inquit Iulius Capitolinus, vel quod socerum fessa
 iam ætatem manu presente senatu leuauerit, vel quod eos
 quos per malam valetudinem Hadrianus occidi iusserat, re-
 seruauit. Hic quum annos viginti quatuor imperasset,
 morbo periit, anno ætatis suæ septuagesimo, & quasi
 adolescens desideratus est. Etiusque singulari virtute
 & incredibili quadam pietate factum est, vt ad quam-
 plurimos imperij successores, nullo licet sanguinis
 vinculo iunctos, nomen Antonini velut heredita-
 rium transiret. Quo nomine etiam Imperatores quos-
 dam prænominis cognominisque loco vsos esse ex
 diuersis

diuersis antiquitatum monumentis constat. Siquidem post obitum Antonini Pij fuisse nomen Antoninorum tam amabile testis est Ælius Lampridius, ut qui eo nomine non uteretur, mereri non videretur imperium. Vnde etiam nonnulli & Seuerum, & Pertinacem, & Iulianum, Antoninorum prænominibus honorandos putant. Vnde postea duos Gordianos patrem & filium, Antoninos etiam cognominatos falsò traditum est. Non enim Antonini, sed Antonij, ut ex numismatibus constat, dicebantur Gordiani. Sed aliud quàmquit Lampridius, quum prænomen adsciscitur, aliud quàm ipsum nomen imponitur. Nam Pius verum nomen Antonini habuit cognomen Pij. Marcus verum nomen Verissimi habuit; sed hoc sublato atque abolito, non prænomen Antonini sed nomen accepit. Commodum autem Marcum Antoninum appellauit, atque ita in publicum edidit diem natalis sui. Iam Caracallam Bassianum, Antoninum appellatum satis constat, vel somnij causa quod Seuerus viderat, quum sibi Antoninum successorem prædictum sensisset. Anno demum 13. Antoninum dixit, quando ei Imperatoriam dicitur addidisse potestatem. Hæc Lampridius adiiciens insuper, Getam & Diadumenianum, Antoninos etiam appellatos fuisse. Videamus de ijs Imperatoribus singulis qui nomen Antonini habuerunt. De alijs enim qui Antoninorum aut prænominis aut cognomine sunt appellati differere, huius loci est nec instituti. Primum locum inter Antoninos, omnes occupat Antoninus Pius: qui quum adhuc priuatus esset, Titus Aurelius Boionius Antoninus appellabatur. Adoptatus ab Hadriano Imperatore, nomen patris adoptiui more maiorum assumpsit, & Titus Ælius Antoninus appellatus est. Post obitum eiusdem patris appellari patris cognomine etiam voluit, & Titus Ælius Hadrianus Antoninus Pius

Pius dictus est. Idque ex antiquissimis æreis & argen-
tis quibuldam numismatibus quæ apud Laurinos in-
veniuntur, verissimum apparet. Ex quibus vnum vidi
effigiem huius Antonini in vna parte cum hac inscri-
ptione continens; IMP. T. AELIVS CÆS. HA-
DRIANVS ANTONINVS. Eiusque pars altera
dextris duabus inter duas spicas caduceum compri-
mentibus imperij Antonini concordiam, pacem, &
fertilitatem designabat, cum hac inscriptione: AVG.
PIVS P. M. TR. P. COS. II. Hoc est. Impera-
tor Titus Aelius Caesar Hadrianus Antoninus Augustus
Pius pontifex maximus tribunitia potestate consul secun-
dum. Hoc tit. vsus est Iustinus Martyr quum Antoni-
no Pio pro Christianis librum offerret. In prudentum
responsis interdum sed rariùs Imperatorem hunc ap-
pellatum esse Antoninum Pium obseruauit: sapiùs au-
tè D. Pium, & interdum Titum Antoninum. Et cer-
te D. Pij tam frequens occurrit mentio, vt meritò
exemplis abstinendum sit. Nec desunt auctoritates
quibus confirmari potest hunc Antoninum interdum
Titum Antoninum vocari. c. 32. de adopt. c. 5. de his
qui not. inf. c. 45. de minor c. 5. vt legat. no. c. 11. Ad
municipal. Est etiam vbi D. Titus hic idem Impera-
tor appellatus inuenitur. cap. 1. §. 2. de iure fisci. Et
hic etiam ille Antoninus est, qui in rescriptis qui-
buldam cum D. Hadriano patre suo iungitur. cap. 1.
§. 3. de quæstion. cap. 24. §. fin. de fideicom. libert. Hic
Antoninus ea conditione ab Hadriano fuerat adoptatus, vt
sibi adoptaret Marcum Antoninum fratris uxoris sue si-
lium, & L. Verum, Aelij Veri qui ab Hadriano adopta-
tus fuerat, filium; qui postea Verus Antoninus est di-
ctus, auctore Capitolino. Et hac quidem adoptione
tandem euenit, vt defuncto Antonino Pio in impe-
rium succederet M. Antoninus Philosophus. Et quia
quum

quum adoptatus esset Marcus ab Antonino Pio, tunc pri-
 mum, si Capitolino credimus, pro Annio Aurelius cepit
 vocari; idcirco dubium non videtur quin sit emendan-
 da capitis primi C. de petit. hered. hæc inscriptio: M.
 ÆLIVS ANTONINVS A. AVGVRI NO PRO-
 CONSVLI AFRICÆ. Certissimum enim est, le-
 gendum esse M. AVRELIVS ANTONINVS
 AVG. Marcum enim Antonium Ælium vnaquam
 appellatum fuisse, nullis auctoribus idoneis euinci
 potest. Quod si me rogites, cur pro M. non reponam
 T. vt sic legatur: TITVS ÆLIVS ANTONINVS;
 & ad D. Pium hæc constitutio referatur, dicam,
 quominus id fiat, expressa quædam ipsius constitutio-
 nis verba in caussa esse, quibus D. Hadrianum eius-
 dem constitutionis auctor auum suum appellat. Quia
 igitur auum M. Antonini constat Hadrianum fuisse,
 quis quæso dubitabit, quin MARCVS AVRE-
 LIVS pro MARCVS ÆLIVS in hac epigraphæ
 reponendū sit? Idque ex hac inscriptione redditur eu-
 dentissimū. S. P. Q. R. IMP. CÆS. DIVI ANTO-
 NINI F. DIVI VERI PARTH. MAX. FIL.
 DIVI HADRIANI NEP. DIVI TRAIANI
 PARTH. PRONEP. DIVI NERVÆ ABNEP.
 M. AVRELIO ANTONINO AVG. GERMAN.
 SARM. PONTIF. MAX. TRIB. POT. XXX.
 IMP. VIII. COS. III. P. P. QVOD OMNES
 OMNIVN ANTE SE MAXIMORVM IMPE-
 RATORVM GLORIAS SVPERGRESSVS
 BELLICOSISSIMIS GENTIBVS DELETIS
 ATQVE SVBACTIS. In hac inscriptione pro
 Divi Veri Parth. fil. legendum est, Divi Veri Parthici
 fratri. Idque his verbis satis indicat Callistratus: D.
 Marcus cum fratre suo pro sua humanitate hanc rem rem-
 peravit, cap. 3 1. de lege Cor. de fals. M. Aurelius Anto-
 ninus

Philosophus in prudentum responsis vix alia,
 olim diui Marci appellatione ab Antoninis reliquis
 discernitur. Et quia post excessum diui Pij à senatu
 coactus regimen publicum capere, fratrem, sibi parti-
 cipem in imperio designauit, quem Lucium Aure-
 lium Verum Commodum appellauit, idcirco nequa-
 quam obscurum est hunc diuum Marcum eundem il-
 lum Antoninum esse qui cum Vero in iure ciuili ple-
 runque citari solet hunc in modum: *Imperatores An-*
toninus & Verus Augusti rescripserunt. Et hi quidem Im-
 peratores illi sunt, qui diui fratres appellantur, &
 quibus imperantibus primum duos Augustos Roma-
 num imperium habere cœpit. Post Veri obitum quum
 solus aliquandiu Marcus Antonius rempublicam te-
 nuisset, filium suum Commodum Antoninum Im-
 perij consortem fecit. Idque ex Papiniano, Macro,
 aliisque iurisconsultis probari euidentissimè potest.
 Sic enim legimus apud Papinianum. *Imperator Mar-*
cus Antoninus & Commodus filius rescripserunt, capi-
 te 38. §. 4. Ad legem Iuliam, de adult. Et apud Ma-
 crom: *Diuus Marcus & Commodus rescripserunt,* capi-
 te 32. dicto titulo. Tandem mortuo patre solus im-
 perauit Commodus Antoninus. Hic in antiquis num-
 morum ac marmorum inscriptionibus Marcus Com-
 modus Antoninus, & quandoque Lucius Aelius Au-
 relius Commodus Antoninus appellatus fuisse vide-
 tur. Eumque non Antoninum, sed aut Imperatorem
 Commodum, aut diuum Commodum in responsis
 suis ferè semper appellat Iurisconsulti. Nepefinæ hanc
 olim inscriptionem extitisse testatur Petrus Appia-
 nus: L. AVRELIO COMMODO VICTORI IV-
 VENES NEPESINI DIANENSES ÆRE CON-
 IATO. Auctor est idem Appianus, in castro sancti
 Angeli hanc quoque inscriptionem reperiri: IMP.

CÆSARI D. MARCI ANTONINI PII GER-
MANICI PARTH. FILIO DIVI PII NEPO-
TI, DIVI HADRIANI PRONEPOTI, DIVI
TRAIANI PARTHICI ABNEPOTI, DIVI
NERVÆ ABNEPOTI, L. ÆLIO AVRELIO
COMMODO AVG. SARMATICO GERM.
MAX. BRITANNICO, PONTIF. MAX. TRIB.
POT. XXVIII. IMP. VIII. COS. VIII. PA-
TRI PATRIÆ. Post hunc factus est Imperator P.
Helvius Pertinax. Eiusque vnica duntaxat in vniuerso
Iustiniani Cæsaris Codice inuenitur constitutio, quæ
sic mendosè inscripta est: IMP. ÆLIVS PERTI-
NAX AVG. ATILIO. Legendum enim esse, IMP.
HELVIVS PERTINAX, ex quibusdam antiquis
numismatibus constat, in quibus non Ælium sed Hel-
uium appellatum esse hunc pertinacem euidenter ex-
pressum est hunc in modum: IMP. CÆSAR P.
HELV. PERTINAX AVG Item: IMP. C. P.
HELVIVS PERTINAX AVG. Et quem Latini
Heluium, eum Græci ἡλουῖον appellant. Idque ex alio
quodam nummo Græco satis intelligi potest, cuius
inscriptio talis est, ΑΥΤ. ΚΑΙΣ. ΠΟΤΒ. ΗΛΟ-
ΤΙΟΣ ΠΕΡΤΙΝΑΞ ΣΕΒ. Huius Pertinacis me-
minit etiam Callistratus, eum non Ælium, sed Eluium
in pandectis Florentinis rectè appellans. *Demonstratur variè, inquit, nec abscisè numerum liberorum ad execu-
sationem municipalium munerum prodesse ex rescriptis diui
Eluij Pertinacis, cap. 2. §. 2. de iure immunit. Imperator
P. Helvius Pertinax, mensibus vix dum in imperio interfe-
ctus, ab auaris quibusdam prætorianis interfe-
ctus, Severum militum suffragiis successorem habuit.
Hic Severus filium suum Bassianum Caracallum imperij
consortem fecit, & M. Severum Antoninum, inquit He-
rodianus, appellant. Locus hic Herodian. mēdosus est.*

modò auctor ipse non errauerit In eo enim pro Se-
uero reponendus est Aurelius Imp. enim Seuerum fi-
lium suum non Marcum Seuerum, sed Marcum Aure-
lium Antoninum appellasse ex infinitis marmorum
numismatumque monumentis est manifestius quàm
indoceri exemplis necessum sit. Ait etiam Spartianus
idcirco Imperatorem Seuerum filium suum *M. Aurelium*
Antoninum appellari voluisse, ut ille hoc medio in *M. An-*
tonini familiam transiret. Idque nec Aufonius quidem
visus est ignorasse, sic de Caracalla scribens:

Diffimilis virtute patri, & multò magis illi
Cuius adoptiuo nomine te perhibes.

Hi sunt Imperatores illi qui sic coniungi solent: *Im-*
peratores Seuerus & Antoninus rescripserunt. Et rectè qui-
dè est à viro clarissimo Antonio Augustino reprehèn-
sus Gallia suæ decus & ornamentum Gulielmus Bu-
dæus, qui *M. Antonini* fratrem non Verum duntaxat,
sed & Seuerum & Commodum, & Antoninum appel-
lati arbitratus est. Siquidem Seuerum *Antonini Ma-*
gni, hoc est Bassiani Caracallæ patrem, & Commo-
dum *M. Antonini* fuisse filium dilucidè probatum
est. Ad Imperatorem Seuerum eiusque filium *M. Au-*
relium Antoninum hæc referenda sunt Iurisconsul-
torum verba: *Imperator noster cum patre rescripsit, cap. 9.*
§. 2. de iur. dot. cap. 6. §. 2. de muneribus & honoribus.
Rescripto Imperatoris nostri & diui patris eius continetur,
cap. 6. §. 2. de pollicit. Constitutum est ab Imperatore no-
stro, & diuo Seuero. cap. 12. §. 10. de capt. & postlim. re-
uers. Diuus Magnus Antoninus cum patre rescripsit, c. 11.
§. 3. de muneribus & honoribus, cap. 5. de veteranis.
Rescriptum Imperatoris Antonini & diui patris eius, ca-
p. 9. de captiuis & postlimin. reuers. Idque Imperator
Antoninus cum diuo patre significauit, cap. 6. de excus. Ex
posita Imperatoris nostri & D. Seueri, c. 7. de suspect. tut.

Imperator Antoninus cum diuo Seuerō, cap. 1. §. 2. de fideicom. tit. Hic idem Seuerus aliquando etiam Pertinax appellatus est, quemadmodum ex eius numismate quodam intelligimus, cuius hæc est inscriptio: L. SEPT. SEVERVS PERTINAX AVG. P. M. TR. P. XI. Et idcirco ad diuum Seuerum, eiusque filium M. Aurelium Antoninum hæc Modestini verba esse referenda non dubitavi: Diuus Antoninus & Pertinax, rescripserunt, cap. 12. de fideicom. lib. Nunc adiuvandi sumus, quia ratione Caracalla ab Antoninis reliquis discerni appellatione potuerit. Et constat quidem diuersis, postquam relati inter duos essent nominibus appellatos fuisse Antoninos. Sic nimirum ut Antoninus Pius, omnium Antoninorum princeps, diuus Pius vocaretur; M. Antoninus Philosophus, diuus Marcus; Antoninus verò Commodus, diuus Commodus; Caracalla deniquè, diuus Antoninus. Hanc autem Antoninorum diuersam appellationem diligenter observasse visi sunt iurisperiti, ne qua ex promiscua Antoninorum appellatione confusio suboriretur. Vocatur etiam Caracalla nonnunquam Imperator Antoninus Augustus: cap. fin. de senat. cap. 4. de offic. proconsul. cap. 3. de tutelis. Interdum etiam magnus Antoninus: c. fin. de veteranis: cap. fin. de public. & vltim. C. ad l. Iul. maiest. In Vlpiani responsis licet semper appellari solet: Antoninus Augustus noster, cap. 42. de fideicom. lib. cap. 1. ad S. C. Orfit. Imperator noster, & sic deinceps, Ad Caracallam etiam referenda sunt. Antoninus Augustus Pius noster, cap. 42. de fideicom. lib. quæ verba malè à quibusdam ad Antoninum Pium trahuntur. Hoc enim cognomen Caracallæ à senatu idcirco delatum est, quod eos quos iniuste occidi iusserat, postea dimitteret. Et ita plerique sentiunt, à quibus dissentire non est religio. Proinde

Unde rectius opinor dici posse, hoc cognomen *Pius*
 hic Antonino fuisse cum posteris *maioribusque suis*;
 (hoc est, patre & auo) semper familiare. Idque hæc in-
 scriptio manifestum facit: IMP. CÆS. DIVI AN-
 TONINI MAGNI PII F. DIVI SEVERI PII
 ALEXANDRI AVRELII SEVERI ALEXAN-
 DRI PIVS AVG. PONT. MAX. TRIB. POT.
 IIII. COS. P. P. RESTITUIT. Et in antiquis
 nummis sic appellatum Caracallam inuenio: M. AV-
 RELIUS ANTONINVS PIVS AVG. BRIT.
 Ceterum occiso Caracalla Macrinus percussor eius
 imperium adeptus filium suum Cæsarem fecit. Hic
 Macrinus non rectè Opilius appellatur. Eum enim
 Opilius fuisse nominatum testantur numismata, in
 quibus sic de Macrino legimus. M. OPEL. SEVER.
 MACRINVS AVG. PONT. MAX. TRIB. POT.
 COS. P. P. Filium etiam Macrini malè Diadume-
 num vocari ex hoc numismate constat: M. OPEL.
 ANTONINVS DIADUMENIANVS. Superato
 tandem Opelio Macrino, & à Varij Elagabali militi-
 bus vnà cum filio Diadumeniano interempto, in
 ipsum Elagabali collatum est imperium. Quodnam
 verum fuerit matris Elagabali nomen ignorant pluri-
 mi. Ex numismatibus, quorū mihi copiam Hubertus
 Goltzius fecit, Soæmiam fuisse appellatam Elagabali
 matrem euidentissimè deprehendi. Sic enim in iis scri-
 ptum inueni: IVLIA SOÆMIAS AVGVSTA.
 Et hic quidem Elagabalus Imperator salutatus, Anto-
 nini etiam nomen sibi consensu senatus asciuit, vel in
 argumentum generis, vel quod id nomen vsque adeò
 charum esse cognouerat gentibus, vt etiam paricida
 Bassianus causa nominis amaretur. Esse autem hunc
 Imperatorem non Heliogabalum, sed Elagabelum ap-
 pellatum ex fide antiquorum numismatum constat.

Nummum enim vidi, qui ab vna parte veram Antro-
mini Elagabali exhibebat imaginem, cum hac inscri-
ptione: IMP. ANTONINVS PIVS AVG. Altera
parte eiusdem Imperatoris effigies exprimebatur, ha-
bitu sacerdotis veste induti barbara, quali vsos esse Syros sa-
cerdotes Dio scribit. Ea sic erat composita, vt quum
esset accincta corpori sacerdotis medio, & ad talos vs-
que demissa, non impediret quominus omnium con-
spectui tibiæ, pectus, & brachia sacerdotis nuda ex-
ponerentur. Sacerdos dextra patellam libatoriam su-
pra foculum, sinistra verò nescio quid à palmarum
stolonibus non longè diuersum tenebat, cum hac in-
scriptione: SACERDOS DEI SOLIS ELAGAB.
Posteriorem hanc nummi partem quam Huberti
Goltzj beneficio nactus sum, vt huic capiti delinea-



tam infererem. auctor fuit vir do-
ctissimus mihiq; amicissimus Gui-
do Laurinus: eamque sic interpre-
tatus est, vt mihi planè persuaserit,
ELAGAB. integram esse dictio-
nem, barbaram tamen, neque le-
gendum esse SACERDOS DEI
SOLIS ELAGABALI. Idem Laurinus videndum
esse rectè monuit, an non apud Macrobiū in eo lo-
co error sit. in quo de variis Solis nominibus differitur,
Sat. lib. 1. cap. 22. Accipe, inquit Macrobius, quid Aſſy-
rij de solis potentia opinentur. Deo enim, quem summum ma-
ximūque venerantur, ADAD nomen dederunt. Viden-
dum inquam monuit Laurinus, an non rectiùs lege-
retur AGAB, pro ADAD. Caterū qui Antoninum
hunc Heliogabalum vocant, eò defendi videtur, quòd
Græci ἡλιου Solem appellarent. Sed errant. Non enim
ab hoc nomine Græco, sed ab Elagab, quod Deum
Solem Hebræis sonat Elagabalus dictus est. Et hæc
quidem

quidem hactenus de nominibus Antoninorum. In quibus explicandis si quid observatione curiosa sim coniecutus, id magna ex parte eruditissimo clarissimoque Guidoni Laurino lubens acceptum refero.

CAPUT XI.

De iis qui quaestus causa in certamen descendunt, & propter primum in scenam prodeunt.

AIT Vlpianus: Eos qui quaestus causa in certamen descendunt, & omnes propter primum in scenam prodeunt, famulos esse, Pegasus & Nerva filius responderunt, capite 2. in fine, de his qui notant. infam. Ita eamque prodire solent cum suis scenicis editores, tragoediam, sine aliquo primum exhiberi per scenicos curabant populo. Scenicos autem operas suas editoribus certo statutoque primum locare consuevisse, testatur Capitolinus, sic de M. Antonino Philosopho scribens: Temperavit etiam scenicas donationes, iubens ut quinos aureos scenici acciperent: ita tamen ut nullus editor decem aureos egrederetur. Et idcirco quod de iis scribit Vlpianus, qui propter primum in scenam prodeunt, hoc ad scenicos solos, non autem ad ipsos editores referendum videtur. Errant etiam qui haec inscriptionum Teptij comædiis praepositarum verba de scenicis accipienda putant; EGERUNT L. AMBIVIVS TURPIO, L. ATILIVS PRÆNESTINVS. EGIT PRÆNESTINVS, MINVTIVS PROTIMVS. Hæc enim verba de Solis editoribus accipi debere, vel hinc potest intelligi, quod nulla vnquam comædia personis duabus fuerit exhibita: qua in re lapsus est Alius Donatus. Egerunt igitur, hoc est agi fecerunt,

vel sumptibus suis ediderunt L. Atilius Prænестinus &
 L. Ambuius Turpio. Et hæc de scenicis. Agonistis au-
 tem & gladiatoribus solent etiam certa præmia desi-
 gnari. De quibus aduersus Gnosticos sic disserit Ter-
 tullianus: *Sed quantum illi & cruores & vibices negotian-
 tur intendis; coronas scilicet, & gloriam, & dotes, privilegia
 publica, stipendia ciuica, imaginem, statuas & qualem possit
 præstare sæculum de fama eternitatem, de memoria resurre-
 ctionem.* Et hæc erant præmia quæ liberis hominibus
 dabantur. Idem Tertullianus in libro de spectaculis,
 qualia gladiatoribus seruis dari præmia consueuerint,
 explicat eleganter his verbis: *Et qui insigniori cuique
 homicida leonem poscit, idem gladiatori atroci petat rudem,
 & pileum premium conferat.* Igitur propter premium
 in certamen, non autem in scenam prædixi sine in-
 famia solet. Eaque mihi ratio videtur cur non ita
 scripserit Vlpianus: *Eos qui præmijs causa in certamen
 descendunt: sed ita potius: Eos qui quæstus causa; hoc
 est, qui operas suas locarunt.* Et idcirco quum Cicero-
 ni à quodam quæstore, homine impio ac nefario, cui
 nomen Balbus erat, gladiatorem quendam in ludo
 defossum & viuum combustum fuisse scriberet Asi-
 nius Pollio, vt scelus exaggeraret, eundem gladiato-
 rem adiecit bis gratis depugnasse. Fadum, inquit Pol-
 lio, quendam militem Pompeianum, quia quum depressus in
 ludum bis gratis depugnasset, auctore se nolebat, & ad popu-
 lum confugerat, primum Gallos equites immisit in populum
 (coniecti enim sunt lapides in eum cum arriperetur Fadus)
 deinde abstractum defodit in ludo, & viuum combustum. Epi-
 stolam hanc apud Ciceronem inuenies Epist. famil.
 libro decimo. Nunc videndum est, cur is qui suas
 in artem scenicam locauit operas, neque in scenam
 prodiit, effugiat infamiae notam; quum is qui ope-
 ras suas vt cum bestiis depugnaret, locauit, etiam si
 non

non pugnaverit, nihilominus tamen infamis fiat c. 3. de his qui not. inf. c. 1. §. 5. de postul. Et suspicor quidem diuersitatis hanc reddi rationem posse, vt dicamus intere ludicra factum ipsum ad infamiam requiri, non etiam propositum: in eo autem qui pugnat cum bestiis, non tam factum quàm positum. Cum bestiis enim pugnant Imperatores & milites, suæ virtutis specimen præbentes. Proinde qui quæstus non virtutis causa vitam suam prostituit, & in summum discrimen adducit, quamuis cum bestiis non pugnaverit, nihilominus ob propositum turpe infamis efficitur. Et ita huic quæstioni apud Photium satisfecit Theodorus Balsamon, meo quidem iudicio rectissimè.

CAPVT XII.

De custodia reorum.

CUSTODIA reorum alia publica est, alia militaris, alia libera, alia fideiussoribus commissa: Publica custodia carcer publicus est. Militaris, cum reus militi custodiendis traditur. De custodia fideiussoribus commissa, sic scribit Symmachus epist. lib. 1. *Statui ut Felix vadibus qui Fulgentio non essent cogniti, traderetur.* Cæterum libera tunc appellari custodia solet, quum præses aut proconsul in prouincijs, vel consul Romæ sibi, aut alicui magistratui, senatorive reum committit. Id enim fieri solere, docet eleganter Tacitus Annal. lib. 5. *Et quia incusabatur, inquit, facile toleratur in urbem, delecta Lesbo insula nobili, & amœna, retrahitur.* custoditurque domibus magistratuum. Eodem pertinet quod in Coniurat. Catil. sic scribit Sallustius: *Senatus decreuit vii abdicato magistratu Lentulus P. Lentulo Spintheri, qui tum edilis erat, Cethe-*

gus Q. Cornificio, Statilius C. Cesari, Gabinus M. Crasse,
 Ceparius (nam & is paulò antè ex fuga retractus erat) Cn.
 Terentio senatori traduntur. Nec aliò respexisse visus est
 Sidonius Apollinaris, Epist. lib. 1. de quodam Aruan-
 do ad hunc modum scribens. In Capitolio custodiebatur
 à Fluvio Asellio hospite, comite sacrarum largitionum, qui
 adhuc in eo semisumantem praefectura nuper extorta digni-
 tatem venerabatur. Et hoc nimirum illud est, quod sic
 Vlpianus scribit: De custodia reorum proconsul aestima-
 re solet, utrum in carcerem recipienda sit persona, an militi
 tradenda, vel fideiussoribus committenda, vel etiam sibi. c. 1.
 de cust. reor. Ceterum hanc custodiarum diuersita-
 tem antè eorum confessionem obseruari dūtaxat con-
 sueuisse, ex Venuleio Saturnino constat, qui reum con-
 fessum donec de eo pronuntietur in vincula publica conji-
 ciendum esse, lib. 2. de publicis iudicijs testatus est. c. 5.
 d. tit. Auctor est etiam expressè Scauola, reum confes-
 sum, ob solam confessionem conijci in vincula consueuisse. c. 4.
 circa finem, Ad l. Iul. maiest. Igitur antè confessionem
 aestimare proconsul solet, an militi, fideiussoribus, vel
 sibi committenda reatus tempore persona sit. Post
 confessionem verò huiusmodi nullus est deliberatio-
 ni locus, etiam si publica, quæ in reatu est, persona fue-
 rit. Idque dilucidè satis demonstrat Apollinaris, qui
 de eodem illo Aruando quem in Capitolio fuisse tradi-
 tionem Flauio Asellio custodiendum fuisse tradi-
 tum dixerat, confesso hunc in modum scribit: Confe-
 ssim privilegiis gemina praefectura, quam per quinquennium
 repetitis fascibus rexerat, ex auctoratus, & plebei non ad-
 ditis sed redditus, publico carceri adjudicans est. Huic pla-
 nè consentaneum est quod scripsit Hexameron lib. 3.
 D. Ambrosius, praconum clamore, clarum honoribus, ac
 potestatibus preminentem virum in carcerem rapi. Verba
 eius hæc sunt: Est etiam qui dudum ubertate assuetum
 pium.

parum, liberalitatis fama per ora volitans singulorum, clausura honoribus, preminens potestatibus, tribunalibus celsus, solio sublimis, beatus populis aestimatus, dum preconum clamore deducitur, subita conuersione in eum carcerem rapiunt, quo alios ipse detraxerat, & inter reos suos imminentis poenae deslet criminam. Porro in nonnullis prouincijs fuisse morem ut per publicos seruos rei custodirentur, auctor est Imperator Traianus, qui sic Plinio scribit: Perseueremus in ea consuetudine qua isti prouinciæ est, ut per publicos seruos custodiantur.

CAPVT XIII.

Defenditur lectio Florentina de fusionibus
fisco præstandis.

AIT Vlpianus: Solent & fisco fusiones præstare. c. 27. §. 3. de vsu. Hac verba nemo est qui non iudicet mendosa esse in Florentinis pandectis, rectiusque legi in editionibus alijs functiones. Quibus ut non assentiar, in causa est D. Ambrosius, qui sic in Apologia Davidis c. 8. scribit: Et in lege habes, quia Iubilans dicitur numerus quinquaginta annorum recursus, celebrabilis admodum, quo debita vacuantur, confirmantur Hebraeorum libertates, possessionum refusiones. Hac Ambrosius. Non enim dubito qui fusiones eo sensu acceperit Vlpianus, quo in hoc loco de possessionum refusionibus scripsit D. Ambrosius. Easque arbitror alio nomine intributiones nominari. c. 22. §. 2. Ad municipal. Et pro omnium aduertit Iac. Cuiacius, ex cap. 6. C. Th. de indulgent. debet.

CAPVT XIV.

De plus petentibus.

EO s qui plus petebant, olim caussa cecidisse ne-
mo dubitat. § si quis agens, Instit. de act. Id autem
an duodecim tabulis contineatur, disputant plerique.
Ut credam non duodecim tabulis sed prætoris edi-
cto plus petendo causa veteres cecidisse, facit Seneca,
qui de puerilibus sophismatibus disputans, sic scribit
Epist. lib. 6. cap. 49. *Pudet dicere contra fortunam milia-
rurisque porrigant tela, quemadmodum illos subornent. Hac
ad summum bonum itur, ad istud Philosophia sunt nigra,
& turpes infamesque ad album sedentibus exceptiones.*
*Quid enim aliud agitis, quum eum quem interrogatis, scien-
tes in fraudem inducitis, quàm ut formula cecidisse videa-
tur: Sed quemadmodum illum prætor sic hoc Philosophia in
integrum restituit. Hæc Seneca. Ex hoc loco probari
liquidò potest, fuisse in albo prætoris scriptum, ut is
qui non quemadmodum oportet egisset, qualis est qui
plus petit, caussa caderet. Exceptiones enim, quas idè
infames quod captiosæ sint, appellat Seneca, huc refe-
rendas esse indicant dilucidè hæc subsequentiæ ver-
ba, *Quid enim aliud agitis?* Eoque etiam referri potest
illud Plauti in Mostel.*

—— *Nihil plus peto. T R.*

Velim hercle ut vno nummo plus petas.
Igitur edicto prætoris non lege duodecim tabularum;
item exceptionis auxilio, non ipso iure plus petentes
olim caussa, quasi non quemadmodum oportebat,
agentes, videri possunt cecidisse, certè quia sic etiam
auctor ad Herennium Rhetoricorum lib. 1. scribit:
*Hæc partitio legitima constitutionis his de causis raro venit
in iudicium, quod in privata actione exceptiones prætorie
sunt,*

sent. & causa cadit is qui non quemadmodum oportet ege-
ni. Eoque referendum puto quod de creditore quo-
dam Papinianus scribit, qui à debitore culpa sua caus-
sa ceciderat. c. 95. §. 9. de solut. Hoc iure vfos esse Ro-
manos Pauli temporibus, ipse Paulus satis indicat
Sent. lib. 1. tit. 10. & lib. 2. tit. 5. Eodem tempore floruit
Callistratus auctore Spartiano. Quamobrem mirari
satis nequeo, qua ratione plus petentes aliquid sentire
damni scripserit Callistratus, quum certo certius sit, eo
tempore vniuersam causam, si in integrum restituen-
di non viderentur, plus petendo actores perdidisse. Di-
ti quum Zenonis & Iustiniani constitutionibus coar-
ctatum fuisse. d. 6. si quis agens, in fine. Eoque referen-
dum puto quod sic scribit Callistratus: Est autem in-
terrogatio nunc necessaria, quum in personam sit actio, & ita
si certum petetur: ne dum ignorat actor qua ex parte aduer-
sarius defuncto heres extiterit, interdum plus petendo ali-
quid damni sentiat cap. 1. de interrogat. Non enim du-
bito quin sic scripserit Callistratus; Interdum plus pe-
tendo causa cadat. Et pro causa cadat, Tribonianus;
Aliquid damni sentiat, idcirco visus est reposuisse, quod
ius illud quo plus petendo amitti causa solebat, non-
nihil mutatum esset Zenonis & Iustiniani constitu-
tionibus.

C A P V T X V.

Ad ellipses substantivorum animaduersio singularis.

PRIMVS libri quinquagesimi Pandectarum titu-
 lus sic inscribitur: **A D M V N I C I P A L E M.**
 Qui nō animaduernerunt, figuris grammaticorū vfos
 plerūque Iurisconsultos esse, hi quidnam sibi veller
 hac inscriptio non intellexerunt, eamque sic emen-
 dare

dare conantur, *Ad municipales*. Sed frustra. *Ελλειπτικὸς* enim *Ad municipalem* scriptum est pro eo quod est *ad legem municipalem*: cuius legis meminit Vlpianus c. 25. *Ad municipal*. Et sanè Ellipses huiusmodi substantiuorum, admodum veteribus familiares sunt. Quum enim sic scriberet in Mostel. Plautus: *Antiquum oblines hoc tuum, tardus ut sis*: & in Andria Teren. *Crito antiquum oblines*: admonuit Donatus id *Ελλειπτικὸς* positum videri posse, quasi poëtæ subaudiri *morem* vel *ingenium* voluerint. Et hanc quidem Donati interpretationem probabilem esse ex eo constat, quod sic in Hecyra scripserit Terent.

—— *At tu Eccestor morem antiquum atque ingenium oblines.*

Huius etiam loci est illud eiusdem Terentij in Eunuco.

—— *Non cognosco vestrum tam superbum.* *Ελλειπτικὸς* enim *animum morem, ingenium, aut institutum* hîc subaudiri rectè censet idem Donatus. Eadem figura lex Iulia repetundarum nomen obtinet. De pecunijs enim repetundis, alijsque rebus vi, dolo, fraudibus, per Romanos magistratus socijs populi Romani ablatis huiusmodi lege sociali tractari solet. Nec etiā nouum est per *Duodecim Ελλειπτικὸς* duodecim tabulas exaudiri. *Discebamur pueri duodecim*, inquit Cicero, *et carmen necessarium*, quas iam nemo discit. Sic comes priuatarum nonnunquam is appellari solet, quem alij reum priuatarum comitem dicunt. Et quum de publicis iudicijs Martianus, Venuleius, Macer, Marcellus, & Mæcianus scriberent, libros se scribere Publicorum *Ελλειπτικὸς* professi sunt. Quumque de veteribus cæberhis scriberet in Curculione Plautus, vsus est hac eadem figura, his verbis:

Sub veteribus ibi sunt qui dant quique accipiunt sœnore.
Denique inscriptio quædam apud Mazochium vetus extat.

quæ sic habet: IN SECUNDO CONSULARI
REXIT DECURIAS DVAS VIATORIA
LICTORIA CONSULARES. In hac inscrip-
tione per viatoriam & lictoriam ἐμμετρίως exaudiri
comitiuam omnino suspicor. Et quia ex ijs qui exer-
cui præerant, nonnullos insignibus consularibus
vlos esse Vlpianus scribit c. 2. in princ. de his qui not.
inf. certè de huiusmodi præfectis hanc inscriptionem
antiquam accipi posse fortassis non malè dixeris. Per
viatoriam enim & lictoriam comitiuam, lictores &
viatores præfecti alicuius comites, hoc est apparitores
consulares, intelligi posse videntur.

CAPVT XVI.

De vigesima rerum venditarum locus
pandectarum explicatur.

QVVM scriberet Martianus, non aliter testamento
rei alicuius alienationem vetari posse, quàm si testa-
tores certis personis consulentes eiusmodi voluntatem signi-
ficarent, hæc verba subiecit: Sed hæc neque creditoribus
neque fisco fraudi esse: cap. 114. §. 11. de legat. 1. Quæ
verba an de vigesima hæreditatum debeant accipi, id-
circo dubitari potest, quod nihil prorsus in hac vige-
sima interfuit fisci, posse vel non posse legatam rem
alienari Cuius tamen alia ratio plurimum interest,
cuius rei quæ alienari potest, alienationem prohiberi.
Solet enim vigesima rerum venditarum ad fiscum per-
tinere. Idque probari ex Plinio potest, qui sic libr. 7.
Epistol. scribit: Tu quidem honestissimè, quod tam im-
pensè & rogas & exigis, ut accipi iubeam à te pretium
agrorum, non ex septingentis millibus, quanti illos à libertis
meo; sed ex nongentis, quanti à publicanis partem vigesi-
mam emisti. Et idcirco quæ creditoribus fraudi non
sunt, ea nec per consequens fraudi esse fisco possunt.

Earum

Earum enim rerum quas creditores distrahunt, partem vigesimam consequitur fiscus. De qua vigesima intelligi posse, nisi plurimum fallor, hic Martiani locus omnino videtur.

CAPVT XVII.

Quæ dicatur arctior annona.

CENSORES, inquit Festus, dicti sunt, quod rem suam quisque tanti solitus sit æstimare, quantum illi censuerant. Auctor est etiam Suetonius, annonam maximi celli senatus arbitrari quotannis temperari, annonam vocasse. Liuius quoque dispensationem annonæ penes adiles fuisse ait. Sic enim lib. 10. scribit: Caritas etiam annonæ sollicitam ciuitatem habuit: ventumque ad inopiam ultimum foret (ut scripsere quibus adilem fuisse eo anno Fabium Maximum placet) ni eius cura, qualis in bellicis rebus multis tempestatibus fuerat, talis domi tum in annonæ dispensatione, preparando ac conuehendo frumento fuisset. Huic etiam consentaneum est quod sic Plinius scribit lib. 14. cap. 14. P. Licinius Crassus, & L. Cesar censes anno urbis conditæ 675. edixerunt, ne quis vinum Græcum Aminæumque octonis assibus æris singula quadrantaliam venderet. Nec aliò referri potest quod ab eodem Plinio sic etiam lib. 13. capite 13. scriptum inuenimus: Factumque iam Tiberio principe inopia charitate, ut è senatu darentur arbitri dispensandi. Idem Plinius lib. 33. cap. 7. auctor est, in vendendo minio pretium lege statutum fuisse, ne modum excederet 70. in libris. Et sic quidem liberum olim fuisse non videretur res suas tanti negotiatoribus æstimare, quanti vellent, sed quantum magistratus censuerat: eaque censio, hoc est æstimatio, annona fori de ijs rebus dicebatur, quæ ad annonam pertinebant. Quæ de re scribit eleganter

ter apud Terentium Donatus explicans illud Dau in
 Plormione, scisti uti foro. Secundum illos negotiatores,
 inquit, qui ante locum commercij non praescribunt, quanti
 vendant quae aduehant, sed secundum annonam fori quam
 deprehenderint, consilium de vendendis & non vendendis
 mercibus sumunt. In hoc loco pro praescribunt, malim
 legere proscribunt. Certè quia sic in Paneg. Plinius scri-
 bit: Circumfertur sub nomine Caesaris tabula ingens rerum
 venalium. Sensus igitur est, peregrinos mercatores
 quibus datum est ius commercij, non statim quum ad
 locum commercij ventum est, pretium aduectarum
 mercium in loco commercij proscribere, hoc est publi-
 cè legendum proponere, sed tandiu illud reticere do-
 nec annonam fori, hoc est, aestimationem magistratus
 probè cognitam haberent, tunc primum de venden-
 dis & non vendendis mercibus aduectis consilium
 sumpturi. Sic annonam visus est etiam Martianus ac-
 cepisse quum ita scriberet: Non debere cogi decuriones
 diui Fratres frumentum ciuibus suis quam annona exigit
 principalibus id cauum est. cap. 8. ad municipal. Hinc
 etiam intelligimus quid sibi voluerit Hermogenia-
 nus, arctioris annonae populi Romani, census fraudari, &
 falsa moneta criminis reos dominos detegere seruis permis-
 sum esse scribens, capitulo quarto de iudic. cap. 1. de l.
 lul. de annona. Sensus enim est, negotiatorem an-
 nonam fori magistratus arbitrato temperatam, frau-
 dantem, eam videlicet comprimendo, arctioris an-
 nonae reum etiam à seruis propriis argui posse. Sed
 apud quem magistratum? Certè aut apud vrbi prae-
 fectum, qui curam habebat carnis, vt iusto pretio ven-
 deretur, cap. 1. §. 5. de offic. praef. urb. aut apud praefe-
 ctum annonae, si is extra ordinem constitutus esset,
 cap. 13. de accus. aut denique apud adiles. Sic enim

scribit Apuleius, de asino libro primo. Nam & licet, & virgas, & habitum prorsus magistratui congruentem in te video. Annonam curamus ait, & edilem gerimus, & si quid obsonare cupis, utique commodabimus. Et paulò post: At has quisquilias quanti parasti? Vix, inquam, piscatori extorsimus accipere viginti denarios. Quo audito, statim arrepta dextra postliminio me in forum cupedinis reducens, & quo, inquit, istorum nugamenta hac comparasti? Demostropho seniculum qui in angulo sedebat. Quem confestim praedilitoris imperio asperrima voce increpans: Iam iam, inquit, nec amicis quidem nostris, vel omnino ullis hospitibus parcitis? quid tam magnis pretiis pisces frivolos indicatis, & florem Thessaliae regionis instar solitudinis ac scopuli edulium caritate deducitis? Sed non impunè, iam enim facis scies quemadmodum sub meo magisterio mali debeam coerceri. Et profusa in medium sportula, iubet officialem suum in super pisces ascendere, & pedibus suis eos obtinere. Hæc Apuleius. Eoque etiam spectat quod sic Linius lib. 10. scribit: Eodem anno ab edilibus curulibus, qui eos ludos fecerunt, damnatis aliquot pecuariis, via à Martis silice ad bouillas perstrata est. Nunc videndum est quid sibi voluerit Papinianus, quum ita scriberet: Ideo condemnatus quod arctiorem annonam adilitatis tempore præbui, frumentaria pecunia debitor non videtur, & ideo compensationem habebit, capitulo decimo septimo de compensatione. Moris erat ut ob annonæ caritatem curator à magistratibus extra ordinem comparando frumento constitueretur, cap. 21. in princip. Ad munc. Eoque Festi illud referendum est: Qui rei frumentariæ præpositi sunt, curatores dicuntur: quod malè ad frumenti dispensationem plerique referunt. Curator Romæ senatus auctoritate comparando frumento præpositus, certam ex ærario publico nummorum quantitatem accipiebat, qua fieri redemptio frumenti posset. Et idcirco

cuius si quam in redemptione fraudem fecisset arario,
maiorē puta quā in rem frumentariam contum-
paxisset pecuniam in publicas tabulas dolo malo ex-
posam referens, frumentaria pecuniæ debitor erat,
eoque nomine peculatus lege tenebatur, quæ lex com-
pensationem omnem impediēbat dicto cap. 17. &
c. 10. Ad L. Iul. pec. Obseruari etiam solet, ut frumen-
tarii curatoris opera redempti dispensatio ædilibus cum-
milleretur. Idque licet ex Liuiō & Suetonio satis in
hoc capite probatum sit, admonendi tamen sumus &
Plinium quoque libro decimo quinto, cap. 1. tradidisse.
Sic enim scribit: *Ex mox anno D C. LXXX. M.*
Seruius T. filius ædilis curulis olei denas libras singulis as-
sibus prestitit populo Romano per totum annum. Illud igitur
quæsitum est apud Papinianum, an uti compen-
satione ædilis possit, qui tempore ædilitatis suæ arctiorem
annonam præbuit, hoc est, qui in annonæ dispensatio-
ne pretium auctoritate senatus constitutum excessit
& auxit, eoque nomine condemnatus est. Nec qui-
dem dubito, quin per annonæ præbitionem, dispen-
sationem annonæ intellexerit Papinianus, ea profes-
sio ratione, quā præbenda locare, & quid præbendum
conducere dixerunt veteres.

CAPVT XVIII.

Que fuerit de Pyrrhi captiuis App. Claudij sententia.

AIT Vlpianus: Appius denique Claudius cæcus con-
siliis publicis intererat, & in senatu seuerissimam di-
sententiam de Pyrrhi captiuis, cap. 1. §. 4. de postul.
Addidisse hæc verba videntur inepti quidam interpre-
tes, Non recipiendis. Quæ verba licet in contextum
passim irrepleuerint, à Florentino tamen archetypo rectè
absunt.

abijunt. Quænam autem illa fuerit de Pyrrhi captiuus Appij Claudij sententia seuerissima, docet Eutropius libro secundo. *Romani, inquit, captiuos omnes quos Pyrrhus reddiderat, infames haberi iusserunt, quod armati capti fuissent: nec ante eos ad veterem statum reuerti, quam Sabrinorum hostium occisorum spolia retulissent.* Hanc autem Appij Claudij sententiâ idcirco suspicor fuisse quod eâ seuerissima sit, & senatus auctoritate confirmata: quo solo nomine laudari virorum præclarorum apud Romanos sententiæ solent, c. 12. in princ. de accusat. Ex hoc Eutropij loco probari etiam liquidò potest de non recipiendis Pyrrhi captiuis nequaquam censuisse Appium Claudium; sed de iis quos Pyrrhus reddiderat, & senatus receperat, quod armati capti essent, puniendis. Eundem Appium de Pyrrho etiam in urbem non recipiendo tulisse sententiâ scribit Pomponius, cap. 1. §. 18. de orig. iur. De qua sententia, quod plurima sint ab aliis annotata, non est cur hic amplius disseratur, nisi addideris, hanc quoque Appij sententiâ senatum secutum esse. Idque epitomator Lii indicat expressè cum ita de Appio Claudio scribit libro decimo tertio. *Et sententia sua tenuit, ut id Pyrrho negaretur.* Hoc est, obtinuit Appius sententiâ suâ ut societatem cum rege Pyrrho populus Romanus non iniret. Sic enim quod de Pyrrho in urbem non recipiendū passim apud historicos obuium est, accipiendum esse docet Suetonius sic in Tiberio scribens: *Appius Cæcus societatem cum rege Pyrrho, ut paruum salubrem, inuicem dissuasit.* Idq; etiâ ex Cicerone probatur, qui ad hunc modum in Catone scribit: *Quum sententia sent aus inclinaret ad pacem cum Pyrrho fœdusque faciendum, non dubitauit illa dicere, quæ versibus persecutus est Ennius:*

*Quo sese mentes, rectè quæ stare solebant
Ancehac, dementes sese flexere via?*

Hic Cicero : apud quem nonnulli pro *Via*, legisse vi-
dentur Ruina, quod an rectum sit illi viderint.

CAPVT XIX.

Emendatur Callistrati locus, cap. 27. *Depœnis.*

APVD Callistratum in d. cap. 27. emendanda
sunt hæc verba, *Qui capitale admiserunt*, in Flo-
rentinis pandectis : legendumque, *Qui capital admise-*
runt, non, vt quidam emendant, *Qui capitale quid*, *Qui*
capitale crimen. Vfus est hac voce eo in loco idem Cal-
listratus, in quo de agrariis C. Iulij Cæsaris & Neruæ
legibus differuit. cap. 3. de ter. mot. quemadmodum ex
Florentinis pandectis constat. Quid? An non capital
admittere scripsit etiam Arrius Menander? cap. 6. de
iure milit. Est autem capital, auctore Festo, facinus
quod capitis pœna luitur. Plautus in Menech.

Nunquam *Ædopol* fugiet, tametsi capital fecerit.
Et in Mercatore:

Mulier alienata est abste CH. *Eutyche capital facis.*

EV. *Qui? CH. Quia aequalern & sodalem cinem libe-*
rum enecas.

EV. *Ne dy sirint. CH. Demisisti gladium in gulam;*
iam cadam.

Quibus addi poterit illud Lucilij apud Nonium : Fa-
cile deridemur, scimus capital esse irascier. Eadem forma
puto veteres dixisse virginal, feminal, puteal, & sic
deinceps. Sic enim alibi scribit Prudentius : Intactum
ab omni crimine virginal. Et Apuleius in Apologia pri-
ma : Sed enim, inquit, feminal nullo pacto reperiens mun-
dum dicere, ad mea scripta confugit Et idcirco iis assen-
tiri nequeo, qui pro Capitale, dictum per Apocopen
Capital existimant.

CAPVT XX.

*An soli prættores Romæ, & in provinciis præfides
soli de libertate iudicauerint.*

QVIBVSDAM esse persuasum animaduerti, prætores Romæ, & in provinciis præfides, in causis liberalibus iudices olim non dedisse. Falsam esse persuasionem hanc, intelligi ex Plauto euidenter potest. Extant enim apud Plautum in Rudente versiculi tres, quibus Labrax leno de abiudicata per recuperatores à se Palæstra ad hunc modum conqueritur:

Quis me est mortalium miserior qui vixit alter hodie,

Quem modo damnauit ad recuperatores Pleusidippus?

Abiudicata à me est Palæstra: perditus sum.

Per recuperatores autem intelligi datos iudices, ex eodem Plauto constat, qui sic in Bachidibus scripsit:

Postquam quidem prætor recuperatores dedit,

Damnatus demum vi coactus reddidit

Ducentos & mille Philippum.

Nec id quidem Plauti duntaxat, sed aliorum etiam grauissimorum auctorum testimonio liquidò confirmatum. Si enim in Vespasiano scribit Suetonius: Flavianam Domitillam duxit uxorem, Statily Capella equitis Romanæ Sabracensis ex Africa delegatam olim, latinaque conditionis: sed non ingenuam & ciuem Romanam recuperatorio iudicio damnatam patre asserente Flavio Liberiali Perentini genito, nec quicquam amplius quàm questoria fæba. Quo quidem in loco iudicium recuperatorum sic accipi debere, vt illud ad datos iudices referatur, satis ex Valerio Probo doceri potest. Veteris enim formulæ cuiusdam meminit in libello de litteris antiquis Probus, quæ sic habet: *Quanti ea res erit. tanta pecunie iudicium recuperatorium dabo: testibusque pu-*

Unde taxat decem denuntiandi potestatem faciam. VI-
 pianus quoque iudicem qui de libertate cognoscebat,
 non certo aliquo speciali, quale prætoris, præsidii
 aut proconsulis est, sed generali quodam iudicis co-
 gnoscentis appellauit nomine, his verbis: *Apud eum*
qui de libertate cogniturus est, cap. 7. §. fin. de lib. causa.
 cap. 34. de statulib. *Iudex qui de libertate cognoscit*,
 cap. 41. de lib. caus. Quæ res etiam argumento est, non
 præsidem, non prætorem solum, qui certi erant, sed
 etiam datum iudicem, qui erat incertus, de libertate iu-
 dicasse. Rursus si ad cognitionem prætoriam omnem
 libertatis controuersiam sic pertinuisse contenderis,
 ut de illis suo iure semper cognoscere prætor, & iudi-
 care debuerit; quâ ratione, vel à quo ad iudicem mitti
 eundem litigatores apud Vlpianum potuerunt? cap. 8.
 de lib. caus. Prætorem enim ut actionem dedisse, sic
 etiam ad iudicem litigatores misisse, auctor est Caius,
 cap. 9. de lib. caus. Denique præsidem vel prætorem
 dam status causa cognoscere non potuisse, ex quo-
 stat, cap. 1. C. de ord. cognit. Et quamuis porro infi-
 ciari non possim talem fuisse libertatis fauorem ut
 maiores habere iudices deberet, idque Paulum scri-
 pisse, cap. 32. §. 6. de recept. arbitr. tamen Paulum non
 ad iudices maiores illos, qui de causis maioribus iu-
 dicabant, qualem olim Romæ prætorem fuisse, & in
 provinciis præsidem, vel proconsulem summatim ad-
 spexisse, qui ipsis arbitris compromissariis maiores
 erant, satis ex eius responso conicimus. Noluit enim
 Paulus ad dirimendam liberalem controuersiam ar-
 bitrum compromisso recipi. Certè quod causa liber-
 tatis maior esset, quàm quæ huiusmodi necessitati sub-
 iiceretur; ut siue æquum siue iniquum arbitrium esset,

ei parere necessum foret. *Fuisse autem arbitrorum duo genera* Proculus ait; *unum huiusmodi, ut siue equum siue iniquum esset, ei parere necessum foret: quod tunc observabatur, cum ex compromisso ad arbitrum itum esset, alterum eiusmodi, ut ad boni viri arbitrium deberet redigi, cap. 76. pro socio.* Ad prius illud arbitrorum genus expressè visus est respexisse Paulus, nimirum quod fauor libertatis maior esset quàm ut periculo poenæ sapius scilicet simo magnum per huiusmodi arbitrium libertati fieret præiudicium. Dicebanturque respectu huiusmodi arbitrorum iudices dati *maiores*, quod hi quamvis iurisdictionem habebant, quamvis alioqui nihil haberent proprium, priuati tamen non essent, sed cum potestate, cap. 78. de iudiciis, quum illi contra priuati priuam semper obtinerent ferendæ sententiæ auctoritatem. Et idcirco omnem sententiæ vim & effectum, arbitri compromisso recepti pronuntiatio non habebat, cap. 13. §. ex compromisso, de his qui not. inf. Adde maiores & minores causas necessariam ex argumenti subiecti qualitate interpretationem olim + semper accepisse: ut apud Ciceronem de orat. libro primo. *Tu mihi cum in circulo decipiare aduersarij stipulationiuncula*, inquit Cicero, & *cum obsignes tabulas clientis tui, quibus id sit scriptum quo ille capiatur; ego tibi illam causam maiorem committendam putem?* Sensus est; si in stipulatione & in clientis tui tabularum obsignatione decipiaris, ego ne tibi causam aliquam hac stipulationiuncula, & huiusmodi tabularum obsignatione maiorem committendam putem? Simili modo, de liberali causa, inquit Paulus, *compromisso facto, rectè non compelletur arbiter sententiam dicere; quia fauor libertatis est, ut maiores habere iudices debeat.* Hoc est, fauor libertatis est, ut iudices arbitris compromisso receptis maiores habere debeat. Et ita quidem ex his locis omni

omnibus esse satis perspicuum puto, non prætorem
solum, aut præsidem, sed datos etiam iudices, de caus-
is liberalibus ijs temporibus iudicasse, quibus in usu
formularum erat conceptio. Porro Diocletianus or-
dinariam in provincijs primus sustulit dandi iudicis
facultatem, voluitque eos qui iure imperij quo prædi-
cant, iudices ordinariè in causis minoribus dabant,
extra ordinem iudices duntaxat dare; hoc est, negotijs
nimijs impeditos. cap. 2. C. de ped. iudicib. Cùmque
præsides antea in causis liberalibus iudices dederant,
voluit huiusmodi causas sic ab ipsis præsidibus co-
gnosci, sic iudicari, vt ne extra ordinem quidem dari
iudices pateretur, dict. cap. 2. Et quamuis idem Dio-
cletianus solere super libertatis quæstionibus iudica-
re præfides provinciarum expressè referat, cap. 7. C. ne
de statu def. ex eo tamen probari non potest, antè
eius tempora de libertate solos præfides iudicasse, nul-
losque dare iudices potuisse. Idem enim iam dudum à
se statutum scribit, vt ingenuitatis causæ à rectore
provinciæ examinarentur. cap. 5. C. vbi causa status.
Ergo quandoquidem à se profectum testetur Diocle-
tianus, vt per ipsosmet præfides liberales causæ iudi-
cantur; antea per datos iudices eas fuisse discepta-
tas, fateri omnino necessum est. Et hæc quidem sic
in provincijs obseruabantur. Romæ verò diu post
Diocletianum Imperator Constantinus primus libe-
ralium causarum disceptationem soli prætori iniun-
xisse visus est. Prætori, inquit, *defertur hæc iurisdictio san-*
cientibus nobis, vt liberale negotium ipse disceptator exa-
minet. cap. 1. C. de offic. prætor. Quia enim antè Con-
stantinum non prætor solum, sed iudex etiam datus
de libertate iudicauerat Romæ, ideò dixit *Sancienti-*
bus nobis. Nec quidem nos moueat, quod Imperator
Alexander, cuius scrinij magister consiliarius, & tu-

tor fuit Vlpianus causæ liberalis cognitionem expressè videatur iniunxisse prædici soli, his verbis: *iuxta ius ordinarium præsidem pete, qui cognita prius liberali causa, ex euentu iudicij liberalis, quid de crimine statuere debeat, non dubitabit.* c. 1. C. de ord. cognit. Et alio loco. *Ante liberalis causa suo ordine agi debet, cognitionem suam præside præbente.* c. 2. dict. tit. Duo enim hæc Alexandri rescripta ad regulam illam de præiudicijs referenda sunt; qua traditum est, *per minorem causam maiori cognitioni præiudicium fieri non posse, maioremque questionem minorem ad se causam trahere,* c. 54. de iudic. Hanc igitur regulam secutus Alexander, quamvis eius temporibus liberales causæ inter maiores non referrentur, sic ut per datos iudices expediri non possent; nihilominus tamen quia maius iudicium & minus si ordinarij iuris dispositionem minorem questionem trahi. c. 3. C. de iudicijs. Sic quidem ut iure magistratus de crimine præsidēs cognoscerent, & extra ordinem de libertate iudicarent. Semper enim ad maiorem causam sic questio minor trahebatur, ut iudex qui iure magistratus de causa maiore cognoscebat, de minore questione quamvis iudicare vix soleret, nihilominus propter causæ coniunctionem de minore

etiam status controuersia in præiudicijs iudicaret. Id quod à nobis dilucidè probatum est de præiudicijs

lib. 2. capite septimo.

Finis libri tertij Variorum.

IACOBI

IACOBI RÆVARDI
IVRISCONSULTI
VARIORVM, SIVE DE
Iuris ambiguitatibus
LIBER QVARTVS.

CAPVT I.

Emendatur & explicatur conventionum ab Vlpiano
tradita diuifio, cap. 5. De pactis.



QVAM Vlpianus conventionum tradi-
didit diuifionem in d. cap. 5. eam vitio
nulli obnoxiam effe, facile demonstra-
bimus, fi prius quod eius responfo sub-
effe fufpicamur mendum fufuleri-
mus. Itaque quum fic fcripiffet Vlpianus; *Conuentio-
num tres funt fpecies, aut enim ex publica cauffa fiunt, aut
priuata, aut legitima*, fic illud à librarijs malè transcri-
ptum fuit: *Conventionum tres funt fpecies, Aut enim ex
publica cauffa fiunt, aut priuata priuata aut legitima*. vt fic,
quod cuius facile inter fcribendum accidit bis ex-
preffa videri poffit dictio *Priuata*, quæ femel tantum
fcribi debuerat. Confirmat hanc coniecturam Flo-
rentina pandectarum editio, omnium longè castiga-
tiffima, in qua eadem illa quam delendam effe fufpi-
camur, dictio *priuata* duabus ftellulis intercluditur.
Quibus haud dubiè ea folent intercludi, quæ quum
in ipfo archetypo defiderarentur, poftcà per libra-
rium quendam addita fuerunt, & ob id fuperflua, ac
fapè

sapè minus idonea possunt censerì. Hac non confi-
 derantes qui caput istud interpretati sunt, sic illud in-
 terpunctionibus iniustis diuiserunt, vt rotam Vlpiani
 sententiam penitus subuerterint, hunc in modum:
Conuentionum autem tres sunt species: aut enim ex publica
caussa fiunt aut priuata: priuata aut legitima, aut iuris gen-
tium. Non enim ea est Vlpiani sententia, vt conuen-
 tionem priuatam velit in legitimam & iuris gentium
 conuentionem distribuere; verum conuentionem pu-
 blicam tam esse posse contendit legitimam, quàm pri-
 uata esse legitima potest. Conuentionum igitur tres
 sunt species, aut enim ex publica causa fiunt, aut pri-
 uata, aut legitima. Ius autem gentium non admittit
 vllum conuentionum finem aut modum; sed simplici-
 ter qui conueniunt, quomodocunque conueniant,
 iure quidem conueniunt, sed gentium. Omnes igitur
 conuentiones, siue publicæ, siue priuatae, siue denique
 legitimæ sint, iuris continuo gentium sunt. Quod si
 ita est, erit igitur consequens, eundem qui tres esse
 dixit conuentionum species, tres esse iuris gentium
 conuentionum species affirmare. Ergo an est adeò
 absurdum, si tres esse duntaxat conuentionum species
 contendens Vlpianus, non plures quàm tres expresse-
 rit: publicam nimirum, priuatam, & legitimam? Quod
 enim de iuris gentium conuentione in eodem respon-
 so subiicitur, hoc si non Triboniani, saltem quin in-
 pti alicuius interpretis sit, dubium non est. Proinde
 Francisci Connani minimè subscribendum est opi-
 nioni, existimantis eius esse conditionis publicas con-
 uentiones, & debere suis viribus sic valere, vt eas ad
 iuris gentium vel ciuilis régulas nequaquam dirigi
 necessum sit. Sed velim Connano, qui immaturo cer-
 tè studiosis omnibus ereptus est fato, liceret respon-
 dere, an gentium ius suas habeat conuentiones aut
 numero

modo aut certis & expressis speciebus definitas. Ne-
 que opinor, nec aliquam vellet manifestæ veritati
 prudens fraudem facere. Igitur si conventiones
 iuris sunt gentium, nec vllum expresserit idem ius
 conventionum aut finem aut modum; nosne ijs & fi-
 nem & modum audebimus statuere? Si dixeris iure
 gentium conventiones esse omnes introductas, exce-
 ptis quibusdam quæ iure civili introductæ sunt, id-
 que per Hermogenianum probaveris cap. 5. de iust.
 & iure: eam esse Hermogeniani sententiam, vt con-
 tendat conventiones aliquas esse civiles quæ iuris
 gentium non sunt, constantissimè negabo. Id enim
 absurdum, ridiculum & ineptum est. *Obligations*, non
 contractus, non conventiones *iure gentium* scribit
 Hermogenianus esse *institutas*, exceptis quibusdam quæ
iure civili introductæ sunt. Omnes ergo conventiones
 iuris gentium sunt, sed ex ijs quædam obligationes
 producunt iure gentium ad agendum efficaces, quæ-
 dam *ex sui quidem natura* actiones non producunt,
 hoc est quatenus sunt iuris gentium, sed civili iure
 confirmatæ, ad actiones profunt. cap. 5. & 6. de pa-
 positum, & ceteri similes contractus; non civili tan-
 tum sed etiam gentium iure obligationes & actiones
 pariunt. Si enim à peregrino ciuis aut peregrinus
 emisset aliquid, Romæ à prætore peregrino ex empro-
 & vendito dabatur actio non quidem civili, sed gen-
 tium iure. At stipulatio quia civilis erat, inter solos
 ciues ad actionem proficiebat, quamvis alioqui sti-
 pulatio iuris etiam gentium esset. Proinde si à pere-
 grino peregrinus aliquid stipulatus esset, quia huius-
 modi stipulatio quatenus iuris gentium est, actionem
 non producit; ex stipulatu actionem alter aduersus al-
 terum apud prætorem peregrinum postulans non au-
 diebatur.

diebatur. Verum si peregrinus creditor peregrino debitori suo stipulatione remisisset debitum, quamvis inter eos ex stipulatu actio non consisteret, ex stipulatu tamen exceptio utilis erat, non quidem civili, sed gentium iure. cap. 8. in fin. de accept. Atque hoc illud est quod scripsit Vlpianus, *iuris gentium conventiones quasdam actiones parere, quasdam exceptiones.* capite 7. in princip. De pactis. Et ita quidem omnes conventiones quamvis iuris gentium sint, ex ijs tamen quasdam obligationes ad agendum iure gentium efficaces producunt, quædam nisi ciuitatis alicuius expressa lege ad actionem prosint, gentium iure ad exceptiones duntaxat proficiunt. Et eam esse non dubito ut noquam sic veram sententiam d. cap. 5. de iust. & iure, quam nec Tribonianus quidem probè videtur affectum esse, malè per obligationes apud Hermogenianum contractus intelligens, §. Ius autem gentium. Instit. de iure nat. gent. & civili. Quid igitur impedit, quominus publicas quoque conventiones iuris esse gentium fateamur? Nec quidem iuris duntaxat gentium conventio publica est, sed etiam legitima esse potest, puta, si ea in foro aut in comitio auctore senatu cum populo ex lege duodecim tabularum solemniter tractaretur. Publicam autem conventionem quæ legitima non erat, conventionem definit Vlpianus quæ fit per pacem, quoties inter se duces belli quædam paciscuntur. d. c. 5. de pactis. Haloander restituit *per principem*. In Florentinis pandectis *per pacem* legitur. Florentinam lectionem puto veriore esse, & sic intelligendam: *Publica conventio est, quæ fit per pacem*, hoc est, per tot dierum inducias, quot utræque inter se exercitus pactioni obseruandas præscribit, quod paciscuntur. Sic enim pacem hoc in loco accipi posses facis

satis ex hac induciarum à Varrone tradita definitione
 manifestum est: *Inducia sunt pax castrensis, paucorum*
durum, ut est apud Gellium lib. 1. cap. 25. Cui etiam
consentaneum est in Terent. illud Donati: Inducia sunt
pax in paucos dies, vel quod in diem dentur, vel quod in
dies orum prabeant. Nunc quæro: si publicam huiusmo-
 di conventionem iuris esse gentium negaveris, quo
 iure dices hostem cum hoste pacisci? Civile? quis
 est obsecro qui non didicit, peregrinum Romanis le-
 gibus solum esse? Igitur si hostis iure civili cum
 hoste non paciscitur, quo iure pactum huiusmodi
 dices subsistere? Nonne iure naturæ? nonne iure gen-
 tium? Dices iure publico. Nunc audio: sed quæro
 an aliquod esse ius publicum potest, quod aut civile
 aut gentium non est? Ius fœderis percutiendi, pacis-
 que tractandæ publicum esse, in hoc responso testa-
 tur Ulpianus. Proinde si probauero ius istud publi-
 cum ex iure gentium substantiam capere, an dubita-
 bis, obsecro, publicum ius, iuris esse gentium posse?
 Audi quid de iure gentium scripserit Isidorus Etymo-
 log. lib. 5. *Ius gentium, inquit, est sedium occupatio, muni-*
tio, bella, captiuitates, seruitutes, postliminia, fœdera, paces,
inducia, legatorum non violandorum religio, & quæ sequun-
tur. Et hæc quidem si vera sunt, duces igitur belli
 quum inter se paciscuntur, pacisci iure gentium re-
 detur, qui sic lib. 9. scribit: *Hoc fide, hoc fœderibus, hoc*
socialibus ceremoniis dignum erat, ut tu quidem quod pe-
tisti, per pactiōem habeas, tot ciues incolumes: ego pacem
quam hosti tibi remittendo pactus sum, non habeam; Hoc
in A. Corneli. hoc vos fœciales iuris gentibus dicitis? Et sic
 quidem satis arbitror manifestum esse, conventio-
 nem publicam ex iure gentium substantiam capere,
 quamuis alter apertè sentiat Tribonian. Nec sanè,

ut eo vnde digressus sum reuertar, per duces belli
 alios quàm superioris iuris Imperatores esse hic apud
 Vlpianum intelligendos, ex illa pactione Gallica, cu-
 ius lib. 5. meminit idem Liuius satis apparet. Nam an-
 requam appensum esset mille pondo auri pretium,
 quo liberati ab obsidione Gallica ex eadem pactione
 fuissent Romani, ni per Camillum steterisset, interue-
 niens dictator Camillus, cum exercitu, auferri aurum
 de medio & Gallos submoueri iubebat. Cum illi reni-
 tentes pactos sese dicerent, negat pactionem eam ra-
 tam esse, quæ postquam ipse dictator creatus effectus
 iussu suo ab inferioris iuris magistratu facta esset. Ce-
 terum dictatori, aliisve belli ducibus, de rebus alijs
 cum hostibus pacisci quàm de ijs quæ populum non
 tenerent, nequaquam iniussu populi fuisse liberum,
 idem expressè tradidit Liuius libro 10. *Hoc, inquit,*
prælio fracta iterum Hetruscorum vires, & pacto annuo sti-
pendio, & duum mensium frumento permissum ab dictato-
re, ut de pace legatos mitterent Romam: pax negotia, indu-
cia biennij data. Igitur quod dixit Vlpianus publicam
 conuentionem esse, quoties duces belli quædam inter
 se paciscuntur; eam pactionem publicam intelligere
 debemus quæ populum non obligat, cuiusmodi est
 pactum de annuo stipendio, & duorum mensium fru-
 mento. Verum de pace idcirco legatos Romam mitti
 iussit dictator, quod ea conuentio non publica solum
 esse posset, sic ut per solos belli duces posset tractari;
 sed etiam quod ea debuerit olim antè legem regiam
 esse legitima, hoc est ex præscripto legum decemvira-
 lium in comitio, in foro, aut etiam in Capitolio, cum
 populo auctore senatu tractari. Nam cum apud Li-
 uium pacem Caudinam, quam cum Samnitibus in-
 iussu populi & sine auctoritate senatus Aulus Posthu-
 mius consul fecerat, idcirco ratam esse idem Posthu-
 mius

negaret, quia iniussu populi facta esset (nimirum
quod iniussu populi quicquam sanciri, non poterat quod po-
populum teneret, ut refert Liuius libro nono) videtur Po-
Posthumius legem aliquā in medium attulisse, qua quic-
quid iniussu populi, quod populum teneat à magi-
stratu aut ab Imperatore factum erat, non esset ratum.
Eam legem omnino fit mihi verisimile fuisse decem-
viralem. Pacta quādam esse quæ legibus obseruanda
sunt, scribens auctor ad Herennium libro secundo
subiecit: Rem ubi pagunt, oratione pagunt. Constat
certè orationes haberi ad populum foro vel in comi-
tio, aut etiam pro rostris olim consueuisse. Proinde
hæc quæ apud eundem auctorem ex lege, ni fallor,
duodecim tabularum subsequuntur verba: IN CO-
MITIO AUT IN FORO ANTE MERIDIEM
CAVSSAM CONIICITO; ad legitimas cōuentio-
nes, non quidem priuatas, (in iis enim nec loci nec ra-
tionis haberi solet ratio) sed ad publicas esse referen-
da existimaui, & ad eam legem omnino pertinere,
quā de iniusta pace Caudina Aulus Posthumius pro-
tulisse visus est. Ut ita quidem pax, fœdera, induciæ, &
si quæ sunt alia quæ ex legum præscripto publicam re-
quirunt pactionem, oratione soleant cum hostium le-
gatis, in foro aut in comitio ante meridiem auctore
populo tractari. Idque eo verisimilius est, quod sic li-
bro quadragesimo tertio scripserit expressè Liuius: Et
forſitan obliuissent consules, ni Quintus Martius Rex &
C. Atinius Labeo tribuni plebis se intercessuros dixissent, ni
prius ipsi ad plebem tulissent, vellent, inbrecentne cum rege
Philippo pacem esse? Ea rogatio in Capitolio ad plebem lata
est, omnes quinque & triginta tribus uti rogata iusserunt.
Huic etiam consentaneum est, quod idem Liuius sic
libro 47. scribit: Cui rata ista pax erit, quam sine con-
sule, non ex auctoritate senatus, non iussu populi Romani
perere

*peregerimus? Quæro enim, pace per te facta, rediturus sis exemplo in Italiam sis, classem exercitumque deducturus, an expectaturus quid de ea re consuli placeat, quid senatus censet, quid populus inbeat? Hæc Liuius. Eoque sensu accipienda sunt hæc verba: Rem ubi pagunt, oratione peragunt: quæ ad consuetudinem potius & antiquam cum hostibus paciscendi auctore populo rationem debent referri, quàm ad legem aliquam decemvira-lem. Verùm hæc verba In comitio aut in foro ante meridiem caussam conijcito. puto esse ex duodecim tabulis, & decemuiros in fœdere percutiendo, pace induciisve tractandis, in foro comitiove caussam conici, hoc est summatum exponi populo ante meridiem voluisse. Eaque interpretatio vel hinc videri verissimilior potest, quod scripserit in Problemate Plutarchus, magistratus Romanos post meridiem fœdus facere non consueuisse. Auctor est etiam Suetonius, fœdus in foro percuti solemni quadam ratione olim solere. Sic enim de Claudio scribit: Cum regibus fœdus in foro icit, porca cæsa, & vetere fœcialium præfatione adhibita. Et hanc quidem legitimam conventionem si iuris esset gentium negaueris, iterum quæro quonam iure ce-
 pulus Romanus constrictos hostes peregrinosque te-
 neret? Adde legitimam conventionem eam Vlpianum definiuisse quæ lege aliqua confirmatur, cap. 6. de præ-
 cætis. Ex hac enim definitione constat euidentissimè, legitimas conventiones non ciuilem tantum, sed iuri-
 ris etiam gentium esse. Nam si illæ demum appellari conventiones legitimæ possint, quæ lege aliqua confirmantur, necessum igitur est huiusmodi con-
 uentiones ante etiam quam aliqua lege confirmaren-
 tur, conventiones fuisse. Quales autem conventiones eas fuisse dices? nonne iuris gentium? Proinde quis tam est quæso stupidus, ut non intelligat, legi-
 timas*

conuentiones, non publicas solum, quales sunt
 quibus hic agitur, sed priuatas etiam cuius gene-
 re est stipulatio, iuris tam gentium quam ciuile esse?
 Conuentiones igitur omnes iuris gentium sunt. Por-
 ro qui hanc legis deccimualis particulam, quam mo-
 do sumus interpretati, cum ea cuius meminit Gellius
 libro 16. capite 2. coniunxerunt, videant hi ne cœlum
 terra miscuerint.

C A P V T I I.

Cur à prætoribus decreta Latine debuerint inter-
 poni, emendatumque Arcadij, &
 Honorij rescriptum.

DECRETA, inquit Triphon. à prætoribus Latine
 interponi debent cap 48. de re iudicata. Tripho-
 ninum ita visus est Accursius interpretari, vt existi-
 mauit inter Latinos duntaxat caput istud locum
 habuisse, sed errat. Tam inter Græcos, quam inter La-
 tinos, inò in ipsa Græcia & Asia locum huic respon-
 sione facile intelligimus, si considerauerimus eadẽ
 decreta prætores Latine interposuisse, qua
 magistratus populi Romani Græcis nunquam nisi Latine
 responsa dedisse, refert Valerius Max. lib 2. cap. 1. Partim
 videlicet vt Latina vocis honos per omnes gentes
 venerabilior diffunderetur, partim etiã ne vlla re roga-
 pallio subiiceretur. Decretum autem generis non esse,
 omnem omnino prætoris sub se continens pronun-
 tiationem, in Verrina sexta euidenter demonstrat Ci-
 cero. Cum, inquit, ad prætorem in ius adissemus, excogi-
 tai sanè diligenter & cautè quid decernat: nam antequam
 verbum facerem, de sella surrexit. atque abiit. Idipsum
 etiam ex Valerio probari potest, qui sic lib. 8. cap 7.
 de P. Crasso scribit: Qua res maximum & sociorum

amorem consiliauit, qua quis eorum lingua apud tribunal
 eius postulauerat, eadem decreta reddenti. Siue igitur iu-
 dicem det siue in bona mittat, siue sententiam ferat,
 decernere prætor semper dicitur. Et quia non nisi La-
 tinè pro tribunali pronuntiare quicquam prætores,
 præsides aut proconsules poterant, iis idcirco adesse
 solent interpretes, qui decretum Latinè prolatum
 Græcis aliisque litigatoribus barbaris explicarent. De
 † quibus interpretibus scribit Cicero in Verrina quin-
 ta. *Aulus Valentinus*, inquit, est in Sicilia interpres, quo
 iste interprete non ad linguam Græcam, sed ad furti & fla-
 gitia uti solebat. Et in Verrina sexta: Cum Valentinus eius
 interpreti epistola Agrigenti allata esset, casu signum istius
 animaduertit in cretula. Idem Cicero sic etiam de f. bo.
 libro quinto scribit: *Quemadmodum in senatu semper est*
aliquis qui interpretem postulat; sic isti nobis cum interpre-
te audiendi sunt. Et hæc quidem in solis Romanorum
 iudicium decretis obseruata sunt. In proscriptionibus
 verò & superindictionibus, non æquè. Testis est enim
 Vlpianus *proscriptiones litteris tam Græcis quam Latinis*
secundum loci consuetudinem fieri solitas, cap. 11. §. 2. de
 instit. act. Et *superindici etiam Græcè à lictoribus potuisse*
 docet apertè Iulianus, c. 13. in fin. de iureiurando. Nec
 mirum; siquidem non à ciuibus duntaxat Romanis
 sed etiam à Græcis aliisque barbaris hominibus fieri
 & superindictiones & proscriptiones poterant, siue
 aliquo Romanæ maiestatis præiudicio. Quia igitur
 decreta de quibus hîc agitur, ea sunt, quæ non à mu-
 nicipalibus, sed à Romanis magistratibus, prætoribus
 nimirum, præsidibus, & proconsulibus duntaxat in-
 terponebantur, quorum est in omnibus imperij Ro-
 mani maiestatem conseruare, diligentèrque provide-
 re ne quid respublica detrimenti capiat, ne quare co-
 ga pallio subiiciatur: idcirco audiendi non sunt, qui

superindictionibus, proscriptionibus, & magistratum municipalium sententiis, praesidium, proconsulatum, praetorumque decreta metiuntur. Quae decreta nisi causa cognita interponi non solebant, & ideo si quid Graecae cognitionem causa pro tribunali pronuntiaretur, non erat cur ob id reprehendi praeses deberet. Idem Gordianus rescriptis, cap. 17. C. Ex quibus causis decreta Latine debuerint interponi, & ab iisdem Latine responsa dari, non tam mirum est, quam quod eandem in Graecia Graecae interponi aut dari non potuisse, adeo certe ut propterea reprehensum à Metello quod Syracusano magistratui Graecae locutus esset. Ait indignum facinus esse, inquit Cicero, quod ego in senatu Graeco verba fecissem, quod quidem apud Gracos Graecae locutus essem, id ferri nullo modo posse. Nec id sane cuiquam videbitur mirum, praesertim non ignoranti, quid sibi voluerit Suetonius sic in Augusto scribens: Sed & capillia distribuit, togas insuper & Romano habitu & sermone uterentur. Et hic quidem Latini sermonis honor tam venerabilis, non Romae solum sed etiam in Asia & tota Graecia observatus olim constantissime videtur, donec tandem à Iuliano Asiæ quodam proconsule persuasi Arcadius & Honorius Imperatores, iudices tam Graeca quam Latina lingua sententias proferre expresso quodam rescripto patentionibus omnium iudicum. Quod quidem rescriptum verborum transpositione vitiosum, sic esse videtur restitutum: Iudices tam Graeca quam Latina lingua sententias proferre possunt. Malè passim legitur, Tam Latina quam Graeca lingua. In Graecia enim Latine duntaxat

CAPVT III.

Sub pellibus, quid sit apud Celsum & Labeonem.

QVÆSITVM est quid Celsus his verbis voluerit : *Labeo ait originem fuisse supellectilis, quod a his qui in legationem proficiscerentur, locari solerent, quæ sub pellibus vsui forent capitulo septimo de supellect legat.* Parua quæstio, sed tamen quæstio. Ad quam responderi poterit, tentoria exercitus Romani ex pellibus fieri consueuisse Idque lib. secundo testatur Valerius capite secundo. Sic enim scribit : *Decreuerunt ut ex his qui equo meruerant, pedium numero militarent, qui pedes fuerant, in funditorum auxilia transcriberentur, neve quorum in castra tenderet, neve locum extra assignatum vellet aut fossa cingeret, neve tentorium ex pellibus habere.* Idtur sub pellibus nihil aliud est, quàm sub tentoriis. Idque probari etiam ex Tacito potest, qui sic Annalium lib. 13. scribit : *Retentusque omnis exercitus sub pellibus, quamvis hyeme sana adeo, ut obducta glacie nisi effossa tentoriis locum non præberet.* Et lib. 14. *Contractus deinde, inquit, omnis exercitus, sub pellibus habuit, et reliqua belli perpetrenda.*

CAPVT IV.

Quid ab arario fiscus differat.

POPVLVS Romanus suum habuit ararium, habuit & princeps ararium suum. Ararium populi, ararium Saturni dicitur: principis ararium, fiscus vocatur. Patrimonium populi Romani in ararium Saturni, principis in fiscum deferebatur. Et hac ratione,

res quæ in usu publico sunt, ab iis quæ sunt in patri-
monio fisci, visus est Papinianus distinxisse cap. 72. in
fine de contrah. empt. Rursus damnatorum bona aut
publicari aut confiscari solent: publicabantur, quæ ve-
nalia publicè proscripta, in populi Romani ararium
sectione redigebantur, confiscabantur, quæ ad priua-
tam principis vtilitatem referebantur. Hæc ararij &
fisci differentiam obseruasse visus est Plinius, cum ita
scriberet: *At fortasse non eadem seueritate fiscum quæ ara-
rium cohibes: immo tanto maiore, quanto plus tibi licere de-
tuo quàm de publico credis.* Eoque spectat Suetonij illud
in Augusto. *Quantum militum sub signis ubique esset,
quantum pecunia in arario & fisci, & vectigaliorum resi-
duis.* Et Tacitus Annal. lib. 5. *Bona, inquit, Seiani ablata
arario, ut in fiscum cogerentur.* Scribit sic etiam in Ha-
driano Ælius Spartianus: *Damnatorum bona in fiscum
priuatum redigi vetuit, omni summa in arario publico re-
cepta.* Auctor est etiam Vlpianus res fiscales quasi pro-
prias, & priuatas principis fuisse. cap. 2. §. 2. ne quid
in loc. pub. Id ipsum confirmat Seneca, de benef. lib. 7.
*Cesar, inquit, omnia habet, fiscus eius priuata tantum, ac
sua; & vniuersa in imperio eius sunt, in patrimonio pro-
pria.* Et hinc quidem obscurum esse non videtur,
qua ratione locum fiscalem à publico loco separer
Vlpianus cap. 3. §. 8. de iure fisci. Dubium enim non
est, quin per fiscalem, proprium ratione imperij, &
priuatum principis: per publicum autem, populi Ro-
mani alicuius ciuitatis locum intellexerit. Hinc etiam
intelligimus, rectam esse capitis primi D. de bon.
damnat. hanc in Florentinis pandectis epigraphen;
CALLISTRATVS LIBRO PRIMO, DE IURE
FISCI, ET POPVLI: & eius quidem fisci, ad im-
perium principis; ius verò populi, ad ararium Sa-
turni referendum esse. Quasi in effectum sic scripsisset

Callistratus: *De iure fisci & ararij*: Nec moueor iudicis Florentini auctoritate. Eum enim deprauatum nonnullis in locis & imperfectum esse, alij docuerunt. Inscriptionem hanc eiusque interpretationem nostram confirmat Ælius Lampridius in Alexandro. *Leges, inquit, de iure populi & fisci moderatas & infinitas sanxit.* Eoque pertinet Vulcatij Callicani illud in Auidio Cassio: *Senatus illum hostem appellauit, bonæque eius proscript, quæ Antoninus in priuatum ararium congeri noluit.* Porro hæc antiqua ararij & fisci differentia frequenter confunditur. Res enim quæ confiscantur, rediguntur in ararium; & quæ in ararium rediguntur, confiscari promiscuè sæpius dicuntur. Quo sensu pro publico ararij thesauro, *fiscum veteres dixisse*, scribit etiam Pauconius. Nec alio sensu *fiscum accepisse* visus est Paulus, cum ita scriberet: *Publicatis bonis, quicquid postea acquiritur, non sequitur fiscum*, cap. 22. §. 5. Mandati. Huc spectat illud Sexti Rufi: *Cyprus famosa diuitiis, paupertatem populi Romani, ut occuparetur sollicitauit, eam rex fœderatus regebat; sed tanta fuit penuria ararij Romani, & tam ingens fama opum Cypriarum, ut lege lata Cyprus confiscari iuberetur.*

CAPUT V.

Emendatur Vlpiani locus.

AIT Vlpianus: *Exemplo rescissorie actionis etiam exceptio ei qui reipublicæ causa absuit, competit, foris si res ab eo possessionem nactus vindicetur, capite vigesimo octauo §. 5. Ex quibus causis maiores.* Sensus loci huius euidentissimus est. Voluisse enim videtur Vlpianus, eum cuius reipublicæ causa absentis res est, vsucapta, duabus vsucapionem infringere rationibus posse,

posse, nimirum aut actionis aut exceptionis medio. Certum est absentiam reipubl. causa non impedire quominus ipso iure res absentis vsucapi possit. Proinde vsucapta re, quia nullus vindicationi, nullus restat conditioni, aut in integrum restitutioni locus, & tamen iusta vsucapionis rescindendæ causa videtur non deesse; concedere idcirco solet ei qui reipublicæ causa abfuit, actionem prætor, qua vsucapio rescindetur, vt pote prætorio iure inualida, eaque actio rescissoria dicebatur. Verum si quo casu veterem nactus esset vsucapiæ rei possessionem is qui reipublicæ causam abfuerat, exemplo actionis rescissoriæ, sic exceptionis auxilio tutus erat, vt ei qui vsuceperat, rem vsucaptam vindicanti, restituere non cogeretur, sed posita & probata absentia reipublicæ causa præscriptio, tam rescindebatur exceptionis huiusmodi medio vsucapio, quam si quæ eius rei nomine instituta esset actio rescissoria. Et hæc quidem certissima sunt. Nunc admonendi sumus pro *Possessionem nacto*, in nonnullis antiquis, & in ipsis etiam Noricis exemplaribus expressè legi, *possessionemve nacto*. Quæ lectio esse mihi videtur verissima, præsertim si puncto adiecto sic emendetur, *possessionemve nacto*. Non enim dubito quin sic scripserit Vlpian. & *Veterem* hac nota *VE*. significauerit. Sic igitur legendum est, *fortè si res ab eo possessionem veterem nacto vindicetur. d. §. §.* Haud dubiè per veterem eam possessionem intelligit Vlpianus, quam is qui reipublicæ causa abfuerat, ipso iure per vsucapionem amiserat. Et ita mihi videtur.

CAPVT VI.

Verus intellectus L. Transigere, C. De transact.

HVIUS rescripti facilis erit sententia, si consideremus olim nonnulla fuisse capitalia iudicia,

quæ principaliter publicam haberent executionem; quædam verò in quibus principaliter de re familiari agebatur. Illud etiam observandum est, ex quibus causis publica sunt iudicia, ex ijs non esse nos prohibendos, quominus & priuato agamus. Et quia hoc tunc duntaxat verum esse contendit Ulpianus, cum non de ea re agitur, quæ publicam principaliter executionem requirit, c. 7. §. 1. de iniur. intelligere mihi propemodum videor, quid sibi Diocletianus & Maximianus Imperatores voluerint, cum ita scriberent: *Transigere vel pacisci de crimine capitali, excepto adulterio, prohibitum non est.* cap. 18. C. de transact. Non enim dubito, quin de ijs capitalibus criminibus Imperatores consulti fuerint, quæ principaliter publicam non habent executionem, sed extra ordinem, cap. si. de public. delict. Vt sic de huiusmodi criminibus transigere vel pacisci, cuius eadem ratione videri possit liberum fuisse, qua de furto, de membro rupto, de osse fracto, deque alijs id genus maleficijs vereri iure pactioni, transactioni, & compensationi locus fuit. Igitur quocumque ex ijs causis priuato iudicio agitur, ex quibus etiam publica sunt iudicia, toties & pactum & transactio de crimine capitali admitti debent, quæ contra admittenda non sunt in ijs capitalibus causis ex quibus priuato iudicio experiri permissum non est. Quis enim credat, in causis publicis transigere vel pacisci cum accusatore, cum quaesito, aut denique cum iudicibus aliquo modo reis de crimine capitali permissum fuisse? Qua de re scribit eleganter Tertullianus in lib. de fuga in persecut. *Tu autem, inquit, pro eo pacisceris cum delatore, vel milite, vel furunculo aliquo preside, sub tunica, & sinu, quod aient, furino, quem coram toto mundo Christus emit, immo & manumisit.* Et paulo post: *Paulus quidem, cum Felix preses pecuniam accepisset*

nam se pro eo à discipulis sperasset, de quo & ipse in secreto
trastavit cum ipso, neque ipse pro se, neque discipuli pro eo
numerauerunt. His non ineleganter adiungi potest il-
lud Terentij in Phorm.

Soli sumus nunc hic inquam, ego dic quid velis dari
Tibi in manum ut herus his desistat libris.

In quem locum Donatus, Datur, inquit, ei in manum
qui separatim accipit, sine arbitro aut interprete; ut praua-
ricator, ut index corruptus. Ex quibus locis liquidò con-
stat, accusatoribus, quæstoribus, iudicibusque in ali-
quibus causis etiam capitalibus cum reis pacisci li-
berum non fuisse. Et idcirco non esse eos audiendos
puto, qui rescriptum istud sic interpretantur, quasi vo-
luerint Imperatores, reos qui de crimine capitali cum
iudicibus aut accusatoribus paciscuntur, impunè pa-
cisci, impunè transigere. Id enim falsissimum esse, ex
Paulo constat, cap. 21. de lege Cornel de falsis Et quia
adulterium, quod inter crimina capitalia numeratur,
ad mariti solius videtur læsionem vindictamque per-
tinere, & sic per consequens publicam principaliter
executionem non requirere; idcirco an de adulterio
quæ pacisci liceat, atque de alijs capitalibus causis,
quæ principaliter publicam non habent executionem,
consulti Imperatores rescripserunt transigere vel pa-
cisci de crimine capitali excepto adulterio prohibi-
tum non esse. d. c. 18. Nimirum quod non solum con-
taminationi vxoris indignari maritus debeat, (cap. 1.
§. 2. Ad leg. Iul. de adult.) sed etiam quod iniquum sit,
commodum alicuius pactionis vindicta domus suæ
maritum præponere. cap. 11. §. 3. d. tit. Et hac de caus-
tus etiam in adulterio deprehensam dimittere mari-
tur, eiusque pœna coercetur, cap. 29. d. tit. Adulte-
rium est publicum iudicium & capitale, sanguinis
tamen

tamen pœnam non ingerens, quemadmodum ex subiectis apparebit. Reus de adulterio transgens, non falsi arguitur, vt in alijs quæ sanguinis pœnam non ingerunt publicis iudicijs fieri solet, sed pro victo & confesso habetur. cap. vlt. de prauaricat. Qua de causa, quod iisdem Imperatores adijciunt, *in alijs publicis iudicijs, quæ sanguinis pœnam non ingerunt, transigere non licere citra falsi accusationem*; hoc respectu publicorum quæ adulterij causa exercentur iudiciorum additum videtur. Vt sit sensus: de adulterio, cuius condemnationo nullam sanguinis pœnam ingerit, transigere eo non licet, citra criminis conuicti pœnam: in alijs publicis iudicijs, quæ sanguinis pœnam non ingerunt, qui transigit, citra falsi accusationem non transigit. Et ita quidem in publicis omnibus ijs iudicijs, quæ sanguinis pœnam non ingerunt, excepto solo adulterio, citra falsi accusationem transigere non licet. Idque ad eos mihi spectare videtur, qui accusatores, quaesitores, aut etiam iudices ipsos pacto præmio corrumpunt, cap. 21. de leg. Corn. de fals. c. 4 29. & 34. de iure filii. quemadmodum satis indicant hæc verba. *In publicis iudicijs.* Quibus verbis haud dubiè tempus illud denotatur, quo publica exercentur iudicia. Et idcirco notandum est diligenter, diuersa esse, de crimine capitali, & in iudicijs publicis pacisci. Transigere enim de crimine capitali vel pacisci prohibitum non est, quod rities de eo iudicijs non quidem publicis sed priuatis agitur: siquidem in publicis iudicijs nullus est transactioni, nullus pacti loci de crimine capitali. Proinde quis non eos videat errare plurimum, qui hinc per crimen capitale, capitale iudicium intelligunt? Ignorant quauis de crimine capitali, excepto adulterio, cum eo qui passam iniuriam priuato iudicio potest vindicare, transigere, vel pacisci prohibitum non sit, in publicis

is tamen iudicijs, hoc est, eo tempore quo publicum de capitali crimine institutum iudicium est nullum cum reo relictus est accusatori, quæstori, aut iudicibus de capitali crimine paciscendi vel transigendi locus. Eoque pertinet Ciceronis illud Act. 3. in C. Verrem: *Scelus est accipere ab reo, quanto magis ab accusatore? quanto etiam sceleratius ab utroque?* Nec aliter quidem hæc verba, *Circa falsi accusationem, esse accipienda,* quam ut hi qui in publicis huiusmodi causis paciscuntur, falsi crimen siue accusationem incurrant, docuit rectissime Brissonijs. Idem Brissonijs elegans & eruditus interpres, hæc verba, *Transigere, vel pacisci de crimine capitali, excepto adulterio, prohibitum non est;* ideo Tribonianum esse contendit, quod in numerum capitalium criminum non veniat adulterium, cuius poena ex Constantini demum constitutione facta est capitalis. Non rectè. Certè, quia sic Apuleius de asino l. 9. *discrimen vocabo capitis tam venustum atque pulchellum.* Huic etiam consentaneum est quod sic Arnobius adversus gentes lib. 4. scribit: *Ad libidinem homines proni, atque ad voluptatum blanditias natura infirmitate proclives, adulteria tamen legibus vindicant, & capitalibus afficiunt eos poenis, quos in aliena comprehenderit fœdera genitalis se lectuli expugnatione iecisse.* Poena igitur adulterij capitalis fuit etiam antè tempora Constantini; quo est poena sanguinis. c. 30. C. Ad leg. Iul. de adult. Eoque spectat quod sic D. Hieronymus Sabiniano diacono scribit: *Non tibi illa nunc replico, quod plures virgines stuprasse narreris, quod à re nobilium violata matrimonia publico cesa sim gladio, quod per lupanaria impurus & belluocurristi.*

CAPVT VII.

Quid sit apud Vlpianum, Circa stationes se occultare.

STATIO locus fuisse videtur, in quem certis temporibus certum genus hominum contrahitur. Sic stationem visus est accepisse Plinius Epistolar. lib. 1. Plerique, inquit, in stationibus sedent, tempusque audiendi fabulis conterunt, ac subinde sibi nuntiari iubent, an iam recitator intrauerit, an dixerit prefationem. Sic etiam accipi voluit stationem Gellius, cum ita scriberet, lib. 13. cap. 13. *Quæsitum esse memini, in plerisque Roma stationibus ius publicè docentium ac respondentium, an quæstor populi Romani in ius vocari posset.* Huiusmodi loca in foro Romano fuisse testis est P. Victor, qui sub octaua regione, quæ Forum Romanum dicitur, in libello de regionibus vrbis, Senaculum Aureum, & Stationes Municipiorum complexus est: per Senaculum Aureum antiquam senatorum stationem intelligens, de qua scribit ad hunc modum Valerius lib. 2. cap. 1. *Sed ut à luxu perditis moribus ad seuerissima maiorum instituta transgrediar, antea senatus assiduam stationem eò loci peragebat, qui hodie quoque Senaculum appellatur: nec expectabat ut edicto contraheretur, sed inde citatus prorinus in curiam veniebat.* Stationes autem municipiorum in foro fuisse, præter P. Victorem expressè testatus est Plinius, sic de arbore quadam, cui Lotos nomen est, Cæsar. lib. 16. cap. 44. *Radices eius in forum usque Cæsaris per stationes municipiorum penetrant.* Valerius Maximus in eodem iam dicto capite sic etiam scripsit: *Quocirca iuvenes senatus die utique aliquem ex patribus conscriptis aut propinquum aut paternum amicum ad curiam deducebant, affixique valuis expectabant donec reducendi officio fungerentur: qua quidem voluntaria statione, corporis*

*tempora & animos ad publica officia sustinenda impigre ro-
babant. Et ita quidem fuisse videntur in Romano
foro diuersæ stationes, quales esse probauimus muni-
cipiorum, senatorum, & iuuenum in curiam patres
deducunt, deque huiusmodi stationibus illud ac-
cipiendum puto, quod sic Vlpianus scribit: Denique
eum quoque qui in foro eodem agat, si circa columnas aut sta-
tiones se occultet, videri latitare veteres responderunt, cap. 7.
§. 6. Quibus ex caus. in poss. eat. Sensus enim est, eum
etiam dicendum latitare, qui licet in eodem foro sit,
effugit tamen aduersarij sui conspectum: quod fieri
solet, circa columnas aut stationes se occultando. Cir-
ca columnas se occultant, qui post columnas aut sta-
tiones fugiunt; circa stationes verò, qui se tempore con-
uentus, municipiorum, senatorum, iuuenum, alijsve si-
quæ sunt, stationibus adiungunt aut immiscunt, vt
hoc medio conspectum fugiant aduersariorum. Quod
facile fieri potuisse, satis ex D. Ambrosio constat,
qui sic in Sermonem 25. scribit: Denique stationes vo-
cantur, quod stantes & commorantes in eis, inimicos insti-
diantes repellamus. Et sic quidem qui circulis homi-
num incerto quodam loco stantium ac commoran-
tium immiscunt sese, hi rectè occultare se circa statio-
nes dicuntur. Eoque etiam referri potest quod sic Iu-
uenalis Sat. 11. scribit:*

———— Omnis
Connectus, thermæ, stationes, omne theatrum
De Rutilo.

Per stationes enim haud dubiè huiusmodi circulos
intellexit Iuuenalis.

CAPVT VIII.

*De tribunatu numerorum, emendaturque cap.
vlt. C. De testam. milit.*

ACTOR est Iustinianus antiquis legibus populi permittum fuisse, si tribunatum numerorum mererentur, ultimum elogium conficere. d. cap. vlt. Exponendum est quis dicatur numerorum tribunatus; eoque cognito, facile mendosum hunc Iustiniani locumprehendemus. Legiones fuisse sub C. Julio Cæsare triginta videntur in Romana republ. quarum diuersa signa expressit eleganter ex numismatibus antiquissimis in eo libro Hubertus Goltzius, quem de C. Julio Cæsare fecit. Vnaquæque legio decem habebat cohortes. Primam cohortem miliariam fuisse testatur Vegetius; in quam censu, genere, litteris forma, virtute pollentes milites mittebantur. Reliquæ cohortes, inquit idem Vegetius, prout principi placuisset, à tribunis vel à præpositis regebantur. Illud etiam constat, cohortes alio nomine numeros appellari. Sic enim in libro 1. historiae reipartitæ ex Sozomeno scriptum inueni: Ex illo autem Romanorum cohortes, quæ nunc numeri nuncupantur, singula fecerunt tabernaculum proprium. Legiones etiam interdum numeri dicuntur. cap. 14. de re milit. Eoque sensu numeros accepisse visus est Vlpianus. Si quis, inquit, militum ex alio numero translatus sit in alium, quamuis & hinc sit exemptus, & illo nondum venerit, tamen poterit iure militari testari, cap. vnic. de bon. poss. ex test. milit. Hoc est, si quis militum de vna legione in aliam translatus sit. Interdum à legionibus separantur numeri. cap. 13. in princ. C. de re milit. Proinde quis est qui non intelligat quem tribunatum appellat numerorum Iustinianus, eum tribunatum militum à Vegetio

occupari? Igitur qui tribunus est numerorum,
 idem militum tribunus est, hoc est, alicui Roma-
 num cohorti aut legioni præpositus. Cohortes enim
 tribunos suos habuisse, docet Plinius epist. libro tertio.
Sollonius Priscum, inquit, qui tribunus cohortis sub Classi-
co fuerat, accusauimus. Legiones etiam tribunos ha-
 buisse, ex Marcello constat, qui sic scripsit. *Titius prius-*
quam tribunus legionis factus esset testamentum fecit, cæ-
pice 25. de test. milit. Et quandoquidem tribunorum
 huiusmodi, armorum scientia, virtute corporis, mo-
 rumque honestate conspicuorum, sollicitudinem per
 hanc laudari industriam referat expressè Vegetius, *cum*
miles veste nitidus, armis bene munitus & fulgens, exer-
citij usu & disciplina eruditus incedit; quis credat mili-
 tarem tribunatus huiusmodi dignitatem à Romanis
 principibus, in pupillos vnquam collatam fuisse? Ideo-
 que locum hunc Iustiniani sic esse emendandum exi-
 stimaui, vt pro *Tribunatu numerorum* legamus *In tri-*
butu numerorum, hoc est, sub tribuno militum. Ea
 nimirum ratione & forma loquendi, qua *In officio*
prætorio scripsit imperator Constantinus cap. fin. C.
de cast. pec. milit. Erroris originem ad verborum re-
 ferro transpositiones. Cum enim non rectè scripserant
 hunc in modum librarij: *Tribunatu in numerorum*, pro
In tributu numerorum, profectò ex *Tribunatu in*, fa-
 ctum videri potest verbum illud *Tribunatum*, quod in
 vulgari editione passim extat. Similis error apud Try-
 phoninum etiam deprehensus est, in cap. pen. circa
 princ. de bon. posses. contr. tab. In eo enim loco *Effe-*
ciam, pro in effectu, perperam scriptum obseruatit Cu-
 iacius. Et sanè in huiusmodi verborum transpositio-
 nes incuria librarios typographosque interdum lapsos
 esse, illud Tertulliani, de pudicitia, liquidò demon-

stror. Quis permittit homini, quæ donare Deo referenda sunt? Dubium enim non est, quin sic emendandus sit hic locus: Quis permittit homini donare, quæ Deo referenda sunt? Et huiusmodi quidem emendationem vera huius rescripti sententia postulat. Nam illud idem omnino visus est in hoc loco Iustinianus voluisse, quod apud Vlpianum his verbis expressum legimus: Ex eo tempore quis iure militari incipit posse testari, ex quo in numeros relatus est, cap. 42. de testament. milit. Hoc est, ex quo in aliquam cohortem receptus est. Tunc enim in numeros referri milites solent, siue ut ait Iustinianus, in tribunatu numerorum mereri. Pupillum autem pubertati proximum in numeros referri potuisse, auctor est libro primo Vegetius, cap. 4. Si antiqua, inquit, consuetudo seruanda est, incipientem pubertatem ad delectum cogendam nullus ignorat. Huic etiam consentaneum est quod sic Plinius Epistolarum libro octauo scribit: Inde adolescentuli statim castris studeant, ut imperare parendo, duces agere sequuntur assuescerent. Et idcirco quod Iustinianus de pupillo scribit, qui in tribunatu numerorum meretur, illud ad incipientem pubertatem quæ ad delectum cogi potest, omnino referendum videtur.

CAPUT IX.

Quæ fuerit vindicta manumittendi ratio.

MANUMISSIO, inquit Hermogenianus, per lictores hodie domino tacente expediri solet, & verba solemnia licet non dicantur, tamen ut dicta accipiuntur, cap. 23. de manumiss. vind. Quæ fuerint hæc solemnia verba ignorant interpretes. Ego didici vindictam apud veteres sic manumissionem fieri consuevisse, ut domi-

manum prætorem, vel consulem Roma, & in provinciis
apud præsidem aut proconsulem, serui quem vindicta ma-
nuntii volebat caput, aut aliud membrum tenens, hac ver-
ba solemniter pronuntiaret. HUNC HOMINEM LIBE-
RVM ESSE VOLO, & emittebat eum à manu, au-
diente Festo, de verb. sig. lib. II. Tunc prætor vindicta, eius-
dem serui qui manumittendus erat, capiti imposta, hac vi-
formula. solebat: AIO TE LIBERV M MORE
QVIRITIV M. Et licet hac formula famulus esset
iugo laxatus herili; vt utar Claudiani verbis; tamen
ad lictorem, per quam expediri manumissionem so-
lere testis est Hermogenianus, prætor conuersus, hæc
quoque videtur solemniter verba pronuntiasse, SE-
CUNDVM SVAM CAVSSAM SICVTI DIXI,
ECCE TIBI VINDICTA. Tunc à prætore accepta
vindicta, caput serui visus est etiam lictor percussisse,
faciem palmarumque festuca verberasse. Idque sa-
tis ex Iuuenali constat. Sic enim Sat. 5. scribit:

— Pulsandum vertice raso
Prebebis quandoque caput, nec dura timebis

Flagra pati.

Et hæc quidem tres formulæ, illa fuisse solemniter ver-
ba videntur, quorum meminit Hermogenianus. Va-
lerius Probus in libello de litteris antiquis postremam
hanc formulam recenset: eique proximam ex manu-
cripto auctoris cuiusdam incerti De verbis iuris an-
tiquissimo libello, quem habeo, desumpsi. In quo
de vindicta scriptum inueni: Vindicta est modus
manumittendi, dicta hoc nomine, à Vindice Vitelliorum
fratris, qui coniurationem dominorum suorum contra rem-
publicam detexit, & ideo apud consilium donatus est liber-
tate. Modus manumittendi dicitur vindicta. Secundum
vero quosdam à vindicta virga prætoris hoc nomen tra-
ctum est, quam imponebat capiti illius, qui manumittendus

erat, hæc solemnia proferens verba: AIO TE LIBERUM MORE QVIRITIVM. Hactenus ille. Porro simulatque peracta esset huiusmodi manumissio, statim in acta nomen manumissi referebatur, adiecta manumissionis causa. Certè quia sic in Adelphis scripsit Terentius.

——— *Ædepol hodie mea quidem sententia iudico Syrum fieri esse æquum liberum. M. Istunc liberum? Quodnam ob factum?*

In hunc enim locum ad hæc verba, *Quodnam ob factum*, sic scribit Donatus: *Iure, adscribi enim causas manumissionis in iure formula est. Nomen autem manumissi in acta referri olim consuevisse, Plautus auctor est qui sic in Persa scribit:*

——— *Dic bona fide, iam libera est?*
D O. I, i ad prætorem, exequire, siquidem credere nō vis mihi.

Libera est inquam, ecquid audis?
Idem Plautus, quod vindictam dicunt iuriconsulti, illud appellasse festucam visus est, in Milite gloriolo, his verbis:

Qui ea ingenua, an festuca facta, serua an libera est?
P A. Vah, egone ut ad te libertina esse auferem in nuntius.

Et idcirco rectius à virga prætoris, quàm à Vindice Vitelliorum seruo, appellatam esse vindictam puto.

C A P V T X.

Qui puberes, & quid habitus corporis sit, insignisque Triboniani error demonstratur.

P V BERTATEM veteres non solum ex annis, sed etiam ex habitu corporis æstimari voluisse, refert Iustinianus §. 1. Institut. Quibus mod. tut. fi. Habitum

Habituque corporis ad obscœnam quandam indagationem referens Accursius, auctores Iustinianum et Paulum laudat. Paulus certè huiusmodi interpretationem nequaquam admittit. Agit enim de eo qui habitu corporis maior est declaratus. Haud dubiè per habitum corporis, non indagationem aliquam inonestam, sed vniuersi corporis dispositionem figuratius Accursianæ opinionis manifestus auctor, vt tantus tanti Imperatoris error excusari, aut diutius dissimulari nequeat, *Nostra*, inquit, *maiestas dignum esse castitate nostrorum temporum existimans, bene putauit, quod in feminis, etiam antiquis impudicum visum est, hoc est inspectionem habitudinis corporis, hoc etiam ad masculos extendere, dict. §. i. & cap. vltim. C.* quando tut. vel tunc auctores veteres, nusquam huiusmodi improbitatis meminerunt: sed puberes, vel ex corporis habitudine, vel ex certo annorum numero, vel ex vtroque iudicandos responderunt. Non per habitum corporis inonestam aliquam inspectionem, vt sibi suoque Iustiniano rudi & illiterato principi persuasit Tribonianus; sed cum Cicerone & Liuiio, vniuersi corporis formam, figuram, ac dispositionem, siue aliquam corporis totius ad liberorum procreationem natura prorsus idoneam, commoditatem intelligentes. Cicero pro [†] *Coel. Quintus Metellus cum floreret integerrima etate, primo habitu, maximis viribus, ereptus est ciuitati;* Liuius libro quarto. *Obsita erat squalore vestis, fœdior corporis habitus, pallore ac macie perempti. Puberem, inquit Vlpianus, Cassiani eum esse dicunt, qui habitu corporis pubes appareret, hoc est, qui generare potest. Quasi dicat Vlpianus, is ex Cassianorum sententia pubes appellandus est, cuius vniuersa corporis dispositio satis ad libero-*

rum procreationem facile videri cuius potest idoneus. Proculeij autem eum dicebant esse puberem, qui quatuordecim annos expleuerat. Verum Priscus in quem virumque concurrat, & habitus corporis, & annorum numerus, puberem definiuit. Et hæc quidem sic in fragmen. referens Vlpianus, cuius olim obtinuerit sententia non expressit. Sanè receptam fuisse Proculeiorum sententiam non obscure docuit Tertullianus, in libro de virg. veland Tempus, inquit, etiam ethnici obseruant, ut ex lege natura iura sua ætatibus red lat. Nam fœminas quidem duodecim annis masculos verò, à duobus amplius, ad nuptia mittunt; pubertatem in annis non sponsalibus, aut nuptiis decernentes. Ex quo loco manifesto constat, Proculeiorum sententiam in vsum olim fuisse receptam. Illi enim in annis pubertatem, non sponsalibus, aut nuptiis decernebant; hoc est, ex annorum numero, non ex habitu corporis puberem iudicabant. Cæterum si Tertulliani auctoritate non moueris, inspicere Macrobius, in Somnium, Scipionis libro primo, qui te docebit tutelam pueris post bis septem annos, quasi virile iam robur habentibus absolui, deque ea fœminas propter votorum festinationem maturius biennio legibus liberari. Idem Macrobius, sic etiam Saturnal. libro septimo, cap. 7. scribit: Secundum iura publica duodecimus annus in fœminis, & quartus decimus in puero definiuit pubertatis ætatem. Nec quidem Tertulliani duntaxat & Macrobij auctoritatibus nostra hæc confirmatur opinio, sed expressis etiam Vlpiani verbis. Moribus enim introductionem esse, ait Vlpianus, ut quis liberis impuberibus testamentum facere possit, donec masculi ad quatuordecim annos peruenerint, fœmine ad duodecim, cap. 2. de vulg. & pupil. Adde masculos anno decimo quarto, etiam si generare non possent, ipso tamen facto puberes olim fuisse declaratos. Solent enim masculis ad annum usque decimum

decimum quartum comæ nutriri. Idque clarissimè testatur sic Martialis.

*Et pedagogo non iubente, lasciui
Parere gaudent villico capillati.*

Tempore verò pubertatis, hoc est statim elapso quatuordecim annorum spatio, comæ in signum pubertatis pueris præcidebantur. Auctorem meum Porphyriū in Horatium laudo, qui nunquam defugere auctoritatem poterit. Idque etiam satis indicat idem Martialis Epig. libro sexto his versibus:

*Hic iacet in tumulto raptus puerilibus annis
Pantagathus domini cura dolorque sui.*

*Vix tangente vagos ferro rescare capillos
Doctus, & hirsutas excoluisse genas.*

Eoque etiam spectat quod sic Persius in Sat. 3. scribit:

*Quibus indetonsa iuuentus
Inuigilat siliquis, & grandi pasta polenta.*

Impuberes haud dubiè *indetonsam* appellans *iuuentutem*. Scribit etiam in Virgilium Iulius Sabinus, *aris alienius Dei detonsas tempore pubertatis comas fuisse consecratas*. Itaque ante Iustiniani tempora ex solo annorum numero, nulla habitus corporis habita ratione (ut de inhonesta indagatione, quæ planè commentum vndè in istud indagationis inhonestæ commentum Tribonianus inciderit. Audierat, opinor, vodicem nudos omnino mares, nudasque ad pubem usque feminas inspicientem, definiri. Hinc cum in iurisconsultorum libris habitum corporis legerat, continuò non dubitauit, quin eadem illa quam Plato excogitauerat, inspectio habitus corporis inhonesta, obseruari a prudentibus iuris præcipiatur. Equidem testor ingenuè, & affirmo, nullis mihi rationibus persuaderi posse,

posse, tantam improbitatem Romanos vnquam, vel
conniuentibus oculis in sua republica tolerasse.

CAPVT XI.

De vera sententia cap. I. C. De custod. reorum.

IMPERATOR Constantinus ad Florentium rationalem sic scripsit: *In quacunque causa reo exhibito, siue accusator existat, siue eum publica sollicitudinis cura produxerit, statim debet questio fieri, vt noxius puniatur, innocens absoluator, c. 1. in princ. C. de custod. reorum.* Cessante videlicet praua consuetudine, per quam reos carceri immittebant curiosi & stationarii, cap. 1. C. de curios. Quanam hinc dicatur publicæ sollicitudinis cura, & quid ea differat ab accusatore, & questio statim quomodo soleat fieri, nec docent nec didicerunt interpretes. Accusatoris nomen & ad speciem & ad genus trahi solet. Nam genere quodam omnes qui sceleris alicuius apud magistratus aliquem insimulant, accusatores appellantur. Quo sensu accusatorem tunc esse appellandum puto, cum neminem dicimus sine accusatore damnandum esse, cap. 6. §. 2. de muner. & honor. Eoque pertinet quod in actis Apost. legimus, *Romanis morem non esse hominem vllum ad necem condemnare, priusquam reus presentes habuisset accusatores, & locum sui contra criminationes defendendi obtinuisset.* Adde illud Ambrosij ad Syagrium: *Si leges publicas interrogemus, accusatorem exigunt.* Idque etiam in quadam de Auidio Cassio, D. Marci epistola expressum inuenimus, apud Vulcatium Gallicanum: *Adde, inquit D. Marcus, quod non possumus reum facere, quem nullus accusat.* Alio modo accusator appellatur, qui proprio nomine subscripto accusationem libello delatam sustinet. De quo scribit sic Apuleius in Apolo

Apologia secunda: *Vbi illud libelli vestri atrox principum, nomine priuigni mei formatum, Hunc ego domine Maxime reum apud te facere institui? Et de huiusmodi quidem accusatore accipienda sunt hæc Constantini verba, Sine accusator existat. Quod autem de publicæ sollicitudinis cura subiicit idem Imperator, illud mihi ad militarem illam stationem spectare videtur, de qua sic in Apologetico scribit Tertullian. Latronibus inuestigandis per vniuersas prouincias militaris statio sortitur. Hos milites irenarchas interdum, & stationarios appellari, ab alijs est obseruatum. Eosque etiam curiosos à publicæ sollicitudinis cura in lib. de fuga in persecut. Tertullianum appellasse, argumento cap. i. C. de curiosis, non malè dixeris. Verba Tertulliani hæc sunt: Nescio dolendum an erubescendum sit, cum in matricibus beneficiariorum & curiosorum, inter tabernarios & lanios & fures balnearum & aleones & lenones, Christiani quoque vestigales continentur. Quod autem de quæstione subijcit Constantinus, illud ad antiquam eamque publicam habedæ quæstionis rationem pertinet, qua ipsius Constantini tempore reus sub metu imminentium tormentorum pendens, interrogari, examinari, & accusari coram populo solebat, & quilibet accusare poterat, aut innocens absoluebatur. Quem morem cuiusdam expressit Optatus Afer aduersus Parmenianum lib. i. his verbis: Tunc Constantinus ad Cacilianum proconsulem scripsit, ut remotis necessitatibus publicis, de vita Felicis Autumnitani publicè quæreretur. Inductus est Claudius Saturianus curator reipublicæ, qui fuit tempore persecutionis in ciuitate Felicis: & curator præsentis tunc temporis, quando causa flagitabatur, Callidius Gratianus: & magistratus Alfius Cacilianus: sed & superstitionarius perductus, & Ingentius scribe publicæ. Pependit sub metu*

imminentium tormentorum, Responsis omnium nihil tale inuentum est, quod vitam Felicis Episcopi sordidare potuisset. Habentur volumina actorum in quibus continentur presentium nomina, Claudy Saturiani curatoris, & Ceciliani magistratus, & superstitionarij, & scriba Ingenitij, & Solonis officialis publici ipsius temporis. Post quarum responsa à supra memorato proconsule, hac pars sententia dicta est: Felicem autem religiosum Episcopum manifestum esse ab exactione instrumentorum deificorum manifestum est, cum nemo in eum aliquid probare potuerit, quod religiosissimas scripturas prodiderit. Haftenus Optatus. Huius etiam sententiæ & quæstionis meminit D. Augustinus aduersus Cresconium Grammaticum lib. 3. Et ad hunc quidem habendam coram populo quæstionis morem non dubito quin in hoc cap. 1. de custod. reor. respexerit omnino Constantinus. Cuius etiam meminisse visus est Hilarius, cum sic ad Constantium Augustum scriberet: Sacerdotes carceribus continentur, plebs in custodiam catenati ordinis constricta disponitur, virgines nudantur ad poenam. sacra Deo corpora publico exposita conspectui, ad fructum spectaculi & quæstionis aptantur.

CAPVT XII.

Que dicatur materfamilias.

NO V V M non est, vt pro ratione temporis verborum ampliuntur, coarctentur, & interdum mutantur significationes. De mutatione illud constat, quos veteres dicebant perduelles, eos nunc hostes appellari, & perduellionis nomen ad aliam quandam, eamque certam criminis speciem translatum esse. *Hostis*, inquit Festus, apud antiquos peregrinus dicebatur; & qui nunc hostis, perduellis. De-

temui *venditionem* omnem appellabant *alienationem*, & *pacisci* generis loco *visi* sunt; quæ verba ad speciem traxerunt postea prætores & Iurisperiti. Auctor est etiam Festus, *emere* quod nunc est *mercari*, pro *sumere* antiquos accepisse. Et ita verbum quod latissimum erat, in angustam interdum significationem coegerunt. Contra, *matrisfamilias* vocabulum ex angustissima significatione in usum latissimum tandem prorupit. Nam si Nonio credimus, eam *duntaxat uxorem dicebant veteres matremfamilias*, quæ sepius peperisset. Quo sensu matremfamilias definiuit etiam Festus, *Materfamilia*, inquit, non antè dicebatur, quàm vir eius *paterfamilia* dictus esset. Nec possunt hoc nomine plures in una familia præter unam appellari. Sed nec vidua hoc nomine, nec quæ sine filijs est, appellari potest. Ciceronis tempore hac voce *Materfamilias* latius paululum usus est populus Romanus: omnesque fœminas quæ in manum conuenerant, matresfamilias appellabant, etiam antequam peperissent, etiam si in parentum essent potestate. Hinc illa coemptionis antiqua formula, *VIS MIHI ESSE MATERFAMILIAS?* Id ipsum testatur expressè Cicero in Topicis: *Genus*, inquit, est *uxor*, eius due formæ; una *matrumfamilias*, hæ sunt quæ in manum conuenerunt; altera earum quæ tantummodo uxores habentur. Eoque arbitror Gellius respexisse libr. 18. cap. 6. cùm ait *matremfamilias appellatam esse eam solam*, quæ in mariti manu mancipioque aut in eius, in cuius maritus manu mancipioque esset: quoniam non in matrimonium tantum, sed in familiam quoque mariti, & in sui hæredis locum venisset. Denique Iurisperiti non speciei ampliùs, sed generis loco *matrisfamilias* vocabulo *visi* sunt. Illi enim genere quodam, non in manus solùm conuentiones, aut

natales,

natales, sed honestatem etiam matrem familias facere definiuerunt. cap. 3. in fine, de lib. exhib. cap. 15. §. 1. de iniurijs. cap. 46. §. 1. & cap. 195. §. 1. de verbor. sign. Adeò quidem, vt viduas, libertasque patronorum concubinas, puellas quæ sui iuris sunt, & omnes notæ auctoritatis fœminas etiam matres familias appellarent. cap. 41. de ritu nupt. c. 4. de his qui sunt sui. c. 30. §. 1. c. 34. Solut. matr. cap. 3. in fin. de lib. exhib. Idque nec Tertullian. quidem visus est ignorasse, cum sic in lib. de virginib. veland. scriberet: *Mater familia vocatur licet virgo, & pater familia licet inuestis*. Proinde quis est qui non intelligat quàm hi inconsultè & iniquè fecerint, qui Nonium, Festum, Gellium, & ipsum etiam Ciceronem ignorantia lapsu notare non verentur?

CAPVT XIII.

Quale fuerit iudicium de moribus, quod esse sublatum Iustinianus voluit.

ACTOR est Asconius Pedianus regendis moribus ciuitatis quinto quoque anno censores creari solitos, qui prorsus ciues sic notabant, vt qui senator esset eiceretur senatu; qui eques Romanus, equum publicum perderet; qui plebeius, in Ceritum tabulas referretur. Idem Asconius, apud censores de moribus accusari, & vtriusque censoris sententia ciues Romanos solere condemnari, in Orat. Ciceronis contra Pisonem testatus est. Idque præter Asconium tradidit etiam expressè auctor ad Herennium Rhetoricorum lib. 2. Si nihil, inquit, eorum fieri poterit, utatur extrema defensione, & dicat non se de moribus eius apud Censores, sed de criminibus aduersariorum apud iudices dicere. Donatus etiam sic in Terent. scribit. *Censores morum alienorum habent summum arbitrium*. Refert M. Varro de ling. Lat. libr. 5. prætorium ius ad legem

legem & censorium iudicium ad æquum tunc æstimari, cum
de voluntate eius, qui filiam desponderat, controuersia est.
Qui sponderat, inquit Varro, despondisse dicebatur,
quod de sponte eius, id est voluntate exierat. Non enim si
nolebat dabat quod sponsu erat obligatus. Nam in com-
dis vides dici, Sponden' tuam gnatam filio vxorem meo?
quod rum & prætorium ius ad legem, & censorium iudi-
cium ad æquum æstimabatur. Ex quo loco satis intelli-
gi potest, ad iudicium censorium sponsalitijs etiam
quæstiones pertinuisse, sic nimirum, vt is qui ex de-
sponsationis causa conueniebatur, olim aut ad præ-
torem aut ad censores duceretur. Ad censores qui-
dem, vt de eius moribus improbis cognosceretur, qui
desponsatam puellam, domum vxorem duci non pa-
tiebatur: ad prætorem verò, vt ex sponsu is idem con-
ueniretur. Si is qui sponderat, non serio sed animo
potius iocandi apud censores diceret se filiam despon-
disse, censorium iudicium ad æquum sic æstimabatur,
vt de eius qui desponderat, animo diligenter inquire-
retur: eoque probè perspecto, quod æquitas suaderet,
non apud censores, sed in iure apud prætorem is qui
desponderat, ex sponsu conuentus, animo duntaxat
iocandi diceret se despondisse; si prætorium ius ad
legem æstimabatur, vt addita huiusmodi exceptione,
Si non iocandi animo sponderit, ex sponsu daretur actio.
Hinc propemodum intelligere mihi nunc videor,
quid sibi voluerit A. Gellius libr. 4. cap. 20. cum ita
scriberet: Censor agebat de vxoribus solemne iusuran-
tum. Verba hæc erant ita concepta: ET TV EX ANI-
MI TVI SENTENTIA VXOREM HABES?
Ex hoc enim loco posse liquidò probari videtur, non
de quæstionibus duntaxat sponsalitijs, sed de marito-
rum etiam & vxorum moribus, censores cognouisse.

Idque

Idque in ea Oratione quam de dote scripsit, restatur etiam M. Cato. *Vir*, inquit, *cum diuorium fecit, mulieri iudex pro censore est*. Quibus consentaneum etiam est, quod sic Cicero de Orat. lib. 2. scribit. *Ridicule etiam illud L. Portius Nasica censori Catoni, cum ille, Ex tui animi sententia tu uxorem habes? Non hercule, inquit, ex animi tui sententia*. Solemne iusiurandum arbitror Gellium appellare iuramentum quod annis singulis, à maritalis ciuibus Rom. singulis, de vxoribus carumque moribus exigebatur. Sic enim solempne iusiurandum accipi posse, auctor est Tacitus Annal. lib. 16. *Quin & illa, inquit, obiectabat, principio anni vitare Traseam solempne iusiurandum, nuncupationibus vororum non adesse, quamuis Quindecimviri sacerdotio pradium*. Eoque sensu solempnia munera, & solempnia patrimoniorum onera dixerunt etiam Iurisperiti. cap. 12. §. pen. de administ. tut. cap. 2. de veteranis. Cum autem solempne iuramentum istud exigebatur, tunc si ex animi sententia uxorem se non habere, aut, uxori iussisse propter eius mores prauos res suas sibi habere, censoribus responderet maritus, videtur ad iudicium censorium etiam pertinuisse, de moribus vxoris inquirere, cognoscere, & si res ita postulare videretur, pronuntiare, imò etiam vxores coërcere. Eoque visus est respexisse Paulus, qui de pacto dotali disserens, ait conueniri non posse ne de moribus agatur, ne publica coërcitio priuata pactione tollatur. cap. 5. de pactis dot. Haud dubiè per publicam coërcitionem censorium iudicium intelligens. De quo iudicio accipiendum etiam videtur quod sic Papinianus scribit: *Viro & uxore mores inuicem accusantibus, causam repudij dedisse utrumque pronuntiatum est*. c. 39. Solut. mat. Et sic quidem satis esse perspicuum putato, de vxorum maritorumque moribus olim apud censes litigari consueuisse. An autem statò, an verò solempni

solemni tempore iudicium istud consueuerit exercere, antiquiores litteræ non declarant, etiamsi de iuramento solempni scripserit expressè Gellius. Ceterum quis fuerit iudicij de moribus effectus, optimè explicat in frag. Vlpianus tit. 6. *Morum*, inquit, *nomine grauiorum quidem sexta retinentur, leuiorum autem octaua*: grauiores mores sunt adulteria; leuiiores omnes reliqui. Eoque referri potest cap. 47. ff. Sol. matr. & c. 11. §. fin. ad l. Iul. de adult. Igitur si moribus vxoris diuortium factum esse à censoribus pronuntiaretur, tunc maritus sextam aut octauam dotis partem tantumquam dissidij pœnam retinebat: cap. 8. de capt. & post. reuers. sin contra mariti moribus accidisset, vt à marito diuerteret ad amicos vxor, quominus pari ratione rerum propter nuptias donatarum certam aliamquam partem vxor consequeretur, nihil mihi videtur obstitisse. Si autem viro & vxore mores inuicem accusantibus, vtrûmque causam dedisse repudij pronuntiarent censores, nec ex mariti bonis vxor, nec ex bonis vxoris maritus quicquam consequeretur. d. cap. 39. Esse autem iudicium de moribus personale, nec hæredi nec in hæredem tribui, auctor est Constantinus, qui sic scripsit: *De moribus actio ultra personam extendi non potest, nec in hæredem habetur, nec tribuetur hæredi*. cap. C. Th. de incest. nupt. Et ex his quidem omnibus, satis esse perspicuum puto, quo sensu accipiendus sit hîc titulus, *De repudiis*, & iudicio de moribus sublato, qui extat in Codicis Iustiniani Cæsaris lib. 5.

CAPVT XIV.

*Notatur Iustiniani constitutio, de tempore dirimendis
civilibus controuersis prescripto.*

MVLTA Tribonianum suo principi Iustiniano
velut auctori primo adscribere non dubitasse,
quæ tamen multo antè Iustinianum tempore ab alijs
principibus iurisque conditoribus statuta fuerant,
manifestissimis aliquot argumentis est à nobis sapius
demonstratum. Huius etiam generis est quod ait Tri-
bonianus, *Iustinianum dirimendis civilibus controuersis,*
ne lites fiant immortales, vitæque humana excedant mo-
dum, triennium prescriuisse. cap. 11. in princ. C. de iudi-
cijs. Hoc enim iure antè Iustinianum vsos fuisse ci-
ues Romanos, omnesque populos qui sub Romano
degebant imperio, testis euidentissimus est Sidonius
Apollinaris. Sic enim Epist. lib. 8. scribit: *Per ipsam se-*
rè tempus, ut decemuiraliter loquar, lex de prescriptione
triennij fuerat proquiritata. Cuius peremptorijs abolita ru-
bricis, lis omnis in sextum tracta quinquennium termina-
batur. Hanc intra Gallias antè nescitam primus, quem lo-
quimur, orator indidit prosecutionibus, edidit tribunalibus,
prodidit partibus, addidit titulis, frequente conuentu, ra-
ro cedente, paucis sententijs, multis laudibus. Hæc Sido-
nius. Si dixeris ius antiquum abolitum defuerudine,
rursus à Iustiniano restitutum fuisse in statum pristi-
num, id esse verum constantissimè negabo, tum quod
sic non scribat Iustinianus quasi ius abolitum velit
restituere, tum etiam quod Sidonius Apollinaris sub
Anthemio, Leone, & Zenone Imperatoribus vixerit:
quibus temporibus ius illud quod Iustiniano, tan-
quam eius auctori primo & inuentori tribuitur, erat
in vsu. Et quia Zenoni successit in imperio Iustiniani

Iustiniani pater, idcirco etiam ius illud, quod erat in usu Zenone imperante, statim Iustiniano imperio adeptum, sic in desuetudinem abiisse non est verisimile, ut tandem noua aliqua Iustiniani opus haberet dispositione.

CAPVT XV.

Ad L. 15. ff. De inreiuurando.

PAVLVS scribit, ad egregias personas domum mitti oportere ad iurandum, dicto cap. 15. Pauli responsis ad istud sic esse intelligendum, ut in publicis iudiciis ad egregias potentia dignitatēque personas, testimonij causa praetor, hoc est, quæ sitor ipse domum mitteretur, qui personas huiusmodi iuratas domi interrogaret, apertè testatus est Cornelius Tacitus, Annal. libro secundo. Caterum Vrgulania, inquit, potentia adeo nimia ciuitati fuit, ut testis in causa quadam venire dedignaretur. Missus est praetor qui domi interrogaret: cum virgines Vestales in foro & in iudicio audiri quoties testimonium dicerent, vetus mos fuerit.

CAPVT XVI.

De iustis vxoribus, & iniustis.

VXOR alia iusta est, alia iniusta, capite 13. §. 1. Ad l. Iul. de adult. Iusta est quæ in manum viri conuenit, usu, farre, aut coëmptionem: iniusta quam sola consuetudo vxorem facit, & cum qua ius esse conubij leges non patiuntur. De hac duplici vxorum specie sic scribit in Topicis Cicero: Genus est vxor, eius duæ forme, vnâ matrum familias, hæ sunt quæ in manum conuenerunt; altera earum quæ tantummodo vxores habent. Quem locum interpretans Boëtius, malè usu vxores

ad alteram hanc vxorum speciem retulit, quæ tantummodo vxores habentur. Ait enim Cicero vxores omnes quæ in manus cõuenerunt, ad priorem speciem referendas esse. Idem Cicero, non farre aut cõemptionem duntaxat, sed vsu etiam in manum conueniri expressè testatus est pro L. Flacco, his verbis: *In manum*, inquit, *conuenerat. Nunc audi; sed quero utrum vsu, an cõemptione?* Proinde non est dubium quin aliò apud Ciceronem referenda sit illa vxorum species, quæ matresfamilias non erant, nimirum ad vxores iniustas. Qui ciuem Romanam vitiauerat, aut eam indotatam ducere, aut si hoc recusaret, capitis argui consuevit, nec inrererat filiusne familias esset, an paterfamilias. Idque in Adelphis testatur expressè Terentius, his versibus:

———— *Fero alia flagitia ad te ingentia
Bonis illius adolescentis. M. Ecce autem. D. Noua,
Capitalia. M. Ohe iam. D. Nescis qui vir sit. M. Scio.
D. Ab stulte! tu de psaltria me putas agere,
Hoc peccatum est in virginem cinem: M. Scio.*

Et paulò pòst:

*Puer natus est. M. Dij bone vortant. D. Virgo nihil
habet.*

M. Audini. D. Et ducenda indotata est. M. Scilicet.
Idipsum testatus est etiam in Aulularia Plaurus, cum Lyconidem adolescentem, qui Eucalionis filiam vitiauerat, sic loquentem introducit:

Quin tu eam inuenies. inquam, meam esse oportere Euclio.
Eoque visus est respexisse Martianus, sic de eo qui cum ingenua muliere consuetudinem habet differens: Sed necesse est ei, vel vxorem eam habere, vel hoc recusantem suum cum ea committere, c. 3. de concu. Et hoc nimirum illud est, quod sic Modestinus scribit: *In libera mulieris consuetudine, non concubinatus, sed nuptia intelligenda sunt*, cap. 24. de ritu nupt. Igitur ciuem Romanam honesta

deſta vita & ingenuam vitiatam, is qui vitiauit, ſola
conſuetudine, ſine aliqua in manus conuentione, vxor
rem nanciſcitur. Quam ſi domum ducere noluerit, ſtu-
pri arguitur, cuique poena coërcetur, c. 34. Ad L. Iul.
de adult. Donatus in Terent. *Ducenda*, inquit, eſt indo-
tata niſi *damnandus ſi* *Æſchinus*. Eaque vxor ideo in-
iſta dicebatur, quod non rite domum per aliquam in-
manus conuentionem ducta eſſet. Per quam conuen-
tionem ſi tandem duceretur, fieri ex iniuſta vxor iuſta
ſolebat. Quo ſenſu matrem familias viſus eſt accepiſſe
Terent. in *Adelphis*. cum ita ſcriberet:

Meretrix, mater familias. erit una in domo?
Per meretricem pſaltriam intelligens; Cteſiphonis ami-

cam; & per matrem familias, ciuem illam virginē, quam
Æſchinus vitiauerat, poſtea patris conſenſu iure ritā-
que domum ducturus erat. Iniuſtæ etiam vxores ſunt,
quæ duci legibus prohibentur, veluti ſi famoſam quis
vxorem duxerit, aut libertinam ſenator, licet lege Iu-
lia & Papiæ huiusmodi prohibita ſint nuptiæ, tamen
contractæ non diſſoluuntur: ſed hac poena qui nu-
tias huiusmodi contrahunt plectuntur, vt nec iuſtam
vxorem habeant, nec procreent liberos iuſtos, ſed ſpu-
tios. Idque ſatis indicat in fragmentis Vlpianus, tit. 16.

Aliquando, inquit, *nihil inter ſe capiunt vir & vxor, id
eſt ſi contra legem Iuliam & Papiam Popæam contraxe-
runt matrimonium. Verbi gratia, ſi famoſam quis vxo-
& Vlpianus contra legem Iuliam & Papiam poſſe
cond. & dem. ſcribit) nuptiale iugum contrahi, licet
matrimonium illud iuſtum legitimūque non ſit,
& per hoc nihil capere vir ex vxoris, & vxor ex mari-
tū bonis teſtamento potuerit, cap. 1. Vnde vir & vxor.
igitur ſolui neceſſariò debuiffē, & ad mortem*

alterutrius durare huiusmodi matrimonium dicentis non potuisse? Sanè Cic. huiusmodi matrimonia dissolui sub hoc pretextu non consuevisse, quòd essent legibus contraria, his verbis docet in Top. *Si mulier cum fuisset nupta cum eo qui cum connubij ius non esset, nuntium remisit; quoniam qui nati sunt patrem non sequuntur, pro liberis manere nihil oportet.* Sensus enim est si quo casu diuortium inter eos factum sit, qui matrimonium contra leges contraxerunt, quia *patrem liberi non sequuntur*, hoc est, quia liberi spurij sunt, pro liberis manere nihil oportet. Huc etiam arbitror Celsum respexisse cum ita scriberet: *Cum legitima nuptie facte sunt, patrem liberi sequuntur*, capite 19. de statu hom. Vult enim Celsus liberos ex iustis nuptiis procreatos patrem, ex iniustis matrem tanquam spurios & vulgò quæritos sequi. Proinde quod Vlpianus ait *libertinam uxorem quam senator duxit, quandiu maritus in ordine senatorio est, uxorem non esse, sed amissa dignitate uxorem esse incipere*, cap. 27. de ritu nupt. hoc sic esse intelligendum videtur, ut iusta vxor non sit libertina quam senator duxit, eamque esse iustam incipere simul atque senatoria dignitas deposita est, cap. 1. Vndè vir & vxor. Et sic quidem vxoris nomen interdum accipi posse, Ambrosius ignorasse non videretur, ad hunc modum in serm. 65. scribens: *Mulier igitur tuasi talibus moribus prædita est ut mereatur consortium, mereatur & nomen vxoris, presta concubine tue libertatem & nomen vxoris, ne tu adulter sis potius quam maritus.* In hoc enim loco per nomen vxoris iustam haud dubiè vxorem intelligit Ambros. ea nimirum ratione, qua nuptias contra l. Iul. & Papiam contractas, nuptias non esse Paulus & Modestinus scribunt, c. 15. & 42. de ritu nupt. Paulum enim & Modestinum de iustis nuptiis sensitisse, dubium non est. Et sic quidem satis esse manifestum.

fallum puto nuptiarum vxorúmque nomine inter-
 dum iustas, interdum iniustas contineri: eádemque
 ratione matrimonium pro argumenti subiecti quali-
 tate interdum vt iustum, interdum vt iniustum acci-
 piendum esse in responsis prudentum, ex Vlpiano con-
 stat, cap. 17. rer. amot. Idque mirum in modum confir-
 matur alio quodam Vlpiani responso, *Si senatori, inquit*
Vlpian. indulgentia principis fuerit permissum libertinam
iustam vxorem habere, potest iusta vxor esse, cap. 31. de rit.
 nupt. Ecce, non ait Vlp. si indulgentia principis fuerit
 senatori permissum libertinam vxorem habere, sed li-
 bertinam habere *iustam vxorem*: hoc est, si senatori
 eam, quam contra legem Iuliam & Papiam vxorem
 duxit, libertinam permiserit princeps loco vxoris iu-
 stæ habere; hac indulgentia principis vxor quæ iniusta
 fuerat, iniusta esse desinit, & iusta efficitur. Igitur ex
 iniusta hic apud Vlpianum iustam facere dicitur sena-
 toris vxorem indulgentia principis. Et idcirco quod
 Iustinianus apud Vlpianum *quasitum esse ait si libertam*
quis vxorem habeat, deinde senator fiat, an solvatur matri-
monium, quia lex Papia inter senatores & libertas stare con-
nubia non patitur, cap. fin. C. de nuptiis: id illius homi-
 nis aridum commentum est, qui nec Papia legis, nec
 Vlpiani intentionem probè latis videtur assecutus;
 nempe Triboniani. Quia enim lege Papia senatores
 libertinas vxores ducere prohibentur, & quia sic scri-
 pserat ad eandem legem Vlpianus, *Quamuis inter vxor*
non sit, cap. 27. de ritu nupt. hæc Vlpiani verba non ma-
 gis intelligens quàm Papia legis intentionem, in eum
 errorem incidisse visus est idem Tribonianus, vt exi-
 stimauerit huiusmodi matrimonia quòd non essent
 legitima, dissolui consueuisse: idque sibi & legem Pa-
 piam & Vlpianum eius interpretem voluisse. Illius
 interim responsi omnino immemor, quod in titulum

Ad municipalem, ex libro primo Callistrati de cognitionibus, à librariis suis translatum est. Ait enim expressè Callistratus, *mulierēs quæ in matrimonium se dederunt non legitimæ, non ibi muneribus fungendas, unde mariti earum, sed unde ipse orta sunt*, cap. 37. Ad municipal. Ex quo loco (ut de iis taceam quorum supra meminimus) euidenter etiam intelligi potest, matrimonium contra leges contractum, dissolui non cōsueuisse, arg. cap. vltim. de leg. 1. cap. 2. de his quæ ut indig. Ideoque non de soluendo matrimonio quicquam apud Vlpianum fuisse quæsitum puto, sed potius *an connubium esse desinat*, hoc est, an vxor illa quam iustè & legitimè ante senatoriam dignitatem maritus duxerat, iusta vxor viro in ordinem senatorium adlecto esse desinat, & iniusta fiat. Sic enim accipiendum esse cap. 27. de ritu nupt. demonstrauimus, ex quo capite omnino fit mihi verisimile, in hunc errorem Tribonianum incidisse. Leges etiam ciuem Romanum Romanam ciuem minorem duodecim annis, latinam aut peregrinam, vel eam quæ dedititiarum numero est, ducere, ciuemque Romanam latino, peregrino, aut dedititum nubere vetabant. Et quamuis connubium inter huiusmodi personas esse non possit, matrimonium tamen non prohibetur, cap. 13. §. 6. Ad l. Iul. de adult. l. 24. in fine d. tit. Sed quia matrimonium illud iustum non est, idcirco liberi in patris non sunt potestate, vxor inter iniustas vxores numeratur, & quasi ab indignis ea quæ donata sunt, ablata fisco vindicantur, c. 32. in fin. de do. int. vir. & vxor. Delinquunt enim hi, qui prohibitas nuptias contrahunt, cap. vltim. de leg. 1. cap. 2. de his quæ ut indig. auf. Idque etiam ex Vlp. tit. 5. & 7. dilucidè probari potest. Ad iniustas vxores illæ etiam vxores referendæ sunt, quas sine parentum consenti filij familias ducunt. Idque mihi voluisse visus est Paulus

*libent. libro secundo tit. 19. cùm ita scriberet. Eorum
 qui in potestate patris sunt, sine voluntate eius matrimonia
 iure non contrahuntur, sed contracta non solvuntur. Dixit
 Paulus, iure non contrahuntur, pro eo quod est, nec usu,
 nec farre, neque coëmptione. Is enim tribus duntaxat
 modis olim iure, & ut utar Tertulliani verbo, rite, vel
 (ut Tryphoninus loquitur) civiliter contrahi matrimo-
 nia solent, cap. 28. §. 3. in fine de lib. & post. Tertull.
 libro secundo ad uxorem: Nam nec in terris, inquit, filij
 sine consensu patrum rite & iure nubent. Sed contracta, in-
 quit Paulus, non solvuntur. Quæ res efficit ut fœminæ,
 quas sine patrum consensu filij familias ducunt, inter
 uxores iniustas numerentur. Cur autem contracta non
 solvantur, consuetudo in causâ est. Nam si is qui cum
 ingenua muliere consuetudinem habet, etiam si in pa-
 tris sit potestate, stupri cogatur quæstionem pati, si vi-
 tiatam ciuem postquam abusus est domum non du-
 xerit; quanto magis filius familias, eam quam sine pa-
 tris consensu duxit uxorem, in matrimonio retinere
 cogendus est? Idque mihi visus est Paulus voluisse
 cùm ita scriberet: Contemplatio enim publicæ utilitatis, pri-
 uatorum commodis præfertur: hoc est, patriæ potestati,
 cap. 1. §. 3. de lib. exhib. Utile siquidem publicè est, vi-
 tiatas virgines ingenuas, à suis viriatoribus etiam inui-
 iustis domum uxores duci. Porro iniusta huiusmodi uxores,
 iniusta fieri per subsequentem in manus conventionem
 potest, consensu parentum interueniente. Idque ex
 Apuleio constat libro sexto de asino aureo. Cùm
 enim dixisset Apuleius, Veneri Cupidinis nuptias in
 illa sine testibus patre non consentiente factas, legitimas
 non videri, statim subiecit, iniustas huiusmodi nuptias
 factas esse per in manus conventionem iustas, sic Iouem
 loquentem introducens: Iam faxo nuptias non impa-
 ri, sed legitimas & iuri civili congruas. Hæc etiam verba
 subiiciens:*

subiiciens: *Sic ecce Psyche conuenit in manum Cupidinis.*
 Et hoc nimirum illud est quod Iulianus ita scribit
Nuptia inter easdem personas, nisi volentibus parentibus re-
nouata iuste non habentur, c. 18. de ritu nupt. Sensus enim
 est, nuptias sine consensu parentum contractas non
 aliter inter easdem personas pro iustis haberi, quàm si
 volentibus parentibus per in manus conuentionem
 essent renouatæ. Nunc videndum est, de quibus vxori-
 bus iniustis accipi debeat, quod sic Vlpianus scribit:
Planè siue iusta vxor fuit, siue iniusta, accusationem insinue-
re vir poterit: c. 13. §. 1. Ad l. Iul. de adult. Vxores quæ vfu
 habebantur iniustas appellari non potuisse, ex Cicerone
 demonstratum est. Proinde ad omnes illas, de qui-
 bus hoc capite locuti sumus, iniustas vxores non du-
 bito quin hoc responsum Vlpiani referendū sit. Quod
 quidem responsum sic est accipiendum, vt dicamus
 nihil aliud Vlpianum voluisse quàm maritum posse
 accusare vxorem, non iustam solū, sed etiam iniu-
 stam: iustam quidem iure mariti, iniustam verò non
 mariti, sed extranei iure, d. c. 13. §. 2. Interpretationem
 hanc nostram confirmat Sextus Cæcilius, quana ait
 Vlpianus scripsisse, *legem Iuliam de adulteriis ad omnia*
matrimonia pertinere: hoc est, omnes vxores posse à suis
 maritis aduterij accusari, non autem omnes vxores à
 suis maritis iure mariti accusandas esse. Et hæc qui-
 dem omnia quæ à nemine sunt animaduersa, esse di-
 gna quæ cognoscantur, & certissima puto.

C A P V T X V I I.

De comitibus matrumfamilias & matronarum.

MORIS fuisse, vt sine comite materfamilias,
 aut matrona non prodiret in publicum, & id-
 circo non leuem iniuriam eisdem fieri ab iis qui co-
 mites earum abducunt, testatur Vlpianus, c. 15. §. 11.
 & 12.

de 12. c. 10. & 9. de iniurijs. Ad quem morem respexisse visus est Plaut. in Amphytruoue, vbi Alcumenam sic loquentem facit:

Valeas, tibi habeas res tuas, reddas meas:

Iuben' ire mihi comites? IV. Sanam es? AL. Si non iubes

Ibo egomet comitem pudicitiam duxero.

De his comitibus sic loquitur D. Hieronymus in epistola, quam ad Furiam Romanam nobilēque viduam scripsit: *Noli ad publicum subinde procedere, & spadonum exercitiū praeunte viduarum circumferri libertate.*

Et paulò post: *Nec procurator calamistratus, nec formosus collectaneus, nec candidulus, & rubicundus affecla adhareat lateri tuo.* Idem Hieronymus in alia quadam epistola,

de institutione filiae differens, quam pia mater Christo & virginitati consecrauerat, sic Letæ scribit: *Placeat ei comes non compta, neque formosa, atque lasciuia, quæ*

liquido gutture carmen dulce moduletur; sed grauis, pallens, sordidata, subtristis: Addatur illud eiusdem Hieronymi,

ad Demetriadem virginem: Graues fœminæ, & maxima viduæ ac virgines, tibi comites eligantur, quarum probata est conuersatio, sermo moderatus, sancta verecundia. Et paulò post: Mores enim & studia dominarum, plerūque ex ancillarum & comitum moribus indicantur.

C A P V T XVIII.

Vernus intellectus L. Ob as alienum, C. De obligat. & actionib.

S VBLATA de nexis lege decemuirali, non omnino debitores creditoribus addici desierunt. Fuit enim in vsu addictio quædam volūtaria, qua se in voluntariam seruitutem tamdiu addici debitores patiebatur, donec suis creditoribus satisfacissent. Idque testatus est expressè Varro, sic deling. Lat. lib. 6. scribens:

Liber homo qui suas operas pro pecunia quam debeat, dat, dum solueret, nexus vocatur, ut ab ere oberatus. Deque huiusmodi addictione omnino sentire visus est Dio- clerianus, cum ita scriberet: Ob æs alienum servire liberos creditoribus intra compelli non patiuntur. c. 12. C. de obl. & act. Inuiti ergo creditoribus debitores servire non coguntur, sed rectè inuiti in carcerem detrahuntur. c. 1. C. qui bon. ced. poss. Et sic pœnam carceris voluntaria servitute effugere, si vellent, poterant. De qua pœna scribit ad hunc modum in libro de Tobia D. Ambrosius: Offeritur pecunia creditori; vix inquit hac solvit usuram: caput debes. Reddit exhausto patrimonio capitis reus, & imminuto accipit sœnore, accipit inducias tristiores bellicis, quasi post biduum praliaturus. In bello enim victoria incerta, hic certa inopia: illic se clypeo tegit, hic nudus occurrit: illic lorica pectus includit, hic totus carcere includitur: illic manus telis onerat arma sagittis, hic ære vacuas offeri vinculis alligandas, Ducitur plerumque uterque capivus. Huic etiam consentaneum est quod idem Ambrosius sic Offic. lib. 1. scribit: Grandis culpa est, si te sciens fidelis egeat, si scias eum sine sumptu esse fame laborare, & non adiuves: si sit in carcere, & pœnis & suppliciis propter debitum aliquod iustus excrucietur. Eoque arbitror Licinium etiam Rufinum respexisse, cum ita scriberet: Si victum vel stratum inferri indicato non variatur, vilis in eum pœnalis actio danda, vel, ut quidam putant, iniuriarum cum eo agi poterit. c. 34. de re iudicat. Sensus enim est, eum pœnali vel iniuriarum actione teneri, qui non patitur ad debitorem suum condemnatum & in carcerem detrusum, victum vel stratum inferri. Aut igitur iudicati in voluntariam sese conicere debebant servitutem, aut certè hoc recusantes squalores pœnæque carceris, si iudicate pecunia non satisfdarent, perferre ac pati. Idque præter Ambrosium, testatus est etiam expressè Valer.

Valer. sic de Tiberio Graccho lib. 4. scribens: Cum ex
posse in inimicitias cum Africano & Asiatico Scipionibus
gereret, & Asiaticus indicata pecunia satisfacere non posset.
aque ideo à consule in vincula publica duci iussus esset. ap-
pellassetque collegium tribunorum, nullo volente intercedere
secessit à collegis. Eoque tacite arbitror Vlpianum respo-
xisse, c. 16. in fin. de acceptil.

C A P V T X I X.

Indicatur Triboniani facinus quoddam & explicatur
Vlpiani locus perdifficilis.

OLIM duobus modis solet rem venditam ven-
 ditor emptoris facere mancipatione, & in iure
 cessione; quemadmodum in eo capite demonstratum
 est, quod de mancipationibus, libello ad leges duode-
 cim tabularum singulari nuper inseruimus. Si res em-
 ptoris non esset facta, hoc est nec data mancipio, nec
 in iure cessa, nec vsucapta; in bonis quidem iure gen-
 titium emptoris erat, iure verò Quiritiū manebat ven-
 ditoris. Antiquitatem hanc sustulit Iustinianus, & nu-
 da traditione rem venditam, aut alio modo aliena-
 vit, emptoris alteriusve cuiusvis acquiritoris fieri vo-
 luit, sine aliquo mancipationis aut in iure cessionis
 medio. Hæc cum ita sint, nunc propemodum intelli-
 gimus quid sentiendum sit de quodam Vlpiani respon-
 so, in quo sic scriptum est: *Qui vendidit, necesse non habet*
fundum emptoris facere, ut cogitur qui fundum stipulanti
spondit. c. 25. de contr. empt. Quia enim Vlpiani se-
 se certissimum est, idcirco dubium etiam non videtur,
 quin ita scripserit Vlpianus. *Qui vendidit, necesse habet*
fundum emptoris facere, ut cogitur qui fundū stipulanti spo-
ndit. Hoc est, venditor fundū mancipio dare, aut co
 emptori

emptori in iure cedere compelli potest. Hoc enim est fundum emptoris facere. Cæterum Tribonianus non ignorans Iustinianum antiqua rerum Mancipi & nec Mancipi sublata differentia, transferri nuda traditione rerum Mancipi dominia voluisse, negationem adiecit, & sic scripsit: *Qui vendidit, necesse non habet, &c.* Nihil reprehendo. Iustinianus enim eam dedit Triboniano in prudentum responsis digerendis auctoritatem, ut illud omne quod Pandectis inclusum est, ad sui temporis rationem accommodari voluerit. Negligentiam tamen Triboniani vehementer accuso, quod unica negatione contentus non potius sic scripserit: *Qui fundum vendidit, necesse non habet fundum emptoris facere, ut nec cogitur qui fundum stipulanti spondidit.* Non enim magis stipulanti promissus quam venditis fundus, Mancipatione aut in iure cessione, sublata rerum Mancipi & nec Mancipi antiqua differentia, fieri emptoris debuit.

CAPVT XX.

Verus intellectus L. Cum vir nubit, C. Ad legem Iul. de adult.

NON satis constat quid Imperatores Constantinus & Constans sibi voluerint, cum sic scriberent: *Cum vir nubit, in fœmina viros paritura quid cupiatur, ubi sexus perdidit locum, ubi scelus est id quod non proficit scire, ubi Venus mutatur in alteram formam, ubi amor queritur, nec videtur? lubemus insurgere leges, armari iura gladio ultore, ut exquisitis poenis subdantur infames, qui sunt, vel qui futuri sunt rei.* d. l. Cum vir nubit. Hanc constitutionem Accursius ad eos traxisse videtur, licet muliebria patiebantur. Quæ quidem interpretatio, licet reiicienda omnino non sit, verbis tamen & Imperatorum intentioni non satisfacit. Proinde quod ex ijs qui

muliebria patiebantur, nonnulli habitum, vultum, & incessum muliebrem sic olim fingerent, ut sub falsa quadam muliebri specie, viris viri impudenter nuberent; dubium non est quin de ijs solis Imperatores hic senserint, de quibus lib. 7. de prouidentia Dei, scribit ad hunc modum Saluianus Massiliensis Episcopus: *Quis credere aut audire etiam possit, conuerisse in muliebrem tolerantiam viros non usum suum tantum atque naturam, sed etiam vultum, incessum, habitum, & totum quicquid penitus aut in sexu est, aut in usu viri: adeo versa in diuersum omnia erant, ut cum viris nihil magis pudori esse debeat, quam si muliebri aliquid habere videantur: illic nihil viris quibusdam turpius videretur, quam si in aliquo viri viderentur.* Et id quidem adeo verum fuisse testatus est paulo post idem Saluianus, ut impuri huiusmodi & scelerati viri, sumentes habitum gradumque fingentes muliebrem, foemineis tegminum illigamentis etiam capita velarent; haud dubie quo sub foemineo habitu, & velamento, viri viris securius nuberent. Cum, inquit Saluianus, *muliebrem habitum viri sumerent, & magis muliebrem gradum fingerent, cum indicia quaedam monstruosa impuritatis sibi innecderent, & foemineis tegminum illigamentis capita velarent, atque hoc publice in ciuitate Romana, vrbe illic summa & celeberrima: quid aliud quam imperij dedecus erat, ut in medio reipublicae sinu exorandissimum nefas palam liceret admitti?* Quo in loco videndum est an non pro monstruosa omnino menstruosa legendum sit. Et magis est, nisi me decipit coniectura, ut legi sic debeat. Quasi dixerit Saluianus, non eos solum habitum, formam & incessum muliebrem assumpsisse, sed etiam indicia quaedam monstruosa impuritatis sibi innexuisse. Et haec quidem cum ita sint, nunc opinor intelligimus, quid in hoc rescripto, quod ad populum Romanum dirigebatur, sibi voluerint Impera

Imperatores. Nimirum si vir ita nubat viro, ut non vir sed fœmina viro nubere videatur, eo qui virum ducit fraudem non ignorante, volūt Imperatores in utrūque gladio animaduerti. Hæc autem verba: *In fœmina viros paritura quid cupiatur, ubi sexus perdidit locū, viriosa esse, & sic restituēda puto: Cū vir nubit ut fœmina viris paritura, quid cupiatur, ubi sexus perdidit locum? & sic intelligenda; Cū vir nubit ut fœmina viris paritura, cur ibi quaritur sexus ubi sexus perdidit locum? Cū vir nubit ut fœmina, huiusmodi scelus est cuiusmodi scire non proficit, inquiunt Imperatores; credo quia sexus perdidit locum. Cū vir nubit ut fœmina, Venus mutatur in alteram formam. Quomodo? Ita nimirum, ut vir sub falsa muliebri siue venerea forma delitescat. Denique cū vir nubit ut fœmina, amor quaritur, & ille qui quaritur amor non videtur. Quaritur enim ab impuro marito abominanda quadam in virum libido viri; & quia sub forma muliebri libido huiusmodi, cū vir ut fœmina nubit, occultatur, idē ille qui quaritur amor non videtur. Nec sanē dubito, quin ad hanc constitutionem tunc etiam respexerit Saluianus, cū potestatem arguebat, quod scelus istud sciens pateretur perpetrari. Potestas quippe magna, inquit, & potentissima, quæ inhibere scelus maximum potest, quasi probat debere fieri, si sciens patitur perpetrari. In cuius enim manu est ut prohibeat; iubet agi, si non prohibet admitti. Et ita quidem in manu fuisse videtur præfecti vrbis, præsidis, & proconsulis, ex hac constitutione antè tempora Saluiani dudum edita, in illos viros gladio animaduertere, qui ut fœminæ viris nubebant. Eāque deinde animaduersionem neglectam suis temporibus à potestatibus fuisse, conqueritur optimus Saluianus.*

IACOBI RÆVARDI
IVRISCONSULTI
VARIORVM, SIVE DE
Iuris ambiguitatibus
LIBER QUINTVS.

CAPVT I.

De veris agnationum cognationumque differentiis.

SANGVINEM à genere expers se distinguit
Liuius lib. 1. *Ne, inquit, grauarentur homines
cum hominibus sanguinem & genus miscere.* Per
sanguinem haud dubiè naturalem, & per genus ciui-
lem originem haud dubiè naturalem, & per genus ciui-
est sanguinis, quæ ex solo naturali iure constat; vel
est sanguinis & generis simul, quæ tam ciuili quàm
naturali iure confirmatur; vel est denique generis
tantum, quàm sola ciuilis agnouit ratio: cap. 4. §. 2. de
gradibus. Diuiditur autem iure ciuili sanguinis con-
iunctio in gentem & in genus. Gens genus continet,
non contra genus gentem. Genus enim ad ciuile
principium cuiusque gentis trahitur, & in linea direc-
ta versari duntaxat videtur, sic quidem vt eius appel-
latione agnati non comprehendantur. Idque ex anti-
qua cuiusdam inscriptionis particula potest euiden-
ter animaduerti, quæ sic de hortis legatis scriptum con-
tinet: **EXCEPITQVE NE QVIS EOS VEN-
DERET, SED PER GENVS IPSORVM POS-
SESSIO CVRRERET, VEL PER ATNATOS**

VEL MANVMISSOS. Ex quo loco probari videtur inter solos ascendentes & descendentes generis appellationi locum fuisse. Idque notatio nominis mirum in modum confirmat. Cum enim genus à generatione, quod veteribus idem cum gignendo est, appellatum sit, quis dubitabit quin hi solum, à quibus nos sumus, & qui à nobis sunt geniti, generis comprehendantur appellatione? Gens autem quanquam ad principium etiam cuiusque generationis rectamque cognationis lineam, siue, ut ait Cornelius Fronto, *ad se-riem maiorum* pertineat; ad agnatos tamen gentileque referri nihilominus potest. Hanc generis gentileque differentiam ignorasse non videtur Papinianus, qui sic de probationibus scribit cap. 1. *Quoties quaeretur genus an gentem, quis haberet, nec ne, eum probare oportet.* Sic genus accepisse visus est etiam Symmachus Epist. lib. 2. *Genus eius, inquit, senatorium est; mens ac modestia; origine sua ac stirpe nobilior.* Haud dubiè senatorium genus originem appellans senatoriam. Et id quidem tunc semper verum est, cum propriè quid genus sit, inspicimus. Abusuè enim & impropriè pro gente generis nomen plerumque veteres usurpassent, certius est quàm ut doceri necessum sit. Gens diuiditur in stirpes. Stirpes alio modo appellantur familiae, alio domus. cap. pen. §. si. de cont. tab. bo. pos. c. 17. de testib. Catullus in Epithalamio.

*Nulla quìt sine te domus
Liberos dare, nec parens
Stirpe dicier, & potest
Te volente.*

Sic Liuius filium appellat *virilem stirpem* lib. 1. *Brevi, inquit, stirps quoque virilis ex nouo matrimonio fuit, cui Ascanium parentes dixere nomen.* Et paulò post: *Pulso fratre, Amulius regnat, addit sceleri scelus, stirpem fratris virilem*

rim interimit. Addatur Arnobij illud aduersus gentes
lib. 1. Non dulcissimas procreant liberorum stirpes? Pro stir-
pe domum etiam veteres dixisse, ex Salustio constat,
qui sic in Catil. scribit: Postremo capius amore Aurelia
Orestilla, cuius præter formam nihil unquam bonus lauda-
uit, quod ea nubere illi dubitabat, timens priuignum adul-
sculestis nuptiis fecisse. In stirpes diuiditur hæreditas, §.
in filius, Inst. de hæredit. quæ ab intest. def. non quæ
gentes, sed quæ in domos, in diuersas gentis vnius
familias diuiditur. Itaque nulla potest esse gens sine
stirpe, ut nec stirps sine gente, aut genere. Habebat
etiam gens qualibet multas & varias domos siue stir-
pes, tot nimirum quot erant in vnaquaque gente pa-
tres familias: qualibet verò stirps vnam duntaxat gen-
tem. Ideoque potest quis ex eadem gente esse, etiam-
si ex eadem domo non sit; sed contra ex eadem domo
siue stirpe quis esse non potest, nisi etiam ex eadem
gente, siue genere sit. Eoque referendum est quod de
hunc modum Cicer. de orat. libro primo. Quid? quæ
de re inter Marcellos & Claudios patricios centumviri in-
dicauerunt, cum Marcelli ab liberi filio stirpe, Claudij
patricij eiusdem hominis hereditatem gente ad se rediisse
dicerent, nonne in ea causa fuit oratoribus de toto stirpis &
gentilitatis iure dicendum? Sensus enim est, Claudij
non plebei, sed patricij (erant enim alij plebei, alij
patricij, auctore in vita Tiberij Suetonio) huiusmo-
di hæreditatem gente ad se pertinere contendebant,
etiam contra non gente solum, sed etiam stirpe
etiam hæreditatem suam esse sedulo propONENTI-
bus, id cum negarent Claudij, exorta fuit de stirpis
& gentilitatis iure inter Claudios, patricios & Mar-
cellos controuersia. Sic nimirum ut si stirpe hæredes

se probarent Marcelli, in successione Claudis præferrentur, sin minus, de gente disputatio tractaretur. Idque sic non accipere conuenit, quasi Claudis & Marcellis huiusmodi liberti filius aliquo cognationisve iungatur vinculo; sed ita potius ut Claudij & Marcelli de patroni familia videantur inter se contendisse. Videlicet ad eum modum, ut si patronus ex vna dum viueret cum Marcellis stirpe, ex vna domino prouenisset, tunc Claudis in hac successione Marcelli sine aliqua controuersia præferrentur, sin verò gente solum tam Claudis quam Marcellis cognatus esset idem patronus, tunc utique Claudiorumne an Marcellorum domus siue stirps in hac gente patroni familiæ proximior esset, diligenter inquirebatur: Et si quidem stirpe Marcelli Claudis essent familiæ patroni proximiores, illi hæreditatem obtinerent; sin contra Marcellis Claudij, tunc Claudij hæredes essent. Cæterum familiæ appellatio variè accepta est, nam & in res & in personas deducitur. Refertur etiam, inquit Vlpianus, familiæ appellatio ad corporis cuiusdam significationem, quod, aut iure proprio ipsorum, aut communium uniuersæ cognationis continetur. Iure proprio familiam dicimus plures personas quæ sunt sub vnius potestate; iure verò communi omnes agnatos, cap. 191. de verb. sign. Idque etiam expressè testatus est Festus; Familia, inquit, antea in liberis hominibus dicebatur, quorum dux & princeps generis, vocatur paterfamilias: unde familia nobilium Pompiliorum, Valeriorum, Corneliorum. Quod etiam sensu familiam accepisse visus est Apuleius in Apologia secunda. Domus eius, inquit, tota leonina, tota familia contaminata. Haud dubiè per domum, stirpem; & per familiam gentem intelligens. Est igitur vna familia, ad quam omnes stirpes referuntur, & illa gentis nomine appellari consuevit, sunt etiam alie quæ

que ex stirpibus constant. Quot enim vnus gentis
 diuersa stirpes sunt, totidem diuersa eiusdem gentis
 familiae sunt. Idque liquidò demonstrat in Nerone
 Suetonius, *Ex gente Domitia, inquit, duae familiae claru-*
erunt, Cilunorum & Anobarborum. Et hinc quidem in-
 telligimus, quid sibi voluerit Vlpianus cum ita scribe-
 ret: *Nam etsi patrefamilias mortuo singuli singulas fami-*
lias habent: tamen omnes qui sub vnus potestate fuerunt, re-
cte eiusdem familiae appellabuntur, qui ex eadem domo &
gente proditi sunt. d. c. 195. Sensus enim est, quamuis du-
 te prince generis mortuo singuli qui in eius po-
 testate fuerunt separatas & proprias domos, stirpes, si-
 gente familias habeant; quia tamen ex eadem domo &
 gente proditi sunt, recte eiusdem familiae appellabun-
 tur. Ex quo loco manifestò constat, non ad cognomen
 solum, vt existimauit doctissimus Sigonius, sed ad no-
 men etiam, hoc est tam ad gentem quàm ad stirpem
 referri familiam posse. Omnes igitur qui eiusdem no-
 minis sunt, eiusdem quoq; familiae sunt, non stirpium,
 sed gentis siue generis respectu, respectu verò stirpium
 quot diuersa stirpes sunt, tot diuersa familiae sunt,
 non quidem nomine, sed cognomine. Idque mihi
 voluisse visus est Suetonius cum sic de Galba scribe-
 ret: *Imagines & elogia vniuersi generis exequi longum est;*
familia breuiter attingam. Qui primus Sulpitiorum cogno-
men Galba tulit, cur aut undè traxerit ambigitur. Huic
 etiam consentaneum est quod idem Suetonius sic in
 Tiberio de Claudio Druso scribit: *Drusus hostium du-*
ce Druso comitus trucidato, sibi posterisque suis cognomen
inuenit. Discedit autem omnis familia patrefamilias
 mortuo in liberos, consanguineos, & agnatos. *Liberi,*
omnes descendentes appellantur, cap. 220. de verbor.
sign. cap. vltim. in princ. de bonis damnat. Consanguini,
fratres & sorores ex eodem patre, vt scribit Vlp.

in frag. tit. 26. *Agnati autem sunt, auctore eodem Vlpiano, cognati virilis sexus per mares descendentes eiusdem familiae.* Vel, ut eos alio loco idem Vlpianus definiuit, *agnati sunt, cognati virilis sexus ab eodem orti,* cap. 2. de suis & legit. Decemuii consanguineorum nomen non agnoscunt. Liberos enim appellant suos heredes; consanguineos verò, & omnes qui ex latere per virilem sexum coniunguntur, communi nomine agnatos vocat, his verbis: *AST SI INTESTATUS MORITUR, QUI SVVS HÆRES NEC EXTABIT, AGNATUS PROXIMVS FAMILIAM HABITO:* ut est apud Vlpianum dicto tit. 25. Consanguineos igitur expressè ab agnatis separarunt Iurisperiti in d. cap. 2. quos agnatorum nomine hac in lege decemuii complexi sunt. Porro agnati inde nomen habere videntur, quod iure civili non in domo nati sint patrisfamilias (in ea enim liberi qui sunt in potestate duntaxat nascuntur) sed quod familiae adnascantur; sicut *agnum* existimavit inde appellatum Varro, quod *pecori ouilo agnatus esset.* Et est quidem agnationis nomen civile, ut familiae, gentis & generis; agnationis autem sanguinis nomen est, & naturale, quod interdum in nomen agnationis transit. Cognati dicuntur, quasi simul nati, quasi ex vno nati, quasi commune nascendi initium habentes, cap. 1. in princip. vnde legit. *Et idcirco agnati, inquit Modestinus, & cognati in hoc differunt, ut in cognatis, etiam agnati continentur, in agnatis non utique & cognati:* Verbi gratia: Patris frater, id est *patruus*, agnatus est & cognatus; matris frater, id est *auunculus*, cognatus est, agnatus non est, c. 5. vnde legit Ideò patruus cognatus est & agnatus, quia non sanguinis solum, sed etiam generis ratione inter fratris sui, hoc est mei patris, familiares mecum numeratur. Auunculus autem non agnatus est.

sed cognatus duntaxat, quia mihi non generis sed
 sanguinis tantum ratione coniunctus est. Et hoc inde
 potissimum quod fœminæ consideratione quadam
 generis gentisque ciuili, propriam nullam ducant fa-
 miliam. Per in manus enim conuentionem vnà cum
 marito familia, vnà domo concluduntur. Idque ex
 Labeone Antistio dilucidè probari potest. Auctor est
 enim libro decimo tertio capitulo decimo Aulus Gel-
 lius, Labeonem in quarto ad edictum libro sic scri-
 psisse: *Soror appellata est, quod quasi seorsum nascitur se-
 paraturque ab ea domo in qua nata est, & in aliam familiam
 transgreditur.* Huic etiam consentaneum est, quod
 lib. 18. cap. 6. scripserit idem Gellius, *matrem familias
 non in matrimonium tantum, sed in familiam quoque ma-
 riti; & in sui heredis locum venire.* Si fœminæ familiam
 ducerent propriam, hoc est, si muliebris sexus non minùs
 inter familiæ duces, quàm sexus virilis posset nume-
 rare consequens esset, omnem domum ex duabus con-
 stare familiis diuersis, vnà quidem patrisfamilias ex vi-
 rili sexu, altera verò matrisfamilias ex sexu fœmineo:
 & eadem ratione matris frater, id est *auunculus*, mihi
 esset agnatus, respectu familiæ maternæ, qua patruus
 agnatus est, respectu paternæ familiæ. Quia igitur fœ-
 minæ per in manus conuentionem in mariti familiam
 omni modo transeunt, ideo receptum etiam est vt nec
 auunculus agnatus, nec liberi ex iustis nuptiis nati
 matris, sed patrisfamilias sequerentur. Qua etiam so-
 la de causa fœminæ, nec suos hæredes habent, nec
 agnatos, præter consanguineos, auctore Vlpian. tit. 26.
 Caio Inst. libro secundo, tit. 9. & Paulo, cap. 4. §. 2 de
 bon. pos. cont. tabul. Siquidem sui & agnati sine fami-
 lia appellari nulli possint. Adeò quidem vt vbi nulli,
 vel sui, vel agnati sunt, ibi nulla esse familia possit; &
 contra, vbi nulla familia, ibi nulli, vel sui, vel agnati
 sunt.

sunt. Et ob id ad fœminas, ultra consanguineorū gradum legitima hæreditas, qualis suorum & agnatorum est, non pertinebat: quamvis contra ipsarum hereditates ad masculos propinquos agnationis conditione peruenirent, d. tit. 9. Nimirum quia, licet familiam nullam, & idcirco, nec suos, nec agnatos fœminæ præter consanguineos haberent, hoc est, familiæ duces, aut principes appellari non possent, erant tamen de aliqua familia; ea nimirum à qua per in manus conuentionem in mariti familiam transgredientes separabantur: ideo rectè agnati, qui eiusdem familiæ erant agnationis iure legitimam fœminarum, ut tutelam sic hæreditatem agnoscebant. Eoque visus est Terentius in Andria respexisse, sic Critonem de Chryside loquentem introducens.

Eius morte ea ad me lege redierunt bona.

Donatus enim sic hunc locum interpretatur: *Hic ius tractauit dicens, Redierunt; quia in familiam redeunt si non est hæres de proximo, aut ex testamento. Quasi dicat Donatus: Mulier cum suis bonis per in manus cōuentionem ex ea familia in qua nata est in familiam mariti transgreditur: siq; intestato, aut sine liberis decesserit, eius bona ex familia mariti ad paternam rursus familiam, vnde exierant, redeunt. Nec aliò referendum est quod idem Terentius ad hunc modum in Hecyra scribit:*

Interea in Imbro moritur cognatus senex

Horum, ea ad hos redib. at lege hæreditas.

Per cognatum enim hoc in loco si non Lacheris, saltem Pamphili consobrinum intelligit expressè Terentius; hoc est amita Pamphili filium, quæ amita per in manus conuentionem ex Pamphili eiusque maiorum familia in familiam mariti vnà cum bonis suis transgressa fuerat. Vt igitur amita, sic etiam eius filij, hoc est consobrini sine liberis, aut intestato mortui bona

ad eam vnde exierant familiam redeunt. Et hæc
 eadem omnia verissima sunt, eo nihil obstante quod
 de Vlpian. ait: *fœmina possunt, vel consanguineos, vel agna-
 tos habere*, cap. 2. §. 1. Vnde legit. Sensus enim est, fœ-
 minas consanguineos, vel agnatos habere legitimos
 heredes posse, ea ratione qua liberti patronos suos
 heredes legitimos habent. Superest, vt de obscura qua-
 dam agnatorum differentia nunc differamus. Agnati
 dicuntur, vel natiuitate, vel adoptione. Nam qui ado-
 ptatur, iisdem fiebat agnatus quibus pater eius ado-
 ptatus fuerat, & legitimam eorum hereditatem ha-
 bebatur, vel ipsi eius, cap. 2. §. 2. de suis & legit. Natiuita-
 te verò agnati fiunt duobus modis: vno, qui per viri-
 lis sexus cognationem viuo patrifamilias coniungun-
 tur: altero, qui patre mortuo nati sunt, quos appellant
 communis nomine *posthumos suos*. Filius qui viuo patre
 natus est, agnatus dici non potest, in recta enim linea
 versatur cum agnati ex latere domum duntaxat attin-
 gant, cap. 7. Si tab. test. Ideoque gnatus, vel filius dice-
 batur, non agnatus. At *posthumus suus*, filius dici non
 potest; nullus enim est filius sine patre, vt nec pater si-
 ne filio. Quia tamen patrefamilias mortuo eius fami-
 lia omnino non extinguatur; ideo qui filius esse non
 poterat, agnatus efficitur, cap. 3. de iniust. rupt. & irrit.
 test. & patri (hoc est, paternæ familiæ) *agnasce* dicitur.
 Illud igitur quesitum est, an hic agnatus appellari pro-
 ximus, & cum suis heredibus numerari possit. Et pos-
 se quidem respondit Pomponius his verbis: *Filius patri
 agnatus, proximus est*, cap. 12. de suis & legit. Et hoc ni-
 mirum illud est quod hunc in modum Cicero scrip-
 sit, de oratore lib. 1. *Num quis eo testamento, quod pa-
 terfamilias ante fecit quam ei filius natus est, hereditatem
 peti?* Nemo, quia constat agnascendo rumpi testamentum.
 Recentiores quidam cum hæc non considerarent,

addere huic Pomponij responso negationem contra omnium exemplarium fidem, non dubitarunt. Non rectè. Vult enim Pomponius filium patri agnatum, hoc est post patris mortem natum, testamentum rumpere, & hæredem patris proximum esse. Et sic non Pomponius solum, sed etiam pro Cecinna Cicero posthumum suum appellat: Cui, inquit, filius agnatus sit, eius testamentum non esse ruptum iudica: Ecce non agnatum solum, sed agnatum patri cum Pomponio posthumum appellat Cicero. Nec alio sensu proximiores ex agnatis sui dicuntur, cap. 10. §. 1. de gradibus, sui hæredes agnascuntur, cap. 3. §. fin. de lib. agnos. Siquidem ex agnatis omnibus nulli sunt iis agnatis proximiores, qui patri agnasci dicuntur, hoc est posthumis suis. Nec est quod quis obiiciat, quam ut liberi repudiant bonorum possessionem sui hæredes, eandem illos quasi legitimos habere incipere, & per consequens rectè inter agnatos etiam suos hæredes posse numerari, idque Vlpianum sibi voluisse, cap. 2. in princip. Undè legit. Illius enim responsi sententia est, liberos duplici iure ad parentum in testatorum hæreditates admitti, nimirum, vel suo, & legitimo iure simul, vel legitimo solo. Proinde si à suo iure recesserint, quod fieri repudiando solet, superest illis ius legitimum: quo iure præferri rursus cæteris legitimis, hoc est agnatis, in repudiata successione consueverunt, non suo quidem, hoc est proprio, siue innato iure, sed iure legitimo, cap. ultim. in princip. de bon. dam. Liberi igitur sui hæredes sunt & legitimi simul, non agnati; agnati autem legitimi sunt, non sui iis exceptis qui patri agnasci dicuntur. Sui enim, aut nascuntur, aut agnascuntur, cap. 1. §. 8. in fin. cap. 3. §. fin. de lib. agnos. cap. 8. de iniusto rupto, & irrito test. De his omnibus malè differunt & sentiunt alij.

CAPVT II.

Quid sit gratiam iurisiurandi facere, in L. Labeo etiam, ff. de iureiurando.

GRATIA iurisiurandi solet aut ad delatum & susceptum, aut ad præstitum iusiurandum referri. Qui iusiurandum remittit; *gratiam iurisiurandi facere* dicitur. c. 6. de iureiur. Qui præstiti iurisiurandi religionem aliquem liberat, is etiam *iurisiurandi gratiam facit*. cap. 38. in princ. Ad municipal. Remittens iusiurandum, non aliter gratiam facere intelligitur, quam si deferente se aduersarius iurare paratus suspiciat iusiurandum. d. cap. 6. Eaque res efficit, ut huiusmodi gratia iurisiurandi nec absenti, multoque minus ignoranti fieri possit. Nam quomodo ab ignorante suscipi iusiurandum, aut quo modo ignorans esset paratus actore deferente ad iurandum potest? Et idcirco nequaquam delati ambiguum debet, quin pessimè de iurisiurandis, Labeonis sententiam ad hunc modum referentes, Labeo etiam *absenti & ignoranti iurisiurandi gratiam fieri posse respondit: sed & per epistolam gratia iurisiurandi fieri potest*. c. 41. de iureiur. Proinde non delati suscipi gratiam fieri potuisse, est verisimilius, idque sibi Pomponium & Labeonem voluisse. Dici non potest quam id ipsum Plauti auctoritate confirmetur. Postquam enim apud Plautum in Rudente, iureiurando argenti magnum Gripo promississet Labrax leno, hanc summam Dæmones lenoni à seruo suo piscatore Gripo remitti volens, his verbis usus est:

Res soluta est Gripe, ego habeo. G R. at ego me manolo.

DÆ. Nihil hercle hîc tibi est, ne tu speres, iurisiurandi
volo

Gratiam facias.

Ex quo loco euidenter apparet, cùm id quod iuramento promissum est ultro, siue (vt hîc apud Plautum) gratiione aliqua remittitur, tunc etiam iurisiurandi gratiam fieri. Sic iurisiurandi gratiam visus est etiam accepisse Suetonius ad hunc modum de Tiberio scribens: *Equiti Romano iurisiurandi gratiam fecit, uxorem in stupro generi compertam dimitteret, quam se nunquam repudiaturum antè iurauerat. Quod igitur Pomponius & Labeo de iurisiurandi gratia scribunt in d. c. 41. hoc sic videtur accipiendum quasi dixerint, id quod iureiurando promissum est, absenti ignorantique & per epistolam remitti posse.*

C A P V T I I I.

Quæ dicatur feralis pestis in rescripto quodam
Imperatoris Constantini.

NON satis constat, quid per feralem pestem Constantinus intellexerit, cùm sic de maleficijs scriberet: *Hos (quoniam naturæ peregrini sint) feralis pestis assumat.* cap. 6. C. de maleficijs. Festus auctor est, *feralia diis manibus sacrata festa, à ferendis epulis, vel à feriendis pecudibus esse appellata.* Scribit etiam Varro, *Feralia ab inferis & ferendo appellata esse, quod ferant tunc epulas ad sepulchrum, quibus ius est ibi parentare.* Indèque officium quod mortuis impenditur, *ferale dici, testis est Apuleius de asino lib. 1. Vox, inquit, persolutis feralibus officijs luctu & mœrore deformata.* Hinc etiam cineres exusti cadaueris, & urnas in quibus cineres recondebantur, *ferales*, appellatas esse Tacitus tradidit. Sic enim Annalium lib. 2. scribit: *Tunc ferales reliquias sinu ferret, incertis*
ultionis

Unionis, anxia sui. Et lib. 3. *Postquam duobus cum liberis*
feralem urnam tenens egressa navi defixit oculos. Habi-
 tum illum, quo deos deasve manes apparere persua-
 sum erat, etiam *feralem vestem* veteres appellasse, ex
 eodem Tacito constat, qui sic lib. 13. scribit. *In mo-*
dum furiarum, veste ferali, crimibus deiectis faces praefer-
bant. Eoque sensu *feralem pestem* hoc in loco acce-
 pisse Constantinum est verisimile. Voluit enim ma-
 leficos dijs manibus consecrari. Sed quomodo? Sic
 nimirum ut eiusmodi pestis siue interitus eos absum-
 mar, cuiusmodi feraliorum tempore pecudes & in
 officijs feralibus cadauera mortuorum, cum in ignem
 polita sunt, absumuntur. Indéque poena malefico-
 rum dicta *feralis pestis* eo modo videri potest, quo
feralem urnam, reliquias vestésque ferales, & ferale de-
nique officium esse appellatum docuimus. Et sic qui-
 dem nihil aliud voluisse visus est Constantinus, quam
 maleficos igne consumendos esse. Et quia de dijs ma-
 nibus quibus *feralia* sacrabantur accitis arte magica
 locutus fuerat Constantinus, idcirco ferali peste po-
 tius quam igne dixit huiusmodi homines absumen-
 dos esse. Nimirum ut his verbis malefici iisdem dijs
 consecrari intelligerentur, quos artibus suis euocan-
 tes saprius, ut erat opinio, inquietauerant. Pestis
 igitur feralis, ille dici hoc loco interitus debet, quo
 quis dijs manibus consecratur; sicut *officium fe-*
rale dicitur, quod iisdem dijs exhibetur, cum homi-
 ni mortuo iusta fiunt. Quamuis interim non igno-
 rem, de supremo quouis supplicio interdum etiam
 pestem feralem accipi posse. Certè quia sic in Octavio
 scribit M. Minutius Felix: *Et hominem summo supplicio*
facinore punitum, & crucis ligna feralia, eorum caremo-
nias fabulatur. Pro morte autem siue interitu *pestem ve-*
teres posuisse non ignorat, qui *pestiferum fulgur.* Festum
 observa

obseruauit definiuisse, quo mors exiliumue significari solent. Cicero quoque perniciem, siue interitum reipublicæ frequenter *pestem* appellat.

CAPVT IV.

Ad L. inuiti, ff. De testibus.

INTER eos qui testimonium non dicunt inuiti, is quoque numeratur, qui quid exercitui præbendum conduxit. c. 19. de test. Hæc est Florentina lectio, quam qui sic emendarunt, *Qui exercitui præbenda conduxit*, dici non potest quam id inconsideratè fecerint. Quasi verò vnus redemptor exercitui Romano ijs quæ necessaria sunt præbendis sufficiat. Certè hi non animaduertent multum locationem à conductione præbendorum differre. Vnus siquidem præbenda locat, plures præbenda conducunt: ædilis præbenda locat, iuxta Plauti illud in Mercat.

Præbenda ædiles locauere, inde petito.

Redemptores non præbenda, sed aliquid exercitui præbendum singuli conducunt; nimirum, hi vestimenta, illi frumentum, tertius aliquis vinum, & sic deinceps. Idque adeò verum est, vt hæc Vlpiani verba, *Qui quid exercitui præbendum conduxit*, ex ipsa redemptorum definitionis formula, omnino possint repetita videri. Redemptores enim ad hunc modum definiuit Festus: *Redemptores propria & antiqua consuetudine dicebantur, qui, quum publicè faciendum quid aut præbendum conduxerant, effecerantque, tum demum pecunias accipiebant: nam antiquitus emere pro accipere ponebatur. At hi nunc dicuntur redemptores, qui quid conduxerant præbendum vtendumque.* Hæc Festus. Ideoque si passim apud Vlpianum præbenda legeretur, omnibus auctor essem vt quid præbendum reponerent. Quamuis inter-

non ignorem redemptores etiam interdum rectè dici præbenda conducere. Quod tunc accidere solet, quum certum quoddam negotiatorum genus omnia, quæ belli vsus postulabat, exercitui præbenda conduxerat. Idque ex Lilio constat, qui sic de publicanis scribit lib. 44. *In eandem diem frumentum, & cetera quæ belli vsus postulabant, præbenda publicani se conducturos professi sunt.*

CAPVT V.

Quid sit per salutem suam, quid item per Iouem iurare, atque inibi de vero sensu c. 33. De iureiurando.

IN deferendo iureiurando ea solet apud veteres obseruari ratio, vt is qui iusiurandum deferbat, quomodo illud præstari vellet, simul exprimeret. Et tunc quidem interdum conceptio delati iusiurandi arbitrio iurantis relinquebatur, interdum certa erat & solemnis, interdum denique verbis certis iusiurandum ab eo qui deferbat, concipiebatur. Si quis aduersario suo per salutem suam iurare specialiter, hoc est nominatim iuberet; tunc in arbitrio iurantis erat, nulli quippe certa huiusmodi iusiurandi prolata formula, iuramentum concipere. Hunc videlicet in modum *Iupiter mihi iratus fiet*; vel sic, *Ita mihi deos velim propitios.* Conceptis verbis ita iurari solet, vt is qui iusiurandum deferbat, verbis quibus iurari vellet, præiret. Eiusmodi iusiurandi extat apud Plautum in Rudente elegans formula. Cæterum si nec verbis conceptis, nec aliud aliquod specialiter aduersario delatū esset iusiuramentum, sed dictum simpliciter, *Iura per Iouem*, tunc formula vtebatur Romani. Auctor est enim libro 10. Festus, *iuratos per Iouem lapidem silicem tenuisse, hæc*
solemni.

solemnia verba dicentes ; *SI SCIENS FALLO*, TVM
 ME DIESPITER, SALVA VRBE ARCE QVE,
 BONIS EIICIAT, VT EGO HVNC LAPI-
 DEM. De quo iureiurando visus est sentire Plinius,
 sic in Panegyrico scribens : *Quinetiam sedens præbuit*
iusiurandum, & ille iuravit, & expressit, explanaturque
verba, quibus caput suum, domum suam, si scieniter sefellif-
set, deorum ire consecraret. Qui autem sic iurabant, eos
 † dici Iouem lapidem iurare testatur Cicero : sic enim
 Trebatio scribit, Epist. lib. 7. *Quomodo autem tibi place-*
bit Iouem lapidem iurare, cum scias Iouem iratum esse ne-
mini posse? Probari id etiam ex Gellio potest, qui sic de
 Phauorino Noct Attica. lib. 1. cap. 21. scribit: *Sed enim*
cum Phauorino Higini commentarium legissem, eaque ei
statim duplicata esset insolentia & insauitas amaroris, Iou-
em lapidem, inquit (quod sanctissimum iusiurandum es-
hibitum) paratus sum ego iurare, Virgilium hoc non scri-
psisse. Illudque iusiurandum tantæ fuit apud Roma-
 nos auctoritatis, vt quoties per Iouem quis iurare
 iuberetur, statim ad illud etiam in theatris ipsis lu-
 dorum tempore confugeretur. Idque euidenter ex
 eodem Ciceronis Epistolarum libro septimo potest
 † intelligi. Sic enim de ludis differens scribit Cicer.
Delicia verò tua noster Æsopus eiusmodi fuit, vt ei desi-
nere per omnes homines liceret. Is iurare cum cœpisset, vox
eum defecit in eo loco, SI SCIENS FALLO. Et
 ita per Iouem iurare nihil aliud fuisse videtur veteribus;
 quam Iouem lapidem iurare. Intelligi id etiam ex Plau-
 to potest in Aulularia. Cùm enim Strophilus Lycor-
 nidi adolescenti iusiurandum ad hunc modum detu-
 lisset, *Iura per Iouem & inter cætera respondisset Lycor-*
nides, Sed me cito expedi sis, subiecit Strophilus, *Hem si-*
licem tibi. Tunc accepto silice iurans per Iouem hæc
 formula vsus est Lycon.

Si te ego sciens fallo, ita me eiciat Diespiter

Bonis, salua vrbe & arce, vt ego hunc lapidem.

Hæc cum ita sint, nunc videor mihi intelligere quidnam Vlpianus sibi voluerit, cum ita scriberet: *Qui per salutem suam iurat, licet per Deum iurare videatur* (respectu enim diuini numinis ita iurat,) *attamen si non ita specialiter iusiurandum ei delatum est, iurasse non videtur, & ideo ex integro solemniter iurandum erit.* cap. 3. de iureiurando. Sensus enim est, si sic delatum tibi fuerit iusiurandum, *Iura per Iouem*, & tu per salutem tuam ita iuraueris, *Ita mihi Iouem velim propitium: Iupiter mihi iratus sit*: quamuis per Iouem iurare videaris, attamen eius qui iusiurandum tibi detulit, intentioni non satisfacis. His enim verbis, *Iura per Iouem*, ea est (quemadmodum ex superioribus constat) deferentis intentio, vt *Iouem velit lapidem iurari*. Nec aliter per salutem suam reo iurare permittitur, quam si ab actore specialiter, id est, nominatim his verbis, *Iura per salutem tuam*, ei delatum esset iusiurandum. cap. 5. in princ. dict. tit. Qua de causa, si iussus per Iouem iurare per salutem suam iurauerit, iurasse non videtur, & ideo ex integro iurandum erit, inquit Vlpianus; hoc est, ad solam confugiendum. De qua formula etiam Paulum sentire à Cuiacio & Russardo Iurisconsultis doctissimis est obseruatum in c. 26. de iureiurand. Ausim dicere in fine capitis tertij, de iureiurando, sic apud Vlpianum etiam scriptum fuisse; *Ceterum si ego detuli, vt per Iouem iurares*, cæque verba ad hanc formulam omnino referenda videri. Et certè Iouis nomen vt ethnicum Christianæque religioni aduersarium, ex prudentium responsis sustulisse Tribonianum, & eius loco Dei verbum posuisse, ex eo potest euidenter intelligi, quod in iisdem responsis, *crucis nomen in furcam* idem

idem Tribonianus omnino mutauerit. Quæ res efficit, ut quoties in prudentum responsis Dei occurrat mentio, verbum illud ex prudentum mentione ad Iouem semper referendum videatur. Igitur pro deum iurare nihil esse aliud in illis responsis ex intentione prudentum potest, quàm iurare per Iouem, hoc est Iouem lapidem iurare. Et ita mihi videtur.

CAPUT VI.

Quæ dicantur ambitiosa decreta: & expenditur explicaturque Ulpiani locus perdifficilis.

HONORIS ambitus dici coeptus est, inquit Festus, à circumueundo supplicandoque. Est igitur ambire, supplicare. Ambibant autem Romani, aut captantes populi suffragia, aut iudicum implorantes misericordiam. Indèque tam hi qui fauorem & gratiam iudicum, quàm illi magistratum captabant, appellari solent ambitiosi. Certè quia sic etiam in Terent. scripsit Donatus: *Magnarum rerum desiderium & appetitus ambitio dicitur.* Ouidius de Ponto lib. 3.

Sed tamen hoc factis adiunge prioribus vnum,

Pro nostris ut sis ambitiosa malis.

Hinc intelligimus quanam dici ambitiosa decreta possint. Nimirum tam quæ gratis, quàm ea quæ accepta mercede contra ius & æquum in alicuius fauorem à iudicibus interponuntur. cap. 65. §. 2. ad S. C. Treb. Sic ambitiosas sententias accepisse videri potest in Domitiano Suetonius. Ambitiosas, inquit, centumviro- rum sententias rescidit. Eoque sensu ambitiosa decurionum decreta visus est etiam Ulpianus accepisse cum ita scriberet: *Ambitiosa decreta decurionum rescindi debent, siue aliquem debitorem dimiserint, siue largiti sint proinde ut solent.*

Post, siue decreuerint de publico alicui vel prædia, vel ades, alcertam quantitatem præstari, capitulo quarto de decret. ab ord. fac. Difficilis est hic locus. Quoniam nim pertinent hæc verba, proinde vt solent, nisi dix- dis proinde idem esse quod propterea, hoc est propter dimissionem debitoris. Idque, licet durum sit, tamen non reprehendo. Quamuis interim non ignorem hu- us responsi sententiam reddi facillimam posse, leui correctione adhibita, hunc in modum: Siue largiti sint pro indemnitate vt solent, facile siquidem mihi per- suadeo sic apud Vlpianum scriptum fuisse. Siue lar- giti sint pro ind. vt solent, hoc est, pro indemnitate. Id- que non considerans Tribonianus, cum pro indem- nitate scribere debuisset, proinde reposuisse videri po- test. Sensus enim huius responsi est, siue aliquem reipublicæ debitorem gratis, siue largiti pro indemni- tate, hoc est largitionibus acceptis, dimiserint decu- tiones, siue de publico alicui ades, prædia, aut cer- tam quantitatem præstari decreuerint, huiusmodi decreta ambitiosa esse, & ob id rescindi debere. Non enim in potestate decurionum est, aliquem reipubli- cæ debitorem dimittere, alicui prædia, aut quanti- tatem certam decernere. Idque ex Plinio euidentissi- mum est. Cum enim de mandatis quibus eiusmodi donationes verantur, disseruisset Epistolarum libro decimo Plinius, sic rescripsit ad eundem Plinium Im- perator Traianus: Sicut largitiones ex publico fieri man- data prohibent, ita ne multorum securitas subruatur facias ante aliquantum temporis retractari, atque in irritum vindicari non oportet. Moris erat, vt hi qui in provin- cias à senatu Romano, aut ab Imperatore aliisve pote- statibus sublimibus legati mittebantur, honoraren- tur exciperenturque sumptu publico liberaliùs, datis muneribus, quemadmodum ex Sidonio probari po- test.

test, qui sic libro quinto Epist. scribit: *Hi sunt, qui in-
vident tunicatis otia, stipendia paludatis, viatica veredariis,
mercatoribus nundinas, munuscula legatis.* Qua sola de-
caussa novas interdum indictiones decernebant decu-
riones. Et tunc quidem municipes illi, qui gratia &
favore quodam singulari, aut etiam largitionibus in-
demnitatem decurionum decretis consequerentur,
ambitiosi; & decreta quibus indemnitates huiusmodi
continebantur *ambitiosa* dicebantur. Eoq; referendum
est, quod de providentia Dei libro quinto. Saluianus
Massiliensis Episcopus ad hunc modum scribit: *Ve-
niunt plerumque novi nuntii novarum epistolarum à sum-
mis sublimitatibus missi, qui commendantur illustribus
paucis, ad exitia plurimorum. Decernuntur his nova mune-
ra, decernuntur nova indictiones, decernunt potentes quod-
solvant pauperes, decernit gratia diuitum quod perdat tur-
ba miserorum, ipsi enim in nullo sentiunt quod decernunt.
Sed non possunt, inquit, non honorari, & liberalius accipi,
qui fuerint à maioribus missi. Estote ergo vos diuites primi
in conferendo, qui estis primi in decernendo.* Hac Salua-
nus. Si me rogaueris, cur non potius pro immunitate
quàm pro indemnitate hic apud Vlpianum esse repo-
nendum censeam, respondeo immunitatem ius quod-
dam perpetuum significare. Nam qui tributis nullis
grauantur, hi verè immunes sunt. Ambros. Epist. libro
quinto. *Si necessitates temporum, & extraordinaria inca-
buerint exactiones germana tua beneficio tuo, & dispendio.
Lati immunis erit.* Suetonius in Augusto: *Ei Livia pro
quodam tributario Gallo roganti, civitatem negavit, immu-
nitatem obtulit, affirmans se facilius passurum fisco detrabi
aliquid, quàm civitatis Romanæ vulgari honorem.* De in-
demnitate autem iis cautum videri potest, quibus abun-
terius aliquod imminens futurumve damnum quod iis
de prospectum est, c. 8. de magistr. conueniend. quod iis
accidere

accidere solet, qui decreta obtinuerant ambitiosa. Erat enim moris, ut eorum qui statis indictionum temporibus tributa non penderent bona proscriberentur, & publice venum irent, cap. 9. de rescind. vend. Et idcirco debitorum qui ab eiusmodi proscriptione, tributa non soluentes, ambitiosis decurionum aliquibus decretis tuti erant, recte indemnnes esse, & indemnitate, aut gratia, aut largitionibus redemisse dicebantur. Idque mirum in modum eiusdem Saluiani confirmatur auctoritate. Sic enim in eodem Saluiani, quem modo laudavi, de prouid. Dei lib. 5. scribit: *Iam verò illud quale, quam saeuum, ex hac ipsa impietate descendens, quam alienum à barbaris, quam familiare Romanis quod se inuicem exactione proscribunt, immò non inuicem: nam hoc tolerabilius ferre esset, si pateretur quisque quod faceret: illud est grauius, quod plurimi proscribuntur à paucis, quibus exactio publica peculiaris est praeda, qui fisci debiti titulos faciunt questus esse priuatos: & hoc non summi tantum, sed pene infirmi, non indices solum, sed etiam indicibus obsequentes. Quae enim sunt non urbes, sed etiam municipia atque vici, ubi non quot curiales fuerint, tot tyranni sint? Hec Saluianus. Eoque respexisse D. Ambrosium suspicor, cum in ferm. 7. scriberet. *Igitur quod dum est: sed sit intolerabile cum illud praeda exactionis accenditur. Et haec quidem sic obseruari solent, si modo hi qui tributa non soluebant, haberent bona. Alioqui enim supplicii ad soluenda tributa compellebantur. Idque omnium optimè docet idem Ambrosius in Sermone 39. Et contra, inquit, semper tristis est & maestus qui tributa dissoluit. Nec imminuò tristis est, qui ad solutionem non dilectione adducitur, sed terrore constringitur. Christi enim debitor letus, Caesaris tristis est: quia hunc ad soluendum minor cogit, illum poena compellit: hic premiis prouocatur, ille supplicii coarctatur.**

CAPVT VII.

De Superindictionibus.

OBSEVATVM est causas pœnarum quibus
 plectuntur rei condemnati, olim populo exponi
 solitas, quæ expositio *superindictio* dicebatur, cap. 8. §. fi.
 de iureiur., cap. 16. C. Ex quibus caus. inf. irrog. Ea
superindictio, vel fieri titulis solet, vel præconis elo-
 gio. Suetonius in Domitiano: *Patres familias quod Thra-*
cem mirmilloni parem munerario imparem dixerat, detra-
ctum è spectaculis in arenam canibus obiecit, cum hoc titulo,
Impiè locutus parmularius. Et in Caligula: *Roma in-*
quit, publico epulo seruum, ob detractam lectis argenteam
laminam, carnifici confestim tradidit, ut manibus abscessis,
atque ante pectus è collo pendentibus, præcedente titulo, qui
causam pœna indicaret per coetus epulantium circumdure-
retur. Atque ita *superindici* titulis solet. Cæterum
 præconis elogio *superindici* tunc dicebatur, cum præco
 publicè causam supplici proclamaret. Spartian. in Se-
 uero: *Fustibus eum sub elogio eiusdem præconis cecidit. Le-*
gatum populi Romani homo plebeius temere amplecti noli.
 Lampridius in Alexan. *Accusari eum Alexander noli.*
probatisque per testes omnibus; & quibus præsentibus quid
accepisset, & quibus audientibus quid promississet, in foro
transitorio ad stipitem illum ligari præcepit, & fumo appo-
sito, quem ex stipulis & humidis lignis fieri iusserat, neca-
uit, præcone dicente; Fumo punitur, qui fumum vendidit.
 Quibus addendum etiam est, quod sic diuus Ambro-
 sius in Sermones nonagesimo scribit: *Ad hæc insanus*
index iussit eam expoliari, & nudam ad lupanar duci sub
voce præconis dicentis, Agnem sacrilegam virginem, dis
blasphemiam inferentem, scortum lupanaribus datam. Et
hanc quidem superindici antiquam rationem Athe-
nienibus

videntur Romani acceptam tulisse. Suidas
auctor est, quum Athenienses quidam Apolli-
nem contemnerent, & in eius fano ventrem exonera-
rent, Pisistratum id facinus capite sancientem custo-
dis constituisse, & quem illi deprehenderant, eum vin-
dam iussisse in via flagris cædi, præcone proclamante;
ΟΔ' ΑΝΗΡ ΚΟΛΑΣΘΕΙΣ ΑΠΟΘΑΝΕΙΤΑΙ,
ΟΤΙ ΟΛΙΓΩΡΕΙ ΤΟΤ ΓΡΑΜΜΑΤΟΣ.

CAPVT VIII.

*Iudices olim in leges iurare solitos, & quid sit apud
Horatium Puteal Libonis.*

IUDICES olim iurare solitos ex Cicerone constat. †
Sic enim Act. i. in Verrem scribit. Hoc factum esse in
hac ciuitate, cum senatorius ordo iudicaret, ut discoloribus
signis iuratorum hominum sententia notarentur. In quem
locum Asconius, Iuratorum hominum, inquit, indicum,
qui in leges antequam indicarent, iurare consueuerat. Idem
Ascon. celebrat a reiectione, & sortitione perfecta, indices in
leges iurasse, ut obstricti religione indicarent, alio loco te-
staturus est; addiditque prætorem non iurasse, Ciceronis †
auctoritate motus, qui sic in eadē actione prima de M.
Metello scribit: Nunc tamen in eo animo sum, ut eo iudice
quam prætore hanc rem transigi malim, & iurato suam
quam iniurato aliorum sententias committere. Nimirum
quia si iudex esset Metellus, tabellam iudiciariam iu-
ratus acciperet; sin prætor, iniuratus tabellas omnium
iudicum haberet in potestate. Eoque pertinet quod
ad hunc modum de Tiberio scripsit Annalium libro
primo Tacitus: Ad quod exarsit adeo; ut rupta tacitur-
nitate proclamaret, se quoque in ea causa laturum senten-
tiam palam & iuratum. Et de huiusmodi quidem iu-
ramento visus est sentire Iustinianus, cum ita scribe-

ret : Cui enim non est cognitum antiquos indices non aliter
 iudicalem calculum accepisse , nisi prius sacramentum præ-
 stitissent , omni modo se cum veritate & legum observatio-
 ne iudicium esse disposituros ? cap. vltim. in princip. C. de
 iudiciis. Sanè iuramentum istud ad aram præstari liqui-
 ditum, ex Symmacho & diuo Ambrosio probari liqui-
 dè potest. Cùm enim Gratianus Imperator , aram ad
 quam iurari solebat, euerti & complanari iussisset, hu-
 ius aræ Symmachus ab Imperatoribus Valentiniano,
 Theodosio , & Arcadio restitutionem obnixè postu-
 lans, sic libro primo Epist. scripsit : *Vbi in leges vestras*
& verba iurabimus ? qua religione mens falsa terrebitur, ne
in testimoniis mentiatur ; Omnia quidem Deo plena sunt, nec
ullus perfidis tutus est locus. Sed plurimum valet ad metum
delinquendi , etiam presentia religionis urgeri. Illa ara con-
cordiam tenet omnium. Illa ara si dem conuenit singulorum,
neque aliud magis auctoritatem facit sententiis nostris, quàm
quod omnia iuratus ordo decernit. Hæc Symmachus, diuus
 autem Ambros. simul atque huius aræ ab Imperatori-
 bus restitutionem intellexit vehemèter Symmachum
 cum suis postulare, id ne fieret, impedire sedulo cona-
 tus est, Imperatori Valentiniano ad hunc modum scri-
 bens: *Si hodie gentilis, aliquis Imperator, quod absit, aram*
statueret simulachris , & eo conuenire cogeret Christianos, ut
sacrificantibus interessent , ut oppleret anhelitus , & ora si-
delium cinis ex ara , fauilla de sacrilegio , fumus ex bu-
sto , & in ea curia sententiam diceret vbi iurari ad aram
simulachri , in sententiam cogerentur (propterea enim in-
terpretantur aram locatam , ut eius sacramento , ut ipsi
putant , unusquisque conuentus consuleret in medium) cum
curia maiore iam Christianorum numero sit referta , perse-
cutionem esse crederet Christianus , qui cogeretur tali optio-
ne ad senatum venire : quod sit plerunque : nam etiam in-
iuriis conuenire coguntur. Te igitur Imperatore Christiani

*nam iurare cogentur? Quid est iurare, nisi eius quem
fidei tue praesidem, diuinam potentiam confiteri
Te Imperatore hoc petitur, & postulatur, ut aram iubeas
eleuari, sumptum sacrificiis prophanis dari? Sed hoc non
potest sine sacrilegio decerni. Unde rogo te, ne id decernas,
pauas, vel in huiusmodi decreta subscribas. Hæc Am-
brosius. Cæterum hanc aram, si non Puteal Libo-
nis appellari, saltem in locum euerſi Putealis olim
Apollini, aut Mercurio (lyris enim exornabatur)
consecrari restitutam, & victoriæ postea consecra-
tam fuisse, diuersis vt credam coniecturis adducor.
Puteal enim Libonis ara fuisse videtur in comitio, in
gradibus ad læuam curiæ sita, in quam iurari solebat.
De quo Puteali sensisse Plautum suspicor cum sic in
Curcul. scriberet.*

*Qui periurum conuenire vult hominem, mitto in co-
mitium.*

Hoc est, ad Puteal Libonis. Dictumque Puteal à pu-
teo, in quo Accij Nauij nouacula cum cote defossa
fuerat. Qua de re sic scribit Liuius lib. i. *Statua Accij
rapie velato, quo in loco res acta est, in comitio in gradibus
ipsis ad læuam curiæ fuit. Cotem quoque eodem loco
fram fuisse memorant, vt esset ad posteros miraculi
eius monumentum. Ab hoc autem cotis & nouaculæ
puteo, Puteal nomen accepisse testis est Cicero li. i. de
diuiat. Cotem autem illam, inquit Cic. & nouaculam de-
fossam in comitio supraque impositum Puteal accepimus.
Et Puteal illud Libonis fuisse Puteal, Sextus Rufus
in libro de regionibus vrbis satis ostendit, cum in
octaua regione, quæ forum Romanum dicitur inter
senaculum aureum & comitium, Puteal Libonis ex-
pressè collocat hunc in modum: *Senaculum aureum:
Puteal Libonis: Comitium.* Porro aram fuisse Libo-
nis Puteal, non domum, non tribunal, vt quibusdam*

eruditis viris esse persuasum intelligo, ex antiquissimis Laurinorum & Huberti Goltzj quibusdam numismatibus animaduerti : in quibus sub aræ forma coronis longis citharisque exornatæ L. Scribonij Libonis



Puteal eo quidem hîc delineatum vides modo continetur. Inter cetera quæ mihi exhibita fuerunt numismata, duo reperi, quorum alterum in anteriore parte sic inscriptum erat; B O N. E V E N T. hoc est, *bonus euentus*, alterum sic; C O N C O R D I A.

Et quia Symmachus aram quam restitui postulat, concordiam tenere omnium expressè scribit, idcirco aram illam cuius Symmachus & Ambrosius meminerunt, aut Puteal fuisse Libonis est verisimile, aut eius certè tandem euersi, in iureiurando religiosè suscipiendo, locum occupasse. Siquidem Puteal Libonis ad concordiam & euentum bonum in nummis illis expressè refertur : hoc est ad iudicium concordiam, sententiarumque euentum bonum. Ea nimirum formula, qua *sententiarum euentus vendere* scripsit Iulius Paulus, sentent. libro quinto, tit. 25. in fine, cap. 15. §. 24. de iniuriis. Quo sensu Puteal Libonis visus est Horatius accepisse, in epistola ad Mæcenatem tertiam, Epist. libro primo.

——— *Forum Putealque Libonis*

Mandabo siccis.

Quia enim iudices iurare, vt obstricti religione iudicarent, consueuerant, videntur electi iudices antequam iudicaturi curiam ingrederentur, ad Libonis Puteal, quod ad leuam curiæ in gradibus situm erat, iuraturi declinasse, & inde iureiurando ad aram soléniter præstito, curiam ingredi consueuisse. Eoque arbitror

Horatius

Horatium respexisse, dum forum Putealque Libonis
mandat *siccis*, hoc est sobrijs & ieiunis nominibus.
Quasi dicat, sint illi sobrij, abstineant illi à luxu & crâ-
pula, qui iudices sortiti ad Puteal Libonis in leges iu-
raturi sese conferunt. Meminit Epistol. lib. 4. Plinius,
cuiusdam Senatusconsulti, quo qui negotij aliquid
haberent, iurare debebant *nihil se ob aduocationem cui-
nam dedisse*: idque etiâ cautum fuisse lege Cincia, ne-
nini dubium est. Et aduocatos etiam iurasse, *nihil se
ob aduocationem accepisse*, non est obscurum, si conside-
emus, quid sibi voluerit Horatius Sermonum lib. 2.
Sat. 6. cum ita scriberet.

Anie secundam

Roscius orabat sibi adesses ad Puteal cras.

Roscius enim est, Roscius causam dicturus, te aduoca-
tum postulat. Et quia iurare in aram cum aduocatis
his litigatores solent, hi quidem, nihil se dedisse, ca-
uisse aut promississe illi vero, sese nihil accepisse ob ad-
uocationem, ideo dicit Horatius, Roscium orasse
aduocatum suum, ut sibi adesset *ad Puteal Libonis*,
hoc est ad aram illam, in quam huiusmodi iusiuran-
tum solet præstari. Et ita hos duos Horatij locos esse
accipiendos omni ausim asseueratione contendere.
Alioquin ijs idonea quam esse potest subiecta sen-
tentia? aut quidnam ara illa, quæ Libonis Puteal ap-
petatur, cum curia, cum foro, aut cum iudicijs habe-
ret commune? Nunc videndum est, quidnam sibi Per-
sius voluerit cum ita scriberet Satyr. 4.

Viso si palles improbe numo,

Si facis in penem quicquid tibi venit amarum,

Si Puteal multa cautus vibice flagellas,

Nequicquam bibulas populo donaueris aures.
Sensus est, frustra candidatus te populo commendas,
si auarus es, si adulter es, si periurus es. *Necquicquam
populo*

populo donaueris aures bibulas, hoc est, quæ tui commendationem sic possint imbibere, ut eius in comitijs velit populus meminisse. Et sic quidem *Puteal multa vibice flagellare.*, nihil esse aliud videtur, quàm peierare. Eos qui *in aram iurabant*, aram iurantes tenuisse. † testis est pro L. Flacco his verbis Cicero: *Ergo is, cui si aram tenens iuraret; crederet nemo; per epistolam, quæ uolet, iniuratus probabit.* Ideoque si is qui in aram iurabat, peieraret; sic illi diuo ad cuius aram iurabat, iniuriam facere existimabatur, ut non tangere, sed flagellare potius multa vibice suo periurio aram diceretur. Aram igitur tangit, qui ex animi sui sententia iuram aram flagellat, qui peierat. Eoque referendum etiam est illud Ouidij:

Si Puteal tantumque timet, celerèsq; calendæ.
 Versum enim hunc de eo debitore esse accipiendum puto, qui peierare timens, occursum fugit creditorum, celerèsq; usurarum calendæ derectatur.

CAPVT IX.

Iteratarum dictionum observatio singularis.

ANVLLIS, quod sciam, interpretibus est amaduersum, iterari interrupto sermone per hypostigmen dictiones interdum consueuisse. Idque elegantia potius quàm vitio auctores veteres tribuunt exemplis aliquot manifestum faciam. Apud Vlpianum sic scriptum inuenio: *Non tamen si incantauit, si imprecatus est, si, ut vulgari verbo impostorum utar, si exorcizauit.* cap. i. in princ. de extraordin. cognit. Idem Vlpianus sic etiam scribit: *Interdum tamen, et si scientia nocet, tamen restitutio facienda est.* cap. 5. quod falso iur. Et alijs locis. *Interdum tamen, et si Senatusconsulto locus sit, tamen in alium datur actio.* cap. 7. §. 7. de S. C. Maced. *Interdum*

Interdum tamen, eſi non ſint coniuncti, tamen uſusfructus legatus alteri accreſcit. cap. 1. §. 2. de uſufruct. accreſ. Nec id etiam uſus eſt neglexiſſe Cicero, cùm ſic ad Plancium ſcriberet: Sed tamen; et ſi antea ſcripſi, quæ exiſtimari ſcribi oportere, tamen hoc tempore breuiter commo- nendum putau. Et his quidem exemplis quinque Ioannes Caſteliuſ, uir doctiſſimuſ, mihi quæ amiciſſimuſ, omnium primuſ obſeruauit illud etiam rectè adiungi poſſe, quod in Eunuchi prologo ſic apud Terentiuſ legitur:

Habeo alia multa, quæ nunc condonabitur;

Quæ proferentur poſt ſi perget ledere,

Ita ut facere inſtituit.

Et hæc ſanè Caſtelliſ noſtri coniectura, eo uideri probabilior poteſt, quod ſic etiam Celfuſ de re poſitis nummiſ ſcripſerit: *At eoſ quos quiſ re poſitoſ habet, ut quidam bellis ciuilibuſ facti taſſent, eoſ legato contineri..c.79. de legat. 3.* Hæc cùm non conſiderarent iuriſ quidam interpreteſ doctiſſimi, perſuadere conati ſunt vnica diſtione *Tameſi* veteres pro *quamuiſ* interdum uſoſ eſſe. Quibuſ ego ut non aſſentiar, cùm iſ aliou plurimuſ tribuam, certè hæc facit iteratarum diſtioniſ ſingulariſ obſeruatio.

CAPVT X.

De poeniſ iniuſtè prouocantiuſ, & quæ dicatur præiudicialiſ multa.

QVI iudicio inter ſe contendebant, hi inuicem ſe ſacramento interdum quingentario, interdum quinquagenario prouocabant. Nam qui perſebat & qui inſiciabatur, de aliſ rebuſ utrque quingentoſ alieſ, de aliſ item certum aliuſ & legitimuſ numeruſ aſſuſ apud pontificem ſine adinuſ, hoc

hoc est in æde sacra deponebat. Qui autem iudicio vicerat, is suum sacramentum ex loco sacro auferebat, victi ad ærarium redibat, quemadmodum à Festo & Varrone traditum est. Rursus, si ab huiusmodi iudicio is qui victus erat, prouocaret, *sponsionem faciebat, Ni iuste prouocasset: eaque sponsione ab ea parte que succubuerat, certus solet assium numerus deponi, quem is qui iudicio vicerat, si prouocatum ab aduersario suo iniuste videretur, auferebat. Quòd si deponere nihil vellent appellator, saltem de certa æris pœna, ex die acceptorum Apostolorum intra diem quintum idoneè cauere datis fideiussoribus cogebatur, quamvis interim expeditius esse scripserit Iul. Paulus, pœnam ipsam, hoc est certum numerum assium, aut quid aliud pro pœna deponere, quam de pœna præstanda cauere. Et ita quidem inter se differre videntur cautio & sponsio. Sponsio enim rectè fieri sine cautione potest, cautio verò sine sponsione non rectè pœnis iniuste prouocantium applicatur. Nam si paratus esset appellator pœnam deponere, quamvis ea sine sponsione deponi non potuerit, nulla tamen opus erat cautione, nullisque tabulis. Idque sibi visus est Paulus voluisse cum ita scriberet Sententiarum lib. 5. titul. 33. Cum à pluribus sententiis prouocatur, singule cautiones exigende sunt, & de singulis pœnis spondendum. Caterum hanc sponsionum & cautionum antiquam obseruationem visi sunt primi sustulisse Imperatores Dioclerianus & Maximianus cap. 6. in fin. C. de appellationibus. Et tunc quidem in locum cautionis sponsionisque ea videtur indicenda prouocantibus multæ ratio successisse, de qua Gratianus, Valentinianus, & Theodosius ita scribunt: Prouocantibus multas, nisi ex nostris non decretis patimur imponi. c. quadagesimo tertio C. Theodosiano de appellationibus. Sensus enim est,*

non litigatorum amplius arbitrio statuendas esse in-
iuste prouocantium pœnas, sed maiorum, qui de ap-
pellationibus cognoscunt, iudicum decretis. Solent
tam ad ipsos Imperatores, quàm ad præfectos præto-
rio, præfides, aut proconsules ab inferioribus iudici-
bus appellationes fieri. Et idcirco in hoc rescripto
quod ad ducem Ægypti dirigitur, hæc verba, *Ex no-
stris decretis*, sic accipienda sunt, vt ea de iudicialibus,
non autem de aliquibus imperialibus principum de-
cretis intelligi debeant. Igitur *ex nostris decretis*, hoc
est, ex maiorum de appellationibus cognoscentium
iudicum decretis pœna prouocantibus imponi de-
bent. Et ita quidem abolita fuisse videtur de pœnis
iniuste prouocantium cauendi & spondendi verus
ratio, inque eius locum hæc multæ iudicum decretis
prouocantibus indicendæ auctoritas successisse. Hæc
cum ita se habeant, nunc etiam mihi in mentem ve-
nit, eandem hanc *multam* posteriores Imperatores,
aliósque Latinos auctores, *præiudicialem* appellasse: ni-
mirum *rem iudicatam* rectè *præiudicium* dici non igno-
rantes. Sic enim præiudicium accepisse videntur i-
dem illi quorum iam memini Imperatores. Obiecta,
inquit, *appellatione, etiamsi à præiudicio interposita di-
catur, vel ad nos vel ad cognitorem sacri auditorij solemniz-
etur, vel ad nos vel ad cognitorem sacri auditorij solemniz-
etur, vel ad nos vel ad cognitorem sacri auditorij solemniz-
etur, cap. 44. Cod. Theodosia, de appella-
tionibus*. Sensus enim est, non à nominatione duntaxat,
aut alijs grauioribus decretis, sed etiam à *præiudi-
cio*, hoc est à re iudicata, appellari & principes & præ-
torio præfectos posse. Et hanc quidem huius rescripti
interpretationem nostram mirum in modum confir-
mat Cassiodorus, sic lib. 4. Variarum scribens: *Vir spe-
tabilis Liberius dolenda nobis aditione suggestit, coningem
nam in vestro iudicio contra iuris ordinem prægrauatam.*
Quod si ita est, remotis præiudiciis apud arbitros, quos par-
tium,

*rium consensus elegerit, te imminente, causa legibus audia-
tur. Hæc Cassiodorus. Est enim in hoc loco aliud ni-
hil, Remotis præiudiciis, quàm nulla prorsus rerum prius
iudicatarum habit a ratione. Igitur præiudicium nihil aliud
interdum est, quàm res prius iudicata. Indèque multam
decretis iudicum prouocantibus impositam appella-
ri præiudicialem aut præiudici multam consueuille est
verisimile, quod ea propter præiudicium, hoc est rem
prius iustè rectèque iudicatam, & temere audacia fir-
roris appellatam indiceretur. Quo sensu iudiciaria au-
dioritate præiudicialis multa excipere & sustinere iacturam
scripserunt Imperatores cap. 50. & 65. C. Th. de appella-
tione. Et hanc quidem præiudicialis multæ interpreta-
tionem confirmat Symmachus, sic Theodosio Augusto
scribens, epist. lib. 1. Nec officium partibus defuit, ad mul-
tam præiudici suggerendam. Et in epist. 37. eiusdem li-
bri primi: Tunc, inquit, auditorij sacri index, rectoris affi-
ri super appellatione est consultus, & præiudicialem multam
statuit prouocationibus inferendam. Et paulò post in ea-
dem epistola: Nam & vir spectabilis decessor meus, quam
multam didicisset exactam, quam decreto sacri auditorij ap-
pellatio præiudicialis agnouerat, statuit causam criminis ad
se debere transferri. Idem Symmachus multam hanc ad
ærarium pertinuisse, in eadem epistola expressè testa-
tur, his verbis: Sed cum & tempus reparationis esset emer-
sum, & pœnam probationis aut expectaret aut sumpsisset
ærarium, pronuntiaui cognitionem sacri esse iudicij. Et hæc
de pœnis iniustè prouocantium.*

CAPUT XI.

Quæ sint vela regia.

PROHIBENT Theodosius & Valentinianus
Imperatores, ne quis priuatus vela regia suscipiat.
cap. 2.

2. C. Vt nemo priuatus. Si me rogaueris quæ vela
 deantur regia, respondebo, vela purpurea, auro præ-
 ditque lapillis & geminis prætexta, quibus Impera-
 tores, aliique reges, & summi principes in suis palatijs
 consueverunt. Sic vela regia visus est Tertullia-
 nus accepisse, in libr. de habitu muliebri. *Sed & parie-*
tes, inquit, Tyriis & hyacinthinis, & illis regiis velis, quæ
vos operosè resoluta transfiguratis, pro pictura abutuntur:
ulior est apud eos purpura quam rubrica. Haud dubiè
 per vela regia, purpurea vela intelligens. Idque ex Pli-
 nio euidenter potest intelligi. Sic enim Nat. hist. l. 19.
 cap. 1. scribit. *Velo purpureo ad Actium cum M. Antonio*
Cleopatra venit, eodèque effugit; hoc fuit Imperatoria na-
vis insigne. In hoc enim loco per velum purpureum,
 regiam velum siue Imperatorium intellexit omnino
 Plinius. Hæc vela alio nomine appellata fuisse viden-
 tur *aulæ Attalica.* De quibus lib. 9. cap. 1. sic scribit
 Valerius Maximus: *Quid enim sibi voluit princeps suorum*
temporum Metellus Pius, tunc cum in Hispania aduen-
tus suos ab hospitibus aris & thure excipi patiebatur, cum
Attalicis auleis coniectos parietes lato animo intuebatur?
 Ex quo loco *aulæ Attalica* fuisse vela pretiosissi-
 ma constat, quibus ipsi etiam reges utebantur. Et id-
 circo non satis intelligo an rectè scripserit Nonius
 Marcellus, *aulæa genus esse vestis peregrine*: hunc pro-
 priis locum; *Ex hereditate Attalica aulæa, Chlamides,*
palle aureæ. Fortassis rectius esse genus veli peregri-
 ni, & quidem pretiosissimi, *aulæa Attalica* scripserit
 Nonius. Habebant autem veteres: quædam vela or-
 namenti, quædam instrumenti loco. capite 12. §. 11.
 & instit. legat. Et quia ipsos reges sum-
 mosque principes in ornamentis sic imitari homines
 quædam priuati non verebantur, ut in redimendis
 pretio

pretiosissimis quibûsque tabulis tam sculptis quàm pictis, velisque etiã regijs, sumptus enormes profunderent, quibus plerique prodigalitate nimia ad extremam redigebantur necessitatem, vtile visum fuit Theodosio prohibere, *ne quis priuatus vela regia suspendat*; hoc est, ne quis priuatus regijs velis parietes suos exornet, sed aulæis vulgaribus contentus sit. Et huic quidem interpretationi nostræ omnino consentaneum est; quod sic ad Marcellam scripsit D. Ambrosius, Epistolarum lib. 5. *Illic nuntiatum est mihi comperto, quod ad Portianam basilicam de palatio decanos misissent, ut vela suspenderent.* Nam per huiusmodi vela cortinas intelligi regias, expressè testatur idem Ambrosius. Sic enim de velis iisdem sentiens in eadem epistola scribit: *Dum hæc tracto, suggestum est mihi cortinas regias esse collectas.* Et paulò post: *Postea verò quàm cognoueram cortinas regias inde sublatas.* Ecce, quæ modò vela dixerat, ea nunc cortinas regias Ambrosius appellat: Haud dubiè per vela regia, cortinas regias, & per regias cortinas vela regia intelligens.

CAPUT XII.

De iure publico.

† **C**ONSECRATIONEM iuris fuisse publici testatur expressè Cicero pro domo sua: Dico, inquit, apud Pontifices, augures adsunt, versor in medio iure publico. Vlpianus cum publicum ius definiret, ius illud esse publicum dixit, quod ad statum Rei Romanæ spectat. cap. 1. §. 1. de iustitia & iure. Quo in loco male legitur *Rei Romanæ*, legendum enim esse, *Reip. Romanæ*, ipsa publici iuris definitio postulat. In his autem quæ ad statum reipublicæ Romanæ spectabant, adhibitos olim antè legem regiam augures interdum & pontifices

Pontifices fuisse, populúmque in comitium vocari consuevisse, si quid Deo rite consecrandum esset si qui sacerdotes, si qui magistratus creandi, neminem tam mediocriter in historiis versatum puto, ut id ignoret. Proinde quonam iure tunc magistratus sacerdotesque crearentur, & consecrationes fierent, si quis interrogaret, nonne diceres iure publico? At postea quàm populus omne ius, omnemque potestatem suam in principem transtulit, quale ius in principem fuisse translatum dices? nonne ius populi? nonne ius publicum? Quid est enim aliud ius publicum, quàm ius populi? Quamobrem quis est qui non intelligat, publicum ius lege regia sublatum esse, & ob id nulla illius iuris in iure ciuili nostro extare vestigia? Sanè cum Aristonem peritissimum & priuati iuris & publici, partemque iuris publici, ius senatorium esse scriberet Plinius Epistolarum lib. 8. indicans ius publicum, eiusque partem senatorium lege regia prorsus abolitum esse, hæc verba subiicit: *Priorum temporum seruitus, ut aliarum optimarum artium, sic etiam iuris senatorij obliuionem quandam & ignorationem induxit. Quotus enim quisque tam patiens, ut velit discedere quod in usu non sit habuit?* Nec aliò mihi visus est Iuuenalis respexisse Sat. 10. sic de populo Romano scribens.

— Nam qui dabat olim
Imperium, fasces, legiones, & omnia, nunc se
Continet, atque duas tantum res anxius optat,
Pana & Circenses.
Idque considerans Vlpianus, *ius publicum in sacris, sacerdotibus, & magistratibus constituisse* ait, non autem, ut malè in omnibus exemplaribus, solis Florentinis exceptis legi videmus, consistere, d. §. 1. per sacra, non sacrificia, sed dedicationes, & consecrationes; per sacerdotes, solemnes eorum sortitiones, apprehensiones,

inaugurationes, electionesque; & per magistratus, comitia consularia, pratoria, tribunicia, ædilitia, & sic deinceps, intelligens. In iis enim omnibus publicum ius olim constitit. Eoque iure sublato, princeps loca publica dedicabat, non populus, cap. 9. de rer. diuis. Apud principem lege curiata præsentem populo arrogationes fiebant, quæ antea calatis comitiis auctore populo peragi etiam sine auctoritate principis iure publico solebant, teste Gellio Noc. Attic. libro quinto, cap. 19. Caio, cap. 2. de adopt. & Cicerone pro domo sua. Et certè apud principem arrogationes duobus fieri modis consueuisse, suo loco demonstrabitur, vno quidem lege curiata, altero lege regia. Lege curiata, præsentem conuocatoque populo; lege regia, per rescriptum sine præsentia populi. Idque hinc euidentissimum est, quod fœminæ, quas lege curiata arrogari posse negat Gellius, regia lege arrogantur rectè per principis rescriptum, c. 21. de adopt. Eadem lege regia princeps non populus sacerdotes faciebat. Quæ de re scribit ad hunc modum Plinius Epist. libro quarto. *Gratularis mihi quod acceperim auguratum. Iure gratularis: primum, quod grauiissimi principis iudicium in minoribus etiam rebus consequi pulchrum est. Idem Plin. Imperatori Traiano sic etiam scribit Epist. libro 10. Rogo dignitati, ad quam me prouexit indulgentia tua, vel auguratum, vel pretemuiratum, quia vacat, adicere digneris. Magistratus quoque principem creasse, non ex Modestina solum, cap. 1. de leg. Iul. amb. sed etiam ex eodem Plinio constat, qui libro quarto Epist. scribit: Vt nouissimus à Nerone factus est consul, ita postremus ex omnibus quos Nero consules fecerat, decessit. Illud nunc reliquum est, ut discipiamus quo sensu scripserit Papinianus, testamenti factionem non priuati, sed publici iuris esse, cap. 3. Qui test. fac. pos. Olim testamenti factio iuris idcirco fuisse publici*

publici videtur, quod testamenta, non minùs quàm magistratus, sacerdotes, consecrationes, adoptionesque, calatis comitiis *publica*, hoc est populi Romani, opus haberent auctoritate. At postea quàm sublato iure publico calatis comitiis testamenta condi desinissent, & priuato iure per as & libram sic conderentur, ut ne principalis quidem in iis interponeretur auctoritas, dubium non videtur, quin testamenti factio omnino publici iuris esse desierit: præsertim si rectè Theophilus ait, *cum primum per as & libram condi coeperant testamenta, tunc longo tempore antiqua illa calatis comitiis, & in præcinctu testamentorum genera in desuetudinem abiisse*. Erat igitur non publici, sed *privati iuris* testamenti factio tempore Papiniani, hoc est iuris ciuilis, habita videlicet consideratione antiquæ cuiusdam publici priuatique iuris differentiæ, lege regia prorsus abolita. Ad quam differentiam Papinianum suspicor respexisse; & sic notis scripsisse. *Testamenti factio non P. sed P. 1. est*. Hoc est testamenti factio non publici, sed *privati iuris* est. Et idcirco, aut notis decem non esse Tribonianum verisimile est, qui publici aut *privati iuris* testamenti factionem esse contendit; fieri certe eius librarios verborum transpositione, quod calatis comitiis, quod mihi non videtur, etiam Papiniani tempore fieri testamenta consueuisse. Nec iis assentior, qui Accursium secuti, testamenti factionem sic apud Papinianum interpretantur, quasi Papinianus contenderit, ius testamentorum faciendorum tribui iure publico & legibus. Nihil enim aliud apud Papinianum quaritur quàm testamenti factio, non quo iure cuiquam tribuatur, sed *cuius iuris sit*; hoc est, quo iure fiant testamenta, publico ne an priuato publico & ne an priuatim: sicut quarimus *magistratum creatio*,

*consecratio, aut adoptio, cuius iuris sit, hoc est, quo iure creentur magistratus, res consecrentur, adoptiones fiant. Est igitur privati iuris, non publici testamenti factio. Et licet legibus ea tribui rectè dicatur, malè tamen vitioseque habito alicuius privati iuris respectu, tribui publico iure eadem existimatur. Lege enim contra ius publicum penitus sublatum, in principem aboletur translatus esse, & per consequens omnem conditionem publici privatiq; iuris antiquam differentiam. Igitur non publico, sed civili, hoc est, privato iure tribui faciendi testamenti ius & potestas solet. Et hoc quidem toties dicendum est, quoties privato iuri publicum ius opponitur, quod ante legem regiam fieri perpetuò solebat. At postquam lex esset lata regia, quod ante eam legem privatum dicebatur, hoc tunc & esse & appellari ius publicum coepit. Quo sensu ius publicum accepisse visus est Papinianus, in cap. 15. §. 2. Ad legem Falcid. Et cum *ius publicum privatorum pactis mutari non posse* scriberet idem Papinianus, cap. 38. de pactis: non dubium est, quin *privatum*, hoc est civile ius, per *publicum* intellexerit. Atque hæc quidem habentenus de iure publico: de quo pessimè differunt & sentiunt omnes alij.*

CAPUT XIII.

Responsum quoddam Martiani integrum non videri, & illud quomodo restitui possit obiter demonstratum.

EX hoc quaesitum est, inquit Martianus, si ancilla prius expulsæ civitate, pepererit liberum, an servum pariat: & tamen rectius probatum est, liberum nasci, & sufficere ei, qui in ventre est, liberam matrem vel medio tempore habuisse. cap. 5.

cap. 5. § 3. de statu hom. Qui locum hunc interpretantur, sedulo conantur ostendere quomodo fœmina ciuitate expulsa libertatem perdat. Et quia deportatio ne libertas non adimitur, quæ deportatio expulsionis quædam species est, nonnulli idcirco de libertate quæ iuris duntaxat Quiritium est, hunc locum esse accipiendum contenderunt. Sed falluntur. Vnam enim eandemque libertatem ancillis iisque fœminis quæ expulsa sunt ciuitate, visus est ademisse Martianus. Et idcirco mihi planè persuasum habeo, locum hunc imperfectum esse, & sic restituendum: *Ex hoc quæsitum est, si ancilla prægnans manumissa sit, deinde ancilla postea facta, aut expulsa ciuitate pepererit, liberum an seruum, ciuem an peregrinum pariat: & tamen rectius probatum est liberum & ciuem nasci, & sufficere ei qui in ventre est, liberamque vel ciuem medio tempore habuisse.* Et hanc quintam restitutionem nostram vera huius responsi sententia omnino postulat. Duæ enim hîc à Martino proponuntur quæstiones diuersæ; vna quidem, de eo qui ex ancilla medio tempore libera natus est, altera vero de eo qui nascitur ex peregrina, quæ ciuis Romana etiam medio tempore fuit. Et ad vtramque quæstionem hanc visus est Martianus respondisse, liberum non seruum ex ancilla huiusmodi, & ciuem non peregrinum ex huiusmodi peregrina procreari; cap. 18. de statu hom. cap. 6. § 2. de hæred instit. cap. 2. §. 1. ad S. C. Tertull. Cur autem hæc verba, *Ciuem an peregrinum*, & alia his similia delata fuerint, illud fortassis in cāssa fuisse existimari potest, quod veteres peregrinitatis controuersias abolitas esse sibi persuasum Tribonianus habuerit. Eumque non reprehenderem, si hæc quoque verba, *Aut expulsa ciuitate*, deleri fecisset. Iis enim retentis & deletis aliis, dici non potest quàm sint omnia in hoc responso perturbata,

quàm absurda, ne dicam inepta. ipse Tribonianus sententiam hanc meam vehementer confirmat. Hunc enim eundem Martiani locum, iisdem planè verbis sub titulo de ingenuis, institutionum libro primo referens, hæc verba, *Aut expulsa ciuitate*, sciens prudens onusit. Quod sanè non fecisset, si ad aliam illam, quæ ab eodem Martiano tractabatur, peregrinitatis controuersiam, ea verba pertinere, tandem absolutis editisque pandectis, cum iam institutionibus componendis operam daret, non animaduertisset. Aut igitur in hoc responso delenda sunt hæc verba, *Aut expulsa ciuitate*, vel certè illa, quæ superius posui addenda. Et ita mihi videtur.

CAPVT XIII.

*De ludis Circensibus explicantur leges
quadam obscuriores.*

THEODORVS Balsamon Synodi quæ fuit in Trullo canonem interpretans 24. auctor est populum Circenses ludos exhibuisse expensis propriis, domos, equos, stabula, & redditus habuisse pro curriculis huiusmodi celebrandis. Idque sibi voluisse visus est Vlpianus, dum inter publica ciuilia munera, equorum Circensium spectacula referret, cap. 1. De muneribus. Cui planè consentaneum est, quod ad hunc modum in vita sancti Hilarionis scribit diuus Hieronymus: Sed & italicus eiusdem oppidi municeps aduersus Gazensem dauuaurum Marne idolo deditum, Circenses equos nuntiat. Hoc siquidem in Romanis v. bibus iam inde fertur à Romulo, ut propter felicem Sabinarum raptum, ab ipso quasi consiliorum Deo, quadriga septeno currant circum, & equos partis aduersæ fregisse victoria sit. Hic igitur amulo suo habente maleficum, qui demoniacis quibusdam

in imprecationibus, & huius impediret equos, & illius in-
 cret ad cursum, venit ad beatum Hilarionem, & non tam
 aduersarium ladi, quim se defendi obsecrauit. Ineptum vi-
 sum est venerando seni in huiusmodi nugis orationem perde-
 re. Cum subrideret & diceret: Cur enim non magis equo-
 rum pretium pro salute anime tue pauperibus erogas? Ille
 respondit functionem esse publicam, & hoc non tam se malle
 quam cogi: nec posse hominem Christianum uti magicis ar-
 tibus, sed à seruo Christi potius auxilium petere, maximè
 contra Gazenses aduersarios Dei, & non tam sibi quàm
 Ecclesie Christi insultantes. Rogatus ergo à fratribus qui
 aderant, scyphum fictilem, quo bibere consueuerat, aqua
 iussit impleri, eique tradi. Quem cum accepisset Italicus, &
 stabulum, & equos, & aurigam suum rhedam, carcerum-
 que repagula aspersit. Mira vulgi expectatio. Nam & ad-
 uersarius hoc ipsum irridens, diffamauerat, & fautores
 Italici certam victoriam pollicentes, exultabant. Igitur da-
 to signo, hi aduolant, isti præpediuntur; sub horum curru
 rursus feruent, illi præteruolentium terga vix cernunt: cla-
 rent, Marnas victus à Christo est. Hæc diuus Hierony-
 mus. Ex quo loco illud etiam videtur intelligi, quod
 de agitatoribus maleficum audientibus Valenti-
 nianus, Theodosius & Arcadius Imperatores scri-
 bunt: Quod si quisquam ex agitatoribus contra hoc inter-
 dictum venire tentauerit, ultimum supplicium non euadat.
 cap. fin. C. de malefic. Dubium enim non est, quin
 de iis agitatoribus senserint Imperatores, quos ma-
 leficum audientes, dæmoniacis quibusdam impreca-
 tionibus aduersariorum equos impediuisse, & suos
 ad cursum incitasse, scribit D. Hieronymus. Id enim
 minus solum, sed Arnobius etiam expressè testatus
 est, aduersus gentes lib. 1. sic de maleficis scribens:

*Quis enim hos nesciat, aut sine clauibus referare que clausi
sunt, aut ora silentio vincere, aut in curriculis equos debili-
tare, incitare, tardare? Eoque pertinet quod ita Cassio-
dorus Variarum libro tertio scribit: Suscepit partem po-
puli protinus inclinatum, & quos ipse fecerat tristes, labora-
uit iterum reddere letiores, modo agitadores arte superans,
modo equorum velocitate transcendens: Frequentia palma-
rum eum dici faciebant maleficum. Illud etiam observa-
ri solet, ut agitadores, omnesque alij qui satis deser-
uiunt certaminibus, ignominiosi non habeantur, c. 4.
in princip. de his qui not. inf. quamuis scripserit in li-
bro de spectaculis expressè Tertullianus, eos ignomi-
nia damnari solitos. De iis enim solis sentire Tertul-
lianum arbitror, qui quæstus causa in certamen pro-
deunt. Huiusmodi siquidem homines notari infamia
consueuisse, nec ipsemet inficias ire Vlpianus potest.
Eos, inquit Vlpianus, qui quæstus causa in certamina
descendunt, & omnes propter præmium in scenam prodeun-
tes famosos esse Pegasus & Nerva filius responderunt: ca-
pite 2. in fine, de his qui not. inf. Haud dubiè certa-
minum appellatione, Circensia etiam certamina in-
telligens. In huiusmodi enim certamina quæstus
causa nonnullos olim descendisse, satis indicat idem
Vlpianus, cum ita scribit: Equitij quoque legato usu vi-
dendum ne & domare possit, & ad vehendum sub ingo vi-
sed & si fortè auriga fuit, cui usus equorum relictus est,
non puto eum Circensibus his usurum; quia quasi locare
eos videtur. Sed si testator sciens eum huius esse institui
& vita reliquit, videtur etiam de hoc usu sensisse, cap. 12.
§. 3. De usu & habit. Sensus enim est, si auriga, qui
in certamen quæstus causa solet descendere, usus
equitij fuerit legatus aurigam illum equis huiusmo-
di in Circensi certamine hac sola de causa uti non
posse, quod ipse suam operam locans, equos etiam
quodam*

quodammodo videatur locare, quodque is cui rei aliquis relictus est usus, ipse quidem uti ea re possit, sed non utique alteri eam locare, aut commodare. Et id quidem tunc demum verum esse ait Vlpianus, si testator ignoret eum huius esse instituti, & vitæ, cui reliquit usum equitij. Nam si sciret testator, & sciens equitij legaverit usum aurigæ, de hoc usu videtur etiam sensisse. d. §. 3. Et hæc hæctenus de Circensibus ludis; de quibus si plura quis desideret, inueniet Tertulliani de spectaculis librum singularem, in quo tam perspicue de omnibus spectaculorum generibus discitur, ut prolixioribus commentarijs ea res vix ullis indigeat. Est etiam in 3. lib. Variarum Cassiodori epistol. quædam Theodorici ad Faustum, in qua plenissime Circensis totius certaminis ratio explicatur.

C A P V T X V.

Quæ sint inimicitie capitales.

SOLENT veteres, si quæ graues inter eos inciderebant simultates, amicitiam solemnem quadam ratione renuntiare, & inimicitias præsentibus superstitionibus profiteri. Quem morem euidenter visus est Suetonius expressisse in vita Claudij, cum scriberet, *Germanicum Pisoni amicitiam renuntiassse*. Verba Suetonij hæc sunt: *Ac ne tunc quidem ultra progressus, quam ut amicitiam ei renuntiaret, mandarétque domesticis ultionem, si quid sibi accideret*. Ad hunc morem videtur etiam Valerius Maximus respexisse, lib. 4. Ait enim *Tiberium Gracchum tribunum plebis inimicitias ex professo cum Africano & Asiatico Scipionibus gessisse*. Idem Valerius in eodem sic de Metello Macedonico scribit: *Acerri- me cum Scipione Africano Macedonicus dissenserat, eorumque ab emulatione virtutis profecta contentio ad graues te-*

statâsque inimicitias progressa fuerat. Nec id quoque vi-
sus est Sidonius Apollinaris ignorasse, qui sic Epist.
lib.7. scribit: *Inimicitias indictas honestè exercet. tardè cre-
dit, celeriter deponit.* Cicerò etiam auctor est, inimici-
tias olim denuntiari solitas. Sic enim pro Lucio Flac-
co scribit: *Etenim cum à clarissimis viris iustissimas inimi-
citas sapè cum bonè meritis civibus depositas esse viderem,
non sum arbitratus quengquam amicum reipublica, postea-
quam L. Flacci amor in patriam perspectus est, novus huic
inimicitias nulla accepta iniuria denuntiaturum.* His ad-
datur sic etiam lib.9. Epist. Senecam scripisse: *Inimici-
tias mihi denuntias, si quicquam ex his quæ quotidie facio,
ignoraveris.* Et de ira lib.3. Hortensius, inquit, *simultates
tibi indiceret, & Cicerò, si derideres crimina eius. inimicus
esset.* Et hæc quidem cum ita sint; nunc mihi videor in-
telligere, quales inimicitias appellauerint Iuriconsul-
ti *capitales.* cap.18. in fin. de procurat. cap.15. de recept.
arbitr. cap.6. de excusat. c.3. §.9. de administ. vel trans-
fer. leg. cap.9. de his quæ vt indign. §. Item si propter.
Instit. de excus. Eas nimirum, quas alter alteri testato
denuntiauerat. Certè quia sanguinem & vindictam vi-
spirabant ex professo, indèque capitales appellatæ vi-
deri omnino possunt. Nec aliud mihi voluisse visus
est Seneca, cum sic de ira libr.3. scriberet: *Quid iuvat
tanquam in æternum genitos iras indicare, & brevissimam
aetatem dissipare?*

CAPVT XVI.

*Explicatur Titulus 17. Libri secundi Codicis
Iustiniani Caesaris.*

EX T A T in secundo libro Codicis Iustiniani Ca-
saris huiusmodi titulus, *Vt nemini liceat sine indi-
cis auctoritate signa rebus imponere alienis.* Hic titulus
præter

præter insignem quam præ se fert obscuritatem, mendosus est. Quorsum enim illud *Alienis*? Sanè in antiquis exemplaribus non *Alienis*, sed *quas alius detinet*, expressè scriptum inuenimus in hac epigraphe, eaque mihi lectio visa est probabilior. Sub hoc enim titulo duæ ponuntur diuersorum principum constitutiones & in utrâque non de rebus alienis, sed de ijs mobilibus rebus controuersis agi videtur, *quas alius detinet*, hoc est, quæ aut apud iudicem ipsum, aut apud sequentem, aut etiam in aede apud adituum custodia causa deponuntur. Idque significare videntur hæc verba; *Rebus quas alius detinet: rebus quas alius tenebat: rebus & fructibus apud te constitutis*. Huiusmodi rebus imponi signa noluerunt Imperatores, hoc est annulis signa imprimi. Idque Festi auctoritate confirmatur, quem sic scripsisse accepimus: *Signare significat modò scribere, modò annulo signa imprimere, modò pecora signis notare*. Huic etiam illud consentaneum est, quod ad hunc modum de asino libr. 10. scribit Apuleius: *Sed ne fortè aliquis inquam istorum, quos offers, aureorum nequam vel adulter reperiatur, in hoc ipso sacculo conditos eos annulo inoprenota, donec altero de nummulario presente comprobentur: sic inductus signauit pecuniam*. Et paulò post: *Donec iussu magistratum ministeria publica contrectatis nequissimi serui manibus, annulum ferreum deprehensum cum signo sacculi conferunt*. Adde, moris olim fuisse ut res quisque suas etiam minutissimas annulo signaret. Idque testatus est expressè Plinius Nat. hist. lib. 33. cap. 1. sic enim scribit: *Quæ fuit illa priscorum vita, qualis innocentia, in qua nihil signabatur? At nunc tibi quodæque & potius vindicantur annulo à rapinis*. Eoque non de M. Popilio ita scribens: *Unum etiam de mulis quæ affidebant, ultimo complexu & osculo dignam indicauit, semperque*

*semperque annulos quoque suos ei tradidit; videlicet ne quid ex ea hereditate, quam non erat aditurus, amitteret. Quibus etiam non incommodè addi potest, quod de claudius & annulis maiori natu filiae traditus scribit Papinianus. cap. 77 §. 21. de leg. 2. Et ex his quidem locis omnibus satis arbitror intelligi posse, sic imponi rebus litigiosis signa Imperatores vetuisse, ut nullos ex litigatoribus rebus controuersis custodiæ sequestrationisve causâ depositis, sine iudicis auctoritate, signa imponere tanquam proprijs paterentur. De rebus autem litigiosis in hoc titulo tractari ex his verbis probari potest, *Ante sententiam*; & ex illis, *Ut amotis huius causâ que ex officio tibi infertur, terminetur*. Cur autem passi non sint Imperatores huiusmodi rebus imponi signa, hæc proferri ratio potest; nimirum quod signa rebus duntaxat proprijs potuerint imponi; quarum numero non posse res litigiosas comprehendit, tam palam est, ut huius rei causâ nullius Iurisperiti schola intranda sit. Porro de his qui titulos prædijs suis vel alienis imponunt, scripturus fauente Deo sum alio loco, titulum illum, quem huc referendum plerique somniant nouo veròque sensu explicaturus.*

CAPVT XVII.

Quo sensu scripserit Celsus, Pecuniam sine peculio fragilem esse.

IGNORANT interpretes quid sibi voluerit Celsus cum ita scriberet: *His verbis, Que ibi mobilia meæ erunt, do lego, nummos ibi repositos ut mutui darentur, non esse legatos Proculus ait; at eos, quos præsidij causâ repositos habent, ut quidam bellis civilibus factitassent, eos legato contineri; et audisse se rusticos senes ita dicentes, Pecuniam sine peculio*

peculio fragilem esse: *peculium* appellātes, quod *praesidi* caus-
sa seponeretur. c. 79. de legat. 3. Varro scribit, de lingua
Latina lib. 4. *praesidium* esse dictum, quia extra castra pra-
sdebant in aliquo loco, quo tutior regio esset. Sive, ut Festus
definit, *praesidium* est, quod utilitate & salute alicuius, au-
xilij gratia praepositur. Sunt ergo milites *praesidarii* qui
utilitate & salute totius exercitus, extra castra praeside-
bant, hoc est, qui castris auxilij gratia praeponebantur:
Hinc deinde factum videri potest, ut pro exercitu pra-
sidium veteres interdum posuerint per Seneccochen.
c. 5. in prin. de cap. & postl. Et sic quod reponitur *praesidi*
causa, recte exercitus causa dici repositum potest.
Nam cum ad Attic. scriberet Cic. *Italiam totam armis* †
praesidiisque teneri, an non per *praesidia* *omnes* exerci-
tus intellexit? Vlp auctor est, ob transitum exercitus con-
ferri quid a rusticis ex fructibus olim solitum. cap. 27. §. de
usu. Proinde quis hinc non intelligit, quid sibi Celsus
& Proculus voluerint, cum pecuniam sine *peculio* scribe-
rent esse fragilem? *Peculium* est, inquiunt illi, quod praesi-
dij, hoc est exercitus transeuntis causa seponitur: siquidem
tunc ex fructibus sic conferre solent rustici, ut aut cer-
tam praestarent fructuum portionem, aut eam certa
nummorum quantitate redimerent. Proinde qui ho-
ni esse patres familias volebant, hi seponebant certam
pecuniae summam, qua huiusmodi fieri, ut saepe bellis
civilibus contingebat, fructuum redemptio posset. Et
quod ita sepositum erat, appellant rustici *peculium*
suum. Fortassis ea ratione qua servile *peculium* no-
men accepit. Quemadmodum enim hac potissimum
ratione *peculium* sedulo conuasant servi, ut tandem
se *peculio* suo redimant ex servitute; sic rustici, ut mi-
sidij debitam redimeret fructuum portionem pra-
positione seponebant nummos aliquot. Sine qua se-
positione omnis eorum pecunia tam fragilis erat, ut

ea exercitu transeunte plerūque tota prodigeretur. Possē etiam hunc locum sic intelligi, vt *praesidij causa* dicatur *id seponi*, quod militum metu absconditur, partim fortassis ex prauis militum moribus, partim etiam ex his Celsi verbis, *Vt quidam bellis civilibus fecit assen*, obscurum quibusdam non videtur. Sed magis arridet interpretatio prior. Certē quia causam praesidij ad praesidij metum trahere durum est.

CAPVT XVIII.

*Emendatur, & explicatur Cap. Vltimum,
D. De in integ. restitut.*

EXISTIMO apud Macrum pro *Contra rem publicam* omnino legendum esse, non *Contra rem iudicatam*, sed *Contra rem publicatam*, in d.c.vlt. Quasi ita scriptum fuerit, *Contra rem public.* quod tam rem publicatam quam rempublicam significat, vt sit sensus, non solam minori viginti quinque annis, & maiori causa reipublicae absenti contra rem iudicatam succurri, sed etiam *contra rem publicatam* hoc est etiam post rei iudicatae executionem, nimirum cum iam à creditoribus res addicta *publicatur*, hoc est venalis proscrbitur. Id enim quod publice propositum erat venale, siue ad publicam ararij, siue ad priuatam spectaret alicuius commoditatem, *publicari* propriè dicebatur, c.ii. §.i. in fine, quod vi aut clam. Quo sensu edictis *publicare* in libro Aduersus Constantium Augustum scribit Hilarius. *Vel detracta templis*, inquit, *vel publicata edictis, vel exacta poenis Deo ingeris*. Et id quidem adeo verum est, vt etiam illi qui proscribebantur, *publicari* dicerentur, quemadmodum ex Tert. & Suet. constat. Sic enim in lib. de fuga in persecutione scribit Tertulianus; *Publicaris* inquit, *bonum tibi est, qui enim non publicatur*

dicatur in hominibus, publicatur in Deo. Et Suetonius in Claudio: Libertinos, qui se pro equitibus Romanis agerent, publicauit. Eoque etiam pertinet illud Lampridij in Alexandro Mulieres infames, quarum infinitum numerum deprehenderat, publicari iussit, exoletis omnibus deportare. Quod enim à præcone proclamatur, id rectè publicari etiam dicitur. Res quæ ad ærarium deferrebantur, simul atque edictis essent publicata, apud ærarium interdum auersione, plerumque sectione distrahebantur. Quod qua ratione accipiendum sit, alio loco demonstratum est. Hac autem verba, Cognita scilicet causa, sic etiam accipienda puto, quasi contenderit Malacæ cognitione, hoc est extra ordinem minori, & appellationis medio, hoc est ordinario iure maiori in hac specie succurri. c. 17. & 42. de minoribus. Ea, nisi fallor ratione, qua sic apud Suetonium in vita Claudij scriptum inuenimus: Alium interpellatum ab aduersariis de propria lite, negantemque cognitionis rem, sed ordinarij iuris esse, agere causam confestim apud se coëgit.

C A P V T X I X.

Quid sit apud Vlpianum, Extra ordinem ferias indicare.
FERIAS indici & proclamari consueuisse auctor est M. Varro. Sic enim de lingua Latina libro 5. scribit: In Tusculanis sacris est, vinum nouum ne vehatur in orbem antè quàm vinalia kalentur. A quibus autem fuerint olim feriæ proclamata, idem Varro in eodem libro his verbis manifestum facit: Rex cum ferias menstruas Nonis Februariis edicit, hunc diem februaria appellant Et paulò post: Harum rerum vestigia apparent in sacris Nonalibus in arce: quod tunc ferias primas menstruas quæ futura sint eo mense, rex prædicit. Ex quibus locis

locis satis perspicuum est, regem sacrificulum singulorum mensium ferias proclamasse. Videlicet (vt Arnobius aduersus gentes lib. 7. scribit) hunc in modum: *Lauatio Deum matris est hodie: Iouis epulum cras est: Æsculapij geritur, celebraturque vindemia: Lectisternium Cereris erit Idibus proximis: Telluris natalis est.* Præterem etiam ferias, quæ Compitalia dicebantur, more maiorum verbis olim solemnibus, concepisse, Gellius lib. 10. cap. 24. & Macrobius lib. 1. Sat. cap. 4. auctores sunt. Postquàm enim modo die quinti, modo die quinte veteres dixisse docuissent, ad demonstrandam hanc veterum consuetudinem conferre plurimum addiderunt, hæc solennia verba, quibus more maiorum Compitalia prætor concipere solet: *DIE NONI POST CALENDAS IANVARIAS QVIRITIBVS COMPITALIA ERVNT.* Nec quidem Compitalitias duntaxat, sed etiam ferias omnes conceptiuas, & imperatiuas indicere prætorem consueuisse, ex eodem Macrobio & Suetonio probari potest. Sic enim in Claudio scribit Suetonius: *Observauitque sedulo, vt quoties terra in vrbe monisset, ferias aduocata concione prætor in vrbe indiceret.* Et Macrobius; *Feriarum, inquit, publicarum genera sunt quatuor. Aut enim statimæ sunt, aut conceptiuæ, aut imperatiuæ, aut nundinæ. Et sunt statimæ vniuersi populi communæ, certis & constitutis diebus ac mensibus, & in Fastis statis obseruationibus annotatæ: in quibus præcipuè seruantur Agonalia, Carmentalia, Lupercalia. Conceptiuæ sunt quæ quotannis à magistratibus vel sacerdotibus concipiuntur, in dies vel certos vel etiam incertos: vt sunt Latina, Paliganalia, Sementina, Compitalia. Imperatiuæ sunt, quas contul sunt paganorum, id est, rusticorum, quibus conueniunt negotiis propriis vel mercibus prouisuri.* Hæc Macrobius Saturnal. lib. 1. cap. 16. Indicebat igitur ferias prætor, in dicebat

dicebat etiam ferias rex sacrificulus: Hic quidem sacrorum rite peragendorum, ille vero solius à foren-
sibus negotiis vacationis gratia. Quæ cum ita sint,
non esse nunc admodum obscurum puto quid sibi
voluerit Vlpianus cum ita scriberet: Si feria extra or-
dinem sint indicta, ob res putà prospere gestas, vel in honorem
principis, & propterea magistratus ius nō dixerit, C. Cassius
nominatim edicebat restitutum se, quia per prætorem vi-
deatur factum. Solennium enim feriarum rationem haberi
non debere, quia prospicere eas potuerit & debuerit actor,
ne in eas incidat. cap. 26. §. 5. Ex quib. caus. maior. Sen-
sus enim est, si prætor extra ordinem ferias indixe-
rit, & per hoc exempta actori sit actio temporalis,
quod eo die magistratus ius non dixerit, hoc est quod
dies ille nefastus fuerit, actionem eiusmodi resti-
tuendam esse, quod non per actorem, sed per præ-
torem qui extra ordinem ferias indixit, actio exem-
pta sit. Et quia huiusmodi feriæ, quas imperatinas ap-
pellant, non possunt prospici; ideo etiam omni carere
culpa videtur actor. quod utique non fieret, si solenni-
bus, hoc est statutis feriis actio exempta foret. Hu-
iusmodi enim feriæ, statis observationibus in albo
factorum annotatæ, facile potuerunt sine aliqua in-
dictione ab actore præiudici. Et ita satis esse perspi-
cuum puto, quid sit apud Vlpianum extra ordinem fe-
rias indicare.

C A P V T X X.

De ordinariis, vicariis, & mediastinis seruis.

ADIVERSIS ministeriis & servilibus officiis,
diuersa olim nomina habebant serui. Aut enim
erant ordinarij, aut erant vicarij, aut denique media-
stini.

stini. Et ex ordinariis quidem seruis alij actores dice-
bantur, alij silentiarij, alij atrienses, alij procuratores,
alij dispensatores, alij tabularij. Inter vicarios verò
numerari possunt, ostiarij, ministratores, sympho-
niaci, cubicularij, histriones, focarij, coci, lecticarij,
cursores, palestrite, balneatores, capsarij. Ad hanc ser-
uorum differentiam in Paradoxis visus est respexisse
† Cicero, in quodam deprauatissimo loco, quem ego sic
restituendum censeo: *Atque ut in magna familia sunt
alij lautiores, ut sibi videtur serui, sed tamē serui: sic in ciuita-
te, atrienses ac pari stultitia sunt, quos signa, quos tabule, quos
calatū argentū, quos Corinthia opera, quos adificia magnifica
nimio opere delectant. At sumus, inquit, principes ciuita-
tis. Vos vero ne conseruorum quidē vestrorum principes estis.
Sed ut in familia, qui tergunt, qui ungūt, qui verrūt, qui spor-
gunt, nō honestissimum locum seruitutis tenent: sic in ciuitate,
qui se istarum rerū cupiditatibus dediderunt, ipsius ciuita-
tis locum pene infimum obtinēt. Hæc Cic. legitur passim
Atrienses ac tu pari stultitia sunt. Ego vero sic locum
hunc restituo, ut contendam desiderari hæc verba, Sic
in ciuitate, & pro *Ac tu*, omnino *Ac hi*, legendum esse.
Vtitur enim Cicero quadam ad priuatorum familias
ciuitatis collatione. Cum igitur sic scriberet, *Atque
ut in magna familia, &c.* nonne subsequi necessario de-
buit, *Sic in ciuitate?* Quid? An non id liquido demon-
strant hæc subsequētia verba? *Sed ut in familia, qui
tergunt, qui ungunt, &c. sic in ciuitate, &c.* Cæterum qui
fuerint ordinarij, vicarij, & mediaštini serui, non fa-
ctis constat. In manuscripto meo de verborum iuris
significatione antiquissimo libello sic scriptum inue-
ni. *Seruus ordinarius est, qui aliis seruis prepositus est: seruus medi-
vicarius est, qui seruo subministrat ordinario: seruus media-
stinus est, qui medium gerit actum, nec inter ordinarios ser-
uos, nec inter vicarios, sed medius inter hos & illos: communis**

ordinarius est. Auctor est Vlpianus, *ordinarios servos sub se
habuisse, iisque velut dominos sic imperasse ut vicarij
cum suis pecuniis in peculio ordinariorum. cap. 6. 7. &
de pecul. cap. 5. in princ. de tribut. act. indeque vi-
carjos servos peculiares nuncupatos esse, passim tradi-
tum est. cap. 3. §. miles. de suis & legit. cap. 21. de pe-
culio legato. Vnde etiam perspicuum est, quo sensu
scripserit apud eundem Vlpianum Pomponius, cum
qui in servitute peculiaria mancipia prostituta habuit, infam-
ia notari post libertatem. cap. 4. §. 1. in fine. de his qui
not. infam. Dubium enim non est, quin de servis or-
dinariis, vicaria mancipia sua prostituentibus, sensu
in hoc loco Pomponius. Inter ordinarjos servos,
actores, procuratores, dispensatores, & silentarios
esse referendos, ex Saluiano didici, qui lib. 4. de pro-
bit. Ad fugam servos non miserie tantum, sed etiam suppli-
cia compellunt. Paudent quippe actores, paudent silentarios,
paudent procuratores, prope est ut inter istos omnes nullorum
dantur, quam dominorum suorum: ab omnibus ce-
duntur, ab omnibus conteruntur. Quid amplius dici potest?
Multi servorum ad dominos fugiunt, dum conseruos timent.
Vnde illorum fugam non tam ad eos debemus referre qui fu-
gunt, quam ad eos qui fugere compellunt. Vim patiuntur in-
felicissimi, famulari optant & fugere coguntur, discedere
a servitio dominorum suorum omnino nolunt, & conseruo-
rum suorum crudelitate non permittuntur ut serviant.
Mendaces quoque esse dicuntur, ad mendacium nihilominus
a civitate presentis supplicij coarctantur. Siquidem dum tor-
mentis se volunt eximere, mentiuntur. Quid autem mirum,
Nec Saluianus. Quib. addi non incommode potest,
quod sic de Nerone scribit Suetonius: Mox tribus vr-
banas ad sacramentum citavit, ac nullo idoneo respon-*

676 IACOB. RÆVARD. TOM. I.
dente, certum dominis seruorum numerum indixit. Nec nisi
ex tota cuiusque familia probatissimos, ne dispensatoribus
quidem aut amanuensibus exceptis, recepit. Seruus cui re-
rum omnium summa imminet, & earum administra-
tio commissa est, actor dicitur. de quo sic Columella
lib. 1. de re rustica, scribit: Ita fit, ut & actor & familia
peccent. Et paulo post: Idemque actori precipiendum est, ne
conuictum cum domestico, multoque minus cum extero ha-
beat. De seruo actore visus est etiam sentire Plautus
cum sic in Asinaria scriberet:

Nam si sciet noster senex fidem non esse huic habitam,
Succenseat, quoi omnium rerum ipsius summam credidit.
Eoque respexit Apuleius de asino aureo lib. 8. Seruus
quidam, inquit, cui cunctam familia tutelam dominus per-
miserat suus, quique possessionem illam maximam in qua di-
uerteramus villicabat, habens ex eodem famulatio conseruam
coningam, libera cuiusdam extrarieque mulieris flagrabat
cupidine. Ab actore differt procurator, differt etiam
dispensator. Procuratori supellectilem & cellaria
credi consueuisse, auctor est lib. 3. de prouid. Dei Sal-
uianus, sic enim scribit: Sicut serui hominum diuitum
aut procuratores, quibus vel supellectilis copiosa, vel cellaria
opulenta creduntur, fideles absque dubio dici non queunt, si
res traditas deuorarent, sic profecto etiam Christiani homines
fideles non sunt, si bona sibi à Deo assignata corrumpere. Sic
procuratorem accepisse visus est Vlpianus: Senatus
censuit, inquit, ne fugitiui admittantur in saltus, neque pro-
teantur à villicis, vel procuratoribus possessorum. capitulo
primo in princip. de seruis fugit. Dispensatoris au-
tem officium fuisse videtur, seruis reliquis vitata
quædam per canonem certum stipendia, certosque
frumenti modios in mensem præstare. cap. 88. §. 11.
de leg. 3. capit. ult. §. 3. de verb. obligat. Idque ex eo-
dem Saluiano, Terentio, & Donato satis potest in-
telligi.

Uigi. Saluianus enim libro quarto de prouidentia
sic scribit : *Ac primum serui , si fures sunt , ad furan-*
tem forsitan egestate coguntur ; quia etiam si iis stipendia
præstentur , consuetudini hæc magis quàm sufficientiæ
satisfaciunt , & ita implent canonem , ut non expleant satie-
rationem . Eoque pertinet quod sic Terentius in Phor-
mone scribit :

Quod ille vnciatim vix de demenso suo
Suum defraudans genium compar sit miser ,
Id illa vniuersum abripiet .

In quem locum Donatus , *Serui , inquit , quaternos mo-*
dios accipiebant frumenti in menscm , & id demensum dice-
batur , utrum à mense , an à metiendo , incertum est . Idque
evidenter etiam probari ex Plauto potest in Stichō ,
qui sic Antiphonem seruos suos alloquentem intro-
ducit .

Vos meministis quot calendis petere demensum cibum ,
Qui minus meministis quod opus sit factō facere in
edibus .

In hoc enim loco quot calendis , pro quot mensibus posi-
tum est ; hoc est in menses singulos . capit. 12. §. 2. quand.
dies leg. ced. Hinc etiam intelligimus quid sit apud
Vlpianum cibaria mandare , in frag. tit. 12. *Pro herede*
geri , inquit Vlpianus , qui rebus hereditariis tanquam
dominus utitur , veluti qui actionem rerum hereditiarum
facit , aut seruis hereditariis cibaria mandat . Sensus enim
est , qui dispensatori familiæ testatoris iubet seruis
hereditariis dare cibaria , hoc est canonem consuetum
sue demensum , cum per hoc pro herede gerere . Hæc
de seruis ordinariis . De mediastinis seruis & vicariis
nunc dicendum est : Cum hunc in modum scriberet
Vlpianus : *Etenim multum interest qualis seruus sit , bone*
an qualis qualis , cap. 15. §. 31. de iniuriis . tres haud

dubiè visus est seruorum differentias posuisse, sic quidem vt alios contenderit ordinarios esse, alios vulgares siue vicarios, alios denique mediastinos, per mediastinos intelligens qui nec inter ordinarios, nec inter vicarios referebantur. §. pœna autem. Inst. de iniur. quamuis aliter Porphyrius & Acron in hunc Horatii versum de mediastinis sentiant:

Cum mediastinus tacito pede rura petebat.

Rectius profecto à Nonio Marcello non balnearum duntaxat, sed ædium quoque ministri & curatores, mediastini definiuntur, hoc est, vt mihi quidem videtur, qui curam habebant sacrorum tectorum. Curatores igitur & ministri ædium nec vicarij sunt, nec ordinarij, sed tertiam quandam seruorum constituunt differentiam, & mediastini, quasi inter ordinarios & vicarios medijs, nuncupantur. Et hoc quidem verum omnino est, si nullos huiusmodi serui sub se vicarios habeant. Si enim haberent vicarios, non amplius mediastini, sed ordinarij dicebantur. Idque sibi visus est Vlpianus voluisse cum atrienfes inter mediastinos referret. capitulo primo, §. 4. nautæ, caupones. De iis haud dubiè atriensibus sentiens, qui nullos in peculio seruos habebant. Et sic quidem omnes illi serui inter mediastinos referendi sunt, qui nullos sub se vicarios habebant. Quo sensu Modestinus accepisse etiam mediastinum videri potest, capitulo ult. de op. ser. Inter vulgares, siue vicarios seruos, topiarij, pastores, saltuarij, ostiarij, dietarij, numerandi sunt, quorum meminit Vlpianus capitulo octauo & duodecimo, §. 22. de inst. & instructo legat. De ostiariorum officio scribit ad hunc modum eleganter Saluianus de prouidentia Dei libro tertio. Siquidem intra ianuas non modo illustrium portarum, sed etiam presidum, aut prepositorum, non omnes passim intrare presumunt, nisi quos aut iudex vocauerit.

aut negotium traxerit, aut ipsa honoris proprij dignitas
 perire permiserit, ita ut si quispiā ingressus insolenter fuerit,
 aut cedatur, aut propellatur, aut aliqua verecundia & exi-
 mationis sua labe mulctetur. Eoque respexisse arbitror
 Senecam libro 2. de tranq. vitæ. Domus
 hac sapientis angusta, sine cultu, sine strepitu, sine apparatu,
 nullis observatur ianitoribus, turbam venali fastidio digerent-
 bus; sed per hoc limen vacuum, & ab ostiariis liberum,
 fortuna non transit. Et paulo ante: Ille pusilli animi est, qui
 sibi placet quod ostiario licere respondit, & virgam eius fre-
 git. Videntur etiam ostiarij ad ostium catena fuisse
 religati. Sic enim Amorum lib. primo scripsit Ovi-
 dius:

Ianitor indigne dura religate catena,

Difficilem moto cardine pande forem.

Idque etiam ex Afranio cognosci potest, quem Fe-
 stus & Nonius aiunt sic in Vopisco scripsisse:

Ostiarij impedimenta titinnire audio; verbum

Tinnire idem esse quod sonare, indeque

titinnabulum appellari

contententes.

* *

Finis primi Tomi.

I A C O B I
R Æ V A R D I
B R V G E N S I S I V R I S -

CONSULTI TRIBONIANVS,

sive de veris vsucapionum differen-

tiis aduersus Tribonianum,

Liber singularis.


E I V S D E M

Ad legem Scriboniam Liber singularis.

T O M V S II.

V u 5

S Y M



SVMMA HVIVS COMMENTARII

CAPITA.

1. De duplici possessionis causa.
2. De iuris civilis consideratione duplici, & illi quomodo derogatum vel abrogatum fuerit.
3. De tempore in vsucapionibus lege decemuirali constituto.
4. In vsucapionibus biennij tantum & anni unius spacium cur à decemuiris sit constitutum.
5. Edicto pratoris derogatum fuisse legi de vsucapionibus decemuirali.
6. In locum biennij longum tempus eodem edicto surrogatum fuisse.
7. Quod vsucapi poterat, id longa possessione capi potuisse.
8. Iuris auctoritate quomodo ab antiqua differat vsucapio noua.
9. Quomodo item tempore discernantur vsucapio vetus & noua.
10. Et an loco differant.
11. Falsum esse quod à nonnullis traditum est, loco vsucapionis longa possessione capionem repositam esse in nostris pandectis.
12. Et cur id fieri non potuerit vera ratio tradita.

NOVI QVARVNDAM LEGVM INTELLECTVS EX PANDECTIS.

11. Epist. de confir. pand. §. tanta.
10. l. 8. de inst. & iur.
12. l. 10. si seruit. vind.
12. l. 13. §. Iulianus. de iure iur.
9. l. circa finem. de aq. & aq. pl. arc.

- 9. *l. si Eod. tit.*
- 10. *l. 3. de acq. poss.*
- 1. *l. 4. §. si viam habeam, de usurp.*
- 8. *l. 1. in fine de superfic.*
- 9. *l. 3. de acq. quot. & est.*
- 7. *l. 9. de diuers.*

EX CODICE.

- 11. *Epist. de no. Cod. fac. §. quibus specialiter.*
- 7. *l. 1. de ser. fugit.*
- 7. *l. 2. in quib. cau. cess. long. temp. presc.*

EX INSTITUTIONIBVS.

- 10. *§. 1. de usucap. in quo totius disputationis cardo vertitur.*



TRIBO

TRIBONIANVS,
SIVE DE VERIS VSV-
CAPIONVM DIFFERENTIIS
ADVERSVS TRIBONIANVM
Liber singularis

IACOBI RÆVARDI IC.

VSVCAPIO in iis prudentum responsis, i
ex quibus pandectarum libri compositi
sunt, sic accipienda est, vt eam inter-
dum ad solius referamus iuris, nulli fa-
cti habita ratione, intellectum; quo modo res sacras,
sanctas, publicas, & liberos homines vsucapionem
non recipere Caius interpretari visus est, cap. 9. de
vsurp. Non enim de eo apud Caium controuertitur,
an vnus, duorum, decem, vel viginti annorum pos-
sessione res sacræ, sanctæ, publicæ, & liber homo
capi possint, sed an omnino vsu non possint acquiri.
Antequam igitur de temporis distinctione agi po-
terat, necessum erat rerum, de quarum vsu tracta-
batur, conditionem qualitatemque inspicere, sique
eius esse conditionis viderentur, vt vsu possent ac-
quiri, tunc demum ad temporis distinctionem ve-
niendum erat, videndumque an vnus duorumve, an
& ita quæ nudis inhærebat iuris limitibus vsucapio,
in facti transibat necessitatem. Nam sic quoque non-
nunquam accipiebant vsucapionem prudētes, vt in
ea cum facto ius vellent confundi; veluti cum dici-
mus

mus res siue immobiles siue mobiles vsucapi posse, sic iuri factum cohæret, vt alterum ab altero diuelli nequeat, aut segregari. Duplicem enim causam talis habet possessio, qualē in vsucapione requirunt prudentes, qui sine possessione vsucapionem contingere posse negant. vna facti est, de qua sic Papinianus scribit, *Possessio autem plurimum facti habet; causa vero facti nō continetur postliminio. cap. 19.* Ex quib. caus. maior. Altera verò iuris est. Quæ quidem facti iurisque causæ, ni simul coniunctæ æquali gradu parique, vt ita loquar, passu ambulant, ad vsucapionem prodessse non poterant. cap. 2. §. separata, Pro empr. Nec sine vsurpatione iusta alteri per alteram præiudicabitur. Proinde si cum viam per tuum fundum haberem, tu me ab ea vi expelleres; hæc quasi possessionis interruptio naturalis nullum iuris causæ præiudicium adferebat: quia, vt indicat Paulus c. 4. §. penult. de vsurp. etiam si vna meæ possessionis causa, quæ facti est, mihi ablata sit, non tamē de mero, quod in via mihi superest, iure, id est, de iuris, quæ sola superest causa detrusus videor: factum siquidem factum tolli potest, ius verò iure quidem partim, partim vero tum nostro tum prætoris factum, quod legis vigorem habet, solet immutari. Ergo si me vi expuleris à via, vnam mihi meæ possessionis causam, quæ facti est, interrupisti. c. 5. de vsurp. mera interim iuris causa salua manēte, quàm ius idcirco merum Paulus vocat, quod sine factum via, quæ causas iuris & facti coniunctas habuerat ex solo meroq. iure, id est, ex nuda iuris causa constabat. Et nisi per interdictum ad facti causam cum aduersario meo experiar, mero iure sine facto vt nō acquirere, sic nec viā potero retinere, quia, inquit Paulus, *ius incorporale non intelligitur possideri, nimirum eo modo quo res corporales, possideri intel-*

untur, hoc est, sine facto, cum aliqui seruitutes
 quasi possideri passim dicantur, c. 10. Si seruit. vind. Si
 enim res corporalem, puta vestem, possideam, quamuis
 vestem non utar; mihi tamen ea auferri non debet, quia
 vestem sine usu à me possideri intelligitur; verum si per
 tuum fundum habeam viam seruitutem, & via non utar,
 intelligor viam possidere sine usu, & proinde longo
 tempore amitti, fundoque seruitus excludi potest.
 Itaque si negligentia per longum tempus, qua proprio
 non possum, saltem prætoris auxilio via non utar,
 quemadmodum *mero iure*, hoc est sine facto, ea non
 acquiritur, sic acquisita mero iure non retinetur. Et
 hoc illud est, quod Paulus obscurè satis hunc in mo-
 dum scribit, *Si viam habeam per tuum fundum, & tu me*
ab ea vi expuleris, per longum tempus non utendo amittam
viam: quia nec possideri intelligitur ius incorporale, nec de
via quis, id est, mero iure detruditur. d. cap. 4. Quo in lo-
 co non desunt qui per merum ius iuris civilis subti-
 litem intellexerunt, quod ab intentione iuriscon-
 sulci quàm sit alienum, ex hoc nomine intellectu no-
 uo facile æquus arbiter estimabit. Omnis itaque usu-
 capio duplicem requirit possessionis causam, vnam
 facti, alteram iuris. Factum ipsam possessionem siue
 detentionem in rebus corporalibus natura conficit,
 in corporalibus usum requirit, ius dominiū ei attri-
 buit, statamque auctoritatem, qui rem aliquam pos-
 sedit vel quasi possedit tempore lege definito.

Atque huius porro temporis distinctionem fuisse
 duplicem satis probabile est, vnam ex leg. 12. tabu-
 lar. & ex quadam iuris noui prærogatiua legi derogan-
 te alteram promanantem. In scripto namque civili
 Romanorum iure duplicem excogitarunt distinctio-
 nis considerationem prudentes; vnā quidem ius vetus
 sue antiquum, alterā verò ius nouum illud volebant
 appel

appellari, antiquū solis 12. tabular. legibus; nouum
 vero legibus tam tribunitiis quàm cōsularibus, prin-
 cipumque rescriptis concludentes. Hinc vt antiqua,
 sic etiam lege noua deferri hæreditatem Vlpianus,
 » Caius, & Pomponius scripserunt. *Vetus sola hæreditas*
 » inquit Vlpianus, *quæ lege 12. tabularum deferretur, capitis*
 » *minutione perimitur: noua vel ex lege, vel ex SCtis delata,*
 » *non perimuntur capitis diminutione, cap. 1. §. 7. ad sena-*
 » *tusc. Tertull. Caius quoque, Hæreditas, inquit, ad nos*
 » *pertinet aut vetere iure, aut nouo. vetere, è lege 12. tabul.*
 » *nono sunt hæredes omnes qui ex senatusconsultis, aut ex con-*
 » *stitutionibus ad hæreditatem vocantur, capit. 1. & 3. de*
 petit. hæred. Denique legitimæ hæreditates alias ex 12.
 tab. legibus, alias item ex legibus venire nouis aperte testa-
 tus est Pomponius cap. 11. De suis & legit. Vnde sa-
 tis est perspicuum, iuri olim antiquo nouo iure sa-
 pius derogatum fuisse, non vt lex æneis insculpta ta-
 bulis desuetudine aliqua expungenda foret, verum
 vt quæ humaniorem temporis necessitate interpre-
 tationem aut vsum requirere videbatur, vel cum
 exceptione proferretur, vel omnem amitteret iuris
 auctoritatem nouo placito abrogata. Cum enim lege
 cautum erat, vt auctor ad Herennium refert, in ius vo-
 catus vt iret, prætor edicto legem hanc non sustulit, sed illa
 est interpretatus, in ius vocatus vt eat, aut satis vel cautum
 daret. Lex in ius vocatū sequi iubet; prætor viua legis
 vox non cogendum venire in ius aduersarium edi-
 cto statuit, si satis vel cautū daret. Ius enim honorarium
 adinuandi, supplendi, corrigendique iuris ciuiliis gratia esse
 introductum Papinianus auctor est, c. 7. de inst. & iu-
 re, nulla iuris antiqui aut noui habita distinctione;
 adeo quidem vt interdum contra SCta non princi-
 pem solum, sed etiam prætorem decreuisse hinc pos-
 sit probari, quod cum Orphytiano senatusconsulto rei
 capi

- 3 Hinc deinde vsucapionem, vt eo vnde digressi sumus reuertamur, antiqua constitutam lege, non tam vtilitatis securitatisque Romani populi, quam necessitatis quadam autoritate, sustulit in immobilibus, edictis partim, partimque nouis constitutionibus, non in prouinciali tantum, vt exstimat Tribonianus, sed etiam in Italico solo, contra ius antiquum introducta longa possessione capio. Iure enim antiquo res fide bona possessæ vsu non longo, videlicet anni vnus mobiles, & immobiles biennij spatium, acquirebantur. Cicero in Top. *Quoniam vsus auctoritas fundi biennium est, sit etiam edium, at in lege ades non appellantur, & sunt ceterarum rerum quarum annus est vsus. valeat equitas que paribus in causis paria iura considerat.* Quo in loco, plurimarum ait Boetius aliquis vsucapionem annuam esse, vt quibus anno continuo aliquis vsus est, illas firma iuris auctoritate possideat, vt sunt res mobiles. Immobilium autem vsucapionem biennij spatio contineri non in Topicis solum, sed etiam pro Cæcin. testatus est Cicero: *lex, inquit, vsus & auctoritatem fundi iubet esse biennium.*
- 4 Itaque anno, ni fallor, 35. ab vrbe condita, quo leges decemuirales, communi suffragio populi censiuriatis comitiis perlatae, & in eas, vt tradit Liuius, incise proponebantur in publico, non iisdem quibus Italia finibus, sed angustioribus multo Romanū imperium terminabatur: suisque ita limitibus Romani continebantur, vt nisi soluendi voti, legationis, vel exilij causa Italiae fines rarius egrederentur. Inque suis possessionibus erant perpetui, nec ab iis sic bello deterrebantur, quin statim pulsus hostibus fugatisque, ferro posito, manu rastrum sumerent, ad intermissos agrorum cultus redeuntes. Quamobrem inter illas quibus de rerum dominio tractabatur leges,

usu rei capiendæ tempus certum decemuiri cō-
stituerunt, nec quidem pro temporis qualitate lon-
gius, nec pro dominorū negligentia rigorosius quā
quod statui æquitas ipsa postulabat. Quod enim ci-
uitate continui, & agris perpetui ciues detineban-
tur, tariusque relicto natali solo Italiam egredi con-
sueverant, rebus mobilibus anni, immobilibus bien-
nii spatiū usu acquirendis, habita inter præsentēs &
absentes nulla distinctione, sufficere existimabant.

Nec vero statim propagatis orbis Romani in ex-
teras usque nationes finibus, legi huic decemuirali
scripta lege aliqua, vel non scripta, imo nec ante im-
peratorum tempora derogatum fuisse verisimilius
viri credam coniecturis adducor. *Perpetua* quidem
inter *edicta quæ Saluium Iulianum sub imperatore Ælio*
Adriano composuisse refert Eutropius, de usucapioni-
bus vnum extitisse hinc potest probari, quod Paulus
qui ad edict. lib. 80. scripsit, integrum de usucapio-
nibus commentarium. lib. 54. ad edictū olim edide-
rat, cuius pars extat non exigua c. 4. de usurp. c. 2. pro
emp. c. 4. pro legat. c. 2. pro suo. Ut sic prudentum au-
thoritate imperatorum temporibus non nihil ex an-
tiqua de usucapionibus decemuirali lege edictis suis
immutasse prætores videri possint. Proinde reb. im-
mobilib. usu acquirēdis prætores longius quā quod
antequā lege præscribi poterat, tēpus cōstituisse exi-
stimavi. *Edictū* enim de usucapionibus Paulus lib. 55.
ad edictū interpretans, longi tēporis meminit, cap.
4. §. si tu me, de usurpat. ad quod edictum Vlpianus
quoque lib. 16. ad edictum scribens, *seruitutes cum adi-*
ficijs longo tempore capi posse testatus est, cap. 10. eod. tit.
Et quoties de rebus immobilibus usu acquirendis
agebant prudentes, semper *longi temporis, longæ posses-*
sionis, usus longi, possessionis diutina meminerant.

6 Vnde satis probari potest, in eius quod lege antiqua rebus immobilibus usu acquirendis datum fuit, temporis locum, interuallum temporis longius edictis partim, partimque nouis constitutionibus, surrogatum fuisse cap. 76. de contrah. empr. Cum enim innumeras temporibus imperatorum prouincias Romani subiugauerant, amplius sic Italia non continebantur, ut eam rarius egrederentur; quin contra sæpius accidebat ut qui Romæ agebant, in prouinciis prædia possiderent, & qui in prouinciis erant, in Italico solo possessionibus abundarent. Quomobrem absentes dominos & imprudentes suis bienij spatio priuari possessionibus, nec durum, nec iniurum, quo lex edita fuit tempore existimari poterat, sed tandem propagatis in immensum orbis Romani finibus, quod æquum fuerat antea, iniquum, iniustumque quod olim iustum erat, prætori videbatur. Proinde constitutum fuisse reor, expressa partim, partimque tacita ciuium conuentione, uti res immobiles non biennio amplius, sed longo tempore usu acquirerentur. *Longum* autem *tempus* idem ille Paulus qui prætoris edictum de usucapionibus lib. ad edict. 54. est interpretatus, continuo *decennij* inter præsentis, & inter absentes *vicennij* spatio comprehendere ad finem scribebat lib. 5. sent. tit. 2. Ut quis non existimet hæc verba, *Longa possessione capere*, & alia his similia, à Triboniano responsis prudentum inserta fuisse, facit hæc Pauli longæ possessionis interpretatio, de qua hic fusius suo loco tractabitur. Ergo iure inter absentes annorum viginti spatio usque res immobiles acquirantur. Quæ quidem acquisitio vetus decem uiris *usucapio* dicebatur; nouam uero *longa possessione capionem* appellabat Iabolenus cap. 4. in fin. pro empr.

Et quemadmodum vsucapere per vsum ac-
 quirere significat, sic capere longa possessione, per
 longam possessionem capere interpretari vsus est
 Scauola cap. fin. eod. tit. *Quæsitum est, inquit Scauo-
 la cum scierit partem fundi absentis esse, an totum fundum
 longa possessione ceperit? Respondi, si credidisset mandatu fra-
 tris venisse, per longum tempus cepisse.* Vlpianus autem
 acquisitionem hanc, *longæ possessionis prerogatiuam* vo-
 cat cap. 5. de itiner. actuque priuat. & quod præro-
 gatiuam *instum integrumque beneficium* definit Asco-
 nius, verè per prærogatiuam Vlpianum huiusmodi
 beneficium intellexisse non dubito, præsertim quo
 iuris antiqui rigor, in biennij locum decē & viginti
 annorum surrogato spatio, sic mitigabatur, vt in po-
 sterum nullo ampliore temporis interuallo rebus
 immobilibus vsu acquirendis opus esse videretur.
 Erat igitur olim *vsucapio*, erat etiam *longa possessio*- 7
ne capio: hac iure nouo, illa antiquo iure res tam mo-
 biles quàm immobiles acquirebantur. Et quamuis
 res vt immobiles, sic etiam mobiles longa possessio-
 ne acquiri poterant, nihilominus tamen solenni le-
 gis antiquæ spatio mobiles per vsum acquireban-
 tur. cap. 1. pro dot. Nec quidem diuo Magno Anto-
 nino longæ possessionis in rebus mobilib. bonæ fi-
 dei possessorem, qui solenni præscriptione tutus
 erat, vt prærogatiua absurdum aut iniquum vide-
 batur. cap. 9. de diuers. temp. præscript. quāuis alio-
 qui decem vel annorum viginti quàm vnus anni
 possessionem improbare actori esset difficilior. Qui
 igitur *vsucapere*, id est anni spatio vsu rem acquirere
 potest, potest eandem longa possessione capere, vt
 ex diui Antonini constitutione apparet. Verum an
 quæ vsucapione acquiri non possunt, possint longa
 possessione capi, in dubium merito vocaretur, nisi

expresse imperatores Diocletianus & Maximianus, *in quibus rebus mobilibus vsucapio*, id est anni spatium, *locum non habet, nec in iis longi temporis præscriptionem sive longa possessione capionem locum habere*, rescripserunt cap. 1. C. de ser. fugit. Sic enim distinguendâ esse vsucapionem, quæ tunc temporis in solis rebus prærogativis locum habebat, à longæ possessionis prærogativa, satis idem rescriptum indicat. Porro si quis vsucapione siue annali præscriptione se tutum satis cõfideret, superfluo longæ possessionis prærogativa defendi postulabat. Iidẽ enim imperatores, *cum vsucapio locum habet, ad longi temporis præscriptionem superfluo perueniri rescripserunt*, cap. 2. C. in quib. caus. cessat.

- 8 Cæterũ ab vsucapione quibus modis longa possessione capio discernatur, videamus. Cum itaque omnis olim vsucapio civilis erat, nimirum lege decemviri constituta, longa deinde possessione capio partim civilis, partim fuit honoraria; & quatenus ex principum constitutionibus, vel alia iuris parte constabat, civilis erat, legitimam civilemque causam habebat: quatenus in factò versabatur, prætoris iurisdictioni relinquebatur. Hinc cum Modestinus *emptorẽ prædij ex bonis vacantibus nondum nuntiatis, quamvis adversus fiscum vsucapio non procederet, nihilominus tamen rectè diutina possessione capturum* respondisset, ne quis prætoris autoritate fultum illud existimaret, hæc verba subiecit, *Idque constitutum est*, cap. 1. 8. de vsurpat. quibus non omnes longæ possessionis prærogativas honorarias, sed quibusdam legitimas esse satis indicare visus est. Nec aliter sanè *vsucapionem à defuncto acceptam, ante aditam hereditatem posse impleri constitutum esse* scripsit Neratius 40. de vsurpat. Prærogatiuæ autem longæ possessionis de quibus nihil lege nova siue nominatim cauebatur, quod essent prætorie, omnem

anem ex prætoris iurisdictione substantiam ca-
bant. Proinde *seruitutes diuturno usu & longa qua-*
possessione iure prætorio acquisitas utilibus actionibus, non
directis, hoc est prætoriiis, non ciuilibus, & interdictis
etque utilibus vindicari respondit Vlpianus cap. 10. si
iur. vindic. capite primo in fine, de aqua & aqua
pluuiæ arcend. Quæ vero ipso ciuili iure longo usu
vel fine usu alio quouis modo erant acquisitæ, *directis,*
hoc est ciuilibus actionibus, non utilibus, peteban-
tur. Sic enim accipienda sunt hæc verba, *ad exem-*
plum earum quæ ipso iure constituta sunt, cap. 1. in fine, de
superfic. Quasi dixerit Vlpianus, seruitutes iure præ-
torio constitutas utilibus actionibus peti *ad exem-*
plum earum quæ ipso iure constituta sunt: hoc est, quem-
admodum ipso iure seruitutes constitutæ directis
petuntur actionibus, ad earum exemplum actioni-
bus utilibus peti seruitutes iure prætorio constitu-
tas. Non enim *ipso iure*, hoc est iure ciuili, utiles com-
petunt actiones, sed directæ. Solas namque actiones
prætorias utiles, ciuilesque item omnes vocari di-
rectas, suo loco probabimus. Et ita quidem iuris au-
thoritate differunt longa possessione capio & usu-
cappio.

Tempore verò sic discernuntur, ut hæc certo & 9
exiguo, illa longo, eoque partim certo, partim incer-
to constaret. Tempus autem certum decem inter
præfentes, & inter absentes viginti annorum spatio
terminari probauimus; incertum verò, ex vetustate,
cuius origo memoriam excefferat constabat. Nec
quis in eum errorem incidat, ut existimet *vetustatem*
cuius diuersis responsis meminerunt prudentes, sem-
per excedere memoriam oportere, tempusque exi-
gere incertum, quin contra tempus diuturnum, & lon-
gum illud certum decem vel viginti annorum vetustatis

interdum nomine contineri hinc defendi potest, quod cum *vetustatem legis vicem tenere* dixisset Vlpianus, addidit, velut interpretans *vetustatem*, cum qui
diu usus est servitute neque vi, neque precario, neque clam,
habuisse longa consuetudine velut ex iure impositam servi-
tutem videri. cap. i. circa finem, de aqua & aquæ plu-
 arcend. Quo in loco *usum diuturnum longamque con-*
suetudinem, quam decem vel viginti annorum spatio
 comprehendere ex Paulo probauimus, *vetustatem* ap-
 pellare visus est Vlpianus. Ergo duplex *vetustatis* in
 quæstionibus rerum longo usu acquirendarum erat
 consideratio. vno enim modo per *vetustatem* longum
 certumque tempus intelligebant prudentes; altero
 ad naturæ legem, tempusque incertum quod memo-
 riam excedebat, *vetustatem* trahebant. Vt autem id
 iure possideam cuius acquisitio memoriam excedit,
 non tam lex efficit constituta, quam humanis men-
 tibus velut tabellis æneis insculpta naturalis consti-
 tutio. Quod satis intellexit Domitianus imperator
 apud Suetonium, qui *subscina*, diuisis per veteranos
 agris, quæ carptim superfuerant, veteribus possessoribus et
usucapta relinquebat. Proinde rectè respondisse Scæ-
 uola mihi visus est, *ductus aquæ quibus auctoritatem*
vetustas dederat, ab his qui iuri dicundo præerant, tueri so-
lere, tametsi ius non probaretur. c. finali, de aqua & aquæ
 plu. arcend. duplici, quam nos constituimus, *vetu-*
statis considerationi plane subscribens. Voluit enim
vetustati locum esse *sive poterat, siue non poterat probari*
iuris, vt intelligo, *auctoritatis*, hoc est *sive certum, siue*
incertum vetustatis tempus erat. vt si quidem certum
 erat, ius probaretur: sin, incertum, vtrique probari
 quamuis non posset, nihilominus tamen propter *ve-*
custatem, quæ originis memoriam aboleuerat rectè
 aquæ ductum possessione acquisitum esse, quamuis
 alioqui

alioqui nulla quasi possessione longa sine titulo ser-
uitutes acquiri poterant, vt suo loco disputabimus.
hæc cum non considerarent interpretes, conciliare
plurima prudentum responsa voluerunt, quæ nulla
opus conciliatione habebât. Nam quod. c. 10. Si ser-
uit. vin. Vlpianus *longum tempus aquæ ductui vsu acqui-*
rendo requirere visus erat; & Pomponius c. 3. de ag.
cor. & æst. *tempus cuius origo memoriam excefferat*, hæc
dico vt conciliaret responsa Accursius, Pomponium
de aqua quæ ex flumine publico, & Vlpianum de ea
quæ ex priuato loco ducebatur, est interpretatus: cui
nonissime, omnium longe excellentissimus Conna-
nus subscripsit. Sed velim mihi respondeant Accur-
sius & Connanus, si Pomponium, qui haud dubie de
huiusmodi distinctione ne somniauit quidē, de aqua
ex priuato loco ducenda essent interpretari, an quid
impediret quominus aquæductus, si eius origo me-
moriâ exceffisset, iure constituti loco censi posset?
Si enim vsu diuturno eum possis acquirere: quare, si
tempore tam longo aquâ duxisses, vt eius origo omnē
exceffisset memoriam, iure aquæductū etiam sine ti-
tulo nō acquisiuisset? Ergo non recte *verustatē semper*,
hoc est siue certa, siue incerta sit, *pro lege esse habendam*
dixisset Vlpianus eod. c. 1. in. fine. Proinde sic Pom-
ponium esse intelligendum puto, quasi non de aqua
quæ ex flumine, sed de ea quæ ex priuato loco duci-
tur, sentiat. Nam responsi eius paragraphi sic sunt
distincti, vt vnus alteri non cohæreat. Ergo quomi-
nus ad priuatum locum, illum, de quo tractat Pom-
ponius, aquæductum referamus, nihil impedit. Nec
enim vero ad ductum aquæ longo vsu acquirendū,
tempus cuius origo memoriâ excedit, responso suo
requirit Pomponius: verum cum passim aquæductus
longo & certo tempore, loco aquæductuū iure con-

stirutorum habebantur, an ductus aquæ cuius origo
 memoriâ excesserat quâvis de certo vsus tēpore, de-
 cē nimirū vel viginti annorum, nō constaret, nihilo-
 minus tamen aquæ ductus iure cōstituti loco haberi
 poterat, in quēstionē trahebatur. Certū illud tempus
 quod edicto servitutibus vsu acquirendis statutum
 erat, propter authoritatis titulū, dubitationi causam
 dabat. Quasi in effectu apud Pomponiū in quæstio-
 nem venerit, an vt certo, sic etiam incerto tempore
 servitus aquæ ducendæ vsu posset acquiri, & Pom-
 ponius responderit, ita demum sine titulo acquiri
 tempore incerto posse, si eius tēporis origo memo-
 riam excesserat. Forte prudentū authoritate sic pri-
 mum, minuendarum litium causa erat constitutum
 ante Pomponij, ni fallor, tempora, quibus nō ita du-
 dum in locum vsucapionis longa possessione capio
 successerat. Secuti deinde Pomponium Vlpianus,
 Paulus, & Cernidius Scæuola, quod Pomponij tem-
 poribus loco iuris regulæ, sic enim loquitur Pom-
 ponius quasi regulam proferat, in vsu erat, id com-
 mentariis illustrius reddidere. Vlpianus sane capit. 1.
 circa finem, de aqua & aqua plu. arcend. his verbis;
 „sane enim & in servitutibus hoc idem sequamur, ius no-
 „uum authoritate prudentum introductum denota-
 re visus est. Omnis ergo longæ possessionis præro-
 gatiua certo aut incerto tempore terminabatur; cer-
 to, decem vel viginti annorum, interueniente titulo;
 incerto verò tempore, cum eius origo omnem exce-
 deret memoriâ, etiam sine titulo. & quæ longa pos-
 sessione certa poterant acquiri, incerta quoque, si
 modo originis nulla extaret memoria, acquireban-
 tur. Et hæc hæcenus de temporum differentiis.

10 Nunc porro differentiarū, quas describere in ani-
 mo habui, postrema pars longe difficillima restat,

qua longa possessione capio & vsucapio an loco differant, differendum est. Certe quidem si Iustiniano credimus, vel potius Triboniano, cuius industria institutiones, omnesque Iustiniani constitutiones editae sunt, nulla erit dubitatio quin ita ab vsucapione discerni debeat longa possessione capio, vt in loco non conueniant. Tribonianus enim, Theophilus, & Dorotheus institutionum compilatores, anno vbi-que vno res mobiles, & immobiles biennio in Italico duntaxat solo vsucapi existimabant. §. 1. instit. de vsucap. Hinc principi Iustiniano constitutionis novae noui fuerunt authores. principi enim optimo, qui faciles insipidis eorum cōsiliis aures accommodabat, longæ possessionis prærogatiuam locum in prouinciis duntaxat habuisse facile persuadentes, constitutionis de vsucapione transformanda auctoritatē defugere nō potuerunt. Quid autē illis in mentem venerit, vt huius erroris authores se primos cōstituerent, ne diuinatione quidem assequi me posse ingenue agnosco. Nam quod in prouinciali, ita etiā in solo Italico longa possessione capioni locus fuerit ante Iustiniani tempora, manifestius est quā vt disputationem sedulam requirat. Quis enim prouincialibus indultum amplius beneficium credat, quā ipsis Romanis ciuibus? Quod autem beneficium sit longa possessione capio satis indicat Vlpianus. quā enim longa possessione capionē vocasse Iabolenum Vlpianus, illam longæ possessionis prærogatiuam probauimus, illam appellauit c. 5. de itiner. act. priuat. Ergo si, vt Asconius auctor est, *instū integrumque beneficiū prærogatiua significet*, lōga possessione capionē beneficiū esse inficiari nemo poterit. Ad hæc, eodem iure quo ciues Romani vtebātur, vsos esse prouinciales hinc constat, quod hi ius legesque suas ab illis accipiebāt.

Qui

Qui enim nouæ præfectus prouinciæ senatusconsulto erat declaratus, is leges à prætore Romano, quibus in reddendo iure utebatur, accipiebat. *Eodem anno*, inquit Liuius, *primum præfecti Capuæ creati*, legibus ab L. Furio prætore datis. dec. 1. Lib. 9. Et certe nullam præsidibus, proconsulibus, reliquisque prouinciariis rectoribus, sine principis, senatusue placitis in prouinciis noui iuris constituendi fuisse potestatem hinc probari potest, quod rebus nouis sine rescriptis principum senatusue consultis auctoritatem nullam præstabant. capit. 6. de offic. proconsul. cap. 13. cum seq. de offic. præsid. Vt inde satis perspicuum sit, eodem fere quo ciues Romani utebantur, usus esse prouinciales iure, hoc est plebiscitis, senatusconsultis, & iisdem principum constitutionibus. Sed an edictis iisdem? Quantum ex Caij ad edictum prouinciale commentariorum fragmentis, quæ in pandectis sunt, colligere possum, parum edicta proconsulum à prætorum edictis differebant. Edictum autem de usucapionibus in prouinciis extitisse indicat idem Caius, qui libro vigesimo primo ad edictum prouinciale, de usucapionibus commentarium scripsit, cuius pars extat cap. 1. & cap. 5. de usurpat. Et Romæ quoque prætorum inter edicta vnum de usucapionibus numerari, argumento est de usucapionibus Pauli commentarius, quem libro ad prætoris edictum quinquagesimo quinto olim ediderat. Ergo proconsules in prouinciis, & Romæ prætores de usucapionibus edixerunt. Proconsules quidem, quod de iis expressa legè aliqua in prouinciis nihil erat constitutum. Sed cum Romæ antiqua lege de usucapionibus satis erat expresse cautum: quod prætoris edictum referri poterit, si ad legis emendationem non referatur? Papinianus certe prætoris officium

in adiuvando, supplendo, & corrigendo civili iure ver-
 testatur cap. 8. de iust. & iur. Quamobrem de his
 quæ lege sancita fuerant, nihil edixisse prætores, ni
 supplerent, vel ius civile edictis corrigerent, satis vt
 hunc probabile est, sic à nobis satis hoc eodē cōmē-
 ratio est disputatum. Et quod de adiuvando per præ-
 torē civili iure Papinianus scribit, id non tā ad edi-
 ctū, quā ad nudū prætoris factū pertinet. ius enim si-
 ne facto, prætorisque, quod in viva voce constituit
 Martianus, auxilio subsistere nullo modo poterat,
 Lex ei ex stipulatu actionē dabat, qui stipulatus erat.
 Nequis autem agere ex stipulatu poterat prætorē a-
 ctionē eandē non decernente? Cū itaque prætor edi-
 ctū de vsucapionibus Romæ proposuerat, & lex de
 cernuitalis æque de vsucapionibus expresse cauerat,
 eadem quæ lege continebantur, edicto contineri ve-
 risimile non est. Proinde quod in lege durū satis, &
 pro tēporis qualitate iniustū prætori videbatur, id
 mitigatū edicto fuisse omnino mihi persuasum ha-
 beo. Tempus autē rebus immobilibus vsu acquiren-
 dis lege antiqua constitutū, prætoris edicto subro-
 gatū suffectūque in eius locū tempus longū fuis-
 se, diuersa responzorū exempla, quæ inter exiguas an-
 tiquitatum reliquias adhuc supersunt, satis demon-
 strant. Paulus enim eod. illo lib. ad prætoris edictum
 quinquagesimo quarto, quo de vsucapionibus abso-
 lutum scripsit commentariū, Romæ & in solo Itali-
 co longæ possessionis prærogatiuæ locū fuisse ex-
 pressè testatus est: Quintū Mutiū Scæuolam repre-
 hendens, quod possessiones authore magistratu rei
 seruandæ causa ventris nomine, quia damni infecti
 non caueatur decretas, inter possessionum genera re-
 ferat, quas non possessiones, sed custodias potius re-
 tū, & obseruationes dicēdas existimat; & ideo, inquit,

„cum damni infecti non cauente vicino in possessionem missi
 „sumus, si id longo tempore fiat etiam possidere nobis, & per
 „longam possessionem capere, prætor causa cognita permittit,
 „cap. 3. in fine, de acq. possess. Quo quidem responso
 „quid potest esse clarius? Paulus ita demum possessionem
 „damni infecti non cauente vicino, acquiri ex edi-
 „cto scribit, si per longum tempus vicinus non caue-
 „rit. Paulus expresse longum tempus requirit: requirit
 „etiam longum tempus Iulianus in specie non mul-
 „tum ab simili c. 25. §. Iulianus scribit, de dam. infect.
 „Et tu Triboniane in solo Italico nullum existimas
 „longæ possessionis prærogatiuæ locum fuisse? Posses-
 „sionem ait acquiri longo tempore Paulus. Sed quo-
 „modo? An lege decemuirali, reliquarum usucapionum
 „lege introductarum exemplo? Id Paulus negans, per lon-
 „gam, inquit, possessionem capere prætor causa cogni-
 „ta permittit. Si igitur in Italico solo longæ possessionis
 „prærogatiuæ locum non dederis, quomodo prætor
 „permittitur rem aliquam longa possessione capi?
 „Si rem mobilem bona fide anno possederis, utique ut
 „eam acquiras, prætor non est factururus, sed lex quæ so-
 „lenne tempus rebus mobilibus usu acquirendis præ-
 „scripsit; verum sublata lege, ni prætor succurrat, quā-
 „uis annis pluribus possederis, nullam acquires tuæ
 „possessioni ratam auctoritatem, sine qua procedere
 „nulla per usum acquisitio potest. Quod igitur præ-
 „tor edicto suo in longis possessionibus, omnibus bono-
 „ræ fidei possessoribus succurrebat, ex eo satis constat
 „edicto sublato iuris antiqui remedium fuisse. Quo-
 „ties enim ciuile aliquod supererat auxilium, proprium
 „non præstabat prætor, quemadmodum ciuili compe-
 „tente, utilem siue honorariam actionem non dabat.
 „cap. 9. in princ. de edend. cap. 1. de dol. cap. 1. de pub-
 „licis act. Frustra igitur succurreret prætor, si pos-
 „sessio

lesio apud Paulū tempore aliquo legitimo potuif-
 set acquiri. Et certe lib. ad prætoris edictum § 3. lon-
 ga possessione capionem *non directam, sed utilem* : hoc
 est, non ciuilē, sed prætoriā actionem producere Vl-
 pianus annotasse visus est, cap. 10. si seruit. vindic.
 Proinde si directā competente utilis actio dari non
 potuerat vt probatum est; quandoquidem Vlpianus
 utilem dandam, non directam actionē scribit: omnē
 ex prætoris iurisdictione substantiā capere, legis au-
 xilio destitutam, longæ possessionis prærogatiuā re-
 cte concludes. Hinc seruitutes quæ prætorio iure
 constitutæ sunt, vtilibus tantum actionibus, & inter-
 dictis quoque vtilibus nō directis peti author est Vl-
 pianus cap. 1. in fine, de superficiebus. Hinc etiā qui
 longo tempore præscripsit. hoc est, qui probauit se tot an-
 nis quot ex edicto ad acquisitionem requirebantur
 fundum possedisse, non directam sed utilem actionē
 habere dicebatur. cap. 13. §. Iulianus, de iureiur. Qui-
 bus quidem ex locis omnibus quamuis satis appa-
 reat prætoris edicto legem de vsucapionibus decem-
 nariam in rebus immobilibus in Italico solo subro-
 gationem, inque eius locum suffectam esse lōga posses-
 sione capionem, omitti tamen non potuisse existima-
 ui, Imperatores Diocletianum & Maximianum Numidio re-
 ctōri Italiæ rescripsisse, id temporis quod in minore ætate
 transmissum erat, longi temporis præscriptioni non computa-
 ri, eamque tunc currere incipere, quando ad maiorem æta-
 tem dominus rei peruenerit. cap. 3. Cod. Quib. non obii-
 cit long. tempor. præscript. Si quidem in solo Ita-
 lico nullus longi temporis præscriptioni fuisset lo-
 cus, rectori Italiæ imperatores rescripsissent, fru-
 stra consuli, an quod in minore ætate transmissum
 est tempus præscriptioni longi temporis computari,
 quod possessionis longæ prærogatiua nullū in Italia
 locum

locum habeat. Quandoquidem igitur nō ita rescripserunt, sed tempus illud tunc demum currere, quando ad maiorem ætatem minor pervenerit, tacitè in Italia longæ possessionis prærogatiuam locum habuisse indicare visi sunt. Denique innumeris prudentum responsis, quæ frequentem in pandectis longi temporis, usus diuturni, & longæ possessionis mentionem continent, nostra mirum in modum confirmatur opinio.

II Nec porro inficior iuris interpretes, eruditos sanè, nonnullos annotasse in omnibus prudentum responsis quib. longæ possessionis mentio fit, usucapionem subrogatam, inque eius locum longa possessione capionem à Triboniano susseptam esse; duarum Iulianiani epistolarum argumento, quas de compositione digestorum & de nouo codice faciendo scripsit. Ego quidem, saluo saniore iudicio, semper existimaui eandem compileribus auctoritatem dedisse Iustinianum in pandectis componendis, quam in codice faciendo dederat. Et quamvis permiserit illis imperator, rescatis præfationibus, similibus, & contrariis, ex tribus antiquis codicibus, Gregoriano, Hermodeniano, & Theodosiano, suisque constitutionibus nouellis sic leges componere, sic congruis titulis subdere, ut in iis componendis adiicere, detrachere, imo etiam verba, ubi hoc rei commoditas exigebat, mutare possent; non tamen sic adiicere, diminuerè, vel mutare verba potuerunt, ut ubi affirmatio erat, ibi negatio, ubi longum, ibi breue, ubi usucapio, ibi reponeretur longa possessione capio: sed ea quæ de adiectione, diminutione & verborum mutatione imperator scripsit sic potius esse accipienda, ut adiectione, diminutione, verborumque mutatione, quæ variis constitutionibus, variisque responsis dispersa erant, in unam

nam sanctionem, vel legem colligi possent, ipse-
 met Iustinianus declarat in epistola quam de nouo
 codice faciendo Constantinopolin ad senatum misit
 his verbis, *Adiicientes, & detrahentes, imo & mutantes* “
verba eorum, ubi hoc rei commoditas exigeret; Sed quomo- “
do? Colligentes vero in vnam sanctionem qua variis con- “
suetudinibus dispersa sunt. Quod igitur diuersæ consti- “
tutiones sine detractioe, adiectione, & verborum
mutatione in vnam sanctionem redigi non potue-
rant, suis idcirco compileribus liberam addendi,
detrahendi, & verba mutandi dedit imperator po-
testatem. Cæterum in digestis componendis non ab-
imilem compileribus potestatem tribuens idem
imperator, similem quoque adiecit interpretatio-
nem. Dedit, enim illis adiiciendi vel diminuendi
potestatem, sed quomodo? An vt vsucapionem in
longa possessione capionem transmutent? Nequa-
quam, sola enim ea adiici vel diminui voluit quæ su-
peruacua, imperfecta, & minus idonea videbantur.
Tanta, inquit in epistola de confirmatione pande- “
ctarum, à nobis, antiquitati habita est reuerentia, vt nomi- “
sed prudentum taciturnitati tradere nullo patiamur modo, “
in scriptis est: hoc tantummodo à nobis effecto, vt si quid “
idoneum visum est, vel diminutionem vel adiectionem ne- “
cessariam accipiat, & rectissime tradatur regulis, & in “
rebat, hoc pro aliis omnibus positum est. Iustinianus quid “
per adiectionem, & per diminutionem intelligi ve-
contrariis multis meliora sunt, liberam quandam
electionem, quæ concedi sine diminutione & adie-
ctione non poterat. Ergo huiusmodi permessa eli-

gendi potestate, permiffa quoque videtur adiciendi diminuendique authoritas; sic quidem vt ex multis prudentum responsis, refecatis superfluis, imperfectis, & minus idoneis, additisque necessariis, vnum caput vel lex vna componeretur, per Tribonianum tamen multa esse in nostris pandectis immutata veterum iurisconsultorum responsa suo loco demonstrabimus.

Et quamuis etiam non veras semper, sed falsas, imo contrarias interdum sententias authoribus adscripsisse conuinci possent compilatores, idcirco in locum vsucapionis longa possessione capionem eos surrogasse non rectè concludes. Quod enim Vlpianus eum qui vsu diuturno, & longa quasi possessione ius aquæ ducendæ nactus erat, utilem habere actionem scribit, cap. 10. si seru. vind. ex eo satis constat, vera esse Vlpiani verba, quibus longæ possessionis mentio fit, non Triboniani supposititia. Si enim pro vsucapere, supposuisset longa possessione capere, eo capite Tribonianum contendas, vt totum caput eidem acceptum feras necessum est; tum quod de utili actione illo capite integro tractetur, quæ locum non habuisset, si vsucapionis Vlpianus meminisset (erat enim vsucapio ciuilis, & ob id ciuilis dari debebat actio, qua competente utilis decerni non poterat, cap. 1. de publ. in rem act. §. namque si cui, instit. de actionibus, cap. 21. de præscript. verb.) tum etiam quod iure ciuili, nimirum per legem Scriboniam vsucapio seruitutum sublata fuërat, cap. 4. §. fin. de vsurpat. Simili modo si apud eundem Vlpianum cap. 13. §. Iulianus, de iureiur. hæc verba, *Post longi temporis præscriptionem*, supposititia dixeris, cur utilis in illa Iuliani sententia actionis mentio fit? An quod longi temporis præscriptio omnem ex edito originem

inginem trahebat? Id si concesseris, Tribonianum:
negaueris, Iulianum reprehendas necessum est.
profecto tanti apud me nunquam Triboniani
authoritas, vt eum Iuliano præferendum pu-
tarem. Proinde sic accipiendum hoc Iuliani apud
Vlpianum responsum puto, quasi tacite dixerit, eum
qui iurauit fundum suum esse, si longo tempore pro-
prietatem se fundum possedisse, vtilem debere actio-
nem habere idcirco, quod longæ possessionis præro-
gatiua ex edicto constabat, ex quo vtilis actiones
competebant; cum contra vsucapio quod ex lege
descenderat, directas actiones producebat: d. cap. i.
Ergo prætorium partim edictis, partimque princi-
pum constitutionibus nouis, *vsucapionem*, hoc est,
tempus duorum annorum antiqua decemuirali lege
rebus immobilibus vsu acquirendis constitutum,
subrogatum fuisse, inque eius locum longum tem-
pus suffectum, tam Romæ & in Italico solo, quam in
provinciis, iuste concludimus; potiusque in historia
lapsum cum suis Tribonianum, qui auctoritatem de
vsucapione transformanda Iustiniani Cæsaris con-
stitutioni præstabat, quam Vlpianum, Paulum, Iulia-
num, vel alios edictorum iurisque antiqui inter-
pretes, qui in suis ad edictum tam vrbi-
cum quàm prouinciale commen-
tariis *longæ possessionis præ-*
rogatiua memi-
nerunt.

SVMMA HVIVS COMMENTARII

CAPITA.

- 1 De lege Scribonia, & quare vsucapi seruitutes non potuerint.
- 2 Quo iure introducta primum fuerit seruitutum vsucapio.
- 3 Ante Scriboniam legem iure civili seruitutes vsucapi potuisse.
- 4 An ipso iure ante Scriboniam legem vsucapi potuerint seruitutes.
- 5 Quid sustinerit lex Scribonia, & vsucapio seruitutum honoraria quomodo sit introducta.
- 6 In seruitutibus rusticorum prediorum an lex Scribonia locum habuerit.
- 7 An titulus in vsucapione seruitutum fuerit necessarius.
- 8 Et an bona fides etiam necessaria fuerit.

NOVI QVARVNDAM LEGVM INTELLECTVS EX PANDECTIS.

- L. 14. de seruitut.
- L. 2. Comm. predior.
- L. 10. si seruit. vind.
- L. 12. Quemad. ser. amit.
- L. 4. §. si. de vsurpat.

cap. 1.
cap. 2.
cap. 7.
cap. 7.
cap. 5. & 6.

EX CODICE.

- L. 1. de seruit. & aqua.
- L. 2. Eod. tit.

cap. 5.
cap. 8.

AD

AD LEGEM SCRIBONIAM

LIBER SINGVLARIS

IACOBI REYARDI IC.

STATVENTI mihi legem Scriboniam de sub-
 laris seruitutum vsucapionibus enarrare, curio-
 sius inquirendum non est quis Scribonius,
 & an lex eius consularis, an verò tribunitia fuerit.
 Nihil enim certi habemus: quamobrem coniecturæ
 locus dabitur. Existimo fuisse Lucium Scribonium
 Libonem, L. Scribonij Libonis illius filium, qui sub
 Augusto consulatu functus est. Hic sub Tiberio cum
 Sefenna Statilio Tauro consul fuit: cuius etiam Dion
 Cassius meminit Lib. 57. Ait enim Tiberium imperato-
 rem hunc Lucium Scribonium Libonem patricium adoles-
 centem, plurimarum nouarum rerum insimulatum, quam-
 diu firma fuerat valetudine non vocasse in ius, sed lethali
 morbo correptum in lectica operta; cuiusmodi senatorum vxo-
 ribus in vsu erant, in senatum inferri iussisse: illatumque
 Scribonium dilato iudicio sibi ipsi conscita morte damnatio-
 nem prauertisse. Proinde consularem hanc legem fuis-
 se, & temporibus Tiberij primum latam existimo:
 quibus non ita dudum in locum vsucapionis longa
 possessione capio successerat. Illud certè constat,
 ante legem Scriboniam vt seruitutis libertatem, sic
 seruitutem libertatis vsucapi iurè ciuili potuisse: ci-
 uilémque deinde seruitutum vsucapionem salua li-
 bertatis vsucapione sustulit lex Scribonia, cap. 4. in
 fi. De vsurpat. Et quandoquidem in vsucapionibus
 duplici opus erat possessionis causa, vna iuris, & al-

tera facti, quemadmodum in Triboniano est expostum: eueniebat sæpenumero, vt res quædam iure, quædam facto vsucapionem non reciperent. Cum enim de rebus sacris, publicis, & liberis hominibus erat controuersia, de iure duntaxat quæstionem fuisse certum est. in facti enim causa cum aliis rebus quæ vsucapi poterant, satis conueniebant: sed quia lege earum rerum prohibita erat alienatio, ideo iure vsucapi non poterant. Seruitutes verò quominus per vsum acquirerentur, nulla iuris impediēbat ratio, sed quia possessionem requirebat vsucapio, (cap. 25. de vsurp.) quæ in seruitutibus desiderabatur, quod erant incorporales: cap. 32. in fin. de seruit. urb. præd. cap. 43. de acq. rer. do. sola facti causa impediētur. detur quominus per vsum seruitutes acquirerentur. *Seruitutes prædiorum rusticorum etiam si corporibus accedunt, quia tamen incorporales sunt, idcirco vsucapi potuisse negabat Paulus cap. 14. de seruit.* Et quia eius sunt conditionis huiusmodi seruitutes, vt possideri non intelligantur, cap. 4. §. pen. de vsurpat. nimirum eo modo quo res corporales intelliguntur possideri, » hoc est, sine vsu, vt in Triboniano scripsi: Paulus huiusmodi ratione non contentus addidit, *vel ideo non vsucapi rusticorum prædiorum seruitutes, quia tales sunt vt non habeant certam continuamque possessionem: videlicet qualis in vsucapionibus desiderabatur, cap. 3. de vsurpat. Eiusque conditionis esse urbanorum prædiorum seruitutes, vt etiam ex sui natura vsucapionem non admittant, addidit Paulus, quia nimirum ex sui natura non magis vere possidebantur seruitutes urbanæ, quam aliarum rusticorum prædiorum seruitutes. c. 32. de seruit. urb. præd. hæc si considerasset Eguinarius Baro, non eam Paulo fecisset iniuriam, vt contenderet huius rei rationem non satis virum prudentissimum comper*

compertam habuisse. Non enim negavit Paulus quin usu servitutes possent acquiri: sed eius esse conditionis servitutes indicat, ut usucapionem admittere ex sui natura non videantur. Quod enim in usucapionibus opus erat possessione, quæ in servitutibus tam urbanorum quam rusticorum prædiorum, reliquarum rerum incorporalium exemplo, desiderabatur, ex sui natura, usu servitutes acquiri nullæ poterant.

Cum itaque de usucapionibus legem edidissent a decemviri, qua rebus mobilibus anni, & immobilibus biennij spatium præscribebatur, nihil de servitutum usucapionibus constituerunt: quod tales essent servitutes ut possideri non possent, nec persequens usucapi. Sed tandem quia intererat reipublicæ servitutum usucapionem possessionis quadam fictione, aliqua iuris auctoritate ratam haberi: quod à decemviris de usucapiendis servitutibus erat omisum, id ab iis prudentibus suppletum fuisse puto, qui ius civile non scriptum constituebant. Legibus enim 12. tabularum perlati, ius à prudentibus constitutum fuisse, quod communi quodam nomine appellabatur ius civile, auctor est Pomponius cap. 2. de orig. iur. A quibus quod in legibus prætermisum erat aut fuisse imperfectum, suppletum perfectumque fuisse omnino mihi persuadeo. Et certè parum constare ius potuisset, ut idem Pomponius scribit, nisi fuissent huiusmodi iuris periti per quos constitutum quotidie in melius produci posset. d. cap. 2. §. post originem. hinc quod verè servitutes usucapi non poterant, de iis usucapiendis nihil constituerunt decemviri: prudentes verò, pro ea qua præditi erant iuris constituendi & interpretandi potestate, plurima quæ accidere natura non pote-

rant accidere fingeant : vt seruitus, quia incorporalis erat, fieri non poterant vt ea possideretur: prudentes tamen fingeant possideri seruitutem, eamque quasi possideri dicebant, cap. 23. §. item ei qui. Ex quibus caus. maior cap. 10. Si ser. vind. Et quamuis natura non possideretur, nihilominus naturaliter possideri seruitus videbatur, cap. 12. de acq. possess. nimirum sola, quam prudentes utilitatis gratia excogitauerant, fictione: quæ eius erant efficaciæ, vt illis quæ non erant, cum iis quæ erant, æqualem semper auctoritatem tribueret. d. §. item ei qui. *Esse autem ea dico, quæ (vt scribit in topicis Cicero) cerni tangiue possunt: & non esse, quæ quamuis tangi non possunt, cerni tamen animo atque intelligi possunt, cuius generis est seruitus, vsucapio, hereditas, & si quæ sunt alia quæ in sola mentis imaginatione ambulant.* Ergo seruitutes non vsucapiebantur ex sui natura: vsucapiebantur prudentium auctoritate: rursus, non vsucapiebantur verè, vsucapiebantur quadam fictione, seu potius (vt vtar Senecæ verbis) *imagine & quadam translatione.* Et proinde quemadmodum quasi possideri, ita passim quasi vsucapi seruitutes dicuntur. Quod tamen sic accipere conuenit, non vt semper vsucapionibus aut possessionibus seruitutum addenda fuerit particula *Quasi*, aut alia similis, eam enim à prudentibus sapius omissam fuisse nec dubium est, nec absurdum; vt in cap. 2. Comm. præd. Cum enim legimus seruitutes possideri: quia scimus fieri non posse vt res incorporales possideantur, facile animo comprehendimus ad verbum *Possidere* demonstrandæ rei causâ duntaxat prudentes descendisse, illudque ad naturam subiecti sic referri, vt quid possideri intelligatur eo modo quo possideri potest, proinde si res corporalis sit quæ possidetur, verè eam possideri: sin incorporalis, quadam

nam ad fiduciam, hoc est, quasi possideri illam inter-
retabimur. Quomodo beneficium creditum appellatur
apud Senecam, cum tamen creditum res non sit per se ex-
petenda. Sed cum creditum dicimus, inquit Seneca, ima-
gine & translatione utimur, sic enim & legem scimus iusti-
que regulam esse, & regula non est res per se expeten-
da: adhuc verba demonstranda rei causa descendimus, cum
dicimus creditum, intelligitur tanquam creditum. hæc Seneca
libr. 4. de beneficiis, cap. 12. Simili modo cum di-
cimus usufructu vel possideri servitutes, quia tales
sunt ut nec possideri nec usufructu ex sui natura pos-
sint, intelligimus eas quasi possideri & tanquam
usufructu. Sic hereditatem usufructu dixit Cicero ad
Atticum Libr. 1. pro quasi usufructu. De Tadiana re, in-
quit, mecum Tadius locutus est te ita scripsisse, nihil esse
quod laboraret, quoniam hereditas usufructu esset: id mi-
rabamur te ignorare de tutela legitima, in qua dicitur esse
quella, nihil usufructu potuisse, hereditas enim quod ean-
dem cum servitutibus naturam haberet, nimirum
quod esset incorporalis, usu reliquarum rerum in-
corporalium exemplo non acquirebatur, sed quasi
usufructu poterat,

C E T E R U M ante Scriboniam legem moribus, 3
 sine prudentum auctoritate sine lege olim introdu-
 ctam fuisse servitutū usufructionem, probare est ope-
 re pretium. Iurisconsultorum, inquit Seneca, ista acuta
 inopia sunt, qui hereditatem negant usufructu posse, sed ea
 que in hereditate sunt, tanquam quicquam aliud sit here-
 ditas quam ea que in hereditate sunt. lib. 6. de benef. c. 5.
 Ex quo loco satis perspicuum est, servitutum, quem-
 admodum & hereditatis reliquarumque rerum in-
 corporalium non usufructionem, sed aliquam quasi
 usufructionis speciem sine lege sola prudentum in-
 terpretatione usu fuisse receptam. A quo non omni-

†no dissentire visus est Marcus Cicero, qui vsucapio-
 nem fundi legibus, & seruitutum vsucapionem non
 legibus, sed ciuili iure introductam fuisse, diu ante
 Scriboniam legem expresse testatus est pro Cæcin-
 na. *Fundus*, inquit, à patre relinqui potest, at vsucapio-
 fundi, hoc est finis sollicitudinis & periculi litium, non à
 patre relinquitur, sed à legibus: aquæ ductus, haustus, iter,
 actus, à patre: sed rata auctoritas harum rerum omnium à
 iure ciuili sumitur. Ecce, fundi vsucapionem legitimam
 esse contendit Cicero: ratam verò auctoritatem ser-
 uitutum non legitimam, sed ciuilem: quasi non le-
 gibus, sed ciuili prudentum interpretatione (quæ
 per latis legibus decemuiralibus communi quodam
 iuris ciuilis non scripti nomine continebatur,) serui-
 tutum vsucapio fuerit introducta: vt ita quidem
 vsucapio rerum corporalium ex scripto, incorpora-
 lium verò ex non scripto iure constitisse videri pos-
 sit. Nam sic ex scripto & non scripto ius ciuile con-
 stabat, vt quod ciuile erat, non statim legitimum fo-
 ret: sed contra, quod erat legitimum, id statim ci-
 uile fuisse suo loco probabimus. Accedit quod in
 eadem oratione pro Cæcinnâ, à legibus ius ciuile ex-
 pressè distinxit Cicero, de vsucapionibus rerum cor-
 poralium & incorporalium promiscuè differens huc
 in modum. *Quid enim refert ades aut fundum relictum*
 à patre, aut aliqua ratione habere bene partum, si incertum
 sit quæ cum omnia tua iure mancipij sint, ea possis ne retine-
 re? *Quid, inquam, prodest fundum habere, si quæ decen-*
 tissime descripta à maioribus iura finium, possessionum, aqua-
 rum itinerumque sunt, hæc perturbari aliqua ratione com-
 mutarique possunt? *Mihi credite, maior hereditas venit uni-*
 cuique vestrum in iisdem bonis à iure & à legibus, quàm ab
 ijs à quibus illa relictæ sunt. Nam vt perueniat ad me fun-
 dus testamento alicuius fieri potest, vt retineam quod meum
 factum

factum sit, sine iure civili non potest. Hæc Cicero. Ecce, de iure finium, possessionum, aquarum, itinerum-que promiscuè differens Cicero, iuris & legum meminit. Vnde satis probabile est, non eodem iure quo de vsucapionibus seruitutum, de *possessionum*, hoc est prædiorum vsucapionibus veteres egisse: vt sic lege quidem de vsucapiendis possessionibus, iure verò sine lege de seruitutibus per vsum acquirendis contendisse videri possint. Rerum igitur corporalium vsucapio legitima & civilis erat: seruitutum verò civilis tantum, quod ea sine lege ex sola prudentum auctoritate constabat.

PORRO ante Scriboniam legem non tantum in 4 vsu fuisse seruitutum vsucapionem moribus constitutam, vt probatum est, sed etiam ipso iure vsucapi potuisse, & iterum non potuisse ipso iure vsucapi seruitutes, eleganter defendi potest. Nam si per ipsum ius iuris civilis quod ex prudentum interpretatione veniebat auctoritatem intellexeris, non dubium est quin vsu ipso iure acquiri seruitutes potuerint. Vt tum si ad leges decemvires, aut aliam iuris constitutionem scriptam ipsum ius retuleris, magis erit, vt vsu seruitutes acquiri ipso iure non potuerint. Ipsum siquidem ius sic prudentes interpretati sunt, vt illud interdum ad leges duodecim tabularum omnino retulisse videatur. cap. 26. C. de pact. capitulo sexto. C. Famil. hercisc. Et ad mores siue ius civile quod sine scripto ex sola prudentum interpretatione constabat, ipsum ius etiam pertinuisse hinc potest probari, quod quum moribus Roma prohibitam esse inter virum & uxorem donationem Vlpianus ad Sabinum scripsisset cap. 1. de donat. int. vir. & vx. idem ad eundem Sabinum, ipso iure que inter virum & uxorem donationis causa tractabantur, nullius fuisse momenti expresse testa

testatus est cap. 3. §. 6. eodem tit. Quibus adde quæ cap. 1. ad senatusconsultum Velleian. ex Paulo annotata sunt. Denique ad ea quæ nullum omnino factum, quæque nullum prætoris auxilium requirebant, etiam ipsum ius referebatur. cap. 28. Mand. cap. 17. Pro socio. cap. 10. & 21. de compens. quomodo per stipulationem stipulatio ipso iure tolli dicebatur, cap. 27. de pact. & hæc quidem sic olim erant in usu ante Scriboniam legem.

5 LATA deinde lege Scribonia civilis hæc servitutum ususcapio penitus exolevit: & quæ antea civili iure duorum annorum spatio acquirebatur servitutes, statim post Scriboniam legem ex edicto prætoris acquiri longo tempore cœperunt. Scribit enim „ Aggenus Urbicus in Frontinum, biennio iter quod in „ usu erat usucapi potuisse. Iter, inquit, non qua ad culturas peruenitur, capitur usu, sed id quod in usu biennio „ fuit. Quinque enim aut sex pedum latitudinem in agrorum finibus constituit lex Mamilia: eamque iter ad culturas accedens sic occupabat, ut usucapi non posset. Iter igitur qua ad culturas peruenitur, hoc est commune illud iter quod ex lege Mamilia aliquam itineris publicæ naturam induerat, usu reliquarum rerum publicarum exemplo non acquirebatur: sed quod in usu biennio fuit, hoc est, sed illud iter rectè capiebatur iure quo quis privato quodam & proprio servitutis iure usus erat biennio. Ut ita quidem servitutes ante Scriboniam legem biennio usu captas fuisse non sit dubium. Fuisse autem latam hanc legem Tiberij temporibus hinc coniicimus, quod ea in usu non fuerit Ciceronis temporibus, quibus nostri Scribonij pater Lucius Scribonius Libo consulatu aliisque muneribus publicis probe perfunctus est. Scribit enim † pro Cæcinna Cicero, suis temporibus ususcapionem servitutis

*uitutum fuisse civilem, civilique iure earum auctoritatem ratam fuisse habitam, quam deinde sub Tiberio lege lata sustulisse visus est L. Scribonius Libo L. Scribonij Libonis illius, ut suspicamur, filius, qui Cicero-† ni ut popularis, sic quasi coætaneus fuit. Quo quidem tempore, quia Romæ in locum civilis vsucapionis in rebus immobilibus longa possessione capio honoraria successerat, ut in Triboniano diximus, quam sustulit Scribonius seruitutum vsucapionem, eam noua quadam longæ possessionis prærogatiua defendebat prætor. Quod enim cap. 10. si seruit. vind. de seruitutibus vsu diuturno & longa quasi possessione acquirendis differitur, quodque illius capitis inscriptio Domitium Vlpianum ad edictum lib. 53. auctorem continet, satis hinc est probabile, in locum vsucapionis seruitutum civilis lege Scribonia sublata edicto suo nouam aliquam longa quasi possessione capionem seruitutum prætorem surrogasse: eamque deinde imperator Antoninus rescripto quodam expresse etiam confirmasse visus est his verbis: *Is qui index erit, longi temporis consuetudinem vicem seruitutis obtinere sciet.* cap. 1. C. de seruit. & aqua. Ut ita quidem antiquo iure duorum annorum spatio, nouo verò longiore tempore, hoc est, decem inter præsentis, & inter absentes viginti annorum quasi possessione omnes olim seruitutes acquisitas fuisse, nec dubium nec obscurum cuiquam videri debeat.*

Hæc quia non considerauerant viri docti non-6 nulli, existimabant legem Scriboniam ad rusticorum prædiorum seruitutes non pertinuisse, quod verisimile mihi nunquam videri potuit. Si enim ante Scriboniam legem nunquam in vsu fuisse huiusmodi seruitutum vsucapionem existimant, falluntur.

Ciceronis enim temporibus civili iure earum authoritatem ratam fuisse habitam satis probatum est. Sin verò idcirco contenderint rusticas servitutes ad Scriboniam legem non pertinuisse, quia de libertatis vsucapione eo loco tractatur quo legis Scriboniæ mentio fit, non satis probabile argumentum huiusmodi potest videri: quasi verò idcirco servitutum rusticarum vsucap. Scribonius non sustulerit, quod in eo loco in quo de lege Scribonia tractatur, libertatis vsucapionis mentio fit, quæ in urbanis duntaxat servitutibus locum obtinebat cap. 4. §. fin. de vsurpat. Quin contra, quod ante Scriboniam legem civilis servitutum tam rusticorum quàm urbanorum prædiorum in vsu erat vsucapio, quæ post eandem legem non civilis amplius, sed honoraria longa quasi possessione terminabatur, satis hinc potest intelligi, ut urbanorum, sic etiam rusticorum prædiorum servitutum vsucapionem civilem lege Scribonia sublatam, inque eius locum longa quasi possessione capionem à prætore surrogatam fuisse. Civilem enim urbanarum servitutum vsucapionem antè Legem Scriboniam in vsu fuisse non est obscurum, si consideremus eam sustulisse lege lata expressè Scribonium: quæ deinde post Scriboniam legem in honorariam longa quasi possessione capionem transibat. cap. 19. de vsurpat. Rusticarum autem servitutum vsucapionem civilem etiam ante Scriboniam legem in vsu fuisse ex Cicerone probatum est: quæ similiter post eandem legem longæ quasi possessionis quadam prærogativa per prætorem sustinebatur: cap. 10. si ser. vind. Quum igitur eadem semper fuerit rusticarum & urbanarum servitutum in vsucapionibus conditio: quid impediisset Scribonio quo minus utramque lege sua sustulisset Scribonius?

nus? Ergo omnes omnino servitutes ex sui natura
 usucapionem non recipiunt: quia licet corporibus
 accedunt, incorporeales tamen sunt, & idcirco usu
 non capiuntur. capitulo decimoquarto de servit. ca-
 pite trigesimo secundo de servit. urban. præd. Usu-
 capiebantur tamen iure civili ante legem Scribo-
 niam, cap. 4. §. fin. de usurpat. Cic. pro Cæcinna.
 Quam civilem usucapionem sustulit deinde lex Scri-
 bonia, d. §. fin. Prætor denique longæ possessionis
 quadam prærogativa ratas haberi voluit earum ser-
 vitutum auctoritates, quarum Scribonius usucapio-
 nem civilem sustulerat. capite decimo si serv. vind. ca-
 pite decimo de usurpat. 1. §. fin. de aqua & aqua
 pluvia arcend. cap. 1. & 2. Cod. de servit. & aqua.
 Ut ita quidem iure prætorio servitutes longo tem-
 pore acquisitas fuisse probabile sit, quæ ante Scri-
 boniam legem iure civili duorum annorum spatio
 acquirebantur.

CETERVM an titulus in usucapione servitu-7
 tum necessarius fuerit, hic commodè disputari po-
 terit. Et vulgo quidem receptum est, eum necessa-
 rium non fuisse, propter hæc Vlpiani verba: Si quis co-
 diurno usu & longa quasi possessione ius aqua ducenda co-
 actus fuerit, non ei necesse est docere de iure quo aqua con-
 stituta est, veluti ex legato, vel alio modo, sed utilem ha-
 ber actionem ut ostendat per annos, forte tot, usum se non co-
 vi, non clam, non precario. cap. 10. si servit. vind. Ve-
 rum huiusmodi sententiæ subscribere nunquam po-
 terit. Quid enim aliud est, docere de iure quo aqua co-
 stituta est, quam probare an iuste aqua sit constituta?
 Quid item est aliud ostendere usum se non vi, non
 clam, non precario; quam aliquem auctoritatis titu-
 lum proferre? Quomodo enim docere poteris te non
 vi possedisse, nisi auctorem tuum à quo possessio-
 nem

nem nactus es, nominaueris? Et qua ratione ostendes te non clam possedisse, nisi te sine aliquo celandi animo prædij seruiantis domino tuam possessionem denunciassse probaueris? cap. 3. in fin. Quod vi aut clam. Quî denique probabis te nõ precario possedisse, nisi manifestum feceris qua auctoritate ius aquæ ducendæ nactus fueris? Ergo utilis quandoquidem tibi competat actio ad ostendendum, docendum, probandumue tot annis quot ad acquisitionem iure prætorio requirebatur, non vi, sed iure, non clam, sed sciente per tuam denuntiationem domino, non precario, sed titulo acquisitionis iusto te aquam duxisse, quis obsecro in usucapionis seruitutum titulum fuisse necessarium ampliùs inficiari poterit? Nonne is qui docet se non vi possedisse, se iure possedisse probat? Rursus, qui ostendit se non precario possedisse, nonne iustum allegare suæ possessionis titulum tenetur? Quomodo enim probabo me non precario possedisse, nisi doceam ex legato, vel ex donato, vel alio quouis iusto titulo possessionem me iustam acquisiuisse? Si igitur ius aquæ ducendæ nactus fuisses diuturno usu, tibi non erat necessum de iure quo aqua constituta erat docere: hoc est, non debebas probare iure aquam esse constitutam. Veluti si bona fide fundum emisisses cui seruitus antequam emerat debebatur, illumque cum seruitute longo tempore possedisses, non fundum duratam, sed etiam seruitutem per usum acquirere poterat. cap. 12. Quemadmodum seruit. amitt. Nec facta deinde seruitutis controuersia tibi necessum erat docere de iure quo seruitus esset constituta, hoc est (vt Celsus interpretatur) non debebas probare an iustè eam possideres: quia qui fundum cum seruitute bona fide longo tempore possederat, etiam si aut vi, aut clam,

precario seruitus esset constituta, nihilominus
 diuturno ea ab emptore retinebatur. *Fundus enim,*
 inquit Celsus, *qualiter se habens, ita cum in suo habitu*
possessus est, ius seruitutis non deperit, neque refert iuste nec
ne possideat, qui talem eum possidet. d. cap. 12. De iure ta-
 men auctoritatis docere debebat qui longi temporis
 vi prærogatiua in seruitutibus postulabat: nimi-
 rum ostendebat si seruitus vi constituta diceretur,
 se sine vi eam possedisse: si clam, se palam sciente
 domino in possessionem venisse: si precario, se iu-
 sta quadam auctoritate siue titulo usum esse seruitu-
 te: non autem probare cogebatur eum qui seruitu-
 tem constituerat, non vi, non clam, non precario
 constituisse. d. cap. 12. Ius enim aquæ constitutum ad
 eum spectat qui seruitutem libero alicui fundo im-
 ponit, non autem ad eum qui impositam seruitu-
 tem longa quasi possessione nactus est. Cic. ad Quin-
 tianum lib. 3. epist. *Fundum audio te hunc Boni-*
Caius velle retinere: de eo quid videatur ipse constitues.
Caius aiebat aqua dempta; & eius aquæ iure constituto, &
seruitute fundo illi imposita, tamen nos pretium seruare
posse si vendere vellemus. Ecce, ius constitutum aquæ
 refert ad originem seruitutis Cicero: quod etiam
 Vlpianum fecisse non dubito. Ut ita quidem non
 videatur ei qui ius aquæ ducendæ tempore nactus
 erat, necessum fuisse docere de iusta seruitutis ori-
 gine apud Vlpianum, qualis est seruitus quæ ex lega-
 to, donato, emptione, aut aliis modis legitimis in li-
 bero fundo constituitur.

An autem bona fides in vsucapionibus seruitu-
 tum requirebatur, scio quæsitum. Equidem eam
 necessariam fuisse nunquam dubitavi: tum quod
 seruitute usum non videri scribat Paulus, *nisi eum qui suo*
iure vi se credidit, cap. fin. Quemadmodum seruit.

amittitur etiam quod is qui longa quasi possessio-
 ne servitutem acquirere volebat, ostendere (ut mo-
 do diximus) & probare debebat, non vi, non clam,
 non precario eam se possedisse. C. si ser. vind. Quod
 igitur hæc tria probare debebat possessor, miror à
 viris doctis nonnullis traditum esse mala fide servi-
 tutes acquiri potuisse. Sed illis fortè obscurum im-
 peratoris Antonini rescriptum quoddam im-
 posuit. *Si aquam, inquit Antoninus, per possessionem*
Martialis eo sciente duxisti, servitutem exemplo rerum im-
mobilium tempore quasiuisti. cap. 2. C. de seruit & aqua.
 Ecce, *servitutes acquiri tempore rerum immobilium exem-*
plo, scribit Antoninus, hoc est, non solum sciente,
 ut alij interpretantur, fundi seruiantis domino, sed
 etiam ut cum eius scientia & titulus & bona fides
 concurrant. Quod enim non vi, non clam, non
 precario omnis acquiri tempore servitus debebat,
 consultus Antoninus an quis clam, hoc est, insciente
 domino sine denunciatione ius aquæ ducendæ pos-
 sit acquirere, respondit servitutem cum acquisivisse
 qui aquam duxit per possessionem Martialis *eo scien-*
te, hoc est, non clam. d. cap. 2. & cap. 4. in fi. Quod vi
 aut clam. Ut ita *exemplo rerum immobilium,* tempore
 servitutes acquirantur, hoc est, bona fide & iusto
 interueniente titulo. Hæc autem eiusdem rescripti
 verba: *Quod si ante id spatium eius usus tibi interdictus*
est, frustra sumptus in ea re factos præstari tibi postulas, ad
 superiora non pertinent: proinde sic accipienda pu-
 to, quasi diceret imperator: si cum sciente domino
 possideres, tamen quia non iure possidebas, usus
 servitutis tibi fuerit iudicis pronunciatione interdi-
 ctus: si quidem ante tempus usucapionis, frustra
 sumptus tibi præstari postulabis: sin post illud tem-
 pus, existimarem præstandos esse. Sunt igitur huius
 responsi

responsi duo capita: vnum, quo consulebatur Antoninus, an *clam*, hoc est, inscio fundi seruiantis domino sine aliqua possessoris denunciatione acquiri tempore seruitus poterat: alterum, an is qui in seruitute quam suo prædio deberi contendebat, vindicanda succubuit, poterat sumptus quos fecerat vindicare. ad prius caput respondit Antoninus, *clam*, hoc est, sine denunciatione, inscio prædij seruiantis domino vsu diuturno seruitutem acquiri non potuisse: ad posterius verò respondens, distinctione uti visus est, ut si quidem ante tempus illud quod in vsucapionibus seruitutum observabatur, interdictus possessori fuisset vsus seruitutis, sumptus restituendi non essent: sin verò post illud tempus utique restituendi viderentur. Et ita in vsucapionibus seruitutum non titulus tantum, sed etiam bona fides requirebatur.

F I N I S.

SVMMA RERVVM PRIMO LIBRO
TRACTATARVM CAPITA.

- Præiudiciũ tam ad futurum quàm ad præteritum tempus
commode referri.* CAPVT I.
- Præiudiciũ ad præteritum tempus relatum quam diuisione
nem ex Fabio recipiat, & ad futurum in quibus consi-
stat.* II.
- Præiudicij siue iudicij ad causam qualis sit distinctio, &
qua ratione in nomen præiudicij iudiciũ ad causam
transierit.* III.
- Quenam sit antiqua iudicij per prætorem ratio decernen-
di.* IV.
- Cognita causa in litis verba ius composuisse prætorem.* V.
- Composito iure controuersiam ad iudicem transferri, & quid
à cognitione iudicis prætoris differat cognitio.* VI.
- Exceptiones nonnunquam vel in præscriptionem, vel in præ-
iudiciũ transmutari.* VII.
- De vera præscribendi ratione, quid sit præscriptione remone-
ri vel submoueri in nostris Pand.* VIII.
- Quando in præscriptionem dicatur exceptio transiisse.* IX.
- In quibus iudicijs præscriptioni locus sit, & qua ratione.* X.
- Exceptio in præiudiciũ quomodo transeat.* XI.
- Præiudiciales actiones unde nomen acceperint.* XII.
- Incertum esse præiudiciorum numerum, & loci aliquot de
præiudicijs obscuriores vero sensu declarari.* XIII.
- Quid sit præiudiciũ.* XIV.
- An condemnationem vel pronuntiationem contineat præiudiciũ.* XV.

CAPITA LIBRI SECVNDI.

- Præiudiciũ alterutro desiderante quomodo reddatur.* I.
- An sine cognitione causæ reddi possit præiudiciũ, & de co-
gnitione*

- gnitione causse quædam non vulgaris. II.
 Quis in præiudicio actoris partibus fungi debeat. III.
 Quæ ratione nulla interveniente caussa præiudicium red-
 datur. IV.
 Toti cum parte in controuersiam concurrenti qua ratione
 præiudicetur. V.
 Si principale cum accessorio in controuersiam concurrat, cui
 præiudicandum sit. VI.
 Quare per minorem caussam maiori cognitioni non præiudi-
 cetur, vera ratio tradita, quæ ab interpretibus animad-
 uersa non est. VII.
 Extra formulas exceptionum, quid sit præiudicium facere,
 præiudicium fieri, præiudicare, præiudicium incurrere, &
 id genus alia. VIII.
 Præiudicium personale in quo differat à reali, seu quasi rea-
 li. IX.
 In Oppianicum quomodo præiudicium fiat. X.
 De præiudicio in C. Verrem apud Ciceronem act. 5. in C.
 Verrem. XI.
 Quomodo à iudicali differat præiudicialis condemna-
 tio. XII.

IACOBI RÆVARDI

IC. DE PRÆIUDICIIS

LIBER PRIMVS.

CAPVT I.

*Præiudicium tam ad futurum quàm ad præteritum
tempus commodè referri.*



RIS CIS Romæ temporibus in litis
verba prætoris ius solemniter compo-
nente, frequens præiudiciorum erat vsus,
isque non tam varius, non tam obscurus,
vt certis quibusdam regulis tradi vel contineri ne-
queat, quem qui rectè exposuisse sunt opinati, mini-
mè intelligebant. Nos autem vt quid hac de re possi-
mus iudicare, paucis aperiamus; considerationem
præiudiciorum duplicem ante omnia constituemus.
Vno enim modo præiudicium dicebant Romani quasi
præiudicatum. Præiudicatum autem erat prius iu-
dicatum, quemadmodum præiudicare prius iudicare.
† Cicero lib. 5. epist. ad Brutum. *Quod enim Senatus non-
dum censuit, nec populus Romanus iussit, id arroganter non
præiudico, nec reuoco ad arbitrium meum.* Vnde & præ-
iudicium accipitur interdum pro iudicio olim dato
inter alios & constituto. Huc alluisse visus est Gel-
lius dum hunc in modum scriberet lib. 2. cap. 2. *Absq[ue]
præiudicio (inquit Taurus) tu interea sede dum inspicimus
querimusque, vitrum conueniat te ne potius sedere qui pater
es an filium qui magistratus est.* Quo etiam non incom-
modè

modè referri potest, quod Tacitus de moribus Germanorum ita scripsit: *Eius gentis* (loquitur de observatione quadam auspiciorum qua bellorum euentus sapius explorabantur) *cum qua bellum est captivum quoque modo interceptum cum electo popularium suorum patriis quemque armis committunt: victoria huius vel illius præiudicio accipitur.* Nimirum si de iusta belli causa queratur, ex victoria hostium captivorum patriis armis commissorum *tanquam ex præiudicio*, id est, haud aliter quàm si iudicium aliquod ea de re factum fuerit, illa æstimabitur. Et ita *præiudicium* quasi præiudicatum dicitur. Altero autem modo quasi præiudicandum, & sic tam ad futurum quàm ad præteritum tempus præiudicij vocabulum refertur.

CAPUT II.

Præiudicium ad præteritum tempus relatum quam divisionem ex Fabio recipiat, & ad futurum in quibus consistat.

DIVIDITUR præiudicatum in res ex paribus causis iudicatas, & pronuntiationem de eadem causa; præiudicandum verò in iudiciis ad aliam causam pertinentibus duntaxat consistit. Fabius Institut. orator. lib. 5. cap. 2. *Præiudiciorum vis omnibus in generibus versatur; rebus quæ aliquando ex paribus causis sunt iudicate, quæ exempla rectius dicuntur, ut de rescissis patrum testamentis vel contra filios confirmatis: iudiciis ad ipsam causam pertinentibus, unde etiam nomen deductum est, qualia in Oppianicum facta dicuntur, & à senatu adversus Milonem; aut cum de eadem causa pronuntiatum est, ut in reis deportatis, adsertione secunda, & partibus centumviralium.* Hæc Fabius. Ex quo loco manifesto constat duplici quemadmodum iam dixi,

ratione nomen suum obtinere præiudicium ; vna quasi præiudicatum , altera quasi præiudicandum, quod ex his verbis, *Vnde etiam nomen ductum est*, colligitur. Cæterum præiudicatum in iuris regulas quomodo transeat, indeque in consuetudinem deueniat, alio loco commodius. De iudiciis enim ad aliquam causam pertinentibus totum hunc commentarium duntaxat facturi sumus, de aliis absolutis (si Deus dederit) aliquando commentariis disputaturi.

CAPVT III.

*Præiudicij, siue iudicij ad causam, qualis sit distinctio,
& qua ratione in nomen præiudicij iudicium ad causam transierit.*

VT itaque de iudiciis ad causam aliquam pertinentibus dicamus, præmittendum erit huiusmodi iudicia vel ad rem, vel ad personam sic referri, vt vel rei (sic enim loquuntur Iurisconsulti, quamuis *præiudicare rem* siue *de re* dixerit non vno in loco Tullius) vel personæ semper præiudicetur: Rei, veluti hæreditati, vt in cap. i. famil. ercisc. Veritati, vt in cap. pen. de his qui sunt sui. Prædio, in cap. 16. de except. & ita deinceps. Personæ, qualia in Oppianicum facta dicuntur præiudicia, & à Senatu aduersus Milonem ; qualia item in Verrem facta fuissent, si postulanti G. Gallio iudicium *QVOD PER VIM AC METVM ABSTVLISSET*, in Apronium L. Metellus decreuisset; vt est apud Cic. act. 5. in C. Verrem. Est itaque præiudicium aliud in rem & quod in rem videtur esse, aliud in personam. De reali & quasi reali prius dicemus, ordine deinde de personali disputaturi. Regulæ igitur loco teneant studiosi inueniri apud veteres nonnullas exceptionum species, quæ

quæ causas principales ad quas pertinent ita concernunt, ut nisi in iudicium deducantur, & prius ad quas pertinent causis definitionem accipiant, sine reb. de quibus principaliter agitur, imponi non possint. Quæ exceptiones quidem præiudicia eo modo dicta sunt, quo præiudicare prius iudicare significat. Ut ecce, si quum à liberto operas exigere, libertus in iure se libertum negauerit, hoc casu anne liberalem ante causam peragi necessum erit, quam operarum petitio in iudicium deduci possit? Quod si id ita fuerit, consequens erit non ante de operis cogniturum iudicem, quam si præiudicaret libertati, hoc est, prius de libertate iudicaret. Antequam igitur operarum petitio interueniat, redditur præiudicium cæterorum iudiciorum solemniter modo, quem ex variis antiquitatum monumentis in studiosa iuuentutis gratiam hic non omitti posse existimaui.

CAPUT IV.

Quanam sit antiqua iudicij per prætorem decernendi ratio.

Q U I M qui agebant causam apud prætorem dicebant. De causa quæ dicta erat cognoscebat prætor, vel ut videret an leges permittant, anue prohibent actionem dari: quo modo ex lege Licinia prohibetur, qui euitandi iudicij communi diuidundo gratia rem alienauit, communi diuidendo agere. cap. ult. de alienat. mutand. iud. Vel ut rei præsentis, de qua suscipitur controuersia, diligenter inspicere naturam, substantiam, qualitatemque ponderaret. Sæpiissime enim tam exiguis & leuibus de causis suscipiuntur controuersia, ut facile de plano, vel per libellum possint expediri, cap. 9. de offic.

proconsul. Cæterum si non ob hæc, certè quod prætoris fuerit quondã æstimare quid esset suarum partium dum actio petebatur, hoc est, vtrum ipse cognosceret an iudicem dare deberet, cap. 9. de offic. præsid. non mirum si inaudita causa actionem nunquam decreuerit. Et quandoquidem non competente ciuili vtilitatis causa propria interdum soleat actionem dare prætor, cap. vlt. de edend. & c. 45. de proc. hac etiam ratione factum est, vt antequam det actionem, prætor cognoscat an ne alia sit actio, c. 14. de eo quod met. caus. Quò pertinent hæc verba, *Causa cognita actionem dare, Causa cognita actionem denegare*, in nostris Pand. In qua quidem cognitione causæ obseruari solet, vt si actoris intentionem inficiaretur reus, de ea prius cognosceret prætor, qui actionem posset decernere. Dicere enim debet actor quo iure quid dari fieriue ab aduersario postulet: instrumenta, chirographi, & id genus alia, quibus probationibus vti solent veteres, apud datum iudicem eduntur, eoque testes euocantur. Sed si reus de actoris intentione confiteatur & insuper exceptio- ne vsus sit, etiam prætor de ea ante cogniturus est, quam reus illam obtineat, cap. 35. solut. matrim. 8. de probat. Et ita quæ purè decreta fuisset, homi- do addita exceptione actio datur.

CAPVT V.

Cognita causa in litis verba ius composuisse prætorem.

DE causis sic cognouisse prætorem vt antequam actionem daret, quo iure actor in agendo, quo item in excipiendo reus vterentur, diligenter inquireret, ex superiore capite constat, quæ prætoris

toris inquisitio prætoria dicitur cognitio cap. 1. de rei vind. cap. 3. de lib. exhib. Et certe in actionibus exceptionibusque decernendis sic de causa prætorem cognouisse, ut auditis partiū probationibus eas decerneret, auctor est lib. 1. de Orat. Cicero, de imperio iuris aduocato in Q. Pompeij tribunali postulante differens. Et tandem inquisita, audita, cognitaque utrinque causa, in verba litis eius (auctore in act. 3. contra Verrem Pediano) componebat quod iudici præscribebat, ut secundum illud præsens controuersia definitionem acciperet. Hinc Varro de Lat. ling. lib. 5. iudicem dictum existimat quod ius dicat accepta potestate. Cuius quidem iudicis officium erat de facto cognoscere & ex formula à cuius præscripto non poterat aberrare, sententiam ferre. Id quod ex Seneca euidentissimum est, qui sic lib. 3. de beneficiis, cap. 7. scribit: *Quæcumque in cognitionem cadunt, comprehendendi possunt & non dare infinitam licentiam iudici: ideo melior videtur conditio causæ bonæ si ad iudicem quam ad arbitrum mittatur, quia illum formula includit, & certos quos non excedat terminos ponit; huius libera & nullis adstricta vinculis religio, & detrahère aliquid potest & adiicere. Nec quidem in huiusmodi iure componendo satis erat prætori de actoris intentione cognouisse. Nam rei quoque admittebatur defensio actorisque interdum replicatio. c. 7. de curat. furios. dat. c. 30. de pact. dot. Et hanc iuris compositionem formulæ nomen apud antiquos obtinuisse ex his Annæi Senecæ verbis supradictis omnino constat; Quia illum formula includit: præsertim si addideris sic eundem Senecam de benef. lib. 6. cap. 5. etiam scripsisse: Confunditur formula, si qui apud me pecuniam deposuerat, idem mihi postea furtum fecerit, & ego cum illo furti agā & ille mecum depositi. Quin & Paulus cap. 40. de*

de neg. gest. huiusmodi formularum conceptionis meminit de iudiciis extraordinariis disputans. Hinc illa actionem pacta formare dicuntur, cap. 7. de pact. quæ quum in litis verba ius componit prætor formula actionis comprehenduntur.

C A P V T V I.

*Composito iure controuersiam ad iudicem transferri,
& quid à cognitione iudicis prætor
differat cognitio.*

CÆ T E R V M iure composito ad iudicem quem prætor dabat cōtrouersia trāsferabatur. Namq; quum innumeris Romæ quotidie litibus emergentibus prætoris tribunal sic implicabatur, vt si ipsus prætor de singulis cognoscere ac definire debuisset, tanto oneri haud dubie succubuisset, huius muneris participes vti faceret nonnullos, prudentia & ingenio commendatos priuatæ conditionis viros fuerat merito constitutum. Itaque dum prætor iudicem iudicesue daret, nudam simplicemque veritatis inquisitionem (quæ facti est) commendabat, dicebatque, SI P A R E T T I T I V M dare oportere; quamuis interim de causa cognosceret. Cuius quidem cognitio à iudicis quem dabat cognitione in hoc recedebat, vt illa in iure, hæc verò in nudo simplici factō versaretur. Prætor igitur de causa in ciuilibus iudiciis quæ mandari possunt cognoscit, cognoscit de causa & iudex datus: prætor, quo iure actor reum in ius trahat, quo item se reus defendat, cap. 30. de pact. dot. cap. 22. §. 6. solut. matrimon. iudex datus, an sic se res habeat, quemadmodum ea tum ab actore, tum à reo coram prætore dicta est. Illud enim esse dati iudicis officium ex his Vlpiani verbis probari

potest. Quo fit ut eo casu ipse iudex apud quem hoc iudicium agitur cognoscat, an coheres sit, cap. i. fa. nimirum qui se coram prætore (à quo præiudicali exceptione addita erciscundæ familiæ iudicium decretum est) iure coheredem probauerat. Quocirca non iurisdictionem, sed simplicem duntaxat notionem datum iudicem habere auctor est Vlpianus cap. 5. de re iudic. Et ita in litis verba ius componebat prætor, non pure tantum, sed etiam exceptione addita.

CAPUT VII.

Exceptiones nonnunquam vel in præscriptionem, vel præiudicium transmutari.

QUA ratione in litis verba ius componēs actionem tum pure, tum etiam addita nonnunquam exceptione dederit Romanus prætor, hætenus disputatum est, nunc videamus quomodo exceptio quam prætor addebat actioni, soleat interdum in præscriptionem vel in præiudicium transmutari. Et quidem actionis verbo præiudicium comprehendit, Vlpianus auctor est cap. 37. de act. & obligat. Illud quoque etiam exceptionis nomine contineri argumentum est titulus de exceptionibus, præscriptionibus & præiudiciis. Igitur tam exceptionis quam etiā actionis nomine vnum idemque præiudicium comprehenditur. Exceptionis quidē, respectu illius ad quam pertinet causæ seu præiudicij principalis: actionis verò, vsitato iudiciorum ordine, ut ex subiectis apparet. Omnis itaque exceptio quæ in suis terminis non permanet, vel in præiudicium, vel in præscriptionem transmutari solet. In præiudicium, si exceptio in iudicij naturam ac ordinem transmigret. Quò pertinent huiusmodi exceptionum formulæ,

SI IN EA RE QVA DE AGITVR, PRÆIV-
 DICIVM HÆREDITATI NON FIAT, c.1. fa-
 mil.ercisc. SI PRÆIVDICIVM HÆREDITATI
 NON FIAT INTER ACTOREM ET EVM QVI
 VENVNDEDIT, cap. 25. de petit. hæredit. SI
 PRÆIVDICIVM EVNDO PARTIVE EIVS
 NON FIAT, cap. 17. de except. & sic de cæteris. In
 præscriptionē transit exceptio si prius exceptionem
 suam reus probet quàm actio instituta tractetur; vt
 in huiusmodi formulis, SI NON PACTVS SIT
 NE PETERET. SI NON SOLVTA SIT PECV-
 NIA. SI IN EA RE NIHIL DOLO MALO
 ACTORIS FACTVM EST, cap. 2. de dol. mal. &
 met. except. SI IN EA RE NIHIL METVS
 CAUSA FACTVM EST, c. 4. d. tit. & sic deinceps.

CAPVT VIII.

*De vera præscribendi ratione, quid sit præscriptio
 remoueri vel submoueri in nostris*

Pandectis.

QUOTIENS autem in præscriptionem transi-
 ret exceptio, ni reus præscriberet, id est, prius
 doceret quàm actio instituta tractaretur, nihil im-
 pediebat quo minus lis secundum actorem daretur:
 sin verò doceret, ab actione submouebatur actor,
 quamuis eā in iure obtinuisset. Veluti, si petas à me
 centum, & te dicam pactum ne peteres; quamuis in
 in iure actionem impetraueris, & ego exceptionem,
 tua tamen tandiu differetur intentio, donec de mea
 exceptione cognouerit iudex datus. Ideoque si pacto
 præscribam, siue doceam pactum factum, ab actio-
 ne submoueberis: sin docere nequeam, vtiliter eam
 perages & in lite superior euades. Et hoc illud est
 quod

quod passim prudentum responsa euoluentibus occurrunt, *præscriptione submoueri*, *præscriptione non reuocari*, vt in cap. 12. de inoffic. testam. cap. penult. circa fin. de re iud. cap. penult. si libert. ingen. esse dic. cap. 12. de diuers. tempor. præscript. & aliis locis innumeris. Ideoque Fortunatianus lib. 1. Rhetoricor. sic translationem à præscriptione distinxit, vt putaret translationem transferre, præscriptionem perimere seu excludere actionem: *ea enim* (inquit) *à principio probata extinguatur actio*. Si igitur extinguatur, adeo mirum si ab ea repellatur actor remoueaturque? Et hic verus est quem nullus obseruauit præscriptionis effectus, quæ à prius scribendo nomen traxit. Ecquid enim aliud præscribere est quàm prius scribere, analogicòs autem prius tradere, prius docere, prius probare, & ita deinceps, quemadmodum non vno in loco Seruius & Donatus testantur? Si ergo prius actione pertractetur exceptio, ei præscribi rectè dicemus, quasi quod de ea prius scribatur.

CAPVT IX.

Quomodo in præscriptionem dicatur exceptio transiisse.

NE quis interim existimet impetratam in iure exceptionem cōfestim in præscriptionē transire; id enim iure tacito fieri nequit, sed facto opus est. Ideoque quamdiu reus probatione nulla grauatur, in suo nomine suisque terminis manet exceptio, quos egreditur probationibus reo delatis. Igitur huiusmodi formula, SI NON DOLO MALO ACTORIS IN EA RE QUID FACTVM SIT. exceptio est nō præscriptio. Itaque reus si dixerit se dolo actoris circumuentum, excipit, sin prober, præscribit. Qua quidem ratione

ratione sola cap. 1. de doli mal. & met. except. Paulus, *An quid dolo factum est* (inquit) *ex facto intelligitur*. Nimirum probationibus à reo in medium adductis. Prescribere enim & probare vocis, non vtrique significationis omnino differentia cerni, nemo ambiget qui responsum Iulij Aquilæ cap. si. de suspect. tutor. vel obiter inspexerit: & ex cap. 2. Ne de stat. defunct. id idē colligitur. Quibus cap. 3. de præuaricat. etiam Macer subscripsisse visus est. Quo sensu *prescriptio diutina possessionis* cap. 9. Martiano dicitur, & Papinianus cap. 10. *prescriptio temporis*, & Paulo etiam cap. 12. *prescriptio longæ possessionis*, & Hermogeniano denique *prescriptio viginti annorum* cap. 13. sub tit. de diuers. temporalib. præscript. Nec alio sensu cap. 15. ad L. Iul. de adulter. *prescriptionem non obijci suam iniuriam vindicanti* dixit Vlpianus.

CAPVT X.

In quibus iudicijs prescriptioni locus sit, & qua ratione.

CÆTERVM olim tam in caussis capitalibus quàm ciuilibus, tamque in publicis quàm priuatis vsum hunc præscriptionū fuisse quotidianum, ex hac formula deprehēdi potest, SI LEGEM PRODIGIDISSE DICATUR OB HOC, QVOD AGGRESSVS ACCVSATIONEM ADVLTERRI DESTITIT. c. 2. ad L. Iul. de adult. Illudque commune fuit caussis ciuilibus cum criminalibus in hoc præscriptionis vfu, quod tam in his quam in illis à priore tractatione præscriptio nomen acciperet. Idcirco Vlpianus *prescriptiones quæ obijci solēt accusantibus adulterij ante tractari* dixit *quæ quis inter reos recipere* cap. 15. ad leg. Iul. de adult. ad etymon nimirum vocis alludens,

audens, quasi indicans præscriptiones inde dictas quod prius tractentur; in causis criminalibus, priusquàm quis inter reos recipiatur; in ciuilibus, priusquàm actio instituta tractetur. Alia igitur nulla præscriptionis verbo exceptio comprehenditur, quam quæ in præscriptione transit, hoc est, (vt Vlpianus interpretari videtur) in priorem tractationem. Omnis igitur exceptio, præscriptio non est, quamuis aliter cum accursio reliqui mihi sentire visi sunt, etiam hi qui suas ementitis opinionibus commentationes studiosæ fraudulenter obtrudunt iuuentuti. Et hæc de præscriptione. Exceptio igitur vel in præscriptionem vel in præiudicium transit, quæ in suo nomine non permanet. De præscriptione hætenus, nunc de præiudiciis.

CAPVT XI.

Exceptio in præiudicium quomodo transeat.

SI in huiusmodi iudicium transeat exceptio, quod prius ad quam pertinet causa definiendum veniat in præiudicium sic transit, vt illud ante iudex datus expediat quam de causa cognoscat. Vt ecce, si quum à te fundi Tusculani fructus peterem, tu fundum Tusculanum tuum diceres, nonne prius de fundi proprietate iudicandum erit, quam fructuum possit tractari condictio? Igitur quomodo prætor actionem daturus est? pure ne? non vtrique: sed adnecentem, quam in terminis suis non permigrantem, sed in naturam & ordinem actionis transferet. PARET FVNDI TVSCVLANI FRVCTVS SCAVRO DEBERI, SI PRÆIVDICIVM FVNDI NON FIAT, secundum ea quæ cap. 17. de except. Africanus refert.

Si fundi eius, inquit, quem tu possides, & ego proprium meum esse dicam, fructus condicere tibi velim, quasi sum est, an exceptio, QVOD PRÆIVDICIVM FVNDQ PARTIVE EIVS NON FIAT, ob-
stet, an deneganda sit? & utrobique putat interuenire præ-
torum debere, nec permittere petitori priusquam de proprietate
constet huiusmodi iudiciis experiri. hæc Africanus. Si
igitur actor purum postularit iudicium, nimirum
fructus deberi, & reus exceptionem hanc addendam
contenderit, SI PRÆIVDICIVM FVNDQ PARTIVE
EIVS NON FIAT, hoc est (ut interpretari viderur
Africanus) si non de fundi proprietate prius iudicandum
sit, utrobique interueniet prætor, reo nimirum, &
actori pariter sui auxilij facturus copiam, non pu-
re, sed addita quæ in præiudicium transitura est, ex-
ceptione actionem tribuens. Ut quis interim non
ignoret præiudicialis exceptionis formulam, hoc
(ni fallor) modo concipi solet AIO PRÆIVDI-
CIVM PRÆDIO FIERI DEBERE, ut sic excipiat
reus, QVOD PRÆIVDICIVM PRÆDIO NON FIAT;
prætorum deinde præiudicij formulam componen-
tem sic dixisse, SI PRÆIVDICIVM PRÆDIO NON
FIAT. Hinc si fundum & præterea etiam viam ad
eum fundum à te petam, tuque in iure conquerare
quod fundo præiudicium non fiat, hoc est quod non
prius de fundo quam de via iudicetur; nimirum cui
præiudicium fieri necessum est, ut possit de via iu-
dicium ordinem accipere, exceptionem vtilem tibi
fore idem Africanus scribit cap. 16. de except. quæ
videlicet in præiudicium sic transibit, ut prius de
fundi proprietate datus pronuntiet iudex, quam de
via cognoscat. Ita enim hanc formulam, QVOD
PRÆIVDICIVM PRÆDIO NON FIAT, eodem
cap. interpretatus est idem African. his verbis,
Vide

Idelicet quod non aliter mihi viam deberi probaturus sim, quam si prius probauerim fundum Titianum meum esse.
 Et ita intelligi debent huiusmodi præiudiciales formulae, QUOD PRÆIUDICIUM NON FIAT. Si enim conqueratur reus, quod præiudicium prædio non fiat, in effectu igitur præiudicium fieri prædio potest: tantum abest ut impedire conetur, ne fiat prædio aliquod præiudicium quemadmodum somberique interpretes. Ecquis obsecro tam stolido heretique ingenio est, ut hinc non intelligat, sic olim præiudicium iurisconsultos accepisse, ut eius appellatione, non id solum quod vere, vel per quandam translationem præiudicatum videbatur, sed illud etiam quod prius esset, respectu iudicii alicuius principalis iudicandum, intelligerent? Reddebat præiudicium prætor, cap. fin. Si ing. esse dicat. Quomodo? Nonne ut iudicium? Iudicium dedit. An sic ut id quod iudicatum erat, actionis formula comprehenditur? Ait prætor, Iudicium dabo. Quid hoc est aliud quam iudici demonstrabo, quid ei sit iudicandum? Ait prætor *Præiudicium reddam.* Quid hoc est quaeso, nisi fuerit, quid prius sit iudicandum formula comprehendam? Profecto si mihi non creditur, Vlpiano saltem habebitur fides, qui cap. 1. famil. erisc. in hanc sententiam scribit: *Ex duobus heredibus hereditatem alter possidebat, altero in partem hereditatis se admittendum sedulo contendente, aduersus quem in iure partem petentem, & familia eriscunde actionem postulantem pure, alter ille qui hereditatem possidebat, actioni exceptionem hanc, SI NON IN EA RE PRÆIUDICIUM HEREDITATI FIAT, addi potest: cognita deinde causa, in litis huius verba prætor; SI PARET INTER CAUSAM ET SEIVM FAMILIAM ERCISCUNDAM,*

SI IN EA RE PRÆIUDICIUM HEREDITATI NON
 FIAT, EX BONA FIDE SERVILIUS ERCISCAT. hoc est,
 si non in ea re prius fieri debeat de hereditate iudi-
 cium. Quasi in effectu dicat prætor, si familiam præ-
 ter erciscundam, nisi de successione incidat contro-
 uersia, Servilius erciscat; si incidat, prius illam con-
 trouersiam dirimat, quam familiam erciscat. Quod
 expresse significant hæc, quæ in eodem Vlpiani re-
 sponso subsequuntur verba; *Quo fit, ut eo casu ipse*
iudex apud quem hoc iudicium agitur, cognoscat an coheres
sit, nisi enim coheres sit, neque adiudicari ei quicquam oportet,
nec aduersarius ei condemnandus est. Quibus qui-
 dem omnibus ex locis illud intelligi potest, quod
 sæpe diximus, & dicendum sæpius est, præiudicia-
 les exceptiones, in actiones, quæ prius iis, ad
 quas pertinent, causis per datum iudicem, ex for-
 mulis definiendæ sunt, transmutari. Vnde satis de-
 mirari nequeo, qua ratione putauerint nonnulli,
 antequam à prætore actio detur, dirimendam omni-
 no quæstionem præiudicialem, quum hic Iuriskon-
 sultus Vlpianus expresse doceat, non utique per præ-
 torem dirimi solere præiudicia, sed per datum iudi-
 cem, quod non tam ex ipsa, quæ hic extat præiudicij
 formula, quam ex verbis subsequentibus liquido
 constat, nimirum his, *ut eo casu ipse iudex, &c.* Accur-
 sius Vlpianum sic est interpretatus, quasi reus dixe-
 rit actori, recte ageres actor, sed quia hic fit præiudi-
 cium in eo, quod prius hereditatem petere debue-
 ras, ideo non recte agis: quasi vero in actione expe-
 tuenda actor errauerit, cui familiæ erciscundæ expe-
 riunt in eo fieret præiudicium, quod hereditatem
 petere debuerat, non utique familiæ erciscundæ age-
 re. Sed non didicit Accursius prætorem olim non-
 nunquam pure, nonnunquam addita exceptione
 actio

tionem decreuisse, exceptionemque interdum in prescriptionem, interdum in præiudicium transmutari. Et certe quid esset præiudicium, tam inops latuisset sermonis, ut non sit assecutus. Quod si igitur hæc didicisset, & verba illa, *Non nocet talis exceptio*, ponderasset (quæ sic sunt accipienda, ut si coheres ille aduersus quem alter coheres exceptionem obtinuit præiudicialem suam partem possideat, sic talis non noceat exceptio, ut qui in iure illam obtinuit ea prohibendus sit experiri) haud dubie in errorem istiusmodi non incidisset, in quem & reliqui eum secuti collapsi sunt.

CAPVT XII.

Præiudicales actiones unde nomen acceperint.

QUæ vera fuerit exceptionum distinctio superioribus aliquot capitibus declaratum est. Quamquam Accursius, Bart. & reliqui, quorum ad nostras manus scripta peruenerunt, non animaduertissent, bone Deus qualia commenti sunt? Ut vnum de tot erroribus, quibus inuoluti sunt interpretes, recenscam, existimant illi actiones omnes, quibus status conditionisue quæstio tractatur, præiudiciales nominatas; quo nihil potest dici absurdius. Quomodo enim liberalia iudicia ab actionibus illis præiudicialibus, de quibus in §. præiudiciales agit Imp. differre aliter dixeris, quam quod hæc ad causam aliquam pertineant, indeque nomen acceperint; illa vero quæ per se stent, causæ nullius respectu tractentur. Igitur sine præiudiciis subsistunt iudicia, sine quibus præiudicia non subsistunt. Idque mihi usus est diuus Ambrosius voluisse sic de interpellat. libro 2. cap. 3. scribens: *Non enim patitur præiudicium, cui non*

742 IAC. RÆVARD. TOM. II.
est iudicium. Iraque ad ingenuitatem & iudicio &
 præiudicio proclamari solet: iudicio, si eius qui pro
 seruo detinetur nomine domino liberalé quis scri-
 bat dicam; quo pertinet titulus de liberali caussa, in
 quo ne semel quidem præiudicii mentio fit; præiu-
 dicio, si quum patronus in ius libertum duxisset, ille
 se declararet ingenuum: quo casu quod prius de li-
 berti quam de patroni intentione iudicetur, ideo ad
 ingenuitatem præiudicio fieri proclamatio dicitur.
 Et eo haud dubie referendus est de actionib. præiu-
 dicialibus Iustiniani locus sub tractatu de actionib.
 Inst. lib. 4. Non inde ergo præiudiciales actiones di-
 ctæ sunt, vel quod in iis magnum præiudicium ver-
 tatur, vel quod aptæ sint aliis præiudicare caussis,
 vel denique quod per illas impediri videatur, ne
 præiudicium feratur, vt plurimi somniarunt, verum
 inde potius, quod prius ad quas pertinet, caussis per
 datum iudicem expediantur. Habeo manuscriptum
 incerti cuiusdam auctoris antiquissimum de verb.
 iuris libellum, in quo de his iisdem actionibus præ-
 iudicialibus sic inter cetera scriptum reperi; *Præiu-*
diciales verò dicuntur, quia in modum exceptionum opponi-
tur, & ante primam questionem, de necessitate terminantur.
 Nec quidem dubito quin hanc interpretationem ex
 aliquibus veterum iurisconsultorum, quæ nunc in-
 ter ciderunt reliquiis, auctor ille desumeret. Huius-
 modi enim reliquiis vsus esse quibusdam in locis
 omnino videtur.

C A P V T XIII.

*Incertum esse præiudiciorum numerum, & loci aliquot de
 præiudiciis obscuriores vero sensu declarati.*

EOrum porro, qui de certo præiudiciorum nu-
 mero contenderunt, manifestus erit error, si præ-
 ter

terea quæ cap. 11. huius prioris libri notata sunt didicerimus, quid apud Papirium sit præiudicio experiri, quid præiudicio iuuare sit apud Plinium. Et hæc quidem nunc ordine tractanda sunt. Igitur si are alieno grauatus reipublicæ causâ me in exteras regiones contulerim, & reuersus domum, inuenerim creditores magnam bonorum partem, quia non defendebar, quasi ob contumaciam distraxisse, hanc si consequi velim, præiudicio consequi necessum erit; hunc in modum. Rem meam à possessoribus vindicabo, quibus emptionem obiciendum negabo bona iure diuendita: tum si venditionem iustam sustinuerint, tota ex præiudicio sic pendebit controuersia, ut prius iudex, an bona sint iure alienata, iudicet, quam rei vindicatio tractetur. Et hoc illud est, quod ita Papirius scribit cap. 30. de bon. auctor. iud. possid. in Florent. editione: *Impp. Antoninus & Verus Augusti rescripserunt eos qui bona sua necipem iure venisse, præiudicio experiri debere, & frustra principem desiderare rescindi venditionem.* In qua quidem constitutione hæc verba, *Et frustra principem desiderare rescindi venditionem*, ideo videri possunt addita, quod illa ad iudicis officium magis pertineant, quàm ad Impp. si quidem ex officio iudex præiudicat, quippe qui argumento cap. 1. famil. ercisc. de exceptione rei, etiam præiudiciali, & ut Iulianus cap. 7. de curat. fur. dat. scribit, de actoris replicatione soleat pronuntiare. Qua sola de causâ, quæ præiudiciis possunt definiri, non opus habere videntur principali decreto; quod velim notari. Nec sane absimili ratione præiudicio iuuare dixit lib. 5. epist. Plinius. *Pomponia Galliana, heredem reliquerat me, dederat coheredes Sertorium Severum pratorum virum aliosque equites Romanos*

*splendidos. Curianus orabat, ut sibi donare portionem meam, seque præiudicio iuuarem, eandem tacita conventionem saluam mihi fore pollicebatur. Quum iniuste exheredatum se à matre putaret Curianus, hereditatem petiit tanquam filius: heredes instituti exheredationem allegarunt à matre factam. concessit quidem factam Curianus, sed iustam negauit, illis contra iustam affirmantibus, antequam hereditatis petitio tractaretur, tractanda fuit inofficiosi testamenti querela. Eaque quo commodius persequeretur Curianus, G. Plinium, cui ex hereditate controuersa legatum modicum obuenerat, portionem legatam ut sibi donaret, seque iuuaret præiudicio, rogauit: Plinius non donare, sed eam cedere, paratum se dixit, esse autem se paratum cedere, si inique exheredatum Curianum liqueret. Ideoque antequam & à Plinio portionem legatam, & à Sertorio Seuero aliisque coheredibus hereditatem obtineret Affudius, præiudicio de matris testamento, quo exheredatus dicebatur, fuit contendendum, hoc est prius an iuste exheredatus esset filius, iudicandum. His addatur præiudicium illud quod edicto perpetuo propositum fuisse Diocletianus & Maximianus auctores sunt, his verbis: *Neque filium negare cuiquam esse liberum, Senatusconsulta de partu agnoscendo, ac denuntiata poena, item præiudicium edicto perpetuo propositum, & remedium alimentorum apud præsidem maiori trimo, perendi nomine eius monstratum, iure manifesto declarant.* cap. 9. Cod. de patr. potest. Si non de alendo, sed de agnoscendo duntaxat filio quaestio incideret, tunc Senatusconsultis de agnoscendo partu locus erat. Sic, ni fallor, ut mulier, seruato ordine Senatusconsultis præstituto, intra dies triginta post diuortium connumerandos marito denuntiaret se prægnantem esse, ut posset maritus custodes mittere: cui deinde denun-
 tiatio*

actionem non recipienti, & ob id nec custodes mittenti, decreto præsidis vel prætoris pœna denuntiatur. Et ita Senatusconsultis denuntiataque pœna liberum parenti non erat filium negare. Præiudicio vero ita demum negari filius non poterat, si, cum si bi filius alimenta peteret, is à quo petebantur alimenta contenderet eum qui ut filius ali postulabat, filium suum non esse. Tunc enim sic dabat actionem prætor *ut partui præiudicium fieret*, hoc est ut iudex iudicesue an filius esset prius cognoscerent, quam decernerent alimenta, cap. fin. C. de alendis liberis. Nec alio sensu *persona qua sunt iuris nostri, olim præiudiciis peri dicebantur*, cap. i. de rei vindicat. Sic enim præiudiciis petebantur, ut eius à quo liber homo petebatur, exceptio in præiudicium transiret, nimirum si tale quid obiiceret reus, ut de eo prius esset contentendum iudicandumque, quam de petitoris intentione tractari quicquā posset. Veluti si is, qui ut filius petebatur ex iure Quiritiū, servus diceretur possessoris esse. Et hæc quidem hactenus de principis & præiudiciorum interpretatione sufficiant. Nunc antequam ad eorum in Romanorum tribunaliis usum veniamus, paucis qua ratione recte definiri possit præiudicium, excutiamus.

CAPUT XIV.

Quid sit præiudicium.

Sic putavi commodè præiudicium definiti posse, ut sit, *Exceptionis formula futuri iudicii nomine in actionem, nō sine priore tractatione transmutanda*. Formulam exceptionis præiudicium definiui, nam constat illud exceptionis nomine contineri, manifesto tituli de except. præscript. & præiudic. argumento. Et quū

actionis verbo insuper illud comprehendere auctor sit
 Ulpianus cap. 37. de act. & oblig. an mirum est, futuri
 iudicii nomine in actionem præiudiciū transmuta-
 ri? Exceptio namque præiudicialis, quamprimū olim
 esset impetrata, & formulę actionis addita, transibat
 in actionem. Quæ ratione exceptiones, quæ in præiu-
 diciū transeunt, futuri nō facti iudicii nomine cō-
 paratas scripsit Iulian. hunc in modū: *Si post litē de he-
 reditate contestatam, res singula petantur, placet non ob stare
 exceptionē* QVOD PRÆIUDICIUM HEREDITATI NON
 FIAT: futuri enim iudicii, non facti nomine huiusmodi ex-
 ceptiones comparatae sunt. hæc Iulianus, cap. 13. de ex-
 cept. Sic nimirū futuri iudicii nomine exceptiones
 istiusmodi cōparatæ dicuntur, ut ex iis fiat iudiciū, si-
 ue ut illæ in futurū aliquod iudiciū prius principali
 causā necessario definiendū, transcant. Quum enim
 de hereditate contenderē, sic ut tota successionis cō-
 trouersia in iudiciū deducta esset, vidi res quasdam ab
 improbis possessoribus detineri, eas vindicare volui:
 quod si illi me heredē negauerint & per hoc contē-
 derint præiudiciū hereditati fieri debere, hæc excep-
 tionē prætor, postulantibus aduersariis, sic utiq; da-
 turus non est, ut ea in præiudiciū transeat, videlicet
 quod exceptiones in præiudiciū transeunt, nō facti
 sed futuri iudicii nomine sint cōparatæ. Quū igitur
 hac specie de hereditate factum sit iudiciū, sui per
 consequens officij limites egressurus prætor est, si il-
 lam postulantibus indulgeat. factum enim sic de he-
 reditate iudiciū est, ut lis sit contestata. Ergo rebus
 integris, nulla hereditatis controuersia mora, si res
 quasdam ab eo peteres, qui te heredem negabat, &
 tecū spōsione contēdere volebat, NI PRÆIUDICIUM
 FIAT HEREDITATI, utilis ex Iuliani sententia erat
 sponsio, prætorque in verba litis sic actionem dabat,

PARET FVNDVM QVEM EX MEVII HEREDITATE
 HUIVS POSSIDET SEMPRONII ESSE, SI NON IN EA
 DE PRÆIUDICIVM FIAT HEREDITATI, SERVILIUS
 IVDEX ESTO. Aliud autem erat si res non quas pos-
 sidebat, sed quas bona fide possessor hereditatis
 alienauerat, veluti heres ab emptoribus vindicares.
 Tunc enim emptores in iure, QVOD PRÆIUDICIVM
 HEREDITATI NON FIAT INTER ACTOREM ET EVM
 QVI VENVNDEDIT, conquerentes, non aliter au-
 diebat prætor, quam si regressum ad bonæ fidei ven-
 ditorem saluum exciperent. Proinde bonæ fidei pos-
 sessore paratum se ita hereditatem defendere pro-
 mittente, atque si res quas alienauerat, possideret,
 emptoribus hanc dabat exceptionem prætor, SI
 PRÆIUDICIVM HEREDITATI NON FIAT INTER
 ACTOREM ET EVM QVI VENVNDEDIT. cap. 25. de
 hered. Quæ quidem exceptio in præiudicium
 sic transibat, vt proposita hereditatis controuersia,
 inter actorem & bonæ fidei venditorem ante pera-
 geretur, quam de rebus alienatis actori restituendis
 tractari posset. Certe propter eandem regulam, qua
 non facti, sed futuri iudicij nomine exceptiones præ-
 iudiales comparatæ dicebantur. Easque idcirco nun-
 quam decernebat prætor, nisi statim in actiones trās-
 mutarentur. Ideoque si nullum ad bonæ fidei posses-
 sorem regressum habuissent emptores, exceptionem
 huiusmodi illis nunquam decreuisset prætor. Inter
 emptores enim & actorem nulla fieri hereditatis
 controuersia potuerat, nec per consequens in actio-
 nem exceptio transmutari. Proinde cessante huius-
 modi exceptionis effectū, ipsa quoque cessare &
 inutilis esse exceptio debebat. Addit præterea *nō sine*
priore tractatione, exceptio enim in actionē transmu-
 tanda ideo in nomē trāsit præiudicij, quod illa prior,
 ad

ad quam pertinet, causâ principali peragi soleat;
nā præiudicare idem quod prius iudicare significat.

CAPUT XV.

*An condemnationem vel pronuntiationem
contineat præiudicium.*

AN autem sine condemnatione addi debeat definitioni videamus. Et quamvis Theoph. eam non omisisse visus sit, ego tamen nō necessariā existimo, quod plurima sint præiudicia, quæ condénationem requirāt. Vt si peram viā ad meū fundū per fundum tuum, & dixeris fundū ad quem viā peto, tuum esse, sic ex præiudicio pendebit controuersia, vt non sine cōdemnatione prius de fundo pronuntiet iudex quā de via cognoscat, cap. 16. de except. Sunt igitur præiudicia, quæ sub se condemnationē continent, qualis est iam dicta species, sunt quæ nullam continent; vtpote si de sola veritate sic iudex cognoscat, vt ad dandū vel ad faciendū non condēnet. Igitur in præiudiciis, quæ in rem sunt, opus est condemnatione; in iis vero quæ in rem videntur esse, vel quæ quasi in rē sunt, quales sunt, per quas quæritur an quis liber sit, an quis libertus, vel seruus sit, & de partu agnoscendo, non opus est condénatione. Imo nec aliqua pronūtiatione, quemamodū Seuerus & Antoninus imperatores scripsisse visi sunt. C. de ord. cog. Quod quidem rescriptū ad quæstionem status præiudiciale duntaxat pertinet. Et sic ab iis quæ in rem sunt, multū differunt præiudicia quæ in rem vidētur esse. Cum enim per tuum fundum viā ad meum fundum peto, si fundum ad quem viam peto, non meum, sed esse tuū contenderis, fundo necessum est fieri præiudicium, non sine præiudiciali pronuntiatione. Pronun

nuntians enim iudex de causa principali, puta viam
 deberi, non idcirco pronuntiat, eius cui via debetur
 fundū esse, ad quē via petitur. Aliud autē est in præ-
 iudiciis quæ in rē videntur esse. Si enim hereditatē
 petā, & possessores hereditatis me seruū esse conten-
 derint, an seruus sim præiudicabitur. In quo quidem
 præiudicio nulla est opus iudicis pronuntiatione.
 Eadē enim pronuntiatione qua, principalis dirimitur
 controuersia, incidēs quoque huiusmodi status iudi-
 cium definiri potest. Eum nāque de cuius statu præiu-
 dicio contenditur, heredem pronuntians datus iudex,
 per consequēs liberū quoque eundē pronuntiat. Eo-
 que Theophilū arbitror respexisse cum præiudiciū
 formulā esse scriberet ex sola constantem intentio-
 ne sine aliqua condemnatione. Et sic quidem quo-
 tiens præiudicium eadem cū principali causa pro-
 nuntiatione expediri poterat; duabus vñ non viden-
 tur pronuntiationibus iudices: ad quas tunc demum
 confugiebāt, si vna pronuntiatione causa principa-
 lis cum præiudicio non poterat definiri. Quod tamē
 sic cum præiudicio non poterat definiri, si
 vellet de huiusmodi præiudiciis pronuntiare, sed vt
 necesse id semper nō fuerit, cap. 42. de noxal. act. cap.
 8. de in ius voc. Et ita multum à iudiciis præiudicia
 differunt quibus de statu cōtrouertitur Iudicia enim
 omnesque status iudiciales controuersia, pronuntia-
 tionem semper requirebant. c. 14. de probat. Status
 vero præiudicia nullam requirebant necessariam iu-
 dicis pronuntiationem, vt ex Antonino & Theophi-
 lo probatum est. Est porro & alia præiudicij defini-
 tio quam ex Pediano nonnulli in medium attulere,
 sed eam quandoquidem nostræ de persona præiudi-
 cij descriptioni omnino seruiat, in librum huius
 commentarij posteriorem reseruabimus.



IACOBI RÆVARDI

IC. DE PRÆIVDICIIS

LIBER SECVNDVS.

CAPVT I.

*Præiudicium alterutro desiderante quomodo
reddatur.*



IBRVM superiorem feci de præiudiciorum principiis, præiudicalisque formulæ vera interpretatione ; hic vero posterior liber in vsu præiudiciorum explicando totus erit. Et quidem ante omnia, quomodo apud Vlpianum alterutro desiderante reddantur, excutiamus, cap. fin. si. ing. esse dic. Si igitur exceptionis actionisque verbo præiudicium libro superiore probatum sit contineri, non mirum interdum exceptionis actionisque interdum loco illud decerni. Hinc dari præiudicium alterutro desiderante Vlpianus auctor est d. cap. fin. Nec id absurdum adeo si perhibente Papiniano de vsucap. capit. 5. & vt scribit libro 2. de arte Rhetoric. Tullius, non solum actiones, verumetiam exceptiones olim dari in iure & postulari soleant. Veluti in ius vocavi libertum, cum eo de operis mihi non præstitis ex- postulaturus, libertus ad ingenuitatem proclamat, quæstio est quis sit in hac specie iudicialis ordo? In locum iudicij principalis præiudicij postulatio sur- rogabitur. sed qua ratione? sic nimirum, vt illud vel actionis vel exceptionis loco à prætore decernatur: actionis quidem, si is qui se patronum dicit, liberale iudi

DE PRÆIUDICIIS LIB. II. 751
iudicium in locum petitionis operarum constitui
desideret: exceptionis loco, si libertus actioni, quam
patronus postulabat, hanc exceptionem, si
INGENVITATI PRÆIUDICIUM NON FIAT, adden-
dā contenderet. Et hac ratione exceptionis nomine
venit præiudicium, non quod exceptionis quodam-
modo naturam illud redolere videatur: vere namque
exceptio est: non eius duntaxat naturam redolet. Et
certe ex cap. 18. de except. satis probari potest præiu-
dicia olim haud secius quam exceptiones postulan-
tibus indulgeri. Verba enim hæc, *An deneganda sit,*
præ se ferunt petitionem; nec enim aliter exceptio-
nem denegat prætor quam si petatur. Et ita alteru-
tro desiderante redditur præiudicium.

C A P V T II.

*An sine cognitione causæ reddi possit præiudicium, &
de cognitione causæ quædam non vulgaria.*

Ceterum quum actionem non aliter quam co-
gnita causâ decernat prætor, ut lib. superiore
disputatum est, an etiam in præiudiciis huiusmodi
causâ cognitio sit necessaria, in dubium vocari scio.
Ego necessariam didici, nihil obstante eo, quod etiâ
nulla interveniente causâ (quam ad cognitionem
prætoris trahunt nonnulli) Vlpianus reddi præiudi-
cia scripserit, d. cap. si. Nam quum actionis nomine
se omnino teneantur, ut more iudiciorum usitato
solemniter peragantur, cur non & in illis decernen-
dis causâ cognitio sit necessaria? Et quum haud
aliter quam iudicia reliqua, quæ non nisi causâ co-
gnita postulantis indulgentur, illa dari soleant,
de procurat. cur non eadē omnino ratione causâ
cognita darētur? Quare enim ex nudo pacto actio non
datur?

datur? Quod nulla huiusmodi pacto subsit causa, vel honoraria, vel legitima, cuius ergo actionem merito tribueret prætor, qui non nisi causa cognita, probataque actionem solet decernere. Cognoscitur in iudiciis ciuilibus an causa, ob quam actio petitur, *legitima* sit, id est, lege confirmata: cognoscitur in honorariis, an illi suggerat æquitas, ut ex sua iurisdictione actio constitui possit. In omnibus igitur controuersis, quibus aliqua suberat causa, cuius ergo actionem prætor non audebat denegare, de causa cognoscebat; & si quidem ea legitima esset, *legitimam*, hoc est, ciuilem actionem decernebat, sin vero iusta satis, satisque ad agendum efficax, quamuis lege non confirmaretur, utilitatis tamen gratia prætor, qui uiua legis vox erat, actionem introducebat. Quoniam itaque præiudiciis sæpenumero causa nonnullis legitima, nonnullis honoraria subsit, ut patet ex §. præiudiciales, Instit. de act. ea igitur non nisi causa cognita, prætor est decreturus. Est namque actionis causa substantia ipsius controuersie. Ex tribus enim illis actionibus præiudicialibus, quæ in dict. §. præiudiciales, enumerantur, *vnam legitimam causam habere* adserens Imp. addidit *reliquas ex iurisdictione prætoris substantiam* capere; quasi diceret *vnam legitimam causam habere*, reliquas prætoriam, vel vnâ ex lege substantiam capere, reliquas ex iurisdictione prætoris. ut sic nec à causa substantiam, nec à substantia causam separe. Redditur ergo alterutro desiderante præiudicium, & non sine cognitione causæ. Quomodo nulla interueniente causa reddatur, dicemus, si prius quis in præiudiciis actoris partibus fungi debeat, exposuerimus.

CAPVT III.

Quis in præiudicio aëtoris partibus fungi debeat.

VLP IANVS generaliter in præiudiciis eum partibus aëtoris functurum scribit, qui habet intentionem, secundum id quod intendit, cap. 12. de except. Quod eadem omnino ratione existimant accipendum nonnulli, qua dicimus eum probare debere, qui dicit, non qui negat, cap. 2. de probat. freti fortassis aliorum responforum auctoritate, quibus patrono ob id deferri videtur probatio, quod dicat se patronum, cap. 18. de probat. *Quotiens opera quasi à liberto petuntur* inquit Vlpianus, *probationes ab eo qui se patronum dicit, exiguntur.* Et idem Iulianus scripsit, *licet in præiudicio possessor patronus videatur, verum partibus aëtoris fungi debere non libertum, sed eum qui se patronum esse contendit.* Idem Vlpianus cap. fin. Si libert. ing. esse dicat. sic etiam de præiudicio scribit: *Reddatur autem alterutro desiderante, sed aëtoris partibus semper, qui se patronum dicit, fungitur, probaréque liberum suum necesse habet, aut si non probet, vincitur.* Et licet hæc ita sint; aliter tamen paululum sentio. Iuris enim regulam hanc, *Generaliter in præiudiciis is partibus aëtoris fungitur, &c.* in nullis aliis iudiciis, quam in solis præiudiciis, locum habere existimo: dum contra alia illa qua cap. 2. de probat. extat, non tam in iudiciis quam etiam in præiudiciis usu veniat. Proinde multum interesse puto, an iudicio, an vetero præiudicio, de libertate contenderetur. De statu autem litigari vel ex libertatis, vel ex seruitutis possessione, scribit Vlpianus, cap. 38. de procurat. Et qui ex seruitute in libertatem aliquem adferebat iudicio liberali, quia dicit, idcirco probationis onere

re grauari solet. cap. 2. de probat. Sic ex possessione libertatis quem volens in seruitutem trahere, propter eandem regulam, qua qui dicit probare compellitur, probandi etiam onus sustinebat. Idque in eo qui non præiudicio, sed plane iudicio ex libertinitate ad ingenuitatem proclamabat, peræque obseruatum fuit, cap. 14. de probat. cap. 7. de lib. causa. Si quis igitur ex seruitute liberali iudicio ad ingenuitatem proclamaret, petitoris partes sustinebat; sin verò ex libertate in seruitutem, vel ex ingenuitate in libertinitatem qui in possessione libertatis vel ingenuitatis erat peteretur, is partes actoris sustinebat, qui seruum vel libertum suum dicebat. Ergo quoties hoc incertum erat, vt posset iudicium ordinem accipere, ante apud eum, qui de ea re erat cogniturus, disceptabatur, an ex libertate in seruitutem, vel ex ingenuitate in libertinitatem, aut contra ageretur, d. c. 7. In præiudiciis verò huiusmodi disceptatione opus non est, sed quia in iis duæ concurrunt intentiones simul, in considerationem duntaxat venit, vter intentionem habeat, secundum id quod intendit. Ex duobus enim præiudicio contendentibus alter intendit, & secundum illud quod intendit, aliud quid insuper intendit, ac sic duplicem intentionem habet: in iudiciis verò vnus duntaxat intendit, & alter excipit; quamuis qui excipit quasi intendere nonnunquam videri possit, maxime si in præscriptionem exceptio transire debeat. Hoc ita tam variè, quod præiudicia ex duobus constent iudiciis, iudicia ex vnica duntaxat intentione, seu quæstione. Quemadmodum igitur in iudiciis, qui dicit, non qui negat, actoris partibus fungitur, d. cap. 2. de probat. ita in præiudiciis qui habet intentionem tacitam secundum id quod intendit

endit expressè, is partes actoris sustinet, d. cap. 12. de except. Veluti, si patris hæreditatem ab agnatis, ad quos ea pertinere ab intestato videbatur, tanquam filius & per hoc agnatis proximior petam, illique me filium legitimum negarint, an legitimus sim præiudicabitur. In quo quidem præiudicio, quod intentionem secundum id quod intendo habere videar, mihi deferenda probatio est. Per hoc enim quod hæreditatem peto, intendo, nimirum me legitimum patris hæredem, & secundum hanc intentionem, intendo me legitimum filium. Secundum igitur id quod intendo, habebo intentionem, si prætor sic formulam composuerit, vt in hoc tota sit, an filius qui patris intestati hæreditatem sibi deberi dicat, filius sit defuncti legitimus. Sic si quis à libertor operas exigit, intendit nimirum sibi operas deberi, & secundum id intendit insuper, eum, à quo petit operas, libertum suum esse; quod si id neget libertus, qui se patronum dicit, probationis onere grauabitur; nam secundum id quod intendit, intentionem in iure obtinuit. Per hoc enim quod operas à liberto patronus exigit, duplicem habet intentionem, vnā expressam, tacitam alteram; expressa est operarum petitio, tacita, qua libertum suum dicit. Atque hæc quidem de vera d. cap. 12. interpretatione hic sufficiant. Nunc quomodo si nulla interueniat causa, præiudicium soleat reddi, paucis excutiamus.

CAPVT IV.

Qua ratione nulla interueniente causa præiudicium reddatur.

QUOTIENS de hoc contenditur (inquit Vlpia. cap. fin. Si ing. esse dicatur) an quis libertus sit,

sive opera petantur, sive obsequium desideretur, sive etiam famosa actio intendatur, sive in ius vocetur, qui se patronum dicit; sive nulla causa interueniat, redditur præiudicium. Ex quo loco sunt; qui colligant præiudicium non semper ad causam aliquam referri, sed interdum nihil esse aliud quàm simplex iudicium. Quod vereor ut sustineri possit. Quis enim eadem ausit verè dicere iudicium, & præiudicium? Quæ vel à Tullio semper distingui solent. Quo pertinet (ut alia multa quæ passim apud eundem obuia sunt, exempla omittam) quod sic in diuinatione in Verrem legimus: *Primum causam inimici tui subleuabis, de quo non præiudicium, sed plane iudicium iam factum putatur.* Certè in alio, quam hoc solo Vlpiani responso opinionem istiusmodi confirment, si nihil minus, quàm hæc Vlpianus scriberet, quàm tale quid eum cogitasse verisimilibus coniecturis (nihil enim certi adlerere ausim) doceri possit, quominus nostræ sententiæ suas accommodent opiniones quid impediet quæso? Nec sanè adeo cum vera huius responsi interpretatione videtur convenire Fransi. Duareni sententia causam in hoc Vlpiani responso ad intentionis causam trahentis, de qua in præiudiciis prætorem existimat non cognouisse. Constat enim ex diuersis prudentum responsis, tam iudicio quàm præiudicio ad libertatem proclamari. Iudicio, si domino quis serui nomine liberale dicet iudicium; quo pertinet titulus, De liberali causa: præiudicio, si quum ex causa in ius duxisset libertum patronus, libertus ad ingenuitatem proclamaret; quo casu antequam præiudicium decernatur, dici debet in iure causa, & ita si vel operas à liberto vel obsequium desideret patronus, id apud prætorem exprimere debet, ut audita cognitaque causa prætor patro-

no det, quam postulat actionem, nec pure quidem, sed exceptione, quæ in præiudicium transitura est, addita, hunc in modum; SI PARET TITIVM CAII LIBERTVM, CAIO PATRONO SVO OPERAS DEBERE, SI NON IN EA RE INGENVITATI PRÆIUDICIUM FIAT. & ita patronus qui aduersus libertum experitur, semper exprimit intentionis causam. Igitur aliter hæc verba *sive nulla causa interueniat* accipienda sunt. Vt autem quid mihi videatur paucis exponam, imprimis sciendum erit, quotiens de præiudiciis quæstio occurrit semper de duobus iudiciis agi, quorum alterum præiudicium dicitur à præiudicando, quod prius altero dirimatur, alterum verò iudicium *sive ipsa causa*. Deinde si quum actor causam diceret sic reus exceperit, vt eius exceptio in præiudicium transiret, non ante actor litem in iudicium ducturus est, quam vbi præiudicatum fuerit defensoris intentioni, & tunc interdum *interneniebat causa*, id est, interea dum præiudicium definiretur, in iudicium deducebatur: interdum *non interneniebat*, id est, evanescebat, inutilis erat, nulla erat, vt ex subiectis apparebit. Hinc dubitabant veteres si præiudicio finito nulla causa interueniat, siue in iudicium deducatur, an præiudicio, an verò iudicio res videatur transacta. Dubitationem mouet quod præiudicium respectu causæ alicuius, ad quam pertinet, nomen acceperit. Hinc in quæstionem cadit, an *non interneniente* finito præiudicio causa, id est, evanescente nomen amiserit præiudicium, & non præiudicium, sed iudicium simpliciter vocari debeat? Respondit omnis ambiguitatis tollendæ gratia Vlp. etiam si nulla interueniat causa, dum præiudicium definitionem accipit, nihilominus præiudicium non iudicium reddi. Ad hoc enim, vt in præiudicij no-

men quid incidat non necessum est causam semper interuenire, sufficit enim eam die postulationum coram prætore fuisse dictam. Quò pertinet quod cap. 42. de noxal. act. sic Vlpianus scribit: Si ad libertatem proclamauerit is, cuius nomine noxale iudicium susceptum est, sustineri debet id iudicium, quoad de statu eius indicetur, & si quidem seruus fuerit pronuntiatus, noxale iudicium exercebitur: sin liber, inutile videbitur. Quasi dicat, si quidem seruus fuerit pronuntiatus, noxale iudicium interueniet, sin liber, non interueniet. Sic in hoc Vlpiani responso, si patronus operas petierit, si obsequium desiderauerit, si famosum liberto dictauerit iudicium, & libertus ad ingenuitatem proclamauerit, vel si quum libertus in ius ex causa tanquam ingenuus patronum vocaret, ille libertum suum diceret, si quidem libertus pronuntietur libertus, operæ peti, obsequium desiderari, famosa actio intendi poterit, & cessabit in ius vocatio; sin contra ingenuus, operarum petitio euanesceat, obsequij desiderium inutile erit, famosa actio erit inanis, in ius vocabitur qui se patronum dicit. Et hac ratione sola, siue interueniat, siue non interueniat causa ab actore dicta, redditur præiudicium, non iudicium. Cæterum si quis partem ad huc meæ opinioni fidem habeat, inspiciat quæ Dioletianus & Maximianus cap. penult. C. de ord. cognit. rescripserunt. Si res tuas (inquiunt illi) raptas tibi vel amotas esse dicis, ab his quos. seruos tuos esse contendis, hique in libertatem proclamauerint, causa liberalis prius aduersus eos, & tunc damni dati, rerumque amotarum lis apud præsidem provincie contestanda est, ut si quidem liberti, vel serui non esse pronuntientur, tunc damni dati, rerumque amotarum procedere possit adhibita probatione condemnatio: sin vero secus, questio rerum amotarum euanesceat.

rescet. Vnde quis non colligat eadem plane esse, evanescere, inutile esse, & non interuenire? quemadmodum apud Paulum *utilis aut inanis actio, utile aut nullum iudicium, causa seruo ad ingenuitatem proclamanti mota, finito de libertate præiudicio dicitur futura*, cap. 24. de lib. caus. cuius species talis est; Quum ordinato liberali iudicio seruus agere, & cum ipso agi possit, si quas actiones ei dominus intulerit, quæritur primum, an suscipiundum sit iudicium, deinde anne videatur per hoc, quod dominus agat cum seruo, libertati præiudicium fieri? Et quidem respondit Paulus plerosque existimasse, si in personam agat, suscipiendum iudicium ad litis contestationem, sed sustinendum donec de libertate indicetur: ceterum ex euentu, aut utile iudicium erit, (id est, interueniet) aut nullum (id est, non interueniet) si contra libertatem pronuntiatum fuerit. Et quamuis cum seruo agat dominus, per hoc tamen non fiet præiudicium libertati, sic vt per hoc de libertate iudicium aliquod minus necessarium videri possit. Ergo siue opere petantur, intellige cum effectu, sic vt operarum petitio non in causæ ditione consistat, sed in iudicium deducatur, quod non nisi finito præiudicio fieri posse probauimus. Et ita hæc verba siue nulla causa interueniat accipienda sunt.

CAPVT V.

Toti cum parte in controuersiam concurrenti quæ ratione præiudicetur.

PO R R O quod idem Vlpianus ita scribit; Si is faciat controuersiam hereditatis qui cum defuncto commiserat, futurum est præiudicium hereditati, si arbiter sententiam dicat; ergo interea inhibendus est arbiter, cap. 32. de rec. arbitr. hoc non eam habet sententiam,

quam vulgo habere creditur. Sunt enim, qui hinc colligant exceptionem præiudicalem impedire, ne feratur præiudicium. Non id quidem impedire, sed in huiusmodi transire iudicium, quod prius caussa, ad quam pertinet, definiendum est, satis iam satis probatum est. Quasi dixerit Vlpianus, *si is faciat controuersiam hæreditatis, qui cum defuncto, de cuius hæreditate controuersia est, compromiserat, futurum est præiudicium hæreditati*, sic vt prius de successione iudicetur, quam hæreditas petatur, *si arbiter sententiam dicat* (hoc est, si paratus sit sententiam ex compromisso ferre, necdum tamen dixerit, quod indicant verba subsequenda, *Ergo interea inhibendus est arbiter*.) interea dum de hæreditate defuncti, qui compromiserat, præiudicium coram iudice pender, arbiter inhibendus est sententiam ex compromisso ferre. Veluti, ego Titio ades meas vendidi, orta deinde inter me & Titium de pretio controuersia, communi vtriusque consensu in arbitrum virum bonum commissum est, interea dum commissum coram arbitro pender moritur Titius, ilico me Titio putans hæredem legitimum hæreditatem ab improbis possessoribus peto, hæredem me negant illi, deinde hæreditatis controuersiam facio; hac specie prius de successione iudicandum erit quàm hæreditatem obtineam: & ita futurum est præiudicium hæreditati. *Arbiter autem si sententiam dicat*, hoc est si velit, si paratus sit sententiam dicere, interea dum de hæreditate lis mota coram iudice versatur, prohibendus est eam dicere. Et si in hoc præiudicio superior euadam, quia mihi hæreditatis petitio futura sit integra, petam hæreditatem; qua obtenta ilico commissum euanescet, & ipso iure à sententia ferenda liberabitur arbiter: sin contra inferior, debi-

ad iudicium quantitatem arbitri sententia cōsequar.
 Titius enim, de qua in arbitrum compromittebatur si
 Titius viuis superior in compromisso euasisset, pars
 huiusque fuisset hereditatis Titij: si igitur me dicam
 heredem Titio iam defuncto, aduersus quem ad
 summam quantitatem mearum ad iudicium arbitri sen-
 tentia moderandam compromisso expetior, ad par-
 tem hereditatis Titij, arbitrio contendere videor.
 Ideoque hac specie quandoquidem subtili quadam
 inspectione & totum & partem petam, toti præiudi-
 cabitur, & tunc demum de parte (si ita res tulerit)
 arbitrium erit integrum: si quidem ergo totum sit
 hereditas, pars vero debita pecunia, quid mirum quod
 hic Iurisconsultus dixerit *futurum præiudicium heredi-*
tati, hoc est, prius iudicatum iri de toto, quam arbi-
 ter ex compromisso sententiam ferat, id est, quam
 de parte iudicetur, totum quippe & partem sub se
 se continet. Et ita accipiendum non dubito illud Vl-
 piani responsum. Et certè huiusmodi verba, oportet,
 dicat, interueniat, & similia interdum *ad q-*
ram & cum quodam temporis spatio esse acci-
 pienda auctor est Iulianus cap. 1. unde legit. Et ver-
 bum *videbitur*, pro videri poterit nonnunquam vete-
 res posuisse testis est etiam Pomponius cap. 21. de
 statulib. Nunc videamus qua ratione apud Africa-
 nam concurrentibus in controuersiam principali &
 & accessorio simul præiudicium fiat principali.

CAPUT VI.

*Si principale cum accessorio in controuersiam concurrat,
 cui præiudicandum sit.*

*Si fundum à te petam, & præterea etiam viam ad eum
 fundum per fundum Sempronianum qui tuus est exce-*
 ptionem.

ptionem, QUOD PRÆIUDICIUM FVNDI NON FIAT, *utilem tibi fore* Africanus cap. 16. de except. scribit: id est, in præiudicium sic transiturem, ut prius de fundo cognoscat datus iudex, quam de via; ea enim est huius exceptionis utilitas. Et hoc ideo quod via fundi sit consequens, non utique fundus viæ. Ideoque si ante viam, deinde fundum petam, an utilis futura sit exceptio QUOD PRÆIUDICIUM FVNDI NON FIAT, in questionem dubiam cadit. Paulus cap. 17. de except. non nocere huiusmodi exceptionem actor est. Quæ verba si ad reum referantur utilis erit, si ad actorem, inutilis erit supradicta exceptio. Sed ego ad utrumque commodè referri posse didici, sic ut nec actori, nec reo etiam noceat huiusmodi exceptio; nec impediat quominus *præiudicium fundi fiat*, id est, prius de fundo iudicetur quam de via; quia (inquit Paulus) *diversa corpora sunt*. Quæ de causa quamvis ante fundum via petatur, tamen nihilominus primo loco de fundo iudicari poterit. Quod si diversa corpora non essent, sed connexa, noceret exceptio. At hoc casu non nocet, quia (inquit Paulus) *diversa corpora sunt, & causæ restitutionum dispares*. Nam qui fundum petit, de proprietate disputat; qui viam, servitutem tractat. Igitur si diversa sunt proprietatis, & servitutis causæ, quid mirum causas restitutionum dispares dixisse Paulum? Accursius isto casu per secundam questionem non posse fieri præiudiciū primæ questioni contendit, quod maior res verratur in prima, quam in secunda. Certe quemadmodum quid sit præiudicium fieri in ratione exceptionum formulis non didicit, ita qua ratione maiori causæ, per minorem questionem non præiudicetur, minus intellexit: qua de re ut pauca dicam, postulat hic locus.

CAPVT VII.

Quare per minorem causam maiori cognitioni non præiudicetur, vera ratio tradita, quæ ab interpretibus animaduersa non est.

PER minorem, inquit Paulus, causam maiori cognitioni præiudicium fieri non oportet: maior enim quæstio minorem causam ad se trahit, cap. 54. de iudic. Ex quo loco annotant Accursiani quæstionem dici maiorem respectu summæ, & quantitatis siue rei alicuius principalis ipso præiudicio maioris aliquo modo, de qua cōtrouersia est, vt in superiore cap. Quod Neratij auctoritate omnino non videtur carere, qui sic scripsit; *Rei maioris pecunie præiudiciū fieri videtur, quā ea quæstio in iudiciū deducitur, quæ vel tota vel ex parte communis est quæstioni de re maiore*, cap. 21. de except. Ego existimaui minorem & maiorem causam seu quæstionem dici, vt apud Paulum sic apud Neratium nō tantum respectu quantitatis, & summæ, quam iurisdictionis, aut notionis. Vel hinc potissimum quod istud Pauli respōsum ex eodem illo sentent. lib. 1. desumptum sit, ex quo aliud quoddam de maioribus auditoriis eiusdem Pauli responsum legimus esse repetitum, cap. 54. de re iud. *Is, inquit Paulus, qui ad maius auditorium vocatus est, si litem inchoatam deseruit, contumax non videtur.* Igitur si quædam minora, quædā fuerint auditoria maiora, vt Paulus testatur, an quæso causas minores, quæ in minoribus, & maiores quæ in auditoriis maioribus tractabantur apud eundem Paulum in vno eodemque libro, & fortassis in eodem loco, quantum ex inscriptione vtriusque capituli intelligi potest, perperam interpretabimur? An non ita maiores causas accepisse apud Ciceronem de

de orat. lib. i. visus est Antoninus, cum se in causis maioribus versari solitum diceret; *Cumque hoc, inquit, nescio quomodo apud eos increbuisse, me in causis maioribus, sicuti te solere versari.* Si minora & maiora fuerint olim, ut probatum est, auditoria, consequens igitur est, minores & maiores causas, minores & maiores iudices, maiores quoque & minores magistratus fuisse: *Vbi publica tractatur utilitas, inquit Valent. cisi minor index veritatem inuestigauerit, nulla maiori irrogatur iniuria, cap. 5. C. de off. rect. pro-uinc.* His adde subsellia sic à tribunalib. veteres distinxisse, ut tribunalia quidem ad prætorum aliorumque iudicum maiorum, subsellia verò ad minorum iudicum auditoria traherent, ut auctor est Ascon. in diuinat. Sic maiorem iudicem accepisse videri etiam potest. Vlp. *Si quidem, inquit, cum maiorem iudicem appellare deberet, ita errauit ut minorem appellet, error ei nocebit, cap. 1. §. 2. de appell.* Cyprianus etiam auctor est Epist. lib. 3. *Christianos quosdam nomen Domini confessos, violentiam magistratus & populi frementis impetum vicisse, & post modum cum apud proconsulem pœnis grauioribus excruciantur, ut tormentorum subactos esse.* Eas haud dubiè pœnas grauioribus appellans, quæ grauioribus erant quam ut à magistratibus municipalibus infligi possent. Nec alio referendum est quod de maiore summa *Quinctilianus lib. 3. c. 8. scribit. Non debes, inquit, apud prætorem petere fideicommissum, sed apud consules; maior enim prætorum cognitione summa est.* Constat certè prætorem interdum iudicem iudicesue dedisse, interdum ipsummet iudicasse; in causis leuioribus, quibus de facto leui aut iure certo contenderetur, iudicem dabat: in grauioribus, quibus de iure dubio vel nouo iure constituto disputaretur, cum consilio iudicabat, & maxime quidem si in eum vel lege vel Senatusconsulto iurisdic-tio

iudictio translata esset. Hinc causas, quæ mandarentur minores dictas, & contra, de quibus prætor iudicabat maiores fuisse, esse iam satis probatū putato. Dicebanturque minores, quasi minores quàm ut decis prætor cognoscat; maiores, quasi maiores, quàm ut mandari possint. Sic *animaduersio maior* Venuleio dicitur, quæ maior est, quàm ut eam legatus proconsulis exigere possit, cap. 11. de offic. procons. Sic etiam res ea maior ab eodem Paulo appellatur, quæ maior est, quàm ut per magistratus municipales iure magistratus expediatur, cap. 28. ad Municipal. Quin & Tullius causas, in quibus de facto leui certaretur paruas, & in quibus de iure ciuili, magnas, & sæpe maximas lib. 1. de Orat. vocauit. Per causam igitur minorem maiori cognitioni præiudicium fieri non potest, nempe quod præiudicium sit formula actioni addita, de qua is, quem dat prætor, iudex cognoscit, cap. 1. fam. ercisc. Si igitur præiudicium sic principali causa maius sit quàm ut de eo iudex datus possit cognoscere, & principalis causa minor quàm ut de ea prætor cognoscat, per minorem causam maiori questioni præiudicium fieri non potest, sed maior causa minorem ad se trahet; sic quidem, ut suo iure de causa maiore prætor cognoscat, & extra ordinem de minore iudicet. Ea nisi fallor ratione, qua iudicem in questione finium regundorum, qui de crimine cognoscit, etiam de finibus cognoscere posse Paulus cap. 4. fin. regundor. scribit. Quomodo de falso cognoscentem provincie præsidem incidentem proprietatis controuersiam dirimere consueuisset rescripsit imperator Alexander, cap. 1. de offic. rect. prouinc. Et hæc nostra est sententia, quam satis à doctis probatum iri confidimus. Hactenus de præiudiciis, quæ in rem vel quasi in rem sunt vsu, antequam de præiudiciis personalibus dicamus, paucis

cis quid præiudicium extra formulas exceptionum significet, operæ pretium est declarare.

CAPVT VIII.

*Extra formulas exceptionum quid sit præiudicium
facere, præiudicare, præiudicium incurrere,
& id genus alia.*

ES t itaque sciendum extra formulas exceptio-
num veritati non facere præiudicium, alijs præiudicium
facere, præiudicare, præiudicium incurrere, & id genus
alia, diuersa paululum à superioribus interpretatio-
ne dixisse prudentes. Nam figurate, vt vtar Festi ver-
bo, sic etiam auctores probati præiudicium acceperunt, vt
illud interdum ad res quasi præiudicatas, sola imagine, &
quadam translatione retulisse videantur. Vlpianus capite
penult. de his qui sunt sui iur. Neque enim alimentor-
um causa veritati facit præiudicium. Id est (vt mihi vi-
detur) per alimentorum causam sic non videtur de
veritate quasi præiudicatum, vt illa impediatur, quo
minus de veritate præiudicio contendatur. In hanc
enim sententiam idem Vlpianus sic scripsit: Solent in-
dices cognoscere, & inter liberos, & patronos, si de alendis
his agatur; itaque si negent se liberos esse, cognoscere eos
oportebit, quod si liberos esse constituerit, tunc demum de-
cernere vt alant, nec tamen alimentorum decretum tollet li-
berto facultatem, quo minus præiudicio certare possit, c. 6.
de lib. agnosc. Ecce quod in eodem responso. §. me-
minisse, & d. cap. pen. dixerat Vlp. eam rē veritati præ-
iudicium non facere, idem paulò post non impedire dicit
quo minus præiudicio certetur: quasi idem omnino sit
non facere præiudiciū, quod non impedire quo minus præ-
iudicio cōtendatur. Hinc idē Vlp. c. i. de liberis agnosc.
si maritus uxore denuntiante custodes miserit, ideo dixit
nullum præiudiciū sibi maritum facere, quod ei liceat par-
tum

editū ex se negare; hoc est (ut ego interpretor) quod
 præiudicio contendere liceat de partu agnoscen-
 do, quamvis custodes miserit. Namque sine præiudi-
 cio quem recte custodes mittere idē Vlpian. auctor
 est, siue neget uxorem, siue ex se gravidā: dixitque sine
 præiudicio, quasi iudicio nullo priusquā custodes mit-
 teret de futuro partu constituto. Eodem etiam sensu
 accipies quod Paul. lib. 5. sent. tit. de liber. causa sic
 scripsit. *Veritati & ingenuitatis origini manumissio quo-*
cunque modo facta non præiudicat. Quod idem est ac si
 dixisset, non impedit quo minus de veritate & inge-
 nuitatis origine præiudicio contendatur facta quo-
 cunque modo manumissio. Huc spectat & illud eius-
 dem. *Quicumque ingenuam personā fraudis studio manu-*
mittendam esse crediderit, præiudiciū ingenuitas non incur-
rit. Et hoc: *Descriptio ingenuorum ex officio fisci inter fiska-*
lem familiam facta ingenuitati non præiudicat. Hinc pro
 damno, incōmodo, seu detrimento dicebant præiudi-
 cium veteres: quo sensu *præiudicium pati* dixit c. 29. de
 manumiss. testa. Scævola. Et Vlpianus quoque, *ne præ-*
iudicium partui fiat, c. 1. de ventre in poss. mitt. Et Pau-
 lus, *ne quod præiudicium fieret nato*, cap. 8. eod. tit. Qui-
 bus adde, quæ cap. 3. & c. 5. & 13. sub tit. de Carb. edi-
 cto de præiudiciis notata sunt. Eodem etiam sensu
 præiudicium accepisse visus est Callistratus cap. 4. de
 restitut. in integ. *Non enim patitur Callistratus pro-*
per minimam rem vel summam audiri eum qui in inte-
grū postulat restitui, si maiori rei vel summe præiudicetur.
 Hoc est, si propter rem minimam facta restitutio no-
 ceat rei maiori. Quasi in effectu propter rem mini-
 mam restitutionem admiserit Callistratus, si mo-
 do ea restitutionem aliquam aut summam maiorem
 non reddat irritam aut rescindat. Quo modo ob mini-
 mam causam rem inemptam fieri non debere alibi etiam
 respon

responsum est. cap. 54. de cont. empr. Et erant sane qui responsum istud Callistrati cum illo Pauli responso quod superiore capite sumus interpretati existimant habere quidquam commune. Quaestionem enim & causam maiorem à re maiore diuersam esse certissimum est. Et hæc hætenus, nunc reliquum est, ut de præiudiciis quæ in personam sunt, nonnulla in medium proferamus.

CAPUT IX.

Præiudicium personale in quo differat à reali.

PRÆIUDICIUM aliud personale, aliud reale esse libro superiore diximus. Personale, quod in personam: reale, quod vel in rem, vel quasi in rem exercetur. De reali hætenus egimus, consequens est igitur, ut nonnulla de personali tractemus. Et quidem hæc duo præiudiciorum genera in eo maxime conueniunt, quod utrumque ad causam aliquam pertineat, nec per se subsistere possit, unde corum nomina ductum tradidit Quintilianus. Verum in hoc alterum ab altero cerni solet quod de re præiudicium, ut exceptio semper à prætore postuletur, indeque in actionem transmutetur: alterum verò nec semper, nec eadem omnino ratione. Cicero libro secundo de Inuent. *Quum ad vim faciendam armati quidam venissent, armati contra præsto fuerunt, & cuidam equiti Romano quidam ex armatis manum præcidit; agit is cui manus præcisa est iniuriarum, postulat is, qui cum agitur, exceptionem, EXTRA QUAM IN REM CAPITIS PRÆIUDICIUM FIAT: hic is qui agit, iudicium perit postulat; ille qui cum agitur, exceptionem ait addi oportere: quaestio est, excipiendum sit, an non: Ratio; non enim oportet in recuperatorio iudicio, eius malefici, de quo*

*inter sicarios queritur, præiudicium fieri: Infirmatio rationis; eiusmodi sunt iniuriæ, ut de his indignum sit non primo quoque tempore indicari: indicatio; atrocitas iniuriarum satis ne causæ sit, quare quum de ea iudicetur de aliquo maiore maleficio, de quo iudicium comparatum sit, præiudicetur. Hæc Cicero. Quasi in effectu dixerit, si is cui manus præcisa est, pure actionem iniuriarum à prætore postulauerit, & reus contendat prius capitulis iudicium tractari oportere, (more tamen in publicis iudiciis olim vtitato) quod in recuperatorio iudicio eius maleficij de quo inter sicarios queritur præiudicium fieri non oportere videatur, hoc est, quod per recuperatorium iudicium non debeat aliquis si non pronuntiatione, saltem existimatione ut sicarius iudicari, quod utique fieret si primo loco de iniuriis indicaretur; in iudicationem venit, an atrocitas iniuriarum satis causæ sit, quare quum de ea iudicetur de aliquo maiore maleficio, de quo iudicium est comparatum, præiudicetur. Si enim iniuriarum agit is, cui manus præcisa est, & in lite superior euadat, iam præiudicatum videbitur huiusmodi maleficio, de quo inter sicarios queritur. Quod pertinet quod cap. 4. de publ. iudic. Paul. sic scribit; *Interdum enim, ut præiudicium iudicio publico fiat, sicut in actione L. Aquilia, & furti, & vi bonorum raptorum, & interdum unde vi, nam in his de re familiari agitur. Hæc Paulus. Confirmantur autem & verè declarantur, quæ ex Tullio & Paulo hoc cap. notata sunt, per rescriptum Vlpiani quod cap. 7. de iniur. extat. Si dicatur (inquit Vlpianus) homo iniuria occisus, nunquid non debeat permittere prætor priuato iudicio legi Cornelia præiudicium de quaestione ad L. Corneliam pertinente, si non pronuntiatione, saltem re & existimatione, ut**

in aliis iniuriis quæ publicam non habent executionem, sic hoc in casu iudicari. nam quum in personam præiudicia formulæ non sint exceptionum, de quibus iudex datus, ut in iis quæ vel in rem vel quasi in rem sunt, directè cognoscit, sed nudam duntaxat veritatis quandam imaginem præ se ferant, an mirum nullam omnino admitti in iis iudiciis pronuntiationem? si iudex, ut in superiore Ciceronis exemplo, pronunciet reum, cui manus præcisa est, verè iniuriam passum, tacite & per consequens reum in L. Corneliæ commississe, nonne quilibet inde colligere potest? nonne hoc casu privato iudicio legi Corneliæ sic præiudicatur, ut per illud de publica L. Corneliæ quæstione iam præiudicatum videri possit? *Quid autem si ita quis agere velit, quod tu venenum dedisti hominis occidendi causa? Rectius fecerit si huiusmodi actionem non dederit prætor.* ut d. capitulo septimo idem Vlpianus scribit: hæc insuper addens; *Atquin solemus dicere, ex quibus causis publica sunt iudicia, ex his causis non esse nos prohibendos quominus & privato agamus; & hoc verum est, sed ubi non principaliter de ea re agitur, qua habet publicam executionem. Quid ergo de L. Aquilia dicemus? nam & ea actio principaliter hoc continet, hominem autem occisum non principaliter. Nam ibi principaliter de damno agitur, quod domino datum est, at in actione iniuriarum de ipsa cede vel veneno, ut vindicetur non ut damnum sarciat. Quo pertinet quod sic in effectu cap. 6. de iniur. Paulus scribit; Non prohibendus est quis privato agere iudicio quod publico iudicio præiudicatur, si quidem ad privatam causam pertineat. Planè si actum sit publico iudicio denegandum est privatam. Eoque spectat Titulus C. Quando civilis actio criminali præiudicet. Eiúsque hæc est sententia, quando per civilem actionem videatur criminali præiudi*

præiudicatum. Quibus quidem ex locis omnibus facile quilibet intelligere potest, quanta sit inter hæc in personam præiudicia, & inter ea, quæ in rem sunt, vel in rem videntur esse, apud veteres discriminis ratio. Nimirum, quod quæ in rem sunt, nisi prius iis ad quas pertinent causis expediantur, prorsus impediunt quominus iudiciis principalibus fines imponi possint; hæc verò quæ in personam sunt, idcirco à reis solent proponi ut per eas impediretur ne præiudicium iudicio publico fieret, id est, ne quando per priuatum iudicium de causâ quæ publicam principaliter requirit executionem, aliquo modo præiudicatum videri possit.

CAPVT X.

In Oppianicum quomodo præiudicium fiat.

SUNT porrò & alia præiudicia in personam quæ circa causam inter plures communem publico iudicio dirimendam versantur, quòrum frequens olim in iudiciis publicis erat vsus. Quum enim duo, pluresve vno conueniebantur iudicio, iudicij illius interdum separatio fiebat, vna tamen interim manente causâ, quam *ipsam causam* Fabius vocat. Quod conuenit cum illa, quam Pedianus dedit, præiudicij definitione, de qua nos postea. Vsus autem istius præiudicandi rationis huiusmodi exemplo quam commodissimè declarari potest. Quum Oppianicus veneno necandum Habitum Fabricio commisisset familiari suo, Fabricius Scamandro liberto suo, Scamander Diogeni Cleophanti illius medici seruo, cui eo tempore ægrotus imperabat Habitus, scelus suo domino indicat Diogenes, Cleophantus Habito imperatori suo, Habitus Marco Bebrio senatori, cuius

ius consilio Diogenes à Cleophanto emitur. Hoc casu veneficij crimen est inter Oppianicum, Fabricium, & Scamandrum commune. Sed in iudicium quomodo deductum? audies. Noluit criminis huius statim insimulare Oppianicum Cluentius, sed putavit iudiciis præmissis de Scamandro, deque Fabricio illum conuinci posse facilius, quàm si his omissis, Oppianici nomen deferret. Itaque Scamandrum quem presente se *Marcus Bebrinus senator cum veneno pecuniaque deprehensum dicebat*, (ut scribit pro Cluentio Tullius) reum statim fecit, conuincitur Scamander. Qui quum nullas cum Habito inimicitias gereret, nec instinctu alio, quam solo patroni sui iussu id se fecisse profiteretur, suspiciones in Fabricium exortæ sunt. De quo sic eodem loco Cicero: *Hoc igitur iudicio factò & Oppianico re & existimatione iam, lege & pronuntiatione nondum condemnato, tamē Habitus Oppianicum reum statim non fecit, voluit cognoscere utrum indices in eos solos essent seueri, quos venenum habuisse comperissent, an etiam consilia conscientiasque huiusmodi facinorum supplicio dignas iudicarent.* Itaque Caium Fabricium, quem propter familiaritatem Oppianici consciū illi facinori fuisse arbitrabatur, reum statim fecit, utque ei locus primus constitueretur propter causse coniunctionem impetravit, &c. Citatur reus Fabricius, agitur causa, paucis verbis accusat ut de re iudicata Cannutius: Conuincitur Fabricius. Et propter familiaritatem quæ Fabricio cum Oppianico intercesserat, accusatur Oppianicus, iam duobus præiudiciis conuictus.

† Vnde sic eodem loco Cicero; *Quid est quod de Oppianici causa plura dicamus? apud eosdem indices reus est factus cum is duobus præiudiciis damnatus esset, ab iisdem autem indicibus, qui Fabriciorum damnatione de Oppianico iudicarent, locus ei primus est constitutus, &c.* Nimirum

rum quod is sceleris tanquam architectus esset. Iudicium ergo quo Scamander damnatus est, præiudicium dicitur iudicij de Fabricio respectu, quasi quod prius factum sit; respectu autem Oppianici causæ, non tam de Scamandro quam de Fabricio iudicia dicuntur præiudicia. Vna interim eadēque causa est, qua Fabricius, Scamander, & Oppianicus damnantur, quorum qui primus damnatur præiudicium sequentibus facit, ut hic. Quum enim Scamander quod Habitum per seruum medici veneno necare voluisset damnatus esset, quia nihil Habiti morte consequi posse videretur, huiusmodi auctore Fabricio patrono suo facinus commisisse conuictus est, & ita in Fabricium per Scamandrum fiebat præiudicium. Et quum familiariter valdè vteretur Oppiano Fabricius, cuius libertus in maleficio deprehensus erat, illum expertem eius consilij fuisse non probabatur. Itaque conuictus Fabricius, & ab Oppiano, quod susceptum erat facinus, exortum confessus, superiori alterum in Oppianicum præiudicium addidit. Hisce igitur duobus præiudiciis conuictus Oppianicus, quorum altero Fabricij libertus, quia minister in maleficio fuerat, altero ipse patronus, quia conscius, condemnatus erat, sceleris princeps & architectus Oppianicus reus citatus est: & hoc modo fiebat olim in Oppianicum præiudicium.

CAPUT XI.

De præiudicio in C. Verrem.

SIc porro & in C. Verrem factum fuisset præiudicium, si postulanti Gaio Gallio iudicium, QUOD
PER VIM AC METVM ABSTVLISSET APRONIUS

Lucius Metellus in Apronium decreuisset. Quum etenim in Sicilia prætor C. Verres multa per se, per suos familiares, per seruos, & per Apronium præcipuè, vi ac metu ab aratoribus abstulisset, accessit in prouinciam senatu iubente L. Metellus: illico quum prouinciam intrasset, eductus est ad eum Apronius, eduxit autem Gaius Gallius senator, qui à L. Metello vt ex edicto suo iudiciũ daret in Apronium, QVOD PER VIM AC METVM ABSTVLISSET, postulans non impetrauit, quum hoc diceret Metellus præiudicium se nolle fieri per hoc iudicium de C. Verris capite. Quidquid enim per Apronium commissum fuerat, id instinctu & C. Verris iussu, cui seruebat Apronius factum erat. Ideoque si iudicium postulanti Gallio decreuisset Metellus, eadem omnino ratione qua in Oppianicum præiudicium in † C. Verrem factum fuisset. Verba Ciceronis extant hac de re act. 5. in C. Verrem, ibi, *Aduentu L. Metelli prætoris quum omnes eius cõmites, &c.*

C A P V T XII.

*Quomodo à iudiciali differat præiudicialis
condemnatio.*

DIFFERT autem (vt & hoc obiter addamus) præiudicialis à iudiciali in hoc condemnatio quantum ad postremam hanc præiudicij speciem, quod quis præiudicio condemnatur re & existimatione, iudicio verò aut lege & pronuntiatione simul, aut pronuntiatione sola. Quo sensu Asconio Pediano act. 1. in C. Verrem res dicitur præiudicium, *qua quum statuta fuerit, adfert indicaturis exemplum quod sequantur.* Vt in Oppianici caussa, res quæ in caussa Fabricij

Fabricij & Scamandri caussa statuta fuerat, adferebat exemplum, quod iudicatur de Oppianici caussa in iudicando sequerentur. Ideoque ut minore cum difficultate Oppianicus conuinceretur *præiudicandum erat caussa Fabricij, & Scamandri caussa*, hoc est, prius de singuli cuiusque caussa iudicandum quam nomen Oppianici deferretur. Et hoc modò accipiendum est illud Senecæ lib. 4. de benef. cap. 35.

Promisi aduocationem, postea apparuit per illam caussam præiudicium in meum patrem queri. Nimirum ut

suprà in Oppianicum & in Caium

Verrem. Atque ita in personam

olim fiebat præiudicium.

F I N I S.

E L E N C H V S

C A P I T V M.

- Qui dicantur dies sessionum.* C A P. I.
- De veteri nominum edendorum citandorumque ratione.* II.
- Qua fuerit reorum euocandorum bonorumque proscribendorum apud Romanos observata ratio.* III.
- De edendo.* IV.
- Qua fuerit interrogationis in iure formula & ratio vera.* V.
- De cognitione pratoria.* VI.
- Qua ratione de plano ius dixerit prator.* VII.
- Quid sit apud Vlpianum, per libellum expedire: quid item in prudentum responsis per decretum intelligi debeat.* VIII.
- Quomodo consilium exerceri, & in iure dici vadimonium soleat, & qui dicantur dies comperendini.* IX.
- Que vetus fuerit sacramento contendendi ratio.* X.
- Quomodo & quando iudex dari à prætore soleat: de que litis contestatione quadam non vulgaria.* XI.
- Quomodo præbuerit consilium prator.* XII.
- Vlpiani responsum & quadam Alexandri constitutio emendantur.* XIII.
- De conuentu prouinciali.* XIV.
- Emendatur Vlpiani responsum quoddam.* XV.
- De conuentu ciuium Romanorum.* XVI.
- Edi, & postulari quomodo soleat iudicium centumvirale.* XVII.
- Qui dicantur decemviri Stlitibus indicandis.* XVIII.
- Quo sensu scripserit Pomponius, decemuiros Stlitibus indicandis constitutos esse ut hasta præessent.* XIX.
- De iudiciis centumviralibus.* XX.
- De sententiarum pronuntiatione, qua prætores Roma, & in prouinciis præsides uti plerumque consueuerunt.* XXI.

IACOBI RÆVARDI
BRVGENSIS IVRISCON-
SVLTI PROTRIBVNALIVM
Liber singularis.

CAPVT I.

Qui dicantur dies sessionum.

VISSE olim diuersos in iure sessionum dies tradidit Vlpianus cap. 2. quis ord. in bon. poss. seru. Hoc est certos statosque fuisse dies, quibus singulis diuersis fori negotiis operam protribunali sedens prætor dabat. Sic, ni fallor, vt certo die postulationibus, certo statoque die cognitionibus occuparetur, cap. 73. de iudic. Nec postulationum die cognitionibus aliis quam summariis, nec die cognitionum postulationibus se prætorem dedisse ex his Vlpiani verbis manifestum est: *In bonorum possessione quæ protribunali datur, illud queritur, si se dedit quidem protribunali prætor, sed postulationibus non dedit.* dicto cap. 2. Ex illis, *Confestim autem sic erit accipiendum, ubi primum potuit, hoc est prætoris copiam habuit huic rei sedentis;* cap. 2. §. confestim. Ad senatusconsultum Tertullianum. Ea-que ratione prouinciæ præsidem interdum militari- bus, interdum custodiis, ac nonnunquam cogni- tionibus occupari scripsit idem Vlpianus dict. cap. 2. §. in bonorum. cap. 18. §. 6. de quæst.

CAPVT II.

De veteri nominum edendorum citandorumque ratione.

CV M adesset postulationum dies, tunc is, cui, salvo maiorum more, saluísque legibus, erat in iure liberum postulare, nomen tam aduersarij quam proprium edebat præconi. Sic apud consules, dum illi manumissionibus federent, edi olim nomina consueuisse, ex Vlpiano constat, cap. vnic. de off. cons. Sic quoque matrem filiis suis tutores postulantem eorum quos postulabat, nomina præconi edidisse, testis est idem Vlpianus c. 2. si mater. & §. idoneos, Ad SC. Tertul. Et quo ordine edita fuerant nomina, eodem, sedente pro tribunali prætore, citabantur. Eoque Marcellus visus est respexisse, præconem in iure litigatores citasse expresse referens. cap. penult. De in integ. restit. Cum enim de eo differeret, qui citatus non respondit, & confestim sedentem adhuc pro tribunali prætorē adiens, restitutionem impetrauit, eum idcirco restitutionē impetrasse addidit Marcellus, quod nō sua culpa, sed parū exaudita voce præconis, defuisse existimari poterat. Eaque ratione id in priuatis iudiciis fieri solitum, est. verisimile, qua in capitalibus publicisque causis accusatores & reos citari consueuisse, docet hunc in modum Apuleius de asino libro decimo. *Placuit salubre consilium, & illico iussus præco pronuntiat patres in curiam conuenirent: quibus protinus dignitatis iure consueta loca residentibus, rursus præconis vocatu primus accusator incedit, tunc demum clamarus introducitur reus.* Huic consentaneum est, quod sic in Verrinam tertiam scribit Asconius: *Apud veteres, & indices, & rei, & accusatores*

& defensores citabantur à præcone prætoris. Et huius quidem antiqui moris meminit Suetonius quoque sic de Tiberio scribens : *Sensim itaque regressus domum, repente cum apparitoribus prodiit, citatumque pro tribunali voce præconis conuitiatorem rapi iussit in carcerem.* Illud etiam obseruari solet, ut si reus cuius nomen citabatur aut eius nomine alius ad excusationem admitti desiderans, non responderet, præco citatum abesse pronuntiaret. d. cap. penult. Quo spectant hæc senatusconsulti Iunciani verba : *Placere, si quis ex his qui fideicommissam libertatem deberent seruo, qui mortis tempore eius qui rogauit non fuerit, isque adesse negabitur (nimirum voce præconis eum abesse pronuntiantis) prætor cognoscat.* capitulo vigesimo octauo. De fideicommiss. lib. Si autem non latitaret reus, sed abesset, legitimam absentiae causam per amicos allegabat, ne tandem ut contumax plecteretur, capite 31. §. litem de neg. gest. Nam cum aliquis absens damnari potuisset, quemuis verba pro eo facientem, & innocentiam excusantem, audiri æquum fuisse, & ordinarium, testatur idem Vlpianus capitulo trigesimo secundo, §. publice, de procurat. Moris etiam fuisse, ut nec reo nec eius nomine aliquo respondente prætor cognosceret summam, & si reus euocandus videretur, reum iuberet euocari : sin in ea causa reus videretur esse, ut absens condemnari posset, id ita esse prætor pronuntiaret, indicant hæc senatusconsulti Iunciani verba : *Et si in ea causa esse videbitur, ut si presens esset manumittere deberet, id ita esse prætor pronuntiet.* d. cap. 28. Denique si adessent excusatores, qui absentiae causas allegarent, prætor an iustæ essent, an vero iniustæ, cognoscebat : & si quidem iustæ sibi viderentur, iustas ; sin iniustæ, iniustas pronuntiabat. Idque luce meridiana clarius ac mani

manifestius apparet ex his Vlpiani verbis: *Non iusta ex causa abesse pronuntiatum fuerit*, d. cap. 28. Et ex illis: *Dicendum est, non esse necesse euocari eum, qui fideicommissam libertatem debere dicitur: quia absente eo si constiterit libertatem deberi, pronuntiari potest iusta de causa eum abesse, nec libertum perdit*, d. capite vigesimo octauo in fine.

CAPVT III.

Quæ fuerit reorum euocandorum, bonorumque proscribendorum apud Romanos obseruata ratio.

SI reus sic latitaret, vt nullam actori secum agendi faceret potestatem, solebat actor die postulationum prætoris auxilium implorare, qui prætor audita & cognita causa reum euocari ad sui defensionem iubebat, d. cap. 28. Fiebant autem euocationes nonnunquam solis denuntiationibus, interdum litteris, interdum etiã edictis. c. 26. circa finem, de fideic. lib. Sic, ni fallor, vt si latitans denuntiationibus euocari posset, nec litteris, nec edictis opus esset: sin minus interdum litteris, interdum edictis euocaretur. c. 5. de poen. Litteris quidem, si Roma abesset, edictis verò, si sic in vrbe latitaret, vt aditum ad se nullum præstaret. Has enim tres euocationum species sic esse ab inuicem discernendas semper existimari, vt si aditum ad se lictori is qui latitabat præstaret, vel è publico conspiceretur, solemnī testatione domum eius denuntiaretur, quæ denuntiatio *detestatio* dicebatur. cap. 19. de in ius voc. cap. 39. §. 2. cap. 1. §. 2. quod vi aut clam. cap. 40. de verb. sign. Eoque arbitror Sene-
cam respexisse, cum sic scriberet in lib. de breuitate vitæ: *Non est quod me solos putes dicere, quos officia domibus suis euocant, vt alienis foribus illidant.* Quod si in
vrbe

vrbe non esset reus, litteras à prætore impetrabat actor ad illius loci magistratus, in quo frustrationis causa aduersarius latitabat. cap. 1. & 4. De req. reis. Idque etiam ex Cicerone constat, qui sic in Verrina tertia scribit: *Verres simul ac tetigit provinciam, statim Messanam litteras dedit: Dionem euocauit, calumniatores ex sinu suo apposuit. Et paulò post. Non eos homines qui populum concitarent consulum litteris euocandos curare oportuit?* Quibus etiam conueniens est quod sic idem Cicerò ad Atticū scribit lib. 10. *Attende τοῦτον πολιτὴν. Euocauit litteris è municipijs denos; & quatuor uiri uenerunt ad eius villam mane.* Solebat etiam, si nec litteris nec denuntiationibus is qui latitabat, euocari posset, iussu & auctoritate prætoris edictum, hoc est libellum, ad ipsas rei latitantis ædes non sine denuntiatione & solemnī vicinorum aliorumve proborum ciuium testatione actor proponere, siue, vt utar Venuleij verbis, *tabulas ad rei latitantis ianuam figere*, quibus latitantem in ius euocabat, vt ita admonitus, defensor sui existeret. cap. 4. §. toties, De damno inf. cap. ult. §. 2. Quod vi aut clam. *Tabulas* autem pro libellis interdum veteres accepisse, hac ratione probari euidentissimè potest. Pontius diaconus sic in vita Cypriani scribit. *Sententia ex tabella recitata est ita: Thascius Cyprianus gladio feriat. Hanc sententiam ex libello recitatā fuisse, testis est in eo sermone diuus Augustinus quem habuit de Cypriano martyre, his verbis: Cum enim Galerius Maximus decretum ex libello recitasset: Thascium Cyprianum gladio animaduerti placet: respondit ille, Deo gratias.* Ecce Pontius ex tabella, Augustinus ex libello de Cypriano recitatam fuisse sententiam auctores sunt: haud dubiè per tabellam libellum, & per libellum tabellam intelligentes. Est igitur idem omnino, ad ædes libellum proponere apud

Ulpianum, quod apud Venulecium *tabulas ad ianuam* figere. Et hæc quidem cum ita sint, facile nunc intelligimus, quis sit sensus loci huius Venuleiani. Si ad ianuam meam tabulas fixeris, & ego eas priusquam tibi denuntiarem refixero, deinde inuicem, *Quod vi, aut clam, egerimus, nisi remittas mihi vt absoluar, condemnandum te quasi rem non restituas, quanti mea interest: Aut exceptionem mihi profuturam, Si non vi, non clam, non precario feceris, cap. vlt. §. 2. Quod vi aut clam.* Hunc enim locum de eo accipiendū puto, qui *clam*, hoc est sine aliqua denuntiatione & solita testatione edictum ad sui aduersarij tanquam latitantis ædes proposuit, cap. 23. in fin. de appellat. Ideo enim reo aduersus actorem competere. *Quod vi aut clam interdictum,* in hoc responso dicitur, quod non iure, non rite, sed *clam* ad eius ianuam edictum esset propositū. Quod quidem edictum licet non iure fixum, refigere tamen sine denuntiatione non poterat reus: & ideo, si *clam* illud refixisset, interdictum. *Quod vi aut clam,* etiam ex parte actoris locum habebat. Et ita tam reus quam actor poterat interdicto. *Quod vi aut clam,* experiri: hic quidem *clam* refixas esse, ille vero *clam* prius fixas fuisse ad ianuam suam tabulas contendens. Et nisi actor, qui tabulas *clam* refixas postulat restitui, absolui hoc interdicto reum patiatur, sic condemnandus erit, *quasi rem non restituat,* hoc est quasi tabulas iurē nequeat actor restituere. Nimirum quia *clam* ad sui aduersarij ianuā eas fixerat. Restitutio enim tunc demum concedi & impetrari solet interdicto, cum id quod iure fixum est, iniuria refigitur. Qua sola ratione factum deinde videtur, vt reo huiusmodi quoque exceptio prodesset, *Si non vi, non clam, non precario feceris:* hoc est, si nec vi, nec clam, ad ianuam meam tabulas fixeris.

Hæc

Hæc autem verba, *Quasi rem non restituas*, sic accipi posse, quasi rem iure nequeas restituere, neminem opinor latine doctum inficias ire. Et hunc puto verum esse huius responsi perdifficilis intellectum. Hinc etiam intelligimus, quid illud sit quod ad hunc modum Vlpianus scribit: *Qui nomine pratoris litteras falsas reddidisse edictumve falsum proposuisse dicitur, ex causa actione in factum pœnali tenetur, quanquam lege Cornelia reus sit.* capite vigesimoquinto de lege Cor. de falsis. Sensus enim est, eum pœnali in factum actione teneri creditorem, qui litteris aut edictis falsis aduersarium suum euocauit. De huiusmodi enim litteris & edictis hoc in loco Vlpianum sensisse, ex eius responsi epigraphe manifestum est, quæ talis est: *Vlpianus lib. 7. ad edictum.* Nam libro ad edictum quinto, sexto, & septimo, de iudiciis, iudiciorum præparatoriis, iisque omnibus quæ ad iudicia priuata pertinent, plenissime scripsit Vlpianus. Nec sane ut aliquis contumax diceretur, satis erat vno edicto non paruissse, sed eum demum contumacem esse respondit Hermogenianus, qui tribus edictis propositis presentiam sui facere contemnit. cap. 53. de re iudic. Et quod apud Hermogenianum de tribus edictis legitur, id ad tres denuntiationes, & ad tres etiam litteras referri posse, indicat satis ipsemet iurisconsultus. Nam de tribus edictis agens, triū quoque litterarum mentionem non omisit. Et pro tribus edictis, litteris, vel denuntiationibus, unicum interdum edictum prætorem proposuisse, idem Hermogenianus addidit: illudque quod perimcret disceptationem, hoc est, quod ultra reum non pateretur tergiuersari, inde peremptorium appellatum existimauit Vlpianus, c. 70. de iudic. Eoque μεταφορικῶς visus est his Tertullianus allussisse in lib. de pudicit. *Audio etiam edictum esse*

esse propositum , & quidem peremptorium. Pontifex scilicet Maximus episcopus episcoporum dicit: Ego & mæchie , & fornicationis delicta pœnitentia functis dimitto. O edictum cui adscribi non poterit BONVM FACTVM. Et ubi proponitur liberalitas ista? Ibidem opinor, in ipsis libidinum ianuis, sub ipsis libidinum titulis. Hæc Tertullianus, euidenter vsum demonstrans edicti peremptorij. Solet enim edictum huiusmodi in ipsis reorum latitantium , vt modo dixi, ianuis proponi. Ad quod edictum peremptorium , sic etiam solet ordine veniri, vt quis primo peteret edictum primum , mox alterum , per interuallum non minus viginti dierum, & tertium : iisque propositis peremptorium impetrabat. cap. 68. 69. 70. de iudiciis. Solentque edictum istud peremptorium sæpius post tria edicta concedi, nonnunquam post vnum aut alterum, interdum etiam statim, quod appellabatur vnum pro omnibus. c. 72. dicto tit. cap. 3. C. quom. & quand. iudex. Illudque à relictis edictis quomodo discerni soleat ex eo facile potest intelligi, quod in manuscripto quodam de verbis iuris antiquissimo libello, quem habeo , sic scriptum est : *Si index in edicto adijciat , SI DIE PRÆSCRIPTO NON VENERIS , QVASI CONTVMAX CONDEMNERIS , tunc edictum peremptorium emittitur.* Et post huiusmodi edictum impetratum, cum dies eius superuenisset , tunc absens in iure citari debebat, & siue responderet siue non responderet, causa agebatur , non vtique secundum præsentem, sed interdum absens, si bonam causam haberet vincebat. cap. 73. de iudiciis. c. 23. §. fin. de appellat. Idque illud etiam est, quod sic Liuius lib. 39. scribit : *Recitari deinde se-
rus consulta iusserunt , iudicique præmium proposuerunt , si
quis quem ad se deduxisset , nomenue absentis detulisset: qui
nominatus profugisset , diem certam se finituras , ad quam
nisi*

nisi citatus respondisset, absens damnaretur. Porro trinis literis vel edictis, aut vno pro tribus dato, aut trina denuntiatione conuentus, nisi ad indicem a quo sibi denuntiaturum erat, aut cuius literis vel edictis conuentus erat, veniret, quasi in contumacem dicta sententia, auctoritatem rerum iudicatarum obtinebat, nec appellari ab ea poterat, vt scribit Iulius Paulus sentent. lib. 5. tit. 5. Et hanc quidem reorum euocandorum potestatem, inde prætor vrbani videri potest olim habuisse, quod ille inter eos magistratus numeraretur, qui vocationem habebat. Auctor est enim A. Gellius lib. 13. cap. 12. Varronem lib. rerum humanarum vno & vigesimo sic scripsisse: *In magistratu habent alij vocationem, alij prehensionem, alij neutrum. Vocationem, vt consules, & alij qui habent imperium; prehensionem, vt tribuni plebis, & alij qui habent viatorem; neque vocationem neque prehensionem, vt quæstores & ceteri qui neque lictorem habent, neque viatorem. Qui vocationem habent, iidem prehendere, tenere, abducere possunt, & hæc omnia, siue adsunt quos vocant, siue acciri iusserunt. Tribuni plebis vocationem habent nullam. Hactenus Varro. Ex quo loco illud etiam intelligi facile potest, locum in ciuilibus causis prætorie vocationi sic fuisse, vt reus latitans euocari iussus, etiam occasione data prehendi, & rapi à lictoribus in ius olim potuerit, cap. 13. §. 2. de iniur. Idque ex eodem Gellio est euidentissimum. Sic enim de quæstore scribit lib. 13. cap. 13. *Non pauci igitur existimabant ius vocationis in eum prætori non esse, quoniam magistratus populi Romani procul dubio esset: & neque vocari, neque si venire nollet, capi atque prehendi salua ipsius magistratus maiestate posset. Et idcirco dubitatum fuisse videtur, an reus sic domi latitans vt lictori fores virga pulsanti, nullam faceret denuntiandi potestatem, de domo sua in ius vocari, id est ra-**

pi à lictore foribus effractis ex ædibus suis in ius potuerit. Sed quia domus tutissimum refugium est, & receptaculum, ideo non omnes quidem prudentes iuris, sed plerisque ait Caius existimasse, id fieri non potuisse. cap. 18. de in ius vocan. cap. 28. in fin. de fideicom. lib. cap. 23. de iniuriis. Eoque sensu accipiendum est, quod sic Paulus scribit: *Nemo de domo sua extrahi debet*, cap. 103. de reg. iur. Et hæc quidem noua horum responsoꝝ interpretatio videri idcirco probabilior potest, quod verisimile non sit, aliquos prudentes iuris vnquam sibi persuasisse homini priuato ædes aduersarij effringere permittendum esse, & inde inuitum ac reluctantem aduersarium in ius obtorto collo trahere: id quod à tribunis plebis aliisque magistratibus aliquando vsurpatum fuisse non obscure testatus est Liuius lib. 38. sic tribunos de P. Scipione Africano loquentes introducens: *Et tantum animorum in dies nobis decrescit, vt ad quem ante annos septemdecim exercitum & classẽ habentem tribunos plebis adilemque in Siciliam mittere ausi sumus, qui prehenderent eum, & Romam reducerent, ad eum priuatum ex villa sua extrahendum ad causam dicendam mittere non audeamus?* Hæc Liuius. Ergo si sic latitaret reus, vt nullam secum agendi actori potestatem faceret, postulatio- num die euocandi, vt declarauimus, aduersarij auctoritatem auctor petebat. Sique euocationi primæ non pareret reus, secundam decernens prætor, in bona mittebat creditorem, & nisi euocatione tertia ad sui defensionem excitaretur, altero decreto debitoris bona possideri, proscribi, ac distrahi iubebat. Quo spectant hæc edicti verba; **QVI FRAVDATIONIS CAVSSA LATITAVERIT, SI BONI VIRI ARBITRATV NON DEFENDETVR, EIVS BONA POSSIDERI VENDIQUE IVBEO.** cap. 7. quib. ex caus. in poss.

poss.eat. cap. 1. §. si nemo, quod cuiusque vniuers. no. Sique nihil esset corporale quod possideretur, solebat per actiones creditoribus satisfieri. cap. 8. d. tit. Solebant etiam (vt & hoc obiter addamus) latitantis amici, antequam bona possiderentur, interrogari an debitorem vellent defendere. Quod si nemo esset qui interrogari posset, vel ex omnibus, quos auctor vltro interpellauerat, nullus sese defensionis offerret, non aliter in bona mittebat actorem prætor, quam si is testatione non partem, sed omnia rei latitantis bona complexus esset. cap. 22. ex quib. caus. ma. cap. 7. de cap. dim. Qui enim in possessionem mittebatur, is non partem aliquam, sed cuncta quæ teneri poterant debitoris bona possidebat. Cicero in Quintiana: *Omnia autem bona possessa non esse constitui, quod bonorum possessio spectetur non in aliqua parte, sed in vniuersis quæ teneri ac possideri possunt.* Iubebat igitur prætor reum euocari postulationum die, iubebat etiam rei latitantis bona possideri, proscribi, & proscripta tandem distrahi die cognitionum. cap. 73. §. 1. de iud. Possidebantur quidem dies triginta, proscribebantur verò ac distrahebantur post trigesimum diem. Sic enim scripsit pro P. Quintio M. Cicero: *Iubet P. Quintium sponsonem cum sexto Nauio facere, Si bona sua ex edicto P. Burrieni prætoris dies 30. possessa non essent.* Proscriptiones autem sic solitas olim fieri vt ad ædes condemnati debitoris tabulæ figerentur, cunctisque eius bonis suspenderentur libelli, docet eleganter Seneca de benefic. lib. 5. *Spondeo, inquit, pro iudicato, & suspensum amici bonis libellum deicio, creditoribus eius me obligaturus: vt possim seruare proscriptum, ipse proscriptionis periculum subeo.* Et Cicero an non ita etiam pro P. Quintio scribit? *Libellos Sextus Alphenus, procurator Publij Quintij, familiaris & propinquus Sexti*

Nauis, deicit: seruulum vnum quem iste prehenderat, abducit, denuntiat sese procuratorem esse. Et hæc quidem omnia reo latitante sic olim in vsu fuerunt.

CAPVT IV.

De edendo.

SI reus non latitaret, sed agendi secum actori faceret potestatem, solebat postulationum die in ius sequi aduersarium: cumque citatus respondisset, statim actor causam dicebat, suamque reo sedente pro tribunali pretore actionem edebat. Antequam autem in ius ventum esset, reo actionem edere actorem olim cogi non solere, ex his Plauti versibus in *Perla* probari potest:

Age, ambula in ius leno. D. Quid me in ius vocas? S. A.

Illic dicam apud pretorem: sed ego in ius voco.

Quamuis alioquin copiam actionis describēdæ, reo antequam in ius veniret, actor nonnunquam faceret, vt proinde reus deliberaret vtrum cedere an cōtendere vltra deberet. & si contendendum putaret, veniret instructus, cognita actione qua cooueniretur. cap. i. de edendo. Quam quidē editionis rationē Terentius eleganter his expressit versibus in *Adelphis*:

—— *Quid? si ego tibi illam nolo vendere,*

Coges me? ÆS. Minime. S. Namque id metui. ÆS.

Neque vendundam censeo

Quæ libera est: nam ego illam liberali assero causa manu.

Nunc vide vtrum vis argentum accipere, an causam meditari tuam.

Delibera hoc dum ego redeo leno.

Fuerunt autem edendarum actionum quinque rationes diuersæ. Prima fuit, si quis diceret qua actione agere vellet: secunda, si eius quam allegabat actionis descri

describendæ actor reo faceret copiam: tertia, si actor
 suam intentionem in libello esset complexus, & cā
 sic offerret aduersario: quarta, si ex libello eam ad-
 uersario dictaret: quinta, si aduersarium suum actor
 ad album produceret, demonstraretque quid dicta-
 turus esset, vel id dicendo quo vti vellet. d. c. i. Quod
 autem ad quintam hanc editionis speciem attinet,
 ea profecto non talem habet sententiam qualem
 habere plerique putant. Dicam quod sentio, quid
 alij sentiant non referam. Olim cum lex aliqua
 lata esset, de ea formulas componebant prudentes,
 quibus lege posset agi. Quæ formulæ quod essent an-
 te Cn. Flauij præclarum facinus in collegio pontifi-
 cū reconditæ, à pontificibus impetrabantur, singu-
 lisque causis legitimis accommodabantur, & legis
 actiones dicebantur. cap. 2. §. i. i. de origin. iuris. Sed
 postea quam Cn. Flauius actionum illarum quas Ap-
 pius Claudius composuerat & ad formā redegerat,
 librū surreptum populo tradidisset, actiones à pon-
 tificibus peti tandem desierunt. Et quum primum
 creatus esset prætor, qui inter priuatos ius diceret,
 in ordinem cum iis quas Sextus Ælius & alij com-
 posuerant, dirigebantur, & publicè proponebantur,
 actionesque directæ siue constitutæ appellari cœ-
 perunt, quæ antea legis actiones dicebantur. cap. 14.
 §. i. de seruo corrupto. Huius rei auctorem habeo
 Ciceronem. Sic enim pro Q. Roscio scribit: *Frau-*
dabat te in societate Roscius. sunt iura, sunt formule de
omnibus rebus constituta, ne quis aut in genere iniurie,
aut ratione actionis errare possit. Expressæ sunt enim ex
vnus cuiusque damno, dolore, incommodo, calamitate, iniu-
ria, publice à prætore formula, ad quas priuata lis accom-
modatur. Hæc Cicero. Igitur qui ad album præto-
 ris, non quidem edictorum, sed formularum, siue

actionum directarum aduersarium suum producit, quid *dictaturus*, hoc est, qua formula usus sit demonstraturus, is quoque edere dicitur. Et hæc quidem interpretatio vel ob id etiam videri poterit probabilior, quod veteres per formulas, interdum actiones intellexerint: id quod ex Apuleio constat, qui sic de asino libro 9. scribit: *Nec eriscunda familia, sed communi diuidendo formula dimicabo.* Album autem parietem fuisse dealbatum, cum Accursio visus est affirmasse Plautus, cum sic in Perfa scriberet:

Ne isti faxim nusquam appareant

Qui hic albo pariete aliena oppugnant bona.

Nisi continens pro contento $\chi\tau\iota$ μετανομίαν accepisse Plautum dixeris: quamuis scripserit expresse Suidas λεύκωμα, hoc est album parietem fuisse gypso inunctum ad inscriptionem civilium rerum aptum. Id enim ad ea potius quæ prout res incideret ad tempus, quam ad ea quæ iurisdictionis perpetuæ causa in albo proponebantur, videtur referendum. Et hæc quidem editionum species quinque, solis erant diebus postulationum in usu. Siquidem cognitionum die nullus editioni, nullus in ius vocationi locus fuit. Quod ut clarius intelligatur, cui rei postulationum die, cui item die cognitionum prætor operam dederit, paucis consideremus. Ac postulationum quidem die cuilibet (saluo tamen maiorum more salisque legibus) non solum desiderium suum vel amici in iure apud eum qui iurisdictioni præerat, exponere fuisse liberum, sed etiam alterius desiderio contradicere, ex Vlpiano constat cap. 1. in princ. de postulat. Et cum in ius ventum esset postulationum die, suam reo actionem edens, uti nonnunquam interrogatione solet, nonnunquam sine interrogatione ad causam

causſæ dictiōem actor procedebat. De qua interrogatiōe vt nunc diſſeratur, huius commentarij poſtulat ordo.

C A P V T V.

*Qua fuerit interrogatiōis in iure formula
& ratio vera.*

Interrogatio in iure nonnunquam fuiſſe videtur neceſſaria, ne videlicet actor plus petendo cauſſa cadat. Ideoque ſi dubitaret, quantum ab aduerſario petere deberet, an aduerſarius heres eſſet, & quota ex parte, an fundum poſſideret, & quota ex parte, interrogatiōi locus fuit. cap. 1. 2. & 3. de interrogatiōib. Eiſque hæc fuiſſe formula videtur, *QUANDO TE IN IVRE CONSPICIO, POSTVLO ANNEFIAS AVCTOR.* Hanc formulam his notis exprimit Valerius Probus, *Q. T. I. I. C. P. A. F. A.* Cuius etiam Cicero meminit pro Cecinna. *Actio*, inquit, *eſt in auctorem præſentem his verbis, Quando te in iure conſpicio.* Male in nonnullis exemplaribus legitur, *In auctore.* Legendū enim eſſe *In auctore* præter emendatorū exemplariū fidē, ſenſus etiā loci poſtulat, qui talis eſt: *Si dubitamus an aduerſarius auctoritatē poſſit deſugere, ſic aduerſus eum quē eſſe auctore exiſtimamus, agimus,* hoc eſt actionem ſic inſtituimus, *Quando te in iure conſpicio, poſtulo anne ſias auctor:* hoc eſt, anne ſis ille à quo ius meū perſequi debeā? Sic enim auctorem accipi in prudentū reſponſis nouū non eſt. Quo ſenſu venditor auctor appellatur, ſiquidē cum venditore eniſtis rebus vēditis emptori reſ eſſe in iure ſolet. c. 13. in fi. De publ. in rem act. cap. 4. §. 1. cap. 6. §. 4. cap. 11. §. 5. & cap. 52. §. 3. De actiōib. empt. Atque ita auctorem videtur accepiſſe Tertullianus, in lib. de præſcript.

aduersus hæreticos: *Mea*, inquit, *est possessio, olim possideo, prior possideo, habeo origines firmas, ab ipsis auctoribus quorum fuit res.* Sic procuratorem quoque auctorem visus est appellasse Festus his verbis: *Cognitor est qui litem alterius suscipit, coram eo cui datus est: procurator autem absentis nomine auctor fit.* Et Donatus in Terentio. *Fideiussor, inquit, dicitur, hoc est auctor credendi,* Quibus addi poterit quod sic in sermone quinquagesimo scribit diuus Ambrosius: *Dum auctor venditionis sue reus est, constat istos sceleratum cum sacrilego inisse contractum.* Et in sermone 52. *Respice, inquit, contractus originem, venditionis auctorem, pretij quantitatem.* Hinc etiam est quod Venuleius actionem quæ emptori euictionis nomine competit aduersus venditorem, auctoritatem appellauerit, cap. si. de euict. Igitur si dubitaret actor an aduersarius heres esset, sic formulam in iure videtur concepisse: AIO EX LVGII TITII HEREDITATE CENTVM MIHI DEBERI, QUANDO TE IN IVRE CONSPICIO, POSTVLO ANNE FIAS AVCTOR? Tum si auctorem se profiteretur reus, & causæ defensionem vt heres susciperet, hac rursus utebatur actor formula: QUANDO AIS NEQVE NEGAS, TE SACRAMENTO QVINQVAGENARIO PROVOCO. Et ad prætorem conuersus sic dicebat: IVDICEM ARBITRVME POSTVLO VTI DES IN DIEM TERTIVM SIVE PERENDINVM. Quod si non ex asse quidem, sed ex parte duhtaxat heredem se profiteretur reus, sic rursus interrogari videtur in iure consueuisse: POSTVLO QVOTA EX PARTE FIAS AVCTOR? Porro si auctorem esse negaret omnino reus, sic prætor videtur imperasse; SI NEGAT, SACRAMENTO QVÆRITO: & prius an auctor esset aduersarius sacramento disceprabatur, quam quid ab eo exigeretur. Si autem reus apud prætorem inter-

roga

rogatus taceret, in ea causa erat, ut instituta actione in solidum posset conveniri, quia praetorem contemnere videtur. cap. 10. §. 3. de interrogat. Et tunc quidem sic formulam concipiebat actor: QVANDO NEQUE AIS NEQUE NEGAS; TE SACRAMENTO QVINQVAGENARIO PROVOCO. Hæc omnia dilucide probari possunt ex libello Valerij Probi, de literis antiquis. Unde etiam satis constare videtur, eam appellari interrogatoriam actionem consuevisse, quæ eius rei causa instituitur, cuius auctor reus in iure factus est, vel fieri debuit. Et hæc de interrogationibus, actionibusque interrogatoriis.

C A P V T VI.

De cognitione pratoria.

Ceterum si nulla esset opus interrogatione, sic causam dicebat actor: *Aio fundum Tusculanum, quem possides, meum esse, ex iure Quiritium.* Et cum causa dicta esset, si reus taceret, lis ei æstimabatur ut victo. Sublata enim defensione omnem controversiam tolli, auctor est Cicero de inuent. lib. 1. *Solebatque cum aliquid vindicaretur, prator rem interrogare,* inquit Boetius, *an contra vindicaret,* hoc est (ut mihi videtur) an aliqua instructus esset exceptione, qua iniuste rem vindicari docere posset. Negante vero vel tacente reo, rem de qua causa dicta erat, actori vindicanti addicebat prator. Plautus in Poenulo:

— *Vbi in ius venerit,*

Addicet prator familiam totam tibi.

Et paulo post:

Quin egomet tibi me addico, quid pratore opus est.

D d d

5

Et

Et huiusmodi quidem addictio, sola fieri cognitione prætoriam, sine consilio, sine decreto dicebatur. cap. 39. in princ. de euiet. Et sic accipiendum puto, quod de liberis, qui prætoriam petuntur cognitione, scripsit Vlpianus cap. 1. de rei vind. Ait enim *liberos qui sunt iuris nostri, aut iudiciis, aut præiudiciis, aut interdictis, aut denique cognitione prætoriam peti*: aduersario videlicet, quominus sequerentur, nihil apud prætorem obii-
ciente. vt, si quidem aliquid obiiiceret, non prætoriam cognitione, sed pro litis qualitate vel iudiciis, vel præiudiciis, vel interdictis, peterentur: sin minus sola cognitione prætoriam. d. capit. 39. & cap. 3. §. 1. de lib. exhib. Sic cognitionem prætoriam visus est idem Vlpianus accepisse in cap. 13. §. 2. de minorib. Illud etiam obseruari solet, vt si reus nihil contradiceret actoris intentioni, cognitione prætoriam reo daretur dies cum competenti cautela ad soluendam pecuniam. c. 21. de iudiciis. Et quia Varro scribit. de ling. Lat. lib. 5. *necessum esse aliquo horum verborum Do, Dico, Addico, prætorem vti cum lege quid peragitur*, certe *absurdum etiam non erit, ad cognitionem prætoriam, vt apud Plautum, sic apud Varronem verbum Addico referre*. Idque mihi sic videtur.

CAPUT VII.

Qua ratione de plano ius dixerit prætor.

ILLud etiam admonendi sumus, duobus modis I operam postulationibus prætorem dedisse, nimirum vel pro tribunali, ordinario postulationum die; vel de plano, sella extra ordinem posita, cap. 2. quis ordo in bon. pos. ser. cap. 18. in fine, de quæst. Eoque referendum videtur, quod sic epist. lib. 9. Seneca scribit: *Et cælo impositus, intelligit, quum sellam aut tribunal ascen*

ascenderit, quam humili loco sederit. Auctor est Isidorus tribunal locum sublimem & editum esse, in quo confidentes magistratus ius dicunt. Idque etiam Tacitus satis indicat, cum sic Annal. lib. 1. scribit: *Simul congerunt cespites, extruunt tribunal, quo magis conspicua sedes foret.* Et Seneca de clementia lib. 1. *Hac tamen, inquit, magnanimitas in bona fortuna latiore locum habet, meliusque in tribunali quam in plano conspicitur.* Liuius sic etiam scribit lib. 8. *Tum silentio facto præco Q. Fabium magistrum equitum citauit, qui simul ex inferiore loco ad tribunal accessit.* Est igitur tribunal plerumque immobile & certo editoque in loco semper positum. Proinde quod Vlpianus *Publicum Cæcum Asprenatis Nonij patrem, auersa sella à Bruto fuisse destitutum* ait, cum vellet postulare, cap. 1. §. 4. de postul. ex eo probari facile potest, sellam tribunal non fuisse, & postulari non pro tribunali solum, sed etiam sella in loco plano posita, apud prætorem potuisse. Id quod ex Asconio etiam euidentissimum est, qui sic in diuinat. scribit. *Sunt enim subsellia tribunorum, triumuirorum, quaestorum, & huiusmodi minora iudicia exercentium, qui non in sellis curulibus, nec in tribunalibus, sed in subsellis considebant.* Moris etiam fuisse videtur, ut post prætorem per regiones vrbis vicosque obambulantem veheretur sella, quæ cum adessent qui postulare volebant, in loco plano ponebatur, ut ita non stans, sed sedens ius extra ordinem postulantibus prætor de plano redderet. Eoque sensu accipiendum puto, quod ita Valerius de Scipione Africani filio scribit: *Quaquam quid interfuit, verum repulsam, an sic adeptam praturam domum referret? quam cum propinqui ab eo pollui animaduernerent, id egerunt, ne aut sellam ponere, aut ius dicere auderet.* Sensus enim est, id egisse propinquos Scipionis, ut nec de plano cognoscere Scipio, nec tribunal adscen-

ascendere auderet. Liuius lib. 41. *Sella eburnea posita ius dicebat, disceptabatque controuersias minimarum rerum.* Et sic quidem nihil aliud esse videtur de *plano*, quam *sella posita*, nihil item aliud *sella posita*, quam *de plano* cognoscere. Veluti si ambulanti prætori, parēs quispian aut patronus, hic de liberto, ille de filio conquerens, obuiam fieret, necessum non erat prætori, vt eos postulantes audiret, tribunal ascendere, sed in loco plano iubebat sellam poni: eaque posita, querentem de filio patrem, & de liberto patronum sedens audiebat, cognitaque summatim caussa, obsequium parenti & patrono de plano iubebat exhiberi, imo & libertum non obsequentem, de plano aut fustium castigatione, aut verbis emendabat. cap. 9. §. 3. De offic. procon. Hæc quum non consideraret vir quidam eruditus, intellexisse non videtur, quo sensu scripserit Vlpian. *ius eum solum locum esse, ubi iuris dicendi iudicandiue gratia magistratus populi Romani, vel præfides provinciarum consistunt, etiam si domi, vel in itinere hoc agant.* cap. 4. De interrog. Et idcirco sic emendandum esse locum hunc, vt pro *vel si domi*, legatur *non si domi*, scribere non veretur: cum interim antiqua lectione, nihil sit elegantius, nihil sincerius. Sensus enim est, non solum tribunal, sed eum etiam locum ius appellari, in quo, iuris dicendi caussa, sella ponitur, siue id in tinere, siue etiam domi fiat: eumque locum non diutius iuris habuisse nomen, quam posita esset curulis sella, eique prætor iuris reddendi caussa insideret: id quod nec Donatus quidem visus est ignorasse, hæc Terentij verba, *In ius eamus*, sic interpretans, *Ad prætoris sellam.* Domus igitur prætoris, ius non dicitur, vt nec ipsum tribunal prætore iuris dicendi iudicandiue caussa non sedente. Vt enim locus aliquis nomen adsumeret iuris, necessaria fuit præ

præsentia prætoris, aut pro tribunali, aut certe in sella curuli, iuris reddendi causa sedentis. Idque verbum illud *consistunt*, quo utitur hic Vlpianus, satis indicat, præsertim si addideris, sic etiam in libro secundo Ciceronis, De inuenti. Marium Victorinum scripsisse: *Vnde ipso, ut dixi, iure, hoc est apud prætorem, † de modo agendi cum quaereretur, fiebat exceptio atque translatio.* Eoque etiam referri potest quod sic Plautus in Menechmis scribit:

— Aut ad

Populum, aut in iure, aut apud iudicem res est.
Sensus enim est, aut apud populum comitiis centuriatim calatis, aut apud prætorem pro tribunali, sella posita, aut denique apud aliquem datum iudicem causas olim dici, tractarique solitas. Id ipsum iisdem fere verbis tradidit etiam Cicero, de orat. libro primo. *Nam si quis, inquit, hunc statuet esse oratorem, qui tantummodo in iure, aut in iudiciis possit, aut apud populum aut in senatu copiose loqui, tamen huic ipsi multa tribuat & concedat necesse est.* Illud quoque addendum est, per sellam aliquando tribunal intelligi: quod tunc accidere solet, cum non quidem in plano, sed in edito loco sella curulis iuris dicendi iudicandique causa ponitur. Idque testatus est expressse Liuius, cum sic lib. 6. scriberet: *Stipatus ea multitudine sella in comitio posita viatorem ad M. Manlium misit: qui dictatoris iussu vocatus, cum signum suis dedisset adesse certamen, agmine ingenii ad tribunal venit.* Solebant etiam (ut & hoc obiter addamus) de plano multa expediri per libellum. Quod qua ratione fieri consueuerit, paucis demonstrabimus.

CAPVT VIII.

Qui sit apud Vlpianum, Per libellum expedire, quid item in prudentum responsis per decretum intelligi debeat.

Moris fuisse, vt quid à principe desideraturi, principem etiam præsentem scripto adirent, auctor est Tacitus annalium libro quarto. eiusque moris meminit Callistratus. Ait enim *diuum Hadrianum aditum fuisse per libellum à Iulio Tarentino*, cap. 33. De re iudic. Vlpianus etiam de quodam scribit, *qui se fecisse procuratorem libello principi dato professus est*, cap. 21. Rem. rat. hab. Hunc morem ab iis quoque obseruatum fuisse, qui quid à prætore aut præside, aduersario nullo in ius vocato postulabant expresse testatus est Iulius Paulus cap. 15. de in ius voc. Et tunc si talis res per libellum peteretur, quæ prolixior nullam requireret causæ cognitionem, statim per libellum, etiam de plano expediebatur. Idque illud esse omnino videtur, quod Suetonius sic de Nerone scribit: *In iurisdictione postulatoribus nisi sequenti die ac per libellos non temere respondit*. Eos haud dubie libellos intelligens, quibus adiri principes moris erat. Igitur ad illud quod à principe vel à præside libello petebatur, per libellum respondebatur: & sic per consequens expeditio postulationis fieri etiam per libellum subscriptione solebat. cap. 29. de l. Cor. de falsis. Si autem res quæ per libellum petebatur, talis esset vt opus haberet decreto: tunc ea neque de plano, neque per libellum poterat expediri, sed in diem cognitionum differebatur: qui dies cognitionum, decreti dies appellatur. cap. 28. in princ. de excusat. Decretum autem & generis olim & speciei nomē fuit.

Quid

Quidquid enim pronunciat ius dicens prætor, genere quodā decretum appellatur. Eoque sensu tunc decreta esse accipiēda, cum à prætore decreta Latine iubentur interponi, alio loco docuimus. Tertullianus in libro de habitu mulieb. *Qua constantia*, inquit, *tribunal illud adscendimus, decreaturi aduersus eos quorum munera appetimus?* Seneca in Medea:

CR. Vox constituto sera decreto venit.

ME. Qui statuit aliquid parte inaudita altera,

Aequum licet statuerit, haud æquus fuit.

Erat etiam decretum nomen speciei, cum videlicet edita de plano, aut die postulationum controuersia, in diem cognitionum hac intentione differtur, ut ea cum consilio examinata certam accipiat iustamque definitionem. Ea nimirum ratione, qua principum sententiæ quæ in causarum cognitionibus de consilio consularium virorum proferebantur, appellari decreta solent. Id quod hæc epigraphe manifestum facit, *Paulus imperialium sententiarum in cognitionibus prolatarum, siue decretorum, ex libris sex libro primo*, cap. ult. de iure patron. cap. 41. famil. ercisc. cap. ult. de hered. instit. Idque illud esse omnino videtur, quod sic Asconius scribit in Verrinam secundam: *Sunt autem instituta prætorum, in decretis interponendis diiudicandisque causis*. Et hoc sensu decretum prætoris, præsidis, aut proconsulis, accepisse visus est etiam his verbis Vlpianus: *Ubi decretum necessarium est, per libellum id expedire proconsul non potest. quæ enim causæ cognitionem desiderant, per libellum non expediuntur*. cap. 9. §. 1. de offic. proconsul. capit. 71. de reg. iur. Haud dubie per decretum exactam sedulamque causæ apud prætorem adhibito consilio disquisitionem intelligens, & causæ cognitionem ad prætoris tribunal referēs. Quid enim aliud est, quod sic ab eodem Vlpiano

inue

inuenimus alio loco scriptum? Si *caussa*, inquit, *cognita bonorum possessio detur, non alibi datur; quam pro tribunali. quia neque decretum de plano interponi, neque causa cognita bonorum possessio alibi quam pro tribunali dari potest.* cap. 2. §. 1. de bon. poss. Dices: Ergo postulationū die sine consilio decretum interponitur. Id quidem negatur à me, nec id præ se ferunt hæc Vlpiani verba, quibus à cognitione causæ distingui expresse decretum, si recte fuerint expensa, omnino videtur. Nec id absurdum. Siquidem omnis bonorum possessio aut de plano peti per libellum solet, aut pro tribunali. Pro tribunali rursus, aut postulationum, aut cognitionum die. Postulationum quidem die, causa summam cognita, die verò cognitionum, non causa solum cognita, sed etiam interposito decreto. Idque ex eodem Vlpiano euentissimum est. Sic enim ad edictum lib. 49. scribit: *Dies bonorum possessionis utiles esse palam est: sed non sessionum numerabuntur, si modo ea sit bonorum possessio, qua de plano peti potuit. Quid si ea qua causa cognitionem pro tribunali desiderat, vel qua decretum exposcit? sessiones erunt nobis computanda quibus sedit is.* cap. 2. §. 1. quis ordo in bon. poss. seruet. Ecce, decretum à causæ cognitione Vlpianus expresse disiungit. Nonne igitur diuersa sunt? Rursus, hæc eiusdem Vlpiani verba, *Quæ causa cognitionem pro tribunali desiderat: ad diē postulationum, non autem cognitionum, omnino pertinere, illa indicant subsequētia verba: In bonorum possessione qua pro tribunali datur, illud queritur, si se dedit quidem pro tribunali prator sed postulationibus non dedit.* d. cap. 2. §. Et idcirco quis dubitabit, quin hæc Vlpiani verba. *Vel qua decretum exposcit:* non ad postulationum, sed ad cognitionum diem omnino sint referenda? Idque vel hinc etiam esse potest euentissimum, quod

quod non postulationis sed cognitionis die missio in bona fieri decreto soleat. cap. 73. §. 1. cap. 75. in princ. de iudiciis. cap. 3. Ne vis fiat ei. cap. 15. §. 1. Iulianus, de damno infect. Igitur decretum in his Vlpiani responsis aliud nihil est, nisi me vehementer coniectura fallit, quàm consilij definitio, cap. 15. §. 1. de manu. vind. cap. 1. §. 2. de suc. edicto. De quo consilio ut nunc differatur, ordo huius nostri commentarij omnino requirit.

C A P V T I X.

Quomodo consilium exerceri, & in iure dici vadimonium soleat, & qui dicantur dies comperendini.

DIE cognitionum vel solet prætor consilium exercere, vel solet præbere consilium. Erat & alius dies cognitionum in quem edicebatur concilium, id est conuentus. In consilium prætoris adhibentur Romæ quinque senatores, & quinque equites Romani, auctore Theophilo, & in fragmentis Vlpiano tit. 1. Cum prætor cognitionum die de caussis adhibito consilio cognoscebat, tunc exercuisse consilium rectè videri potest. cap. 2. de offic. eius cui mand. est iurisd. Proinde si reus postulationum die desiderio actoris contradiceret, vel diem ad sui defensionem postularet, sic in diem cognitionum res differebatur, ut tamen actio edita actis postulationum infereretur. Scribas enim fuisse qui notis acta præsidum scribebant, testatus est Modestinus cap. 32. ex quibus caus. maiores. Eoque pertinet illud Senecæ, Epistol. lib. 14. *Quid loquar verborum notas, quibus quamvis citata excipitur oratio, & celeritatem lingue manus sequitur?* Hinc cum se pro tribunali sedere, & litteras

sed illiteratissimas pingere scripssisset Artio Clementi Plinius Epist. lib. 1. idem paulo post in eodem libro, *nihil agere, nihil scribere, aut assidenti sibi vacare, aut anxio libère*, Catilio Seuero nuntiauit. Vnde etiam perspicuum est, scribam, qui cuncta quæ pro tribunali diebus postulationum & cognitionum agebantur, notis describeret, prætori allidisse, qualem hunc Plinium aliquando fuisse, ex hoc loco conicio. Per litteras enim illiteratissimas, quin notas Plinius intellexerit, nemo dubitabit, qui non ignorat *notas non esse literas* Paulum scripsisse cap. 6. in fin. de bon. poss. Ergo postulationum die, si reus diem ad sui defensionem peteret, edita actio in acta referebatur; deinde tempus in ius iterum veniendi à prætoris constitui solet, & in proximum diem cognitionum, quem perendinum fuisse non est dubium, plerunque concipiebatur, datis interim & constitutis à reo vadibus, ni satis esset inceptis rebus idoneus. Idque confirmat A. Gellius, qui sic de P. Scipione Africano scribit lib. 7. cap. 1. *Et quodam die ius in castris sedens dicebat, atque ex eo loco id oppidum procul videbatur. Tum è militibus, qui in iure apud eum stabant, interrogauit quispiam ex more, in quem diem locumque vadimonium promitti iuberet. Et Scipio manum ad ipsam oppidi quod obsidebatur arcem protendens; Perendie, inquit, se sistant illo in loco.* Hæc Gellius. In quo loco aduerbium hoc, *Perendie*, non temere ab Africano additum videri potest. Non enim omnibus diebus, nec in diem quemlibet vadimonium in iure licebat dicere. Diebus postulationum in iure dici vadimonium poterat; videlicet *in diem tertium siue perendinum*, hoc est in diem cognitionum. Ideoque cum *dies comperendinos esse quibus vadimonium liceret dicere*, apud Macrobiū legerem Saturnal. lib. 1. cap. 16.

quin

quin per *dies comperendinos*, dies postulationum intellexerit Macrobius, nequaquam dubitavi. Per *vadimonium* autem non illud vadimonium quod antestatis præsentibus, à reo in ius vocato actorem extorsisse, in eo libello declarauimus, quem ad duodecim tabulas scripsimus: sed illud vadimonium intelligimus, quod die postulationum in iure apud prætorem dici consuevit in diem tertium siue *perendinum*. Postulationum die locus erat in ius vocationi, die cognitionum non erat locus. Et quia in ius vocationem subsequi vadimonium solet, rectè hinc etiam colligi videtur, eo die quo nullus erat in ius vocationi locus, utique nec vadimonio locum fuisse. Igitur dies cognitionum, *comperendini* dies non erant. Eoque arbitror Vlpianum respexisse, cum eum negaret in ius vocari posse, qui apud prætorem causam agit, cap. 2. in fin. de in ius vocand. Agitur enim apud prætorem causa die cognitionum præsentis consilio, dicitur verò causa, & editur actio postulationum die. qui dies *comperendinus* erat, nimirum in ius vocationi dicendòque vadimonio destinatus. Et idcirco, qui causam apud prætorem dicit, rectè potest dicta causa discedens à prætore, alterius creditoris manu prehendi, & iterum ad aliam causam dicendam inuitus vrgeri. Qui autem causam apud prætorem agit, ad nouam causam eodem die dicendam vrgeri idcirco non poterat, quod cognitionum die operam prætor postulationibus non daret, sed duntaxat cognitionibus. Moris etiam fuit, ut actor, qui ad dilatum in iure vadimonium die cognitionum non occurreret, causa caderet. Eumque morem expressè nos docuit in Caligula Suetonius. sic enim scribit: *Inuitatus lucro quicquid instrumenti veteris aula erat, ab urbe repetiit, comprehensis ad*

deportandum meritorius etiam vehiculis, & pistrinensibus iumentis; adeo ut & panis Romæ sæpe deficeret, & litigatorum plerique, quod occurrere absentes ad vadimonium non possent, causa caderent. Hæc Suetonius. Errant qui ex hoc loco contendunt, reum deserto vadimonio causa interdum cecidisse. Est enim vadimonium satisfactio in iure iudicio sistendi causa interponi solita. Quod vadimonium qui deferit, regressum aduersario suo & viam aperit aduersus vades siue sponsores suos ad poenam commissam experiundi; id quod ex Valerio Maximo probari potest, qui sic de Quinctio Cincinnato scribit. *Pœnam quoque pro filio Casone, quod ad causam dicendam non occurrisset, huius agelli redditus soluit.* Eoque etiam referri potest, quod ad hunc modum de benefic. lib. 4. Seneca scribit: *Vadimonium promittimus, tamen deferitur: non in omnes datur actio, deferentem vis maior excusat.* Actor autem ad vadimonium die cognitionum non occurrens, causa cadebat. Idque præter Suetonium testatur etiam Horatius serm. lib. 1. sat. 9. his versibus:

Ventum erat ad Vesta quarta iam parte diei

Præterita, & casu tunc respondere vadato

Debebat, quod ni fecisset, perdere litem.

Igitur vadimonium promittere solus reus postulationum die, actor verò solus ad vadimonium occurrere, aut non occurrere, & reus item solus vadimonium deferere dicebatur: vterque autem, hoc est, actor & reus, deferre & obire vadimonium, vterque etiam se vadimonio sistere. Cicero ad Atticum lib. 2. *Equidem antequam tuas legi litteras, in hominem ire cupiebam, non mehercule ut deferrem cum eo vadimonium. nam mira sum alacritate ad litigandum.* Et Festus, obire vadimonium, ire ad vadimonium interpretatur quod veteres ob pro ad ponere solebant. Plautus in Curcul.

Vbi

Vbi tu es qui me conuadatus Veneris vadimonis?

Vbi tu es qui me libello Venerio citasti: Ecce me.

Sisto ego tibi me, & mihi contra itidem vt sistas suadeo.

Et ita quidem satis esse perspicuum puto, reum deferentem vadimonium lite olim multatum non fuisse, & actorem contra, ad vadimonium non occurrentem cognitionum die, causa cecidisse. Et quia primo sessionum die postulationibus, altero negotiis aliis, ac tertio cognitionibus earum potissimum causarum quæ postulationum die editæ fuerant, operam cum suo consilio pro tribunali sedens prætor dabat, idcirco non admodum esse obscurum puto quid sibi voluerint imperatores Seuerus & Antoninus cum ita scriberent: *Edita actio speciem futurae litis demonstrat, quam licet emendare vel mutare prout edicti perpetui monet auctoritas, aut ius reddentis decernit æquitas*, cap. 3. C. de edendo. Sensus enim est, editam actionem postulationum die (tunc enim omnes in iure edi debebant actiones) speciem litis die cognitionum futuræ demonstrasse, eamque eodem cognitionum die emendari, vel mutari potuisse, prout edicti perpetui moneret auctoritas, vel *ius reddentis*, hoc est prætoris, aut præsidis, decerneret æquitas. Quæ autem hic de perpetuo edicto dicuntur, eo pertinent, vt certè emendandarum mutandarumque actionum editarum regulæ videantur olim edicto descriptæ fuisse; cuiusmodi autem illæ fuerint non satis constat.

C A P V T X.

Quæ vetus fuerit sacramento contendendi ratio.

CV M autem in ius ventum esset cognitionum die, actiones quæ postulationum actis continebantur, eo quo editæ fuerant ordine recitabantur.

Et tunc quidem reus, qui die postulationum aut intentioni actoris contradixerat, aut diem ad sui defensionem postulauerat, audiebatur. Eiusque audita defensione, moris erat ut se inuicem sacramento interdum quadragenario, interdum quingentenario litigatores prouocarent: eratque sacramentum certus assium numerus, qui *apud pontificem*, hoc est, in æde sacra, hac intentione deponebatur, ut is qui iudicio vicerat, suum sacramentum ex loco sacro auferret, victi ad ararium rediret, quemadmodum ex Festo & Varrone alio loco docuimus. Hæc procuratio fieri sponsione solet. Eaque sponsio, si negaret omnino actoris intentionem reus, ab actore concipiebatur hoc modo, *Ni mea sit hæreditas, Ni fundus Tusculanus meus sit, Ni res quam detines mea sit.* Si verò intentionem actoris non negaret omnino reus, sed eam excluderet quadam exceptione: tunc non actor, sed reus concipere sponsionem solet. Veluti, si centum ex stipulatu peteret actor, & reus dolo malo actorem stipulatum, aut se minorem esse annis viginti quinque contenderet, sic à reo concipiebatur sponsio, *Ni dolo malo instipulatus sis, Ni viginti quinque annis minor sim.* Eoque arbitror Plautum respexisse, cum sic in Rudente scriberet:

——— *Si vidulum*

*Is sum redegissem in potestatem eius, iuratus dare
Mibi talentum magnum argenti. L. A. Cedo, qui cum ha-
beam iudicem,*

*Ni dolo malo instipulatus sis, Nunc etiamdum siem
Quinque & viginti annos natus?*

Sensus enim est: Quis id quod iuratus sum dare auferet à me iudicio, si probauerim te stipulatum esse dolo malo, & per hoc stipulationem non valere, meque viginti quinque annis minorem esse, & ob id

id Latoriae legis beneficio uti posse? Huic consentaneum est, quod sic Gellius scribit lib. 14. capit. 2. *Nunc si sponsionem fecisset Gellius cum Turio, Ni vir melior esset Gellius, quam Turius, nemo opinor tam insanus esset, qui iudicaret meliorem esse Gellium quam Turium.* Illud etiam hic admonendi sumus, omne sacramentum sponsionem requirere, sed non contra omnem sponsionem sacramentum. Sic enim scribit Ety-molog. lib. 5. Isidorus: *Sacramentum est pignus sponsionis: vocatum autem sacramentum, quia violare quod quisque promittit, perfidia est.* Sponsioni autem sine sacramento locus est in lite vindiciarum. Et per sponsionem sacramentum nonnunquam intelligi, ex Cicerone probatur, qui sic in Verrina tertia scribit: *Aut pro prae de litis vindiciarum cum satis accepisset, sponsionem faceret, & ita de hereditate certaret.* In hoc enim loco Ciceronem sponsionis nomine sacramentum intellexisse, in eo libello docuimus, quem ad leges duodecim tabularum scripsimus. Porro sponsione praestita, iudex à pratore petebatur ex ordine selectorum ad eum videlicet modum, quem hoc sequenti capite demonstraturus sum.

CAPVT XI.

*Quomodo & quando iudex dari à pratore soleat:
deque litis contestatione quadam
non vulgaria.*

ERAT olim album iudicum, in quod referebantur iudices, quos prator dirimendis priuatis controuersis operam volebat dare. Huius albi meminit Seneca de benefic. lib. 3. *Non potest, inquit, ad hac iudex sumi ex turba selectorum, quem census in album & equestris hereditas misit.* Idque multo dilucidius ab

A. Gellio his verbis definitum est lib. 14. cap. 2. *Quo primum tempore à prætoribus lectus in indices sum, ut iudicia quæ appellantur priuata, susciperem, libros utriusque lingua de officio iudicis scriptos conquisiui.* Eoque sensu selectos iudices visus est etiam Horatius accepisse Ser. lib. 1. Sat. 4. cum ita scriberet: *Vnum ex iudicibus selectis obijciebat.* Illud etiam obseruabatur, vt non is quem prætor volebat, sed quem partes elegerant, iudex ex ordine selectorum à prætore daretur. Consensu enim litigantium iudices olim dari solitos, ex Papiniano constat, cap. 23. De appellat. Idque verissimum esse etiam ex Cicerone potest euidenter intelligi. Sic enim pro Cluentio scribit: *Neminem voluerunt maiores nostri, non modo de existimatione cuiusquam, sed ne pecuniaria quidem de re minima, iudicem esse, nisi qui inter aduersarios conuenisset.* Et idcirco obseruandum esse ait Callistratus, *ne is iudex detur quem altera pars nominatim petit,* cap. 17. De iudiciis. Necessum enim est, vt vtraque pars in collocando iudice consentiat. Eaque de causa qui nominatim iudicem petebat, solebat aduersarium interrogare, an huiusmodi iudice contentus esset, & non potius alium posceret. Qua in re hæc vñtata fuisse solemnia verba Festus auctor est: *SI ALIUM PROCAS, NIVE EVM PROCAS.* Sic enim libro decimoquarto scribit: *Est enim procare poscere: vt cum dicitur in iudice collocando: Si alium procas, nive eum procas, hoc est poscis.* Si autem iudex quem actor nominabat, reo non displiceret, tunc iudex inter actorem & reum conuenire dicebatur. Eoque sensu accipiendum est quod sic Valerius libro secundo, cap. 3. scribit: *Itaque iudex inter eos conuenit Attilius Calatinus, apud quem Valerius in hunc modum egit.* Et tunc quidem moris etiam fuisse videtur, vt prætor eum qui inter partes conuenerat, iudicem

iudicem partibus ex conuentione addiceret. cap. 80. De iudiciis. Et ita accipiendum est, quod passim de addicto iudice apud auctores obuium est. cap. 39. & 46. De iudiciis. cap. 59. §. fin. Ad SC. Treb. Eum igitur quem partes elegerant iudicem arbitrumue, ad dicebat prætor, & simul etiã in verba litis ius componebat, actionem vel purè vel addita exceptione decernens. Idque tam est ex Cicerone eiusque interprete Mario Victorino manifestum, vt amplioribus nullis probationibus opus habeat. Sic enim Cicero † De inuent. lib. 2. scribit, de translationibus differens: *Nam & pratoris exceptionibus multa excluduntur actiones, & ita ius ciuile habemus constitutum vt causa cadat is, qui non quemadmodum oportet egerit. Quare in iure plerumque versantur. Ibi enim & exceptiones postulantur, & quodammodo agendi potestas datur & omnis conceptio priuatorum iudiciorum constituitur.* Hæc Cicero. In hunc locum scribit etiam Marius Victorinus ad hunc modum: *Prætores etenim qui ius dicebant, iudices causse dabant, & controuersias vel genus agendi instituta actione formabant. Ita sibi prescribebat prætor, qua accusator, qua reus deberet actione uti: prescribendo quid fieret, excipiendoque quid non fieret, translationis controuersiam actionibus auferbat. Erat præterea institutum vt causa caderet is, qui non quemadmodum oportebat egisset. Ergo etiam propter hoc formaliter ad iudicium veniebatur. Apud ipsum vero prætorem, cum litis ipsius forma componeretur, illic partes litigantium aut excipiebant aliquid, aut simplicem actionem accipiebant. Vnde in ipso, vt dixi, iure, hoc est apud prætorem de modo agendi cum quareretur, fiebat exceptio atque translatio.* Hactenus Victorinus. Hinc etiam obscurum non est, quid sibi his versibus voluerit Quidius Fast. lib. I.

Ille nefastus erit, per quem tria verba silentur,

Fastus erit per quem lege licebit agi.

Tria enim verba, quorum hic meminit Ovidius, hæc fuisse, *Do, Dico, Addico*, docet eleganter M. Varro. Sic enim lib. 5. De ling. Lat. scribit. *Dies fasti sunt, per quos pratoribus omnia verba sine piaculo licet fari. Contrarij horum vocantur nefasti, per quos dies nefas fari pratorem Do, Dico, Addico. Itaque non potest agi, necesse enim est aliquo eorum uti verborum cum lege quid peragitur.* Hæc Varro. Diximus verbum *Addico*, ad prætoriam cognitionem referri posse, & verbum *Do*, quominus ad iudicis pertineat dationem, quemadmodum *Dico*, ad iurisdictionem, nihil esse in causa suspicor. Atque ita quidem satis opinor perspicuum est, ius olim in litis verba componere, iudicemque aut arbitrum dare, prætorem consuevisse. Dato autem iudice & *in litis verba iure composito*, hoc est ordinato iudicio, *in perendinū diem*, si Asconio credimus, *ut ad iudicium, hoc est ad datum iudicem, veniret, utraque pars inuicem sibi denuntiabat: & à prætore decedens, ad eos qui tribunal adfistebant, hæc quoque solemnia verba pronuntiabat, TESTES ESTOTE: ijsque verbis litem dicebantur actor & reus contestari*, auctore Festo. Eoque sensu accipiendum est, quod de lite contestata, deque ordinato iudicio, passim apud prudentes iuris obuium est. Hinc etiam constat quid illud sit quod sic de re comperendinata idem Festus scribit: *Res comperendinata significat iudicium in diem tertium constitutum.* Et hæc sic erant in usu, si de facto deque certo iure cognoscendum foret. Cum enim iudicem prætor iudicesue dabat, nudam simplicemque veritatis, quæ facti est & iuris certi, inquisitionem commendabat, dicebatque, *Si paret Titium dare oportere.* quemadmodum est à nobis demonstratum, De præiudiciis lib. 1. cap. 6. Proinde si perplexa quædam iuris incideret

quæ

quæstio, iudex non dabatur. Idque omnium optime nos docet Seneca De benef. lib. 3, Sic enim scribit: *De quibusdam etiam imperitus iudex dimittere tabellam potest, ubi fecisse aut non fecisse pronuntiandum est, ubi prolatæ cautionibus controuersia tollitur, ubi inter disputantes ratio ius dicit. Vbi vero animi coniectura capienda est, ubi id de quo sola sapientia decernit, in controuersiam incidit, non potest ad hæc sumi iudex ex ordine selectorum, quem census in album, & equestri hæreditas misit.* Hæc Seneca. Sensus enim est, in iis iudiciis priuatis iudicem dari posse, quæ facti solam inquisitionem continent, in ijs verò quæ sola sapiëntia decernenda sunt, hoc est in quibus quid iure, quid iniuria factum, quid æquum, quid iniustum, quid iustum, quid iniustum sit, dubitatur, non posse iudicem dari. Et idcirco huiusmodi controuersia, edicto concilio siue conuentu, centumuiorum sententiis apud vibanum prætorem dirimebantur. Idque non obscure testatur Cicero, cum sic De oratore libro primo scribit: *Nam quod maximas centumuires causas in iure positas protulisti, quæ tandem earum causa fuit, quæ ab homine eloquenti, iuris imperito, non ornatisime potuerit dici?* Huic etiam consentaneum est ex libro quarto capite secundo, Quintilianii illud: *Id accidit aliquando utrique parti, cum vel nulla expositio est, vel de re constat, de iure queritur: ut apud centumuiros filius an frater debeat esse intestato heres. Igitur apud datos iudices de facto, certoque iure, & de iure incerto apud centumuiros decemuirosque tractari disceptarique solet. Diximus prætorem aut exercuisse diebus cognitionum, aut præbuisse consilium, aut denique in aliquem diem certum conuentum edixisse. Quomodo consilium exercuerit, etiam est à nobis demonstratum. Nunc videamus qua ratione præbuerit consilium prætor.*

CAPVT XII.

Quomodo præbuerit consilium prætor.

FVISSE videtur certus quidam dies cognitio-
num, quo minori manumittere volenti, & aliis
omnibus qui quid sine sententia consilij prohiben-
tur facere, quique in integrum desiderant restitui,
consilium prætor præbere solet. Minor annis vigin-
ti lege Ælia Sentia, manumittere sine consilio pro-
hibetur, capitulo quarto §. 1. De manum. vind. §. ead-
dem, Institut. quib. ex causis manum. non licet. Et
idcirco præbere consilium dicebatur minori prætor
manumittere volenti cum sedes pro tribunali, adhi-
bitis quinque senatoribus & totidē equitibus Ro-
manis cognoscit an causæ manumissionum, quas an-
nis viginti minor allegat, iniustæ sint, & nō ex *luxu-
ria* potius, hoc est prodigalitate proficiantur, quam
ex affectu, cap. vnic. in princ. De off. cons. capite
quinto sexto, & 16. de ma. vind. cap. 27. De manu-
mis. test. Theoph. in d. §. eadem. Et tunc quidem si
prætori totique consilio causæ viderentur iustæ,
apud se minori vindicta servum manumittendi fa-
ciebat prætor de consilij sententia potestatem: vin-
dictaque eius qui manumittendus erat capiti impo-
sita, hæc solemnia verba pronuntiabat: AIO TE LI-
BERVM MORE QVIRITIVM: & statim peracta ma-
numissione, in acta nomen manumissi referebatur,
vt est à me dilucide probatum Variorum libro quar-
to capitulo nono. Quibus etiam consentaneum est
illud Cornuti in Persium: *Vindicta est virga prætoris
qua manumittendi à prætore in capite pulsantur; ideo sic
dicta, quia eos vindicat libertati.* Eoque pertinet quod
sic rescripsit imperator Gordianus: *Et si minor viginti
annis,*

annis, ut allegas, constituta, seruum tuum ab eo circumscripta in consilio manumisisti, tamen vindicta impositio, qua libertas iusta munitur, ne obtentu quidem etatis rescindi potest, cap. i. C. aduers. libr. Per conciliium, conuentum intelligit Imperator prouincialem. In prouinciis enim extremo concilij siue conuentus die praebebat praeses aut proconsul consilium, auctore Theophilo. Et sic quidem differunt. In concilio & Apud consilium manumittere: quod à nemine est animaduersum.

CAPVT XIII.

Vlpiani responsum, & quaedam Alexandri constitutionis emendantur.

Hinc quaesitum videtur, an consul viginti annis minor apud se manumittere possit. Et respondit quidem Vlpianus, non posse: hanc subiiciens rationem, Cum ipse sit qui ex senatusconsulto consilij causam examinat. cap. vnico de off. consul. Quæ verba idcirco vitiosa videri possunt, quod huiusmodi examinatio non Senatusconsulto sed lege Ælia Sentia consuli prætorique iniuncta sit. Et quamuis factum aliquod esset circa legem hanc senatusconsultum, non tamen est verisimile, id ipsum quod lege iamdudum obtinuerat, & nec dum cœperat exolescere, iterum senatusconsulto inculcatum fuisse. Habeo exemplar manuscriptum, in quo sic expresse scriptum repperi; Cum ipse sit qui ex se, eē, consilij causat examinat. Hinc suspicor probabili coniectura, non notas pro notis accepisse compilatores, & sic ab initio scriptum fuisse, Cum ipse sit qui ex se cum consilio causam examinat. Ut sit sensus, minorem viginti annis consulem ideo apud se non posse manumittere, quia causam manumissionis aliunde examinare huiusmodi consul non potest

rest, quam ex se. Nam *Com pro Cum*, interdum veteres posuisse, ex editione pandectarum Florétinarum evidentissimum est. cap. 22. de reb cred. cap. 9. Rem pupilli saluam fore. Et sic in effectu aliud nihil videri potest Vlp. voluisse, quàm neminem posse causam manumissionis quasi dominū allegare, coram consilio, & eandem quasi consulē consilium præbentem examinare, examinatamq; approbare aut reprobare. Est enim absurdū vt semetipsum quis examinet, arg. cap. 13. §. 2. Ad SC. Trebel. Sunt qui putent pro *Ex senatusconsulto*, in hoc responso legi omnino debere. *Ex sententia consilij*. Sed hi non adinaduerterunt, sententiam consilij causæ examinationem sic necessario subsequi, vt non ante quicquam definire consilium soleat, quam cognitæ essent, examinataeque manumissionum causæ. Et idcirco non ex sententia consilij causam examinabat consul aut prætor, sed examinatam cum consilio causam, de consilij sententia aut approbabat, aut, si ita videretur, reprobabat. Est enim aliud causam examinare, aliud item approbare, aut reprobare. Illud etiā quæsitum est, quandoquidē sine consilio minor annis viginti non possit manumittere, an seruos suos hac conditione tradere prohibeatur vt manumittantur. Et extat quidem rescriptum de hac re Alexātri imperatoris, cuius hæc sunt verba: *Si minor annis viginti ad libertatem præstandam homines tradidisti: senatusconsulto quod gestum est, irritum constituitur*, cap. 3. C. qui man. non poss. Ad hoc rescriptum scribit in hanc sententiam Thalelæus: *Quoniā lex prohibet viginti annis minores sine consilio manumittere, solent illi seruos suos hac conditione alijs viginti annis maioribus tradere, vt ab ijs manumittantur: quod vetat hæc constitutio*. Et hæc quidem vera est huius rescripti sententia. Sed quod in eo senatusconsulti

sulti mētio fit, id mihi mirum in modum suspectum
 est, & omnino mendosum videtur. Errorem ad no-
 tarum quandam interpretationem refero, prorsus à
 vero huius rescripti sensu alienam. Dubium non est,
 quin C. litera *Consilium*, & præpositionem *Sine* per li-
 teram S. veteres designarint. Has enim notas c. c.
Consilium cessat, & illas S. T. A. *Sine tutoris auctoritate*,
 interpretatus est Valerius Probus. Hæc si vera sunt,
 consequens ergo est, huiusmodi notas S. C. tam *Sine*
Consilio quàm *Senatusconsultum*, significare. Et idcirco
 manifesta quadam ac perspicua ratione pro *Senatus-*
consulto, in hoc rescripto reponendum *Sine consilio*,
 plane mihi persuasum habeo. Nam si dixeris, lege
 quidem Ælia Sentia prohiberi minorem viginti an-
 nis sine consilio manumittere, sed eadem lege non
 prohiberi seruos suos hac conditione vt manumit-
 tantur, tradere: idque ne fieret singulari quodam se-
 natusconsulto post legem Æliam Sentiam prouisum
 esse; respondebo his dici nihil incommodius posse.
 Tam enim de minoribus homines suos ad liberta-
 tem præstandam alteri tradentibus, quam de iis mi-
 noribus qui sine consilio manumittunt, legem Æliã
 Sentiam specialiter tractasse ex Marcello probari
 euidentissime potest. Cum enim docuisset Marcel-
 lus, si minor viginti annis seruum in hoc vendiderit,
 & tradiderit, vt manumittatur; nullius momenti
 esse traditionem, hæc verba subiicit: *Lex quippe*
consilio eius quasi parum firmo restitit: capite tertio de
 seru. exportand. Per regem haud dubie non sena-
 tusconsultum aliquod, sed legem Æliam Sentiam
 intelligens. Idque Pauli etiam responso quodam
 expresse continetur. *Si minor viginti annis*, inquit
 Paulus, *stipuletur seruum manumissurum, non est execu-*
tio stipulationis danda: sed si ipsorum viginti annorum erit,

non impediatur manumissio, quia de minore lex loquitur, cap. 66. de verbor. obligat. Per legem enim, ut legem intelligamus Æliam Sentiam, responsi huius epigraphæ manifestum facit, quæ talis est: Paul. lib. 3. ad leg. Æliam Sentiam. Vixit imperatoris Alexandri temporibus Iul. Paulus, vixit & Modestinus: iisdem erat in usu lex Ælia Sentia. Et quia verisimile non est idipsum quod ea lege continebatur, quodque in usu erat constantissimo, iterum nouo senatusconsulto fuisse comprehensum, idcirco non dubitavi, quin rectius, Sine consilio, quàm Senatusconsulto, possit apud Alexandrum in hunc modum legi: Si minor viginti annis ad libertatem præstandam homines tradidisti, sine consilio quod gestum est, irritum constituitur. d. cap. 3. Quod igitur minor annis viginti ad præstandam libertatem homines tradere non potuerit, id non senatusconsulto, sed legi Æliæ Sentiae tribui omnino debet. His addatur factum aliquod circa legem Æliam Sentiam olim senatusconsultum fuisse, ex eo etiam probari non posse, quod de feminis quæ matrimonij causa mittuntur, senatum legimus censuisse, in cap. 13. de ma. vind. Illud enim ad singulare quoddam de feminis, quæ matrimonij causa manumittuntur, senatusconsultum, non autem ad legem Æliam Sentiam directo pertinuisse, ex Modestino est euentissimum. Cap. 21. qui & à quib. man. Theophilus auctor est, die aliquo conuentus statis anni temporibus consilium præberi in prouincijs solitum. Idque ut rectius intelligatur, dicam primo loco de conuentu prouinciali, ad conuentum ciuium Romanorum, Romanæque ciuitati proprium, ordine trans-

CAPVT XIV.

De conuentu provinciali.

PROVINCIAE suos habebant præsides, prætore, aut proconsules, & earum ciuitates singulae suos etiam habebant magistratus municipales. Erant causæ quæ sine præside, sine proconsule nequibant expediri: & idcirco non poterant de iis magistratus municipales cognoscere. Et sanè, quæ magis imperij sunt, quàm iurisdictionis, ea omnia huiusmodi magistratus facere prohibentur, capit. 26. Ad municipal. Dices, quinam igitur fieri potest, vt vnus proconsul, vnus præsces, omnium vnus provinciae ciuitatum causas audiat? An ei de ciuitate in ciuitatem proficisci necessum fuit? Nequaquam. Nam certis anni temporibus, volens forum agere, conuentum indicebat. *Cum enim totum ferme annum bellis gerendis occuparetur, certo quodam tempore, cum hyems & hyberna tempestates sub pellibus agere milites prohiberent, omissis armis, indiuis (auctore Theophilo) vacabat.* Qui totum id esse nugatorium clamat, audiat ille quid Cicero ad Atticum scripserit Epistolar. lib. 5. *Erat mihi in animo, inquit Cicero, rectè proficisci ad exercitum, æstiuos menses reliquos rei militari dare, hybernos iurisdictioni.* Quid? Nonne sic etiam lib. 44. Linius scribit? *Eodem hoc anno T. Quinctius Elatie, quo in hyberna reduxerat copias, totum hyemis tempus iure dicundo consumpsit.* Et tunc quidem omnes suæ provinciae ciuitates ad certum aliquem locum præsces conuocans, de controuersis earum cogniturus, indicare forum dicebatur. Virgilius Æneid. lib. 5.

Indicique forum, & patribus dat iura vocatis.

Id est, inquit Seruius, *tempus & locum designat agendorum negotiorum, qui conuentus vocatur.* Auctor est etiam Festus, *eum qui prouincia præest, forum agere tunc intelligi, cum ciuitates vocat, & de controuersis earum cognoscit.* Quo sensu forum agere scripsit ad Atticum
† Cicero Epist. lib. 5. Appius, inquit, *ut audiuit nos venire, in ultimam prouinciā se coniecit Tarsum usque: ibi forum agit.* Et paulo post: *Appius noster cum me aduentare videret, profectus est Tarsum usque Laodicea, ibi forum agit cum ego sum in prouincia: quam eius iniuriā*
† *non infector.* Idem Cicero sic etiam in eodem ad Atticum lib. 5. scribit: *Idibus Februarij, quo die has litteras dedi, forum institueram agere Laodicea Cybiraticum, & Apamense: ex Idibus Martij ibidem Symadense.* Eoque arbitror Apuleium respexisse, cum sic in Apologia prima scriberet: *At vos cogitatis apud Claudium Maximum dicere, apud virum seuerum, & totius prouinciæ negotiis occupatum.* Non inde ergo conuentus dicitur, quod simul iudices & litigatores conuenirent, ut existimauit Theophilus (omne enim iudicium dici conuentus hac ratione posset) sed inde potius, quod omnes vnius prouinciæ ciuitates certo tempore in locum certum, suarum litium apud præsidem proponendarum causa, edicto contraherentur. Idque omnium optimè nos docet Liuius. sic enim lib. 41. scribit: *Siculorum ciuitatibus Syracusas, aut Massanam, aut Lilybæum indicitur concilium: prætor Romanus conuentus agit, eo imperio euocati conueniunt: excelso suggestu superba iura reddentem, stipatum licitoribus vident: virga tergo, secures cernicibus imminent, & quotannis alium atque alium dominum sortiuntur.* Sic conuentum visus est accepisse Suetonius in Iulio Cæsare. *Questori, inquit, ulterior Hispania obuenit: ubi cum mandato prætoris iure dicendo conuentus circumiret, Gadésque*

désque venisset, animaduersa apud Herculis templum magni Alexandri imagine, ingemuit. Huc etiam referendum est quod sic Traiano Plinius scribit Epistolar. lib. 10. Cum citarem indices, domine, conuentum inchoaturus, Flavius Archippus vacationem petere cepit ut philosophus. Et huiusmodi quidem conuentus extremo die consilium præberi ad hunc modum consueuissè, scribit idem Theophilus: *Procedebat præses aut proconsul, & in tribunali suo considebat, vnaque iuxta cum viginti viri, qui peregrini recuperatores dicebantur, apud quos manumissionis iustæ causæ ab iis allegabantur, qui sine consilio non poterant manumittere. Erantque omnes hi recuperatores ciues Romani, auctore Vlpiano in fragment. tit. 1. Et sic quidem in prouinciis haberi conuentus præberique consilium solet.*

CAPVT XV.

Emendatur Vlpiani responsum quoddam.

CETERVM in Romana ciuitate longè alia & præbendi consilij & conuentus edicendi seruata fuit ratio. Consilium enim Romæ certis statisque diebus præberi solet, etiam si concilium non ediceretur. Quemadmodum enim dies erant in ciuitate Romana postulationum certi: sic quoque certos statosque fuisse cognitionum dies, quibus aut exerceretur aut præberetur consilium, ex iis quæ supradicta sunt iam satis constat. Eoque visus est Vlpianus respexisse, cum ita scriberet: *Sed etsi hac lege ei seruus fuerit donatus ut manumittatur, permittendum erit manumittere, ne constitutio diui Marci superueniens cunctationem consulis dirimat*, cap. 20. de man. vind. Certum est, ex diui Marci constitutione, seruos hac conditione donatos ut manumittantur, si

non manumittantur, ipso iure liberos fieri, cap. 26. de manumiss. cap. 16. §. 1. de man. vind. Eaque res efficit, ut minori viginti annis, qui sine consilio non potest manumittere, huiusmodi servum etiam sine consilio permittendum sit manumittere. Nam si dies fessionum quibus præberi consilium certis anni temporibus moris est, minor ut manumittat expectaverit, superueniet ilico diui Marci constitutio, & servum ipso iure liberum faciet. Hæc si vera sunt, dubium igitur non videtur, quin pro *Consulis* legi in hoc responso *Consilij* debeat, hunc in modum: *Ne constitutio diui Marci superueniens cunctationem consilij dirimat.* Quid enim? Si prætor consilium præberet, cur non æque apud prætorem fieret huiusmodi manumissio? Cur igitur magis consulis quam prætoris meminit Ulpianus? Quid item in hac re decerni à consule posset, si eius sine consilio fieret copia? denique sui copiam semper omnibus vindicta manumittere volentibus, & prætor, & consul etiam in transitu solent facere: at consilium non nisi certis statisque diebus præberi poterat. Quis igitur est qui non videat, hic omnino legendum esse *Cunctationem consilij*; eius videlicet, quod à prætore vel à consule, minori manumittere volenti solet præberi? Errorem hunc ad notarum interpretationem peruersam refero. His enim notis D.S.C. vti plerumque veteres sunt. In quarum interpretatione, non Tribonianus solum, sed ipsemet etiam Valerius Probus videtur hallucinatus esse, sic etiam interpretans, *De consulum sententia*; cum nihil aliud significent, quam, *De consilij sententia*. Idque illud Festi liquido demonstrat: *Parum canisse videri pronuntiat magistratus, cum de consilij sententia capitis quem condemnaturus est.* Et Ciceronis illud ad Atticum lib. 2.

Ait se de consilij sententia rem ad senatum reiecisse. Quibus etiam consentaneum est, quod Cicero sic ad Atticum scribit, lib. 4. Nobis superficiem adiunxerunt consules de consilij sententia, aestimarunt HS. vicies. Linius etiam sic lib. 45. scribit: Ibi pro tribunali pronuntiavit de sententia consilij S. P. Q. R. Illyrios esse liberos iubere. Et paulo post: Silentio per praconem facto, Paulus latine quae senari, quae sibi ex consilij sententia visa essent, pronuntiavit. Hinc deinde factum etiam videri potest ut pro Consilio, plerumque Consulem notarum interpretes male posuerint. Id quod in hoc responso demonstrauimus accidisse: in cuius principio etiam legendum est Viginti, non, ut passim legitur, viginti quinque. Hanc enim restitutionem omnino postulat lex Aelia Sentia.

CAPVT XVI.

De conuentu ciuium Romanorum.

NE e quidem in prouinciis solum conuentus indicebatur, sed etiam Romae indici conuentus solet. Eoque referendum est, quod tertio modo conuentum dici Festus ait, cum à magistratibus indicij causa populus congregatur: per populum haud dubiè populum Romanum intelligens. Eaque congregatio sic fieri solet ut vel calarentur comitia, vel concilium ediceretur. Indicere forum & concilium edicere, nomine quidem diuersa, re tamen & effectu eadem sunt. Festus enim putat concilium dictum esse, à *concalando*, hoc est conuocando: quemadmodum videlicet à conueniendo conuentus. Et hinc videor mihi intelligere quid illud sit, quod sic esse scriptum in libro Lælij Felicis ad Quinctum Mutium Gellius ait lib. 15. cap. 26. *Is qui non uniuersum*

sum populum, sed partem aliquam adesse iubet, non comitia, sed concilium edicere dicitur. Huius enim loci is videri potest esse sensus : quemadmodum cum vniuersus populus iudicij publici causa conuocatur, dicuntur calari comitia: sic cum populi pars priuati iudicij nomine in certum aliquem locum contrahitur, edici concilium dicitur. Quod fieri solet in centumuiralibus iudiciis. Sic enim de iis scribit idem Festus: *Centumuiralia iudicia à centumuiris sunt dicta. Nam cum essent Romæ triginta & quinque tribus (quæ & curiæ dictæ sunt) terni ex singulis tribubus sunt electi ad iudicandum, qui centumuiros appellati sunt: & licet quinque amplius quàm centum fuerint, tamen quo facilius nominarentur, centumuiros dicti sunt.* Eoque referendum est quod sic Varro De re rustica lib. 2. cap. 1. scribit: *Si inquam numerus non est ad amissim, ut non est cum dicimus mille naues iisse ad Troiam, centumuirale esse iudicium Romæ.* igitur in conuentu publicorum iudiciorum calantur comitia, concilium non edicitur, iuxta Plauti illud in Aulularia:

Ibo intrò, ubi de capite meo sunt comitia.

In priuatorum verò iudiciorum conuentu comitia non calantur, sed *edicatur concilium*: hoc est, vniuersus populus simul non conuocatur, sed sorte ex singulis tribubus terni duntaxat eliguntur viri ad iudicandum. Quamuis interim non ignorem edici solitum tunc rectè concilium etiam existimari, cum plebs à tribunis suis noui iuris sciscendi gratia congregatur: còque respexisse Lælium quoque Felicem videri posse, præsertim cum Festus sic etiam scripserit: *Cum populo agere, hoc est populum ad concilium aut comitia vocare.* Res admodum est obscura, & in rebus obscuris probabilibus coniecturis tribuere aliquid auctoritatis, ingenui profecto ac liberalis animi est. His ita expositis,

positis, nihil aliud esse nunc reliquum videtur, quam
ut centumviralium iudiciorum ordinem ac progres-
sum exemplis veris, & certis aliquot probatorum
auctorum testimoniis explicemus.

CAPVT XVII.

*Edi, & postulari quomodo soleat iudicium
Centumvirale.*

AD iudicium centumvirale hoc ordine procedi
solet, ut apud prætorem urbanum ederetur
actio, querela proponeretur, causaque diceretur.
Tum prætor causa summatim cognita, aut faciebat
apud centumviros litigandi postulantibus potesta-
tem, aut eam denegabat. Veluti si quis iniuste à suis
parentibus exheredatum se conquereretur, præto-
rem adibat, proponebat querelam suam ad iudicium
centumvirale admitti postulans. Et tunc quidem, si
tam manifestæ ab hæredibus institutis proferrentur
exheredationis causæ, ut filius exheredatione cui-
us facile videretur dignus, filium non patiebatur
prætor de inofficioso patris testamento centumvira-
li iudicio experiri, & secundum tabulas scriptis hæ-
redibus dabat bonorum possessionem. Sin contra
exheredatum inique filium tam liquidum esset, ut
nulla opus ampliore cognitione foret, nulloque
centumvirali iudicio: tunc etiam prætor filio con-
tra paterni testamenti tabulas bonorum dabat pos-
sessionem, & scriptos hæredes lege agere non pa-
tiebatur. Hæc omnia dilucide probari possunt ex
Valerio Maximo. Sic enim libro septimo cap 7. *De*
C. Calpurnio Pisone prætore urbano scribit: Egregia quoque
C. Calpurnij Pisonis prætoris urbani constitutio. Cum enim
ad eum Terentius, ex octo filiis quos in adolescentiam per-
duxerat,

duxerat, ab uno in adoptionem dato exheredatum se querelam detulisset, bonorum adolescentis possessionem ei dedit; hæredesque lege agere passus non est. Hæc Valerius. Locum hunc sic restituit Cuiacius ut pro, *præfecti urbis*, legatur nunc rectè, *prætoris urbane*: erroremque ex notis ortum esse testes sunt libri manuscripti. Has enim notas PR. VRB. prætorem urbanum significare auctor est Valerius Probus. Easdem etiam ad præfectum urbis referri consuevisse indicant numismata. Duo enim in Goltziji Julio Cæsare extant numismata, quorum alterum sic est inscriptum: L. PLANCVS PR. VRB. alterum sic: L. MINVTI. PLANCVS PRÆF. VRB. Habeo etiam exemplar Valerij manuscriptum, eiusque mihi copiam fecit iurisconsultus doctissimus Ægidius Vvitsius, in quo non quidem notis, sed litteris expressis sic scriptum est: *C. Calpurnij Pisonis prætoris urbis constitutio*. Est igitur in potestate prætoris urbane de inofficioso testamento querentibus experiundi apud centumuiros (est enim huiusmodi iudicium centumuirale, cap. 13. & 17. De inoff. test. cap. 76. de leg. 2.) potestatem facere, aut eam denegare. Et si quidem faceret potestatem, tunc etiam moris fuisse videtur, ut in ius hæredes scripti vocarentur, & cum eo qui testamentum dicere volebat inofficiosum. in diem conuentus centumuirale iudicium apud prætorem subscriberent. Et hoc nimirum illud est, quod sic Plinius scribit Epist. lib. 5. Post hoc ille cum ceteris subscripsit centumuirale iudicium, mecum non subscripsit: adpetebat iudicij dies. Quos si biennium taceret, & ante biennium cum hæredibus scriptis non subscriberet, excludebatur à querela, qui se inique exheredatum contendere volebat. Quod ipsum etiam ex eodem Plinio probatur, qui sic in eodem loco scribit: Scis te subscripsisse mecum, & biennium transisse, omniaque

me usucepisse. Biennium autem istud in quinquennium postea mutatum fuisse alio loco demonstrabimus. Et cum subscriptum esset iudicium centumuirale, non statim quidem expediebatur, sed in diem aliquem conuentus differebatur; idque significare videntur superiora illa Plinij verba, *Adpetebat iudicij dies.* De quo die omnino sentire visus est Suetonius, sic in Vespasiano scribens: *Sorte elegit per quos rapta bello restituerentur, quique iudicia centumuiralia, quibus peragendis vix suffectura litigatorum atas videbatur, extra ordinem diiudicarent, redigerentque ad breuissimum numerum.* Sensus enim est, sorte viros aliquot elegisse Vespasianum, qui iudicia centumuiralia tandiu nullo conuentus ordinario seruato die dirimerent, donec illa ad breuissimum numerum redegissent. Cum autem adesset ordinarius ille cognitionū dies, in quem concilium siue conuentus centumuirorum edictus erat, tunc decemuiri Stilitibus iudicandis hastam cogere solebant centumuiralem. Et id quidem, quare ratione soleat fieri demonstrabimus, si prius qui fuerint hi decemuiri, quia id passim ignoratur, argumentis aliquot probabilibus exposuerimus.

CAPVT XVIII.

Qui dicantur decemuiri Stilitibus iudicandis.

SVSPICOR viros illos decem, quos prætor urbanus in consilium diebus cognitionum adhibebat, DECEMVIROS STILITIBVS IUDICANDIS appellatos fuisse. Nimirum *sub Augusto decem, si Dioni credimus, senatores, sub Antoninis & Alexandro, quinque senatores, & equites Romanos totidem.* In consilium (inquit Vlpianus in fragmen.) *adhibentur Rome quinque senatores, & quinque equites Romani.* Fuisse autem

hos quinque senatores & equites quinque, non assessores aut consiliarios prætoris urbani sed iudices, ex eodem Vlpiano est evidentissimum, qui sic lib. 2. ad legem Æliam Sentiam scribit: *Illud in causis probandis meminisse iudices oportet, ut non ex luxuria, sed ex affectu descendentes causas probent.* cap. 16. De manumiss. vind. In hoc enim loco de eis quinque senatoribus & quinque Romanis equitibus quos in consilium adhibebat prætor, Vlpianum sensisse, tam ex eo constat, quod hic de causis probandis agatur, quæ probatio apud consilium fieri solet: quam quod ad legem Æliam Sentiam hoc Vlpiani responsum pertineat, qua lege minor viginti annis non nisi causa apud consilium probata manumittere potuit. Idque mirum in modum Antonini rescripto quodam confirmatur, cuius hæc sunt verba: *Eorum qui apud consilium manumittuntur, post causam à iudicibus probatam & manumissionem secutam, non solet status in dubium revocari, si dicantur falsa demonstratione liberati, capite primo, C. de vind. & apud cons. ma.* Eoque sensu consilium accepisse visus est etiam Valerius libro secundo, capite quinto, sic de Q. Metello scribens: *Nam quid plus honoris tribui potuit consuli, quam est datum reo Metello? qui quum causam repetundarum diceret, tabuleque eius ab accusatore expositæ, & ad nomen inspiciendum circa iudicium ferrentur, totum consilium ab earum contemplatione oculos auertit, ne de ea re qua in his relata erat, videretur dubitasse. Non in tabulis, sed in vita Q. Metelli argumenta sincere administrata provincie legenda sibi iudices crediderunt, indignum rati integritatem tanti viri exigua cura & paucis litteris perpendi.* Hæc Valerius, consilium expressè iudices interpretans, non assessores, non consiliarios. *Igitur oportet, inquit Vlpianus, iudices, hoc est quin-*
que

que senatores, & quinque Romanos equites, in causis iis, quas minor allegat ad consilium manumittere desiderans, probandis, meminisse ut non ex luxuria, hoc est prodigalitate, sed ex affectu descendentes causas probent, dict. capite decimo sexto. Et hæc, nisi fallor, verissima est huius loci sententia. Igitur illi, per quos exercebat & præbebat consilium prætor, quinque senatores, & equites quinque Romani, non assessores erant, non consiliarij, sed iudices. Et quia decemviri Stlitibus iudicandis, aliud nihil quam decem iudices significant, idcirco probabiliter etiam dici posse, & verisimili coniectura liquidum videtur, illos quinque senatores & quinque equites, decemuiros olim Stlitibus iudicandis appellatos fuisse. Idque eo etiam videri potest verisimilius, quod Romæ decem hi iudices, & in prouinciis viginti recuperatores, certi fuerint & perpetui, non ex senatorio & equestri ordine sortiti, aut sine sorte arbitrato prætoris Romæ, & in prouinciis præsidis arbitrio ex conuentu mercatorum, ut quibusdam persuasum est, singulis cognitionum diebus electi. Auctor est enim Vlpianus, eum cui mandata est iurisdictio, consilium exercere non posse, capitulo secundo, de off. eius cui mand. est iurisdict. Quibus verbis non prohibetur is, qui mandata exercet iurisdictionem, viros aliquot prudentes in suum consilium adhibere, (id siquidem fieri solere ex Ciceronis Quinctiana est euidentissimum) sed illos ipsos viginti certos recuperatores in prouinciis, & Romæ quinque certos senatores illos, & equites quinque quibus exercere, aut præbere præses & prætor consilium solebant, is cui mandata est iurisdictio cōuocare prohibetur, & cum iis tanquam præses, tanquam prætor tribunal adscendere. Hoc enim esse consilium exercere docet

docet Apuleius, sic in Apolog. 2. scribens, *Testor te Elandi Maxime, vosque qui in consilio estis, vosque etiam qui tribunal mecum adfistitis.* Et præter Apuleium docet id ipsum etiam euidentissimè Liuius, de decem legatis, de quorum sententia L. Æmilius Paulus Imperator res Macedonicas cōponeret, differens lib. 45. adhunc modum: *Ipse (L. Paulum intelligit) ubi dies venit, quo adesse Amphipoli denos principes ciuitatum iusserat, litterasque omnes quæ ubique depositæ essent, & pecuniam regiam conferri, cum decem legatis circumfusa omni multitudine Macedonum in tribunali consedit. Assuetis regio imperio tamen nouum formam terribilem præbuit tribunal, summotior aditus, præco, accensus, insueta omnia oculis auribusque, quæ vel socios, nedum hostes terrere possent. Silentio per præconem factò, Paulus latinè quæ senatui, quæ sibi ex consilij sententia visa essent, pronuntiavit: ea Cn. Octavius prætor (nam & ipse aderat) interpretata sermone Græco referebat.* Hæc Liuius. Et sane decem illos vigintique viros, quos in consilio prætores & præsides habebant, certos fuisse testatur manifeste Cicero, sic in Verrem act. 4. scribens: *In consilio habebat homines honestos è conuentu Syracusano, qui Sacerdotis quoque in consilio fuerant.* Idem Cicero sic etiam in eadem Verrina scribit: *Illud negare posses aut nunc negabis te consilio tuo dimisso, viris primariis qui in consilio C. Sacerdotis fuerant, tibi que esse solebant remotis, de re iudicata iudicasse? teque cum quem C. Sacerdos adhibito consilio causa cognita absoluisset, eundem remoto consilio causa incognita condemnasse?* Proinde decem illos quos habebat in consilio prætor iudices, dignitatis aliquod, honorisque nomen speciale olim adeptos fuisse, & appellari **DECEMVROS STLITIBVS IUDICANDIS** consueuisse, omnino sit mihi verisimile. Certè vel ob id etiam maximè quod

viginti

viginti illi quos in suum consilium præsides adhibebant iudices, honoris gratia *RECUPERATORES PEREGRINI* appellarentur, auctore Theophilo. Et sic quidem tales fuisse Romæ videntur *decemviri stlitibus* iudicandis, quales in prouinciis erant *peregrini recuperatores*. Exposui paucis quidnam de decemviris stlitibus iudicandis sentiam: sed ita exposui, ut interim in hac re, quemadmodum & in cæteris quæ à nobis proferuntur rebus omnibus, suum unicuique liberum & integrum iudicium relinquam.

CAPVT XIX.

Quo sensu scripserit Pomponius decemuiros Stlitibus iudicandis constiuutos esse, ut hasta præessent.

POMPONIUS auctor est, hunc decemuiratum magistratum fuisse, non alia de causa cõstitutum, quàm ut hasta præesset, cap. 2. §. 16. de orig. iur. Quæ verba eandem omnino habere videntur sententiã, quam nostra de hoc decemuiratu opinio postulat. Hanc siquidem cuius Pomponius meminit hastam, fuisse hastam prætoriam, verisimili coniectura probari potest. Auctor est enim Seneca, qui decreto prætoris in bona mittebatur, eum dici prætoris hasta in bona mitti consueuisse. Sic enim in libro, De breuitate vitæ, scribit: Non est quod me solos pules dicere, quos à basilica immissi deinde canes eyciunt, quos aut in sua vides turba speciosius elidi, aut in aliena contemptius, quos officia domibus suis enocant, ut alienis foribus illidant, quos hasta prætoris infamibus beat lucris, & quandoque supputatio exercet. Hæc Seneca, per infamia lucra, eam haud dubiè bonorum intelligens proscriptionẽ, quæ missionem in bona decretalem post diem trigesium subsẽ

subsequatur. Festus etiam auctor est, *hastam armorum & imperij summam esse magistratusque per imperia potentiores privatis haberi*. Et idcirco satis esse arbitror verisimile, *hastam sedentis pro tribunali magistratus, etiam illam cui præfuisse decemviri dicuntur, insignem fuisse, & inter ea insignia numerari, quorum Vlpianus meminit, cur prætor utriusque luminibus orbatum pro aliis postulare prohibeat, hanc proferens rationem: Videlicet quod insignia magistratus videre & reuereri non possit*, cap. 1. de postul. Idque eo mihi constantius persuadeo, quod videam sic Epist. lib. 2. Cyprianum scripsisse: *Sauit inuicem discordantium rabies, & inter togas pace rupta forum litibus mugit insanum, hasta illic & gladius & carnifex præsto est*. Certè non tã quod hi, qui alicui rei prepositi sunt, quàm quod illi qui rei sunt alicuius auctores, rectè dicantur rei præesse. Vnum olim ex pontificibus fuisse annis singulis constitutũ ait Pomponius, ut præset anno privatis, d. cap. 2. §. 2. hoc est, ut privatis in reddendo iure præficeretur. Suetonius in Augusto: *Iussusque comparato exercitui pro prætore præesse*. Et Cicero de oratore lib. 1. *Multisque præessem, inquit, qui aut interdicto tecum contenderent, aut te ex iure manu confertum vocarent*. Hoc est, multis auctor essem, tecum interdicto contendendi, aut te ex iure manu confertum vocandi. Probauimus in consilium adhibuisse prætorem quinque senatores, & equites quinque Romanos, hoc est, decemuiros: eosque viros decem, non assessores, non consiliarios fuisse prætoris, sed iurisdictioni sic præfuisse, ut sine eorum sententiis nihil de grauioribus causis quicquã prætor decerneret. Hastam prætoris ad tribunal prætorium posse non incommodè referri etiam demonstratum est. Quid igitur obstat quo minùs per decemuiros ut hastæ præessent constitutos, eos intelligamus quinque

que senatores, & quinque Romanos equites, *sine quibus aut exercere hasta posita*, hoc est pro tribunali, *aut præbere consilium nequibat prætor? Hastæ præfuisse* scribit Pomponius *decemuiros stlitibus indicandis*. Quid hoc quæso aliud est, quàm eorum quæ hasta posita pro tribunali ab urbano prætore decernebantur, decemuiros prætori sententiis suis auctores fieri consuevisse? Et sic quidem non prætor solum, sed ipsi etiam decemuiros hastæ unà cum prætore videri possunt. *præfuisse*, hoc est, præpositi præfectique fuisse: videlicet quod iis rebus omnibus quæ in diem cognitionum differebantur, expediendis, sine consilio, sine decemuirorum subsidio solus prætor non sufficeret. Eoque pertinet quod sic Ovidius, aut, si mauis, Lucanus ad Pisonem scribit.

Sen trepidos adiura decem citat hasta virorum.

Si me rogaeris cur hunc Pomponij locum de centumuirali hasta non intelligam, nimirum ut ea ratione *decemuiros hastæ discantur præfuisse*, qua scribit Suetonius *centumviralem hastam decemuiros coëgisse*: præsertim cum Martialis sic etiam scripserit Epig. lib. 6.

Hunc miratur adhuc centum grauis hasta virorum,

Hunc loquitur grato plurimus ore Cliens.

Respondeo; primum *hastæ præesse & hastam centumviralem cogere*, eadem esse, nullis auctoribus idoneis cuiusvis posse: Deinde Pomponium auctorem esse, eodem tempore decemuiros *stlitibus indicandis constitutos fuisse ut hastæ præessent*, quo *triumuiros capitales & monetales primum creati sunt*. Epitomator Liuij eo tempore primum creatos fuisse *triumuiros capitales* refert lib. 11. quo *lex Hortensia de plebiscitis lata est*: hoc est, anno ab urbe condita CDLXVII. Proinde si verum est decemuiros ut hastam cogerent centumviralem creatos fuisse, idque sibi voluisse Pomponium, cum eos ut

hastæ

subsequatur. Festus etiam auctor est, *hastam armorum & imperij summam esse magistratusque per imperia potentiores privatis haberi*. Et idcirco satis esse arbitror verisimile, hastam sedentis pro tribunali magistratus, etiam illam cui præfuisse decemviri dicuntur, insigni fuisse, & inter ea insignia numerari, quorum Vlpianus meminit, cur prætor utriusque luminibus orbatum pro aliis postulare prohibeat, hanc proferens rationem: *Videlicet quod insignia magistratus videre & reuereri non possit*, cap. 1. de postul. Idque eo mihi constanter persuadeo, quod videam sic Epist. lib. 2. Cyprianum scripsisse: *Seuit inuicem discordantium rabies, & inter togas pace rupta forum litibus mugit insanum, hasta illic & gladius & carnifex præsto est*. Certè non tã quod hi, qui alicui rei prepositi sunt, quàm quod illi qui rei sunt alicuius auctores, rectè dicantur rei præesse. Vnum olim ex pontificibus fuisse annis singulis constitutum ait Pomponius, ut præset anno privatis, d. cap. 2. §. 2. hoc est, ut privatis in reddendo iure præficeretur. Suetonius in Augusto: *Iussusque comparato exercitui pro prætore præesse*. Et Cicero de oratore lib. 1. *Multiſque præessem, inquit, qui aut interdicto tecum contenderent, aut te ex iure manu confertum vocarent*. Hoc est, multis auctor essem, tecum interdicto contendendi, aut te ex iure manu confertum vocandi. Probauimus in consilium adhibuisse prætorem quinque senatores, & equites quinque Romanos, hoc est, decemuiros: eosque viros decem, non assessores, non consiliarios fuisse prætoris, sed iurisdictioni sic præfuisse, ut sine eorum sententiis nihil de grauioribus causis quicquã prætor decerneret. Hastam prætoris ad tribunal prætorium posse non incommodè referri etiam demonstratum est. Quid igitur obstat quo minùs per decemuiros ut hastæ præessent constitutos, eos intelligamus quinque

que senatores, & quinque Romanos equites, *sine quibus aut exercere hasta posita*, hoc est pro tribunali, *aut præbere consilium nequibat prætor? Hasta præfuisse* scribit Pomponius *decemuiros stlitibus iudicandis*. Quid hoc quæso aliud est, quàm eorum quæ hasta posita pro tribunali ab urbano prætore decernebantur, decemuiros prætori sententiis suis auctores fieri consuevisse? Et sic quidem non prætor solum, sed ipsi etiam decemuiro hastæ unà cum prætore videri possunt. *præfuisse*, hoc est, præpositi præfectique fuisse: videlicet quod iis rebus omnibus quæ in diem cognitionum differebantur, expediendis, sine consilio, sine decemuirorum subsidio solus prætor non sufficeret. Eoque pertinet quod sic Ovidius, aut, si mauis, Lucanus ad Pisonem scribit.

Sen trepidos adiura decem citat hasta virorum.

Si me roganeris cur hunc Pomponij locum de centumuirali hasta non intelligam, nimirum ut ea ratione *decemuiro hasta discantur præfuisse*, qua scribit Suetonius *centumviralem hastam decemuiros coëgisse*: præsertim cum Martialis sic etiam scripserit Epig. lib. 6.

Hunc miratur adhuc centum grauis hasta virorum,

Hunc loquitur grato plurimus ore Cliens.

Respondeo; primum *hasta præesse & hastam centumviralem cogere*, eadem esse, nullis auctoribus idoneis euinci posse: Deinde Pomponium auctorem esse, eodem tempore decemuiros *stlitibus iudicandis constitutos fuisse ut hasta præessent*, quo *triumuiri capitales & monetales primum creati sunt*. Epitomator Liuij eo tempore primum creatos fuisse *triumuiros capitales* refert lib. 11. quo *lex Hortensia de plebiscitis lata est*: hoc est, anno ab urbe condita CDLXVII. Proinde si verum est decemuiros ut hastam cogerent centumviralem creatos fuisse, idque sibi voluisse Pomponium, cum eos ut

hastæ

hastæ præessent constitutos scriberet, necessum est
 igitur eo tempore centumviralem hastam decemui-
 ros coëgisse, quo lex Hortensia de plebiscitis lata
 fuit; quod tamen falsissimum est. Testatur enim Sue-
 tonius., *ut centumviralem hastam, quam quaestura functi*
consueverant cogere, decemuiro cogere, primum consti-
tuisse diuum Augustum. Ergo ante Augusti tempora,
 decemuiro hastam non videntur coëgisse centum-
 viralem, quanto minus iis temporibus, quibus
 triumuiro capitales primum creati sunt? Aut igitur
 dicendum est, aliud esse hastæ præesse, aliud item
 centumviralem hastam cogere; aut certe vehemen-
 ter hoc in loco lapsum Pomponiū, qui id quod Au-
 gusti primum tempore introductum fuit, ad ea tem-
 pora referre non dubitauit, quo lata fuit de plebis-
 citis lex Hortensia. Nec audiendi sunt qui primos ab
 Augusto constitutos esse decemuiros stlitibus iudi-
 †candis arbitrantur. Auctor enim est Cicero, suis tem-
 poribus de libertate decemuiros iudicasse. Nam sic
 pro Cecinna scribit: *Cum Aretina mulieris libertatem*
defenderem, & Cotta decemuiris religionem inieciisset, de-
cemuiro prima actione iudicauerunt. Fuisse autem hos
 decemuiros, decemuiros stlitibus iudicandis, idem
 †expressè his verbis testatus est Cicero in libris de
 Orat. *Planè duumvirorum iudicium, aut triumvirorum ca-*
pitalium, aut decemvirorum stlitibus iudicandis dico nun-
quam. Et fanè antiquissimum esse hunc decemuiro-
 tum ex eo etiam constat, quod decemuiro dicantur
 in omnibus antiquissimis inscriptionibus STLITI-
 BUS IUDICANDIS. Hinc enim facile potest in-
 telligi, eo tempore creatum fuisse hunc magistra-
 tum, quo pro *litem, stlitem*, pro *locum, slocum*, & *stri-*
tauum pro *tritauum* Romani dicebant. Admonet etiā
 Quinctilianus verbum *Stlitibus* idem significare
 quod

quod *super lites*. Et huius quidem rei confirmandæ gratia satis erit vnā proferre antiquam inscriptionem, quam ad hunc modum in ciuitate Romana recenset Onuphrius: C. PORTIO C. F. QVIR. PRISCO LONGINO C. V. X. VIRO STLITIB. IVDICAND. ADLECTO INTER QVÆSTOR. AB ACTIS SEN. ÆD. CVR. ADLECTO INTER PRÆTOR. PROCONS. LYCIÆ. PAMPHILIÆ COS. FRATRI ARVALI. Hæc inscriptio omnes honores illos dignitatēque, quibus in vita functus erat Priscus Longinus, hoc continet descriptas ordine. Fuit Priscus Longinus *decemuir stlitibus iudicandis*, hoc est in consilium prætoris, litium vnā cum prætore dirimendarum gratia, adscitus: fuit adlectus inter quæstorios: fuit & ab actis senatus: nec illi quoque populi defuerunt suffragia, quibus ad curulem Ædilitatem admitteretur. Eoque magistratu finito, adlectus inter prætorios, & tandem Lyciæ proconsul factus est, & Pamphiliæ consularis, fraterque Arualis. Nunc videndum est qua ratione hastam coëgerint decemuiri centummiralem.

CAPVT XX.

De iudiciis centummiralibus.

ERANT olim dies conuentus, quibus hastam centummiralem sic videntur coëgisse decemuiri, vt ius haberent centumuiros conuocandi. Idque auctor ad Pisonem expressit eleganter his versibus:

Seu trepidos ad iura decem citat hasta virorum,

Et firmare iubet centeno iudice caussam.

Et hoc nimirum illud etiam est, quod scripsit Plinius Epistol. lib. 6. consiliis quatuor conscribi sole-
re centumuiros. Plinij verba sunt hæc: *Femina splen-*

didè nata nupta pratorio viro, exheredata ab octogenario patre, intra undecim dies, quam ille nouercam ei amore captus induxerat, quadruplici iudicio bona paterna repetebat. Sedebant iudices centum & octoginta (tot enim quatuor consiliis conscribuntur) ingens utrinque aduocatorum & numerosa subsellia præstantium corona, latissimum iudicium, multiplici circulo ambibat. Ex quo loco probari liquidò potest, centumuiros sic à decemuiris olim cogi solitos, ut ab iis conscriberentur quatuor consiliis, conscriptique & simul congregati, in consilia quatuor distribuerentur. De quibus consiliis sentire visus est Suetonius sic in Domitiano scribès: *Ambitiosas centumuirorum sententias rescidit: recuperatores, ne se persuatoriis assertionibus accommodarent, identidem admonuit; nummarios iudices cum suo quemque consilio notauit.* Haud dubiè per iudices nummarios centumuiros intelligens, deque centumuirorum consiliis quatuor planè sentiens. Postquam autem centumuiro in quatuor consilia distributi essent, tunc eos in Basilica Iulia vna cum decemuiris quatuor adscendisse diuersa tribunalia, ex Quintiliano constat, qui sic lib. 12. Instit. orat. cap. 5. scribit: *Cerè cum in Basilica Iulia diceret primo tribunali, quatuor autem iudicia, ut moris est cogerentur, atque omnia clamoribus fremerent, & auditum & intellectum, & quod agentibus ceteris contumeliosum fuit, laudatum quoque ex quatuor tribunalibus memini.* Ex quo loco, probari etiam potest, hæc quatuor iudicia in vno eodémque loco sic olim exerceri consueuisse, ut qui primo tribunali diceret, facilè à reliquis exaudiretur. De vna enim eadémque caussa quatuor hæc centumuirorum tribunalia, simul vno tempore cognoscebant, & iudicabant in vno loco. Idque ex Valerio Maximo tam est perspicuum, ut nullis amplioribus opus habeat

beat argumentis. Sic enim de milite quodam lib. 7. cap. 7. scribit: *Cum improbiſſimis enim heredibus de patris bonis apud centumuiros contendit, omnibusque non ſolum conſiliis, ſed etiam ſententiis ſuperior diſceſſit.* Idque etiam illud eſt, quod de diuiſis tribunalibus, variisque iudicum ſententiis Papinianus ſcribit cap. 76. de legat. 2. Nec alio referri poteſt, quod ſic ad Cortam ſcripſit Ouidius lib. 3. de Ponto.

Vique fui ſolitus, ſediſſem forſitan vnus

De centum index in tua verba viris.

Hinc etiam eſt quod *centumuirale iudicium* fuerit olim appellatum iudicium quadruplex. Plinius Episto- lar. lib. 4. Proximè cum apud centumuiros in quadruplici iudicio dixiſſem, ſubit recordatio egiſſe me inuenem æque in quadruplici. Ecce non ait in quatuor iudiciis ſe Plinius dixiſſe, ſed in iudicio quadruplici, hoc eſt, in eo iudicio, quod ex quatuor conſiliis, ex quatuor diuerſis tribunalibus conſtabat. Erat etiam prætor qui centumuiralibus præſidebat: cuius meminit idem Plinius Episto- lar. lib. 5. ſic Rufo ſuo ſcribens: *Hoc factò Nepotis commotus prætor, qui centumuiralibus præſidebat, deliberaurus an ſequeretur exemplum inopinatum, nobis orium dedit.* Hunc prætorem fuiſſe prætorem vrbanum, ex eo eſt euidentiffimum, quod vrbanus prætor apud centumuiros faceret poſtulantibus litigandi poteſtatem, vt ex Valerio dilucidè probatum eſt ſuo loco. Non eſt enim veriſimile alium prætorem feciſſe poſtulantibus huiusmodi poteſtatem quàm cum qui iudiciis centumuiralibus præſidebat. Cæterum in præſidendo, illud etiam obſeruafſe viſus eſt prætor, vt medius ſederet inter iudicum conſilia quatuor. Sic, ni fallor, vt à dextra parte duo poſita eſſent diuerſa tribunalia, & totidem à parte ſiniſtra. Eoque non dubium eſt quin reſpexerit Quin-

Cilianus, cum *partes centumviralium in duas hastas di-*
uisas esse scriberet. instit. orat. lib. 5. cap. 2. Illud enim
 sic esse videtur intelligendum, ut hastæ in omnibus
 iudiciis centumviralibus, *duæ*, hoc est una centum-
 vidualis, & altera prætorialis siue decemvirdalis, pone-
 rentur. Huc etiam visus est Marcellus respexisse,
 cum ita scriberet: *Si pars indicantium de inofficioso testa-*
mento, contra testamentum, pars secundum id sententiam
dederit, quod interdum fieri solet, humanius erit sequi eius
partis sententiam, quæ secundum testamentum pronuntia-
vit. cap. 10. de inoffic. testam. Sic enim hic Marcelli
 locus accipiendus est: *Si pars una centumviralium*
 (hoc est, duo consilia) contra testamentum, & al-
 tera pars (hoc est, duo alia consilia) secundum testa-
 mentum pronuntiauerint, quia pares sententiæ
 sunt, quid faciendum esset dubitabatur, & tandem
 fuisse videtur definitum, sequendam esse eius partis
 sententiam, quæ secundum testamentum pronun-
 tiauit. Certè qua sic Epist. lib. 11. Seneca scribit:
Reus sententiis paribus absolvitur, & semper quicquid du-
bium est, humanitas inclinatur in melius. Porro hæc duo
 consilia centumvirdalia quibus secundum testamen-
 tum pronuntiat, visus est consilia duplicia Quin-
 tilianus appellasse. Sic enim lib. 11. capit. 1. scribit:
Succurret etiam si apud alios indices agatur, ut in secunda
assertione, aut in centumvirdalibus iudiciis duplicibus par-
te victa. Per duplicia enim iudicia duo illa centum-
 virdorum consilia intelligit Fabius, quibus altera
 pars victa est, nondum re controuersa ad alia duo
 consilia translata. Ea profecto ratione, qua sic Æneid.
 lib. 1. scripsit Virgil.

——— *Et duplices tendens ad sidera palmas*
Talia voce refert.

Admonet enim Seruius *Duplices* pro *Duas*, in hoc
 loco

loco secundum morem antiquum positum esse. Et hinc etiam intelligimus, quo sensu ad præiudicia partes traxerit centumviralium idem Quintilianus, in d. cap. 2. Quandoquidem enim tertio modo præiudicium dicatur, cum de eadem causa pronuntiatum est; certè absurdum non est, ad hanc præiudicii speciem causas trahere centumvirales. de iis enim quatuor iudiciis diuersis solet pronuntiari. Cæterum si formam iudiciorum centumviralium consideres, magis eam ad publicorum quàm ad priuatorum iudiciorum ordinem intelliges inclinare. Eaque ratione à priuatis iudiciis causas centumvirales visus est Plinius distinxisse Epist. lib. 6. *Interuenit, inquit, acribus illis & erectis frequens necessitas computandi, ac penè calculos tabulamque poscendi, ut repente in priuati iudicii formam centumvirale vertatur.* Et Quintilianus lib. 5. cap. 10. *Proprium est, inquit, illud causa quod Amphictiones indicant, ut alia apud centumuiros, alia apud iudicem priuatum in iisdem questionibus ratio sit.* Nec id etiam ignorasse visus est Iustinianus, cum ita scribit: *Magnitudo & auctoritas centumviralis iudicii non patiebatur per alios tramites viam hereditatis petitionis infringi. c. fi. C. de petit. hered. Per magnitudinem haud dubiè magnificam intelligens centumviralis iudicii formam. Ad quam formam referri etiam debet quod sic Cicero pro Cecinna scribit:†* *Ornate & copiose L. Crassus eloquentissimus, paulo ante quam nos in forum venimus, iudicio centumvirali hanc sententiam defendit: & facile, cum contra eum prudentissimus homo Q. Mutius diceret. Nec aliò referendum est quod ad hunc modum Quintilianus scribit libro quarto, capite primo. Quibusdam in iudiciis, maximeque capitalibus, ut apud centumuiros, ipsi indices exigunt sollicitas & accuratas actiones, contempnique se nisi in*

dicendo etiam diligentia appareat, credunt, nec doceri tantum, sed etiam delectari volunt. De quibus autem rebus centumuri iudicauerint, optimè explicat Cicero de Orat. libro primo. *Nam volitare, inquit, in foro, herere in iure, ac pratorum in tribunalibus iudicia priuata magnarum rerum obire, in quibus sæpè non de facto, sed de equitate & iure certetur, iactare se in causis centumuiralibus, in quibus usucapionum, tutelarum, gentilitatum, agnationum, alluuiorum, circumluuiorum, nexorum, mancipiorum, parietum, luminum, stillicidiorum, testamentorum ruptorum aut ratorum, ceterarumque rerum innumerabilium iura versentur, cum omnino quid suum, quid alienum, quare denique ciuis an peregrinus, seruus an liber quispiam sit, ignoret, insignis est impudentie.* Hactenus Cicero. De inofficioso testamento, deque aliis hæreditariis controuersis centumuiros cognouisse, præter Cicer. & Iustinianum, testatur etiam expressè Scevola cap. 13. & 17. de inofficioso testam. Eoque non dubium est quin respexerit diuus Hieronymus, cum sic scriberet Epist. lib. 2. *Liberatus & mundus à periculo, & hæreditaria vel centumuirales causse de Barathro erute, quod hic forum negligens se ad Ecclesiam transtulit.* Hunc enim locum sic arbitror intelligendum esse, quasi sic scripsisset Hieron. *Hæreditaria, vel alia centumuirales causse.* Certè quia sic scriptum apud Iulium Paulum repperi Sent. lib. 5. titul. 16. *Index tutelarum, itémque centumuirum, si aliter de rebus hæreditariis, vel de fide generis instrui non possunt, poterunt de seruis hæreditariis habere questionem.* Accedit huc etiam quod sic libro septimo, capite quinto, Quintilianus scribit: *Sed nonnunquam etiam reus hic totius summam constituet, si exheredatum à se filium pater testatus fuerit elogio, propterea quod is meretricem amauerit.* Nam omnis hic questio, an huic delicto pater debuerit

ignosce

ignoscere, & centumuiros tribuere debeant veniam. Idem Quinctilianus sic etiam lib. 3. cap. 12. scribit: *Vt cum apud centumuiros post alia queritur vter dignior hereditate sit.* Et hæc quidem hæctenus de iudiciis centumui-
ralibus. Nihil aliud nunc reliquum est, quam vt de veteri sententiarum pronuntiatione pauca dicamus.

CAPVT XXI.

*De sententiarum pronuntiatione qua prætores Romæ,
& in prouinciis præsides vti plerunque
consueuerunt.*

PRÆTORES Romæ, & in prouinciis præsides aut proconsules, pronuntiare de tabella sententias plerunque solent. Idque omnium optimè nos docet Apuleius Florid. lib. 1. his verbis: *Præco cum pro-
consule & ipse tribunal adscendit, & ipse rogatus illic vide-
tur, & quidem per diu stat, aut ambulat, aut plerunque
contentissimè clamat. Enimuero ipse proconsul moderata
voce, rarenter & sedens loquitur, & plerunque de tabella
legit. Quippe præconis vox garrula, ministerium est; pro-
consulis autem tabella sententia est, quæ semel lecta, neque
augeri littera vna, neque autem minui potest, sed utcunque
recitata, ita prouincia instrumento refertur.* Hæc Apule-
ius. Quibus consentaneum est illud Augustini in Ser. de sancto Cypriano martyre: *Cum enim Galerius
Maximus decretum ex libello recitasset; THASCIVM CY-
PRIANVM GLADIO ANIMADVERTI PLACET; respondit
ille, Deo gratias.* Tertullian. in Apolog. Denique, in-
quit, *quid de tabella recitatis illum Christianum, cur non
& homicidam?* Morem hunc sententiæ ex libellis
pronuntiandæ ipsos etiam datos iudices obseruasse,
docet euidenter Seneca, de benef. lib. 3. *De quibus-*

dam, inquit, *etiam imperitus index dimittere tabellam potest, ubi prolatis cautionibus controuersia tollitur.* Eoque referendus etiam est ex septimo Iustiniani Codicis libro huiusmodi titulus: *De sententiis ex periculo recitandis.* Qui quidem titulus cum non satis constaret periculum pro libello interdum veteres posuisse, planè fuit à doctis viris sic immutatus, vt pro *periculo*, passim *libello*, reponeretur. At posteaquam periculum nihil esse aliud in hoc titulo quàm libellum, acutissimi ingenij vir & merito ante alios excellens Iacobus Cuiacius docuisset, iterum lectionem illam veterem iamdudum repudiatam amplecti, ac velut postliminio ad sedes pristinas reuocare viri docti optimo iure conati sunt. Testatur Festus; *periculatus sum, Catonem posuisse in ea oratione, quam ad lites censorias scripsit.* Fortassis pro eo quod est, *commentatus sum*, vel *libello complexus.* Est enim *periculum libellus.* Eoque sensu periculum accepisse Paulus videri potest, de aduersario differens *periculo* denuntiante, hoc est libello, cap. 20. in pr. quod vi aut clam. Huiusmodi enim libellum, *si is cui denuntiatur*, fraude sua, doloque malo non receperit, videtur vtique *consecutus quominus prohibeatur*, non autem omnino prohibitus. Et sic iudices tam minores quàm maiores, quas ex libello siue tabella ferunt sententias, rectè eas recitare ex periculo dicebantur. In qua quidem recitatione obseruari etiam solet, vt quæ iudices cognouissent, ea non esse *facta*, sed *facta* videri pronuntiarent, cap. 20. De his qui not. inf. cap. 21. §. 1. De recept. arb. Ad quem morem visus est etiam Valerius respexisse, lib. 6. cap. 2. *At is*, inquit, *iure cum cæsum videri respondit.* Et Tacitus Annal. lib. 14. *Pronuntiemus ultro, dominum iure cæsum videri.* Auctor est Cicero, iudices olim cum sententiam pronuntiarent, addere

addere solitos , SI QUID MEI IUDICII EST.
 Sic enim lib. 2. De finib. scribit : *Privatarum litium iudices sumus : nihil enim possumus iudicare, nisi quod est nostri iudicij : in quo frustra iudices solent addere cum sententiam pronuntiant. Si quid mei iudicij est.* Et hinc quidem non dubito quin traxerit originem ea sententiarum concipiendarum ratio , qua videri quid, aut non videri factum , datum promissumue , & sic deinceps, iudices pronuntiabant. Siquidem verbum *videri* nihil aliud in sententiis illis significabat , quàm illa vetus formula , *Si quid mei iudicij est.* Et idcirco simul atque in usu esse desisset illa formula, sic iudices sententias concepisse , ut non esse , sed videri quid esse pronuntiarent, omnino fit mihi verisimile.

F I N I S.

ELENCHVS CAPITVM.

<i>De iure Papiriano.</i>	CAP. I.
<i>De legis actionibus.</i>	II.
<i>De iudicijs bonæ fidei.</i>	III.
<i>De actione rei uxoria.</i>	IV.
<i>De fiducia.</i>	V.
<i>De adoptionibus.</i>	VI.
<i>De manumissionibus.</i>	VII.
<i>De cretione.</i>	VIII.
<i>De usurpatione.</i>	IX.
<i>De mancipatione.</i>	X.
<i>De testamentis.</i>	XI.
<i>De inofficioso testamento.</i>	XII.
<i>De furtis.</i>	XIII.
<i>De iure non scripto.</i>	XIV.
<i>De regulis iuris.</i>	XV.
<i>De consuetudine.</i>	XVI.

PAPINIANVS.

Ius ciuile est quod ex legibus, plebiscitis, senatusconsultis, decretis principum, auctoritate prudentium venit.

IACO

IACOBI RÆVARDI
BRVGENSIS IVRISCON-
SVLTI DE AVCTORITATE
prudentum, Liber
singularis.

CAPVT I.

De iure Papiriano.

INITIO ciuitatis Romana sine certa lege, sine iure certo populus primum agere instituit, omniâque manu regis gubernabantur, inquit Pomponius, hoc est, manu Romuli. Sic enim rectius apud Pomponium legi videtur, quam vt Florentiæ scriptum est, manu à regibus. Non enim sub cunctis regibus sine certis legibus vixit populus Romanus; sed initio dumtaxat ciuitatis, hoc est, ante absolutam, perfectamque nouæ Reipub. formam, ante curiatis leges ad populum latas. Manu capiebantur, vt auctor est L. Florus, Sabine virgines quas iure matrimony raptas fuisse, testis est aduersus Valentinianos Tertullianus. Quid hoc, quæso, aliud est, quàm per vim, sub prætextu alicuius incerti iuris, nullis legibus, nullisque maiorum institutis cõprobari, Sabinas virgines raptas fuisse? Remum fratrem suum occidi Romulus sine certa lege, sine iure certo passus est. Quâuis enim eo tempore capitale fuisse quodammodo videri possit muros transcendere. cap. fin. ff. de rerum diuis.

diuif. nihilominus tamen fic Ruftico fcripfit diuus Hieronymus ; *Roma vt condita eft, duos fratres fimul habere non potuit, & parricidio dedicatur. Auēta ad aliquem modum ciuitate, leges ad populum tulit Romulus curiatas: tulerunt & fequentes reges. Et fic quidem cum fine iure certo non ita dudum egiffent Romani, tandem fub legibus certis cuncta gerebant. Has leges fine ordine latas in vnum composuit Sextus Papirius, ediditque librum quem ius ciuile Papirianum appellatum fuiſſe teftis eft Pomponius, cap. 2. in princ. de orig. iur. Videtur ius Papifianum & Sextus Papifius hic apud Pomponium rectius legi poſſe, quam ius Papirianum, quam Sextus Papirius. Sic enim*

† lib. 9. Epiftol. famil. Papirio Pæto ſcripfit M. Cicero : *ſed tamen mi Pate, quid venit in mentem negare Papirium quendam vnquam niſi plebeium fuiſſe? fuerunt enim patricij minorum gentium, quorum princeps L. Papirius Mugilanus, qui conſul cum L. Sempronio Atriatino fuit, cum antea cenſor cum eodem fuiſſet, annis poſt Romam conditam 312. ſed tum Papifij dicebamini. Poſt hunc tredecim fuerunt ſella curuli, ante L. Papirium Craſſum, qui primus Papifius eſt vocari deſitus. Hæc Cicero, euidentiffime demonſtrans hunc Sextum Papirium (quem nemo dubitat ſi non ſub regibus, ſaltem iis exactis Romæ inter Patricios floruiſſe) hunc inquam Papirium Papifium, & ius ab eo compositum, non Papirianum, ſed Papifianum appellatum à veteribus fuiſſe. Si quidem annis ab vrbe condita quadringentis & quod excurrit, nulli Romæ Papirij fuerunt, vt nec Valerij, nec Furij, ſed Papifij, Valeſij, Fuſij. Et hæc quidē licet veriſſima ſint; nihil tamen hic apud Pomponium eſſe emendandum cenſeo. Nam mihi ſatis perſuaſum habeo, poſtquam Appius Claudius in R. literam S. vertiſſet, vt pro Valeſiis, Valeriis;*

pro

pro Fufijs, Furijs eſſet : tunc etiam eos qui ante Papirij dicebantur, quoties de eis incideret ſermo, Papirios appellari cœpiſſe, eaque ratione Sextus Papirius annis poſt obitum ſuum prope ducentis, Papirius ; & ius ab eo compoſitum, Papirianum videtur appellatum fuiſſe. Auctor eſt Iulius Paulus *Granium Flaccum de iure Papiriano librum ſcripſiſſe*. cap. 144. de verbor. ſignificat. Hunc qui Caium Flaccum appellatum putant, falluntur plurimum. Hic enim ille Granius Flaccus Licinianus eſt, cuius Macrobius meminit Saturnal. lib. 1. cap. 16. & 18. & quem Arnobius, Feſtus, Nonius frequenter laudant. De iure Papiriano Granius librum ſcripſit ſingularem : in eo libro Romuli, Numæ Pompilij, aliorumque regum leges exponebantur. Et quia Feſtus cum Gellio auctor eſt *huiusmodi legem Numam tuliffe*, PELLEX ARAM IVNONIS NE TAGITO ; SI TAGET, CRINIBVS DEMISSIS AGNVN FEMINAM CÆDITO ; proſecto dubium non eſt, quin ad huius legis interpretationem illud refendum ſit, quod ſic Paulus ſcribit : *Granius Flaccus in libro de iure Papiriano ſcribit, pellicem nunc vulgo vocari, quæ cum eo cui vxor ſit, corpus miſceat*. dicto capite 144. *Per pellicem eam intelligi quæ iuncta conſuetaque eſſet cum eo in cuius manu mancipioque alia matrimonij cauſa foret*, ex Seruio Sulpitio retulit Gellius lib. 4. cap. 3. Et quia Maſſurius Sabinus *pellicem apud antiquos eam fuiſſe habitam ſcribit, quæ cum vxor non eſſet, cum aliquo tamen vivebat : quam nunc vero nomine amicam, paulo honeſtiore concubinam nominant*, dicto capite centeſimo quadrageſimo quarto. Hinc videor mihi intelligere, triplicem apud veteres fuiſſe interpretationem. Sic quidem, vt per pellicem aut eam intelligerent concubinam, quæ cum eo, cui vxor erat, corpus miſcebat : aut eam ſceminam, quæ cum

coiungebatur cui vxor erat *in manu*, hoc est, quæ cum viro vxorem habenti nubebat: aut denique *amicam*, id est, concubinam quamlibet. Et hæc quidem cum ita sint, nunc videndum est quo sensu sic Numa scripserit: PELLEX ARAM IVNONIS NE TAGITO. *Tago* verbum antiquum est, coque pro *tango* veteres vsos esse, testatur Festus. Nec quidem dubito quin de ea femina senserit in hac lege Numa Pompilius, quæ vxorem habenti nubebat. Sic enim legem hanc intelligendam esse indicat expresse Festus. Nam postquam exposuisset Festus *pellicem olim dictam esse, quæ vxorem habenti nubebat*; hæc verba subiiecit: Cui generi mulierum etiam pœna constituta est à Numa Pompilio hac lege: PELLEX ARAM IVNONIS NE TAGITO. Et hoc etiam illud est quod apud Gellium his verbis sibi voluit Seruius: *Iuncta consuetaque*. Ea enim verba ad huius Pompiliæ legis interpretationem à Seruio referuntur, coque sensu pellicem quoque visus est Arnobius accepisse, aduersus gentes ad hunc modum libro 4. scribens; *An vxore contentus haud una, concubinis, pellicibus, atque amiculis delectatus impatientiam suam spargebat passim (ut bacchari adolescentes solent) salax Deus?* Igitur hæc Numæ verba, PELLEX ARAM IVNONIS NE TAGITO; nihil aliud in effectum significant, quàm pellicem nullam viro vxorem habenti nubere posse. SI TAGET, hoc est, si nupserit, CRINIBVS DEMISSIS AGNVN FEMINAM CÆDITO. Hæc erat pellicis pœna nō multum ab ea dissimilis, quam idem Numa viduæ intra luctus legitimum tempus nubenti, statuit. Testis est enim Plutarchus *viduam intra tempus luctui peragendo lege præfinitum nubentem, vaccam pregnantem immolare ex Numæ legibus debuisse. Ut igitur vaccam pregnantem huiusmodi femina; sic pellex aram Iunonis tangens agnum*

feminam

feminam immolabat. Agni nomen apud maiores communis fuisse generis, sicut & lupi, Festus auctor est: & bouem feminam etiam veteres dixisse, testis est Liuius. Sic enim lib. 27. scribit; Ab ade Apollinis boues femina alba dua porta Carmentali in urbem ducta. Et quod ait Numa, CRINIBVS DEMISSIS, hoc ad veterem morem, quo in signum tristitiæ crines soluebantur, omnino referendum est. Eumque morem tradidit idem Liuius, sic libr. 1. scribens; Cognitoque super humeros fratris paludamento sponsi, quod ipsa confecerat, soluit crines, & flebiliter nomine sponsum mortuum appellat. Meminit eiusdem moris Ouidius Fastorum lib. 3. his versibus:

*Si quæ tamen grauida est, resoluta crine precetur,
Vt soluat partus molliter ipsa suos.*

Et Tristium lib. 1. eleg. 3.

*Illa etiam ante lares sparsis prostrata capillis
Contigit extructos ore tremente focos.*

Et hæc quidem hætenus de iis iuris Papiriani reliquiis antiquissimis, quæ extrant in nostris Pandectis. Ius Papirianum subsecutæ sunt duodecim tabulæ. Exactis enim lege tribunitia regibus, in vsu esse ius Papirianum desiit, & omnibus regiis legibus exsolentis eò res Romana tandem deuenit, vt legib. ex Græcia petitis, duodecim ederentur, proponerenturque legū tabulæ: easque tabulas omnium Philosophorum bibliothecas auctoritatis pondere & utilitatis vbertate superasse contendit Cicero. His legibus latis necessaria fori disputatio fuit. Interpretatio enim earum legum, prudentum requirebat auctoritatem: & quod eorum auctoritate erat inductum, id omne communi nomine appellari Ius ciuile, testis est Pomponius. Illudque Ius ciuile ita diuisum fuit, vt partim ex legis constaret actionibus; partim ex interpretatione legum

decem

deceimviralium; partim denique ex nouo iure loco
 appendicis duodecim tabulis adiecto. Dicam primo
 loco de legis actionibus; ac deinde ad interpreta-
 tionem, & tandem ab interpretatione ad iuris ve-
 teris supplementum ordine progrediar.

C A P V T I I.

De legis actionibus.

POMPONIUS auctor est, ex legibus duodecim ta-
 bularum actiones compositas esse, quibus inter se homi-
 nes disceptarent: easque actiones ne populus prout vellet, in-
 stitueret, certas solemnēque esse prudentes voluisse, & ap-
 pellatam hanc iuris partem fuisse legis actiones, hoc est,
 actiones legitimas. cap. 2. §. 2. de orig. iur. Quibus
 verbis aliud nihil mihi visus est Pomponius voluif-
 se, quàm id omne quod lege duodecim tabularum
 continebatur, prudentes iuris certis quibusdam for-
 mulis, ac ritu solemni in vsum forensem induxisse.
 Lex duodecim tabularum manus conserctionis me-
 minit; ait enim: SI QVI EX IVRE MANVM CONSE-
 RVNT, auctore Gellio. Formulam & ritum conser-
 tionis excogitarunt prudentes iuris, quemadmodum
 pro Muræna docuit Cicero; eaq; formula legis actio
 dicebatur. Est & in 12. mancipationis expressa men-
 tio, formulā ritumque mancipationis à Iurisconsult-
 tis etiam excogitatam esse, tam palam est, vt ea res
 nullis opus habeat argumentis. Et denique earum
 omniū quibus ius suū veteres persequerantur actio-
 nū directarum formulas à prudentibus perscriptas,
 & legis actiones appellatas fuisse, neminem rerum
 antiquarū vel mediocriter peritum arbitror inficiari
 posse. Id enim docet expresse Pomponius his verbis:
deinde ex his legibus eodem tempore actiones compositæ sunt,
quibus

quibus inter se homines disceptarent. Et hæc quidē adeo vera sunt, vt non iis solum temporibus formulas siue legis actiones componerent prudentes, quibus in penetralibus pontificum ius ciuile reconditum erat: sed tunc etiam cum iam prætores ius inter priuatos dicerent. Sic enim lib. 6. de Cefelio, aut si maius Cæscellio, iurisperito scribit Valerius; *Age, Cefelius vir iuris scientia clarus, quam periculose contumax? nullius enim aut gratia, aut auctoritate compelli potuit, vt de aliqua earum rerum, quas triumuiro dederant, formulam componeret: hoc animi iudicio victoriæ eorum beneficia extra omnem ordinem legum ponens.* hæc Valerius: expressè docens legis actiones etiam temporibus triumuiorum conscribi; certisque concipi formulis à iurisperitis consueuisse. Sensus enim illius loci est, triumuiros reipublicæ constituendæ, Romanum imperium armis inuadentes, nonnullos ex ciuibz Romanis proscriptionibus exagitalse, nonnullos beneficiis cumulasse: & quia sine formulis, solemnique ritu, veris potissimum dominis eorūque amicis contranitentibus, obtineri huiusmodi beneficia commodè non poterant; idcirco Cefelium iurisperitum à triumuiro nouas formulas, quibus istorum beneficiorum nomine lege posset agi, vt moris erat, componere iussu, nullius aut gratia aut auctoritate adduci potuisse vt id faceret; hoc animi iudicio declarantem beneficia huiusmodi à Tyrannis potius quam à principibus iustis collata, & ob id extra omnem legum ordinem ponenda esse. Formulas igitur componebant quibus lege posset agi: easque formulas obtinendæ atque augendæ suæ potentiæ causa in pontificum penetralibus reconditas habebant, donec tandem Cn. Flavius scriba, illas euulgasset, fastosque pene toto foro exposuisset, vt quando & quomodo le-

ge agi posset sciretur. Idque sibi Liuius & Valerius visi sunt voluisse; cum scriberent, *Cn. Flanium civile ius euulgasse*. Nam per civile ius præter legis actiones quæ magna iuris civilis, teste Pomponio, pars erant, nihil quicquam eos intellexisse ex Cicerone colligi potest. Sic enim de *Cn. Flanio* scribit Cicero ad Articū lib. 6. *Quid ergo profecit quod protulit fastos? occultatam putant quodam tempore istam tabulam, ut dies agendi peterentur à paucis: nec vero pauci sunt auctores Cn. Flanium scribam fastos protulisse, actionesque composuisse*. Hæc Cicero, non, ut mihi quidem videtur, actiones *Cn. Flanium* composuisse persuasum habens, sed compositas & ad formam ab Appio Claudio, cuius scriba Flavius erat, redactas proposuisse; ita enim Pomponius scribit. Et idcirco videndum est, an non rectius hic apud Ciceronem *proposuisse* quam *composuisse*, legeretur hunc in modum; *Nec vero pauci sunt auctores Cn. Flanium scribam fastos protulisse, actionesque proposuisse*. Auctor est pro Muræna idem Cicero, *cognitaiam & promulgata à Cn. Flanio dierum ratione veritose sine sua opera lege posset agi notas quasdam composuisse iurisconsultos, ut omnibus in rebus ipsi interessent*. Idque eam videtur habere sententiam ut euulgatis fastis & legis actionibus omnes quæ à iurisconsultis deinceps componebantur formulæ, *notis*, hoc est literis singulis aut binis integrum aliquod verbum designantibus hac intentione exprimerentur, ut si forte rursus euulgarentur, à populo non possent intelligi, & per consequens earum interpretatio semper à iurisconsultis petenda necessario foret. Eamque formularum notis describendarum rationem antiquissimam, ut credam Romæ ad Constantini usque tempora seruata fuisse, facit hoc rescriptum Constantini; *Iuris formulæ aucupatione syllabarum insidiam*

fidiantes cunctorum actibus radicitus amputentur, cap. 1. C. de form. & impetrat. act. sublat. Sensus enim est, non omnes quidem iuris formulas radicitus amputari Constantinum voluisse, sed eas tantum, *quæ cunctorum actibus aucupatione syllabarum insidiantur*; hoc est quæ notis descriptæ sunt. Notas autem ex literis singulis aut binis olim constituisse Valerius Probus & Petrus Diaconus iis libellis quos de literis antiquis ediderunt, esse possunt idonei testes. Et syllabis singulis aut binis describi quoque legitimorum actuum instrumenta solere, indicio est testamentum militare Sempronij Tucidani, quod syllabis descriptum L. Mallio & Q. Torquato consulibus etiamnum inter alias antiquitatum reliquias apud Georgium Fabricium extat. Et idcirco nihil mihi videtur aliud in hoc rescripto Constantinus voluisse, quam nullos actus legitimos (de iis enim expresse loquitur) notis amplius describi posse; sed eos sic literis perscribendos esse, ut à quouis sine aliqua syllabarum aucupatione recte legantur. In iis enim quæ notis describebantur huiusmodi syllabarum aucupationes frequentes fuisse, testis esse poterit Marcus Cicero. sic † ad Attic. scribens lib. 13. *Et quod ad te de decem legatis scripsi, parum intellexti; credo quia si δὲ οὐκ εἰώρ* scripseram. indeque iurisconsultos syllabarum aucupes coniectari licet eundem Ciceronem appellasse de oratore lib. 1. † his verbis; *Ita & tibi iurisconsultus ipse per se nihil nisi leguleius quidā canus & acutus, præco actionum, cantor formularum, auceps syllabarum*. Hæc Cicero, eo plane sensu syllabarum aucupationem iurisconsultis attribuens, quo siglorum captiones & compendiosa anigmata accepit in ea epistola Iustinianus, quam de conceptione Pandectarum scripsit. Est enim verisimile in notarum, quibus formulæ descriptæ erant, interpretatione,

ob varias incertasque vnus literæ aut syllabæ significationes ipsos etiam leguleios interdum hallucinatos esse, indeque *ancupes syllabarum* appellatos fuisse. Hæc cum non animaduernerent interpretes, in eum errorem prolapsi sunt, ut ex hoc Constantini rescripto contenderint, sic in iudiciis priuatis vsos solemnibus formulis veteres fuisse, ut qui vel in vna syllaba errasset, causa caderet. quæ persuasio falsa est. In petitione quidem pecuniæ errare formula intolerabile esse testis est in ea declamatione Quintilianus, cui titulus est: *Pastor abdicatorum*. Sed id non ita accipere conuenit, ut qui in syllaba lapsus est, statim errasse formula videri possit; verum ita potius ut is qui non quemadmodum oportet egerit, causa cadat: quod tunc accidere solet cum plus petitur, vel cum alio iure, quàm quo agendum est, actor utitur. Sic enim in alia quadam declamatione, cuius hæc est epigraphæ, *Aqua frigida priuigno data*, scribit idem Quintilianus: *Non ignoro esse frequentem huiusmodi in iudiciis minoribus contentionem, ut pecuniarius an excidisse formula qui egerit aliter quam potuerit agere, dicatur: sed hæc tum*
† *valent cum ostenditur ius aliud quo agendum sit.* Eoque referendam puto hanc apud Ciceronem pro Muræna antiquâ formulâ; NONNE TV DICIS QVA CAUSA VINDICAVERIS? Sic enim à reo videtur actorem aliquam vindicâs interrogari consueuisse, ut si forte in allegando iure actor lapsus esset, excideret formula. id quod hæc quoque Senecæ verba præ se ferunt, Epist. lib. 6. *Quid enim aliud agitis cum eum quæ interrogatis, scientes in fraudem inducitis, quam ut formula cecidisse videatur?* Eoque referendum censeo quod Instit. libr. 7. c. 4. ait Quintilianus, *eum à quo in vno verbo erratū est, tota causa cecidisse videri.* Qui enim plus petit, errat in vno verbo; quod & ab eo etiam potuit fieri,

feri, qui alio iure quam quo vtendum erat, vtebatur. Solent igitur notis describi formulæ, indeque librariorum ipsos notarios appellatos esse, tam palam est, vt probari necessum non sit. Proferam tamen illud diui Hieronymi ad Iulianum: *Ille apposito notario coge-
bat loqui quæ velociter edita velox consequeretur manus.* Et huiusmodi notis senserunt etiam iurisconsulti cum de testamentis differentes, militare quidem valere; paganicum vero inualidum esse demonstrarent. c. 40. in princ. de testam. milit. c. 6. §. si. de bon. poss. Illudque ius in paganorum testamentis satis videri potest antiquum fuisse. Sic enim de Sergio Galba scribit Suetonius; *Observauit ante omnia Liniæ Augustæ, cuius & viuæ gratia plurimum valuit, & mortuæ testamento pene ditatus est. Sestertium namque quingenties cum præcipuum inter legatarios habuisset: quia vero notata non per-
scripta erat summa, herede Tiberio legatum ad quinquaginta renocante, nec hæc quidē accepit.* hæc Suetonius, haud dubie per notatam summam, eam summam intelligen-
gens quæ notis descripta erat, & quæ per consequens inualidā reddebat supremam testatricis in hac parte voluntatem. Illud etiam obseruari ex hoc Suetonij loco potest, *notationi perscriptionem contrariam esse;* & ob id rectius *prescriberetur* quàm *prescriberetur*, apud Paulum legi, in d. cap. 40. in princip. de testam. milit. Nec est quod quis sibi persuadeat solas legitimarum actionum formulas, legis actiones dici. Omnes enim ex lege 12. Tabul. descendentes actus solemnes legis etiā *actiones* appellari, recte est à doctissimo Brissonio demonstratū: cuius generis est mæcipatio, in iure cessio, manumissio, emæcipatio, adoptio, hereditatis additio, cretio, vsurpatio, & sic deinceps. His ita expositis reliquū est, vt de quibusdam priuatorū iudiciorū formulis, aliisque legis actionibus nunc differamus.

CAPVT III.

De iudiciis bonæ fidei.

L Is omnis quæ ex contractibus oritur, aut iudicio aut arbitrio decidi solet. Iudicio quidem, quoties certa pecunia peteretur: arbitrio, quoties incerta. Hunc antiquum morem describit eleganter M. Cicero pro Q. Roscio Comædo; *Iudicium*, inquit, est pecunia certa, *arbitrium* incerta. Ad iudicium hoc modo venimus ut totam litem obtineamus, aut amittamus: ad arbitrium hoc animo adimus, ut neque nihil, neque tantum quantum postulauimus, consequamur. Eius rei ipsa verba formula testimonio sunt. Quid est in iudicio? directum, asperum, simplex: SI PATERET HS 1000 DARI; hic nisi planum facit HS 1000. ad libellam deberi, causam perdit. Quid est in arbitrio? mite, moderatum, QUANTVM, ÆQUIVS ET MELIVS SIT DARI, ille tamen confitetur plus se petere quam debeatur, sed satis superque habere dicit, quod sibi ab arbitro tribuatur. Hæc Cicero, euidentissime demonstrans sic de rebus cōtrouersis suis temporibus disceptari consueuisse; ut de certa pecuniæ summa, iudex; de incerta, arbiter cognosceret: iudicisque nomen per se positum arbitri respectu de eo iudice acceptum fuisse, qui in angustissimam formulam sponsonis concludebatur. Idque illud etiam est quod sic de beneficiis libro tertio capitulo septimo Seneca scribit; Præterea quæcunque in cognitionem cadunt, comprehendere possunt, & non dare infinitam licentiam iudici. Ideo melior videtur conditio causæ bonæ si ad iudicem quam ad arbitrum mittitur, quia illum formula includit, & certos, quos non excedat, terminos ponit; huius libera

vera & nullis astricta vinculis religio, & detrahere aliquid potest, & adicere, & sententiam suam non prout lex, vt iustitia suadet, sed prout humanitas aut misericordia impul-
lit, regere. Hactenus Seneca. Quoties igitur certa pecunia petebatur, ad iudicem; quoties incerta ad arbitrum res controuersa transferebatur. Frequens est apud iurisconsultos actionum bonæ fidei commemoratio, easque sic appellari, quod in earum formulis hæc adderentur solemnia verba, **EX BONA FIDE**, doctissimis quibusque iuris interpretibus persuasum est. Non rectè. Id enim si ita esset, consequi necessario videretur actionem negotiorum gestorum bonæ fidei fuisse, quæ tamen earum actionum numero passim numeratur, §. actionum autem. Inst. de act. cap. 5. in princ. de act. & oblig. c. 7. de neg. gest. Est enim actio negotiorum gestorum extraordinaria. c. 47. de neg. gest. Et quia in extraordinariis iudiciis conceptio formularum non obseruatur. d. c. 47. vtique nec per consequens in actione negotiorum gestorum, hæc quoque solemnia verba: **EX BONA FIDE**; videntur necessario seruata fuisse. Si dixeris Pauli locum de conceptione formularum sic accipi debere, vt in iudiciis extraordinariis certa quadam formula sic actor cogi non soleat intentionem suam concludere, vt si plus quàm iuste debitum est, petierit aut alio iure vsus in ea fuerit, quam quo debuit vti, formula cadat: id quod in ordinariis iudiciis obseruabatur; fateor ingenue hanc mihi interpretationem plurimum probari. Et quamuis hæc ita se habeant, nihilominus tamen ab eorum traditionibus recedere non vereor, qui iudicia bonæ fidei idcirco sic appellari contenderunt, quod eorum formulis adderetur, **EX BONA FIDE**. Actionem enim fiduciæ inter bonæ fidei

iudicia numerari, testis est apud Ciceronē Quintus Scauola. Sic enim libro 3. officior. scribit Cicero; *Quintus quidem Scauola pontifex maximus summam vim esse dicebat in omnibus iis arbitriis in quibus ageretur ex fide bona; fideique bonæ nomen existimabat manare latissime, idque versari in tutelis, societatibus, fiduciis, mandatis, rebus emptis, venditis, locatis, conductis.* Actionem rei uxoriæ etiam fuisse bonæ fidei nemo dubitat. Illud etiam dubium non est, quin fiduciæ rei que uxoriæ iudicia propriam sic olim habuerint formulam vt in iis addi non soleat; **EX BONA FIDE.** Cum enim dixisset
 † lib. 3. offic. Cicero dolum malum sine lege iudiciis in quibus **EX BONA FIDE** additur, vindicari, hæc verba subiiecit; *Reliquorum autem iudiciorum hæc verba maxime excellunt, in arbitrio rei uxoriæ, ÆQUIVS MELIVS; in fiducia vt inter bonos bene agier.* Et hæc quidem si vera sunt, videtur igitur necessario consequi, fiduciæ rei que uxoriæ actiones fuisse bonæ fidei, eo nihil obstante, quod in earum formulis non adderetur: **EX BONA FIDE.** Et idcirco rectius arbitror dici posse non inde nomen iudiciis bonæ fidei inditum ab initio fuisse, quod in earum formulis adderetur: **EX BONA FIDE**, vt inter alios definiuit clarissimus interpretes Eguinarius Baro, sed inde potius, quod ea ex natura sui malæ fidei directo esset contraria, & per hoc continerent in se doli mali exceptionem, cap. 84. §. 4. de leg. 1. cap. 1. cap. 3. in fin.
 † pro socio. cap. 57. de contrah. empt. Idque Ciceronem sibi voluisse cum sic de natura deorum lib. 3. scriberet; *inde tot iudicia de fide mala tutela, mandati, pro socio, fiducia; reliqua quæ exempto aut vendito, conducto aut locato contra fidem fiunt.* His addatur, fuisse bonæ fidei iudiciorum diuersas formulas, vnā quæ contractibus bonæ fidei accommodabatur his verbis solem

DE AVCTORITATE PRVDENT. 857
solemnibus , EX BONA FIDE : alteram in fiduciis
ad hunc modum vsurpatam, VT INTER BONOS BE-
NE AGIER OPORTET , ET SINE FRAVDATIONE : &
tertiam denique rei vxoriæ his verbis propriam,
ÆQVIVS MELIVS , quemadmodum auctor est in of-
ficiis & in topicis idem Cicero. Videamus nunc
quid sibi voluerint iurisconsulti hac rei vxoriæ so-
lemni formula.

C A P V T IV.

De actione rei vxoria.

M Atrimonio per diuortium soluto locus erat
repetitioni rei vxoriæ. Reique vxoriæ appella-
tione non dos solum , vt voluit Sæterinus Boetius,
sed patrimonium etiam vxoris & peculium conti-
nebatur. Erant enim mulieres quæ præter dotem ni-
hil haberent in bonis ; erant quæ præter dotem ha-
berent peculium; erant denique quæ præter dotem
& peculium haberent etiam patrimonium. Dicemus
primo loco de dote, ordine ad peculium & patrimo-
nium feminæ transaturi. Dos omnis aut datur, aut
dicitur, aut promittitur. datur dos hoc modo: Is qui
dabat, hæc fere, aut similia verba proferebat, *dos tibi*
est decem talenta; & spōsus respondebat, *Accipio*. Eum-
que morem expressit euidenter in Andria Terentius.
Ait enim Chremes sponsæ pater, *Dos Pamphile est de-*
cem talenta; & respondet Pamphilus; *Accipio*: Illudque
verbum *Accipio* interpretans Donatus, sic scripsit, *Ille*
nisi dixisset Accipio; dos non esset; datio enim ab acceptatione
confirmatur : nec potest videri datum id quod non sit ac-
ceptum. Dotis dictio erat quædam obligationis spe-
cies, quæ nulla præcedente interrogatione contrahe-
batur. *Et non solum in hac obligatione ipsa mulier poterat*

obligari, sed & pater eius & debitor mulieris. Haec enim tres persona nulla interrogatione precedente poterant dictione dotis legitime obligari, auctore Caio Iust. lib. posteriore, & Ulpiano tit. 6. Eoque referendum est quod sic de patre dotem dicente Epist. lib. 2. Plinius scribit; Cumque vivente eo nubenti tibi in dotem centum millia contulerim, praeter eam summam quam pater tuus quasi de meo dixit (erat enim soluenda de meo) magnum habens facilitatis mee pignus. Mulieris etiā dotes dixisse testis est Apuleius. Sic enim Apolog. 2. scribit; Cur ego Prudentilla animum veneficiis flecterem? quod ex ea commodum caperem, uti dotem mihi modicam potius quam amplam diceret? Ceterum promissio dotis cum dotis dictione nihil quicquam commune habebat. Qui enim pro muliere sponso dotem promittebant, hi communi iure obligari solent, hoc est, ut interrogati responderent & stipulationem promitterent, auctore Caio. Id quod in Trinummio Plautus eleganter docet de dotis promissione differens his verbis;

Ist hac lege filiam tuam spondam mihi uxorem dari: CH.

Spondeo:

Observari etiam solet ut dos data, dicta aut promissa, instrumento quodam comprehenderetur, ne si quando solutum esset matrimonium ignoraretur, quid dotis nomine apud virum mulier haberet. Id quod ex Apuleio demonstrari potest, qui sic de dotalibus tabulis in Apolog. 2. scribit; Nihil verbis opus est cum multo disertius ipsa tabula loquantur. Et Paulo post: Praeter haec ea conditione factam coniectionem si nullis ex me liberis susceptis vita demigrasset, ut dos omnis apud filios eius, Pontianum & Pudentem maneret: sin verò uno unaque superstite, diem suum obiisset, ut tum diuidua pars dotis posteriori filio, reliqua prioribus cederet: haec ut dico, tabulis ipsis docebo. Atque haec quidem de dote mulieris haec

hactenus. Nunc de peculio videamus, Moris erat ut mulier res quas solet in usu habere in domo mariti, neque in dotem dabat, in libellum conferret, eumque libellum marito offerret hac intentione, ut maritus subscriberet quasi eas res accepisset, & veluti chirographum mariti huiusmodi libellum vxor custodiret, ut facto diuortio docere posset, res quæ libello continentur, in domum mariti se intulisse: idque vulgo Romæ fieri consueuisse, & bona huiusmodi Græcos parapherna, Gallos peculium appellasse, auctor est Vlpianus cap. 9. §. 2. de iure dot. Earumque rerum nomine si custodia marito commissa esset, depositi vel mandati agi poterat; si minus agebatur rerum amotarum, si animo amouentis maritus eas tractaret; aut ad exhibendum, si non amouere eas connisus esset, dict. cap. 9. in fin. Et hoc quidem illud omnino est, quod sic Epist. lib. 7. Sidonius Apollinaris scribit; Quo profecto mater puella parapherniciæ instrumentis cœpit actionem repetundarum vel proponere. Hæc Sidonius, haud dubiè quod Vlpianus libellum dixerat, idipsum paraphernicum instrumentum appellans. Eoque referendum est quod sic de seruo receptitio ex Catone referunt Nonius & Gellius lib. 17. cap. 6. Marcus Cato Voconiam legem suadens verbis hisce usus est; Principio nobis mulier magnam dotem attulit, tum magnam pecuniam recipit quam in viri potestate committit; eam pecuniam mutuam dat viro; postea ubi irata est, seruum receptitium sectari, atque flagitare vitium iubet. Hactenus Cato. Hunc locum interpretans Gellius sic scribit; Quando mulier dotem marito dabat, tum quæ ex suis bonis retinebat, neque ad virum trans mittebat, recipere dicebatur: sicuti nunc quoque in venditionibus quæ excipiuntur neque veneunt. Et idcirco nihil aliud videri potest Cato voluisse, quàm magnam dotem mulieres dare,

dare, & magnam pecuniam retinere: eamque pecuniam quam sibi retinent dote data, viris dari solere mutuam: quam cum forte viris iratæ sunt ita reperiunt, vt apponant flagitatore *seruum receptitium*, hoc est, proprium seruum quem cum pecunia reliqua receperant, nec dederant doti, sed retinuerant instrumento paraphernico. Rerum huiusmodi receptarum elegans est apud Papinianum locus, in quo respectu dotis res receptas peculium feminae nuncupatas fuisse testis est expresse Papinianus, cap. 3 §. 1. de donat. Habebant igitur mulieres bona dotalia, habebant etiam paraphernalia bona. cap. 8. & ult. C. de pact. conuent. tam super dote. Bona dotalia tabulis dotalibus; paraphernalia, libellis siue paraphernalibus instrumentis continebantur. Erant etiam mulieres, quæ præter dotem & peculium habebant patrimonium. Idque testatus est Vlpianus *de muliere differens quæ ultra vires patrimonij, vel totum patrimonium circumscripta in dotem dedit*, cap. 9. §. 1. de minorib. Idem Vlpianus auctor est, *aquissimum visum veteribus fuisse, mulieres quasi de patrimoniis suis ita de dotibus funerari* capit. 16. de relig. & sumpt. funer. Hoc est, vt Celsus definit, *quoties mulier decedit eam ex dote quæ pexes virum manet & ceteris mulieris bonis, proportionem funerandam esse.* Veluti si in dote centum sint, & in hereditate ducenta, duas partes heres & vnam vir cõferet. cap. 22. & 33. d. tit. Ex quibus locis euidentissimum est, aliud dotem, aliud peculium, aliud item patrimonium mulieris fuisse. Matrimonio per diuortium soluto, repetitur dos, repetitur peculium, repetitur etiam *mulieris patrimonium*, hoc est, res omnis vxoria extra dotem & peculium constituta, quam maritus administravit. cap. 45. in princip. ad legem Falcidiam. Dotis actio specialis est, per quam ea duntaxat petuntur

tur, quæ tabulis dotalibus continentur ex fide bona. cap. 21. in fin. solut. matrimon. Peculium quoque mulieris non dotis repetitione, sed actione quadam speciali peti solet, vt est declaratum. Iam vero quid de mulieris patrimonio dicemus? Certe aliud nihil quàm generalem quandam rei vxoriæ actionem olim proditam fuisse, qua res omnes vxoriæ, hoc est, dos, peculium & patrimonium soluto matrimonio simul petebantur. Mulier quæ nihil præter dotem in bonis habebat, vti solet soluto matrimonio sola dotis repetitione. Mulier quæ alias extra dotem constitutas res habebat, non dotis repetitionem, sed actionem rei vxoriæ, quæ latior est dotali repetitione, postulabat. *Eaque rei vxoriæ actio sic decernebatur, vt eius formulæ hæc adderentur verba solemnia iurisperitorum ingeniiis excogitata; QVANTVM ÆQUIVS MELIVS SIT DARI; auctore pro Q. Roscio Comædo, officiorum libro 3. & in Top. Cic. Quibus verbis latissima dato iudici potestas concedebatur pronuntiandi quid sibi ex omnibus rebus vxoriis, hoc est, ex dote, ex peculio & ex patrimonio, æquius melius videretur vxori à viro restitui oportere. Et hæc quidem cum ita sint, certe mirari satis nequeo quâ ratione Boetius *actionem rei vxoriæ* apud Cic. in Top. ad solam retulerit dotis repetitionem, quod etiam Tribonianus fecisse videtur. §. fuerat antea. Institut. de act. cum certo certius sit, rei vxoriæ appellationem ex vi & proprietate sermonis ad omnem omnino substantiam referendam esse, quæ in bonis vxoris numeratur, cuius generis esse diximus dotem, peculium, & patrimonium mulieris. Eoque sensu *actiones & cautiones rei vxoriæ* visus est etiam accepisse Gellius lib. 4. cap. 3. Et ita satis esse perspicuum puto quid sibi voluerint*

iurisperiti his verbis *ÆQUIVS MELIVS*; quorum in decernenda dotis actione etiam fieri mentio solet, cap. penult. in fin. sol. matr. cap. 82. de solut. Nunc videndum est quidnam hæc sibi velit antiqua formula : *VT INTER BONOS BENE AGIER OPOR-
TET ET SINE FRAVDATIONE* , prudentum etiam ingenii excogitata.

CAPVT V.

De fiducia.

SIne mancipatione aut in iure cessione ex iure *Quiritium* legitimum rei venditæ dominium non ante acquirebatur , quàm res esset vsucapta. Mancipatio legitima erat transferendi domini species, quæ adhibitis non minis quam quinque testibus civibus Romanis puberibus , et præterea alio eiusdem conditionis qui appellabatur libripens, ad hunc modum auctore Boëtio peragebatur ; Is qui rem aliquam mancipio accipit, as tenens ita dicit ; *Hunc ego hominem ex iure Quiritium meum esse aio, isque mihi emptus est hoc ære æneaque libra : deinde ære percutit librum, idque as dat ei à quo rem accipit mancipio.* Huiusmodi mancipatio ita fieri nonnunquam solet, ut ei expressa quædam interdum adiiceretur remancipationis clausula. Cum enim res aliqua dabatur mancipio, tunc interdum is qui rem mancipio dabat, ab eo qui rem capiebat mancipio, remancipandi fidem stipulabatur : eaque mancipatio ad aliarum mancipationum differentiam fiducia dicebatur. Idque omnium optime nos docuit Boëtius, hunc explicans Ciceronis locum in Topicis ; *Si tutor fidem præstare debet, si socius, si cui mandaris, si qui fiduciam acceperit, debet etiam procurator.* Ad hunc enim locum sic scribit Boëtius ; *Fiduciam vero accipit cuicunque res ali-*
qua

qua mancipatur, ut eam mancipanti remancipet: veluti si quis tempus dubium timens, amico potentiori fundum mancipet, ut ei cum tempus quod suspectum est praterierit, reddat; hæc mancipatio fiduciaria nominatur idcirco, quod restituendi fides interponitur. Hanc fiduciæ à Boetio traditam definitionem mirum in modum confirmat Liuius de Philippo Macedonum rege lib. 32. differens. Cum enim Philippum de vrbibus Achaïæ sollicitum esse demonstrasset Liuius, hæc verba de Coryn-
tho subiecit: *Opimum ratus Nabidi eam Lacedæmoniorum tyranno velut fiduciariam dare, ut victori sibi restitueret, si quid aduersi accidisset, ipse haberet.* Omnis igitur mancipatio, cui certa quædam remancipandi eius quod mancipio datum est, interponitur fides, non mancipatio solum, sed fiduciaria mancipatio, & plerumque fiducia simpliciter appellabatur. Et in huiusmodi quidē fiducia contrahenda, hæc olim videntur in vfu fuisse verba solemnia; VTI NE PROPTER TE FIDEMVE TVAM CAPTVS FRAVDATVSVE SIM: quibus verbis is qui rem ita mancipio dat, ut eam velit aut sibi, aut amico remancipari, in effectu postulat, interpositam seruari fidem remancipationis, ne dolus qui in hoc iudicium venit, ipso iure vindicetur. Nec aliam ea quoque formula, qua postulantis decerni iudicium fiduciæ prudentes voluerunt, agnoscit interpretationem, his verbis concepta, VTI INTER BONOS BENE AGIER OPORTET ET SINE FRAVDATIONE; quantum intelligere ex Cicerone possum. Sic enim ad Trebatium scribit Cicero Epistol. famil. lib. 7. *Sed quonam modo ius ciuile† defendes, cum omnia tua causa facias non ciuium; ubi porro illa erit formula fiducia, VTI INTER BONOS BENE AGIER OPORTET? quis enim est bonus qui facit nihil, nisi sua causa?* Hæc Cicero, Trebatium
Epi

Epicureum factum esse, per Pansam intelligens. Et quia Epicurei omnia non ciuium, sed propria causa facerent, rogat idcirco Trebatium Cicero, qua ratione ipse Trebatius qui Iurisconsultus est, *formulam fidei tuebitur*, hoc est, interpositam fidem seruabit, si omnia sua causa fecerit, nihil ciuium. Eoque pertinet illud eiusdem Ciceronis pro Cecinna; *Qui per tutelam, aut societatem, aut rem mandatam, aut fiduciam rationem fraudauit quempiam, in eo quo delictum maius est, eo poena est tardior*. Quemadmodum igitur aliis bonae fidei iudiciis, *de fide mala*; sic iudicio fiduciae, *de fracta fide* solent veteres experiri. Idque pro Roscio Comædo docet eleganter idem Cicero, his verbis; *Si qua enim sunt priuata iudicia, summæ existimationis, & pene dicam, capitis, tria haec sunt, fiducia, tutela, societatis. Aequè enim perfidiosum & nepharium est fidem frangere, quae continet vitam, & pupillum fraudare, qui in tutelam peruenit, & socium fallere qui se in negotio coniunxit. Alieno nomine lege agere nemo poterat. capitulo 123. de regul. iur.* Hoc est, usitata legis actionum solemnia apud magistratus populi Rom. nemo alterius nomine poterat exercere. capitulo decimoquinto in fin. de adopt. Et idcirco per alium mancipare, per alium adire hereditatem, per alium manumittere, per alium adoptare, & sic deinceps, nemini fuisse liberum videtur. Hinc illa tandem aliquando visa est definitionem certam accepisse, ante annos aliquot inter Duarenum & alios agitata quaestio, an per procuratorem acquiri posset hereditas. Duareno enim id sedulo affirmante, contrariam sententiam defendunt eleganter hac potissimum ratione Iurisconsulti aliquot non incelebres, quod hereditatis aditio legis actio sit, *quodque alieno nomine lege agere nemo possit*. Et idcirco nec per tutorem, curatorem,

aut

aut procuratorem acquiri aiunt hæreditatem potuisse, idque sibi Paulum voluisse, capitulo nonagesimo de acquirend. hæred. Videamus an non vtraque defendi sententia possit. Duarenus per procuratorem ait acquiri hæreditatem posse, id negant alij. Vtrumque tamen verissimum est, sed diuersa ratione. Potest enim acquiri & adiri hæreditas per procuratorem interposita fiducia; quæ hæreditas sine fiducia nec acquiri per procuratorem, nec etiam adiri potuit. Nam illud apud veteres observari solet, vt etiam si lege alieno nomine non liceret agere, id tamen fieri mancipatione quadam fiduciaria permetteretur. Finge enim me Romæ publicis negotiis grauiter occupatum in longinquo municipio quodam fundum vendidisse, quæso vt is fundus municipio detur, an mihi ad illud municipium relictis negotiis omnibus necessario excurrendum erit? Nequaquam. Medium enim excogitauerunt prudentes iuris quo fundum hunc emptori municipio per procuratorem des, eo nihil obstante quod nemo alieno nomine lege olim potuerat agere. Voluerunt enim hunc fundum procuratori per æs & libram municipio à venditore dari, adiecta remanicipationis expressa clausula; qua clausula tenebatur idem procurator fundum municipio sibi Romæ à venditore traditum in prouinciis emptori municipio dare. Vt ita non alieno sed suo potius nomine lege agere procurator ille videri possit, qui fiduciaria huiusmodi mancipatione & rei per venditorem mancipatæ dominus ex iure Quiritium & simul ad remancipandum venditori obstrictus erat. Morem hunc euidenter nos docet Cicero, sic ad Atticum† lib. 13. Epist. scribens; *Vestorius ad me scripsit, vt iuberem municipio dari seruo suo pro mea parte Hetorio cui-*

dam secundum Brinnianum, ut ipse ei Puteolis rectè mancipio dare posset. Simili modo, si alicui Romano civi agenti Romæ adeunda in provinciis esset hæreditas, huiusmodi civi adeundæ hæreditatis gratia in provincias excurrendi nulla prorsus necessitas incumbat, sed eam adibat per procuratorem interposita fiducia. Dabat enim hæreditatem illam procuratori mancipio, sub hac remancipationis clausa, ut eam in provinciis suo nomine proprio adiret procurator, aditâque eidem illi remanciparet, à quo hæreditatem illam mancipio traditam acceperat. Idque etiam sibi visus est idem Cicero voluisse, sic in eodem ad Atticum lib. 13. scribens; ex eo cognovi cretionem Cluuij (ô Vestorium negligentem) liberam, testibus presentibus sexaginta duobus; metuebam ne ille arcessendus esset; nunc mittendum ut meo iussu cernat. Et paulo post: Idem Pollex remittendus est ut ille cernat. Et ita quidem solo mancipationis fiduciariæ medio adiri per procuratorem hæreditas poterat, quæ alia ratione nulla eo solo nomine per procuratorem non adibatur aut acquirebatur, quod lege agere alieno nomine liberum non esset. Est & illud sciendum, solere creditoribus de indemnitatibus pignore aut fiducia consuli. pignore quidem, cum à debitore res aliqua custodienda creditori ad tempus traditur: fiducia verò, cum res aliqua creditori per æs & libram hac intentione mancipio datur, ut suo die exoluto rei debitæ pretio, eadem illa res debitori remancipetur. Idque illud est quod sic Isidorus scribit Etymol. lib. 5. Pignus est quod propter rem debitam obligatur, cuius rei possessionem solam ad tempus consequitur creditor; ceterum dominium penes debitorem est: Fiducia est cum res aliqua sumenda mutue pecunie gratia vel mancipatur, vel in iure ceditur. Hæc Isidorus, manifesto docens

docens fiduciarium creditorem non possessionem
 solum fiduciæ, sed dominium etiam Quiritarium;
 & creditorem contra pignoratitium non dominum,
 sed nudam pignoris possessionem habuisse. Nulla
 enim fiducia est sine mancipatione fiduciaria; quæ
 mancipatio transferendi dominij species est. Aliud
 igitur fiducia est, aliud item pignus. Et idcirco qui
 fiduciam pignus appellant, quod creditori manci-
 patur, videant hi an non rectius dixissent, rem eam
 quæ creditori à debitore mancipio datur, fiduciam
 esse non pignus; & eam rem cuius custodia, siue
 nuda possessio à debitore committitur creditori, pi-
 gnus appellari, non fiduciam, cap. 35. in fin. de pi-
 gnorat. actione. Pignus igitur fiducia non est vt nec
 fiducia pignus. Eoque sensu distinguit à fiducia pi-
 gnus Senten. lib. 2. Iulius Paulus titulo de lege com-
 missoria. Ex quo titulo satis etiam intelligi potest,
 pretio rei debitæ suo die non exoluto, fiduciam vi
 & potestate fiduciariæ mancipationis ad creditorem
 pleno dominij iure non pertinuisse, vt plerique pu-
 tant, sed distrahi à creditore sic consueuisse, vt di-
 stractis fiduciis de superfluo aduersus creditorem de-
 bitor actionem haberet: ea, nisi fallor, ratione qua
 & distrahi pignus, & si distrahi non posset, ad ac-
 quirendum pignoris dominium opus erat princi-
 pali rescripto, quemadmodum ex illo titulo Codicis
 constat; *De iure dominij impetrando*. Debitoribus enim
 in solutione cessantibus creditores qui pignus acce-
 perant, vt illud sibi iure dominij possent retinere,
 impetrare plerumque à principe solent. cap. 5. §. 2. de
 reb. cor. cap. 14. de pig. actio. cap. fi. C. si in causa iu-
 dicati. Et antequam impetraretur dominium pignoris so-
 lemnia quadam peragi necessum fuisse, testis est impera-
 tor Alexander cap. 1. C. de iure do. impet. De qui-

bus solemnibus quod proferam vix quicquam habeo. id tamen quod habeo, proferam. Animaduer-
 ri moris fuisse, ut creditor cessanti in solutione de-
 bitori solemniter testatòque denuntiaret tempus
 luendi pignoris esse præsens; proindèque si consul-
 tum sibi debitor vellet illud intra certum tempus,
 dies fortè decem aut duodecim lui curaret, aut hoc
 eo non faciente se pignus continuò proscripturum.
 Morem hunc expressè tradidit his verbis imperator
 Alexander; *Creditor hypothecas siue pignus cum proscri-*
bit, notum debitori facere debet, & sibi bona fide rem ge-
rere, & quando licet testato dicere debet. cap. 4. C. de dist.
 pig. Huiusmodi denuntiationibus etiam in fiduciis
 vfos fuisse veteres expressè demonstrat Iulius Pau-
 lus. Sic enim *de fiduciis* scribit Sentent. lib. 2. Tit. de
 lege commissoria; *Non solvente debitore creditor denun-*
tiare ei solemniter potest & distrahere. Et sanè, huiusmo-
 di denuntiationem in distractionibus pignorum
 fuisse necessariam, testatus est quoque Scæuola, cum
 ita scriberet; *Fundum à testatore obligatum luere noluit,*
sed eum vendente creditore mandauit redimendum Seia.
 capitulo septuagesimo octauo §. 5. ad Senatuscon-
 sultum Trebellian. Nihil enim his verbis aliud sibi
 voluit Scæuola, quam hæredem Titiam, an fundum
 pignori à testatore obligatum luere vellet, solemniter
 interrogatam, respondisse nolle se luere, & sta-
 tim fundum hoc accepto responso creditorem pro-
 scripsisse. eaque proscriptione certum exprimi tem-
 pus solet quo pignoris alienatio esset futura. Cicer.
 ad Attic. libro decimosexto. *Iste locare incipit neque*
proscripta neque edicta die. Plinius Epist. libro septimo
Miraris quod Hermes libertus meus hereditarios agros,
quos ego iusseram proscribi non expectata auctione ex septin-
gentis millibus Corellie addixerit. Et cum adesset dies
 pro

proscripta, tunc obseruari inter alia solet vt pignus instituta auctione non priuatim, sed publice, &, vt Diocletianus ait, solemniter diuenderetur, & in diem addiceretur, omnisque adiectio reciperetur. capite secundo C. si in caus. iudicati. cap. 10. D. de in diem additione. Sique emptorem pignoris creditor peractis denuntiationis, proscriptio- nis, venditionisque solemnibus non inueniret, de- siderare solet permitti sibi iure dominij illud possi- dere, cap. 59. in prin. ad SC. Trebel. nimirum libello principi oblato. dominium enim pignoris libello à principe postulandum esse, præter Tryphoninum satis etiam demonstrat imperator Gordianus, his verbis; *Post formam rescripti.* cap. 2. C. de iure dom. impet. cap. 63. in fine, de acqui. rer. dom. Quemad- modum enim libelli ab iis porrigi dicuntur, qui quid à principe desiderant, sic quoque rescribere princeps dicitur, se postulantium votis accommodans. cap. 41. §. 5. de legat. 1. capit. 19. §. 9. locati. Nec aliter creditori dominium pignoris princeps concedere solet, quam adiecta luitionis legitimi temporis expressa clausula. d. capit. 63. legitimumque luitionis tem- pus vsque ad anni spatium extendi consueuisse testis est Iustinianus, capitulo tertio in princip. de iure dom. impet. Et sic quidem satis esse perspicuum puto, pignus pretio debitæ pecuniæ suo die non exoluto, solemnī denuntiatione proscribi, proscri- ptumque vendi, & si vendi non posset, eius domi- nium impetrari à principe debuisse. Idque pari ra- tione in fiduciis seruari arbitror consueuisse, ad ple- num eius dominium acquirendum, fidemque re- mancipationis extinguendam: Eo nihil obstante quod sic pro L. Flacco Cicero scribit: *Pecuniam ado- +*
lescentulo grandi fœnore; fiducia tamen accepta, occupasti;
hanc

hanc fiduciam commissam tibi tenes hodie & possides. In hoc enim loco Decianum vehementer reprehendit Cic. quod grandi scœnore accepta fiducia pecuniam adolescentulo crediderit; quodque hanc fiduciam *commissam sibi*, hoc est suæ fidei concreditam, tamdiu contra ius & æquum tenuerit, ac possederit, cum potius die solutionis debitore non satisfaciente, proscribere eam ac distrahere debuisset, & id quod residuum erat adolescentulo restituere. Ad fiduciam referri etiam solet emancipatio. Ea enim, quantum ex Caio colligere possum, ad hunc modum fieri solebat; *Pater naturalis amico filium sic interposita fiducia mancipio dabat per as & libram*, ut amicus ille eundem sibi mancipatum filium manumitteret, eaque mancipatio secundo & tertio fieret. Et cum tertio mancipatus erat filius à patre naturali fiduciario patri, hoc tunc agere naturalis pater debebat, ut ei à fiduciario patre filius iure fiduciæ remanciparetur, & remancipatus non à fiduciario, sed à naturali patre manumitteretur: ne si fortè filius ille moreretur, ei fiduciarius pater, sed naturalis succederet. Idque illud est quod sic Marcellus scribit: *Patri eius qui in emancipatione ipse manumissor extitisset, contra tabulas testamenti dandam bonorum possessionem partis debita placet.* capite 29. §. 3. de testament. milit. dicebaturque emptor ille adumbratus fiduciarius pater in huiusmodi emancipatione, quia filium quem ille acceperat à naturali patre mancipio, bis manumittere, & ter remancipare eidem patri naturali, iure fiduciæ etiam inuitus cogebatur. Idque adeo verum est, ut ob solam remancipationis fidem avus & pater nepotem filiumve emancipantes dicerentur contrahere fiduciam. Sic enim scribit Vlpianus; *Sed neque avus, neque proavus in Tertylliano matri nocent,*
quamvis

quamuis fiduciam contraxerint. cap. 2. §. 12. ad SC. Tertull. Sensus enim est auum & proauum matri in hoc Senatusconsulto non nocere, quamuis nepotem contracta cum adumbrato quodam patre remanicipationis fiducia ipsi manumiserint, & per hoc videantur debere succedere, ac matri præferri. *Nam si remanipatum sibi nepotem auus manumitteret*, hoc est, ut Vlpianus loquitur, *si auus fiduciam contraheret*, ipse nepoti suo in hereditate succedebat, auctore Caio Instit. lib. priore. tit. 6. & Iustiniano §. vltim. de leg. agnat. success. Hæc cum ita se habeant, videndum nunc est quem appellauerint Iurisconsulti tutorem fiduciarium. Vlpianus auctor est, *si parens filium impuberem emancipauerit, eum vicem legitimi tutoris sustinere.* cap. 3. in fin. de legit. tut. Addiditque Modestinus *parente defuncto, si liberi perfectæ ætatis existant, eos fratris vel sororis tutores effici fiduciarios.* cap. 4. d. tit. Hoc inde, ni fallor, quod omnis emancipatio fiduciaria sit. *Pater impuberis filij emancipati fiduciarius tutor est*, auctore in fragment. Vlpiano tit. 11. & per hoc vicem tutoris legitimi sustinet. Patre mortuo filius legitimæ ætatis sui fratris impuberis aut sororis fiduciarius etiam tutor est, non legitimus. Propter fiduciam enim factus est pater, tutor. Ergo causa tutelæ est fiduciaria. Eadem causa patre mortuo ad filium transit. Igitur si causa tutelæ fiduciaria sit, ipsam quoque tutelam fiduciarium esse, & tutorem fiduciarium huiusmodi filium cum patre appellari, quis est quæso qui non intelligat? Et hæc de fiducia. Sunt & aliæ legis actiones Iurisconsultorum etiam ingeniis excogitatæ; cuius generis sunt in iure cessio, adoptio, manumissio, hæreditatis aditio, cretio, vsurpatio. De in iure cessione & mancipatione, accuratè differuimus libro singulari ad leges duode-

cim tabularum, & inter legis actiones refert expressè Boëtius in iure cessionem. Videamus nunc de adoptione.

C A P V T VI.

De adoptionibus.

AD OPTIONEM legis actionem esse testis evidentissimus est Vlpianus. Ait enim; *Adoptare quis apud iuridicum potest, quia data est ei legis actio;* cap. 1. de off. iuridici. *Apud legatum proconsulis adoptare nemo potest; omnino enim non est apud eum legis actio.* cap. 3. de offic. proconsul. Et sanè adoptionem esse legis actionem præter Vlpianum demonstrant liquido Gordianus, Gellius & Modestinus, cap. 1. C. de adopt. cap. 4. ff. de adopt. *Duobus modis fiebat adoptio, inquit Caius, aut principis auctoritate, aut magistratus imperio.* Principis auctoritate adoptabantur hi, qui sui iuris erant: eaque species adoptionis *arrogatio* dicebatur imperio magistratus, qui erant in potestate, cap. 2. de adopt. Vlpianus auctor est in frag. tit. 8. aut per populum aut per prætorem, vel præsidem adoptiones suis temporibus fieri consuevisse. Qua de causa mirum videri potest, cur Caius principali auctoritate eas dicat adoptiones fieri, quas per populum Romanum etiam Antonini tempore factas fuisse contendit expressè Vlpianus. Ait enim, pupillos qui antea non poterant arrogari, tandem ex constitutione Diui Antonini per populum Romanum arrogari potuisse. Imò ipse Caius per populum suis temporibus fieri arrogationes consuevisse, testatus est euidenter Iustit. lib. 2. tit. 3. sic enim scribit; *Si quis post factum testamentum adoptauerit apud populum illum qui sui iuris est, hoc est, qui patrem non*
habet;

habet; aut apud prætorē illū adoptaverit qui in potestate est; quasi ei filius natus sit, ita eius rumpitur testamentum. Ecce per populū & auctoritate principali arrogationes fieri consuevisse, testis est vnus idemque Caius. An hæc quæso contraria sunt? Nequaquam, per populum enim & auctoritate principis arrogare eadem omnino in effectu sunt. Leges per populum ferebantur, auctore tamen senatu. Gellius etiam auctor est, olim per populum solere arrogationes fieri *arbitris pontificibus*, hoc est, auctoribus pontificibus. Quemadmodum igitur ante legem regiam per pontifices non fiebant arrogationes, sed arbitris pontificibus per populum; sic post eam legem latam non quidem per principem, sed auctore Principe, qui summus pontifex erat, *per populum*, hoc est (vt idem Gellius definit) per rogationem populi arrogari solet. Idem igitur apud Caium est in effectu auctoritate principis, quod apud Vlpianum per populū arrogare. Et vt nihil antiquitatis ignoretur, sciendum est eam fuisse antiquissimam per populum arrogandi rationem quam ad hūc fere modum describunt Caius cap. 2. de adopt. Cicero in ea oratione quam ad pontifices habuit pro domo sua, & Gellius lib. 5. cap. 19. Comitibus arbitris pontificibus præbebantur, quæ curiata appellabantur, & habita de adoptionis causa, ætateque eius qui arrogare volebat apud pontifices sedula quadam inquisitione, iusiurandum tandem à pontifice maximo concipiebatur, quo in arrogando iurabatur nullam calumniā, fraudem nullam, nullumque dolum malum adhiberi. Eoque præstito iureiurando is qui adoptabat, interrogabatur an vellet eum quem adoptaturus esset, iustum sibi filium esse; & is qui adoptabatur, etiam interrogabatur, an auctor fieret, hoc est, an id fieri pate-

retur. Sique fieret auctor, tunc his solemnibus verbis de arrogatione interrogabatur populus; VELITIS IVBEATIS QVIRITES, VTI L. VALERIUS L. TITIO TAM IVRE LEGEQVE FILIUS SIBI FIAT QVAM SI EX EO PATRE MATREQVE FAMILIAS EIVS NATVS ESSET; VTIQVE EI VITÆ NECISQVE IN EVM POTESTAS SIET VTI PARIENDO FILIO EST; HÆC ITA VT DIXI, ITA VOS QVIRITES ROGO. Illud etiam constat longo tempore post Regiā legem latam lege curiata apud pontifices factas per populum arrogationes fuisse. Sic enim lib. 17. scribit Tacitus; *Igitur Galba apprehensa Pisonis manu, in hunc modum locutus fertur; Si te priuatus lege curiata apud pontifices, ut moris est, adoptarem, & mihi egregium erat tunc Pompeij, & M. Crassi sobolem in penates meos ascrivere, & tibi insigne Sulpitia ac Lucretia decora nobilitati tue adiecisse. Deque huiusmodi lege curiata sentit idem Tacitus sic lib. 12. scribens; Rogataque lex qua in familiā Claudiam & nomen Neronis transfiret. Et paulo post: Sperni quippe adoptionem, quamque censuerint patres, iusserit populus intra penates abrogari. Nec de alia lege quam de lege curiata arbitror sensisse Flavianum Vopiscum sic in Aureliano scribentem; Iube igitur ut lege agatur, sitque Aurelianus heres sacrorum nominis, & bonorum, totiusque iuris. Et hæc quidem adeo vera esse arbitror, ut non alio sensu per populum fieri arrogationem mihi persuadeam Vlpianum scripisse, in dict. tit. 8. Quod igitur Caius ait auctoritate principis arrogationes fieri, hoc sic esse intelligendum videtur quasi conderit Caius imperatorem arrogationibus auctoritatem suam accommodare etiam consuevisse, partim quidem tanquam principem, & per hoc imperio ac potestate patriciis omnibusque potestatibus aliis maiorem; partim vero ut pontificem maximum, hoc est,*

est, tanquam supremum omnium pontificum caput. Siquidem *arbitris pontificibus*, auctore Gellio, siue, vt Tacitus ait, *apud pontifices leges curiata, censentibus patribus, arrogationum solemnia peragebantur*. Idque illud est quod sic in ea quam ad pontifices habuit oratione pro domo sua Cic. scribit; *Quid est pontifices ius adoptionis? Nempe vt is adoptet, qui neque procreare iam liberos possit, & cum potuerit, sit expertus; quæ deinde causa cuique sit adoptionis, quæ ratio generum ac dignitatis, quæ sacrorum, quæri à pontificum collegio solet*. Hæc Cicero, satis his verbis indicans quid per arbitrium pontificum intelligi voluerit Gellius, & cur auctoritate principis, qui summus pontifex erat, fieri tandè arrogatio cœperit. Et sic quidem Vlpiani, Caij, aliorumq; similiū Iurisperitorū temporibus apud principem lege curiata fieri per populū videntur arrogationes consueuisse, quæ ante Regiam legem calcatis comitiis per populū sine aliqua principis auctoritate iure publico peragebantur. Illud etiam addendum est, arrogationes fieri duobus modis apud Principem consueuisse; nimirū aut lege curiata, aut lege Regia. Lege curiata, præsentē vti demonstratum est, conuocatoq; populo: lege Regia per rescriptū, sine præsentia populi. Idque ex eo patet euidentissime quod *femina, quas lege curiata arrogari potuisse negat* Gellius, Regia lege recte per principis rescriptū arrogarentur. cap. 21. de adopt. Ea; per populū auctoritate principis arrogandi ratio posteriorū Imperatorum seculo sensim abiit in desuetudinem, adeo quidē vt cōtenderit expressè Dioclet. *suis tēporibus arrogationē ex indulgētia principali factā, & apud prætorem vel præsidē intimatam, perinde valuisse atque si per populū iure antiquo facta fuisset*, c. 2. in fi. C. de adopt. Hæc hætenus de priore illa adoptionis specie, quæ per populū auctoritate principis fiebat.

Restat

Restat nunc altera species, quæ etiam legis actio erat, eiusque nomen habebat, ac peragi sine magistratus imperio non potuit, de qua sentit Suetonius sic de Augusto scribens; *Caium & Lucium adoptavit domi per as & libram emptos à patre Agrippa*. Et huiusmodi quidem adoptio sic fieri solet, ut quis vel in filij locum, vel in locum nepotis semper adoptaretur. In filij locum tribus mancipationibus, & duabus manumissionibus: in locum nepotis, unica mancipatione, auctore Iustiniano. cap. ult. C. de adopt. Illud apud veteres dubitatum fuit, an filii familias à patribus naturalibus in adoptionem dati habeant contra naturalium patrum testamenta de inofficioso actionem, tanquam iniuste præteriti. Et habere quidem eos huiusmodi actionem negabat Papinianus, Paulus sine effectu eam actionem derelinquebat, & Martianus denique distinguebat; ut est apud Iustinianum, cap. 10. in princip. C. de adopt. Distinctionem Martiani hanc suspicor fuisse, ut aut de eo quaereretur filio familias, qui mancipationibus tribus in locum filij; aut de eo qui unica duntaxat mancipatione in nepotis locum adoptabatur. Si de eo qui tribus mancipationibus adoptabatur; certum est hunc filium familias in patris adoptivi familiam sic transire, ut sacrorum, nominis, bonorumque eius heres fiat: ac proinde tuto potuerit à naturali patre præteriri. Est enim civili quadam consideratione patri suo naturali tanquam extraneus; cum & familiam mutaverit & nomen paternum deseruerit, alteriusque familiarum nomen ferat. Idque Valerius evidentissime visus est demonstrasse de filio M. Anci Carseolani disserens lib. 7. Ait enim *hunc filium à Suffenate avunculo suo adoptatum testamentum naturalis patris quo præteritus erat apud centumviros rescidisse; & si aliquantulum adiuvaret*

here

heredes institutos, quod filius in Suffenatis familiam ac sacra transferat. Si de eo quaestio esset, qui vnica solum mancipatione datus erat in adoptionem, tunc etiam ex Martiani & Proculi contra Sabinum sententia huiusmodi distinctioni locus fuisse videri potest, vt si filiusfamilias simpliciter in nepotis locum esset adoptatus, tanquam L. Titij hominis extranei filius, hoc casu iura naturalis patris non possent omnino extincta videri. Nam auum habere potuit adoptiuū tanquam nepos adoptiuus huiusmodi filiusfamilias, & tanquam filius naturalis naturalem patrem. Ea-que res efficit vt actioni de inofficioso in huiusmodi specie locus fuisse videri possit. Aliud erat si sic in nepotis locum filiusfamilias adoptaretur, vt ille iure legeque nepos fieret aui adoptiui, quasi ex Lucio, non quidem extraneo homine, sed eiusdem aui filio matreque familiās eius natus esset. Tunc enim auū nanciscitur adoptiuum huiusmodi filiusfamilias, & simul etiam adoptiuum nanciscitur patrem Qua sola de causa aduersus naturalis patris testamentum nulla videtur olim huiusmodi adoptiuo nepoti de inofficioso actio fuisse ex Proculeianorum sententia. Et hanc quidem in nepotis locum adoptandi diuersam rationem ex solo Proculo mihi primus videor animaduertisse, cap. 43. de adopt. Eamque arbitror coniecturis (nihil enim in mediū præter coniecturas huc adfero) omnino verisimilius constare. Et idcirco quod apud Iustinian. *de adoptiuis legimus qui ex Sabiniano Scto ex tribus maribus fuerant ab extraneo adoptati*, hoc sic esse emendandum censeo, vt pro, *Ex Sabiniano. S. C.* legendum videri possit. Ex Sabinianorū sententia; quasi ita scriptum ab initio fuerit, *Ex Sabiniano. Sen.* Simili modo pro *Ex tribus maribus*, reponendum hoc in loco esse, *Tribus mancipationibus;*

nibus; errorémque ex huiusmodi notis TRIB. MA. esse creatū suspicari licet. Sic igitur emendandus est hic Iust. locus. Quæ autē de aliis adoptiuis diximus, hæc sancimus etiam de iis qui ex Sabinianorū sententia tribus mācipationibus fuerāt adoptati, nulla penitus differentia inter alios adoptiuos & eos introducenda. Quæ enim in filio diximus, &c. Sabiniani nullam videntur inter eos differentiam fecisse qui in locum filij, & eos qui nepotis locum adoptabantur, hoc est, inter eos qui tribus mancipationibus, & eos qui vnica mancipatione in adoptionem dabantur, quemadmodum indicat Vlp. ad Sabin. lib. 26. c. 22. in fin. de adopt. Hæc Sabinianorum sententiam visus est hoc in loco Iustinia. secutus esse, & idcirco rectius apud eum legi posse, *Ex Sabinianorum sententia*, quam, *Ex Sabiniano Scto*; habito videlicet Proculeianorum respectu, quorum sententiā retulimus modo, Sabinian. traditionibus omnino contrariam. Nunc de manumissionibus videamus.

CAPVT VII.

De Manumissionibus.

INTER legis actiones numeratur etiam manumissio. Sic enim scribit Senten. lib. 2. tit. 25. Iulius Paulus, *Apud magistratus municipales si habeant legis actionem, emancipari & manumitti potest.* Et cum scriberet Martianus apud legatum proconsulis *neminem manumittere posse, quia non habet iurisdictionem talē*; hæc verba ex Vlpiano adiiciebantur: *nec adoptare: omnino enim non est apud eum legis actio.* cap. 2. & 3. de off. proconsul. Est igitur manumissio legis actio. Idque de ea duntaxat accipiendum est manumissione quæ vindicta fiebat; reliqui enim seruorum manumittendorum modi legis actionis non sunt. Et sunt quidem manumissionum

missionum species duæ; vna enim iusta, altera Latina libertas in seruum cōferebatur. Iusta quidem tribus modis; Latina vero etiam tribus diuersis modis: iusta quidem vindicta, testamento, censu; Latina verò, inter amicos, conuiuij adhibitione, & per epistolam. Deque iusta libertate sentire videtur Cicero, sic in Topicis scribens; *Si neque censu, neque vindicta, neque testamento liber factus est, non est ergo liber: videlicet iure Quiritium.* Nam sic pro Cecinna scribit idem Cicero; *Qui enim potest iure Quiritium liber esse qui in numero Quiritium non est: Qui autem Latinam consequutus erat libertatem, quo minus & iustam consequi posset, ut puta iterum vindicta manumissus à domino, nihil quicquam auctore Caio impediēbat.* Idque illud est quod sic Tacitus scribit Annalium lib. 13. *Quin & manumittendi duas species instituit ut relinqueretur pœnitentiæ aut nouo beneficio locus; quos vindicta patronus non liberauerit, veluti vinculo seruitutis attineri.* Hæc Tacitus, aliud nihil sibi volens, quam duas esse institutas manumissionum species; vnam qua iusta, alteram qua Latina libertas in seruum conferebatur: easque species duas idcirco sic esse institutas, ut aut pœnitentiæ, aut nouo beneficio relinqueretur locus: pœnitentiæ quidem, seruum Latina libertate donatum in ea libertate velut vinculo quodā seruitutis perpetuo retinendo, beneficio vero noto, eundem seruum vindicta iterum manumittendo, ut ille hoc medio deposita Latina iustam adsumeret libertatem. Hinc etiam intelligimus, quid sibi Lablenus voluerit cum ita scriberet; *Seruum furiosum omni genere manumissum ad libertatē perducī posse putat Labeo.* cap. vlt. D. de manumiss. Sensus enim est seruum prius inter amicos, per mensam, aut per epistolam, deinde vindicta, censu, aut testamēto manumissum, etiam

etiam si furiosus esset, iustam acquirere libertatem. Deque hac duplici manumissionis specie scribit sic etiam Seneca in lib. de vita beata; *Hominibus prodesse natura iubet, serui liberine sint hi, ingenui an libertini, iusta libertatis an inter amicos data, quid refert; ubicunque homo est, ibi beneficio locus.* Cæterum his duabus antiquissimis manumissionum speciebus addidit & tertium diuus Augustus, qua non iusta, non Latina, sed dedititia quædam libertas in seruum ita conferebatur; ut ei manumissio nulla vnquam iustæ libertatis adipiscendæ spes adfulgeret. Sic enim scripsit in Augusto Suetonius: *Hoc quoque adiecit, ne vinctus vnquam tortusue quis vlllo libertatis genere ciuitatem adipisceretur.* Per vinctum & tortum, haud dubie eum intelligens seruū manumissum, quem Caius & Vlpianus dedititium appellant. His ita expositis, nunc singuli nobis explicandi sunt manumittendi modi. Diximus acquiri iustam libertatē aut vindicta, aut censu, aut denique testamento. De vindicta dicendū est primo loco. Scripsimus variorum lib. 4. cap. 9. sic apud veteres manumissionem fieri vindicta consueuisse: dominus apud Prætorē vel Consulem Romæ & in provinciis apud Præsidem aut Proconsulem serui quem vindicta manumitti volebat, caput aut aliud membrum tenens hæc verba solemnia pronūtiabat, *HVNC HOMINEM LIBERVM ESSE VOLO.* & emittebat eum è manu. Obseruari etiam solet ut à dominis verterentur & circumagerentur apud Prætorem serui manumittendi, eumque morem tradidit expressè Perſius Saturn. 5. Ait enim:

Heu steriles veri, quibus vna Quiritem

Vertigo facit.

Et paulò post:

Verterit hunc dominus momento turbis exit

Marcus

Marcus Dama.

Meminit huius moris etiam in ea declamatione Quintilianus, cui titulus est; *Ancilla in archipirata nuptias missa.* Sic enim scribit; *An vero minus in hoc putamus esse momentum si vindicta ferires, & circumuertes mancipium, aut si una voce liberum esse iusseris, quam si habitum dederis, stolam dederis?* His ita peractis tandem Prætor vindicta serui qui manumittendus erat capiti imposita, hac vti solebat formula, AIO TE LIBERVM MORE QVIRITIVM. Illud nunc etiam admonendi sumus, non aliter vindicta apud Romanos magistratus olim manumitti seruos potuisse, quam audita prius cognitaque manumissionis iusta causa. Qui enim seruum vindicta manumittere volebat, causam cur eum vellet manumitti exprimere debebat, etiam si dominus maior esset annis viginti. Idque Donatus expresse testatus est in Terent. *Adscribi, inquit, causas manumissionis in iure formula est.* cui etiam consentaneum est illud pro Milone Asconij Pediani; *Verba pauca Q. Hortensius dixit, quæ sunt, liberos esse eos, qui pro seruis postularentur; nam post recentem eadem manumiserat eos Milo sub hoc titulo, quod caput suum vlti essent.* Hæc Asconius, per titulum causam intelligens. Quo sensu titulum accepit etiam Liuius lib. 45. cum ita scriberet; *Quem tandem titulum nostra calamitas habitura est si pericuri sumus?* Sic & Ambrosius in Ser. 90. *Et quia erant nobiles, inquit, titulum eis Christianitatis opposuit.* Hoc est, Christianitatis titulo eos accusauit. Ad huiusmodi causæ apud Prætorem in manumissionibus cognitionem arbitror Martianum respexisse, cum ita scriberet; *Iusta causa manumissionis est, si periculo vita infamiaue dominum seruus liberauerit.* cap. 9. de ma. vind. In hoc enim loco de iis differens, qui vindicta manumittere volebant, id causam appellat

Marcianus quod titulum Ambrosius, Asconius, & Liuius vocant. Inter alias manumissionis causas iustas hæc quoque numeratur, si in hoc manumittatur seruus ut domini manumittentis procurator fiat, c. 43. d. tit. Et quia causæ manumissionum tituli ab Asconio & tituli ab eodem nomina etiam dicuntur, videor mihi nunc prorsus intelligere, quid de hac antiquæ inscriptionis cuiusdam particula iudicandum sit; PERSICVS LIBERTVS MANVMISSVS AT CONSILIVM PROCVRATORIO NOMINE APVD DOMITIANVM CÆSAREM IN SECVN. COS. EXERCVIT DECVRIAS DVAS. Nimirum de eo liberto hanc inscriptionem intelligi, qui in hoc manumissus est, ut procurator domini manumittentis fieret. *Nomen, enim, titulus, & causa manumissionis eadem omnino esse videntur. Ut apud Modestinum, Neminem molestari volo nomine debiti, cap. 20. de lib. leg. Id est titulo, siue causa debiti. Saluianus de prouid. Dei lib. 5. Qui fiscalis debiti titulos faciunt questus esse priuatos. Ut testamento manumissi liberi fiant, lex inquit, Vlpianus, duodecim tabularum facit. Auctor est idem Vlpianus dari testamento libertatem duobus modis; aut directo, aut per fideicommissum. Directo in hunc modum, STICHVS SERVVS MEVS LIBER ESTO, LIBER SIT, LIBERVMSSE STICHVM VOLO; vel sic STICHO SERVO MEO PILEVM DO. Per fideicommissum, ut puta ROGO FIDEI COMMITTO HEREDIS MEI VT STICHVM SERVVM MANVMITTAT. Seruus directo manumissus, Horeinus libertus, & manumissus per fideicommissum libertus heredis efficitur. Testator qui fidei heredis committit, ut servum manumittat, servum ab herede manumittere dicitur. Idque tradidit expresse in ea declamatione Quintilianus, cui titulus est, *Ania testis*. Sic enim scribit; *Qui te filio*
*substi**

substituit, hunc etiam à filio manumisit; quod tibi dedit, nulli abstulit; quod huic, etiam filio subduxit. Hæc Quintilianus, testatorem à suo filio manumisisse seruum co plane sensu scribens, quo diceremus filium per sui patris fideicommissum seruum manumisisse. Eadem ratione dixerunt etiam veteres legare ab aliquo; vt apud Ciceronem ad Atticum lib. 13. *Cluuium autem à T. Hordeonio legare & Terentia HS. 1000. & sepulchro multisque rebus, nihil à nobis. Censu manumittebantur olim, inquit Vlpian. qui lustrali censu Roma iussu dominorum inter ciues Romanos censum profitebantur.* Siue, vt Boetius definit, *qui consentiente vel iubente domino nomen deferbant in censum.* Theophilus censum interpretatus est *tabulam aut chartam, in qua Romani facultates suas conscribebant, vt belli tempore pro modo patrimonij quisque conferret. Existimâtque eum censu manumitti seruum, qui in huiusmodi tabula se iussu domini liberum scribebat.* Hæc Theophili definitio mihi non probatur, tum quod ea cum antiqua profitendi census ratione nihil quicquam commune habeat: tum etiam quod serui manu propria se liberos esse *in censu*, hoc est in tabula censuali scribere non soleant, siquidem huiusmodi tabulis scribendis scribæ & serui publici operam dabant. Moris erat vt *lustris singulis*, hoc est singulo quinquennio, singuli Romani ciues *censum profiterentur*, hoc est apud censores in campo Martio declararent quantum quisque in bonis haberet. Idque hac ratione fieri solebat, vt nomen eius qui censum profitebatur, imprimis deferretur *in censum*, hoc est in tabulis censualibus perscriberetur; deinde exprimerentur in eisdem tabulis eiusdem hominis facultates, quemadmodum ex Quinto Mutio Scauola probari potest. Ait enim, *Quæ quisque aliena*

in censum deducit, nihilo magis eius fiunt, capit. sexagesimo quarto de acquirend. rerum domin. Sensus enim est, si quis lustrò condito ita professus apud censores facultates suas fuerit, ut in iis res quoque alienas comprehenderit, earum rerum dominium huiusmodi professione vero domino non auferri. Professio hoc modo fiebat, *Ego L. Titius profiteor mihi relictum à patre HS. viginti.* Hæc professio sic scribebatur in censualibus tabulis; *Lustrò condito à P. Sempronio Sopho & P. Sulpitio Auerrione censoribus professus est L. Titius sibi à patre HS. viginti relictum esse.* Ad morem hunc profitendi census metaphoricòs allusisse videtur Apuleius, cum sic in Apologia prima scriberet; *Quod si hæc exempla nihili putas, ac me non ad causam agendam, verum ad censum differendum vocasti, ne quid tu rerum mearum nescias, si tamen nescis, profiteor mihi ac fratri meo relictum à patre HS. viginti.* Animaduerti in Romana republica professionum aliquot fuisse species diuersas. Profitebantur enim Romani censum eo quem nunc demonstrauimus modo; profitebantur etiam natiuitates infantium, erat & tertia professio euehendarum aduectarumque mercium. Auctor est Iulius Capitolinus *M. Antonium Philosophum liberales causas ita munuisse, ut primus iuberet Roma apud præfectos ararij Saturni unumquemque ciuium natos sibi liberos profiteri intra diem tricesimum nomine impositio: & per prouincias apud tabularios publicos illud idem de originibus fieri voluit Antoninus, quod Roma apud ararij præfectos obseruabatur.* Eaque professio ad eum fieri modum solet, quem sic in Apologia secunda describit Apuleius; *Pater eius natam sibi filiam more ceterorum professus est: tabule eius partim tabulario publico, partim domo adseruantur, quæ tibi ob os obiciuntur.* Porrige *Emiliano* tabulas istas, lignum consideret, signa quæ impressa sunt, recognoscat,

gnoscat, consules legat. annos computet, quos sexaginta mul-
 lieri assignabat, probet quinque & quinquaginta: Hæc
 Apuleius, manifesto docens eam apud veteres ser-
 uatam fuisse liberorum profitendorum rationem, ut
 pater natum sibi, filium filiamue apud ærarij præse-
 ctum Romæ profiteretur, nomenque professum in
 tabulas publicas redigeretur, & simul priuatæ quæ-
 dam tabulæ eodem tenore conscriberentur; quæ si-
 gnatæ patri custodiendæ tradebantur. Deque hu-
 iusmodi *tabulis priuatis* omnino scire visus est Dio-
 cletianus, cum ita scriberet; *Statum tuum natali pro-*
fessione perditæ, mutilatum non esse certi iuris est, capite
 6. C. de fide inst. Sensus enim est per hoc non mu-
 tilari alicuius statum; quod deperditæ sint tabulæ,
 quæ patri filij filiaue natiuitatem apud acta profi-
 tenti fuerant traditæ. Earum enim tenor repeti ex
 publicis tabulis poterat. Nec alio sensu *status & in-*
genuitatis instrumenta acceperunt iurisconsulti, cap.
 3. §. 4. De Carb. edict. cap. 2. §. 2. si inge. esse dicat.
 Marcianus auctor est, quouies quis *mancia inuecta*
professus non fuerit, sine venalia sine vsualia, poenam com-
missi esse, cap. 16. §. 2. de public. & vectigal. Et hæc
 est tertia illa professionis species quam hoc loco ex-
 plicare constitui. Deque huiusmodi professione ac-
 curatissime differuit in ea declamatione Quintilia-
 nus, cui titulus est, *Res furtina improfessa apud publi-*
canos. Aitque inter cetera Quintilianus, quod quis
professus non est apud publicanos, id pro commissio teneri.
 Nec de alia professione videtur sensisse Cicero, sic †
 libr. 16. Epist. fam. scribens: *Tu vero confice professio-*
nem si potes, & hac pecunia ex eo genere est ut professione non
egeat. Et hanc quidem rerum apud publicanos pro-
 fitendarum antiquam rationem describit eleganter
 aduersus Marcionem lib. 5. his verbis Tertullianus;

Quamobrem Pontice nauclere si nunquam furtivas merces vel illicitas in acatos tuas recepisti, si nullum onus auertisti, aut adulterasti, cautior utique & fidelior in Dei rebus, edas velim nobis quo symbolo susceperis Apostolum Paulum; quis illum tituli charactere percusserit, quis transmiserit tibi, quis imposuerit, ut possis eum constanter exponere, ne illius probetur qui omnia apostolatus eius instrumenta protulerit. Ipse se, inquit, apostolum est professus, & quidem non ab hominibus, nec per hominem, sed per Iesum Christum. Plane profiteri potest semetipsum quiuus. Verum professio eius alterius auctoritate conficitur, alius scribit, alius subscribit, alius obsignat, alius actis refert. Nemo sibi & professor & testis est. Haecenus Tertullianus expresse demonstrans eam fuisse mancipiorum apud publicanos profitendorum rationem, ut certis dominorum symbolis ea in acatos suas reciperent naucleri, receptaque non ante exponerent, quam apud publicanos eorum numerum ac dominos professi essent; & in profitendo hanc etiam seruatam fuisse rationem, ut numerus mancipiorum & domini nomen in acta referretur, simulque tabellæ scriberentur, subscriberentur, & obsignarentur, quibus eorum esse exolutum vectigal demonstraretur. Easque tabellas cautiones soluti vectigalis appellat Modestinus capite. 32. §. 1. de administrat. & peric. tut. Et hæc quidem hæcenus de tribus professionum speciebus, census, liberorum, rerum aduectarum. Nunc, ut eo vnde paululum digressus sum reuertar, satis esse perspicuum putato censu manumittere nihil esse aliud, quam nomen ciuis Romani imponere seruo. Serui enim nomen non habebant; census est nominis facultatumque professio: ideoque incensi esse serui solent, & per consequens dominus censu seruorum manumittens, aliud nihil videtur in effectu concedere seruo, quam omnem

omnem vsurpandi nominis Romani auctoritatem, vt nimirum ea auctoritate censum profiteri, & professione census inter ciues Romanos numerari seruus posset. Vt igitur serui omnes esse debebant incensi, sic contra nullus esse ciuis Romanus poterat, qui non profiteretur censum; & idcirco professione census quid mirum est permittente domino libertatem iustam acquiri seruo? Idque illud est quod sic de populo Romano pro Cecinna Cicero scribit; †

Quum autem incensum vendidit, hoc iudicat, cum is qui in seruitute iusta fuerit, censu liberetur, eum qui cum liber esset censeretur noluerit, ipsum sibi libertatem abiudicasse. Et hæc de iustis manumissionibus. Sunt & aliæ tres manumissionum species, quibus non iusta, sed latina libertas in seruos conferebatur; quorum vna inter amicos, altera conuiuij adhibitione, & tertia per epistolam fieri dicebatur. Valerius auctor est libro secundo, conuiuium olim solemne Romanos instituere solitos, illudque Charistiam appellasse, cui præter cognatos & affines nemo interponebatur, vt si qua inter necessarias personas querela esset orta, apud sacra mensa & inter hilaritatem animorum fautoribus concordie adhibitis, tolleretur. Inter huiusmodi aliasque hilaritates seruos plerumque aliquos manumitti consueuisse, testes sunt omnes fere comædiographi. Eosque seruos dici inter amicos manumitti satis esse arbitror verisimile. Conuiuij adhibitione siue per mensam tunc manumitti seruum existimat Theophilus cum libertatis danda gratia seruum conuiuij adhibebant. Quæ definitio non ita perspicua est, quin colligi ex ea facile possit, tunc dominum adhibere conuiuij suo seruum consueuisse, cum per mensam siue per huiusmodi adhibitionem conuiuij eum fieri liberum vellet. Quasi ipsa adhibitio conuiuij libertatem olim contulerit.

Sic enim hanc Theophili definitionem à nonnullis accipi nescius non sum, meo quidem iudicio non recte. Moris enim erat ut sedulum & fortem in operibus administrandis servum dominus mensæ suæ adhiberet die festo, etiam sine libertatis datione. Eumque morem tradidit de re rustica lib. 1. Columella his verbis; *Nonnunquam tamen quem assidue sedulum & fortem in operibus administrandis cognoverit, honoris causa mensa sua die festo dignetur adhibere.* Et idcirco eum per mensam aut adhibitione conuiuij rectius dici arbitror manumitti, qui die festo tanquam sedulus & frugi servus mensæ domini adhibitus inter coenandum aut prandendum à domino manumittitur. Nunc videndum est, qui iustam manumissione consecuti sunt libertatem, an non & tribum simul adipiscantur? Certum est ciues Romanos eos effici, & simul auctore Caio ciuium etiam Romanorum privilegia consequi. Per tribum intelligitur ius suffragij: quod ius nō in priuati alicuius hominis, non in senatus, non in magistratus, sed in solius populi, ac postea in principis erat potestate, utpote populi iure lege regia in principem translato. Quid ergo mirum, si dicamus ipsa manumissione libertis etiam iusta libertate donatis tribum, hoc est, ius suffragij non acquiri? Et sane ciuium Romanorum ea apud veteres seruari distinctio solet, ut alij ciuitatem haberent sine suffragio, alij ius suffragij vna cum ciuitate. Liuius lib. 8. *Fundanisque & Formianis, quod per fines eorum iuta pacataque semper fuisset via, ciuitas sine suffragio data.* Et paulo post; *Romani facti Acerrani lege ab L. Papyrio pretore lata, qua ciuitas sine suffragio data.* Et libro 9. *Anagninis, quique arma Romanis intulerant, ciuitas sine suffragij latione data.* Nomina eorum, quibus sine suffragio data erat ciuitas, in tabulam quandam certam ad eam rem destinatam;

stinatam; aliorum qui cum ciuitate ius etiam obtinuerant suffragij, in aliquam tribum referebantur. Idque ex Cicerone & Liuiο tam est manifestum, vt eo nihil certius, nihil euidentius quicquam possit desiniri. Sic enim scribit Cicero Epistolarum familiarium libro decimotertio: *Ei Dolabella rogatu meo ciuitatem à Cesare impetrauit; qua in re ego interfui: itaque nunc Publius Cornelius vocatur. Cumque propter quosdam sordidos homines qui Caesaris beneficia vendebant, tabulam in qua nomina ciuitate donatorum incisa essent, reuelli iussisset, eidem Dolabella me audiente Caesar dixit, nihil esse quod de Mega vereretur, beneficium suum in eo manere. Hoc te scire volui, vt eum in ciuium Romanorum numero haberes. Solent etiam nomina ciuitate & iure Quiritium donatorum in principis commentarium referri.* Sic enim Plinio scribit imperator Traianus; *is interim quibus nunc petisti, vt scias dedisse me ius Quiritium, referri in commentarios meos iussi; idem facturum in ceteris pro quibus petieris.* Et nomina eorum quibus ius esset suffragij datum in tribus referri consueuisse, testis est Liuius lib. 38. Sic enim scribit: *De Formianis, Fundanisque municipibus & Arpinatibus, C. Valerius Tappo tribunus plebis promulgauit, vt iis suffragij latio (nam ante sine suffragio habuerant ciuitatem) esset. Huic rogationi quatuor tribuni plebis, quia non ex auctoritate Senatus ferretur, cum intercederent, cōdicti populi esse, non senatus ius, suffragium quibus velit impartiri, destiterunt incepto. Rogatio perlata est, vt in Æmilia tribu Formiani & Fundani, in Cornelia Arpinates ferrent; atque in his tribubus tum primum ex Valerij plebiscito censi sunt.* Hæc Liuius. Ex quo loco satis intelligi potest per tribum recte suffragij lationem intelligi, & olim quidem populi solius, postea vero solius fuisse principis suffragium quibus vellet

impartiri. Hæc cum ita sint, nunc facile intelligimus, quid sibi voluerit Scæuola de patrono dislensens qui liberto statim tribum emi petierat ab herede suo, & insuper de commodis & principalibus libertatibus quædam adiungens, quas ex eadem tribu libertus fuisset consecutus, si tribus ei ab herede comparata fuisset, cap. 35. in princip. de legat. 3. Ostendit enim euidenter Scæuola nec tribum, hoc est, rationem suffragii; nec per consequens commoda tribus & principales libertates quæ plerumque ex cōgiariis constabant, ipsa manumissione libertos consequi, sed necessum esse tribum à libertis aut à patronis emi, ut huiusmodi commodorum liberti participes fierent. Idque illud etiam est, quod sic de Augusto scribit Suetonius; *Nec minore gravitate atque constantia cum proposito congiario multos manumissos incertosque civium numero comperisset, negavit accepturos quibus promissum non esset.* Sensus enim est, proposito ab Augusto congiario multos manumissos cum tribum non haberent, ea tamen audacia fuisse, ut inferrent sese numero civium in 35. tribus relatorum, idque resciscens Augustus, eos negavit accepturos quibus promissum non esset; hoc est, qui licet liberi essent & ciues Romani, tribum tamen non haberent. Sunt enim congiaria commoda tribuum. Obseruari etiam solet, ut servis simulatque manumissi essent demerentur capilli, & capiti caluo imponeretur pileus. Eiusque moris reddens rationem Nonius Marcellus sic scribit: *Qui liberi fiebant, ea causa calui erant, quod tempestatem servitutis videbantur effugere, ut naufragio liberati solent.* Plautus Amphitr. *Ut ego hodie raso capite caluus capiam pileum.* Livius lib. 24. *Posterior die servi ad pileum vocati, & carcere vincti, emissi.* Idem lib. 29. *Secutus Scipionem triumphantem est pileo capiti*

capiti imposito *Q. Terentius Culleo*, omnique deinde vita, ut dignum erat, libertatis auctorem coluit. Idem *Liuius* sic etiam lib. 34. scribit, *Præbuerunt speciem triumpho capitiibus rasis secuti, qui seruitutis exempli fuerant.* Et libro 40. *Polybius* eum regem indignum maiestate nominis tanti tradit pileatum capite raso obuiam ire legatis solitum, libertumque se populi Romani ferre, & ideo insignia ordinis eius gerere. *Seneca* *Epistol.* lib. 6. *Dicit nunc aliquis me vocare ad pileum seruos, & dominos de fastigio suo deiicere.* Addatur & vetus hæc ex *L. Cuspidij* testamento clausula; TAVRO QVI MVLTVM MECVM ET DIV LABORAVIT PILEVM DO ET TALENTA QVATVOR VT HONESTE VITAM DEGERE POSSIT. Hinc intelligimus quid sibi imperatores *Diocletianus* & *Maximinus* voluerunt, cum ira scriberent; *Directis verbis iure data libertate, non solum impositione pilei, sed & adita hereditate (si nulla iuris impediatur constitutio) liberti constituuntur* *orcini*, cap. 9. C. de testam. man. Moris enim erat ut omnes, siue à defuncto pileum accepissent, siue heredis liberti essent, in funere patroni ante lectum eius irent pileati. Eumque morem expressit euidenter *Liuius* libro 48. Ait enim *Quintum Terentium Culleonem* adeo *Cornelia* familia amicum fuisse, ut eum sicut ierat in triumpho, sic in funere quoque *P. Scipionis* ante lectum isse pileatum memoria proditum sit, & ad portam *Capenam* mulsum profectus funus dedisse. Eoque respexit omnino *Iustinianus* de seruis iis differens, qui inter alios libertos, testatoris vel heredis voluntate funus domini pileati antecedunt, cap. vnic. §. sed & qui. C. de Latin. libert. tollend. Eiusque pilei ea prorsus forma videtur fuisse quali in oris maritimis nostris hoc tempore vtuntur nautæ, quemadmodum ex *Bruti percussoris* *Cæsaris* numis

numismate quodam evidenter deprehendi. In eo enim numismate pileus inter pugiones duos medius est, manifesto demonstrans Cæsaris internecione pristinam patriæ libertatem restitutam videri.

CAPUT VIII.

De cretione.

INter legis actiones enumeratur etiam hereditatis aditio, cap. 77. de reg. iur. Eoque sensu legis actionem visus est Valerius accepisse lib. 7. sic de C. Calpurnio Pisone prætoris urbis scribēs; *Cum ad eum Terentius ex octo filiis quos in adolescentiam perduxerat ab uno in adoptionem dato exheredatum se querelam deulisset, bonorum adolescentis possessionem ei dedit, heredesque lege agere passus non est.* Sensus enim est Pisonem passum non esse heredes institutos hereditatem adire. Solerque aditio hereditatis aut cum cretione fieri, aut sine cretione. *Cretia*, inquit Ulpianus, *certorum dierum spatium erat quod dabatur instituto heredi ad deliberandum utrum expediret ei adire hereditatem necne: veluti*, TITIVS HERES ESTO, CERNITOQUE IN DIEBUS CENTVM PROXIMIS, QVIBVS SCIERIS POTERISQUE, NISI ITA CREVERIS EXHERES ESTO. Eoque arbitror respexisse diuum Ambrosium Epistolarum libro nono, cum ita scriberet; *Tanquam clausis ergo tabulis cernit hereditatem, non possidet, auctoritatem non habet lectionis.* Heres, inquit Varro, cum constituit se heredem esse, dicitur cernere, & cum id fecit, creuisse. Idque sic accipere conuenit, ut simul atque heredem se esse constituerit heres, cernere, & cum voluntatem illam præsentibus testibus declarauit, creuisse dicatur hereditatem. Solent enim, ut idem Varro de lingua Latina libro quinto scribit, *in cretione ad*

DE AVCTORITATE PRVDENT. 893
ne adhiberi testes, quibus presentibus hac solemnitas cretionis
verba proferebantur, CVM ME MEVIVS HEREDEM IN-
STITVERIT, EAM HEREDITATEM ADEO CERNO-
QUE. Quo sensu scrupulosam solemnitatem cretionum
penitus amputari imperatores Arcadius, Honorius, &
Theodosius decreuerunt, capite 17. C. de iure deliberan.
Nescio an & huc referri possit illud Ciceronis ad
Atticum libr. 13. Ex eo cognoui cretionem Clunij (ô Ve-
storium negligentem) liberam, testibus presentibus sexagen-
ta duobus. Illud interim certum est ad hanc cretionum
solemnitatem commodè referri posse, quod sic in ea
declamatione scribit Quintilianus, cui titulus est,
Equatio patrimonij. Quæ ratio relinquenda hereditatis
erit? quæ ratio testamentorum, cum is qui creuerit heredita-
tem, continuo non plus sit habiturus quam ceteri; & diui-
surus cum his qui non eundem honorem supremis defuncti
tabulis habuerunt? Eoque referes ex Gregoriani
Codicis lib. 13. hanc Antonini constitutionem: Si
in potestate patris fuisti cum hereditas Bassæ tibi obuenit,
eamque iussu patris creuisti, iure patriæ potestatis ei eam qua-
sisti. Cretio duplex erat, inquit Vlpianus, aut vulgaris
aut continua: Vulgaris, in qua adiiciuntur hæc verba; QVI-
BUS SCIERIS POTERISQUE: Continua, in qua non ad-
iiciuntur. Continuum cretionem opinor Cicero-
nem appellasse cretionem simplicem ad Attic. libr. 11.
his verbis: Galeonis hereditatem creui, puto enim cretio-
nem fuisse simplicem, quoniam ad me nulla missa. Hinc
deinde etiam factum est, ut per cretionem, omnem
omnino hereditatis aditionem intelligerent aucto-
res probati. Cicero ad Atticum libr. 6. Nunc credo eo
magis quod debet etiam fratris Appij amorem erga me,
cum reliqua hereditate creuisse: Liuius libr. 24. Cum clau-
sis Andronodorus insula portis hereditatem regni creuerit.
Et libr. 39. Vno, & spirante me hereditatem meam ambo
& spe

Et spe & cupiditate improba creuistis. Auctor incertus panegyrici Imp. Maximiano & Constantino dicti; Siquidem ipsum imperium hoc fore pulchrius indicabis, si id non hereditarium ex successione creuisses, sed virtutibus tuis debitum à summo imperatore meruisses.

CAPVT IX.

De usurpatione.

VSurpatis legis actio est, qua rei alicuius non quidem dominium sed ciuilis possessio apprehenditur, usu retinetur, & interdum recuperatur. Eaque fieri ad hunc modum solet, ut is qui ciuilem acquirere fundi possessionem volebat, aut acquisitam usu retinere, aut amissam recuperare, aduersario certum constitueret diem, quo in rem præsentem veniretur; & tunc præsentem aduersario comitantibus amicis, moribus in fundum ducebatur actor, indeque solemnibus verbis cedere aduersarium & vacuam relinquere possessionem iubens, furculumque defringens, de fundo rursus per amicos idem actor deducebatur. Hunc morem describunt euidenter Cicero & Venuleius. Cum enim fundum illum quæ sine vlla controuersia quadriennium Cesennia possederat, usu quidem & fructu Cesennia esse, suum autem esse dominio iactitaret Ebutius; ciuilis fundi huius possessionis usu retinendæ causa denuntiavit Ebutio Cecinnia heres Cesennia, quo die in rem præsentem veniendum esset, ut eum velut heredem & per consequens fundi dominum videret Ebutius de fundo moribus deduci. Verba Ciceronis hæc sunt pro Cecinna; *Placuit Cecinna de amicorum sententia constituere, quo die in rem præsentem veniretur, ut de fundo Cecinna moribus*

moribus deduceretur. Colloquuntur, dies ex vtriusque com-
 modo sumitur. Cecinna cum amicis ad diem venit in ca-
 stellum Apiam. Et paulo post : Cum Ebutius Cecinna ma-
 lum minaretur, ibi tum Cecinnam postulasse, vt moribus
 deductio fieret. Item alio loco : Est hac res posita, que ab
 aduersario non negatur; Cecinnam cum ad constitutam
 diem tempusque venisset vt ius & deductio moribus fieret,
 pulsus prohibitumque esse vi coactis hominibus & arma-
 tis. Et in huiusmodi quidem deductione, cedere
 ac vacuam relinquere possessionē olim aduersarium
 iuberi consueuisse, testis est Venuleius. Sic enim scri-
 bit; Species inducendi in possessionem alicuius rei est, pro-
 hibere ingredienti vim fieri; statim enim cedere aduersa-
 rium & vacuam relinquere possessionem iubet; quod multo
 plus est quam restituere; cap. 52. §. 2. De acquir. possi.
 Et hac ratione possessionem vsurpabat sibi verus
 dominus. Morem hunc vsurpandæ possessionis tam
 in apprehendenda & recuperanda, quam in posses-
 sione vsu retinenda olim obseruari solitum, ex qui-
 busdam prudentum responsis demonstrari euiden-
 ter potest. Ac de apprehendenda quidem posses-
 sione illud argumento est, quod Caius de herede scribit
 alicui vsufructum dare iussu. Ait enim Caius vsu-
 fructum heredem intelligi dare, si induxerit in fundum le-
 gatarium, eumue patiatu uti frui, capitulo tertio de
 vsufructu. In recuperanda possessione, hunc etiam
 seruari morē consueuisse, docet Modestinus, de ado-
 lescente differens qui interposito curatore fundum vendide-
 rat, ac postea agnita fraude restitutus in integrū erat. Ad-
 iecit enim Modestinus adolescentem hunc, praterquam
 quod esset in integrum restitutus, induci insuper in posses-
 sionem iussu fuisse, capitulo trigesimo secundo §. 4.
 De administ. tut. Nimirum vt huiusmodi inductione
 ciuilem recuperaret alienati fundi possessionem,

cuius,

cuius dominium restitutionis in integrum beneficio adolescens sibi redditum acquisierat. Ut sic dominium quidem, non autem civilis alicuius fundi possessio acquiri restitutione videatur consuevisse, & eiusdem fundi, non dominium, sed civilis possessio ad hoc ut acquireretur, moribus deductionem fieri necessum fuisse. Hanc quæ moribus fiebat deductionem ut credam usurpationem appellari facit
† Cicero, sic de Peripateticis & Academicis differens, de orat. lib. 3. *Etiam hac instituendo diuisione utuntur, sed ita ut non iure aut iudicio, ut denique recuperare amissam possessionem, sed ut ex iure civili surculo defringendo usurpare videantur.* Hæc Cicero, aliud nihil sibi volens metaphoricōs, quam id quod oratorum propriū est, Academicos ac Peripateticos aut iudicio aut aliquo interdicto, non tanquam amissum velle recuperare, sed vſu constanti retinere. Illud enim est hoc loco usurpare. Nimirum ab iis translatione sumpta qui metuentes ne quam pati debeant fundi controuersiam, moribus sic inducuntur in fundum, ut inducti surculum defringant, eoque defracto surculo civilem fundi possessionem retineant vſu. Deque solemnibus huiusmodi ex prædiis deductionibus arbitror eo libro Appium Claudium disseruisse, quem de usurpationibus scripsit; usurpationesque inter alias legis actiones Iurisconsultorum ingeniis excogitatas solere numerari. Ait enim Pomponius Appium Claudium actiones scripsisse, primumque earum actionum librum de usucapionibus fuisse; per actiones, legis actiones sine dubio intelligens, & earum numero usurpationes cōtineri expresse demonstrans. Id quod & Cicero quoque sibi voluit, ex iure civili philosophos scribens surculo defringendo possessionē usurpassse. Nam per ius civile legis actiones hic apud Cicer. intelligi debere,

ex Pomponio à nobis est alio loco demonstratū. Et hæc quidem cum ita se habeant, nunc etiam intelligimus, quo sensu scripserit Paulus *vsurpationem esse vsucapionis interruptionem*, cap. 2. de vsurpat. & vsucap. Vult enim Paulus ea legis actione quæ vsurpationi dicitur, vsucapionem interrumpi, hoc modo: Si metueret verus fundi dominus, ne fundus suus à non domino caperetur vsu, solebat ille amicos conuocare, & aduersario diem ex amicorum consilio denuntiare, quo in rem præsentem veniendum esset; & cum adesset ille dies, tunc cum amicis in fundum ducebatur verus dominus, inductusque solemnibus verbis iubebat eum qui vt dominus colebat, cedere, possessionemque vacuam relinquere, eamque defracto furculo sibi vsurpabat; & tandem his solemnibus peractis, de fundo interrupta eius vsucapione per amicos deducebatur. Errant qui cum lite vindiciarum aliquid hanc vsurpationis antiquam obseruationem habuisse coniunctum arbitrati sunt. Si quis enim hæc omnia cum iis contulerit, quæ ad leges duod. tab. de vindiciis scripsimus, is faciliè quanta inter has duas legis actiones diuersitas sit, deprehendet. Et hæc quidem hætenus *de legis actionibus*, hoc est de solemnibus actuum legitimorum formulis olim iuriconsultorum veterum auctoritate in vsu Romani fori introductis. Et quia prudentum diximus auctoritatem partim ex legis actionibus, partim ex legum decemviralium interpretatione, & partim denique ex iure nouo constituisse, iam reliquum esse videtur, vt expositis legis actionibus, pauca de legum decemviralium interpretatione, Iurisconsultis propria in medium adferamus. Ad quam interpretationem illud imprimis videtur referendum, quod *de patronorum tutela* Vlpia-

nus scribit , cap. 2. de legit. tuto. Sed quia de tutela eiusmodi à nobis tractatum est ad leges duodecim tabularum libro singulari , non est profecto, cur de ea hic iterum differatur.

CAPVT X.

De Mancipatione.

MANCIPATIO modus erat legitimus quo legitimum rerum venditarum dominium acquirabatur ex iure Quiritium. Eiusque mancipationis meminerunt expresse in suis duodecim tabulis decemviri , his verbis ; CVM NEXVM FACIET MANCIPIVMQVE , VTI LINGVA NVNCVPASSIT , ITA IVS ESTO. Hoc est , vti nominauerit locutusve erit , ita ius esto. Ita hunc Festi locum restituendum esse docuit me Obertus Gifanius in iis quas ad Lucretium scripsit notis doctissimis ; aliter enim aliquando me sensisse non pudet fateri. *Legem hanc sic olim vulgo acceptam fuisse , ut satis esset , ea duntaxat vitia præstari quæ lingua essent nuncupata*, testis est Cicero. Eamque interpretationem bonæ fidei quæ in contractibus desiderabatur , prorsus contrariam reiiciendam esse censuerunt tandem iurisperiti , & aliam amplectendam , per quam sincera decemvirorum intentio patefieri dolusque omnis vindicari posset. Non enim dubitabant prudentissimi viri , quin his verbis , VTI LINGVA NVNCVPASSIT , ITA IVS ESTO , decemviri voluerint omnia quæcunque subessent prædio vitia nominari , & ea deinde sic præstanda esse, vti lingua fuerant nuncupata. Eoque sensu accipiendum est quod ita Cicero de officiis libro tertio scribit ; *Ac de iure quidem prædiorum sancitum est apud nos iure civili , ut in his vendendis vitia etiam dicerentur , quæ no-*

ia essent venditori. Nam cum ex duodecim tabulis satis esset cautum ea præstari quæ essent lingua nuncupata, quæ qui inficiatus esset dupli poenam subiret, à iuriconsulis etiã reicentia poena est constituta. Quicquid enim inest prædio vitij id stauerunt, si venditor sciret, nisi nominatim dictum esset, præstari oportere. Hæc Cicero per ius ciuile prudentum haud dubiè interpretationem cum Pomponio intelligens. Idque illud etiam est quod sic Officiorum libro tertio Diuus Ambrosius scribit; Non solum itaque in contractibus (in quibus etiam vitia eorum quæ veneunt prodi iubentur, ac nisi intimauerit venditor quamuis in ius emptoris transcripserit, doli actione vacuantur) sed etiam generaliter in omnibus dolus abesse debet, aperienda simplicitas, intimanda veritas est. Et quamuis Cicero hanc legem decemviralem ad prædia tantummodo videtur referre, ex eo tamen doceri non potest, aliam de mobilibus rebus in duodecim tabulis legem fuisse. Id enim à Cicerone idcirco factum est, quod plenius & vberius Ædiliū edicto rerum mobilium emptoribus prospectum esset, quam prudentum interpretatione. Id quod hæc eiusdem Ciceronis verba præ se ferunt; Nec verò in prædiis solum ius ciuile ductum à natura, malitiam fraudemque vindicat; sed & in Mancipiorum venditione venditorum fraus omnis excluditur. Qui enim scire debuit de sanitate, de fuga, de furtis, præstat edicto ædiliū. Hæc Cicero, cuius postrema verba sunt qui putent sic emendanda esse; Quod enim sciri debuit de sanitate, de fuga, de seruis, præstatur edicto Ædiliū. Quæso in rebus perspicuis quid opus est emendatione? Ego nihil hic esse emendandum iudico. Sensus enim est, venditorem qui scire debuit, de sanitate, de fuga, de furtis Mancipij venditi, & vitia huiusmodi non expressit, edicto ædiliū ea vitia præstare. Auctor

est Pomponius *ex magistratuum edicto ius honorarium nasci*, cap. 2. §. 6. de orig. iuris. Quæ verba eam videntur habere sententiam, vt edicta quæ à diuersis magistratibus proponebantur, vno nomine *ius honorarium* fuerint appellata. Inter huiusmodi magistratus numerantur etiam *Ædiles curules*. Proponebant enim edictum de quibusdam causis *ædiles*, & per hoc iuris quoque honorarij nomen habuisse videtur edictum *ædilitium*. Idque sibi voluit Iustinianus cum *ædilitium edictum iuris honorarij portionem esse* scriberet. §. Prætorum quoque, Inst. de iure nat. gen. & ciuili. Si enim omnia magistratuum edicta iuris honorarij habuerint nomen, ergo & edictum *Ædilitium curulium*. Sic quidem vt ius honorarium in certas ac distinctas aliquot portiones diuideretur, & singulis magistratibus edicta proponentibus certa quædam iuris illius attribueretur portio. Suam enim Prætor vrbani, suam peregrini Prætor, suam *Ædiles curules*, suam item Censores iuris honorarij habebant portionem; non quidem æqualem, sed alijs alijs pro imperij ac iurisdictionis auctoritate maiorem & ampliorem. Est igitur iuris honorarij nō prætorij portio *ædilitium edictum*. Siquidem ius prætorium in nullas diuidi portiones solet: cum contra ius honorarium in tot discederet portiones, quot essent magistratus edicta proponentes. *Eorumque magistratuum numero etiam censores contineri*, testis est Gellius. Extat enim apud Gellium lib. 15. cap. 11. *edictum quoddam censorium* de coërcendis rhetoribus Latinis. Et ea quidem iuris honorarij portio, quæ fuit *ædilibus* attributa, circa reticentiæ pœnas dolumque malum & fraudes venditorum coërcendas, versari videtur tota consueuisse. Sic quidem vt is, qui de huiusmodi fraudibus conqueri vellet, *ædiles* adiret,

adiret, & ab iis actionem impetraret; siue de soli
 rebus, siue de mancipiis quæstio esset. Labeo enim
 scribit; *edictum edilium curulium de venditionibus re-*
rum esse, tam earum quæ soli sint, quam earum quæ mobi-
les aut se mouentes, cap. 1. de ædil. edict. Voluerunt iu-
 risconsulti, quicquid esset in prædio vitij, si vendi-
 tor sciret nisi nominatim dictum esset præstari; vi-
 dentur id idem ædiles etiam voluisse, sed diuersa
 ratione. Iurisconsulti enim vi & potestate huiusmo-
 di clausulæ EX BONA FIDE, in contractibus bonæ
 fidei vindicandam esse venditorum fraudem censue-
 runt. Idque his verbis manifestum facit Cicero de
 offic. lib. 3. *Igitur ad fidem bonam statuit pertinere, no-*
tum esse emptori vitium quod nosset venditor. Eoque per-
 tinet hæc formula solemnis cuius idem Cicero, &
 Valerius lib. 8. meminerunt. QUID SIBI DE EA RE
 FACERE OPOTERET EX FIDE BONA. Ædiles certam
 quandam excogitasse videtur stipulationis speciem,
 qua facilius & expeditius vendentium fallaciis oc-
 curreretur, deceptisque succurreretur emptoribus;
 eiusque stipulationis meminit Vlpianus, cap. 31. de
 edict. Et quia stipulationis ea conditio est, vt actio-
 nem pariat ex stipulatu, hinc certè intelligi etiam
 facile potest Ædiles propriæ cuiusdam actionis me-
 dio, huiusmodi fraudem vindicari voluisse, quæ
 fraus non actione quidem, sed sola iurisconsulto-
 rum interpretatione iudiciis bonæ fidei accommo-
 data ante ædilitium edictum vindicabatur. Id quod
 expressè demonstrant hæc edicti ædilitij verba, EM-
 PTORI OMNIBVSQVE AD QVOS EA RES PERTINET,
 IVDICIUM DABIMVS; SI QVIS ADVERSVS EA SCIENS
 DOLO MALO VENDIDISSE DICETVR, IVDICIUM DA-
 BIMVS. cap. 1. in princ. de ædilit. edict. Moris erat vt
 qui seruum venderet interposita stipulatione em-

ptori caueret, sanum, furtis noxisque solutum, & non esse fugitium, cap. 2. de rer. permut. cap. 11. §. 4. de act. empt. Idque ædiles expresso edicto voluisse, testis est Ælius Donatus, sic in Heaur. Terentij scribens: *Fugitini propriè serui. Vnde in edicto ædiliū curuliū titulus est seruorum fugitivorum, SI QVIS FUGITIVVS ERRORE SIT, NOXAVE SOLVTVS NON SIT.* Si seruus furtis noxisque inueniretur non solutus, aut insanus, vel fugitiuus, simul atque emptori abesse cœpisset aliquid, eo nomine ex huiusmodi stipulatione actioni locus erat, cap. 4. in prin. de act. empt. eaque actio ab Ædilibus impetrabatur, à quibus huiusmodi stipulatio solet proponi, cap. 3. in fin. de euct. *Simili modo qui iumenta vendit, promittere solet,* inquit Vlpianus, *ESSE BIBERE VT OPORTET.* cap. 11. §. 1. de act. emp. Eoque etiam nomine si quæ venditoris deprehenderetur fraus manifesta, ædiles ab emptoribus adiri solent. In huiusmodi cautionibus interponendis, opus fuisse videtur industria quadam singulari. Adeo quidem vt Iurisperiti ab ædilibus proposita stipulationis vulgari quadam formula non contenti, alias excogitarent cautionum formulas, quibus in omni negotio abundè foret emptoribus prouisum. Frequens est M. Manilij apud Ciceronem mentio. Meminit etiam Manilij Sextus Pomponius. Ait enim *Manilium cum M. Bruto, & P. Mutio ius ciuile fundauisse; Mutiumque decem libellos, Brutum septem, Manilium tres reliquisse, & exstare volumina inscripta Manilij monumenta. Hunc Manilium formulas composuisse quibus venditorum fraudibus occurreretur,* testatur Cicero. Sic enim de Orat. lib. 1. scribit; *Nec quisquam est eorum, qui, si iam sit ediscendum sibi aliquid, non Tencrum Pacuij malit quam Manilianas venalium vendendorum leges ediscere. Easque*
leges

leges verisimile est apud Pomponium *Manilij monu-
menta* appellari. Et ex huius quidem Manilij, alio-
rūque Iurisconsultorum qui huiusmodi formulas
composuerunt, monumentis quædam extant apud
Varronem lib. 2. de re rustica antiquæ formulæ, huic
interpretationi nostræ prorsus consentaneæ. Auctor
est enim Varro, *sic caueri in ouium mancipationibus con-
sueuisse; Cum emptor dixit, TANTI SVNT MIHI EMPTÆ?
& ille respondet, SVNT, & prompsit nummos; emptor sti-
pulatur prisca formula sic; ILLASCE OVES SANAS RE-
CTE ESSE, VTI PECVS OVILLVM QVOD RECTE SA-
NVM EST, EXTRA LVSCAM, SVRDAM, MINAM,
ID EST VENTRE GLABRO, NEQVE DE PECORE
MORBOSO ESSE, HABEREQVE RECTE LICERE; HÆC
SIC RECTE FIERI SPONDES? Per minam mammam al-
teram lacte deficientem intelligit hoc in loco Varro. Sic
enim veteres minam accepisse, docet apud Festum
Ælius Gallus. Nec aliud per ventrem glabrum voluit
intelligi Varro, quam lenem ventrem & imberbem.
Nam sic Fulgentium Placiadem accepimus libro de
vocibus antiquis scripsisse; *Pumilos dicūt molles & ener-
ues; glabrum verò, lenem & imberbem.* Atque ita quidem
locū hūc ex manuscripto codice restituo alioqui de-
prauatissimum. De pumulis arbitror Suetonium sen-
tire, cum ait *pomilios atque distortos pueros Augustum vt
ludibria nauta malique ominis abhorruisse.* Non enim du-
bito quin eo in loco pro pomilios, omnino pumilos,
reponendum sit. In caprarum venditionibus non ea-
dem omnino seruari cautionis formula solet, quod
capras sanas sanus nemo promittere potest, nunquā enim sine
febri sunt. Et idcirco de capris, inquit Varro, paululū aliter
atque de ouibus stipulatur, vt Manilius scriptū reliquit. Sic
nimirum, ILLASCE CAPRAS HODIE RECTE ESSE, ET
BIBERE POSSE, HABEREQVE RECTE LICERE HÆC*

SPONDES NE? Auctor est idem Varro *sues parari & emi ad hunc modum solere*; ILLASCE SVES SANAS ESSE, HABEREQVE RECTE LICERE, NOXISQVE PRÆSTARI, NEQVE DE PECORE MORBOSO ESSE SPONDES NE? *Et cum emerentur domiti boues, sic stipulari veteres solere*, ILLOSCE BOVES SANOS ESSE, NOXISQVE PRÆSTARI? & *cum indomiti, sic*; ILLOSCE IVVENCOS SANOS RECTE, DEQVE PECORE SANO ESSE, NOXISQVE PRÆSTARI SPONDES NE? Addiditque Varro *hac paulo verbosius ab iis concipi, qui Manilij actiones sequuntur: laniosque qui ad cultrum bouem emunt, & qui ad altaria, hostie sanitatem non solere stipulari*. Et ex huiusmodi quidem formulis actiones oriri solent, quas ab ædilibus impetrari, & apud ædiles exerceri in duplum moris erat. Illud etiam consuevit observari, ut servi aut titulati venderentur aut pileati. Titulati quidem vitiosi, & quorum exprimuntur vitia; pileati verò quorum nec exprimuntur vitia nec præstantur. Voluerunt ædiles non stipulatione solum in vendendis mancipiis concipi, sana, furtis, noxisque soluta, & non esse fugitiva, sed titulum etiam scribi seruorum venalium, eumque titulum publicè proponi, ut ex eo posset intelligi quid morbi & vitij cuique seruo esset, quemadmodum præter Donatum, testatus est expressè Gellius lib. 4. cap. 2. his verbis; *In edicto adilium curulium qua parte de mancipiis vendendis cautum est, scriptum sic fuit*; TITVLVS SINGVLORVM SERVORVM VT SCRIPTVS SIT CVRATO, ITA VT INTELLIGI RECTE POSSIT QUID MORBI VITI- QVE CVIQVE SIT, QVIS FVGITIVVS ERRORE SIT, NOXAVE SOLVTVS NON SIT. Idque ea ratione esse accipiendum puto, qua sic Varronem in Eumenidibus scripsisse auctor est Nonius Marcellus: *Quod ea die mea erat prebitio, in ianuam CAVE CANEM, inscri-*

bi iubeo. Sensus enim est, quia *is qui à fera bestia, vel alia quadrupede leditur, pro modo admissi extra ordinem in dominum vel custodem aut ab edilibus aut à prætore actionem solet impetrare*, auctore Paulo Sentent. lib. 1. tit. 15. & Vlpiano cap. 42. de ædil. edict. idcirco huiusmodi beluarum custodes titulum solent ad ianuam figere his verbis conceptum; CAVE CANEM, CAVE VRSVM, CAVE LEONEM, & sic deinceps, vt hoc titulo proposito nullum præstare periculum teneantur. Et fuit sane huiusmodi titulorum in Romana republica non infrequens vsus. Meminit enim tabernæ Iulius Paulus in qua ita scriptum erat; CVM IANVARIO SERVO MEO GERI NEGOTITIVM VETO, cap. 47. in princ. de peculio. Meminit & Labeo locatoris horrei qui propositum habuerat ad horrei ianuam *se aurum, argentum, margaritas non recipere suo periculo*, cap. 60. §. 6. locati. Et denique in superindictionibus huiusmodi titulis veteres vsos etiam fuisse est à nobis demonstratum Variorum lib. 4. cap. 7. Nec quidem semper vitia venalis Mancipij cogi solet exprimere aut præstare venditor. Si enim id facere nolle, pileum imponebat Mancipio; eoque pileo imposito demonstrabatur eiusmodi seruum venundari, cuius nomine emptori venditor nihil præstaret, vt auctor est idem Gellius, lib. 7. c. 4. Ait enim pileatos servos venum solitos ire quorum nomine venditor nihil præstaret; eiusque rei causam hanc Calium Sabinum iuriconsultum in medium attulisse: quod eiusmodi conditionis Mancipia insignia esse in vendundo deberent, vt emptores errare & capi non possent, neque legem vendundi operiendam esse, sed oculis iam perciperent quodnam esset Mancipiorum genus. Quo in loco per legem vendundi hanc ædilitiam stipulationis formulam intelligit Gellius; SATVVM, FVRTIS NOXISQVE SOLVTVM, ET NON ESSE

FUGITIVVM, Atque ita quidem titulo proposito, impositoque pilco vendi mancipia solent.

C A P V T X I.

De testamentis.

TESTAMENTVM aliud militare fuit, aliud paganicum. Et ex militari quidem testamento aliud solet in procinctu fieri, aliud in castris sine aliqua loci aut temporis obseruatione. *In procinctu fieri testamentum dicebatur*, inquit Festus, *quod miles pugnaturus nuncupabat presentibus commilitonibus*; siue (vt Gellius definit) *cum viri ad praelium faciendum in aciem vocabantur*. Eaque Festi & Gellij definitio satis ex eo probabilis est, quod sic Paterculus lib. 2. scribit; *Ante A. Brutum paucis annis tam seuerum Q. Macedonici in Hispania gentibus imperium fuit, vt cum urbem Cantabriam nomine in Hispania oppugnarent, pulsas precipiti loco quinque cohortes legionarias eodem protinus subire iuberet, facientibusque omnibus in procinctu testamenta, velut ad certam mortem eundum foret, non deterritus proposito, perseuerantia ducis quem moriturum miserat, victorem populum recepit*. Hæc in procinctu condendi testamenti ratio sensim in vsu desit esse, successitque alia militaris testamenti species, qua principalibus constitutionibus permissum militibus erat quomodocunque vellent, quomodocunque possent testari, etiam sine legitima obseruatione; auctore Vlp. tit. 23. Cæterum paganicum testamentum, aut solet esse iuris publici & ciuilis simul, aut iuris ciuilis tantum, aut iuris prætorij; iuris publici quidem & ciuilis, quod calatis comitiis; iuris ciuilis verò tantum, quod per æs & libram fiebat; & denique iuris prætorij, cui septem testium signa sine vlla mancipatione sufficiebant. *Calatis comitijs fiebat bis in*

anno testamentum, inquit Theophilus, tempore pacis ad hunc modum: Conuocabat in comitium prece uniuersum populum, & ita qui testari volebat in concione populi testamentum scribebat. Solere huiusmodi comitia pro collegio pontificum haberi, & iis præter testamenta, sacrorum etiam detestationes fieri, testatur Gellius lib. 15. cap. 26. Docet Vlpianus tit. 20. illud dici per æs & libram fieri testamentum, quod imaginaria mancipatione fit; in quo testamento libripens adhiberi solet, & familiæ emptor, & non minus quam quinque testes cum quibus testamenti factio esset. Deque huiusmodi testamento sentit Suetonius sic in Nerone scribens; Ex hoc Domitius nascitur quem emptorem familiæ pecuniæque in testamento Augusti fuisse mox vulgo notatum est. Eoque etiam pertinet quod sic Quintilianus in ea declamatione scribit, cui titulus est, Duo testamenta. Non dixerim ergo testamentum cui libripens & emptor familiæ & cetera iuri necessaria deerunt.

Et testamentum quidem huiusmodi cum iis quæ calatis comitiis & in procinctu fiebant testamentis ad ius ciuile relatum fuisse, testis est Iustinianus, §. 1. de testament. per ius ciuile illud ciuile ius intelligens quod auctoritate prudentum introductum erat. Idque sic accipiendum puto, vt hanc legem decemuiralem, **VT I QVIS QVE LEGASSIT**, &c. interpretantes Iurisconsulti, rationem & solemnem ritum condendorum testamentorum, excogitaauerint; sic nimirum vt milites in procinctu certa quadam solemnique formula supremam commilitonibus sine libra atque tabulis voluntatem declarant, vt auctor est Cicero, de Oratore lib. 1. & pagani, pro collegio pontificum supremum etiam elogium suum calatis comitiis in concione populi pronuntiarent. Nec mirum pro collegio pontificum sic
condi

condi testamenta solere. Interpretandarum enim 12. tabularum scientiam, omnesque legis actiones penes collegium pontificum fuisse testis est Pomponius, cap. 2. §. 2. in fin. de orig. iuris. Et idcirco quamdiu ex pontificibus quis quoquo anno præesset priuatis constituebatur, apud pontifices legis actionum solemnia tamdiu videntur peragi consueuisse. Abolitis tandem duobus illis antiquissimis testamentorum generibus, quæ in procinctu & calatis comitiis consueuerant fieri, nouam quandam excogitarunt Iurisconsulti condendi testamenti rationem per æs & libram, eamque ad verum nexum & ad imaginariam mancipationem referebant. Idque illud est quod sic Festus scribit; *Nexū est, ut ait Gallus Aelius, quodcumque per æs & libram geritur, idque nexi dicitur; quo in genere sunt hæc, testamenti factio, nexi datio, nexi liberatio.* In huiusmodi testamento duæ res agebantur præcipuè, nimirum familiæ mancipatio & nuncupatio testamenti. *Nuncupabatur testamentum*, inquit Vlpianus, *in hunc modum; Tabulas testamenti testator tenens ita dicebat, HÆC UT IN HIS TABVLIS CERISVE SCRIPTA SVNT ITA DO, ITA LEGO, ITA TESTOR, ITAQVE VOS QUIRITES TESTIMONIVM PRÆBETOTE.* Solent etiam hæredes interdum palā nuncupari. Deque huiusmodi nuncupatione visus est sentire Suetonius, sic de Caligula scribens; *Cū iam & ab ignotis inter familiares & à parentibus inter liberos palam heres nuncuparetur, derisores vocabat, quod post nuncupationem viuere perseverarent.* Eoque sensu illud etiam accipiendum est quod de herede palam nuncupato Paulus scripsit c. ult. De iure codicill. Per Quirites in hac nuncupationis solemnī formula testes quinque intelligit Vlpianus ciues Rom. cum quibus testamenti factio est. Et hæc de testamento iuris ciuili.

lis. Ex edicto autem prætorio forma alia testamentorum introducta est. Iure enim honorario nulla mancipatio desiderabatur, sed septem testium signa sufficiebant, cum iure civili signa testium non essent necessaria, §. sed illa quidem. Inst. de testa. Et huiusmodi quidem testes qui iure prætorio signandis testamentis adhibebantur, classicos testes appellari libro tertio his verbis testatur Festus; *Classici testes dicebantur qui signandis testamentis adhibebantur*. Cur autem dicantur classici, est à nobis Coniectaneorum libro secundo demonstratum.

CAPVT XII.

De inofficioso testamento.

Voluerunt decemviri furiosos ad agnatos gentilesque deduci; & uti quisque legasset ita ius esse, si modo is qui testabatur sana mentis esset. De liberis præteritis vel exheredatis nihil quicquam definiuerunt: Eaque res cum necessaria opus habere videretur definitione, prudētes iuris pro ea quam nacti erant interpretandarum legum decemviralium auctoritate communi calculo statuisse videntur, filium filiamue, aut ex iis aliquem qui suorum heredum numero sunt, sine iusta causa præteritum à parentibus aut exheredatum, & de hoc in iure conquerentem sub eo prætextu audiendum esse, quasi non sanæ mentis huiusmodi parentes fuerint, ut testamentum ordinarent, cap. 2. de inoffic. testam. Et idcirco quemadmodum decemvirali lege inualidū est, ipsoque iure nullum furiosi testamentum, sic & huiusmodi quoque testamentum non quidem ipso iure, sed expressa iudicum pronuntiatione rescindi voluerūt prudentes, tanquam impium, tanquā inofficiosum. Quod enim
decem

decemuiri à furioso passi non sunt testamentū con-
 di, illud sic interpretati sunt Iurisconsulti, vt nec
 eius quidem sustinendum contenderent vltimū elo-
 gium qui quasi furiosus esset, qualis esse præsumitur
 qui sanguinem proprium sine iusta causa aut præter-
 rit, aut exheredat. Idque sibi visus est his verbis Iu-
 stinianus voluisse; *Inductum est vt de inofficioso testa-*
mento agere possint liberi, qui queruntur aut inique se ex-
heredatos, aut inique præteritos; hoc colore quasi non sana-
mentis fuerint cum testamentum ordinarent. §. 1. Instit. de
 inoff. test. Quo pertinet quod sic Apuleius in Apol. 1.
 scribit. *Lege potius testamentū, si quid quasi insana scripsit,*
hic reperies: & quidem mox à principio; Sicinius Pudens
filius meus mihi heres esto. Hæc Apuleius, satis indicans
 parentes qui filiōs prætereunt aut exheredant sine
 causa, quasi insanos testamenta scribere. Sic apud
 Valer. *tabula materni testamenti quibus altera filiarum*
sine causa præteritur, plena furoris esse dicuntur. Hunc
 enim in modum de Ebucia vxore L. Menenij Agrip-
 pæ scribit libro septimo Valerius, *Ebucia autem, qua*
L. Menenij Agrippæ vxor fuerat, tabula testamenti plena
furoris: nam cum haberet duas simillima probitatis filias
Pletoniam & Aphroniam, animi sui potius inclinatione
prouecta, quam ullis alterius iniurijs aut officijs commota
Pletoniam tantummodo heredem instituit. Nec quidem
 obscurum est inducendi verbum ad prudentum au-
 ctoritatem apud Iustinianum referri. Sic enim Scæ-
 uolam scripsisse accepimus; *Gallus sic postumos institu-*
posse induxit, cap. 29. in princ. de lib. & post. Et paulò
 post; *Quare non induxere, d. l. 29. §. in princ.* Quod igitur
inductum esse scribit Iustinianus vt de inofficioso te-
stamento agere possent liberi, ex eo sine aliqua contro-
uersia doceri potest interpretationi prudentum inof-
ficiosi querelas accepto ferendas esse. Et idcirco mi-
 rari

rari satis nequeo, qua ratione cuiquam persuaderi posset inofficiosi querelam lege Glicia à Claudio Glicia dictatore primum introductam fuisse. Certum enim est teste Suetonio, hunc Claudium Gliciam P. Claudij Pulchri viatorem, siue, vt fasti docent, scribam, & (vt ait epitomator Liuij) sortis ultimæ hominem fuisse, ac per hoc cum dictator esset à P. Claudio dictus abdicare se magistratu ante etiã fuisse coactum, quàm aliquem magistrum equitum nominasset. Id quod fasti Capitolini euidentissimè demonstrant. In iis enim sic scriptum est, M. CLAVDVS C. F. GLICIA QVI SCRIBA FVERAT DICTATOR COACT. ABDIC. SINE MAG. EQ. IN EIVS LOCVM FACTVS EST A. ATILIVS A. F. C. N. CALATINVS DICT. L. CÆCILIVS. L. F. C. N. METELLVS MAG. EQ. REI GER. CAVSSA. Hæc si vera sunt, quinam igitur fieri potuit vt aliquas promulgauerit leges dictator ille qui initam dictaturam ante coactus fuit abdicare quàm ab eo magister equitum nominaretur? Ad hæc, nemini vel mediocriter in historiis rerumque antiquarum monumentis versato dubium est, quin non quidem à prænominis aut cognomine, sed ab auctoris nomine appellatione lex omnis adsumere soleat. Leges, Corneliæ, Iuliæ, Iciliæ, Hortensiæ, Hirciæ, Genutiæ, Furiæ, Fanniæ, Fabiæ, Fusiæ, Aciliæ, Eliæ, Pompeiæ, Plautiæ, Liciniæ, Mamiliæ, Martiæ, & aliæ id genus innumere argumento sunt. Cornelias, Liciniásque leges interdum Syllæ & Stolonis leges appellari, non eo inficias. Sed velim probari, easdem leges Syllanas aut Stolonias appellatas vnquam fuisse: proinde cum Glicia, huius dictatoris fuerit cognomen, quis est qui non dicat, si quæ ab eo leges fuissent latæ, eas aut leges Claudias, aut certe Glicia leges nō Glicias appellari debuisse? Est igitur

inoffi

inofficiosi querela, non quidem aut Glicia aut alia quadam simili lege, sed sola prudentū leges decemvirates interpretantium auctoritate inducta & vſu recepta. Hæc querela debitæ ab intestato portionis quarta excludi solet, cap. 8. §. 8. De inoffic. testam. §. ult. Instit. eodem titulo. Et hæc quidē quarta quo iure etiam introducta fuerit dubitari video. Antonio Contio adsentior lubentissimè, existimanti eadem iuris parte quartam hanc, quæ vulgo legitima dicitur, olim vſu fuisse receptam, qua inofficiosi querelam diximus inductam esse. Qui eam ad diuum Marcum referendam censet, vehementer fallitur. Diu enim ante diuum Marcum in vſu fuisse eandem hanc quartam, testis est Plinius epist. lib. 5. de Curiano quodam à matre exheredato disſerens. Sic enim scribit; *Si mater inquam te ex parte quarta scripsisset heredem, num queri posses? Quid si heredem quidem instituisset ex asse, sed legatis ita exhausisset, ut non amplius apud te quam quarta remaneret? Igitur sufficere tibi debet, si exheredatus à matre quartam partem ab heredibus eius accipias, quam tamen ego augebo.* Hæc Plinius, manifesto docens suis temporibus quarta portionis ab intestato debitæ excludi inofficiosi querelam consueuisse, intestatæque matris hæreditatē etiam ad filios filiasque pertinuisse, id quod Orphitiano SC. primum introductum fuisse interpretes omnes falso persuasum habent. Testamentum enim matris etiam Augusti temporibus filij præteriti rumpere solēt. Idque testatus est euidentissimè Valerius lib. 7. de Septicia quæ duos, quos habebat filios, testamento præterierat, ad hunc modū scribens: *Cum iam parere non posset, Publio seni admodum nupsit, testamento etiam utroque præterito; à quibus diuus Augustus aditus, & nuptias mulieris, & suprema iudicia improbauit: nam hæreditatem*

maternam filios habere iussit, dotem quia non creandorum liberorum causa coniugium intercesserat, virum retinere vetuit. Hæc Valerius, liquido demonstrans etiam aduersus matris testamentum Augusto imperium obtinente inofficiosi querelæ locum fuisse: si enim non fuisset locus, frustra hi duo Septiciæ filij de materna impietate conquerentes adissent Augustum. Est etiam satis perspicuum, id omne quod imperator per epistolam & subscriptionem statuit, vel cognoscens decreuit, legem esse, cap. i. de constit. princ. Eaque res efficit vt istud Augusti decretum, etiam si tunc in vsu fuisset ius contrarium, legis vigorem, & plenam per consequens iuris veteris abrogandi auctoritatem debuerit obtinere. Idque adeo verum est vt contenderit expressè idem Valerius alteram Ebucie L. Menenij Agrippæ uxoris filiam, *matris testamento iniustè præteritam, cum sorore, quæ sola fuerat hæres instituta, sacramento contendere potuisse, testamentumque matris iudicio conuellere.* Et hæc quidem cum ita se habeant, satis vt arbitror nunc est perspicuum, ante tempora Diui Marci. quarta debitæ ab intestato portionis, querelam inofficiosi tam aduersus matris, quam patris testamentum excludi consueuisse, & matris intestatæ hæreditatem ad filios filiasque etiam pertinuisse. Quamobrem explodenda eorum opinio est, qui Orphitianum primum SC. ad intestatæ matris successionem filios filiasve admissas fuisse arbitrantur. Vxoribus enim ea apud Romanos seruabatur differentia, vt aliæ in manu mancipioque viri essent, aliæ sine in manus conventionem vxores etiam iustæ dicerentur. De quibus vxoribus aliquando, Deo fauente, opportuniore loco disseremus latissimè. Earum vxoribus, quæ in viri manum conuenerant, filij ante Orphitianum

SC.legitimi matris intestatæ hæredes erant, aliarum verò intestarum filiis præferebantur consanguinei & agnati. Differentiæ ratio hæc est; quod vxor quæ in viri manum conuenit, vnà cum filiis inter suos hæredes à marito numeretur, auctore in fragmentis Vlpiano tit. 21. Sui hæredes inter se successionis habent ius legitimum. Quemadmodum igitur marito succedit cum suis prolibus vxor ab intestato quæ in manu viri est, sic quoque vt inuicem sibi & proles & mater ab intestato succedant, eadem requirit suitatis ratio; vno enim nomine mater & filij filiaque defuncto dicuntur sui hæredes. Vt igitur frater fratri ratione suitatis, sic mater filiis & filij matri eadem consideratione ab intestato succedebant. Non quidem tanquam sui (suos enim hæredes fœmina non habet) sed tanquam eiusdem familiæ consanguinitatis ratione consortes. In antiquissima enim graduum consanguinitatis descriptione quadam nuper ex Ranconeti codice Theodosiano in lucem prolata sic expressè legitur; *Consanguinei sunt inter se vxor quæ in manu viri est, filius qui ex potestate non exiit, & filia quæ in potestate est.* Aliud est si in manum viri vxor non conuenerit. Tunc enim eam inter suos hæredes maritus non numerat, & per consequens, nec filios huiusmodi mater intestato decedens hæredes habet. Nam fœmina quæ in manu viri aut in patris potestate non erat, si fratrem haberet, in manu erat fratris, & idcirco præter *consanguineum*, hoc est fratrem, exclusis etiam propriis liberis nullum habebat huiusmodi fœmina legitimum hæredem. capitulo quarto §. 2. de bon. poss. contr. tabul. In solius enim fratris manu erat. Id quod Liuius eleganter tradidit lib. trigesimoquarto. Sic enim scribit *Maiores nostri nullam ne priuam quidem rem*
agere

agere fœminas sine auctoritate voluerunt ; in manu esse parentum, fratrum, virorum. Hæc si vera sunt, nunc intelligimus quidnam vere sentiendum sit de Orphitiano SC. nimirum orationem Diui Marci, quam more solito Senatusconsultum Orphitianum est subsecutum, de solis earum matrum legitimis hæreditatibus accipiendam esse quæ in manum viri non conuenerant. Quasi voluerit Diuus Marcus, earum etiam matrum hæreditates exclusis consanguineis & agnatis ad filios pertinere, quæ in manu viri non fuerant ; cum antea istarum quidem hæreditates ad consanguineos agnatosque filiis exclusis, & earum contra quæ in manu mariti fuerant, exclusis consanguineis & agnatis ad filios pertinerent. Et hanc quidem veram esse Senatusconsulti Orphitiani orationisque Diui Marci sententiam, non meis sed Vlpiani verbis demonstrabo. Sic enim scribit in frag. tit. 26. Vlpianus. *Ad liberos matris intestatæ hereditas ex lege duodecim tabularum non pertinebat ; quia fœmine suos hæredes non habent. Sed postea imperatorum Antonini & Commodi oratione in senatu recitata id actum est, vt sine in manus conuentione matrum legitimæ hereditates ad filios pertineant, exclusis consanguineis & reliquis agnatis.* Hæc Vlpianus, euidentissimè demonstrans, idem illud ius, quod in earum matrum hæreditatibus quæ in manum conuenerant seruabatur, in aliarum etiam matrum, quæ in manu viri mancipiòque non fuerant hæreditatibus obseruandum esse ex SC. Orphitiano : nec interest libertina an ingenua mater sit, cap. 1. in prin. Ad SC. Tertull. Et cum hoc SC. nepotes & nepies ad auiæ successionem legitimo iure non vocarentur, hoc postea, inquit Iustinianus, principalibus constitutionibus sic emendatum est, vt ad similitudinem filiorum filiarumque, & nepotes vocentur, §. sed cum. Instit. de SC. Or-

phit. Idque sic esse accipiendum puto, quasi tam de auia materna quam de paterna senserit Iustinianus. Siquidem Dium Marcum Orphitiani Senatusconsulti auctorem inter alia de bonis maternis, deque filiorum successionibus pro parte materna aliquid novi iuris constituisse testis est Iulius Capitolinus; haud dubie de auia maternæ successionibus omnino sentiens. De quibus successionibus arbitror etiam apud Nicephorum tractari cap. 36. Ecclesiast. histor. lib. 4. Ait enim Nicephorus *Dium Marcum constituisse, ut parentibus, hoc est, tam matri, auia, proauiaque, quam patri, auo, aut proauo ab intestato filij, nepotes ac pronepotes succederent, sique à parentibus, hoc est patre, matre, auo auiaque, proauo & proauia essent testamento præteriti, solo quadrante debita ab intestato portionis ab inofficiosi querela excluderentur.* Eam enim esse puto veram Nicephori sententiam, præsertim cum alia commodior inde elici possit nulla. Eamque parentum interpretationem iurisperitis familiarem fuisse testis est his verbis Pompeius Festus; *Parens vulgo pater & mater appellatur, sed iurisperdentes auos & proauos auias & proauias parentum nomine appellari dicunt.*

CAPVT XXIII.

De furtis.

DECENVIRI manifestis furtis corporalem, nec manifestis dupli pœnam imposuerunt. De iis qui vi deliciuntur, nihil quicquam definiuerunt. Hinc inter prudentes quæstio fuit, quid furti appellatione contineri in ea lege voluerint Decemviri. Alij rerum tam immobilium quam mobilium, alij mobilium duntaxat furtum fieri posse contendebant. Et

Et quamuis decemviri nihil quicquam de immobili-
 bus rebus vi occupatis definierint, ac per hoc fur-
 ti nomine eas res videantur quodammodo compre-
 hendisse, nihilominus tamen scripsit *Cuius abolitam*
esse quorundam veterum sententiam existimantium etiam
fundi lociue furtum fieri cap. 38. de vsucap. Qua in sen-
 tētia Sabinianos fuisse testis est Gellius lib. 1. cap. 118.
 Ait enim *in Sabini libro cui titulus est. De furtis*, id quo-
 que scriptum esse, quod vulgo inopinatum est: videlicet non
 hominum tantum neque rerum se mouentium, quæ auferri
 occultè & surripi possunt, sed fundi quoque & adium fieri
 furium. Aliæ igitur res furtiæ sunt, aliæ item vi
 possessæ. §. furtiæ. Instit. de vsucap. Furtiæ, res
 mobiles: vi possessæ, immobiles. Et quamuis in de-
 finitione furti à Sabinianis sic differant alij, in ipsa
 tamen re velint nolint cum Sabinianis convenire
 coguntur. Quemadmodum enim furtiuarum re-
 rum, sic & vi possessorum nomine in duplum actio
 competit. Idque ex Paulo constat. Ait enim Paulus;
Et si vi deiectus, vel propter furti actionem duplum abstu-
lero, nihil hoc ad emptorem pertinebit, cap. 21. in fine, de
 hæred. act. vendit. Nec quidem hi duntaxat furti
 teneri solent qui furtum fecissent. sed & illi quoque
 qui furanti opem tulerant, aut consilium furandi
 dederant, §. interdum. Institut. de obligat. quæ ex de-
 licto nascuntur. capite 36. in princip. cap. 50. §. 1.
 cap. 52. §. 15. de furtis, cap. 53. de verborum signi-
 ficationibus. Fures quidem lege duodecim tabula-
 rum aut prætoris edicto; qui verò opem tulerant
 consiliumve dederant, non aliqua lege aut edicto,
 sed sola prudentum interpretatione. Aduersus hu-
 iusmodi enim homines verus est à iurisconsultis
 actio prodita, quæ hac formula concludi solet; OPE
 CONSILIO TVO FVRTVM ESSE FACTVM AIO: VI AU-

Etor est Cicero de natura deorum lib. 3. Vñ quoque
 Iurisconsulti his verbis solemnibus plerumque sunt,
 OPE CONSILIO DOLO MALO. Sic enim inuenio Her-
 mogenianum scripsisse, cap. 10. ad legem Iul. maiest.
 & Scæuolam cap. 14. in princ. ad legem Iul. de adult.
 Hæc verba solemnia, OPE CONSILIO DOLO MALO,
 his notis exprimi solent, O. C. D. M. auctoribus par-
 tim Valerio Probo, & Petro Diacono, partim Pom-
 peio Festo in verb. *Publica pondera*. Et quia nihil fa-
 cile ex verbis solemnibus est immutandum, certè
 Tribonianus, aut eius librarij in huiusmodi nota-
 rum interpretatione quodammodo fuisse videntur
 lapsi, sic eas apud Vlpianum interpretantes, OPERA
 CONSILIO DOLO MALO, cap. 1. ad leg. Iul. maiest. Sa-
 tis enim ex Cicerone, Scæuola & Hermogeniano
 aliisque Iurisconsultis constat sic veteres locutos
 esse, OPE CONSILIO. non autem, OPERA CONSILIO.
 Quamobrem vt apud Vlpianum d. cap. 1. *ope consilio
 dolo malo*, in iis duobus locis reponatur in quibus
 operæ mentio fit, omnino rationi consentaneum
 est. Eiúsque emendationis auctor mihi euidentissi-
 mus est Quintilianus. Quod enim ad operam Tri-
 boniani vitio refert Scæuola, de eo differens cuius
 opera dolo malo hostes populi Romani commeatu,
 armis, telis, adiuti sunt, cap. 4. ad leg. Iul. maiest.
 id ipsum ad opem trahendum esse, non ad operam,
 euidenter demonstrat in ea declamatione Quintilia-
 nus, quæ, *Alexander templum dedicans*, inscribitur. In
 ea enim sic scriptum est; *Interim quid vos esse putatis
 opem ferre? neque enim id solum queritur hac lege an ali-
 quis hosti profuerit. Multa enim quæ utilia sunt hosti, &
 inuiri & imprudentes facimus. Ideo hoc non complexa lex
 est, sed aduersus eum se strinxit qui opem tulisset, illud, vt
 opinor, tale, qui auxilio iunisset, qui armis, qui commeatu.*

Hæc

Hæc Quintilianus. Aliud igitur est opem ferre, aliud item operam dare. Qui enim alicui auxilio est, is opem fert, non operam: qui negotium amici gerit, is operam amico non opem dat. Et hæc quidem hæctenus de Prudentum interpretatione. Demonstrauimus quænam circa legis actiones veterum fuerit iurisperitorum auctoritas: & qua ratione obscuras legum decemuiralium tabulas interpretationibus suis consueuerint illustrare, etiam exemplis aliquot patefecimus. Nunc reliquum est vt dispiciamus, quibus rationibus vsi prudentes sint in iis quæ deesse duodecim tabulis videbantur nouo iure supplendis.

CAPVT XIV.

De iure non scripto.

IURISPEDITORVM hæc apud Romanos seruata fuit olim differentia, vt alij iuris essent studiosi siue candidati, alij antecessores siue sophistæ, alij denique Iurisperiti siue iuris auctores. *Studiosi, assidebant*, cap. vnic. de offic. assess. Candidatorum opera principes in recitandis potissimum orationibus vti solent, cap. vnic. de off. quæst. Et qui ius publicè interpretabantur, hi antecessores erant siue sophistæ. Iurisperiti denique populi principali auctoritate de iure respondebant, indèque auctores iuris dicebantur; siquidem populo de iure dubitanti responsis suis certi alicuius iuris auctores fiebant: indèque auctores simpliciter, vel etiam iuris auctores appellatos esse ICtos omnino veritati consentaneum est. Sic enim scribit Paulus; *Prudentissimè iuris auctores medietatem quandam secuti sunt*, cap. 3. si pars hæred. pet. Et Modestinus, *Iuris auctores responderunt*;

cap. 39. de act. empt. Eoque sensu *Proculum non leuem iuris auctorem* dixerunt diui fratres cap. 17. de iure patr. Ait enim *Marrianus Diuum Pium Tullio Balbo rescripsisse an mora facta intelligatur, neque constitutione vlla, neque iuris auctorum questione decidi posse.* cap. 32. in princ. de vsurp. Et quos Paulus, Martianus, Modestinus, Diuique fratres iuris appellant auctores, eos auctores simpliciter vocant Pomponius, Vlpianus, & Venuleius, cap. 2. §. 7. de orig. iur. cap. 1. §. 2. de vsufruct. accresc. cap. 13. 8. de verb. obligat. Testatur idem Pomponius ante *Augusti tempora*, qui studiorum suorum fiduciam habebant eis de iure liberum fuisse populo respondere: eosque iudicibus à quibus consulebantur; aut etiam scripsisse iuris definitionem; aut sine scripto quid eis videretur testari solitos, primùmque Diuum Augustum, quo maior iuris auctoritas haberetur, constituisse, vt ex eius auctoritate responderetur, signatàque iudicibus responsa darentur, & publicè respondendi ius à principibus necessario peteretur, cap. 2. §. 25. de orig. iur. Idque eam mihi habuisse videtur sententiam, vt Iurisperiti ius respondendi principis beneficio nacti non à populo solum, sed ab ipsis etiam iudicibus consulerentur, & à populo quidem consulti certam pronuntiarent iuris definitionem; à iudicibus verò non quicquam pronuntiarent, sed libello quidnam de iure sentirent, complecterentur, eúmque libellum signatum offerrent iudicibus. Ideò signatum, ne posset à litigatoribus legi. Solet enim annuli signum impedire ne id quod signatum est legi possit, cap. 15. §. 1. de test. milit. Nec id adeo mirum, præsertim cum scripserit expressè Iustinianus, tantam olim fuisse iurisperitorum auctoritatem, vt iudicibus eos consulentibus à responsis eorum recedere non liceret, §. responsa. Institut. de iure natur. gent. & ciuil. nimirum iis temporibus quibus

quibus ex auctoritate principis huiusmodi responsa dabantur. Tunc enim ea quantum ex Pomponio colligere possum, iuris habere vigorem primum coeperunt. Hæc si vera sunt, non est igitur mirum huiusmodi iudicibus responsa dari signata debuisse. Si enim non signata dari potuissent, utique inanes fuissent & illusoria iudicum pronuntiationes. Nam antequam quid ab iis pronuntiaretur, prorsus constaret qualis esset futura pronuntiatio, siquidem à prudentum responsis iudices non poterant resilire. Illud etiam observari solet, ut quoties gravis aliqua & perplexa iuris incideret quaestio, fori quaedam institueretur disputatio, Iuriscōsultis simul in aliquem locum congregatis. Huiusmodi disputationis meminit expressè Pompon. Ait enim, *legibus latis decemviralibus necessariam fuisse fori disputationem.* cap. 2. §. 2. de orig. iur. Eoque referendum est quod sic de iure codicillorum Iustinia. scribit : *Dicitur autem Augustus convocasse prudentes viros, inter quos Trebatium quoque, cuius tunc auctoritas maxima erat, & quaesisse an posset recipi hoc, nec abscondans à iuris ratione codicillorum usus esset : & Trebatium suasisse Augusto quod diceret utilissimum & necessarium hoc civibus esse propter magnas & longas peregrinationes quæ apud veteres fuissent, post quæ tempora cum & Labeo codicillos fecisset iam nemini dubium erat quin codicilli iure optimo admitterentur.* §. 1. Instit. de codicill. Hæc Iustinianus, fori veterem disputationis usum evidentissime demonstrans, & simul indicans ius codicillorum non quidem legitimum sed usu receptum, & non scriptum fuisse, prudentiumque auctoritate introductum. Hanc fori disputationem diuorum etiam fratrum temporibus in usu fuisse, testis est Vlpianus, qui inter alia sic ait duos fratres rescriptisse; *Sed cum & ipso Maciano & alijs amicis*

nostris iurisperitis adhibitis plenius tractaremus, magis visum est nepotem neque verbis neque sententia legis, aut edicti pratoris ex persona vel nota patris sui excludi à bonis auti liberti: plurimum etiam iuris auctorum, sed & Saluij Iuliani amici nostri clarissimi viri hanc sententiam fuisse, cap. 17. de iure patr. Eoque etiam referendum est quod Paulus ait cum de quodam quereretur an recte exheredatus videretur, Scauolam respondisse non videri, & in disputando responsi sui rationem eundem Scauolam adiecisse, cap. 19. de liber. & post. Deque huiusmodi disputatione visus est sentire Cicero sic ad Quintum fratrem libro primo scribens; *Adiungenda est facilitas in audiendo, lenitas in decernendo in satisfaciendo ac disputando diligentia.* Idem Cicero sic etiam ad Trebatium scribit in Topicis: *Hoc differēdi genus attingit omnino vestras quoque in respondendo disputationes.* Nec aliud videtur Asconius respexisse, cum sic in Verrinam tertiam scriberet; *Maleficia sponte & non disputatione iurisperitorum, sed naturali interpretatione fugienda sunt.* Et huiusmodi quidem fori disputatione ius quoddam communi prudentum definitione componi solet, quod ius communi nomine appellabatur ius civile, auctore Pomponio, cap. 2. §. 2. de orig. iur. Idque illud est quod sibi his verbis volunt Iurisperiti, *Post magnas varietates obtinuit*, cap. ult. pro leg. cap. 3 2. de obligat. & act. c. 5 §. 2. de legat. 2. Idem Pomponius euidenter docet, ius istud civile compositum à prudentibus non scriptum etiam tunc appellatum fuisse, cum legibus perlati decemvirilibus primum esset instituta fori disputatio; dicto §. 2. Habito videlicet illius iuris respectu; quod duodecim tabulis continebatur. Sic quidem ut tunc omne ius aut scriptum esset, aut non scriptum; scriptum, duodecim tabulis comprehensum; non scriptum, sola fori disputatione receptum. *Proprium enim ius civile illud*

*lud esse ait idem Pomponius, quod sine scripto in sola prudentium interpretatione consistit. d. cap. 2. §. 6. Eaque iuris scripti & non scripti antiqua differentia sic etiā eorum Iurisconsultorum quorum in nostris pandectis extant responsa, temporibus servari solet, ut habita legum, plebiscitorum, aliarumque iuris scripti specierum quadam cōsideratione, ius prudentum auctoritate introductum, non scriptū ius tunc quoque vocaretur. Cum enim ius ciuile aut ex scripto aut sine scripto constare demonstraauerat Vlpianus, c. 6. de iust. & iur. sequēti capite eiusdem ciuilis tam non scripti quam scripti iuris hāc ex Papiniano subiecit Tribonianus definitionem; *Ius ciuile est quod ex legibus, plebiscitis, senatusconsultis, decretis principum, auctoritate prudentum venit*; haud dubie per leges, plebiscita, senatusconsulta, decreta principum, ius ciuile scriptum; & per solam auctoritatē prudentum, non scriptum ciuile ius cum Papiniano intelligens. Eoque sensu auctoritatem prudentum visus est etiam Cicero accepisse, sic lib. 2. de inuent. scribens; *Nam† certi qui in omnes incidant loci praescribi non possunt; in ple- risque fortasse ab auctoritate Iurisconsultorum, & contra au- thoritatem dici oportebit*, Hæc Cicero, per auctoritatem Iurisconsultorum ius illud intelligens non scriptum quod fori disputatione est introductum, & necdum plane diuturna consuetudine firmatum. Idem Cice- ro definitione iuris ciuilis res iudicatas, edicta ma- gistratuum, morem & æquitatem complectitur, id quod à Papiniano factum non est. Sic enim scribit in Topicis Cicero; *Si quis ius ciuile esse dicat quod in le- gibus, senatusconsultis, rebus iudicatis, iuris peritorum au- thoritate, edictis magistratuum, more, æquitate consistat*. Et sic quidem hæc iuris ciuilis à Cicerone tradita definitio, ea quam tradidit Papinianus plenior esse
&*

& absolutior videtur. Sed quæri potest cur plebiscita omiserit Cicero, quæ certum est omnem iuris civilis vim & auctoritatem lege Hortensia Ciceronis tempore habuisse. Potest etiam in hac definitione Papinianus excusari temporis diuersitate. Ciceronis enim tempore res iudicatæ non ita ex iurisconsultorum dependebant auctoritate, quemadmodum eas dependisse Papiniani tempore cõperimus. Nam tempore Papiniani si de iure dubitarent iudices ab auctoribus iuris signata capiebant responsa, eaque in sententiarum pronuntiationibus omnino sequebantur, quod Ciceronis tempore fieri non solebat. Et sic per consequens in superiore illa iuris civilis definitione à Papiniano tradita, auctoritatis prudentum nomine videri rectè possunt res etiam iudicatæ contineri. Quod autem magistratuum edicta sua definitione complexus non sit Papinianus, hoc etiam inde est quod condito Iuliani industria, propositoque Hadriani auctoritate perpetuo edicto, omnis esset magistratibus Romanis noui iuris proponendi auctoritas adẽpra. Et quia Ciceronis tempore nondum erat lex lata regia, hac etiam ratione factum videtur vt principalium rescriptorum meminere Papinianus, quorum nullam in sua iuris civilis definitione mentionem Cicero fecit. Quod denique morem & æquitatem suæ definitioni adiecit Cicero, id æque atque res iudicatæ ad prudentum auctoritatem apud Papinianum referri potest. Mores siquidem & æquitas ex auctoritate prudentum plerumque solent originem trahere. *Sunt enim mores, auctore in fragmentis Vlpiano, tacitus consensus populi longa consuetudine inueteratus.* Id ipsum etiam Iurisconsultorum auctoritatem quodammodo appellari, testis est Boëtius. Ait enim *iurisfectorum auctoritatem esse eorum qui*

qui ex duodecim tabulis vel edictis magistratuum ius civile interpretati sunt probatas civium iudicys creditasque sententias : vt sic ius prudentum auctoritate definitum & receptum tandem longa consuetudine firmatum in mores olim transiisse videri possit, & per consequens auctoritatis iurisconsultorum appellatione mores recte apud Papinianum contineri, quos tamen à prudentum auctoritate distinxit separauitque Cicero. Et hæc quidem cum ita se habeant, nunc prorsus intelligimus quo sensu I. C. iuris appellentur conditores : nimirum si non alia, saltem fori disputationis manifesta ratione. Sic Pomponius auctoritatem prudentum iura constituentium auctoritatem vocat, c. 120. de verb. sign. Eoque sensu accipiendum est quod ad hunc modum Iustinianus scribit: *filiam furiosi marito posse copulari omnes penè iuris antiqui conditores admiserunt.* cap. 25. C. de nupt. Addatur & illud imperatoris Iuliani; *Procuratorem posse eum instituere veteris iuris voluerunt conditores.* capite vigesimo tertio C. de procur. Eutropius etiam Vlpianum iuris appellat conditorem. Nec aliud visus est Cicero respexisse, cum sic de Iuriscōsultis pro Murena scriberet; *Deinde vestra responsa atque decreta & euertuntur sæpe dicendo, & sine defensione oratoris firma esse non possunt.* Per responsa enim singulorum intelligit Cicero Iurisconsultorum definitiones, per decreta vero certas fori disputatione communi disputantium suffragio receptas sententias. Tunc enim decernere dicebantur Iuriscōsulti, cum de iure dubio certam & communi consensu probatam proferrent definitionem. Id quod Caius euidenter demonstrat sic de recepta quadam sententia scribens; *Satis constanter veteres decreuerunt, testamentorum iura ipsa per se firma esse oportere; non ex alieno arbitrio pendere;* c. 32. in princ.

princ. de hæredib. instit. Eoque etiam hæc Arcadij Charisij verba pertinent; *ut Herennius Modestinus & notando, & disputando bene & optima ratione decreuit, capitulo fin. §. 3. de muneribus.*

CAPVT XV.

De regulis iuris.

IVs illud quod fori disputatione communi quadam prudentum definitione conclusum erat & enulgatum, ius appellari receptum solet. Idque sibi visus est Iustinianus voluisse, cum scriberet *acquisitionem per arrogationem eo iure quod consensu receptum est introductam esse, §. 1. Instit. de acqui. per arrogat.* Per consensum, expressum aliquem Iurisconsultorum in vnam fori disputatione sententiam simul descendentium, consensum intelligens. Idque eo mihi probabilius videtur, quod videam sic Vlpianum scripsisse. *Inter omnes conuenit heredem sub conditione possidentem hereditatem, substituto cauere debere de hereditate, cap. 12. Qui satisd. cog.* Idem Vlpianus *Neratium scripsisse ait, etiam si alienum seruum vendideris, furtis noxisque solutum prestare debere, idque ab omnibus receptum esse, cap. 11. §. 4. de action. empti.* Eoque sensu ius receptum accepit Gellius lib. 12. cap. 13. Sic enim scribit, *Si aut de vetere, inquam, iure, aut recepto, aut controuerso, aut ambiguo, aut nouo; aut constituto discendum esset, issem plane sciscitatum ad istos quos dicis.* Et quoties de hoc iure loquuntur iurisconsulti, his fere verbis vti perpetuo solent; *Post magnas varietates obtinuit, c. 32. de oblig. & act. Plerumque solemus dicere, cap. 10. §. 2. de pactis. Veteribus placet, cap. 28. de pactis. Vulgo traditum est, cap. 11. de seruit. cap. 3. quemadmod. seruit. amit. Receptum est propter necessarium usum ex utilitate publica; cap. 8. depositi. Placuit prudentioribus, placuit veteribus,*

veteribus, cap. 54. mandati. cap. 7. de contrah. empt.
Vulgo receptum est, cap. 2. de vsur. *Gallus sic postumos in-*
stitui posse induxit, cap. 29. de liber. & postu. *Placuit pru-*
dentibus, capite 31. de vulg. & pupill. *Ita prudentes hoc*
interpretati sunt, d. cap. 31. *Quod per manus traditum est.*
 cap. 10. de iure codicill. *Certo iure utimur*, cap. 49. in
 princ. de testa. *Obtinuit Galli sententia alienos quoque po-*
stumos legitimos nobis heredes fieri, c. penult. de legat. 1.
Nec de alio iure hæc verba vulgaria, *Et hoc iure uti-*
mur; quæ passim in pandectis obuia sunt, quam de re-
 cepto iure accipienda esse huiusmodi quorundā re-
 sponsoꝝ clausulæ manifestum faciunt; *Hoc iure*
nos uti Pomponius scribit; cap. 17. §. 4. de pactis cap. 37.
 de procurat. *Sed mihi traditum est hoc iure nos uti*; c. 57.
 de man. test. Nec quidem ius sine scripto ex sola
 prudentum auctoritate constans appellari duntaxat
 ius receptum solet. Illud enim & recepta sententia
 & regula iuris etiam dicebatur. Id quod his verbis
 euidentissime demonstrat Vlpianus; *Quæ sententia uti-*
litaris causa recepta est, & à nobis probatur. cap. 2. §. 3. de
 statulib. Eoque sensu arbitror Iulium Paulum quin-
 que illos quos ad filium misit sententiarum libros,
 receptarum sententiarum inscripsisse; nihil aliud iis
 libris filium docere volentem, quam ius illud quod
 receptum erat & prudentū auctoritate introductum,
 iis potissimū adiectis, quæ ad illius iuris interpreta-
 tionem plurimum conducere idem Paulus abitraba-
 tur. Quod ipsum & eos etiā iuriscōsultos fecisse mi-
 hi persuadeo qui Regularum libros ediderunt. Nihil
 enim aliud regula iuris est, quam recepta quædam
 consensu Iuriconsultorū probata sententia. Eoque
 sensu regulas iuris in iis libris qui Regularū inscri-
 buntur, iuriconsultos accepisse testis euidentissi-
 mus est Modestinus. Sic enim libro tertio Regularū
 scribit;

scribit ; *Plura delicta in vna re plures admittunt actiones, sed non posse omnibus vri probatum est.* cap. 53. de act. & oblig. Nam quid aliud quæso his verbis , *probatum est*, voluit sibi Modestinus , quam ius illud non scriptum iudicare quod consensu probatum est & receptum ? Iulianus etiam id vehementer his verbis probat ; *In his quæ contra rationem iuris constituta sunt , non possumus sequi regulam iuris*, capite decimo quinto de legibus. In hoc enim loco per ius constitutum evidentissime ius receptum intelligit Iulianus, illudque ius appellat regulam iuris. Nam hoc sensu ius constitutum accipi posse ; testis est Neratius Priscus sic libro quinto Regularum scribens ; *Cœptam usucapionem à defuncto , posse & ante aditam hereditatem impleri constitutum est.* cap. 40. de vsurp. hoc est iure quodam singulari receptum. Id enim ipsum quod Neratius constitutum esse ait , *iure singulari receptum fuisse* testatur expressè Papinianus , cap. 44. §. 3. de vsurpat. Quis igitur dubitabit quin regula iuris ius illud appelletur quod sine scripto prudentium auctoritate probatum & receptum est ? Et hanc quidem regulæ interpretationem vehementer probat etiam Vlpianus ; ait enim *regulam esse iuris civilis in rem suam auctorem tutorem fieri non posse*, cap. 1. de auctor. tutor. Haud dubie per ius civile non legem aut aliquam aliam iuris scripti speciem , sed ius non scriptum consensu receptum intelligens. Pomponius enim proprium ius civile illud ait esse, quod sine scripto in sola prudentum interpretatione consistit. cap. 2. §. 6. de orig. iur. Ea nimirum ratione qua de eo quod iure civili , hoc est sine scripto receptum est, differit etiam Iulianus, cap. 24. de condit. & demonstrat. Eoque sensu regulam iuris civilis accepisse visus est idem Pomponius, cap. 12. §. 2. de legat. 1. Caius. c. 4. qui testam. facere pos.

DE AVCTORITATE PRUDENT. 929
pos. & Iulianus, capit. 13. §. 1. de liber. & post. Et
quia ius codicillorum ius esse non scriptum auctor
est Iustinianus §. 1. Instit. de codicillis, hinc etiam
evidentissimum est ius non scriptum regulam iuris
appellari. Differens enim de recepto codicillorum
iure Caius sic scripsit; *Plerisque placet in codicillis iuris
civilis regulam spectari oportere*, cap. 17. §. fi. de testam.
milit. Haud dubiè per iuris civilis regulam ius illud
codicillorum intelligens, quod sine scripto rece-
ptum ex sola prudentum interpretatione constabat.
Et sic quidem satis arbitror perspicuum esse ius re-
ceptum, receptam sententiam, & regulam iuris civi-
lis, ius illud non scriptum significasse, quod à pru-
dentibus iuris erat introductum. Porro quonam sen-
su accipienda sit illa regulæ definitio, quam tradidit
Paulus cap. 1. de reg. iuris, antiq. hi non ignorant, qui
nostris ad eum titulum prælectionibus Duacanis
interfuerunt; eamque interpretationem hic repe-
te, nostri instituti ratio non patitur. Nunc de consue-
tudine videamus.

C A P V T XVI.

De consuetudine.

CONSVETVDINIS proprium est ius non scri-
ptum confirmare. Sic enim inuenimus Nera-
tium scripsisse libro primo regularum; *Ergo omne ius
aut consensus facit, aut necessitas constituit, aut firmavit
consuetudo*, cap. 10. de legibus. Quandoquidem enim
regula iuris civilis nihil aliud sit, quam ius quoddam
receptum, siue recepta sententia quædam vt est su-
periore capite demonstratum; idcirco dubium non
videtur, quin per ius illud quod consuetudine firma-

tur libro primo Regularum, *regulam iuris civilis*, hoc est ius non scriptum Neratius intellexerit. Idque ex eo videri potest euidentissimum, quod sic etiam scripserit Vlpianus; *Diuturna consuetudo pro iure & lege in his que non ex scripto descendunt observari solet*; cap. 33. d. tit. Nec id adeo mirum si consideremus libro secundo de inuentione Ciceronem tradidisse in plerisque ab auctoritate iurisconsultorum, & contra auctoritatem dici oportere. Per iurisconsultorum enim auctoritatem cum Papiniano ius non scriptum intelligit Cicero, necdum diuturna consuetudine firmatum; cap. 8. de iustit. & iure. Quo sensu decreta Iurisconsultorum & eueri sæpè dicendo, & sine defensione oratoris firma esse non posse, scripsit idem Cicero pro Murena; quemadmodum superiore capite à nobis est demonstratum. Nec quidem sic accipere conuenit quasi sententia omnis usu recepta & firmata consuetudine etiam si iniusta sit, nihilominus tamen firmam obtineat iuris auctoritatem. Est enim Celsus auctor, *quod non ratione introductum, sed errore primum, deinde consuetudine obiectum est, in aliis similibus non obtinere*, cap. 39. de legibus, hoc est, statim errore deprehenso omnem exuere iuris pristini vigorem & potestatem in expediendis similibus futuris difficultatibus. Iuxta Varronis illud de ling. Lat. lib. 8. Quare qui ad consuetudinem nos vocant, si ad rectam, sequamur; sin ad eam inuitent que est deprauata, nihilo magis sequemur. Et hoc nimirum illud est quod ad hunc modum rescripsit Constantinus; *Consuetudinis ususque longæui non vilis auctoritas est, verum non usque adeo sui valitura momento, ut aut rationem vincat aut legem*; cap. 2. C. quæ sit longa consuetudo. Ideò legem non vincit consuetudo, quod ea legis interpret sit, & sic inferior lege; Optima, inquit Paulus, *legum interpret consuetudo*, cap. 37. de legibus. Est etiam consuetudo rationis

rationis interpretes, atque ita per consequens non superior etiam ratione; qua sola de causa nec rationem vincere potest consuetudo Id quod Tertullianus eleganter docet, sic in lib. de corona militis scribens: *Consuetudo autem etiam in civilibus rebus pro lege suscipitur, cum deficit lex, nec differt scriptura an ratione constet, quando & legem ratio commendat.* Porro si lex ratione constat, lex erit omne quod iam ratione constiterit à quocunque productum. Et paulo post; *Nec autorem respicias sed auctoritatem, & imprimis consuetudinis ipsius, qua propterea colenda est, ne non sit rationis interpretes.* Nec est quod cum Duareno aliisque iuris interpretibus in dubium voces, *an lex aliqua tolli possit contraria consuetudine.* Est enim Iulianus auctor tacito populi consensu per desuetudinem leges abrogari, cap. 32. in fi. de legibus haud dubiè nō contrariam consuetudinem aliquam, sed ipsarum legum obliterationem desuetudinis appellatione intelligens. Ea profecto ratione qua sic lib. 11. cap. 18. de legibus Draconis scripsit Gellius; *Eius igitur leges quoniam videbantur impendio acerbiores, non decreto inissoque, sed tacito illiteratoque Atheniensium consensu oblitterata sunt.* Et lib. 12. cap. 13. Sed legum quoque ipsarum iussa consensu tacito oblitterantur. Alio igitur sensu tolli lex desuetudine dicitur, alio item contraria consuetudine. Tollitur quidem desuetudine quæ consensu tacito sic oblitteratur, ut ius illud vetus iterum reciperetur usu quod per oblitteratam legem fuerat abrogatum; tollitur verò contraria consuetudine, cum ius aliquod legi directo contrarium & quo populus antea non fuerat usus introductur, id quod fieri non potuit, ne legem vinceret consuetudo. Atque huius quidem opinionis novæ auctor mihi primus fuit summus ille Iurisconsultorum sui temporis princeps Franciscus Connanus, qui

932 IAC. RÆVARD. TOM. II. &c.
de consuetudine tam differuit accurate, vt nihil ea
disputatione meminerim vidisse me quicquam ex-
cellentius. Ius non scriptum diuturna consuetudine
firmatum in mores transibat. *Sunt enim mores, auctore*
in fragmentis Vlpiano, tacitus consensus populi longa
consuetudine inueteratus. Quo sensu moribus receptum esse
ait Paulus vt fœmina civilibus officiis non fungantur, cap.
12. §. 2. de iudic. cap. 1. ad SC. Vellei. Et Vlpianus;
Moribus, inquit, apud nos receptum est, ne inter virum &
uxorem donationes valerent, cap. 1. de donat. inter vir. &
vxor. Et hæc quidem omnia quæ ab aliis non sunt ani-
maduersa ad demonstrandam veterum Iurisconsulto-
rum auctoritatem sufficere visa sunt, eaque si grata
fuerint eruditis hominibus, propediem nouas
aliquot obseruationes in medium ad-
feremus, plurimorum expe-
ctationem supera-
turas.

Finis totius operis.

INDEX AVCTORVM

QVI IN HOC OPERE

CITANTVR.

A

A Cursius.
 Agidius Vvitsius.
 Aelius Gallus.
 Aelius Spartianus.
 Africanus.
 Aggenus Vrbicus.
 Alciatus.
 Alexander imperator.
 Alfennus Varus.
 Ambrosius.
 Anistius Labeo.
 Antoninus Caracalla.
 Apuleius.
 Arcadius Carisius.
 Aristoteles.
 Arnobius.
 Asconius Pedianus.
 Ateius Capito.
 Atilicius.
 A. Gellius.
 Aulus Vitellius.

B

Boëtius.
 Bulgarus.
 Brissoni.

C

Caius.
 Callistratus.
 Capitolinus.

Cassiodorus.

Cassius.

Celsus.

Cicero.

Clemens.

Commodus.

Cornelius Tacitus.

Cornelius Fronto.

Cornelius Nepos.

Cornutus.

Cyprianus.

D

Dio.

Diocletianus.

Dionysius Halicarnassensis.

Domitius Vlpianus.

Donatus.

Duarenus.

E

Eguinarius Baro.

Ennius.

Eutropius.

F

Festus.

Flavius Vopiscus.

Florentinus.

Franciscus Connanus.

Fulgentius.

G

Goueanus.

Nnn 3

Gordia

Gordianus.
Guido Laurinus.

H

Hadrianus Imperator.
Haloander.
Henricus Stephanus.
Hermogenianus.
Hieronymus.
Hilarius.
Horatius.
Hubertus Goltzius.
Hygenus.

I

Iac. Cuiacius.
Jacob. Curtius.
Ianolennus.
Iohan. Castelius.
Isidorus.
Iulianus.
Iulius Capitolinus.
Iulius Sabinus.
Iulius Paulus.
Iunius Mauritanus.
Iustinianus.
Iustinus Martyr.
Iuuenalis.

L

Lactantius.
Lampridius.
Laurentius Valla.
Leo imperator.
Licinius Rufinus.
Lucius Aelius.

M

Macer.
Macrobius.
Macianus.
Marcellus.
M. Minucius Felix.
Marc. Varro.
Martialis.
Marianus.
Mazochius.
Modestinus.
Mutius Scauola.

N

Neratius.
Nerua.
Nonius Marcellus.

O

Obertus Gifanius.
Onuphrius.
Optatus Afer.

P

Pacatus Drepanus.
Papinianus.
Paterculus.
P. Africanus.
Phauorinus Philosophus.
Pedius.
Petronius Arbiter.
Philippus Imperator.
Placentinus.
Plautius.
Plinius senior.
Plinius iunior.
Plautus.

Plutarchus.

Plutarchus.
Porphyrius.
Portius Cato.

Priscianus.
Procopius.
Proculus.
Prosper Aquitanicus.
P. Faber.
P. Victor.

Q

Quintilianus.
Quint. Cernid. Scauola.
Qu. Mucius.

R

Ruffardus.

S

Sabinus.
Saluianus.
Salustius.
Seneca.
Serbidiu Scauola.
Sernius Honoratus.
Sernius Maurus.
Seuerus.
Sextus Aelius.
Sextus Rufus.
Siculus Flaccus.
Sidonius Apollinaris.
Sigonius.
Smétius.
Sofipater.

Sozomenus.
Suetonius Galba.
Suidas.
Symmachus.

T

Tacitus.
Taurellus.
Terentius Clemens.
Terentius.
Tertullianus.
Thalelaus.
Theophilus.
Theodorus Balsamon.
Theodoricus rex.
Tu Linius.
Trebatius.
Tryphoninus.
Tübero.

V

Valerius Maximus.
Valerius Probus.
Valens.
Vegetius.
Venuleius Saturninus.
Verrinus.
Victorinus.
Virgilius.
Vlpianus.
Vulcatius Gallicanus.

Z

Zeno.

INDEX RERVM ET VERBORVM

in Tomos duos Iacobi Renardi.

A BROGARE legem	1.2	Actor quando constituatur.	268. & 269
Absens, aut mutus stipulari nequeunt.	333	Actor qui litem detulit, eam perferre non cogitur.	205
Absentes qui dicantur.	183	Actori non licet, quod reo non permittitur.	208
Abundantia non vitiat scripturas.	292	Actum agere, prouerb.	417
Acceptilatio quid.	202	Actus legitimi.	259
Acceptilatio actus mancipationi contrarius.	261	Addicti.	35
Acerra.	54	Adorare pro agere.	96
Accessorium naturam sequitur sui principalis.	158	Adulterium inter crimina capitalia numeratur.	587
Accusator pro omni actore.	510	Ædituus pro sacerdote.	461
Acron.	14	Ædiū vsus cui legatus, quales possit personas recipere.	137
Actio ex nudo pacto nulla datur.	479	Ædes damnatorum Mag. im- per. diruta.	443
Actionis verbo interdictum quoque continetur.	146	Ædium vsum legantis, quæ intentio.	138
Actiones honorariæ.	283	Æquitas in iure maximè spectanda.	286
Actionem dare & denegare.	29	Æquitas interdum pro genere interdum speciei loco ponitur.	286
Actionem denegare eius est, qui & dare potest.	305	Ærarij & fisci differentia.	583
Actionibus duabus ex vno facto concurrentibus, quid faciendum.	341	Ære commercioque interdicere.	338
Actio cui datur, eidem & competit exceptio.	315	Æs nexum apud antiquos.	201
Actio cum seruo nulla est.	308	Æstimia.	34
Actionem habere minus est quam rem.	415. & 416	Aggredi pro aggredi.	40
Actio de partu agnoscendo.	468	Agnati qui	628. vnde dicti. ibid. & 44. & 47
Actiones temporales.	350. & 351	Agrorum prouincialium differentia.	60
Actio mādari differt ab actione negotiorum.	199	Alienari res quot modis dicatur.	135
Actio Fabiana quæ?	227	Alienare inuitis.	171
Actiones à Pontificibus peti solitæ.	29	Allucinatus pro alutatus.	445
		Ambire,	

Ambire, supplicare est. 640
 Amittere rem non videtur cuius propria non fuit. 268
 Animaduersio maior. 765
 Anni pubescentes in feminis undecimus, in masculis vero decimus tertius & decimus quartus. 317
 Annorū dispensatio. 360
 præbitio. 563
 Antiquare legem. 1
 Annulo quisque olim res suas signabat. 667
 Antestatio. 14
 Antestari seruos non potuisse. 15. & 16
 Antoninorum differentiæ. 541.
 542. & seqq.
 Apollo oculariam medicinam primus inuenit. 342
 Aqua pluuiæ. 346
 Aquæ ducendæ ius amissum. 396. & 397
 Aquiliana stipulatio. 202
 Arbitrorum duo genera. 165.
 & 568
 Arceram sternere. 12. 13
 Arcula quid significet Iurisp. 486
 Arnobius. 161
 Ascia. 49. 50
 Asserendi ratio per vindicæ. 32
 Assiduus. 38. 39
 Assis non facere. 149
 Atrox iniuria cui & quando fiat. 446
 Auersio quid, & ut à sectione differat. 493. 494
 Augustus in libellis diplomatibusque signandis sphinge usus est. 251
 Augustus non temerè bibit interdiu. 240

Augustus 16. anno ætatis sumptit togam virilem. 115
 Aulæa Attalica pretiosissima. 655
 Auriculam vellere. 15
 Auunculus. 628
 Axit pro egerit. 32

B

Beneficium non est sine altero. 219
 Beneficiū inuito nō datur. 245
 Benigne interpretandum, quod perperā in testamento scriptum est. 243
 Bonam copiam eiurare. 358
 Bonis interdici lege aut moribus solet. 390
 Bonis cedere. 358
 Bonorum proscribendorum apud Rom. ratio. 780
 Bonum fieri, rarum omnino & difficile, & prouum esse malum. 317
 Bonus vir, peritus architectus Labeoni. 178
 Bonus, pro vtili & idoneo. 193
 Bule & Ecclesia. 378
 Bulla scorrea. 114

C

C pro G. antiquis frequentissimum. 27
 Calcei mulleoli. 444. & 445.
 lunari, puri, patritij. ibid.
 Callistratus sibi contrarius. 108. & 109
 Caluitur. 14
 Capital quid. 565
 Capitalis pœna. 93
 Capite censi. 38
 Capulum. 87
 Casus incerti. 180
 Casus certus quid Iustiniano. 178

I N D E X.

Causa principalis.	396	Circumuentio alterius non	
Causa maior à re maiori di-		præbet alij actionem.	225
uerfa.	768	Ciues Romani calceis vsi.	444
Causa minor maiori cognitio-		Ciuis vis & fœtucaria.	20.21
ni non præiudicat.	763.765	Claudij imp. numisma.	108
Causa cadit qui non quemad-		Clauis donata mulieribus.	83
modū oportet, agit.	213.243	Cliens.	11
Causæ cognitio necessaria in		Coëmptio.	80.81.82.83
præiudiciis.	751	Cognatorum & agnatorum	
CAVSSAM GNOSCITO.	26	differencia.	628.629
CAVSSAM CONSCITO.	27	Cognitio prætoria.	793
Causæ coniectio.	ibid.	Collegium pontificum.	460
Causa minor cedit maiori.	306	Collo obtorto in ius trahi.	310
Cautio iudicij sistēdi causa.	19	Commeatus quid.	332
Cauillationis natura.	241	Commeatus à senatu petitus.	
Cautionis & sponfionis diffe-		352. duo sub se continet	
rentia.	652	tempora.	353
Cautionis plus in re est, quàm		Committi pro initiari.	142
in persona.	180	Cōmoda cuiusque rei sequun-	
Cepisse cum & sine diphthon-		tur cum quem sequuntur	
go peperit confusionē.	141	incommoda.	134
Celsus proculcianæ scholæ de-		Compensatio quid.	275
fenfor.	271	Conceptum furtum.	95.96
Cepisse non videtur, qui per		Concubina vereribus amica.	
exceptionem à petitione re-		192	
mouetur.	139	Conductio ex vno nummo di-	
Cereris castum.	475	stinguitur ab eo quæ con-	
Certum quot dicatur modis.		stat ex pretio.	147
178		Confarreatio.	78.79.80
Cervice adstricta in ius rape-		Cōfessus pro iudicato est.	354
re.	309	Coniectio causæ.	106
Charistia, conuiuium solenne		Connubium quid.	191.192
apud maiores.	235	Consanguinei qui.	627
Chirographi & syngraphæ		Consanguinei differunt ab	
differencia.	179.526.&527	agnatis.	628
Chirographum suū qui agno-		CONSERERE manum ex	
scit, utique quod continetur		iure.	20.21
in eo non inficiatur.	199	Consilij non fraudulentum nulla	
Chiron Centaurus artis medi-		obligatio.	221.222
cinae chirurgicæ ex herbis		Consortes qui dicantur.	279
primus inuentor.	342	Consortes potest facere casus.	
Xenotus quid.	504	280	
Cibaria mandare.	123	Consualia.	77.78
		Contra	

I N D E X.

Contractus annui præbendi.	Damnum facere ac pati.	362.
189	363	
Contractus imaginarij origo.	Dea viriplaca.	224
151	Debentur quædam iure ciuili,	
Contractus imaginarius de	quæ prætorio iure non de-	
emendis seruis. 149. quis	bentur.	242
eius modus. ibid.	Decretum, cognitio, & ius sin-	
Contractus mutui exceptione	gulare, diuersa.	300
pacti non potest extingui.	Decreta quo sensu accipienda.	
140	799.800	
Contrahens non ignoret con-	Decurialis numerus.	102
ditionē eius cum quo con-	Defendere boni viri arbitratur	
trahit.	quid.	382
158	Defensor idoneus.	293
Contumax qui.	783	
Conuenientia ætatis per Pla-	Definire quid.	105
tonem definita.	599	
Conuentionum 3. species.	Definitio in iure ciuili peri-	
572	culosa.	414
Conuentio I C. generis no-	Derogare legi.	2
men.	183.477	
Conuentio ex iure gentium	De capite cuius rogari.	4
capit substantiam.	575.578	
Conuentus prouincialis.	817	
Comitiū quasi conuociū.	433.	
quis facere dicatur.	434	
Cornelius Tacitus.	151	
Corporalia munera feminis		
ipse sexus denegat.	111	
Creditorum diuisio.	360	
Culpa duplex.	170.172.173	
Culpa caret qui scit, sed pro-		
hibere non potest.	225	
Culpa lata. 171. leuis.	ibid.	
Culpa est immiscere se rei ad		
se non pertinenti.	203	
Curatores.	45	
Custodia reorum quotuplex.		
553		
D		
D Amnati ad bestias.	507	
Damnatus commodati		
non fit infamis.	212.213	
Damnum dare quis dicatur.		
385		
	Dies diffidendi.	13
	Dies comperendini.	802
	DIES DIFFISVS ESTO.	
	14	
	Dies sessionum.	777
	Diffarreatio.	82
	Diffissus.	13
	Diffensus.	ibid.
	Diffusus.	ibid.
	Diminutionis capitis magnæ	
	tres species.	534
	Disortiones consortioni con-	
	trariæ.	280
	Dispensatoris officium.	676
	Dissoluitur quicquam eo ge-	
	nere, quo colligatū est.	203
	Diui fratres.	150
	Diuortium quid.	222
	Doli mali definitio secundum	
	G. Aquiliū. 168. Vitiosa. 169	
	Dolus pro possessione est.	341
	Dolo facere nemo videtur, qui	
	suo iure vtitur.	230
	Doli	

I N D E X.

Doli mali exceptio	161.	non nocet his quibus volūtas testatoris non refragatur.	161	Error consensui cōtrarius.	324
Doli appellatione aliquando continetur lata culpa.	174			Esit pro erit.	12
Domina quæ.	192.193			Esunt.	34
Dominium olim duplex.	504			Exceptio quomodo transeat in præiudicium.	737
Dominus pro exhibitore conuiuij.	143			Exceptione & ipso iure debitū tollere differunt.	140.141
Dominium apud duos pro solidio esse nequit.	354			Excusatio tutoris non est recognitionis, sed iuris ordinarij.	393
Dominium nō nisi ex vna causa potest contingere.	376			Exemplum ab indice quomodo differat.	290
Domum reficere.	236			Experiundi via duplex.	179
Domus tutissimum refugium & receptaculum.	786			Extra ordinem, idem quod, de plano.	451.452
Donandi ac vendendi ius.	380			F	
Donario ac stipulatio mortis causa.	154			Facere testes.	15
Dotis prima habeatur ratio	245			Faciendi verbo, reddendi etiam causa continetur.	198
Dubium quod est, humanitas inclinatur in melius.	244.334			Factum in pactis, ius in stipulationibus versatur.	177
E				Factum facto, ius mutari iure non est absurdum.	483
Eddendarum actionum rationes diuersæ.	788			Falcidia vna in patris & filij tabulis.	232
Eductio contraria inductioni.	366			Falsum iurans etiam peierat.	484.485
Eiurare militiam, quid.	265			Fariari.	40
Electrū auri, appellatione non continetur.	469			Faxit pro fecerit.	31.32
Emancipatio.	9			Fœminæ nullam ducunt familiam.	228
Emptio suæ rei non valet.	218			Fœminæ non habent hæredes suos nec agnatos.	629
Em pro eum.	14			Fœminæ procuratores esse prohibentur.	112
Endodie.	34			Fœminæ absque consensu parentum à filiisfamil. ductæ iniustis annumerantur.	615
Endoplorato.	34			Fœminæ ab officiis ciuilibus remouentur.	107.111
Endoprocinctu.	34			Fœminas ad sobolē procreandā dotatas esse necesse.	277
Erratum quomodo accipiendum.	458			Fœminis à morte viri vacatio anni	
Erratum citumque.	280.281				
Erradicium.	228				
Errare verbo aliud est, quam appellatione vti ambigua.	243				

anni tribuitur. 419
 Feralis pestis quid, & unde dicta. 635
 Festuca Plauto idē quod I.C. vindicta. 596
 Festucaria vis & ciuilis. 20
 Fides bona non patitur, ut bis idem exigatur. 232
 Fidei bonæ possessor. 347
 Fideicommissum ademptum videtur inimicitis interpositis. 160
 Fideiusor patri non obligatur. 158
 Filius viuo patre natus, agnatus dici non potest. 631
 Filiifamilias absque consensu patris matrimonium rite non contrahunt. 312
 Filius post tertiam emancipationem liberatur patria potestate. 8.9
 Filiifamilias viripotens. 152
 Flagitare pro stuprare. 339
 Flagitati inter cutem. ibid.
 Flagitium, vitium virgini illatum. 339
 Fœdus in foro percuti olim solebat. 578
 Fori disputatio. 103
 Fori annona. 560
 Foro cedere qui dicantur. 359
 Fraudare scientem nemo videtur. 356
 Fribusculum, seu Frigufculum. 224
 Fructus rei est, vel pignori dare licere. 252
 Fruges excantare. 89
 Fiat pro fiat. 14
 Functionis publicæ species. 207
 Funeris impensæ. 347

Funus facere, iusta facere, & exequi funus, diuersa sunt. 348
 Funus quid. 349
 Furcilles, siue furcillæ. 312
 Furiosus loco absentis est. 334
 Furiosus nullum contrahere negotium potest. 119
 Furiosi nulla voluntas. 207
 Furtum per lancem & licium conceptum. 95

G

Aia. 79
 Gallus Aquilio, collega Ciceronis. 202
 Gellij loci. 11. 12. 20. 26. 27. 28. 30. 31. 32. 34. 38. 40. 82. 91. 95. 96
 Genus à genendo dictum. 624
 Genus iustum, species improba ac prorsus iniusta. 266
 Generis appellatione quid comprehendantur. ibid.
 Gentilis. 45. 46
 Glebam in sepulchrum oblicere. 349
 Glebas in ius deferre. 21
 Glebas addicere. 25
 Gnosco pro cognosco. 27
 Gnotu pro cognitu. ibid.
 Græca fides. 180

H

Abere in concubinatum, & in concubinato, differunt. 131
 Hamotrahones. 87
 Hasta insigne imperij, & armorum. 250
 Hæredis appellatione qui significentur. 325
 Hæreditas quid. 125. 238
 Hæreditatis restitutio non solutio est, sed successio. 336
 Hære

I N D E X.

Hæreditas sicut leo facta.	134	ris non potest conualescere.	189.190
Hæres pro domino.	122.283	In iure cessio.	63
Hæres secundus quis.	232	Interpretatione libertatis du-	
Hæres sponte cum legatariis		bia existente, secundum li-	
non contrahit.	159	bertatem respondendum est.	162.163
Hæres succedit in vniuersum		Interrogatio in iure nonnun-	
ius, quod habuit defunctus.	327.337.378	quam necessaria. 791. modus	
Homines apud sequestres de-		eiusdem.	ibid.
ponere.	26	Intestabilis.	299
Hostis antiquis peregrinus.		Intestatus.	72
20.603		Inuitus nemo rem cogitur de-	
Humanitas dubium inclinât		fendere.	371
in melius.	163	Inuitus publico iure nequit	
I		obligari.	268
I maginarium veteribus quid.		Inuitus nemo ad communio-	
147		nem impellitur.	270
Imaginarix tres emancipatio-		Iouem lapidem iurandi for-	
nes.	9	mula.	638
Immunes res quid veterib. 5	29	Iracundiæ calore quod sit, quan-	
Imperitia culpæ adnumeratur.		do raturum sit.	222
342		Irenarchæ milites seu statio-	
Impossibiles conditiones pro		narij.	602
nullis habentur.	345	Iudicare iubens, magistratus	
Improbis videri nequit, qui		sit necesse est.	204
quantum soluere debeat igno-		Iudicia omnia absolutoria.	
rat.	298	ibid.	
Im pro eum.	94	Iura sanguinis.	127
Imprudentiæ venia in publi-		Iurandi per Iouem formula.	209
cis iudiciis.	311	Iurare bonam copiam.	265
Impubes à ciuilibus officiis		Iure naturali omnes homines	
abstineto.	113	liberi sunt & æquales. 195.	
Inaures vnde dictæ.	436	328.329	
Indicere forum, & concilium		Iurisiurandi gratiam facere.	633
edicere.	821	Iuris naturalis duplex inter-	
Induciæ quid.	575	pretatio.	429
Induciæ egenis creditoribus		Iuris ad alium plus nemo trans-	
concessæ.	300	ferre potest, quam ipse ha-	
Inficiator depositi, furi aut		bet.	228
prædoni non absimilis.	212	Ius non est antiquius regula.	
Ingenuum haberi.	417	104. à iubendo. 430. ciuile,	
Inimicitix capitales.	161	receptum. 103. donandi ma-	
Initio vitiosum, tractu tempo-		ius	

I N D E X.

ius est iure vendēdi. 380. dicere extra territorii suum nemo potest. 386. non scriptum 69. solemne. 185. incorporale non intelligitur possideri. 686. suum persequentes 329. publicum privatorum pactis mutari non potest. 185. nouum pro SC. Orphit. 288. patriæ potestatis an scripta lege fuerit proditum. 4 5. 6 7. suitatis. 127. vitæ & necis in filium 5. 6 pro loco. 21. ex regula non sumitur. 106. naturale quid. 430. duplex ibid. cur dicatur naturale ibid. gentiū. 431. prius iustitiā. 433. à iustitia quomodo descēdat secund. Vlp. ibid. gentium, & ciuile. 519	nihil in se cōtinet iuris. 156
Iustitia quid. 433	Legatum annuum. 153
Iustitiam excludit inæqualitas. 287	Legem ferre, antiquare, abrogare, derogare, obrogare, surrogare. 1. 2
Iustinianus primus sustulit mancipationū nexusque solemnia. 202	Lege Scribonia lata seruitus iucap. ciuilis exoleuit. 716
Iustiniani autoritas compilatoribus in faciendo codice data, qualis. 704	Leges, etiamsi iniquissime, ante abrogationem, iuris auctoritatem obtrinent. 105
Iustiniani error. 596. 597	Legis Claudia duo capita. 453
Iussu alterius solutum. 396	Legis actiones. 64. 65. 329
L	Legiones interdum dicuntur numeri. 592
Lætoria lex minori cōtrahere prohibet. 215	Legitimum. 44
Lapilli ictus. 254. 255	Legitimi tutores. 44. 45
Laudis ornamenta. 56	Leillum pro lugubri ciulat. 51
Legare decemuiris idem quod Iuriscons. testari. 478. 479	Lex Julia primatorum. 363
Legatum delibatio hereditatis. 124	Lex legi non miscetur. 454
Legatum vtile. 140	Lex Attilia Romæ tantum valebat. 463
Legatum ante diei cessionem	Lex formulam tantum, prætor intentionem contrahentium intuetur. 489. 490
	Libellorum magister ex numero iurisperitorum. 251
	Libellum ad ædes proponere. 781. 782
	Liberalitas nolenti acquiri nō potest. 254
	Liber homo in stipulatum deduci non potest. 398
	Libertas rebus omnibus fauorabilior est. 328
	Libertas naturalis est, & seruitute lōge fauorabilior. 163
	Libertas pro ingenuitate. 6
	Libertas res inæstimabilis. 307
	Libertatis infinita æstimatio. 394
	Libitinarij. 53
	Lis vindictiarum. 24
	Lire

I N D E X.

Lite cadere.	344	Matrimonium propter sterilitatem commode retineri nō potest.	418
Litigiosam rem in sacrum dedicans dupli pœnā pati dicitur.	282	Matronarum comites.	616
Liuij loci. 1.2.7.12.32.36.39.76.77.98		Materfamilias.	603
Locatio propriæ rei inefficax.	219	Matrimonium ex sola animi destinatione.	192
Locatio vrb. præd. ac rustic.	375	Matrimonium aliud iustum, aliud iniustum.	190
Locupletior non est factus, qui libertum acquisiuit.	335	Medici olim chirurgi.	342
Locus appellatur ius.	796	Milites præfidiarij.	669
Lotos arbor.	590	Minimum in obscuris sequendum.	131
Luctus quomodo diminui soleat.	475	Missionum militarium species.	264
Luctus legitimi tempus.	470	Modus actionis Pomponio quid.	186
Ludi Circenses.	662	Momentum quid Iureconsultis.	336.337
Lugentur parentes sed nō elugentur.	472	Morbus fonticus.	13
Lugentes abstineant à conuiujs, ornamentis, & alba veste.	473	Mores iuris publici species.	219.220
M		Moriri.	40.41
Magistratus officia.	392	Mulier an cum marito possit habitare.	138
Magistri pagi.	110	Mulier familiæ suæ & caput & finis.	229
Malè meritis publicè, egestastate laborare debet.	296	Mulier libera vendi non potest.	468
Malus & improbus veteribus sacer dictus.	299	Mulierem adulteram dimittere maritus cogitur.	587
Mandatarij negligentia.	175	Mulierum infirmitas, non caliditas meretur auxiliū.	316
Mancipatio.	40.67	Mulieres perpetua tenentur tutela.	448
Mancipatio species alienationis.	135	Multa præiudicialis.	654
Mancipi & nec Mancipi.	135	Munus nil ab officio differt.	107. interdum ab eo separat.
Mancipium.	58.59.60.61.68		ibid.
Manumittendi modus vindicta dicitur.	595	Munus publicum & ciuile differunt.	108.109
Manumissio.	878	Murratum.	54
Manus in reos iniici.	14.15	Murrata potio.	54
Mancipor.	46		Murri
Matrimonium contra leges contractum.	614		

Murrinæ vix. 54
Murrina, Murriola. ibid.
Mutare consilium in alterius naturam. 257
Mutus hæreditatem cernere non potest. 333

N Auicularij civili funguntur munere. 109
Necessitudo sentiat ius cognitionis & affinitatis. 394
Necessitatis causâ recepta in argumentum non trahuntur. 379.380
Negligentia magna culpa est, culpa magna dolus. 171
Nemut pro nisi etiam. 32
Nesi pro sine. 34
Nexæ res. 202
Nexi. 30
Nexum inire. 201
Nexus. 65.68
Nomina pro debitis. 525
Nominum edendorum ratio. 778

Non omne quod licet honestum est. 355.356
Non debet cui plus licet, quod minus est non licere. 163
Nonij Marcelli loci. 14.32.89
Notarij aut librarij, qui. 289
Nouum opus nuntiare. 483
Nuda ratio non facit aliquem debitorem. 275
Nummi coriacei. 131
Nummus sestertius. 149
Nuncupasso, nominasso, eso. 67
Nuptiæ in villa contractæ sint ne inualidæ? 193.194
Nuptiæ sine parentum consensu contractæ. 616
Nuptias non concubitus, sed consensus facit. 190.194

Nurus & focer affines ratione viri. 138.139
Nutus in muto pro sermone est. 333.334

O

O B pro ad. 41
Obligationi solutio contraria est. 299
Obligationes ad quid inuentæ? 256
Obrogare. 2
Obligatio sub conditione contracta ante conditionis euentum non committitur. 141
Obligatio quot concipiatur modis. 141.142
Obligationes iure gentium sunt introductæ. 272
Obligatio nulla cadit in personam seruilem. 164
Obscuritas pacti cui noceat. 388
Obscurum quod non apparet. 130

Obuagulatio. 42
Occasio rapienda, quæ benignius præbet responsû. 384
Occantassint. 94
Officium publicum civile est, non contrâ. 110
Ornamenta muliebria. 435
Ossa legere. 52
Oua matura, pro coctis. 143.
initio cœnæ conuiuiis proposita. ibid.

P

P Actum per pactum, stipulatio per stipulationem tollitur. 490.491
Pactum iniuriarum, quia legitimum est, actionem tollit. 187
Pactum duplex. 477

I N D E X.

Pactum & conuentio.	183	Pipulo differre.	42
Pararius quid Seneca significet.	526	Piscari sine magistratus auctoritate.	394
Parentes plorare.	7	Plautus. 8. 10. 12. 15. 16. 18. 26. 29. 33. 35. 40. 41. 42. 51. 52. 53. 54. 57. 66	
Pariare quid.	540	Pluses, Plusima.	34
Parricida.	311	Plus petentes.	556
Pars continetur in toto, non contrà.	319	Pœna relegationis in seruum non cadit.	373
Partus agnoscendi iudicium, honorarium, non ciuile.	469	Pœna periurij.	486
Patria potestas. 4. 5. 7. 8. 9. 10		Pœnæ grauiores.	764
Patris & patroni persona honesta semper, & sancta liberto ac filio.	311	Pœnalibus in causis benignius interpretandum est.	371
Patroni potentiores, clientes dicuntur humiliores.	137	Pœnalia iudicia.	381
Patronatus ius.	10	Pollinctores.	53
Peccare qui non vetat cum possit, iubet.	313	Pomponius. 126. 128. 136	
Peculij definitio.	291	Pontificia iuris reddendi potestas.	29
Peculium castrense.	ibid.	Pontifices legis actionibus, & iuri ciuili præerant.	13
Pecunia aduentitia.	210	Porca præcidanea Cereri immolata.	349
Pecuniæ quæ in fano deponantur.	460	Portus pro domo.	41
Pecuniæ duobus modis apud numularios deponi solent.	459	Possessionis restituendæ ordo. ibid.	
Pecuniam de domo numerare.	462	Possessio duobus modis recuperari solet.	144
Pedem struere.	15	Postliminium qui nō habeat.	6
Peierare quis dicatur.	485	Postulare qui dicantur.	112
Perduelles.	98	Postulare propriè pro tribunali petere significat.	305
Perduellionis reus.	97	Præconis voce citationes in iure fieri solent.	399
Perduellionem alicui iudicare.	98	Prædia vestigalia.	438
Permutatio temporaria ius prouinciæ non innouat.	331	Præfica.	51
Perones.	445	Præiudicium quid.	745
Periurium per Diu fidiu.	485.	Præiudicium non patitur cui iudicium non est.	741
per genium principis. ibid.		Præiudicium fundo nō fit.	762
Personæ necessariæ in iure quæ.	234	Præiudicium quasi præiudicatum. 826. aliud in rem, aliud in personam, ibid.	
Pignus non perseverat, creditore domino constituto.	218	Præiu	

Præiudicium in C. Verrē. 773
 Præiudicium personale quid, &
 quomodo à reali differat. 768
 Præpositiones geminatæ. 530.
 531
 Prætextatorum cura apud Ro-
 manos. 114
 Prætoria cognitio. 731. quo-
 modo differat à cognitione
 iudicis. 732
 Prætor quomodo consilium
 præbuerit. 812
 Prætor viua vox legis. 176
 Prætozem tutelarem quis pri-
 mus instituit. 464
 Precarium. 374
 Pretium Varroni quid appelle-
 tur. 146
 Prior tempore, potior est iure.
 298
 Priores leges ad posteriores
 trahi. 2
 Priuatorum conuentio non de-
 rogat iuri publico. 219
 Priuilegia irrogare. 3.4
 Procure idē quod pōscere. 808
 Procitare. 34
 Procurator contestata lite do-
 minus litis efficitur. 281
 Profectio imaginaria. 21
 Proferre, & prodere diem ea-
 dem sunt; proferre, & refer-
 re, contraria. 257
 Proficisci dicendarum vindi-
 ciarum causa. 22
 Proletarij. 38
 Proquiritare. 8
 Publicare idem quod proscri-
 bere. 671
 Pupillus adire hæreditatem, ac
 cernere potest, dummodo
 possit fari. 120
 Pupillus cum defensore tutoris

sponte non contrahit. 160
 Pupillus inuitis tutoribus nil
 iuris potest transferre in
 alium. 182
 Pupillus pati posse non intelli-
 gitur. 315
 Puteal Libonis. 647. vnde di-
 ctum. ibid.
 Pyrrhi captiui infames habe-
 bantur. 564

Q Væstio facti. 176
 Questionis perplexæ de-
 cidendæ mos antiquorum. 103
 Quæstus gratia vitā prostituens
 infamis habetur. 553. 664
 Quips endo eo. 32
 Quiritare. 8
 Quiritare, & quiritari. 313
 Quod tibi fieri non vis, alteri
 ne feceris. 287

R

R Adere, Rasores. 51
 Raptus simulatus. 77
 Ricinium pro virili toga. 50
 Recuperatio matrimonij du-
 plici fit actione. 277
 Recuperatores pro iudices. 566
 Recuperare id dicimur, quod
 semel amissimus. 292
 Redemptores. 636
 Regiones suburbicariæ. 200
 Regula iuris ciuilis. 105
 Regulæ auctoritas quanta. 103
 Regulæ definitio obscura. ibid.
 Regula constituit ius. 104
 Relegatio. 373
 Remancipatio. 83
 Rem, siue litem. 25
 Res mancipi & nec mancipi.
 58. 59. 60.
 Res apud sequestris deponere.

I N D E X.

Res in fano custodiri.	ibid.	milites esse possunt.	393.422
Res iudicata pro veritate accipitur.	417	Servus quod acquirit, id acquirit domino.	361
Res nec mancipi mobiles, quæ.	136	Servus nihil habet proprium.	256.274
Retiçentiæ pœnæ.	68	Signare quid significet.	667
Reus non est, quem nemo accusat.	600	Signatores.	526
Rogare legem.	1	Simplaria venditio.	63
Rupitias.	90	Simplariæ res, simplones, simplatores, quid.	356
S		Solutionis verbo satisfactio omnis accipitur.	200
Sacer diuis.	8.9	Solutione extinguatur obligatio.	269
Sacramento contendere.	22.23	Soror dicitur, quasi seorsum nata.	229
Sacramentum quid.	807	Sors patrimonii significat.	280
Sacramentum quinquagenarium.	792	Specialia semper insunt generalibus.	357
Sacrum prætextatum.	114	Sponsione prouocare.	23
Sanguinis coniunctio quatuorplex.	623	Statio quid.	590
Sarcire.	90	Statores apparitores sunt.	455
Se vel nesci, pro fine.	34	Statuliberi quas patiantur pœnas.	502.503
Sectionis auctoritas apud Rom.	495	Stipulatio nostra in cœlis, apud inferos emancipatio.	322
Seçtio in bonorum proscriptionem conuersa.	37	Stipulationum à legatis conditionalibus differentia.	156
Sectores qui appellantur.	359	Stipulationes ius civile introduxit.	488
Sepulchri violati actio.	350	Stipulatio absque vinculo iuris nulla.	157
Sequestratio.	26	Stilicibus iudicandis decemviri.	825.826
Secuesunt.	34	Studiorum causa inter iustas memoratur.	331
Servi pro nullis habentur quoad ius civile.	195	Sub iugum mitti.	98.99
Seruilis persona omni exemptione est personali obligatione.	274	Sub pellibus, id est, tœtoriiis.	582
Servitutem mortalitati ferè comparamus.	420	Subtrahere, aliud quam surripere.	520
Servorum differentiæ.	673.674	Sui dicuntur, qui, sunt in potestate.	229
Servum manumitti mos.	260	Sumptus funeris decernendi pro	
Servus ex domini iussu peccas, mitius punitur.	373		
Servus in ius vocari non potest.	308		
Servi nec reip. causa abesse, nec			

I N D E X.

pro facultatibus.	348.349	Testimonij falsa pœna.	41
Superindictio.	644	Testis domesticus quis.	496
Superflua non nocent.	293	Theodosius imp.	124
Supplicare more solemnî.	185	Tibiæ in funere.	50
Suprema tempestas.	29	Tignum.	84. & seqq.
Sutculum defringēdi mos.	145	Toga prætexta.	113, 114. viri-
Surrogare legem.	2	lis. ibid. pura.	ibid.
Suspensioſi licet non lugendi,		Totū sub se cōtinet partē.	761
sunt tamen elugendi.	312	Transferri quæ dicantur.	157
Suspensioſi qui.	ibid.	Transuectio equitum in causa	
Symmachus.	83	publ.	508
T		Trapezitæ seu danistæ.	459
Tavernæ argentariæ.	459	Triboniani error de tutoribus	
Tabulæ pro libellis.	781	fœminarum.	499
Tabulæ pupillares.	232	Triboniani negligentia.	466
Talio.	92	Tribunal quo loco positum	
Taciturnitas confessionis ge-		794. 795	
nus.	354. 355	Tribunatus num̄erorū.	592. 593
Taxatio dicitur quæ fit certæ		Triumviri capitales.	515
summæ.	177	Tutela officium virile.	253
Temere litigare actor quis di-		Tutela cessitia.	449
catur.	214	Tutela fœminarum tripartita.	
Tempestas.	29	501	
Tempus in testamento adie-		Tutela pupillaris differt à mu-	
ctum.	151	liebri.	153
Tempus quoties non adiicitur		Tutelam defunctoriē suscipere	
præfens intelligitur.	142	quid.	278
Tentoria exeri Rom. ex pelli-		Tutelæ.	42. 43
olim fiebant.	582	Tutori petere permissum, non	
Testamentum ubi est, ibi &		vero repudiare.	391
hæreditas.	349	Tutor in rem suam, auctor fic-	
Testamentum vitiosum pro		ri non potest.	384
non scripto habendum.	256	Tutor pupillam vxorem ducere	
Testamentum quandiu valere		non potest.	500
dicatur.	285	V	
Testamentum absque hæredis		V Adari.	18
institutione nullum.	124. 125	Vades.	18
Testamentum absque hærede		Vadimonium.	80
nullum valet.	397	Vagulatio.	41. 42
Testamenti factio olim iuris		Vela regia.	654
publici.	659	Velle quid, & qui dicantur vel-	
Testatoris sententia in ambi-		lc.	116. 117
guis spectanda.	294	Venditio quibus constet.	146

INDEX.

sine pretio nuda & imaginaria.	ibid.	Virgines vestales.	514
Venundare parentes filios ter potuisse.	10	Viri viris nubentes.	622
Venditionis leges.	387 388	Vis civilis & festucaria.	20
Venditor quis.	377	Vitis præcisio.	255
Verba pro ratione temporis ampliatur & coarctatur.	602	Vlpianus consiliarius, & magister scrinij Alexan. Imp.	569.
Verbis contractum, verbis tolli potest.	299	570	
Verustas pro lege non habenda.	697	Vnciarium fœnus.	56
Viatoria & lictoria.	559	Vnco trahi.	87
Viz sternendæ immunitas.	110.	Voluntas defunctorum bonis hæredibus intellecta pro iure est.	295
munus personale.	ibid.	Voluntas crimen non habet, vbi furore peccatur.	207
Vicesima rerum venditarum.	559	Voluntates testantium plenius interpretantur in testamentis.	139
Vigintiquinque æris pœnæ.	91	Vsucapere, per vsum acquirere significat.	692
Vim ac metum comprobare contra bonos mores est.	322	Vsucapio duplicem requirit causam possessionis.	686. 687
Vim vi repellere.	43	Vsucapio absque possessione non contingit.	367
cuius iuris.	432	Vsucapio quomodo accipienda.	686
Vincula purpuræ.	50	Vsucapio quibus discernatur modis à longa possessione capione.	694. 695
Vindex.	32. 39	Vsum fructum dotalem vno nummo vendere.	147
Vindicatio.	20	Vsurarum vsuræ,	210
Vindicia.	ibid.	Vsurpationis mos.	206
Vindiciam falsam ferre.	25	Vsu vxor.	79. 80
Vindiciis contendere.	22. 23	Vxor alia iusta, alia iniusta.	609
Vindicat.	32	Vxorium pendere, quid?	263
Vindicta manumittendi ratio.	594		
Vindicta vnde dicta.	595		
Vir bonus quis dicatur.	165. 166		
Vir bonus, alius IC. alius Philosophis.	166. 167		
Virgines ingenuæ vitiatæ.	615		


FINIS.

IACOBI
RÆVARDI
IVRISCONSULTI
OPERVM PARS
posthuma;

IN QVA CONIECTANEORVM
LIBRI III. nunc primùm in
lucem editi.

*Ex Bibliotheca IANI LERNVTII
Brugensis Poëta egregij.*

CVM GEMINO INDICE,
altero Capitum, altero rerum
memorabilium.





I. L I P S I V S A D S E -
C V N D V M A N N A L I V M
T A C I T I.

V I D E Plutarchum in Pompeio:
Festum Censio: Agellium lib.
4. sed ante I A C O B V M R Æ -
V A R D V M Variorum libr. 2.
c. 16. Belgarum iurisque ma-
gnam spem cuius immaturæ mortis inui-
diam ne nunc quidem sustinent fata.

Ex Elogijs Auberti Miræi Bruxell.

Felix illa ingeniorum parens vrbs Bru-
gensis, vnde Pamelij, Curtij, Damhoude-
rij, Carriones, Laurini prodire, I A C O -
B V M quoque R Æ V A R D V M nobis extu-
lit, virum singulari ac prope diuino ingenio
præditum. Ea quippe in eo naturæ bonitas ac
præstantia fuit, vt si longior vitæ vsura obti-
gisset, cōstanti omnium sententia, cum sum-
mis Iureconsultis paria facere potuisset. Cu-
ius expeditum animi vigorem, acris ingenij
aciem, in consiliis de magnis & dubiis rebus
capiendis & expediendis solertis mentis ce-

leritatem, atque eximiam eloquentiam hodieq; loquuntur *Comment. ad leges 12. Tab. De Regulis Iuris, De auctoritate prudentium. De præiudicijs; Libri item Variorum ac Coniectaneorum.* Cæterum Duaci Flandrorum Antecessor renunciatus, cum in felicissimo studiorum cursu versaretur, in ipso ætatis flore, luctuoso nouæ ac surgentis Academiæ fato, cito sublatus est; spesque ac messis immensæ amplitudinis, quò pleno gradu tendebat, quasi in herba conciderunt.

INDEX

INDEX CAPITVM IN TRIBVS

HISCE CONIECTANEORVM

Libris contentorum.

LIBRO I.

I. CAP.	<i>De maioribus & minoribus magistratib.</i>	pag. 1
II.	<i>De diuortio propter sacerdotium.</i>	5
III.	<i>De publico tabulario.</i>	6
IV.	<i>De effractoribus carcerum.</i>	7
V.	<i>De flagitationibus ancillarum.</i>	9
VI.	<i>Ludorum causa donatio, & de pratore ludorum</i>	16
	<i>causa prodeumie.</i>	12
VII.	<i>De fabulis personatis.</i>	13
VIII.	<i>De libertinis.</i>	16
IX.	<i>De armamentario.</i>	18
X.	<i>De mercedibus preceptorum.</i>	21
XI.	<i>De ingratis libertis.</i>	24
XII.	<i>De simplarijs venditionibus.</i>	24
XIII.	<i>Religionis beneficium quid sit.</i>	25
XIV.	<i>De testamentorum in funus erogatione.</i>	27
XV.	<i>Synopsis, Coniectio, Index.</i>	28
XVI.	<i>De homicidij poenis.</i>	30
XVII.	<i>De columna lactaria.</i>	31
XVIII.	<i>De scriptis, dictisque famosis.</i>	32
XIX.	<i>De ijs qui fugiunt accusationis metu.</i>	33
XX.	<i>De veste lugubri.</i>	

LIBRO II.

I.	<i>De lege Fusia Caninia.</i>	36
II.	<i>De tempore messium & arearum.</i>	39
III.	<i>De balneis singularia quaedam.</i>	40
IV.	<i>De foliorum usu.</i>	42
V.	<i>De vulgo quesitis.</i>	43
VI.	<i>De eo qui in inuidiam alterius imaginem portat</i>	44
	<i>Imperatoris.</i>	
VII.	<i>De</i>	

INDEX CAPITVM.

VII.	<i>De morte, & capitis diminutione ciuitatis.</i>	45
VIII.	<i>De Tusco vico.</i>	49
IX.	<i>Ad processus viri donatio.</i>	51
X.	<i>De Iurisperitis.</i>	52
XI.	<i>De domesticis sacris.</i>	57
XII.	<i>De riuo parietibus imposito.</i>	57
XIII.	<i>De titionibus & lignis coctis.</i>	58
XIV.	<i>De fundo in assem vendito.</i>	59
XV.	<i>De veteri nuptiarum iure.</i>	60
XVI.	<i>De vispellionibus seruis.</i>	62
XVII.	<i>De exauguratione.</i>	63
XVIII.	<i>De ornatricibus puellisq; comatis.</i>	64
XIX.	<i>De preceptoribus puellarum.</i>	66
XX.	<i>De classicis & allegatis testibus.</i>	67

LIBRO III.

I.	<i>De infantis necandi piaculo.</i>	69
II.	<i>De antiquis Iustiniani fabulis.</i>	72
III.	<i>De militijs quæ vendi solent.</i>	73
IV.	<i>De die natali Calendisque Martijs.</i>	75
V.	<i>Per fenestram monstrare quid sit.</i>	78
VI.	<i>De annonis & contributionibus prædiorum.</i>	78
VII.	<i>De patricijs.</i>	80
VIII.	<i>De susceptoribus vestium militarium.</i>	82
IX.	<i>De moribus.</i>	83
X.	<i>De pedaneis indicibus.</i>	84
XI.	<i>De munere nuptiali.</i>	88
XII.	<i>De vsitato ædificiorum altitudinis modo.</i>	89
XIII.	<i>Religionis causa coire quid sit.</i>	91
XIV.	<i>De speculatoribus eorumque iure.</i>	92
XV.	<i>De re textoria.</i>	94
XVI.	<i>Damnanda memoriæ ratio vetus.</i>	96
XVII.	<i>De Flauij & Caesaris appellatione.</i>	99
XVIII.	<i>De furiosis & mente captis.</i>	100
XIX.	<i>De libris Institut. iuris civilis: Et de Caio.</i>	102
XX.	<i>De optima lege.</i>	103

IACOBI RÆVARDI IC. CONIECTANEORVM

LIBER PRIMVS.

CAPVT I.

De maioribus & minoribus magistratibus.

MAGISTRATVS populi Romani aut maiores erant aut minores. Maiores, consules, prætores, & censores. Minores omnes reliqui. Dicebanturque maiores, quod maximis auspiciis crearentur. Ac de auspiciis quidem illud constat, patriciorum auspicia in duas potestates olim fuisse diuisa, maxima enim consulum, prætorum, & censorum erant, minora verò magistratuum reliquorum auctore Gellio noct. Attic. lib. 13. cap. 14. Maiora & minora auspiciâ à maiore & minore templo nomen habent. *Templum autem locus*, ut ait Varro, *dicebatur in terris auguris vel auspicy causa quibusdam conceptis verbis finitus*. Scribit idem Varro de ling. Lat. lib. 6. templum olim fecisse augures *conspicione*, quâ oculorum conspectum finiebant, & conspicioni addidisse eos *cortumionem* quæ dicebatur à cordis visu, ad hæc loca quædam agrestia quæ augurio, ut ait Festus, designantur, & alicuius Dei sunt, *Tesca* vocari, templumque verbis ad hunc modum conceptis in arce effari consueuisse, TESCAQVE. METÆ SVNT. QVOAD EGO. EAS RELINQVAM.

NVNCVPAVERO. OLLA. VER. ARBOR.
 QVICQVID EST. QVOD. SENTIO. ME.
 DIXISSE. TEMPLVM. TECTVMQVE. FER-
 TO IN SINISTRVM. OLLA. VER. ARBOR.
 QVICQVID EST. QVOD SENTIO. DIXISSE.
 TEMPLVM. TECTVMQVE. FERTO. IN DEX-
 TRVM. INTEREA. CONCRETIONE. CON-
 SPICIONE. CORTVMIONEQVE. VTIQVE.
 EA RECTISSIME. CENSI. Sic mihi Varronis
 locus videtur restituendus & per *arcem*, auguracu-
 lum intelligi. Nam ita locum appellari ; ex quo
 maiora fiebant auspicia , facile ex Festo quivis
 potest animaduvertere. Auctor est etiam lib. 1. Li-
 uius augurem in arcem deductum in lapide ad me-
 ridiem versus consedisſe baculumque sine nodo
 aduncum tenuiſſe quem *Lituum* appellauerunt, in-
 nde prospectu in urbem agrumque capto regiones
 ab oriente ad occasum determinasſe , ad meridiem
 partes dextras, , læuasque ad septentrionem pro-
 nuntiasſe, & signum contra quod longiſſime con-
 ſpectum oculi ferebant ſolo animo finiuiſſe. Et id-
 circo mihi ſatis perſuadeo hæc ſolēnia verba. TE S-
 CAQVE. METÆ. SVNTO. QVOAD. EAS.
 RELINQVAM. NVNCVPAVERO. ad con-
 ſpicionem & cortumionem referenda eſſe, & ſic
 intelligenda quaſi augur ea tacite in corde ſuo pro-
 nuntiet ; hoc ſenſu , Agreſtia illa loca quæ ocu-
 lis & corde video , volo eſſe huius templi metas,
 easdemque metas in hoc templo faciendo tamdiu
 nuncupauero, donec eas finito augurio relinquam.
 Et ſic quidem hæc verba ſolennia viſus eſt inter-
 pretari ipſe Varro, cum ait ; *In hoc templo faciendo*
arbores conſtitui fines apparet intra eas regiones, qua ocu-
li conſpiciunt, id eſt, qua tuimur, à quo templum dictum

& contemplare. Hæc etiam verba. OLLA. VER. ARBOR.
 &c. sic accipienda sunt, vt iis ab augure dextræ & si-
 nistræ regiones determinantur, hoc sensu; Quicquid
 intra illam arborem est quod me sentio cortumione
 & conspiciione templum tectumque dixisse, hoc ar-
 bor illa ferat in sinistrū, id est, arbor illa, & quicquid
 intra eam arborem est, sinistram, & rursus altera il-
 la arbor dextrā determinet regionem. Denique his
 verbis INIEREA. CONCRETIONE, &c. significari etiā
 videtur augurem ea omnia quæ cōcretione, conspi-
 cione & cortumione sensit, vtique rectissimè sensisse,
 hoc est, corde & visu probè omnia determinasse. At-
 que ita quidem cōcretione, conspiciione, cortumio-
 néque effari maiora templa, & iis maiores creati ma-
 gistratus videntur apud Romanos consueuisse. Cæ-
 terum templa minora ad hunc modum definiuit Fe-
 stus; *Minora templa sunt ab auguribus, cum loca aliqua
 tabulis aut linteis sepiuntur, ne vno amplius ostio pateant
 certis verbis definita.* Ex quo loco etiam perspicuum
 est, quo sensu minores magistratus auspiciis mi-
 noribus creati soleant, & quid item à maioribus
 templis, auspiciisque templa & auspicia minora
 differant. Cur autem consulum, censorum, præto-
 rumque maiora, & aliorum magistratuum auspicia
 dicantur minora, hæc ab Aulo Gellio prodita est
 ratio, quod eorum auspicia magis essent rata
 quam istorum. Et hoc inde ni fallor, quod quo
 maiore templo & solemnitate fiant auspicia, eo
 magis esse rata & firma censeantur. Illud etiam
 obseruari solet, vt iisdem maioribus auspiciis con-
 sules & censores non crearentur. *Censores enim col-
 lege consulum aut pratorum non sunt, sed pratores con-
 sulum sunt, & consules pratorum.* Ideoque neque con-
 sules aut pratores censoribus, neque censores consulibus aut
 pratori

prætoribus turbant vel retinent auspicia : at censores inter
 se , rursus prætores & consules inter se viciant & obtinent,
 inquit idem Gell. Quod sic esse intelligendum pu-
 to vt vna conspiciione , vna contumione de prætori-
 bus & consulibus haberi auspicia maiora potuerint,
 non vtique de censoribus & consulibus simul , non
 de prætoribus & censoribus simul. Retinere autem
 (vt hoc etiam obiter admoneam) siue obtinere di-
 cuntur auspicia quibus auspiciato magistratus addi-
 cuntur turbare , quorum causa reperenda auspicia
 sunt , & viciare quibus abdicunt aues magistratus.
 Iisdem igitur maioribus auspiciis cum consulibus
 aut prætoribus rogari censores nequeunt , sed di-
 uersa opus habent conspiciione , & diuersa contu-
 mione. Idque mihi illud esse omnino videtur quod
 sic C. Tuditanum scripsisse Gellius ait; *Censores æque
 non eodem roganitur auspicio atque consules & prætores.* Et
 hanc quidem magistratuum antiquam differentiam
 vna cum iure publico lege regia sublatam esse ex eo
 intelligi facile potest , quod eadē lege & inauspica-
 to & sine comitiis solius principis autoritate crea-
 rentur magistratus, cap. vnico de leg. Iul. amb. Eaque
 res efficit, vt imperio duntaxat & potestate per ean-
 dem legem regiam à maioribus minores magistratus
 postea dignoscerentur , qui antea nullo potestatis,
 nullo imperij respectu solis auspiciis discerneban-
 tur. Et hinc deinde videtur accidisse , vt nonnulli
 magistratus , qui olim inter minores numeraban-
 tur , post legem regiam inter maiores referrentur.
 Erat enim tribunus plebis minor , erat etiam maior
 magistratus. Marco Messalæ & C. Tuditano, si Gel-
 lio credimus , minor magistratus tribunus est. Hi
 enim auspiciis solis minores magistratus discernunt
 à maioribus, & consules, prætores, censoresque solos
 auspi

auspiciis rogari maioribus auctores sunt. Iuriconsulti verò non inter minores, sed inter maiores magistratus tribunos plebis expressè collocant. Nam solo imperio & potestate nulla prorsus auspiciorum habita ratione sic à maioribus minores magistratus discernendos putant, ut omnes magistratus, quos sine fraude in ius vocare non licèt, maiores, & reliquos appellari minores voluerint cap. 32. de iniur. cap. 8. de accus. Eorumque numero, qui sine fraude in ius non euocantur, tribunos etiam plebis contineri Vlpianus euidenter demonstrat, cum eos contendit in ius vocari non posse, qui imperium habent, qui coërcere aliquem possint, & iubere in carcerem duci, cap. 2. de in ius voc. Prehensionem autem tribunos plebis habuisse Gellius auctor est, lib. 13. cap. 12. Igitur si habuerint prehensionem, rectè etiam videtur consequi eos in ius vocari non potuisse, & per consequens inter maiores magistratus tribunos plebis à iuriconsultis relatos fuisse.

CAPVT II.

De diuortio propter sacerdotium.

DI VORTIVM aut bona gratia sit, aut cum ira animi & offensa, cap. 32. §. 8. de donat. inter vir. & vx. Ad iram & animi indignationem referri indicium de moribus potest cap. 57. d. tit. cap. 39. solut. matr. Bona gratia dissolui matrimonium illud dicitur, quod propter sacerdotium, sterilitatem, valetudinem, senectutem, militiam, retineri commodè non potest, cap. 60. cum seq. de donat. inter vir. & vx. Eaque bona gratia prorsus efficit, ut quisque suum ius habeat imminutum, cap. 6. de diuort. Illud certè non facilè dixeris, de quo sacerdotio

senferit hic iurisconsultus. Ex Tertulliano videor id mihi primus animaduertisse. Sic enim libro de monog. scribit, *Cereris sacerdotes viuentibus etiam viris & consentientibus amicabili separatione viduantur*. Et in exhortatione ad castitatem; *Noueram*, inquit, *continentes & quidem Tauri illius Egyptij antistites, fœminas verò Cereris Aphricanae, cui etiam sponte abdicato matrimonio adsenescunt exinde adempto contactu masculorum usque ad oscula filiorum*. Quibus etiam addi potest, quod sic ad vxorem idem Tertullianus lib. 1. scribit; *Ceterum viduas Aphricanae Cereri adsistere scimus durissima quidem obliuione matrimonij adlectas*. Nam manentibus in aeternum viris non modò thoro decedunt, sed & alias eis utique videntibus loco suo insinuant adempto omni contactu usque ad oscula filiorum. Atque ita quidem diuortium illud, quod propter sacerdotium fieri dicitur, satis ex Tertulliano intelligimus ad Aphricanae Cereris sacerdotium referendum esse, & quod iurisconsulti bonam gratiam dicunt, id amicabilem ab eodem Tertulliano separationem appellari, Ambrosius de Abraham lib. 2. cap. 6. bonam veniam dixit. Ait enim: *Rectè igitur Abraham eum bona venia voluit nepotem dimittere*.

CAP V T III.

De publico tabulario.

LO CUM, ad quem custodienda deferebantur testamentorum, contractuum, aliarumque conventionum instrumenta, archium siue grammato-phylacium appellat Vlpianus cap. 9. §. 1. de pœnis. Eumque locum fuisse atrium libertatis auctor est Liuius, lib. 43. ait enim, *Censores ex templo in atrium libertatis adscenderunt, & ibi signatis tabellis publicis clausoque*

seque tabulario & dimissis seruis publicis negarunt se prius quidquam publici negotij gesturos quam iudicium populi de se factum esset. Hæc Liuius, haud dubiè quod ab Vlpiano archium dicitur, hoc tabularium cum Cicerone appellans. Nam pro Archia poëta scripsit ad hunc modum Cicero: Hic tu tabulas desideras Heraclensium publicas quas Italico bello incenso tabulario interrisse scimus omnes. Hunc autem Ciceronis locum de atrio libertatis accipiendum esse satis indicat Festus in verbo Probrum his verbis; Lex fixa in atrio libertatis cum multis aliis legibus incendio consumpta est, ut ait M. Cato in ea oratione qua de auguribus inscribitur. Nec alio spectat quod in Augusto Suetonius ait, ab Asinio Pollione atrium libertatis extructum fuisse, deque huiusmodi tabulario Paulum etiam sensisse satis constat sent. lib. 4. tit. 6. cum ita de testam. scriberet: Ac deinde signo publico obsignatum in archium redigatur, ut si quando exemplum eius interciderit, sit unde peti possit. Atque ita quidem in atrio libertatis archium siue tabularium populi Romani fuisse videtur; & Vlpianus de pragmaticis quibus interdici solet, ne huiusmodi loco sedeant, differens, de iis tabellionibus, scribis, seruisque publicis sensisse, qui transcribendis in atrio libertatis publicis priuatisque tabulis operam dabant. Quod autem archium est Vlpiano, id idem archium etiam ut credam appellari faciunt Tertullianus, Augustinus, Ambrosius aliique auctores similes.

CAPVT IV.

De effractoribus carcerum.

NEGARI non potest, quin vis publica sit carceris effractura cap. I. & II. ad leg. Iul. de vi pub. Quis enim credat fores parietesve carceris sine telo

effringi posse? Qui fores aperit, fores non effringit. nam quæ effringuntur fores, opus habent restitutione. ait enim in Adelph. Terentius:

Fores effregit? restituentur; discidit

Vestem? resarcietur.

Igitur ubi nulla opus est restitutione, ibi quoque nulla esse intelligitur effractura. Quid mirum publici carceris effractores capite puniri, cum eadem poena hominum priuatorum securitati prouisum sit? cap. 1. de effract. d. cap. 11. Aliud igitur est elabi apertis, aliud item de carcere effractis foribus erumpere. Effractores enim capite plecti debent, cæteri lenius puniuntur d. cap. 1. Inter effractores hi quoque numerantur, qui quadam cum cæteris, qui in eadem custodia sunt, conspiratione conantur euadere cap. 1. de eff. carcer. militem quoque qui ex carcere dato gladio erumpit, capite puniendum Paulus auctor est, cap. 38. §. 11. de poen. Idque de eo milite accipiendum videtur, qui vim intulit custodi suo. Moris enim erat, ut miles in carcerem coniectus, custodem haberet, qui custos eadem, qua miles, catena copulabatur. Eumque morem expressit Epist. lib. 1. Seneca, his verbis, *Quemadmodum eadem catena & custodem & militem copulat, sic ista qua tam dissimilia sunt, pariter incedunt.* Et Augustinus in Psal. 128. *Ligantur duo, inquit, & mittuntur ad iudicem latro & colligatus, ille sceleratus, ille innocens una catena ligantur & longè sunt à se.* Quo sensu custodiam catenati ordinis viderur etiam Hilarius accepisse, sic ad Constantium Augustum scribens: *Plebs in custodiam catenati ordinis constricta disponitur.* Eoque pertinet, quod in hanc sententiam apud D. Lucam Act. Apostol. cap. 12. de D. Petro scriptum legimus: *ὅτι δὲ ἔμελλεν αὐτὸν περιστῆναι ὁ ἡρώδης, τῇ νυκτὶ ἐκείνῃ ὡς ὁ πῆτρος κοιμώμενος μετὰ*
δύο

δύο στρατιωτῶν, δεδεμένους αλύστοι δούσι, φύλακὲς τε πρὸς τῆς
θύρας ἐπύρου τὴν φυλακὴν. Igitur si miles aliufve capti-
uus eadem cum suo custode catena copulatus da-
to, hoc est clam subministrato gladio vim intru-
lerit custodi, & de carcere sic eruperit, inter effra-
ctores carceris eorum poena coërcendus rectè nu-
merabitur, quod utique non fieret si absque gladio
sine vlla vi custodis sui negligentia fugisset d. cap. 1.
Æmilius Probus in Dione: *Lygo quidam Syracusanus*
per fenestras gladium dedit, quo Dion interfectus est.

CAPUT V.

De flagitationibus ancillarum.

ITEM si quis ancillam alienam subripuit & flagitaue-
rit, inquit Vlpianus, utraque actione tenebitur, nam &
serui corrupti agi poterit & furti, cap. 2. §. 3. de priuat. de-
lict. Aliud est ancillam appellare, aliud item flagi-
tare. Appellat enim qui blanda oratione ancillæ pu-
dicitiam attentat, eoque nomine non serui corru-
pti, non furti, sed iniuriarum duntaxat tenetur, cap.
15. §. 15. & 17. de iniur. Idque inde videtur origi-
nem habere, quod sic lib. 5. Liuius scribit: *Et quem-*
admodum seruis suis vetant domini quicquam rei cum alie-
nis hominibus esse, pariterque in iis beneficio ac maleficio
abstineri æquum censent, sic vos interdictis patribus com-
mercio plebis. Qui autem flagitat ancillam, ipsa fla-
gitatione eam corrumpit. Si quidem ex Festo con-
stat flagitare idem omnino esse quod stuprare, non au-
tem ad stuprum, ut Budæo & aliis videtur, sollicita-
re. Sic enim lib. 9. scribit Festus. *Inter ceterum flagitatos*
dicebant antiqui mares qui stuprum passi aliquando essent.
Auctor est etiam Nonius Marcellus, flagitium vete-
res vitium quod virgini infertur dici voluisse. Eoque

sensu videri potest apud Gellium lib.7. cap. 11. flagitium accepisse P. Africanus his verbis: *Sed tu plus tertia parte pecunie paternæ perdidisti atque absumpsisti in flagitiis.* Isidorus Etymolog. lib. 5. *flagitium à flagitando corruptela libidinis.* Et hanc quidem interpretationem prorsus postulant hæc Vlpiani verba, *Nam & serui corrupti agi poterit.* His enim verbis ipsum stuprum videtur omnino intellexisse Vlpianus, quemadmodum & furti verbo subreptionem. Tertullianus enim lib.4. aduersus Marcionem sic ait, *Nemo sua furatur aut suffodit, sed ille potius qui in aliena descendit, & hominem à domo eius alienat.* Terentius in Eunuchō:

— *Tun' me prohibeas*

Meam ne tangam : C. prohibeo inquam. G. audiu' tu, hic furri se adligat.

Malè Donatus in hoc loco furti vocabulum ad maleficio traxit, quemadmodum ex Tertulliano euidenter patet. Et hæc quidem cum non animaduertisset Accursius, *flagellauerit*, pro *flagitauerit*, visus est in hoc Vlpiani responso reposuisse.

C A P V T VI.

*Ludorum causa donatio, & de pretore
ludorum causa prodeunte.*

SOLENT designati magistratus ludos exhibere populo Romano. Tertullianus lib. de spectac. *Vt talia spectes, ut talibus exultes, quis tibi pretor aut consul, aut quaestor, aut sacerdos de sua liberalitate praestabit?* Iuuenalis Sat. 8.

— *Quanti sua funera vendant*

Quid refert? Vendunt nullo cogente Nerone:

Nec dubitant celsi pretoris vendere ludis.

Est etiam Iul. Capitolinus auctor. *Quaestores candidatos*

didatos ex sua pecunia munera populo dare ab Alexandro iussos fuisse, ut post quaesturam praeturas acciperent. Per munera venationes intelligit Capitolinus. Sic enim lib. 6. cap. 20. scripsit Lactantius: *Et primitus quidem venationes quae vocantur munera, Saturno attributa sunt.* Atque huius quidem antiqui moris etiam in nostro iure quaedam reliquiae extant: *Inter virum & uxorem*, ait Caius, *ex indulgentia principis ludorum causa donationem receptam fuisse* cap. 42. de donat. inter vir. & vxor. De iis haud dubie ludis sentiens, quos maritus, praetor, quaestor aut consul designatus exhibere debebat. De quibus etiam visus est sensisse Marcellus. Cum enim fidei haeredum commissum esse scriberet Marcellus, uti darent C. Seio in honorem consulatus quadringenta haec verba subiecit: *Vino Mevio Seius consul designatus est, & munus edidit, deinde ex calendis Ianuariis senatum ingressus est*, cap. 26. de condit. & demonstrat. Nec alio referri debet quod apud Vlpianum quaesitum legimus, an quod dignitatis nomine a patre datum est, conferri debeat. Respondens Vlpianus conferendum non esse haec verba subiecit, *Hoc enim propter onera dignitatis praecipuum haberi oportere* cap. 1. §. 14. de collat. bon. Per onera dignitatis, ludos & curules quadrigas aliosque id genus sumptus intelligens. De quibus Sermone 81. scripsit etiam ad hunc modum D. Ambrosius: *Magistratus in theatris mimis, & athletis, & gladiatoribus, aliisque huiusmodi generibus hominum totum pene patrimonium largitur ac prodigit, ut unius horae fauorem vulgi adquirat.* Huiusmodi ludos non declarati & nuncupati, sed designati magistratus ad acquirendum in nuncupando vulgi fauorem edere solent, quemadmodum hoc in loco Ambrosius testatur. Et ideo quod Caius & Iustinianus de Praetore scribunt in thea-

trum ludorum causa prodeūte, apud quem in transitu manumitti potest, hoc ad eum prætorem referendum non est, qui ludos edit, sed ad eum potius, qui spectaculo præsidet, cap. 7. de manumiss. vind. §. Serui verò. Institut. de libert. Prætor cum duobus modis in theatrum ludorum causa prodire solet, aut designatus, & necdum nuncupatus, tanquam candidatus; aut designatus & nuncupatus, tanquam magistratus. Tanquam candidatus ludos populo sumptibus suis exhibens, tanquam magistratus editioni spectaculorum præsidens. Liuius lib. 2 §. *Is ludis facien- dis prærit prætor is, qui ius populo plebique dabit summum.* Auctor est enim Seruius Maurus prætorem habitu triumphali ludis Circensibus præsedisse, quod ipsum libro de spectaculis testatur quoque Tertullianus. Ait etiam Festus ludos piscatorios quotannis mense Iunio trans Tyberim fieri solitos à prætore urbano pro piscatoribus Tyberinis. Et sanè editionibus spectaculorum prætorem adeo verum est præsedisse, ut scripserit expressè Suetonius virginibus vestalibus locum in theatro separatim, & contra prætoris tribunal Augustum dedisse.

CAPVT VII.

De fabulis personatis.

ERANT olim fabulæ personatæ, erant non personatæ. Personatæ personis: non personatæ sine personis exhibebantur. Personatarū primam originem docet Seruius Virgilij interpres his verbis: *Neceſſe erat pro ratione ſacrorum aliqua ludicra & turpia fieri quibus poſſet populo riſus moueri & qui ea exercebant propter verecundiam, remedium hoc adhibuerunt ut perſonas factas de arborum corticibus ſumerent, ne agnoſce*

agnoscerentur. Attellani proprie vocabantur personati, quia licet comœdi & tragœdi personis vterentur, solebant tamē illi & histriones ceteri interdum cogi personam deponere exceptis Attellanis: iis enim ius non erat cogi deponere personam, quemadmodum docet eleganter Festus, explicās quānam personata diceretur fabula Nævij. Personarum huiusmodi veras effigies Gotzij nostri exprimunt numismata, ex quibus animaduerti personam indumentum capitis fuisse, vultus humani præ se ferens speciem veram ore supra modum patulo, quo vox histrionis emittebatur. Idque mire conuenit cum eo quod Bassus apud Gelliū lib. 5. c. 7. ait, personam cooperimentū fuisse tectum vndique vna tantum vocis emittendę via peruiū. Nec alio videri potest prætor respexisse in eo edicto, quod de iis proposuit, qui notantur infamia, scenicos indicans famosos esse his verbis: QVI. ARTIS. LVDICRÆ. PRONVNTIAN-DIVE. CAUSA. IN. SCENAM. PRODIERIT. cap. I. de his qui not. infam. Huiusmodi enim pronuntiatio vel fieri personis solebat, vel sine personis.

CAPVT VIII.

De Libertinis.

NON serui solum, sed etiam ingenui manumitti solent, & tam ingenui quam serui manumissi dicebātur libertini. Peregrini manumissione consequebantur ciuitatem Romanam, serui libertatem. Auctor est enim lib. 41. Liuius, socios ac nominis Latini eorumque liberos primo quidem manumissione, deinde migratione & censu in ciuitatem Romanam transiuisse & libertinos appellatos fuisse. Ait enim; *Liberos suos quibusquibus Romanis in eam condi-*

tionem, ut manumitterentur, mancipio dabant, libertinique
 cives essent. Quod ipsum paulò post multo aper-
 tius demonstraui idem Liuius, cum scriberet ad
 legem quam de sociis ac nominis Latini eorum-
 que maioribus C. Claudius tulerat adiectum S. C.
 fuisse, ut dictator, consul, interrex, censor, pater
 qui esset apud forum cum manumitteretur, in liber-
 tatem vindicaretur, iusiurandum daret, qui socium
 manumitteret ciuitatis eum mutandæ causæ nō ma-
 numittere, qui id non iuraret manumittendum non
 esse. Sunt igitur libertini ex iusta seruitute manumif-
 si cap. 6. de stat. hom. erant etiam libertini homines
 ingenui qui manumissione solenni & iusta Roma-
 nam ciuitatem consequabantur. Est & tertia liber-
 tinorum significatio, quæ accommodari speciali-
 ter libertorum filiis solebat. Iure enim veteri licet
 reuera ingenui essent ex libertinis procreati, illi ta-
 men nomen habere ingenuorum non poterant, sed
 libertini dicebantur, quemadmodum in Claudio do-
 cet Suetonius. Ait enim temporibus Appij Claudij
 Cæci & deinceps aliquādiu libertinos dictos, non
 ipsos qui manumitterentur, sed ingenuos ex his pro-
 creatos. Et idcirco quod ait Iustinianus, *ex libertinis*
duobus ingenuos nasci non libertinos. §. 1. Instit. de ingen.
 hoc eam habere sententiā potest ut libertorum filij
 & sint, & appellentur nunc ingenui, qui licet ingenui
 essent, ingenui tamen olim nō dicebantur sed liber-
 tini, ne videlicet filij melioris esse viderentur cōdi-
 tionis, quam parentes. Est & alia libertinorum signi-
 ficatio, eaque referri ad filios solet ex nuptiis iniustis
 procreatos. Liuius enim auctor est lib. 42. ex militi-
 bus Romanis & ex Hispanis mulieribus, cū quibus
 connubium non esset, natos se memorantes supra
 quatuor millia hominum orasse, ut sibi oppidum in
 quo

quo habitarent daretur; Senatum decreuisse vti nomina sua apud L. Canuleium profiterentur, eorumque si quos manumississet, eos Carteiam ad Oceanum deduci placere: qui Carteiensium domi manere vellent, potestatem fore vti numero colonorum essent agro assignato: Latinam eam coloniam fuisse, libertinorumque appellari. Et ita manumissione quidam libertini erant, quidam natiuitate, manumissione socij ac nominis Latini siue peregrini, filij ex iis inter quos connubium non est, procreati, & serui ex iusta seruitute manumissi; natiuitate, libertorū filij. Hęc si vera sunt, nunc videndum est, quo sensu filium libertinum acceperit Iauolenus de eo differens qui filium libertinum habebat minorem 14. annis eumque hæredē instituerat, deinde ita scripserat, SI. MIHI. FILIVS. NVLLVS. ERIT. QVI. IN. SVAM. TVTELAM. VENIAT. TVM. DAMA. SERVVS. LIBER. ESTO. Quærebatur an Dama liber esset, negabat Trebatius, quia filij appellatione libertinus quoque cōtineretur. Labeo contra quia eo loco verum filium accipi oporteret cap. vlt. de iur. deliber. filius verus filio opponitur libertino, filius igitur libertinus filius verus non est. Verus autem filius est, quem nuptiæ demonstrant exemplo patris veri, iusti & legitimi, cap. 5. de in ius voc Ambrosius de Abrahā c. 3. *Pater erat cum de ancilla prolem haberet, sed pater filij non erat, quia nō erat ei filius qui non erat legitimo susceptus coniugio.* Est igitur filius verus legitimus non vulgo questiti, hoc est, illegitimi tantum, sed etiam adoptiui respectu. Idem enim Ambrosius lib. de incarnat. do. sac. ita scribit; *In usu nostro est adoptiui filius, & verus filius.* Adoptiuum filium non dicimus filium natura, sed cum dicimus natura esse qui verus est filius. Et quia vero filio opponitur libertinus, consequens igitur est

est, aut adoptivum aut certe illegitimū filium aliquo modo filium dici libertinum. Sane per libertinū illegitimum filium verisimilius est apud Iabolenum intelligi quam adoptivum. Erat enim certa quædam ratio legitimationis, eaque non quidem parentis, sed maioris alicuius magistratus manumissio dicebatur naturalium liberorum, quemadmodum ex Liuij. postremo loco probari potest evidentissime. Atque ita per libertinum naturalem filium legitimatum videri potest Iabolenus intellexisse d. cap. ult. non filium ex ciue Romano & Latina procreatum, vt voluit Alciatus, non etiam, vt alij suspicantur, filium in seruitute susceptum & cum patre postea manumissum.

C A P V T IX.

De armamentario.

CV M scriberet Liuius lib. 31. *Conflagrassse horrea regia, & armamentarium cum ingenti apparatu machinarum tormentorumque: per armamentarium locum intellexit publicum, in quo fieri reponique solent instrumenta & arma bellica, cui loco qui præfectus erat, dicebatur armorum custos, cap. 14. in fine de re milit. Eoque sensu, custodis armorum meminit hæc vetus inscriptio. V. F. C. VIRIVS SABINVS VETERANVS ARMORVM CVSTOS. LEG. XIIII. GEN. MART. VICT. D. M. non enim licebat arma cuiquam domi habere, cap. 1. ad leg. Iul. de vi pub. Est etiam Marcianus auctor, si colonus, vel serui ferrum illicite in odio fecerint, nulla pœna dominum teneri, cap. ult. §. 9. de publican. Omnino demonstrans priuatis hominibus nullam fuisse armorum in priuato loco faciendorum auctoritatem,*

ritatem, siquidem ea non nisi in publicis armamentariis licite conficiebantur. Liuius lib. 29. *Tormenta machinasque & aduexerat secum & ex Sicilia cum com-
meatu misse erant, & noua in armamentario, multis talium
operum artificibus de industria inclusis, fiebant.* Per fer-
rum autem gladium apud Marcianum intelligi eui-
denter ex Quintiliano cōstat lib. 2. cap. 17. Ait enim,
non fabricetur militi gladius, potest uti eodem ferro latro.
Arnob. in Psalm. 139. *Nam ferro tollitur vita ut mul-
tum quinquaginta annorum.* Cæterum quod priuatis
hominibus armorum sic olim ademptus fuerit vsus,
id videri potest à temporibus Pompeij Magni origi-
nem sortiri, si vera sunt quæ Plinius de Pompeio
scribit lib. 34. cap. 14. Quibus ea esse consentanea
videntur quæ Isidorus Etymolog. lib. 6. cap. 9. ita re-
fert; *Græci & Tusci primum ferro in ceris scripserunt, po-
stea Romani iusserunt ne graphium ferreum quis haberet.*
Vnde & apud scribas dicebatur, CERAM. FERRO.
NE. CÆDITO. Hinc etiam est quod arma alienare
crimen esse, & armorum custodem arma militi com-
mittentem non suo tempore culpam luere scripserit
Iulius Paulus d. cap. 14. in fin. Quo pertinet illud
Taciti lib. 17. *Aperire deinde armamentarium iussit, ra-
pta statim arma sine more & ordine militiæ.* Est etiam
quædam inscriptio vetus, quam nuper in Hollandia
repertam accepimus armamentarij eodem prorsus
sensu mentionem faciens his verbis: IMP. CÆSAR.
L. SEPTIMIUS. SEVERUS AVG. ET MARCVS AVRE-
LIUS ANTONINVS CÆSAR. COH. X. VVOL. ARMA-
MENTARIVM VETVSTATE COLLAPSVM RESTITVE-
RVNT. Hinc quoque intelligimus, quæ ratio fuerit,
cur exauctorati milites arma deponere iuberentur,
id quod in Alexandro tradidit Lampridius hanc pro-
ferens exauctorationis formulam. QVIRITES DIS-
CEDITE

CEDITE ATQVE ARMA DEPONITE. Id enim ad armamentarium, quo publice arma custodiri solent, omnino etiam referendum est. Nec alio sensu moveri dicuntur arma cap. vnic. C. vt armor. vsus.

CAPVT X.

De mercedibus præceptorum.

NON satis constat quid sibi voluerit Sat. 10. his versibus Iuuenalis:

Eloquium aut famam Demosthenis aut Ciceronis

Incipit optare, & totis Quinquatribus optat

Quisquis adhuc vno partam colit asse Minervam,

Quem sequitur custos angusta vernula capsæ.

Quos ego sic explicandos censeo, vt illi etiam pueri, Demosthenis aut Ciceronis eloquentiam, simul atque scholam primum ingressi sunt, exoptare soleant, quibus recenti quadam certæ mercedis pensionem prima liberalium disciplinarum à præceptoribus elementa traduntur. Eoque referendum est, quod de mercedibus Paulus & Iulianus scribunt, quas præceptoribus pro facultate patrimonij & pro dignitate natalium pupilli tutor constituere debet, quodque de capsario apud Vlpianum legimus, hoc est seruo siue (vt utar Iuuenalis verbo) vernula, qui portat libros cap. 12. §. 3. de administrat. & peric. tut. cap. 4. vbi pup. educ. deb. cap. 13. de manumiss. vind. Sueton. in Nerone, *Constat quosdam cum pedagogis & capsarijs vno prandio pariter necatos.* Augustinus in Psalm. 40. *Modo nobis seruiunt Iudei, tanquam capsarii nostri sunt, studentibus nobis codices portant; & in Psalm. 56. Solent, inquit, serui post dominos codices ferre.* Quod autem de Quinquatrib. Iuuenalis scribit, ei prorsus consentaneum est illud Tertulliani de

de idololatria; *Quis ludi magister si non tabularia idolorum, quinquatria tamen frequentabit? Ipsam primam noui discipuli stipem Mineruæ & honori & nomini consecrat.* Hæc Tertullianus, per primam noui discipuli stipem Mineruæ quinquatribus consecrandam hunc Iuuenalis versum à nemine intellectum eleganter explicans:

Quisquis adhuc vno partem colit asse Mineruam.

Hoc est, quisquis nouus discipulus primam tantum præceptori nouo exsoluit stipem Mineruæ consecrandam. In ludis enim literariis, scholis & gymnasiis colebatur Minerua, quemadmodum lib. 5. de prouidentia Dei refert Saluianus. Huiusmodi mercedes idibus singulis exsolui solere præceptoribus, auctor est Horatius Sermon. lib. 1. Sat. 6. Idque ex eo etiam omnino fit verisimile, quod eam stipem quinquatribus consecrare præceptores Mineruæ soleant, (si Tertulliano & Iuuenali credimus) quam ipsis idibus à discipulo nouo acceperant. Siquidem quinquatrus auctore Sexto Pompeio dies festus est, qui post diem quintum iduum in honorem Mineruæ celebrabatur. Obseruari etiam solet ut præceptores, quibus debita non exsoluebantur mercedes, hac de re conquerentes extra ordinem audirentur, cap. 1. in princip. & §. 2. D. de ext. cognit. Idque eo sensu accipiendum est, ut omnem desiderij sui apud eum, qui huiusmodi iurisdictioni præerat, exponendi necessitatem in diem postulationum producere præceptores non cogentur, sed statim si vellent etiam de plano deberent audiri. Scripsimus Protribunalium lib. singulari maiores populi Romani magistratus operam duobus modis postulationibus dedisse, nimirum aut ordinario quodam certoque postulationum die, aut de plano sella extra ordinem posita. Et cum adesset ille

ille postulationum dies, tunc etiam moris erat, ut ordo quidam auctore Vlpiano postulationum seruaretur, quo expeditius omnium audiri desideria posset, cap. 9. §. 4. de offic. procōns. Eiusque moris meminit etiam Festus. Sic enim scribit; *Ordinarium hominem, Oppius ait, dici solitum scurrā & improbum qui assidue in litibus moraretur, ob eamque causam in ordine staret aduentum prætorem.* Deque huiusmodi ordine non dubito, quin semper iurisperiti senserint, cum de aliqua re extra ordinem disceptandū esse cognoscendumque scriberent. Adiri igitur prætore ordine solet, solet etiam sine ordine adiri. Adibatur quidem ordine diebus postulationum sedens pro tribunali, adibatur vero sine ordine, siue ut iurisperiti loquuntur, extra ordinem, de plano cognoscens, sella curuli in foro, in itinere, aut etiam domi posita. Vel leius Paternus lib. 2. *Iurisdictionibus, agēdoque pro tribunali ordine trahebat aestimā.* De mercedibus præceptorum disseruit lib. 8. Protribunal. Vlpianus, omnemque eius rei cognitionem sic ad præsidem provinciæ transtulit in eo libro, ut nullam urbani alicuius magistratus mentionem fecerit, cum interim ex innumeris Pandectarum locis certo certius sit libris Protribunalium tam de prætoris urbani quam de præsidis aut procōsulis iurisdictione Vlpianum disseruisse. Proinde si dixeris nullam prætori urbano concessam fuisse de mercedibus præceptorum cognitionem, videbitur intentioni tuæ Vlpianus suffragari nullam prætoris, sed omnem solius præsidis, cum de hac re disserit, mentionem faciens. d. §. 2. Et id quidem verissimum est. Non enim prætoris Romæ, sed tribunorum plebis propria fuit huiusmodi cognitio. Idque dilucidè docet nos Iuuenalis sic de mercedibus præceptorum Satyra 7. scribens:

Rara tamen merces quæ cognitione tribuni

Non egeat.

Sensus enim est auaros parentes præceptoribus suorum puerorum debitas vix aliter mercedes exsoluere quam expressis tribunorum de hac re cognoscendum & pronuntiantium sententiis damnatos. Protribunalium libris de iis duntaxat mag. stratibus disseruit Vlpianus, qui ius haberet tribunal adscendendi curulemque sellam ponendi, de iis qui in subselliis confidebant non disseruit, id quod titulus ipse Protribunalium liquido demonstrat. Tribunos plebis non in tribunalibus, aut sellis curulibus, sed in subselliis confedisæ auctor est Asconius Pedianus his verbis: Sunt enim subsellia tribunorum, quæstorum & huiusmodi minora iudicia exercentium, qui non in sellis curulibus, nec in tribunalibus, sed in subselliis confidebant. Quid igitur mirum de mercedibus præceptorum differentem Protribunalium lib. 8. Vlpianum, nullam prætoris (de ea enim re non cognoscebat) nullamque tribunorum, qui non in tribunalibus, sed in subselliis confidebant, mentionem fecisse?

C A P V T X I .

De ingratis Libertis.

DE quodam Athenarum memorabili instituto scribit ad hunc modum lib. 2. Valerius: *Age, quid illud institutum Athenarum, quam memorabile, quod conuictus à patrono libertus ingratus iure libertatis exuitur. Superfedeo te, inquit, habere tuum tanti muneris impium estimatorem, nec adduci possum ut credam urbi vilem quem domi scelestum cerno, abi igitur & esto seruus, quoniam liber esse nescisti.* Idem Valerius sic etiam

de Massiliensibus scripsit paulo post: *Tres in eodem manumissiones rescindi permittunt, si ter ab eodem deceptum dominum cognouerint, quarto errori subueniendum non putant, quia sua iam culpa iniuriam accepit, qui ei se toties obiecit.* Hæc Valerius morem Atheniensium & Massiliensium circa ingratos libertos eleganter exprimens. Suetonius auctor est ingratos libertos, & de quib. patroni conquererentur Diuum etiã Claudium in seruitutem reuocasse. Quod tamen sic non accipere conuenit, vt Diuus Claudius expressã quadam constitutione videatur definiuisse in seruitutem libertos ob ingratitudinem à patronis reuocari posse, sed ita potius, vt patronos de ingratissimis libertis conquerentes princeps audiret, auditaque causã libertos in seruitutem, si ita res videretur postulare, princeps reuocaret, non patronus. Temporibus enim Diuorum Claudij & Neronis nihil aliud læso patrono concedebatur, quam vt vicesimum vltra lapidem in oram Campaniæ libertum posset relegare, auctore Tacito Annal. lib. 13. Et idcirco imperante Nerone cum actum esset in Senatu de fraudibus libertorum, efflagitatumque, vt aduersus male meritos reuocandæ libertatis ius patronis daretur, Cæsarem Senatui scripsisse addidit idem Tacitus, vt priuatim expenderent causas libertorum, quoties à patronis arguerentur, in commune nihil derogarent. Vnde coniectari facile potest, nec Diuum Claudium nec Neronem ingratos libertos iure patronatus in seruitutem à patronis reuocari passos esse, sed omnem de ea re dispositionem Claudium quidem sibi reseruasse, Neronem vero senatui cõmisisse. Eoque iure tandiu vsus videtur populus Romanus donec tandem imperatoris Commodi cõstitutio talis prolata esset; *Cum probatum sit contumeliis patronos à libertis esse viola-*

ros vel illata manu atroci esse pulsatos, aut etiam paupertate vel corporis valetudine laborantes relictos, primum eos in potestate patronorū redigi; & ministerium dominis præberi cogi, sin autem nec hoc modo admoneantur, vela præside emptori addicentur & pretium patronis tribuetur cap. 6. de agnos. lib. Quod autem de libertis Cōmodus scribit, qui patronos paupertate laborantes relinquunt, id de iis libertis videtur accipiendum, qui cum & ipsi re satis tenui sunt, operas tamen suas locari non patiuntur. Moris enim erat vt patroni paupertate laborantes operas libertorum suorum locarent, & ex operarum mercede sustentarentur, ca. 25. de oper. libert. Eiusque moris videtur Seneca meminisse, Declamat. lib. 5. Ait enim; *Bona bello perdidi, ad restitutionem nudus veni, nunc libertorum operas desidero.* Meminit liberti Papinianus, qui operas vel ministerium patrono luminibus capto exhibet, eumque ait propter patronum à ciuilibus muneribus non excusari cap. 17. ad municip. Nec mirum cum ad huiusmodi ministerium grauissima pœna sit adstrictus. Nam si patronum huiusmodi valetudine laborantem relinqueret libertus, hac D. Commodi constitutione in seruitutem tanquam ingratus reuocari poterat. Eaque cōstitutione vsos etiā posterioribus seculis fuisse Romanos Valerianus & Gallienus Augusti satis indicant cum aiunt; *Solo obsequij non præstiti velamento datam libertatem rescindi non posse*, ca. 30. C. de lib. caus. Hoc enim rescriptum sic interpretatus est de Iacob. cap. 3. beatus Ambrosius: Ita libertatem accepisti vt meminisse manumissoris tui debeas, vt patrono tuo noueris legitimum obsequium deferendum, ne ab ingrato reuocetur libertas.

CAPVT XII.

De simplariis venditionibus.

Sic scribit Pomponius ; *Simplariarum venditionum causa, ne sit redhibitio, in usu est, cap. 48. in fine de ædil. edic. Arbitror simplariarum venditionum appellatione rerum esculentarum & poculentarum, quæ nulla fere continent latentia vitia, Pomponium intellexisse. Animaduerti enim Fulgentium Placiamdem libello de prisco sermone sic scripsisse ; Simplones dicuntur conuiue, nam & amicus sponsi, qui cum eo per conuiuia ambulat, simplator dicitur. Sutrius Piscatoria, Sammates viri simplones facti sunt ganei. Est autem ganeum taberna. Hæc Fulgentius satis indicans, vt à simplonibus simplator dictus est, sic etiam à simplatore simplaria dici potuisse, eoque verbo esculenta & poculenta veteres videri intellexisse.*

CAPVT XIII.

Religionis beneficium quid sit.

INTER alias, quibus procurator iudicium suscipere non compellitur, causas iustas, religionis beneficium numerat Modestinus cap. 18. de procurat. militesque causas defendere posse negat cap. 7. in princip. ad leg. Iul. Maiest. Testis est etiam Arrius Menæder eum, qui litrem habuit, & ideo militauerit, exauctorari solere, cap. 4. §. 8. de re milit. Eoque pertinet quod Ambrosius Offic. li. 1. cap. 37. ita scribit ; *Qui imperatori militat à susceptionibus litium actu negotiorum forensium, venditione mercium prohibetur humanis legibus. Seneca Epist. lib. 14. auctor est, militiæ vinculum religionem appellari. Primum, inquit, mi-*
litie

litia vinculum est religio, & signorum amor, & deferendi nefas. Quod ipsum Ambrosius etiam testatur de virg. lib. 3. Ait enim; *Quando sine militia sacramento miles in tentorio bellator in praelio?* Proinde qui militiae vinculo ab omni negotiorum forensium actu prohibetur humanis legibus, is recte videri potest, religionis beneficio ne procurator sit, excusari. Est enim primū militiae vinculum religio. Et sic quidem arbitror religionis beneficium accipere Modestinum d. cap. 18. aliter atque Tribonianus sensisse videtur, cap. 8. de procurat. Quo sensu etiam religionem etiam videri debet Mæcianus accepisse, de iis differens quos religio moratur, cap. 36. in princip. de fideicom. libert. Hoc est, qui ad servum manumittendum evocati, potestatem sui facere non possunt vinculo militiae.

CAPUT XIV.

De vestimentorum in funus erogatione.

CVM vestibus etiam pretiosissimis olim cremabantur mortui, & cessante cadauerum crematione, sepeliebantur. Linius. lib. 34. *Magistratus in coloniis, municipiisque hic Roma, infimo genere magistris vicorum toga prætecta habenda ius permitimus, nec id ut viui solum habeant tantum insigne, sed etiam ut cum eo crementur mortui, feminis duntaxat purpure usu interdiciemus.* Hieronymus Epist. lib. 2. *Cur morinos vestros auratis obvoluitis vestibus? cur ambitio inter luctus lacrymasque non cessat? an cadauera diuiniq. nisi in serico putrescere nesciunt?* Lactantius Institut. lib. 2. cap. 4. *Pari enim ratione defunctorum corpora odoribus ac pretiosis vestib. illita, & conuoluta humi condunt qua Deos honorant.* Augustinus in Psalm. 48. *Non cogitavit nisi quemadmodum pretiosis vestibus obvoluitis sepeliretur.*

Apuleius lib. 1. Floridor. *Illic quoque videret hominem
presidere, hominem depugnare, togam quoque parari & vo-
to & funeri: Item pallio cadauera operiri, & philosophos
amiciri.* Est etiam Suetonius auctor Caligulam ma-
gni Alexandri thoracem repetitum è conditorio eius
interdum gestasse. Et Liuij epitomator Florus an
non lib. 48. sic etiam de M. Æmilio scripsit? *Præce-
pit filiis lecto se strato sine linteis sine purpura efferrent.* Ad
hunc morem videri possunt Martianus & Paulus re-
spexisse, hic quidem de patre differens togam in fu-
nus filij dedicante, ille vero ineptas voluntates de-
functorum circa sepulturam veluti vestes aut alia
superuacua vt in funus impendantur, non valere ex
Papiniani sententia scribens cap. 19. in princip. de in
rem vers. cap. 113. in fine de legat. 1. *Quo sensu vestem
collocare* scripsit etiam Vlpian. c. 14. §. 4. de relig. &
sumpt. funer. Et Scæuola *vestimenta in funus erogare,*
cap. vlt. d. tit. nec aliud est quod sic Iuuenalis Sat. 3.
scribit:

*Pars magna Italia est si verum admittimus, in qua
Nemo togam sumit nisi mortuus.*

Et quamuis cum vestibus conderentur olim cada-
uera, non tamen oportebat ornamenta cum corpori-
bus condi, cap. 14. §. 4. de relig. & sumpt. funer. Id-
que eo pertinet quod olim non vestibus solum, sed
ornamentis etiam pretiosissimis, veluti lineis mar-
garitarū & viriolis ex smaragdis cadauera consueue-
runt exornari, cap. vlt. §. 1. de aur. & arg. leg. Et idcir-
co mirari satis nequeo à doctissimis hominibus in-
tellectum non esse, quid sibi voluerit Vlpianus de
eo differens, quod ad corpus custodiendum vel etiam
commendandum factum est, d. §. 4. Non enim dubium
est quin ad commendandum corpus id factum dica-
tur, quod ad exornandum cadauer impensum est.

Quis

Quis enim ignorat, ut viuum sic etiam mortuum corpus ornamentis commendari? Ea videlicet ratione, qua de Saturni statua sic scripsit lib. de pallio Tertullianus; *Laticris purpure ambitio, & galatici ruboris superiectio Saturnum commendat.*

CAPVT XV.

Synopsis, Coniectio, Index.

QUOD *Synopsis* Græci, id Latini *Coniectionem* videntur appellasse. *Synopsis* rei alicuius brevis descriptio est, sic & *coniectio*. *Synopsis* rerum pupillarum *coniectio* est, sicut rerum dotalium *coniectio synopsis*, c. 5. de reb. eor. Apuleius in apol. 2. *Præter hæc ea conditione factam coniectionem, si nullus ex me susceptis liberis vita demigrasset, ut dos omnis apud filios eius Pontianum & Pudentem maneret.* Per *coniectionem* breuem haud dubie instrumenti dotalis in villa sine testibus, aut qua alia sollemnitate factam descriptionem hoc in loco intelligit Apuleius. Sic rem quæ quasi per indicem exponitur causæ *coniectionem*, quasi causæ in breue coactionem definiuit etiã Afconius; Et in duodecim, ANTE. MERIDIEM. CAUSAM. CONIICITO. Sic *regula* quasi causa *coniectio*, dicitur eo quod rem, quæ est, breuiter enarrat, ca. 1. de reg. iur. Sic denique efficacem breuem & perfectam quandam eius quod testamento relictum est, interpretationem vel ex vicinis scripturis, vel ex consuetudine patrisfamilias vel regionis, velut per indicem exponendam visus est quoque *coniectionem* Ulpianus appellasse, cap. 21. §. 1. in fine, qui testam. fac. poss. nimirum ea ratione, qua id quod efficax est & perfectum, Nonius *coniectarium* appellat. Meminit etiam causæ *coniectionis* Gellius lib. 5. cap. 10.

*Et cum, inquit, ad indices conicienda, consistendaque causa gratia venisset, tum Protagoras sic exorsus est. Cæterum indicem breuem etiam subnotationem quandam esse satis ex Liuiio intelligimus, qui libr. 41. elegantem indicis formulam recenset: Eodem anno, inquit Liuius, tabula in æde matris Matuta cum indice hoc posita est. TIB. SEMPRONII. GRACCHI. CONSVLIS. IMPERIO. AVSPICIOQVE. LEGIO. EXERCITVSQVE. POPVLI. ROMANI. SARDINIAM. SVBEGIT. IN EA PROVIN-
CIA HOSTIVM CÆSA. AVT. CAPTA. SVpra LXXX. MILIA. REPUBLICA. FELICISSIME GESTA. ATQVE LIBERATIS. VECTIGALIBVS. RÆSTITVTIS. EXERCITVM. SALVVM. ATQVE. INCOLVMEM. PLENISSIMUM. PRÆDA. DOMVM. REPORTAVIT. ITERVM. TRIVMPHANS. IN VRBEM ROMAM. REDII. CVIVS. REI. ERGO. HANC. TABVLAM. DONVM. IOVI. DEDIT. Ex quo loco iam plane perspicuum est, quid apud Asconium sit per indicem exponere causam, & apud Iustinianum, summo digito & quasi per indicem, §. fin. Institut. de pub. iudic. iudic. cap. 1. §. nostram. C. de vet. iur. enucl. Quid item intelligi Paulus per indicem velit, capit. 2. de fid. instrum. Et Suetonius indicem scribens rerum à se gèstarum Augustum fecisse quem vellet incidi in æneis tabulis, quæ ante Mausoleum statuerentur.*

CAPVT XVI.

De homicidij pœnis.

QVI, hominem occidit lege Cornelia de sicariis tenetur cap. 1. ad leg. Corn. de sicar. Pœnaque legis Cornelia olim quidem in insulam deportatio, & bonorum omnium ademptio erat; hodie vero humiliores bestiis subiciuntur,

subiiciuntur, aliores deportantur in insulam, inquit Marti-
 tianus c. 3. §. pen. d. tit. *Hodie*, hoc est, non Alexandri
 solum sub quo Martianum floruisse auctor est Lam-
 pridius, sed etiam Seueri & Antonini temporib. Iis
 enim imperantibus testatur Hieron. Tertull. vixisse;
 qui Tertullianus sic in lib. de spect. scribit: *Et qui insi-*
gniori cuique homicida leonem poscit, idem gladiatori atro-
ci petat rudem, & pileum premium conferat. Et in lib. de
 anima de humanis iudiciis ita disserit; *Nam illa si-*
carium, variis & exquisitis etiam præter naturam erudiis
feris, dissipant, & quidem viuientem, imo nec facile mo-
rientem curata mora finis ad plenitudinem poenæ. Idem
 Tertullianus sic etiam de resurrectione scribit; *Nec*
calicem damnaris, si quis cum veneno temperarit, nec gla-
dium ad bestias pronuntiaris, si quis eo latrocinium fuerit
operatus. Iisdem temporibus in crucem etiam tolle-
 bantur homicidæ. Sic enim Sentent. lib. 5. tit. 23.
 scribit de sicariis Iulius Paulus; *Inhonestiores poenæ*
capitis vindicari placuit, humiliores vero in crucem tol-
luntur aut bestiis obiciuntur. Eoque non dubium est
 quin Tertullianus respexerit aduersus Marcionem
 lib. 4. his verbis: *Christus verò iustissimus ut homicida*
morti expostulatur. Petronius Arbitr. in Satyr. *Cum*
interim imperator prouinciæ latrones iussit crucibus affigi.
 Hinc intelligimus mutila esse & imperfecta hæc
 Martiani verba; *Humiliores enim solent vel bestiis subii-*
ci. d. §. pen. & sic restituenda; Humiliores enim so-
lent in crucem tolli, vel bestiis subiici, eaque verba studio
 Tribonianum deleri fecisse omnino memorem iam
 inde à Constantini temporibus crucis supplicium
 ex vsu publicorum iudiciorum sublatum esse, idque
 Sozomenum tradidisse, ut est apud Cassiodorum
 historiæ tripartitæ lib. 1. cap. 8. Quod ipsum tradi-
 dit etiã Augustinus sic in Psal. 36. de cruce scribens:

Cum sub antiquis scelerati crucifigerentur, modo nullus crucifigitur: honorata est, & finita est finita est in poena, manet in gloria. A locis suppliciorum fecit transitum ad frontes imperatorum. Et in Iohan. tract. 36. Modo, inquit, in poenis reorum non est apud Romanos, ubi enim Domini crux honorata est, putatum est quod & reus honoraretur, si crucifigeretur. Nec est quod accuses Tribonianum (in iuncto enim munere functus est) si modo particulam VEL, quæ fraudem aperit sensumque vitiat, deleri fecisset.

CAPUT XVII.

De Columna Lactaria.

QUID sibi velit titulus octavi libri Codicis Iustiniani, DE. INFANTIBVS. EXPOSITIS. LIBERIS. ET. SERVIS. ET. DE. IIS. QVI. SANGVINOLENTOS. NVTRIENDOS. ACCEPERVNT. vnum si exceperis, ignorant interpretes ceteri. Interpres quæ excipio, Cuiacius est, *sanguinolentos infantes* eos dici existimans, quos recens natos appellat Constantinius, c. i. C. Theod. de exposit. Rectissime, siquidem Donatus in Terentium auctor est, puerum à matre sanguinolentum non pulchrum ab obstetrice, sed scitum in Andria Terentij pronuntiari. Obseruauimus etiam partus sanguinolentos, qui exponebantur, aut ad necem in solitarium locum abiici, aut ad loca quædam populi Romani publica misericordiæ causa deferri consueuisse, idque Paulum sibi voluisse infantes abiectos ab iis expresse distinguentem, qui publicis locis exponuntur, cap. 4. de agnosc. & alend. lib. Seneca decla. lib. 10. *Curatis quis ex solitudine infantes auferat, perituros nisi auferantur.* Et iis quidem locis publicis vnum mihi deprehendisse videor, isque

isque *Lactaria columna* dicebatur, de qua scripsit hoc modo Festus : *Lactaria columna in foro olitorio, dicta quod ibi infantes lacte alendos deferabant.* Quod ipsum à P. Victore etiam traditum est, libro de regionibus urbis. Ait enim in undecima regione, quæ *Circus maximus* dicitur, forum olitorium & in eo columnam lactariam esse, ad quam infantes lacte alendos deferunt. Qui igitur ad hanc columnam infantes misericordiæ causâ deferunt alendos, hi ex Pauli nostri sententia eos loco publico exponere recte dicuntur. Et de huiusmodi expositione videtur etiam in Apologetico sensisse Tertullianus, cum ita scriberet ; *In primis filios exponitis suscipiendos ab aliqua praterente matre extranea.* Vidimus nuper in fastis Huberti Goltzii numisma quoddam Q. Lucretij Vespillonis, in cuius vna parte columna erat inter duas capras media cum infantulo, & in altera effigiem Iunonis Sospitæ. Et quia non ignorabam lacte caprino solitos esse infantulos ali, nec incommode expositos infantes Iunoni Sospitæ commendari, statim suspicatus sum, eam columnam, fuisse lactariam columnam, ad quam infantes lacte alendos deferabantur. Et hæc quidem coniectura nostra amicissimo Guidoni Laurino adeo placuit, ut eius auctoritate & consilio Goltzius ipse indicem conglutinans rerum in fastis memorabilium columnam illam appellare *Lactariam* non dubitauerit.

CAPVT XVIII.

De scriptis, dictis que famosis.

CICERONEM de republica libro quarto ita scripsisse auctor est beatus Augustinus ; *Nostre contra duodecim tabula cum perpaucas res capite sanxissent,* in

*in his hanc quoque sancientiam putauerunt; Si quis occentassit, actitassit, siue earmen condidissit quod infamiam faceret, flagitiumque alteri. Admonuit me Gifanius noster, videndum esse an non pro actitassit, rectius hoc in loco ac dicassit, legeretur, praesertim cum Festus auctor sit dicassit antiquos pro dixerit posuisse. Et fere persuaferat amicus optimus sic prorsus apud Ciceronem legendum esse. Sed tandem animaduerti ipsos decemuiros inter eos qui condiderant, actitauerant, occentauerantque, & eos qui dixerant alicui conuitium, discrimen fecisse. Certè quod grauius censuerint eos plectendos qui palam audiente in theatris, acclamante occentationi, aut etiam famosum carmen propositum legente populo conuitiabantur iis, qui id ipsum, licet publice, tamen sine ludis, occentatione, aut aliqua proscriptio-
ne faciebant. Siquidem illos decemuiro scripserunt capite plectendos esse, ut ex Cicerone probatum est, hos vero fustibus castigandos. In Persium enim sic scripsit Cornutus; *Lege 12. tab. cantum est, ut fuste feriretur qui publice inuehebatur.* Atque ita duæ fuisse in 12. tab. de scriptis dictisque famosis leges diuersæ videri possunt, à quibus postea discessum esse docet Vlpianus, si quis ob carmen famosum damnetur, senatusconsulto esse expressum scribens, ut intestabilis sit, cap. 21. de test.*

CAPVT XIX.

De iis qui fugiunt accusationis metu.

MARTIANVS ait eadem seruari in bonis eorum qui metu accusationis fugerunt, quæ in damnatorum bonis constituta sunt, cap. 28. de bon. libert. Quod sic accipiendum est, ut si quis accusationis metu

metu profugisset, dies ei certa finiretur, ad quam nisi citatus respondisset absens dānaretur, eiusque bona publicarentur. Hunc enim morem euidenter Liuius lib. 25. his verbis ostēdit: *Confestim Caruiliy tribuni plebis omīssa multa certatione rei capitalis diē Postumio dixerunt, ac ne vades daret prahendi à viatore, atque in carcerem duci iusserunt. Postumius vadibus datis non adfuit. Tribuni vocauerunt plebem quæ ita sciuit: SI. M. POSTUMIVS. ANTE CALENDAS. MAIAS. NON. PRODIDISSET. NEQVE. EXCVSATVS. ESSET. VIDERI. IN. EXILIO. ESSE. BONAQVE. EIVS. VENIRE. IPSI AQVA. ET. IGNI. PLACERE. INTERDICI.* Idem Liuius lib. 29. ita scribit; *Postea conscientia sibimetipsi. exilium consciscētes cum absentes damnati essent, corporibus subtractis, bona tantum quæ publicari poterant pigneranda pœnæ præbebant.* Et hæc ita solent obseruari si reus accusationis metu fugeret. Nam si ante abfuiſſet quæ de eius nomine deferendo quicquam tentaretur absens requirendus annotari solebat, vt copiam sui præstaret. cap. 1. de requir. reis. Et tunc quidem de eo qui requirendus annotatus erat, non quasi pro damnato, sed quasi re integra quærebat, si quis esset qui eum argueret, cap. 6. de cust. & exhibit. reor.

CAPVT XX.

De veste lugubri.

QVI lugent (inquit Paulus Sentent. libr. 2. tit. 21.) abstinere debent à coniugiis, ornamentis, & alba veste. Hieronimus ad Iulianum lib. 2. Epist. *Laudent te alij & tuas contra diabolū victorias Panegyricis prosequantur laudibus, quod leto vultu mortes tuleris filiarum, quod in quadragesimo die dormitionis earum lugubrem vestem*

*vestem mutaueris, & dedicatio ossium martyris candida
 tibi vestimenta redderit. Et sane abstinent à candida
 veste rei, abstinent etiam lugētes. Rei quidem squa-
 lida, hoc est sordida, & prorsus obsoleta: Lugentes
 vero non squalida, sed pellicea aut certe (vt etiam-
 num apud nos à feminis obseruatur) nigra veste
 pellibus suffulta induti. Sic enim lib. 14. scribit Fe-
 stus: *Pellem habere Hercules fingitur, vt homines cultus
 antiqui admoncantur, lugētes diebus luctus in pellibus sunt.*
 Et nigra veste lugentes vsos esse hæc vetus inscri-
 ptio manifestum facit; PRO. SALVTE. S. P. Q. R.
 CVM. BARBARIS. DIMICANTES. PARITER. OCCISI.
 IACENT. SINGVLARE. EXEMPLVM. ET. CHARITA-
 TIS. ET. FORTITVDINIS. CELINENSES. XXL. DIES.
 ATRATI. LVXERVMT. Cicero in Vatinius: *Nulla
 supplicatio fuerit, cedo quis vnquam cenauit atratus.* Et
 paulo post: *Quis vnquam in luctu domestico, quis in fu-
 nere familiari cenauit cum toga pulla?* Hæc Cicero, ve-
 stem lugubrem haud dubie appellans *togam pullam,*
 & à conuiujs lugentes abstinuisse simul indicans.
 Cæterū vt viri toga pulla, sic lugubri stola vt in lu-
 ctu mulieres solent. Ita enim Ennium scripsisse re-
 statur Nonius: Et quæ illæc est quæ lugubri succin-
 cta est stola? Alia igitur lugubris est, alia item squali-
 da vestis. Id quod satis etiam Vlpianus indicat sic à
 lugubri veste squalidam distinguens: *ut puta si ad in-
 uidiā alicuius veste lugubri vitur, aut squalida,* cap. 15.
 §. 21. de Iniur. Non enim dubito quin lugubrē, pro ea
 qua mortui, & squalidam vestem, qua rei lugentur
 hoc in loco posuerit Vlpianus. Nam sic ad Polybiū
 scripsit Seneca: *Procul istud exemplum ab omni Roma-
 no viro luctum suum, aut intempestiuīs vacare lusiis, aut
 sordium aut squaloris fœditate irritare.* Et Liuius lib. 34.
Quid, inquit, aliud in luctu quam purpuram aut aurum
*deponunt**

deponunt? quid cū eluxerunt sumūt? Ex quibus locis satis apparet moderato & honesto cultu, nō sordido, non (vt pleriq; putāt) obsoleto matronas Romanas maritos, & maritos vxores suas luxisse. Eūque cultū vulgares quasdā intemperātesque feminas nimia simulati mæroris affectatione, squalore & sordibus cōtaminasse, indignatur Ambrosius, de fide resur. differēs his verbis; *Illud vero frequens in mulieribus vt clamores publicos serant, quasi metuāt, ne earū ignoretur arumna, vt illuniem vestis affectēt quasi in ea sit sensus dolēdi vt impetum sordibus immadidēt caput, vt postremo (quod plerisque in locis vulgo fieri solet) discisso amictu, deloricata veste, secreta pudoris nuda prostituant quasi ipsum lenocinentur pudorem, quia pudoris sui procemia perdiderūt.* Porro qui lugebant, nō toga solum, aut stola lugubri induti erāt, sed etiā incedebant capillo tonso. Docens enim Nonius pro *tōsura* veteres *tonsum* dixisse, ait sic Acciū scripsisse; *sed quenā hæc est mulier funesta veste tōsu lugubri?* Idem Nonius auctor est Sisennā quoque lib. hist. 3. ad hūc modū scripsisse; *Cum complures menses barba immissa, & tonso capillo, lugubri vestitu populū vicatim flens una cū liberis circumiret.* Atque ita quidē toga pulla capilloq; tonso lugebatur olim cum cōtra rei eorūque amici proximiores sordidā induerent vestem, capillumque submitterēt. Idque licet à me in Variorū libris dilucidè probatum sit, non insuper tamē habui illud ad iicere, quod sic lib. 45. de Rhodiis Liuius scribit; *Ex templo veste sordida sumpta domos principū cum precibus & lacrymis circumibant, orantes vt prius cognoscerent causam quam condemnarentur.* Et lib. 44. *Sordidati, inquit, barba & capillo promisso cum ramis oleæ ingressi curiam, procubuerunt.* Addatur illud Quintiliani ex declamatione cui titulus est **DISCORDES FRATRES:** *Reum me detulit, sordes mihi induit, ad indicem vocauit.*



IACOBI RÆVARDI

I.C. CONIECTANEORVM

LIBER SECVNDVS.

CAPVT I.

De lege Fusia Caninia.

Æc lex an Furia, an Fusia, an etiam Fusia debeat appellari, magna est dubitatio. Vlpianus in fragmentis tit. i. & Theophylus appellant *Furiam*, vulgaris Institutionum editio *Fusiam*, & Pandectæ Florentinæ *Fusiam*. Admonuit Contius in quibusdam Institutionum exemplaribus manuscriptis hanc legem *Fussiam* vocari, & recte monuit. Habeo enim antiquissimum exemplar in quo sic expresse scriptum inuenio: DE. LEGE FVFFIA CANINIA SVBLATA. Nec dubito quin ea sit germana lectio, præsertim cum eam Florentina Pandectarum editione videam confirmari. Inscriptiones enim cap. 37. de condit. & demonstrat. & cap. 215. de verb. signific. manifesto demonstrant Iulium Paulum ad legem Fussiam Caniniam scripsisse librum singularem. Certum est anno ab vrbe condita dccvi. Quintum Fusium Calenum & P. Vatinius consules fuisse; iisque consulibus ut credam hanc legem fuisse latam, Q. Fusij consulis numisma quoddam in causa est. Cum enim de

de huius consulatu ageret in excellentissimo suo
 Faſtorum opere Hubertus Goltzius, eiufdem conſu-
 lis numiſima quoddam protulit, cuius anterior pars
 pileum libertatis inſigne, & poſterior ipſam exhi-
 bebat libertatis effigiem cum hac ſubſcriptione;
 LIBERTAS. Et quia non ignorabam, ſi quid in
 vita laude dignum geſſiſſent Romani, id eos ſolere
 tabellis lapideis, æreis, argenteis, aureiſque nu-
 miſmatibus atque aliis monumentis tam publicis
 quam priuatis teſtatum poſteris & conſignatum re-
 linquere, prorſus mihi perſuadere cœpi, hanc le-
 gem Fuſiam, qua de libertate tractabatur, illius
 Q. Fuſij Caleni fuiſſe, eiufque rei teſtimonium hoc
 numiſmate publicè extitiſſe. Vnde autem *Caninia*
 dicatur hæc eadem lex, quia nihil certi adferre poſ-
 ſum, coniecturis (ſcribimus enim Coniectanea) vt
 veriſimilibus. Certum eſt imperante Auguſto hanc
 legem cum multis aliis retractatam fuiſſe, Suetonius
 enim auctor eſt, de numero & de conditione ac dif-
 ferentia eorum qui manumitterentur, Diuum Au-
 guſtum curioſè cauſiſſe, quæ ſi non omnia, ſaltem
 magna ex parte, ſolent Fuſiæ legi accepta ferri. Et
 idcirco vix dubito quin hanc legem retractauerit
 Auguſtus C. Caninio Gallo eam veluti conſule an-
 no ab vrbe condita DCCCL. rogante, & ita quæ
 Fuſia ſolùm dicebatur poſtea *Fuſiam Caniniam* ea ra-
 tione appellatam fuiſſe licet ſuſpicari, qua lex Papia
 Popæa, lex etiam Iulia dicitur. Lege Fuſia Caninia
 cautum fuit vt certus ſernorum numerus teſtamen-
 to manumitteretur, auctore Paulo Sentent. lib. 4.
 tit. 14. Hinc dubitabatur ſi teſtamento legitimum
 in manumittendo numerum ſeruauerit teſtator, &
 vnum aut alterum ſernum vltra numerum iuſtum
 legauerit vt manumitteretur, an legi Fuſiæ fraus fiat.

Et ait quidem ad legem Fufiam Caniniã libro fingulari Paulus legatarium non eſſe compellendum vt manumittat, quoniam toties ſecundum voluntatem teſtatoris facere compellitur, quoties contra legem nihil ſit futurum. Addiditque eodem loco Paulus nec à legato quidem legatarium repellendum eſſe, cap. 37. de cond. & demonſt. Cui ex diametro contrarium eſt Modeſtini reſponſum, quo traditur, *ſi quis, quos non poterat manumittere, legauit vt manumitterentur, nec legatum nec libertatem valere*, cap. 31. de legat. 2. Paulus ait valere legatum, negat valere Modeſtinus: Quid dicemus? Aliud nihil quam Paulum de eo legato ſentire, quod contra legem Fufiam relinquitur, vt indicat epigraphe d. cap. 37. Modeſtinum de eo, quod contra legem Æliam Sentiam in fraudem creditorum. Reſponſum enim Modeſtini deſumptum eſt ex eius Regularum libro primo, quo libro certum eſt, eum de lege Ælia Sentia diſſeruiſſe, argumento cap. 16. de manumiſſ. Legatum ſerui vt manumittatur contra legem Fufiam ideo valet, quod legatum illud ſolùm contineat legis fraudandæ conſilium, non euentum, quo euentu ceſſante, purgatur fraus, eaque purgata, cur non valeret legatum? Aliud eſt ſi legatum ſimile contra legem Æliam Sentiam relictum ſit in fraudem creditorum; duplici enim fraudi obnoxium eſt huiusmodi legatum, legis videlicet, & ipſorum creditorum; Nec ceſſante legis fraude quod fieri poterat manumiſſione non ſubſequenti, fraus ceſſabat creditorum. Non enim ſerui manumiſſione ſolùm, ſed eius etiam alienatione fraudem ſentire creditores intelligebantur, eaque res efficit, vt non valeat huiusmodi legatum, ne ſerui legati alienatione fraudarentur creditores. Et hæc vera eſt huius ſummæ difficultatis

ficultratis extricatio, de qua mire solliciti sunt interpretes quidam recentiores.

CAPUT II.

De tempore messium & arearum.

MESSIVM arearumque temporis meminit Scæuola de mancipiis rusticis differens, quæ tempore messium & arearum delegantur, cap. 15. §. 1. de alim. legat. Area locus est in quo frumenta teruntur, aliâque legumina exprimuntur, cap. 14. in fin. d. tit. Solet etiam non teri duntaxat, sed ventilari quoque in areis frumentum, cap. ult. §. fi. C. de feruit. Quod etiam Nonius verbo *subrigere*, & Varro de re rustica lib. 1. tradiderunt. Et id quidem quæ ratione soleat fieri, docet eleganter Ambrosius de Cain & Abel lib. 2. cap. 1. *In hac*, inquit, *rurali area excutitur triticum, & dum sæpius ventilatur, separatur à paleis.* Et in 3. cap. Lucæ: *Dum*, inquit, *frumenta in area ventilantur, plena à vacuis, ab inanibus fructuosa, veluti quodam aura spirantis examine, separantur.* Augustinus in Psal. 68. sic etiam de frumento differens ait; *Labore magno metitur, portatur ad aream, tritatur, ventilatur post tanta pericula cæli & tempestates, & labores rusticorum, curamque dominorum mittitur in horreum frumentum purgatum.* Hanc areæ interpretationem duplicem tradidit idem Varro libro quarto de ling. Lat. his verbis; *ubi frumenta secta terantur, & arescant, area.* Et ad eam arbitror tempus arearum, cuius Scæuola meminit, esse referendum, quod alij ad trituram solam referunt, nulla ventilationis mentione facta. Est enim cum messium tempore sic coniunctum arearum tempus, ut mancipia quæ metendis frugibus operam dederant, eadem quoque non re-

rendis solùm, sed etiam vertendis in area frugibus quo ventilarentur facilius, & exarescerent, occuparentur.

CAPVT III.

De balneis singularia quedam.

BALNEA quedam publica erant, quedam priuata, cap. 2. §. 6. ne quid in loco pub. cap. 13. §. 7. de iniur. cap. 13. in fine de vsufr. Priuata balnea in intima parte domus, vel inter amœnas dietas extrui solent. Ad publica cuius è populo aditus patebat d. cap. 13. in fine, de vsufr. Auctor est Seneca Epist. lib. 13. non quotidie lauari solere. *Nam ut aiunt, inquit, qui priscos mores urbis tradiderunt, brachia & crura quotidie abluebant, quæ scilicet sordes opere collegerant, cæterum toti nundinis lauabantur.* Obseruari etiam solet, vt quadrante publicè lauaretur, indèque res balnearia res diceretur *quadrantaria*. Sic enim enarrans duodecimum caput Lucæ scripsit Ambrosius: *Quadrantem autem in balneis dari solere reminiscimur, cuius oblatione illic unusquisque lauandi accipit facultatem.* Iuuenalis Sat. 6.

Nam quæ docta nimis, cupit & facunda videri.

Crure tenui medio tunicas succingere debet,

Cedere Siluano porcum, quadrante lauari.

Seneca Epist. lib. 13. *At olim & pauca erant balnea, nec ullo cultu ornata, cur ornaretur res quadrantaria & in usum non in oblectamenta reperta?* Eoque sensu mercedes balnearum publicè præbitarum accipiendæ sunt apud Papinianum cap. 91. §. 4. de legat. 3. Solent etiam certis quibusdam annuis nummis nonnulli balneorum domini balneatoribus locare præstandum balneum cap. 58. §. fin. locat. cap. 4. §. 1. de his qui

not.

not. infam. cap. 9. Qui potior. in pig. hab. Atque ita de balneo scripsit Vlpianus quod in vsus priuatos extructum locare cœpit vsufructuarius cap. 13. in fin. de vsufr. Erant quoque balnea in quibus gratis lauabatur. Siquidem à priuatis hominibus testamento balneum & lauatio in perpetuum gratuita relinqui nonnunquam populo solet. Id quod ex inscriptionibus Martini Smerij animaduerti. Excellentissimum enim volumen illud hanc mihi suppeditauit antiquam inscriptionem: IN HVIVS BALINEI LAVATION. HS CCCC. NOMIN. C. AVIASI. T. F. SENECÆ. F. SVI. T. AVIASIVS. SERVANDVS. PATER. TESTAMENTO. LEGAVIT. VT. EX. REDITV. EIVS. SVMMÆ. IN. PERPETVVM. VIRI. ET. IMPVBERES. VTRIVSQVE. SEXVS. GRATIS. LAVENTVR. Est & alia in eodem libro his verbis concepta: BALINEVM. ET. LAVATIONEM. SOLO. PRIVATO. GRATVITAM. IN. PERPETVVM. DEDIT. Quibus omnino consentanea est elegans quædam legati formula cuius Scæuola meminit, cap. 35. §. 3. de legat. 3. Caterum balneorum cura, Romæ quidem Ædilium erat, in prouinciis quæstorum. Sic enim scripsit idem Seneca; *Hoc quoque nobilissimi Ædiles fungebantur officio intrandi ea loca, quæ populum receptabant, exigendique mundicias e' utilem ac salubrem temperaturam.* In municipiis autem quæstoribus curam similem committi solere ex Gellio licet suspicari lib. 10. cap. 3. Et idcirco mirari aliquando soleo quidnam sibi vellet Iustinianus, *vel in transitu seruum manumitti posse scribens, cum prætor in balneum prodit*, §. serui verò. Institut. de libert. non ignorans curam balneariam ædilium fuisse, non prætoris. Sed tandem animaduerti hunc locum ex Caij libro primo rerum quotidianarum descriptum esse, & quod de prætore in balneum eunte refert

Iustinianus, idipsum de prætore lauandi causa prodeunte Caium interpretatum esse, cap. 7. De manu-
miss. vind. Nec est quod dicas prætores, consules,
patricios aliosque claros & nobiles viros ferè singu-
los propria habuisse, & priuata balnea. Licet enim
id verum sit, eo tamen non minus publica balnea
frequentabant. Testis est enim Suetonius Acciam
Cæsaris Augusti matrem in corpore maculam veluti
picti Draconis habuisse, nec potuisse vnquam exi-
mi & propterea publicis balneis eam perpetuo
abstinuisse.

C A P V T IV.

De foliorum usu.

EV M qui vsum fundi habet, neque foliis, neque
oleo, neque frumento, neque frugibus vsum
refert Vlpianus, cap. 12. §. 1. de vfu & habit. Qui
non considerauerunt de vfu rusticæ villæ hunc Vlpiani locum intelligi oportere, in eo vehementer
lapsi sunt, quod pro *foliis*, putauerunt, si non *doliis*,
saltem *oleis*, legendum esse. Caius auctor est, qui fun-
di vsum habet, ei hætenus in eo fundo morari li-
cere, vt neque domino fundi molestus sit, nec his
per quos opera rustica fiunt, impedimento, cap. 11.
d. tit. Ex quo loco patet euidentissimè, cur is qui
fundi vsum habet, foliis vti non potuerit. Vt enim
oleum, frumentum, & fruges, sic folia quoque, ar-
borumque frondes non ad vsum fundi, sed ad opera
rustica referri debent, & per consequens non vsum
habenti, sed proprietatis domino solent attribui.
Idque eo mihi verisimilius videtur, quod certo sciam
arborum foliis non viridibus solùm sed etiam aridis
ali pecora consueuisse. Scribit enim lib. 5. de re rust.
cap. 5.

cap. 5. Columella, fraxinum capris & ouibus gratissimam nec bubus inutilem esse, vlmumque iucundissimum pabulum bubus adferre. Est etiam Seruius Honoratus auctor, frondatoremeum dici qui arbores amputat, & de frondibus manipulos facit hyemis tempore animalibus ad pastum offerendos. Et Cato *Circum vias*, inquit, *vlmos serito & populos, uti frondem ouibus & bubus habeas.* Idem Columella differens de cibariis & cura bouum, sic quoque lib. 6. cap. 3. scribit; *Si grano abstinemus frondis arida corbis pabulatoria modiorum viginti sufficit & fœni pondo triginta.* Et paulo post; *Tota æstate & deinde autumno satientur fronde, qua tamen non ante est utilis quam cum maturuerit vel imbribus, vel assiduis roribus, probaturque maximè vlmea, post fraxinea, & ab hac populnea, vltima sunt ilignea, & querneæ & laurea, sed post æstatem necessaria deficientibus ceteris possunt etiam & folia ficulnea probè dari, si sit eorum copia, aut stringere arbores expediat.* Hæc Columella, docens euidenter quid verè de foliorum vsu sentiendum sit, quod perperam à non nemine ad vnguenta trahitur.

CAPVT V.

De vulgo quæsitis.

MODESTINVS auctor est vulgo conceptos dici, qui patrem demonstrare non possunt, vel qui possunt quidem, sed enim habent quem habere non licet, cap. 23. de stat. hom. Ex quo loco patet euidentissimè, eos etiam *vulgo quæsitos* dici, qui patrem quidem certum habent, non tamen legitimum §. sed etsi quis, Institut. de Ingen. Eoque sensu scripsit Paulus nec vulgo quæsitam filiam posse à patre naturali vxorem duci cap. 14. §. 1. de rit. nupt.

Et Celsus vulgo quæritos matrem sequi, cap. 19. de stat. hom. Eosque spurios etiam aut nothos appellari, de verb. significat. lib. 12. scripsit Festus. Quo sensu spurios accepisse videtur Marcianus cap. 25. de capt. & postl. reuers. Et Papinianus filiam vulgo quæsitam cap. 16. §. 1. De his quæ vt indig. Quæritur enim apud Papinianum de testamento Coccei Cassiani clarissimi viri, hoc est, Senatoris, qui Rufinam quandam ingenuam concubinam suam honore pleno, ac propemodum vt iustam vxorem, licet in obscuro loco nata fuisset, dilexerat, eiusque filiam nepti suæ cohæredem dederat, & quia tandem apparuit filiam illam vulgo quæsitam, hoc est naturalem non legitimam fuisse, quærebatur an valeret institutio. Respondet Papinianus, eius, qui concubinam habuit, quod testamento relictum est, concubinæ, eiusque filiæ, actionem non denegari, & idcirco testamentum Cassiani, quo alumnam suam, hoc est naturalem concubinæ suæ filiam, nepti legitimæ cohæredem dederat, validum esse, eaque vera sententia est d. §. 1. quem qui putat emendandum, omnino fallitur, vitiosus enim non est.

CAPVT VI.

*De eo qui in inuidiam alterius imaginem
portat Imperatoris.*

SENATVS CONSULTO cauetur, inquit Scæuola, ne quis imaginem imperatoris in inuidiam alterius portaret, & qui contra fecerit, in vincula publica mittitur. cap. 38. de Iniur. Hunc locum, qui difficillimus est, ita soleo interpretari, quasi de eo senserit Scæuola, qui in inuidiam noui alicuius imperatoris imaginem imperatoris defuncti, etiam post eius memoriam damna

damnata, portare non veretur. Id autem interdum fieri consueuisse, testis est Suetonius. Ait enim non defuisse qui per longum tempus vernis æstiuisque floribus ornarent Neronis tumultū, imaginēsque prætextatas in rostris præferrent. Nec alio videtur beatus Ambrosius respexisse, cum in Psalm. 38. ad hunc modum scriberet; *Si quis tyranni imagines habeat, qui iam victus interit, iure dānetur. Quo modo tu hostis & aduersarij imaginem in ciuitatem veri imperatoris inducis, nisi ipse te damnes?* Cæterum portari imperatoris imago sic interdū solebat, vt ea vestibis intexeretur. Ait enim Ausonius imperatori Gratiano pro consulatu gratias agens, eundem imperatorem munera sua verborum honore ad hunc modum prosecutum esse; *Palmatam tibi misi in qua Diuus Constantius parens noster intextus est.* Et paulò post; *Constantius* (inquit Ausonius) *in argumento vestis intextiur, Gratianus in muneris honore sentitur;* Idem Ausonius sic etiam in Epigrammat. scripsit:

Hos ille Serum veste contexi iubet

Hos celat argento graui.

Loquitur de quodam diuite, qui cum degener esset & mœchogenitus antiqua captabat stemmata, Romulumque & Remum iis, quibus utebatur vestibis sericis, intexi iubebat.

C A P. VII.

De morte, & capitis diminutione ciuitatis.

CATO in originibus ait, morem fuisse vt urbem condituri taurum in dextra, vaccam intrinsecus iungerent, & cincti ritu Sabino togæ parte caput velati, parte succincti tenerent stiuam incuruam, vt glebæ omnes intrinsecus caderent, &

ita fulco ducto loca murorum designarent, aratrum suspendentes circa loca portarum. Est etiam Pomponius auctor urbem ab vrbo nomen sortiri; *urbare* enim esse aratro definire, additque Varum tradidisse urbem appellari curuaturam aratri quod in vrbe condenda adhiberi solet, cap. 239. §. 6. de verbor. signif. Dicebaturque sulcus ille, quo loca murorum designabantur, *sulcus primigenius*. Est enim Festus auctor, primigenium sulcum appellari, qui in condenda vrbe tauro & vacca, designationis causa, imprimitur. Videntur etiam præter aratrum in vrbe condenda quædam alia boni ominis gratia die auspicato adhiberi consueuisse. Est enim ab eodem Festo traditum, *Quadratam Romam* locū in palatio ante templum Apollinis dici, vbi reposita sunt quæ solent boni ominis gratia in vrbe condenda adhiberi. Et hæc quidem hætenus de veteri urbium condendarum ritu, quem in urbibus euertendis videntur etiam Romani obseruasse. Nam Acro, vt in condendis, sic in euertendis quoque ciuitatibus, aratro veteres vsos esse tradidit, idque sibi Horatium voluisse Carminum lib. 1. Ode 16. cum ait;

——— *Imprimeretque muris*

Hostile aratrum exercitus insolens.

Adhibitum etiam in euertendis urbibus Sabinum cingendi ritum fuisse, ex coloniarum deductione licet suspicari. Qui enim colonias deducebant, hi vexillum tollere, aratrumque circumducere solent, & ita coloniarum territorium aliquod nouum constituere omni iure pristino veterem illam hostibus ereptam ciuitatem, in quam nouæ coloniarum deducebantur, exuentes. Morem hunc expressit eleganter Philippi-
ca secunda Cicero his verbis: *Tu autem insolentia elatus omni auspiciorum iure turbato Casinum coloniam deduxisti*

xisti quo erat paucis annis ante deducta ut vexillum tol-
leres, ut aratrum circumduceres, cuius quidem vomere por-
tam Capuæ pene perstrinxisti, ut florentis colonia territo-
rium minueretur. Hæc Cicero, Antonium grauer
reprehendens, quod inauspicato coloniam eo dedu-
xerat, quo fuerat rite auspicatoque ante deducta.
Cinctos autem ritu Sabino eos fuisse qui colonias
deducebant, indicant numismata quæ C. Iulio Cæ-
sari colonias deducendi ab Huberto Goltzio acce-
pta feruntur. Et hæc quidem si vera sunt, nunc in-
telligimus quo sensu scripserit Modestinus eam ci-
uitatem quasi morte vsumfructum legatum desinere
habere in quam aratrum inductum est, cap. 21. Qui-
bus mod. vsumfr. Inducitur autem in eam ciuitatem
aratrum, quæ sic funditus euertitur ut & faciem &
nomen amittat ciuitatis & circumducitur aratrum,
cum non quidem euertitur, sed necessaria colonia-
rum quadam deductione expugnata ciuitas, quasi
noua ac recens nata mutato territorio, in populi
Romani potestatem ac dominium transit. Eoque
sensu à municipio videri potest coloniam Vlpianus
seiuuissse cap. 27. §. 1. Ad municip. Auctor est idem
Modestinus, non morte solum, sed capitis etiam
diminutione ciuitatis, vsumfructum ciuitati reli-
ctum extinguere. d. cap. 21. Quænam fuerit hæc ca-
pitis diminutio omnino non constat, quamuis du-
bium non sit quin dari olim municipibus quibus-
dam & data interdum adimi consueuerit Romana
ciuitas. An autem huiusmodi ademptione extingui
vsumfructus soleat, viderit ille qui municipium tum
capite diminui scripsit cum ei ciuitas adimitur. Quia
enim capitis diminutione non facile (ut ait Modesti-
nus) huiusmodi vsumfructus extinguere solet, certè per-
spicuum videtur, per capitis diminutionem nullo
modo

modo ciuitatis amissionem intelligi Modestinum voluisse. Nam si ita esset, facillime extingueretur vsusfructus ciuitati relictus, siquidem frequentissime & plerumque leuissimis de causis municipibus Romana ciuitas adimebatur. Testis est enim Suetonius C. Cæsarem, de ciuitate iis colonis adimenda, quibus per ambitionem & vltra præscriptum data esset in Senatu retulisse, Tyberium, Cyzicemis in ciues Romanos violentius quædam ausis publice libertatem ademisse. Et idcirco verius esse animaduerti de liberis ciuitatibus quæ in populi Romani deduntur potestatem, capitis diminutionem *ciuitatis* intelligi Huiusmodi enim ciuitatibus minuitur caput; nam prior earum status sic commutatur vt quæ liberæ fuerant, & sui iuris dedantur cum agris, terminis, delubris aliisque rebus cunctis, in populi Romani ditionem, quemadmodum vetus & solemnis quædam deditiois formula, liquido demonstrat his verbis concepta: ESTISNE VOS LEGATI ORATORESQUE MISSI A POPVLO COLLATINO VT VOS POPVLVMQUE COLLATINVM DEDERETIS? SVMVS. ESTNE POPVLVS COLLATINVS IN SVA POTESTATE? EST. DEDITISNE VOS POPVLVMQUE COLLATINVM, VRBEM, AGROS, AQVAM, TERMINOS, DELVBRA, VTENSILIA. DIVINA. HVMANAQUE OMNIA IN MEAM POPVLIQUE ROMANI DITIONEM? DEDIMVS. AT EGO RECIPIO. Extat hæc formula apud Liuium primo. Atque ita quidem *ciuitatis deditio*, videri potest *capitis diminutio ciuitatis* apud Modestinum appellata fuisse, & apud eundem de legato tractari quod ab ipsis ciuibus ciuitati relictum est, dicto capite 21.

CAPVT VIII.

De Tusco vico.

LOcus fuisse publicus Romæ videtur, in quo consistere solent homines liberi, qui se venales postulabant, quemadmodum indicat Vlpianus apud Labeonem & Cælium quæsitum scribens, *Si quis in asylum confugerit, aut eo se contulerit quo solent venire qui se venales postulant, an fugitiuus sit*, cap. 17. §. 11. de ædil. edict. Tuscum vicum huiusmodi locum fuisse non obscure demonstrat Plautus, sic in Curculione scribens:

Sub veteribus ibi sunt qui dant quique accipiunt fœnore:

Pone adem Castoris ibi sunt quibus credas male:

In Tusco vico ibi sunt homines qui ipsi sese venditant.

Idque etiam visus est Horatius voluisse, Serm. lib. 2. Sat. 3. his versibus.

—— *Ac Tusci turba impia vici,*

Cum scurris fartor, cum velabro omne macellum

Mane domum veniant.

Non enim dubito quin per turbam impiam Tusci vici eos intellexerit hoc in loco homines liberos Horatius, qui se venditabant, qua vix vlla esse maior impietas potest. Hæc cum non animaduertissent interpretes pessime ad fœneratores impiam hanc turbam retulerunt, fœneratores enim non in Tusco vico sed sub veteribus frequentes erant & assidui, quemadmodum ex Plauto probatum est. Liberi homines maiores viginti annis qui se venundari patiebantur, in seruitutem redigebantur iure ciuili, cap. 5. §. 1. de stat. hom. cap. 23. de liber. caus. cap. 1. Quib. ad libert. procl. non licet. Patiebantur autem sese venundari, aut ad pretium participandum, aut ad actum gerendum

rendum c.6.§.4.de iniust. rup. irr.test. Eoque spectat quod sic Ambrosius libro de Ioseph scribit; *Quomodo non omnis seruus auarus, qui pro exiguo pecunia lucello se ipsum auctionatur. Qui se vendunt ludo* (inquit Acron) *auctorati vocantur, auctoratio enim dicitur venditio gladiatorum.* Ex quo loco videor mihi intelligere quinam fuerint hi qui seipsos auctionabantur ad actum gerendum. Non enim dubito quin illi fuerint qui aut histrionico, aut gladiatorio aut saltatorio alicui ludo se vendebant, tum quod id fieri solere certo certius sit, tum etiam quod inter alia per *actum* motum corporis veteres intellexerint vt histrionum & saltatorum qui etiam ex eo ipso *actuarii* dicebantur, auctore Festo. Sic actum histrionum veris affectibus minorem esse scripsit etiam Quintilianus institut. lib.10. cap.2. Gladiatores igitur & saltatores *actum* gerere Vlpiano dicuntur, fortassis ea ratione, qua tragædos *agere gestum* scripsit Varro de ling. Latina lib.5. Et sane liberos homines interdum se ludo olim vendidisse præter Acronem euidentissime demonstrat Ambrosius explicans cap.1. epistolæ Diui Pauli ad Galatas. Sic enim scribit: *Quantus ergo error est post gratiam reuerti sub lege, hoc est, accepta libertate velle seruire, ut ereptus gladio immemor beneficii denuo se vendat laniste.* Accusator est enim emptoris qui relicto eo rursum ad priorem dominum redit. Hæc Ambrosius Quibus etiam ea possunt adiungi quæ Lactantius instit. diuin. lib.6. cap.12. ad hunc modum refert; *Vnde bestias emis, hinc captos redime; unde feras pascis, hinc pauperes ale; unde homines ad gladios comparas, hinc innocentes mortuos sepeli.* Iuuenalis Sat.8.

— *Quanti sua funera vendunt*
Quid refert? vendunt nullo cogente Nerone,
Nec dubitant celsi prætoris vendere ludis,

Et ex his quidem omnibus satis mihi perspicuum videtur *se vendere ad actum gerendum*, aliud nihil esse, quam se ludo vendere, non ita se vendere, ut is qui venditur, rerum emptoris actor fiat, siquidem actum gerere, & actorem esse, diuersa sunt, cap. 99. in fine de verbor. signif. Non etiam vendere ad aliquod seruorum publicorum munus gerendum ut quibusdam videtur. Cæterum contractus huiusmodi quibus liberi homines sese venundari patiebantur sustulit imperator Leo Nouella L I X. quos contractus etiam Ambrosij temporibus in usu fuisse probatum est.

CAPVT IX.

Ad processus viri donatio.

QUOD vxor marito ad Castrensem aut Palatinum honorem munere donato consequendum donat, hoc ad processus viri donatum videtur c. 41. de don. inter vir. & vxor. quemadmodum hæc præ se fert inscriptionis antiquæ clausula: *HVIC ORDO DECVRIONVM OB SPEM PROCESSVS EIVS HONOREM DECVRIONATVS GRATVITVM OBTVLIT.* Ambrosius in Psal. 118. Ser. 7. *Tentari solent prosperis superborum processibus.* Et lib. 5. Epist. *Palatina omnia officia, hoc est, memoriales, agentes in rebus; apparitores diuersorum comitum temperare à processu inveniuntur.* Seneca in prologo libro secundo declam. sic etiam scribit; *Foroque se & honoribus parant, in quibus ipsa que sperantur timenda sunt, ego quoque aliquando eius processus auidus.* Illud etiam ad processus viri donatum potest videri, quod ob valetudinis processus voto suscepto vxor donat mariti nomine; quod hæc inscriptio vetus quam

Lauri

Laurinorum beneficio acceptam ferimus, omnino demonstrat. T. AVRELIVS AVG. LIB. DIOSCORVS. VOTVM ÆSCVLAPIO SANCTO OB PROCESSVS SVOS CVM VALERIA. NICE. CONIVGE. ET AVRELIS. DIOSCORIS. VICTORINÆ FILIS. D. D. Atque ita quidem tam id quod ob valetudinis, quam quod propter honoris processus erogatur, *ad processus viri donari* dicitur, d. cap. 41.

CAPVT X.

De Iurisperitis.

EA fuit apud Romanos iurisperitorum differentia, vt alij *studiosi* dicerentur, siue *candidati*, alij *antecessores*, *antisophista*, siue *sophista*, alij denique *Iurisconsulti*, siue *iuris auctores*. Studiosi assidebant cap. 1. de offic. assess. Candidatorum opera principes utebantur, cap. vnic. de offic. quæst. Antecessores, sophistæ, & antisophistæ iuris scientiam interpretabantur. Iurisconsulti populo principali auctoritate de iure respondebant. Hinc intelligimus quid sibi voluerit Paulus cum ita scriberet: Diuus Antoninus Pius rescripsit studiosos qui salaria petebāt, hæc exigere posse, cap. 4. de extraord. cog. Per *studiosos* enim assessores intelligit quibus voluit salaria dari diuus Pius, si peterent. Nam sic accipiendum esse hunc Pauli locum ex eo licet suspicari, quod certum sit, auctore Capitolino assessoribus certa & perpetua salaria non diuum Pium, sed Alexandrum imperatorem constituisse. Huiusmodi studiosorum interpretatio etiam Gellio nota fuit lib. 12. cap. 13. *Cur, inquit, me potius rogas quam ex istis aliquem peritis, studiosisque viris quos adhibere in consilium indicaturi soletis?* Nec alio sensu auctor est in Nerone Suetonius, scribere

bere vel dictare testamenta studiosos. Id enim tribui iurisperitis solet, cap. 88. in fin. de legat. 2. Si iurisperi appellari consueverint studiosi, non est igitur mirum Vlpianum iurisprudentiam *studium* appellasse, his verbis; *huius studij duæ sunt positiones*, cap. 1. §. 1. de iust. & iure. Et hoc inde potissimum, quod vno modo prudentia juris *iusti & iniusti scientia* diceretur, altero *vera non simulata philosophia* d. cap. 1. Et quatenus quidem scientia est, *ars* appellatur, auctore de arte grammatica Victorino, quatenus verò philosophia non *ars*, sed *studium*. Id quod ex Lactantio probari potest, qui diuin. instit. lib. 3. cap. 2. ad hunc modum scribit; *Philosophia est (ut nomen indicat) ipsique definiuntur studium sapientie*. Huius igitur studij, inquit Vlpianus, hoc est huius veræ non simulatæ philosophiæ *duæ positiones sunt*. Cæterum *anteecessoris* vocabulum satis antiquum est. Nam eo pro *doëtoribus* etiam Tertullianum multis in locis vsum inuenio. Videturque nomen anteecessorum relatiuum esse, respectu sectatorum. Vt enim sine magistro nullus appellari discipulus potest, nec contra sine discipulo magister: ita nec sine sectatoribus, anteecessores, nec sine anteecessoribus ulli fuerunt sectatores. Sic Diuum Lucam Apostoli Pauli sectatorem appellat aduersus Marcionem libr. 4. Tertullianus. Sic etiam à discipulo visus est Suetonius sectatorem seiunxisse de Marco Valerio Probo Grammatico ad hunc modum scribens; *Hic non tam discipulos quam sectatores aliquot habuit: nunquam enim ita docuit ut magistri personam sustineret*. Vt igitur discipulos magistri, sic anteecessores doctores, siue professores habere sectatores solent. Id quod variis in locis demonstrat Gellius. Nam lib. 1. cap. 9. ad hunc modum scribit; *Hæc Taurus dicere solitus nouitios philosophorum sectatores cum veteribus Pythagoricis*

goricis pensitans. His addantur quæ ab eodem Gellio de sectatoribus tradita sunt lib. 14. cap. 5. lib. 9. cap. 15. lib. 12. cap. 1. & 5. *Sophistas* quoque eos appellari, qui priuatim aut publicè profitebantur ex Galeno rectè obseruatum est. Id enim ita esse in Tyberio docet Suetonius de grauiore quodm iurgio disserens inter antisophistas moto. Quibus & illud etiam potest addi quod idem Suetonius sic de Orbilio Grammatico scripsit: *Fuit autem natura acerba non modo in antisophistas quos omni sermone lacerauit, sed etiam in discipulos.* Eoque sensu *sophistas* videtur accepisse Modestinus cap. 6. de excusat. Tertullianus lib. de anima: *Errauit & Christus piscatores citius quam sophistam ad praconium emittens.* Idque illud est quod Ambrosius enarrans caput quartum Lucæ ita scribit; *Non gymnasia choris referta sapientium, sed plebem dominus simplicem requisit.* Ecce quos Ambrosius sapientes eos *sophistas* appellat Tertullianus. Quid mirum iuris aliosque professores *sophistas* appellari, cum scripserit expressè Pomponius Sempronius quendam ob maximam iuris scientiam ΣΟΦΟΝ à populo Romano fuisse appellatum? Est etiam Gellius auctor veteres iuris magistros sapientes dictos fuisse. Sic enim lib. 4. cap. 1. scribit: *Ne illi quidem veteres iuris magistri, qui sapientes appellati sunt, desinuisse satis existimantur quid sit penus.* Pomponius auctor est ante tempora Diui Augusti qui studiorum suorum fiduciam habebant eis liberum fuisse de iure respondere, primumque Diuum Augustum, quo maior iuris auctoritas haberetur constituisse, vt ex eius auctoritate responderetur, & publicè respondendi ius à principibus peteretur. cap. 2. §. 25. de orig. iur. Vnde perspicuum omnino est quid sibi voluerit Cicero cum sic pro Muræna scriberet: *Itaque si mihi homini vehementer occupato stomachum*

chum moueritis triduo me Iurisconsultum esse profitebor. Nam Ciceronis tempore qui se Iurisconsultum profitebatur, hoc est (vt Pomponius loquitur) qui fiduciam studiorum suorum habebat, etiam si imperitissimus esset, in numerum Iurisconsultorum referebatur. Et idcirco vt maior iuris auctoritas haberetur, alios nullos de iure passus est Augustus respondere, quam quibus id beneficii loco concessisset. Eaque res efficit, vt nulli quoque studiosi ante nomen habuerint olim *Iurisconsulti*, quam huiusmodi auctoritatem à principe obtinuissent, quemadmodum ex Suetonio colligere licet, qui sic de Caligula scribit: *De iuris quoque consultis quasi scientia eorum omnem usum aboliturus sæpè iactauit se mehercule effecturum ne quid respondere possint prætereum.* Sensus enim est Caligulam nemini auctoritatem de iure respondendi se daturum sæpè iactitasse, ac per hoc se solum de iure consultum iri, siquidem absque principis auctoritate publicè de iure consuli & respondere nemo poterat, nec per consequens nomen habere *Iurisconsulti*. Et hæc quidem hætenus de iurisperitis.

CAP V T XI.

De domesticis sacris.

MODESTINVS nuptias esse ait diuini & humani iuris communicationem, cap. 1. de ritu nupt. Per *humanum ius* ipsam intelligit liberorum procreationem & successionem legitimam. Per *ius diuinum* domesticam sacrorum curam. Moris enim erat vt hi qui matrimonio iungebantur larem matrimonio collocarent cap. 1. §. 2. de agnosc. & alend. liber. Eiusque moris meminisse videtur Arnobius ad-

uersus gentes lib.2. *Cum in matrimonio, inquit, conuenitis, toga sternitis lectulos, & maritorum genios aduocatis.* Nec alio spectat quod sic Tertullianus in Apologético scribit: *Domesticos Deos, quos lares dicitis, domestica potestate tractatis, pignorando, venditando.* Est etiam Nonius auctor, vestibula quosdam putasse sub ea proprietate distincta, quod in primis ingressibus & in spatiis domorum Vestæ, hoc est, aræ & foci soleant haberi. Locus in quo sacra reponebantur, appellabatur *penetræ*, & à repositis sacris *sacrarium*, & à laribus *lararium*, quemadmodum Festus, Liuius, & Iulius Capitolinus auctores sunt. Festus enim *penetræ sacrificium* illud dici ait, quod in interiore sacrarij parte conficitur. Liuius lib.24. *Cum ad se quoque venire præscisset, in sacrarium ad penates confugit.* Et denique Capitolinus testis est ab Alexandro imperatore Alexandrum magnum inter diuos in larario maiore consecratum fuisse. Vlpianus quoque *sacrarium* definiens locum in quo sacra reponuntur, addidit etiam in ædificio priuato esse locum huiusmodi posse cap.9. §.1. de rer. diuis. In huiusmodi larariis peragi solent domestica sacra, eorumque sacrorum inter virum & uxorem, vna cum legitimis liberis, quædam erat communicatio, eaque diuini iuris communicatio dicebatur. d. cap.1. de ritu nupt. Et hac quidem diuini iuris communicatione eueniebat, vt filius familias in sacris esse, & sacrorum familiæque hæres diceretur, auctore Liuiio lib.45. Ait enim Liuius L. Paulum duos filios in adoptionem dedisse, duos nominis, sacrorum familiæque hæredes domi retinuisse. Eoque sensu, laribus & sepulchris auitis carere scripsit etiam Celsus cap.38. de rei vindicat. Festus quoque auctor est sacra non publica solum, sed etiam priuata Romanos curiosissimè administrasse, & filium familias
sicut

sicut pecuniæ, sic etiam sacrorum hæredem dici, eo quod huiusmodi hæredem diligentissimè administrare domestica sacra esset necessarium, indeque *sine sacris hæreditatem* in prouerbio eam dici solitam, quæ alicui sine incommoda appendice obuenerat. Hæc in effectu Festus, per *incommodam appendicem* necessariam intelligens sacrorum curam. Atque ita sine factis ea videri dicta hæreditas potest, quam quis sine negotio, sine molestia quadam accessoria, qualis esse sacrorum cura solet, nactus est: quod ab aliis animaduersum non videtur.

CAPVT XII.

De riuo parietibus impositio.

DUCTVS aquæ fieri solent generibus tribus, riuus per canales structiles, aut fistulis plumbeis, aut etiam tabulis fictilibus, quemadmodum auctor est Vitruuius lib. 8. cap. 7. Ambrosius quoque Hexa. lib. 3. cap. 2. de aqua differens; *Quis* (inquit) *ignorat quod plerunque etiam canalibus manu artificis deriuata quantum descendit tantum rursus ascendat?* Canales structiles nonnunquam parietibus imponebantur. Ait enim Pomponius, si aqua ducatur supra eam per potem qui supra riuum factus sit, aliam aquam iure duci, dum inferiori riuo non noceatur, cap. 3. §. fin. de aqua quotid. & æstina. Auctor est etiam Iulius Paulus arcum supra iter alienum aquæ ducendæ causâ non iure fieri. cap. 11. in princip. de aqua & aqua plu. arc. Quibus & illud quoque consentaneum est quod Plinius Traiano scribit se ad fontem purissimum peruenisse quod videatur aqua debere perducî, sicut initio tentatum erat arcuato opere, ne tantum ad plana ciuitatis, & humilia perueniat. Euidenter enim

cum Paulo & Pomponio demonstrat Plinius riuos erigi & parietibus imponi nonnunquam consueuisse. Ac proinde satis arbitror manifestum esse quid sibi libro secundo Responsorum voluerit Neratius de riuo parieti imposito consultus, cum ait ; *usufructuarius nouum riuum parietibus non potest imponere*, c. 61. de usufruct. Sensus enim est usufructuarium nullos canales structiles imponere parieti posse, nec ita riuo parieti imposito aquam nouam ducere. Ea ni fallor, ratione qua scripsit idem Neratius usufructuarium imponere nouum tectorium parieti non posse, c. 44. d. ti. Quia videlicet etiam si meliorem excolendo ædificium domini causam faciat, non tamen id iure suo facere potest d. cap. 44. Atque ita quidem *parietis riuum imponere* nihil aliud apud Neratium est, quam *canalibus structilibus parieti impositis, aquam ducere*. Siquidem Vitruuio ea duci riuis intelligitur aqua, quæ per structiles canales ducitur. Et hæc quidem vt sunt breuissima, ita esse certissima puto & omnem excludere emendationem.

CAPVT XIII.

De titionibus & lignis coctis.

TITIONES, & alia ligna cocta ne fumum faciant, vtrum ligno an carboni, an suo generi adnumerabimus? Et magis est, ait Vlpianus vt propriū genus habeatur, cap. 55. §. 4. de leg. 3. cap. 167. de verb. sig. Ignorant interpretes quæ sint ligna cocta. Qui tradidit ligna cocta dici, quibus ignis vi humiditas exempta est, vt fumare nequeant, titiones definiuit, non alia ligna cocta. Siquidem *titionem* vulgus appellat extractum foco torrem semiuustum extinctum, auctore Lactantio diuinar. instit. lib. 4. cap. 14. Sunt igitur

tur præter titiones & alia quoque ligna cocta, nimirum ligna amurca macerata. Est enim Plinius auctor natur. hist. lib. 15. cap. 8. ligna macerata amurca nullius fumi tædio ardere. Et Cato de re rustica cap. 130. Codicillos, inquit, oleagines, & cetera ligna amurca cruda perspergito, & in sole ponito, perbibant bene, ita neque fumosa erunt & bene ardebunt.

CAPVT XIV.

De fundo in assem vendito.

IN assem vendere nihil aliud est quàm pretio in assem consummato vendere, vt ecce, Titius à Sempronio mutuam accipiens sub vfuris iustis pecuniam, fundum Sempronio in solidum dedit pignori, & cum idem Titius à Caio Seio accepisset postea aliam pecuniam mutuam, dedit fundum eundem pignori etià Caio Seio in solidum, atque ita fundus Titij Sempronio & Caio Seio pignori datus erat singulis in solidum. Sempronius & Caius Seius fundum hunc à Titio emerunt, eamque venditionem ait Modestinus in assem factam esse cap. 9. in princip. quib. mod. pig. vel hyp. Nimirum hoc modò vt Sempronij sorte cum vfuris debitis & sorte Caij Seij etiam non sine vfuris similibus, vnà cum ipsius fundi hyperocha, hoc est, vnà cum eo, quod amplius erat in fundi æstimatione quam in pignoris credito simul computatis pretium quoddam certum consummaretur, atque ita consummato pretio, creditoribus fundus diuenderetur. Eaque venditio idcirco fieri in assem dicebatur, quod pretium ad hunc modum consummatum verè & Latine *as* appellaretur, quemadmodum mihi videor ex Columella docere posse, qui sic lib. 3. de re rust. cap. 3. scribit: *Fit tum in assem consummatum pretium*

sestertiorum x x i x. millium. Et paulo post : Fit in assem summa sortis & usurarum x x x i i. millium quadringentorum l x x x. nummorum. Idem Columella sic etiam lib. 2. c. 13. de re rustica scripsit ; Vt sit in assem autumnalis satio modiorum ducentorum. Et paulo post ; Sic in asse sunt octo menses & dies decem. Atque ita quidem nunc satis arbitror perspicuum esse , quid apud Modestinum sit in assem vendere. Quod igitur Modestinus ait venditione huiusmodi in assem facta ius pignoris extinguere, hoc inde est, quod dominium fundi ad hos creditores emptionis iure pertineat ac proinde necessario extinguere debeat pignoris causa ; Siquidem pignus rei suæ consistere non potest, cap. 45. de reg. iur.

CAPUT XV.

De veteri nuptiarum iure.

PVELLÆ viripotentes sic olim in tutorum fuisse videntur potestate ut ex eorum, & matris si ea superstes esset, arbitrio nuberent. eaque tutorum & matris auctoritas *ius* dicebatur *nuptiarum*. Et quamvis in deligendo marito tutores à matre dissentirent, nihil tamen arbitrio puellæ tribuebatur, sed magistratus, si res peragi inter parietes nequisset, cognita tutorum matrisque causa, aut secundum tutores, aut si ita videretur æquitas postulare secundum matrem ius dabat nuptiarum, auctore Liviō lib. 4. Nec erat cur in ius prodiretur, si de iure nuptiarum maternæ & tutelares controuersię transigi inter parietes potuissent, ut ait eodem loco Liviū. Tunc enim si non verbis saltem sortitione controuersiis huiusmodi finis imponebatur. Ea nisi fallor ratione, qua Plautus de scruiilibus nuptiis sortitione conciliatis differit in

Casina

Casina act. 1. Sce. 7. Eoque videri potest Suetonius in Tiberio respexisse, cum ita scriberet; *Alium & questura remouit, quod uxorem pridie sortitione ductam, postridie repudiasset.* Sensus enim est quæstorem hunc remotum à Tiberio quæstura fuisse; quod eam quam pridie tutoribus, matre, aliisque proximioribus amicis dissentientibus sortitione acquisierat uxorem, postridie, hoc est, altero quam eam duxerat die, repudiasset. Et hoc quidem nuptiarum ius antiquissimum primi expressa lege, Seuerus & Antoninus imperatores sustulisse videntur. Eos enim in hac verba rescripsisse auctor est Paulus; *Ad officium tutoris administratio pupillæ pertinet, nubere autem pupilla suo arbitrio potest*, cap. 20. de ritu nupt. Eamque legem intelligit Ambrosius sic de virginibus lib. 1. scribens; *Nempe si hominem amarent filia vestra per legem possent eligere quem vellent.* Scripserunt imperatores *Ad officium tutoris*, & Tribonianum pro *Tutoris*, falso reposuisse *Curatoris* docuimus alio loco. Volunt igitur imperatores suo arbitrio puellam viripotentem maritum eligere, qui antea etiam inaudita & inconsulta puella eligi à tutoribus & matre solebat, eaque res ius dicebatur *nuptiarum*: ad quod ius videtur etiam Lucius Cuspidius in suo testamento respexisse, cum ait, PERMITTO. AVTEM. FILIABVS. VT. QVEM. QVÆQVE. EARVM. VOLVERIT. SIBI. VIRVM. OPTET. OPTATIQUE. PER. PATRIAM. POTESTATEM COMPOS. FIAT. Indicat enim expressè his verbis Cuspidius solere nonnunquam patris testamento puellis ius illud verus nuptiarum indulgeri, quod Seueri & Antonini rescripto diximus tandem sublatum fuisse.

CAPVT XVI.

De vispellionibus seruis.

SI hac lege venierint, aut testamento hanc conditionem acceperint serui, ne vnquam manumittantur, omnino ex constitutionibus manumitti prohibentur, cap. 4. §. cap. 9. de manumiss. cap. 3. §. 9. de S. C. Silan. capit. 17. §. 17. de edil. edict. siquē manumissi fuerint, ad libertatem non peruenient cap. 9. Qui & à quibus ma. Et de huiusmodi quidem venditionis lege etiam apud Suetonium est, quod huc referas. Nam sic in Augusto scribit Suetonius; *Neque aut crebrius, aut perfidiosius rebellantes grauiore vnquam multatus est poena, quam ut captiuos sub lege venundaret, ne in vicina regione seruirent, neue intra vicesimum annum liberarentur.* Est etiam de iis seruis qui testamento manumitti prohibentur, in antiquissimo Lucij Cuspidij testamēto elegans exemplum: Sic enim in eo scriptum est: ET FAMVLOS MÆSVM QVONIAM ERRO EST. ET GETAM QVONIAM IMPOSTOR, DAVVM QVOQVE ET MAVRVVM MANCIPE: ESSE IN PERPETVVM EDICO, QVONIAM MALEDICI ET CONTVMACES SEMPER FVERVNT VT IN PISTRINO POENAS PROMERITAS LVANT. Hæc Cuspidius, pistrini mentionem expresse faciens. Ex quo coniectari potest, in pistrinum tam testamento quam aliqua venditionis expressa lege hac conditione seruos improbos olim dedi consueuisse vt nunquam manumitti possent: Eoque sensu ausim dicere hunc Terentij verbum esse accipiendum in Andria.

Verberibus casum te in pistrinum Daue dedam vsque ad necem.

Quo

Quo pertinet illud Augustini de spiritu & litera;
*Qui enim dicit, verbi gratia, volo ut hi omnes serui mei
 operentur in vinea, & post laborem requiescentes epulentur,
 ita ut quisquis eorum hoc noluerit in pistrino semper molat,
 videtur quidem quicumque contempserit, contra voluntatem
 domini sui facere, sed tunc eam vincet si & pistrinum con-
 temnens effugerit. Serui qui manumitti non poterant
 vispelliones dicebantur, cap. 31. de euiet. Idque ex eo
 patet euidētissime, quod sic de eo cui vispellio solu-
 tus est, Marcellus scripserit; Habet enim seruum qui ei
 auferri non possit: promissor serui eum debet hominem solu-
 vere, quem, si velit testator, possit ad libertatem perducere,
 cap. 72. sub finem, de solut. Vnde autem huiusmodi
 serui vispelliones fuerint appellati, aliis diuinandum
 relinquo, interim non dubitans quin à vespillonibus
 longe diuersi fuerint vispelliones.*

CAPUT XVII.

De exauguratione.

SEMEL, inquit Marcianus; ade sacra facta etiam
 diruto edificio locus sacer manet, cap. 6. §. 2. de re. di-
 uis. cap. 73. de contr. empt. Certe quia religio solum
 occupat, quemadmodum Plinio scripsit Traianus
 his verbis; Nam si facta ades esset, licet collapsa sit, religio
 eius occupauit solum. Et idcirco qui liberare locum sa-
 crum religione volebant, inde sacra solent euocare
 cap. 9. §. 1. d. tit. Festus enim de sacris in veteribus
 curiis peragi solitis lib. 11. ad hunc modum scripsit;
*Quae cum ex veteribus in nouas euocarentur, septem cu-
 riarum per religiones euocari non potuerunt. Dixit Festus
 per religiones, quod idem ac si dixisset exauguratione.
 Fiebat enim sacrorum euocatio exauguratione. Li-
 uius lib. 1. Nam cum omnium sacellorum exaugurationes*
 admit

admitterent aues in Termini fano non addixere. Ait etiam Festus Originum lib. 1. Catonem sic scripſiſſe: Fana in eo loco compluria fuere, ea exaugurauit, praterquam quod Terminio fatum fuit, id nequitum exaugurari. Et certè loca quæ rite Deo alicui conſecrabantur, inaugurari, & quæ ex ſacris prophana fiebant, exaugurari veteribus dicebantur. Sic etiam Liuium de Tarquinio Superbo accepimus ſcripſiſſe: Et ut libera à cateris religionibus area eſſet, tota Iouis templique eius quod inadiſicaretur, exaugurare fana, ſacellaque ſtatuit quæ aliquot ibi à Tatío rege primum in ipſo diſcrimine aduerſus Romulum pugna vota conſecrata, inaugurateque poſtea fuerant. Eoque ſenſu rem ſacram profanam fieri poſſe Paulus & Venuleius auctores ſunt, cap. 83. §. 3. cap. 137. §. 6. de verbor. oblig. De tutelarium Deorum euocatione ſcripſit eleganter Macrobius, eamque cum hac vulgari & uſitata ſacrorum locorum exauguratione, temere & inconfideratè nimis confundunt interpretes.

C A P V T XVIII.

De ornatricibus puelliſque comatis.

MATRONÆ ornatrices olim proprias habebant, cap. 65. §. 3. de leg. 3. Extatque vetus inſcriptio in qua diſpenſatoris contubernalis ornatrix dicitur verbis ad hunc modum conceptis: CINERIBVS. HAMILLÆ. ALPIONÆ. QVINTÆ. ORNATRICI. FESTVS. M. SEPTIMI. GALLI. DISPENSATOR. CONTVBERNALI. B. M. F. ET. SIBI. Certum etiam eſt matrem familias ſine comite in publicum prodire non ſolere. cap. 15. §. 11. & 12. cap. 10. & 9. de iniur. Et quo nobiliores erant matronæ, eo plures comites habebant, quemadmodum à nobis eſt demonſtratum

tum Variorum lib. 4. Huiusmodi comites *puellas* appellat in Florentinis Pandectis Vlpianus, quas sibi comatas mulieres exornant cap. 49. in princip. de leg. 3. Hoc, ni fallor, sensu, ut iniustæ huiusmodi puellarum comæ crispari, & comæ crispatæ acu comari, comatæque puellæ vestibus elegantioribus exornari per ornatrices consueuerint. Eoque pertinet quod Quintilianus libr. 2. cap. 5. ita scribit; *Atque etiam qui specie capiuntur, vulsis leuatisque & iniustas comas acu comantibus, & non suo colore nitidis plus esse forme putant quam possit tribuere incorrupta natura.* Tertullianus de virginibus velandis; *Vertunt capillum & in acu lasciuiore comam sibi inferunt crinibus à fronte diuisis apertam professæ mulieritatem.* Eoque Festum arbitror respexisse cum scriberet *acum* esse, qua sarcinatrix vel etiam ornatrix vitur. Martialis Epig. lib. 14.

Tenuia ne madidos violent bombycina crines

Figat acis, tortas sustineatque comas.

Meminit implicationis crinium Diuus Petrus in priore sua epistola cap. 3. eamque implicationem interpretis vulgaris appellat *capillaturam*, haud dubie ad veterem acu comandi rationem respiciens. Et sic quidem puellæ apud Vlpianum appellari *comatæ* videri possunt, quarum comæ calido ferro iniustæ crispatæque comari ab ornatricibus acu solent, quemadmodum ex Tertulliano & Quintiliano est demonstratum. Nec enim satis erat huiusmodi puellas comatas esse, siquidem eas matronæ in publicum prodeuntes vestibus etiam elegantioribus auctore Vlpiano sibi exornabant. Eamque ornandarum comitum rationem antiquissimam etiamnum apud nos matronæ nobiles videntur obseruare.

CAPVT XIX.

De præceptoribus puellarum.

SOLENT Romani non mulieribus sed viris præceptoribus filias suas erudiendas instituendasq; tradere. Eumque morem docet nos Iulianus de mercedibus differens, quæ vt liberalibus artibus instituerentur pupillæ nomine præceptoribus dantur, c 4. vbi pupil. educ. Et idcirco mirum non est quod scripserit Suetonius, Q. Cæcilium Attici Satirij equitis Romani libertum filiam patroni nuptam M. Agrippæ, docuisse. Id enim fieri solere manifestum facit hæc vetus inscriptio: PVDENS. M. LEPIDI. LIBERTVS. GRAMMATICVS. PROCVRATOR. ERAM. LEPIDÆ. MORESQUE. REGEbam. DVM. VIXI. MAN-SIT. CÆSARIS. ILLA. NVRVs. Meminit etiam ornatricum Marcianus, quæ duos tantum menses apud magistrum fuerunt, cap. 65. §. 3. de leg. 2. per *magistrum* eum intelligens præceptorem qui ornandi comandique industriam quandam singularem profitebatur. Huiusmodi enim magistros olim fuisse lib. de cultu foeminarum indicat Tertullianus; *Ait enim; Frustra laboratis ornata videri, frustra peritissimos quoque struētores capillatura adhibetis.* Columella de re rustica lib. 1. *Capitum & capillorum concinnatores non solum esse audiuī, sed & ipse vidi.* Vlpianus etiam & Paulus auctores sunt non solum magistros dici, qui iuventutem litteras docent, sed etiam qui aliquam omnino artem tradunt, cap. 13. §. 4. locati. cap. 5. §. 3. ad leg. Aquil. cap. 57. de verbor. signific.

CAPVT XX.

De classicis & allegatis testibus.

PAULVS ait, testes illos, quos vita humilitas infamauit, interrogari non placere, in teste enim & vita qualitatem spectari oportere & dignitatem. Hæc ita Paulus Sentent. lib. 5. tit. 15. ad notam censoriam omnino respiciens. Erat enim moris, vt ciues nimia paupertate laborantes animaduersione censoria classibus exempti capite censerentur, & in proletariorum numerum referrentur: Siquidem Suetonius auctor est, Diuum Claudium censuram gerentem, cum plures notare conaretur magna inquisitorum negligentia innoxios reperisse, quibuscunque cœlibatum, aut orbitatem aut egestatem obiiceret, maritos, parentes, opulentos se probantibus. Eoque pertinet quod Aufonius Eidyl. lib. 15. ita scribit.

Vitam parcus agas auidi lacerabere fama

Et largitorem grauius censura notabit.

Eaque etiam ratio est, cur testes qui signandis testamentis adhibebantur, *classicos* appellauerit Festus ad quinque classes in quas pro census qualitate distribuebatur populus Romanus, omnino respiciens, & simul indicans, proletarios ac capite censos, quia classici non erant signandis testamentis adhiberi non potuisse, ob nimiam paupertatem, quæ cum falsi ingentem materiam præbeat, semper Romanis suspecta fuit, quemadmodum de Caio Mario scribit lib. 2. Valerius. Proletarij igitur & capite censi classici non sunt, id quod ab Arnobio traditur aduersus gentes lib. 2. *Desinite* (inquit) *hominem, proletarius cum sit, classibus & capite cum censeatur adscribere ordinibus primis.* Sensus enim est, *desinite hominem adscri*

adscribere primis ordinibus, qui classium respectu, sub quibus nimia paupertate nequit censerī, nomen habet & titulum proletarij. Illud etiam solet observari, ut classicis testibus, simul atque testimonium suscepissent, liberum non esset aut dissimulare, aut subtrahere se, indeque etiam *allegati* appellarentur, auctore Isidoro, Etymolog. lib. 5. Sique dissimularent, aut se subtraherent, lege duodecim tabularum sic puniebantur, ut essent improbi & intestabiles & per hoc classibus exempti in Cæritum tabulas referrentur & ærarij fierent. Eaque vera est sententia legis illius decemviralis, cuius lib. 15. cap. 13. meminit Gellius. Porro quem decemviri & iurisconsulti *intestabilem* vocant, is à Plauto *nefastus* videtur appellari, in Pœnulo his versibus:

— *Ad sunt testes. M. Tot quidem*

Non potuisti adducere homines magis ad hanc rem idoneos.

Nam istorum nullus nefastus est, Comitiales sunt meri.

Ibi habitant, ibi eos conspicias quam prætorem sæpius.

Sensus enim est, his testibus non esse nefas testimonium perhibere, & sic nec improbos nec intestabiles eos esse, quandoquidem in comitio sedulam quotidie perhibendis testimoniis operam dent.

IACOBI RÆVARDI

IC. CONIECTANEORVM

LIBER TERTIVS.

CAPVT I.

De infantis necandi piaculo.



VI hominem occidit, lege Cornelia de sicariis tenetur, cap. 1. ad leg. Corn. de sic. Ergo & qui infantem occidit. Infans enim homo est. Idque adeo verum est vt mulierem visceribus suis vim inferentem, quò partum abigeret, interpretatione iusta legi etiam Corneliae obnoxiam esse voluerint veteres cap. 8. d. tit. Quanto igitur magis quæ infantem occidit? Qua de re scribit eleganter in Apologetico ad hunc modum Tertullianus; *Nobis vero homicidio semel interdicto etiam conceptum utero dum adhuc sanguis in hominem delibatur, dissolvere non licet: homicidij festinatio est prohiberi nasci, nec refert natam quis eripiat animam, an nascentium disturbet, homo est, & qui est futurus, & fructus hominis iam in semine est.* Et in octauio Minutius Felix: *Sunt, inquit, quæ in ipsis visceribus medicaminibus epotis originem futuri hominis extinguant, & parricidium faciunt antequam pariant.* Quibus etiam addi potest quod hunc in modum pro Cluentio Cicero scribit; *Memoria teneo Milesiam quandam mulierem, cum essem in Asia, quod ab heredibus secundis accepta pecunia partum sibi ipsa medicamentis abegisset;*

rei capitalis esse damnatam, nec iniuria, quæ spem parentis, memoriam nominis, subsidium generis, heredem familia. designatum reipub. cinem sustulisset. Et quia hoc exemplum pro lege laudat Tryphonius, addens insuper mulierem post diuortium visceribus vim inferentem, temporali exilio multari principes voluisse (cap. 39. de pœnis) quis credat eo tempore infanticidio nullam fuisse pœnam irrogatam? Non est quod sibi persuadeat aliquis primos Valentinianum, Valentem, & Gratianum imperatores videri constituisse, ut is qui infantem occidit, capite puniretur. cap. pen. C. de leg. Corn. de sicar. Illud enim rescriptum quædam ambigui intellectus verba continet, ex quibus ambigua & incerta eruitur argumentatio. Nam sic scribunt imperatores: *Si quis necandi infantis piaculum aggressus aggressus sit.* Piaculum duplicem admittit significationem, scelus enim *piaculum* est, ut apud Virgilium:

Distulit in seram commissæ piacula mortem.

Sacrificium etiam per piaculum etiam intelligi auctor est idem Virgilius Æneidos lib. 6. Ait enim:

Duc nigras pecudes, ea prima piacula sunt.

Hæc si vera sunt, necandi igitur infantis piaculum tam de singulari sacrificio, quo à parentibus infantes immolebantur, quam de vulgari quouis infanticidio accipi potest, præsertim cum sic in Octauio scripserit Minurius Felix, *Saturnus filios suos non exposuit, sed vorauit.* Merito ei in nonnullis Africæ partibus à parentibus infantes immolabantur, blanditiis & osculo comprimente vagitum, ne flebilis hostia immolaretur. Et Tertullianus in Apologetico, *Infantes*, inquit, *penes Africam Saturno immolabantur palam, usque ad proconsulatum Tiberij, qui eosdem sacerdotes in iisdem arborib. templi sui obumbratricib. scelerum votiuus crucibus*

crucibus exposuit, sed & nunc in occulto perseuerat hoc sacrificium facinus. Hæc Tertullianus. Ad huiusmodi sacrificium vt credam, necâdi infantis piaculum hos imperatores referri voluisse, variis adducor cōiecturis. Certo enim certius est huiusmodi infantium immolationem *piaculum* dici. Nam sic non Valentinianus duntaxat, sed Lactantius etiam illud sacrificium appellat lib. 1. cap. 21. his verbis; *Pescenius Festus in libris historiarum per satyram refert Carthaginienſes Saturno humanas hostias solitos immolare, & cum videnti essent ab Agathocle rege Siculorum, iratum sibi Deum patuisse, itaque vt diligentius piaculum soluerent, ducentos nobilium filios immolasse.* Nec est etiam verisimile vsque ad tempora Valentiniani imperatoris infanticidium relictum fuisse impunitum, tam quod infans homo sit, quam quod mulier partum abigens grauitèr olim puniretur, cap. 39. de pœnis. Et quia sacrum huiusmodi facinus ad vsque sua tempora in occulto perseuerasse testatur expresse Tertullianus, certe necdum etiam Valentiniano imperante videri potest radicitus extirpatum fuisse, cuiusque extirpandi gratia hoc rescriptum ad Probum per Italiam præfectum prætorio directum fuisse, sub cuius dispositione Italia, Illyricum & Africa in notitia prouinciarum numerantur. Fuisse autem Probum hunc præfectum prætorio per Italiam satis in eo carmine demonstrat Ausonius, quo libellum suum ad hunc eundem Probum mittebat. Hunc enim Probum exceptis tribus heris nimirum Valentiniano, Valente, & Gratiano, *herorum primum* appellat, prætorioque præfectum maximum his verbis:

*Qui solus exceptis tribus
Heris, herorum primus est
Prætorioque maximus.*

Dico hunc senatus præfulem,

Præfectum eundem & consulem.

Est igitur in hoc rescripto piaculum necandi infantis sacrum facinus, non autem vulgare quoduis infanticidium ut putant interpretes.

C A P V T II.

De antiquis Iustiniani fabulis.

QUod non animaduertit moris fuisse, ut pueris prælegerentur olim tripartita, nunquam intelliget quid per antiquas fabulas in procæmio Institutionum velit intelligi Iustinianus. Edidisse autem Sextum Ælium librum quendam qui *tripartita* inscriberetur, testis est Pomponius cap. 2. §. 19. de orig. iur. Addiditque eum librum *tripartita* dictum esse, quod lege duodecim tabularum proposita iungeretur interpretatio, ac deinde subtexeretur legis actio. Hunc librum haud aliter ediscebant Romani iuvenes quàm nunc iuuentuti nostræ Iustiniani præleguntur Institutiones. Id quod Cicero demonstrat evidentissime cum ait; *Discebamus pueri duodecim, ut carmen necessarium, quas iam nemo discit.* Si tabulas duodecim didicerint pueri, certe & earum quoque interpretationem, & simul legis actionem didicerunt, hoc est tripartita Ælij Sexti. Nam sine interpretatione leges illæ non poterant intelligi, quarum sine legis actionibus nullus etiam usus erat. Ipse pro Muræna Cicero legis actiones quodammodo *fabulas* appellat, cum eas ridiculas ineptias, inanissimasque prudentiæ repertas esse ait. Iustinianus etiam expresse testatus est iuvenes olim qui ad primam legum veniebant audientiam, inutiles legis antiquæ, hoc est duodecim tabularum dispositiones & antiquæ subtilitatis lûdibrium

dibrium accepisse. ca. vnic. C. de nudo iure Quirit. toll. Hæc si vera sunt, per antiquas igitur fabulas duodecim tabulas, & legis actiones potius quam responsa prudentum abolita, quam leges populi Romani abrogatas dissentientibus licet viris doctis arbitrabimur intellexisse Iustinianum.

C A P V T I I I .

De militiis quæ vendi solent.

FVERUNT olim militiarum species varix. Sic enim scripsit de Idololatria Tertullianus; *At nunc de isto queritur an fidelis ad militiam conueri possit, & an militia ad fidem admitti, etiam caligata, vel inferior quæque cui non sit necessitas immolationum vel capitalium iudiciorum.* Nec alio videri potest Vlpianus respexisse, de milite differens qui sub armata militia stipendia meruit cap. 6. in princ. de re indic. Scribas autem præcones & viatores militasse, inde probari potest, quod executores litium qui alio nomine *viatores* dicuntur, ita soleant coerceri, ut non pœnas solum corporales luerent, sed etiam ut militia exuerentur. cap. 2. C. de sportul. Atque ita tres fuisse militiarum species videri possunt, una armata siue caligata, altera Palatina caligataque, & tertia forensis inferior cap. 1. Cod. Theod. quib. milit. ad urb. non lic. acced. Et id quidem eo mihi verisimilius videtur quod nō ignorem omnes qui stipendiis gaudent militare. Sic enim Sermone 19. de verb. Do. scripsit Augustinus; *Nonnulli qui aut militia cingulo detinentur, aut in actu sunt publico, cum peccant graviter, hac solent à peccatis suis prima se voce excusare, quod militam.* Inferior militia, quam esse forenses diximus, alienari potuit, & ad eam respexisse videtur Scauola de venditore &

emptore militiæ differens, inter quos conuenerat ut salarium quod debebatur, emptori cederet; cap. 5. 2. §. primo de act. empt. Et id quidem eo constantius mihi persuadeo, tum quod in quadam Horatij vita quæstorium dicatur Horatius scriptum comparasse, tum etiam quod sciam Acronem recoctos scribas definientem tradidisse, scribas in prouincias cum magistratibus iuisse, & cum satis rediissent locupletes vendidisse decurias suas. Quid enim est aliud *decurias vendere*, quam militiam vendere? Nam ut sub cohortibus certis caligati milites, sic milites isti forenses, isti inquam scribæ, viatores, & præcones sub decuriis certis militabant. Testis enim est in Claudio Suetonius, corpus Caligulæ obuias scribarum decurias suscepisse. Et Liuius libro 40. *Scribam*, inquit, *enim quæstor Q. Petilius in decuriam legerat*. Est etiam Seneca auctor primam decuriam præconum fuisse. Sic enim Epist. libro 6. scribit; *Ille in primam decuriam deiectus in qua vocem præco experitur*. Hæc si vera sunt, nunc intelligimus, quo sensu scripserit Celsus L. Titium in testamento suo P. Mænio militiam suam reliquisse, siue pecuniam, quæcunque redigi ex venditione eius potuerit cum suis commodis, cap. 22. de leg. 2. Sensus enim est decuriam suam L. Titium scribam, viatorem aut præconem P. Mænio reliquisse. Si enim huiusmodi militiæ consueverint emi, cur non ad heredes transirent? cur non etiam testamento legarentur? Eoque sensu dixit Ulpianus, *seruo alieno militiam relinquere, ius militia legata persona coherere*: & Scauola, *militiam cum introitu comparare*, cap. 3. §. 7. de minorib. cap. 11. §. 14. & ca. 102. §. 2. de leg. 3. cap. 18. §. 2. de aliment. leg. Nec alio videtur Horatius respexisse, Ser. lib. 2. Sat. 5. cum ait.

Plerunque

— Plerunque recoctus

Scriba ex quinqueuiro coruum deludet hiantem.

In eum enim locum sic scribit Acron ; Scriba ibant in prouincias cum magistratibus , & cum rediissent , vendebant decurias suas & quinqueuiri dicebantur, quod si uoluissent iterum magistratibus apparere & fructus priores percipere, recocti dicebantur. Pro magistratibus apparere, male vulgo legitur magistratus appetere, eumque errorem detegunt libri manuscripti, quos habet Cruginus noster. Sensus igitur est, scribam qui ex prouinciis domum satis locuples rediit, & ob id decuriam siue militiam suam vendidit, ac quinqueuir factus est, nonnunquam ad eam inopiam iterum redigi, ut ex quinqueuiro rursus cogatur scriba fieri, fructusque priores accipere, eaque ratione captatorem quinqueuiratus tempore hereditati eius insidiantem delusum plerunque à scriba recocto frustratumque postea fuisse.

C A P V T IV.

De die natali Calendisque Martiis.

ROMANI annis singulis diem solemniter celebrabant natalem suum, quemadmodum docet Beatus Augustinus de tempore, Serm. i. Considerato, quæso. inquit, quando aliquis homo potens, aut nobilis, natalem suum aut filij sui celebrare desiderat, quanto studio ante plures dies quidquid in domo sua sordium inuenerit, ordinat emundari, quidquid ineptum & incongruum, proiici, quicquid utile & necessarium, præcipit exhiberi ; Domus etiam si obscura fuerit dealbatur, pauimenta scopis mundantur, & diuersis respersa floribus adornantur, quicquid etiam ad lætitiæ animæ & corporis delicias pertinet, omni sollicitudine prouidetur. Hæc Augustinus de die natali. Eoque die cognatos, affines, aliosque amicos

& familiares munera misisse in Curculione Epidico, & Pseudolo demonstrat Plautus : Et in Phormione Terentius cum ait:

—— Porro autem Geta

Ferietur alio munere, ubi hera pepererit,

Porro alio ubi erit puero natalis dies.

Plinius Epist. lib. 4. *Multis enim atque etiam principi dixerat sola se munuscula duntaxat natali suo aut saturnalibus accepisse, & plerisque misisse.* Hunc natalis celebrandi antiquum morem principes etiam obseruasse testis est Sermone 14. Beatus Ambrosius his verbis: *Latitia quanta sit, quantusque concursus cum imperatoris mundi istius natalis celebrandus est bene nostis quemadmodum duces & principes omnes etiam militantes accurate sericis vestibus accincti, operosis cingulis auro fulgente pretiosis ambiunt solito nitidius, in conspectu regis incedere; Credunt enim maius esse imperatoris gaudium, si viderit maiorem suae apparitionis ornatum, tantoque illum latum futurum, quanto ipsi fuerint in eius festiuitate deuoti, ut quia imperator tanquam homo corda non conspiciat, affectum eorum circa se probe vel habitum contuendo, ita sit ut splendidius se accuret quisquis regem fidelius diligit.* Deinde quia in die natalis sui sciunt eum largum futurum, ac donaturum plurima vel ministris suis vel iis qui in domo eius abiecti putantur ac viles, tanta prius thesauros replere diuitiarum varietate festinant: ut in quantum prorogare voluerit, in tantum prorogatio copiosa non desit, & ante voluntas donandi deficiat quam substantia largiendi. Hac autem ideo solliciti faciunt quia maiorem remunerationem sperant futuram. Haecenus de natalibus principum Ambrosius expresse demonstrans tam principum quam priuatorum hominum feriis natalitiis, dari & accipi munera consueuisse. Martialis Epigrammate lib. 10.

Natali Diodore tuo conuiuia senatus

Accubat, & rarus non adhibetur eques;

Et tua tricenos largitur sportula nummos;

Nemo tamen natum te Diodore putat.

Et hæc de die natali, quem testatores nonnulli etiam post mortem celebrari & morari voluerunt annuis in eam rem diuisionibus loco munerum testamento relictis, ca. 23, de annuis leg. Hæc cum non intelligeret Accursius, imperite de tempore mortis interpretatus est hoc loco diem natalem, eiusque errorem fertur Tiraquellus securus esse. Festus auctor est Martias Calendas matronas celebrasse, quod eo die Iunonis Lucinæ ædes coli cœpta sit. Testatur etiam Acron Calendas Martias *Matronalia* dici, eo quod mariti pro conseruatione coniugij supplicabant, & diem fuisse proprie festum matronis. Eoque die accipi etiam, ac dari solere munera testis est Tertullianus sic de feriis scribens lib. de idololatria; *Ianuariae & Brumæ & Matronales frequentantur, munera commendant, strenæ consonant, lusus, conuiuia constrepunt.* Suetonius quoque auctor est, Vespasianum apophorera dedisse viris quidem Saturnalibus, feminis vero Calendis Martij. Iuuenalis Sat. 9.

En cui tu viridem umbellam, cui succina mittas

Grandia, natalis quoties redit, aut madidum ver

Incipit; & strata positus longaque cathedra

Munera femineis tractas secreta calendis.

Et Martialis Epig. lib. 5.

Scis certe puto vestra iam venire

Saturnalia, Martias Calendas.

Tunc reddam tibi Galla quod dedisti.

Sed quorsum hæc? Nimirum vt intelligamus, quid illud sit quod sic Vlpianus scribit: *Si vir uxori minus immodicum Calendis Martiis aut natali die dedisset*

Ttc 5 donatio

donatio est, cap. 3. §. 7. de donat. inter vir. & vxor. Nec alio sensu solemnia munera quæ parentibus cognatisque mitti solent, apud Paulum accipienda sunt, cap. 12. §. 3. de administ. & peric. tut.

CAPUT V.

Per fenestram monstrare quid sit.

ID quod obiter, re non diligenter excussa, aut perpen-
sa monstratur, *per transfennam monstrari* dicitur. *Transfennam* autem non, ut quidam putant, *transitum*, sed *fenestram* significare auctor est Nonius citans illud Ciceronis; *Quasi per transfennam prætereuntes strictim aspeximus*. Est igitur *per transfennam* idem omnino quod *per fenestram*. Et id quidem adeo verum est ut non per transfennam solum, sed etiam per fenestram ea dicantur demonstrari, quæ obiter nec mature satis definiuntur. Eoque sensu derisum fuisse Neruam Iurisconsultum auctor est Paulus, quod ille per fenestram monstauerat seruos detentos ob pensionem liberari posse, cap. pen. in quib. caus. pig. vel hypot. tac. contr.

CAPUT VI.

De annonis & contributionibus pradiorum.

VLPIANVS auctor est ob transitum exercitus conferri quid à rusticis ex fructibus solere. c. 27. §. 3. de vsufr. Hæc verba non alio quam ad itinerarium quod miles iter ingressurus accipit, ab imperatore referenda sunt. De huiusmodi enim itinerario sic scripsit in Psal 118. Ser. 5. Beatus Ambrosius; *Miles qui ingreditur iteriviandi ordinem non ipse disponit sibi, sed itinerarium ab imperatore accipit, & custodit illuc*

illud, præscriptio incedit ordine, cum armis suis ambulat, rectaque via conficit iter, ut inueniat commeantium parata sibi subsidia. Si alio ambulauerit itinere, annonam non accipit, mansionem paratam non inuenit, quia imperator iussu præparari hac omnia qui sequuntur, nec dextera nec sinistra à præscripto itinere declinant, meritoque non deficit qui imperatorem sequitur suum. Moderate enim ambulat, quia imperator non quod sibi utile, sed quod omnibus possibile, considerat, ideo & statuas ordinat, triduo ambulat exercitus, quarto requiescit die. Eliguntur ciuitates in quibus triduum, quatrimum, & plures interponantur dies, si aquis abundanti, commerciis frequentantur, & ita sine labore conficitur iter, donec ad eam urbem perueniatur quæ quasi regalis eligitur, in qua fessis exercitiis requies ministratur. Et paulo post, Sicubi vult requiescere rex terra exercitum suum, non ignobilem vicum, non commeatibus indigentem, non arenosa & nuda gignentium, sed urbem adificiis nobilem, referiam & uberem copiarum, aut agrum amœnum & virentem pascuis, aut nemorosa & campestria statuis opportuna decernit. Hæc Ambrosius euidenter demonstrans ita duci exercitum solere ut certis locis ordinarentur statinæ certa, non in ciuitatibus solum, sed etiam in vicis amœnisque pratis, & in iis locis annonam acciperent milites paratasque inuenirent mansiones. Huiusmodi annonam gratuita quadam rustorum ex prædiis collatione ministrari olim debuisse, nemo est qui non ex eo suspiceretur, quod tradidit Vlpianus ob transitum exercitus ex fructibus conferri quid à iusticiis solere d. cap. 27. Eoque sensu arbitror onera annonarum, & contributionum temporalium accepisse Modestinum cap. 32. §. 6. de administr. & per. tut. Nec alio referendum admonuimus, quod Celsus ait rusticos senes dicere solitos pecuniam sine peculio fragile esse, peculium appellantes quod

quod præsidij, hoc est, transeuntis exercitus causa seponeretur c. 79. de leg. 3. Tunc enim erogari ex fructib. annonæ solent, & ex prædiis contributiones fieri; quemadmodum euidenter demonstrat rex Theodoricus apud Cassiodorum, Var. lib. 5. sic Eutropio & Acretio scribens; *Præsenti iussione vos credidimus admonendos, ut annonas constitutas exercitui præbere debeatis, quatenus nec illi negligantur aduerso voto, nec provinciales pernicioſa debeat gravare direptio.* Inter loca stativis opportuna, agrum amœnum & virentem pascuis numerat expresse Beatus Ambrosius. Eaque res efficit ut mihi persuadeam rescriptum illud Arcadij & Honorij mendosum non esse, quo à publicis pratis ac amœnis pascuis animalia militum prohibentur, cap. 2. C. de pasc. pub. & pri.

C A P V T V. II.

De Patriciis.

PATRICIORVM interpretatio triplex est; vna cunctis Romanis ciuib. ingenuis communis; Altera solis iis nobilibus, qui plebeij nō erant, propria; Et tertia denique senatorib. primariis accommodata. Aliquando enim ciues ingenuos non patres solum, sed etiam plebeios satis constat *patricios* appellatos fuisse; Id quod apud Festum testatur expresse Cincius lib. de comitiis. Et Liuius lib. 10. *En unquam fando audistis, inquit, patricios primo esse factos, non de coelo demissos, sed qui patrem ciere, auumque possent, hoc est, nihil ultra quam ingenuos?* Erat & alia patriciorum interpretatio. Nam per patricios illi nobiles plerumque designabantur soli, qui plebeij non erant ad eorum quos *plebeios* dicebant differentiam sic appellati. Quo sensu patricios accepit Festus cū *mulleos* genus esse

esse calceorum scriberet quibus reges Albanorum primi, deinde patricij vñ sunt. Et id quidem adeo verum est, vt gens omnis aut patricia aut plebeia esse hac sola ratione diceretur, quemadmodum in Augusto eleganter docet Suetonius; Ait enim, Octaviã gentem à Tarquinio Prisco rege inter Romanas gētes allectam in senatum fuisse, mox à Seruio Tullo in patriciam traductam, procedente tempore ad plebem se contulisse ac rursus magna vi per D. Iulium in patriciatum rediisse. Inter huiusmodi patricios nonnulli fuisse dicuntur patricij minorum gētium, quorum meminit Cicero Epist. fa. lib. 9. sic Papirio Pato scribens: *Fuerunt enim patricij minorum gentium quorum princeps L. Papirius Mugillanus.* Quinã autem illi fuerint, interpretes nequeunt definire. Animaduerti patriciorum olim duas fuisse species diuerfas, aut enim erant origine patricij, aut principis senatusue beneficio. Origine quidem patriciorum filij, nepotes, pronepotes, & sic deinceps; beneficio vero principis aut senatus fiebant patricij allectione siue cooptatione. Moris enim erat vt plebeij aut à principe aut etiam à patrib. inter patricios allecti à plebiis ad patricios transfirent. Eumque morem docuit nos in Tiberio Suetonius. Ait enim, Claudiam gentem à patribus in patricios cooptatam fuisse. Idem Suetonius etiam auctor est, Saluium Orthonem à Claudio allectũ fuisse inter patricios. Deque huiusmodi patriciis ausim dicere eos accipiendos esse qui *minorum gentium patricij* dicuntur. Sunt enim reuera minorum gentium, h. e. gentium plebeiarum, eorum videlicet patriciorum respectu qui origine, successionem & quadam maiorum gentium continua serie patricij sunt. Hæc si vera sunt nũc intelligimus quid Iustinianus sibi voluerit cum scriberet appellatione populi

populi ciues vniuersos significari, connumeratis etiã putriciis & senatoribus. §. plebs autem. Institut. de Iur. nat. gent. & ci. Non enim dubium est quin tam de minorum quam maiorum gentium patriciis senserit hoc in loco Iustinianus. Atque ita quidem satis esse perspicuum puto, qua ratione genere quodam omnes ingenui, auctore Cincio, patricij dicantur, quia item ratione specie quadam ab ingenuis hominibus plebiis seiungantur, sepatenturque patricij. Restat enim tertia patriciorum interpretatio, quam diximus senatoribus primariis accommodatam fuisse. Et certum quidem est Iustiniani seculo patres reipublicæ, & senatorij ordinis principes viros, ad aliorum senatorum differentiam appellatos omnes *patricios* fuisse, nec alios eodem tempore fuisse patricios, qui non essent aut Romani aut Constantinopolitani senatores quantum ex Suida, & Cassiodoro colligere possum. Eoque sensu *patriciatum* accepit Iustinianus cum scriberet, summam patriciatus dignitatem filium à patria potestate liberare. §. filiusfamilias. Institut. Quib. mod. ius pat. pot. sol. ca. ult. C. de consul.

C A P V T VIII.

De susceptoribus vestium militarium.

IGNORARI scio quid sibi voluerint Honorius & Theodosius imperatores, cum scriberent; officio proconsulari vel iis qui in eodem meruerint, suspensionem vestium militarium commitendam esse, eo quod ad conuendum iis commodior cura sit, cap. pen. C. de suscep. præpos. & arc. Eaque ignorantia factum est, vt pro Constituendum, recte ex Theodosiano Codice *Conuendum* in Codice Iustiniani reponeretur, & rursus

ex contuendum non recte emendatum sit *consuendum*. Sensus enim est huiusmodi curam ad contuendum, hoc est, ad inspiciendū & obseruandum quinam milites vestibus indigeant, propter assiduam præsentiam officiis cohortalibus longe commodiorem esse quam ea foret, si curialibus aliquibus iniungeretur. Et ita quidem auctores illius seculi locutos esse testis est Ambrosius, de iis qui in natalibus principum accurate sericis vestibus accincti sunt, differens ser. 14. Id enim eos facere ait, vt quia imperator tanquam homo corda non conspicit, affectum eorum circa se probet, vel habitum contuendo, ita enim fieri, vt splendidius se accuret quisquis regem fidelius diligit. Augustinus libr. 5. de genesi: *Interpositis aut oppositis aliis à nostro contuitu actuque separantur.*

CAPVT IX.

De moribus.

OMNES populi, inquit Caius, qui legibus aut moribus reguntur partim suo proprio, partim communi omnium hominum iure vtuntur, cap. 9. de iust. & iur. Mores vno sensu prophanis rebus opponi solent, & sacris accommodari. Definuit enim *morem* Sextus Pompeius institutum patrium pertinens maxime ad religiones ceremoniasque antiquorum. Altero sensu iuri scripto mores contrarij sunt. Ait enim in frag. Vlpianus mores tacitum esse consensum populi longa consuetudine inueteratum. Atque ita mores accipit Ambrosius, Hexa. lib. 5. cap. 23. *Sunt, inquit, leges natura non scripte literis sed impressæ moribus.* Et Varro *morem* esse communem sensum voluit omnium simul habitantium, qui inueteratus consuetudine facit, vt est apud Seruiū Virgilij & Macrobiū Saturn. li. 3. c. 8. Prior interpretatio quæ Festi est, huic
Caij

Caij responso magis videtur conueniens esse, quam posterior illa Vlpiani & Varronis: Verisimilius enim est humanum diuinumque ius quam ius scriptum & non scriptum legum morumque nomine apud Caium intelligi. Augustinus contra Faustum lib. 22. *Homines, aliter se habentibus iam moribus & legibus, non possunt delectari vxorum multitudine.*

CAPVT X.

De pedaneis iudicibus.

IUDICES alij maiores, alij minores erant. Et iudices quidem maiores in sellis curulibus aut tribunali- bus: minores vero in subsellis confidebant. Martialis Epig. lib. II.

*Non consulatus ipse, nec tribunatus,
Sæuique fasces, nec superba clamosi
Licitoris abiget virga basiatorem,
Sedeas in alio tu licet tribunali
Et è curuli inra gentibus reddas,
Ascendet illa basiator.*

Asconius in diuinat. Sunt enim subsellia tribunorum, quaestorum, & huiusmodi minora iudicia exercentium, qui non in sellis curulib. nec tribunali- bus, sed in subsellis confidebant. Illud etiam obseruari solet vt qui tribunal ascendendi haberent potestatem, iidem etiam vti sella curuli possent: sed non è contrario, qui ius haberent ponendæ curulis sellæ, tribunal etiam ascendendi potestatem habebant. Idque ex eo cognosci facile potest, quod senatores quidam sella vterentur curuli, quos tamen constat & priuatos fuisse, & per cōsequēs ius tribunal ascendēdi nō habuisse. Nam vbi tribunal, ibi fasces, hoc est insignia alicuius maioris magistratus. Seneca de ben. l. 4. c. 3. *Homine*

nam palam obscœnum ad fasces & tribunal admisisti? Eos autem quibus concessa fuerat curulis sella, curiam intrare & sedere inter senatores potuisse docet euidenter Liuius li. 27. Ait enim C. Flaminium flaminẽ Dialectem in senatum idcirco ausum introire, quod illud sacerdotij ius ei cum sella curuli & toga prætexta datum esset. Verba Liuij hæc sunt: Ingressum eum curiam cum Lucius Licinius prætor inde eduxisset, tribunos plebis appellauit flamen; vetustum ius sacerdotij repetebat, datum id cum toga prætexta & sella curuli C. Flaminio fuisse. Iudices qui in subsellis confidebant omnes vno nomine pedanei iudices dicebantur, siue illi magistratus essent, quales tribuni, triumuii & quæstores erant, siue à magistratibus maioribus dati, siue etiam in municipiis inter curiales adscripti. Tribuni triumuii, & quæstores, ordinaria quadam magistratus, quem gerebant, auctoritate, ius dicebāt, & sic per consequens iurisdictioni præfuisse recte videri iure magistratus possunt. Et quia postulare nihil aliud est iurisconsultis, quam desiderium suum in iure apud eum qui iurisdictioni præest, exponere, cap. 1. §. 1. de postul. utique mihi videor intelligere quid sibi voluerit Vlpianus ita scribens: Item senatusconsulto etiam apud iudices pedaneos postulare prohibetur calumnia publici iudicij damnatus, d. c. 1. §. 5. in prin. Sensus enim est, eum qui calumniæ publici iudicij nomine damnatus est, ne apud eos quidem magistratus qui in subsellis confidebant, postulare potuisse, tantum abest, ut apud eos potuerit, qui pro tribunali aut certe de plano posita curuli sella ius reddebant. Et sic quidem si per iudices pedaneos minores huiusmodi magistratus in hoc loco non intellexeris, sed datos iudices ut plerisque persuasum est, doceri utique velim an quis mortalium vnquam legerit iudices datos

præfuisse iurisdictioni, aut apud eos postulatū fuisse: hæc enim solis tribui magistratib. præter antiquam iuris iudiciiue differentiam innumera prudentum responsa liquido demonstrant ca. 10. de iurisdic. c. 2. in princip. Si quis in ius vocat. cap. 1. quod quisque iur. Et Liuius li. 23. *Prætores, inquit, quorum iurisdictionis erat, tribunalia ad piscinam publicam posuerunt, eo vadimoniam fieri iusserunt, ibique eo anno ius dictum est.* Idem Liuius ius priuatos non dixisse, sed magistratus solos multo tradidit dilucidius lib. 42. his verbis; *Idibus Martiis adesse reū iussit, quo die noui magistratus iniuri erant honorē, ne diceret ius qui priuatus futurus esset.* Quod ipsum ab Vlpiano etiam traditum est cap. 13. de iurisdic. Et hæc quidem adeo vera sunt vt non priuati sed soli magistratus præesse dicerentur. Sic enim in Chabria scripsit Æmilius Probus; *Erat in classe Chabrias priuatus, sed omnes qui in magistratu erant, auctoritate anteibat, eumque magis milites quam qui præerant, aspiciebant.* Sunt igitur in hoc loco pedanei iudices magistratus illi, qui in subselliis confidentes minora iudicia propria quadam iuris dicendi auctoritate exercebant. De quibus etiam accipiendum est quod idem Vlpianus sic ad edictum li. 5. scribit; *Si quis ad pedanum iudicem vocatum quem eximat pœna eius edicti cessabit* cap. 3. ne quis eum. Certum est ex magistratib. alios prehensionem habuisse, alios vocationem populi viritim, alios neutrum. Et inter eos qui nec prehensionem nec vocationem habebant, quæstores, triumuiros, aliosque qui neque viatorem neque lictorem habentes in subselliis confidebant, numerari auctor est Gellius lib. 13. ca. 12. & 13. Et idcirco si reum, obtorto, vt fieri solet, collo, ad se duci & rapi potius quam aliqua denuntiata pœna euocari pedaneus ille iudex pateretur, quinec prehensionem

nem habebat, nec vocationem, dubium non est quin suæ iurisdictionis limites, hoc fieri patiens, excedat. Eaque de causa reum ad pedaneum iudicem tractum exini sine fraude quis est qui non videat? Siquidem Paulus auctor est supra iurisdictionem suam ius dicere volenti impune non pareri, cap. vltim. de iurisdic. Videntur etiam iudices municipales appellati fuisse *pedanei iudices*. Certe quia sic Paulus scribit; *Iudices pedanei si pecunia corrupti dicantur, plerumque à præside aut curia submouentur, aut in exilium mittuntur, aut ad tempus relegantur*, ca. 3 8. §. 10. de pœnis. Vt credam non solum de aliquibus datis iudicibus, sed etiam de iudicibus municipalibus locum hunc accipi debere, hæc verba me mouent, *Aut curia submouentur*. Quemadmodum enim *offerri curia* dicuntur filij naturales, qui in numerum decurionū referuntur c. 3. & 4. C. de natur. lib. c. 1 5. in princip. ad municip. sic *remoueri curia* illi iudices pedanei recte etiā dici posse videtur, qui decurionum ordine mouetur, præsertim cum curiam sic accipi in municipiis solere testetur expresse his verbis Scæuola: *Quod maior pars curia effecit, pro eo habetur ac si omnes egerint*, cap. 19. ad municipal. per maiorem curia partem, decurionum haud dubie maiorem partem intelligens, qui alio nomine *curiales* dicuntur. Saluianus de prouid. Dei li. 5. *Quæ enim sunt, non vrbes, sed etiam municipia atque vici, ubi non quot curiales fuerint tot tyranni sint?* Vt igitur quis curia moueatur, eū esse curialem necessum est, hoc est in albo decurionum scriptū. *Curiales* autem appellari iudices illos quos præfides dabant, non arbitror doceri posse, præsertim ab eo qui de comitibus præsidum aut proconsulum quidnam vere sentiendum sit non ignorat cap. 3 2. Ex quib. caus. maiores, cap. 1. 3. & 4. de assessoribus. cap. 41. §. 1. de excus. cap. 3 8. in fin. ad

leg. Iul. de adult. Eaue de causa etiam *pedanei iudices* appellati fuisse videri possunt *iudices municipales*, quod illi non in tribunalibus aut sellis curulibus sed in subselliis considerent. Denique à prætoribus & præsidibus, aliisque maioribus magistratibus datos iudices, propter eandem rationem appellatos etiam pedaneos iudices fuisse, tam est manifestum, ut exemplis quæ infinita sunt, merito abstinendum sit, cap. 4. de curat. dat. cap. 2. 3. & 5. C. de pedan. iudic. Huiusmodi enim iudices non in tribunalibus aut sellis curulib. sed in subselliis consedissee testatur expresse Gellius lib. 14. cap. 2. Et sic quidem omnes illi iudices, qui non in tribunalibus, aut sellis curulibus, sed in subselliis considerant siue magistratus, siue priuarii essent, appellati fuisse *pedanei iudices* videri possunt.

CAP V T XI.

De munere nuptiali.

NEGAT Caius nuptiale munus matri pupillæ vel sorori mittere tutorem posse, cap. 13. § 2. de administ. & peric. tut. Est etiam Vlpianus auctor si munus nuptiale matri pupilli miserit tutor, nõ eum pupillo imputaturum, idque Labeonem scripsisse, cap. 1. §. 3. de tut. & rationib. distrah. dubium non est, quin ad eum morem Caius, Vlpianus, & Labeo, his in locis respexerint, quo à foceris eorúmque familiis cognatis, & propinquis munera die repotiorum novis nuptis mitti solent, eiusque moris meminit in Phormione Terentius. Ait enim:

— *Herilem filium eius duxisse audio*

Vxorem, ei credo munus hoc corraditur.

Nec alio videri potest Suetonius respexisse, cū scriberet Augustum legata vel partes hereditatū à quibuscunque

buscunque parentibus relicta sibi, aut statim liberis eorum concessisse, aut si pupillari aetate essent, die virilis togæ vel nuptiarum cum incremento restituisset. Testatur Suidas postridie nuptiarum à sponsæ patre tam sponsæ quam sponso solenni pompa munera mitti consueuisse, eamque pompam huiusmodi fuisse, ut puer præcederet alba veste facem incensam ferens, hunc sequeretur mulier canistrum gestans, ceteris ordine sequentibus familiaribus, qui aurum, patellas, lecticas, pectines, lectos, sandalia, thecas, pyxides vnguentarias, interdum etiam dotem sponso una offerrent. Eoque videri potest Paulus respexisse, Sentent. lib. 2. tit. 21. cum scriberet dotem vel antecedere vel subsequi matrimoniū, & ideo aut ante nuptias, aut post nuptias, dari posse. Dos enim quæ post nuptias, hoc est post uxorem ductam, dabatur, inter alia munera plerumque repotiorum die, uti ex Suida probatum est, offerebatur. Quod autem *canistrum* est apud Suidam, id videtur alio modo *cumera* vocari. Ait enim Festus *cumera* antiquos vocasse vas quoddam, quod opertum in nuptiis ferebant, in quo erant nubentis utensilia, illudque etiam *camillum* dici. Et hæc quidem offerendi nuptialis muneris antiquissima ratio etiamnum apud nos in usu est, & observatur die repotiorum à tenuiore plebecula constantissime.

CAPUT XII.

De vsitato ædificiorum altitudinis modo.

FVISSE aliquem Romæ ædificiorum altitudini præscriptum modum demonstrant euidentissime Seuerus & Antoninus Imperatores. Aiunt enim, cuique ædificare in suo & ei balneum superponere licere dum ne vsitatum altitudinis modum excedat, c. r.

C. de ædific. priuat. Animaduerti modum hunc tabulatis siue contignationibus tribus solere comprehendere. Cum enim Satyra tertia sic scriberet Iuuenalis, *Tabulata tibi iam tertia fumant*, quid quæso exprimere voluit aliud quam illud Virgilij, *Villarum culmina fumant*? Sunt igitur *ædificiorum culmina* tertia tabulata, & sic per consequens vsitatus ædificiorum altitudinis modus videtur olim ex contignationibus siue tabulatis tribus constituisse. Quod ipsum non obscure demonstrat Liuius lib. 21. cum ait, foro boario bouem in tertiam contignationem sua sponte scandisse, atque inde tumultu habitatorum territum sese deiecisse. Non enim dubito quin per *tertiam contignationem* supremum alicuius ædificij tabulatum Liuius intellexerit. Et huiusmodi quidem tres contignationes septuaginta pedes altius tolli ab Augusto prohibitum fuisse, eique numero decem pedes Traianum tandem detraxisse docuit eleganter Brissonius. Obseruari etiam solet vt aduersus, eum qui modum altitudinis vsitatum excessit ædificando, noui operis nuntiatio cuius ex populo competeret. Auctor est enim Vlpianus, si quid in loco sacro, religioso, vel publico, aut si quid contra leges edictaue principum quæ ad modum ædificiorum facta sunt, fiat, nuntiari nouum opus posse, c. 1. §. 11. de oper. no. nunt. Eiusque nuntiationis auctoritas tanta fuit, vt id quod ædificatum erat illicite, protinus dirueretur. Siquidem *illicite ædificatum* Vlpianus ait illud esse quod dirui constitutiones iubent, cap. 11. §. 12. de legat. 3. Quod si rursus dirutum ædificium, neglecto altitudinis vsitato modo struere dominus illicite non vereretur, ita solet puniri vt cum solo superficies cederet fisco. Idque illud esse mihi videtur quod de restructa domo, hoc est semel diruta & illicite iterum

iterum ædificata scripsit Callistratus c. i. in princ. de iure fisci. Nec quidem in ciuitatibus solum sed etiã in agris certus aliquis obseruari solet ædificiorum altitudinis modus, quem qui excedebant illæso ædificio afficiebantur graui multa, quemadmodum auctor est Valerius lib. 8. Ait enim; M. Æmilium Porcinam à L. Cassio accusatum crimine nimis sublimæ extructæ villæ in Allienfi agro graui multa populi iudicio affectum fuisse.

CAPVT XIII.

Religionis causa coire, quid sit.

MARCIVS auctor est populum religionis causa coire non prohiberi cap. i. de colleg. & corp. Id ego referendum censeo ad statos quosdam solemnesque dies, quibus ad templa, ædes, ædiculasque deorum sacras, tam rusticas, quam vrbanas, cõcursu populi celeberrimo supplicabatur, suscipiebantur, nuncupabantur, soluebanturque vota. Eum enim morem veteres obseruasse docet eleganter Plinius Epist. lib. 9. sic Mustio suo scribens: *Aruspium monitu reficienda est mihi ædes Cereris in prædiis in melius in maius, vetus sane & angusta, cum sit alioqui stato die frequentissima; nam Idibus Septembribus magnus à regione tota coit populus. Multæ res aguntur, multa vota suscipiuntur, multa redduntur, sed nullum in proximo suffugium aut imbris aut solis. Videor ergo munifice religioseque facturæ; si ædem quam pulcherrimam extruxero, addidero porticus ædi, illam ad usum Deæ, hæc ad hominum.* Augustinus de tempore, serm. 241. *Quicunque in agro suo, aut in villa, aut iuxta villam aliquas arbores aut aras vel qualibet vana habuerit, ubi miseri homines solent aliqua vota reddere, si eas non destruxerit vel succiderit in illis sacrilegiis, quæ ibi facta fuerint, sine dubio particeps erit.*

Hæc Augustinus euidenter cum Plinio demonstrans quid apud Marcianum sit religionis causa coire, & simul quo sensu scripserit Vlpianus sub prætextu religionis, vel sub specie soluendi voti, cœtus illicitos nec à veteranis tentari oportere, cap. 2. de extraord. cri. Nec alio spectasse videtur Cornelius Fronto *delubrum* appellans, in quo homines pericula sua deluant, pilum, scutum, vel alia plura suscepta votis ponentes.

CAP V T XIII.

De speculatoribus, eorumque iure.

SI de reo sumendum esset supremum in prouinciis supplicium centurio cum suis speculatoribus ad locum supplicij reum perducebat, nec ante decedebat quam præsidis sententia mandata foret executioni. Sic enim in Cypriani martyris vita scripsit Pontius Diaconus; *Et cum exiret pratorij fores, ibat comes militum turba, & ne quid in passione deesset centuriones & tribuni latus texerant.* Eumque morem visus est etiam in Euangelio expressisse diuus Marcus, ca. 15. In hanc enim sententiam scribit; *Milites Christo extra pratorium educto, totam cohortem conuocant, eumque purpura induunt, & postquam ei illuserunt spoliantes eum purpura, ipsiusque vestibus induentes crucifigendum ad locum Golgotha (quod Caluaria locum significat) educunt.* Et quia Diuus Matthæus centurionis meminit qui Iesum seruabat, ex eo probabiliter coniectari licet, id prorsus esse vero consentaneum, quod de centurione & speculatoribus dixi, eamque cohortem cuius meminit diuus Marcus ex speculatoribus & optionibus constitisse. Atque ita speculatores accepisse videri potest Cornelius Tacitus lib. 19. cū ait;

Fabius

Fabius Valens cum quatuor speculatoribus & tribus amicis totidemque centurionibus ad naues regreditur mature. Obferuari etiam solet vt reo ad locum supplicij perducto tot speculatoribus aut sorte, aut qua alia ratione executio sententiæ mandaretur, quot esse ad eam rem necessarij viderentur. Et hinc deinde factum est vt per speculatores interdum carnifices intelligerentur, cum alioquin hi proprie dici speculatores soleant qui hostilia silétio perspiciunt, Festo, L. Floro, Æmilio Probo, & Tertulliano auctoribus. Iulius Firmicus lib. 8. ca. 26. Speculatores faciet qui nudato gladio hominum amputant ceruices. Meminit etiam speculatorum non vt vulgo legitur spiculatorum Paulus Diaconus cum ait, Cyprianum stetisse in linteis, expectantem speculatorem. Et Seneca de ira lib. 1. Tunc centurio supplicio prepositus condere gladium speculatorem iubet. Et de huiusmodi speculatoribus visus est Vlpianus sensisse, cum scribet pannicularia ad speculatores pertinere, ca. 6. de bon. dam. Haud dubie per speculatores carnifices intelligens, eorumque ius vetus simul exprimens. Moris enim erat vt rei damnati & affecti supremo supplicio vestimenta inter se carnifices diuiderent. Eumque moré docent nos Evangelistæ singuli: Aiunt enim, milites quatuor postquam Iesum cruci affixerant, eius vestimenta cepisse & ex iis quatuor partes fecisse singulis militibus vnâ. Nec alio videtur referendû quod Paulus Diaconus ait; Cyprianum martyrem ad locum supplicij perductum se birro expoliasse, & tradidisse carnificibus. Eaque omnia quæ pannicularia dicuntur, sibi iure suo huiusmodi milites olim vsurpasse auctor est idem Vlpianus d. cap. 6. Addiditque zonam sub ratione pannicularia non contineri. Idque mirum non videtur ei, qui non ignorat sic de zona Liuium li. 33.

scripsisse, *Negotiandi ferme causa argentum in zonis habentes, in commeatibus erant. Addatur Paulini illud ad Sulpitium Seuerum; Lumbisque præinctis nullo ære graui zona festinanter viam tuam curres. Irenæus aduersus hæreses lib. 4. cap. 49. Ex alienis laboribus insigne aurum, & argentum, & aramentum cum inscriptione & imagine Cæsaris in zonis suis ferentes, iuste se facere dicunt.*

CAPVT XV.

De re textoria.

SOLENT matronæ etiam nobilissimæ lanæ reique textoriæ cum ancillis & seruis operam dare c. 31. de donat. inter vir. & vx. cap. 36. de leg. 1. c. 61. de leg. 3. Sic enim de Lucretia scribit li. 1. Liuius; *Nocte sera deditam lana inter lucubrantes ancillas in medio ædium sedentem inueniunt.* Auctor est etiam in fabulis, Hyginus Augusti libertus, Penelopem Vlyssis vxorem telam texuisse, quod ipsum Gaia Ceciliæ Festus & Cornelia M. Æmilij Lepidi coniugi tribuit Asconius. Nec alio spectat de Andromache illud Virgilij *Æneidos* lib. 3.

Textilibusque onerat donis ac talia fatur:

Accipe & hac manuum tibi quæ monumenta mearum

Sint puer, & longum Andromaches testentur amorem

Coniugis Hectoreæ.

Est etiam Sætonius auctor vestem domesticam Augusti ab vxore, filia, sororibus, neptibusque eius confectam fuisse. Et id quidē adeo verum est, vt singulæ propemodum matronæ sibi, maritis, liberisque suis, integra sic detexerent vestimenta, vt ea cōtexta nulla sarcinatricis, nulla sartoris opus haberent industria. Augustinus in Psal. 45. *Finitum cibum dicimus qui manducabatur, & finitam tunicam quæ tenebatur.*

Eumque

Eumque morem euidenter expressit in Euangelio
 Diuus Ioannes cap. 19. Ait enim Domini saluatoris
 nostri inconsutam fuisse tunicam, totamque à sum-
 mo contextam Nec aliud est quod hunc in modum
 scripsit ad Sabinum Vlpianus, *Vestimentum id est, quod
 detextum est, etsi defectum non sit, id est, si sit consummatum*
 ca. 22. de auro & arg. leg. Eoque referri potest, quod
 Vlpianus, & ex Vlpiano Iustinianus de aliena pur-
 pura scribunt, quam quis vestimento suo intexuit
 cap. 7. ad exhib. §. si tamen. Institut. de rer. diuis. Con-
 stitit autem omnis textura partim ex lana, partim ex
 tela. Lanæ deditæ mulieres erant, quæ lanam ad tex-
 turam præparabant, telæ quæ in atrio ex vetere mo-
 re texebant. Idque mihi visus est Terentius voluisse
 sic in Andria scribens; *Lana ac tela victum queritans.*
 Per *lanam* enim eam intelligit lanæ præparationem
 Terentius, quæ ad texturam lauando, nendo, tingen-
 do, aut qua alia ratione necessaria est, & per *telam*
 ipsam detextionem, ca. 70. in princ. de leg. 3. Gouea-
 nus per *telam* instrumentum textorium intelligit.
 Cui vt nõ adsentiar, facit Hyginus Augusti libertus
 sic fabula 126. scribens; *Proci Penelopem in coniugium
 petentes venerunt, quos illa conditione ita differt, cum telam
 detexnero, nubam.* Asconius etiam pro Milone ita feri-
 bit; *Itemque telas quæ ex vetere more in atrio texebantur,
 diruerunt.* Ex quibus euidenter constat, non textor-
 rium instrumentum (illud enim nec textitur, nec de-
 textitur) sed stamen potius & subtemen, omnemque
 ex qua vestimentum sit, substantiam simul cõfæde-
 ratam tamdiu telam appellari, quãdiu ea instrumen-
 to textorio cõtexitur. Eoque sensu id in tela esse, hoc
 est telæ nomine contineri scripsit Vlpianus, quod
 cum nondum pertextum aut detextum sit, *contextum*
 appellatur, cuiusmodi stamen est, & subtemé c. 22. de
 auro

auro & arg. leg. Quod ipsum Tertullianus *telarum* appellat *structuram* lib. de pallio. Nec aliò visus est idem Vlpianus respexisse cum lanæ appellationem eatenus extendi scriberet, quoad ad telam peruenisset d. ca. 70 §. 1. Sensus enim est, lana legata, eam lanam non deberi, quæ cum in telæ structura sit, aliis substantiis ad vestimentum texendum præparatis, sic est admixta, ut sine incommodo ab iis nequeat separari. Fortassis ea prorsus ratione lanam non deberi, quæ in tela est, scripsit Vlpianus, qua nec auri nec argenti appellatione electrum contineri idem tradidit, cap. 3. de legat. etiamsi ex auro & argento fœderatum electrū sit, ut suo loco ex Tertulliano demonstrauimus. Et hæc quidem verissima sunt, si modo lana non fuerit tincta. Vlpianus enim apud veteres ait constituisse, versicoloria lanæ appellatione non contineri, & ideo cui lana legatur, id videri legatum, quod tinctum nō est, cap. 70. de leg. 3. A quibus dissentit expresse Paulus ca. 32. §. 5. de auro & arg. leg. eaq; Pauli sententia ab omnibus non videtur recepta, quamuis eam expresse Paulus inter receptas numeret, Sent. lib. 3. tit. 6.

CAPVT XVI.

Damnanda memoria ratio vetus.

EX causa maiestatis, perduellionis, aut ex alia tali causa memoria etiam post mortem damnari solet cap. 6. §. 8. de iniusto, rupto & irrit. test. cap. 32. §. 5. de donat. inter vir. & vxor. cap. 76. §. fin. de leg. 2. Eaque damnatio sic fieri consuevit, ut eius, cuius damnabatur memoria, ex magistratuum albo nomen eraderetur, effigies & statuæ deiicerentur, titūlique luto tegerentur expressa senatus auctoritate. Morem hunc Modestinus, Cicero, Tacitus, Ambrosius

Ambrosius, Lampridius, Suetonius, Capitolinus, & Liuius tradiderunt.; Sic enim scribit Modestinus *Eorum qui relegati vel deportati sunt ex causa maiestatis, statuas detrahendas scire debemus*, capit. 24. de poenis. Et Cicero Philip. 13. *Cuius totus consulatus est ex omni monumentorum memoria reuulsus*. Tacitus annalium libr. 3. *Nomen Pisonis radendum fastis censuit*. Et lib. 5. *At Roma principio anni quasi recens cognitis Liuiæ flagitiis ac nō pridem etiam punitis atroces sententiæ dicebantur in effigies quoque & memoriam eius*. Idem Tacitus sic etiam lib. 11. scribit; *Ac primum in vestibulo effigiem patris Siliij consulto senatus abolitam demonstrat*. Ambrosius de interpellatione lib. 3. cap. 10. *Vide quemadmodum in ciuitatibus bonorum principum imagines perseuerēt, deleantur imagines tyrannorū*. Suetonius de Domitiano mortuo; *Senatus adeo letatus est, ut repleta certatim curia non temperaret quin mortuum cōtumeliosissimo acclamationum genere laceraret, scalas etiam inferri, clypeosque & imagines eius coram detrabi, & ibidem solo affligi iuberet, nouissime eradendos ubique titulos abolendamque omnem memoriam decerneret*. Lampridius in Elagabalo; *Misit qui & in castris statuarum eius titulos luto tegerent, ut fieri solet de tyrannis*. Et paulo post; *Nomen eius, id est, Antonini erasum est senatu iubente*. Capitolinus in Gordianis, *Appellato igitur Gordiano imperatore, iuuenes qui auctores huius facinoris erant, statuas Maximini deiecerunt, imagines perfregerunt, nomen publicitus eraserunt*. Nec arbitror alio referri quod scripsit Scæuola, eum crimine maiestatis à senatu liberatum esse, qui statuas imperatoris reprobatas conflauerit, cap. 4. ad l. Iul. maiest. Si quidem eorū statuas reprobari certum est, quorum memoriæ damnantur senatusconsulto, aut etiam municipalis magistratus decreto. Sic enim act. 4. in C. Verrem scripsit Cicero, *Centuripinorum*

senatus decrevit, populusque iussit, ut quæ statuae C. Verris ipsius & patris, & filij essent, eas questores demoliendas locarent, dumque ea demolitio fieret, senatores triginta non minus adessent. Eamque auctoritatem inde videri possunt magistratus municipales allecuti, quod ab iis locus ponendis statuis causa cognita soleat impetrari cap. 14. de condit. & demonstrat. cap. 2. de loco pub. fruendo. Si enim sine eorum decreto non potuerit in provinciis quisquam statuis honorari, utique & illud recte videtur consequi eorundem etiam decreto iustis de causis deiici ac reprobari statuas potuisse. Morem hunc damnandæ memoriæ ipsi etiam Græci Romano imperio non subditi observarunt. Sic enim apud Liuium de Atheniensibus scriptum inuenio; Rogationem extemplo iulerunt, plebesque sciuit, ut Philippi statua, imagines omnes, nominaque earum, item maiorum eius virilis ac muliebris sexus omnium tollerentur, delerenturque dies festi, sacra, sacerdotes, quæ ipsius, maiorumque eius honoris causa instituta essent, omnia profanarentur, loca quoque in quibus positum aliquid inscriptumque honoris eius causa fuisset, detestabilia esse, neque in iis quicquam postea poni dedicarique placere eorum, quæ in loco puro poni dedicarique fas esset, sacerdotes publicos quotiescunque pro populo Atheniensi sociisque & exercitibus & classibus eorum precarentur, toties detestari atque execrari Philippum, liberos eius, regnumque, terrestres naualesque copias, Macedonum genus omne nomenque; additum decreto, si quis quid postea quod ad notam ignominiamque Philippi pertineret, ferret, id omne populum Atheniensem iussurum; Si quis contra ignominiam, prone honore eius dixisset, fecissetque, qui occidisset eum iure casurum. Hæc Liuius. Ex quo loco si quis persuaferit sibi antiquam hanc dandæ memoriæ rationem Græcis ut alia multa Romanos acceptam tulisse, non video cur is posset reprehendi.

CAPVT XVII.

De Flauij & Cæsaris appellatione.

CONSTANTINVS Imperator qui Flavius appellatus est, noui cuiusdam imperij auctor fuit. Constantinopolim enim *nouam Romam* voluit appellari; Et ita in orbe Romano duæ duorum imperiorum diuersæ fuerunt sedes, vna dicebatur *Roma vetus*; altera *noua Roma*. Vrbs antiqua, vrbs illa Quirini, quæ simpliciter appellari *Roma* solebat, ad differentiam imperij Constantinopolitani, dicta est *vetus Roma*. Et quia hæc duo imperia fere perpetuo coniuncta fuerunt, hinc factum videri potest, vt Imperatores qui Cæsares antea solum dicebantur tandem non *Cæsares* duntaxat, sed etiam *Flauij* appellarentur. *Cæsares* quidem respectu imperij Romani, cuius caput & princeps fuit C. Iulius Cæsar: *Flauij* vero Constantinopolitani imperij ratione, cuius Flavius Constantinus prima iecerat fundamenta. Ait enim Eutropius lib. 10. urbem nominis sui ad tantum fastigium euehere molitum esse Constantinum, vt Romæ æmulam faceret. Idque mirum ei non videbitur qui non ignorat Cyprianum ad Cornelium Papā scripsisse, Augusti vel Cæsaris titulo succedentem honorari progeniem, & Imperatoriæ dignitatis heredes primæ originis irradiari fulgoribus. Vt igitur à C. Cæsare Imperatores Romani *Cæsares*, sic à Flauio Constantino, Constantinopolitani Imperatores *Flauij* dicti sunt. Et quia Iustinianus vtrumque imperium simul obtinuit, hac etiam ratione factum est, vt ille non *Cæsar*, non *Flavius* solum, sed tam *Flavius* quam *Cæsar* his verbis appellare

appellaretur, IMPERATOR CÆSAR FLAVIUS IVS-
TINIANVS, quemadmodū ex iis triumphalibus titulis
constat, qui procæmio Institutionum præfixi sunt.

CAPVT XVIII.

De furiosis & mente captis.

DECEMVIRI genere quodam furorem esse rati sunt
mentis ad omnia cæcitatem, & furiosos, non autem
insanos rerum suarum dominos esse vetat duodecim tabula,
inquit Cicero Tusculanarum quæst. lib. 3. itaque nō
esse in iis scriptum; SI INSANVS, sed SI FVRIO-
SVS ESSE INCIPIT. Sunt igitur decemviris furiosi
qui mente ad omnia cæci sunt. Et sic ad genus furo-
rem referunt quem ad speciem prætores & Iuriscō-
sulti postea traxisse videntur. *Insanos* enim appellant
eos iurisperiti, qui mentem non habent sanam,
quales sunt qui deridenda loquuntur c. 4. in princ. de
ædilit. edict. Eosque sic distinguūt, vt ex insanis alios
contendāt esse furiosos, alios mente captos, siue de-
mentes, §. 2. Instit. de curat. c. 2. de inoff. test. Per *furio-
sos* eos intelligunt qui mēte quidem omnino capti
non sunt, sed quibus mens ita commota est, ita con-
turbata, vt accepta furia, familiari quadam rabie vi-
deantur exagitari, interdum tamen nō sine dilucidis
sanæ mentis inreruallis, eosque Caius *mente insanos*
appellat. Vt enim à furore *furiosus*, sic à furiis *furor*
nomen videtur accepisse. Idque sibi voluit in ea de-
clamatione Quintilianus, cui titulus est. *Ego te pater
occuldi*. Sic enim scribit; *Non sine causa scilicet vetus illa
& antiqua etas tradidit, eos qui aliquid commiserunt, sce-
lus, furiis agitari, & per totum mundum agi*. Quibus
etiam consentaneum illud est quod Hyginus Augu-
sti libertus fabula 107. ad hunc modum scribit;
*Ex quo semel manus inquinavit, inserta sunt illi proutinus
furie*

furie ut hunc hominem palam occideret. Et quia veteres, Cereris ira atque indignatione huiusmodi homines vexari, vel potius à laruis, furiisque vti dictum est, exagitari, & exterreri persuasum habebant, tam *Ceritos laruatósque*, si Festo & Plauto credimus, quam *furiosos* illos appellabant. Cæterum *dementes* vocabant eos iurisperiti, qui omnino mente erant priuati, siue quibus mens non conturbata, sed adempta penitus credebatur, quales sunt planè insipientes, & fatui, quibus ablatus est (vt vtar verbis Quintiliani) rerum omnium intellectus. Atque ita quidem *mente captum* dementem & amentem definiuit Festus. Eaque, ni fallor, ratione dicitur quis mente captus, qua eum qui incedere nequit *pedibus captum* scripsit lib. 3. his verbis Liuius; *Princeps eorum pedibus captus lectica est introlatus.* Appellatione igitur furiosi, à Decemuiris, auctore Cicerone, mente capti siue dementes comprehenduntur, insani non comprehenduntur, Iurisperiti contra sub insanorum nomine furiosos, & mente captos complexi sunt. Nec id mirum! Nam esse vocabula quædam quibus decemuirii generis loco, & iurisperiti contra non generis, sed loco speciei vñ perpetuo sunt, est à nobis Variorum lib. 2. demonstratum. Columella mente captum ad agnatos gentilesque esse deducendum scribit lib. 1. de re rustica, per *mente captum* etiam furiosum intelligens. Certè quod omnes furiosi quodammodo mente capti sint tempore furoris, præsertim si furor tantus sit vt nequeat expiari. Furiosi, ritu solemnè quodam, solent expiari. Sic enim scripsit Festus; *Piari eos veluti proprio verbo ait Verrius, qui parum sunt animati cum mentis sue non sint, & per quædam verba liberantur incommodo.* Eoque arbitror Vlpianum respexisse cum furiosum tutorem iudicemve datum, tunc iudicem scriberet.

ret, tutorémve futurum cum mentis compos factus fuerit cap. 39. de iudic. §. furiosus. Institut. qui test. tut. dari poss. Piationis enim beneficio plerumque méris suæ compotes reddebantur furiosi: Siquæ ad sanam mentem mediò expiationis non redirent, tūc eorum furor in morbi fontici appellationem transibat, & eo nomine omnem iudicandi necessitatem remittebat, eaque vera sententia est cap. 46. de iudic. Hæc piatio circumlacione, hoc est, lustratione fiebat, eiúsque lustrationis auctor mihi Nonius est. Erat etiam sacerdos quæ expiare solebat, eámque *piatricem* appellabāt inquit Festus, & ea quibus in expiando huiusmodi sacerdos utebatur, *piamenta* dicta sunt. Solet etiam huiusmodi piatio porcis fieri, eosque porcos veteres appellasse sacros porcos testis est Plautus in Menechmis his versibus:

——— *Responde mihi*

Adolescens, quibus hic pretiis porci veneunt

Sacres, synceri, numos eos à me accipe,

Inbe te piari de mea pecunia;

Nam ego quidem insanum te esse certo scio.

In hoc Plauti loco Camerarius parum considerate antiquam hanc vocem, *sacres*, vt prorsus ineptam reiecit, & in eius locum, *sacri*, substituit. *Sacres* autem non *sacri* Plautum scripsisse testis euidentissimus est M. Varro, hunc eundem proferens & interpretans Plauti locum lib. 2. de re rustica cap. 1. & 4. Quibus consentaneum omnino est illud eiusdem Plauti in Rudente: *Sunt domi agni & porci sacres*. Hæc de furiosis.

C A P V T XIX.

De libris Institutionum iuris ciuilis, & de Caio.

ALIA mens & intentio scribendarum Institutionum fuit iurisconsultis, alia item Iustiniano.

Illi enim eas scribebant vt huiusmodi institutionibus ciuium dissidentium lites contentionesque sopirentur, & magis fuisse forenses videntur quam scholasticæ, Iustinianus contra instituendæ legum cupidæ inuentutis gratia suas edidit institutiones. Differentiam hanc ex Lactantio didici qui diuinar. instit. lib. 1. cap. 1. ita scribit; *Si quidam prudentes & arbitri æquitatis institutiones civilis iuris compositas ediderūt, quibus ciuium dissidentium lites contentionesque sopirent, quanto melius nos & rectius diuinas institutiones lueris prosequemur, in quibus non de stillicidiis, aut aquis arcendis, aut de manu conferenda, sed de spe, de vita, de salute, de immortalitate, de Deo loquemur?* Et quamuis hæc ita sint, nihilominus tamen ex iurisconsultorum institutionibus, & præcipuè ex Caij tam institutionum quam rerum quotidianarum commentariis, suas institutiones componi voluit Iustinianus. Quisnā autem fuerit hic Caius, & quibus temporibus vixerit, nō est quod amplius dubitetur. Ipse enim Caius sua ætate Alexandrinam quandam mulierem ad Diuum Hadrianum perductam fuisse ait, cum quinque liberis quos vno fœtu enixa erat, cap. 7. in prin. de rebus dub. Et peruenisse eum ad tempora Diui Antonini, hoc est imperatoris Caracallæ multis locis doceri potest, c. 32. in prin. & cap. 42. de donat. inter vir. & vxor. cap. 90. de condit. & demonstrat. cap. 63. §. 5. ad S. C. Treb. cap. 96. de legat. 3.

CAPVT XX.

De optima lege.

INTERDV M re exigente, inquit Pomponius, placuit maioris potestatis magistratum constitui: itaque dictatores proditi sunt, à quibus nec prouocādi ius fuit, & quibus etiam capitis animaduersio data est, cap. 2. §. 10. de orig. iur. Au-

ctor est Linius lib. 2. legem de dictatore latam iubere
 vt consulares dictatorem legerent. Eumque à consu-
 laribus lectum non aliter fieri dictatorem, quam si à
 consule dictator diceretur, testatur M. Varro de ling.
 Lat. lib. 4. Huius de dictatore creando antiquæ legis
 meminit Pompeius Festus, de optimis spoliis disle-
 rens: VT QVI OPTIMA LEGE FVERINT, inquit Festus,
adiici solet cum quidam magistratus creatur. Nam per
 hunc magistratum *dictatorem* intelligi, eo in loco de-
 monstrat idem Festus, in quo sic de optima lege scri-
 bit: *Optima lex illa dicebatur qua in magistro populi facien-*
do quam plenissimum posset, ius esse significabatur, vt fuit
M. Valerij Manij filij, Volusij nepotis, qui primus magister
populi creatus est: Postquam verò prouocatio ab eo magistra-
tu ad populum data est, qua antea non erat, desitum est dici,
 VT QVI OPTIMA LEGE, vtpote *imminuto iure priorum*
magistratum. Hæc Festus. quæ cum essent deprauatissi-
 ma, sic vti hoc loco proposita sunt, ex fastis Capito-
 linis, sicuti etiam historiæ veritatem & auctoritatem
 Lini restituiimus. Sensus autem est in magistro po-
 puli dicendo hæc solemnia verba cōsulem vsurpasse,
 VT QVI OPTIMA LEGE FVERINT, ITA M. VALE-
 RIVM DICTATOREM DICO. & optimam legem eam
 intelligi qua quam plenissimum dictatoris ius esset
 significabatur. Linius scribit lib. 2. sibi nonnullos
 habuisse falso persuasum, M. Valerium Manij fi-
 lium dictatorem primum fuisse, qua in persuasione
 etiam fuisse Festus videtur. Est & alia lex quæ opti-
 mæ legis appellationem etiam habet, eaque virgines
 Vestales capiebantur. Quam legem cum bis *Papiam*
 appellauerit Gellius. lib. 1. cap. 12. nescio qui fiat vt
 eandem postea *Popilium* nominet. Popiliam autem
 legem in Papiam deprauari facilius potuisse, quam
 Papiam in Popiliam quis est qui non animaduertat?

Nam

Nam si ex lege Popilia syllabam *li* abstuleris supererit *Popia*, & tandem ex *Popia* *Popiam* scriptum ab iis videtur potuisse, qui legis Iuliae & Papiae meminerant. Eaque res efficit ut mihi persuadeam de lege Popilia, hoc est Numae Pompilij regis Romanorum Gellium sensisse. Nam cum dixisset Gellius, eos qui literas antiquiores tractant de capienda Vestali virgine nihil quicquam aliud tradidisse, quam eam quae capta prima fuit à Numa rege fuisse captam, indicās se quid amplius inuenisse subiecit: *Sed Popiliam legem inuenimus*, hoc est legem inuenimus, qua ritus sortitudae capiundaeque virginis ita uti à Numa rege est introductus, continetur. Si enim certum est capiundae virginis morem instituisse Numam Pompilium virginisque, ut ait Linius, legisse, utique etiam verisimile est, sortitionem praecipuum capiendae virginis ritum ab eodem rege excogitatam primum fuisse; atque ita per *Per legem Popiliam* Numae Pompilij legem recte apud Gellium intelligi posse. Quid igitur inquires, nihilne à Popilia, lex Popilia differt? Profecto non magis quam à foro Popilij differt Pompilij forum. Pompilij enim & Popilij forum, idem forum esse Valerius Probus auctor est, qui has notas I. Fo. Pop. sic interpretatus est *In Foro Pompilij* alias *Popilij*. Sic §. i. Institut. de eo cui libert. caus. bo. addic. *Pompilius Rufus*, aliàs *Popilius Rufus*. Ut ut sit hoc saltem constat hanc legem etiam legem optimam pontifices appellasse, cum in virgine Vestali capiēda hac formula solemniter uterentur: SACERDOTE. VESTALEM. QVÆ. SACRA. FACIAT. QVÆ. IVS. SIET. SACERDOTE. VESTALEM. FACERE. PRO. POPULO. ROMANO. QVIRITIBVS. VTI. QVÆ. OPTIMA. LEGE. CAPTA. FVIT. ITA. TE. AMATA. CAPIO. Huius formulæ hæc est sententia; Ego te amata sacerdotem

Vestalé ita capio, vti aliqua Vestalis virgō per optimam legem, hoc est per legem Popiliam capta fuit. Et sic quidem duæ videntur fuisse leges diuersæ, quæ à veteribus optimæ dicebantur: vnà qua dictator à consule dicebatur, altera qua Vestalis virgo capiebatur. Dicunturque optimæ leges ea prorsus ratione qua sic de optimo iure scripsit Philippica nona Cicero: *Vti quod optimo iure publicè sepulchrum datum esset.* Cui & illud etiam adiungi potest quod ita de Claudio imperatore Seneca scribit; *Censeo vt Diuus Claudius ex hac die Deus fiat, ita vti ante eum quis optimo iure factus sit.* Et quemadmodum virginibus Vestæ quasi proprium fuit vt optima lege capi dicerentur, eo quod alia ratione nulla ad huiusmodi sacerdotium admitti soleant, sic quoque dictatoribus fuisse videtur peculiare, & plane proprium vt à consularibus legerentur, lectique optima lege dictatores à consule dicerentur. Eosque magistros populi appellatos fuisse præter Festum testatur Varro de ling. Lat. lib. 4. & Seneca Epistol. libro decimo nono. *Præterea notat, inquit Seneca, eum quem nos dictatorem dicimus, & in historiis ita nominari legimus apud antiquos Magistrum populi vocatum. Hodieque id extat in Auguralibus libris, & testimonium est, quod qui ab illo nominatur, magister equitum est.* Illud etiam his omnibus adiungi potest, sorte interdum dici ab altero consulum dictatorem consueuisse, cuiusque sortitionis expressè Liuium meminisse lib. quarto, *Sors, inquit Liuius, vt dictatorem diceret (nam ne id quidem inter collegas conuenerat)*
T. Quintio euenit.



INDEX RERVM

ET VERBORVM, MAXIME

MEMORABILIVM, QVÆ

tribus hisce Coniectaneorum
libris continentur.

A

A ccia Caesaris Augusti mater ob maculam corporis, Draconem representantem, à balneis publicis abstinuit.	42
in Accusationis metu fugientibus quid olim observatum.	
32.33	
Actum gerere dicuntur gladiatores & saltatores.	50
per Actum quid veteres intellexerint.	50
ad Actum gerendum se vendere quid sit.	51
Actuosi qui dicti.	50
Acus quid.	65
Ædificatum illicite quid dicatur.	90
Ædificium dirutum neglecto altitudinis usitato modo struere volentis poena.	90
Ædificiorum altitudini modus Roma præscriptus.	89
Ædificiorum altitudinis modus ubi observetur.	91
Ædificiorum culmina quæ.	96
Ager amœnus & virens pascuis inter loca statuiis opportuna numerandus.	80
Ancillam appellare & flagitare differunt.	9
Antecessores & sectatores relativa.	53
Antecessorum officium.	52
Apophoreta data à Vespasiano viris saturnalibus, sceminis verò Calendis Martiis.	77

INDEX RERVM.

<i>contra Appellatores ancillarum quæ detur actio.</i>	9
<i>Aqua ductus quo modo fiant.</i>	57
<i>Aqua rivis duci quæ dicatur.</i>	58
<i>Aratrum in quam civitatem induci, & quando circumduci aratrum dicatur.</i>	47
<i>Arcis vocabuli apud Varronem explicatio.</i>	2
<i>Archium, atrium libertatis dictum.</i>	6
<i>Archium quid vocet Vlpianus.</i>	7
<i>Archium, archium synonyma.</i>	7
<i>Area quid.</i>	39
<i>in Areis quid proprie fiat.</i>	39
<i>Armamentarium Liniio quid.</i>	16
<i>Arma domi habere non cuius olim licitum.</i>	16
<i>Armorum faciendorum privatis hominibus auctoritas olim nulla.</i>	16
<i>Armorum custos quis.</i>	16
<i>Armorum usus quando privatis hominibus adimi cœptus.</i>	
17	
<i>Atrium libertatis apud Romanos.</i>	7
<i>Attellani in fabulis olim propriè personati dicti.</i>	13
<i>Auctionarij ad actum gerendum qui se olim soliti sint.</i>	50
<i>Auspicia patriciorum in duas potestates olim diuisa.</i>	1
<i>Auspicia maiora quorum magistratuum olim fuerint, quorum minora.</i>	1
<i>Auspicia maiora & minora unde nomen habeant. i. & quomodo inuicem differant.</i>	3
<i>Auspicia retinere, turbare, & viciare qui dicantur.</i>	4

B

B <i>Alneum & lauatio à privatis hominibus testamento in perpetuum gratuita relinquuntur.</i>	41
<i>Balnea olim publica & priuata.</i>	40
<i>Balnea certis quibusdam nummis annuis locantur.</i>	ibid.
<i>Balnea</i>	

INDEX R E R V M.

<i>Balnea propria qui Romani habuerint.</i>	42
<i>Balneorum cura penes quos apud Romanos fuerit.</i>	42
<i>Balnearia res, quadrantaria dicta.</i>	40
<i>Bona gratia, amicabile separatio, bona venia synoni-</i> <i>ma.</i>	5
<i>Bos in foro boario tertiam contignationem scandens, terri-</i> <i>tus habitatorum tumultu sese deiecit.</i>	88

C

C *Adauera quibus rebus olim exornari consueuerint.*
26

Cæsares cur sic dicti. 99. & quando ita appellari cœperint.
ibid.

Caius Iurisconsultus quis fuerit, & quo tempore vixerit.

103

Calende Martie cur Matronalia dictæ. 77

Calende martie à matronis olim celebrata, quod eo die In-
nonis Lucine ades coli cœpta sit. 77

Calendis Martijs accipi & dari solent munera. 77

Camillum quid. 89

Candidatorum officium. 52

Canistrum apud Suidam quid. 90

Carceris effractura, vis publica. 7 & 8.

Carceris effractura quando facta intelligatur. *ibid.*

Carcerum effractoribus qui adnumerentur. *ibid.*

Carcerum effractorum pœna. *ibid.*

Carnifices speculatores interdum dicti. 102

Carnificibus olim vestimenta rei damnati & supremo affe-
cti supplicio inter se diuidere licitum. 102

Centurionis officium, quando de reo supplicium sumendum.

101

Ceriti qui dicti. 101

Circus maximus quid olim dictum. 31

X x x 5

Ciuuitatis

INDEX RERVM.

<i>Ciuitatis deditio Modestino.</i>	48
<i>in Ciuibus nimia paupertate laborantibus qui mos olim obseruatus.</i>	67
<i>Cognitio de praeceptorum mercedibus cuius magistratus olim fuerit.</i>	20. 21
<i>Coloniarnm deductores quales ritus olim usurpauerint.</i>	46.
	47
<i>Coniectarium quid.</i>	27
<i>Coniectio quid.</i>	27
<i>Constantinopolim Constantinus nouam Romam appellari voluit.</i>	99
<i>Consules , praetores & censes quibus auspicijs creari olim soliti.</i>	3. 4
<i>per Contignationem tertiam quid significetur.</i>	90
<i>Contignationum trium altitudo ab Augusto concessa.</i>	90
<i>Cumera quid veteribus.</i>	89
<i>Curiales iudices qui.</i>	87
<i>Curia offerri qui dicantur. 87. Curia remoueri qui.</i>	ibid.
<i>Curulis sella quibus concessa curiam intrare & sedere inter senatores licitum.</i>	85
<i>Curulis sella ponenda ius habentes , tribunal ascendendi potestatem habent.</i>	84
<i>Custodiam catenati ordinis Hilarins quomodo acceperit.</i>	8

D

D <i>Ecurias vendere quid.</i>	74
<i>Delubrum Cornelio Frontoni quid.</i>	92
<i>Dementes iuriconsultis qui.</i>	101
<i>Dictator sorte interdum à Consule dictus.</i>	106
<i>Dictatores magistri populi dicti.</i>	106
<i>Dictatores quomodo olim facti.</i>	104
<i>Dictatorum proprium.</i>	106
<i>Diuortium quomodo fiat.</i>	5
	Diuor

INDEX RERVM.

Diuortium quod propter sacerdotium fit , de quo intelligatur sacerdotio. 6

E

E *Xaugurari que loca dicantur.* 63.64
Exercitus ducendi modus antiquus. 79
ob Exercitus transitum conferri quid à rusticis solet ex fructibus. 78.79

F

F *Abula olim personata & non personata. 12. 13. utraque quomodo exhibita.* ibid.
per Fabulas antiquas quid Iustinianus significarit. 72.
 73

de Famosis scriptis dictisque diuersæ in 12. tab. leges. 31.

32

Ferrum quid Mariano denotet. 17
Filius verus quis. 15
Filius adoptiuus quis. 15
Filius familias cur in sacris esse & sacrorum familiaque haberes dicatur. 56
Flagitium veteribus quid. 9
Flagitare idem quod stuprare. 9
Flauii cur Cæsares appellati. 99
Flauij quando cœperint sic appellari. 99
Forum Popilij & Pompilij idem. 105
Fron dator quis dicatur. 43
Fundi usum habenti quibus uti liceat. 42
Furiosus unde dictus. 100
Furiosi Iurisconsultis qui. 100.101
Furiosi decemuiris qui. 100
Furiosi veteribus qui. 101
Furoris & furiosi notatio. 100
Furti verbo surreptio continetur. 9

Ganeum

INDEX RERVM.

G

G <i>Aneum</i> quid.	24
G <i>Grammatophylacium Vlpiano</i> quid.	6

H

H <i>Ereditas sine sacris</i> , prouerbium.	57
H <i>Hodie</i> vocabuli in pœna legis <i>Corneliae</i> explicatio.	29
<i>Homicidij</i> pœna definitur.	28.29. & 69
<i>Homicidij</i> pœna <i>vetus</i> & <i>hodierna</i> quæ.	29
<i>Homicidarum</i> pœna aliquando <i>crux</i> .	29

I

I <i>Mperatoris imago</i> quomodo <i>portari solita</i> .	44.45
I <i>Inaugurari</i> quæ <i>loca</i> <i>veteribus dicta</i> .	64
<i>Index</i> quid.	28
<i>per Indicem</i> <i>exponere causam</i> quid.	28
<i>Infanticidij</i> pœna.	69
<i>Infantes sanguinolenti</i> qui.	30
<i>Insani</i> qui <i>dicti Iureconsulti</i> .	100
<i>Insanorum diuersitas</i> .	100
<i>Institutiones</i> quæ <i>mente Iustinianus conscripserit</i> , & <i>qua Iurisconsulti</i> .	102.103
<i>Institutionum diuinarum</i> & <i>iuris ciuilis comparatio</i> .	103
<i>Index</i> <i>datus furiosus</i> quando <i>index</i> <i>esse possit</i> .	102
<i>Indices maiores</i> & <i>minores</i> <i>apud Rom.</i>	84
<i>Indices pedanei</i> qui <i>olim dicti</i> .	85
<i>Indices</i> <i>dati</i> an <i>præfuerint iurisdictioni</i> , & an <i>apud eos postulatum sit</i> .	85.86
<i>Indices municipales</i> etiam <i>pedanei dicti</i> . 87. & <i>cur</i> .	87
<i>Iurisconsulti</i> <i>nomen</i> quando <i>studiosi olim habuerint</i> .	55
<i>Iurisdictioni</i> qui <i>præfuerint olim</i> .	85
<i>Iurispe</i>	

INDEX RERVM.

<i>Iurisperitorum apud Romanos differentia multiplex.</i>	52
<i>Iurisprudentie appellatio duplex.</i>	53
<i>Iurisprudentialiam cur studium appellari Vlpianus.</i>	53
<i>Iuris magistri veteres, sapientes dicti.</i>	54
<i>Iuris professores cur Sophista appellentur.</i>	54
<i>de Iure respondere quos passus sit Augustus.</i>	55
<i>in Ius qui vocari possint, necne.</i>	5
<i>Ius dicere volenti supra iurisdictionem suam, impune non paretur.</i>	87
<i>Iustinianus cur Caesar & Flavius dictus.</i>	99

L

L <i>Actaria columna quid,</i>	31
<i>Lana, quæ in tela est, an debeatur.</i>	95
<i>Lana legata, quid legatum videatur.</i>	96
<i>Lana quæ mulieres deditæ.</i>	95
<i>per Lanam quid significetur.</i>	95
<i>Lararium qualis locus.</i>	56
<i>Larvati qui olim dicti.</i>	101
<i>Lauari quando olim solitum.</i>	40
<i>Lauari quadrante olim solitum publicè.</i>	40
<i>Legis Fusie Caninie & legis Elie Sentie diuersitas.</i>	38
<i>Legis 38. de iniurijs explicatio.</i>	44
<i>Lex Fusia Caninia quid cautum.</i>	37
<i>Leges due à veteribus optime dictæ.</i>	205. 106
<i>Leges optime cur sic dictæ.</i>	ibid.
<i>Lex Fusia Caninia diuersimode appellata.</i>	36
<i>Lex Fusia cur Caninia dicta.</i>	37
<i>Lex Fusia Caninia quando lata.</i>	36
<i>Lex optima quæ dicta.</i>	103. 104
<i>Lex Papia & Popilia Gellio eadem.</i>	105
<i>Libertini definiuntur.</i>	14
<i>Libertini significatio apud Iabolenum.</i>	16
	Libert

INDEX RERVM.

<i>Libertini significatio apud Iabolenum.</i>	16
<i>Libertini iure veteri qui.</i>	14
<i>Libertini manumissione vel natiuitate fieri soliti.</i>	15
<i>Libertino filius verus opponitur.</i>	16
<i>Libertinorum significatio varia.</i>	14
<i>Libertorum ingratorum poena.</i>	21.22
<i>in Libertos ingratos cui animaduertere olim licitum.</i>	22
<i>Ligna cocta quæ.</i>	58
<i>Litui apud veteres significatio.</i>	2
<i>in Luctu viri toga pulla, mulieres lugubri stola vtuntur.</i>	34
<i>Ludi piscatorii quotannis mense Iunio trans Tiberim fieri soliti.</i>	12
<i>Ludos designati magistratus populo Romano exhibere soliti.</i>	10.11
<i>Lugere quomodo consueuerint matronæ Romanæ maritos, & mariti uxores.</i>	35
<i>Lugentes à quibus abstinere, & quibus vri debeant.</i>	34
<i>Lugentibus quid olim moris fuerit.</i>	35

M

M <i>Agistratus populi Romani maiores & minores qui, & cur sic dicti.</i>	1
<i>Magistratus maiores à minoribus quomodo dignoscantur.</i>	3
<i>Magistratus minores quomodo creari soleant.</i>	3
<i>Magistratus soli ius dixerunt apud Rom.</i>	86
<i>Magistratus Rom. populi maiores operam duobus modis postulationibus dare soliti.</i>	19
<i>qui Magistratus olim prehensionem habuerint, qui vocationem populi viritim.</i>	86.87
<i>Magistratuum creandorum differentia antiqua sublata.</i>	4
<i>Magistratuum maiorum & minorum differentia apud Iurisconsultos.</i>	4.5
<i>Magi</i>	

INDEX RERVM.

<i>Magistri qui olim.</i>	66
<i>in Magistro populi dicendo qua verba adhibita.</i>	104
<i>Manumissionis effectus.</i>	13
<i>Manumitti qui olim soliti. 13. & manumissi quomodo di-</i>	
<i>cti.</i>	13
<i>Materfamilias sine comite in publicum non prodit.</i>	64
<i>Matrimonium bona gratia quodnam dissolui dicatur,</i>	5
<i>Matrimonio qui coniungebantur, larem matrimonio olim</i>	
<i>collocabant.</i>	55
<i>Matrona lana reique textoria cum ancillis & servis ope-</i>	
<i>ram dare solent.</i>	94
<i>Matronae olim ornatrices proprias habuere.</i>	64
<i>Matronarum comites quo nomine dictae.</i>	65
<i>Memoria quando post mortem damnari solita.</i>	96
<i>Memoria damnanda mos apud Gracos etiam observatus.</i>	
98.99	
<i>Memoriae damnanda modus.</i>	96.97
<i>Mente captus quis.</i>	101
<i>Messium & arearum tempus coniunctum.</i>	39
<i>Miles ex carcere dato gladio erumpens capite punitur.</i>	8
<i>Militi in carcerem coniecto custos olim adiunctus.</i>	8
<i>Milites exauctorati cur arma deponere olim iussi.</i>	17
<i>Milites causas defendere nequeunt.</i>	24
<i>Militiae vinculum religio dicitur.</i>	25
<i>Militiarum species olim variae.</i>	73
<i>Militare qui olim soliti.</i>	73
<i>Minerva olim in scholis, ludis litterarijs & gymnasijs culta.</i>	
19	
<i>Moris definitio à Sexto Pompeio tradita 83. ab Ulpiano.</i>	
<i>ibid.</i>	
<i>Mores iuri scripto contrarij,</i>	83
<i>Mores prophanis rebus opponi, & sacris accommodari so-</i>	
<i>lent.</i>	83
<i>Mortui cum vestibus olim cremati, post sepulti.</i>	25
	1105

INDEX RERVM.

<i>Mos Varroni quid.</i>	83
<i>Mulier vim inferens visceribus quo partum abigat , legi</i>	
<i>Cornelia obnoxia.</i>	69
<i>Mulier post diuortium vim inferens visceribus temporali</i>	
<i>exilio mulctatur.</i>	70
<i>Mullei genus calceorum , quibus reges Albanorum primi,</i>	
<i>deinde patricij vfi sunt.</i>	80.81
<i>Munera vocabuli apud Capitolinum intellectus.</i>	11
<i>Munera solemnia , qua parentibus cognatisque mitti so-</i>	
<i>lent, quo sensu accipienda apud Paulum cap.2 2. §. 3.</i>	
<i>de administ.& peric.tut.</i>	77
<i>Municipibus ob leuissimas causas Romana ciuitas adimi</i>	
<i>solita.</i>	48

N

N <i>Atalem suum Romani celebrare soliti.</i>	75.76
<i>Natalem diem testatores nonnulli etiam post mortem</i>	
<i>celebrari voluerunt annuis in eam rem diuisionibus loco</i>	
<i>munerum testamento relictis.</i>	77
<i>Natalitijs ferijs munera olim data.</i>	76
<i>Nefastus qui dictus.</i>	68
<i>Neronis tumultus varijs floribus ornatus.</i>	45
<i>Nervæ Iurisconsulti derisus, quod per fenestram monstraue-</i>	
<i>rat , servos detentos ob pensionem liberari posse.</i>	78
<i>Nuptialis muneris offerendi mos antiquus. 88. hodiernus.</i>	
89	
<i>Nuptiarum definitio à Modestino tradita.</i>	55
<i>Nuptiarum ius vetus.</i>	61

O

O <i>Nera dignitatis Vlpiano quid significant.</i>	11
<i>Operis novi nuntiatio quando competat. 90. eius an-</i>	
<i>toritas quanta.</i>	ibid.
	ad

<i>ad Opera rustica quid referatur.</i>	42
<i>Ornamenta cum corporibus olim non condita.</i>	26

P

P <i>Annicularia ad quem pertineant.</i>	93
<i>Paragraphus, plebs autem. Instit. de iur. nat. gent. & civ. explicatus.</i>	28
<i>Paragraphi primi l. 16. de his quæ ut indig. intellectus.</i>	44
<i>Paricium imponere Neratio quid.</i>	58
<i>in Partibus sanguinolentis expositis quid olim observatum.</i>	
30	
<i>Patricij qui appellati fuerint.</i>	80
<i>Patricij qui Iustiniani sæculo dicti fuerint.</i>	82
<i>Patricij minorum gentium qui fuerint, incertum.</i>	81
<i>Patriciorum olim duæ species.</i>	ibid.
<i>Patriciorum interpretatio triplex.</i>	80
<i>de Patricijs minorum gentium auctoris coniectura.</i>	81
<i>in Patronis paupertate laborantibus mos observari olim solitus.</i>	50
	23
<i>Pecora quibus alantur.</i>	42
<i>Peculij significatio.</i>	79
<i>Pedaneus index rerum obtorto collo ad se trahi patiens, iurisdictionis suæ limites excedit.</i>	36
<i>Pedanei indices qui.</i>	87
<i>Pedibus captus qui dicatur.</i>	101
<i>Penetræ qualis locus.</i>	56
<i>Persona quid olim in fabulis.</i>	13
<i>Piaculum diuersæ significationis est.</i>	70
<i>Piamenta quæ.</i>	102
<i>Piationis beneficio furiosi mente compotes facti.</i>	102
<i>Piatrix quæ olim dicta.</i>	ibid.
<i>Porci sacri qui dicti.</i>	ibid.
<i>Postulare Iuriconsultis quid.</i>	85

INDEX RERVM.

<i>Præceptores Romanarum puellarum qui.</i>	66
<i>Præceptores, quibus olim debita non soluebantur mercedes, extra ordinem audiri.</i>	19
<i>Præceptoribus quæ mercedes debeantur. 18. & quando ex- solui olim solite.</i>	19
<i>Prætor, apud quem in transitu manumitti potest, qui in- telligatur.</i>	12
<i>Prætor duobus modis in theatrum ludorum causa prodire solet.</i>	12
<i>Prætor habitu triumphali ludis Circensibus præsidere solitus.</i>	12
<i>Prætor ordine adiri & sine ordine apud Rom. solitus, & quando.</i>	19. 20
<i>Prehensio olim tribunorum plebis.</i>	5
<i>Principes natalem suum celebrant.</i>	75
<i>Privati an Iurisdictioni præsent.</i>	86
<i>ad Processus viri quid donatum videatur.</i>	51
<i>à Procuratorio onere quis excusetur.</i>	25
<i>Proletarij ac capite censi signandis testamentis adhiberi olim nequiere.</i>	67
<i>Puella comata dicta.</i>	65
<i>Puellis viripotentibus cuius arbitrio olim nubere licitum. 60. & cuius hodie.</i>	61

Q

Q <i>Vadrata Roma qualis locus.</i>	46
<i>Quæstores Candidati munera populo dare ab Ale- xandro iussi.</i>	10. 11
<i>Quinquatrus Sexto Pompeio quid.</i>	19

R

R <i>Egula quid.</i>	27
<i>Rei à quibus abstineant, & quibus utantur.</i>	34
<i>Religionis beneficium procuratorem à susceptione iudicis ex- cusat.</i>	24
<i>Reli</i>	

INDEX R E R V M.

<i>Religionis causa coire quid.</i>	91
<i>Religionis mos antiquus.</i>	91
<i>Religionis causa populus coire non prohibetur.</i>	91
<i>Reus ad pedaneum iudicem tractus eximi sine fraude potest.</i>	86
<i>Ritu Sabino qui cincti fuerint olim.</i>	47
<i>Roma vetus quæ: & quæ noua.</i>	99
<i>Romani res laude dignas quo modo posteris reliquerint.</i>	38
<i>in Romano orbe duæ duorum imperiorum diuersa sedes.</i>	99

S

S <i>Acrarium qualis locus.</i>	56
<i>Sacra publica & priuata Romani curiosissimè administrarunt.</i>	56
<i>Sacrorum euocatio quomodo olim facta.</i>	63
<i>Sacrificium penetrale quod.</i>	56
<i>Scenici famosi.</i>	13
<i>Serui qua conditione olim in pistrinum dedi consueuerint.</i>	62
<i>Simplones qui.</i>	24
<i>Simplariarum venditionum significatio Pomponiana.</i>	24
<i>Sophistarum & antisophistarum officium.</i>	52
<i>Speculatores qui, & eorum officium.</i>	92.93
<i>Statue eorum reprobantur, quorum memorie damnantur senatusconsulto, aut magistratus & municipalis decreto.</i>	97
<i>Statue decreto magistratus municipalis iustis de causis deiici ac reprobari possunt.</i>	98
<i>Statuis ponendis locus à magistratibus causa cognita solet impetrari.</i>	98
<i>Studioforum apud Romanos officium.</i>	52
<i>Sulci quo loca murorum designabantur olim appellatio propria.</i>	46
<i>Sulcus primigenius quid.</i>	ibid.
<i>Synopsis quid.</i>	27

INDEX RERV M.

T

T <i>Abularij significatio.</i>	6
T <i>Tela nomine quid contineatur.</i>	95
<i>Tela quæ mulieres deditæ.</i>	95
<i>per Telam quid denotetur.</i>	95
<i>Templum quid, & quomodo olim factum.</i>	1
<i>Templum verbis solennibus in arce effari consuetum.</i>	2
<i>in Templi meta describenda auguris solemnitas.</i>	2
<i>Templorum minorum definitio.</i>	3
<i>Templorum maiorum & minorum differentia.</i>	3
<i>in Templis faciendis adhibitorum verborum explicatio.</i>	3
<i>Tesca quæ vocata olim.</i>	1
<i>Testes classici qui & cur alligati dicti.</i>	67
<i>Testes, qui signandis testamentis adhibebantur, cur Classi-</i>	
<i>cos appellauerit Festus.</i>	67
<i>Textura omnis ex quo constet.</i>	95
<i>Titiones & alia ligna cocta cui rei adnumerari debeant.</i>	58
<i>Toga pulla Ciceroni quid.</i>	34
<i>Transenna significatio.</i>	78
<i>per Transennam monstrari quid dicatur.</i>	78
<i>Tribunal ascendendi ius habentes sella curuli uti possunt.</i>	84
<i>Tribunal ubi est, ibi quoque fasces.</i>	84
<i>Tribunus qualis magistratus.</i>	4
<i>Tribuni plebis non in tribunalibus aut sellis curulibus, sed in</i>	
<i>subsellis olim consedere.</i>	21
<i>Tunica Christi inconsuta totaque à summo contexta.</i>	95
<i>Tusculus vicus qualis locus Romæ.</i>	49
<i>Tutor furiosus quando tutor esse possit.</i>	102
<i>Tutor an munus nuptiale matri vel sorori pupilli mittere</i>	
<i>possit.</i>	88

V

V <i>Endere in assem quid.</i>	60
<i>Versicoloria lane appellatione non continentur.</i>	96
<i>Vestis</i>	

INDEX RERVM.


<i>Vestis squalida & lugubris differunt.</i>	34
<i>Viatores qui appellati.</i>	73
<i>Virgines Vestales qua lege captæ.</i>	104
<i>Virginum Vestalium proprium.</i>	106
<i>Vispelliones qui,</i>	63
<i>Vispelliones à vespillonibus diversi.</i>	63
<i>Urbare quid.</i>	46
<i>Urbum quid.</i>	46
<i>Urbs unde dicta.</i>	ibid.
<i>in Urbe condenda quid adhiberi consuetum.</i>	45.46
<i>in Urbibus condendis & euertendis mos apud Romanos</i>	
<i>idem.</i>	46
<i>in Urbibus condendis qui ritus observatus.</i>	45
<i>Usufructuarius canales structiles imponere parieti non potest, nec ita riuo parieti imposito aquam nouam ducere, neque item nouum tectorium parieti imponere.</i>	§ 8
<i>Usufructuarius quo iure meliorem domini sui causam facere possit.</i>	§ 8
<i>Usufructus ciuitati relictus qua diminutione capitis extinguatur.</i>	47
<i>Vulgo concepti seu quesiti qui dicantur.</i>	43
<i>Vulgo quesiti matrem sequuntur.</i>	43.44
<i>Vulgo quesiti spurij aut nothi dicuntur.</i>	44
<i>Vulgo quesita filia à patre naturali uxor duci nequit.</i>	43
Z	
<i>Zona sub ratione pannicularia non continetur.</i>	93

F I N I S.









A FD/938

UNIVERSIDAD DE SEVILLA



600711195

i 27851801



Manuscript

F. D.
138